

PHYSICA DIVINA



ANDRÆ RÜDIGERI
Phil. & Med. D.

PHYSICA DIVINA,
RECTA VIA,

Eademque

INTER SUPERSTITIONEM
ET ATHEISMUM

MEDIA,

AD UTRAMQUE HOMINIS FELICITATEM,
NATURALEM ATQUE MORALEM,
ducens,

In


PRÆFATIONE RESPONDETUR OBJECTIONIBUS PROFESSORIS
cujusdam Lipsienſis,

&

APPENDICIS LOCO ADJECTA SUNT MONITA DOMINORUM
Censurorū, cum Reſponſionibus Auctoris.

Accesſit

Index locupletissimus.



FRANCOFURTI AD MOENUM,
TYPIS MATTHIÆ ANDRÆ,
M DCC XVI.

Cic. de Nat. Dcor. Lib. II. C. II.

*Opinionum commenta delet dies,
naturæ judicia confirmat.*

Bayerische
Staatsbibliothek
München

ILLUSTRISSIMO *atque* EXCELLENTISSIMO
COMITI *ac* DOMINO,
DOMINO

JACOBO HEINRICO,
SACRI ROMANI IMPERII COMITI
DE

FLEMMING,

POTENTISSIMI REGIS POLONIÆ
ET ELECTORIS SAXONIÆ,
MAGNÆ LITHUANIÆ STABULARIO,
REIQUE TORMENTARIÆ


REGNI POLONIÆ
PRÆFECTO GENERALI,
SUPREMO CAMPI MARE-
SCHALLO,

CONCILII SANCTIORIS STATUS
CONSILIARIO INTIMO,
EJUSDEMQUE

BELLI PRÆSIDI,
DUCATUS ULTERIORIS POMERANIÆ
MARESCHALLO PROVINCIALI HÆREDITARIO,
ORDINIS JOHANNITICI COMMENDATORI,
ut & ELEPHANTICI & S. ANDRÆ
EQUITI,

Dynastæ in Slavvenzig, Schlabozevice
& Wolizyn, & reliqua.

DOMINO MEO GRATIOSISSIMO.



ILLUSTRISSE
ATQUE
EXCELLENTISSE
SACRI ROMANI
IMPERII
COMES,



AD TUOS pedes, qui
toties hostilem concusse-
runt agrum, ad manus,
quæ pluries fugacibus im-
minuerunt hostibus, ad faciem denique
TUAM

TUAM ignei vigoris, Divinæque
 mentis palatium, mirabuntur posterī,
 accessisse librum timidum, suspicacem,
 è patria sua exulem. Mirari desinent,
 quando, evolutis historiarum monu-
 mentis, intelligent, Divinam istam men-
 tem, vegetissimi corporis augustum præ-
 fidem, sacra sua membra in hostium per-
 niciem, patriæ salutem, Regisque Po-
 tentissimi fidem usque adeo animâsse, ut
 post Deum, Regemque Potentissimum,
 nemo sit, cui plus salutis suæ debeant ci-
 ves, quam ILLUSTRISSIMÆ
 TUÆ EXCELLENTIÆ togatis
 sagatisque meritis. Unde etsi neminem
 nostrum, nisi forte propriæ salutis sit
 ignarus, fore existimo, qui non TIBI de-
 votif-

votissimas pro salute sua pectore animoque habeat grates, pium tamen est, coram quoque easdem persolvere. At quomodo agamus TIBI, quas debemus, ne curas patriæ, multisque aliis regnis, salutare atque proficuas turbemus? Invidenda apud ILLUSTRISSIMAM TUAM EXCELLENTIAM librorum libertas est, quibus etsi Illustrissimæ TUÆ menti nihil sit opus, rerum tamen, leviorum quoque, TIBI quæ pridem cognitarum, moneri interdum gestis, & hac intentione levidenses etiam, id est harum, quæ devotissimâ jam offeruntur mente, similes versas paginas, cum memineris, in rebus mediocribus interdum & olitorem opportuna locutum.

Accipe

Accipe quapropter, quas communis patriæ, omniumque bonorum nomine, habet gratias auctor libri, qui otii, quo ad scribendum eum gaviscus est, non minimam partem **ILLUSTRISSIMÆ TUÆ EXCELLENTIÆ** jure meritoque tribuit. Quantum **TIBI** debeamus, omnes novimus, norunt exteri, maxime hostes nostri. Sed plura tamen Deo, Regique Potentissimo debemus, qui **TE** nobis indulserunt, **ILLUSTRISSIMA**que **TUA EXCELLENTIA** nobis prospexerunt. Faxit Summum Numen, ut tamdiu nobis supersis, vivasque & vigeas, ringentibus nostris inimicis, salutemque nobis nostram invidentibus, donec gratiarum debito



bito fuerimus defuncti: cui si Deus benigne annuat voto, dubio procul Immortalis es futurus. Perge consiliis firmare Rempublicam, perge terrori esse hostibus, civibus solatio, eruditis praesidio, Gratiaeque TUÆ aliquem radium etiam demitte in exigui hujusce libri

Humillimum auctorem.

PRÆ-




PRÆFATIO

AD

LECTOREM,

De Inscriptione Libri.

§. I.



E arrogantiùs dictam putes Physicam
Divinam, moneo, nullo alio respectu
Divinam dici, quam ut mechanica, hodie scire per totam Europam floren-
ti, jamque paulatim marcescenti, in-
telligas esse oppositam. Sunt enim
principia mechanicorum *αὐτοκρᾶτος*,
qua suis ipsorum viribus, non aliunde haustis, agunt :

Vid. Lib. I. C.
1 §. 159. seqq.

figura quippe & motus tales sunt qualitates, qua à corpo-
re solido, quomodocunque concepto, abesse nequeunt : adeo
ut, si omnis hujus universi ornatus à figura atque motu
dependeat, corpuscula quocunque modo concepta, hunc si-
derum positum, hunc admirabilem ordinem, hanc finibus
suis sibi invicem respondentium rerum harmoniam, hac or-

X

ganica

ganica vegetabilium animaliumque corpora, effecerint, & extra oleas vagatus videatur Anaxagoras, præclaris istis corpusculis hæc intelligentia opera derogans, & τῷ διακρίσειν, Deum nempe, introducens.

§. 2. Equidem Christiani nostri mechanici Deo honorem creata, & in vorticem acta, materia plerumque relinquunt; sed quis paulo emunctioris naris non intelligit, precario ista sumi, & si materia statuatur esse æterna, & loco motus vorticalis attribuitur materie essentialis atque naturalis quadam gravitas, non esse amplius in tota rerum natura, quod Deo attribuamus. Neque vero ulla solida ratione constat, materiam non posse esse ab æterno, nisi prius liqueat Deum existere; sic enim demum firmiter concluditur materia, non esse ab æterno, sed à Deo. At quomodo constabit, esse Deum, nisi intelligamus, ea esse natura phenomena, ut à principiis ἀναισθητικῶν dependere omnino nequeant, sed eorum effecta sint, quæ à Deo acceperint qualitates atque potentias, semetipsis majores? Noli recurrere ad motum, quippe qui, secundum Cartesii mentem, ejus est natura, ut dummodo semel occiperit, ἀναισθητικῶν in æternum moveri pergat: unde & qualibet causa finita hoc idem præstare potuisset: ut adeo & hinc agnosci Deus haud possit, sed precario ejus sumatur existentia: quam precariam sumtionem, si quis exemplo Spinoza respiciat, erroris convinci ex connexionione philosophiæ mechanica haud potest. Nostra quapropter principia Divina sunt, hoc est, ad quæ concipienda & Deus sumendus, & ex quibus conceptis, idem agnoscendus est: cæterum vide, quæ suo loco de hoc argumento differui.

Hi-

Historia inventionis novorum principiorum.

§. 3. *Nova sunt, quæ hic comparent, principia, sincero animo; gloria Dei atque utilitatis communis studio, multorum annorum indefessa meditatione à me excogitata, trutinata, emendata, polita; in qua, quæ ratione inciderim, exponere hoc loco juvat. Scilicet incidit adolescentia mea in ea tempora, ubi Aristotelis tria ista cerebrina idola, forma, materia & privatio, fucum suum intelligentioribus prodebant, cui detrahendo Cartesiani, novo quodam colore sibi placentes, sedulam quoque narrant operam. Hoc primum tempore exolescere incipiebat celebris antea, & omni veræ eruditioni infesta, novationis reprehensio, unde non deerant perspicaces multi Viri, qui & Cartesianorum mendacem colorem pervidebant, & quam illa mechanica eorundem & Neo-Democriteorum philosophandi methodus, aque ac metaphysica Aristotelicorum, à vero discederet, edocebant.*

§. 4. *Fervidissimus in me vigeat amor veri, aliquis etiam tum à natura indultus, tum culturâ formatus, veri falsique sensus: unde horum inter se contententium philosophorum nullus semper placebat, nullus mihi semper displicebat: interim Peripateticorum mihi arridebat abstractio, dummodo physica fuisset, non metaphysica, Cartesianorum probabam mechanismum, sed pro adequato physices principio habere minime poteram: Henrici Mori & philosophorum Hermeticorum placebant principia animantia,*

PRÆFATIO ad LECTOREM,

qua tamen aque minus, ac Cartesianorum mechanica, mihi videbantur adequata: præterea inconcinnum putabam esse commentum, dicere, principia naturæ esse materiam atque spiritum, hunc vero esse substantiam activam, illam pure passivam; nam talis spiritus à forma Aristotelica non differt nisi nomine, materia ne hoc quidem: sed mihi persuasissimum erat, laborare principia Peripatetica non nominibus, sed conceptibus seu ideis.

§. 5. Hinc animus mihi erat conjungere principia mechanicam vitalibus seu animantibus, & sic demum naturæ cognitionem tentare. At vero quamvis & spiritus illum conceptum & materia emendassim, nondum tamen ita mihi succedebat phænomenorum natura cognitio, ut acquiescere in ea potuissim. Utut enim dubitare haud possem, quin illæ ideæ, quas de natura spiritus atque materiæ mihi formaveram, essent veræ, nesciebam tamen, quidnam præterea inter principia reponendum mihi adhuc decrat. Itaque denuo cuncta à principio repetebam: cumque intelligerem, omnia hujus universi corpora non nisi duo esse, Planetas atque Fixas, (quoniam & terra nostra planeta est, & sol fixa) ex fixis autem scaturire perpetuo lucem seu ætherem, ex planetis ebullire aerem, ex duobus istis receptaculis, planetis nempe atque fixis, suppeditari mundo corporum suorum principia conjiciebam. Et hæc quidem sub initium, ut possibilia tantum comprehendebam, cum vero ea ad phænomena naturæ referrem, etiam probabilitatis sibi acquirere gradum non infimum.

§. 6. Quoniam autem ista duo principia fluidiora mihi

DE INSCRIPTIONE LIBRI.

mibi esse videbantur, quam ut stabilia ista atque solida mineralium atque vegetabilium corpora efformare potuissent, addebam duobus dictis principiis tertium quoddam, pro constituendis solidis corporibus, quod, recepto hæctenus vocabulo, terram vocabam. Ista vero terra successu temporis, ubi accuratis definitionibus hæc tria principia distinguere instituebam, multum facebat negotii: cum enim atherem per motum à centro ad peripheriam, seu expansivum, aerem contra, per motum à peripheria ad centrum, seu contractivum, concepissem, nihil videbatur superesse, in quo naturam terræ salvis probabilitatis regulis, ponerem. Nam motum circa centrum noveram universo proprium, figuram communem terræ cum æthere & aere, quoniam & hæc figura non possunt destitui: figuram itaque in genere terræ attribuerem, erat Peripateticorum imitari ineptias, variam eidem dare & quacunque opus sit, quod Cartesius ratione materia subtilissima facit, erat verius ludibrium ponere, quam principium naturæ, specificam & determinatam decernere salvis regulis probabilitatis poteram nullam. Itaque demum intelligebam, quod frustra sub initium putarem ex æthere & aere non posse fieri terram, præcipue cum certis experimentis didicissem, fieri ex aere atmospherico, qui ex aere elementari atque æthere constituitur, aquam; ex aqua salem; ex sale terram: unde jure meritoque mihi videbatur ex numero elementorum terram denuo expungere.

S. 7. Sic ergo duo statuebam corporum principia, ætherem atque aerem; universa autem natura tria, ætherem,

rem, aërem atque spiritum: Et ex hisce tribus principiis pleraque omnia intelligebam phenomena, quippe qui non solum, quæ ex suis hætenus concludere potuerant philosophi, ex novis hisce pariter deducebam omnia, sed Et longe plura; quo ipso confirmabar, me vel vera natura affectum esse principia, vel saltem veris proxima. Nihilominus occurrebant adhuc quadam phenomena satis obvia, Et mea tamen, Et aliorum hypothesis, impervia. Erat ex numero eorum maxime phenomenon luminis, quod quomodo ex omni puncto in omne punctum virtutem suam evibraret, nondum ex ulla clare liquebat hypothesis. Eo tempore, nescio qua intentione, conjeci radios solares per vitrum causticum debilius in frustum aliquod antimonii crudi, atque sic non solum observavi, quod, antequam fumum emitteret antimonium, qua foco substratum erat, circum circa in sphaeram spargeret radios, subtiliori antimonii sulphure tinctos, sed Et illi ipsi radii ex parvulis corpusculis in sphaerulam radiantibus essent compositi, unde cepi conjicere, quod ipsa materia luminis, seu æther, essent ejusmodi particulæ radiantes. Quamprimum vero hac ita concepissem, statim novum conceptum ad vexatissimum illud, de lumine, ex omni puncto in omne punctum radiante, phenomenon applicui, Et non sine singulari voluptate animi intellexi, quod obscurissimum atque solutu difficillimum istud phenomenon ex suppositis particulis radiantibus omnino secundum omnes circumstantias comprehendi possit, Et demonstrari.

§. 8. Quem hætenus ergo ut magnum quoddam fluidum

fluidum conceperam atherem, cum jam per exiguas atque minutulas particulas radiantes specialius imaginabar, & novum hunc conceptum non solum novis conclusionibus deducendis, sed & aliis, specialius atque clarius explicandis, inseruire animadvertebam. Cum sic viderem, aliud & specialius quiddam esse atherem, quam magnum aliquod fluidum, aerem quoque specialiori ratione comprehendere nitebar. Commodum succurrebat, quod omnia fluida visibilia, quæ proximius ab aere, quam solida corpora, abesse sciebam, variis modis atque circumstantiis bullulas ostendant: reminiscebar, quod omnia fluida bullientia tales protrudant, quod omnia fermentantia iisdem turgescant, quod aqua in antlia pneumatica, subtracto aere, in bullulas assurgat, quod ipsa quoque solida, soluta vel quomodocunque destructa easdem prodant, unde in omni metallorum solutione copiosissima emergunt bullulae, & ipsa candela vel cereus idem docet, dum sebum aut cera in nutrimentum ignis per bullulas attollitur. Hinc ergo occasionem capiebam cogitandi, quod aeris corpuscula possint esse bullulae, motu à peripheria ad centrum prædita: & cum hunc quoque conceptum ad naturæ phenomena, ea maxime quæ hætenus mihi nondum erant satis liquida, applicarem, ex singulari convenientia, quam cum dictis fenomenis habebat, apparebat, quod is quoque sit probabilis. Pressius meditati & alia specialia tum de hisce bullulis tum de particulis radiantibus apparebant, quæ Cap. III. Sect. IV. tradidi.

PRÆFATIO ad LECTOREM,
De singularibus hujus libri.

Lib. I. Cap. I.
§. 57.

§. 9. *Suo vero jam loco modeste demonstravi, quid in aliorum physicis hætenus desiderarim, quidque in hac mea præstiterim. Nempe præter principia, quæ hic comparant nova, varia in ratiocinando, physicis, præcipue mechanicis, hætenus familiaria, evitare vitia, dum ratiocinatione mathematica, in rebus physicis, quæ talibus, prout decet ac par est, nunquam sum usus, possibilitatemque nunquam pro probabilitate, nedum pro demonstratione, exhibui. Præterea quoque à fictionibus, quibus pleni sunt mechanicorum maxime libri, sedulo mihi cavi, ubique earum loco veras hypotheses subsidiarias, id est, aliis, præter quasitum, phenomenis stabilitas, si quibus ad deducenda phenomena opus fuit, ponendo. Fatendum mihi nihilominus est, quod interdum, etsi rarissime, sciens volensque fictionibus sum usus, sed in iis tantum phenomenis conciliandis, ubi tanta erat difficultas, ut secundum aliorum philosophorum principia, ne quidem omni concessa fingendi licentia, conciliari cum hypothese possent, v. g. in questione, quare aqua regia aurum solvat, non alia metalla? In re tantæ difficultatis, nihil prohibere putavi, quo minus vel fingendo verum assequar; forte enim cum tempore, pensitatis pluribus circumstantiis, talis fictio, vel à meipso, vel ab alio, poterit in veram mutari hypothesis subsidiariam, hoc est, uno adhuc atque altero phenomeno confirmari.*

§. 10. *Sic ergo ex fecundissimis hisce principiis, puriore, uti existimo, ratiocinatione, quod præfiscini dixerim*

rim, quam vulgo utuntur, multa ostendi intelligi posse, quæ humana menti videbantur impervia, multa tamen adhuc supersunt, quæ vel posterorum, vel nostra, si Deus vitam concesserit, aliorumve, diligentia ex iisdem principiis eruet, vel ex novis circumstantiis, cum Deo & die de iisdem principiis detegendis, intelliget: quamvis nunquam forte tam felix futurum sit seculum, cui, quantacunque dexteritate & industria sua peragant eruditi, omnia naturæ arcana illucescant.

§. 11. *Nova hæc principia nova quoque mihi pepererunt nomina, quorum aliqua ex numero jam receptorum, obscuris, inanibus, vel incertis ideis designatorum, abalienari: unde lector benevolus, si qua ipsi thesis mea videbitur paradoxa, ante omnia in antecedentibus quæret, vel in indice, descriptionem vocabuli, sic apparebit, an communi sensu, an novo, istud vocabulum accipiam: quod si nullo definitum inveniet, certo sibi poterit persuadere, quod usum, in accipienda ista voce, secutus sim. Sic v.g. corpus, corpusculum, anima, vocabula sunt usu recepta, quæ vero à nobis paulo alio significatu sumuntur, idem accidit cum vocibus elateris, elasticitatis, ætheris, aeris & per multis aliis, quæ singula propter pregnantissimas, & suo loco expositas, rationes aliter à nobis supponuntur, ac vulgo solent. Sed & ignota plane vocabula sunt particularum radiantium, & bullularum aerearum, nobiliorum atque ignobiliorum, mechanismi mathematici & physici, æquationis aeræ, ætheræ, vacui interni, & multa alia: quæ singula, si alicubi occurrant, ante quam judicet lector, no-*
)(X
stram

stram suo loco evolovere definitionem debet. Sunt & alia, ex ipsa quidem bona Latinitate deprompta, qua tamen ideo, quod non ubivis sunt obvia, non intelliguntur accurate satis ab unoquoque. Sic semper soleo curate distinguere quatuor illa vocabula, micare oscillare, radiare & vibrare, ita quidem ut micare sit motum proferre & referre; oscillare idem denotet, sed præterea repetitionem utriusque motus; radiare, motum proferre & urgere ulterius; vibrare, proferre & remittere. Sicut autem ex dictis apparet, quod interdum communibus ular terminis, alio tamen sensu acceptis, sic contra lectori, non satis attento, in quibusdam videbor, eundem aliorum sensum novis verbis exprimere, quod tamen rectius judicanti secus se habere, apparebit. Sic mechanicorum gravitas circumquaque premens, non videbitur discrepare ab elastico, quem statuo, fluidorum nisu: ubi quamvis circa eandem rem versemur, & ego, qui nisum elasticum statuo, & illi, qui gravitatem circumquaque prementem, quia tamen ipsi nec causam nec modum, uti ego, concipiunt, cum iisdem conciliari hætenus mea nequit opinio. Item Cartesii globuli cum meis bullulis, ejus materia subtilissima cum meis particulis radiantibus, aliquam, sed generalem tantum habent convenientiam, unde hæc iisdem vocibus denominare, nihil foret aliud, quam res diversissimas confundere.

De recensitis Aristotelis, Cartesii atque Gassendi opinionibus.

§. 12. *Præter vera, qua hic leges, principia, simul habebis*

habebis tria compendia physices, Peripatetica, Cartesiana, atque Neodemocritea, cum qualicunque nostra epicrisi. Horum vero philosophorum opiniones non recensui omnes, sed maxime memorabiles, neque has quidem omnes, sed eas tantum, quæ mihi viderentur erroneæ, ut sic intelligeret lector, quod non absque prægnantibus rationibus, horum corryphaeorum deseruerim vestigia. Interim quod ad principia horum philosophorum attinet, nihil temere prætermisi, quod ad integritatem eorundem spectare videbatur. Cum vero à patronis harum opinionum multa mea censura possint oggeri, omnibus hisce, uti nec aliis meam ipsius opinionem respicientibus, dubiis occurrere haud potui: nam turbabat connexionem nimia prosecutio dubiorum, & ratiuncularum pro contraria opinione pugnantium: interim majori prolixitate rationibus mea opinioni obnitentibus satisfaci, cum propter brevitatem, nisi probe probeque sit suffulcita, etiam ob rationem & dubium minoris momenti, præcipitanter possit rejici.

§. 13. Hunc etiam in finem logica, sed nullibi, ne quidem à me ipso, pertractata, & ad veritatis tamen assequendum nervum, unice necessaria, exemplo Cartesii, aliorumque, immiscui. Cum enim multos Cartesii, aliorumque errores solide refutare haud possem, quin ipsos ratiocinatione mathematica, in objectis philosophicis, perperam usos esse, demonstrarem, debebam ante omnia lectori meo, alias nullibi de hac distinctione instruendo, exhibere genuinum discrimen ratiocinationis mathematicæ & philosophicæ.

Vid. Lib. I. C.
l. §. 40. seqq.

§. 14. *In hisce singulis, uti & alibi, veritatem sincere professus, nemini volui adulari, nemini insultare, sed seculo meo, quantum in me est, ingenue prodesse; nihilominus interdum rationum soliditati aliquid affectus, condimenti loco, prudenter admiscui: unde data occasione vehementius feror in Cartesium, quam in Aristotelem aut Gassendum, quia major ejus auctoritas in animis majus adversus veritatem ponit obstaculum, solis rationibus, sine affectus auxilio, ex animis multorum haud removendum. Qui ergo à præjudiciis liberi sunt, (his enim solis affectus remedium, in supplementum rationum, ingressum haud invenientium, adhibui) ad se haud pertinere affectuosas illas expressiones, existiment.*

De usu adversus atheismum, superstitionem, & in prudentia sanitatis.

§. 15. *Non omnem usum adversus atheismum atque superstitionem, aut in prudentia circa sanitatem, edocui, sed qui prius sese mihi obtulit. Cum enim, præjudicio multorum, physica nihil afferre adjumenti ad soliditatem doctrinae moralis, imo & medicinae studio, quod mireris, nihil prodesse credita sit, (id. quod oppido verum est de physica Peripatetica, Cartesiana & Gassendistica, unde & ab experientia vulgari robur sibi acquisivit præjudicium) volui ego, veluti exemplis tantum, probare de vera physica contrarium. Etsi autem subinde singulos hosce tres usus inculcârim atque demonstrârim, enixius tamen ferre pressi atheos, quam supersticiosos, tum quod putârem, seculo*

culo meo adversus physicam mechanicam hoc maxime pharmaco esse opus, tum quod ex alia disciplina felicius haud posse refelli atheismum, quam ex physica, persuasum habeam: neque tamen ideo in omnia latibula persecutus sum eosdem, ne in opere physico plures paginae his darentur meditationibus, quam physicis.

§. 16. Et quamvis, de sinceritate mea, cordatus lector, & affectibus superior, dubitare minime queat, si intelligat, quam, validissimis rationibus, inseparabili nexu cum mea hypothesis coherentibus, probârim existentiam Summi Numinis, nihilominus, cum omni tempore ii, qui communia praejudicia profligârunt, ab iis eruditis, qui nulla alia re, quam Latinitate, differunt à rudibus & indoctis, impietatis accusati fuerint, vix mitius ab his mihi promitto iudicium, quam olim à simili doctorum plebe de Anaxagora latum fuit, qui etsi primus, uti refert Plutarchus, fuerit, qui rerum universitati mentem puram atque sinceram praefecerit, tamen à Cleone & aliis ἀτιβύας fuit accusatus, quia solem, quem pro Deo colerent Athenienses, πυρρον διάπυρον, seu globum ignitum, dixerat. Sed risui erunt stupidi & malitiosi Cleones posteris nostris, qui mille testimoniis de sinceritate mea erunt persuasi & convicti.

Vid. infra
§. 37. seq.

De Experimentis.

§. 17. Recte laudat Joh. Clericus in praefatione Physices suae §. 7. hodiernorum philosophorum experimenta, erudite autem conqueritur hunc in modum: sed ubi ulterius progrediendum fuit, & ad exemplum veterum tradere

Physicam synthetico ordine conati sunt; aut nondum satis esse experimentorum, aut ultra experimenta progredi nobis non licere, res ipsa docuit. Sed meo iudicio aliquod membrum disjunctionis, & id quidem, quod veram continet causam, omisit Clericus, huius tenoris: aut perversa ratiocinatione imbuti, corruptoque veri falsique sensu laborantes eruditi experimentis, sicut quondam Pompejus, iudice Cæsare, victoria uti nesciverunt. Unde qualicumque hac opera nostra, saltem quadantenus, satisfactum his eruditis querelis existimamus: neque enim, quod hactenus factum est, meris conjecturis puras possibilitates adstruximus, sed veras ex experimentis eruere probabilitates satagemus, corporis naturam, quæ hactenus ignorata inter causas physicæ parum solidæ ab eruditissimo Viro refertur, luculentius, quam huc usque factum est, exposuimus: & hinc systema physicum, synthetica, etsi non Geometrica methodo, quæ absque vitio, prout suo loco probavimus, uti ne quidem licuit, connexum, à nobis fuit exhibitum, à posteris magis magisque perficiendum.

Præfat. Phys.
§. 11.

Lib. I. C. I.
§. 40. seqq.

§. 18. Natura huius methodi exegisset, singulis capitibus experimenta præmittere, quod Sturmius in Physica Hypothetica fecit, sed ignoscet Lector, quod iis præmittendis fere superfedimus: nihil enim cum sit, quod magno pere circa experimenta recentiorum desideremus, eaque ferme ubique occurrant, diffusa etiam satis per se facta fuerit nostra tractatio, malumus lectorem in allegatis, pro nostra hypothesi experimentis, aliorum fide niti, quam nostra. Experimenta enim ad physicam doctrinam omnino sunt necessaria,

cessaria, etsi ideo physicam haud absolvant: quod enim magnificarum adium fundamentum est, illud doctrina physica experimenta sunt: errat itaque, qui ades struere tentat nullo antea jacto fundamento, & hoc modo in physicis quondam errabant Aristotelici: sed errant pariter, qui in aeternum fundamenta jaciunt, iisque vel nihil superstruunt, vel ex arundine tugurium superadificant, & hoc modo comparata fere est recentiorum physica.

§. 19. Ego itaque, ut ab hoc quoque vitio mihi caverem, omnia, quae potui experimenta consului, neque pretiosa illa tantum artificialia, sed & viliora naturalia, quae saepe interiora natura penetralia magis aperiunt, mentique conspicienda subjiciunt, quam ipsa artificialia. Sunt enim hæc veluti milites Darii, quorum prærogativa in eo erat posita, quod opulencia nitebant; experimenta vero naturalia sunt torva illa & inculta acies Macedonum, quæ non contemnuntur, nisi ab iis, qui pecuniis magis, in pretiosa experimenta infundendis, se reddere conspicuos, quam doctrina, possunt. Ipse quidem nullum etiam artificialium experimentorum neglexi, interim persuasum habeo, quod etsi nondum inventa sit antlia pneumatica, nondum tubus opticus, nondum microscopium, genuina tamen naturæ principia ab iis, qui genuina ratiocinandi dexteritate pollent, nihilo fere secius & inveniri potuissent & demonstrari.

De figuris.

§. 20. Figuras præter necessitatem multiplicare nolui, quare nullas dedi, præter eas, quas necessarias lectori credidi,

credidi, & quæ alibi haud occurrunt : unde cum systemata, Ptolemaicum, Copernicanum, Braheanum & Cartesiana alibi sint passim obvia, hic incidenda haud curavi : propter eandem rationem, omisi etiam diagramma istud de æstu maris ex Cartesio petendum, & alia. Caterum figuras dedi physicas, non mathematicas, id est, eo fine non exhibitas, ut computationibus quantitatum inservirent, sed delineandis fere solum motibus physicis ; & quamvis æxi-
BNAI illam mathematicam, ubi commode fieri potuit, nullibi temere neglexerim, eam tamen anxie haud sum sectatus : quoniam in hac physica mathematica haud tracto.

De titulis & inscriptionibus.

§. 21. De Titulis atque inscriptionibus, quæ in singulis capitibus occurrunt, ita habendum : me scilicet eas non ordinis causa posuisse, sed attentionis & veluti respirationis ergo. Nam non omnes eadem amant atque querunt, paucissimi ea sunt patientia, ut totum aliquem perlegant librum : hinc, ut quis videat, quid sequentibus pertractetur paragraphis, dictos adjeci titulos, quo, si quis ea de re instrui de nostra sententia nolit, dictos paragraphos præterire possit. Nemo itaque in hisce titulis accuratam querat totius capitis connexionem, quam in ipsis potius inveniet paragraphis : neque vero omnia notabilia hisce notata putet, sed multa sibi in indice querenda sciat.

De stylo.

§. 22. Nullibi vel elegantiam styli affectavi, vel scabri-

scabritiem ejus temere admisi, sed semper perspicuitate nihil duxi prius, nihil antiquius: unde persape, ubi ullo modo dubiam deprehendi relationem, ipsum nomen malui repetere, quam pronomine uti. Nam iste styli nitor, non nisi in rebus facilioribus, meo judicio, est adhibendus, in difficilioribus majorisque momenti rebus, perspicuitas potior esse debet omni styli elegantia. Gracas atque Latinas literas nobis in hunc usque diem nondum agnitum affricuisse errorem, puto, confusionem videlicet expressionis cruditæ atque oratorie: hæc enim numerum sectatur, illa, neglecto numero, perspicuitatem: hæc voluptatem auditus incendit, illa soliditatem cogitationis, & hinc, si aliqua expressio & solida sit, & perspicua, parum curabit & numerum, & auditus voluptatem. Quin & interdum bis dixi, quod semel dictum acuto intellectui sufficere poterat: volebam enim & tardiores instruere, & lectori meo potius utilitatem, quam mihi styli admirationem, comparare.

De Mathefi.

§. 23. Illi equidem, qui studium physices in arithmetica ponunt, nihilque in universa eruditione acute aut solide dictum putant, nisi secundum algebraicum istud, plus minus, computatum sit, abjectius forte de mea hoc sentient opera. At illi sciant, inter præjudicia recentiorum jure meritoque poni istud Cartesianum: apud me omnia fiunt P. II. Epist. 17. mathematice in natura. Hosce mathematicos physicos ut retunderem, variis in locis stomachosiores quadam expressiones mihi elapsæ sunt, quas in eos solum mathematicos

)()(

dictas

PRÆFATIO ad LECTOREM.

*dictas velim, qui illa vulgari laborant stultitia, quæ
navita de ventis, de tauris narrat arator,
enumerat miles vulnera, pastor oves;*

*adde, mathematicus ubique numeros, vel in ipsa physica
crepat. De cætero enim præclare & quam honorificentissi-
me sentio de matheſi & mathematicis, eosque solum noto,
qui angustum natura latifundium angusto numerorum &
magnitudinum modulo metiuntur.*

§. 24. Neque enim omnes mathematici ita senti-
unt, sed sordatiores omnes, quos inter maxime eminet ce-
leberrimus Newton, physicam à matheſi distinguunt. Ipse
etiam ambabus largior, esse aliquem usum principiorum ma-
thematicorum in physica, id modo contendo, haud esse illa
principia physica propria, sed in physica posse adhiberi, sicut
in mercatura, & alibi: unde sicut laudatus Newton
Principia philosophiæ scripsit mathematica, sic ego, quæ
pure sunt mathematica penitus omisi, tanquam ab aliis plus
satis pertractata: sic consulto abstinui à capite systematis
mundani, multisque in doctrina de motu & aliis. In-
terim in laudem mathematicorum dicere liceat, quod stre-
nuè hoc loco peregerint, quod suum est, philosophi vero in
indagandis rerum naturalium veris causis atque modis
parum profecerint, quamvis & ut verum fatear, longe fa-
cilis sit accurate computare, quam rerum naturalium cau-
sas modosque invenire.

§. 25. Cum autem mathematici non possent suas
computationes rebus physicis, nisi per aliquam hypothesin
appli-

applicare, factum est, ut cum destituerentur veris hypothefibus, quæ à philosophis debebant fuisse inventa, aliquas ipsi mathematici sibi fingerent, pro computationibus suis rite persequendis, ista vero hypothefes sive essent vera sive falsa, perinde erat pro scopo mathematico, Et talis hypothefis intelligentibus dicta fuit hypothefis mathematica, contradistincta physicæ seu philosophicæ, quippe quæ falsa, salvis veritatibus physicis, esse nequit. Ex quo autem mathematici falcem suam in messem philosophorum immiserunt, factum est, ut confunderetur hypothefis mathematica cum physica, unde in recentiorum physica multa tales hypothefes occurrunt mathematica, in physica, quæ tali, minime toleranda, v.g. quod motus transeat ex uno subjecto seu corpore in aliud, quod aer sit gravis, quod in motu circulari sit conatus recedendi à centro &c. quæ tamen hypothefes aliaque similes, si pro scopo mathematico adhibeantur, quod sæpe laudatus Newton facit, nihil habent absurdi.

De mechanismo.

§. 26. Dum itaque aliena à physica vera puto esse principia mathematica, eo ipso quoque mechanismum mathematicum, pro adequato doctrinæ naturalis principio obtrusum, respuo: non quod nunquam in physicis de mechanismo mathematico cogitandum existimem, sed quod non ubique. Mechanismum vero substituo alium, hætenus inauditum, vere nempe physicum. Nam in omni consideratione physica non nisi circa hæc tria versari possumus, ma-

)()(2

teriam,

teriam, corpus & spiritum, unde & vere dici potest, quod tria sint principia, materia, corpus & spiritus, hic pertinet ad principia animantia seu vitalia, priora duo ad principia mechanica spectant; & quidem materia principia, figura nempe, constituunt mechanisum mathematicum, corporis, physicum. Itaque si quando mechanicorum feci mentionem, vel mechanisui sine addito, eos intelligo philosophos, qui mathematicum quendam, materia (circa quam & potius versantur mathematici quam circa corpus) proprium, mechanisum unice docent in physicis, neque alium vel sciunt, vel locum habere putant: unde & si minus honorifice de hisce sentio, reliquis ideo vel mathematicis vel mechanicis, qui hoc modulo non emetiuntur res physicas, nihil detractum volo.

De Indice & reliquis.

§. 27. Indicem ipse feci, ibique aliis saepe verbis, brevitatis causa meam mentem exposui, unde & ipse aliquando explicationis loco esse poterit. Occurrunt vero in eo, non solum ea, quæ singulari inscriptione in textu sunt notata, sed & alia notabilia, neque ea tamen omnia: ista autem fere sunt, quæ minusculis sunt expressa. Cætera, quæ secundum ordinem totius operis inveniri possunt, inferre indici nolui. Nomina etiam propria philosophorum, quorum sententia allegantur, non omnia comparent in indice, sed fere Aristotelis, Cartesii atque Gassendi solum: nam hi sunt, quos maxime sequitur orbis eruditus. Illud adhuc addam hoc loco, quoniam absque connexione præcedentium sequentia

tia nequeunt intelligi, tadiosum vero est, ea subinde allegare, consulto sape illas allegationes omisi. Index enim supplere hunc defectum potest, si lector doctrinam aliquam oblitus, eam quærat in indice, & post deinceps allegato loco istud, quod cognitu necessarium sibi deprehendit, studiose perlegat, v. g. si unionis, mixtionis, solutionis, æquationis, similibusque fiat mentio.

§. 28. Multa hic invenient singuli meditatione excipiendum, omnium plurima intelligentes: his enim solis interdum scripsi: multa tamen, quæ vera esse scio, aliis vero me probare posse diffusus sum, omisi, aliique tempori atque occasione, dum interim magis adolescat veri falsique inter eruditos sensus, reservavi. Nunquam etiam audacius à communi opinione sum digressus, sed ei, dummodo salva veritate ullo modo licuit, agre nunquam feci temere. Nam si futura secula eadem alacritate indagent veritatem, qua ego eam quasi vi, eo tandem devenient, quo si ego hic statim fuisset progressus, periculum erat, ne nimia lux multorum obstupesceret aciem, ut nec cætera utiliora videre potuissent.

De objectionibus Professoris cujusdam Lipsiensis, adversus hæc nostra principia.

§. 29. Cæterum tam inimica hic liber expertus est fata, ut vel in incunabulis suis, antequam lucem adspexerit publicam, ira & indignatione Professoris cujusdam
)()(3
 Lipsi.

Lipsiensis fuerit exceptus. Hic edito Programme meum nomen dissimulans, (qua de causa ego etiam hoc loco eadem humanitate ipsius nomini parcam) partim convitiis, partim, quæ Ipsi videntur, rationibus, mea hac infirmare principia conatus est.

§. 30. *Equidem cum Viris doctis rationum conferre momenta, voluptati mihi semper erit singulari: velim saltem, ut absque convitiis & cavillationibus, solidisque instructi argumentis, compareant: inanibus enim dubiis dilucendis, & meum & lectoris tempus perdere, religioni mihi est. Cum ergo talia sint, quæ adversus me protulit Dominus Professor, diu hæsi dubius, an omnino sim responsurus, cum vererer, ne cordatiores putent, me male collocare tempus, in convellendis argumentis, suapte debilitate ruentibus. Consultum tamen, his non obstantibus, duxi, respondere, tum ob dignitatem Domini Professoris, tum quod primus est, qui de novis hisce principiis mecum in arenam descendit, tum & ut alios eruditos excitem ad amicum, & reipublica literaria perutilem, congressum, rationumque collationem, si viderint, me ad convitia, cavillationes, textusque mei malevolas corruptiones, & hinc deductas infirmas conclusiones, magna patientia, & æquanimitate respondere.*

§. 31. *Duo enim sunt, quæ seipso indigna, mihi quæ valde molesta, admisit; convitia, & malevolæ textus mei corruptiones. Cum vero ob convitia jam magistratus auxilium implorârim, hoc loco id modo evincam, quod præter rem iisdem me profciderit. Vocat me Neo-*

Scho-

Scholasticum, cumque Scholastici sint sectatores Aristotelis, eo ipso apparet, quod id quidem jejunum scomma sit; nam omni intelligenti lectori facile ex lectione mearum thesuum constat, quod longius multo à Peripateticis recedam, quam à Cartesianis & Neodemocriteis. Hi enim substantialia agnoscunt, uti ego, principia, at Aristotelici abstracta metaphysica, qua demonstravi Lib. I. C. I. §. 64. seqq. & refutavi. Sed placuit tamen me potius Neo-Scholasticum salutare, quam Neo-Cartesianum, aut Neo-Democriteum, quia Scholastici, saltem hic Lipsiæ, contemptius habentur, quam Cartesiani aut Gassendisti. Compellat me hoc nomine §. 2. 4. 9.

§. 32. Vocat me novatorem §. 2. 4. 7. 13. 14. 17. & dicit, quod sub imagine hac meipsum delineârim, quo ipso respicit figuram aeneam, meis Institutionibus Eruditionis præmissam, cui vero nulla unquam à me addita fuit explicatio, nequeque, me unquam novatorem vocari voluisse, quin & nomen & vitium novatoris abominor. Is enim novator est, qui eruditionem novitatibus inutilibus corruptum it: is vero qui utiles hominibus in lucem profert veritates, tantum abest, ut hoc convitium mereatur, ut potius gratiæ ipsi debeantur ab hominibus. Ego sane qua hæcenus docui nova, ea omnia probabo esse cognita perutilia: unde per totum hunc librum meorum principiorum usum adversus atheismum & superstitionem, itemque in prudentia circa sanitatem, edocui.

§. 33. Dicit, quod reditus principum imminuam §. 2. quæ ingens quidem calumnia est, sed eo minus refutanda:

da: neminem enim, nisi forte additissimus quidam Domini Professoris amicus sit, fore puto, qui de meis principiis tam male ominetur. Ego sane, æque ut Dominus Professor, optârim, ut bono aliquo consilio reditus Regis Potentissimi luculenter augere possim: sed hætenus, credo, uterque nihil tale præstare potuimus.

§. 34. *Alterum, quod seipso indignum admisit, est malevola textus mei corruptio. Sic primo, id quod in libro ante hos novem annos edito, Cartesianis adhuc & Neodemocriteis terminis utens, posueram, quodque in recentiore libro, Institutionibus nempe meis, jam mutaveram, & in hac Physica Divina constanter ita mutatum retinueram, (nempe elementa corpuscula vocaveram, qua dein, huc usque, constanter elementis opposui) cum recentissimis meis thesibus conjungit, & voce ulterius utendo, lectori ideam contextus perperam insinuat. Vid. infra §. 5. lit. p. & r. it. ad §. 4. lit. n.*

§. 35. *Imo in iis ipsis, quæ ex hac Physica excerpta sunt, præposita postponit, postposita præponit, quo ipso id efficit, ut mea ista lectori tam confuse posita videantur, quam ab ipso confuse sunt proposita. Vide, quæ infra ad §. 15. & 17. à nobis lit. vv. xx. yy. & β. γ. δ. ε. annotata sunt. Quin &, aut nondum intelligit primas meorum principiorum lineas, aut malevole mihi affingit, quod ætherem dicam corpus, vid. §. 25. lit. vv. Nam æther mihi elementum est & principium corporis, quod & corpori & corpusculo constanter oppono.*

§. 36. *Fam quod ad ipsa, quibus adversus me insurgit,*

PRÆFATIO ad LECTOREM.

surgit, attinet argumenta, ne forte Lector suspicetur, me ea mutilate adducere, placet totum ipsius Programma huc conjicere, brevibusque notis ad illud respondere. Sic autem sonat:

Programma.

§. 1. **C**Ravissima Physicorum Celeberrimorum per tot secula ferme querela legitur, prima rerum naturalium initia satis abscondita hætenus latuisse, ut nihil Philosophorum cujuscunque seculi ingenia magis exercuerit, quam horum indagatio; hincque de principiis ejusmodi tot Philosophorum sectæ emerferint. Maxima (a) autem confusio orta videtur, quod non *inter Principia corporis physici simplicis, & corporis mixti*, quæ alias *Elementa* vocant, distinxerint.

§. 2. Sectarum famigeratissimarum recensum hac de re accuratum dare, angusta satis charta non permittit. Hypothesin autem recensuisse quandam sufficiet (b) NEO-SCHOLASTICORUM, qui (c) Novatores nominari malunt, & sub hac imagine semetipfos quoque delineant, ac (d) Veteranorum, ut ajunt, scientiam de rebus naturalibus, per rationem atque experientiam ardue satis detectam & demonstratam, aut improbare prorsus, aut novis saltem terminis & notionibus secundis, sive etiam systemate

)()()(novo

Responsiones.

- (a) Si hæc esset vera hujus difficultatis & confusionis ratio, inde ab Aristotelis ævo non amplius haberemus, quod conquereremur. Nam ipse primus distinxit inter ἀρχαὶ & στοιχεῖα. Vid. Phys. hujus Lib. I. Cap. I. §. 26.
- (b) Vid. supra §. 31.
- (c) Vid. supra §. 32.
- (d) Aut sensus fecellit Dominum Professore, aut memoria Latinitatis: veterarii sunt, qui in effigie apparent, differunt autem veterarii à veteranis, ut cælum à terra.

PRÆFATIO ad LECTOREM.

Programma.

novo (e) non satis accurate disposito (f) obscurare, confundere, intricare annuntur, idque quidem sub libertatis cogitandi & philosophandi titulo emendicato. Quo studium Physicum inæstimabile, per quasunque partes utilissimum, quia tota necessitas & commoditas vitæ humanæ, imo dominium & usus creaturarum, à Deo hominibus benigne concessus, inde dependet, (g) sterile, inutile, ludicrum, atque non tantum tyronibus (h) tædiosum & captu difficillimum reddunt, imo (i) reditus Regum & Principum imminuunt, culturamque Regionum ulteriorem, ex studii Physici exaltatione provenientem, impediunt.

§. 3. (k) Ecclēstici moderni per rationem atque experientiam philosophantes, methodo synthetica dum physicam docent, corporum creatorum simplicium principia & attributa prius proposuerunt,

Responsiones.

- (e) Dominus Professor, ita corripit mihi meum textum, ut satis accurate haud dispositum lectori possit videri systema. Illa vero confusio Domini Professoris est, non mea: & quam ego admiserim, ipse nec probavit hætenus, nec probare imposterum poterit.
- (f) Aut convitium hoc est, aut mira Domini Professoris locutio: quis enim, & qua de causa, aliquis studio obscurat, confundat, aut intricet disciplinas?
- (g) Hoc quidem videtur Domino Professore, meis autem Auditoribus, ceterumque aliis cordatis Viris contrarium videtur de meis principiis.
- (h) Quæ vero hoc loco dicere hoc audent Dominus Professor, qui mihi coram conquestus est, quod, quoniam ego eadem hora, nempe matutinâ octavâ, prælegerim physicam, qua ipse quoque collegium physicum habuerit, ideo Ipse quinque tantum habuerit auditores, cum ego habuerim quinquaginta.
- (i) Vid. supra. §. 33.
- (k) Ego valde dubito, an hæc sit methodus omnium, aut saltem plerorumque, Ecclēsticorum modernorum: præcipue si spectes illa posteriora de corpore produciendo & actu producto.

Programma.

fuerunt, quam (l) ad recensionem corporum simplicium, tanquam Principiorum corporum mixtorum manus admoverunt. Postquam autem circa corpora aut actu producta, aut imposterum producenda versabantur, eorum principia esse diversa docuerunt. Nempe in *corpore* (m) *producendo* principium, quod dat *esse*, id est, *materiam*, & illud, quod determinationem inducere huic queat, id est, *Causam efficientem*, seu *motum* consideraverunt. In *corpore* vero *actu producto* & *genito* illud primum, nempe *materiam*, quæ *esse* dedit, & ubi determinationem seu varietatem corporum ipsorum satis manifeste observarunt autores, texturam hanc diversam Physicam, quæ differentiam specificam corporibus largitur, i. e. *formam* spectavere.

X)(X)(2

§. 4. No-

Responsiones.

- (l) Hoc idem ego quoque observavi; nam elementorum, quæ per corpora creata simplicia innuere videtur Dominus Professor, principia & attributa prius proposui, dum ætherem & aerem à Deo esse, habereque alterum quidem motum expansivum, alterum contractivum docui, & sic dein ipsa elementa recensui, adeoque eandem cum Eclecticis modernis methodum observavi, nisi forte in eo differimus, quod illi manum ad recensionem corporum simplicium admoverunt, ego vero os & linguam adhibui.
- (m) Centum sunt Eclectici moderni, quos inter & Cartesius est & Gassendus, qui hanc *duplex* haud observarunt, & recte quidem; accidentalis enim, non essentialis & physica est differentia corporis producendi & producti; per easdem quippe causas, iisdemque modis, productum est, sicut erat producendum. Inanis itaque subtilitas est, & quæ ex Sturmii *Physica conciliatrice Part. Gen. C. I.* desumpta videtur, quæ statuuntur corporis *producendi* principia esse *materia & motus, producti* autem, *materia & forma*. Hæc enim, forma nempe, vel pro interna sumitur, sic Domini Professoris principia sunt vere Scholastica, vel pro externa, sensu recentiorum Eclecticorum, sic forma effectus motus est, adeoque minime principium corporis producti. Hæc talia me non observasse, nec pœnitet nec piger.

PRÆFATIO ad LECTOREM.

Programma.

§. 4. Novatores contra isti Scholaſtici, ut conſuetum Canonem, qui bene diſtinguit, bene docet, obſervarent, Methodo Synthetica etiam Phyſicam tractantes, diſtinguunt, inter principium primum intelligibile ſeu materiam primam, & principia ſecunda intelligibilia, i.e. (n) Corpuscula ſeu elementa, cui fundamento (o) totam quantam ulteriorem ſuam Phyſicam novam ſuperſtruunt. Sed quam feliciter inquiramus.

§. 5. I. Irruunt in errorem ſub initium notatum, quod ſcilicet principia corporum ſimplicium cum Elementis ſeu corporibus ipſis ſimplicibus, aut mixtorum principiis turpiter (p) confundant.

Reſponſiones.

- (n) Cum Carteſius & Gaſſendus & plerique recentiores Ecceſtici vocibus hiſce, *Corpusculis* nempe & *elementis*, promiſcue utantur, ego quoque ante hos novem annos, in *Philophia Synthetica* easdem ſynonymice adhibui. Aliter deinceps viſum eſt, unde & cum ante quinquennium ederem *Inſtitutiones Eruditionis*, & hanc nuper conſcriberem *Phyſicam*, conſtanter oppoſui corpuscula elementis, quæ mutatio latere Dominum Profeſſorem haud potuit, cum hæc Phyſica per biennium in cenſura, adeoque & ipſius manibus fuerit. Nunc vero malevole illa pridem mutata cum recentiſſimis meis meditationibus componit, ut ſaltem habeat, quod lateſcat; at vero multa utut moveat, nihil tamen promover.
- (o) Falſum hoc eſt: præter elementa enim fundamenti quoque loco ponimus principia animantia, de quibus prolixè egimus Lib. I. C. IV.
- (p) Qua fronte dicere poteſt Dominus Profeſſor, quod ego hæc confundam, cum in meo Manuſcripto bis hanc eandem diſtinctionem à me inculcatam legerit, nempe Lib. I. Cap. I. §. 26. iterum Cap. V. §. 2. ubi dixi: *Interim eſſi ego cum multis recentioribus* (Carteſio nempe & Gaſſendo) *voce elementis pro principio corporis utar, & nunquam pro corpore ſumam; id tamen largior Ariſtoteſi aliſque antiquis, ut prima & maxime ſimplicia corpora elementa dicant.* Ex hiſ ergo duobus locis videbit Dominus Profeſſor, quod myſterioſa hæc diſtinctio elementi & principii, mihi quam notiſſima fuerit. Cæterum de eadem quoque videatur Plutarchus de Placit. Philoſ. Cap. II. adde quæ paulo ante ad n dixi.

Programma.

fundant. Nam clare in rubricis capitum, *de Principiis secundis intelligibilibus* (q) *Corpusculis seu Elementis* scribunt: (r) *ulterius* (s) *nominaliter per Elementa intelligimus corporis in genere principia prima*: it. (t) *Elementa cum sint prima corporum principia, ita quicquid habent, non ab aliis principiis habere possunt, quam a solo Deo.*

§. 6. Nunc autem principia simplicium corporum non sunt (u) corpora ipsa simplicia formata, quæ satis inter se differentia describunt, licet de natura principiorum ipsi (v) ignorantiam suam fateantur, dum ajunt, *ea est natura principiorum, ut aliquid sumatur, quod demonstrari nequeat.*

§. 7. II. (x) Qualem tamen allegant corporum simplicium insignem differentiam, in doctrina de horum divisione dilucidant. Et licet Eclecticorum Principia reliqua, nimirum *Formam* seu texturam Physicam, ex mole, figura & motu, tanquam qualitatibus corporum simplicium desumptam, imo *causam efficientem*. Id est, motum, per quem materia determinata, & exin diversa corpora facta, eisque forma diversa introducta fuit, prorsus,

(X)(X)(X) 3

ut

Responsiones.

- (q) Hæc nullibi extant quam in *Philosophia Synthetica* an. 1707. edita.
 (r) Vid. supra §. 34.
 (s) Hæc extant nullibi quam in *Physica hac Divina Lib. I. Cap. III. §. 30.*
 (t) Hæc extant pariter solum d. l. §. 38.
 (u) Totus hic paragraphus satis est obscurus, forte respicit Dominus Professor ea, quæ *Lib. I. Cap. I. §. 87.* demonstravi, quod nempe principia corporis non possint esse corpora: ex quibus iterum elucet, quod illam distinctiunculam inter Principia corporis simplicis, & mixti, haud ignorarim.
 (v) Hanc ignorantiam qui de se negat, omniscientiam profiteri debet, ut liquet ex iis, quæ *Lib. I. Cap. I. §. 102.* & seqq. de hoc argumento disserui.
 (x) Priora hæc, quid sibi velint, non assequor.

Programma.

ut Novatores modo se gerant, omittant ac (y) respuant; illis ipsis tamen adminiculis inviti rem explicare inevitabili necessitate adiunguntur. Quod illorum definitiones evidentissime declarabunt.

(z) *Æther nihil est aliud, quam minima quedam particula radians, imaginem solis minima sua figura exprimens, seu, est substantia quedam subtilissima à centro ad peripheriam radians, seu radios undiquaque protendens* (aa) *Ceterum tantæ subtilitatis æther est, ut quamvis radians, poros etiam minimos vitri pertranseat velocissime, particulis tamen terreis allapsus resiliat. Aer est bullula à peripheria ad centrum nitens,* (bb) *quia varie potest expandi, natura sua videtur esse tenacior, & permeandis poris ineptior.*

§. 8. (cc) Nonne itaque (1) Moles minima & subtilissima, (2) figura, imaginem solis, radios undiquaque protendentis, exprimens (3) motus velocissimus poros minimos pertransiens, clare allegantur in æthere demonstrationis loco?

§. 9. (dd) In aere ab eadem (1) Mole majori, tenaciori, & permeandis poris ineptiori; (2) figura bullulari; (3) Motu segniori ad centrum tendente, demonstrationis argumenta petuntur. (ee)

Inve-

Responsiones.

- (y) Respuuntur à me, non quatenus venditantur pro principiis, sed quatenus pro adæquatis.
- (z) Habentur hæc *Lib. I. Cap. III. §. 35. p. 121.*
- (aa) Multa hic omissa.
- (bb) Male hic deest signum omisforum, cum lector putare possit, me sic probare antecedentia.
- (cc) Larvas oppugnat Dominus Professor, dum probat, quod ego molem, figuram, & motum supponere debeam. Ipse enim *Lib. I. Cap. I. §. 90.* seqq. hæc principia mathematica agnovi, sed *secundaria* in physicis esse probavi, non *primaria*: quod & ex centum aliis locis Manuscripti mei per longum illud tempus, quo sub censura fuit, perspicere poterat, nisi affectus obrudissent aciem ejus.
- (dd) Responsum modo est.
- (ee) Tunc investigabuntur quoque inania ejus dubia.

Programma.

Investigentur petitiones principii alio loco. Nunc male omiserunt (ff) caput de forma, cum tamen ea ipsa forma in explicandis suis corporibus utantur, & hinc absolute necessariam eam Neo-Scholastici in praxi agnoverint.

§. 10. III. Perinde res sese habet cum tertio principio Ecclesiasticorum, nempe *Causa Efficiente* sive *Motu*, Novatoribus admodum necessario. Quale requiri (gg) agnoscunt, (hh) insimul autem nil eo ipso novi Orbi erudito communicant, in divisione suorum Elementorum agentes, (ii) *Corpusculum vel gaudet motu contrahivo vel expansivo, illud est nature terrestris, & vocatur aer; hoc celestis, & vocatur ether, qui à centro ad peripheriam movetur; Aer autem à peripheria ad centrum nitens.*

§. 11. Quasi vero illi. Optimi Philosophi, quos (kk) Veteranos vocitant, motum minimorum (ll) à centro & ad centrum ignorârint, vel terminis ac notionibus motus hos peculiare designantibus

Responsiones.

- (ff) Sturmius quidem in *Physica Conciliatrice Part. Gen. Cap. III.* de forma egit, sed cum non necessarium esse videatur de forma in genere tractare, alii etiam Ecclesiastici idem haud fecerint, sequatur Dominus Professor *Physicam Conciliatricem*, ego vero libertate mea utar.
- (gg) Si agnoscunt requiri, quomodo secundum §um 7. omittunt & respondent.
- (hh) Equidem hoc non est verum, uti paulo post videbimus: cæterum si verum esset, nihil peccâstem.
- (ii) Extant hæc non in hac, quam refutat, *Physica*, sed in *Philosophia Synthetica* p. 91. ultimas vero lineas Dominus Professor pro lubitu adjecit.
- (kk) Ego nullum unquam Philosophum Veteranum vocitavi, minime omnium illos optimos Viros, qui compulsionem & propulsionem statuunt. Vid. supra §. 2. d.
- (ll) Tantum abest, ut ego philosophis Veteranis hanc derogem cognitionem, ut non negem vel rusticum scire, dari motum à centro & ad centrum: sed hoc nunquam, quod sciam, ullus Veteranorum docuit, quod omnia corpora duplici constituentur elemento, quorum alterum polleat motu à centro ad peripheriam, alterum contrario.

Programma.

gnantibus destituti hætenus fuerint. Qui tamen *Compulsionis* terminum receptum in minimis, si ad centrum movebantur, vel ubi particulæ ejusmodi Corporum ad se invicem compulsiæ congregantur : *Propulsionis* autem, si à Centro ad peripheriam tenderent, adhibuerunt, & utrumque motum evidenter demonstrârunt.

§. 12. Accedit ulterius IV. (*mm*) Chimæram esse, peculiaris Elementa seu (*nn*) corpora simplicia sibi fingere, quorum alterum, unico tantum motu expansivo, id est, à centro ad peripheriam, alterum tantum unico motu contractivo, id est, à peripheria ad centrum gaudeat. Nam (*oo*) corpora in fluidis motitata, pro lubitu (*pp*) ab uno eodemque fluido, modo ad centrum, modo à centro, absque ulla peculiari vi elastica, libere volvi posse, Experimentiæ consonum est. (*qq*) Sumitur nempe vas rotundum, cujus superficies

Responsiones.

- (*mm*) Apparebit, an chimæra sit, ex proxime sequenti Domini Professoris experimento.
- (*nn*) De corporibus hoc mihi ne per somnium quidem in mentem venit asserere, sed de æthere & aere, quæ mihi sunt elementa, non corpora.
- (*oo*) A corporibus ad elementa non valet consequentia.
- (*pp*) Ab iis, quæ à principio quodam externo moventur, quale est hoc fluidum, ad ea, quæ moventur à principio quodam interno, & Divinitus indito, non valet consequentia.
- (*qq*) Hoc experimento supersedere poterat Dominus Professor; cera enim Hispanica movetur ab externo corpore, nempe aqua, elementum ab interno principio. At si ipse à limine Musæi sui sursum atque deorsum ambulasset, potuisset hoc experimento probare, quomodo una eademque substantia, & à centro & ad centrum, etiam ab *interno* moveretur principio. Nondum tamen probasset vel hoc experimentum, quod probare debuisset; ego enim regeissem, quod instantia non sit conveniens, quoniam Dominus Professor non sit elementum, sicut nec cera Hispanica elementum est. Unde si voluisset experimento infringere meas ætheris aerisque definitiones, debuisset particulam radiantem & bullulam

PRÆFATIO ad LECTOREM.

Programma.

cies candidi coloris, nullisque asperitatibus inæqualis existit, insu-
saque aqua, injectisque frustulis quibusdam ceræ Hispanicæ, oper-
culo vitreo muniitur. Hinc rotundæ tabulæ impositum circa Axin
continuo convertitur, donec in motum quoque satis acta videtur
aqua, vase contenta. Tandem vero repente in suo motu sistitur
commemoratum vasculum. Advertitur hic frustula ceræ Hispani-
cæ citius in motum concitata, quam aquæ particulas à centro ver-
sus circumferentiam vasis abripi, illicque hæreere; sed cum vascu-
lo quies redditur, aquam in motu perseverantem atque vincentem
frustulorum à centro recedendi conatum, ea frustula denuo à peri-
pheria ad centrum trudere.

§. 13. Præterea an ex cerebello Novatorum primùm geni-
tum effatum? (rr) unde harioiamur, illam substantiam, quæ
corporum causatur expansionem, nullam forte aliam esse, quam
eam, quæ ex illo fonte solari emanat - - Alterum contractivum
Elementum esse hunc Aërem, & ex terra eodem veluti modo
exurgere, sicut æther ex sole, adeo ut omne hoc universum
equaliter dividenda duo Corpora, Planeta & Fixa, duo sint ve-
luti elementorum maria, quæ pro generandis corporibus mundo
suppeditent, quantum habet opus.

X X X X X

§. 14.

Responsiones.

Iam aëream in aquam injicere, & observare, an simul à centro & ad cen-
trum naturâ suâ, absque violentia externa, alterius corporis moveretur.
Sed & à priori pater inanitas instituti Domini Professoris, elementorum
motus experimentis demonstraturi: omnes enim ex substantiâ, à quibus
sumi experimentum mechanicum potest, corpora sunt, non elementa.
Triplici ergo respectu extra oleas vagatur Domini Professoris experi-
mentum: (1) Quod ejus motus sit externus, elementorum motus in ter-
renus. (2) Violentus, elementorum naturalis. (3) Quod cera corpus sit;
elementum autem mihi non est corpus, sed principium corporis.

(rr) Extant hæc in hujus *Physica* Lib. I. Cap. III. §. 32. & 33.

PRÆFATIO ad LECTOREM.

Programma:

§. 14. (N) Nonne & Philosophi Ecclesiastici, ubi causas secundas corporum naturalium à Deo, cetera prima, dependentes universaliores priscis temporibus jam nominaverunt, Solem & Aerem à sole commotum, id est, corpora satis illa mixta, respectu generationis v. g. plantarum & animalium, indigitarunt. Hinc nihil novi excogitasse hoc in passu Novatores observamus, nisi quod hac doctrina commoti, loco causarum efficientium universaliorum corporum producendorum, sibi conceperint materiam esse solem seu Ætherem à sole emanantem & Aerem, hincque duo ista corpora (tt) mixta pro Elementis venditarint.

§. 15.

Responsiones.

(N) Qui sint illi philosophi Ecclesiastici, qui solem & aerem communia omnium corporum statuerint principia, me quidem fugit; credo fugit & Dn. Professore. Nisi de priscis temporibus loqueretur, persuaderem mihi, quod *Physices Conciliatricis Part. Specialiss. Sect. Post. Cap. II.* respexisset. Cum autem sic non possit non vel *Potamonem*, vel aliquem ex ejus Secta, innuere, & philosophum & librum specialius nominare debebat, ut sic appateret lectori, an vere idem mecum sentiret priscus ille Ecclesiasticus. Sed novi benignitatem Domini Professoris, communicasset cum lectore, quantumvis rarum, illius philosophi nomen, si ipse scivisset. Interim mentem priscorum illorum Ecclesiasticorum nobis exponit, dummodo eam recte affectus est: nam & ex hoc, & aliis hujus Programmatum paraphrasis, liquet, quod valde infelix sit in intelligenda ex scriptis aliorum mente, quia per duos annos, quibus meum versare Manuscriptum potuit, nondum percepit, quod aer, quem ego alterum statuo corporis omnis elementum, non sit corpus, nedum corpus mixtum, aut à sole commotus aer, quippe qui nullus est alius, quam atmosphæricus, quem constanter aeri elementari in hac physica opposui. De cetero si vel maxime aliquid ab aliis abalienâssem, id fecissem in uno argumento, quod Dominus Professor forte facit in omnibus. Tantum abest, ut de novitate contendam, ut ipse annis fuerim, aliquam veterum atque recentiorum cum meis principiis demonstrare harmoniam, *Lib. I. Cap. I. §. 6. & seqq. item Lib. I. Cap. III. §. 53. & 54.*

(tt) Scire pervelim, quomodo æther solaris, antequam in atmosphæram nostram deferretur, sit corpus mixtum, & ex quibusnam substantiis sit mixtus?

PRÆFATIO ad LECTOREM.

Programma.

§. 15. Porro Fundamentum horum Elementorum suorum
superstruunt præjudicio, sive falsæ corporis definitioni ab illis ipsis
excogitatæ, nondum tamen (u) per rationem & experientiam de-
monstratæ.

(vv) *Corpus est substantia elastica, id est, facultate motus
ultra citroque faciendi, seu expansivi & contractivi prædita.
Exempla probantia ratione ætheris ejusque radiorum, tanquam
corporis (xx) figuram vel conicam, vel pyramidalem, vel his
equipollentem habentis, ut expandere possit bullulas, sunt lum-
brici terrestres, jam exporrigunt sese & extenuant, jam in se-
se redeunt & contrahuntur, eandem semper figuram retinent.
(yy) Ita filum ferreum cochleæ in formam contortum, ad motum
particularum radiantium accommodari potest, quod in sese re-
dire & iterum exporrigi potest.*

)() () () (2

§. 16.

Responsiones.

- (xx) Utrumque factum prolixè satis *Lib. I. Cap. P. §. 19. seqq.* quas rationes si Dominus Professor refutare potuisset, non omisisset; cum per biennium de iis refutandis cogitare poterit.
- (vv) Hic corruptorem textus egit Dominus Professor, ea audacia, quam de homine ingenuo haud suspicatus fuisset. Minusculis enim literis cum hæc imprimenda curârit, lectori eo ipso significare voluit, quod vel verba mea sint, vel saltem sensus verborum; at utrumque aliter se habet; hæc enim: *Exempla probantia ratione ætheris ejusque radiorum, tanquam corporis*, nec intuitu verborum, nec intuitu sensus mea sunt, imo & thesibus meis è diametro contradicunt; ætherem enim corpus esse, mihi ne per somnium quidem in mentem venit. Adhuc quod de lumbricis terrestribus dixi, contextus attentum lectorem docebit, quod non adduxerim, ut exemplum probans naturam ætheris (nam uno alterove exemplo non probantur definitiones, sed ut exemplum probans possibilitatem existendi substantiæ seipsam extenuantis & incrassantis. Cæterum hæc definitio habetur *Lib. I. C. III. §. 3. r.*
- (xx) Leguntur hæc *Lib. I. C. III. §. 48.*
- (yy) Hæc postposita leguntur præposita §. 46,

Programma.

§. 16. (zz) Quam philosophice hæc partim à solidis partim à corporibus organicis petita, ad corpora fluida, ex minimis minime coherrentibus & motu intestino agitata, constantia, quorum particulæ per consequens promte situm & locum mutant, & levissimo impulsu à centro & ad centrum, imo ad quascunque plagas motitari possint, applicentur, definitioque exin firmetur, (a) lector benevolus judicet.

§. 17. (B) *Bullularum materia Novatorum ita conflata legitur, ut in se redire, & iterum extra se evolvi queat, quale quid videmus in uteris animalium, qui eo usque expanduntur, ut corpus multis vicibus seipso majus comprehendant, & in se iterum taliter redeant, & pristinam fere parvitatem post parvum recipiant.* (y) *Sequitur, quod ex omni parte æqualiter versus centrum nitatur, hic vero nisus non potest non parvulam quandam constituere sphaerulam -- Ipse oculorum adspæctus hisce bullulis patrocinatur. Nam & in omni cõtione & ebullitione,*

Responsiones.

- (zz) Quam cordate & ingenuus egerit Dominus Professor in corrumpendo textu, judicet lector, nullo partium studio laborans.
- (a) Quid Lector benevolus aut malevolus judicet, ego non adeo curo: illud vero persuasissimum habeo, quod lector, quem in neutram partem amor vel odium inclinât, judicaturus sit, quod post detectum fucum corrupti textus mei, argutiæ Domini Professoris sint inanes.
- (B) Iterum me non intellexit Dominus Professor, de materia elementorum in genere expresse sonant verba mea Lib. I. Cap. III. §. 46. non de bullulis in specie.
- (z) Mira hæc est confusio, quæ non alio videtur respicere, quam ut lector credat, quod Dn. Professor §. 18. persuadere eidem intendit, nempe quod ex uteris animalium absurde probârim naturam bullularum, quod denuo facinus est parum ingenuum. Nam antecedentia verba, uti nota & docet, habentur §. 46. hæc vero præcedunt illa, & habentur §. 37. alia penitus connexionem.

Programma.

litione, porro plerisque solutionibus, item cum candela vel alia ardent corpora sulphurea, ad oculum patent hæc bullula aerea, tanta quidem copia & parvitate, ut, si aliquot solum grana mercurii vivi in aqua forti solvas, numerum eorum inire haud quaquam possis. - (d) Hæc bullula ulterius poris debent esse perforata, & pluribus quidem, ut nempe plures particule in unam bullulam possint subingredi. Quo autem magis expanditur bullula, eo quoque majores fiunt hi pori, non solum ii, per quos radii transcunt, sed & alii, & pro eo ac iterum contrahuntur bullula, minores quoque fiunt pori.

§. 18. In qua expansione & contractione bullularum multa adhuc desiderari poterunt. Exemplum siquidem ab utero animali petitum, vix (e) quadrat; à corporibus enim satis crassis, nempe foetu & massa sanguinea expanditur, (f) majoremque molem acquirit à sanguine, cui liberior refluxus denegatus est, nec poros habet uterus, per quos egredi possit substantia sanguinea, nisi placenta uterina abruptatur. Suas tamen (g) bullulas Novatores

)()()()(3

indignant

Responsiones.

- (d) Hactenus recensuerat sum 37. nunc perverso impetu refabitur in §. 49.
 (e) Ita est, secundum cavillationem Domini Professoris vere non quadrat, non quidem propter rationes ab Ipso adductas, sed quia, quod supra jam monui, definitiones uno exemplo non probantur, cum contineant propositiones universales. Ast sicut in meo textu propositum est exemplum, omnino quadrat: conempe sine adduxi, ut probem, dari substantias, quæ in se redire & iterum extra se evolvi queant, quale quid est uterus animalium: exemplum ergo etiam unum, etsi non probeat definitionem seu *essentiam* rerum, probat tamen *existentiam*, quam solam ego probare volui.
 (f) Hæc anatomica jam secundum notam proximam (i) prorsus sunt alio-
 tria.
 (g) Bullularum neque existentiam neque essentiam hoc exemplo probare vo-
 lui, unde hæc omnia à scopo aliena sunt, thesinq; meam haud sciunt.

Programma.

indignant poris perforatas, & quidem pluribus, ut (θ) radiis ingressus & egressus libere concedatur. Ubi autem talis structura porosa observatur, nec (ι) fluidi instantis egressus, aperturis scilicet probe clausis, inhibetur, nec (κ) Uterus nec Vesica, nec Vitrum liquefactum à centro ad peripheriam bullularum ad instar ullo modo elevabitur, sed libere permeabit fluidum intrusum parietibus vix & ne vix quidem dilatis, seu bullularum ad instar elevatis.

§. 19. Insuper figura rotunda illa seu bullularis, allegata v.g. in aqua, in coctione, ebullitione, solutionibus &c. in mercurio non ab interna substantia expandente, sed à fluido externo, per quod feruntur, (λ) æqualiter premente, aerem undiquaque contingente & comprimente dependet, quod paucillum aeris in aquam mediante canali inflatum clare exhibet, guttulæ aquosæ exiguæ in pavimentum pulvisculis conspersum effusæ illustrent, globulique mercuriales rotundi in interna parte haud excavati vel inanes, (μ) plenarie confirmant.

Cate.

Responsiones.

-
- (θ) Non ideo omnibus & singulis: nobiliores enim ordinario dictos poros haud transeunt. Vid. Lib. I. Cap. III. §. 48.
 - (ι) Ego non statuo bullulas à fluido inflari, sed à particulis radiantibus expandi.
 - (κ) Cum applausu refutat Dominus Professor thesin, quam ipse sibi concinnavit.
 - (λ) Frustra hic petit principium: novit enim, quod ego negem, fluida quaquaversum premere, legitque ipse contrarium à me Lib. I. Cap. V. §. 74. probatum.
 - (μ) Hoc est præjudicium Domino Professori cum multis aliis commune, quo putant, experimenta nobis monstrare causas, cum effectus solum sint, quos oculis objiciunt. Scilicet rotunditas, quæ his experimentis demonstratur, effectus est, qui potest à causa interna esse, potest autem esse quoque ab externa: utra harum vera sit, ratio debet docere. Ego sane probavi *all. Cap. V. §. 74.* quod fluida non premant quaquaversum: unde sequi-

Programma.

Caterum non video ullo motu contractivo opus esse particulis
(*) crassioribus, in fluidioribus ad centrum tendentibus, quia aut propria gravitate fluidi resistantiam superant, aut motu fluidi tranquilliore reddito, ad centrum ruunt, atque à loco motitata trudentur.

§. 20. Imò quod (E) maximum, corpora elastica dum moventur, seu figuram suam in motu mutare solent, (*) semper præsupponunt vim tendentem externam, quâ cessante pristina restituntur

Responsiones.

sequitur, quod horum corporum rotunditas non sit à fluido, in quò moventur: ergo causa debet esse interna: nulla autem probabilior est particulis radiantibus. Imò quod rotunditas bullularum non sit à fluido æqualiter circumquaque premente, vel sola solutio metallorum edocet, ubi dictæ bullulæ velociter satis per aquam solventem in auras adscendunt, quod si dicta aqua æqualiter circumcirca premeret, fieri non posset, ut adscenderent, sed hærent rotundæ in aqua solvente bullulæ.

(*) Respicit Dominus Professor experimentum illud suum cum cera Hispanica institutum, de quo supra §. 12. Totum ipsi experimentum concedo, sed in autem dicam, particulas crassiores, qualis est cera Hispanica, non esse elementa: denuoque mihi exopto, ut manipulum bullularum ærearum in aquam projiciat.

(E) Secundum magnitudinem hujus rationis, æstimari possunt reliquæ: est autem hæc petitio principii, & est tamen maxima Domini Professoris ratio.

(*) Hæc quidem est opinio communis, adeoque & Domini Professoris, sed quam novit pluribus in locis à me negatam atque refutatam. Sane vel sola illa definitio mea corporis §. 15. adducta, ostendit, quod ego elasticitatem à causis internis deducam, bullulis nempe & particulis radiantibus: quamvis hand negem, ut mutetur æquilibrium, & actu se exerat elasticitas, debere accedere causam externam, non vero semper tendentem; quæ enim tensio est, si liquor in thermometro contrahitur, & minus occupat spatium? Cum ergo sciat, me negare, quod omnis elasticitas sit à vi tendente, imò & quod *vel unica* adæquate ab eadem sit, petit principium, frustra que adducit vulgaria & ubivis obvia, quæ de elongatione & flexione sequuntur.

Programma.

untur figuræ. Absolvitur autem tensio nunc magis elongatione sufficienti, nunc magis flexione, attamen à causis diversis utraque inducitur. Elongatio nimirum, qualem in fidibus & chordis observamus, intervenientibus aliis corporibus, quibus corpus tendendum cohæret seu alligatur, perficitur. Flexio vero sive incurvatio auxilio vel pressuræ vel collisionis aliorum iterum corporum contingit. Ubi in elongatis seu extensis particulæ exterius strictius, interiorius laxius sibi invicem adducuntur. E diverso in corporum flexorum regione convexa partes magis ab invicem separantur; in concava autem proximius ad se invicem adducuntur, quatenus virga v.g. lignea post nimiam inflexionem, non in concava, sed semper in convexa parte rumpitur. (π) Hinc poris in regione corporum interiori & flexorum convexa amplioribus existentibus, quæ in exteriori elongatorum & concava incurvatorum materia subtilis ac ætherea in amplioribus ejusmodi poris copiosius vel colligitur vel recipitur, nihilominus cum per meatus oppositos magis coarctatos libere transire impediatur, internas corporum elasticorum particulas continuis ictibus ferire necesse est, usque dum remota vi externa tendente, restrictos antea poros mox cunctorum ad instar dilatate, adeoque ipsorum corporum elasticorum restitutionem efficere possit. Aeræ itaque particulæ in coctione, ebullitione (ρ) solutionibus &c. per torturam ignis liberiores factæ ac motitatæ, & ad fluidum aquosum undique allisæ in bullas (σ) æquali nisu, à fluidi ra-

Responsiones.

- (π) Multus est Dominus Professor in deducendis iis, quæ ad rem nihil faciunt; quod mox patet.
- (ρ) Primum mirari subit, quomodo in solutionibus aeræ particulæ per torturam ignis liberiores fiant, cum pleræque solutiones, in quibus tamen innumeræ adscedunt bullæ, ne quidem calore, nedum tortura ignis, opus habeant.
- (σ) Dein non probat Dominus Professor, quod probare, intendit; &, si probaret,

PRÆFATIO ad LECTOREM.

Programma.

di talis externi omnibus lateribus premuntur. Quo enim altius ad superficiem fluidi ascendunt bullæ, vis istius fluidi aquosi premens imminuitur, hinc singulæ bullæ ratione quantitatis & dimensionis manifeste augentur, & majores fiunt, usque dum pristinam figuram aeris particulae hæcenus violenter compressæ recuperent, atque repagula fluidi prementis rumpant, id est, vim premendi in superficie superiore aquæ, ubi minor hujus quantitas aeris bullis perpendiculariter supersistitur, ac in eis quiescit, perforando vincunt, ac fluidi aquosi pressuram superant.

)()()()()()

§. 21.

Responsiones.

hæret, vitium adhuc esset legibus disputatoriis adversum, probâsse. Primum hinc liquet, quod secundum propria Dn. Professoris principia bullulæ ascendentes non fiant rotundæ, (uti ad oculus patet, quod hæc figura eleventur) sed, ex una saltem parte, latæ. Nam si tortura ignis in altum premit bullulam, consideret ejus quatuor partes, inferiorem, superiorem, duasque laterales. Aqua secundum Dn. Professore quaquaversum æqualiter premit, ergo inferior pars bullulæ ab eadem non minus premitur, quam superior: at interior illa premitur quoque ab igne, qui non premit superiorem, ergo inferior pars bullulæ magis premitur quam superior, quo ipso bullula non potest fieri exacte rotunda, sed ex inferiore parte lata. Quod si fingat ignem etiam circumquaque prementem, nondum vel hac fictione elabetur: nam sic iterum secundum propria Dn. Professoris principia sequitur, quod bullula non possit ascendere, sed vel quæta debeat hære in fluido, vel ad fundum defluere: prius præbo, quoniam exacta æqualitate (hæc enim ad figuram rotundam requiritur) circumquaque premitur, nulla ratio est, quare ab hac pressione magis huc moveatur bullula, quam illuc: posterius hinc claret, quoniam aliquam secundum Dn. Professore habet gravitatem, unde si in fluido non hæreat immota, alio moveri non potest, quam ad fundum: qui motus toties de prædicatâ à Dn. Professore experientiæ repugnat. Ergo inanis strepitus est totius hujus paragraphi, ad quem etiam pertinent ultimæ ejusdem linæ, nulla amplius refutatione dignæ. Quin etiam si probâisset Dn. Professor thesin suam, vitio nihilominus adhuc ingenti laboraret ejus institutum. Probabilis enim omnis est de causis, sensus hæc incurrentibus, inquisitio: cumque probabilitas possit esse ambigua, nemo in probabilibus alterius refutavit hypothesin, etsi suam recte præbârit, cum utraque possit esse probabilis. Legat Dn. Professor, si placeat, mei Sensus Veri & Falsi Lib. III. Cap. IX. sic inde suam poterit, per hunc & præcedentem sum admissum, perspicere errorem.

Programma.

§. 21. Cum sulphureis particulis per ignem in aere atmosphærico resolutis, item guttulis aquosis partim per aerem deciduis, partim ex fonticulis artificialibus in aerem ejectionis, atque globulis mercurialibus res (†) perinde sese habet. Nam (v) grave aeris atmosphærici pondus singula recensita fluida ob parvitatem molis, vi resistendi sufficienti destituta, tam violentè atque undique aequaliter comprimit, eisque figuram rotundam inducit. (φ) Imò & metallicis ac vitro liquefacto eandem figuram exactè rotundam aer atmosphæricus, superficiem horum externam alluens, imprimat, partim ubi per speculum causticum in fluorem rediguntur, partim si tantum ex furno vitrario quantitas satis insignis vitri extrahitur, atque in aere rotatur. Sed sufficiant hæc de principiis intelligibilibus Neoscholasticorum monuisse, cum de iisdem uberius differendi commodior nobis (χ) alio loco dabitur occasio. Aliam viam ingrediuntur

Responsiones.

- (†) Ita est, æque minus pressura aeris externi his rotundam conciliat figuram, ac iis, de quibus antecedente §o dictum. Nempe tamdiu rotunda gaudent hæc corpora figura, quamdiu iis circumdata sunt corporibus, quibus haud uniuntur, aqua v. g. aere, mercurius ligno, aliove corpore, non-metallico. Quodsi corpori incumbant, quocum uniuntur, v. g. aqua ligno, mercurius plumbo, figuram istam rotundam ob unionem paulo post amittunt, etsi his corporibus insistentia, æque ambi ab aere possint, ac si aliis inhaerent.
- (v) Novit Dominus Professor, quod ego negem grave illud aeris atmosphærici pondus, legit etiam Lib. I. Cap. V. §. 60. ubi, & in sequentibus, probavi, quod aer nec gravis sit, nec levis; quare ergo torques petit principium, & tam constanter à scopo aberrat? probare enim suam haud debebat thesin, sed meam refutare.
- (φ) Hæc quoque ob rationes hæcenus dictas, æque allotria sunt ac antecedentia, quippe quæ, uti ad §. 20. lit. e. evici, & falsa, & si vel vera essent, ob naturam probabiliteris nihil adversus me probarent: quod ex ibidem dictis sub finem liquet.
- (χ) Dabitur tunc nobis quoque occasio respondendi. Illud solum monuerim, affectat rationes melius elaboratas atque ponderatas, alioquin dubito, an ejusmodi inanitatibus persequendis tempus sum impeniurus.

Programma.

diuntur ratione sua recta (†) melius utentes Ecclesiici, quorum numero laudabili satis instituto adjungi cupiunt ii Viri juvenes &c.

Responsiones.

(†) Vellem ego illos bonos nosse Ecclesiicos, futuri mihi essent amici honoratissimi, & si ipse Dn. Professor ex laudabili eorum numero esset, deprecarer ejus in me iram, amicitiamque omnistudio ambirem. Sed aut hætenus soliditate sua me nondum dignatus est, aut hoc programma documentum erit posteris, quomodo recta sua ratione sit usus.

De cætero sufficiant hæc impræsentiarum. Longe plura erant in hoc programme, quæ notare poteram Dn. Professoris errata: quia vero ne minimum quidem detrabere ejus existimationi volui, sed eas solum, quæ ad responsionem & excusationem meam pertinere videbantur, asserere, illa omnia omisi. Convitium etiam, quod sciam, nullum Ipsi dixi, de iis, quæ in me effudit, Magistratus decisionem expectans.

Ad calumniatores suos, & alios interdum bona fide convitantes.

§. 37. Tandem, quam enixe & sincere pro veritate religionis, & incremento pietatis, justitiæque & prudentiæ, hic quantum philosopho licuit, pugnaverim, ei patebit, qui ex indole scripti de animo scribentis judicare non nescit: nihilominus passim sinistra, & optimæ meæ intentioni è diametro contraria de me feruntur judicia. Interim nemo eorum, qui me penitus norunt, sunt autem pauci, ex eorum numero est, sed sunt homines figulino odio me prosequentes, nec me, nec mea scripta cognita habentes, aut saltem posteriora non intelligentes, sed solidum suti sui erga me odii fundamentum putantes, quod ego nova doceam, & quod aperte conqueruntur, non sine applausu.

§. 38. Hos monuerim, cogitent, sacrum atque divinum tractare negotium, qui veritati incumbunt: Ipse enim Deus Auctor veritatis


PRÆFATIO ad LECTOREM.

tatis est, & quicquid verum est, siue antiquum sit siue novum, Dei quodammodo verbum est: unde quisquis propagationi veritatis ob-
sistit, Divinae intentioni contrariatur. Ego hoc ipsum serio semper
perpendi, & à nullius opinione temere dissensi: eadem religione &
illi obtrectatores mei meas perpendant sententias, pudorique sibi
& religioni ducant, ideomea rejicere atque calumniari, quia nova
sunt: quod si enim vera essent, divina forent, quibus absque gravi-
limo peccato repugnare haud deberent. Neque vero nimis secure
existiment, se satis de mearum thesium falsitate esse persuasos: co-
gitentque, & ex historia philosophica memoria recolant, quod de
hujus ipsius philosophiæ, quæ jam floret, falsitate eandem foverint
quondam persuasionem Peripatetici. Veritatis cognitio crescit, uti
homines, nulla ætate omnes vires habet, nisi adultâ: hanc ei non-
dum adesse, plurimæ docent, de quibus vel sapientissimi Viri conque-
runtur, debilitates.

§. 39. Præter hos vero sunt & alii, nullo forte adversus me affe-
ctu quæstioso præoccupati, qui bona fide, non sine industria, me con-
vitiuntur. Hi fere sunt, qui ab illis seducti putant, se pro veritate,
religione, & bonis moribus, pugnare, quando quacunque data oc-
cassione, in me debacchantur, parentes, cognatos (nam apud ipsos au-
ditores meos, de innocentia mea certissime persuasos, plerumq; surdas
pulsant aures) pio vultu, vel ostiatim debortantes, ne filios atque
cognatos suos meas adire scholas patiantur. Bonos hosce viros ro-
gaverim, ut, si quidem me dignum iudicent, adversus quem
pugnent, dignum quoque existiment, quocum colloquantur
& conversentur, & ex cujus ore illas ipsas doctrinas quæ
Ipsis videntur tam abominabiles, percipiant: hoc si fecerint,
intelligent, nos pie sentire & iuste, nostrasque omnibus proficuas
esse doctrinas, & nemini nocere præterquam iis, qui veritatem
quæstui habent, aut alio modo sibi magis quam bono
publico veliscantur.

T A N T U M!

LIBER



A. & Ω.

LIBER PRIMUS.

CAPUT I.

De

Physica in genere

SECTIO I.

De

Historia emendationis physices.

§. 1.



Historia philosophica nos docet, quod inde à primorum philosophorum memoria, *physica*, intuitu principiorum, duplex maxime fuerit, vel *mechanica*, vel *vitalis* seu *animans*: id est, philosophi vel supposuerunt principia tantum materialia & corporalia, vel maxime spiritualia. Illi volebant, naturæ mirabilia ex indole materiæ & corporis unice uniceque posse, & debere, intelligi; hi pleraque spiritui cuidam, vel in toto hoc universo, vel plerisque ejusdem partibus, concepto, accepta referebant. Mirandum autem merito est, quod mechanici tam plana respuerent principia vitalia, & virales tantum non penitus contemnerent mechanica; ita ut nullus eorum de *principiis*

A

piis cogitaverit *mechanico-vitalibus*. Cum enim subinde sequentes priorum sic satis correxerint vitia, nemo tamen hæc usque pervenit, ut utraque conjungeret principia.

Vera physica paulatim corrupta.

§. 2. Equidem sub initium mundi protoplastorum tempore, *sola* haud dubie, quæ excoleretur, *physica* fuit. Hos enim nisi velimus statuere omniscios, agnoscendum, quod in cognitione naturæ adhuc ulterius potuerint progredi. Contra ea *logica* atque *moralis doctrinæ* haud dubie nulla fuit apud eos cultura, qui perfecti, etsi non infinito, pollebant intellectu, puraque & innocente voluntate gaudebant. Atque hinc credendum quoque est, quod post lapsum satis diu incorruptæ adhuc manserint & physica & logica, donec successu temporis hæc paulatim corruptionem subiret, & per hanc quoque physica aliquam acciperet labem.

§. 3. Cum puritas principiorum physicorum hinc diutius durasse concludatur, quam sinceritas conclusionum, de *Mosè*, etiamsi non consideraretur ut scriptor *Hebræus*, credi potest, quod vera physices principia, à majoribus suis tradita, acceperit: & cum nemo patriarcharum, præter Mosén, aliquid, literarum monumentis consignatum, reliquerit, si quis physica vera principia legere potius, quam proprio Marte indagare velit, quod nullibi ea quidem felicius, quam in Mosæicis quærantur monumentis.

Vid. Ed-
mund. Dic-
kinson.
Phys. Vet &
Vera. C. II.
§. VII.

§. 4. De Mosè vero notandum, quod, cum ipsum in *Ægypto* fuisse, satis constet liquido, in *Phœnicia* vero studiorum causâ versatum esse, probabile sit; cumque Spiritus S. Scriptores sacros suo reliquerit stylo, ad stylum vero etiam pertineant termini technici, qui nihil sunt aliud quam stylus eruditorum proprius; probabile mihi videtur, quod in *Genesis* *Mosès* illis ipsis *Ægyptiorum* atque *Phœnicum terminis technicis* sit usus.

§. 5. Hoc ipsum tanto erit probabilius, si supposito sensu aliquo tecnico, ex quibusdam difficultatibus felicius extricari, quam sensu proprio retento, possimus. Et sane cum eruditi,
maxime

maxime Theologi, ignorare haud queant, quas controversias P. Simon de illo Genescos initio : *In principio creavit DEUS cælum & terram*, moverit, cumque cordatiores quoque norint, sensu proprio assumpto, non adeo promptam atque facilem esse responsionem; non de nihilo erit meditatio, qua ostenditur, hæc duo vocabula sensu Aegyptiorum technico accipi, & sic omnes P. Simonis objectiones uno ictu collabi.

§. 6. Ut enim non dicam de fragmento *Sanchuniathonis*, quod nobis conservavit *Eusebius*, & cujus ἀήρ ζωώδης, seu aer tenebricosus, facile cum terra, πνευματώδης seu spiritalis, cum cælo conciliari posset, id solum, quod *Diodor. Sicul.* de antiquissimo-Biblioth. Hi-
stor. Lib. I. p.
m 4.rum philosophorum principiis physicis habet, allegabo, hujus quidem tenoris : κατὰ γὰρ τὴν ἐξ ἀρχῆς τῶν ὄλων σύστασιν, μίαν ἔχειν ἰδίαν ἐρανόητι καὶ γῆν, μειγμένης αὐτῶν τῆς φύσεως, id est, *sub initium conditi hujus universi, unam faciem habuisse cælum & terram, cum ipsorum natura inter sese fuerit commixta.*

§. 7. Et ne putes, cælum & terram hic pro primariis effectibus, non verò principiis, sumi, Euripides, allegatus à nostro, his versibus efficiet :

ὡς ἐρανὲς τε γαῖα τ' ἦν μορφὴ μία,
ἐπὶ δ' ἐχωρίσθησαν ἀλλήλων δόχα,
δίχῃσι πάντα, καὶ ἀνέδωκαν εἰς φαῖα
δένδρη, πτεῖνα, θήρας, ὅς θ' ἄλμυ τρέφει,

Lib. I. p. m. 5.

γύναι τε θνητῶν. Id est, *Ut adeo cælum atque terra una fuerit forma, separata vero a se invicem pariant, & in lucem edant, omnia, arbores, volatilia, bruta, quæque mare nutrit, mortaliumque genus.* Hi versus quacunque demum interpretatione exponantur, semper testantur, cælum atque terram prisca philosophis duo fuisse principia. Quo & spectat id, quod habet *Aristot. Lib. I.* de generat. animalium cap. II. dicens : διὸ καὶ ἐν τῷ ὄλῳ τὴν γῆς φύσιν ὡς θῆλυ καὶ μῆλιν νομίζουσιν· ἐρανόν δὲ καὶ ἥλιον καὶ αἶθρην τῶν ἀδίων τῶν τοιούτων, ὡς γεννώσας καὶ παῖδας περὶ αὐτὰ γένεσιν. Quamobrem in hoc quoque universo, terram se habere instar feminae matrisque dicunt : cælum autem &

solem, & reliqua generis ejusdem nomine genitoris patrisque appellant.

§. 8. Quamvis vero Diodorus noster illa antiquissimorum philosophorum verba non præcise de Ægyptiis prædicet, gemina tamen his, quæ mox p. 6. de Ægyptiis refert, vero reddunt simile, & priora illa de iisdem fuisse intelligenda. Prædicarunt enim se Ægyptii αὐτοχθόνες, atque vetustissima illa opinio, quod *terra* sub initium fuerit *πηλώδης καὶ πανέλως ἀπαλή*, *lutoſa & omnino tenera*, ab igne vero ſolari concreverit, & a calore ſuperficie ejusdem in fermentationem acta, apparuerit omne genus animalium, de nullis gentibus vero ſimilius, quam de Ægyptiis poteſt intelligi.

§. 9. Ægyptiorum enim Nilus, cum poſt inundationem, ex luto ſeu bolo relicta, & ſolis calore veluti imprægnata, tam miro ſpectaculo produceret mures, ut aliqui eorum, quoad pectus & anteriora formati, & motum ſortiti, quoad reliquum corpus informes & lutei adhuc conſpecti fuerint; facile eorum philoſophi eo devenire potuerunt, ut ſtatuèrent, ex terra & cœlo, quippe a cujus ſole illa imprægnatio boli facta fuerat, gigni animalia: & cum hæc reliquis corporibus ſint nobiliora, etiam vegetabilia & mineralia inde connaſci: unde &, teſte Diodoro, credebant, *in Ægypto primum prodiſſe genus humanum.*

§. 10. Hæc tamen Ægyptiorum fabula non ſatis ſibi metipſi conſtat: unde & deinceps alii putaverunt, *ἅπαν ὁ ὦμα τῆς τῶν ὅλων φύσεως ἐξ ἡλίου καὶ ſελήνης ἀπαρτιζέσθαι*, id eſt, *omne corpus nature huius univerſi ex ſole & luna conſtitui.* Scilicet arrogantius dictum putabant nonnulli, quod terra ignobile corpus, pari paſſu cum ſole ambularet, atque omnium rerum alterum elucet principium: quin potius lunam illuſtriori facie, dignitatem elementi atque principii huius univerſi ſuſtinere. Unde verba, *cœli & terre*, per antiquiſſimam traditionem ab Ægyptiis pro principiis fuiſſe accepta, veram autem hanc & technicam ſignificationem, injuria temporum, fuiſſe deperditam, & a divino Scriptore *cælum pro æthere, terram pro ære* ſumendo fuiſſe *reſtitutam*, mihi, ſalvo ſecus ſentientium iudicio, credibile eſt.

§. 11. Quodſi

§. 11. Quodsi putes a me nondum fuisse probatum, quod hi duo termini technici, cœlum atque terra, primis Ægyptiorum ætherem atque aerem denotârint; dico: nec mirum est, rerum, tanto intervallo a nostra memoria distitarum, periisse monumenta: Si vero probabilitati fidem adhibere velis, promptam tibi dabo demonstrationem. Scilicet, ex adductis supra locis clarum satis est, quod cœlum atque terra olim apud Ægyptios fuerint termini technici, hujus universi notantes principia, sicut etiamnum Aristotelici tetrade elementorum suorum unum aliquod comprehendunt, quod terram vocant: *vocabula autem technice sumta* nihil aliud rationabiliter exprimere possunt, quam id quod in ipsis rebus prædominatur: sicut verbi gratia Peripatetici calidum vocant ignem, humidum aquam, quia calor in igne, humiditas maxime regnat in aqua. Quodsi ergo requiras, quidnam in cœlo prædominetur, omnium fere philosophorum consensu manifestum est, quod æther: si, quid in terra sit potius, pensitemus, nihil aliud erit, quod suo loco demonstrabimus, quam aer. Sunt enim in universum duo corporum genera, *fixæ*, ad quas sol quoque nos-
ter pertinet, & *planetæ*, quorum numero terra quoque nostra accensenda est: *in illis viget æther, in hisce aer.* Sed & expresse *Pacuvius* apud Cicer. de Nat. Deor. p. m. 44. ait: Hoc quod memoro, nostri *cœlum*, Graji perhibent *æthera*.

§. 12. De aquis, quod habet divinus auctor, technicum pariter videri potest. Nam sicut nostri hodie physici *progressum nature ex solido in fluidum* statuunt, sic contra antiquissimi philosophi *progressum* ejusdem *ex fluido in solidum* asser-
bant. De *Phœnicibus* res clara est, si Eusebio habenda fides est, deque *Ægyptiis* pariter ex supra dictis. De *Orpheo* elegantissi-
ma sunt, quæ habet Suidas, ipsum nempe contendisse, *quod ex æthere omnia fecerit DEUS, hinc Chaos composuerit, quod-
que nox terribilis omnia circumdederit, & quod hæc sub æthe-
re occultaverit.* De *Brachmanibus* vcrò Strabo ait, quod do-
cuerint, *universarum rerum primordia diversa esse, faciendi
autem mundi initium, aquam.* His jungendus *Thales Milesius*

Vide & Ol.
Borrich, de
Hermet. Æ-
gypt. &
Chem. sapi-
entia Lib. II.
Cap. VII.
§. III.
Lib. XV. Geo-
graph.

Phoenicius, uti Suidas ex Herodoto auctor est, qui omnium rerum principium *aquam* constituit.

§. 13. Quamvis autem hi philosophi non dicantur expresse naturæ progressum ex fluido in solidum statuisse; hoc tamen certum est, quod secundum has suas hypothèses, si ex ipsis quæsitum fuisset, natura ex solido in fluidum, an contra progrediatur, non potuissent non posterius asserere. Hinc & antiquissima traditio est, quod omnia ex Chao facta sint, quod idem est, ac si dicas, *ex fluido*: *χάοδος* enim idem est, ac fundi.

§. 14. Cæterum aquæ vocabulum nec a Sacro Scriptore, nec à reliquis proprie sumi, sed metaphorice, sat solidis adstruxit rationibus Edmund. Dickinson. Ego vero probabilius quam Dickinson existimo, quod per aquas nihil aliud antiquis fuerit denotatum, quam *fluidum*: hoc si supponas in I. cap. Genes. omnes difficultates satis ponderosæ, a diversis scriptoribus de *aquis supra-cælestibus* motæ, eo ipso evanescunt. Sic enim *הַרְקִיעַ* erit aer atmosphæricus, aquæ supra & infra *לַרְקִיעַ* erunt cælum fluidum, quod infra & supra aerem illum atmosphæricum existit. Quo ipso tamen neutiquam interpretandas mihi sumo sacras literas, sed philosophicam tantum circumstantiam quandam adduco, unde judicent Dni Theologi, an ex ea, pro explicanda S. S. aliquid possit crui.

Prima emendatio per traditionem.

§. 15. Sic ergo cum veris terminis technicis periit quoque paulatim sanior illa, etiam post lapsum physica, cujus emendationem philosophi sequentium temporum subinde tentaverunt. Et primi omnium quidem *Barbari traditionem* vocabant in subsidium. Cum vero hi ipsi Patriarcharum divina a naturalibus non satis discernent, factum est, ut fabellæ plures apud eosdem facerent paginas, quam veræ traditiones. Hinc cum *duplicem* forte Barbari apud Patriarchas deprehenderent *trinitatem*, unam mysteriosam, Divinæ Essentiæ, alteram naturalem, principiorum physicorum, *ætheris, aeris & spiritus*, utramque confundentes, doctrinam fecerunt parum, concinnam.

§. 16. Sic

§. 16. Sic v. g. cum dicerent Chaldæi, *summum Numen genuerasse duo*, mentem atque animam, quis non videt generationem divinam applicatam fuisse ad naturam humanam, mentis & spiritus, de qua vide dissertat. nostram proœmiale ad *sensum Veri & falsi*. In eandem prope rem Plato in Timæo ait, *quod Deus æternus de Deo futuro ratiocinans, ipsum fecisset corpus perfectum ex perfectis corporibus, animamque antea creatam in ejus medio posuerit*. Sicut autem per Deum illum futurum intelligere mundum videtur; ita haud obscure apparet, quod forte S.S. Trinitatis Mysterium physice explicare conatus sit. Ipsa Platonis verba sic sonant: ἡ δὲ πᾶς οἱ αἰὶ λογισμὸς θεὸς περὶ τὸν ποτὲ ἐσόμενον θεὸν λογισθεὶς λέγει ὅτι καλὸν πανταχῇ ἵε ἐκ μέσων, ἴσον καὶ ὅλον καὶ τέλειον ἐκ τελέων σωματίων σῶμα ἐποίησε -- ὁ δὲ καὶ γενίσει καὶ ἀρετὴν πρῶτον καὶ πρεσβυτέραν ψυχὴν σωματίῳ, ὡς δεσποτὴν καὶ ἀρχαίαν ἀρχόμενον συνεστήσασκε.

p. m. 478.

§. 17. Pari ratione quæ in vera traditione de creatis dicebantur, ab aliis non satis intellecta ad divinitatem applicabantur. Sic dixerant forte prisca sapientes, quod duplex in homine sit principium, alterum bonum, *ratio*, alterum malum, *affectus*: hoc finistre applicabant Persæ aliique, & duo ejusmodi Divina asserbant principia, Deum videlicet unum, qui causa sit omnis boni, nomine *Oromazen*, quem ideo & oracula Patrem vocent, al-

Vid. Plutarch. de Iside & Osiride p. m. 191.

terum, qui omnis mali sit auctor, quem *Arimanium* vocabant: cumque ex S.S. Trinitatis Mysterio forte quicquam ad eos pervenisset, hæc suas nugas etiam cum illo sanctissimo mysterio comparare aggressi, mediatorem aliquem inter malum hoc bonumque statuabant principium, quem *Mithram* vocabant.

Secunda emendatio per rationem sibi relictam.

§. 18. Sic illa emendanda per traditionem physice intentio, plus damni eidem attulit, quam utilitatis. Unde qui id observabant, relictâ traditione, per conatus rationis sibi relictæ invenire vera principia physica tentabant posterî. Sic *Thales* omnia ex aqua, *Pythagoras* omnia ex monade, & indefinita qualitate deducebant. Cum vero illotis, quod dicunt, manibus ad fa-

era

cra uterque rueret physica, nec antea doctrinam *probabilitatis* & *historiam* naturalem excolerent, factum est, ut nec hæc recte succederet intentio, sed ut posteri eorum, infinitis implicarentur controversiis.

§. 19. Pythagoræ namque principia erant metaphorica, ut in plures torqueri sensus possent: Thaletis principium clarum erat satis, inadæquatum vero perquam deprehendebatur. Sic *Anaxagoras* observabat, quod Thales principium *motus* omisisset, posito solum principio passivo materiali; hinc ipse *mentem* primus addidit. Deprehendebat *Anaximandrus*; quod ad cælestia corpora non quadret aqua Thaletis, hinc *infinitum* substituit. *Anaximenes* vero perpendens, quod longe subtilior sit aer aqua, *aerem* principii habere loco maluit.

§. 20. Pythagoras vero, etsi non videatur mathematica de industria posuisse principia, *symbola* tamen principiorum naturæ *ex arithmetica* desumpsit, & sic invitavit posteros, ut de mathematicis naturæ cogitarent principii; præcipue postquam *Archytas Tarentinus* columbam, per aera mechanice volantem, construxisset, vid. Aul. Gell. Noct. Att. Nec simul & semel tamen mathematica illa invaluerunt, sed ævo demum *Xenophanis* maxime.

§. 21. Interim *Heraclitus*, cum videret solum ex fluidis superesse adhuc *ignem*, eodem hunc judicabat jure, quo aliorum aqua & aer, sustinere titulum ac dignitatem elementi posse; hinc ignem primus omnium rerum asseruit principium.

§. 22. Sub idem tempus *Xenophanes*, atque post hunc *Parmenides*, postquam Jonii hætenus omnes ex fluidis principii naturam explicare tentassent, de mechanicis & solidis cœperunt cogitare principii, naturæque progressum *ex solido in fluidum*, secus atque hætenus factum fuerat, defendere. Sic ergo primum effloruit *Eleatica* seu mechanica philosophia, quæ ex solidis & terrestribus particulis constitutam fuisse naturam, contendebat.

§. 23. Pensitavit hæc postero tempore *Empedocles*, cumque ipsi nec aqua Thaletis, nec aer Anaximenes, nec ignis Heracliti, nec mechanicorum terra penitus displicerent, conjunxit hæc *quatuor*, & primus totidem *elementa* statuit: & hac dissentientium

tum hæcenus philosophorum conciliatione, tantum sibi acquisivit applausum, ut hanc usque in diem illa elementorum tetras Vid. Aristot. tel. Metaph. Lib. I. C. III. apud multos in magna sit laude.

Tertia emendatio per culturam intellectus atque voluntatis.

§. 24. Hoc tempore immane quantum multiplicabantur hypotheser, cum intellectu veræ Logices rudi, voluntate ab affectibus non satis pura, aggressi essent sacrum cognoscendæ naturæ negotium philosophi, quod animadvertens *Socrates*, unice ad *culturam intellectus & emendationem voluntatis*, neglectis quoque tantisper & physica & mathesi, revocabat suos; qui tertius erat emendandæ corruptæ cognitionis conatus. Vid. Aristot. de l'arr. Anim. Lib. I. Cap. II. sub finem.

§. 25. Hic Socratis fervor eo deduxerat statum eruditionis, ut post fata ejus vix tota reperiretur in *Græcia*, qui exactius *physicam calleret*: unde addiscendæ ejusdem causâ Plato migrabat in *Ægyptum*, indeque copiosam satis, sed à Barbaricæ philosophiæ fabulis, interea temporis adultioribus factis, non satis puram, reportabat physices cognitionem; & ipsa illa *Platonis idea* aliquid monstri barbarici alere videbatur. Sic ergo fabellæ laudabili priorum philosophorum contentione ejectæ, paulatim in physicam recipiebantur, cumque Platonis coævi placitis ejus acquiescere haud possent, hypotheser denuo, non absque veritatis detrimento, multiplicabant.

Quarta emendatio per abstractionem.

§. 26. Hæc vero Platonica idea excitavit Aristotelem, ad novum prioris philosophiæ defectum concipiendum, quo nimis *concreta* v.g. aquam, aerem, terram, ignem, posuerant majores *principia*, quæ recte ille judicabat, debere esse magis abstracta, cum propter concretionem, seu compositionem, intelligendam, quærentur: itaque Empodocleis retentis, addebat tria adhuc principia abstracta, ex quibus vel elementorum illa compositio intelligi queat, materiam, formam atque privationem, & adeo inter primos videtur fuisse, qui inter *στοιχεῖα & ἀρχαί, elementa & principia*, di-

Vid. Lib. I.
c. V. T. 48.

stinxerit, quod patet ex physicor. libris. Hæc vero quarta erat philosophiæ emendatio. De cætero priorum bonos conatus conservare annitebatur hic philosophus, fabulas Platonis refutando, & Socratis logicam & moralem doctrinam novis meditationibus mactando.

§. 27. *Duo* tamen hic quoque admittebat *vitia*: alterum quod traditionem, inter Barbaricas fabulas latitantem, secure nimis contemneret: alterum, quod cum hæc quarta ipsius emendatio deberet fieri per abstractionem physicam, non metaphysicam, male *hanc apprehenderet, pro illa*. Est autem *abstractio physica*, quando compositæ substantiæ separantur a se invicem; *metaphysica*, quando a substantiis abstrahuntur accidentia, omnium communissima, qualia sunt, forma & privatio. Natura a Deo non est facta per compositionem accidentium, veluti principiorum, cum substantiis, quia hoc conceptu accidentia deberent esse absque substantiis, id quod absurdum; sed per compositionem diversarum substantiarum, quales sunt æther & aer.

§. 28. Post hæc Christi Salvatoris doctrina mortalibus fuit tradita, cumq; Platonismus multas haberet doctrinas, inde ex Ægypto reportatas, quas plenius docerent Christiani, *philosophi Platonici* omnium primi ad Christianam fidem fuere conversi, Justinus Martyr, Origenes, Clemens Alexandrinus, Dionysius Areopagita &c.

§. 29. Cum vero deinceps Christiana illa doctrina paulatim a puritate sua in superstitionem declinaret, & vera philosophia, imprimis physica, *hanc omnium maxime labefaceret*, cum eruditis ethnicis ad Christianismum conversis simul extincta fuit omnis solidior eruditio, ut seculo VII. vix adhuc legere & scribere scirent monachi. Et sic quicquid hætenus boni in physicis fuerat præstitum, illud omne a Christiano orbe, ignorantia sepulto, exulabat, transfugâ interim ad Barbaros Arabes philosophiâ.

§. 30. Indignitate rei permotus Carolus M. circa finem seculi VIII. varias fundavit academias, Parisiensem, Patavinam, Papiensem, Tholosanam. Cum vero eruditi aliunde quam e monasteriis haberi haud possent, & monachi tamen essent adhuc valde rudes, libris potius, quam propriis meditationibus satisfaciebant docen-

docendi officio. Nullus vero tunc temporis philosophus celebrior erat Aristotele, quippe quem Arabes, apud quos tunc florebat eruditio, multis & prolixis commentariis illustrarant. Hinc ipse latine translatus primum prælegebatur, & utcunque explicabatur.

§. 31. Cum nec Græca intelligerent hi primæ professores, nedum propria meditatione aliquid, quod genium haberet, producere possent, unice pendebant ex commentationibus Arabum. Atque sic pessima sectandi pertinacia, Romanæ auctoritati valde proficua, oriebatur, & squalidiore, quam unquam antea, comparebat facie philosophia, propria meditatione plane abolita, auctoritatibusque ligata. Vocabantur hi sectatores Aristotelis, *scholastici*, *vitia Aristotelis sequentes*, *virtutes ejusdem haud assequentes*. Et toto hoc scholasticorum ævo, vera physica non solum nulla cepit incrementa, sed nec ea unquam puritate, qua ab Aristotele tradita fuerat, conspicua fuit.

Quinta emendatio per principia substantialia.

§. 32. Supra inter vitia Aristotelis recensuimus abstractiones cap. 5. 9. metaphysicas, vel potius ontologicas: has eo usque deduxerant scholastici, ut tota eorum physica, hujus farinæ notionum esset plena, *realibus & substantialibus principiis* exulantibus. Hoc primum animadvertentes chymici, nominatim *Rogerus Baco*, Anglus, sub finem sæculi XII. & *Albertus M. Germanus*, sub initium XIII. per chymica experimenta *reducere substantialia principia*, cum laude, allaborabant; & hic erat quintus emendandæ physicæ conatus.

§. 33. Sed & hi, cum opponere se solum abstractionibus ontologicis Aristotelico-Scholasticis deberent, abstractionibus simpliciter, adeoque etiam laudabilibus illis physicis, resisterunt, de novo in vitium supra de Joniis, concreta quædam, nec simplicia §. 28. satis principia statutibus, notatum, incurrentes, familiari primitivis sectarum errore, quo solent nimio refutanti fervore vitia in contraria currere.

§. 34. Cum ergo & chymici & scholastici sibi invicem fa-

tis clare suos exponerent defectus, illis principia substantialia, his abstracta urgentibus, ita ut viri eruditi, a partium studio remoti, ex utraque parte, & quod placeret, & quod displiceret, deprehenderent; desiderio priscae philosophiæ teneri cœperant: hinc erant, qui Pythagoricam, alii qui Platoniam, alii qui Stoicam, alii tandem qui Epicuream meditabantur reducere philosophiam: imo nec deerant, qui puriorem Aristotelicam restituere aggrediebantur.

§. 35. Sed Scholastica nihilominus permansit, & præ cæteris omnibus caput extulit. Interim cum ad illas ontologicas in physicis meditationes vix ulla alia, quam vulgarissima, opus haberent, experientia, tam imperiti erant professores physices, ut vix rarius, quid operis extra sua musea natura perageret, vel fando acceperant.

Sexta emendatio per experimenta.

§. 36. Cum vero in naturæ phaenomenis fundata esse debeat omnis principiorum physicorum soliditas, vidit initio seculi XVII. *Franciscus Baco de Verulamio* hunc defectum; & editis variis scriptis, v. g. *Paraſceve ad historiam naturalem & experimentalem*, item *Historia ventorum*, *Historia vitæ & necis*, & maxime *Sylva sylvarum*, eruditos ad comparandam sibi genuinam experientiam excitavit, & hic erat sextus notabilis emendandæ physicæ conatus.

§. 37. Jam lætissima spes affulgebat fore, ut physica genuinis demum suis, ex tam locuplete experientia, stabiliretur principiis, dummodo adhuc accederet, qui genuina principia recte ratiocinandi, maxime vero *probabilitatis doctrinam*, sufficienter traderet & perspicue, doceretque adeo, quomodo experientis recte ad inveniendas veritates physicas uti possimus atque debeamus.

Septima emendatio, per logices correctionem, à Cartesio absque successu tentata.

§. 38. Aggressus hoc ipsum est Renatus Cartesius circa annum

num XXIX. seculi XVII. editis primum meditationibus suis, quibus tentabat artem ratiocinandi a nævis suis repurgare, novisque regulis & observationibus instruere; & hic septimus erat, bonus quidem, sed *infelix*, conatus. Tempori quippe observatum ab eruditissimis, maxime & rectissime omnium a Petro Gassendo, quod id quidem, quod sibi præstitisse videbatur Cartesius, hisce meditationibus nullatenus præstiterit, dum in novis illis speculationibus plurima obrepserint præjudicia, de idea, de anima, de infinito &c.

§. 39. Ego addo, quod duas maxime ob causas illa emendatio logica Cartesii non solum nullius in philosophia fuerit usus, sed & plus damni quoque in eandem intulerit, quam logica hæcenus recepta. Et prima quidem earum hæc est, quod *generales* nimium sint omnes illæ Cartesianæ *regule*, & specialia præcepta, & ea quidem adæquata, de inventionem & dijudicationem veri, maxime probabilis, desiderentur. Secundam dico, quod una cum aliis philosophis *confusionem* nocentissimam *ratiocinationis philosophicæ & mathematicæ*, de qua primus in tractatu de sensu Veri & Falsi egi, continuerit, qua nisi sublata nihil solidi præstati in physicis unquam potest. Lib. II. C. IV.

De distinctione ratiocinationis mathematicæ, & philosophicæ, per omnia ratiocinat. philosophicæ capita.

§. 40. Dicto quidem loco satis clare differentiam utriusque ratiocinationis demonstravi, ex eo tamen, quo illa scripsi, plures in mentem venerunt differentiæ, quibus liquido apparet, quod e diametro, quod dicunt, distent a se invicem ratiocinatio philosophica & mathematica. Has hoc loco inserere utile, pro stabiliendo hoc nostro argumento, videtur.

§. 41. Ut itaque appareat, quod assertum nostrum a nulla causa alia, quam intima mentis convictione oriatur, breviter, quomodo in singulis ratiocinationis momentis ratiocinatio mathematica discedat a philosophica, sic accipe: I. A sensatione haud ducunt initium mathematici, sed à *possibilitate*: unde & *objectum*

matheſeos est *ens poſſibile*, ſicut philoſophiæ *ens reale*, adeoque latius philoſophico patet obiectum mathematicum. Unde & est, quod *mathematici ſenſum repudient*, & ab intellectu ſemper etiam in philoſophicis initium ſacere velint. Hoc ipſum vero recte faciunt in mathēſi. Nam ſi in hac a ſenſu ordirentur, aliquid *latitudinis* obiecti ſui perderent. Mathematicæ enim æſtimari, hoc eſt meſurari & numerari, ens poſſibile peræque poteſt ac ens reale, imo & ens philoſophice (v. g. ratione cauſæ modivæ) dummodo non ratione quantitatis, *faſſum*. Unde intelligi poteſt, quod non plane penitus ineptiat, ſed inconveniente ſolum loco mathematicet Carteſius in Princip. ubi ait: *parum referre, quid hoc pacto ſupponatur, quia poſtea juxta leges nature ſit immutandum*, quod clarius ſic legitur in margine: *harum ſuppoſitionum falſitatem non impedire, quo minus ea, quæ ex ipſis deducuntur, vera & certa eſſe poſſint*.

B. III. §.
XLVII.

Vide & ibid.
§. XLV.

§. 42. Huic confuſioni utriuſque ratiocinationis innititur inepta jactantia, quam habet, all. l. §. IV. his verbis: *principia quæ iam invenimus, tam vaſta ſunt, & tam fecunda, ut multo plura ex iis ſequantur, quam in hoc mundo adſpectabili contineri videamus*; (ſcil. poſſibilia. Niſi ignariſſimus veræ logicæ fuiſſet hic philoſophus, palpare poterat, quod ſua hæc principia ſic neceſſario ſint inadæquata, utpote generaliora quam par erat, & per conſequens, falſa) ſed pergit ulterius vitio principiorum ſuorum gloriari: *ac etiam multo plura, quam mens noſtra cogitando perluſtrare unquam poſſit*. Quod idem eſt dicere, ac ſi quis aſſervuiſſet, principia philoſophiæ Ariſtotelis eſſe alphabetum Græcum, & dein verbis Carteſii gloriaretur: *principia quæ jam invenimus, tam vaſta ſunt & tam fecunda, ut multo plura ex iis ſequantur, quam in hac Ariſtotelis philoſophia contineri videamus*: (ea puta quoque, quæ in Platone & nullo non penitus ab Ariſtotele diſſentiente, philoſopho Græco) Reliqua Carteſii nullo quoque negotio ad idem alphabeti principium applicari poſſunt.

§. 43. Hac ipſa quoque confuſione poſſibilitatis mathematicæ, & realitatis philoſophicæ, & dat turpiter Rohault, dum ait:

Iterum

Iterum constat, solius iudicii ope nequaquam posse nos surgeri, ut credamus cujuscipiam rei existentiam (quia nempe mathesis a possibilitate orditur) *Nam etsi cohibere nos non possumus, quin varia proferamus iudicia: v.g. si res due aequales sint eidem rei, eas esse inter se aequales: si rebus aequalibus res aequales addantur, omnia fore aequalia &c. non tamen inde certi sumus, nullas res aequales vel inaequales existere: nam iudiciorum nostrorum veritas ad summum competit rebus possibilibus.* Ex hisce præmissis aperte §. seq. XII. concludit, quod ratiocinia nostra nihil præter possibilitatem rerum differentium à nobis constituent & stabiliant.

Tr. Phys. c.
11. §. XI.

§. 44. II. *Definitionibus* suis philosophia, speciatim physica, modum quo constituta per principia sua, utpote *causas*, res aliqua fuerit, assequi tentat: mathesis vero, *quomodocunque constituta quantitatem* exputat: unde & modum & causas, quod sapienter sæpe celeberrimus mathematicus *Isaac Newton* monet, perinde habet, & definitione vel mere possibili, vel aperte falsa, modo non naturæ quantitatis contraria, sicut patet ex dictis §. 43. æque commode utitur, ac vera. Idcirco mathematici differentiar loco aliquam constituunt genesin, quæ ut plurimum pluribus modis potest concipi, hos omnes modos æque admittunt, & *ex contrariis quoque definitionibus, eadem corollaria deducunt.* Neque enim causas & modos, quod philosophorum opus est, constitutæ rei quærunt, sed quomodocunque constitutæ quantitatem æstimant, & sic recte possibles quoque definitiones sumunt: at in philosophia omnis mere possibilis definitio pure nominalis est, nec ullas conclusiones reales, sed nominales tantum suppeditat. Ejusdem diversitatis confusione, putavit *Spinoza*, se ex nominali & possibili (non reali) substantiæ definitione posse reales contra existentiam Summi Numinis, conclusiones deducere.

Vid Zschirn-
haus. Med.
Ment. Sect.
II. p. m. 55.

§. 45. III. *Divisiones* philosophorum ordinario sunt *genus & species*, mathematicorum, *totum & partes.* Differunt autem hæ duæ divisionum species quam maxime. Nempe genus totum est in qualibet specie, totum autem omne in qualibet parte minime: unde & species subsumi potest de genere, non autem pars de toto;

Vid. ejus E-
thica P. I.
Prop. V. &
seqq.

toto : sed comparari solum possunt hæc duo invicem per solenne illud Algebraicum *plus, minus* : philosophia autem si agat inter-
dum de toto, prædicat, non supputat. Hæc differentia demon-
strari etiam potest a priori h. m. Objectum *possibile necessario*
habet partes, non necessario habet species ; quia ubi plane con-
veniunt inferiora, ibi nulla est diversitas ; ubi nulla est diversitas,
ibi nec datur species : unde in objecto possibili semper locum ha-
bet ratiocinatio mathematica per partes, non item philosophica
per species. Cæterum mathematica divisio, quoniam mathema-
tici ideo dividunt, ut supputare possint, jure meritoque *in infi-*
nitum, vel saltem in indefinitum usque procedit : philosophica ve-
ro, quoniam ideo dividit, ut naturam divisi assequatur, nunquam
ultra principia physica recedit.

Tr. Phil. & V. §. 46. IV. Habent quoque peculiariora sua *axiomata* mathe-
s. IX. maticæ, quæ si pro universalibus habeantur, & objectis quoque phi-
losophicis applicentur, tota faciunt aberrare via. Sic Rohault, ha-
bet aliquod hujus tenoris : *Omnis mutatio ab aliqua causa exteriore*
procedit ; quod uti in mathesi verissimum, ita in physica falsissi-
mum vel solæ bombycis mutationes ostendunt : alia multa similia
axiomata in Cartesii occurrunt principiis.

§. 46. §. 47. V. *Consecutaria* ex definitionibus possibilibus & falsis,
sensu superius dicto, nanciscuntur mathematici, omnibus numeris
absoluta, quippe quæ omnem rectitudinem mathematicam habere
possunt, si vel maxime non existant ; at philosophi qui realitates in-
dagent, ex re, cujus indubia est existentia vel essentia, non possunt
habere conclusiones alias, quam nominales.

De aliis, quæ peculiariora & propria sunt ratiocina-
tioni mathematicæ.

Cap. IX, p. m. §. 48. Propriam *idearum claritatem & distinctionem* ha-
97. bent mathematici. Nam mathematica distinctio & claritas indivi-
duorum est, philosophica, abstractorum. De mathematica ve-
rum est, quod habet A. Artis cogit, quod *obscuritas sit confusions*
effectus, vel ejus verbis, quod obscuritas aliunde, quam a confusio-

ne haud sit : hoc ipsum vero plane falsum in philosophia deprehenditur. Hic enim confusio nec obscuritatem nec claritatem parit, sed claritas potius ad distinctionem & confusionem est necessaria; ut enim aliquid vel distinctum pronunciatur, vel confusum, decet esse antea clarum; debet enim judicari, judicari autem non potest, nisi sit clarum; v. g. si quis velit *elasticitatem*, quam nos puram *differentiam corporis*, vel confusam pronunciare vel distinctam, & hoc facto demum querere, quid sit elasticitas, omnium, puto, iudicio ineptus esset: at in mathesi nihil absurdi habet, confusam dicere alicujus figuræ ideam, etsi nondum per partes, hoc est mathematico sensu, clare comprehenderis.

§. 49. Verum porro de mathematica claritate & distinctione est, quod habet allegatus auctor, quod nempe *una eademque res sit* claritas & distinctio: individua enim nemo clarius cognoscit, quam qui per partes minimas, id est sensu mathematico, quam distinctissime comprehendit. At hoc iterum falsum in philosophia est: hic enim claritas est a sensu, & raro immediata est, distinctio vero ab intellectu, potestque aliquid in philosophia esse clarum, quod non sit distinctum, si v. g. definitione Platonis homo dicatur esse animal bipes, carens pennis. Hoc sensu Cartesius in tribus illis suis de methodo regulis & hanc ponit; *ut difficultates, quas* de Methodo, p. m. 10. *esse examinaturus, in tot partes dividerem, quot expediret, ad illas commodius resolvendas;* recte, si objectum sit mathematicum, quia sic reddebat ideas claras & distinctas: at quis hæc sine absurditate ad philosophica applicaret objecta, v. g. ad difficultatem, quid sit aurum, vel an sit Deus?

§. 50. Porro recte negligunt causas modosque mathematici, quos unice querunt philosophi: neglectis vero causis modisque, solum mathematice debebant ratiocinari, id est, computare, & ab omnibus conclusionibus philosophicis caute abstinere, quod semper facit, rariter suos cum laude, *Isaac Newton in Philosophiæ Principiis Mathematicæ*. Hinc quamdiu mathematice ratiocinantur, recte sibi motum per impressionem concipiunt, at quando Galilæus in Systemat. Cosmet. p. m. 14. putat, quod hinc vere quoque lapis, ab equite ex equo demissus, participet motum

C

equi,

equi, ex principio recto mathematico, falsam deducit conclusionem philosophicam.

§. 51. Uterius mathematicorum *modi* sunt *varii*, quia possibiles tantum: in philosophia contra unius rei una est causa, unus modus: causam puta adæquatam. Item mathematicorum modi possibiles sunt omnes facile *determinabiles*, quia sunt in potentia hominis, & ad nullam aliam, quam humanam potentiam referuntur: modi vero philosophorum in physicis non item, quia referuntur ad infinitam Dei potentiam. Porro *species & opposita* mathematicorum sunt *perfacilia*, differunt enim solum quantitate, v.g. angulus acutus, obtusus, & rectus: at philosophorum species & opposita substantiis differunt & causis, non nisi acutiore acie cognoscendis. Tandem *ex unico phenomeno* plene ratiocinari possunt mathematici, at philosophi ex unico, in argumento probabili, nisi & causa ejus sit unica, nihil concludunt. Exteras differentias in tractatu de Sensu Veri & Falsi jam prolatas huc nolo reperere. Denique de impossibili pronuciare in mathesi licet, minime in philosophia: quantitas enim plene a nobis intelligitur atque comprehenditur, principia physica non.

Lib. II. Cap.
IV.

De noxa sinistra applicationis hujus methodi ad philosophiam.

§. 52. Omnia hætenus demonstrata confusionem & errorem pariunt, si applicentur ad philosophiam, maxime vero ad sequentes errores seducit hæc methodus, si ad philosophiam adhibeatur: (1) Ut sensu negligatur, & hinc *possibiles* formentur *definitiones & propositiones*, malorum corvorum mala in philosophia ova; quo vitio laborant hoc ævo celeberrimorum virorum libri philosophici, maxime physici.

§. 53. (2) Ut *precaria* in philosophicis, hoc est, ex nulla sensu vel probata vel probanda, assumantur *principia*, sicque petatur conclusio, id est, ea ponuntur absque probatione principia, quæ ad conclusionem deducendam sunt necessaria. Illustre exemplum habemus in Cartesii Dioptr. ubi duo ejusmodi precaria sibi sumit prin-

Cap II.

principia, quorum alterum mitiore censura transmittendum, hoc est; pilæ motum æque velocem in incidentia esse ac in reflexione; alterum acriori virgula notandum, hujus tenoris; quod pila in reflexione debeat aliquod punctum lineæ æque distantis a centro tactus NB. *æquali tempore*, attingere. Mirum non est, si jam sequatur conclusio, illud æquale enim tempus, tantæ est virtutis, ut vel absque subsidio reliquarum circumstantiarum conclusionem producat. Talis quoque est definitio Spinosana *substantiæ*, quam absque ulla probatione sibi, more mathematico, sumit, esse ens, ad cuius conceptum non indigeam conceptu alterius rei. Non mirum est, si hinc sequatur, non esse Deum; ita enim præparata est definitio, ut immediata conclusione evertat *relationem cause & effectus*, hinc Dei & creaturæ.

§. 54. (3.) Ut nihil curetur, *an principium* aliquod *verum sit, an falsum*, dummodo mechanicis demonstrationibus deprehendatur aptum. Hoc si fiat in mathesi, haud improbo. Sic recte Newton vim motricem refert ad corpus, vim acceleratricem ad locum, vim absolutam ad centrum, & sapienter addit: *Mathematicus hic saltem est conceptus. Nam virium causas & sedes physicas jam non expendo.* At ferendum minime est, quando physico sensu contendunt in projectis esse *impressum* aliquem *motum*, *corpus uno eodemque tempore sursum premere & deorsum*, & centum alia; hoc sane est inepte in argumentis philosophicis mathematizare.

Vide supra
§. 43.

Phil. Princ.
Mathem.
P. m. 4.

§. 55. (4.) Hinc quoque fit, ut *genuina probabilitatis doctrina*, vita veræ physices, *plane suffocetur*, dumque omnia mathematica ratione demonstrare, & comprehendere satagunt, faciunt, ut intelligendo nihil intelligant. Sicut enim ille, cui non satis clare viderentur cognosci colores per visum, quique eos idcirco palpare mallet, hoc suo conatu nihil assequeretur, & bonam illam per visum cognitionem temere mitteret; ita nisu suo demonstrativo hi philosophi, id quod sic satis bene per probabilitatis regulas cognoscere poterant, penitus amittunt.

§. 56. (5.) Accidit, ut *propositionum negligent quantitates*, & sæpissime a particulari concludant ad universale. Nam in

mathesi quando argumentantur, non opus habent, ut, an universalis sit aliqua propositio, an particularis, advertant: imo sæpe ne quidem, etsi velles, commodè adhiberi potest quantitas, v. g. bis duo sunt quatuor, & bis quatuor sunt octo: item detur aliquod triangulum semicirculo inscriptum, apparebit, quod baseos quadratum æquale sit quadratis duobus laterum. Unde pari deinceps modo, sed perperam, in philosophia quoque quantitates propositionum negligunt, v. g. quando vident in mortuo oculo lumen repræsentari in retina inversum, statim concludunt, quod etiam in vivo, adeoque in omni pariter oculo, debeat fieri repræsentatio.

*De eo, quid post septimum hunc conatum & factum sit,
& fieri ulterius debeat.*

§. 57. Ex dictis meridiana luce clarius est, quod Cartesius ille emendationis conatus plus damni intulerit physicæ, quam emolumenti. Cæterum post infelicem hunc nisum, nihil amplius fuit gestum, nisi quod, inventa ab *Ottone Quericchio* antlia pneumatica, jucunditate experimentorum ita capti fuerint eruditi; ut ipsa pene jam *physica in experimentorum fabricem degeneravit*, adeoque jam nihil aliud deesse videatur, quam ut logicâ, præcipue vero, genuinis probabilitatis regulis, ita instruaturn intellectus, ut experimentis recte ad inveniendâ vera principia physica posset uti.

§. 58. Cæterum nolo huc annectere historiam logicam: illud solum attentionis in lectore excitandæ causâ dicam, quod nullam adhuc viderim, quæ duos articulos, ad physicam soliditatem absolute necessarios, recte exposuerit, (1) *rationationem mathematicam a philosophicâ recte distinguendo*, de quo hæcenus; (2) *probabilitatem a purâ possibilitate, fuso oratorio, lusu ingenii, proverbio & similitudine*, solide discernendo, naturamque ejus vere & adæquate explicando, de quo argumento vide sis nostros qualescunque conatus in Sensu Veri & Falsi. His ergo administratis instructi strenue aggrediamur opus: locupletissimam superioris, hujusque seculi experientiam sensibus objiciamus, ingenii

venam

venam de hypothefibus follicitemus, easque per recte ratiocinandi regulas cum experientia conferamus! fic fieri vix aliter poterit, quin veritatem assequamur.

§. 59. Principia hæc *nova* erunt, si cum proximorum feculorum hypothefibus conferas; *antiquissima*, si cum antiquissimis. Cum autem a receptis doctrinis temere recedendum non sit, ut lector eo clarius videat, quod convictio veritatis nos secessum facere iussit, non studium novitatis, singulis capitibus præmittimus breviter trium celeberrimarum hoc ævo Sectarum, *Aristotelicæ, Cartesianæ & Neo-Democriticæ*, sive *Gassendisticæ* placita, & quibus de causis assurgere iisdem minime queamus, exponemus; nostris dein principiis subjunctis.

S E C T I O II.

De

Aristotelis generali physices doctrina.

An ab universalibus procedendum ad singularia, an contra?

§. 60.

Aristoteles tum metu, tum imitandi cacoëthe, vid. §. 64. seductus, maxime omnium hoc loco id contendit, quod *ἐκ τῶν καθόλου ἐπὶ τὰ καθ'ἑκάστα δὲ προίναί*, id est, *ab universalibus progrediendum ad singularia sit*; cum vero hoc ipsum processui naturæ intellectus nostri ediametro sit contrarium, mirum haud est, quod etiam non nisi ficulnea, pro stabilienda thesi sua, proferre potuerit argumentula.

§. 61. Nam dicit, dubio carere, quod à notioribus sit incipiendum; totum autem esse notius suis partibus, & universale esse totum, unde incipiendum esse ab universalibus. Ad quam demonstrationem ita respondeo; distinguendum inter *totum ideale* seu logicum, & *physicum*; de hoc solo verum est, quod sit notius suis

Phys. Auct. Lib. I. c. I. Vid. de sensu Veri & F. Lib. I. C. II. §. 5. & seqq.

partibus, minime de illo. Ratio autem in eo est posita, quoniam totum physicum propius est sensibus, quam ejus partes; sic enim intuiti hominem totus homo propior est visui, quam ejus viscera. At quis hoc idem dicat de toto ideali, seu universali, quod propius sit sensibus, quam ejus partes, nempe individua? Quis non potius palpat contrarium, videlicet, quod singularia sint longe notiora universalibus, & quod vel ob id ipsum a singularibus, experimentis puta, omnis solidæ considerationis hoc loco faciendum sit initium. Sed pergit Stagirita, quod hinc etiam pueri primum omnes viros patres, omnes sœminas matres appellirent, post deinceps vero rite discernant a se invicem: quod vere puerile argumentum est.

*De distinctione inter notiora nobis & notiora
natura.*

§. 62. Nec prodest ipsi distinctio inter notiora natura & nobis, quæ etiam alibi, nempe Cap. V. Phys. γνωριμώτερα κατὰ τὸν λόγον, & γνωριμώτερα κατὰ τὴν αἰσθησιν, & id est, notiora secundum rationem, & secundum sensum, vocat, illa vero quæ sint, alibi docet, dum ea vocat τὰ παρρωτέρων τῆς αἰσθήσεως, & subjungit: ἐστὶ δὲ παρρωτέραν μὲν τὰ καθόλου μάλιστα, id est, *ea esse notiora natura, quæ quam longissime à sensu distent; ea autem quæ sic distent, esse maxime universalia.* Hæc si in summam colligas, deprehendes, quod notiora naturâ, sive secundum rationem, sint *universalia*, notiora nobis vero, sive secundum sensum, *singularia*.

§. 63. Ad hanc distinctionem respondeo: (1) Peti principium: supponit enim id, quod in quæstione est, nempe universalia esse notiora, quomodocunque considerata. (2) *Platonizare* hic Aristotelem. Neque enim vel speciem veri habet universalia esse notiora singularibus, nisi cum Platone statuatur, *ideas veri fuisse in mente, antequam in corpus fuerit protrusa*, hancque similem esse tabulæ rasæ, in qua quicquid primitus fuerit insculptum, adhuc delitescat, oblitteratum saltem: sic idææ illæ oblitteratæ possunt con-

sidera-

nempe Ana-
lyt. Post.
Lib. I. C. II.

siderari, ut & priores ideis sensualibus, & notiores. Cum ergo hæc distinctio Platonico præjudicio innitatur, & alibi à nobis demonstratum fuerit, quod omnis nostra cognitio oriatur à sensatione, clarum est, quod nulla alia dentur notiora præter sensuaria, & quod notiora natura sint figmenta Platonico-Peripatetica.

Sens. Veri &
F. Lib. I. c. II.
§. 7. & seqq.

Quod Aristoteles physicam metaphysice tradiderit.

§. 64. Mirum autem est, quod vir subacti acrisque judicii, Aristoteles, propositionem hanc fundamentalem melius haud probaverit: ut vix à me impetrare possim, quin meæ alicui suspicioni firmam adhibeam fidem. Est autem hæc: antecedentes philosophi, maxime mechanici & physici, insigniter turbaverant communem superstitionem, unde maximum eo tempore philosophos premebat odium: accedebat, quod & Socratis memoria aliquid metus incutere Stagiritæ posset. Unde ut & vulgi odium & eruditorum objectiones declinaret, commode succurrit, quod pervulgatum tunc inter eruditos erat proverbium, *ὅτι ἡ γινώσκουσα ψεύδεται*, quod *abstrahentium non sit mendacium*, id quod de metaphysicis valet abstractionibus: hinc putabat, si metaphysica abstractione proponi posset physica, eam fore satis tutam & a vulgi odio, & eruditorum insultibus.

Phys. Lib. II.
c. II.

§. 65. Hanc ergo ob causam Aristoteles *metaphysica* potius quam *physica* utebatur abstractione: illa vero usus & à singularibus incipere poterat, & ab universalibus: & cum persæpe Platonicas falsè notaverit ideas, aliud quid ipsum movisse videtur, ad quod consequendum Platonico errore utebatur. Hæc nempe erat ambitio, quâ nihil cedere volebat Mathematicis, gloriantibus se non sua solum, sed & physica, luculenter & certo posse demonstrare. Quodsi ergo à singularibus incepisset, ultra probabilitatem assurgere ejus doctrina haud poterat, nisi meras abstractions voluisset formare metaphysicas: hinc ut demonstrare & ipse posset, contendit inchoandum omnino esse ab universalibus.

De Scientia, ejusque requisitis.

§. 66. Sic autem non solum nascebatur physica inanis, abstractione

Analyc. Post.
L. I. 6, II.

fractionibus ontologicis turgida, utilibus hypothesebus, naturæ adyta referantibus, vacua, sed & insigniter ratiocinatio mathematica cum philosophica confundebatur, hinc & *scientia*. Hanc ita describit Aristot. quod debeat esse ἐξ ἀληθῶν, καὶ πρώτων, καὶ αἰσίων καὶ γνωριμωτέρων, καὶ πρότερον, καὶ αἰών τῶ συμπεράσματι ; quarum assertionum quasdam demonstrabo de mathematico solum veras esse ratiocinio. Equidem, quod ex veris debeat procedere scientifica demonstratio, bene se habet, quod autem ex absolute primis eadem debeat institui, doctrina est in mathesi verissima, in philosophia & physica & falsa & noxia : utrumque autem demonstrabo.

§. 67. Nempe mathematici cum omnia ex figuris demonstrant & numeris, figura autem numerique ita sint in hominis potestate, ut quicquid horum vel ars gignit vel natura, imitari solertia hominum, saltem cogitando, queat, adeo ut utroque respectu, vel in infinitum usque progrediatur ; patet quod *ipsi semper à primis ducere & deducere ratiocinia sua possint*. Possunt enim determinare genesin figuræ, & ex hac genesi, tanquam primo figuræ factæ principio, omnium consecutorum dependentiam ostendere.

§. 68. At hoc ipsum in physica nullatenus procedit doctrina. Nam geneses rerum naturalium in hominis potestate haud sunt, nec ab hominibus ullum vel abjectissimum ens naturale fieri potest : cum contra homo figuras naturæ tam perfecte imitari queat, ut *ars etiam sepe naturam superet*, sitque adeo in mathesi nihil non humanum & naturale : contra in physicis pleraque omnia Divina, nostroque & intellectu & imitatione majora : unde nec à primis ratiocinatio physica initium facere potest.

§. 69. Nam geneses rerum duplex est cognitio, causa & modi : quorum utrumque cum in hominis potestate sit in rebus quantitatis, sciri à mathematicis potest : contra cum in rebus physicis prima causa DEUS sit, modus actio aliqua DEI, nempe applicatio ejus ad producendos effectus, & ita quidem, ut nec effectus productio nec modus in hominis imitationem cadat, imo & neuter vel cogitari solum & exputari ab homine possit ; patet iterum, quod

quod mathematicorum quidem demonstratio vere ex primis procedat principiis, neutiquam vero philosophorum scientia, nec adeo & physicorum, eodem se habeat modo. Hoc ipsum autem philosophis nullatenus dedecori, sed singulari potius honori est. Versantur enim philosophi circa *objectum divinius*, naturam nempe & substantiam rerum, cum mathematici *quantitatem* considerando, longe ignobiliori occupentur, adeoque ratione demonstrationis philosophicæ mirandum haud sit, quod tam crassa demonstratione pernosci divina nequeant, ut mathematica. Hinc & ad mathematicas disciplinas non opus habemus nisi memoria & iudicio, ad physicam vero & memoria, & ingenio, & iudicio: unde & *intellectus ad res mathematicas aptissimus*, qualis Cartesii fuit, *ad res physicas ineptus esse potest*.

§. 70. Sic patet falsitas, nunc & damnum perpendamus. Qui sua ex *primis* demonstrare contendit, modum pernosse debet: omnis autem cognitio modi sola ratiocinatione indaganda, dependet a cognita natura causæ efficientis, cuius naturam si ignores, ignorabis & necessario modum effectus producti. Jam cum principia naturæ facta sint à Deo, Dei autem natura nobis sit impenetrabilis, vires vero entium pertineant ad naturam eorumdem, modus ad vires; claret quod & modus factorum a Deo naturæ principiorum nostræ haud pateat cognitioni, & adeo, quod si nihilominus, modum hunc, quod mechanici nostri faciunt, exputare velimus, vel incautum simus meditaturi, vel ea supponere debeamus principia, quæ sint in hominis potestate, qualia sunt mechanicorum figura & motus, unde non solum conclusiones, divinitati principiorum physicorum acceptæ referendæ (quales sunt pleræque animalium & vegetabilium) non sequantur, sed & sequantur aliæ longe perniciosissimæ, hæc nempe: quod, si nihil requiratur ad principia præter motum & figuram, & corporibus naturalis esse videatur gravitatis motus, figura autem facile possit esse motus effectus, sequatur, quod per se potuerint existere hæc principia: quo semel assumpto, nihil amplius in natura restat, quod intellectum de Summi Numinis existentia convincere valeat.

§. 71. Quamvis autem ipse Aristoteles statuat, *ἐπιστήμη τῶν ἀμείνων* *Analyt. Post. Lib. I. c. III.*

ἀμέτῳ ἀναπίδεσθαι, scientiam immediatorum indemonstrabilem; tamen per illa immediata intelligit universalia, quæ, sive logice consideres, sive physice, pro vere immediatis haberi nequeunt: Non logice; nam sic per sensus immediate cognoscuntur singularia, & ex his demum concipiuntur universalia: non physice; nam falsum plane est, quod universalia, quippe de quorum etiam existentia quondam illi dubitabant Peripatetici, qui Nominales vocabantur, sint singularium principia. Sane hoc saltem indubium est, quod singularia facta sint a Deo per principia physica, universalia autem abstracta sunt a singularibus; ergo manifestum est, quod universalia non sint principia singularium. Aristoteles quidem negaret id, quod mihi sumo, universalia abstracta a singularibus esse omnia: sed & thesin suam nemini intelligenti, nisi forte in doctrina de natura notis universalibus Platonizanti, cum probaturum esse confido.

§. 72. Quod addit, *ex immediatis* quoque demonstrationem debere institui, salubre præceptum est, præcavens, ne saltus, & hinc non dilucida satis fiat demonstratio. Quod vero attinet, ad *notiora*, quæ pariter requirit, si de vere notioribus, nempe sensuallibus intelligantur, verissima & ad sensum veri falsique utilissima thesis est, falsa tamen in animo Aristotelis, quippe qui Platonico præjudicio universalia notiora natura existimat. Sic & recte se habet, quod dicit, ex *prioribus* debere deduci demonstrationem. Nam si ex posterioribus demonstrare aggredere, non versus principium pergeres, sed versus conclusiones, quæ cum priorum nunquam sint causæ, sed potius effectus, ad summum poterunt probare priorum existentiam, neutiquam vero essentiam.

§. 73. Principia demonstrationis scientifica debere esse *conclusionis causas*, eodem loco præcipit: quod iterum videtur a mathematicis perperam ad philosophica traductum. Verum quippe solum est, de demonstratione essentiae, minime vero de probatione existentiae, quæ aliter quam per effectus demonstrari nequit. Mathematici vero, quorum objectum est ens modo possibile, non habent demonstrationes existentiae, sed solum essentiae, puta, quantitativæ: unde quodcumque demonstrant, id faciunt per causas, nunquam

Vide supra
§. 62. & seqq.

Vide supra
§. 41. & seqq.

nunquam per effectus. Contra vero philosophi, quorum obiectum est ens verum, debent non solum sibi aliquid sumere, sed & existentiam ejus probare, probare vero aliter, quam per effectus haud possunt: ergo falsum est, quod principia demonstrationis philosophicæ semper & necessario debeant esse conclusionum causæ. Quodsi Stagiritæ hoc assertum logice velis intellectum, ut causæ hic sumantur pro rationibus asserendi; sic in syllogismo etiam dialectico tales darentur causæ, adeoque & dialecticus foret apodicticus, id quod secundum Aristotelem est absurdum.

§. 74. Ex dictis patet, quod ob confusionem demonstrationis philosophicæ & mathematicæ, male sibi naturam scientiæ conceperit Aristoteles. Sed cum recentiores Aristotelis, interdum non penitus rejicienda, deseruerint placita, mirum est, quod in hac noxia perquam confusione *consensu unanimi cum sequantur*, & dicta scientiæ requisita vel approbent, vel non nisi obscuritatis acculent. Nos per scientiam philosophicam intelligimus, cognitionem ex definitione & divisione, seu, quod eodem recidit, per genera & species ad plures conclusiones pergentem: quo ipso & à probabilitate, & à scientia mathematica clare satis distinguitur, insimulque patefeit, *physicam methodo scientiarum non posse pertrahari*: de quo paulo post agemus ex instituto.

§. 80.

De obiecto physices.

§. 75. Dissentiunt à se invicem Peripatetici, his corpus naturale, quatenus tale, aliis idem, sed quatenus mobile, asserentibus, & utrisque Aristotelem in suas partes trahentibus. Ipse sibi enim non satis constat, alioque tempore sensisse aliud. Sic namque, in libris de Cælo, corpora cœlestia ad physicam refert, in Metaphysicis cœlestia physicis opponit. Fluctuasse autem tantopere videtur, quod nondum pensitasset, quid vere disciplinis præstitueret fines atque terminos, de quo deinceps, quid nobis videatur, exponendum veniet.

SECTIO III.

Cartesii & Gassendi

de

Physica in genere sententia.

§. 76.

Hic ordine nobis præstituto esset examinanda : Sed & ille & hic parum habet, quod huc pertineat. Cartesius toto quidem Lib. I. de Principiis prolegomena tractat, quæ tamen in universum sunt logica, & in nostro, de Veri Falsique sensu, tractatu passim refutata, & huc adeo denuo non revocanda. Interim in eo videas ubique eadem cum philosophia vulgari oberrare chorda hosce Duumviros, in quo dissentire vel maxime debebant, quod nempe physica sit scientia: Sed cum hoc præjudicium philosophiæ à mathesi fuerit affricum, & uterque, tum Gassendus professione, tum Cartesius vitæ electione, mathematici essent, ratio consensus in re tam aperte falsa apparet.

SECTIO IV.

Nostri opinio

de

Physica in genere.

§. 77.

Phyfica est doctrina, qua probabiliter cognoscimus, quibus principiis, primo saltem intuitu insensibilibus, DEUS in constituenda natura sensibili sit usus, ut si quid rerum naturalium tractemus, prudenter circa illud versari, atheisque & superstitiosis macula soliditate occurrere possimus.

Quod

Quod physica sit species probabilitatis.

§. 78. Paradoxe insinuat definitio nostra, quod physica non sit nisi probabilis, id quod non intelligo de *conclusionibus*, sed de *principiis*, quæ maxime physicam constituunt: conclusiones enim potius ad *utentem* pertinent physicam: & has *demonstrativa* ratione ex principiis probabilibus erui, non nego. Probabilitatem vero, & principiorum, vulgo non admittunt, qui physicam scientiam esse contendunt, & hæc mechanicorum cum peripateticis communis est assertio, manifeste tamen falsa, quod sic probo: (1) κατ' ἀλήθειαν ex natura physices & probabilitatis, h. m. Probabilitas est, quando ex pluribus effectibus ad causam, vel ex pluribus causis concludimus ad effectum: prius autem subinde in physicis solet fieri, ergo sua luce radiat, quod doctrina physica sit probabilis. (2) κατ' ἀνθρώπων, in gratiam probabilitatis naturam ignorantium, sequentem in modum: negari non potest, quod in physicis nihil faciamus aliud, quam ut ex cognitis per sensum accidentibus eruamus causas & modos eorundem. Jam vero inter causam & causatum nunquam est connexio necessaria, quia unius causæ plures possunt esse & contrarii sæpe effectus, & unius effectus plures causæ; cum ergo in physicis non aliter possit procedi, quam ut ex effectibus cognoscatur causa, patet, quod hæc cognitio non possit esse omnino certa, adeoque nec, quod scientiarum est proprium, demonstrativa: cum autem demonstrativæ cognitioni nulla opponatur alia, quam probabilis, patet vel alia omnia de probabilitate sentienti, quod cognitio physices docentis alia non sit, quam *probabilis*.

§. 79. Sane quod ante Aristotelem physica probabilium numero fuerit habita, apertum & clarum ex Platonis Timæo est, ubi p. m. 476. Timæus ait, quod cum ipse humanæ debilitati sit obnoxius, par sit, πῶς τῶν τῶν ὑπότα μύθεν ἀποδεχομένων μηδὲν ἐν πᾶσι ζητῶν, id est, ut præter probabilitatem hic nihil aliud requiratur: ut adeo firmum satis existimandum sit assertum nostrum, quo diximus vulgatissimam opinionem, quod physica sit scientia, esse præjudicium male & erronee ad physicam applicatæ methodi

vide supra
§. 44. & seqq.

mathematicæ, quod eo præcipue tempore, quo tum probabilitatis natura, tum distinctio ratiocinationis philosophicæ & mathematicæ & mathematicos latebat & philosophos, facile his quidem affricari poterat.

Quod principia physica debeant esse substantialia.

Præc. P. II.
§. ultimo.

§. 80. Principia, quæ hic quærimus, sunt illæ causæ, de quibus modo fuit dictum: causæ vero dictæ semper sunt *substantiæ*, nunquam accidentia. Vix autem hanc assertionem concoquere poterit Cartesius, & physicus mechanicus, si, quod Cartes. fecit, profiteatur, *se nulla alia physices admittere principia, quam mathematica*: mathematica autem principia sunt accidentalia, quia sunt quantitates. Sed quid Cartesius cum suis sectatoribus hic admittant, vel non, nostra non adeo refert, ego interim meam sic do probatam assertionem: Omnis causa efficiens (nulla enim in physicis quæritur alia) ut causæ sustineat nomen, debet aliquid egisse: quod si aliquid egit efficienter, substantia est, non accidens. Nam quocunque modo describas substantiam, dummodo, quod semper fieri debet, sincere opponas accidentibus, quæ per me quoque modos vocabis, patebit, quod substantiæ natura in eo sit posita, ut accidentibus se exerat, sive ea producendo, sive, Peripatetico stylo, sustinendo. Unde si accidens causaretur aliquid, ageret; si ageret, substantia esset, non accidens: id quod absurdum. Ergo quicquid id sit, quod accidentia producit, hoc saltem constat, quod substantia debeat esse, nec accidens esse queat.

§. 81. Hæc etsi tanta radient luce, ut dissentientium vel hebetiorem satis acute perstringere aciem valeant, mirandum tamen est, quod & Cartesius, recte ab Huetio ignorantia logices accusatus, & ejus asseclæ, non erubescant dicere, *mechanismum* quendam, & cum quidem mathematicæ talem, *indefinito motu, & figura*, constantem, esse adæquatam phænomenorum physicorum causam. Ut enim fictas permultas & figuras & motiones mechanicis hæc philosophis quam indulgentissime largiar, nihil tamen ex hisce singulis sequetur aliud, quam quod his instrumentis, figuris nempe, *possit* aliquid effici, si accedat causa, quæ instrumenta recte

recte applicat. At illi vix condonanda, licentia dicam an stupiditate? postquam, quantum satis est, instrumentorum finxerunt, *nulla substantiæ dirigentis mentione* vel facta vel concepta, ad actua-lem effectus concludunt, verius hallucinantur, productionem: idem facientes cum eo, qui postquam asseruisset in panno conclusa esse fila & acus cum forfice, naturali hinc fluxu confieri tunicam argutaretur.

§. 82. Motum putabis, quem figuræ præficiunt Cartesiani, posse eosdem ab his liberare objectionibus; sed cordatiores Cartesiani, quos inter quoque erat Sturmius, malunt hoc ulcus non attingere, ne denuo censura Huetii aliquo stabiliaur exemplo. Quid multis; Recurrit inconcussum illud supra assertum: quicquid agit, substantia est; unde si motus dirigat figuram, quod citra actionem fieri nequit, substantia non potest non esse, quod cum absurdum sit, patet quam male illa doctrina & inconcinne sit excogitata. Hæc consequentia Joh. Christ. Sturmium, cum cætera Cartesii placita, propter communia studia, deserere noller, adegit, ut ipsum Deum omnis in hoc universo motus, nescio an minore inconvenientia, directorem immediatum assereret.

Quod principia physica debeant esse insensibilia.

§. 83. Principia hæc dicimus debere esse primo saltem intuitu insensibilia. Nam si immediate incurrat aliquid in sensum, ejus *cognitio vulgaris* est, non erudita. At sæpe aliqua causa seu principium primum est insensibile, quod arte deinceps, vel casu redditur sensibile, cujus rei exemplum chymicorum suppeditant principia. Hinc cum nihil ardentius a nobis omnibus expectatur, quam sensualis cognitio, recte faciunt professores disciplinarum, qui si possunt, tales causas vel per microscopia, vel tubos opticos, vel alia artis subsidia, in aprium producunt. Interim haud raro observatur, quod dum causas se ostendere & oculis sistere conspiciendas gloriantur, nihil aliud quam effectum aliquem monstrent, *causa etiamnum*, ut antea, *latente*. Sic multi putant, se dum phænomena antliæ pneumaticæ oculis spectatorum subjiciunt, ipsas illorum phænomenorum causas ad oculum, quod dicunt, demonstrasse, v. g. gra-
vita-

vitatem aeris. Non intelligunt hi boni viri, quod, cum in confesso sit, quod aer hæcce causetur phænomena, quærat de modo, quo agat aer, dumque ipsi sibi sumunt gravitatem aeris esse illum modum, & omnis modus, de quo quærat in physicis, ratione sit exputandus, male & sibi & aliis persvadeant, quod *gravitatem aeris ad oculum demonstrarint*: phænomena enim demonstrant, modum vero, quo illa phænomena a suis dependent causis, ne spes quidem est ullo, vel perspicacissimo, seculo iri sensibus apprehensum.

Vid. Senf.
Ver. & Fall.
L. III. C. VII.

§. 84. Similis paralogismus est, quando solenni formula se *gravitatem ignis* ad oculum demonstrare putant, dum globulum ignitum lanci inserunt, & lancem aliquanto magis, quam cum globulus adhuc esset frigidus, deprimi ostentant. Neque enim gravitatem sic demonstrant, sed *depressionem lancis*, quæ præsumtæ gravitatis dicitur esse effectus: & quia unicus est hic effectus, secundum genuinas probabilitatis regulas, nihil ex illo sequi potest, nisi & causa sit unica: promptissime vero concinnior & principiis philosophiæ naturalis convenientior modus excogitari potest, nempe, *elasticæ aeris subsidentiæ in globulum*, quippe nunc subtiliore quam antea atmosphæra circumfusus, in quam necessario jam magis subsidet aer crassior, eaque ipsa subsidentiâ lancem deprimit.

§. 85. At eodem quoque vitio sibi satis haud cavent chymici, dum per ignem demonstrant principia & causas corporum, non advertentes, quod ad illum effectum, quem chymico suo labore sortiuntur, concurrant duæ causæ, altera efficiens, ignis, & quod productum chymicum utriusque causæ sit effectus, maleque adeo existimetur, illud quod per ignem dicitur, *eadem forma & quantitate*, in corpore delituisse, v. g. sal volatile in succino aut cornu cervi, oleum in chamomilla, majorana, cochlearia. Nam sicut fermentatio & plus & minus olei gignit, sic & ad ejusmodi effectus symbolum suum contribuit ignis. Principium ergo corporis dum se demonstrare existimant, effectum demonstrant, cujus adhuc a ratione indaganda restat causa, modusque.

Diffe-

Differentia physices atque matheseos.

§. 86. Dum porro asserimus principia, quæ hic eruere gestimus, esse insensibilia, eo ipso maximam illam differentiam, quæ est inter physicam & mathesin, arguimus. Illa enim dum versatur circa quantitatem, *sensibilia* pertractat, tum in principiis tum in conclusionibus: physica vero sensibilia quidem habet principia, nempe phænomena, hinc vero insensibilia concludit, causam puta & modum phænomenorum. Equidem mathematici principia quoque habere videntur insensibilia, punctum nempe, lineam & superficiem; Sed illa ipsa principia sunt mentalia, & realiter haud existunt, præcipue punctum, quod pridem ab aliis evictum, & a candidioribus mathematicis ipsis, Hobbessio, aliisque, fuit admissum, imo defensum. Conclusiones autem mathematicæ, etsi non semper ratione totius uno intuitu sunt sensibiles, sunt tamen respectu partium: ita ut totum illud, quod mathematica rationatione probatur, per partes sentiri successive possit: quod ipsum in illis causis & modis physicorum fieri potest haudquaquam.

§. 87. Porro physica versatur circa *corpora*, adeoque principia merito quærit corpori essentialia: at mathesis accurate loquendo non versatur circa corpus, sed modo *materiam*: quod hinc clarum est, quoniam mathesis unice uniceque considerat quantitatem, cujus principium est extensio: hæc vero naturam materię constituit, non corporis, prout universalissimo quodam præjudicio, paulo post a nobis refutando, hætenus sibi persuaserunt & philosophi & mathematici.

Cap. II. §. 2.
& seqq.

§. 88. Quoniam autem hæc probatio ex meis procedit principiis, idem quoque ex vulgo receptis probabo sequentibus: Corpus haud dubie ex elementis est compositum, quæcunque illa esse sumantur. Jam si in sua elementa resolvatur corpus, corpus non erunt amplius illa elementa, ideo quia sunt principia ejus, erunt vero necessario figurata: quod si ergo figura corpori esset essentialis, principia corporis essent quoque corpora, id quod recte meditantibus absurdum esse clucescet: negari autem nequit, quod mathematicus, etsi non solam, figuram tamen, consideret & quærat; ergo tunc

E

fal.

saltem, non versatur circa corpus; & cum huic nihil opponatur præter materiam & spiritum, palam sic est, quod ejus objectum proprium sit materia, non corpus. Sicut si barbiton for homini abradit barbam, circa hanc dicitur versari, non circa illum: etsi barbam per se absque homine vel animali existentem æque minus possit tondere, ac mathematicus figuram absque corpore considerare.

§. 89. At, quod dixi, recte meditantī absurdum esse, *principia seu elementa corporis esse corpora*, sic probō: Primo distinguo inter *principia* & *partes*: hæ enim vero & philosophico sensu, qui hoc loco haud dubie obtinere debet, nunquam sunt principia, etsi mathematici vitio perperam applicatæ suæ ad physicam methodi, ea confundant. Nam partes a toto haud differunt, nisi *quantitate*, figura videlicet atque magnitudine, at principia ab eodem *qualitate* differunt, hoc est, motu essentiali, qui in principiis semper alius est, quam in composito, id quod vel ex solis chymicorum principiiis luculenter patet. Sic enim cupri v. g. partes etiam minimæ, quomodocunque figuratæ, sunt cupreæ, id est, totam cupri in sese habent naturam atque indolem; unde cupri principia esse non possunt, quia sunt partes: at sal & sulphur ejusdem, principia sunt, quorum neutrum est cuprum. Dein si partes compositi essent principia vere talia, essent causæ; si essent causæ, sequeretur, quod id, quod minus habet virtutis, pars nempe, sit causâ ejus, quod plus ejusdem possidet, nempe compositi: sequeretur, quod processus causarum detur in infinitum, id quod & absurdum, & dicere, *atheam* est. Mathematici quidem cum pleraque sua ratiocinia aliter quam per considerationem partiumnectere haud possint, recte tamdiu dividunt, quamdiu ratiocinantur, & *partes ipsis loco principiorum sunt*, sed aliter sese res in philosophia, adeoque & physica habet.

§. 90. Non ideo id dico, quod consideratio materiæ & quantitatis nullum omnino in physica locum inveniat; sed cum ad corpus constituendum, & natura materiæ concurrat, & natura elastica, corpori, uti infra patefcet, propria; a priori patet, quod physica quidem penitus non respuat principia mathematica, *sed quod iisdem utatur, ut architectus arte fabricorum*, qua nemo dixerit, absolvi architecturam, etsi hæc iisdem indigeat, curat autem sibi
a fabricis

a fabris parari ea, quibus habet opus: ita physica sæpe arithmetica, sæpe aliis quantitaris considerationibus ad suas demonstrationes opus habet, de quibus tunc consulit mathematicos: quorum tamen scientia, in se laudatissima, æque minus physica est, atque ars fabricaria architectonica est.

§. 91. Hinc ergo a priori demonstratur, quod principia mathematica in physicis haud quaquam sint *primaria*, sed *secundaria* tantum: item, quod iis, qui physicam solis principiis mathematicis absolvi putant, in vere physicis conclusionibus non possit non aqua hære: id quod verissimum esse deprehendent, qui ingenuo animo principiorum Cartesianorum atque Gassendisticorum applicationem, in medicis & chymicis, recte ratiocinandi habitu pollentes, tentaverint: ut adeo *fumos vendant*, qui ex mere mathematicis, etsi, nescio quo, motu adscito, principiis, divinæ naturæ mysteria explicare, inani studio laborant.

§. 92. Illa enim, cum sint materiæ principia, generalia sunt, & adeo non nisi generaliores conclusiones suppeditare possunt, vere physicas nunquam attingentia. Hæc nempe principia ad physicam se habent, *sicut atramentum ad epistolam*. Neque enim negari potest, atramentum quoque esse principium epistolæ, remotum videlicet: proximum enim sunt literæ. Jam vero fingamus legentem literas subrississe, creditoresque, una cum musicis, convocasse, quærique, quænam sit harum actionum causa? Porro fingamus, aliquem statuere solum atramentum, ejusque accuratam cognitionem, posse sufficere ad explicanda epistolarum phænomena, nec necesse esse de vocabulis, phrasibus aut ideis, vel solum hiscere: hic similis erit illis physicis mathematicis, qui ex sola figura, (forte & motu) naturæ phænomena explicare aggrediuntur: nam præter generalissimas quasdam, proprias verasque rationes, neuter horum dare poterit ullas.

§. 93. Tales generales quæstiones in exemplo allegato sunt, quare literæ aliæ sint nigræ, aliæ pallidiores? Nam & præter epistolam dantur etiam imagines & lineæ nigræ, unde & hæc non ex proprio epistolæ principio, verbis nempe & phrasibus, certo sensu, ab uno ad alterum perscriptis, deduci possunt, sed ex principio com-

muni epistolographiæ cum scriptoria arte, nempe natura atramenti : at sicut ea quæ proprie ad epistolam , qua talem, pertinent, hoc atramenti principium exponere non potest : ita æque minus ex principiis mathematicis, utpote communibus, naturæ phænomena deducunt ii, contra quos disputamus, philosophi. Nunquam enim ad dignitatem physices assurget mathesis, sicut recte iudicavit Hieronym. Fracastorius, ipse quoque non incelebris mathematicus, his verbis : *Scientiarum maxima quidem, atque homine præcipue digna, illa mihi videtur, quæ de natura est philosophia : mathematicæ enim tametsi certitudinem quandam præstant, & multa etiam docent, circa tamen humilia quædam, & haud magnificianda versantur.*

§. 94. Hæc duo, physica nempe & mathesis, cum tam clare sint distincta, non possum satis demirari vecordiam Cartesii, qui aperte profiteri haud crubescit, *se nulla alia physice principia admittere, quam mathematica.* Rectius sentit celeberrimus per Europam mathematicus Jsaac Newton, qui peculiari libro descripsit Philosophiæ naturalis principia mathematica, quo ipso titulo id innuere voluit & demonstrare, quod nos in præcedente paragrafo adstruximus, scilicet physices quædam solum principia esse mathematica : unde laudatus Auctor expresse ita inquit : *In libris præcedentibus principia philosophiæ tradidi, non tamen philosophica, sed mathematica tantum,* et p. 4. & 5. d. l. *cum vim motricem corpori, acceleratricem loco, & absolutam centro attribuisset,* sapientissime addit : *se has vires non physice, sed mathematice tantum considerare :* unde monet lectorem : ne per huiusmodi voces cogitet, *se speciem vel modum actionis, causantve aut rationem physicam* alicubi definire. Hoc sapientissimi Viri monitum animadvertant stupiduli quidam nostri, qui dum deprehendunt mathematicam illam quantitatem ad omnia entia posse applicari, inde satis evictum esse clamitant, quod mathesis omnium disciplinarum, etiam philosophicarum, & physices maxime, sit principium, eodem paralogismo, ac si quis inde, quod de omnibus corporibus prædicari tempus potest, inferat chronologiam esse omnium corporum principium, & melius quam ex chrono-

Vid. ejus
Turris Lib. I.
sub iudicium.

Princ. P. II.
§. ult.

Lib. III. de
mundi syste-
mate.

chronologia addisci corporum naturam haud posse. Videatur & de eodem argumento Aristoteles.

Lib. II. Phys.
c. II.

De objecto physices.

§. 95. Objectum physices dicimus esse naturam *sensibilem*: ubi (1) notandum, quod huic opponamus naturam quandam *intelligibilem*, quæ antiquissimorum philosophorum, omnipotentiam Dei angustis sensationis nostræ limitibus haud circumscribentium, est distinctio: intelligo vero per *naturam sensibilem* substantias aliquo accidente sensus nostros afficientes. Cum autem vix dubitare liceat, dari adhuc substantias alias, nullo modo in sensus nostros incurrentes, si cogitamus, quot tubi optici, anatomix, chymix, inventa nullos majorum nostrorum affecerint sensus, quot substantiæ à brutis sentiantur, nostro sensui impervix, ut de aliis minus liquidis non dicam; patet quod antiquissima illa divisio, temere à *Couringio* aliisque rejecta, bono subnitatur fundamento: ut adeo lepide pro more suo scripserit Auctor Relig. Med. *Me nunquam severiorum scholarum risus ab Hermetico illo dogmate deterruerit, nihil aliud nimirum hunc mundum visibilem esse, quam invisibilis simulacrum, in quo res nulle veras essentias sortiuntur, sed equivocas tantum icones & effigies, prout substantiam aliquam magis realem in fabrica illa invisibili referunt.*

Vid. Aristot.
Lib. III. cap.
VIII. de Ani.
ma.

Sect. XI.

§. 96. (2) Quod nos *spiritus tractationem* omnino à natura haud excludamus, quatenus nempe existentia & natura spiritus rationi illucescit: ad naturam quippe sensibilem eodem jure referri potest, ac corpus. Nam quamvis mortales substantiam spiritus nulla inquam sensatione immediatâ attingamus, sed mera ejusdem accidentia percipiamus; hoc ipsum tamen de corpore pari modo verum est, *cujus substantia sensus nostros æque latet, ac substantia spiritus*: quicquid enim corporis immediate percipimus, accidens est.

§. 97. (3) Quod cum corpus, quatenus tale, ad solam quidem spectat physicam, quatenus tamen materiale est, etiam pertineat ad mathesin, & hæc de corpore solum quantitatis conclusio-

nes, non qualitatis (per *qualitates* intelligo omnia accidentia, præter quantitates) faciat, omnes *conclusiones quantitatis* à physica, ne semel ab usu designati turbentur circuli, excludimus. Cum vero etiam conclusiones qualitatum v. g. varia phænomena visionis, & alia, quadantenus ex principiis quantitatis dependeant, hæc ipsa aliena quidem à physica, in physicis tamen simul consideranda putamus, sicut in explicatione Scripturæ S. interdum arithmetica habemus opus, etsi ideo ad Theologiam haud spectet illa. Huic discrimini inhærentes pleraque pariter *artefacta*, eorundemque phænomena ad mathesin referenda censemus: retentis tamen illis, ubi compositio humana absque figuræ aut numeri nova introductione, per vires naturæ aliquid efficit, qualia in medicina & chymia permulta occurrunt exempla, v. g. productio salis tertii per confusionem acidi & alcali.

§. 98. Ex hac objecti determinatione sequentes fluunt conclusiones: (a) Quod pneumatica non sit peculiaris & distincta à physica disciplina philosophica. (b) Quod de Deo agat physica ut principio, seu causa efficiente naturæ, neutiquam vero ut objecto. (c) Quod doctrina de cœlo partim ad physicam, partim spectet ad mathesin, quia & quantitatis conclusiones continet & qualitatis. Sic quæstiones physicæ sunt: quæ causa sit motus planetarum, quis modus illius motus? mathematica vero sunt, quantus sit ille motus, & quæ proportio ejusdem. (d) Quod optica pariter sit hybrida, conclusiones continens partim mathematicas, partim physicas. (e) Quod criterium quæstionis mathematicæ sit, si quæstio quomodocunque insinuet *magis minusve*, aut æquale: cæteræ enim omnes physicæ sunt. (f) Quod *quæstiones* etiam *mathematicæ* cum sint de quantitate, & quantitas sit accidens, & accidens effectus substantiæ, & substantiarum secundarum (physico sensu accipio, non abstractivo) natura dependeat à primis, & hæc ipsissima sint physica principia, mathematicis opposita, *non possint plene percipi absque genuina cognitione physices*, id quod infra exemplis plerorumque phænomenorum opticorum evincemus.

*De principiorum physicorum divinitate, & quare hæc
nostra physica dicatur divina.*

§. 99. DEUM dicimus constitutæ naturæ Auctorem, quo ipso rationem indicamus, quare hanc nostram physicam dixerimus *Divinam*. Nam in eo præcipue ab usu reliquorum hoc ævo florentium philosophorum hic desectimus, quod principia naturæ statuamus divina, cum illi contra sibi nulla sumant alia, quam naturalia. Divina autem voco principia, quæ eas possideant qualitates, quas nec à semetipsis, nec ab ulla alia finita creatura, vel si mavis, substantia, adipisci potuerint; naturalia voco, quæ contrario se habent modo. Infra in Sectione adversus atheismum, ne quid desiderari queat, demonstrabimus, esse DEUM. Hoc autem loco existentiam DEI sumentes, demonstremus, *principia physica debere esse divina, non naturalia*, qualia supponunt Cartesius atque Gassendus. Nam dantur in natura phænomena nulla humana potentia imitanda, nulla humana ratione, qua nulla perfectior in physicis cognoscitur, penitus penitusque exputanda: expurantur autem, quæcunque explorantur, secundum sua principia: ergo si tam absoluta cognitione indagari haud queunt, nulla hujus denegatæ cognitionis alia potest esse causa, quam denegata penitior cognitio principiorum. Ergo, si mere naturalia, id est penitus à nobis cognoscenda, essent principia, & comprehensibilibus solum pollerent facultatibus, majores suis viribus effectus edere haud possent, id est, non alios quam pariter comprehensibiles, secundum singulas circumstantias. Cum autem nemo philosophorum, nisi stultâ arrogantia se velit dare turpiter, asserere queat, se omnes naturæ effectus secundum minimas quasque circumstantias vel comprehendere, vel comprehendere posse, sequitur, quod plus quam naturales & comprehensibiles, hoc est, divinæ sint primorum principiorum facultates, & quod adeo manifeste nihil agant, qui loco divinorum naturalia, & per se existere valentia nobis obtrudere hæctenus voluerunt principia.

§. 100. Sic ergo apparet, mechanica illa, hoc seculo tam celebria, principia esse falsa, & naturæ contraria: sunt autem,
figura

figura & motus aliquis incertus & indefinitus ; nam & Gassendistica ad hæc duo referri possunt capita. Sunt enim mechanica principia quam maxime naturalia, cum ita in hominis sint & cogitandi potestate, & imitandi, ut nihil præter quantitatem deesse possit. Nam dentur v.g. globuli secundi elementi, tales sibi & homo poterit formare, etsi non invisibiles, tanto tamen certius operaturas, quo eorundem figura est visibilior : dentur ramenta tertii elementi, poterit sibi & homo talia comparare, etsi majora, non ideo debiliora : detur tandem materia subtilissima : an hanc etiam poterit imitari ? Hic sane aqua meo homini videtur hæcere. Sed sciendum tamen, cujusnam ea sit figuræ ? respondet Cartesius, indefinitæ. Sed quid hoc est dicere ? Scilicet, quod se ad omnium figurarum formas accommodet. Bene est : poterit ergo meus ille crassiore imitatione assumere quodlibet fluidum, vel aerem, vel aquam. Jam fiat ignis : jungantur particulæ terrestres à meo homine factæ, etsi majores, concutiantur in vase aliquo quam vehementissime, jam exploret, an vas caleseat : credo non calescet. Sed forte non velociter satis movit & concussit. Fiat itaque aer, ad hunc enim sequior sufficit morus, jungantur globuli cum ramentis, concutiat, qua potest fieri celeritate : post diutinam diligentiam animadvertat, an forte aliquis crassius & sylvestris aer factus sit ? Iterum credo, non successit negotium : quod sane, si vera essent principia, vel in tantum succedere deberet, ut aqua loco aeris, vel glacies, aut sal, inde fieret.

§. 101. Et fac, hominem non posse hæc imitari, & essentialem aliquam rationem latere in exiguitate harum minutiarum ; tamen eas omnes & figuras & motus poterit cogitare, adeoque saltem exputare, quid fieri ex his principiis possit : cumque haud dubie aliud quid inde non sit factum, quam fieri potuerit, sequitur, quod diligenti meditatione omnium rerum naturas invenire possit : quod quoniam hætenus (pace admiratorum Cartesii dixerim) nondum est factum, nos præfracte credimus, fieri plane non posse, ideo quia divina sunt naturæ principia. Quantum enim ad minutias illas attinet, etsi non actu in minimas quasque partes possumus corpora dividere, mente tamen possumus eas in infinitum minuere :

nuerē: & cum infinitum, tanquam abstractio mentis, non possit esse naturæ principium, sed hoc omnino debeat esse finitæ figuræ, sequitur, quod quantillum id quidem sit, infinita divisione debeat attingi: id quod si fiat, cum & omnes figuræ motusque à nobis exputari queant, consequens est, ut saltem post tot præclarissimorum mechanicorum operam una vel altera herbula aut bestiola accurate fuerit cognita, & ejus essentia & natura per minimas quasque circumstantias adæquate demonstrata: quod ego nondum memini ab ullo præstitum.

§. 102. Hæc omnia in nos haud queunt retorqueri, quia principia statuimus Divina, quæ vero forte lectori ob id ipsum, quod Divina dicuntur, videbuntur obscura. Tantum vero abest, ut hæc objectionem declinare satagam, ut ambabus potius eandem largiar manibus; dummodo non loquaris, de *obscuritate totali*, sed solum de *partiali*: non de obscuritate *essentie*, sed *existentiæ*, & modi dependentiæ à sua causa. Nam aut cognitio nostra infinita est, aut ratione principiorum obscura esse debet: quod si enim obscura nunquam fieret, in infinitum posset demonstrari, quo ipso cognitio nostra foret infinita. Cum autem omnium consensu infinita non sit, sequitur, quod debeat, saltem certo respectu, esse obscura, scilicet ratione existentie & modi dependendi principiorum.

§. 103. Cum ergo sic pateat, *essentialem cognitioni humanæ esse obscuritatem*, malles forte in conclusionibus eandem admittere, quam in principiis. Sed eluceat recte consideranti potius contrarium. Si enim nulla planissime in principiis est obscuritas, nulla quoque poterit esse in conclusionibus; jam vero manifestum est, quod in conclusionibus ea quidem occurrat, ergo debet quoque dari in principiis. Apud eos vero, qui nihil omnino obscuri admittunt in principiis, nullæ deberent esse conclusiones obscuræ: undenam enim forent illa? non à principiorum sublimitate; omnia enim plana sunt: nihil ergo relinquitur, quam ut ab eorundem vel inadæquatione sint vel falsitate.

§. 104. Sed ais: ex obscuro non potest sequi nisi obscurum, scilicet, si tota essent obscura: at *modus* saltem, quo à causa sua,

F

Infinito

Infinito nempe Numine, dependent, obscurus est, res ipsa, seu essentia, quam clarissima, & infinitis modis clarior, quam Cartesii materia subtilissima, quod infra patefcet: unde clarissimæ per multæ ex iisdem nascuntur conclusiones; aliquæ tamen necessario manent obscuræ, quæ nempe ex illo modo, nobis obscuro, dependent. Ergo mechanicus physicus ex claris principiis plerasque nanciscitur conclusiones obscuras, ego ex principiis, ratione divinitatis suæ subobscuris, plerasque scæneror conclusiones perclaras: at conclusiones quærimus, non principia, nisi propter conclusiones. Ego naturam animalis ex conceptu spiritus clare demonstro & distinge, mechanicus contra ex claro figuræ motusque principio fere nullam conclusionem claram & veram deducere potest.

§. 105. Unde nihil erubesco principia physica & creationis *ex omnipotentia DEI deducere*, ut claris conceptibus assequar naturam: quod idem quoque sapienter fecit Moses, qui solidius longe, quam vel Aristoteles, vel Cartesius, vel Gassendus, de creatione hujus universi ratiocinatur, quando ait: *dixit Deus, & factum est*. At conclusiones physicas seu phænomena ex his principiis physicis clare demonstro, non ex omnipotentia Dei, quippe quæ ad principia etiam falsissima in auxilium vocata, omnia & tollere potest, & producere, quibuscunque opus est. Contrarium videas fieri à mechanicis, dum, quomodo facta sint principia prima, inepte argutantur, & postea in conclusionibus principiorum tam clarorum desperato auxilio *DEUM ἀπὸ μηχανῆς advocant*.

§. 106. Hæc ergo principiorum naturalitas, qua principiis naturæ nihil attribuitur, quam id quod non habere non possunt per se, quale est, figura, gravitas, & ipsa, sensu mechanico sumta, extensio, paulatim non satis firmatos à *cognitione Summi Numinis deducit*. Nam solida dum hisce philosophis videtur esse omnis natura, posita aliquare, ponitur soliditas; posita soliditate, ponitur extensio; hac posita, figura; hac & soliditate, gravitas; hac asserta, sequitur modus: his positis, horum philosophorum omnia ponuntur naturæ principia: adeo *ut quid DEUS fecerit, vel fecisse potuerit, non appareat*.

De duplici physices fine.

§. 107. Duplicem porro assignamus doctrinæ physicæ finem, alterum *prudentiam* circa res naturales, alterum, ut de Deo rebusque divinis recte sentiamus; quo ipso physica est remedium adversus superstitionem & atheismum; quem duplicem finem sic demonstro: Omnis eruditio nostra recte dividitur in sapientiam, justitiam atque prudentiam. Sapientia nunquam propter se est, sed semper justitiæ inservit atque prudentiæ: & quæcunque sapientiæ doctrina nullum usum vel ratione justitiæ habet vel prudentiæ, illa nec veræ sapientiæ doctrina est, sed ad futilia & inania veritatis capita pertinet. Audiendi enim minime sunt gentium illi Peripatetici, qui finem physices nullum statuunt alium, præter speculationem. *Utilitas quippe ab eruditione separari nec potest nec debet*, & quæcunque veritas non solidam aliquam affert utilitatem, illa nec est erudita: quamvis *an detur veritas plane inutilis?* non immerito quis addubitet, cui quæstioni decidendæ hic non est locus: quomodocunque vero solvatur, illud saltem sequetur, quod minus eruditæ, cæterisque jure postponendæ sint illæ veritates, quæ minus habent utilitatis. Sic ergo physica est erudito homine digna, quæ excolatur, disciplina, conspicuum vel in prudentia, vel sapientia, vel utraque debet præbere usum, qui duplex usus jam supra fuit significatus: quomodo vero ex physicis doctrinis dilucide fluat, suo loco edocebitur.

Vid. Inſtit.
Erudit. in-
coit.

§. 108. Quamvis autem de dicto fine Cicero satis graviter differuerit sequentibus: *Omnium rerum natura cognita levamur superstitione: liberamur mortis metu: non conturbamur ignorantia rerum: e qua ipsa horribiles sepe existunt formidines. Denique etiam morati melius erimus.* Et alibi: *Nec vero potest quisquam de bonis & malis vere judicare, nisi omni cognita ratione naturæ & vitæ: etiam deorum -- atque etiam ad justitiam colendam, adtuendas amicitias, & reliquas charitates, quid natura valeat, hæc una cognitio potest tradere: nec vero pietas adversus deos, nec quanta his gratia debeatur, sine explicatione naturæ intelligi potest;* Quamvis, inquam, expressissimis verbis eruditissimus consul hunc physices finem indicaverit, al-

Lib. I. de Fi-
nibus.

Lib. III. de
Finibus.

tissimum tamen de eo deprehendas silentium tum in scriptis mechanicorum, tum Peripateticorum: forte illi, quod nulla ex principiis mechanicis adversus atheismum auxilia sentirent, hi, quod nulla ex suis adversus superstitionem proferre valerent, & de cætero mechanica etiam favere atheismo, sicut Peripatetica superstitioni, deprehenderentur, tantam utilitatem silentio præterierunt.

Quod omnes quidem vere eruditi physica cognitione opus habeant, omnium vero maxime medici.

§. 109. Universales sunt, quos indicamus fines, non solum ad omnes eruditos, sed & ad omnes, si cognoscere valerent, homines, spectantes: particularibus allegandis usibus supersedere liceat. Cum vero omnium intersit hominum, medicos debita valere curandi prudentia, indirecte ad universales hos usus pertinet hæc quoque medicis ex physica haurienda prudentia. Nam cum physica ignorantia omnibus quidem eruditis in progressu ad solidam eruditionem ponat obstaculum, neminis tamen cursum magis sufflammat, quam medici. Hinc deinceps fit, ut toties audiatur convivium (sæpe apud imperitos etiam laus) profligatorum ita morborum, ut peiores successerint: quod aliunde quidem haud accidit, quam quod sola nitantur empiria, cognitione debita physica destituti medici.

§. 110. Mirandum ergo est, dari hodie medicinæ profitescentes theoriam, qui nudæ empiriæ suos adsuefaciant, & haud dissimulate eosdem a cognitione physices abducant. Error ipsorum hoc maxime fundatur præjudicio, quod videant tot inanes hypotheses ex physica in medicinam, cum maximo hujus detrimento, fuisse hætenus translatas. At vero aut hoc argumentum nihil valet, aut ob paritatem rationis, orthodoxi quoque theologi veritates non amplius ex sacro codice conquirent, quia maleferiati quidam homines ex eodem quoque per abusum suas desumserunt hæreses.

§. 111. Quamvis autem plerique omnes celebriores medici contrarium sentiant; tamen si practicos medicos respiciamus, ita penitus secun-

secundum hanc theoriam praxis instituitur, ut vix centesimus quisque ultra tyrones physices sapiat. Unde breviter tentabimus & horum negligentiam stimulare, & illorum errorem retundere: utrumque autem præstiterimus, credo, si demonstraverimus, *quod absque solida cognitione physica medicus experientia ne recte quidem uti possit.* Hoc ipsum vero sic probo: Experientia duo, quibus uti queat, medico suppeditat: (1) historiam morbi, (2) historiam medicamenti: illa vitur ad inveniendum medicamentum, hac ad applicandum. Medicamentum enim sic inventum abstractum est, cujus concretum nosse debet, qui rite vult applicare. Sic v. g. historia morbi docet, atonia laborare intestina ægroti, sic invenitur & deprehenditur tonico utendum esse medicamento, & quodnam erit tonicum, hoc v. g. ex historia medicamenti addiscendum erit, ut concludere queas, martem v. g. possidere vim tonicam.

§. 112. Quod si ergo causam nescias, necessario quoque medicamentum abstractum, quia hoc aliter, quam secundum causam inveniri non potest: si nescias medicamentum abstractum, nescies quoque concretum; si hoc nihilominus applicas, temere ludis de salute hominis: si tamen rectum, (quod interdum contingit) assequeris, non curas, sed fortiris: poteras autem hac eadem quoque via sortiri venenum, vel medicamentum hoc loco paria cum veneno faciens: quod & interdum, pro dolor! accidit.

§. 113. Si porro *modum* nescias, quo medicamentum in corpus nostrum operatur, etsi medicamentum abstractum inveneris, non poteris invenire medicamentum concretum, adeoque habebis in applicatione. Nam observasti forte, quod pruna laxent alvum, nec cogitasti de modo, sed nudum egisti observatorem: jam offertur, qui obstructione alvi laboret, sed propter spasmus: quaeritur, an pruna sint applicanda; annon? Satisfacere huic quaestioni, haud potes, nisi scias antea, quomodo pruna laxent alvum, an virtute molliendi, an antispasmodica, an stimulant: ergo ut recte applicetur medicamentum, cognoscendus modus est, quo operatur in corpus nostrum. Sic v. g. quidam male habentes a mercurio, curantur per mercurium: non quod metallum metallum profliget, sed quate-

nus natura a copiosiore materia ægrius vexata, fortius contra eandem insurgendo, pristinam una cum recenti exturbat. At hunc modum nesciens, & cæcæ duci, experientiæ, unice inhærens promiscuè mercurium applicans contra mercurium, vel jugulabit hominem, vel diuturnis & immedicabilibus ulceribus, vel his non succedentibus, incurabili contractura, quod sæpe ex imprudentia factitatum novi ab ejusmodi empiricis, suæ fidei commissum affliget ægrum.

§. 114. Sic ergo absque genuina physices cognitione medicus *nec medicamentum abstractum*, quod indicationem vocant, *nec concretum invenire potest*. Finge vero sortem manui medici aliquam medicam ingessisse materiam, eamque fuisse ægroto adhibitam: jam porro dico, absque genuina physices cognitione etiam, *quid fecerit*, scire haud potest medicafter. Nam vel pejus habet æger, vel melius: quomodo sciet noster, suo medicamento, an cœlo attribuendus effectus sit, si quæ vere causa morbi, quis modus operandi medicamenti sit, ignoret? quid ergo faciet, an usui insister, an ab eo desister? temerarium erat, quicquid faciat, nisi naturam cognoscat.

§. 115. Nondum omnes tetigi miseras medicaſtri nostri: Si etiam dispareant symptomata, *an morbus curatus, an repressa solum sint symptomata*, ignorabit, qui causas morborum, modosque operandi medicamentorum nescit. Nam si dicas, experientia docebit, an morbus redeat, annon. Respondeo, quid si mutetur in alium secundum externum schema penitus contrarium? Ais: & hoc docebit experientia. Quid vero ex hac judicabis experientia, an quod morbus fuerit symptomatice curatus, si redeat, & solide, si non? At generosa natura, præcipue si ætas sit juvenilis, malam quoque vincit, absque recidiva, curam, malaque diætæ sæpissime morbum, absque culpa & medici & medicamenti, revocat. Unde experientia docere haud potest, an solide, an vero symptomatice curatus fuerit morbus: de hoc recte judicare, nemo quiverit, nisi, præter recte ratiocinandi dexteritatem, genuinis quoque polleat principiis physicis: contrarium si fiat, solique experientiæ relinquatur negotium, *medicus ab intelligentiore circulator non nisi Latinitate differt*: quales Latini
nos

nos circulatorios, proh dolor! jam habemus permultos, habituri cum tempore adhuc plures, nisi pravæ hypotheseos eluatur fucus.

§. 116. Et sic probavi, quod medicus sola experientia absque soliditate physica usus, nec indicationem nec medicamentum invenire, nec curas medicas veras in symptomaticis, seu circulatoriis, distinguere valeat: adeoque sic abunde patet, quod demonstrare suscepi, *sola experientia usurum recte uti experientia haud posse*. In gratiam vero inveterati erroris, adhuc unicum adjungam argumentum. Sola experientia usus absque causæ modique cognitione, vel cum historia alicujus medicamenti, conjunget omnes morbi circumstantias, tunc eo usus, si pariter conjunctas has iterum deprehenderit: sic necessario frustra accidentales permultas requirit circumstantias, sæpissimeque adeo nolet uti medicamento, cum possit, tamque numerosa ipsi opus erit experientia, ut nec Mathusalemi suffecerit ætas acquirendo vel mediocri curandi habitu; vel conjunget solum circumstantias generaliores, sic non poterit non unum morbum confundere cum alio, adeoque non solum persæpe *medicamentum frustra porrigere*, sed & si contraria sit causa, *noxie*: ut adeo verissimum sit, quod divinus dixit Hippocrates: *ἡ ἀγία γὰρ ἀγία θεράπεια*: h. e. qui melius cognoscit, melius curat.

§. 117. Equidem non inficior profectus satis *leves* hætenus fœneratam a physicis hypothesibus fuisse medicinam: sed revera tamen etiam *non omnino nullos*. Una enim illa, etsi nec prima, nec accurata satis, chymicorum principia plus boni attulerunt medicinæ, quam omnes illæ mechanicorum figuratæ nugæ, & Peripateticorum cerebrina idola. Nec mirandum est, tam parum utilitatis, hætenus a physica in medicinam allatæ, fuisse conspectum, quamdiu una cum veris principiis physicis sepulta vera probabilioris doctrina, qua una divina naturæ adyta possunt referari, jacuit: tantumne? imo & a Peripateticis cum præjudicio auctoritatis, a Gassendo cum paralogismo, & a Cartesio cum ratiocinatione mathematica fuit confusa.

Vid. de Sens.
Ver. & Falsi
Lib. III.
C. I §. 2. 3.
4. 5. 6. 7.

SECTIO

S E C T I O V.

De

Ufu physices adversus superstitionem.

§. 118.

§. 99. &
& seqq.

Superstitio est error, quo rebus naturalibus plus tribuitur divinitatis, quam revera possident, & ita quidem, ut hinc inanimo adversus rectæ rationi gignatur affectus. Supra enim probatum est, quod principia omnium rerum sint Divina. Unde sequitur, quod omnes res naturales, etiamsi maxime sint compositæ, ratione principiorum, ex quibus constant, aliquid Divinitatis habeant. *Hinc omnis perversus de Deo sensus duobus momentis absolvitur:* vel enim rebus naturalibus omnis derogatur divinitas, vel nimiatribuitur: illud si sit, atheismus est; hoc si contingat, & prava proles animi accedat, superstitione vocatur.

§. 119. Dum de rebus dico naturalibus, paulo abstrusiores intelligo: quia in planis & apertis vix aliquis adeo poterit esse vesanus, ut iis plus attribuat divinitatis, quam habent. In hisce vero paulo remotioribus a sensu facilius contingit, ut homines sacrorum naturæ ignari, Divina pronuncient, quæ maxime sunt naturalia: id quod usque adeo familiare multorum & pene ridiculum vitium est, ut quoties forte inaudiunt aliquid, cujus rationem secundum inadæquata sua principia physica comprehendere haud possunt, promississime illud vel Deo vel diabolo adscribant, prout ipsis id quidem vel gratum est, vel ingratum. Unde nulla potest esse compendiosior quam horum hominum physica: causas omnium rerum stante pede pronunciabunt, dummodo paucillum illis concedas temporis ad perpendendum, grata sint ea, an ingrata.

§. 120. Ut autem superstitione vere sit superstitione, requiritur, ut falsus illerum naturalium conceptus adversus rectæ rationi gignat affectum, sive ille contrarius sit pietati, sive justitiæ, sive prudentiæ. Alias enim simplex error est: cumq; invisâ Deo res sit superstitione,

stitio, quam nos descripsimus, inconueniens foret simplicem errorem in eandem rejicere classem. Sic v.g. si diuitias, quas vel fortuna, vel prudentia, vel nequitia, consecutus es, a Deo tibi datas putes, facile excitabitur animus ad Pharisaïsmum, vanitatem, & iniustitiam: credes forte, te uti ditiores malis, ita sanctiorem esse, vel saltem prudentiorem: vel iniustum tuum fœnus, & reliquas amor contrarias astutias, Deo gratas atque acceptas, saltem non adeo exosas, existimabis. Contra si quis rudis & indoctus Deum credat materialem & corporeum, & consequentias, ex natura materiæ aut corporis fluentes, deducere ignoret, nullus hinc pravus nascitur affectus, adeoque error quidem est talis persuasio, non tamen supersticio.

De obligatione docendi veritatem.

§. 121. De simplici errore hoc loco determinanda est quæstio: *an ii, qui vel publica vocatione, vel vitæ electione, divinitus demandatam habent profitendæ veritatis partem, hoc est, eruditi docentes omnes permiscue veritates, quas cognoscunt, propagare debeant?* Respondeo: omnes utiles, haud dubie. Plane inutiles vero etsi non dentur veritates; tamen respectu tales permixtæ sunt: hoc est, quæ respectu operæ ad eas vel addiscendas vel exequendas requisitæ, vel respectu malitiæ & ignorantia hominum, usu suo exci dunt; unde quod ad prius attinet veritatum genus, ita obligatur ad professionem veritatis homo, ut eam vel cum dispendio vitæ suæ propagare teneatur: quod vero attinet ad genus posterius, prudenter vulgo dissimulandæ sunt multæ veritates, quædam etiam falsitates minoris momenti ferri possunt: nam minima non curat prator.

§. 122. Hinc primo sequitur, quod omnes veritates Theologico-practicæ vel cum periculo vitæ, quod è *πᾶν* Lutherus fecit, sint populo tradendæ, non tamen posthabitis prudentiæ regulis. Porro, quod veritates salutem Reipublicæ respicientes, si spes successus alluceat, etiam nobiscum commori haud sinere debeamus. Item, quod, si verendum sit, ne plus damni, propter ignorantiam & malitiam vulgi, dent bonæ de cætero veritates, eas prudenter

hucusque reticeamus: & interea obstacula admissionis harum veritatum, ignorantiam atque malitiam vulgi, oppugnemus. Tandem, quod falsitates etiam, ex quibus populus pro ingenio suo bonas elicit veritates, debeamus tolerare, nec immature impugnare: v. g. opinionem de tonitru, de cometis, de eclipsibus; Quia vero omnis falsitas alias trahit, iis qui emerfuri emicant, manus porrigere decet. Ultimo, sicut sæpe vulgus ex falsitatibus bonas conficit conclusiones, ita & ex veritatibus potest hallucinari malas, quibus cum obniti, absque periculo perdendi alias conclusiones optimas, haud possumus, malam potius *conclusionem demonstrare*, quam ipsam *veritatem laceßere decet*.

*De efficacia mala fortuna ad superstitionem
augendam.*

§. 123. Etsi autem, uti jam indicatum fuit, deficiens veri falsique sensus, atque ignorantia physices, homines quam maxime superstitionis errori implicent; eadem tamen insigne capit incrementum a mala fortuna, ita ut *nihil sit homine rudi infortunato supersticiosius*: unde vel ipsi sæpe eruditi mala fortuna insigniter vexati, superstitionis persuasionibus aliquem, etsi difficilius cæteris, relinquunt locum. Non enim nisi rarius contingere potest, ut aliquis absque omni sua culpa sit valde infelix, hanc a nobis ut plurimum quam longissime proscribere amamus: hoc vero, saltem ratione prudentiæ assequimur, si vel Deum vel diabolum nostris obniti conantibus, nobis aliisque persuadeamus.

Superstitio seipsam reddet veridicam.

§. 124. Non parum autoritatis sibi acquirit superstitio, si experientia ipsius respondet suspitioni: v. g. si quis credat exercitus, sibi de fore Divinum auxilium, congregitur dejecti animi miles cum hoste, horret, vacillat, minus fortiter resistit, opprimitur, verum evadit superstitionum præsagium, cuius causa in supersticiosa depressione animi est, non in re ipsa, quæ metuebatur. Sic plures ejusmodi diversis populis, Bæotis, Persis, Atheniensibus, & generaliter Barbaris Græcisque, fatales dies refert Plutarchus; quorum

haud

haud dubie primus & secundus eventus fuit fortuitus, tertius, & si qui alii sunt infecuti, superstitionis trepidationis fuerunt effectus.

§. 125. Essentiale superstitioni est rebus naturalibus plus dare divinitatis, hoc est, causæ vel effectus vel attributi Divini, quam ipsis competat: hoc autem tribus maxime contingit modis: (1) Si pro causa habeatur id quod effectus, v.g. Sol pro Numine. (2) Si effectus Divinus putetur, qui naturalis est, v.g. tonitru, aut cometa. (3) Si attributum, quod non nisi creatis competere potest, Deo dignum reputetur. Prima species idololatria est, secunda falsa persuasio de miraculis, tertia superstitionis nomen retinet.

De origine idololatriæ.

§. 126. Supra dictum, quod per res naturales intelligam paulo abstrusiores: nam quorum causas & ortus vel quilibet è sece vulgi potest assequi, ea ab objecto superstitionis exclusi. Huic vero meæ opinionis videtur obstare historia idololatriæ, quæ docet, quod pro diis ab Ægyptiis aliisque gentibus habita fuerint vilissima quæque & animalia & vegetabilia, quæ nullis suis effectibus, vel levissimam saltem divinitatis immediatæ suspicionem excitare valeant. Sic Thebani non solum aquilam, Babylonii cepam, sed & Lycopolitani lupum, Mendesii caprum & hircum, Latopolitani latum piscem, imo Athribitæ murem, araneum, rotaque Ægyptus bovem, canem, selem, accipitrem, ibim, oxyrinchum & lepidotum, pisces, colebant; ut adeo vetus Poëta comicus Anaxandrides Ægyptios hisce eleganter rideret versibus:

Vid. Strabo
Lib. XVII. p.
m. 670. seqq.

βῶν προσκυῖς, ἰγῶ δὲ θύω τοῖς θεοῖς,
τῇν ἰγχείλυν μέγισον ἡγῶ δαίμονα,
ἡμῖς δὲ τῶν εἴρων μέγισον παρὰ πολὺ
ἐκ ἰαδίας ὕνα, ἰγῶ δὲ γ' ἡδομαι
μάλιστα τούτοις, κύνα σίβεις, τύπῳ δ' ἰγῶ.

id est,

*Bovem colis, Deis ego maximo bovem;
tu maximum anguillam DEUM putas, ego*

*obsoniorum credidi suavissimam:
carnes suillas tu caves, at gaudeo
his maxime: canem colis, quem verbero.*

Et pollicem huic premeret Juvenalis Latinus, qui cum & porro & capra ab Ægyptiis divinitatem attribui narrasset, falsè exclamat:

*O sanctas gentes, quibus hæc nascuntur in hortis
Numina!*

§. 127. Cæterum ut obiter solum & veluti aliud agendo dicam, hi Anaxandridis versùs mihi suppeditarunt occasionem suscipiendi, quod sorte mos etiamnum vigens, *quibusdam haud vesciendi animalibus*, v. g. cane, lupo, felle, accipitre, huic antiquissimæ idololatriæ debeat originem. Est enim porro, capra, bove, fœcæ, & aliis Ægyptiorum divinitatibus & Græci & Romani vesci nihil abhorrerint; tamen eos ipsos quoque populos peculiaris sibi idololatriæ auctores fuisse notum est. Hanc vero conjecturam eorum submitto iudicio, qui plus, quam ego, in antiquitatum studio temporis consumserunt.

§. 128. Interim res admiratione dignissima est hæc tam stupida Ægyptiorum superstitio, quam ratio vel parum exculta liquidissimis argumentis & impietatis convicerit & stultitiæ: & nihilominus gentes literarum studiis non modo per universum orbem celeberrimæ, sed & cæteris omnibus suo tempore palmam præripientes, tam ridiculas coluerunt divinitates. At ais: plebis hæc fuit superstitio, non eruditorum. Ego vero nec plebem tam omni sensu atque mente vacuam mihi concipere possum, quæ abjectissimam vel bestiam vel herbulam pro Numine habere possit. Quo accedit, quod vulgus omnium gentium suos maxime secutum sit eruditos atque sacerdotes: & quis ex illis potuit vel tam insipius esse, ut tam absurda docuerit, vel tam audax, ut voluerit? Dicam ergo breviter, quid mihi de hac superstitionis origine videatur.

§. 129. Scilicet pessima quæque optimam sæpe intentionem agnoverunt matrem, sicut passim exempla docent. *Hieroglyphica* Æ-

in Aegyptiorum docendi *methodus* mihi prima & palmaria turpissimæ idololatriæ videtur fuisse causa. Nam cum intelligerent Aegyptii, quod sublimiores veritates absque conceptibus abstractis proponi haud possint, inde vero vulgus, sensibus immersum, hisce adfueri vix queat, & divinarum tamen rerum cognitio, ob cultum Summo Numini cum omni devotione animi exhibendum, videretur pernecessaria, hisce imaginibus &, quam posset vulgus capere, cognitionem imprimere, & cultum excitare tentabant: quæ Taciti quoque fuit opinio presse dicentis: *Primi per figuras animalium Aegyptii sensus mentis effingebant.*

Lib. XI. Annal. p.m. 197.

§. 130. Cum varia autem in Divina Essentia deprehenderent attributa devotioni hominis egregium ad pietatem stimulum addentia, diversis illa & quam appositisimis hieroglyphicis exprimere nitebantur. Sic forte omnipræsentiam Dei per figuram solis, omniscientiam per aquilam, omnipotentiam per leonem, iram per lupum, vel crocodilum, fliterant animis: & cum latissimus pateat ingenio humano campus, si semel in similitudines sese effuderit, multis quidem modis conjicere, certo vero assequi vix licuerit, quod Divinum prædicatum cape & allium noraverint.

§. 131. Quoniam ergo, hisce animalibus juxta ac vegetabilibus conspectis, singularis quædam Summi Numinis veneratio in animis intuentium excitabatur, meliusque & ardentius inflammabantur pietate homines, quam unquam antea, cum per ideas sacra docerentur, gaudebant sibi primi eorum inventores de tam egregio successu, subindeque aliis arque aliis pluribus additis hieroglyphicis adaugere pietatem vulgi studebant: unde & *publice templis* & privatis domibus has consecrabant imagines.

§. 132. Hæc autem non culpando, per lumen rationis, consilio excitata per imagines devotio, paulatim deinceps ignorantia vulgi & negligentia Sacerdotum ita penitus iisdem adhæsit, ut plurima pars plebis illis ipsis simulacris divinitatem attribueret. Et quamvis forte non deessent, qui horum errori contradicerent, & hanc majorum nequaquam fuisse mentem recte assererent, vulgus tamen, cui nunquam meliora placent, à partibus superstinosiorum ex doctoribus & sacerdotibus stabat, suoque odio & terrore cor-

datio-

dationum sermonem contrarium suffocabat. Sic tota Ægyptus pudenda superstitione, uti solet à Nilo, inundabatur: cumque auctore Tacito ab Ægyptiis literas acceperint Græci, à Græcis Latini, ratio jam appareret, quare superstitio, Ægyptiorum maxime, tum & Græcorum atque Latinorum, nostræ, supra assertæ, thesi videatur refragari.

De superstitione miraculorum.

§. 133. Cum DEUS post naturam constitutam rarius immediato concursu operetur, nec tamen idcirco plane nunquam, facile fieri potest, ut actionem aliquam naturalem, immediatam Dei credamus, ex qua persuasione, si conficiatur conclusio animum corumpens, peculiaris enascitur superstitio, qua verus quidem relinquitur Deus, actiones vero alienæ, cum detrimento boni animi, Eidem attribuuntur. Unde duo hic maxime veniunt notanda: (1) *Quid vere sint miracula.* (2) *An Deus facile miracula velit edere.*

§. 134. Quid sint miracula, jam satis insinuat: nempe actiones Dei sensibiles post constitutam naturam, immediatæ. Dico post naturam constitutam, ut usui vocabuli inserviam, quo solemus miracula actionibus naturæ opponere; actio autem, qua Deus naturam constituerebat, nondum habebat oppositam, naturalem puta, unde nec secundum usum, miraculosa dici poterat. Immediatas porro Dei actiones ad miraculum requiro: quia sano sensu afferri potest, quod omnes actiones naturæ sint Divinæ, cum DEUS omnium actionum & virium naturæ sit auctor: pleræque vero omnes per vires naturæ eduntur, pauciores sunt immediatæ, & hæ solæ sunt miracula.

§. 135. Non autem præcise id requiritur ad miracula, ut sint *ultra vires naturæ*, unde & magi Pharaonis aliqua Moïsis miracula imitari poterant: sed si constet a Deo immediate processisse actionem aliquam, etsi alias quoque à viribus naturæ ea proficisci possit, miraculum est; id quod de Salvatoris quibusdam valet miraculis, itemque de progressu Israelitarum per mare rubrum. Nec vero necesse est, ut actio miraculosa tota sit immediata, sed potest actio naturæ concurrere cum actione Dei, v.g. si Deus per plu-

vias

vias perdidit primum mundum. Potest etiam actio angeli vel hominis concurrere cum actione Divina immediata: si DEUS vel jussu, vel alia directione impellat angelum, vel hominem ad aliquid faciendum vel omittendum, v.g. quando Principum & Regum regit animos ad peculiare actiones, quas per se non fuissent facturi, edendas: quo & referre decet, si DEUS diabolo aliquid permittit, quod alios pro bonitate sua prohibere solet: illa ipsa enim permissio aliquid immediati habet: nec hinc putandum, ipsam quoque illam actionem, qua DEUS diabolum ab inferendis malis prohibet, esse miraculum: hoc enim debet esse sensibile, illa vero actio à nullo homine potest sentiri.

§. 136. *An Deus velit frequentius miracula facere, an rarius, nec patet ex natura miraculi, nec ex cognitione naturali essentia Divina: experientia tamen abunde docet, quod DEUS in rebus maximè momenti, v.g. prohibendis bellis injustis, hæresibus, & aliis, miracula indubia perraro edat ulla, quod tamen ita fieri posset, ut de miraculo nemo queat dubitare, v.g. si gressus ad bellum injustum grassantium sisteret, hæreticos mutos faceret: hinc ergo, puto, recte persuademur, DEUM, nisi ob gravissimas rationes, miracula non facere, sed cursui naturæ communi pleraque relinquere omnia.*

137. Quia vero pax, & veritas Theologica, sunt primo vera bona, dein ad universum genus humanum spectantia, & tamen propterea ordinario DEUS miracula edit nulla, id saltem puto credibile erit, si naturales pateant rationes, nos in minoribus, pauciorum hominum salutem spectantibus, non debere vel facta miracula pronunciare, vel futura sperare, nisi aliunde constet, ex sacris v.g. literis, esse aliquid miraculum. Nihilominus quoniam religio nos docet, singularem esse Dei erga *pios* amorem, hi sibi, si vere ad hunc censum pertineant, plus promittere omnino possunt.

§. 138. Adhuc scire convenit, undenam judicare possimus actionem esse à Deo immediate vel non? Respondeo, omnium hoc certissime addisci ex sacra scriptura: quod si hæc sileat, physica principia tentanda, an ex iis causa modusque cum circumstantiis temporis,

Vid. supra
§. 135.

temporis, atque proportionis, & reliquis, possit intelligi, annon: si possit, pro miraculo non habendum puto; quia credibile non est, DEUM, quem rarius miracula facere velle novimus, id per miraculum patrare, quod per naturam fieri poterat: si non possit, vide & considera, an si Deo adscribas immediate, aliqua noxia animo hinc emergat conclusio, annon: si illud, actionem naturalem agnosce; si hoc sit, miraculum, si ita velis, esse credes: etsi enim vel maxime errores, sine noxa tamen foret error.

Vid. supra
§. 123.

De superstitione speciali quoad Dei attributa.

§. 139. Deo dari attributa, quæ non possunt competere nisi creaturis finitis, absque superstitione cæteris paribus hæud possunt: rebus enim naturalibus, non quidem in concreto, in abstracto tamen hoc modo aliqua divinitas attribuitur, quam non habent: etsi enim nostrum illud prædicatum ideo non statuamus esse divinum, ejus tamen abstractum aptum ad infinitatem credimus, cum minime sit aptum. Sic forte putabis nulla omnino mentem nostram capturam prædicata, quæ Deo sint digna, adeoque nulla omnino de Eo fore prædicanda. Sed respondeo: nulla quibus essentialis est imperfectio, contraria vero de Summo Numine omnino prædicari posse.

De perfectione & imperfectione attributorum.

§. 140. Ea nimirum attributa perfectiones sunt, quæ absque *finitate* & *vanitate* comprehendendi possunt: priorum perfectio physica est, posteriorum moralis. Finitatem dico, qua plus quidam cogitari potest: vanitatem, si quis secus atque ratio probat, affectibus indulgeat: unde sive affectus sit contra rationem, sive præter rationem, id est, ut ratio eum non dirigat, vanus est. Etsi ergo omnes perfectiones, quarum nos habemus ideas, sint finitæ, ita tamen differunt, ut finitas quibusdam sit *essentialis*, quibusdam accidentalis: illæ sunt, quæ absque finitate non possunt definiri; hæ, quæ possunt: priores non sunt perfectiones absolutæ, adeoque nec Deo dignæ; posteriores omnino. Sic v. g. motus ætheris à centro ad peripheriam perfectio respectiva est, non absoluta; infer

Vid. Lib. I. C.
III. §. 36. &
seqq.

infert enim in conceptu suo finitatem: quia, quicquid movetur ad peripheriam, in peripheria nondum debet esse, adeoque finitum necessario est: eadem quoque est ratio motus aeris, à peripheria ad centrum. At intellectio nullam necessario infert finitatem, nec, si recte concipias, & communi præjudicio liberes, extensio.

§. 141. Nec vero de intellectu quacunq; statim valet, quod sit Deo digna: alia enim est intellectio essentialium, alia existentiarum: omnis vero intellectio *successionem idearum* involvit: hujus successionis causa interdum est debilitas cognoscentis, interdum natura objecti: prior est intellectio essentialium, & hæc omnis intellectio a natura Divina est aliena: Deus enim non intelligit essentias, sed scit & novit: posterior vero, nempe existentiarum intellectio, cujus successio ex natura objecti est, (quando v. g. qui puer est, ut puer intelligendus est, & quando sit senex, ut senex) tantum abest, ut imperfectionem involvat, ut potius imperfectio permagna esset, si hæc contrario modo conciperentur, (puer nempe ut senex, hic ut puer) falsi enim sic forent conceptus: unde talis intellectio in Deo locum habet, non alia. Scientia pariter recte abstracta non necessario finita est, unde recte quoque de Deo affirmatur.

§. 142. Morales perfectiones, id est, quæ voluntatem respiciunt, debent a vanitate esse alienæ: vanitatis autem idea infert conceptum volitionis & rationis: illa enim volitio vana est, qua recta ratione non proficitur: volitiones autem Dei aliunde, quam ab intellectu & scientia Divina esse non possunt: unde ex solum volitiones nostræ, quibus essentialis non est vanitas, Deo dignæ sunt, ceteræ minus.

De obligatione hominis ad vitandam & exuendam superstitionem.

§. 143. Hunc sibi vindicat hæc doctrina locum, ut quoniam vera physica remedium est adversus superstitionem, appareat, qua diligentia excolenda sit illa doctrina. Omnis autem veritas dirigatur ad animum seu voluntatem hominis, adeo ut quæ veritas nullam animo affert utilitatem, ea ne quidem sit addiscenda. Quia vero ante cognitionem veritatis nescire possumus, an utilis sit animo, an

H

non,

non, ut hoc nobis pateat, omnes, quas possumus, veritates addiscendæ sunt. Cum autem plurimorum hominum conditio, tum intellectus, tum status, id non ferat, ut quæ in humanitatem cadant, omnes veritates scrutari queant, quidam solum, quibus id à natura datum est, ad indagandas veritates obligantur, & hi sunt eruditi. *Divina vocatio eruditi* est, fundamentum ejus *vigor intellectus*: hunc quisquis in se deprehendit, eo ipso divinitus ad amplectendam eruditionem vocatus est, ut ex cognitis veritatibus, eas propositiones, quæ ad emendationem animi faciunt, reliquis tradat: & hi morigeram ipsi debent præbere aurem.

§. 144. Etsi vero sic eruditi soli ad cognoscendas *omnes* veritates obligentur, cæteri non item: omnes tamen omnino homines, ad emendandos animos suos, quantum in se est, obstricti sunt: ratio enim ipsos obligat ad prudentiam, voluntas divina ad pietatem & justitiam: Sic ergo omnes quoque homines ad deponendam tenentur superstitionem. Quia vero superstitio & nascitur ex theoriis intellectus, & iisdem tollitur, fit, ut ex iisdem theoriis non eadem semper eliciant homines consecutaria: unde quæ thesis in uno homine superstitiosa est, in alio superstitione caret: quia alius ille vel ex falsa thesi non ratiocinatur, vel contrarium ex illa concludit. Sic ergo potest fieri, ut homines indocti & ratione thesicos, & ratione conclusionis dissentiant: addo, potest & contingere, ut & dissentiant, an omnino superstitiosa sit conclusio. Ad tria hæc determinanda, requiritur omnino habitus eruditionis, nec sufficit, qualicunque ratiuncula pollere, soliditate opus est: qua cum destituantur necessario omnes indocti, sequitur, quod *eruditis auscultare debeant*, respectu horum momentorum, maxime ratione tertii.

§. 145. Eruditi vero *omnes* quidem debent *perscrutari* veritates, ut judicare queant, quomodo animo utiles, omnes falsitates comprehendere, ut sciant, quousque noceant animo: neutiquam vero, *omnes*, quas ipsi norunt, veritates reliquos *docere* debent, nec omnes refutare errores, sed modo cum respectu ad utilitatem & damnum, quod inde ad animum redit, totum hoc negotium tractare: unde si ex errore aliquo forte bona conclusio fluat, prava non facile obruditatem aliorum inde conficiatur, male agunt eruditi, si ta-

les

les errores tollere satagunt: pariter si ex veritate aliqua, per præjudicia & ignorantiam communem, scias malas conclusiones iri formatum, atque nihilominus nihil mangnopere proficui ipse hinc concludere queas, hæc quoque non erit ruditati communi valde inculcanda, sed eruditis reservanda.

§. 146. Dum vero ineruditorum esse, eruditis auscultare, probamus, minime cæcam requirimus quandam indoctorum obedientiam, sed exigere utique ab eruditis probationes possunt, tum vero, si hoc fiat, trium maxime debent meminisse: (1) Ne temere demonstrationibus eruditorum repugnent. (2) Nesci dubium ipsis, quod opponi queat, suppetat nullum, nihilominus assensum differant. (3) Ne etsi adhuc aliquas rationes habeant in contrarium, ob eas pertinaciter dissentiant, cum secum habitare, & perpendere debeant, quam ipsis, de hisce talibus solide judicare, neca natura datum, nec a vitæ instituto concessum fuerit. Quod si vero ipsi dissentiant eruditi, quid tum faciendum est aliis? R. Hic id modo tentandum, ut comprehendas, cujus thesis tibi videatur animo magis nocere: illam amplectere, quæ minus tibi videbitur noxia: etiam si enim forte falsam amplectaris, tamen quamdiu nullas nocivas animo comprehendis consequentias, tamdiu tibi pro vera erit.

§. 147. *Omnes ergo carere superstitione & debemus, & possumus*, etsi ab erroribus non possumus liberari omnibus, & ineruditi ne quidem a pluribus. Nam etsi vel mille foveat errores indoctus, qui in superstitionem per eruditam subsumtionem degenerare possent, tamen, si is qui habet, subsumtiones haud adjicit, simplices errores manent: unde alii errores oppugnandi in foro eruditorum sunt, alii apud cæteros.

Physica est vera superstitionis antidotus.

§. 148. Hactenus patet, quomodo vitare superstitionem ineruditi debeant: nunc & de ipsis videndum eruditis. Hi peculiari obligatione tenentur, non solum superstitionem ex animo proscribere, sed & errores, quoad ejus fieri potest, vitare omnes: eo ipso vero superstitionem quoque vitabunt: omnis enim superstitio ex ignorantia & pravoratiocinandi habitu est: hinc dum dicimus, quod

physica sit vera superstitionis antidotus, non ideo asserimus, quod sit unica. Ubique conjungenda, uti in omni disciplina, logica est: hæc vero & physica adæquatum remedium adversus superstitionem miraculorum sunt: contra reliquas, utpote idololatriam, atque eam, quam in specie superstitionem diximus, jungendæ hisce duabus sæpe & reliquæ disciplinæ sunt, v.g. Theologia naturalis, doctrina de affectibus, de obligatione & aliæ. Revera autem omni superstitioni remedio est physica, quoniam in omni superstitionis materia dijudicandum, quid naturale sit, quid Divinum: quæ sint illius causæ & modi, & quousque res aliqua Divina sit aut naturalis.

§. 149. Non autem quælibet cognitio physica hoc ipsum peræque præstiterit. Nam (1) *superficialis cognitio sæpe magis implicat superstitioni*, quam ut ab eadem expediat. Si quis enim sibi persuadeat, se naturam habere perspectam, & deprehendam, se perspicere haud posse, quomodo viribus naturæ aliquid possit contingere; contendet hic quidem serio vel Dei vel diaboli ope rem perpetrari, & ægrius longe a suo dimovebitur errore, quam si physica plane sit rudis: unde fit, ut ipsi sæpe eruditi, plausibili præferim, superstitioni pertinacius adhæreant cæteris, naturali iudicii bonitate, etiam citra eruditionem, recte utentibus.

§. 150. (2) *Abstracta & metaphysica physica*, uti cum omnibus hypothesebus, siue veræ sint, siue minus, facile conciliatur, ita & cum superstitione, undenech hæc adversus eam remedio est. Aristoteles enim, qui hujus physicae doctrinæ parens est, vere id dabat operam, ut omnibus placeret: quo ipso id affectus est, ut pauciores haberet adversarios, tum quia neminem ob generalitatem suam ferirent theses ejus, tum quia plurimi etiam meruebant sublimitatem abstractionum, minusque operose, & pari tamen suarum thesium integritate, consentire poterant quam dissentire.

§. 151. (3) *Experimentalis physica* aliquid præstat, non tamen solide; neque enim causas potest demonstrare, sed modo effectus: & cum de effectibus subinde sit quæstio, non nisi similes effectus producit, qui similes effectus si forte omnium, vel dissentientium saltem, consensu sint naturales, argumentum ejus, qui, tale quid ultra naturæ vires constitutum esse, contendebat, *καὶ ἀνθρώπων* refutat.

refutat. Talia passim experimenta ex chymicis adversus Pontificiorum miracula possunt adduci.

§. 152. (4) *Mechanica* physica tam contraria superstitioni est, quam nulla alia, nec ideo tamen verum adversus eandem remedium est: masculè quidem profligat hunc animi morbum, sed pejorem inducit, atheismum puta. *Mechanica* namque physica, saltem intuitu primorum ejus inventorum, eo directus finis est, etsi callide dissimuletur, ut principiorum physicorum, adeoque & cæterorum, ex principiis ortorum, Divinitatem tollant omnem, quo ipso & superstitionem facile ex animis expungunt, sed & plerumque atheismum, loco ejus, introducunt: unde & observare licet, *celeberrimos atheos, ex superstitiosa plerumque secta ad atheismum esse progressos: veteres athei ex ethnicismo: nostri ex Papismo & Judaismo, exemplo Julii Cæs. Vanini, & Bened. Spinosa.*

De eo quod in disciplinis arcanum est.

§. 153. Nulla ergo alia remanet doctrina physica, quam quæ singulis huc usque recensitis sit opposita, hoc est, solida, ex principiis procedens substantialibus, causas & modos ex effectibus demonstrans, & Divinitatem principiorum recte determinans, ac ea quidem tum acroamatica, tum secretior, id est, quæ ex intimioribus naturæ recessibus ea subtili sensu sibi colligit, quæ aliorum obtusiori aciei, & pertinaciori affectui, demonstrare nequit. Ne autem per secretiorum hanc physicam larvas sibi fingat malevolus, & nescio quid periculosi, sub hac vocalatere, convitiatur, generaliter dico, *me secretum* in disciplinis vocare veritatem non necessariam, quam, ob facilem abusum prudentia docere prohibet, ut proprio martellum solum, qui *animo affectibus vacuo* sunt præditi, eam inveniant: nam cæcæ veritas non prodest. Sic aliquid in Jure naturæ, doctrinaque de prudentia, arcanum atque secretum est: multa in physicis, recteque qui chrysopœias arcanum callent, alios id celant, propter abusum. Nec solum ob turbatum affectibus animum celandæ multæ veritates sunt, sed & ideo, quod, cum non nisi acutiore sapientum acie perspiciantur, sensibili probatione cæterorum obtusioribus mentibus ingeri, ut convincantur, haud possint: & hoc sensu per-

multa in physicis prudentius animo premuntur quam propalantur, ne dum infirmior probatio crassam mentem intrare nequeat, debiliore attractu ad *risum* sollicitet, hinc ad *convitium*.

§. 154. Secretior itaque hæc physica diligenter excultam acroamaticam sequitur, & subtiliore veri falsique sensu etiam minores differentias tam vivide assequitur, quam acroamatica majores: unde felicius longe, quid naturale in mirabilibus phænomenis, quid divinum sit, discernit, quam acroamatica: ut adeo quam fortis antidotus superstitionis sit vera physica, nemo certius intelligere queat, quam qui, per acroamaticam, *ad illam adscendit secretiorem*.

De erudita vitandi superstitionem prudentia.

§. 155. Ut vero & ii, qui in acroamatica adhuc versantur physica, recte uti cognitione sua possint, sequentes prudentiæ *regulas* subjungo: (1) Ubi manifestas causas naturales subesse deprehendis, Deum *ἀπὸ μηχανῆς* ne accersito. Etsi enim hoc faciendo vitium superstitionis non statim incurreres, tamen homini intelligenti tutior semper veritas falsitate est. (2) Quodsi tam manifestæ tibi causæ modique naturales non illucescant, tenta, utrum ex aliis circumstantiis probabiliter eruere possis divinitatem aut naturalitatem phænomeni. Sic, si scire velis, an aliquis, qui, cum esset pauperrimus, subito ad invidiam usque augetur opibus, à Deo immediate donatas habeat, an à fortuna? Vide sereno animo, quomodo iisdem utatur, sic statim tibi earundem patefcet origo.

§. 156. (3) Si jam vides, physicam tibi nihil clari ad institutum inquisitionis tuæ suppeditare, nec proximum fundamentum tibi aliquam ferre opem, considera, an persuasio divini concursus adversum aliquem rectæ rationi in te necessario gignat affectum: si hoc, protinus rejice, & naturalem causam concipe. Fieri enim non potest, ut DEUS aliquid faciat, quod tuum tibi animum corrumperet: v.g. contigit tibi dives hæreditas non sine aliqua, quam adhibuisti, fraude: si crederes divinitus eam tibi fuisse datam, non posses non concludere, DEUM illam fraudem probare, quæ per-

suasio

svasio cum animum tibi corrumpat, à Dei immediato concursu eam fuisse in te derivatam, neutiquam judicabis.

§. 157. Sin (4) persuasio naturalitatis aliquem bonum in te impediatur affectum, vel malum progneret, sc̃ius erit, vel cum periculo erroris, credere divinitus illud contigisse, quam naturaliter. Denique (5) cave, omnia grata Deo, omnia ingrata diabolo attribuas. Sunt enim grata permulta animo noxia, sicut & ingrattissima quædam eidem salutaria sunt quam maxime.

SECTIO VI.

De

Usu physices adversus atheismum.

§. 158.

Atheismus est error, quo substantia finita putatur à seipsa esse, adeoque principiis & rebus naturalibus omnis derogatur divinitas. Error est, adeoque distinguendus probe ab ignorantia Dei, qualis, testibus itinerariis, multorum Africæ, insularumque Canariensium & aliorum populorum fuisse putatur: hi nesciverunt potius esse Deum, quam negarunt: error autem innuit negationem Dei ratiocinatricem.

Quod mechanismus mathematicus valde inclinet animum ad atheismum.

§. 159. Mechanismum mathematicum dico constitutionem rei per figuram & motum gravitatis, cui hoc respectu æquipollet impressus: huic oppono physicum, qui est constitutio rei per ætherem & aerem, quorum ille expansivo, hic contractivo gaudet motu. Mechanismus mathematicus pertinet ad materiam, ex ejusque natura desumitur, physicus ad corpus, cujus essentia in conjunctione ætheris & aeris consistit. Equidem mechanismus mathematicus, in se consideratus, quatenus est pars matheseos, hujus

huius quidem accusationis insons est: quatenus vero idem, falsa persuasione, physica applicatur, huiusque essentia mechanismo tali absolvi existimatur, eatenus potest ad atheismum inclinare hominem, neque id tamen per se, si alia circumstantia non accedant. Quodsi enim mechanismo non plus attribuitur, quam ipsi competit, viresque in natura agnoscuntur mechanismo maiores, nondum periclitatur demonstratio existentia Dei: id enim quod mechanismus mathematicus non probat, probabit physicus.

§. 160. At si mechanismus non admittatur alius, nisi dictus mathematicus, figura & motu, nullam Divinitatem arguente, constans, patebit, quod, quicquid in natura contingat, vel maxime augustum atque mirabile, nullum possit præbere Divinae existentia argumentum. Nam si supponatur materia esse ab æterno, data materia dabitur figura, quia sine figura concipi materia haud potest: cumque, secundum Cartesium, quies quoque motus sit, & materia aliter quam vel mota vel quiescens considerari haud possit, palam est, quod data materia detur & motus ejusdem. Quodsi jam queratur aliquod pro Divina existentia argumentum, non poterit illud desumi ab ullis phænomenis, quia, secundum hanc opinionem, ea omnia sunt à figura atque motu: nec à figura & motu, quia ad conceptum materiae ita pertinent hæc duo, ut ab ea separari neque possint, sed eidem essentialia esse comprehenduntur, adeoque posita materia, ita simul ponentur, ut ab alia causa nulla debeant concipi introducta. Tantum enim abest, ut figura causam aliquam, à qua materiae fuerit superaddita, præsupponat, ut ne quidem absque figura esse possit materia: tantum abest, ut motus illam causam evincat, ut ne quidem esse absque motu materia queat. Quodsi ad ipsam tandem materiam devenias, eamque à seipsa esse non posse urgeas, recte respondebit exercitatus disputator, hoc ipsum esse *χηρόμενον*, quod à se non possit sumi, sed probandum tibi esse dicabit: quod quidem secundum hanc hypothesin te probare non posse, antecedentia ostendunt. Sic concessio semel hoc mechanismo *tantummodo adaequato physicae* principio, simul atque semel omne Divinae existentia argumentum tibi e manu extorsum intelliges.

Carte-

Cartesium serio handquaquam Deo attribuerè impressionem motus.

§. 161. Quodsi putes, huic malo sufficienter occurrì, si quis aperte, quod fecit Cartesius, contrarium profiteatur, DEUM nempe esse causam materiæ figuræ & motus; videndum, an vero id dicere animo possit. Nempe, hoc utique nullum præbebit Divinæ existentiae argumentum, quod materia dicatur esse figurata, cum deductiones mechanicorum physicorum ostendant, quod figuræ differentiae sint à motu. At motus tamen dicitur esse à Deo per impressionem. Tantine vero hæc est impressio, ut ideo Deus sit statuendus? præcipue cum Cartesius, tam lepidum fingat accidens esse motum, ut vel solus absque ulla substantia transeat ex uno corpore in aliud, illudque ita moveat, ut etiam in æternum haud cessaturus sit, nisi quid obstat. Quodsi μηχανικῶς sumamus, naturali gravitate sibi invicem allidi particulas materiæ, motumque sic tandem casu formari circularem: (hoc saltem plausibilis longe demonstrarem, quam Cartesius formationem fœtus explicuit) vel cum multi putent, materiam per se esse gravem, quidni eadem ratione sumere liceret, materiam quoque *per se moveri in circumlo.* Et cum Cartesius tot ac tanta præclara naturæ opera ex mechanica necessitate deduxerit, uti in libro de homine & fœtus formatione liquet, mirandum est, quod ad tam vilem operam, qualis, respectu formationis fœtus, est impressio motus, DEUM accessiverit, ad illam minime. Scilicet, valde probabile hinc est, minime serio ab eo hac in re fuisse actum.

§. 162. Et si vel maxime etiam noluerit Cartesius hunc motum attribuerè propriæ virtuti materiæ, tamen nondum ad illam impressionem Deo erat opus, hoc est, ente sapientissimo, sanctissimo, potentissimo: neque enim singularis vel sapientia, vel potentia ad hanc motus impressionem requiri videtur: quin spiritus aliquis mundi, etsi etiam vix ulla, saltem nostræ æquali cognitione polleat, dummodo viribus, ad motum necessariis, haud destituatur, ad hoc ipsum omnino sufficit: ut denuo appareat Cartesium vix serio ad mechanica sua principia accessivisse DEUM.

Sane tractatus ipsius de formatione foetus satis ostendit, quod vel *suis principiis uti nesciverit*, quod de ipso vix ullo modo est credibile, vel si scivit, *aut non potuerit credere factum sic fuisse formatum, aut non potuerit non credere, macrocosmum eodem modo fuisse genitum.* Nam diviniora longe opera in microcosmo sunt, quam in macrocosmo, ratio nempe & sensus, remanent tamen reliqua paria, adeo, ut si mechanice microcosmus, quæ ipsius sententia est, compingi potuerit, nulla sit ratio, quare non & macrocosmus: magnitudo sane rem nihilo facit difficiliorem, quia cum magnitudine objecti crescunt & mechanismi vires.

Mechanismus si accedat methodus mathematica, perire non solum argumenta existentia Dei, sed & contraria cudi.

§. 163. Mechanismus hic ad physicam hoc sensu applicatus eripit quidem probationem affirmativæ pro existentia DEI, nondum tamen negativam adstruit. Hoc ipsum vero etiam contingit, si huic mechanismo addatur ratiocinatio mathematica. Cum enim doctrina, de existentia Dei, sit philosophica, & adeo methodo mathematica æque tractetur absurde, ac si sartor forfice scrinium velit concinnare; facile evenit, ut, si inconveniente adhuc methodo tractetur hoc argumentum, etiam negandæ Divinæ existentia aliquis appareat fucus. Sic Spinoza, ridendo ab intelligentibus conatu, ethicam mathematica methodo conscribens, & more Geometrarum definitionem in objecto philosophico, de substantia perperam sibi *sumens*, neque vel verbulo probans, nactus quidem est sophisma quoddam pro impietate asserenda: sed unde? non quidem ex ipso mechanismo, sed ex mala applicatione mathematicæ ad res philosophicas. Dum enim dicit §. III. *per substantiam intelligo id, quod in se est, & per se concipitur: hoc est, id cujus conceptus non indiget conceptu alterius rei, à quo formari debeat*, id facit, quod posset vocare *petere conclusionem*, hoc est, id vitii admittit; ut sibi paret definitionem talem, quali

ad

Vid supra §.
40. seqq.

ad conclusiones, quas quærit, opus habet, cujus definitionis si requiras rationem, nihil aliud respondere poterit, quam quod illa quidem indigeat. Nam illud: *cujus conceptus non indiget conceptu alterius rei*, grave quidem dictum est, sed probatione quam maxime indigum: si enim talis est substantia, nec causa erit, nec effectus, quia utriusque conceptus talis est, ut conceptu alterius, ut solent relata, omnino indigeat. Quod si minus latere sub his vocabulis voluisset Spinoza, poterat eodem sensu dicere, substantia est, quæ nec causa est, nec effectus: dumque temere sumit talem dari substantiam, principium petit: de eo enim quærebatur.

Quod Cartesius frivole rejecerit argumentum, pro existentia Dei, ab ordine causarum desumptum.

§. 164. Miratus persæpe sum, quare Cartesius, cum toties in argumentum existentia Dei versaretur, tam penitus transmiserit silentio optimum de ordine causarum argumentum, ita ut alicubi dicat, *quod per istam causarum successionem non videretur alio posse devenire, quam ad imperfectionem intellectus sui agnoscendam, quod nempe non possit comprehendere, quomodo infinitæ tales cause, sibi mutuo ab æterno ita successerint, ut nulla sit prima.* Sed confundit Cartesius res duas distinctissimas, nempe *debilitatem cognitionis, & necessitatem* ejusdem: scilicet intellectus imbecillitas est, non posse cognoscere; at non posse aliter, quam hoc modo, cognoscere, maximum robur demonstrationis est: sicut v.g. imbecillitas est non posse agere; at non posse nisi fortiter agere, vel non nisi juste, nullo modo imbecillitatis est. Sic imbecillitas est, non posse circulum cognoscere; at non posse circulum absque centro cognoscere, maxima vis demonstrationis est: unde Cartesius optimum argumentum propter frivolam causam rejecit, sophisticumque & inane substituit.

Respons. ad
object. prim.
p. m. 49.

Cartesius in probanda Dei existentia confundit nominalem definitionem cum reali.

§. 165. Cum vero sciret optimum in mathesi demonstra-

vid. supra
§. 41.

Medicat. V.

di modum esse ex definitione seu idea, cum vero exensione probare, vel existentiam definiti primum stabilire, insolitum esset (neque enim necessarium est, ut entis possibilis vel demonstretur existentia vel essentia) contra, in objecto philosophico neutrum sit omittendum; magno sui applausu, stupentibus omnibus cordatioribus philosophis, *ex definitione Dei* probavit existentiam ejusdem, hoc modo: *Deus est summe perfectum, summe autem perfectus esse non posset, si perfectione primaria, existentia nempe, careret, E. Deus existit.* Mirabuntur autem non immerito omnes cordati, quod tantus philosophus non perspiceret, eodem modo probari quoque posse existentiam civitatis Platonice, quippe quæ & in suo genere est summe perfecta, etiam in suo genere esse non posset, nisi existat.

§. 166. Scilicet notum esse poterat Cartesio rectius meditati, quod sive dicta Dei definitio habeatur pro nominali, sive pro reali, hanc inde conficere conclusionem haud possit. Nam si tantum nominalis est, realis inde haud potest deduci conclusio, qualis illa omnino est, quod existat: si pro reali habeatur, talis esse neutiquam potest, nisi ante probata sit existentia definiti: quomodo enim realis esse potest definitio, de cujus definito nondum constat, an vere existat, id est, res aliqua sit extra intellectum constituta? Ergo si illa definitio, Deus est ens summe perfectum, nominalis est, nulla conclusio realis inde potest confici, si realis habetur, *questio an sit, debet præcedere questionem, quid sit*, adeoque aliunde, quam ex essentia debet probari: nec est, quod putes, illud axioma Aristotelicum, quod *quæstio, an sit, debeat præcedere questionem quid sit*, non esse omni exceptione majus: si enim de *definitione reali* intelligatur, tam firmum est quam quod firmissimum.

§. 167. Quando vero passim idem hic philosophus ab existentia hujus ideæ in intellectu, ad existentiam realem, seu, ut scholastica expressione loquitur, *ab esse objectivo* concludit *ad esse formale*, non plane quidem nihil dicit, sed confundit tamen iterum ideas simplices cum compositis: de illis valet argumentatio, minime vero de hisce. Nam idea simplex non potest ingredi intellectum, nisi per existentiam sui, v. g. nullam possum habere ideam coloris, figuræ, nisi viderim; non possum vidisse, nisi existant: at quoniam intelle-

ctus

Aut noster ideas simplices variis modis componit, ita potest componere, ut tales nullibi existant, quod exemplo rationis patet: ergo manifestum est, quod ab horum entium in intellectu existentia, non possit concludi ad existentiam extra intellectum, nisi ideæ sint simplices. Jam vero idea Dei vel maxime est composita (non ideo Deus) constat enim ex omnibus ideis perfectionum, quas nos possumus comminisci: adeoque Major Cartesiana ad ideam Dei non potest applicari.

§. 168. Ex dictis sequitur, quod atheismi vera & adæquata, etsi forte non unica causa sit *mechanismus mathematicus* physice per *rationationem mathematicam* ita applicatus, ut pro adæquato ejus principio habeatur. Doleo quidem, quod ita pronunciare veritatis me jubeat convictio: scio enim me multos præclaros, & quos de cætero magni quoque facio, non posse non offendere viros. Sed hos quæso, rationem præferant affectui; & meas sereno animo perpendant rationes, sic intelligent me ægerime hanc, urgente sic veritate, enixum esse propositionem.

Demonstratio philosophica, quod Deus existat.

§. 169. Jam ut antiquum, & ipsi Scripturæ sacre usitatum argumentum, *de ordine causarum*, suæ vindicem soliditati, ostendamque illud longe quidem esse solidius hætenus refutatis Cartesianis, *de existentia Dei*, nugis, probandum mihi (1) est, Quod mundus non sit causa sui ipsius: cum vero, etsi mundus non sit causa sui ipsius, sed causam aliquam habeat externam, hæc iterum possit habere aliquam hujusmodi sui causam, & ita possit dari processus in infinitum, (2) Demonstrandum est, quod hic quidem non possit dari: cum vero etsi talis etiam non detur processus, sed causæ agnoscenda primæ sint, possent forte putari finitæ, & in suo quæque genere primæ. (3) Evincendum, quod detur causa aliqua prima communis, infinita, omnibus vere talibus perfectionibus prædita.

Quod mundus non sit causa sui ipsius.

§. 170. Si mundus esset causa sui ipsius, esset causa partium

suarum; quia partes pertinent ad mundum: Si mundus esset causa partium suarum, esset intelligens: nam mundi partes sunt intelligentes, v. g. homines: quibus si dederit mundus intelligentiam, ipse eadem deberet gaudere: fieri enim non potest, quin aliquis malit habere intelligentiam, quam non habere: hanc si dederit aliis, ipse sibi eandem quoque impertiverit, necesse est. Hoc ipsum & sic demonstrari potest: Si mundus partibus suis quibusdam dedit intelligentiam, quibusdam denegavit, distinxit a se invicem ea, quibus danda esset intelligentia, ab iis, quibus esset deneganda: quod si distinxit, quia distinctio absque intellectione non potest concipi, sequitur, quod intelligat.

§. 171. Si mundus esset intelligens, principia ejus essent intelligentia: nam virtus quæ est in principiis, non potest differre a virtute, quæ est in principiis, nisi quantitate: sic *ναὶ ἀνθρώπων* omnis virtus motuum, qui sunt in hoc universo, dependet a primo motu impresso & figura particularum: sicut, etsi unus globulus celestis & unus motus materiæ sublimissimæ non possint causari lumen, si tamen plures ex utraque parte conjungantur, lumen gignitur, & adeo a principiis suis non differt virtus luminis, nisi quantitate. Quod si virtus principiatorum, non nisi quantitate differt a virtute principiorum, non differt essentialiter: ergo, si in principiis est intelligentia, necessario quoque erit in principiis.

§. 172. Si principia mundi sunt intelligentia, nolent conjungi: repugnat enim naturæ omnis entis intelligentis, velle ut sibi, suisque motibus, cum intentione peragendis, repugnetur: cum autem, ut infra suo loco plenius probabitur, motus ætheris adferretur motui aeris, & vice versa; item motus corporis elasticus sæpe repugnet intentioni spiritus, v. g. in motibus convulsivis, patet, quod si penes hæc principia fuisset uniri vel non uniri, quod uniri quidem nullatenus voluissent: ægre enim sit ipsis in illa unione. Cum vero experientia doceat, & sequentes paginæ solide adstructuræ sint, ætherem cum aere in omni quidem corpore, corpus vero cum spiritu in homine esse unita, hæc unio necessario ab alio debet fuisse facta.

Lib. I. C. III.
§. 11.

Hujus Libri
Cap. V. §. 19.

Quod

Quod dari non possit processus in infinitum.

§. 173. Aliquid ita procedere in infinitum, ut non desinat, equidem ut verum ex ratione probari nequit, id tamen constat, quod sit possibile. Sic & numerus, & magnitudo, & motus, & causarum successio, in infinitum possunt continuari, nullaque est ratio, quare cum cæperint, desinere debeant: contra, si quidem *continuare* concipiantur, necessario debent quoque inchoasse concipi, nisi a se sint: hoc enim casu, id quidem haud sequi infra demonstrabo. Continuare enim nihil est aliud quam priora repetere: hæc priora semper sunt pauciora, sicut continuata sunt plura: si priora sunt pauciora, magis priora adhuc erunt pauciora; sic quod paucissimum est, primum erit: ergo ubi est *continuatio*, ibi necessario primum. Sit v.g. Saulus a Johanne decimus: etsi nemo adsit qui numeret, tamen verum erit, quod minor personarum numerus sit inter Pauli patrem & Johannem, quam inter hunc & Paulum, adhuc minor inter Pauli avum & Johannem: quo magis ergo ad priora regrederis, eo magis semper numerus decrescit: numerus autem non potest ulterius decrescere, quam usque ad unitatem: ergo *ubicunque est continuatio, ibi debet esse primum.*

§. 174. Hoc idem in aliis quoque verum accidit: continuatur motus in infinitum, & claritatis ergo assumamus pulsus arteriæ; non necessarium est, ut desinat, quia incepit; necessarium vero omnino est, ut, quia continuatur, cæperit. Fingamus enim hunc pulsus ab æterno esse, non ideo minus verum erit, quod pulsus ante hunc annum pauciores erant, quam jam sunt: & ante biennium adhuc pauciores: & sic semper in antecedentibus temporibus pauciores. *Aut ergo numerus in infinitum potest minui, aut primus aliquis pulsus est.* Neminem puto tam absurdum fore, ut numerum in infinitum dicat posse minui: sicut enim verissimum est, quod in infinitum possit augeri, ita quilibet comprehendit, quod in infinitum haud possit minui.

§. 175. Quod si putes, numerum his rebus esse accidentalem, *naturam non numerare, sed hominem, adeoque argumentum,*

tum, quod hinc ducatur, esse *nominale* solum, non reale : &c. De *numero numerante* concedo, & numerus *numeratus* omnino rebus multiplicatis essentialis, & a natura, non ab homine, est constitutus. Intellico vero per numerum numeratum substantias plures aliquo accidente convenientes, aliquo discrepantes. Si enim nullo convenirent accidente, numerari haud possent, sicut v.g. Deum & gramen nemo dixerit duo, etsi entis videantur notionem communem habere, sed nec abbatem & principem, si una sint persona, quia nihil non commune habent, adeoque nullo differunt accidente. Hæc ipsa differentia accidentium facit, ut crescat numerus numeratus, & decrescat. Sic v.g. planta perennis generat aliam plantam, conveniunt natura, discrepant loco & tempore: hæc iterum generat aliam, quæ cum prioribus convenit natura, discrepat loco & tempore: hæc differentiarum loci & temporis sunt numerus numeratus harum plantarum, quippe quæ adsunt, etsi nemo adsit, qui cognoscat. Jam accedat cognoscens, &, non dico numeret, solum cognoscat, deprehendet fieri non posse, ut has differentias absque numero numerante intelligat, si quidem & convenientiam & differentiam simul velit comprehendere: quod si se junctim velit, abstraheret, & cum omnis abstractio propter meliorem cognitionem instituat, nemini quidem denegari potest jus abstrahendi, sed & ad abstractionem nemo potest obligari: si enim sua ex concreto possit demonstrare, subsidio abstractionis non indiget.

Quod numerus numerans a numerato aliter haud differat, quam ut idea rei & res ipsa.

§. 176. Jam denuo repeto, nam palmarium hoc est, posito numero numerato, si accedat cognoscens, ponitur numerus numerans: sicut posito equo, si accedat cognoscens, ponitur idea equi: nam & *numerus numeratus & numerus numerans non aliter differunt, quam ut objectum & idea ejus*: non possum ergo prohiberi, quominus ex natura numeri numerantis argumenter, sicut nemo culpari intelligens, si de equo ex idea equi concludam: dummodo illa idea sit vera: at verum esse, id quod numero numerante ostendit numerus numerans, quem dixi esse *convenientiam & discre-*
pan-

pantiam entium simul sumptam. Quamvis ergo ex his liqueat, quod necesse non sit, ut movear objectionibus §. 175. siquidem falsum est, quod omnis numerus sit rebus accidentalis, falsum pariter est, quod natura non numeret: verum autem est, quod numerus numerans etsi non rebus (sicut omnes ideæ) sit essentialis, essentialis, tamen sit cognitioni, adeoque & ratiocinationi, maxime omnium in questionibus numeri, qualis hæc nostra est: an sit causa aliqua prima? adeoque minime hoc loco mihi, ut ex numero numerante argumenter, denegari possit; velificabor tamen ejus debilitati, qui meas forte, ob quodcunque obstaculum, non satis assequitur rationes, meamque thesin ex solo numero numerato perinde stabiliam.

Ex numero numerato perinde, ut ex numerante probatur, quod sit prima aliqua causa.

§. 177. Quodsi advertet lector, quod numero forte numerante haud penitus abstineam, sciat, res absque ideis proponi vix posse perspicue, unde nec numerus numeratus absque numerante: sed hoc tamen promitto lectori, quod vim concludendi nunquam ex numero numerante, sed semper ex numerato sum petiturus. Sint ergo, Adam, Seth, Enos, Cainan, Malaleel, Jared, Enoch, Mathusalem, Lamech, Noc: totidem ergo sunt differentiarum ratione loci & temporis, quot hic sunt personæ; neq; enim Noa in eodem loco potest esse cum Lamech, neque eodem nasci tempore, pari modo judicandum quoque de antecedentibus. Jam dico, cum nondum esset Noa, de erat aliqua differentia: cum nondum esset Lamech, adhuc aliqua de erat: & sic ferres habet, si ulterius regrediar, ut semper aliqua ejusmodi differentia desit; pariter si Noa generat Sem, Sem Arphachsad, differentiarum adduntur: nec dubium est, quin in progressu semper addantur novæ differentiarum, in regressu semper aliquæ novæ ex his pereant, eæ nempe, quæ fuerunt per progressum additæ. Jam licet mihi dicere, in regressu semper disparent aliquæ differentiarum, unde concludo, necessarium esse, si non desinas regredi, ut omnes demum disparent: nam quicquid subinde minuitur, tandem penitus consumitur: omni consumpta differentia, restat causa absque effectu, quæ si existat, existere autem hoc res

spectu omnino debet, quia alias nec effectus ejus potuissent existere, prima est: ergo datur prima, & non datur processus in infinitum.

§. 172.

§. 178. *Ceterum nullus actualis in infinitum processus a nobis potest cogitari*, illi enim, quorum supra mentionem feci, *potentiales* sunt: at vero sive aliquid in infinitum progrediatur, sive latum solum unguem, incepisse debet, & ad cujuslibet internam perceptionem provoco, quod nullus progressus absq; initio possit cogitari. Quod si quis loquatur de causis ab æterno, absque ullo initio, se invicem producentibus, monendus est, ut meminerit, *an id quod dicat, ipse intelligat?* si ajat, rogandus est, ut & nobis has suas cogitationes communicet; si neget, se intelligere, & tamen defendat, inculcandum ipsi, quod dicere id, quod aliquis ipse non intelligat, somniantis, defendere id ipsum, insani sit.

§. 179. Quod si forte explicationis loco *de motu circulari* dicat, nam hic fere unicus est, qui aliquem fucum facere possit; sciendum, *quod nec circularis possit absque initio esse motus*: nam si progreditur, debet incipere, undecunque incipiat, alias non potest progredi. Finge enim quinquaginta globulos se invicem premere circulari motu, omnes quidem simul & semel motum inchoare possunt, sed ut pergant premere, incipere debent, nec ab æterno possunt dici incepisse, quia quod æternum est, initio destituitur: Neque vero hoc circularis motus exemplum ad nostrum objectum applicari potest, quin primam cogaris agnoscere causam: quia non simul & semel se invicem hic generant substantiæ, prout in illo exemplo globuli se premunt. Videtur vero ex hoc exemplo, quod possit causarum esse successus, *ut nulla causa sit, quæ non & effectus sit*: id quod si verum sit, sequatur, quod nulla sit prima; quæ enim prima est, illa non potest similis causæ effectus esse: v.g. nullus hic globulus est, qui solum premat, & non simul prematur. Respondeo vero: hoc non potest applicari, nisi ad causas, superstitēs tempore causalitatis uniuscujusque: sic v.g. quando unus, quicumque sit, globulus moveri, alter adhuc superest: at in ordine causarum longe aliter se res habet: priores causæ perierunt, quando causalitatem suam exerunt posteriores: adeoque iterum per circulum affici priores haud

haud possunt à posterioribus, ut v.g. atavus iterum generetur à nepote. Quodsi aliquis dicat, hæc quidem secundum rationem nostram esse talia, & per rationem aliter concipi non posse, at posse revera longe aliter se habere: respondeo, contrariam nobis, de processu in infinitum, sententiam, ne quidem secundum rationem talem esse, sed secundum pertinaciam: & ne quidem per rationem concipi posse, adeoque haud dubie à vero esse remotiorem.

*Quod detur causa prima, communis, aeterna, omnibus
veris perfectionibus pradita, seu Deus.*

§. 180. Postquam ergo probatum est, quod rationi rectæ repugnet processus in infinitum, secure possumus supponere causas primas: v.g. primum hominem, equum, hordeum &c. Jam experientia docet, quod causæ secundæ potentias habeant limitatas, dum una non potest alterius producere effectum: & quod effectus harum causarum sint univoci, seu ejusdem naturæ atque essentiae, cum causa; unde & prima causa ejusdem naturæ est cum secunda, & per consequens potentias habet quoque limitatas. Potentiæ vero limitatæ non possunt esse à seipsis: nam si essent à seipsis, nulla causa haberent opus, vera nempe & efficiente: si hac non haberent opus, pariter non indigerent causâ suarum potentialium: si hac non indigerent, deberent omnibus potentiis gaudere: Si enim existentiam sibi ipsis dare potuissent, nulla potentia nobilior existentia est, adeoque omnes sibi potuissent dare potentias; quas si dare sibi potuissent, dedissent haud dubie: cum contra naturam entis intelligentis sit, malle potentiis destitui, quam gaudere. Si gauderent omnibus potentiis, non haberent limitatas. Vid. Cartes. Med. III. p. m. 19. & 20. id maxime, quod ipsi opposuerat Arnelus Object. IVtis, & responsiones quarras Cartesii.

§. 181. Si potentiæ limitatæ non sunt à seipsis, sunt necessario à quadam causâ limitantē, quod per se clarum est: saltem id quaeritur, an causâ hæc limitans sit naturalis, an naturalibus nobilior. Deprehendimus vero, quod causæ naturales omnes, ipsa quoque principia physica, ita sint limitatæ, ut se invicem limitare nequeant: sic v.g. æther non in causâ est, quare aer non possit

moveri à centro ad peripheriam: nec aer, quod æther non queat à peripheria ad centrum ferri: vel alteruter, quod spiritus non sit omniscius: vel spiritus, quod æther & aer non possint intelligere: unde recte colligitur, quod causa limitans naturalibus sit nobilior: nondum vero clarum est, an hæc nobilior causa sit communis omnium, an vero quarundam saltem limitationum causa. Sed quoniam iterum observamus, quod limitationes sibi invicem, in nostro saltem cœlo, *inserviant*, sol v.g. vegetabilibus, mineralibus & animalibus, his pariter terra, aqua, pluvia, masculus foeminae, spiritus corpori, æther aeri & vice versa, sequitur, quod quarumcunque potentiarum ad se invicem observatur relatio, earum hæc causa nobilior communis sit; nam si alia harum, alia illarum supponatur esse causa, tam respondentes sibi invicem potentias haud adornassent: & si hoc factum haud fuisset, nostra illa causa frustra potentias, debitis ad finem relationibus destitutas, creasset, quod entis intelligentis naturæ repugnat: præterea, cum non minor virtus ad unam requiratur potentiam, quam ad aliam creandam, sequitur, quod quæ unam creavit, aliam etiam creare potuerit, unde prudentiæ intelligentis substantiæ repugnaret, malle ab alia expectare, quod ipsa fecisse poterat.

§. 182. Ergo causa hæc nobilior omnium in nostro cœlo potentiarum causa communis est. Jam porro consequens est, ut causa hæc non solum omnes has potentias, sed & omnium harum potentiarum subjectum creavit, id est, ut & accidentia creavit & substantias. Nam cum potentia absque subjectis esse nequeant, necesse est, ut qui illa fecerit, horum quoque sit causa. Jam si hæc causa & omnia accidentia produxit, & omnes substantias, manifestum est, quod omnium rerum auctor sit: cum vero perfectiones ad accidentia spectent, iterum in confesso est, quod & omnes substantiis perfectiones dederit: porro si has dedit, sequitur, quod ipsa causa easdem debeat habere. Nam etsi in *moralibus*, juribus nempe & obligationibus, non sequatur, quod qui hæc dederit, easdem debeat habere, constans tamen & certum semper axioma est in *physicis*. Adhuc etiam in physicis hoc ita limitandum est, ut qui accidentia physica alii impertiverit, eadem ipse quoque habere possit,

possit, si velit: possunt enim accidentia cum imperfectione esse conjuncta, ut ea, qui largitus est, ipse habere nolit: at perfectiones cum grati quiddam semper habeant, fieri non potest, ut ens intelligens easdem habere nolit: ergo certum est & inconcussum, quod qui perfectiones dederit, iisdem ipse quoque gaudeat.

Sacrosancta Trinitatis mysterium rationi probabile est.

§. 183. Et sic luce meridiana clarius est, quod detur causa aliqua prima, per §. 173. & seqq. communis, per §. 181. omnibus vere talibus perfectionibus prædita, §. 182. quæ nulla alia est, quam DEUS: quem Scriptura Sacra probat trinum. Cumque sciam, vulgo hoc ipsum mysterium, rationi contrarium putari, paucis adhuc demonstrabo, tantum abesse, ut hoc ipsum rationi repugnet, ut potius sic satis probabiliter, vel sibi relicta, hoc Sacrosanctæ Trinitatis mysterium assequatur. Etsi enim hic mundus Dei effectus non sit univocus, sed æquivocus, singulare tamen hoc respectu & diversum ab aliis effectibus æquivocis habet, quod, ut se manifestaret DEUS, iste factus est, adeoque, cum DEUS ipsam suam infinitam essentiam nobis manifestam atque conspicuam reddere nequiverit; probabile est vel exemplo saltem, aut similitudine aliqua, Eum nostræ menti, quantum in debilitatem intellectus humani cadebat, Eam repræsentasse: cum etiam DEUS immediata prima fecerit principia, credibile est, si ullibi Divinitatis aliqua imago deprehendi possit, id ipsum dicta nobis principia esse commonstratura.

§. 184. Sic ergo tres sunt substantiæ primæ, æther, aer & spiritus; tria in homine, corpus, anima & spiritus; tria prima accidentia motus, à peripheria ad centrum, à centro ad peripheriam, & circa centrum; tria accidentia mathematica, centrum, peripheria & lineæ intermediæ in circulo; omnis magnitudo continetur lineæ, superficie & corpore. De hisce singulis valet, quod & vere tria sint & vere unum, ut non dicam de cælo, fixis & planetis, de æternitate, temporalitate & æviternitate: ut adeo contra eos, qui putant hoc mysterium naturæ & rationi repugnare, generalissime valeat, id quod Zoroastres forte de mathematica solum intel-

intellexit, nempe quod *toto orbe luceat trinitas* : unde & veteres agnoscentes utramque hanc naturalem atque Divinam Trinitatem, nec unitatem, nec dualitatem *perfectum* putabant numerum, sed *trinitatem* : hinc de duobus non prædicabant, quod *omnia* sint, sed saltem quod *ambo*, ipseque Græcorum numerus *dualis* videtur huic antiquissimæ persuasioni originem debere : unde & quem perfecte beatum, vel bonum vel magnum dicere volebant, *ter beatum*, ter optimum, ter maximum prædicabant : & hinc manavit proverbium, *omne trinum esse perfectum*.

Vid. Aristot.
de Cælo Lib.
I. Cap. I.

SECTIO VII.

De

Usu physices in prudentia circa sanitatem.

§. 185.

Aliud est *prudentia* circa sanitatem, aliud medica : illa dietetica est, hæc curativa : illa quilibet sibi met omnium optime consulere potest, adeoque ad omnes spectat eruditos, hæc vero medico propria est, & à nullo alio temere invadi debet. Est autem prudentia circa sanitatem prudentia, qua ex cognita natura nostra, & rerum externarum, quomodocunque corpus nostrum afficientium, judicamus, quid corpus nostrum conservet, quid destruat, ut illud acquiramus, hoc evitemus. Unde *duo* sunt hujus prudentiæ summa capita, alterum de cognitione naturæ nostræ, alterum de rerum externarum, nostram constitutionem quomodocunque afficientium, causis modisque affiendi : ad prius pertinet, tum investigatio naturæ animæ nostræ, quæ corporis præses atque directrix est, tum humorum corporis nostri, maxime hoc respectu, quatenus hujus aliisque sunt temperamenti, ad posterius vero maxime refero cognitionem naturæ acris, frigidi, calidi, vaporosi, ventosi, pluvii, & cibi atque potus. Nam vulgaris doctrina, quæ hæc secundum ita dictas *sex res non-naturales*, aerem, cibum atque

atque pastum, somnum & vigilias, morum & quietem, excreta & retenta, & demum affectus, traduntur, confusa est, quippe quæ & pauciora, quam quæ ad utrumque caput spectant, continet, & plura, quam quæ ad alterum: nos doctrinam de somno & vigiliis, motu & quiete, excretis & retentis, animique pathematibus ad prius caput referimus.

§. 186. Cæterum cum jam in eo simus, ut usus physices, non quoslibet, sed generales saltem atque communes omnium eruditorum, hoc loco commonstremus, hanc prudentiam huic censui, post usum adversus superstitionem & atheismum, eo minus inferere dubitavimus, quo certius sumus persuasi, *quod sibi melius hoc intuitu possit consulere aliquis*, quam si à medico, nisi is & vere doctus sit, & exactissimam velit impendere curam, consilium expetat: hoc ipsum vero, cum aliquid dubitationis habere possit, necesse est, ut probatum detur.

§. 187. Hoc ut evincam, (1) advertere jubeo ad vitium commune plerorumque medicorum, quo absque discrimine solent, quæ sibi ex alimentis observata fuerunt proficua vel minus, eadem suis quoque ægris vel suadere vel dissuadere, v. g. thermas, venæ sectionem, vinum &c. adeo ut, si quis laute suum tractare medicum velit, expetere sibi ab eo consilium diæreticum debeat, animadvertereque, quos cibos, quemque potum ille maxime commendat, hæc ipsi apponat, & poterit sic satis esse certus, quod ea sint futura, quibus cum voluptate perfruitur medicus.

§. 188. Hinc vero quid fiat, experientia docet. Medicus optime diæta sua valet & pinguescit; ægrotus dolet, & moritur: unde est notissimum illud convitium, quod *medice vivere sit pessime vivere*: id quod sane de vere docti medici maturo consilio (nam & docti medici numerosa praxi, aliisque negotiis obruti, non possunt semper illud maturum dare) falsissimum est. Qui vero sit, ut medicus nihilominus sua diæta abdomen acquirat? Quia sibi proficua & nociva observavit: quæ tibi vero convenient vel non, ex paucis circumstantiis judicare deberet, quod ut recte judicaret, debebat & soliditate cognitionis physicæ, & ratiocinandi summa dexteritate pollere, quæ duo plures medicos semper destituunt:

tu ve-

tu vero, quia tibi uni studes, & quantumcunque vis temporis, huic meditationi dare potes, etiam mediocri cognitione, consulta simul experientia, melius consulere tibi poteris, quam medicus. Sane alii prudens & verum suppeditare consilium diæticum, apex est sapientiæ medicæ, quem cum & in aliis professionibus attingant pauciores, iniquius exigeretur, ut quilibet medicinam factitans, sit sapiens.

§. 189. Jam vero (2) *ne sapiens quidem medicus*, singulis obviam factis, de vita medice instituenda quærentibus, stante pede ita responderit, ut illi hoc veluti oraculo niti secure possint. Nam hic quidem, cum ipsi tot homines quotidie occurrant, quibus consulere debet, ita in diversum rapitur, ut debita cum attentione singulis respondere semper haud possit: unde optimum hoc casu, & quod absque singulari difficultate effectui dare licet, est, experientia uti, quæque sibi proficua sint vel minus, observare. Quia vero fieri etiam potest, ut aliquis in illo observandi studio enormiter fallatur, si omni cognitione physica destituatur, ut putet, se observasse aliquem, v. g. cibi, effectum, qui tamen vel aeris fuit, vel animi pathematum, adeoque sibi sic falsas colligat observationes; è re cujusvis eruditi erit, physica paululum contemplari, ut certiores de propria sanitate sibi concinnare observationes possit. Cæterum quid generalius tum de natura nostra, tum de aeris cibique & potus diversitate, hoc intuitu sit maxime notabile, suo loco persequemur.

CAPUT II.

De

Principiis Divinis in genere,

et de

*Materia prima, ut principio primo intelligibili,
in specie.*

SECTIO I.

*Quid Peripatetici sentiant, de materia
prima.*

§. I.



Definitione secundaria, seu amplitudinem objecti determinante, intelligunt Peripatetici per materiam primam, principium aliquod solius corporis, non spiritus, & id quidem omnium primum: definitione vero reali putant naturam materiæ primæ in eo consistere, ut sit ens pure passivum: hinc Aristot.

Lib. I. C. VII.

de Generat. & Corrupt. ait: ἡ δὲ ὕλη ἢ ὕλη παθητικόν: id est, materia, *quatenus materia, passivum* quiddam est; & in eodem libro, alio loco, dicit: τῆς μὲν γὰρ ὕλης τὸ πάσχειν ἐστὶ, καὶ τὸ κινῆσθαι· τὸ δὲ κινῆν, καὶ τὸ ποιεῖν, ἑτέρας δυνάμεις, hoc est, *materiæ proprium est pati atque moveri, movere autem & facere alius est facultatis.*

Ibid. Lib. II.
C. IX.

L

Definitio

Definitio communis corporis, quod sit substantia extensa, falsitatis convincitur.

§. 2. Utraque vero definitio suis laborat defectibus: præjudicium utriusque est falsa definitio corporis, communis tamen hætenus omnium philosophorum, quo putant corporis essentiam *extensione* absolvi. Et si autem infra de corporis natura, quid sentiam, expositurus sim, hoc tamen loco facere non possum, quin illam ante omnia refutem definitionem, ut appareat, huic de corporis natura errori innexum fuisse & illum utriusque definitionis materiæ errorem. Duo namque primum ex hac falsa corporis definitione promanarunt errores: (1) Ut conceptum materiæ primæ cogerentur ampliare: cumque post extensionem nihil superesset, quam passio & actio extensionis, illam materiæ primæ, hanc formæ s. animæ applicabant: hæc enim est illa ipsa *alia facultas*, de qua Aristot. loquitur in all. l. §. 1. Sic autem animæ seu spiritus naturam opponebant naturæ materiæ, adeoque per spiritum, actum, Scholasticorum linguâ, purum, nullam ullius passionem subientem, seu qui mera causâ, nulliusque effectus sit, intelligebant, intelligere saltem debebant, & cum eo ipso quoque hic spiritus non possit non prima esse causâ, dum nullam passionem recipere posse sumitur; *inter Spiritum atque Deum nulla amplius statuebatur differentia*. Et cum Deus agendo in materiam produxisse corpora conciperetur, materia vero, nec ex Deo, quippe pure activo, nec aliunde esse posset, generabatur ille satis communis Græcorum philosophorum error, quo non solum DEUM non satis à creatis (nam cum spiritu creato confundebant) distinguebant, sed & *materiam primam* Ei *coævam* statuebant.

Quot nugæ in antiqua & recentiore philosophia pepererit hoc de corpore præjudicium.

§. 3. Et hi sunt duo abortus, quos in antiqua philosophia exclusit hoc præjudicium: cumque nec à Cartesio nec Gassendo aliisque fuerit agnitum, varias his quoque causatum est anxietates, imo

imo nugas. Hinc enim sunt (1) nugæ Cartesii de *spatio*, quo putat, imo putare ex illo præjudicio debuit, quod spatium non nisi conceptu differat à corpore. (2) Nugæ ejusdem de *indefinitudine mundi*: cum enim omne spatium sit extensum, & omne extensum corpus, corpus erat necessario infinitum, cum nullibi non sit spatium; quam infinitatem Cartesius callide, ut objectiones de Deo declinaret, indefinitudinem dixit: similes his nugas ex eodem præjudicio apud antiquos ventilatas videre est apud Aristotelem. (3) Nugæ Gassendi, quibus contendit, dari aliquod *tertium inter substantiam & accidens*, ideo quod vacuum, haud dubie sit aliquid, nec corpus tamen, nec spiritus, hinc nec substantia, multo autem minus accidens. (4) Nugæ Henrici Mori de *principio hy-larchico*, quod cum ut extendens opponeret extenso, putavit dari spiritum aliquem mundi universalem, qui nihil aliud sit quam spatium immobile. (5) Nugæ plurimorum philosophorum recentium, quibus *animam materiale*, id est, corporalem, concipendam esse contendunt: (6) Nugæ aliorum de *animæ induce*: opinio enim de traduce nullam magnopere difficultatem haber, præterquam præjudicium hoc de corpore: concipere enim traducem absque idea partium haud possunt, partes pariter non absque extensione, hanc præjudicico vulgari putant facere corpus, sic animam fore corpus, concludunt. (7) Difficultates *unionis animæ & corporis*: unionem quippe non licet cogitare absque contactu, nec contactum absque extensione, sic qua attingit anima corpus, extensa erit, & si omne extensum corpus est, corporalitas ipsi necessario erit attribuenda. (8) *Totum Cartesianismum cum Atomistarum secta* invitavit hoc præjudicium. Si enim physica maxime considerat corpus, corporis autem natura in extensione consistit, extensio species quantitatis est, & figuram necessario importat, bona connexionem Cartesius & Atomistæ nulla in physicis principia, quam mechanico-mathematica admittentes, errarunt. (9) Physicam vero hoc ipso *parte sui nobiliore* privavit, quia sic nemo de mechanismo physico vel suspicari potuit.

Vid. Princ. P.
II. §. XII.

Phys. L. III.
C. V.

Vid. Enchi-
rid. Meta-
phys. C. 8.

Quare falsa sit dicta hac corporis definitio.

§. 4. Ut autem appareat, quid de hac corporis definitione sit habendum, præmonendum est, quod partes latius dictæ non sint confundendæ cum partibus strictè dictis, sicut &, quod per extensum h. l. nihil aliud intelligatur, quam finite præsens, hoc est, cum applicatione ad spatium extenso definitum; vulgo autem extensum esse ræ localiter præsens, compositione partium physicarum, mathematicas affectiones habentium. Verum ergo quidem est, quod omne corpus sit extensum, falsum vero, quod corporis essentia in extensione consistat; sicut verum est, quod omnis virtus sit habitus, sed in habitu non consistit natura virtutis: ut logice rem evolvam, *extensio est genericus corporis conceptus*, adeoque substantia illa extensa, de qua dicit definitio, notat ejus partem modo alteram, cujus pars primaria, nempe differentia, adhuc desideratur; quam infra demonstrabimus esse *elasticitatem*. Quodsi ergo clare demonstravero, quod extensio corporis quoque *opposito* competat, evictum erit, quod extensio non sit differentia corporis: corporis autem oppositum haud dubie est spiritus, ergo probandum id quidem *de spiritu* est, sequentibus:

o. V. §. 15.
& seqq.

§. 5. Quodcunque ens finitum, est, sive existit, illud est alicubi; quicquid est alicubi, illud vel in loco est, vel in spatio: & spatium autem & locus extensa sunt, unde quicquid est, in extenso est; quicquid est in extenso, illud ei est coextensum, & adeo extensum: neque enim aliter aliquid in loco est vel spatio, quam replendo illud; replere autem aliquid spatium vel locum non potest, nisi applicetur ad illum; si autem applicatur, applicatio illa aliter quam in puncto physico contingere haud potest; at omne punctum physicum est extensum, ergo quodcunque ens finitum est, illud extensum est. Nam finitum esse non potest, nisi finiatur alicubi: finiri alicubi nequit, nisi alibi inceperit, ergo omne finitum habet initium & finem; quicquid habet initium & finem, illud habet partes extra partes; quicquid habet partes extra partes, illud est extensum; ergo omne ens finitum est extensum.

§. 6. Hinc dico, si materia vel spiritus est, extensus est: item
spiri-

spiritus si est, vel magnus est, vel parvus, vel parvissimus: si vel magnus vel parvus est, absque demonstratione clarer, quod sit extensus: at si fingamus omnium substantiarum parvissimum, an adhuc erit necessario extensus? Respondeo, erit omnino, si quidem probari possit, quod vel parvissimus non possit esse absque partibus; philosophis enim extensum esse nihil aliud denotat, quam *habere partes*: videamus ergo, an tam parvus & exiguus possit fingi, ut nullæ ejus sint partes. Sit ergo millies millesima pars atomi, vel adhuc millies millesies minor, hoc tantum quæro, an sit aliquid? quodsi est, necessario vel in loco erit vel in spatio; & quantulumcunque sit illud spatium, necessario aliqua ejus pars erit *anterior*, cui respondere debet *posterior*, unde spatium illud erit extensum, & spiritus ei coextensus. Sic ergo luce meridiana clarius est, *quod extensio etiam competat spiritui*: & cum ego hoc loco *refutem* definitionem vulgarem corporis, qua dicitur esse substantia extensa, nemo citra manifestam absurditatem, ex hac mea de spiritu thesi, concludere poterit, *quod ergo spiritum ego statuum, qui corpus sit*: tanta adhuc manet differentia inter corpus atque spiritum, quanta maxima requiri potest.

per demon-
strat. §. præ-
ced. sti.

Quod nec Scriptura S. nec ratio, nec magistratus, præcipiant spiritum concipere absque extensione.

§. 7. Putabis forte non sequi, rem alio se habere modo non posse, quam quo potest concipi: respondeo, *si res aliqua eo se habeat modo, quo non potest concipi, non poterit tale quid ex ratione esse*, sed necessario ex revelatione: revelatio autem quæstionem illam, an spiritus sit extensus, an non, nullibi unquam vel ventilavit, vel definivit, sed spiritus tantum usa voce est, relicta rationi ejus idea & definitione genuina. Ergo si rationi relinquitur spiritus definiendi negotium, ratio spiritui non denegabit illum conceptum, *sine quo idem cogitari nequit*: talis autem est conceptus extensionis, ergo ratio spiritum definiens illum absque extensione non poterit definire.

per §. 6.

§. 8. Si nihilominus pertinaciter contendas, spiritui non

competere extensionem, adeoque non tolerandam esse hanc meam opinionem, respondeo; similem quidem memini laudabiliter non fuisse toleratam, ex ore & calamo eorum promanantem, qui communi errore corporis naturam putabant in extensione esse positam: sic enim *declinari non poterat conclusio, quod & spiritus*, si extensus est, *corpus sit*; at toto cœlo mea opinio ab illorum distat sententia: ego enim nego hanc definitionem corporis esse veram, aliamque suo loco substituo, quæ nullo modo spiritui competit: unde nec ex hac mea assertione, qua spiritum statuo extensum, ullatenus extendi illa, *religioni merito suspecta*, conclusio potest, quod spiritus sit corporeus: propter quam solam puto a venerandis Viris hanc opinionem antea fuisse rejectam. Et qui possit reprobari opinio, quam & Sacer Codex *non reprobatur*, & ratio *demonstrative* asserit, & *nullas* omnino, ne minimas quidem, parit *incommoditates*, multas autem & permagnas tollit, quales sunt, quas supra allegavimus.

Quod athea sit opinio, quæ negat, spiritum ex materia prima fuisse factum.

§. 9. Cum ergo sic evictum sit, quod extensio & materiæ primæ & spiritui competat, in aprico est, quod corporis differentia, quam vocant, non sit extensio. Cum autem extensio, stylo Peripateticorum sit accidens prædicamentale, seu accidens substantiæ oppositum, & hoc ipsum semper effectus sit substantiæ, & hoc quidem loco essentialis, sequitur, quod si observetur, tale accidens esse commune, subesse debeat substantia communis, ergo datur communis aliqua corporis spiritusque substantia: cumque nihil possit esse prius ideis corporis & spiritus, quam materia, a philosophis prima dicta, sequitur, quod illa substantia communis sit materia prima: Sic autem *materia prima* est principium commune corporis & spiritus, quo ipso patet, quod vocem materiæ capiam in generalissimo sensu, ut idem sit ac substantia finite præsens, cum applicatione determinata ad spatium & partibus, salvo semper reali discrimine inter spiritus materia physica seu corpore carentes, & corpora physice-materialia.

§. 10.

Hujus Libri
C. V. §. 19.

§. 3. nn.
§. 6. 7.

§. 10. Hæc cum tam clara sint, miraberis laud immerito, qui factum sit, ut tam unanimi consensu Peripatetici negarint materiam primam esse principium, sicut corporis, ita & spiritus. Sed turpe principium est, ex quo hæc promanavit conclusio, confuso nempe Dei & spiritus, de quo dixi supra §. 2. Antiqui enim philosophi, Thales, Anaximander, Anaximenes & alii, communi mortalium errore, nimio studio obviam cundi populari superstitioni, eo usque progrediebantur, ut omnia, quæ manifeste satis Divina erant, naturaliter explicare tentarent, unde Deum, populo dictum, nihil aliud putabant esse, quam vel complexum omnium naturæ potentiarum activarum, vel saltem primarum, hoc est, naturæ principiorum: hinc, quæ quisque statuebat naturæ principia, Deum vocabat, v. g. Anaximenes aerem, Empedocles quatuor elementa, Parmenides ætherem, Democritus & hunc & animam: & quamvis Anaxagoras cum Pythagora rectius de Deo sentire viderentur, tamen cum hi populari superstitioni proximius judicarentur accedere, ambitiosiores ex eruditis priori magis sententiæ favebant.

Vide Cic.
Lib. 1. de
Nat. Deor.
p. m. 7. 8. 9.

Aristoteles athens.

§. 11. Stagirita a partibus priorum stare videtur: in libro namque de Mundo, Deum vocat νόμον ἰσοκλήν, legem in omnes partes æqualiter inclinatam quæ lex valde similis est ordini naturæ omnes homines æqualiter afficienti; nec clara foret, si verba sequentia non etiam quodammodo ad ordinem cæli & terræ referri possent, ubi dicit, μεμερισμένον κατὰ τὰς φύσεις πάσας διὰ τῶν ἐικείων σπερμάτων εἰς τὰ φυτὰ καὶ ζῷα, id est, dispersus in omnibus naturis per propria semina in plantas & animalia: quamvis probabilius sit, hæc verba ad Deum, quam ad illum cæli atque terræ ordinem referenda esse, quod nimis prolixum hoc loco esset demonstrare: interim carmina Orphica, quæ laudat tanquam minime perperam dicta, satis ostendunt, quem Deum intellexerit Aristoteles: sic autem sonant illi versus:

Cap. VII.

Ζεὺς προϊὴ πάλην, Ζεὺς ἀκαμάτῃ πρὸς ἐρμή,
Ζεὺς πόλην ῥίζα, Ζεὺς ἥλιον ἠδὲ σελήνη.

Id

Lib. XII.
c. VII.

Cap. V.

id est; Jupiter est spiritus omnium, Jupiter indefatigabilis ignis impetus est, Jupiter est radix maris, Jupiter est Sol atque Luna. Jam non dicam quod in Metaphys. ita dicat: *Φαμέν δὲ τὸν θεὸν εἶναι ζῶν διδόν*, id est: *Dicimus autem Deum esse animal æternum*, & in Polit. libr. I. ait, *animal constare ex anima & corpore*, item lib. II. de Anima cap. I. ait: *ὥσπερ ὁ ὀφθαλμὸς ἡ κόρη καὶ ἡ οὐσία, καὶ αὐτὴ ἡ ψυχὴ καὶ τὸ σῶμα τὸ ζῶν* id est: *Sicut pupilla & visus oculus est, ita & ibi anima & corpus animal est*: ex quorum locorum collatione satis apparet, quis sit ille Deus Aristotelis, nempe ipsum huius universi corpus cum anima sua: quod, quia verum Deum non statuit Stagira, non potest non credere æternum.

Phys. Lib. II.

c. I.

De anima

Lib. III.

c. VIII.

Phys. lib. II.

c. I.

De Cælo

Lib. II.

C. III.

§. 12. Quid multis? Ex ipsa connexione principiorum Peripateticorum probabo, quod, propter præjudicium de materia prima, aliud quiddam de Deo sentire, ne quidem potuerit. Nam eo ipso, dum statuebat ens aliquod pure passivum, huic debebat & pure activum, & partim activum partim passivum, opponere: sic Deus fuisset ens pure activum, corpus vero & anima seu spiritus fuisset mixtum: ille vero formam opponendo materiæ, solenni sibi metaphysica abstractione, triplex ens activum confudit, *Deum, corpus, & spiritum*: unde jam dicit, *formam esse naturam*; jam *animam* essentia quodammodo omnia. Cumq; *naturam* dicat esse *causam motus*, & *Deum* dicat esse *sempiternum*, nihil autem præter naturam esse æternum; jam colligere est, quod *Aristoteli substantia activa, forma, anima, natura, Deus*, unum idemque notent.

§. 13. Hæc ita sentiens, non poterat dicere, quod spiritus ex materia sit factus, cum ens pure activum ex pure passivo fieri omnino nequeat; neque enim esset pure activum, si haberet principium pure passivum: in corpore vero nullam activitatem considerando, illud absque hæsitazione poterat ex materia prima derivare: hoc non advertentes nostri, constanter asseruerunt, materiam primam esse tantum corporis principium, non spiritus, quod quoniam hoc errori Aristotelico innixum esse præjudiciū deprehendi, nihil vereor dicere, si est materia prima, ea peræque principium corporis est atque spiritus.

Vide supra
§. 9.

De definitione Peripatetica mat. prim. reali.

§. 14. Definitione reali mat. pr. vocat. Aristot. *παθητικὴ*, *ens passivum*; sed primo desidero, quod hoc ipsum *παθητικὴ* non sit essentialia primum materiæ primæ, sed consequens, seu quod non sit ejus *differentia*, sed tantum *proprium*. Nos enim infra demonstrabimus, quod essentia primæ mat. consistat in *extensione*, ex qua necessario sequitur potentia passiva. Nam id, quod extensum est, demum est aptum ad alterius recte recipiendam actionem, quam absque extensione neadmittere quidem poterat.

§. 15. Deinde, sit ita, quod materia pr. sit ens passivum, demonstrabo hinc adversus Stagiritam, *quod necessario sit extensa*. Nam, ut aliquid sit passivum, requiritur, ut alterius possit recipere actionem: recipere autem actionem non potest, nisi tangatur, nulla enim est actionius in alterum, quæ non fiat per contactum: tangi vero non potest, nisi in puncto aliquo physico: præter physicum enim non datur aliud, nisi mathematicum, hoc autem extra intellectum non existit, ergo physicum est omne attractus punctum; physicum vero punctum omnium consensu extensum est, ergo ens passivum, ut vere passivum sit, debet esse extensum.

§. 16. Haud vero nego, materiam primam esse passivam; illud solum contendo, quod tam passiva sit, quam extensa. Discutendum vero adhuc est, an extensio sit differentia & passio proprium ejus, *an contra*, ut appareat, quid rectius in definitione ponatur. Sed ratio recta militat pro extensione, prior enim hæc in intellectu est, quam passio: ut enim patiatur aliquid, jam debet esse extensum, alias pati nequit; ut autem idem sit extensum, non necessario requiritur, ut patiatur: posset enim extensum esse, quamvis per omnem æternitatem nihil vel passum sit, vel patiatur. Quod si putes, aliud esse pati posse, aliud actu pati, illud solum de prima materia dici, hoc vero non esse necessarium; respondeo: omnino *hoc quoque necessarium esse*, ideo quod sit prima: si enim tantum materia esset, nihil amplius requireretur, quam ut pati posset, et si actu non sit passiva; ad id vero, ut prima sit, requiritur etiam, ut actu patiatur. Prima namque materia in conceptu suo involvit se-

cundam, nempe corpus, corpus autem dari non posset, nisi aliqua potentia, quæcunque illa esse sumatur in materiam primam agendo, ex illa fecerit corpus.

S E C T I O II.

De

Cartesianorum & Gassendistarum conceptu materiæ primæ.

§. 17.

DE materia prima consentiunt Cartesius atque Gassendus, magno quidem reipublicæ literariæ detrimento, quod a corpore non differat, nisi *quantitate*, adeoque, quod materia prima nostro, Peripateticoque sensu, plane non existat; quapropter duo a nobis contra hosce duumviros probanda veniunt: (1) Quod primum rerum naturalium principium non sint corpuscula. (2) Quod existat quædam materia prima, corpori; & essentialiter quidem contradistincta.

Quod prima materia non sint corpuscula.

§. 18. Nemo facile dixerit, primam materiam esse corpusculam, qui recte distinxerit considerationem corporis physicam a mathematica. Nam mathematicus corpora mensurat, & numerat, quod physicus non facit: hæc sicutque ad minima quæque debeant mensurari atque numerari, in minima quæque dividenda sunt, ut numerari atque mensurari exacte possint, hinc & mathematici dicuntur *dividere in infinitum*: in quantulasunque vero dividant particulas, eæ adhuc mathematicè differre possunt, quantitate putata, non autem *physicè* seu qualitate, cum etiam minimæ partes eandem possint habere qualitatem cum majoribus. Sic magnetis particula etiam minima mathematicè quidem differat a maiore, non autem qualitate sive physice: notum quippe est, quod minimæ

quæ-

Vid. Cap. I.
h. L. §. 81.
& 82.

quæque magnetis particulæ easdem cum toto ſuo habeant proprietates.

§. 19. Sed placuit tamen Cartefio atque Gaſſendo, horumque Secretariis, corpora, vel in phyſicis, non conſiderare niſi mathematicæ, adeoque *corporum cauſas dicere corpora*: illa enim tam celebria corpuscula, quid aliud ſunt, quam parua corpora. Sed differunt corpuscula a corporibus quantitate, non qualitatibus, hoc eſt, moribus aliisque phyſicis accidentibus: de qualitatibus autem quærimus in phyſicis, non de quantitatibus: unde *principia phyſica debent differre qualitatibus* a principiatis ſuis: ſi enim non niſi quantitate differrent, eadem forent utrobique qualitates: ſicut v. g. ſi vel millies ad aquam addas minores aquæ partes ſive guttulas, nunquam phyſicas mutabit qualitates, ut vel in vinum evadat, vel alium liquorem.

Quod motus mechanicorum nihil adjuvet hanc hypotheſin.

§. 20. Sed & ſpecialius demonſtrandum eſt idipſum: Si corpora non conſtituuntur, niſi ex corpusculis, corpora non habebunt motum: nihil enim ex corpusculorum natura transferri in corpora poteſt, quam vel extenſio vel ſoliditas: cum utraque, fateor, ſatis arcte connectitur figura, cum hac aptitudo vel ineptitudo ad motum: at vero *ſola aptitudo ad motum non poteſt producere motum*, ſed aliud quiddam debet accedere, quod illius aptitudinis beneficio corpora in motum ciat. Quod ſi dicas motum fuiſſe a Deo creatum: reſpondeo; ergo vel ſubſtantiæ cuidam fuit inditus, vel ſolus creatus: prius aſſerendum omnino eſt. Etsi enim Cartefius poſterius aſſumſerit; tamen id, propria Cartefianorum confeſſione, multis modis eſt abſurdum, ut infra probabitur.

Cap VII.
§. 10. & ſeqq.

§. 21. Ergo dicendum, quod motus alicui ſubſtantiæ fuerit concreatus. Sed quæro, cui? an corpusculo, an corpori? ſi corpusculo, eſſentialis erit eidem, adeoque corpuscula non ſolum per quantitatis differentiam, ſed & per motum ſuum concipienda ſunt: ſic aliud quiddam phyſica conſideratione erit *corpusculum non-*

dum motu præditum, eodemque maſſatum : adeoque duobus hæc tam diverſa inſignienda nominibus merito ſunt, quod nos fecimus, ſtatuendo materiam primam ab elementis diverſam. Sed ne ſic tamen quidem in portu navigant diſſentientes, cum ſic unus omnium futurus ſit corporum motus, *ſi corpusculis non niſi unus impreſſus eſt* : quodſi diverſum dicas impreſſum fuiſſe, explanandum eſt, quis ſit ille motus, & quomodo differat, quod nondum hæcenus factum eſt : & ſic tamen erit materia aliqua prima illo motu nondum animata.

§. 22. Quodſi ipsis corporibus, non corpusculis datus motus eſt, vel ſingulis idem datus eſt, vel diverſis diverſus : prius ſi eſt, omnia corpora eodem movebuntur modo, quod falſum eſſe, vel ſola levia & gravia evincunt ; poſterius ſi aſſumas, dico, vel unum motum uni corpori dedit DEUS, vel uni plures : ſi uni modo unum, nullum corpus contrario unquam movebitur motu : at experientia repugnat : *idem* namque *aer, qui ſupra campanam æthæ gravitat, in campana urinatoria levis eſt* ; ſi uni plures, vel contrarii erunt, vel non : ſi non, recurrit prius dubium : ſin, contrarii ſtatuantur, vel ſimul erunt exerendi vel ſuccellive : prius involvit contradictionem in adjecto : poſterius ſi aſſumas, vel exerentur cum connexionem, vel abſque eadem : poſterius ut fiat, requiretur intelligentia & libertas, quæ nudis corporibus competere omnino nequit : ad prius concurrere ſenſus deberet : neceſſe namque foret, ut illam conditionem, qua poſita movenda eſſent, ſentirent ; ut & hoc naturæ meri corporis repugnat : ergo motus non poteſt ipsis corporibus fuiſſe inditus : & ſi corpusculis additus conſpiciatur, manifeſtum erit, quod detur materia prima.

De exiſtentia materia prima.

§. 23. Sed quoniam etiam concreatus corpusculis poteſt concipi hic motus, ex ipsis veritatis indubiis principiis mihi adſtruenda venit ejusdem exiſtentia. Itaque vel ſola noſtra hominum natura docet, quod ſpiritus atque corpus ſint unita : uniri autem non poſſe, ea quæ omni reſpectu ad unionem inepta ſunt, in conſeſſo fore, puto : reſpectus vero non poteſt eſſe niſi duplex, alter figuræ,

figuræ, alter motus; quorum itaque & figura ita constituta est, & motus talis, ut unioni repugnent, ea haud dubie uniri haud possunt: contra quæ uniuntur, vel figuram vel motum aliquem habebunt ad unionem aptum. Jam cum *corpus nisi per elasticitatem alterius uniendi uniri nequeat*, spiritus autem nullius elasticitatis sit capax; sequitur, quod anima & corpus non uniantur per aliquem motum corporis: ergo vel per motum spiritus, vel per utriusque figuram: non per hanc, anima namque certam haud habet figuram, cum figura propria sit corporis: unde nihil superest, quam ut dicamus, per motum spiritus factam fuisse hujus cum corpore unionem: at si agit spiritus in corpus, tangit; si tangit, utriusque extensio est manifesta. Vid. supra §. 4.

§. 24. Quodsi ergo & corpus & spiritus extensionem participant, & neutrius tamen essentia in extensione consistit, sequitur, quod subiectum aliquod commune habeant, cui *essentialiter* competat extensio: cum etiam ordine cognoscendi non possimus comprehendere, quomodo DEUS corpori aut elementis motum, spiritui intellectionem, potuerit dare, nisi aliquod fuerit extensum, cui & motus & intellectio fuerit impressa, intelligimus, quod illud subiectum, cui utrumque fuerit additum, præexistit: adeoque, quod fuerit aliquod extensum, antequam & elementum fuerit & spiritus, quod ipsum aliud, quam materia prima, esse non potuit: Quid multis? Natura absque extensione non potest concipi, ergo in natura est substantia extensa: hæc neque corpus est neque spiritus, sed ex dictis utroque prior, unde nec elementum est, adeoque & elemento prior; at substantia elementis & spiritu prior, quæ DEUS non est, necessario materia prima est. Cæterum, lubenissime largimur, quod DEUS hæc omnia simul creare potuerit, id solum contententes, quod ordine cognoscendi, hoc subiectum prius fuerit, quam vel elementum vel spiritus. Hoc vero elucescit, quoquo modo se res habeat, quod ad constitutionem corporis plus requiratur, quam natura corpusculorum.

SECTIO III.

De

Materia prima nostra opinio.

De

Divinis atque naturalibus principiis.

§. 25.

Cap. I. §. 99.
& 199.

Supra probatum est, quod principia physica Divina sint, non naturalia; id est, quod tales habeant proprietates, quas per se habere non potuerint, sed necessario à Summo Numine adepta sint: & id quidem intelleximus de principiis primis. Quia vero, quælibet substantia, quæ alterius causa est, etiam ejus potest vocari principium, & quædam ejusmodi causæ sunt valde generales, sequitur, quod principiorum secundorum aliqua etiam sint naturalia, qualia sunt, sal, sulphur & alia: quæ naturam suam non quidem à seipsis habent, sed à suis principiis, Divinaque adeo etiam vocari possent, sed mediata; placer interim hæc vocare *naturalia*, ut eo rectius discernantur ab *immediate Divinis*.

Infra C. VI.
§. 38. & 58.

§. 26. Sunt autem *Divina duplicia*, quædam *primaria*, quædam *secundaria*: illa sunt, quæ naturaliter id quod sunt, esse non possunt; v.g. prima materia, æther, ær & spiritus: hæc vero sunt, quæ quidem naturali congressu illorum generari queunt, non tamen ea quantitate, quæ ad constitutionem mundi erat necessaria. Sic *aqua* quidem & *terra* ex elementis fiunt, uti suo loco probabimus: non vero, nisi aliquot mille annis, tantum vel aquæ, quantum Oceanus continet, vel terræ, quantum sicca pars planetæ nostri ostendit, generari ex elementis potuisset, si DEUS generationem aquæ & terræ maluisset, quam creationem; cum vero frustraneum fuisset, post creationem elementorum, naturalem horum corporum generationem tam diu expectare; credibile est, & consentaneum rationi, DEUM hæc corpora *immediate condidisse*: quod eo certius habendum, quod ipsa Scriptura Sacra pri-

mo

mo Geneseos capite hæc duo corpora expresse inter principia nominat. Hæc itaque secundario Divina habenda sunt principia, non ratione naturæ suæ, sed quantitatis.

§. 27. Naturalia vero illa voco principia, ad quæ constituenda DEUS immediatam haud contulit opem: suntque omnia principia elastica secunda; v. g. aqua, oleum, sal, sulphur, spiritus &c. De elasticis primis, aere atmosphærico & igne dicendum, quod *partim Divina* sint, *partim naturalia*: nam motus aeris ita fertur ad centrum suum, ut quamvis eum subingredi queat æther, tamen debeat jam esse expansus: qui cum ante ingressum ejusdem ab alia causa non potuerit expandi quam à Deo, elucet, quod, ad constitutionem aeris & ignis, DEUS hoc saltem præstare debuerit, ut aerem expandendo *ætheri ingressum aperuerit*.

Quid sit natura.

§. 28. Divina principia sunt, quæ *natura* vocantur: quo ipso hanc vocem tantopere obscuritatis accusatam, stabili cuidam significatui affigimus: effectus ejus sunt tum principia, ideo naturalia jamjam à nobis dicta, tum reliqua corpora. Refero autem ad principia Divina seu naturam, *primam materiam, duo elementa, ætherem & aerem, atque spiritum*, itemque *prima principia elastica*, cum primis *animalibus* atque *vegetabilibus*; secundario *terram & aquam*. Hæc omnia accuratissime recenset Moyses in Genesi, adeoque ibi constitutam à Deo naturam plene delineat. Ad *principia vero naturalia* refero elastica secunda; v. g. *aquam, spiritum, oleum, sal, sulphur & mineralia*.

Principiorum generalis divisio.

§. 29. Possunt & alio respectu dividi principia in *sensibilia & intelligibilia*: hæc dicimus, quæ in sua simplicitate ad sensus reduci nequeunt; veluti materia, æther, aer, spiritus: etsi enim videre possimus corpora aërea, æthereæ &c. tamen solum ætherem & aerem nemo potest ullo, nisi mentis oculo, intueri: illa vero, sensibilia nempe, sunt, quæ, ad sensum in ipsa sua, sibi conveniēte simplicitate, reduci possunt: v. g. aqua, oleum, sal, sulphur.

Utraque

Utraque dividimus in *prima & secunda*: *principium primum intelligibile est materia prima, secunda sunt, elementa & spiritus: sensibilia prima sunt, aer atmosphaericus & ignis, sensibilia secunda, vulgo nota chymica cum cognatis.* Hanc autem divisionem placet in hoc libro sequi.

§. 30. Et hæc est sufficiens principiorum enumeratio: vulgo vero passim videas, vel negligi sensibilia, electis solis intelligibilibus; vel hæc omitti, retentis solummodo illis: imo nec intelligibilia, nec sensibilia singula pertractari. Sic *Aristoteles sola habet intelligibilia*, nec ea quidem vera: *chymici sola crepant sensibilia: mechanici*, utpote Cartesius atque Gassendus, etiam *fere in intelligibilibus subsisterunt.* Sed cum DEUS utraque fecerit, utraque etiam constitutionem corporum ingrediantur, utraque patet in physicis quoque esse exponenda.

De triplici abstractione, metaphysica, mathematica & physica, & quod sola ultima hoc loco obtineat.

§. 31. Hæc principia sunt abstracta, eo ipso, quo sunt principia. Cum autem abstracta in universum sint triplicia, metaphysica, mathematica & physica, & supra jam demonstratum fuerit, quod principia physica non debeant esse abstracta metaphysica, sed physica; hoc loco adhuc liceat adijcere probationem, quod principia hæc nec possint esse abstracta mathematica, qualia sunt principia Cartesii atque Gassendi. Sunt autem abstracta mathematica nihil aliud quam partes à toto suo seorsim consideratæ: sic minimæ partes corporum ab Atomistis dicuntur atomi, à Cartesio, materia subtilissima, globuli secundi elementi & ramenta tertii. Sicut autem jam supra probavimus, quod principia physica non possint esse partes, ita hoc loco per se patet, quod nec possint esse abstracta mathematica.

Quid sit materia prima.

Vid. supra
§. 4.

§. 32. Materia prima est substantia prima: substantia vero ideo est substantia, quod admittat accidentia: unde substantia prima est substantia, *quæ omnia accidentia admittat*; hinc ut, per quod-

quodnam accidens substantia hæc prima concipienda sit, pateſcat, videndum, *quodnam accidens tale sit, ut omnia reliqua admittere queat.* Nullum autem ex omnibus videtur aliud ad id ipsum aptum esse, quam *extensio*: hæc etenim proxime gignit *patibilitatem*; hæc autem nihil est aliud, quam aptitudo ad admittendum aliquid, per consequens etiam ad admittenda accidentia. Sic enim materiæ primæ possunt addi motus, intellectio, & quæcunque alia: nisi enim esset extensio, non posset ipsi vel motus addi, vel intellectio, cum nihil adesset, in quod hæc possint transferri. Quia vero, ut deinceps probabitur, omnia reliqua accidentia sunt ex motu ac intellectione, nullum dubium est, quin si aliquid hæc duo admittat, reliqua etiam sit admissurum. Hinc autem satis dilucide constat, *quod materiæ primæ essentia consistat in extensione,*

Solida, an fluida sit materia prima.

§. 33. Quod si ex me quæras, solida sit, an fluida materia prima? Respondeo, eadem ineptitudine laborare hanc quæstionem, ac si interrogares, an calida sit, an frigida, an vero tepida? Vel an frumentum sit spiritus, an panis? Nempe *predicata corporum* sunt fluiditas & soliditas non materiæ primæ, sicut & eorundem prædicata sunt, caliditas, frigiditas & tepiditas. Nam ea sunt solida, quorum elementa firmiter cohærendo divisionem reddunt difficiliorem; sicut fluida sunt, quæ contrario se habent modo. Sed materia prima elementis prior est, adeoque & prior soliditate & fluiditate; potest autem hinc fieri & solidum corpus & fluidum, sicut ex frumento & panis & spiritus, etsi ipsum frumentum horum sit neutrum.

§. 34. Gassendus vero putat materiam non per extensionem concipiendam esse, sed per *soliditatem*, idcirco quod soliditas sit extensionis causa: ideo namque esse aliquid extensum, quod partes soliditate sua sibi invicem resistent, ne altera possit alterius intrare locum. Sed (1) nego, soliditatem esse causam extensionis: quoniam & fluida sunt extensa. Si horum partes minimas, sive atomos, dicas esse solidas, respondeo peti principium: & atomos enim nego, & eorum soliditatem adhuc multo magis: (2) Dico, fluidæ si sumantur esse

Vue Abre-
gé de la Phi-
los de Gas-
send, Tom.
II. p. m. 104.
& seqq.

esse particulæ minimæ, sequetur etiam extensio : nam & fluida in aliorum fluidorum loca, nisi undique premantur, cedere non possunt : &, si vel maxime premantur, nunquam tamen, nisi aliquid loci sui cedunt aliis; unde si minimæ particulæ statuerentur fluidæ, eodem modo inde probare liceret modum extensionis, prout cum ex soliditate probavit Gassendus.

§. 35. De cætero objectionem, quam sibi sequenti pagina format, quod materiam quidem absque soliditate, non autem absque extensione possimus concipere, solide non diluit : quæ tamen tanti momenti est, ut ejus thesin non solum feriat, sed & prosternat. Nam si materia absque extensione, non potest concipi, potest autem sine soliditate, sequitur, quod hæc modo accidentaliter eidem sit, extensio vero essentialis : hæc enim est natura conceptuum essentialium, ut absque iis non possimus cogitare subjecta. At noster turpiter petendo principium respondebat, quod si quis concipiat materiam absque soliditate, non bene faciat; *esse enim soliditatem veram materię essentialiam.*

Vide alleg.
l. p. 106.

Natura ex fluido progreditur in solidum, non contra.

§. 36. Quod autem tam confidenter materię soliditatem attribuit, id facit, ut suæ inserviat hypothesi. Nam nisi solida statuantur naturæ principia, mechanica physica nulla est : *solida enim debet esse figura, ut solide ex ea possint argumentari.* Contra, si prima corpora sint fluida, nulla constans earundem esset figura, adeoque nec aliquod firmum hinc duci posset argumentum. Et si autem jam supra sit demonstratum, quod inepta sit quæstio de soliditate & fluiditate materię primæ, cum utraque sint prædicata corporum; tamen non de nihilo erit, de his saltem quærere : an prima sint fluida, & ultima solida, an contra? Seu an natura ex solido in fluidum, an contra, procedat?

§. 33.

§. 37. Quæstio est historica, adeoque ante omnia tentandum, ex historia naturali an possit definiri : hæc ipsa docet, quod corpora, secundum naturam generata, omnia ex fluiditatis statu deducantur in statum soliditatis. Sic *omnia animalium semina sunt fluidi-*

fluida: ipse sanguis, unde ossa crescunt & nutriuntur, fluida materia est, inque suis retro principiis semper fluidior: semina *vegetabilium*, sicut & totum vegetabile, *parum ex terra, maximam sui partem ex aqua & aere* trahit: aqua, soliditati propior est quam aer, *ex hoc autem nascitur illa*: etsi illa iterum resolvatur in hunc: ipsae *gemmae* in terra *succus* sunt, in medio suo corpore saepe muscam, saepe aliud insectum monstrantes, apertissimo indicio, quod olim fuerint fluida. Et quid de *metallis* dicam? Refert gravissimus auctor Joh. Joach. Beccherus in tractatu de metallis, quod in Hungaria vitis super vena aurifera creverit ferens uvas, quarum aliqua *baccae aureos* continuerint, in sese *acinos*. Tota vitis, antequam solidescit, *succus est*, nec nisi fluidum fuerit hoc aurum, per radicum capillares extremitates intrare potuisset: non tam propter exiguitatem pororum, quam ideo, quod aurum aliter quam *elastice* non potuit in radices assumi: elasticum autem nihil est actu, nisi sit fluidum, & quatenus est fluidum.

§. 38. Docet pariter experientia, quod *corpora maxime efficacia omnia sint fluida*; nam unum idemque corpus semper in statu fluiditatis plus valet, quam in statu soliditatis, unde est etiam, quod vulgo dicunt, *salia non agere, nisi resoluta*: & spiritus nitri semper potentior est ipso nitro, spiritus frumenti frumento: nullum corpus solidum, si fluidum fiat, ulla amittit vires, praeterquam mechanicas, novas autem subinde acquirit physicas: at fluida si solidescant multas virtutes amittunt: sulphur minus activum est, quam oleum: sal minus, quam vel falsugo, vel spiritus salis. Cum ergo sic pateat, quod corpora maxime efficacia sint fluida: principia autem semper magis sint efficacia, quam sua principiatia: dubium non est, quin & *principia sint fluida*. Quod principia sint magis efficacia principiatia, id inde probo, quoniam omnis virtus principiatorum est in principiis, unde in his efficacia non potest esse *minor*: sed cum omne corpus constet ex contrariis, v.g. aethere & aere, & contraria motus alterius infringant, in principiis autem pauciora semper sint contraria, quam in principiatia, sequitur quod vis motrix *principiorum validior* sit, quam principiatorum, adeoque major eorundem efficacia: hoc vero solum de principiis corpori propriis intellectum volo.

Boile de
Orig. & Vir-
tut. Gem-
mar. p. m.
50. & seqq.

Unter dem
von Schön-
berg zu Pur-
schenstein
sol im Felde
an einem
Kornstroh-
Stengel ein
Goldbrath
Zinde ge-
wachsen/und
bey dem Auf-
bruch in der
Schneer ge-
funden wor-
den seyn/der
noch ver-
wahret wür-
de.

S E C T I O IV.

De

*Uſu rectæ de materia prima doctrinæ ad-
verſus atheiſmum ;*

Et iterum, quod exiſtat Deus.

§. 39.

Cap. I.
§ 99.
& ſeqq.

Materiam primam dicimus Divinorum principiorum primum, & talia principia non ſolum contra atheos aſſerimus, ſed & probamus, unde maniſeſtum eſt, dari Deum. Liceat adhuc ſequentem adjicere demonſtrationem. Ratio recta docet, eſſe aliquam cauſam ſui ipſius, quia nemo poteſt intelligere, quomodo ſit hoc univerſum, vel eſſe poſſit, niſi vel ipſum ſit cauſæ ſui ipſius, vel alia, præter illud. Cumq; hoc univerſum a materia prima dependeat, clarum eſt, quod ſui ipſius cauſa non ſit: relinquitur ergo, ut vel ipſa materia prima ſit illa excellentiſſima cauſa, quæ ſeipſam fecerit, vel alia. Cum autem materia hæc cauſis ſecundis, v. g. æthere, aere, aut etiam lumine, igne, ſale, ſulphure, ſit longe inferior, quippe quæ minus habet activitatis & virtutis, quam hæc; incongruum eſſet, putare, cauſam ignobiliorem a ſe exiſtere, cum ne quidem nobiliores a ſe exiſtant, quippe quæ nominatæ nobiliores a materia ſunt prima: ergo nec materia prima erit illa cauſa, quæ a ſeipſa eſt: unde erit alia prior: aliam autem omnibus entibus priorem nullam poſſumus concipere, præter Deum.

*De veterum philoſophorum errore materiam primam Deo
coævam ſtatuentium.*

§. 40. Cadit hoc ipſo quoque veterum philoſophorum error de materia prima, Deo coæva. Eſſi enim plurimi eorum, nimio exturbandæ plebejæ ſuperſtitionis ſtudio, omnia Divina naturæ naturaliter explicare niterentur; tamen & aliqui erant, v. g. *Anaxa-
goras,*

goras, Pythagoras & alii, qui Deum a creaturis videntur distinxisse. Hos vero hoc vexabat dubium, unde Deus creaverit materiam primam? Ex nihilo dicere, ipsis videbatur nihil esse dicere: ex Deo; multas consequentias perabsurdas pariebat: nec tamen videbatur illa aliunde potuisse proficisci: itaque eo devolvebantur, ut dicerent, esse eam Deo coæternam. Non intelligebant hi philosophi, quod rationem haberent finitam, & si hoc etiam non negabant, hinc non videtur conclusisse, quod tamen necessario sequitur, quod *cognitionis nostræ suum unum principium sit ignorantia*. Nam si non esset finita, cognitio in infinitum posset demonstrare, rationes reddere, probare, adeoque & ipsa esset infinita. Quod si aliquando decorum est dicere: *nescio*, nullus convenientior potest esse locus, quam ubi de primo cognitionis nostræ agitur principio, quale est, hæc, de qua loquimur, materia prima.

§. 41. Interim error hic valde favebat atheis, cum sic *αἰσθητικὰ* eluderent optima quæque, de Dei existentia, argumenta. Nullum enim est solidius, quam id, quod ab ordine causarum ducitur; at si omnia sunt a materia prima, & hæc est ab æterno, perit omne argumenti robur. Si vel maxime urgeas, dari multas virtutes in natura, quarum etsi subiectum a materia prima sit, tamen ipsas illas *virtutes* atque *facultates* eidem non posse acceptas referri, regeret atheus, & illas esse æternas: si velis demonstrare, quod æternæ non possint esse, quodcunque ponas axioma, tale erit, ut adversus illud aliquam a materia prima possit desumere instantiam.

Vid. supra
Cap. I.
§. 180.

De spiritu mundi.

§. 42. Materiam primam dicimus esse commune principium corporis & spiritus, quo probato apparet, quod si vel maxime sit communis aliquis mundi spiritus, tamen non possit esse Deus: Deus enim est materia prima prior, spiritus quicunque posterior. Originem hujus erroris supra §. 2. & 12. demonstravi, probavi que Aristotelem propter hunc erroneum materiæ primæ conceptum factum fuisse atheum. Etsi autem necessarium non sit, ut qui ens

Vide supra
§. 12.

pure passivum statuit, Deum cum anima mundi confundat, tamen facile est homini non satis attendenti, idem errare cum antiquis. Dum vero nos materiam primam extensam dicimus, eo ipso insinuamus ideam Entis extendentis: cumque hæc extensio sit *essentialis* materiæ, *actio extendendi fuit actio creandi*: ergo Ens extendens Creator atque causa est entis extensi: at ens extensum causa & principium est omnium aliarum substantiarum, ergo *Ens illud extendens est causa omnium substantiarum*: at substantiæ sunt causæ omnium accidentium: ergo Ens extendens, causa est omnium & *substantiarum & accidentium*, quo ipso causa est *omnium rerum*. Tale ratiocinium nequitiam licet necdere ex definitione vulgari: etsi enim materia prima sit Ens pure passivum, non sequitur, quod Ens pure activum sit causa hujus pure passivi: sed poterat illud urique esse a se ipso: & si vel maxime aliunde probetur, quod debeat aliquam habere causam, hinc tamen non poterat probari, quod Ens pure activum ejus causa sit: hinc & iidem philosophi materiam Deo (id est, animæ mundi) coævam agnoscebant.

S E C T I O V.

De

Usu adversus superstitionem.

Superstitio est, animam credere a Deo immediate infundi.

§. 43.


ET Patres Ecclesiæ & recentiores eruditos hætenus vexavit difficillima quæstio, an anima humana per traducem propagetur, an vero ab ipso Deo immediate infundatur. Nam si anima ex Adam propagata non est, innocentissima est, recte ait S. Augustinus; addo, si Deus animas immediate infundit, non solum causa peccati est, sed & ad incestuosos quosque concubitus animam suppeditare dicendus est, quod durissimum esse dictum, quilibet fatebitur.

tebitur. Hæc autem persuasio non potest non animo opinionem insinuare, quod forte non adeo displiceat Deo, quicquid vulgo peccatum vocamus, cum ab ipso Deo ita fiat anima, ut certis peccatis magis minusve immineat.

§. 44. Quamvis autem statuere velis affectus pravy, quibuscum nascimur, à corpore esse, non ab anima: sanguineos enim pronos in venèrem, cholericos in ambitionem ferri, & melancholicos cupidine pecuniarum maxime duci: respondeo tamen, quod hoc commentum à veritate sit alienum, vel hinc solum apparet, quod *species non omnes consumantur hac distributione*, & phlegmatici adeo debeant esse ἀπαθῆς, quod sane experientia tam repugnat, quam quod maxime: & eadem quoque docebit attente & prudenter observantem, quod totidem melancholici aliis affectibus laborent, quot cupidine pecuniarum tenentur. Quantum ad sanguineos, fateor, eos esse libidinosos, sed & cholericis & melancholicis eodem, imo & majore sæpe veneris oestro concientur. Cæterum, cum speciales affectus, v.g. furti, ita propagari doceat experientia, ut tali vitio turpibus parentibus nati liberi, veluti absque attentione, cum nondum satis etiam distinguere valerent, cui usui sint furto ablata, veluti habitualiter clanculum abstulerint, quicquid occurrit, & nulla ratio corporalis stimulans ad tale furtum possit fingi; nemo, credo, dubitabit, quin tales affectus animo proxime inhæreant, *corporique vel nihil omnino, vel exiguum quid debeant*.

§. 45. Superstitiosa propterea, saltem erudito, opinio est, quæ creditur, DEUM immediate immittere animas nascentibus: contraria vero opinio nullis plane hujusmodi laborat difficultatibus, nisi iis, quæ ex communi errore, tum de natura materiæ primæ, tum corporis, pendent. Hanc namque per traducem propagationem non licet absque divisione, nec divisionem absque extensione, concipere: jam pergunt vulgari præjudicio imbuti, quicquid autem extensum est, corpus est, ergo anima corpus est, id quod absurdum. Nos vero nostris hypothesibus atque conceptibus tum de corpore, tum de materia, hanc conclusionem evitamus: secundum enim hæc nostra principia plus inde non potest
concludi,

concludi, quam quod anima sit materia, hoc est, substantia à Deo creata, id enim, nec aliud quiddam sibi vult illud, *esse extensum*.



CAPUT III.

De

Elementis, Principiis secundis intelligibilibus.

SECTIO I.

De

Aristotelis Elementis.

§. I.

Cap. I. §. 23.
& seqq.



Quatuor elementa esse Empedoclis inventum, & quibus occasionibus orta inter philosophos hæc tetras elementorum fuerit, supra ostendi, adjecique ibidem, quod recte quidem Aristoteles judicavit, composita nimis esse illa quatuor elementa, simplicioresque, quas ἀρχαί, principia, vocabat, & elementis (στοιχείαις) opponebat, proposuerit; sed nunc, qualia sint ista principia, videamus.

De materia, forma, & privatione.

§. 2. De materia, jam satis in antecedente capite dictum: forma manifeste accidens est, privatio aut nihil est, aut accidens. De forma ideo non dico, quod necessario sit accidens, seu quod nulla forma detur, quæ non sit accidens; nam novi Aristotelem per

per formam intelligere quoque persæpe substantiam aliquam: illud modo contendo, quod sæpe forma Aristoteli sit accidens. Nam opponit formam materiæ, adeoque per formam intelligit generatim ens omne activum: hoc autem triplex est, corpus, spiritus & DEUS, singulas tres hæc substantias unica formæ voce confundit: atque cum si materiam corpori demas, nihil remaneat præter accidentia, *forma corporum* semper denotat ipsi accidentia, puta prædicamentalia.

§. 3. Ergo sive accidens dicat formam, sive substantiam, vitio non caret ejus idea. Nam si accidens est, *effectus* substantiæ est, non causa: quia omne accidens effectus substantiæ est: si autem non est causa, sed effectus, non est principium: nam principium & causa hoc loco æquipollent: & dubio caret, quod in principiis nominanda potius causa sit, quam effectus. Quod si dicas, formam esse substantiam, saltem interdum, & tunc objectiones propositas cadere omnes: Respondeo, cadunt quidem, sed novæ exoriuntur, æque ponderosæ. Nam hoc sensu, quicquid agit, forma est, secundum Aristotelem: jam vero & DEUS agit, & spiritus & corpus: tria autem hæc sunt maxime diversæ substantiæ, quibus tamen singulis notio formæ competit: unde patet, quod forma sit abstractum metaphysicum; nam si physicum esset, pluribus diversis substantiis non posset competere: metaphysica abstracta sunt ab intellectu nostro, & *rebus ipsis posteriora sunt*, adeoque non possunt esse principia à Deo, ad condendam naturam, adhibita.

Vid. supra C.
II §. 31.

§. 4. *Privatio quoque forma quodammodo est*, ait Aristoteles, scilicet si positive accipiat: hoc sensu recurrunt omnes objectiones, quas modo attulimus: sin negative sumatur, est non ens, quod ipse Aristoteles disertis verbis fatetur; dum ait, *mirabile & adύνατον videri, ex nihilo aliquid fieri*. Quamvis autem ille d. l. dicat, fieri aliquid ex nihilo per accidens: tamen absurdum est dicere, aliquid naturaliter fieri ex nihilo, sive per accidens, sive per se, dicatur fieri. Nam si per se non fit ex nihilo, fit ex aliquo: si fit ex aliquo, non fit ex nihilo.

Phys. Lib. II.
Cap. I.

Phys. Lib. I.
C. VIII.

SECTIO II.

De

Elementis Cartesii.

§. 5.

CARTESIUS, more mechanicis philosophis consueto, naturam elementorum in *figura* ponit, *motumque* aliquem generalem *indefinitum* addit: ego vero eandem in *motu definito* constituo, figuram non nisi generaliter, secundarioque, ut indefinitam, considero, adeoque hac in materia è diametro distamus, quæriturque jure merito, ab utrius parte stet recta ratio? Ego nitor hac demonstratione:

*Quod elementorum natura querenda in motu sit,
non in figura.*

§. 6. Aut motus aut figura essentiam elementorum constituit, aut utrumque, aut neutrum. Agimus autem hic cum iis, qui aut alterum aut utrumque debent assumere: at si utrumque ad essentiam elementorum pertinet, vel alterum debet esse alterius proprium, vel elementum duas debet habere essentias oppositas, motum & figuram: at vero probari potest, quod *figura* sit *effectus motus*, unde non poterit esse essentia motui opposita: nam figura est terminatio extensionis, & *nisi terminetur extensio, figura non posset fieri*: sicut v. g. mercurii currentis nulla tamdiu figura est, quamdiu in motu sunt ejus partes, huc & illuc profluentes. Jam dico, figura vel terminatur interno principio, vel externo: utrobique debet esse motus, qui illam terminationem peragat: adeoque figura effectus est motus. Quodsi jam quærat, an utrumque ad essentiam elementi pertineat, figura & motus, an alterutrum? patet, quod quicquid assumas, *motus* sit, qui essentiam elementi constituit, non figura. Nam quicquid alterius effectus est, illud subiecti essentiam non potest constituere, sed ad summum ejus esse proprium:

prium: nobilius enim semper quiddam essentia est, rationemque causæ habet, respectu cæterorum accidentium: hoc ipso vero pariter apparet, quod, si alterutrum horum sumatur, non possit non motus essentia esse elementorum, quamdiu causa figuræ est: at figura nunquam causa motus est: etsi enim *dispositionem* aliquam ad motum facilius difficiliusque peragendum dare possit, nemo tamen, credo, tam insulsus erit, ut dicat, figuram esse veram motus causam.

§. 7. Cæterum Cartesius totus à perversa applicatione methodi mathematicæ ad philosophiam confusus, ignarusque penitus veræ probabilitatis naturæ, quâ sola hæc principia debent & possunt crui, animoque concipiens illam, mathesi propriam, licentiam falsâ assumendi, *quicquid supponatur, parum referre, cum postea juxta leges naturæ sit immutandum* — — adeo, ut nihil erroris ex falsa suppositione sit timendum — —

cum supra allegato loco sufficienter fuerit actum, nihil ulterius hic adjiciam. Illud vero apparet, quod Cartesii hypothesin, sive primam illam de particulis magnitudine mediocribus, & duplici earundem circa propria, & alia externa, centra motu, sive alteram illam de tribus elementis, per leges naturæ ex illa priore genitis, refutare frustra aggrederer; plus enim de iis probare haud possem, quam quod ultro largitur Cartesius; vide de priore hypothesi §. 45. & generale aliquod effatum, de falsitate principiorum suorum all. l. §. 42. & 43.

Vid. supra
Cap. I. §. 49.
& seqq.

Princ. P. III.
§. 47.

De Cartesii legibus naturæ.

§. 8. At in allegatis legibus naturæ plus videtur certitudinis ponere, quippe quas ex immutabilitate Dei deducit, atque earum tres statuit, quæ an veræ sint, an falsæ, videndum ante omnia est, ut de omni horum principiorum firmitate nobis constet. Prima ergo hujus est tenoris: *Quod unaquæque res, quantum in se est, semper in eodem statu perseveret, sicque, quod semel movetur, semper moveri pergat.* Prior hujus legis pars principium est, ex quo recte conclusa est posterior: videndum itaque de principio est. Esse autem in dicto principio veritatem non plane nullam,

P. II. §. 38.

d. l. §. 37.

largior : id tamen ut verum maneat , valde limitandum , adeoque non nisi particulare est : cum vero à Cartesio universaliter pronuncietur , verum hoc sensu dici omnino nequit.

§. 9. Equidem tantum assertum vel probare ille debebat à priori , vel à posteriori , & hoc respectu , saltem per species , cum id per individua facere non liceat : at ille duobus exemplis quadrati , & projectorum , sensum regulæ illustrat , rem ipsam minime probat . Nobis itaque demonstrandum , quod hæc lex prima , tam universaliter concepta , instantiis sit obnoxia . Ubi nolo urgere , quod de motu spiritus minime valeat : quippe cuius liber est motus , quique adeo sæpissime ex uno statu transit in alium , absque ulla causa externa : nolo hoc urgere , quia de solis corporibus eam videtur velle intellectam .

§. 10. Quamvis autem in *principiis* corporum *Divinis* hæc lex videatur valere , non tamen valet de reliquis . Sic materia quidem semper in statu extensionis , æther in statu expansionis , aer in statu contractionis permanent , nisi ab externo quodam corpore in alium cogantur statum . Contra : Planta primum producit cotyledones , hos sequuntur alius figuræ folia , & causa externa (concedit enim Cartesius , hunc statum mutari posse à causa externa) excogitari potest nulla , quare planta ex primo illo statu deveniat in secundum . Animal crescit & in statu suo non permanet ; iterum , si hunc augmentationis statum consideres , hæc lex veram se haud probat ; sic enim certo tempore non amplius crescit ; & nulla causa externa est , quæ hoc augmentum prohibeat . Quod si enim à cibo & potu cresceret animal , per totam vitam crescere deberet . Sic *bombyx* mutatur in bombylium , bombylius in necydatum , hic iterum in bombycem , & nulla causa externa hujus mutationis adest .

1. a. §. 37. Equidem Cartesius videtur de *minutis elementaribus* legem hanc velle intellectam , quia eam sic limitat ; ut de unaquaque re , quatenus est simplex & indivisa , loquatur ; sed & ulterius , quid sibi per illam limitationem velit , non explicat , & illud exemplum , de motu *projectorum* , quæ necessario debent esse composita corpora , nos satis reddit securos , quod instantiæ nostræ non vagentur extra oleas .

§. 11. Lex ergo hæc prima *lex matheseos* est, *non naturæ*: unde & quod hinc deducit, motus projectorum phenomenon ex hac lege minime dependet, sed longe alia ratione contingit, quod suo loco explicabimus: multo minus ipse cælorum motus est species aliqua motus, hoc sensu, *impressi*, sed *elastice*, circumrotatur omnis cælorum orbis, quod pariter suo loco edocebimus. Sane nisi quis præjudiciis mechanicis sit immersus, nulla apparet ratio, quare corpus semel motum, postquam cessavit omnis causa motus, debeat moveri pergere: Sicut v. g. nulla est ratio, quare brutum ab alimentis hæcenus porrectis saginatum, debeat porro saginam contrahere, etsi nulla amplius porrigantur alimenta.

infra h. L.
C. VII. §. 44;
Lib II. C. I.
§. 15.

Secunda lex naturæ.

§. 12. Altera lex naturæ hujus est tenoris: *Quod omnis motus ex se ipso sit rectus, & ideoque circulariter moventur, tendere semper, ut a centro recedant.* Hanc quoque legem ex immutabilitate & simplicitate operationis divinæ, non tam deducit, quam dependere ait. At vero dico: (1) Detur principium, *non sequitur conclusio.* Nam si omnis motus in se rectus est, pudenda negligentia hinc concludit Cartesius simpliciter, cum *disjunctive* deberet. Nam motus rectus duplex est à centro, & ad centrum: unde & concessa hac lege secunda, ita debebat concludere; *ergo motus circularis vel tendit ad centrum, vel a centro recedit*, & minime alterum inferre, quod a centro necessario debeat recedere. Sed intellectus ejus, credo, appicta imagine lapidis in funda, ita erat occupatus, ut de altero motu cogitare haud posset. Huc accedit, quod alium illum oppositum motum non potuerit non habere odio, cum, si ipse dicatur eodem passu juris ambulare cum motu a centro, tota doctrina Cartesiana de lumine, & motu orbium cælestium, uno cadat impetu.

Princ. P. III.
§. 39.

§. 13. Sed ipsum videamus principium. Omnis motus in se rectus, ait: *μῆγα* sane *αἴτημα*, dummodo tanta perspicuitate, probetur, quanta confidentia asseritur: sed nullam offendo probationem, præter exemplum lapidis in funda, quo non putarim, quod aliquam propositionem universalem probare voluerit. Falsam sane

esse

Vid. Princ.
P. III. §. 46.

esse hanc propositionem, vel inde apparet, quod nequidem ut possibilis concipi possit aliquis conatus recedendi a centro (hic enim, vel saltem ei contrarius, in omni motu circulari debet esse, si vera sit hæc lex (secunda) in iis corporibus, quæ circa proprium centrum moventur, qualia sunt καὶ ὁ ἄσπερον, illæ primæ Cartesii particulæ, & ipse sol noster testibus maculis & faculis. Hæc corpora, quomodo possint a centris suis niti recedere non video, cum centrum sit in iis ipsis, a quo si partes eorum corporum recedere tentarent, *contra naturam suam in altum deberent niti*, id quod absque motu impresso, & aliis physicis circumstantiis, fieri omnino non potest.

§. 14. Supra quidem ostendi paralogismum Cartesii, quo concludit, a motu recto ad motum præcise talem, qui tendat a centro, cum etiam possit tendere in centrum: nunc addam, quod utrumque motui circulari sit *accidentale*, ideo quia motus circulares dantur, de quibus neutrum nec demonstrari, nec ullo modo probabile reddi, contrarium vero ex propria cujusque perceptione evinci possit: Et tales sunt, si circino describas circulum; Nam quomodo hic vel obiter probaveris, quod alter pes circini tenter ab altero recedere, vel ad alterum accedere: item si ipse circulum proprio describas ita, nec ad centrum accedere, nec ab eodem recedere intendis, sed lineam potius præscriptam vel conceptam sequeris. Ergo motus circularis est motus recto vere oppositus, nec ab hoc ullatenus dependet: unde & apparet falsitas hujus legis secundæ.

Tertia lex naturæ.

§. 15. Tertia lex ipsi hæc est: *Quod unum corpus alteri fortiori occurrendo, nihil amittat de suo motu: occurrendo vero minus forti, tantum amittat, quantum in illud transfert.* Hæc quoque particularior est, quam ut nomen legis naturæ mereatur. Nam & hujus legis phænomena, & ipse projectorum motus, non ad omnia corpora, sed ad ea tantum, quæ in aere moventur, spectant: extra aerem, ea libertate, qua usus hæctenus Cartesius est, confidenter asseram, nihil his legibus moveri.

Quod

*Quod nec hæc leges sufficiant Cartesio, ad demonstranda
sua elementa.*

§. 16. Etsi ergo harum naturæ legum beneficio sua demonstrare elementa promiserit Cartesius, revera tamen parum demonstrat. Nam primo multa, quæ demonstrare, vel a priori vel a posteriori debebat, solenni formula, *notandum est, aut considerandum est*, sibi sumit: v.g. *Notandum est, quo minora sunt ista particularum aliarum ramenta, eo facilius moveri; item, notandum est, ipsas multo celerius agitari, quam alias materie particulas a quibus tamen suam agitationem acquirunt*; item, quod *materia subtilissima ad omnes angulorum a globulis relictorum angustias implendas suas accommodet figuras*. Hæc & similia alia sibi absque probatione sumit: & quamvis secundum, quod allegavi, probare is quidem videatur, dum dicit: *quia dum hi* (scil. globuli) *per rectas & patentes vias feruntur, expellunt ista* (ramenta materie subtilissimæ) *per obliquas & angustias*: ac dein exemplum de folle adducat; levis tamen hæc probatio est tanti axiomatis, quo toties in demonstrationibus utitur. Et male huc trahitur exemplum folli: quia essentialis circumstantia, quæ celerem ex folle aeris generat exitum, huc non potest applicari. Cum enim *diameter cavitatis* folli sit multis modis *major* diametro orificii egressus, & adeo plures particule aeris simul premantur a folle, quam simul ex angusto orificio possint egredi, altera alteram pellit, sicque adeo egressum ejus promovet: *absque hac circumstantia* si pellatur aer per canalem, flatu v.g. oris, non citius erumpit aer quam ingreditur. In interstitiis vero globulorum cælestium, ubicunque sumatur principium motus, non majus illud interstitium aut amplius est, quam in progressu, unde hæc demonstratio nihil concludit.

§. 17. Multa alia sunt, quæ hoc loco vel plane non demonstrantur, vel male. Sic v.g. male cohæret hæc doctrina, dum ait, *hæc ramenta omnes angulos, quos alie materie particule sub- ingredi non possunt, implere*, & ita quidem, ut nullum plane vel minimum relinquantur vacuum, & §is proximis, hæc ramenta tam mira cele.

l. all. §. I.
ibid. §. LI.

ibid. §. LII.

all. l. §. 49.

celeritate promoveri, asserit. Nam sic a priori patet, quod si nulum ne minimum quidem adest vacuum, plane moveri haud possint hæ particulae, tantum abest, ut tam celeriter possint agitari. Nam quod alibi ait: *in circulum debere hæc moveri, concipi*, nihil est: quia, sic quidem potest concipi *progressus* motus, non vero *initium* ejusdem, ubi autem non est initium motus, ibi nec potest esse progressus: initium autem non potest moveri, quia non habet, quo progrediatur: anterior enim particula non potest moveri, quia hæc, de qua loquor, sumitur esse prima, & prima non esset, si anterior jam moveretur: dum vero nec anterior movetur nec vacuum aliquod vel minimum adest, patet, *quod non possit dari initium motus.*

De salutaribus clausulis Cartesianis.

§. 18. Salutares quoque hic illic deprehendimus clausulas, quibus se ex manibus jamjamque prehensorum adversariorum eripit. Sic, §. 46. ait, *quod sola experientia docere debeat, quam magnæ sint istæ partes materiae, & quales circulos describant*: quod ipsum nihil aliud est dicere, quam *tales* habituras easdem esse *figuras & motus*, *quales experientia anxietatum requireret.* Quis non videt, sic patentissimum fictionibus aperiti campum. Sicut autem hoc modo libertatem sibi reservavit, *quemlibet fingendi motum*, ita etiam ratione figurarum singulare sibi paravit ignorantiae asylum. Secundo enim quidem elemento singulari generositate rotundam dedit figuram, tertio angularem. Ne autem forte fiat, ut aliquando, sinceritate hujus determinationis, anxius vexetur, materiam primi elementi sibi finxit talen, quæ *nullam certam habeat figuram, sed omnibus spatii replendis apta sit*: & sic, solo hujus materiae beneficio, *securus omnium oppositionum est.* Sed ego liberalius adhuc quam Cartesius promitto, me sola hac materia subtilissima contentum, modo ratiocinandi Cartesiano, omnia phaenomena, quæ ipse potest, expliciturum. Causas enim & modos susque deque habet: reliqua sunt mathematica. At, quid in quaestionibus mathematicis vexare me poterit, si tam egregium mihi adsit principium, cui *omnem figuram, omnem dare possim motum?* Hæc materia *primæ recte intellectæ facit, ut*
ad

Vide Princ.
R. III, §. 49.

De motu vi-
de de Mete-
or. §. IV.

ad apicem philosophiæ Cartesianæ ascendere queas, & veluti Palladium quoddam ejusdem est.

S E C T I O III.

De

Elementis seu principiis Epicuri & Gassendi.

§. 19.

Epicurus, & ex hoc Gassendus, duo statuunt principia, *atomos & vacuum*, quod vocant, *disseminatum*, seu *interspersum*: his ex infinito in infinitum, & ab æterno, duplicem per mundum motum, *sursum* atque *deorsum*, attribuit Epicurus, unum naturalem, alterum reflexum: illum ex gravitate deducit, & perpendicularem pronunciat, quem tamen etiam, ut atomorum assequatur conjunctiones, *declinare*, ait: de qua fictione lepide ait Cicero in libro de Fato: *optare hoc quidem est, non disputare*; & alibi de Finibus dicit, *quod hoc sit quasi provincias atomis dare*: urgetque sane & sobrie, quod turbulenta talis concursio, hunc mundi ornatum efficere minime queat.

Non excusandi sunt, qui divinitatem principiorum physicorum negantes, frigidis & jejunis fictionibus se dant turpiter.

§. 20. Hanc ergo fingendi licentiam, falsè à Cicerone jure meritoque notatam, excusaturus Gassendus, ait, quod ea sit ingenii humani imbecillitas, ut objici idem nemini non possit: Nam respondendo, hoc objici posse Epicuro & aliis, simili modo in physica mechanizantibus, omnibus vero absolute philosophis, minime gentium. Tanto vero minus excusandus hic Epicurus cum similibus est, quod ex omnibus horum principiorum circumstantiis probe pen-
sitatis patescit, *id agere tales philosophos, ut mundum a se esse, &*

Vid. An.
madv. p. m.
117.

non a Deo, demonstrare possunt: his enim acutulis recte objicitur, quod cum magno hiato promiserint, se absque Divinis principiis nexum hujus universi demonstraturos, ex frigidulis suis fictionibus agnoscere debeant, quod *divinitas principiorum negari haud possit*, etiamsi quis omnes ingenii humani ad hoc institutum intendat nervos.

Quod Gassendus nec omnia horum principiorum momenta retinere potuerit, nec aliqua.

§. 21. Multa vero sunt in his Epicuri, maxime de motu, assertionibus, quæ ipse Gassendus quoque reprobatur, v. g. quod *atomos* statuatur *improductas*, earumque *vim independentem* ab alia causa profiteatur: quin & concedit Ciceroni, quod commentitiæ sint, tum illa *declinatio* a motu perpendiculari, tum & *gravitas*, hoc sensu atomis attributa, quod absque conceptu centri debeant distingui in hoc universo duæ regiones sursum atque deorsum, & atomi adeo per se solum ferantur deorsum, non sursum, & quidem absque omni, tum loci, tum temporis, principio, seu termino. Hisce ergo, utpote ab ipso Gassendo reprobatis, refutandis superfedere licet. Sed cætera tamen ejus asserta, v. g. quod atomi sint in quodam *assiduo incessantèque, seu motu, seu nisu*, & varie sibi occurrentes, possint *se se*, aut invicem *apprehendere*, mutuoque *implicari*, aut invicem deflectere, ac sursum deorsum, oblique, & quoquo versum, repulsare, retineri posse, putat Gassendus, & ad explicandas rerum causas sufficere.

§. 22. Sic ergo in duobus maxime ab Epicuri sententia abit Gassendus, primo in doctrina de motu atomorum, dein quoque de earundem independentia, vultque adeo, hæc debere emendari & earundem a Deo dependentia statui. Sed si hoc voluisset Epicurus, nempe *Divina* statuere principia, longe poterat excogitare *concinniora & fecundiora*: ideo vero tam jejuna atque torpida exhibuit, ut concipi possent, omnes suas a seipsis habere facultates, nec a Deo iisdem fuisse instructa. Finis sane dirigit media, & qui ca intentione concipit principia physica, ne Deum statuatur, haud dubie alia

alia ponit, quam si Deum pro Authore hujus universi haberet. Unde si Gassendus hanc pravam & ineptam Epicuri intentionem agnoscat, & cætera ejusdem nihilominus retinenda existimat, idem mihi videtur errare cum eo, qui videns alterum, ideo ut ipse sibi domunculam struere posset, absque adhibito ullo fabro, sibi ex luto struxisse vile tuguriolum, agnosceret errorem, fatereturque, quod quidem faber debuisset adhiberi, jamque accitis fabro murario & lignario, jubet sibi ædes strui, & quidem ex eodem luto, ne totum alterius institutum contemneret: at prior ille luto ideo est usus, ut ipse posset struere: sic & Epicurus ideo solum frigida illa duo principia statuit, ut naturam sui ipsius causam mentiri queat.

Talia principia magis cathedra, quam praxi quadrare.

§. 23. Sed quod putat, ea nihilominus sic correctæ sufficere posse, ut causæ rerum hinc explicentur, hoc poterat quidem iis temporibus, ubi Aristotelica principia eadem insufficientia, majore vero adhuc laborabant obscuritate, Cartesiana eadem sterilitate prædita erant, secure satis dici: cum hi omnes philosophi, extra cathedram, physica haud uterentur. Sed quam parum, explicandis naturæ phænomenis, hæc & similia mechanica sufficiant principia, abunde intelligit, qui eorum applicationem vel in medicis, vel chymicis, vel aliis curiositatibus tentaverit: vel solum in perlegendis Schotti Physica curiosa, Kircheri Arte magnetica, Scaligero de subtilitate, & aliis, experiri velit, quid & quantum auxilii hæc & similia mathematico-mechanica principia adferant ad illa mirabilia intelligenda.

Atomistarum refugium ignorantia, Cartesiana materia subtilissima simile.

§. 24. Singulare in hac philosophia mechanica ignorantia refugium est, si quis habeat principium, cui in omnem eventum, quem velit motum, quam velit figuram, attribuire possit, & tale esse materiam subtilissimam Cartesii, supra ostendi; simile sibi quoque fabricarunt Atomistæ. Dum enim Gassendus hoc loco

nempe §. 18.

l. all. p. m.
120.l. all. p. m.
113.

atomos fingit sibi *varie* occurrentes, quid aliud facit, quam quod principium sibi sumat, cui in angustiis constitutus quemcunque velit, dare possit motum: dum alibi ait, quod species figurarum sint incomprehensibiles, cum sint *multivariæ*, rotundæ, ovatæ, lenticulares, planæ, gibbæ, oblongæ, turbinatæ, hamatæ, læves, asperæ, hispida, tetrahedricæ, pentahedricæ, hexahedricæ &c. eo ipso sibi licentiam assumendi, quamcunque velit, figuram expetit.

§. 25. Sed demonstrandum etiam est, quod irrationabile sit, ejusmodi figuras motusque assumere. Velim autem, lector, si opus esse videatur, prius hic legat nostri Sens. Ver. & Falsi lib. III. cap. I. §. 30. recteque ibi capiat differentiam inter *puram possibilitatem*, atque *probabilitatem*, judicetque, quam illa nullius momenti & usus in philosophia sit: sic facile evincam, (& ad refutationem nihil aliud evincendum erit) quod *principium indefinitæ figuræ, indefinitique motus* nihil pariat aliud, quam meras possibilitates. Nam, ut exemplo demonstramus, sit scissum aliquod chartæ frustulum, quæreturque de causa & modo, liceat autem mihi omnem figuram, omnemque assumere motum; jam videamus, quot inde sequantur puræ possibilitatis nugæ. Sumatur (1) figura forficis, motus transversim premens. (2) Figura cultri acuminati, motus vertici incumbens retractivus. (3) Figura rotulæ acutæ, cum ansula, motus ansulam cum depressione attrahens. (4) Figura acus, motus acum per chartam exiguis interstitiis imprimens, addatur alius motus, utrasque chartæ partes diducens atque rumpens. (5) Figura duorum corporum aduncorum, motus, qui utrumque corpus chartæ imprimat, & in diversum adducat. Alias permultas similes fictiones taceo: his autem singulis modis chartæ frustulum poterat fuisse scissum: Sed quid hoc est, *an philosophari, an nugari?* Talia autem sunt, si recte examines, pleraque mechanicorum physico-philosophemata. Hæc foret laudabilis dexteritas, & quæ valde probabilia redderet principia, si his *certa* figura, *certainque* assignaretur motus, & hinc apte, absque novis subsidiariis fictionibus, per se fluere analyses phænomenorum: & talia principia nos *mox tentabimus*.

Quod secundum atomorum doctrinam, corpora quibusdam saltem ductibus debeant esse indivisibilia.

§. 26. Jam ipsas quoque perlustremus atomos, & explanatione Plutarchi utentes, dicamus atomum, non minimam præcise partem, sed partem ἀμέτοχον κενῷ, seu expertem vacui, adeoque ἀπαθὴν & per consequens indivisibilem notare. Hoc ita commentus est Epicurus, quia, si divisionem in infinitum statuisset, nullæ particulæ poterant esse principia: nullæ enim tam parvæ esse poterant, quæ non ulteriorem admisissent, saltem in intellectu, divisionem, recteque ideo voluit ponere & determinare aliquam parvitatem. Sed eam determinat per magnum aliquod aliud commentum, quasi omnis divisio *per vacuum* fieri deberet, alioque modo corpora, quam per vias vacui, dividi haud possent: ita ut ubi nullum sit vacuum, ibi quoque nulla passiva divisionis sit potentia. Hoc vero est, quod demonstrari nequaquam potest, & principia tamen jactantur essentialia, ut nihil absque demonstratione sumatur.

§. 27. Contrarium, contra eos philosophos, qui possibilitatibus petulantissime ludunt, & magnam illam licentiam cujusque motus atque figuræ, cuicunque opus est, corpusculo applicandæ, sibi sumunt, difficulter probatur: anguillæ enim sunt, elabuntur, & in laticula possibilitatum sese abduunt. Sed id tamen quod sequitur, aliquam forte arenæ vim præstabit. Itaque dico: aliqua corpora habebunt atomos hamatas, v. g. solida: hæ atomi hamatæ certo in puncto physico sibi invicem implicantur: in hoc implicationis punctum, si quæcunque acies adigatur, penetrare non poterit: quia tota atomus est indivisibilis, & uncus ille aliqua pars atomi est. At experientia non confirmat hanc conclusionem, quæ tamen necessariam cum hypothesi habet connexionem: corpora enim non nimis dura, quantumcunque minima sint, quamdiu aciem admittunt, tamdiu dividi possunt. Dicis: nulla tam subtilis acies est, quæ atomum possit tangere: respondeo, hoc etiam non est necessarium: possunt enim *due, tres, quatuor & plures atomi* per eandem implicationem jungi, & sic veluti catenulam quandam

atomorum hamatarum componere, quæ ubicunque applicetur acies, debet esse indivisibilis.

Quod non detur vacuum interspersum.

§. 28. Vacuum statuit cum Epicuro Gassendus, & quidem hoc loco interspersum seu disseminatum, multumque fidit illi ratiocinio Epicuri, ex Empirico: ἐν ἑστὶ κίνησις, ἑστὶ κενόν, ἀλλὰ μὲν ἑστὶ κίνησις, ἑστὶν ἄρα κενόν, hoc est, *si motus est, inane est, atqui motus est, E. & inane.* Ratiocinium hoc contra Cartesium tanti roboris esse puto, ut quicquid Cartesius, de motu per circulum, dicat, *totam philosophiam Cartesii evertat.* Sed inde tamen nihil amplius sequitur, quam vacuum in genere, non vero præcise hoc vacuum interspersum, quod cum Epicuro statuit Gassendus. Poterat enim hoc vacuum vel *externum* esse, quale est hoc interspersum, seu disseminatum, quod tanquam exterius inter particulas elementares interspersum concipitur: sed poterat etiam esse *internum*, intra particulas elementares, si nempe hæ non ut corpuscula solida, sed ut bullulæ molles extra intraque cedentes, quales nos suo loco probabimus, concipiantur.

§. 29. *Quod vero interspersum tale vacuum non possit dari,* sola natura aeris, vel vulgari solum sensu concepti, evincit. Aer enim, experientia teste, in omne vacuum vel minimum impetuosissime irruit, illudque adimpleret. Si enim pensites, qua vi & violentia aer in vacuum antiæ deprehenditur inniti, non solum intelliges, quod extra illas aeris particulas, quales quales sint, non possit subsistere vacuum, sed & quod, si daretur, tanto nisu aer in exterius hoc vacuum ferretur, ut istud penitus adimpleret.

SECTIO IV.

De

Veris elementis nostra opinio.

§. 30.

AD principia secunda intelligibilia referimus *elementa & spiritum*, quandoquidem elementa in puritate sua æque sunt sensui

sensui immediate impervia, ac ipse spiritus. Interim nominaliter tantisper per elementa intelligimus, corporis in genere principia prima: hæc quotuplicia sint, ex consideratione corporis addiscendum est.

Duo solum sunt elementa, æther & aer.

§. 31. Elementa enim cum sint prima corporis principia, non potest aliunde melius eorum addisci numerus, quam ex corporis consideratione: unde nisi falsa esset vulgaris definitio, in proclivi foret, à priori ex corporis definitione demonstrare, quod non nisi duo sint elementa, æther & aer. Sed quoniam nova illa corporis definitio suo loco inde probabitur, quod in omnibus corporibus duplicem liceat observare motum, *expansionis* atque *contractionis*; poterit benevolus lector illam probationem suo loco quærere, mihi vero hic eam liceat supponere una cum definitione corporis, quæ hujus est tenoris, quod *corpus sit substantia elastica*, id est, facultate motus *ultra citroque* faciendi, seu expansivi & contractivi, prædita.

Hujus L. C.
V. §. 22. & seqq.

§. 32. Motus hic duplex sibi invicem est contrarius: unde haud dubium est, quin quilibet peculiare sibi habeat subjectum, adeoque *due* unumquodque corpus constituent *substantiæ*, quarum altera expansionis, altera contractionis causa sit: cum etiam causæ substantiales corporis nihil possint esse aliud, quam totidem *elementa*, sequitur quod duo sint elementa, duplicis hujus motus causæ. Observamus præterea, quod subtilissima quædam ex sole progrediatur substantia, & hæc terrena persuat, quo ipso omnia manifeste conspiciamus expandi, paucis exceptis, quæ illam expansionem non solum respuunt, sed & ad ingressum illius substantiæ magis solidescunt, veluti lutum: unde hariolamur, illam, quæ corporum causatur expansionem, nullam forte aliam esse, quam *eam*, quæ ex illo *fonte solari* emanat: cumque deinceps commonstraturi simus, quod ex alia causa solidescat lutum, & neutiquam à solaribus radiis, veluti immediata quadam causa, jam dubio fere caret, quod *alterum elementum* nullum aliud sit, quam *ea ipsa, quæ à sole emittitur substantia*.

§. 33. Quan-

§. 33. Quantum ad alterum elementum, quod contractivam habet virtutem, animadvertimus, quod aer per & circa nostram terram diffusus, à radiis solaribus maxime omnium reliquorum corporum expandatur; absente vero sole, sicut ex diversitate diluculorum fuit observatum, hyemis tempore, imo noctu, contrahatur, quodque quo minus radiis solaribus perfusus aer est, eo sit & frigidior & contractior, ita plane, ut & reliqua fluida, quæ contingit, corpora simul contrahat, veluti nos docent observationes thermometricæ. Horum & aliorum similium faciliorem rationem haud exputabis, quam si collatis aliquorum corporum phænomenis, dicas, illam ipsam causam, quæ illud alterum corporis contractivum *elementum* est, esse *hunc aerem*, & ex terra eodem modo veluti exurgere, sicut æther ex sole: adeo, ut omne hoc universum æqualiter dividenda duo corpora, *planeta* atque *fixa*, duo sint veluti *elementorum maria*, quæ tantum cujuslibet elementi, pro generandis corporibus, mundo suppeditent, quantum habet opus.

§. 34. Huc accedit, quod in natura nec observatur, nec esse potest, nisi *triplex motus*, quod & passim, alia intentione, annotat Aristoteles, *à centro, ad centrum, & circa centrum*. Sicut vero hic ultimus est *totius* planetæ & fixæ, ita reliqui duo motus *partium* utriusque sunt: sic enim alia *deorsum* moventur, ut gravia, alia *sursum*, ut levia, prout *hoc* vel *illud elementum* in corpore aliquo prædominatur. Velim, hoc quoque pensites, quod corporum *prædicata positiva universalia* omnia sint *duplicita*, v. g. calidum & frigidum (nam tepidum gradum notat, non diversitatem essentia, sicut calor & frigus: hoc enim si mera esset privatio, tempore solstitii hyberni maximum semper terras affligere frigus deberet) item humidum & siccum, solidum & fluidum, fixa & planeta, lux & tenebræ, terrestre & cæleste: quorum *unum* semper *ab æthere*, *alterum* dependet *ab aere*. Sic autem non procedunt cætera prædicata, multiplex est sapor, multiplex est color, quia neuter est prædicatum aliquod universale omnis corporis: quod & de *figura* valet, quoniam & ipsa ideo tam multiplex est, quoniam universale prædicatum non est: fluida namque nullam habent figuram sibi propriam.

De

De natura ætheris & aeris.

§. 35. *Æther* autem nihil est aliud, quam minima quædam particula radians, imaginem solis minima sui figura exprimens : sive, ut clarius dicam, est substantia quædam subtilissima, à centro ad peripheriam radians, seu radios undiquaque protendens, cujus figura repræsentatur Tab. I. fig. A. Aer vero est bullula, à peripheria ad centrum nitens, cujus vide ibidem figuram B. Vocabitur autem in progressu æther sæpius *particula radians*, sæpe brevioris ergo, *particula*, aer v. *bullula aerea*, item *bullula*: motum ætheris vocabimus tum expansivum, tum à centro ad peripheriam, motum aeris contractivum, seu a peripheria ad centrum. Cæterum tantæ subtilitatis æther est, ut quamvis radians, poros etiam minimos, v.g. vitri, velocissime pertranseat, particulis tamen terreis allapsus resiliat : aeris contra bullula, quia varie potest expandi, natura sua videtur esse tenacior, & permeandis poris inceptior.

Tab. I.

Quod æther sit particula radians, & aer bullula.

§. 36. Paret hoc ipsum ex antecedentibus : Si enim *æther* expandit, debet moveri à centro ad peripheriam, & quoniam experientia hæcenus nulla ostendit phænomena, quibus persuadeamur, magis versus hanc, quam versus illam partem moveri eundem, credibile est, eum moveri æqualiter : si æqualiter movetur ad peripheriam versus omnes partes, *radiat*. Sed & his oculis has potes videre particulas radiantes, per sequens experimentum : Sume vitrum causticum, conjice focus radiosum in aliquam partem antimonii crudi, adverte oculos attentos, antequam antimonium emitrat fumum, sic particulæ radiantes foci ab elevato sulphure antimonii tingentur, ut oculis eos percipere possis, id quod & post fumum licet adhuc quadantenus observare.

Vid. Tab. I.
Fig. A. & B.

§. 37. De *aere* ad eundem modum thesin probo : si enim movetur à peripheria ad centrum, & nullum experimentum ostendit, quod ex una vel altera solum parte hoc motu gaudeat, sequitur, quod ex omni parte æqualiter versus centrum nitatur : hic vero

nifus non potest non parvulam quandam constituere sphaeram, etsi forte aliqua *inequalitate* inter radios præditam, quam vocamus bullulam. Cæterum hisce quoque bullulis ipse *oculorum* aspectus patrocinatur. Nam & in omni coctione & ebullitione, porro plerisque solutionibus, itemque cum candela, vel aliter, ardent corpora sulphurea, ad oculum hæc bullulæ aeræ, tanta quidem copia & parvitate, ut si aliquot solum grana mercurii vivi in aqua forte solvas, numerum eorum inire haudquaquam possis.

*De motu utriusque elementi secundum totam
substantiam.*

§. 38. Unum idemque corpus duos habere posse motus, nam notum vulgo est, ut supervacaneum fuerit, idem probare prolixius. Sicut autem hæc elementa sunt prima omnium, ita quicquid habent, non ab aliis principiis habere possunt, quam à solo Deo: unde & ille, quem hactenus stabilivimus, nempe ætheris à centro ad peripheriam & aeris contrarius motus, Divinus est. Cauti autem merito debemus esse, in asserendis hisce principiis, ne nimis ea multiplicemus, quo sæpe fit, ut effectus principiorum habeantur pro ipsis principiis: quod illis contigit, qui omnem mirabilem naturæ effectum generali abstractione spiritum, vel formam, dixerunt. Ego cum hic adhuc alium in utroque elemento agnosco motum, nempe *regressivum utriusque elementi ad chaos suum*, ætheris ad chaos solare, aeris ad chaos planetarium, ingenue aperiam, quid me moverit.

§. 39. Gravitas atque levitas, quæ secundum omnes philosophorum, nostramque etiam, hypotheses, eludit omnem concludendi vim atque efficaciam, me impulit, ut divinis principiis *duplicem* dictum accenserem motum, quorum motuum ille, qui ætheris est proprius, causâ levitatis est, alter vero, aeris nempe, gravitatis. Cum ergo omne corpus ex ærea & æthere constet, pater, quod & principium levitatis & gravitatis in se habeat, unde jam ascendit, jam descendit; sic aqua mercurio remixta ascendit, in ære descendit.

§. 40. Impedit vero hunc motum unio elastica : unde quicquid unitum est, quatenus tale, semper nec grave est, nec leve; recteque dicitur, nec aquam in aqua gravitare, nec aerem in aere, nec in genere ullum fluidum in sibi simili: ut adeo ad id, ut aliquid vel gravitatis vel levitatis sortiatur motum, necesse sit, id *extra unionem* esse.

Quod Peripateticorum, de causa gravitatis, hypothesis, veritati longe sit proximior, quam Cartesiana.

§. 41. Nec me pudet in hac controversia proximius accedere ad Peripateticos, quam ad Cartesianos, quia me nunquam pudebit veritatis: non quidem quod existimem, nullo plane defectu hic laborare hypothesin Aristotelicam, sed quod minore, quam Cartesiana: hæc enim tota falsa est: Aristotelica vero in hoc recte sentit, quod putet corpora in loco suo non esse gravia; errat tamen, quod aerem putet esse levem, etsi hæc quidem non tam assertio ipsius Aristotelis esse videatur, quam sectariorum. Cartesius enim ita explicat phaenomena gravitatis atque levitatis, ut dicat, materiam ætheream, seu globulos secundi elementi, niti à centro terræ recedere, adeoque si deferantur in partes terræ, eo ipso has deprimi, reliquas ultra hosce globulos constitutas à centro propelli, & sic fieri, ut aliqua sint levia, aliqua gravia. Non autem dicam, quod si recte suis insistere principiis voluisset, debuisset potius concludere, quod *omnia sint æque gravia* (cum enim ipse nullum statuat vacuum, sequitur, quod illi globuli æque inniantur aeri, quam mercurio vel plumbo, adeoque quod & aer & mercurius ejusdem debeant esse gravitatis) id solum repetam, quod supra demonstravi, falsum esse id, quod sibi hæc demonstratio sumit, nempe ea, quæ circulariter moventur, niti à centro suo recedere; hoc enim cum demonstrare anniteretur Cartesius, paralogismum admisit tyroni turpem.

Priac. P. IV. §. 20. 21. 22. seqq.

Vid. supra §. 12.

A priori demonstratur, quod æther ad centrum fixæ, aer tota substantia sua ad centrum planeta moveatur.

§. 42. Cæterum & à priori apparet aliqua hujus motus necessitas,

Q₂

cessitas. Nam cum omni momento fixæ, & sol haud dubie, suos in planetas emittant radios, & hi radii ex æthereis particulis radiantiis constituantur, & bullulæ collectis in se particulis mutantur in ignem, brevi futurum erat, si hæ particulæ non regrederentur versus solem, ut omnes planetæ *conflagrarent*, igneque si non penitus consumerentur, saltem destruerentur: imo & alia naturæ rerum incongrua futura erant. Scilicet, citra hunc motum *cælum terræ fuisset mixtum*, cum, brevi tempore, ita penitus in planetas descensuræ fuissent fixæ (seu soles) ut nihil earum in cœlo fuisset superfuturum. Imo & planetæ, saltem, quantum ad partes suas fluidas, *in cælum adscendissent*, cum notum sit partes planetarum fluidas, æthere solari imprægnatas, leves fieri atque adscendere. Sic ergo, si naturæ deberet sua constare integritas, nec bullula aerea, nec particula radians poterat carere hoc ad suum chaos regrediendi nisu.

*Quomodo, & quando centra sua mutant particulæ
radiantes.*

§. 43. Cum radiantes particulæ à centro suo æqualiter, & in spatiola vacua vehementius radient, quam aliò, fieri potest, ut ex una parte, ubi spatiola occurrunt inania, physice mechanica necessitate latius suos proferant radios, & secundum modo nominatum æqualitatis nisum, ex alia parte eadem longitudine protendere suos radios nitantur: cum vero interdum bullulæ viciniore & solidiores resistant huic nisu, hic vero vires habeat determinatas, si resistentia major sit hisce viribus, ut centrum maneat centrum, necesse est, ut vis radians locum mutet, adeoque *versus elongatos radios accedat*, ut & hi fiant breviores, & qui ex opposito micant, longiores, utrique sibi invicem æquales.

§. 44. Quod si ulterior resistentia vicinarum bullularum illam radiationis æqualitatem, etiam alibi, quam ex opposito, prohibeat, in partibus videlicet lateralibus, ita ut in his etiam major sit resistentia, quam in aliis, illa vis æqualis radiationis ex centro prohibet quidem inæquales radios ex opposito, non vero ad latas
emicantes

emicantes esse inæquales aliis lateralibus, ita ut oppositi solum radii semper debeant esse æquales. Sit v. g. bullula *A*, in eademet particula *E* quatuor radii *f. g. h. i.* $\tau\phi$ *h.* concipiatur adstare bullula inanior reliquis *B*, extenderetur ergo radius *h* in hoc inane, $\tau\phi$ *f* adiaceat bullula solidior *C*, vel quousque alio modo expansionem seu elongationem radii *f* prohibens, sic propter vim æqualiter radiandi cadet centrum versus *h*, eo usque donec radii *f* & *h.* sibi invicem sint æquales. Jam vero concipiatur vis resistentiæ major in *g. & i.* quam in *f.* sic salva hac vi æqualis radiationis, radii *g. & i.* poterunt esse breviores radiis *f. & h.* Quod si in radiis *g. & i.* quoque sit inæqualis resistentia, cedit hic quoque vis radians, versus radium elongatum, et si hoc ipso paululum obliquentur radii *f. & h.*

Tab. II.
fig. XXI.

Quomodo solidescant bullula aerea.

§. 45. Quamdiu contrarii motus ætheris atque aeris, dubia est victoria, ut levioze augmento ætheris particula radians adjuncta possit expandere, hoc ipso motu bullula aliquod instar fluiditatis habet: quod si vero vel particulam radiantem utero suo quomodocunque excutiat, ut ipsa bullula testudo haud impedit ad centrum proprium accedat, ut inde terra fiat, vel plurimæ bullulae, sibi invicem applicentur, ut ætherem bullulae interioris ita ad centrum comprimant, ut vim suam penitus suffocent, fit, ut talis bullula utroque hoc modo solidescat: & eam, quæ hoc modo solidescit, non confundere debemus cum ea, quæ in terram mutatur.

Vide infra
§. 51.

Vide infra
C. V. §. 34.

De materia horum elementorum.

§. 46. Materia horum elementorum ita structa est, ut in se redire, & iterum extra se evolvi queat, quale quid videmus in uteris animalium, qui eo usque expanduntur, ut corpus multis vicibus seipso majus comprehendant, & in se tamen iterum taliter redeunt, ut pristinam fere parvitatem post partum recipiant, & hoc

modo etiam moventur bullulæ. Aliud exemplum, & quod magis ad motum particularum radiantium accommodari potest, suppeditat filum ferreum cochleæ informam cotortum, quod in se redire, & iterum exporrigi potest. Non necesse est modum & rationes mechanicas hujus figuræ demonstrare; sufficere etiam nostro potest scopo, quod existere tale quid potest, quale hic assumimus, & per experientiam probamus. Quod si etiam quis urgeat, hanc materiam necessario debere esse solidam, concedam duritiem, soliditatem, utpote corporum prædicatum, adhuc pernegabo, & hac quamvis duritie primorum alimentorum concessa, vera manet nihilominus alia quædam assertio mea, quod natura ex fluido progrediatur in solidum, non contra.

§. 47. Nuda tamen hæc structura neutiquam sufficit, sed inditus adhuc aliquis à Deo *tonus* est, qualem sibi medici in fibris partium concipiunt, vi cujus non solum moveri ab aliis possunt hæc elementa, sed & seipsa quoque movere. Vis divina & admirabilis hujus toni est, tum quo bullulæ nituntur in centra sua, tum quo particulæ versus peripheriam radiis suis emanant, Nihilominus experientia docet, quod nifus ætheris versus peripheriam sit validior, quam nifus bullularum versus centrum, ideo quia probabiliter infra intelligemus, quod una particula unam bullulam semper expandat, si pares sint virtute & nobilitate, imo *due* quoque bullulæ nondum possint radiationem *unius* particulæ impredire.

De figura radiorum, & poris bullularum.

§. 48. Ut radii possint expandere bullulas, debent vel figuram conicam, aut pyramidalem, vel his æquipollentem, habere. Nam connexio corporum & alia permulta phænomena docent, quod radii particularum extra bullulas *promicare* debeant; unde concluditur, si æquales ubique essent dicti radii, non possent proferre testudinem bullularum, adeoque nec easdem expandere. Nec firmam & constantem hanc puto figuram, sed quando extra promicat, proportionaliter *se extenuantem*, & quando a vi bullularum particulæ compinguntur, eadem proportionem sese in-

crassan-

crassantem : sicut *lumbrici* terrestres , jam exporrigunt sese & extenuant , jam in sese redeunt & contrahunt , eandem tamen semper figuram retinent. Quousque hi radii possint promicare non facile definiverim , illud tamen videtur , quod *non multum ultra centrum* proximæ bullulæ nobilioris, pergere possint.

§. 49. Hi ipsi radii quoniam extra bullulas feruntur, hæ *poris* debent esse perforatæ (alias enim illi non possent exporrigi) & pluribus quidem (quodignis phænomena docent) ut nempe plures particulæ in unam bullulam possint subingredi. Quo autem magis *expanditur* bullula, eo quoque *maiores* fiunt hi pori, non solum ii, per quos radii transeunt, sed & alii, & pro eo ac iterum contrahuntur bullulæ, minores quoque fiunt pori.

De nobilitate & ignobilitate particularum atque bullularum.

§. 50. Utræque moleculæ viribus sibi invicem valde disparesprehenduntur : quia tamen minis arduum est, singulos attingere gradus , contenti erimus divisione in nobiliores & ignobiliores : illis hoc nomine appellantes, quæ viribus magis valent cæteris; unde & apparet, quas ignobiliores vocemus. Sic ergo nobiliores particulæ sunt, quæ cæteris potentius moventur ad peripheriam, nobiliores bullulæ, quæ cæteris fortius nituntur ad centrum : unde patet, quod corpuscula sint *majora* & *minora*, prout elementa vel ignobiliora sunt vel nobiliora.

Quomodo ex bullulis fiat terra.

§. 51. Ex dictis patet, quod si bullulæ omni æthere expandente priventur, eo ipso in substantiam aliquam inertem obscuram, & nulla magnopere qualitate conspicuam, quæ terra dicitur, abeant, & talis terra cinis, lignum putridum, & caput vere mortuum sunt : reliqua terra omnino differt ab hac ideo, quod ignobiliorum aliquam continet particulam ætheream, vel & plures, unde non plane iners est; cohæret enim, ebullit cum acido, imo igne adhuc varie potest mutari. Tales *terre à sale* non differunt,
nisi

nisi in eo, quod particulam contineant *ignobiliorem*, cum *salia nobiliorem* foveant: unde & *salia vitri* instar aliquod pelluciditatis habent, terræ autem omnes ob consortium ætheris ignobilioris sunt magis opacæ: hæc terra corpus est, illa vero, secundum mea quidam principia, *corpus haud potest dici*: sed nec materia merita est, cum nîsum suum non perdidit, sed eo deducta sit, ut eum amplius exerere non valeat: unde perinde est, ac si omni destitueretur. An enim detur aliquod medium, hanc terram iterum particula aliqua radiante excitare, hætenus, quod dicam, non habeo.

§. 52. Et his, quantum hujus loci est, principia *mechanismi physici* exposui, quæ quam differant a principiis *mathematicis*, quilibet industrius facile intelliget. Sed velles, credo, ut adhuc adjiciam, qua ratione, quo modo, datæ hæc vires a Deo elementis fuerint, exponerem: erunt &, qui mallent, hæc omnia ita demonstrari, ut Dei nulla fieret mentio: his, propter rationes alibi dictas, neutiquam gratificabor: illis respondebo cum Mose, *dixit Deus, & facta sunt*. Quod si enixius instes, jubebo te considerare, quomodo principiorum primorum sciri modus haud possit.

§. 53. Cæterum hæc quidem ego hætenus *solus* ita doceo: & nisi vulgares hypothefes tam insigniter in genuina ratiocinandi principia impingerent, vel solo hoc nomine abstinere ab hisce doctrinis maluisssem, quam contrarium ringentium in medio constitutus, surdis narrare veritatem. Sunt quidem, qui hæc eadem sensisse videntur, sed *obiter* & veluti aliud agendo, quos ob id ipsum, si vel maxime sectari voluisssem, non poteram. Sic celeberrimus *Isaac Newton* de Philosoph. natur. principiis mathematicis in præfatione ad lectorem ait: *Multa me movent, ut non nihil suspicer, ea omnia* (naturæ phænomena) *ex viribus quibusdam pendere posse, quibus corporum particule, per causas nondum cognitæ, vel in se mutuo impelluntur* (acris videtur indigitare motum) *& secundum virtutes regulares coherere, vel ab se invicem fugantur & recedunt* (ætheris naturam cogita) *quibus viribus ignotis philosophi hætenus naturam frustra tentarunt*.

§. 54. Et *Nemesius* affirmat, *Stoicos statuisse*, τὸν καὶ τὴν

ὄναι

Vid. supra
C. I. §. 103.

De Nat.
hom. c. II.
p. 41.

εἶναι κίνησιν περὶ τὰ σώματα, εἰς τὸ εἶσω ἅμα κινημένην, καὶ εἰς τὸ ἔξω. καὶ τὴν μὲν εἰς τὸ ἔξω, μεγεθῶν καὶ ποιοτήτων ἀπείρου εἶναι, τὴν δὲ εἰς τὸ εἶσω, ἑνώσεως καὶ ὁσίας, id est, *tonicam quandam effe motionem in corporibus, quæ intro simul & extra* (vides veram corporum naturam verissime expressam) *feratur: & eam quidem quæ extra fertur, magnitudines & qualitates efficere*, (nempe æther) *quæ vero intro, (aer) unionem atque substantiam.*

§. 55. Eadem hæc duo elementa respexit haud dubie antiquis *Empedocles*, qui *quatuor* quidem statuit *elementa*, duo vero *principia*, *amicitiam* atque *discordiam*, quorum hoc res *discernat*, illud vero *uniat*. Cum enim ejus hæc doctrina sit physica, duo illa vocabula, *amicitiam* & *discordiam*, necessario quoque sensu physico accepit: & adeo per *amicitiam* nihil aliud quam aerem propter illum motum unionis, quo a peripheria ad centrum tendit, per *discordiam* vero, ob motum contrarium, haud dubie ætherem intellexit. De *Ægyptiis* & *Phœniciis* eadem hæc duo elementa in doctrinis suis respicientibus vid. supra Cap. I. §. 6. & seqq.

Vide Plu-
tarch. de pla-
cit. philos.
C. III.

§. 56. Ex duobus ergo his elementis, eorumque duplici motu imposterum *omnia* corporum phænomena, ita deducemus Bono cum Deo, ut *fictionibus* præmissarum, Cartesio & aliis, valde familiaribus, penitus abstinemus, nihilque in applicatione vocemus in subsidium, nisi quod liqueat, & in confesso sit. Quodsi interdum aut demonstrationes *hypothesei quadam subsidiaria* opus erit, ea non prius usuri sumus, quam antea ex aliis, quam de quibus agitur, phænomenis fuerit probata. Hoc nobis si successerit, quilibet cordatus, vel hinc tantum intelliget, quod hæc principia sint vera. Cartesius vero & reliqui philosophi, motus suorum principiorum haud determinantes, sed ad quodlibet phænomenon alium atque alium sibi sumentes, etsi conclusiones etiam deducant, tamen inde ob *frequentissimas fisiones* opinionem veritatis sibi suisque principiis haud fœnerantur, cum ex quibuslibet e diametro oppositis principiis, *eadem fingendi libertate*, eadem conclusiones queant confici. Sane Cartesius, dum motus materiæ in-

R

ditos

ditos *determinari non posse, sed sola experientia investigari debere*, ait, eo ipso petulantissimis fictionibus fenestram aperit, & ex naturæ venerabili scrutinio lulum facit.

S E C T I O V.

De

*Ufu veræ de elementis doctrinæ adversus
superstitionem.*

§. 57.

P Rincipia mechanica & Aristotelica, cum sint ad explicandas causas naturales valde insufficientia, ac quicquid naturaliter explicari nequit, nihil aliud insinuare obiter res intueri consuetis, quam aliquam de vi supernaturali, quæ effectus mirabilis causa sit, persuasionem possit; disponuntur ea ipsa insufficientia hominum animi ad horum alterutrum, ut vel negent veritatem facti mirabilis, vel si abunde illa de veritate convincantur, ut credant vel Dei, vel diaboli effectus esse, quos contingere naturaliter posse, principiis suis assequi nequeunt.

§. 58. Et mechanici quidem philosophi in duplici sunt differentia, quatenus vel Christiani sunt vel ethnici: hi *omnes* cum sint *atheï*, ad ravim usque negant veritatem facti, & omne suum studium in eo ponunt, ut quomodo decipi potuerint observatores illius facti, ostendant: quodsi vel idem vel simile quiddam ipsimet vel observent, more suo possibilitatem cum probabilitate, adeoque veritate, confundendi, centum potius ineptias confingunt, quam ut principiorum suorum insufficientiam, agnoscant.

§. 59. Christiani mechanici in his angustiis, si vere Christiani sint, vel ad Deum recurrunt, vel ad diabolum: unde his quam maxime *solenne est, Deum ad conclusiones advocare*, & cum demonstrare non possint, qui illud mirabile ex principiis possit intelligi mechanicis, per Dei omnipotentiam illud ex illis fluere existi-

existimant, non perpendentes, quod ideo naturam creaverit Deus, ut hisce effectibus immediate producendis supersederet. Sic ergo mechanici ethnici ad sapientem hominem indignam, negandi veritatem facti, pertinaciam, ab insufficientia principiorum suorum, inclinantur, Christiani hac ipsa ad superstitionem.

§. 60. Peripateticorum principiorum generalitas paulo aliter ad superstitionem ducit. Hi namque philosophi, abstractis, & iis quidem metaphysicis, ut supra dictum, utentes principiis, adseverecerunt suum intellectum, ut nisi res, de quibus meditantur, sub certo aliquo comprehendantur genere, eas non putent pertinere ad physicam, adeoque vel negent, vel superstitiose ad Deum, bonosve, aut malos, spiritus referant: unde si singulare quid accidat, quia eo ipso, quo singulare est, ad nullam speciem referri potest, putant multi horum, quod ideo quoque physice non possit comprehendere, unde vel Deo referunt acceptum vel diabolo: v. g. si quis febricitans loquatur lingua, quam nunquam addidit.

Vid. Cap.
sequ. §. 97.

*Quod nulla philosophia superstitiosa religioni aptior
sit Peripatetica.*

§. 61. Etsi ergo ex dictis pateat, quod & mechanica & Aristotelica physica propter insufficientiam, superstitioni aditum in animum aperiant; nullam tamen deprehendo superstitioni aptiorem Peripatetica. Nam per principia sua abstracta *promiscue se habet ad veritatem & ad falsitatem*, quod magnum jam ad superstitionem, etsi generale, adjumentum est: dein, cum ita adfecti sint hujus philosophiæ sectarii, *abstractis* metaphysicis omnia sua ratiocinaria tentare, & per consequens quoque physica, ut putent ratiocinari se quoque non posse, nisi suppetant talia abstracta: cum quoque effectus mirabiles sint singulares, & hisce abstractionibus adeo haud apti; omnis ratiocinandi materia perit his philosophis, si abstrahendiconatus non succedant: unde protinus exclamant, quod tale quid sit contra naturam, adeoque vel Deo, vel bono aut malo spiritui adscribendum. Hinc si tales philosophi ea vivant in religione, quæ multa persuadet populo miracula, applausu excipitur Peripatetica philosophia, sicque corrupta philosophia corruptam religionem

adjuvat. Hinc & *Arabes* olim & *Judei* avide amplexi sunt hanc Aristotelis philosophiam : contra & primi *Patres Ecclesie* nunquam faverunt placitis Aristotelis , & ipse beatus *Lutherus* noster philosophiam illam ex scholis & academiis proscribendam voluit.

§. 62. At vero philosophia mechanica equidem multa quoque statuere debet miracula : sed primo non tam promiscue se habet ad veritatem & falsitatem , uti Aristotelica : ponit enim principia determinata , substantialia , non vitiose generalia , & abstracta ; unde jam hoc respectu non tam quadrat falsis religionibus , ut Peripatetica , quæ physica habet principia , *ab omnium discentium philosophorum principiis abstracta* ; Quæcunque enim aliquis statuat principia , debet aliquid activi statuere , aliquid passivi , illud , si velit , poterit *formam* vocare , hoc *materiam*. Dein mechanica philosophia , antequam miracula agnoscat , tentat subsidium negandi facti , porro subsidium possibilitatum , & *ægre adeo agnoscit miracula* , quoniam antiqui mechanici ethnici , quorum lectione imbutus est animus , plane agnoverunt nulla : at Peripatetici acute & ex instituto Philosophi suis utentes principiis , non possunt non largam miraculorum exhibere segetem.

De mirac.
vide supra
Cap. I. §. 133.
seqq.

S E C T I O VI.

De

Uso doctrinæ de elementis adversus atheismum.

§. 63.

Cap. I. §. 99.
seqq.

MUltum refert ad rectum de Deo conceptum , quomodo definiantur elementa. Divina enim esse eadem , supra probavi : at cavendum hic est , ne principia humana & naturalia dicantur divina , etsi revera non sint , id est , ne talia sint , ut nulla Divinitate ad ea facienda fuerit opus , & a Deo tamen , (quo animo , non dicam) dicantur facta.

Pesti-

Pestilens doctrina est, principia dicere Divina, quæ Divina non sint.

§. 64. Talia sunt & Aristotelica, & Cartesiana, & Gassendistica, quod attentius consideranti apparebit. Nam Aristotelis materia si statuatur esse æterna, palam est, quod forma carere non poterit, saltem externa, & ex mente Aristotelis etiam non interna. Forma autem præsens prioris, futuræque, seu successuræ, formæ privatio est, adeoque *data materiæ æternitate*, non apparet, quid DEUS ad principia, adeoque ad totam naturam, contulerit. Æternitatem vero materiæ primæ καὶ ἀνάρχου obtinebit ille, qui contra existentiam Summi Numinis disputat: cum qui defendit, concedere debeat adversario, quod nihil absurdi habeat statuere, existere aliquid ab æterno.

Vid. supra C.
II. §. 12.

§. 65. Cartesii vero principia cum talia sint, ut vel ipsæ eadem pro falsis habere non recuset, & nihilominus inde phænomena sese naturalia secundo fluxu deducturum confidat, & quidem beneficio legum naturæ, dirigenda nobis attentionis acies adversus has leges est. Prima lex eo spectat, ut omnis motus passivi externa causa tollatur, adeoque admirabilis illa revolutio stellarum, per se fieri, possit concipi, dummodo detur initium motus: cum autem hic nullus alius motus, quam *impressionis* requiratur, & ad hunc perpetrandum nullum ens præter potentem aliquem spiritum, vel motum gravitatis, videatur esse necessarium, sic eo ipso optimum argumentum Divinæ existentiae vides sublatum. Secunda lex id efficit, ut appareat motum circula rem esse à motu recto, cumque præter rectum & circula rem nullus alius dari motus queat, apparet, quod à motu gravitatis omnis alius deduci possit. Quamvis autem gravitatem corporibus non essentialem existimet Cartesius, sed à pressione globulorum cælestium eandem deducat; tamen & Gassendus & multi alii philosophi essentialem eandem corporibus putant, nihilque est, quod id ipsum statuere prohibeat; unde si quis id ipsum assumat, *gravitas dabit motum rectum, rectus circula rem, hi duo omnes reliquos* comprehendent: ergo omnis motus erit à gravitate: omnis gravitas potest concipi ut essentialis cor-
R 3
pore:

Vid. supra h.
Cap. §. 8.

Princ. P. IV.
§. 20.

Vid. h. Libri.
Cap. I. §. 170.

supra C. II.
§. 40.

pori: corpus vero seu materia (nam Cartesianis hæc duo æquipol-
lent) etsi ab æterno esse non possit, tamen illud argumentum vulgo
suo loco à nobis adductum ignoratur, & materiam æternam ple-
rique antiqui philosophi statuunt. Unde, si hoc assumatur, tota na-
tura erit absque Deo.

§. 66. Gassendi quoque ab Epicuro abalienata principia ni-
hil Divini habent. Nam & hic corpus non distinguit à materia :
materia vulgo creditur posse esse ab æterno : ergo si materia est ab
æterno, ejus quoque figura est ab æterno : nemo enim ullo modo
concipere materiam absque figura potest. Restat vacuum, hoc, si
materia est ab æterno, (quia generatur per connexionem atomorum
beneficio motus declinationis) & ipsum quoque à nulla causa Infi-
nita erit, saltem non à Deo, ideo quia per atomos generatur.
Hinc patet, quod hujus quoque philosophiæ principia *possint esse
à seipsis*, & quod non sit, cur DEUM aliquem statuere necessario
debeamus.

§. 67. Jam utut singulæ hæc hypotheses mentionem faciant
Dei, Eumque causam principiorum suorum perhibeant ; tamen si
quis presse his meditationibus inhæreat, easque veras existimet, recte
ratiocinando non potest, saltem secundum has hypotheser, aliter
concludere, quam quod non appareat, qui ad hæc constituenda
principia aliqua Deitatis idea opus sit : cumque omnes homines
suis meditationibus, utpote proprii ingenii fœtibus, nulliusque
affectus, quem in alienis curiosius veremur, suspectis, plus attri-
buant, quam alienis, *sit, ut eo certius confidant*, recte se habitu-
rum, quicquid hoc modo concluditur. Sic ergo pertinacius per
hæc principia confirmantur in impiis conclusionibus, quam si dicti
auctores aperte professi sint, se ideo hæc commentos esse principia,
ut DEUM dari negarent.

Vid. Cap. I.
§. 104.

§. 68. Nostri vero principia Divina sunt (nihilò idcirco
cæteris obscuriora) id est, talia, ad quæ constituenda necessario con-
currere debuit DEUS. Neque enim naturaliter corpus aliquod
potest moveri à centro ad peripheriam, alterum contrario pollere
motu. Nam utut forte dicas, motum aeris ad centrum esse ipsam
illam mechanicorum gravitatem, tamen hoc nostro sensu non
procedit :

procedit: neque enim centrum vel terræ vel planetæ intelligimus, sed ipsius bullulæ aeræ. Quodsi nihilominus instes, & hunc, & motum ætheris contrarium, potuisse à seipsis existere, ablegabo te, cum pace tua, ad demonstrationem nostram capite primo de existentia Dei datam, ubi intelliges clarissime, quod à se neutiquam hi possint esse morus. maxime ad
sum 170.

SECTIO VII.

De

*Usu elementorum doctrinæ in prudentia
circa sanitatem, seu dietetica.*

§. 69.

Cum pleræque antiquorum medicorum usu careant hodierno opinioniones, doctrina tamen de quatuor temperamentis viget adhuc, atque valet: quia casu accidit, ut veritas aliqua cum quatuor humorum errore sortiretur connexionem. Neque dicti quatuor humores, sanguis, phlegma, cholera & melancholia, verum temperamentorum dividendorum *fundamentum* sunt, sed supra à nobis demonstrata illa duo elementa, æther & aer.

*Quatuor temperamentorum fundamentum
dividendi.*

§. 70. Cum enim uterque sit vel nobilior vel ignobilior, patet, quod non nisi *quatuor* combinationes hic possint dari: (1) Ætheris & aeris nobilioris, quod est temperamentum sanguineum. (2) Ætheris & aeris ignobilioris, quod est temperamentum phlegmaticum. (3) Ætheris nobilioris & aeris ignobilioris, quod est cholericum. (4) Aeris nobilioris & ætheris ignobilioris, & hoc est melancholicum. Etsi vero sic quatuor solum sint temperamenta, diversi tamen eorum concipi possunt *gradus*, quos quamvis accurate determinare haud ausim, tamen numerum certum

Vid. supra
C. III. §. 46.

tum ponendo pro incerto, dicamus aerem & ætherem nobilissimum se habere ut LX, ignobilissimum utrumque ut XXX, sic tres erunt gradus temperamenti sanguinei, sex melancholici & cholericici, phlegmatici non nisi unus v.g.

æther	XL	}	temperamenti sanguinei primus gradus.
aer	XL		
æther	L	}	ejusdem secundus gradus.
aer	L		
æther	LX	}	ejusdem gradus tertius.
aer	LX		
æther	LX	}	temperam. choler. primus gradus.
aer	L		
æther	LX	}	ejusdem temperam. secundus gradus.
aer	XL		
æther	LX	}	ejusd. gradus tertius.
aer	XXX		

Dantur hoc adhuc loco, tres gradus debilitatis v.g.

æther	XL		L		L
aer	XXX	item	XXX	item	XL.
aer	LX	}			temperamenti melanchol. primus gradus.
æther	L				
aer	LX	}			temperamenti melanchol. secundus gradus.
æther	XL				
aer	LX	}			ejusdem gradus tertius.
æther	XXX				

Dantur etiam tres gradus debilitatis v.g.

aer	XL	item	L	item	L
æther	XXX		XXX		XL

§. 71. Hæc omnia ut recte in usum deduci queant, singulorum temperamentorum ex natura elementorum, cum consensu experientia, exhibeamus criteria, id notantes ante omnia, quod hic maxime respiciamus temperamenta cardinalia, gradus eorundem secundario.

De sanguineis.

Sanguinei ergo maxime sunt calidi : nam ætheris & aeris nobilissimi conjunctio ignem generat, quod infra demonstrabitur : nullum tamen est dubium, quin sanguinei tertii gradus plus caleant, quam secundi & primi. *Æquabilis* autem hic, cujuscunque gradus sit, calor est, non confundendus cum phlogosibus, quibus obnoxii maxime sunt cholericis.

§. 72. Vasa habent sanguifera, minora vasis cholicorum, & melancholicorum, substantiam carnis valde spongiosam. Causa omnis versatur in nutritione : cumque eodem modo se habeat quoque constitutio phlegmaticorum, & melancholici quoque cum cholicis eandem habeant, sed contrariam, nempe carnem densam, & vasa ampliora, *generali* demonstratione hanc omnem constitutionem expedire licet. Nempe experientia docet, & ratio idem demonstrat, quod sanguinei & phlegmatici magis nutrantur cholicis & melancholicis : hinc a multo nutrimento, exterius vasis appposito, premuntur vasa, ut expandi minus possint, unde ob rationem contrariam vasa & melancholicorum & cholicorum erunt ampliora, quam sanguineorum & phlegmaticorum : in vasis ergo dum sanguis promovetur, & ex his, arteriis nempe, propellitur in substantiam carnis majori vehementia ex minoribus protrahitur in eandem, quam ex majoribus : substantia autem carnis non nisi simili carne circumsepta est, & per se longe minus expansioni resistit, quam vel arteria vel vena, *quadruplici* tunica contexta; unde ex quibus vasis vehementius in carnem propellitur sanguis; illa caro necessario magis expanditur, quam ea, quæ contrario se habet modo; ex quo sequitur, quod phlegmatici & sanguinei substantiam carnis habeant magis porosam, cholicis & melancholicis minus.

§. 73. Cæterum vegeti, durabiles, non adeo vehementes in agendo sunt, demum carnosissimi. Nam quoniam aer, si sufficiens accedat æther, expandi satis potest, ideo sunt vegeti : expansus vero aer, quia non facile rumpitur, ideo quoque sunt durabiles : quia tamen nobilior aer subinde motui ætheris satis valide resistit, ut uno

veluti istu expandi nequeat, fit, ut non tam vehementes in agendo sint, prout cholericis. Carnosi demum ideo sunt, quia pauciores bullulæ ab æthere rumpuntur, adeoque plures in nutrimentum corporis abeunt, quam in cholericis.

De phlegmaticis.

§. 74. Phlegmaticorum principale criterium pinguedo & abdomen est: pinguescunt autem ideo, quoniam in cibo atque potu ordinario plures bullulæ & particulæ ignobiliores dantur, quam nobiliores: omne autem temperamentum similia adsciscit elementa, hinc fiunt humores, ex his ultimo sanguis, qui nutrimentum continet. Propter eandem pinguedinem nec vegeti sunt nec vehementes, sed paulo lentiores atque languidiores. Calor est mediocris propter ignobiliora elementa, æquabilis tamen propter eorundum æqualitatem. De vasorum & substantiæ carnis constitutione vid. §. 72.

De cholericis.

§. 75. Cholericis calorem habent fortem & acrem, minus vero æquabilem, sæpe crescentem, sæpe decrecentem. Nam ætheris particulæ nobiliores bullulas valde ignobiles rumpunt, ut non remaneant nisi pauciores, aliquando nobiles, quæ cum æthere in sanguinem mutantur: ante vero, quam rumpantur bullulæ, incallescunt, quibus ruptis calor iterum minuitur, & novis accedentibus bullulis, & particulis radiantibus, eas expandentibus, reddit calor, durans, donec iterum rumpantur, sic perpetua caloris vicissitudo est in cholericis, qua ipsa à reliquis temperamentis facile distinguuntur. Cæterum vehementes sunt in agendo, vigor tamen eorum haud durat: quia ob activitatem ætheris cito expanduntur bullulæ, expansæ vero rumpuntur. Macriores sunt cæteris, quia plures bullulæ rumpuntur, ut non nisi pauciores in alimentum abire queant. De vasis & carne vide supra §. 72.

De Melancholicis.

§. 76. Melancholici frigidiores sunt cæteris: nam æther debilior

debilior validiores bullulas nunquam, quantum satis est, imprægnare valet. Seduli de cætero sunt & patientes, lentiores tamen. Nam sicut aer ipsorum fortis est & durat, Sic & ipsorum actiones durant, adeoque sunt seduli & patientes: sicut vero æther debilior non uno ictu valet expandere aerem, sed lentius expansionem præstat, ita & lentius procedunt omnes eorum actiones.

De præjudiciis vulgaribus circa doctrinam temperamentorum.

§. 77. Ita vulgo sibi non concipiunt indolem temperamentorum, sed antiqui in quatuor humoribus, *sanguine, bile flava, atra, & phlegmate*, fundamentum dividendi quærunt: quos quatuor humores in corpore animali existere equidem haud nego, nego tamen, quod sint quatuor: nam & saliva & lymphæ, & lac & semen eodem jure gaudent, quo hi quatuor dicti humores: nec facile potest concipi, quomodo alter alteri possit in corpore animali prædominari, unde antiquorum hoc fundamentum nullum est. Recentiores vero magis secundum *capacitatem* vasorum æstimant differentiam temperamentorum. Sic vero non nisi duo essent temperamenta, & cholericis cum melancholicis, qui tamen inter se quam maxime differunt, essent confundendi, illaque vasorum capacitas diversa potius temperamenti effectus est, & is quidem accidentalis, quam ejusdem natura & essentia.

Vid. supra
§. 72.

§. 78. Ex hoc antiquorum præjudicio subnati successu temporis in hunc usque diem varii errores sunt, quales: (1) Quod *sanguinei* sint *coloris floridioris & sanguine abundant*: nam ille ipse color potius à diversa teneritudine cutis oritur, quam a temperamento, & phlegmatici atque melancholici æque abundant sanguine ac sanguinei. De phlegmaticis fere nullum est dubium: melancholici vero abundantia sanguinis ideo laborant, quod eorum natura sit frigidior, & minus adeo sanguinis in his consumatur, quam in cholericis.

§. 79. (2) Simile præjudicium nonnullorum est, quo putant, quosdam *flavidiore faciei colore tinctos esse cholericos*, quasi hoc ipso coloris indicio se prodant bilis. Nam illo colore

vel natus quis est, sic impressioni maternæ debetur, præcipue si quis reliquo corpore albus sit: vel deinceps illo fuit imbutus colore, sic haud dubie à morbo est, & non à temperamento. Et non quidem penitus negaverim, bilem posse illum immediate producere colorem, sed hæc non est *bilis temperamenti*, sed *morbi*: hæc enim duo probe sunt distinguenda. Etsi enim forte sanguineum sit omnium optimum, tamen & reliqua ita sunt comparata, ut iis præditus homo sanus esse queat. Ex eodem præjudicio manat quoque assertio quorundam, qui putant eum, qui *multum sputi* rejicit, esse phlegmaticum: nam & hic morbus est, non temperamentum: & sanus phlegmaticus æque minus ac alius sputator est.

Quod temperamenta nullam habeant necessariam cum indole connexionem.

§. 80. Illud autem (3) Præjudicium multam hætenus perit confusionem, quo putant temperamentum hoc physicum necessariam cum indole intellectus & voluntatis habere connexionem, ita ut *sanguinei* sint *voluptuosi*, *choleric* *ambitiosi*, *melancholici* *avar*, & quoniam ex illa parte supersunt adhuc phlegmatici, ex hac sapientes, velint nolint phlegmatici, debent esse sapientes. Nam hoc ipsum, quod numerus non convenit, aperte satis docet, quod nulla inter indolem animi & temperamentum corporis sit connexio: si enim vel maxime conveniret, nondum hinc probaretur, absque aliarum rationum accessu, connexio. Sic v. g. tres sunt affectus cardinales, tres primæ intellectus facultates: nemo hinc, nisi aliæ rationes accedant, probabiliter solum, si recte, quid sit probabilitas, novit, colligit, quod inter utraque sit quædam connexio. Ut autem videas, quod nulla sit, quæ sapientiam inter & phlegma statuitur, connexio, id solum pensita, quod temperamentum nascatur nobiscum, sapientia nequaquam, illaque *frigiditas* & *ἀναισθησία phlegmaticorum* tantum differat ab *indifferentia sapientis*, quantum à virtute natura.

Quod

Quod indoles voluntatis non dependeat à temperamento.

§. 81. Equidem non nego, quosdam affectus animi à corpore excitari, veluti dolor & voluptas: & hinc dependentes alios, veluti appetitus, somnus, libido: nego tamen, oriri hos affectus à temperamento, unde & communes omnium sunt temperamentorum. Cumque diligentia omnis dolorem quendam afferat, & hunc anima nostra sentiat, etiam non nego diversos *diligentie modos* causam sui agnoscere temperamentum. Sic sanguinei sunt alacres, minus tamen constantes & laboriosi, quam melancholici: cholericus sunt fervidi, cito tamen remittentes: phlegmatici ignaviores; rationes harum assertioinum ex §. 70. petendæ sunt. Nec nego quosdam affectus *transitorios gradum* sibi aliquem motus sui acquirere à temperamento; sic ira à temperamento cholericus magis æstuat, quam ab alio: nego vero, quod *affectus habituales perpetui* excitentur à temperamento, quales sunt *ambitio, avaritia, voluptas*.

§. 82. *A priori* autem, ex nostra tamen hypothese; demonstrari potest, quod præter *dolorem* atque *voluptatem*, nullus affectus possit oriri à corpore. Nam dubio caret, quod anima nostra unita sit cum corpore, ex nostra quoque hypothese corpus omne est elasticum, id est, expanditur atque contrahitur, pro diversa augmentatione ætheris sui vel aeris: unde si ultra modum expanditur vel contrahitur, anima dolorem sentit, si nimia expansio vel contractio iterum remittat, voluptatem percipit: aliud nihil corpori potest contingere, ergo nec anima aliud hinc præter dolorem atque voluptatem potest concipere: quod si corpus aliud quiddam generare in anima nequit, in aprico est, quod temperamentum hoc ipsum quoque non possit. Quod si putes, me tamen proximo §o jam concessisse, quod *gradum* sibi aliquem possint à temperamento acquirere affectus; hinc vero sequi, quod temperamentum saltem partem aliquam affectus gignat: respondeo, distinguendum esse inter affectum & inter *motum corporis*, qui affectum sequitur; de hoc assertio mea intelligenda est, non de illo. Jam forte pu-

tabis, etiamsi concedatur mihi thesis, tamen illos affectus habituales, de quibus sô proximo dixi, esse species voluptatis, adeoque καὶ ἀνδραγαθῶν oriri a corpore : respondeo; iterum distinguendum inter ipsum affectum & *consequens* ejusdem : voluptas non est genus ambitionis & avaritiæ, sed utramque, si finem suum obtinuerit, consequitur : quantum autem ad voluptatem, concedo eam esse effectum corporis, intuitu gradus, non autem quatenus est habitualis : nam experientia testatur, quod totidem cholericis sint voluptuosi, quot sanguinei : imo phlegmatici toties sunt voluptuosi, quoties alii affectui dediti.

Quod indoles intellectus non sit à temperamento.

§. 83. Facultates intellectus unde unde sint, certum est, quod non sint a corpore. Certitudinem hanc parit experientia. Sed quia hæcenus vagæ sunt ideæ temperamentorum, & vulgares obscuritatis & inadæquationis vitio laborant, nostræ minus, jure meritoque nostris utimur, non aliis. Unde dum videmus, corpus sæpe mutari per morbos, maxime chronicos, & sæpissime tamen facultates intellectus manere easdem : item sæpe corpus valere, intellectus vires decrescere : porro infantes & pueros sæpe paneraticæ valere, judicium tamen ordinario habere debilius adultis : contra pueros & viros minus firmæ valetudinis interdum optimo & vegeto uti intellectu; recte hinc concludimus, quod intellectus vires nullam cum corpore habeant connexionem, nisi ratione instrumenti : id quod si verum est, ipsa principalis causa harum facultatum alia est, quam corpus.

§. 84. Quod si acrius contendas, dependere vires intellectus a corpore, memoriamque maxime alleges, quippe quæ cum corporis vigore crescat, & decrescat : respondeo, memoriam nobis cum brutis esse communem : homine dignius exemplum esse *judicium*, quod secus ac memoria, cum corpus decrescit, majus capit incrementum : & ut breviter rem conficiam, dico, si vel maxime facultates intellectus sint a corpore, nondum sequitur, quod firmam cum temperamentis habeant connexionem, sed solum quod possint habere ; provoco vero iterum ad cautam & perspicacem expe-

experientiam, quæ docebit, judicium nec constanter cum sanguineis, vel cholericis, vel melancholicis, vel phlegmaticis esse conjunctum.

Quod temperamenta gradu differant, non mixtura.

§. 85. Aliud adhuc (4) ex antiqua hypothese ortum est præjudicium, quo *miscent* temperamenta. Quia enim videbant, hanc doctrinam, quomodocunque applicatam, multa relinquere dubia & instantias, miscuerunt temperamenta, sibi & aliis non tam sustulerunt dubia, quam obscuritate involverunt hypothesicos labes, ut nulla amplius acies in eas penetrare valeret. Sic v. g. si quis videretur intuitu naturalium cholericus, ratione moralium vero melancholicus, dixerunt *cholericomelancholicum*. Ex nostris vero apparet principiis, quod sic jam mixta sint temperamenta, ut misceri amplius haud possint, sed gradu solum differre, & sibi invicem propius accedere queant. Nam si temperamentum cholericum necessario habet ætherem nobiliorem, at melancholicum eundem necessario habet ignobiliorem, a priori patet, quod bullula, quæ habet ætherem nobilissimum, eundem non quoque possit non habere; pari modo judicetur de reliquis.

§. 86. Quod si dicas, eadem bullula & nobilissimum potest continere ætherem, & simul quoque ignobiliorem, concedo utique, sed a solo ignobiliore æthere nullum denominatur temperamentum, & bullula, quæ continet ætherem, non potest simul & nobilis esse & ignobilis. Sed pergis, in uno tamen eodemque temperamento possunt quædam bullulæ esse nobiles quædam ignobiles: respondeo, non nego, posse concurrere utrasque in *humore præparando*, non vero in præparato: nam ut non dicam, quod infra probaturus sum, tales bullulas non posse uniri, experientia notum est, quod quæ per fermentationem fiunt humores, particulas heterogeneas, id est, ignobiles bullulas, a nobilibus expellant, adeoque humor præparatus, qui solus facit temperamentum, sic fiat homogeneus, id est, ex similibus bullulis constitutus. Gradu itaque differunt temperamenta, non mixtura, prout patet ex § 70.

Cap V. §. 31.

§. 87.


§. 87. Quodsi vel maxime cum vulgari hypothefi gratiam velis inire, & pergradus concipere illas mixturas, in aliquibus succedet, in aliquibus vero non item. Sic sanguineum primigradus poffes vocare sanguineo-phlegmaticum, cholicum primi gradus dicere, cholerico-sanguineum, parique modo melancholicum primigradus, melancholico-sanguineum: fed ne concipi quidem ulla-tenus poteft *phlegmatico-cholericum*, vel *phlegmatico-melancholicum*, vel *melancholico-cholericum*, quod ex §. allegato 70. elucfcit, temperamentum.

Regula prudentiæ.

§. 88. Generaliter hic notandum, quod cujuscunque aliquis fit temperamentum, *nunquam profiti rapidius moveri*: nam vires præcipitantur, & uno icu non poffunt, uti fieri par eft, immitti in bullulas. Item, quod *interdum moveri, & dein iterum diutius quiefcere*, fere femper fit fruftraneum: nam perit iterum, quod motu fuit acquifitum. Specialius notetur: (1) Quod *nemini minus profiti motus, faciliusque noceat, quam cholerico*: motu namque nimis imprægnantur bullulæ debiliores æthere, & hinc rumpuntur. (2) Quod *motus laboriofus profiti quam maxime melancholico*: fiunt enim per motum æthere pleniores robuftæ hujus temperamentum bullulæ. (3) Quod *mediocris motus valde profiti & sanguineo & phlegmatico*: Satiuf enim femper eft turgere bullulas æthere, quam carere: quia vero omnis bullularum ruptio debilitat, & hoc contingere de facili poffet, fi vehementior fit motus, fatius his femper eft mediocriter moveri quam vehementer.

§. 89. De miffione fanguinis fic habe: (4) *Quod omnium maxime profiti melancholicis*: ob hi namque frigiditatem fuam hepares habent, quod consumptioni fanguinis per falificationem (nos enim *hepati* hoc munus damus) minus aptum eft, unde fubinde abundant fanguine (5) *Sanguineis maxime convenit fcarificatio*, quoniam abundantia fanguinis non in vafis eft, fed in fubftantia corporis. (6) *Cholerici plane non utantur venæfectione*: nam & fanguinem & fenum plus fatis difflat nobiliffimus eorum æther. (7) *Quia fanguis fit ex elementis nobiliffimis, multum feri, pa-*
rum

rum habent sanguinis phlegmatici; unde pro consumendo sero utantur potius diaphoresi, diuresi & catharsi, quam venæsectione: sed quia & diaphoresis multas perbonas rumpit bullulas, & catharsis nimium turbat lactificationem, nihil hisce magis proficuum est diuresi.



CAPUT IV.

De

*Principiis secundis intelligibilibus
animantibus, seu Spiritu.*

SECTIO I.

Doctrina Aristotelis de spiritu.

§. 1.



Aristoteles postquam opiniones antiquorum, Democriti, Leucippi &c. animam per τὸ κινῆν, seu id quod movet, explicantium, recensuit, porro ostendit ante omnia, quod anima sit substantia, dein ita describit διὸ ψυχὴ ἐστὶν ἐντελέχεια ἡ πρώτη σώματος φυσικῆς, ζῶνι ἔχοντος δύναμιν. τοιοῦτον δὲ, ὃ ἀν' ἡ' ὁργανικόν,

id est, anima est actus primus corporis physici vitam potentia habentis, ejus scilicet corporis, quod sit organicum: hæc enim ita intelligenda esse, paulo post sequentia ostendunt, quando dicit, quod anima sit ἡ πρώτη ἐντελέχεια σώματος φυσικῆς ὁργανικῆς. Addit vero non sine causa, quod etiam plantæ habeant organa, sed valde simplicia: ex quibus verbis apparet, quod animam velis de tribus illis notissimis speciebus, homine, bruto, & planta, intellectam.

Lib. I. &c
Anima
Cap. II. r. 20.
Lib. II. c. I.
r. 4.

I

§. 2.

Cap. I. § 64.

§. 2. Vere hic iterum probat Aristoteles, quod de ipso supra suspicatus sum: Hæc enim tam metaphysice concinnata definitio est, ut quicquid de anima sentias, cum hac definitione conciliare possis. Sive enim dicas animam substantiam, sive accidens, sive corpoream, sive incorpoream, sive ex elementis compositam, sive non, poteris semper admittere, quod anima sit actus primus corporis physici organici: nihil enim aliud hac definitione dicitur, quam quod anima sit potentia quædam, vel, ut magis ad palatum Peripateticorum loquar, vis quædam activa, a qua actiones corporum viventium dependant.

Lib. II. c. II.
§. 26.

§. 3. Sed hæc definitio & *latis* est suo definito, & *angustior*: ita enim concinnata est, ut de nullo alio spiritu quam *incompleto* dici queat; unde porro ait, quo bene opacentur, qui dicant, μήτε ἀνε σώματι εἶναι, μήτε σῶμά τι ψυχῇ, id est, *neque absque corpore esse animam, neque corporeum quiddam*: id quod in odium Platonis, dæmones statuentis, videtur & assumere & laudare. Falsum vero esse, quod anima necessario in corpore sit organico, vel nostra fides Christiana tum per angelos & diabolos, tum per animæ nostræ immortalitatem comprobatur: vel ipsa fides historica, de variis spectrorum apparitionibus, idem probabiliter adstruit.

§. 4. *Latis* est eadem suo definito, competit enim quæque spiritibus animalibus, quatenus mechanice movent corpus animale, v.g. in spasmodis & convulsionibus; competit eadem aliis quoque motibus mechanicis, v.g. fermentationi ventriculi; spiritus enim mechanice affluunt, & sic vere sunt actus primus corporis organici: item mechanicæ sanguinis adscensionis per venas.

§. 5. Et, si vel maxime etiam adæquata esset hæc descriptio, non tamen esset nisi nominalis: explicat enim saltem acceptionem vocis ratione *latitudinis* objecti: neque enim dicit, quid sit anima, sed in quo sit, nempe in corpore naturali organico: quod autem additur, esse eam *ἐντελέχεια πρώτη*, seu primum actum, id *genus* definitionis conficit, & pluribus præter animam competit. Quod itaque reliquum est definitionis, cum nihil dicat de natura animæ, sed de ejus solum subjecto, patet, realem non esse hanc definitionem.

fnitionem, sed *pure nominalem*: ut enim realis fieret, deberet dici, in quo ejus consistat natura, sicut v. g. Cartesius asseruit, quod cogitatione absolvarur; at nihil hic auditur loco differentiae, quam quod sit in corpore naturali organico: & cum quis dubitare possit, an etiam plantarum corpora sint organica, expresse id ipsum additur.

Aristoteles per animam calorem intelligit.

§. 8. Et quidem ideo tam obscure de anima videtur locutus Aristoteles, quod ipse valde faveret opinioni *Democriti*, animam calorem esse statuentis; quam opinionem cum videret vulgari de campis Elisiis per suasioni valde contrariam, quippe animae corruptionis conclusionem manifeste inferentem, memor factorum Socratis, celabat, ne idem vulgi odium in ipsum insurgeret. Incaute tamen hanc suam sententiam in libro III. de Generat. animal. protulit, ubi statuit, esse in hoc universo *θεμώτητα ψυχῶν*, id est *calorem animale*, quem non ab animali, sed ab anima sic dici, Graeca docent: unde & *subneκτιῶς τρόπων τινὰ πάντα ψυχῆς ἵναί πλήρη*, id est, *ut adeo quodammodo animae omnia sint plena*. Quamvis autem alibi mentem distinguat ab anima dicendo: *λείπεται δὲ τὸν νῦν μόνον θύραθεν ἐπιεικύναι καὶ θεῖον εἶναι μόνον*: id est, *relinquitur ergo, solam mentem extrinsecus accedere, & solam esse Divinam*; tamen haec solum dixisse videtur, ut populo placeret.

Vid. Lib. I.
de Anima
cap. II.

Cap. ult.

Lib. II. De
Generat. Ani-
mal.

§. 9. Nam materiam tanti momenti valde tractat frigide, dum nullibi ex instituto de mente agit: Anaxagoram, qui mente & anima tanquam *μία φύσις*, *una natura*, usus fuerat, non refutat: imo nec refutare poterat, quippe cui mens nihil aliud erat, quam aliqua animae facultas, non substantia diversa, imo & pars animae, sicut patet ex Magn. Moral. lib. I. cap. XXXV. unde & mentem *μακρὸν* *duo* vocat *instrumenta*, hanc corporis, illam animae, de qua dicit *ὅτι ἐπὶ γῆρας μάλιστα ἡμῖν παραγίνεσθαι*, *quod in senectute nobis maxime contingat*: & alibi ait, *ὡς γὰρ ἐν σώματι ὁψις, ἐν ψυχῇ νῦς*: id est, *sicut visus in corpore est, ita in anima mens*. Ex quibus locis quilibet intelligit, quod Aristoteles per mentem non diversam ab anima substantiam, sed *intellectum*, & maxime *judicium* usu excultum, intellexerit. Esi ergo ex dictis probabile

De Anima
lib. I. cap. II.

Probl. Sect.
XXX. qu. V.

Lib. I. de
Morib.
Cap. IV.

sit, quod Aristoteles etiam per animam rationalem seu humanam, nihil aliud intellexerit, quam calorem sensu Democriti, quem & alias constat sedulo a Stagira fuisse evolutum, & ἀπλῶς ταῦτο τὴν ψυχὴν καὶ τὸν νῦν, id est, *simpliciter eandem esse animam & mentem* dixisse, ex lib. I. cap. II. de Anima, pateat; quia tamen aperre hoc ipsum haud proficetur, pluribus ipsius de anima conceptum convellere nolo.

De anima Peripatetica divisione.

§. 10. Animam vulgo Peripatetici faciunt triplicem, vegetativam, sensitivam & rationalem, quam nullibi sic *immediate*, ab Aristotele *divisam* deprehendi: Sed hic quidem solidiore dividendi fundamento, animam passim dividit in *rationalem* & *irrationalem*; illam male dividit in duas partes, τὸ μὲν βελωτικόν, τὸ δὲ ἐπιστημονικόν, id est, *in consultatricem & scientiæ indagatricem*. Fundamentum enim dividendi est duplex objectum, demonstrativum, arque probabile: nullibi vero rationabile dividendi fundamentum, quam in disciplinis, *ab objecto* desumi, ostendi in tractatu de sensu Veri & Falsi. Utramque vero hanc divisionem in Nicomachiorum seu de Moribus lib. VI. cap. II. repetit, & ibidem irrationalem quoque dividit in duas partes *φύικόν καὶ ἐπιθυμητικόν*, id est *vegetivam & concupiscibilem*, quam posteriorem dicit rationis quodammodo participem; sed iterum non satis ἀκριβῶς: illa enim & vegetatio, & concupiscentia animæ irrationalis prædicata sunt accidentalia, & quidem quantum ad concupiscentiam, hæc est effectus, cujus causæ sociæ sunt anima rationalis & irrationalis: nam nuda quidem cupiditas animæ irrationalis effectus est, quatenus autem ab intelligente in nobis principio, seu mente, dirigitur, eatenus dicitur rationis particeps, quod de vegetativa dici non potest: hæc enim suas ordinario sequitur ideas, nec ab iisdem se patitur cogitatione deflecti, nisi rarius, v.g. in generatione monstrorum ab impressione. Hoc tamen phenomenon satis probat, quod & hoc fundamentum dividendi, in animam rationis participem seu concupiscibilem, & ejusdem non participem, seu vegetativam, non sit firmum. Et si enim

v. g. Ματθ.
Moral. Lib. I.
Cap. X.
Ibid. lib. I.
Cap. XXXV.

Lib. I. Cap.
IX. §. 12. &
33.
Lib. I. cap.
alc.

enim vegetativa ordinario respuat impressiones mentis, ejus tamen natura non penitus repugnat easdem admittere.

Anima sensitiva commentum Scholasticorum.

§. 12. Hæc ergo divisio etsi nulla sit, tamen plus ei tribuit Stagiritæ, quam divisioni in sensitivam & vegetativam. Nam sensitivæ rarius facit mentionem, & ubi facit, eodem loco & nutritivam habet & imaginativam. De *concupiscibili* vero anima dicit, quod & λόγος & δυνάμει differat a reliquis: & recte quidem; nam illa appetitiva, quam vocat, anima essentialiter a ratiocinativa est distincta; illiusque natura & essentia, in intellectu quodam passivo seu facultate recipiendi ideas & secundum eas agendi, consistit, hujus in intellectu activo, seu facultate formandi & imprimendi ideas, unde Scholasticorum commentum videtur esse distinctio animæ sensitivæ a rationali.

De Anima
Lib. III.
Cap. IX.

Vid. dissertationem
proæm.
Tract. de
sensu Veri &
Falsi.

§. 13. Membra enim dividentia si diversas debeant notare substantias, per ea debent concipi accidentia, quorum unum alteri non sit essentialis: & ratiocinationi essentialis est sensus: nam vegetario quidem potest esse absque ratiocinatione, itemque absque sensu, & vice versa, & *ratiocinatio* absque sensu esse omnino nequit. Nam ratio strictius accepta judicium est, latius concepta intellectus: intellectus tres habet facultates, ingenium, judicium & memoriam: sic omnis memoria ad intellectum spectat, memoria vero sensationem supponit, unde & sensus ad ratiocinationem pertinet. Sed & si strictius sumatur pro judicio, a memoria non potest separari: quid enim judicabit judicium nisi ideas; & unde proximæ sunt judicii ideas, nisi ex memoria? Hoc interim clarum est, quod memoria possit esse absque ratione, etsi ratio non absque memoria: at nec memoria potest esse absque sensu: cum omnes ideas memoriæ oriantur a sensu. Ergo posita ratiocinatione, ponitur memoria; posita memoria, ponitur sensus; unde duæ diversæ substantiæ non sunt, ea quæ ratiocinatur, & ea quæ sentit, etsi non negem, posse duas esse diversas facultates. Quod si putes, ita quoque forsitan hos terminos intellexisse Scholasticos: dico, sic divisio valde est inadæ-

Vid. Sens.
Ver. & Fals.
Lib. I. C. II.
§. 5. & seqq.

quata; nam nutritiva & imaginativa, & *centum alia facultates*, eodem jure possunt addi.

S E C T I O II.

De eo,

Quid Cartesius sentiat de anima.

Cartesius, invita Minerva mechanica, spiritum statuit.

§. 14.

Cartesius, utpote mechanicus physicus, ex connexione doctrinae suae, spiritum debebat negare omnem. Nam *mechanicorum physicorum* intellectus, cum perpetuo plenus sit machinis, & parturit omni tempore & parit machinas, nihilque pulchrum existimat, nisi sit mechanicum, nec aliter quicquam contingere quam mechanice posse, persuasus est, similis Virgiliano illi Tityro, qui cum nullam praeter Mantuam insigniorem vidisset urbem, Romam sibi aliter quam per ideam Mantuae concipere haud poterat, unde sincere suam agnoscens ignorantiam ait: *urbem, quam dicunt Romam, Melibæe, putavi, stultus ego, huic nostrae similem.* Mantua vero haud dubie similior adhuc erat Romae, quam machina corpori humano: etsi enim non inficiemur, esse machinam corpus nostrum, numine tamen animae a pura differt machina, sicut Roma numine Augusti a Mantua; praetereaque humoribus constat nullo mechanismo conditis.

§. 15. Statuit nihilominus Cartesius spiritum, eadem forte intentione, quam de Poeta suo laudat Terentianus ille prologus, *ut placerent populo (& Sorbonnae) quas fecisset fabulas*, parum vero, ne nimis ægre faceret Minervae mechanicae, se probat animarum cultorem, praeter spiritum hominis nullum alium admit-
tendo. Hujus essentiam ponit in cogitando, volitionem etiam ad
modos

Virg. Ec-
log. I.

Andr. Pro-
log.

Meditat. II.

modos cogitandi refert; ipsam vero cogitationem ita sibi concipit, ut rectius intuenti appareat, Cartesium sibi nihil aliud per cogitationem velle, quam id quod alii ante ipsum *cogitationem* dixerunt *reflexam*, seu perceptionem, sive sensationem propriarum animæ actionum. Etsi autem cogitatio hoc sensu necessario sit *passio*, ipse tamen oblitus forte interea hujus positionis in tractatu de Passionibus cogitationes duum generum statuit, quasdam videlicet esse *actiones* animæ, quasdam ejus *passiones*, sive affectus, asserit: actiones esse volitiones nostras, ibidem putat, passionem vero omnes species perceptionum, seu cogitationum, & uno verbo, ut alibi expresse dicit, *intellectum*: non autem solum omnes voluntates nostras actiones dicit, sed & vice versa omnes actiones animæ nostræ voluntates existimat: hinc alibi ait: *cupere aversari, affirmare, negare, dubitare, sunt diversi modi volendi.*

Princ. P. T.
§. XXXII.

Ibid. §. IX.

Part. I. Art.
XVII.

Princ. P. I.
§. XXXII.

*Cartesius male cogitationem cum volitione & sensio-
ne confundit.*

§. 16. Sylva quidem confusionis hæc est, palmaria in eo versatur, quod cogitationem cum volitione & sensatione confundat; ita enim dicit meditatione secunda: *sed quid igitur sum? res cogitans; quid est hoc? nempe dubitans, intelligens, affirmans, volens, nolens, imaginans quoque & sentiens.* Male vero hæc confundi hinc patet; id cogitare vel pro passione, vel pro actione, vel pro utroque sumit: si pro utroque, æquivocum est vocabulum: nam actio & passio nunquam sunt idem, quia nihil potest pati à seipso: quod autem non æquivoce id ipsum sumere queat, hinc elucet, quod in eo loco, unde hæc desumpta sunt, agat de essentia mentis, & in cogitando eam ponat: essentiam ergo statuere æquivocam, *ἀπορον* foret. Ergo alterutram intelligat, necesse est, nempe cogitationem vel activam vel passivam; si illam, sensio non potest esse modus vel species cogitationis: nam omnis sensio est passio. Si hanc, id velle non potest ad cogitationem referri, quoniam, & nostra sententia & Cartesii consensu, volitio est actio.

Vid. Sens. Ver.
& Fals. Lib. I.
Cap. III. §. 6.
seqq.
Vid. supra
§. 15.

Kaſ

καὶ ἀνθρώπων probatur, quod cogitatio & volitio sint
vere diversa.

Medicat. VI.
p. m. 34.

§. 17. Quoniam vero nemo reliquorum philosophorum, præter Cartesium, negat, differre penitus cogitationem & volitionem, suffecerit hoc loco eam differentiam Cartesio καὶ ἀνθρώπων probasse. Utar autem iisdem plane verbis, quibus ille probat, mentem à corpore esse vere distinctam. Ita vero ait: *Quoniam scio omnia, quæ clare & distincte intelligo, talia à Deo fieri posse, qualia illa intelligo, satis est, quod possim unam rem absque altera clare & distincte intelligere, ut certus sim unam ab altera esse diversam* — Jamque applicat hoc ipsum, sequentem in modum pergendo: *Et quamvis fortasse habeam corpus, quod mihi valde arte conjunctum est, quia tamen ex una parte claram & distinctam habeo ideam mei ipsius, quatenus sum tantum res cogitans, non extensa, & ex alia parte distinctam ideam corporis, quatenus est tantum res extensa, non cogitans, certum est, me à corpore meo revera esse distinctum, & absque illo posse existere.* Eodem ergo planissime modo, licet quoque de volitione probare, quod sit à cogitatione distincta, hunc in modum: & quamvis fortasse cogitatio conjuncta sit cum volitione, quia tamen ex una parte claram & distinctam ideam habeo cogitationis, quatenus est tantum facultas affirmandi & negandi, non volendi, & ex alia parte distinctam ideam volitionis, quatenus est tantum facultas concupiscendi, non affirmandi & negandi, certum est cogitationem à volitione revera esse distinctam, & absque illa posse existere. Item,

Quod bruta vere gaudeant anima.

§. 18. Etsi autem hic modus probandi in se sit nullius momenti, tamen ex hoc ipso invicti roboris argumentum educitur adversus Cartesium, quo stabiliri potest, dari adhuc in homine principium aliquod spirituale præter mentem; item, dari in animalibus quoque brutis substantiam à corpore eorum revera distinctam. Nam si ideo duæ sunt in homine substantiæ, anima & corpus,

pus, quia extensionem licet concipere absque cogitatione, & vice versa, sequitur, quod, quoniam volitionem licet absque cogitatione & extensione cogitare, *tres sint in homine substantiæ*: item, quod duæ saltem in bestiis. Nam bestias velle, nemo absque impudentia negare potest; affectibus enim sunt obnoxia, odio, amoris, iræ, vindictæ: affectus autem species volitionum sunt; & tam vere volitio ab extensione est distincta, quam cogitatio ab eadem, eodemque plane, quo Cartesius utitur, ratiocinio distincta à corpore potest deprehendi anima brutorum. Scholastica futilitas foret, brutis concedere quidem *appetitum sensitivum*, denegare vero volitionem; hanc enim distinctionem nihil solidi in recessu habere, credo, per se æstimabunt intelligentes.

Propter præjudicium de essentia anima, Cartesius formationem fœtus mechanice deducere allaborat, frustra tamen.

§. 19. Sic ergo & καὶ ἀδυνάτων patet, & suo loco ex veris principiis demonstrabitur, quod bruta vero gaudeant spiritu. Cartesius vero ut thesin suam de natura animæ sustineat, in tractatu de Formatione fœtus contendit, esse hanc pure mechanicam; quo libello, *nihil* unquam vidi à celebri Viro profectum *nugacius*, quod uno saltem atque altero probabo exemplo.

§. 20. Cor ait ita fieri: Confluere utraque spermata: calorem excitari in eis: calorem hunc efficere, ut nonnullæ ejus particulæ versus aliquem locum spatii, in quo comprehenduntur; coeant, ibique se dilantando, ambientes alias comprimant; quo pacto cor incipiat formari. Breviter itaque videamus, quid solidi subsit huic demonstrationi mechanicæ. Dum calorem dicit excitari, quæro, quem velit intellectum, an ordinarium uteri, an ex confluxu utriusque spermatis ortum? Videtur omnino posteriorem intelligere, quia cum excitari dicit. At dubium est, an mulieres omnino semen habeant fœcundum: dubium est, an semen virile maneat in utero: dubium est, an fœtus formetur ex semine, & hodie fere unanimi consensu negatur. Sed utcumque se habeant ista, preca-

Vid. infra
§. 65.

De Formac.
Fœt. §. 28.

Cap. I. §. 41.

precarium est, ut mitissime dicam, semina hæc duo excitare calorem, qualis in recentibus vinis, dum effervescent, aut etiam in fœno, quod non bene siccatum in horreum fuit conditum, deprehenditur. Nam Cartesius hic suo vitio, de quo alibi dixi, adfectus, non meminit, vix esse id ipsum possibile, probabile neutiquam, tantum abest, ut sit demonstrative verum.

Vid proxime
preced. §. 20.

§. 21. Dein, si calor sufficeret, ut tam cito cor compingeretur, non video, quid ad generationem concursu viri sit opus: ex ipso enim sanguine menstruo longe melius, Cartesiano tamen ratiocinio, poterit cordis demonstrari formatio. Calor enim uteri poterat pariter efficere, ut nonnullæ ejus sanguinis particule versus aliquem locum spatii, in quo comprehenduntur, coeant &c. Huc accedit, quod & sic, (quale quid ex Cartesiana hypothese non potest intelligi) pateat ratio coloris rubri, quo cor præditum esse novimus. Imo nemo, quare non & in ventriculo, & in reliquis visceribus, vel vera formentur corda, vel cordiformes saltem massula, videt.

Modus demonstratæ formationis cordis & ratione materiae falsus est, & ratione formæ.

§. 22. Sed & concessis precariis his propositionibus, videamus, num cætera recte se habeant? Dicit: *calor efficit, ut nonnullæ ejus particule versus aliquem locum spatii, in quo comprehenduntur, coeant*: concedo hoc, sed pluribus fiet in locis: unde, si hinc dependet cordis formatio, plura semper generabuntur corda. Pergit: *ibique se dilatando, ambientes alias comprimant*. Supponit ergo, compressas hæc particulas se dilatare, & hoc necessarium omnino erat sumere, ut ventriculi cordis demonstrari possint: sed quâ audaciâ? Quid est, quod compressas hæc particulas ullo modo dilatare possit? Non calor: hic enim comprimere sumitur: motus autem compressionis contrarius est motui dilatationis: quare itaque Cartesius, si sincerus est philosophus, ne verbulo quidem hujus dilatationis causam assignat? Hoc sane non est demonstrare, sed, quod Cicero alicubi de fictionibus Epicuri ait, *optare*.

§. 23. Sed

§. 23. Sed pergit conclusionem inferendo : *quo pacto cor incipit formari*. At ego rogitum obtesterque omnes Musas mechanicas, ut si melius demonstrare formationem corporis organi- ci haud queant, spiritum potius agnoscant, quam tot modis ineptiant. Nam postquam audacter sibi fabricavit præmissas, quibus opus esse videbatur, necit conclusionem illi similem : *baculus stat in angulo, ergo pluit*. Nam sic quidem bullam aliquam fieri, qualis in fermentatione massæ, alibique generatur, intelligo, cor vero formari, non perspicio : unde enim est carnosa & rubra sub- stantia? unde est figura ejus conica, quæ secundum mechanismum caloris undiquaque comprimentis, potius debebat esse exacte ro- tunda? Sic ergo ex audacter sumtis præmissis, conclusio ne qui- dem sequitur : quæ etsi sequeretur, propter precaria tamen, unde deducta fuit, principia, merito foret suspecta.

*Sola valvula cordis ostendunt, quod cor non fuerit
mechanice formatum.*

§. 24. Et quod de deformatione valvularum habet noster, in- fra refutavi Lib. III. Cap. XVI. §. 4. Scilicet tantum abest, ut hæ valvulæ potuerint fuisse mechanice genitæ, ut potius mirum pos- sit esse mechanico philosopho, quare non à continuo sanguinis im- pulsu abradantur. Nam sumamus v.g. valvulam sinistri ventriculi, per quam egreditur sanguis : hæc si mechanice fuit formata, vel à dilatatione ipsius bullæ cordis fuit generata, vel ab egrediente san- guine : non ab hoc, propter rationem modo dictam : sed nec ab illa, quia dilatatio cordis, potius sibi invicem agglutinasset mem- branas, quam ut eo modo, quo valvulæ conspiciuntur, separare eas à substantia cordis potuisset.

§. 25. Ejusdem commatis sunt & reliqua illius libri, diffi- cilibus nugis de Divino opere referti. Unde pater, quod male Car- tesius spiritum bestiis denegarit omnem, adeoque male descripserit animam, per cogitandi vim. Cæterum cum de tam mirabili cor- dis structura tam crasse philosophetur, eodem contra ipsum modo, ut Cicero quondam adversus Epicurum, mutatis mutandis, insur-

Cic. Lib. II. de
Nat. Deor.

gere liceat, dicendo : *Quod si calor cor potest formare, quare non & panes, & bullas argenteas (Silberne Knöpfe) & varia vasa alia, quæ sunt minus operosa, & multo faciliora? certe ita temere de corde effutit hic philosophus, ut mihi quidem nunquam hanc admirabilem cordis structuram suspexisse videatur.*

SECTIO III.

Epicuri atque Gassendi de anima opinio.

§. 26.

EPICURUS animam contendit esse *corpoream*, etsi ejus corporeitatem existimet esse valde subtilem : probat etiam hinc suam thesin, quia alias nec pati anima possit, nec agere, *cum neutrum sine tactu, & tactus haud absque extensione concipi possint* : & quoniam, communissimo hunc usque in diem philosophantium consensu, corporis essentia in extensione ponitur, satis constare putat, generali conceptu, animam esse corpus. Et adversus eos, qui corporis naturam in extensione constituunt, *inconcussi roboris* est probatio, ut mirandum sit, cum in principio omnes conveniant, plerosque tamen, & eos quidem satis acuti ingenii viros, conclusionem, indissolubili nexu ex principio illatam, respicere : quod dum perpendo, valde dubito, an unquam, bonis rationibus, aliquid obtineri adversus affectus virorum, etiam de cætero satis intelligentium, possit.

Nemesius atque Gassendus veram suam thesin, male adversus Epicurum defendunt.

§. 27. Exemplo possunt esse Nemesii atque Gassendi, adversus hanc conclusionem argutationes. Hi enim cum viderent absurde animam dici corpus, quæ tamen absurditas ex communi ipsius cum Epicuro præjudicio, de corpore, validissima connexionе sequeretur, misere excipiunt : *argumentum non satis universe assumi, uti nec assumatur, si quis enunciet, omne animal inferiorem maxillam movere, cum vel unus crocodilus excipiendus sit.*

Ego

Vid. Ani:
madv. in Lib.
X. Diog.
Laert. p. m.
260.

Ego enim dico, confundi *propositiones accidentales cum essentialibus*: illas posse *exclusivas* esse, v.g. omne animal, præter crocodilum, maxillam movet superiorem: has vero minime, ideo, quia sunt ipsissimæ definitiones, omisso solum genere, v.g. omne corpus est extensum: tales propositiones, si exclusionem admitterent, instantiis essent obnoxie, his si essent obnoxie propositiones, earum definitiones iisdem pariter paterent; si paterent definitiones instantiis, non essent veræ definitiones, sed falsæ. Itaque clarum est, quod fieri non possit, ut ulla *propositio essentialis sit exclusiva*. De his propositionibus essentialibus adhuc notandum est, quod, secus ac reliquæ, possint simpliciter converti: unde perinde est, siue dicam, omne corpus est extensum, siue, omne extensum est corpus, adeoque nec hæc nec illa propositio potest ullo modo esse exclusiva. Ergo si vel Gassendus vel Nemesius de anima disputationem institueret, non possent illam universalem, quod omne extensum sit corpus, declinare: hinc nec Minorem seu assumptionem, quod anima, ideo quod agat, debeat esse extensa, vid. §. 26. unde indissolubili nexu sequitur, quod anima secundum hypothesein vulgarem sit corpus.

§. 28. Sic amoliri infausto conamine maiorem allaborabant, nunc & vires suas experiuntur adversus minorem, dicentes, non sequi, quod quicquid alterum contingat, necessario debeat esse extensum. Duas proferunt instantias, alteram de linea, alteram de albedine, utraque, dicunt, si applicentur, contingere corpora, cum tamen ne possint quidem esse extensa. Sed Epicurus recte declinaret instantiam albedinis, utpote accidentis, cum ipse loquatur de substantiis: ego addo, quod etiam falsum sit albedinem agere, cum applicatur, imo falsum est, eam seorsim sumptam applicari posse; hoc ipsum enim, nempe seorsim sumi & applicari posse, proprium substantiarum est. Declinaret pariter Epicurus instantiam lineæ mathematicæ: nam abstracta hæc est linea, adeoque non opus naturæ, sed intellectus nostri: & hinc etiam non substantia, sed abstractum mathematicorum est fictum. Quod si forte, Peripatetico sensu asseras abstracta quoque esse substantias, contentioni vitandæ causâ, respondebit Epicurus, se loqui

de substantiis primis, non de secundis. Ego idem hic repeto de abstractis, quod supra dixi de accidentibus, quod nec illa corporali modo possint seorsim sumi, & substantiis applicari: de applicatione vero intellectus non loquitur Epicurus: quippe quæ est nuda assertio, & neutiquam vera & proprie dicta, substantiarum primarum applicatio.

§. 29. Sic itaque bonam causam male defendunt Nemesius atque Gassendus: falsissima enim thesis est, animam esse corpus; verissima vero conclusio, ex illo communi, de corporis essentia, præjudicio. Communitas hujus præjudicii effecit, ut *multi antiqui philosophi animam sibi conceperint corpoream*. Hippon enim atque Thales eam crediderunt naturæ esse aqueæ: Anaximander, Anaxagoras & Archelaus, aeræ: Heraclitus, Democritus Hipparchus & Stoici, ignæ: Hippocrates, ignæ & aqueæ: Xenophanes aqueæ & terræ: Parmenides terræ & ignæ: Empedocles ignæ, terræ, aqueæ, aeræ.

Propius à vero abest Epicurus, essentiam animæ in sentiendo constituens, quam ceteri philosophi.

§. 30. De anima pronunciat Epicurus, quod quatuor ab solvatur partibus, *vento, aere, igne*, & quarta quadam parte, quam *ἀκατολόμασον* seu innominatam vocat. Aerem constitutionem animæ ingredi hinc probat, quod anima per modum venti exhalet, à quo abesse aer haud possit; id vero quod de igne dixit, hac stabilit probatione, quod anima calorem præsentia sua corpori conciliet, absentia sua corpus frigidum relinquat. Quia vero nec ventus, nec aer, nec ignis, sensationem ullo modo efficere possint, & vivum tamen corpus etiam sentiat, quartam illam *ἀκατολόμασον* partem hisce superaddendam putat, de qua eleganter ait Lucretius: *atque anima est animæ proporro totius ipsa*. Unde cum fidus interpretes Epicuri Lucretius sit, hinc conjicio, quod Epicurus animæ essentiam præcipue in hac quarta parte, seu *sentiendi facultate*, ponat: quo ipso propius à vero abest, quam omnes reliqui philosophi.

Vid. Animagy. p. 261.

Lucret. Lib. III. p. m. 244.

§. 31. Verum enim est, quod omnis anima sentiat; verum etiam est, quod sola anima sentiat, adeoque vera videretur esse, quam constituit animæ differentiam: id solum desidero, quod sensio non sit animæ differentia, sed ejus modo *proprium*. Arctissime namque conjuncta sunt sensio & intellectio, ita ut una quidem absque altera concipi, existere autem nequaquam possit: unde cum intellectio sit actio, sensio vero passio intellectus, actio autem nobilior passione sit, rectius animæ essentia dicitur in intellectione, quam in sensatione consistere: rectius tamen adhuc in sensatione ponitur, quam vel in prima entelechia, vel cogitatione.

An recte sensationem plantis denegarit Epicurus.

§. 32. Alia vero sensio mentis est, alia animæ (accipio hic animam pro principio menti opposito.) Mens per quinque nota organa sentit, anima, quod infra demonstrabo, per *signa* sive *finnula*. Epicurus ergo dum nullum in animali corpore occurrentium sensus organorum in plantis deprehendit, brutis quidem animam concedit, plantis vero denegat. Hoc vero non fecisset, credo, si pensitasset, intellectionem debere ideo in plantis statui, quia corpus eorum est æque *organicum* ac animalium corpora, id est ita concinnatum, ut diversæ figuræ manifestus aliquis, a nemine nisi pertinaci mechanico, negandus finis appareat. Ergo omne corpus organicum secundum finem factum est, monstratque adeo principium sui, *secundum finem*; agens quicquid autem secundum finem agit, intelligit: ergo in plantis est principium aliquod intelligens: quicquid autem intellectione pollet, debet quoque polere sensatione, etsi ideo non vel visu, vel gustu, vel tactu, vel auditu, vel olfactu. Agit enim principium plantarum secundum finem, semina v. g. & capsulas seminales producendo, ergo agit secundum ideas, quas ut intelligere possit, necessario sentire debet, quocunque demum id fiat modo: de quo pluribus sequenti sectione acturi sumus.

cap. omnium
ultimo.

§. 34. Et ipsa quoque experientia valde dubiam reddit eorum opinionem, qui plantis omnem denegant sensum. Ut enim non adducam, quæ de *arборе pudica* Scaliger habet, alique te-

De subtilitate
Ereæ.

stes

CLXXXI.
n. 28. An-
madv. T. I.
p. 264.

stes oculati, quorum se quoque numero accenset Gassendus, confir-
mant; nec quæ passim de *heliotropiis* nota sunt; vulgatissimum,
modo attente & cum debitis circumstantiis consideretur phæno-
menon *pisorum*, quæ capreolis suis, uti propriis oculis de die in
diem observavi, ita ramis aliarum arborum se applicant, ut vel re-
motorum aliquem tam anxie quærant ramum, ut longius ad eum
sive ante sive retro, sive ex hac sive ex illa constituatur parte, appli-
centur. Ipse *convolvulum* a stipite lauri, cui sese applicabat, plus
vicies dejeci, & cum altior evasisset, ut proprio pondere in terram
dejiceretur, in partem quam maxime adversam detorsi, semper
tamen, cum altero mane redirem, iterum multis convolutionibus
circa stipitem lauri applicatum deprehendi: quod sane vix alio
modo, quam per sensum aliquem, quisquis ille sit, intelligi potest.

Vide & Bo-
rell. Observ.
Lib. I. Obs. C.

S E C T I O IV.

De

*Principiis animantibus, seu spiritu, nostra
opinio.*

Corpus organicum probat existentiam spiritus.

§. 35.

CORPUS organicum est, quod partes habet ita formatas, ut ma-
nifesto cuidam conservationis vel individui vel speciei usui de-
stinatæ deprehendantur: tales sunt in animalibus, os, dentes,
ventriculus, partes genitales: in plantis, radices, semina, capsulæ
feminales: unde patet, quod non solum in animalibus, sed & plan-
tis, sit spiritus. Nam qui usum intendit, usum novit; qui novit eum, ejus
habet ideas; qui habet ideas, recepit illas (de creatis loquor) & per
consequens, est intelligens: ergo ubicunque deprehenditur corpus
organicum, ibi debet subesse principium intelligens: nondum dico,
spiritus; hoc enim, quod principium intelligens sit spiritus, deinceps probabo.

§. 36.

§. 36. Novi, quid hic maxime moretur lectorem; non potest sibi persuadere, quod in plantis sit aliquod principium cotyledones, radices, flores, capsulas seminales & semina, intendens, eorumque usum sciens. Sed nisi sciret, qui posset hæc omnia tam assabre construere? Non autem putare debes, quod scientia hujus principii debeat necessario talis esse, qualis tua lectoris est, nempe reflexiva, id est, *quanon solum sciat, sed & se scire, sciat*. Reflexio enim speciem cognitionis facit, nempe rationalis, nec ad cognitionem in genere requiritur: nam & animalia bruta sciunt multa, se vero scire, nesciunt. Quod autem hæc omnia non formentur mechanice, sed liquidis rationibus suo loco probabo.

seq. §. 19.

Quod principium secundum ideas agens, nihil aliud esse possit quam spiritus.

§. 37. Sic ergo non in homine solum, sed & in cæteris animalibus, imo & plantis, apparet, dari principium aliquod intelligens: hoc, jam demonstrandum venit, esse spiritum. Si enim spiritus non esset, vel corpus foret, vel materia: corpus vero & materia potest quidem impressionem recipere, non vero potest *secundum illam agere*. Sic lapidi quidem potest imprimi ictus ideo vero non potest uti ictus canis motu spontaneo procurrere, vel clamare, multo minus potest nutu, loquela, & aliis signis, ad hoc vel aliud faciendum, permoveri. Ipsa vero materia adhuc multo minus secundum impressiones potest agere: nihil ergo aliud relinquitur, quam spiritus, quod secundum ideas possit agere. Usque adeo *intellectio* arguit spiritum, ut si omnes corporis materiaeque conquirantur potentiae, non appareat, quo possint modo intelligere. Quamvis enim in physicis non liceat, quicquid velis, fingere, tamen ita hic triumphat thesco meæ veritas, ut quamvis omnem licentiam fingendi figuras quascunque, majores, minores, quoslibet motus, mechanicos, sursum deorsum, circulares, elasticos, quodlibet vacuum, quocunque in loco, quam indulgentissime concedam; tamen ne umbra quidem intelligentiæ ex his omnibus possit confici, adeoque intelligenti, & a pertinacia alieno homini, nihil possit esse dubii, principium intelligens esse spiritum.

X

Quod

*Quod spiritus nihil sit aliud, quam substantia
intelligens.*

§. 38. Sic ergo apparet, quod omnis substantia intelligens, seu ideas recipiens (definire nempe præsens) sit spiritus; nunc & demonstrandum, quod spiritus essentia consistat in intellectu: Ad hoc requiritur, ut evincam, (1) *omnem spiritum intelligere.* (2) *solum spiritum intelligere.* (3) *intelligentiam omnes spiritus proprietates comprehendere.* Omnem ergo spiritum intelligere, hinc patet, quod corpus organicum sibi struat. Solum vero spiritum intelligere, inde claret, quod nulla proprietas vel materię vel corporis ullatenus intelligentiam præstare valeat. Quod denique intelligentia omnes spiritus proprietates comprehendat, sic probō: duæ restant proprietates spiritui omni competentes, actio & sensio: actio conceptus generalis spiritus est, quippe quæ elementis quoque & corpori competit, unde sub differentia, nempe intellectu non debet comprehendi: sensio vero ita conjuncta cum intellectu est, ut neutra possit esse absque altera: quod si nihilominus dependentia aliqua statuenda est, rectius dicetur passio, nempe sensio, dependere ab actione, videlicet intellectu. Quod si hoc quoque non omni exceptione majus esse videatur, id saltem indubium est, quod, si queratur, in sensione, an intellectu ponenda sit natura spiritus? rationi convenientius sit, in actione eam constituere, quam in passione.

Vide supra
§. 35. 36.

Vide §. 37.

*Quod corporis organici structura non possit esse pure
mechanica.*

§. 39. Quod vero illa structura non sit mere mechanica, hinc clucet, quod in omni corpore organico deprehendatur structura, utriusque mechanismi, tum mathematici, tum physici, naturæ contraria. Hanc in rem allegabo solum impræsentiarum vegetabilium actionem radice & caulis, ubi duplex observatur motus, alter supra exurgit, alter infra in terram abit. Pone, hic quemcunque velis, mechanismum, nihil intelliges, imo ea quæ non sunt, necessaria.

necessario debere fieri, videbis. Tentemus primum mechanis-
mum mathematicum, indulgeamus quascunque figuras, nihil po-
terit efficere absque motu: accedat hic etiam, sursum, deorsum,
circularis, qualis qualis placeat: hoc saltem nobis pudori sit, *pro-*
vincias dare motui, & huc illucque ambulantem fingere, id
quod vulgo solent, non absque ineptitudine, facere. Si motus
fingatur sursum, planta carebit radicibus, si deorsum, caule, si
assumatur a centro seminis ad peripheriam emanans, circumqua-
que non solum deberent radii protendi, sed & æqualis esse naturæ &
figuræ: nemo vero est, qui nesciat, figuram radicum toto cælo
esse diversam a figura herbæ. Omnia effugia conquiriti po-
terit videri terræ resistentia figuram & consistentiam radicum gigne-
re. Sed semen altius in terram insitum, & inverso quidem naturali
ordine, ita nempe, ut radícula superiora respiciat, caulem, quem infra,
secundum leges motus emanativi, debebat in terram immittere,
curvilineo motu, (qui secundum easdem leges rectus esse debe-
bat) *revertit*, superiusque protrudit: qui motus omni mechani-
smo & physico & mathematico est contrarius.

§. 40. Dein & radices propriam sibi, diversam ab aliis in eo-
dem solo, figuram habent. Quod si terræ resistentia *radicis diffe-*
rentiam a caule efficeret, radices omnes in eodem solo deberent esse
uniformes. At carotæ radix nunquam similis est radici vincetoxici,
et si eidem terræ utraque increseat planta. Testantur hoc genera-
tim orchides & bulbosæ, quorum ad numerum pertinent cepæ, ha-
rum radices nunquam similes erunt radicibus nasturtii Indici, vel
aliis non bulbosis. Quæ hæcenus dicta sunt, valent pariter adversus
mechanismum physicum.

Quod figura planta in semine non sit delineata.

§. 41. Unicum adhuc superest mechanicis refugium, quo
sibi sumunt figuram plantæ in semine a Deo fuisse depictam, quæ
dein accedentibus aqua, & calore, solum expandatur. Sed hæc
hypothesis refutari potest, uno argumento demonstrativo, pluribus
probabilibus. *Demonstrativum* robur id habet, quod jam supra §. 39.
allegavi, nempe, quod si semen inversum inferatur in terram, ita

ut radícula superius, coryledones, seu folia seminalia, inferius spectent, experientia doceat radiculam non exterius emergere, sed reflecti versus inferiora, & folia seminalia versus superiora converti, & supra terram sese efferre, contra omnes leges mechanicas. Quodsi in semine depicta sit figura plantæ, & ab accedente calore expandatur, radícula extra terram deberet protuberare, & speciem vel radici, vel foliorum, repræsentare, coryledones vero demergi, & vel radicem in terra generare, vel folia.

§. 42. *Probabilium* argumentorum non nisi unum liceat urgere. Hinc dico, si semen in se contineret figuram plantæ, radícula haud dubie non in se iveret figuram caulis, quia manifestum est, quod ex radícula fiat radix; ergo in foliis seminalibus deberet delitescere figura caulis & foliorum, vel in gemma: hæc namque tres sunt partes, quibus constant semina. At quod figura caulis & foliorum depicta haud sit in coryledonibus, hinc manifestum est, quod dictæ coryledones totæ absumantur in nutrimentum plantæ, succumque adeo nutriendæ plantæ aptum, non stamina caulis & foliorum contineant, id quod ex Malpighio probat Johann. Rajus. Sic ergo nec in radícula depicta est effigies caulis, nec in foliis seminalibus, superest ergo, ut in gemma sit delineata. At quantillum corpus est gemma, respectu totius seminis? Et quæ fuerit possibile, ut in tantillulo corpusculo, expressa sint caulis, folia, capsulæ seminales, & omnia semina, cum millibus millenis secuturorum, futuris temporibus, plantarum caulibus, foliis, capsulis seminibus & seminibus? Sane qui hæc non consista, sed naturæ judicia esse, putare possit, cum oportet cæco mechanizandi studio esse captum. Quodsi his considerationibus intelligas dari in plantis & vegetabilibus spiritum, nemo dubitare poterit, quia idem in singulis quoque detur animalibus. Aut accedit, quod in animalibus, si diversæ species misceantur, v.g. in Sodomæ nefando facinore, si in semine vel oculo delineata jam essent omnia corporis stamina, & semen virile nihil adderet nisi, quocunque sensu, imprægnationem, monstrum hinc natum non repræsentaret utramque speciem, id quod tamen experientia docet.

Method.
Plantar no-
va p. m. 15.

Distinctio spiritus in mentem & animam.

§. 43. Intelligentibus, puto, probavi, quod corpus organicum arguat intellectiōem, intellectio spiritum, quin &, quod spiritus nihil sit aliud, quam substantia intelligens. Hæc autem substantia intelligens, hoc est, ideas recipiens, ita differt, ut alia recepat ideas ulterius componat & dividat, adeoque active se habeat erga ideas oblatas, seu *intellectu gaudeat activo*; alia ideas solum recipiat, nullamque amplius in eas activitatem exerat, sed secundum eas agat, seu organa sua secundum eas dirigat, & adeo intellectu solum passivo polleat: illa est, quam *mentem* vocamus, hanc *animam*, quæ & *archeus*, nisi vocabulum abusu aliorum aliquid habeat horridi, dici posset.

De Anima existentia.

§. 44. Animæ natura recte cognita nobis non parum pandit naturæ penetralia. Sed demonstranda primum hujus est existentia. Ut brevissimis agam, dico: patet ex superioribus, quod in vegetabilibus aliquis sit spiritus: patet quoque ex proximo §o quod præter mentem & animam nullus possit dari alius: cum autem manifestum sit, quod spiritus vegetabilium non possit cogitare & ratiocinari, claret, quod ille spiritus non sit mens: superest ergo, ut sit anima: unde indubium est, quod detur anima *menti contradistincta*.

De Anima sensuione.

§. 45. Singulari sensuione pollere animam, qua absque organis sensuum consultis, nobis in insciis, cognoscat multa, ex solo *noctambulatorum* phænomeno apparet: hi enim & vias discernunt, & adscensus juxta & descensus tam dextre superant, ut omnibus sensibus corporis conjunctis, nemo solertiam eorum imitari queat: cumque clausis oculis, & dormientes, hoc faciant, nemo, nisi indulgere pertinaciæ velit, negare potest, esse ejusmodi vim *absque organis consuetis sentiendi* in anima.

De ejusdem vi divinationis.

§. 46. Quo modo hæc fiat sensio, non facile determinave-

rit quisquam: cum in corporea sensione, ubi per anatomiam organa perscrutari datur, hoc ipsum satis sit arduum. Sufficere interim videtur nosse hujus sensationis existentiam: unde &, quamvis modus ignoretur penitus, ad eandem sensationem referenda videtur vis aliqua divinationis, a priscis & recentioribus quibusdam philosophis agnita, qua etiam absentia percipit anima, id quod infinitis pene exemplis comprobari potest, quibus observatum fuit, matrem filii mortem, eodem die, imo eadem hora, qua obiit, ita percepisse, ut singulari tristitia fuerit afflicta; pariter deliberantium adversariorum tempore tristis ejusmodi sensus multoties in animo ejus, contra quem deliberatio instituitur, deprehenditur. Sic & horrore commotos novimus iis in locis, ubi vel sicarii vel fera, etiam nondum conspecta, delituit: quæ omnia cum sapissime singulari temporis convenientia sese exerant, jejunum est dicere, quod forte fortuna sic contingant.

§. 47. Hancce vim divinandi tamen se ulterius, quam ad præsentia, non extendere, puto; non ad *præterita*, nec forte ad *futura*: quoniam ad illa requireretur memoria, qua destituitur anima; ad futura vero defunt signa, quibus afficiatur. Quando enim anima vel *somniis*, vel animi gaudio vel tristitia aliquid videtur prædicere futurum, revera anima hoc non prædicit, sed mens nostra concludit: anima vero non sentit nisi præsentia, v.g. præsentem inimicorum deliberationem, præsentem sanguinis cacoehymiam, ex quo vel per modum somnii, vel lætitiæ aut tristitiæ percepto sensu, mens futurum aliquod malum prædicit.

De anima essentia.

§. 48. Essentia animæ consistit in facultate recipiendi ideas practicas, hoc est tales, secundum quas aliquid agendum est, quales sunt *ideæ formatrices*. In se ergo *indifferens* est anima ad omnem actionem, ab ideis veluti imperatam suscipiendam, & quæ hominem format, formare & *brutum* posset & *plantam*, si brutilibus vel vegetabilibus ideis excitaretur.

Duplices animæ idea.

§. 49. Ideæ autem, quibus movetur anima, videntur esse duplices, *mentales & corporales*: illæ sunt, quæ a mente profiscuntur: hæ sunt ipsa corpora, quatenus eorum vel *figura*, vel *motus*, practici quiddam animæ insinuat. Priorum, mentalium puta, exemplum est, quando membra animalia secundum cogitationem, seriam nempe, mentis moventur: horum (corporalium) cum secundum diversa semina diversam instituit formationem anima. Quoad figuram attinet, ideæ, quæ hinc oriuntur in anima, possunt dici *formatrices*, quæ vero oriuntur a motu, quatenus is animæ & intentioni ejus vel gratus est vel ingratus, ideæ possunt dici cupiditatis, seu *grati*, & aversationis, seu *molesti*.

§. 50. Ideæ corporales *fortiores* sunt mentalibus: nam illæ ad *salutem & conservationem* corporis animæque pertinent, hæ vero non semper: unde si sibi invicem repugnent hæ ideæ, ordinario mentales cedunt corporalibus: quandoque tamen contingit contrarium, si mentales sint fortissimæ: sicut exempla *impressio-um maternarum* abunde docent. Imo ideæ *molesti fortiores* videntur ideis grati, & ideis formatricibus: quoniam hæ ad constitutionem & conservationem corporis tendunt, illæ vero ad destructionem ejusdem avertendam respiciunt. Sic morbis vexatus, nec cibum appetit nec potum: sic sensus molesti foetum utero excutit.

De ideis molesti.

§. 51. Cum tantæ dignitatis sint ideæ molesti, seorsim eodem considerare placent. Duplices autem sunt, *communes & propriæ*: quarum hæ solam afficiunt animam; illæ vero animam mentemque simul: illæ sunt maxime exteriores, ideo quia mentis directione exteriora membra moventur, eoque ipso motu malum a corpore prohiberi potest: nam omnis intentio animæ ad formationem & conservationem corporis tendit: propriæ vero ideæ, quæ mentem non afficiunt, sed solam animam, sunt interiores. Sic v.g. si materia aliqua peccans hospitetur in corpore nostro, ejus

præ-

præsentiam vel plane non, vel obscurius saltem cognoscimus, nisi forte copia sua partes nimium expandat, vel acredine lædat; at *anima eam ipsam materiam vivide sentit*, unde contra eam insurgit, & qua data via exturbat: sic nos demum hos animæ, in materiam operantis, sentimus tumultus: unde solennis error & medicorum & ægrorum est, ut, cum ipsam morbi causam atque materiam non semper sentiant ægri, animæ hosce motus secretorios, pro morbo habeant, eisque perperam resistent.

Ex hoc animæ conceptu varia mirabilia natura possunt intelligi, v. g. De sexus diversitate.

§. 52. Ex his de anima thesibus naturæ mirabilia intelligi possunt permulta, mathematico-mechanicis principiis in æternum impervia: quorum aliqua saltem hoc locò adducemus. Sic enim satis intelligere datur, quare interdum masculus nascatur, interdum femina, imo & quare nonnunquam hermaphroditus. De quo infra Sect. III. C. V. §. 31. seqq. specialius egimus.

De Hybridis.

§. 54. Hæc ipsa idearum confusio est causa hybridarum, hoc est animalium ex diversis speciebus generatorum, qualia sunt mulus, & alia, itemque ea monstra, quæ per Sodomæ horrendum crimen nascuntur. Sic enim dum diversæ speciei conjunguntur semina, & in plerisque ideis à se invicem dissentiunt, turbatur anima à diversitate idearum, & jam has sequitur, jam illas; unde quicquid hinc hinc nascitur, nec patrem perfecte repræsentat, nec matrem.

De morsu canis rabidi, & tarantulæ.

- §. 48. §. 55. Supra asseruimus animam esse indifferentem ad omnem actionem, ab ideis veluti imperatam: ideas autem in semine esse signatas. *Semen elaboratum iterum remiseri humori- bus*, & immediate *salivæ*, his indiciis addiscimus, quod praxis medica doceat, in morbis seminis quibuscunque, non solum venereis,

nercis, sed & aliis, si excretio per vasa, ad semen quomocunque pertinentia, impediatur, eam, nisi in ipsa viscera regurgiter, per vasa salivalia continuari. Sic frequentissimum est, bubonem venericum, temerarie repulsum, causare exulcerationem oris, atque faucium, alia permulta, quæ ad medicinam potius videntur spectare, quam ad physicam, hoc loco ut taceam. Hinc jam patere potest, quare à cane rabido demorsi latent, mordeant, aquam fugiant, sicut ipsi canes rabidi, imo & in humoribus suis *effigies canum* producant, uti refert Borell. Cent. I. obs. XXVIII. Nam cum morsu aliquid salivæ, cum saliva aliquid seminis, cum semine aliquid idearum caninarum imprimitur. Hoc seminis spiritibus hominis remixtum, turbat mentem, unde dictas particulas seminales per nervos in humores proturbat; sic anima has ideas agnoscens, excitatur ad agendum secundum illas, unde edit actiones cane, quam homine, digniores: eodem modo judicandum quoque est de tarantulis.

De variis insectis aliisque in ventriculo natis.

§. 56. Sic ergo maxime quidem & primario in semine animalium & plantarum impressæ sunt illæ ideæ, secundario tamen quoque in reliquis humoribus, & partibus; unde mira multa generata in ventriculo nostro conspecturi essemus, nisi per fermentationem illæ *ideæ seminales* educerentur, & loco illarum nostræ immitterentur; id quod est *opus ventriculi*. Hinc vero sequitur, quod si debilis sit noster ventriculus, ut fermentationis ope, non educantur dictæ particule ideales, insecta & alia devorata in ventriculo fuerint renata; unde & pleræque tales observationes simul pravæ constitutionis ventriculi mentionem faciunt. Sic apud Paulinum ex variis auctoribus collecta leguntur exempla, ex assumpto pulvere muris domestici, lumbricorum, bufonum, asellorum, talparum, ranarum, similia animalia fuisse in ventriculo renata. Sic eodem modo intelligi potest, quod ex Aldrovando habet Borell. Cent. I. obs. IX. de ovis, in quibus erant tanquam capita humana, quæ creduntur sic facta ex spermate viri à gallina vorato.

§. 57. Sed videtur tamen ignis expellere posse has particu-

Y

las

Observ. Cent.
II. obs. VII.

Cent. I. obs.
IX.

Obs. Cent.
IV. obs.
XXXIV.

Cap. VI. §. 45.

Schott. Phys.
Curios. Ap-
pend. ad Lib.
XII. cap. X.
§. IV.

Paulin. Obs.
VII. l. all.

Obs. Cent.
I. obs. IX.

§. 57.

las ideales. At idem Borell. refert ex cancrorum cineribus, bovino sanguine irroratis, regeneratos fuisse canculos; quod fieri tali modo non videtur potuisse propter ignis violentiam volatiles omnes partes exturbantis. Sed respondeo, in salibus latere adhuc particulas ætheris nobilissimi, infra demonstrabo: cumque probabile sit in vegetabilibus hospitari dictas particulas ideales in oleo seminum, & non in sale, quod idem forte etiam ita se habet in feminibus animalium, sciendum, quod per ignem oleum mutetur in salem, adeoque fortuito collapsu adhuc in centro particularum salinarum occultari possint, particulæ ideales æthereæ. Unde & Kircherus testatur se sæpe expertum, quod si *sal absynthii* terræ virgini inferatur, intra breve tempus ejusdem speciei plantam prodire.

§. 58. Quod si alia quoque animalia, v.g. canes, feles & similia, de quibus credibile non est, quod per os fuerint assumpta, in ventriculo fuerint nata, reminiscendum est, quod hæc soleant animalia, per ancillarum negligentiam, frequenter cibos degustare: illæ vero, ne reprehendantur, quocunque modo demorsa carnis frustra juribus reddunt, mensæque apponunt. Sic forte per salivam in demorsis frustis relictam intrarunt in *ventriculum valde debilem* particulæ ideis seminalibus signatæ, à quibus ventriculi fermentatione non eductis, excitata fuit hominis anima ad similia animalia fingenda. Et hæc phænomena ostendunt, quod forte nullo nitantur fundamento conjecturæ eorum, qui talia phænomena à deglutitis harum bestiarum seminibus deducunt. Sic Borell. refert historiam piscis in ventriculo generati, & vomitu ita rejecti, ut adhuc viveret, putatque parvulum piscem, horis nocturnis, cum aqua fuisse deglutitum: id quod mihi nullo modo fit verisimile; moriuntur enim pisces in aqua paululum à natali diversa, v.g. fontana, nedum in ventriculo. Subtilius hic agnosco arcanum: & ex piscibus commestis, & in tardo ventriculo non recte fermentatis, eodem modo, ut supra ex cancrorum cinere, puto regeneratum fuisse dictum piscem, & adeo in nativo salivali ventriculi humore incrementa cepisse.

De variis insitionibus.

§. 59. Annon & alias, præter eas, quæ in semine sunt, si-
gnatur-

gnaturas intelligat anima, dubitantem me reddunt varia circa insiriones admiranda, v.g. quando calcaria gallorum castratorum cristæ applicata deprehenduntur crescere non secundum ideam cristæ, unde tamen accedit nutrimentum, sed secundum ideam calcaris: item quando furculi variis stipitibus insiti non referunt folia, flores & fructus stipitis, sed suos: videtur in his anima per succum eo delata, agnoscere ideam corporis, in quod provehitur succus, adeoque ab ejus ideis determinari ad formanda ea, quæ corpori insito conveniunt, & omittenda ea, quæ ad corpus, cui insitio facta est, spectant: eodem modo & judicari potest id, quod habet Borellus de rubo floribus coronato in abdomine pastoris crescente: item de pisce in digito genito.

Cent. I. obs. XXVIII.
Vid. & Gassendi in
vita Peirescii
L. V. p. m. 134

§. 60. In hisce tamen omnibus possibile adhuc videtur, ut in dictis furculis & partibus decisis aliquæ restent ideæ seminales, adeo ut nondum necessè sit statuere, quod anima ipsam immediate figuram corporis insiti intelligat. Sed dum idem Borell. all. I. refert, quod etiam filum sericeum in supercilio mulieris vegetârit, impetare mihi non possem, quin aperte profiterer, animam quoque *figuras rerum* sentire, intelligere, & secundum eas agere, si certo esse persuasus, rem ita, prout refertur, scire habuisse.

De Talismanibus.

§. 61. Hoc si certum esset, aliquod fundamentum sobrii usus Talismanum, seu Talismarum, appareret: si scilicet figura quadam prædita essent, quæ apertam similitudinem, cum expellato animæ effectu, haberent: quale quid videmus in lapide *etite*, cujus usus pro abortu prohibendo intelligentibus & prudentibus etiam medicis probatur: cumque hic lapis alio parvo lapide veluti sit prægnans, si constaret certius, quod anima etiam figuras minerales sentiret atque intelligeret, probabiliter concludere liceret, quod in hac ipsa intelligentia positus sit hic operandi modus, de quo tamen ob sublimitatem rei nondum aliquid definitio, cum etiam si vera sit hæc suspicio, à profanis tamen hominibus, multis modis, in abusum malitiæ possit trahi.

De spiritu mundi.

Dec. I. Ann.
IV Obf.
LXXXIV.

§. 62. Recenſetur in Miſcell. Nat. Curioſ. hiſtoria truttæ ſaxatilis, habeturque ibidem depiſta ejus effigies; ego ex lapidicinis Iſlebiensibus exciſam vidi longe concinnius expreſſam, tam affabre, ut nulla ars concinnitatem ſuperare poſſit. In plano etiam erat delineata, ut nulla ſuſpicio petreſacti piſcis locum haberet. Curioſi varios alios lapides vegetabilibus & animalibus figuris ita notatos, ut nemo de intentione cauſæ efficientis, quæcunque ſit, dubitare poſſit, v.g. piperis, cochleæ & centum aliorum monſtrant. Et hæc omnia niſi forte ſint ex vegetabilibus & animalibus in lapidis naturam traduſta, quod novimus fieri poſſe, de mundi aliqua anima dubitari haud ſinunt: cum alia, ſecundum recte ratiocinandi regulas, cauſa excogitari haud poſſit. Quod enim forte aliquis ad exemplar Cartefiani illius libelli, de formatione fœtus, mechanizaret, ineptire verius eſſet, quam ratiocinari. Sic & *orchides & ſatyria* tam expriment in radice membra genitalia maſcula, ut quædam vix intueri poſſis, quin de iisdem membris cogites, & cum creſcere ſoleant in pratis atque paſcuſ, ubi animalia coeundo interdum ſemen effundunt in terram, ſi obſervari poſſet, quod etiam abſque ſemine ſponte ibi provenirent, iterum aliqua hinc naſceretur de anima mundi ſuſpicio. Sed quoquo modo ſe res habeat, nondum & hic aliquid deſinio, ſed *hanc de anima mundi quæſtionem in medio relinquo.*

De mentis ſubjectis in naturâ ſenſibili.

Vid infra Lib.
III. Cap. ult.
§. 9. ſeqq.

§. 63. Sufficiant hæc de natura animæ: videndum adhuc de natura *mentis* eſt. Ejus vero naturam cum ſatis expoſuerim in toto illo libro, quem de *Senſu veri atque falſi* conſcripſi, nunc videndum adhuc de ſubjecto ejus & diverſitate. In natura ſenſibili duo ſunt ſubjecta mentis, homo & brutum. Mentis autem eſſentia cum in intellectu conſiſtat activo, dubitari poteſt, *an omnino brutis inſit aliquis intellectus activus.* Sed ineſt memoria, & memoria abſque activitate non eſt. Memoria enim retinet ideas à ſenſu impreſſas, & retentas objectis iterum applicat, in quorum utroque

utroque manifesta vis activa sese exerit. Verunamen ipsa quoque anima videtur gaudere memoria, quia ideas recipit, & secundum eas agit. Sed vero receptio illa mera est passio: actio enim, secundum ideas suscepta, in corpus definit, & adeo non est actio idearum, sed totius substantiarum, & insequitur ideam: unde *nulla in anima est memoria.*

§. 64. Memoria autem etsi ad intellectum activum vere pertineat, exiguae tamen activitatis est, si ad ingenium & iudicium compares. De cetero potest quidem memoria esse absque ingenio & iudicio, ingenium vero atque iudicium non absque memoria: quia ingenii atque iudicii materia sunt res memoriarum: unde pater mentem posse esse duplicem, vel singulis tribus facultatibus pollentem, vel non: illa est *mens humana*, hæc *brutalis*. Quando vero singulis tribus facultatibus non pollet, tum vel *solan* habet *memoriam*, qualis in plerisque brutis est; vel *memoriam cum ingenio*, qualis in simia. Superest adhuc conjunctio memoriarum & iudicii, quæ seorsim nulla datur in specie, ideo forte, quod iudicium, ad cognoscendas veritates a Deo nobis datum, carere ingenio haud possit, cum in probabilibus, aliter quam per ingenium, inveniri hypothesis haud queat.

§. 65. Brutorum itaque mens consistit *in memoria*, hominum *in iudicio*. Nemo autem miretur, me brutis quoque mentem attribueret: per mentem enim, uti antecedentia ostendunt, non intelligo rationem, sed intellectum modo activum, ad quem, si recte perpendas, memoria omnino quoque pertinet: itaque mens brutorum memoria est. At vero cum memoria videantur destitui *insecta*, reliquis hæc brutis in eo oppono, quod sola anima videantur prædita, & *medium* quiddam sint inter bruta & vegetabilia, sicut sirenes, satyri, similesque medio habendi sunt loco inter bruta & hominem. Hi namque, animum si spectes, similes sunt brutis; si corpus, hominibus: sic & insecta ratione spiritus sui similes sunt plantis; ratione corporis, animalibus.

De mentibus in natura intelligibili.

§. 66. Sicut autem natura sensibilis est *simulacrum* naturæ intel-

intelligibilis, quo Deus nobis gloriam huius manifestavit, ita non male concluditur ab illa ad hanc: Est ergo hic quoque mens duplex, rationalis & irrationalis, seu sola memoria prædita: illa dicitur *angelus*, hæc *dæmon*. Illum esse duplicem, bonum & malum, sacra docet pagina: angelus responderet homini, dæmon brutis. Hujus mihi ante omnia probanda existentia, quandoquidem multi sunt, qui præter angelos bonos atque malos, nullum dari spiritum, quem vocant completum, existimant.

De existentia demonum.

§. 67. Allata in proximo paragrapho *ratio* pensatur exactius; pensetur & illa, quam proxime, pro existentia angelorum, sumus allaturi. His addatur id, quod in vulgus de *demonibus metallicis*, seu virunculis montanis atque domesticis, notum est: & ne vulgi credatur esse fabula, auctores non subleſtæ fidei, v. g. Georgius Agricola de Animant. subterr. capite ultimo, Athanasius Kircherus, aliique ea afferunt testimonia, quibus non solum constet, dari ejusmodi viros montanos atque metallicos, sed & ex quibus satis constet, nec diabolos eos esse, nec angelos. Idem Agricola in Bermanno p. m. 425. refert: quod suo tempore Annæbergæ, in fodina quadam argenti perquam divite, duodecim metallici necati sint, ideoque fodina derelicta fuerit. Et quod nostra contigit memoria cum pueris Annæbergensibus, probabiliter, meo judicio iisdem dæmonibus debetur: de quo hic non est agendi locus.

§. 68. *Tres jurati testes*, senes fide digni, nominatim Martinus Zichi, Paulus Walzstein, & Christianus Müller, sub fide juramenti & conscientie narrant, primus, quod viderit talem virunculum, reliqui quod audiverint, in una eademque fodina, *Oberpieberstollen* vocata; sicut Bernardus a Brun ad Kircherum id ipsum cum multis perſcripſit circumſtantiis. Ubi & alia adhuc permulta exstant testimonia. Hi vero spiritus, quod non sint angeli, quilibet facile largietur; non vero tam facile, quod non sint diaboli. Cum vero hi virunculi *nunquam ad peccatum, odia, rixas*, irritaverint quemquam, id quod usque adeo diaboli naturæ est infi-

infinitum, ut quamvis non nesciret, se surdas pulsaturum aures, ipsum tamen Salvatorem mundi ad peccandum sollicitavit; quin potius experientia doceat, sicut P. Johannes Eissert ad P. Athanasium Kircherum perscribit, quod *blasphemos, iurantes, fistulatores, & quosvis scelestos non patiantur*; satis hinc id saltem constat, quod non possint esse diaboli. Schott, ibid. P. 195.

§. 70. Non quidem plane de nihilo est, quod putant multi viri venerabiles, sic in retia sua illicere diabolus homines, ut vel ipsam simulet pietatem. Sed respondeo, quid vero hac simulatione lucraretur diabolus, nisi forte, ut ipsi sit copia conversandi cum homine? at pii etiam homines locuti, salva pietate, cum diabolo sunt, & malitiam tamen demum suam *monstrare* deberet, alias frustra simularet: quodsi enim suo inservire fini diabolus velit, hominem quocunque modo instigare debet, *a Deo ut desciscat*, id quod, an unquam dæmon metallicus fecerit, nec quidem fugit.

*Ex ratione probatur existentia & angelorum,
& demonum.*

§. 71. Quia vero supra quoque angelorum mentionem feci, & eorum satis ex sacris literis constet existentia, mihi h. l. eadem quoque, ex ratione, sibi relicta, probanda venit. Valet itaque argumentum supra a natura sensibili ad intelligibilem concludens. §. 66.
Sed & ex possibilitate eorum potest probari existentia. Equidem, quod in Sensu Veri & Falsi ostendimus, in probandis Lib. III. C. I.
existentiis atque essentiis rerum compositarum, nullum est, quod §. 30.
a possibilitate ducitur argumentum, quoniam alias quoque existentia aurei montis probari posset. Quoniam vero essentia, adeoque & existentia rerum compositarum dependet a natura simplicium, & adeo naturaliter aliqua res, quas forte Deus componi voluit, componi haud possent, si in principiis non omnes darentur possibilitates, probabile maxime est, Deum in constituendis rebus simplicioribus, *omnes observasse possibilitates*, ne ad constituenda magis composita ullum possit deesse principium: unica enim in principiis

piis omiſſa poſſibilitas , vel mille alias compoſitiones impediſſet , quorum aliqua forte fini Dei creatoris poterant reſpondere. Sicut vero id non facile determinaveris , *quousque* nempe prima principia a Deo ſecundum omnes poſſibilitates fuerint compoſita ; ita hoc ſaltem certum eſt , quod ſi *magis compoſita* ſint ſecundum omnes poſſibilitates concinnata , etiam minus compoſita ſecundum eaſdem a Deo ſint condita.

§. 72. Cum ergo ſpiritus incompletus ſit magis compoſitus completo , & *ille ſecundum omnes poſſibilitates exiſtat* , rationalis nempe & irrationalis , ſeu ſola memoria præditus , credibile eſt etiam minus compoſitum , nempe completum ſecundum eaſdem dari. Spiritus vero incompletus vel utitur iudicio & memoria , vel ſola memoria , ille homo eſt , hic brutum , unde cum hic ſubſtantiæ ſecundum utramque poſſibilitatem exiſtant *due* , & ibi pari modo exiſtere debent : ſpiritus autem iudicio & memoria pollens quis poteſt aliud eſſe , quam angelus , ſicut iudicio deſtitutis dæmon : ex qua demonſtratione utraque exiſtentia angeli atque dæmonis patet.

Spiritus in genere ſecundum omnes primas poſſibilitates exiſtentia.

§. 73. Ex dictis ergo patet , quod Deus ſit mens puriſſima intellectu infinitæ activitatis & auctoritatis in omnes ſubordinatos ſpiritus pollens : anima mundi , ſi quam velis admittere , ſit anima puriſſima , intellectu ſuo paſſivo directioni mentis puriſſimæ ſubjecta : angelus mens ratione prædita cum anima conjuncta ; dæmon , mens ſola memoria prædita cum anima conjuncta : homo mens ratione prædita cum anima & corpore organico conjuncta : brutum mens ſola memoria pollens cum anima & corpore , infecta animæ cum corpore animali ; plantæ animæ cum corpore vegetabili. Deſideratur adhuc conjunctio *mentis cum ſolo corpore* absque anima : Sed hæc dari non poteſt. Nam mens non poteſt ſibi corpus parare : unde ſi cum corpore ſit unienda , cum anima corporis efſectrice unienda eſt. Caterum *Tritones ſirenes* , & ſimilia pro monſtris habeo ob paucitatem : ſi enim ordinariæ eſſent , creaturæ , quæ ſuum

suum propagare genus possent, plures necessario deberent observari, quam hactenus experientia docuit. Generantur autem forte a cetaceis piscibus humano carne fruentibus, cujus ideis semen piscis confundi, & eodem modo Triton vel Sirene potest generari, sicut in utero muliebri, ex eadem forte confusione, varia beluina monstra formata fuisse, experientia docuit.

S E C T I O V.

De

Usu hujus doctrinae adversus atheismum.

§. 74.

OMnes hactenus a nobis refutatæ de natura spiritus sententiæ, vel satis aperte a cognitione Dei avertunt animum, vel saltem minus nostrâ ad cognitionem Dei adducunt, siue spiritus essentia in actione, quæ multorum olim, & hodiernum adhuc nonnullorum, est opinio: siue in cogitatione, quod Cartesius contendit; siue in sensatione, quæ Epicuri videtur fuisse opinio; siue in entelechia, quod abstractionum metaphysicarum in physicis parens, Aristoteles, voluit, consistere dicatur. Nostra vero de spirituum existentia proximo §o exposita sententia aliquod, non minimi roboris, pro adstruenda Dei existentia, argumentum ostendit.

De hypothesi, quæ in actione ponit naturam spiritus, quatenus est athea.

§. 75. Quodsi spiritus essentia dicatur actione absolvi, confunditur spiritus & cum corpore & cum Deo. Nam corpus vel leve est vel grave, utrumque notionem motus, seu actionis involvit: imo ipsa corporis essentia, elasticitas, vis movendi est; unde secundum hanc hypothesin dicendum esset, quod in omni corpore sit spiritus, id quod tamen falsitatis, ex aliis principiis, potest

Z

Vide supra
§. I.

potest convinci. Sed & hac definitione spiritus cum Deo confunditur, si sensu Democriti, Leucippi, aliorumque, sumatur. His enim spiritus *non erat substantia*, sed *abstractum omnis motus*, ideo factum ab his philosophis, ne Deo attribuantur hujus universi opera, sed huic motui referantur accepta: quo ipso solidissimum illud probandæ existentiae Dei argumentum, ab hisce mundanis effectibus ad causam aliquam primam infinitam concludens, perit. Sed &, quamvis ille ipse spiritus dicatur esse Deus, pars erit hujus universi, quia substantia activa opponitur substantiæ passivæ, adeoque finitus erit, & per consequens, non Deus. Sed & quamvis spiritus aliquis universalis, nostro quoque sensu, admittatur, de quo nondum nostram sententiam determinamus, tamen ille non sub sese comprehenderet omne activum, sed esset solum substantia intellectu passivo, eoque practico, prädita: qui tantum abest, ut sui ipsius causa esse possit, ut ne quidem viliorum entium, absque ideis seminalibus, causa esse queat.

De hypothese spiritus Cartesiana, quatenus est athea.

Vide ejus
Ethic. P. II.
Prop. VII.
schol. &
PropoC. XXI.
Schol.

§. 76. Cartesii vero opinio, qua statuit essentiam spiritus in cogitatione esse positam, argumenta existentiae Dei si non tollit, saltem imminuit. Nam Cartesius si connexioni doctrinæ suæ recte voluisset insistere, æque minus mentem a corpore potuisset, & debuisset, distinguere, ac quondam Leucippus, Democritus & Epicurus, vel ex recentioribus Cartesii discipulus, Bened. Spinosæ, qui expresse asserit, quod *substantia cogitans*, & *substantia extensa*, una eademque sit substantia, quæ jam sub hoc, jam sub illo attributo comprehendatur. At ille, ut Sorbonnæ placeret, & spei successionis Aristotelicæ velificaretur, mentem quidem a corpore distinxit, sed ne tamen nimis ægre mechanizandi libidini fiat, in cogitatione mentis essentiam posuit: sic etenim & Sorbonnæ se probare, & satis amplum adhuc, mechanicas suas meditationes in brutis & plantis explicandi, campum sibi restare, putabat. Esti ergo nihil adversus existentiam Dei ex hoc mentis conceptu sequatur; tamen ideo confictus est, ut in reliquis petulantiae suæ mechanicæ, quam in illo de formatione fœtus libello ostendit, indolge-

dulgere posset : qua ipsa totum illud ponderosum argumentum ab animalibus & vegetabili structura desumptum, destruitur.

§. 77. Nec hoc solum damni datur, quod tanti momenti argumentum eripitur, sed & insuper *aliquid*, pro enervandis reliquis, *suppeditatur*. Si enim mera ratione mechanica, absque alicujus spiritus concursu, facta sunt animalium corpora, quis non videt, eodem mechanismo potuisse quoque facta fuisse cælum atque terram, ita ut nulla substantia, cum intentione agente, adeoque nec Deo, opus sit : neque enim negari potest, in universa reliqua natura vix tot contineri artificii, quam in solis animalibus.

De hypothese Epicurea circa essentiam animæ, quatenus est athea.

§. 78. Epicurea principia Cartesianis adhuc sunt magis hoc respectu noxia. Ipse enim Epicurus, & omnes hujus sectæ antistites, ideo sinxerunt principia mere corporalia, ut Dei negare existentiam possent, quam *precipitantia quadam* odii & indignationis adversus superstitionem vulgi, tam anxie destructum ibant. Quamvis enim hic philosophus quartam aliquam animæ innominatam partem, quæ interprete Lucretio sit *anima animæ*, admiserit, tamen nec spiritualem eam esse, aperte professus est, nec si vel validissimis argumentis probetur spiritualitas, minus difficile est, spiritum dicere æternum, quam atomos & inane. Quamvis autem has Epicuri doctrinas corrigere velit Gassendus, & quæ in doctrinis ejus athea sunt, expungere; tamen quare hoc non procedat, jam supra ostendi.

Cap. III.
§. 22.

De hypothese Aristotelis, in quantum est athea.

§. 79. Aristotelis entelechia, seu actus primus, revera coincidit, cum Leucippe illa & Democritea vi movendi. Nam Aristotelis illa entelechia, & vis motrix Leucippi atque Democriti, in eo solum differre videntur, quod mechanici etiam actum secundum ad animam referrent, quem Aristoteles excludit, adeoque animam non simpliciter ut principium, sed ut primum principium considerat : unde cum & Democriteam illam sententiam probaverimus

Vide supra
§. 1. & 75.

supra §. 76.

Supra Cap. II. §. XI. rimus esse atheam, & ipsum Aristotelem fuisse atheum demonstra-
verimus, probabile hinc jam est, hanc quoque entelechiam ali-
quid monstri alere. Quid multis? entelechia hæc quidem dicitur
De Anima Lib. II. Cap. VIII. esse corporis physici organici, sed alibi etiam dicit, quod anima sit
entia quodammodo omnia, quæ si conjungas, animam supra §. I. allegato loco specialius sumit, & generaliter per eam sibi concipere
videtur primam motus causam naturalem, quam eandem ipsum
Cap. II. §. 12. cum forma, natura, Deo, putare supra probavi.

S E C T I O VI.

De usu

Veræ de spiritu doctrinæ adversus super- stitionem.

§. 80.

NUllibi tam fecunda superstitioni materia est, quam in falsa
de spiritu doctrina: unde omnes, quæ hoc loco tractari po-
terant, notare superstitiones ob multitudinem haud possu-
mus: seligamus ergo præcipuas, & veluti generales.

Quod daemones omnes non sint diaboli.

§. 67. 68.

§. 81. Supra jam probavi sapientibus, quod daemones non
sint necessario diaboli, superest, ut secus sentientium hoc loco ar-
gumenta diluam. Et primo quidem curandum non est id, quod
Schottus, & alii Pontificii, hic habent: nam per traditiones ipsis
non licet contrarium, etsi ejus veritas luculentissime incurrat in
oculos, arripere: hancum recte rejiciant nostrates, utpote nulla nisi
temporis auctoritate stabilitas, nobis religioni non potest esse, spi-
ritus cum scriptura sacra inter diabolos & angelos agnoscere inter-
medios, cum & ratio evidenter satis eorum existentiam prober, &
S. Sacra si non confirmet, saltem nullibi refutet. Noxia enim do-
ctrina est, omnes absolute daemones perhibere diabolos, quia multi
appa-

Vide supra
§. 68.

apparentibus iisdem non possunt non , uti docet experientia , exanimari.

§. 82. Ex hoc quidem videtur aliquid elucere diabolitatis, dum sæpe verberant & male mulctant homines: at & canis, vexatus ab homine, mordet, nec ideo diabolus est: nec inficior esse dæmones, qui etiam non vexati in homines furiantur; nam & ursi & leones innocentes etiam homines invadunt. Plus diabolitatis habet, ad rixas & odia in se invicem concitare homines, quam sibi repugnantes male tractare. Adhuc lex socialitatis data est hominibus, non brutis, & forte nec dæmonibus.

*Diabolum posse uti ministerio demonis, sicut
homo bruti.*

§. 83. De cætero cum homines ad servitia sua utantur brutis, & dæmones nihil sint aliud quam *nature intelligibilis bruta*, non de nihilo est; quærere, annon forte & angeli & diaboli interdum ministerio dæmonum utantur? & respondeo, rarius id posse fieri, si, uti Domini Theologi loquuntur, Deus diabolo permittat, hominibus inferre malum, tum, ut pluribus inferendis sufficiat, posse eum quoque uti ministerio dæmonum: unde sicut dicendum non est, quod omnis dæmon sit diabolus, ita nec in contrarium pronunciandum, quod nullus dæmonum apparentium, aliquid diabolici habere possit. Ergo Christiana in Deum fiducia, si appareat dæmon, non nimis perterrefieri debemus, sed credere multa, quæ putantur a dæmone allata mala, esse illius summæ *consternationis effectus*, quibus non afficiemur tam vehementer, si credamus, posse, qui apparet, spiritum etiam esse dæmonem: sed ex dictis tamen etiam Christiana opus est prudentia, ne sub larva dæmonis nobis diabolus illudat.

De veneficis & sagis.

§. 84. Insufficiencia physicæ principia, cum falsa adæquationis persuasionem conjuncta, id efficiunt, ut si quis videat effectum, cujus rationem illa principia non suppeditant, protinus eo

abripiatur, ut putet diabolus ejus esse causam, quod insufficiens illa doctrina, quo fiat modo, demonstrare nequit. Etsi enim horrendum sit magiæ diabolicæ crimen, à quo nunquam nimis recedere possumus; tamen etiam Christiano amorì repugnat, alios, beneficio naturalis magiæ aliquid peragentes, tanti criminis accusare, aliorumque odio & indignationi exponere: tantumne? imò & ea Divina opera, quæ Summi Numinis gloriam luculentissime manifestabant, diabolici commercii suspecta reddere. Ostendam itaque vera magiæ naturalis principia, ut hinc solidius judicium de veneficis & sagis ferri queat.

De Magia naturali.

§. 85. Vulgaris magiæ naturalis definitio inconcinna est, quando quodlibet hætenus ignotum magicum appellant: cum vero, id quod olim ignotum erat, nunc vel lippis etiam & ronsoribus pateat, vagam hanc magiæ ideam, pace lectoris, ita figamus, ut magiam naturalem dicamus artem, ita utendi anima, ut effectus edat pluribus admirandos. Etsi enim etiam beneficio mechanismi, tum mathematici, tum physici, multa perpetrari mirabilia possint; tamen haud dubiè longe splendidiore sunt, quæ beneficio animæ, prudenter directæ, peraguntur: unde liceat hic nobis magiæ voce, significato specialiore, uti. Duplici autem maxime modo ad exerendas suas actiones determinari anima potest, primo si ipsa mens cum anima conjuncta forti imaginatione in eam agat, tum si signaturæ convenientes, quibus ad hoc vel illud moveatur, obijciantur: ad quas etiam refero motus.

De imaginatione magica.

§. 86. Qui alterutro horum per animam, sive suam sive alterius, mirabile quiddam efficit, naturalissimum effectum producit, nec ullius cum diabolo commercii suspectus est. Imaginatio autem in se longe debilius animam afficit, quam signatura: nam anima destituitur memoria, adeoque cum signatura perpetuo sit animæ præsens, imaginatio vero non nisi per intervalla moveat, patet, quod *debilius afficiat animam imaginatio, quam signatura.*

Hæc

Hæc est causa, quare dissolutionis vitæ mulieres imaginatione formationi foetus resistentes, nihil efficiant ut plurimum : foetus enim formatur secundum signaturas. Quod si vero imaginatio æque continuo præsens animæ posset esse, propter activitatem suam, semper vinceret signaturam.

§. 87. Ex dictis sequitur, quod si imaginatio signaturæ, animam determinanti, repugnet, rarius aliquid efficiatur : quod si libera sit, solaque absque resistantia agat, v.g. quando ægri singulari fiducia in medicum feruntur vel medicamentum, multum succedat ; si una cum signaturâ ad eundem finem tendat, plurimum, v.g. si medicamentum ad diaphoresin disponat, & imaginatio ægri accedat, sæpe insolita copia succedit sudor.

§. 88. Quo fortior ergo est imaginatio, eo plus operatur : debilitatur vero variis de causis, v.g. si signatura motusque ipsi repugnet : item quia vix potest esse continua : tum si dubitatione non vacet penitus. Hinc ratio patet cujusdam nonnullorum observationis, qua asserunt, se, quo *ardentius aliquid desiderent*, eo *minus eo mactari* : nam concurrat cum hoc desiderio semper permultum metus atque dubitationis : & sic, quod desiderant suo desiderio magis, magice impediunt. Contra ea magna in omnibus efficacia *fidei* est. Sic & nova & celebrium medicorum medicamenta, non solum *mechanice* profunt, sed & sæpissime *magice* : quæ & ratio est, quod medicamenta vulgaria & ab aliis quam celebribus medicis adhibita, non amplius omnem præstent effectum : quale quid de arcano, quod vocant, duplicato licet observare.

*Quod intelligentes ad magiam hoc respectu ineptiores
sint stupidis.*

§. 89. Ipsa quoque perspicacia, & judicii bonitas, imaginationis robur imminuit : unde quo quis est stupidior, eo magis est credulus ; quo magis est credulus, eo validiore gaudet imaginatione : hinc est, quod aniculæ & rustici maxime etiam in vera magia naturali valeant. Hanc imaginationem etiam per *verba & characteres* ju-
bent

bent roborare , præsertim si a rebus devotioni dicatis , abominabili abusu , defumantur , id quod in stupidioribus optime succedit . His vero subsidiis plane non adjuvantur intelligentiores . Hi namque vel non comprehendunt , quomodo verba & characteres aliquid ad effectum conferre possint , & sic diffidunt ; vel si comprehendunt , stupidis ea intelligunt dicata , non sibi .

De signaturis.

§. 90. Signaturæ sunt animæ id , quod menti sunt *verba* : sicut enim mens verba intelligit , sic anima signaturas , quod clarum in supra dictis fecimus . An vero præter signaturas , & ideas grati & ingrati , usque adeo etiam *artefacta simulacra* intelligat , in medio relinquo . Talia videntur fuisse illa simulacra Apollonii Thyanci , quibus adversus ciconias , Lycum fluvium , testudines , equos , ventum aquilonarem , scorpiones & culices usus est . Nam hæc quidem multum habent dubii , quoniam & , ut naturaliter facta intelligi possent , mundi aliquis spiritus , seu anima , esset supponenda .

Johann. Malalæ Chronogr. p. m. 342. & seqq.

§. 91. Cæterum forte etiam quædam *medicamentorum vires* sunt *magica* , aguntque non per crasin suam , sed per figuram , & signaturam . Sic raphanus forte per lineas suas a periphæria ad centrum , quas interius ostendit , per modum signaturæ animam , ut spiritus ad centrum ventriculi undiquaque adducat , disponit : ætites foetu suo lapideo , animæ insinuat ideam conservandi foetus : manus mortua , phthisici maxime , applicata ad excrescentiam , animæ imprimit ideam subtrahendi excrescentiæ nutrimentum .

§. 92. Hæc si recte pensites , multo quidem pauciora quam vulgo venient , diabolo adscribenda , non ideo nulla . Ignorantia vero horum id effecit , ut multi præclari viri ab omni magia Soetica alienissimi , numero venificorum fuerint accensiti , Zoroastres , Orpheus , Pythagoras , quos crudite defendit Gabriel Naudæus in Apologia sua de falso Magiæ suspectis . Id quoque effecit , ut odio plusquam Vatiniano persequamur eos , quos veneficos putamus : imo fieri potest , ut si quis veneficio se corruptum malisque implicatum

catum credat, vel ipsum diabolum, quem mali auctorem putat, pro tollendo eo superstitiose implorer.

De energumenis.

§. 93. Huc veto pertinet quoque superstitio multorum de obsessis a diabolo, non quod vere tales non agnoscam, sed quod a sola revelatione, quis sit vere energumenus, definiri debere existimem, a ratione vero præterpossibilitatem utriusque causæ, naturalis & diabolicæ, nihil decidendum, cum nullum obsessionis diabolicæ detur argumentum philosophicum demonstrativum. Nam illud, quod vulgo ab impossibilitate naturali ducunt, pari passu ambulat cum eo, quod supra de magia goëtica refutavimus, nec §. 84. vere est *impossibilitas naturæ*, unde concludunt, sed tantum *impossibilitas principiorum doctrinae*; secundum nostra enim principia impossibile non est talia naturaliter contingere, quæ passim de obsessis referunt.

De eo quod natura possibile est vel impossibile.

§. 94. Omne possibile enim, & omne quod impossibile naturæ est, æqualiter ignoramus mortales. Nam quia nemo nostrum totius naturæ latifundium penetrat, omnesve naturæ recessus perspectos habet, apertum est, quod nemo nostrum vel omni possibilitatis cognitione gloriari queat. Particulariter vero sciri potest, hoc vel illud esse possibile; sed quantum ad impossibile, hoc ne particulariter quidem sciri certo potest, nisi in rebus mathematicis, quippe quarum perfecte cognita habemus principia. Nam ut sciamus, hoc vel illud esse possibile, unica naturæ potentia cognita efficere potest: at vero ut hoc vel illud naturæ pronuncemus impossibile, *omnes naturæ* facultates callere oportet, adeo, ut quamdiu vel unicam nos adhuc noverimus ignorare, suspendendum nostrum de impossibilitate iudicium sit.

§. 95. Generaliter itaque male concludere deprehenduntur, qui ideo aliquid ad diabolum referunt, quod ejus causam modumque ignorent: sed & ulterius peccant, si de iis, qui nihil pravi vel dicunt, vel agunt, sed solum facultate loquendi linguis antea in-

cognitis, vel singulari robore, vel re aliqua simili, se reddunt admirabiles, ita argumentantur, quod quoniam hoc naturaliter fieri nequeat (demus enim precarium hoc præjudicium) ideo sit affectus diaboli. Nam diabolus nihil nisi per vires naturæ potest: & fac, ipsum posse, quicquid velis, saltem id in confesso est, quod angelus bonus, non minus possit quam malus: qua ergo firmitate concluditur, id quod naturale non sit, esse a diabolo, id certis cum circumstantiis, æquali argumentandi robore, infertur esse ab angelo.

An ex eo, quod aliquis prava vel faciat, vel loquatur, secure concludi queat, quod sit a diabolo obsessus.

§. 96. At sic putabis, me tacite concedere, quod recte statuatur obsessio diabolica, si is qui putatur obsessus, prava vel faciat vel loquatur: scilicet, si ideo corporaliter obsessus omnis homo est a diabolo, qui prava vel facit vel loquitur. At instas, ipsi energumeni se videre diabolum, vel loquentem audire, asserunt: ita est, sed & multa alia aperte falsa effutunt, quorum mens & phantasia a morbo est corrupta. Pergis: blaspheme quoque loquuntur: hoc ipsum quoque sæpe faciunt, quorum nec corpus nec animus physico laborat morbo, nec ideo pro obsessis declarantur: addis, singularis quoque roboris edunt opera: sed & hoc solent facere maniaci. Nihil ergo ex hisce singulis tale est, quod non & ii faciant, de quibus nulla est suspicio, quod sint energumeni.

Exempla eorum, qui in febribus, aliisque morbis locuti sunt linguis, quas nunquam addidicerunt.

§. 97. Etsi vero ex natura animæ, ejusque cum mente unionē, quodammodo demonstrare possim, quā naturaliter fieri queat, ut linguis incognis loquantur ægri, tamen hac supersedere demonstratione licet, si loco ejus producam exempla eorum, qui absque ulla suspitione diabolicæ obsessionis linguis, quas nunquam addidicerunt, locuti sunt. Prostant talia passim: solus Borellus sex satis liquida profert exempla talium ægrorum, qui tamen singuli ordinariis remediis fuerunt pristinae sanitati restituti. Primum eorum desumptum

Obs. Cent. II.
Obs. LIV.

ptum est ex Fernelio , qui testatur , Carpentarium Episcopum , licet Græcæ linguæ ignarus esset , Græce tamen & Latine , morbo detentum , esse locutum . Secundum est ex Ludovico Guyo petrum , qui de famulo quodam Henrici IV. cignaro licet , testatur , quod Græca in febris lingua fuerit locutus . Tertium habet la Mothe le Vayer , de cive Rothomagensi , qui dum interrogaretur in somnis , omnibus linguis responsa dedit , imo Græce & Indice . Quartum est de Domina de Pile , quæ morbum passa , per totum ejus decursum , Hispanice optime locuta est . Quintum , de uxore Mangreti sutoris , quæ vario idiomate in morbo loquebatur . Sextum de ægro , qui nunquam Germanicam didicerat linguam , Germanice loquente .

§. 98. . Occurrit in hisce exemplis singulis circumstantia valde notabilis , quam in omnibus , quotquot ego legi , exemplis , constantem , etsi nunquam ab auctoribus annotatam deprehendi ; nempe , quod hi ægri non aliam loquantur linguam , præter eam , quam ii , qui *præsentēs* erant , callebant : quæ observatio si nullo contrario possit everti exemplo , ex nostris principiis aliquis exponi modus posset , secundum quem naturaliter hæc contingere intelligi possent , quem hoc loco explicare haud necesse est : nam ad institutum meum , ut nempe ostendatur , illam probationem , quam ab hisce peregrinas , & antea sibi incognitas , linguas loquentibus ducunt , non esse omni exceptione majorem , sufficiunt allata hæcenus exempla .

De spectris.

§. 99. Supra de dæmonibus egi , & eos non omnes diabolos §. 81. & seqq. esse probavi : latior conceptus spectrorum est : hæc enim dicuntur omnes spiritus hominibus apparentes , sive dæmones sint , sive alii spiritus . Notum enim est , quod vulgo de aliquibus demortuorum narratur corporibus , quod nempe variis hominibus variis appareant in locis . Quamvis autem permultæ harum narratiuncularum haud dubie sint fabulosæ , aliquæ tamen eorum & a fide dignis , & talibus circumstantiis , narrantur , ut a me impetrare haud possim , ut omnem iisdem fidem derogem . Non nego diabolum & hic suum colludere lusum posse ; quia vero fides nostra docet , quod non facile frena diabolo , in homines incurfuro , benignissimum Numen laxet ,

laxet, nec facile suspicandum, nisi peculiare id suadeant circumstantiæ, spectrum esse diabolum: præcipue cum aliqua ratio naturalis appareat, qua eorum apparitio intelligi queat. Et, si vel maxime etiam erremus, ut pro naturali spectro habeatur, quod diaboli cum sit; tamen non video, quid damni vel animæ vel corpori inferre talis error queat. Prudentis enim Christiani erit, cum sciat, posse & diabolum sub larva spectri latere, nihil velle negotii habere cum ullo spectro. De cætero tolletur hac persuasione immanis ille terror, quo plurimi hominum, diabolum sibi apparuisse credentium, exanimantur.

Probabiles cogitationes, quid possint esse spectra.

Cap. ult.

§. 100. Duplici hominem constare spiritu, & infra probabo, & salva, quod credo, Theologia, ipsa quoque consentiente Scriptura sacra, asseram, mente nempe (quæ est naturæ finitæ) & anima: illam puto post mortem statim exolvi a corpore & æternitati reddi: *hanc* vero (nostro sensu acceptam puta) *cum corpore perire*; non vero statim ab eodem separari, sed interdum adhuc circa corpus vagari, & secundum habitum, quem sibi ab ideis mentalibus & corporalibus in vita contraxit, subtili adhuc corpore vestitam, varias adhuc secundum fortiter impressas ideas actiones edere. Subtile hoc corpus suum si contraxit, apparet; si expandit, disparet: sic aer in se est invisibilis, contractus vero in aquam visui nostro sit manifestus. Sed talia spectra non durant, sed deperditis ideis suis, evanescent: contra diutius conservantur spectra, quæ sunt dæmones. Interim non magnopere laborabo, ut hæc pertinacibus persuadeam; eo enim solum sine hæctrado, ut, si tale quid tibi offeratur, minus terrearis, faciliusque quam contraria persuasione vitam conserves atque sanitatem.

Remedium adversus spectra.

§. 101. Nam adversus spectra nihil magis valet, *lumine & animo*. Quod ad lumen attinet, cujusunque sint generis, plerumque illud fugiunt, ideo forte, quod subtilissimo utantur corpore, quod facile a diætaque lumine ita expanditur, ut ægre ipsis fiat: unde
loca

loca amant tenebricosa & deserta, noctemque mediam, qua sol maxime a nobis distat. Animus fortis si accedat & imperterritus, credo, quælibet fugari spectra posse. Ipse aliquando in domo quadam habitavi, ubi supra meum hypocaustum tabulatum quoddam erat, etiam propter suspicionem spectrorum diu a nemine visitatum. Prima & secunda nocte multum dabant turbæ spectra, tertia nocte hora XII. ascendit cum lumine scalas, cum omnia plena ibi essent tumultibus, me vero cum lumine apparente, repente omnia siluerunt; nec unquam postea vel minimum tumultus ibi audiui.

*De occisorum corporibus sanguinem fundentibus ad
praesentiam hominum,*

§. 102. Hæc opinio, quod sic occisum corpus prodat occisorem, non penitus de nihilo esse, neque tamen etiam superstitione omnino vacare videtur, dum quasi divinitus prodi interfectorem multi putant. Ego eadem hypothese, quam proximo §o mihi sumsi, ita hanc rem comprehendo: commoratur adhuc aliquamdiu anima in corpore, cumque habeat vim sentiendi absque organis, sentit, & post extinctos corporeos sensus, interfectorem corporis sui, adeoque quia cum sanguine est unita, irata effertur, quasi invasura occisorem, eoque ipso motu sanguinem adhuc movet, ut per vulnera, vel aliunde effluat. Sicut vero vel vivi homines erramus, ut unum hominem habeamus pro alio, sic idem pariter & hoc contingere respectu potest: quin & si prius a corpore discedat, quam occisor adduci possit, ut nullus ejusmodi motus sentiatur, quod & fieri posse puto, si nimis timida sit anima.

Secundum
§. 45.

Generalis admonitio de hisce & similibus deductionibus paradoxis.

§. 103. Sicut ineptum est affectare paradoxa, ita non satis cauti est, ideo repelli ab opinione aliqua, quia paradoxum quiddam supponit: nam omnes sublimiores veritates sub initium fuerunt paradoxæ, unde cordati hominis est, a paradoxo neque repelli, neque allici. Recte vero semper mirabilia phaenomena per hypo-

theses minus paradoxas intelligere studemus, dummodo illa minus paradoxa non aperte cum ratione & experientia pugnent. Hoc ipsum si recte observaverit lector meus, & vel ad unum modo hujusmodi phænomenon rite mentem applicaverit, agnoscer, nostras hypotheses esse rationabiles. Sic enim v.g. ultimi phænomeni § 102. explicati causam videbit non posse esse Deum: quoniam interdum aberrare deprehenditur phænomenon, sanguineque corpus etiam ad innocentem præsentiam stillare: nec angelum bonum, quia is omnia ad Dei voluntatem peragit, adeoque pariter, in exequendo Divino mandato, errare nequit: neque vero diabolum, quia hic nolet prodi interfectorem: quippe qui eo ipso ad poenitentiam deducitur, diaboloque eripitur: neque vero mechanicum quendam spirituum inimicorum, in corpus mortuum ab occisore illatorum, regressum ad corpus suum, quod Borellus voluit: quoniam primo intelligi nequit, quare tam subtilia corpuscula, qualia sunt spiritus, non possint regredi ad corpus suum, quin sanguinem, etiam interdum ex naribus & ore non vulneratis, simul exprimant: dein & sæpe contingit hæc sanguinis stillatio, ubi nullus occisor præsens est. Nihil hic superest rationabilis causæ, quam si nostram amplectaris hypothesin, etsi paradoxam. Ita nuda satis & aperta est natura: nos vero timidi nimis, vel pertinaces etiam, meridiana in luce cæcutimus.

Observ.
Cent. II.
Obl. 47.

S E C T I O VII.

De

Prudentia circa sanitatem,

ex

Cognitione spiritus acquirenda.

§. 104.

Menti cum sanitate nihil magnopere est negotii: anima autem præses corporis atque sanitatis est: unde hujus naturam si recte intelligas, magnam hinc hauries hoc respectu utilita-

utilitatem. Duo namque sunt, quibus omnis nostra constat sanitas, quatenus nobis aliquid in illam licet, *elementa*, & *anima*, sive principia mechanico-physica & animantia, illa temperamentum hominis constituunt, hæc *naturam* speciali significato a medicis dictam, & hæcenus a mechanicis cum mechanismo perperam confusam. Hæc duo raro æqualiter valent: quin sæpius occurrant, qui *bono* gaudeant *temperamento*, *natura non item*: est enim hæc invalida, si parum est sensibilis, ut materiam peccantem non vivide satis sentiat, hinc nec promte removeat. Bonum autem temperamentum duplici modo potest dici, (1) quatenus est minus morbosum, (2) Quatenus est vivax. Omnium *minime morbosa* sunt *sanguineum atque phlegmaticum*: omnium *maxime morbosa*, *cholericum & melancholicum*: sed sanguineum & vivax est & *minime* morbosum: phlegmaticum etiam non morbosum, verum haud satis vivax est: cholericum & melancholicum, si recte diæta & medicamentis, sobrie applicatis, tractentur, æque vivacia fieri possunt, ac sanguineum.

De bona natura, bonoque temperamento.

§. 105. Bona itaque natura est, si anima sit valde sensibilis, non quidem ad quascunque ideas, sed maxime ad corporeas: hæc enim sunt, quibus maxime regitur corpus animale. Mentales vero ideæ ita quidem temperatæ in brutis sunt, ut non facile aliquid corpori inferre damni possint: in homine vero ita accurrunt a cogitatione & ratione depravata, ut sæpe optandum foret, vel minus vehementes esse tales impressiones, vel minus sensibilem naturam. Sic ira, terror, curæ, vel minus vel plane non affligunt brutorum sanitatem, hominum quam maxime. Corporales veræ ideæ, formatrices nempe & molesti, cæteræque vitales, quo sunt vividiores, quoque sensibilior intuitu horum est anima, eo firmior valetudo. Hæc bonitas primo efficit, ut corpora interius atque exterius sat validis roborentur fibris: dein, ut, si aliquid machinæ corporeæ adversum gignatur in corpore, illud promte eliminetur, ne vel inflammationem, vel obstructionem, pariat. Temperamenti vero bonitas consistit in eo, si constet elementis nobilioribus: unde

unde omnem bonitatem habet sanguineum vere tale : partem bonitatis habet melancholicum & cholericum , illud nempe bullulas nobiliores , hoc ætherem nobiliorem : phlegmaticum , nullam quidem habet bonitatem elementorum ; habet tamen bonitatem mixtionis : unde minus morbosum est cholerico & melancholico.

De conjunctione utriusque bonitatis.

§. 106. Ex dictis apparet , quod si concurrat bonum temperamentum cum bona natura , decrepitam senectutem attingere possint talibus præditi : quamvis , cum multi sint , qui utriusque conjunctione beantur a natura , pauci sint , qui eam ætatem assequantur , propterea , quod hoc temperamento valentes ut plurimum simul quoque valde sint gulæ dediti atque libidini , quibus , si per opes & vitæ conditionem indulgere queant , abrumpitur illa ipsa a natura promissa ætas longæva. Optimum vero temperamentum cum sit sanguineum , reliqua duo , melancholicum nempe & cholericum , pari vivacitatis passu cum illo ambulant , si recta diætâ , convenientibusque remediis , tractentur. Contra si malum temperamentum cum segni concurrat natura , & insuper prava accedat diætâ , non possunt non brevissimi ævi esse , in quibus hæc tria concurrunt : quodsi recta addatur diætâ illis duobus , diutius perdurare , vix vero senectutem attingere , possunt. At si ve malum temperamentum conjunctum cum vegeta natura sit , si ve bonum temperamentum cum inerti , utraque conjunctio valet mediocrem assequi senectutem , & , si recte corrigantur temperamenta illa duo , cholericum & melancholicum , etiam , cæteris paribus , summam.

Prima regula prudentia de coitu.

§. 107. Hæc si perpendas , variæ tibi illucescent prudentiæ regulæ , quarum potissimas huc annexam. Primo intelliges , in conjugio non facile eo tempore , quo corpus cibo potuque nimis est refertum , cum uxore nondum gravida , rem esse habendam , ideo , quia sic ex turgida sanguinis massa ad vasa seminalia præcipi-

cupiuntur particulæ seminales, nondum recte ideis formatricibus signatæ : unde fit, ut hinc sæpe stupidi nascantur, sæpe valudinarii.

Secunda regula, de medicamentis animalibus.

§. 108. Secundo medicamentis insectorum, vel in generum animalium, quæ tota devorantur, caute utendum, ne si ideæ seminales ob debilitatem ventriculi non recte evolvantur, forte renascantur animalia : quapropter & existimo naturam in febribus aliisque quibusdam morbis, *aversari carnes*, ob metum subjugandarum peregrinarum idearum.

Medicamentorum animalium vis medicatrix in hisce potius ideis querenda, quam in sale & sulphure.

Regula tertia.

§. 109. Unde medicamentorum animalium vis medicatrix non in sale atque sulphure querenda, sed plerumque in ideis illis corporalibus. Sic v.g. in pulmone vulpis ego nec sulphur pulmonibus proficuum, sed ideas seminales, quæ animam nostram, vel in repurgandis pulmonibus, vel consolidandis, segnio rem extimulent, ad peragendum promptius, quod suum est.

De vi medicatrice idealis lactis.

§. 110. Sic in marasmo & atrophia, vitio ventriculi & motus intestinorum peristaltici, quo impedito nihil ad vasa lactea transprimitur, contingentibus, lac miranda sæpe efficit : unde quia atrophiam cum phthisi confundunt multi, pronunciatum fuit *prodesse & lac in phthisi*, id quod an unquam verum sit, dubito. At vulgo medici ad sal & sulphur lactis respicientes, lac caprillum & asinum præferunt lacti vaccino, quod sal volatile in illis sit copiosius. Mihi vero perinde esse videtur, quo quis utatur lacte : id tamen haud negligendum putarim, ut quoniam & bruta sua habent temperamenta, primo eligatur vacca, quoad ejus judicari potest, temperamenti similis : secundo junior, quippe in his omnes ideæ corporales sunt vividiores.

De vi lumbricorum antispasmodica, pariter ideali.

§. 111. Vere lippis & tonforibus notum est, quod spiritus lumbricorum sit antispasmodicum divinum medicamentum: dum vero vim ejus vulgo in sale quærunt volatili, frustra foetido illo spiritu volatili ægrotantes macerant, nec efficaciorum unquam vulgari, si recte observant, imo, ut mihi visum est, etiam debiliorem, deprehendent. Qui vero ea, quæ hæcenus a nobis de anima dicta sunt, recte conceperit, facile intelliget, quod vis ea lumbricorum *animans* sit, non mechanica. Nam lumbrici eo modo moventur, uti intestina nostra, motu peristaltico, qui hinc quoque vermicularis dicitur (neque enim lumbrici omnibus, sed intestinorum maxime spasimis medentur) adeoque si segnior anima motum peristalticum vel remissius peragat, vel penitus mittat, ut hinc variæ vel pectoris oriantur angustiae, vel alvi obstructions, & hinc varia mala, ideis corporalibus in spiritu illo latentibus ad repetendum dictum motum excitatur anima. Hinc & si ea subsit causa, tam promptum hujus medicamenti est auxilium, ut vix quadrante horæ, quin sæpe vix ejus dimidio elapso, melius habeant ægri. Multa alia hisce gemina lubens prætereo.

De vulgari opinione, quod signatura indicet vires.

§. 112. Sic ergo Philosophi Hermetici, qui tantopere æstimant figuras & signaturas vegetabilium, ad scopum quidem tendunt, sed ad latus aberrant. Nihil enim talibus figuris natura de viribus mechanico-physicis significavit, sed a figuris solum ideas motus indispiscitur anima. Neque enim tam crassæ sunt hæ, quas anima percipit signaturæ, ut nostros incurrere oculos possint: forte etiam non similes sunt motibus ab anima instituendis: sed ut verba valent ex impositione hominum, non hieroglyphice, sic illæ *signaturæ valent ex impositione Dei*, non ex similitudine figuræ. Haud tamen ideo negaverim, naturam quoque ideam motus sui a figura capere posse. Sed sic figura non debet destrui, adeoque si non sit figura seminalis, cum omnes aliæ in ventriculo destruantur,

tur, exterius per modum periapti appendendum est. *Tria* itaque notissima *regna* hoc ordine videntur adeunda : animale si vitium corporis sit in ideis ; vegetabile, si in sale atque sulphure ; minerale, si in elementis : quodsi a contagio sit, vitium mechanica ratione exturbandum est.

Tertia regula, de ideis molesti in anima conservandis.

§. 113. Prudenter quoque observandæ sunt ideæ molesti, ne eas vel dediscat anima, vel iisdem advescat. Dediscit, si non exercentur ; advescit, si symptomatice curetur morbus, mitigando materiam, causamque relinquendo. Equidem in corporibus choleri-
corum & melancholicorum, nisi propius ad sanguineum accedant temperamentum, metuendum vix unquam est, ne ideas molesti dediscat anima : semper enim perit aliquis in hisce corporibus humor, exercitio animæ excretorio inserviens. Sed temperamenta reliqua duo, sanguineum atque phlegmaticum, ita sæpe carent materia evacuanda, ut id ipsum, quod ibi verendum non est, hic facile contingere queat. Cum vero externæ injuriæ ita persæpe affligere nostrum corpus possint, ut alicujus humoris invertatur ita crasis, ut excerni omnino debeat, danda opera est, ut consulto interdum aliquem corrumpamus humorem, vel frigore, vel æstu, vel laboribus, vel pleniore victu, ne si nihil horum per aliquot annos nobis obtingat, post deinceps ob paucillum humoris, ab anima in visceribus neglecti, totum percat corpus.

De curis symptomaticis, & usu medicamentorum acrimoniam humorum mitigantium.

§. 114. Sed & ne advescat humori pravo anima, curandum est: nam si advescerit, non expellit. Haud vero facile advescit, quamdiu materia peccans satis acris, & ad stimulandum apta est: unde si acredo illa, quibuscunque medicamentis tollatur, symptomatica mitigantur, morbus relinquitur. Absit, ut aliquid molestiæ veris & cordatis medicis creem, hoc tamen dixerim, non semper

optime agi cum ægris , si acrimonia peccantis materiæ temperetur : nam hæc ipsa est veris medicis malo nomine nota *morbicorruptio* : hæc materiæ peccantis mitigatio est symptomatica curatio , non medica : illa verius est ars circulatoria , quam medica. Quapropter & vulgaria illa *præcipitantia* & *absorbentia* alio modo adhibentur a medicis , alio modo a circulatoribus sive Germanicis , sive Latinis. Caveant itaque sibi ægri , quibus sua salus curæ cordique est , a falsis medicis. Morbus semel corruptus difficilior deinceps curatur : quia , sicut fracturæ male curatæ , alio modo quam per novam fracturam integritati suæ nequeunt restitui ; ita morbi corrupti , aliter quam per novam materiæ peccanti illatam acrimoniam , nova symptomatica , priora curatione circulatoria , seu symptomatica , male sopita , excitata , eradicari haud possunt. At ubi sunt illi tam sapientes ægri , qui hanc curam ægre non ferant , suisque laudibus non potius symptomaticæ curæ , symptomata mitiganti , quam veræ , eadem quoque hoc casu exasperanti , faveant ? Sed nolo amplius tangere immedicabile hoc carcinoma , quia etiam sub hac larva se occultare potest circulator , malum ignorantia sua adaugens , non materiam peccantem cordata intentione , ut eo citius ab anima expellatur , stimulans.

*De duobus adhuc modis , naturæ motus salubres
impediendi.*

§. 115. Sic tolluntur motus illi naturæ salubres per mitigationem acrimoniæ humorum : restant adhuc duo modi , quibus idem vitium admittitur : (1) Si animale quoddam corpus vel mortuum , vel violenta morte extinctum , *ideis horrois signatum* , naturæ objiciatur , & sic excitata horrois idea ab incepto evacuationis negotio depellatur anima , v. g. cineribus talpæ , erinacei , cranio hominis violenta morte extincti , & similibus. Hæc namque singula naturæ destructionem corporis animalis sentienti horrorem incutiunt , ut se ab illo loco , ubi talia sentiuntur , recipiat , & a motibus inceptis , horrore perculsa , desistat. (2) Idem fit per medicamenta narcotica , quæ , nostra sententia , spiritus
in

in nervos retro pellunt, adeoque animæ expulsiivam operationem sistunt.

§. 116. Ubi adhuc notandum est, quod etsi illi motus naturæ excretorii plerumque sint salubres, nihilominus, quia ipsa anima, (nostro sensu accepta) quæ hisce præest, ratione destituitur, & solo intellectu passivo, secundum ideas tamen agente, pollet, fieri possit, ut interdum, etsi rarius, *manifeste perversa agat*, excretionemque eo in loco tentet, ubi vel plane non, vel non nisi graviore damno succedere potest: unde rariore hoc casu vel primi vel secundi generis medicamentis locus esse potest: sed probe pensitandum antea est, an natura in moribus suis erret, an sobrie agat. Sic in diarrhœa sana est naturæ intentio, in dysenteria non penitus; in illa enim materiam peccantem excutere annititur, & recte quidem; in hac vero præter eandem etiam ulcus intestinorum exturbare perversè molitur, id quod tamen succedere minime potest: unde in hac sive idealiter sive narcotice sistatur nimia excretio, vix aliquid damni, nisi penitus negligatur causa morbi, attulerit: quod promte fit in diarrhœa incongrue adstricta.

De prudentia circa stimulandam materiam peccantem.

Regula quarta.

§. 117. Si stimuletur materia peccans ad excretionem, cavendum, ne id temere fiat, per *multiplicationem* materiæ peccantis: v.g. si quis ex mercurio intra corpus assumpto laboret, excitata salivatione, interdum & novus & pristinus ejicitur. Sed hic modus est dubii eventus: potest enim quoque anima nova materia objecta obui, ut sibi fuga potius consulat, quam pugna. Hoc ipsum sæpissime in morbis contingit venereis, quorum materia peccans meo judicio in bullulis nobilissimis, & veluti mineralibus, consistit, id est, tam fortibus, ut a nostris spiritibus æthere imprægnari, usque adeo ut rumpantur, haud possint: cum ergo minus fortes ob faciliorem ætheris immissionem rumpantur, hæc solum in pus mutantur, & a natura, secundum ideas molesti, excernuntur. Propinato

vero mercurio, cujus pariter bullulæ sunt metallicæ & nobilissimæ, facile fit, ut natura multitudinem materiæ peccantis exhorrescens, desistat ab evacuatione, & utramque materiam, veneream & mercurialem, in corpore per aliquot menses, imo annos, intactam relinquat, donec successu temporis, novo vigore adjuta natura, iterum aggrediatur bullularum metallicarum coctionem, nova ulcera, vix aliquot annorum decursu curanda, excitando. Unde omnes ægrotos his morbis detentos monuerim, solícite sibi hic caveant a curis repentinis, & a medicis hoc nomine celebribus: *repentinæ etenim tales curæ aliter quam per metalla, cuprum maxime & mercurium, fieri nequeunt, & tales, si diis placet, curæ longe peiores morbo sunt*: qualium infaustarum curarum mihi soli aliquot centum tristia & miseranda exempla occurrerunt.

§. 118. Cæterum omnia medicamenta metallica his nobilissimis bullulis sunt prædita: unde &, quod mercurius efficit, etiam nitrum, imo aurum & argentum, spiritusque salini accidi faciunt. Sed singula hæc morbum non tollunt, sed corrumpunt, suspendunt, non eradicant. Hæc pari successu valent adversus arthritidem: unde & hic sibi caveant a talibus medicis & medicamentis ægri, & patienter ferant cordatiorum medicorum diuturniores & solidiores medicationes. Hoc adhuc addam, quod & quælibet præparata *venena* eodem modo morborum tollant symptomata: unde quæ ex mercurio, cupro, arsenico, quomodocunque præparatis, quacunque experientia laude celebria sunt, ea omnia mihi per rationem & experientiam suspecta sunt.

CAPUT V.

De
Principiis primis elasticis seu corporibus primis.

SECTIO I.

De
Primis corporibus quid sentiat Aristoteles.

§. 1.



Olliter consentiunt omnes philosophi, quod corpus sit substantia extensa, quam definitionem supra vide Cap. II. §. 4.
refutaram: consentiunt pariter plerique omnes, quod quatuor sint prima ejusmodi corpora, quæ quidem vocant *elementa*. Prius passim approbat Aristoteles: posterius Lib. II. Cap. III. de Generat. &

Corrupt. ubi & quatuor esse elementa, & simplicia esse eadem corpora affirmat. *Ignis* quidem naturam in caliditate & siccitate ponit; *aeris* in caliditate & humiditate: *aqua* in frigiditate & humiditate: *terra* in frigiditate & siccitate: sub finem vero capitis al. leg. aeris naturam maxime humiditate, terræ siccitate, aquæ frigiditate, ignis caliditate absolvi, existimat.

Desideratur hic primo, quod hac sit imperfecta primorum corporum recensio.

§. 2. Desidero in hac maxime doctrina, (1) quod imperfecte

fecte recenseat prima corpora. Desunt enim *semina*, quæ æque nomen primorum corporum sustinent, ac illa, ita dicta, quatuor elementa. Quamvis enim forte respondeat Aristotelicus, hæc semina esse ex illis quatuor elementis composita: tamen ex illa elementorum compositione forte generabitur sal & sulphur, *minime vero exinde semen potest confieri*: virtus enim seminalis, quatenus talis, nec aerea est, nec aquæa, nec ignea, nec terrea: & nisi dicas hæc quoque corpora ad naturam, id est, substantias à Deo immediate conditas, quod sapienter fecit Moses, pertinere, nulla in æternum philosophia eorum generationem ex principiis quibuscunque elementaribus demonstrabit. Interim etsi ego cum multis recentioribus voce elementi pro principio corporis utar, & nunquam pro corpore sumam; id tamen largior Aristoteli aliisque antiquis, ut prima & maxime simplicia corpora, elementa dicant.

Desideratur secundo, quod horum primorum corporum unum ex altero fiat.

Phy. (Lib. IV. Cap. V. §. 3. Debat interim accurate pensitasse Aristoteles, an hæc quatuor vere sibi invicem ita sint opposita, ut nullum alterius vel causa sit vel effectus: hoc enim si demonstrari queat, eo ipso satis manifestum est, quod nec prima sint, nec simplicia. Ita autem alibi dicit Aristot. τὸ μὲν ὕδωρ ὕλη αἰέρος, ὃ δ' αἰὲρ οἷτα ἐνεργὴς τῆς ἐκείνου: id est *aqua aeris est materia, aer veluti actio illius est*. Hoc si verum est, aer non debet eodem passu ambulare cum aqua, sed alio loco haberi & recenseri. Mirum vero non est, quod nulla sit inter hæc quatuor elementa genuina connexio: nam fortuna temporum generavit hunc quaternarium numerum, prout

Cap. I. §. 25. supra demonstravimus.

Porro, quod definitiones horum quatuor elementorum non sint primariae, sed solum secundariae.

§. 4. Tertio, cum Aristoteles horum primorum corporum naturam deberet ex genuinis suis deducere principijs, ille, infru-

Quoslo

Quoso conceptu, non aliter quam ad sensum explicat, dum dicit, quod aer sit corpus calidum & humidum, aqua, frigidum & humidum; sic enim sensui offeruntur: quod idem est, ac si dicerem, horologium esse artefactum ex variis rotulis confectum. Secundarias has voco definitiones, quæ a modo sentiendi suam habent differentiam, & suo loco ostendo, has valde adusum esse ineptas, locumque cedere semper, si adsint, debere primariis. Sed cum Aristoteles *ex principiis suis* hic nihil de his elementis demonstrare posset, quin sit iners & jejenum, maluit ea ad sensum describere, quam inanitatem principiorum suorum in lucem dare. Ad hunc enim fere sensum debuisset aerem describere, quod sit corpus ex certa materia, (materia prima) quæ natura aerea nondum fuit prædita, (privatio) in formam aeream translatum: (forma) quæ quam arida sint & frigida, quilibet à studio partium remotus per se æstimabit.

§. 5. Nam sint v.g. sequentia de igne, resolvenda in sua principia, phænomena, nempe quod ignis gignatur per pyritem, vel per vitrum causticum. Dicat jam aliquis Peripateticus; ignis est substantia calida & sicca, & hinc concludat, quod ignis per vitrum causticum vel pyritem generari possit. Ulterius quærat ex eadem definitione ratio cæterorum, v.g. quare ferrum candens sit multo calidius ipso igne? Cur aqua & salia vim ignis augeant? Cur spiritus vini facillime ardeat, oleum non item? Nihil comprehendet horum omnium, qui de igne plus non novit, quam quod sit corpus calidum & siccum. Eodem defectu laborare & reliquas elementorum Peripateticas descriptiones, quis ex hoc non intelligat?

Quarto, quod hi conceptus etiam experientia refragentur.

§. 6. Denique desidero in his conceptibus, quod etiam experientiæ refragentur. Nemo enim, quo jure *aer* dicatur esse *humidus*, perspicit, nisi aqueis corporibus sit refertus: sed sic etiam terra est humida. Humidum enim qui possit esse aliquid, quod nullum tamen corpus humectet, ego quidem haud video.

Cc

Etiam.

Etiamsi vero aer videtur *alcalica humectare* salia, tamen, si recte calculum ponas, deprehendes, quod aer non sit, qui ea humectet, sed aqua in aere hospitans, unde in sicco aere minus bene succedit phænomenon: sicque adeo haud dubie accidentalis aeri est humectatio, non essentialis. Caterum nulla alia videtur fuisse ratio Aristoreli attribuendi humiditatem aeri, quam quod, cum terra esset manifeste sicca, aqua frigida, ignis calidus, nihil aliud præter humiditatem superesset aeri. Nam alias longe convenientius erat aquam dicere humidam, quippe quæ omnia fere humectet corpora.

Quod aqua non sit maxime frigida.

§. 7. Et aqua, dum dicitur maxime frigida, eodem jure etiam potest vocari calida: nam frigore si imprægnetur, frigida est; sin calore, calida: nec minus caliditatis habet aqua fervida, quam frigiditatis habet, cum est maxime frigida: & adeo & calor & frigus aquæ sunt accidentalia, ideo quia sunt contraria, hæc autem subiecto suo, vel ex ipsis Peripateticorum hypothesisibus, non possunt esse essentialia. De cætero precarium est dicere, aerem esse minus frigidum aqua; etsi enim inferenti in aquam manus id ita videatur; tamen novimus etiam frumentum sub nive non æque gelu perire, quam si libero adhuc aeri sit expositum: nix autem haud dubie non minus frigida est aqua: quin imo cum aqua ab aere frigido frigesciat, contrarium potius videtur esse asserendum.

Vid. Gassend.
Animadv. in
X Libr. Diog.
Laert. p. m.
174.

SECTIO II.

De

Primis corporibus Cartesii sententia.

§. 8.

DE corpore, ex præjudicio vulgaris definitionis, multa habet paradoxa Cartesius, quæ jam una cum illa definitione vulgari cadunt. Naturam enim corporis in eo consistere existimat, quod

Princ. P. II.
§. IV.

quod sit *res extensa in longum, latum, & profundum*: & in hoc à vulgari definitione, non nisi additis tribus posterioribus verbis abit, quæ ipsa tamen, & per bonam consequentiam in vulgari definitione debent intelligi. Cum vero sibi metipsum de spatio movisset dubium, & hanc spatii instantiam remove non posset, *malam causam vertit in gloriam*, & pro singulari acumine in sequentibus vendit sibi assertionem, quod spatium & corpus non nisi conceptu differant: unde porro ad quæstionem, quid futurum sit, si DEUS omne corpus, quod in aliquo vase contineatur, auferat, & nullum aliud in ablati locum venire permittat? acute, ut sibi videtur, respondet, vasis latera sibi invicem hoc ipso fore contigua; ex quo præjudicio & adhuc infert: hanc universitatem nullos extensionis suæ fines habere.

all. I. §. V.

§. XVIII.

§. XXI.

De aere.

§. 9. De aere Cartesius brevius agit, quam pro fecunditate argumenti, putatque aerem nihil aliud esse, quam *congeriem particularum tertii elementi, tam tenuium & à se mutuo disjunctarum, ut quibuslibet motibus globulorum celestium obsequantur*. Sed (1) respondeo, illas tertii elementi particulas, utpote ramosas & angulosas, repugnare naturæ corporis fluidi, quippe figuræ ad intricationem aptissimæ, adeoque secundum mechanicam ratiocinationem, qua aptitudo, (perperam quidem) æquipollet actui, solidum, non fluidum corpus constituentis. Precarium est (hoc est, quod nec refutari potest, nec probari) (2) quod sibi sumit Cartesius, debere à se mutuo esse disjunctas illas particulas. Nam ramosæ cum sint, in angustias coarctatæ non possunt non sibi invicem jungi, præcipue si à potentia ad actum velis, pro more Cartesii, concludere. Precarium est, (3) quod sibi, hujus objectionis declinandæ causa, sumunt Cartesiani, quod earum particularum rami sint parvi & breves, ut in nodos intorqueri nequeant. Imo & plusquam precarium & hoc & illud est, utpote, cuius & hac demonstratione apparet falsitas. Dico enim: vel rami illi se invicem attingunt, vel non: si se attingunt, implicabuntur, constituentque corpus solidum: (et si enim fingantur globuli cœles-

Princ. P. IV.
§. 45. 46. 47.V.g. Rohault
Tr. Phys. p.
m. 509.

stes interfluere hos ramos, ut sæpius non possint conjungi, tamen & hæc mera est fictio, & fieri aliter haud potest, nisi aliæ rationes edoceantur, quin conjungantur interdum) Si non conjungantur dicti rami, singula puncta aeris haud erunt elastica; (nam elasticitatem recentiores, saltem Cartesiani, ita explicant, ut per contiguitatem illorum ramorum necessario debeat concipi) id quod tamen hæcenus nulla experientia potuit comprobare. Imo si tales darentur rami, cum eorum numerus non possit non esse permagnus, aer æque minus posset esse pellucidus atque nix: nulla enim alia potest dari ratio mechanica, quare glacies sit pellucida, nix non item, nisi propter refractionem luminis à ramis particularum nivofarum: quantilli autem sint illi rami aerei, solidi sunt, & per consequens æque præstant refractionem atque majores.

De igne.

Princ. P. IV.
§. LXXX.

§. 10. De igne persuadet, quod in eo consistat ejus natura, quod *particulæ terrestres à materia primi elementi velocissime moveantur*: & in hujus motus velocitate consistere naturam & differentiam ignis ab aere, quippe qui ex iisdem quidem constet particulis terrestribus, sed quæ globulis cælestibus innatent: hosque globulos cælestes segnius moveri particulis primi elementi. Hoc assertum inde probat, quod globuli cælestes per rectas & patentes vias ferantur, & eo ipso particulas primi elementi per obliquas & angustas cogant.

Princ. P. III.
§. LL

§. 11. Sed (1) cum aer mutetur in ignem per meram collectionem ætherearum particularum (quas sive pro globulis secundi vel particulis primi elementi habeat Cartesius, perinde est) uti phenomenon vitrorum causticorum edocet, non apparet, quæ absque globulis secundi elementi, possit esse ignis, hoc modo generatus. (2) Cum ignis ab aere differentiam in velocitate motus ibidem ponat, & ad §. LI. Part. III. provocet, dico, ibi minime gentium probari ætherem celerius moveri aere. Nam etsi torum illud figmentum de globulis aereis, & particulis primi elementi, inter globulos aereos interceptis, concedam; tamen ipsa illa probatio sola nititur similitudine aeris, maxima celeritate ex folle quamvis lentius

§. LI.

tus

tius clauso, egredientis, quæ ad motum particularum primi elementi applicari minime potest.

Quod nihil hic probet similitudo a folle desumpta.

§. 12. Nam ratio, quod aer ex folle celerius egredietur, ea est manifestissime, quod in orificium follis tantum comprimatur una vice aeris, quantum in toto folle proportionaliter continetur. Hoc vero cum absque compressione aeris fieri neutiquam possit, & aer extra follem longè minus sit compressus, quam aer intra follem, adeoque aer ex folle erumpens in externo aere minus resistentiæ inveniatur, quam cum adhuc intra follis angustum canalem mearer, velocius ob hanc mechanicam, nec ullam aliam causam, evolvitur: hic ipse vero aer, quamdiu in ipso follis canali promovetur, lentius multo fertur, quam in cavitate follis.

§. 13. Hoc si applicare intendas ad fictum illum motum particularum primi elementi, deprehendes, quod sophistica hæc sit similitudo, dispar eo ipso respectu, quo convenire quam maxime debebat. Nam quando particulæ materiæ primæ intra globulos elementi committant, (1) per angustas vias haud feruntur: quia hoc ipsum non potest demonstrari. Etsi enim illæ viæ, per quas materia subtilissima movetur, sint longe angustiores, quam viæ globulorum secundi elementi; tamen æque minus ideo potest dici, quod per vias pergat angustas, ac si quis majorem tubum ad minorem comparans, velit dicere absoluto respectu aerem in minore per angustas committere vias, & hinc celerius è tubo minore debere egredi, quam ex majore: nam quilibet intelligit, quantacunque sit utriusque differentia, si simili modo in utrumque tubum impellatur aer, cum quoque pari celeritate exiturum.

§. 14. Ut enim illa viarum angustia efficiat, ut materia aliqua per eas moveatur celerius, debent illæ ratione materiæ una vice movendæ considerari: quæ viæ in folle quam maxime sunt inæquales, si cavitas follis comparetur ad cavitatem canalis: & hæc *inequalitas essentialis est huic phænomeno*, adeo ut ubicunque per vias angustiores celerior debeat fieri progressus, id quod movetur, ex capaciore loco venire debeat. At materia subtilissima Cartesii,

tesii, non per angustiores in progressu, quam in ingressu, movetur vias, sed per æquales aut fere tales, unde & cessat ratio singularis velocitatis.

§. 15. Illud adhuc ad phænomenon velocioris motus requiritur, ut ex angustiore via in liberius spatium, quale in dicto phænomeno est aer externus, feratur materia. Nisi enim in allegato experimento, hoc ita se haberet, ne quidem æque velociter per canale follis moveretur aer, quam per anteriorem ejus cavitatem. Nam major resistentia tardiores haud dubie efficit motum: dubitari autem non potest, quin in canale follis plus sit resistentiæ, quam in cavitatem ejusdem. Jam vero, (2) ubi est, vel esse potest, illud spatium liberioris evolutionis intra globulos secundi elementi? Nullibi. Æquales enim sunt globuli, etsi non mathematicè, tamen physice, ergo & æqualia sunt eorum interstitia, intra hæc vero fertur materia subtilissima. Etsi enim Cartesius inæqualitatem aliquam globulorum celestium, versus terram nostra minorum, statuat; tamen & condonandum hoc ipsi est (nam hoc commento, ad demonstrandas cometarum caudas, eo loco opus omnino habebat) & secundum hanc quoque Cartesii fictionem, quia sensim minores atque minores statuit, non nisi exigua & fere haud sensibilis differentia globulorum & interstitiorum hinc posset demonstrari, adeoque motus materiæ subtilissimæ parum diversus a motu globulorum, neutiquam vero tanta diversitas motus globulorum & materiæ subtilissimæ posset probari, quanta est inter ignem & aerem.

Princ. P. III.
§. CXXXIV.
& seqq.

§. 16. Tertio denique incogitanter videtur Cartesius hunc paragraphum ad demonstrandam ignis naturam allegare. Nam vel in igne quoque dantur globuli secundi elementi, vel non: nullos autem in igne dari expressè asserit Cartesius, quando dicit, *quod ignis per expulsionem globulorum celestium gignatur*, unde manifestum est, nullos esse in igne. Quod si nulli sunt ibidem, etiam nulla aderit majoris velocitatis particularum primi elementi causa: ideo quia hæc causa secundum Cartesium unice in eo consistit, quod globuli per rectas & patentes vias lati particulas materiæ subtilissimæ per angustas & obliquas expellant. Sic ergo, si particule primi ele-

P. IV. Princ.
§. LXXXI.

Part. III.
§. LJ.

elementi non habent causam motus velocioris, non possunt efficere ignem, secundum Sum hujus capitis decimum.

SECTIO III.

De

Primis corporibus Epicuri atque Gassendi sententia.

§. 17.

GASSENDUS in Animadvers. in lib. X. Diog. Laert. ait, *aerem*, p. m. 424.
totum terræ globum, instar cujusdam lanuginis aut epi- & 511.
dermidis, qualis in malo & cotoneo deprehenditur, cir-
cumvestire: & plura de aeris natura non invenio. Non multum
autem abludit hæc Gassendi sententia ab opinione Cartesii, unde
iisdem argumentis potest refutari, cumque utriusque mens & intentio
eo respiciat, ut pro exponenda vi aeris expansiva & contractiva par-
ticulas flexiles & veluti mechanice elasticas statuunt, nos vero tali-
bus particulis mechanice elasticis minime constare naturam aeris in-
fra, ubi de phænomenis antliæ pneumaticæ agendi erit occasio, pro-
baturi sumus, eo benevolum lectorem remittimus. Vide hujus
Cap. §. 9.
§. 87.

§. 18. De igne idem agit d. l. asserendo, quod caloris & ignis p. m. 169.
atomi sint mole exiles, figura rotundæ, motu celeres. Sed hæc de-
finitio communi mechanicorum physicorum præjudicio laborat,
quod principia sibi sumat solida, quæ tamen esse fluida, demon-
stravimus. (2) Cum phænomenis æque minus conspirat hæc hy-
pothesis atque Cartesiana & Peripatetica: nam satis liquido non ap-
paret, quæ ignis vel per pyritem, vel per vitrum causticum genere-
tur, cum nemo perspiciat, quomodo vel pyritis allisio ad chalybem,
vel vitri caustici ad solem expositio, vel particulas rotundas genera-
re, vel augere possit. (3) Neque conservationis ignis per sulphu-
rea, quibus vulgo ramosas attribunt particulas, apparet modus,
cum ramosæ sulphureæ rotundis igneis valde sint dissimiles. Imo

(4) et si

(4) etſi Carteſii hypotheſis de igne pariter ſit falſa, mechanica ſaltem intentione videtur melior. Ignis enim natura eſt deſtructor corporum, & melius intelligi poteſt, quomodo corpus anguloſum poſſit deſtruere alterum, quam ſi ſit rotundum.

S E C T I O IV.

De

*Corpore & primis corporibus noſtra
opinio.*

§. 19.

Cap. II. §. 4.
& ſeqq.

Supra refutavimus communem corporis definitionem, qua putant, corpus eſſe ſubſtantiam extenſam, quotque alii errores ex hoc præjudicii fonte promanarint, ſimul oſtendimus; nunc illam definitionem emendantes dicimus, quod *corpus ſit ſubſtantia elæſtica*, hoc eſt, motu utroque, expaſſivo & contractivo, prædita, ſeu ex utroque elemento ætheris & aeris compoſita, quorum illud corpori vim expaſſionis præſtat, hoc virtutem contractionis: unde in eo poſita eſt natura corporis, ut jam intro jam extra vertatur, prout externa acceſſione aliorum corporum, vel aer ejus augetur, vel æther.

§. 20. Probatur hæc definitio, ſicut alia omnis, ſi duo demonſtrentur: (1) Quod differentia competat *omni* corpori, (2) quod *nulli* oppoſitorum. Poſterius hoc ſatis clarum eſt: nam corpori totaliter opponitur ſpiritus, partialiter materia prima: hiſce duobus oppoſitis non memini ab ullo philoſophorum attributam fuiſſe elæſticitatem: quæ & nulla ratione alterutri eorum poterat attribui. Alterum vero, quod nempe elæſticitas omni competat corpori, non tam in proclivi eſt demonſtrare, ideo, quia aliter quam per inductionem probari nequit: hujus autem univerſalitas *quam facile in diſputando evertitur inſtantia, tam difficulter in docendo enumeratione ſingulorum individuorum evincitur.* Sed ſubſidium aliquod

aliquod in speciebus est, quatenus ex natura speciei probatur, id quod quæritur, & hinc haud dubie de individuis quoque valere judicatur. Tentemus ergo probationem per species.

Quod omnia corpora sint elastica.

§. 22. Omnia quapropter corpora vel solida sunt, vel fluida. Fluidorum elasticitatem antlia pneumatica probat & ignis: nulum enim est fluidum, quod non & antlia & ignis in *bullulas* mutant: antlia quidem tollendo aerem expansioni æthereæ resistentem, ignis vero particulas æthereas subministrando: Hæ ipsæ bullulæ simul ac hujus expansionis cessat causa, in se subsident, pristinamque recipiunt formam: sic ergo nemo non videt, quod omnia fluida sint elastica: restant itaque *solida*.

§. 23. Hæc vel igne consumuntur, ut vegetabilia & animalia, vel non, uti mineralia: etsi enim hæc quoque præter aurum igne consumantur omnia; tamen hoc fit lentius, & interea dum consumantur, manifeste eorundem singulorum observatur expansio, & simulac ignis removeretur, in pristinum statum relapsus: unde haud dubie sunt elastica. Vegetabilia vero & sicca animalium partes, citius igne consumuntur, nec tam manifesta ut in mineralibus, antequam igne pereant, eorundem deprehenditur expansio: unde non videntur esse elastica. Sed vero duo sunt, quæ hic maxime in considerationem veniunt, illud, quod igne consumitur, & id quod post ignis violentiam restat: prius si attentis animadvertas oculis, videbis, quod lignum v.g. resinosum, num in aliis vegetabilibus hoc ipsum non licet tam perspicue notare) suppeditet igni particulas suas, quæ accedentes ad ignem expandantur, & deinceps in nutrimentum ignis abeant: quod si subito ignem extinguas, etiam bullulæ illæ iterum in resinosum solidum corpus redeunt, & in superficie ligni forma solida hærent: quo ipso satis, puto, liquet, quod id, quod vegetabili in nutrimentum ignis abit, sit elasticum, ut non dicam de fumo & fuligine, ex quibus pari facilitate elasticitas hujus nutrimenti apparet.

§. 24. Videndum adhuc est de iis, quæ igne non consumuntur, cinere nempe & sale: oppono hic salem cineri, adeoque per

Vide supra
Cap. III.
§. 51.

cum intelligo terram effectam, nullaque particula ætherea imprægnatam, quæque ideo quoque non est corpus, sed ipse aer in se propter absentiam ætheris collapsus. Hanc terram non esse elasticam concedo, sed quoniam etiam, secundum hæc principia, non est corpus, id ipsum thesi meæ nihil officit: restat ergo sal, qui cum & igne fundi possit, & aqua solvi, dubium non est, quin sit elasticus.

§. 33. & seqq.
hujus Capituli.

§. 25. Unum itaque superest corpus, de quo ex meis quidem principiis probare possum, quod sit elasticum: ideo, quia ejus partes cohærent, *coherere* autem, quod suo loco deducam, *nihil potest, nisi beneficio elasticitatis*; sed per experientiam tamen, fateor, me probare non posse, quod id ipsum sit elasticum. *Adamas* est, de quo loquor, corpus tam durum, ut hætenus nulla innotuerit enchirisis, qua vel solvi possit vel fundi. Sed non sequitur, quod nondum innotuit, illud quoque non posse fieri: nam & talcum sunt, qui solvere norunt, etsi id quidem non quilibet e vulgo sciat: ego sane novi artificem, qui gloriatur, se scire præstare solutionem adamantis: & Plinius dicit, quod sanguine hircino rumpatur adamas: quod etsi ita nude instituenti non succedat, hinc tamen nondum sequitur, quod necessario sit falsum: potest enim quædam nos hodie latere enchirisis.

L. XXXVII.
Cap. IV.

§. 26. Quodsi forte mechanicus quidam philosophus ira nostras, modo datas, de corporum elasticitate, demonstrationes enervare sustineat, ut dicat, ignem subingrediendo poros corporum, eadem expandere, nuda sua corporalitate, nulla, quam nos statui-
mus, radiosâ emanatione, cum primo jubebo thesin suam probare: quam si non potest, liberaliter & *μνησικακῶς* quidem probabo meam, dicendo: in confesso est, quod corporalitas corporis fluidi debilior sit corporalitate corporis solidi, hoc est, quod corpus fluidum mechanice non possit corpus solidum a partium suarum conjunctione disjungere: nam partes molliores mechanice cedunt solidioribus. Ergo partes fluidæ ignis non possunt a se invicem disjungere partes solidas metalli. Quodsi dicas, etiam ignis partes esse solidas: respondeo, sit ita: erunt tamen poris, quos ingrediuntur, vel minores, vel certe non majores: si non majores, non poterunt expandere poros metalli; si porum non expandentur, non potest quoque corpus, cujus sunt

sunt pori, expandi. Quodsi lector putet, posse id fieri, si particula illa motu interno moveantur versus exteriora, sciat, talem esse motum, quem nos statuimus, quem vero mechanici largiri haud possint. Quod vero absolute, absque conjunctione alius causae particulae igneae in corpus aliquod impactae, non causentur ejus fusionem, illud & *salia alcalica*, & *calx viva* edocent, quae copiosis particulis igneis infarcta mole haud crescant.

§. 27. Candido quapropter & cordato lectori, puto, satis probavi: quod omnia corpora sint elastica, id est, quod possint, & ab interno quidem principio, expandi, iterumque contrahi. Quodsi clarum est, quod sit principium aliquod internum, quod corpora expandit, sicut antlia omnium evidentissime, sed & ignis, & tota connexio doctrinae physicae, probat, illud ipsum principium non potest corpora contrahere, unde aliud sit, oportet, quod corpora iterum post expansionem contrahat, quo ipso apparet, quod corpus *duplici constet substantia*, altera expandente, altera contrahente. Nec putandum est, quod Cartesius asserens, *corpora dura non alio glutine conjungi, quam particularum suarum quiete*, aliud dixerit, quam id quod ex praedictio illo suo, quod legem naturae primam vocat, sequitur.

Princ. P. II.

§. 55.

De corporum crassi.

§. 28. Corpora etsi omnia ex una saltem bullula & una particula debeant esse condita, ut sint corpora, putandum tamen haud est, quod non nisi ex una bullula unaque particula componantur singula, sed diversimode mixta sunt diversa corpora, & haec est vera corporum crassities. Sic sunt corpora, quae unam solum habent bullulam aeream, & plures particulas radiantes, sunt quae habent plures: sic & quaedam, quae plures habent bullulas, vel unam solum recondunt in sese particulam, vel plures: & cum plures, tunc vel nobiliorem cum ignobilioribus, vel has solas. Omnium harum crassium accuratum conspectum vide in Tab. I.

§. 29. Bullulae ergo sibi invicem ita applicantur, ut alia aliam involvat, sicut *nucis juglandis exterior cortex interiorum*. Haec multiplicari taliter possunt, ut duae, tres & plures sibi invicem applicantur.

tur. Equidem numerum harum bullularum, quas sibi invicem natura circumponit, definire haud ausim, id tamen dixerim, quod ad minimum ad *quatuor* usque adscendat, uti Tab. I. ostendit. Non videntur autem particulae radiantes inter involventes se invicem bullulas subsistere posse, premuntur enim a nisu bullularum, ut facili vel intro ferantur vel extra.

§. 30. Notandum hoc loco est, quod *bullula ignobilior* non sit capax ætheris nobilissimi; rumpitur enim, quia valde expanditur ab æthere, ut illam tandem expansionem ferre amplius haud queat. Item, quod forte bullula plures non admittat particulas radiantes nobiliores quam unam: rumpitur enim & nobilissima bullula, si duabus nobilissimis expandatur particulis. Sed *plures* tamen omnino fert particulas *ignobiliores*, utpote quarum etiam plures virtute sua non æquant unam nobilissimam: interim & nobiliores plures cum una nobilissima apte conjunguntur, tum ignobiliores spatia illa inter radios nobilissimæ vacua intrant.

De unione corporum & vacuo.

Cap. III.
§. 6.

§. 31. Ex natura corporis, supra exposita, concluduntur aliqua inter radios spatia vacua. Cum ergo supra probaverimus, quod ætheris quidam radii exterius ferantur, hoc loco addendum est, quod, cum nullibi offendant minus resistantiæ, quam in hoc vacuo inter radios, vehementer eo quidem ferantur: unde si duo corpuscula sibi invicem accedant, alterum radiis sui ætheris tendit in spatiola vacua alterius: & si utraque tendant in se invicem, fit unio. Non autem semper se invicem radiis ingredi possunt talia corpuscula. Sistitur namque radius radio, &, si radio non alliditur, sed centro, etiam ab hoc tollitur illius ulterior progressus: unde si duæ se invicem accedant localiter bullulae, quarum altera breviores multo exporrigat radios, quam altera, fit, ut longiores alterius radii ad centrum bullulae minoris perveniant, antequam radii huius alteram possint attingere, nedum intrare, bullulam, unde *non uniuntur*. Hæc ipsa unionis doctrina videtur primarius fuisse scopus illius Platonici de amore dialogi, seu de convivio: in oratione quippe Agathonis p. m. 184. vetus jactat (forte Ægyptiacum)

Vid. Tab. II.
fig. XII.

Vid. Tab. II.
fig. XXXI.

pro-

proverbium : ὅμοιον ὁμοίῳ ἀεὶ μιλάζει, id est simile simili semper accedit, cujus videtur auctor hanc ipsam respexisse meditationem : unde & aliud antiquum proverbium, quod in manuscripto Ildis Lutetiae Parisiorum legit Ol. Borrich. datur hujus tenoris : ἡ φύσις τῇ φύσει τέρεται : natura delectatur natura, eundem habet sensum. de Orru & Progress. Chym. p. m. 27.

§. 32. Forte & aliae possunt esse causae, quare non uniantur corporales bullulae : non tamen videntur plures esse posse, quare uniantur ; unde generaliter ita habendum : Quicquid ullatenus impedire potest, quominus bullulae radiis suis sese mutuo intrent, illud & impedire potest, quominus corpora uniantur. Sic & credibile est, quod, quo profundius in se invicem intrent dicti radii, eo tenacior sit cohesio corpusculorum : ita ut quae *fragilia* sint valde, brevissimis radiis tantum bullulas mutuo intrent. Sic & pura putata *terra* non unitur invicem, quia omnibus particulis radiantibus, ad hanc unionem omnino necessariis, destituitur.

De mixtione sive aequatione aetherea & aerea.

§. 33. Sicut modo dictum est, quod particulae radiantes eo semper suos protendant radios, ubi minus offendunt resistentia, ita sequitur, quod, si angustiore vacuo conclusae sint particulae, ad datum in proxima bullula capacius vacuum exporrigantur. Radii vero particularum semper aequaliter distant à centro suo : unde si unus radius in aliam vicinam bullulam longius protendatur, vel reliqui eandem sibi acquirunt longitudinem, vel centrum debet versus longiorem radium cedere. Si prius sit, bullula debet expandi. Jam vel fert bullula illam expansionem, vel non fert : si non fert, rumpitur, & particula sequitur longiorem radium, transferturque adeo in bullulam proximam : si ferat, bene est, & nihil amplius contingit. Sed potest etiam fieri, ut illa bullula, cujus aliquis radius prolongatur in alteram, propter circumstantes alias bullulas, expansioni hujus repugnantes, vel plane non, vel non sufficienter possit expandi, unde, secundum modo dicta, centrum particulae debet recedere versus prolongatum radium, qui si eo usque protensus, ut centrum dictae particulae ultra connexum bullulae referri debeat,

Vid. Tab. II.
Fig. XXIV.

Vid. cap. III.
§. 43.

in ipsam alteram bullulam transit, & sic miscentur particulae æthereæ, ut quæ plures in altera bullula erant, in alteram abeant, donec utrobique sit omnimoda æqualitas; & hæc est, quam *mixtionem*, seu æquationem corpusculorum ætheream vocamus.

§. 34. Datur etiam *mixtio aerea*, quæ ruptæ bullulæ proximis applicantur, efficiuntque, ut corpus subinde fiat crassius, palpabilius, & demum solidum. Sicut autem manifestum est, quod bullula minor non possit applicari majori, ita claret, quod non semper quodcumque bullulæ rumpuntur, talis fiat applicatio: sed bullulæ ruptæ sæpe modo amissum denuo capiunt ætherem, cujus cum forte non nisi partem aliquam assequantur, minores fiunt, quam erant antea, ideoque cum reliquis in unionem manere haud valentes pro diversitate aliarum circumstantiarum sub specie *terreæ* aut *salis* in fundum destituunt, quale quid non solum in coctione, sed & in diversorum liquorum mixtione subinde observatur.

De Solutione.

§. 35. Quæ vulgo solutio corporum dicitur, verius imbitio quædam eorumdem in menstruo, seu liquore solvente, est, & hoc modo fieri videtur. Solvens superfunditur solvendo, hoc proxime ab illo ambitur, & ita quidem, ut hujus atmospherulæ seu bullulæ mercuriales, à liquore solvente primum circumfundantur: hæc corpuscula, seu bullulæ mercuriales, cum sint naturæ aeræ, magis sunt expansæ, quam bullulæ liquoris solventis, unde cum hoc non uniuntur, sed si liberæ ab irradiatione corpusculorum solidorum solvendæ sunt, protinus, pro more aeris, per liquorem adscendunt. Reliquæ vero, quæ à dicta irradiatione liberæ non sunt, expediuntur lentius, tum nempe demum, quando corpusculi solvendi aliquis radium per bullulam mercurialem assequitur vacuum liquoris solventis; hoc enim factò particula radians in dicto corpusculo delitescens exierit radium suum in vacuum liquoris, eoque ipso protrudit corpusculum mercuriale, quod sub specie bullulæ ex liquore emergens, cum principium unionis sit, corpusculi solvendi aliquam unionem tollit, cumque eodem modo emergant, & reliquæ bullulæ (corpuscula) mercuriales, totum aliquod

cor-

corpusculum solvendi ab unione reliquorum sejungitur, radiisque suæ particulæ in proximum vacuum liquoris solventis introducitur. Hoc idem dum reliquis pariter contingit corpusculis, totum corpus solvendum ratione mercurii sui in auras evanescit, ratione portiuncularum solidarum in vacuum liquoris solventis quasi absorbetur.

Vid. Tab. II.
Fig. XXV.

§. 36. Absorptum hoc corpusculum, ita in corpusculo fluidi solventis constituitur, ut (1) non ipsum attingat facile centrum, (2) ut plura ejusmodi corpuscula in uno fluidi solventis corpusculo seu bullula hospitentur, (3) ut plura illa corpuscula levi inter se gaudeant conjunctione, & ea quidem immediata absque mercurio; (4) ut exteriora illa corpuscula ex uno corpusculo solventis irradiant in aliud proximum. Primum sic probo: radii particularum sunt pyramidales: hinc vacuum inter duos radios relinquitur itidem pyramidale: sicut vero basis particularum est in centro, sic contra basis vacui est in peripheria: unde vacuum versus centrum est angustius. Jam vero omne corpusculum particula radiante prægnans circumquaque æqualiter profertur, seu est quodammodo sphericum: ergo in vacuo duorum radorum pyramidali ad centrum usque, nisi valde sit exiguum, accedere nequit. Secundum ex supra dictis patescit. Tertium hinc patet, quod singulæ suæ radiatione sibi mutuo ferantur obviam, quod ipsæ levi connexionione junguntur. Quartum de exterioribus modo dicimus corpusculis, quæ sicut per poros bullulæ intrârunt, ita radiis quoque per eosdem poros emicant, & in respondentem vicinæ bullulæ porum irradiant.

Vid. Cap. III.
§. 48.
Vid. Tab. I.
fig. I.

Vid. Tab. I.
fig. II.

§. 37. Speciatim in argenti vivi solutione cum aqua, quam vocant, forti instituta, observavi, quod bullulæ adscendentes minore quodam corpusculo gravidæ fuerint: nam ubi ad summitatem aquæ fortis elevata bullula rumpebatur, his oculis vidi, clapsum minus corpusculum in liquore interdum disparsens, interdum ad fundum usque decidens. Quin & plus vice simplici manifeste conspexi, quod bullula adscendens in adscensu suo minor fuerit facta, & ubi parva satis videbatur, jam in summitate liquoris, jam in medio, jam in imo ejusdem disparuerit. Hanc bullulæ con-

VCA-

ventiam adeo perspicue in majoribus licet observare bullulis, ut de canemo, nisi inexpertus, dubitare queat.

§. 38. Hæc vero phænomena specialia atque propria argento vivo esse videntur, & sic contingere, quod exterior bullula mercurii a particulis ignobilioribus hætenus in centro corpusculi hospitantibus, jam vero in capacius aquæ fortis vacuum emigrantibus, & exitum per extimam bullulam non statim invenientibus, expandatur, quo ipso si a copia ætheris rumpatur, quod reliquum est corpusculi, in menstruum secedit, sin nobilior sit illa bullula, quam ut rumpi queat, & paulatim particula ignobiliores emigrent, iterum suo corpusculo applicatur bullula, & cum eo in liquorem solventem absconditur.

De Præcipitatione.

§. 39. Quando itaque spatiola solventis vacua, inter ætheris centralis radios data, repleta sunt particulis soluti corporis, ut nihil amplius intrare queat, cessat solutio, cum ejus cesset causa, nempe vacuitas. Sed illæ tamen minutæ, in vacuo bullulæ hærentes, non putandæ sunt ibidem librari, sed prout dictum modo est, sibi invicem annexæ sunt, & hæc est causa, quare non ex poris, per quos ingressæ erant, iterum elabantur. Ex hac sede deturbari possunt soluta corpuscula duobus maxime modis: (1) elastice seu physice, (2) mechanice. Elastice, si ab injectis, v. g. cupro, corpuscula arripiantur, ita quidem, ut hic motus elasticus fortior sit illo motu, quo sibi invicem, uti diximus, annexæ sunt. Hinc si argentum præcipitetur per cuprum, notissimo experimento, corpuscula intra bullulas solventis abdita ex una bullula irradiant in aliam, unde si cuprum injiciatur, tale corpusculum necessario exterioribus radiis, cupro ejusque mercurio allabitur, cum quo mercurio ob fortiorem irradiationem conjungitur, & sic ex bullulis solventis educitur, & adeo vel cupro adhæret, vel pondere suo in fundum aquæ solventis defluit. Mechanice autem fit præcipitatio per corpuscula solutis minora, v. g. salein, sive communem, sive alcaleum. Nam perpendendum est, quod quoniam radii particularum sunt pyramidales, hinc etiam spatia inter radios vacua sint pyramidalis figuræ, et si respectu illorum inversæ: unde apex

§. 36.

secundum
§. 36. n. 4.

de apex versus centrum basis versus concavitatem bullulæ datur. Ergo soluta corpuscula paulo majora ad centrum usque in dicto vacuo pertingere haud possunt; spherica enim cum sit eorum figura, in spatio pyramidali non possunt attingere apicem pyramidis. Quod si jam minora corpuscula dictum apicem ingrediantur, anteriora corpuscula versus potos bullulæ propellantur, usque dum ex iisdem penitus ejiciantur: & hoc fit, quando corpuscula illa soluta per salia præcipitantur: unde & si argentum in aqua forti solutum per cuprum fuerit præcipitatum, ut nihil amplius vel cupro adhærere, vel fundum petere observetur, tamen affuso sale adhuc sæpe aliquid in fundum descendit.

Quod hæc solutio non sit vera.

§. 40. Sic ergo videntur solvi corpora, quæ tamen revera potius coagulantur: calx enim illa præcipitata longe rebellior est prior corpore: hoc enim levi igne fundebatur, illa non vinci nisi maximo potest: nec fieri aliter potest, cum ingeri iterum debeat educus ab acido menstruo æther. Quamvis autem vulgo etiam distinguant inter solutionem veram atque corrosivam, tamen ea quoque vera non est, quæ absque liquore corrosivo fit, v.g. quando in aqua solvitur sal vel saccharum. *Vera autem solutio* debet fieri per ingestionem ætheris in corpus solidum, & talis est, quando ex sale fit spiritus acidus. Difficulus vero hæc vera solutio procedit, quoniam spatiola inter radios corporis duri, cæteris quidem paribus semper minora sunt, quam spatia eadem corporis fluidi; unde naturali fluxu eo non feruntur, sed violentia quadam debent veluti intrudi: & talis debet esse solutio magni illius operis alchymici.

Vid. Tab. II.
F. XXVI.

§. 41. Nemo hic putet, cum haud difficulter videat fundi corpora ab igne, quod in fusione particulæ æthereæ ingerantur in bullulas metallicas, educi namque dictæ particulæ facile possunt, difficillime vero ingeri: & si vel pauciores possint in centra bullularum deferri, *mutaretur*, credo, metallum in melius: sane enim cum tam cito ad pristinum statum redeat metallum, facile apparet, quod intra bullulas ferantur particulæ igneæ, ipsas vero minime ingrediantur:

Ec

tur:

tur: alias alium sibi acquireret metallum statum, & cum quidem constantem.

§. 42. A priori quoque demonstrari potest, *quod nec ignis nec æther possit metallicas subingredi in fusione bullulas:*

De hoc vide
§. 33.

æther namque per æquationem deberet ingredi, æquatio vero præsupponit unionem, quæ quod inter ignem & metallum dari non possit ex §. 31. patet: itaque quicquid non potest uniri, illud nec potest æquari, quicquid æquari non potest, eorum alterum in bullulas alterius immittere ætherem suum nequit. Quod vero nec

Vide infra
§. 101.

ipse ignis bullulas inire metallicas possit, inde patet, quod ex natura utriusque, necessario bullulæ ignis majores sunt bullulis metallicis, rum &, quot minus vacui est in bullulis metallicis, quam in igneis, unde æther ignis non potest inniti in particulas metallicas.

Vide C. III.
§. 35.

De extractione.

§. 43. Extractio corporum accidentaliter a solutione differt, quod in hac pure tali non tollatur perspicuitas solventis, in illa vero necessario. Nam quoniam in solutione particulæ intrant in vacua bullularum solventis, ætheris promicantes radii, ab harum ingressu haud afficiuntur, unde nec potest cæteris paribus ullatenus turbari perspicuitas. Recte hinc concluditur, quod causa extractionis debeat esse talis, quæ promicantes radios æthereos possit afficere, eorumque micationem impedire: cum vero micent extra bullulas, recte inferitur, quod extractio ita debeat fieri, ut bullulæ extractæ exterius solum opponantur bullulis liquoris solventis: cum etiam si mutuo radii unius bullulæ ingrediantur in vacuum alterius, contraque invicem attingant, eo ipso, ut infra de visione dicturus sum, radiationem luminis causentur, sequitur, quod in extractione, ob sublata pelluciditatem, hoc quidem fieri non possit.

L. III. C. III.
§. 27. seq.

§. 44. Quia ergo particulæ extractæ nec ingrediuntur vacua bullularum extrahentis, nec mutuo possunt recipere radios, relinquuntur, ut exterius inter duos radios bullulæ extrahentis applicentur, & suos quidem in dictam bullulam radios immittant, ii vero, quos ex bullula extrahentis recipit, lateraliter immittantur, ut centrum particulæ radiantis non attingant, sed radiis occurrant, unde

V. Tab. II.
F. XXVII.

unde & horum sistitur motus, & illorum infringitur, sicque adeo pelluciditas tollitur. Unde nec color tincturæ sequitur colorem rei extractæ: sic ex oleo tartari per deliquium, quod aquæ limpidæ colorem habet, extrahi potest tinctura rubicunda: & cum ipsum illud sic dictum oleum sit pellucidum, tinctura tamen ejus non est pellucida. Non tamen ideo negarim, quin aliquæ rei extractæ particulæ ipsas bullulas extrahentis, per modum solutionis, ingrediantur, quæ ipsæ quoque sint salinæ: nam si, quam vocant, essentia cum spiritu vini rectificatissimo facta mutetur in extractum, deprehenditur hoc ipsum extractum salino-sulphureum.

§. 45. *Calor omnem & extractionem, & solutionem, & mixturem, promovet*: nam bullulæ per calorem magis expanduntur, eoque ipso fiunt capaciores: capacitas vero aucta id efficit, ut & interius plures particulæ possint hospitari, exterius plures applicari: unde si infirmius sit menstruum, quale aqua est, ipsa coctione debent dilatari, ut & interius & exterius plures salino-sulphureas admittant.

De fermentatione corporum.

§. 46. Et natura & ars fermentat corpora, non tamen omnia, nec ea, quæ fermentat, promiscue absque debitis circumstantiis aggreditur: nempe (1) aqua, (2) materiæ solidæ ita immersæ, ut nullibi emineat, (3) ære nec plane libero, nec penitus à commercio alterius excluso, superincumbente. Sic enim dummodo unica æthere ita imprægnetur bullula, ut rumpatur, particulæ radiantes ex hac rupta bullula egredientes vicinas bullulas ingrediuntur, adeoque si eo usque turgant æthere bullulæ, ut amplius haud possint, pariter rumpuntur. Unde aqua ad fermentationem est necessaria, quia reliqui fluores ob ætherem nobiliorum, quem continent, non possunt uniri, adeoque nec æquari. Vid. hujus
Sed nec eminere debet aqua supra corpus fermentandum, quia Cap. 5. §. 33
alias bullulæ, largo æthere imprægnatæ, & sic in aerem mutatæ, per aquam ferrentur in superficiem, ibique rumperentur: & sic adeo ulterioris fermentationis causa cessaret. Aeris incumbentis ea debet esse conditio, ut nec plane sit liber, quia sic non posset

ab exhalante æthere fieri mediocriter calidus, id quod ad fermentationem omnino requiritur: sed plane etiam conclusus non debet esse aer, quia subinde aliquid exhalat, quod aerem expandit, qui vel impediret expansus successum motus, vel vasa rumperet.

§. 47. Modus fermentationis mihi videtur talis: Bullulæ debent adesse nobilissimo æthere imprægnatæ: jam quomodocunque debet dari bullula acida ejusdem generis: hæc cum eo ipso, quo est ejusdem generis, cum aliis in fluido aqueo uniatur, per æquationem ætheris particulæ ignobiliores transeunt in bullulam acidam, hoc ipso vero dum transeunt dictæ particulæ radiantes, vicinarum bullularum particulæ transeunt iterum in hanc, & sic porro commigratio quædam ætheris per totam contingit massam. Hac ipsa commigratione multæ bullulæ rumpuntur, & adeo, ubi plures erant sibi invicem superimpositæ, una vel altera eliditur, ut quod sal antea erat, nunc spiritus fiat acidus, quod fuit oleum, spiritus ardens evadat: imo & prout vicinæ bullulæ magis minusve turgent æthere, sic & aliquæ bullulæ & ignobiliore æthere intra radios nobilioris suæ ita fecundantur, ut in spiritum abeant: quædam bullulæ ruptæ, sæpe quoque congressu suo non nisi unam forte particulam ignobiliorem arripiunt, unde in terram, quæ & in omni fermentatione se exerit, abeunt.

§. 48. Multa præclara occurrunt circa fermentationem phænomena, quæ si omnia ex hoc conceptu explicare vellem, facile quidem succederet institutum: vereor autem, ne lectoris patientiæ ægre faciam, applicando omnia: unde unum modo dabo atque alterum. Mustum v.g. destillatum aquam suppeditat, non spiritum, post fermentationem autem eundem præbet satis largiter, quod ita etiam succedit cum cerevisia. Spiritus enim ante fermentationem vel *oleum* est, vel *salsugo*, vel *sal*: singula hæc uniri cum igne nequeunt, adeoque nec elevari; at cum rupta adhuc una est bullula, tunc particula intus abdita nobilissima *radios* suos exporrigens, fit apta ad unionem cum calore, & sic in alembicum provehitur.

§. 49. Sic si massæ fermentandæ sal additur, olei plus solito acquiritur, sin minus hoc fiat, plus spiritus. Sal enim ab aqua solutus

Vid. supra
§. 34.

Vid. supra
§. 31.

solutus æquipollet acido; nam differt solum una bullula ab eodem, unde particulæ radiantēs ignobiliore in salinam bullulam committant, eamque expandunt usque eo, ut exterior rumpatur, alique corpusculo salino applicetur, sic dein mutatur in oleum. Pluribus deducendis superfedere liceat: ut enim omnia hic pro voto succedant, probe nosse jam illa oportet, quæ proximo capite sumus explicaturi: quid nempe sit sal, sulphur, oleum, spiritus.

Vid. infra
Cap. VI. §. 80.

De corporum gravitate & levitate.

§. 50. Generale præterea prædicatum corporis est gravitas atque levitas, quorum adhuc addam causam modumque. Dico autem corpora esse gravia & levia, si in alieno sint loco, absque unione. Sic aer in aqua, in spiritu, in mercurio dum est, in alieno loco est: corpora solida absque solutione & unione in fluidis versantia, in alieno loco sunt; sed aer in aere, aqua in aqua, in suo loco sunt, adeoque nec gravia sunt, nec levia, si ut partes considerentur; totum enim eorum quidem grave est, ideo quia nec istud in suo loco est. Hæc satis aperta sunt, & ab Aristotele recte agnita: is enim ait: *ἅπαντα γὰρ πάνευται, ἔται ἔλθῃ εἰς τὸν οἰκῶν τόπον*, id est, *omnia quiescunt, quando in proprium venerunt locum*: male tamen & inconstanter distinguit inter corpus simpliciter grave, ut terra, & simpliciter leve, ut ignis, dum ait: *λέγω δὲ ἀπλῶς κἄφον, ὃ ἀνὶ αἶνῳ, καὶ βαρὺ ὃ ἀνὶ κάτω, πίφουκε φέρεσθαι μὴ καλυόμενον*: id est, *dico simpliciter leve, quod semper sursum, & grave, quod semper, nisi prohibeatur, deorsum solet ferri*. Nulla ego agnosco simpliciter gravia aut levia, sed pro diversitate loci, omnia & gravia puto esse & levia: sicut v. g. spissior aer super leviolem gravitat, in campana vero urinatoria, & generaliter infra aquam, levis est. Quamvis enim multa dentur corpora, quorum nos levitatem experiri nequeamus, ideo quia locus eorum tam alte infra terram est abditus, ut eo à nobis deferri corpus haud possit, v. g. plumbum; tamen ideo non negandum est, nostrum assertum: nam & ipsum plumbum in venis suis dicitur esse levius, quam in superficie terræ.

Vid. supra
Cap. III. §.
39. & 40.

De Cælo Lib.
I. Cap. IX.

Ibid Lib. IV.
Cap. IV.

Modus motus gravium & levium.

§. 51. Cum ergo in alieno fluido est corpus aliquod, sive solidum, sive fluidum, movetur, sicut omnia corpora; vel potius nifum habet, & infra & supra: sequitur autem semper motum illius elementi, quo antecellit fluidum. Sic aer in aqua & nifum habet illum, & hunc: cum autem ratione elementi aerei debilior sit aqua, ratione ætheris vero fortior, hunc sequitur motum, quo vincit aquam, & superius tendit. Nam ut aer descendat, debet aliquid aquæ elevari, elevationi huic resistit aquæ gravitas, per motum vero gravitatis aeris elevari debet aqua: quodsi ergo ille debilior sit, quam idem motus aquæ, hæc non potest elevari, & ille adeo non descendere: at vero, ut aer ascendant, nihil requiritur, quam ut eo gaudeat nifu, qui dividendæ aquæ unioni sufficiat: hoc enim si non sit, sæpe in spissioribus fluidis, uti succis & aliis, aer in medio hæret immotus.

§. 52. Sic in uno eodemque vitro *quatuor liquores*, diversis coloribus tincti, etsi confusi, recipiunt sua secundum hæc leges loca, v. g. mercurius, oleum, quod vocant per deliquium, spiritus vini, & oleum aliquod verum, vel expressum vel destillatum. Vulgo quidem existimant, graviora *in altum premere leviora*, imo & ut aliqua naturæ phænomena, secundum sterilia sua, resolvere possint, principia, eo absurditatis deveniunt, ut stant, & leviora in altum premere graviora, v. g. aerem putant in barometro & aquam & mercurium, dicto modo, in alto servare. Sed unico phænomeno probari cordatioribus potest, quod hæc quidem persuasio sit falsissima. Nempe asser in aqua depressus manere deberet, si *fluida & sursum premerent & deorsum*. (utrumque enim ea asserit hypothesis) Nam utroque motu pressio- nis æquali (& hæc ipforum est sententia) in loco, ubi insertus fuisset in aquam, asser teneretur, & nec, hoc solo motu pressionis, vel ascenderet vel descenderet: dum vero ipsius asseris accedit gravitas, deberet etiam secus atque accidit, in fundum deprimi asser, nec unquam assurgere posse. Nec est, quod dicas inesse aerem, hunc vero in aqua ascendere: nam & de hoc pariter in-
nempe

nempe quod æqualiter & sursum prematur ab aqua & deorsum, & cum ipsa, secundum mentem eorundemmet philosophorum, sit gravis pressio deorsum tendens, cum motu gravitatis aeris conjuncta, non potest non eundem deprimere: iterum vero experientia docet, quod hoc quidem non fiat, unde cum ex vulgari illa hypothese indissolubili conclusionis nexu sequatur depressio, patet, quod illa ipsa hypothesis sit falsa.

De corporum gravitate aucta vel minuta.

§. 53. Hæc autem nostra superius asserta hypothesis & huic & aliis difficilibus phenomenonis satisfacit. Nam asser ideo per aquam assurgit, quod in aqua extra unionem sit, & plus in se habeat ætheris quam aqua. Sic itaque ætheris præsentia minuit interdum gravitatem, interdum levitatem largitur: pariter absentia ejus gravitatem augeat. Sic *plumbum* ustum postquam durante ustione multum sulphuris, adeoque & ætheris, exhalavit, facile aliquot unciarum pondere augetur, quod vulgo absurde putant esse à particulis igneis: si enim in usto aliquo metallo tot laterent particule igneæ, & caleret, credo, & leve fieret, non grave. Huc & pertinet, quod *cadaver* omne sit gravius corpore vivo: & forte etiam, quod *aurum fulminans* gravius sit auro, ex quo factum est.

§. 54. Sic & etsi *aer* in loco suo non sit gravis, tamen si *comprimatur* in vasculum aliquod, vel in campanam antlia inferatur, propter eandem rationem contingit, ut pondere augeatur, quia utroque experimento æther, levitatis causa, ejicitur. Nam si violenter intruditur aer, eo ipso bullule aereæ in vase, cui novus aer ingeritur, comprimuntur, & sic æther per poros vasis exprimitur. Sin, quod Boyleus fecit cum bulla vitrea, bilanci inserta, campanæque antliæ pneumaticæ immissa, instituat experimentum, elastico nisu egrediuntur per bullæ vitreæ poros in evacuatam campanam particule radiantes seu æthereæ, suoque discessu augent vim elementi aerei ad centrum planetæ, terræ puta, tendentis. Notabiles circumstantiæ sunt, quod aer ter debuerit exugri, antequam suum bilanx amitteret æquilibrium: & quod, etsi exercitor

Vid supra C.
III. §. 38.

Wid. Nov.
Exper. Phyl.
Mech. Exp.
XXXVI. P.
m. 241.

citor ita suum peregerit, ut fuerit delassatus, tamen non nisi tribus quartis grani partibus in vacuo præponderaverit plumbo.

De differentia motus gravitatis & elastici.

§. 55. Sæpe quoque videtur gravitas augeri, ubi tamen non subest nisi motus elasticus, unde *motus gravitatis & levitatis* non confundendus est *cum motu elastico*: est autem motus gravitatis & levitatis motus elementorum, motus vero elasticus est motus corporum. Sic v.g. qui *globulum ignitum* solent ponderare, deprehendunt exiguum aliquod superpondium, hoc ignis esse gravitatem autumant, adeoque se hinc probare, sibi persuadent, quod ignis quoque sit gravis, neque attendunt, quod aer atmosphæricus elastice in quemvis subsidat ignem: unde familiares incendiis venti sunt; infra globulum ignitum vero minus afficere eum aer possit, quam supra eundem: unde dum plus elasticæ expansionis superius in globulum irruit quam inferius, mirum non est, quod paululum lanx deprimatur, deprimenda adhuc multo magis, nisi ab æthere ignis allevaretur.

De gravitate aucta vel minuta propter corporum atmosphæras.

§. 56. Cum autem, ut corpora gravia sint vel levia, debet secund. §. 50. ant esse in alieno loco, notandum, quod ipsa corpora solida quidem extra suum locum esse possint, eorum vero *atmosphæra* in loco suo: unde solidorum, quatenus talium, nisus, valdopere vel augeri potest vel minui, pro diversitate atmosphæraulæ, quatenus hæc vel magis est elastica vel minus, copiosior vel minus; imo quatenus interdum plane penitus unionem cum aere respuit elasticam: dari vero tales atmosphæras proximo capite demonstrandi erit locus. Variæ autem hæc diversitates, circumspecte meditando, facile insinuabunt causas diversæ corporum gravitatis, v.g. quare tam grave sit *aurum*, minus gravia sint cætera metalla? quod suo loco demonstrabimus: id interim monentes, quod multa corpora, eodem modo sicut ars per campanam urinatoriam docet, futura

Cap. VI. §.
22. seq.

Sect III Cap.
XIII. §. 5.

futura sint, secundum naturam soliditatis suæ, longe graviora, nisi ab aere, quem in poris suis vident, allevarentur, quod in ligno videmus; unde & ligna aqua penitus delibuta, adeoque aere poris inhabitante spoliata, etiam ad fundum aquæ subsident.

De navicula Fr. Lana.

§. 57. Ex hætenus dictis apparet, quod inventum Fr. Lanæ de navicula, per aerem remis velisque agenda, sit nullum. Nam sphaerulæ vitreæ aerem continentes naviculam ceream vel plumbeam, non ideo sustentant, quia leviores sunt aqua, sed quia hic aer, dum in alieno loco est, vere nititur in altum. Hoc vero quod imitari nemo in aere possit, hinc apparet, quod nihil præter ignem sit aere levius, ignis vero concludi non possit, ut perduret. Adde, quod vasculum, cui ignis foret includendus, deberet esse metallicum, vel saltem terreum: utraque vero corpora, & metallica & terrea, sunt aere multo graviora. Ut ergo hoc succedat experimentum quilibet intelligit, quod dicto respectu duo debeant haberi posse aere leviora, ignis, & vasculum, cui ignis esset inclusus.

Sturm. Coll.
Curios.
Tent. 7.

*Duo sunt corpora prima mechanica, aer atmosphaericus
& ignis: idealia vero tot, quot sunt diversa semina.*

§. 58. Supra egimus de corporis natura: atque huc usque generalia corporum phaenomena consideravimus, restat ergo, ut ostendamus, duo esse prima corpora mechanica, aerem atmosphaericum & ignem: idealia fere numero infinita. Illud quo elucescat, cogitandum, quod duo sint elementa, æther & aer, quorum illud, si prædominetur, ignis est; sin hoc, aer atmosphaericus, ut ne cum elementari confundatur, dicitur. Vulgari autem sensu hic accipio vocabula aeris & ignis, ignem vocando omne corpus fluidum aqua subtilius & comburendi facultate pollens, quæ est à prædominio ætheris; aerem vero, si tanta ætheris copia haud pollet, qualia sunt vapor, aer atmosphaericus in specie & frigus.

Vid. Tab. I.
Fig. I. V. &
Quod XII.

Quod vero idealia principia sint numero infinita pene, id ex numero *seminum* patet: quodque semina a cæteris primis corporibus essentialiter sint distincta, hinc apparet, quod semina in se habeant corporis sui signatas ideas.

Vid. supra
C. IV. §. 39.

De aere atmosphærico.

§. 59. Aer ergo atmosphæricus est corpus primum a Deo ex una bullula, & vel una particula nobilissima, vel pluribus ignobilioribus, conditum. Dico, ex una bullula, quia aer est subtilior, fluidior, & insensibilior cæteris fluidis: contra si duas haberet bullulas, sibi invicem incumbentes, ut aqua & spiritus, deberet esse & crassior, & minus fluidus atque sensibilis. Dum addo: vel unam solum particulam radiantem nobilissimam habere aerem, vel plures ignobiliores, divisionem respicio, qua aer hic atmosphæricus dividitur in frigus, & aerem in specie: estque frigus bullula una aerea, cum una particula nobilissima: huic enim si accedant plures ignobiliores, vel rumpitur bullula, vel fit calida: calida vero bullula *initium ignis* est. Aer vero atmosphæricus in specie ex una constat bullula & pluribus particulis ignobilioribus: & hæc bullula vel pariter est nobilissima, sic potest in ignem mutari, si nempe centrum ejus intret particula radians nobilissima, cum pluribus ignobilioribus: vel est ignobilior: sic ingressum particulæ nobilioris non fert, sed rumpitur, in ignemque adeo mutari haud potest, sed si ei circumvolvatur adhuc alia bullula, in aquam abit: & hic aer igni essentialiter est oppositus.

Vid. Tab. I.
fig. IX.

Quare aer omnium corporum sit maxime elasticus, & quare magis possit expandi, quam comprimi.

§. 60. Corporum in elasticitate positam esse naturam, supra §. 19. & seqq. demonstratum est: omnium vero corporum uti prima sunt aer & ignis, sic & maxime elastica: aer tamen adhuc magis elasticus igne est, hinc & vulgo putant, aerem ita esse elasticum, ut elasticitate ab omnibus reliquis corporibus distinguatur: id quod falsum esse, modo dicta probant. Ideo vero tam elasticus aer est, quia simplici con-

constat bullula, quæ expansioni non adeo resistit; & quia nihilominus ita expansa est hæc bullula, ut intra radios particulæ suæ adhuc multum detur vacui, ideo & contrariæ ad centrum coactioni non adeo resistit. *Expanditur* vero aer, si plures particulæ radiantes ingrediantur in vacua bullularum interstitia, quarum radii cum naturâ suâ extra suos exporrigant radios, expandunt necessârio bullulam. Hinc locum habet illud Democriteum, vel Democrito antiquius, ἡ φύσις τὴν φύσιν νικᾷ: *natura naturam vincit*. Vid. Ol. Borrich. de Ortû & Progress. Chym. p. m. 27. *contrahitur* idem, si quocunque modo particula radians egrediatur, ut naturali motu ad centrum paulisper redeat bullula. Hinc est alterum illud: ἡ φύσις τὴν φύσιν κρατεῖ, id est, *natura naturam continet*. Id. *ibid.* Aliud est, si comprimitur aer: sic enim violenter ad centrum suum repellitur, sive hæc compressio a circumstantibus aliis fiat bullulis pariter a vi externa urfis, sive ab elastico unionis nisu.

Vid. *Supra*
C. III. §. 42.

Vid. *supra*
§. 31.

§. 61. Sic ergo patet ratio, quare aer possit comprimi, nempe quia intra se habet spatia vacua, quæ nec sunt disseminatum, nec congregatum, nec separatum Atomistarum vacuum: ex hac autem aeris compressione ita, adversus Cartesianos, probatur existentia vacui, ut, quicquid obloquantur, nihil sit: patet itidem manifestissima ratio & modus, quo varie expanditur: patet denique ratio ejus, quod, recensente Sturmio, Honoratus Fabri, ad trigesimam nempe pristini spatii partem cogi posse aerem, observavit: vel ut Boylei habet observatio, ad quadragesimam: item, quod idem Boyleus meminit, aerem etsi per calorem non sit expansus, posse plus quam centies & quinquagies, ultra quod solet, in inferiore hac regione expandi, & rarefieri: quem numerum alii usque ad centum & septuaginta extendunt. Sic multo facilius expanditur aer, quam comprimitur: *comprimitur enim mechanicis viribus, expanditur physicis*: unde mirum non est, naturam plus valere arte: huc accedit, quod aer in hac terræ superficie sit magis quam ultra medietatem contractus, unde nec ipsa uatura hic posset tantum contrahere, quantum potest expandere.

Compend.
Phys. P. G.
Sec. III.
c. IV. n. 11.
p. m. 159.
Nov. Exper.
rim. Phys.
Mech. Exp.
XXXVI.
p. m. 263.

*Quod aer nec gravis sit, nec levis, si est cum simili
aere conjunctus.*

§. 62. Propositio est meo, & paucorum aliorum, judicio evidenter falsa, plurimum præjudicio verissima credita, quod *aer sit gravis*, nec phænomena vel antliæ, vel alia, recte per suppositam hanc gravitatem explicentur. Etsi vero ab aliis evidenter satis probatum fuerit: aerem non esse gravem, vel saltem non tam gravem, quam vulgo a recentioribus philosophis supponitur; tamen, ut solet fieri, ab hominibus naturam *probabilitatis* non satis cognitam habentibus, novis *fictionibus*, *propositionibus precariis*, imo & *principii petitionibus*, subinde optimorum argumentorum vim ita eludunt, ut lector non satis exercitatus plerumque vel nolit operosius, vel non possit, perspicere, ab utriusque partibus stet recta ratio. Itaque & a priori meam demonstrare, & a posteriori evincere, sententiam, fucumque secus sentientium ingenue diluere, est animus.

Probatur a priori.

s. 50.

§. 63. Supra ergo demonstratum est, quod corpus, ut grave sit vel leve, debeat in alieno loco esse absque unione: unde quædam corpora perpetuo sunt in alieno loco absque unione, v. g. lapides, metalla, ligna, adeoque apud nos idcirco perpetuo sunt gravia, quædam cum sint in suo loco, facile in alienum possunt transferri, ut aquæ partes elevatæ in aerem: quædam etsi non sint in suo loco, propter elasticam tamen unionem, haud moventur gravitatis levitatisve motu, uti sal in aqua solutus. At aer hic, qui nos circumdat, & in suo loco est, & in unione cum reliquo aere: unde gravis vel levis esse nullo modo potest: nisi aliæ accedant circumstantiæ.

Evincitur a posteriori.

§. 64. Experimentum omni exceptione majus contra gravitatem aeris est, si antliæ campanæ laxè circumligetur *vesica sibil-*
la

la satis tenera, & jam exhauriatur aer, ut comprimatur, quod vulgo sibi persvadent, campana ad antliam: Sic enim quilibet intelligit, quod primo debeat apprimi ab aere gravi ad campanam vesica. At vero licet exhaurias centies aerem, ne quidem quantum musca insidens movere vesicam poterat, movebitur, sed placidissime quiescit, manifesto argumento, quod nulla hic adsit aeris pressio, sed ab alia causa firmetur campana. Possunt quidem regere gravitatis patroni, aerem intra vesicam tam apte opponi externo aeri, ut ejus pressio nullibi possit magis vesicam in uno afficere loco quam in alio, unde fiat, quod stet vesica immota. Hoc vero est *provincias* aeri dare, ut jam intro premat, jam extra, jam utrobique. Nam fieri non potest, ut aer in vesica ab externo aere prematur, quin parum saltem comprimatur: si autem comprimitur, cedit; si cedit, cedit quoque vesica, adeoque movebitur; Sic ergo manifestum est, quod aer ultra vesicam positus non possit premere, adeoque nec gravis esse: sed forte premetis, qui intra vesicam est; respondeo iterum: nihil potest premere, quin cedat plus solito, versus corpus pulsus: si hoc fieret, saltem aliquis motus, etsi subtilior, deberet in vesica, subsidente nempe, observari. Huc accedit, quod ingenuus quilibet intelliget, tantam deprehendi campanæ ad antliam firmitatem adhæisionis, ut ne quidem, si omnis illa vesica *argento vivo*, sicut aere est, esset repleta, campanæque incumberet, pondere argenti tam firmiter ad antliam posset affigi, nedum ab aere.

*Experimentum Pauli de Lamiria contra gravitatem aeris
omni exceptione majus est, adversus Georg.
Sinclarum.*

§. 65. Attulit & Paulus de Lamiria experimentum inconcussæ soliditatis adversus gravitatem aeris, sequentem in modum: annectit baroscopii tubi superius extremum lanci, alteri lanci imponit pondus, usque dum æqualis utraque lanx fiat: deprehendit pondus in alteram lancem injectum exactissime referre pondus hydrargyri, & vitri; quantitatem si imminuat argenti vivi, & quo-

modocunque variet experimentum, semper eodem modo respondet. Clarum hinc est, quod si aer in altum gravitate sua premat hydrargyrum: pondus hujus nec manus nostra nec libra sentiret: id quod quoniam ab ipsis quoque dissentientibus admittitur, ulterius confirmare nolo.

Sinclar. in
Arte Grav.
& Lev. I. III.
Dial. I. §. III.

all. I. §. VI.
& seqq.

§. 66. Respondet Sinclarus, non esse gravitatem hydrargyri, quæ hic sentiatur, sed superius tubo incumbentis aeris. Hoc solenni his viris audacia sibi sumit: sed sibi metipso paulo post hoc movet dubium, quod sic, si brevior sit tubus, breviorque mercurii cylindrus, nihilominus idem ejus cum longiore debeat esse pondus, id quod tamen experientia refutat, dum pondus semper respondet quantitati mercurii. Hanc quoque solidissimam ut diluat objectionem, novam assumit fictionem, nempe inferiorem aerem premere versus mercurium seu aquam, qui aere eo efficacius premat, quo minus est hydrargyri seu aquæ, quod ejus motui obnitatur pondus: unde ob efficacioris renitentiam inferioris aeris minus accedere pressionem superioris, & sic pro eo ac decrescit liquor in tubo, decrescere quoque gravitatem.

ibid. §. VIII.
ibid. §. IX.

§. 67. Hisce Sinclari fictionibus annisus est liquidissimum illud, contra gravitatem aeris, Pauli de Lamiria experimentum summovere. Sed quod ultimo supponit, vel falsum est, vel frustraneum. Aut enim putat aerem inferiorem externum, una cum mercurio premere quoque ipsam tubi extremitatem, vel solum mercurium: si illud, manifeste falsum supponit: neque enim aliquod inane ipsi oræ inferiori tubi est oppositum, sed pars ejusdem superior, quam nihil mutatus alluit aer: unde nihil causæ est, quod aerem ratione ipsius vitri ad pressionem in altum possit disponere. Quod si vero id modo velit, quod aer solum mercurium in altum premit, non obtinet, quod contendit. Nam sit ita: superior aer tubum premat, non mercurium, inferior hunc premat, non illum: ergo clarissimum est, quod inferius premens aer, nullatenus moderari pressionem superioris queat: adeoque cum gravitatem aeris, qui tubi vertici innititur, *triginta quatuor* librarum esse, sumat Sinclarius, breviori tubo incumbens aer, si verum est, quod §. VI. supponit, non potest non adhuc totidem libra-

librarum pondere in tubum subsidere, quod ipsum tamen haud ita comprobatur experientia.

§. 68. Pensitandum enim hic est, quod mercurius vitro non adhæreat, adeoque si vel maxime ab inferiori aere in altum prematur, tamen cum nullatenus afficiat vitrum, ejus quoque pressionem in altum non posse resistere pressionem superioris aeris descendenti, nisi ad summitatem usque vitri reductus in altum fuerit mercurii cylindrus: id quod tamen iterum experientia haud edocet. Nec ullatenus dubitandum, an ipse aer vitrum inferius premat, an solum mercurium: nam si experimentum instituat cum aqua, cylindrus aqueus pendulus in aperto aere hæret, & si vel maxime licentissime fingatur aer inferior premere in altum ipsam tubi vitream substantiam, tamen augmentum & decrementum mercurii non potest hunc afficere aerem, quippe qui *non mercurio*, sed ipsi *tubi substantiæ*, quæ una cum mercurio haud crescit, subiectus est.

§. 69. Sic ergo falsum est pondus, quod sentitur, in baroscopio, esse aliud pondus, quam mercurii & vitri: Si autem hujus est pondus, aer mercurium non premit in altum: si hoc non sit, palmarium argumentum, pro probanda aeris gravitate, hætenus adductum, cadit. Inde tamen nondum probatur, aerem non esse gravem, quia ejus forte gravitas aliunde probari potest, v. g. ex *hemisphæriis cupreis*, vel *marmoribus politis*, compressis, uti vulgo putant, tam firmiter ab aere, ut vix magna violentia possint à se invicem separari. Sed aliud phænomenon pariter evincit, non esse ab aeris gravitate hanc putitiam compressionem: nam si utrumque hemisphærium sit duarum librarum, deprehenditur, si ad libram exigantur, quod sint librarum quatuor: quod si inferius hemisphærium ab aere apprimatur ad superius, saltem ali- Sincl. all. I.
§. IV.

§. 70. Hanc quoque indeclinabilem objectionem, amore semel electæ, de gravitate aeris, hypotheseos removeat satagens Sinclarus, plura cordato & intelligente homine indigna sibi sumit fragmenta, dicendo: superiorem aerem deorsum ferri pondere *centum librarum*, inferiorem vero sursum eniti solum pondere *non-*
nagin-

naginta octo, unde utraque hemisphæria duarum deprehendi librarum, quibus nempe vis superioris aeris vim vincit inferioris. Sed respondeo: quicquid hic fingatur, illud nihilominus adhuc inconcussum est, quod inferioris hemisphærii pondus omnino pereat per pressionem aeris in altum: si enim vel latum solum capillum promovetur, eo ipso nîsus ejus gravitatis deorsum tendens tollitur, quia fieri non potest, ut unum idemque corpus simul ascendant & descendant, adeoque remanet solum pondus superioris hemisphærii, quod solum etiam secundum omnes hæcæ fictiones adhuc sentitur, non inferius, quippe cujus pondus per pressionem inferioris aeris totum tollitur, cui conclusioni invictissimæ cum repugnet atque contradicat experientia, sequitur, quod falsum sit, aerem inferiorem niti in altum. Nec dici potest, quod aer superior fortius premat inferiore, quoniam expresse & hic & alibi sumitur, pressuram aeris esse uniformem, ubi expresse hoc stabilitur axioma: *corpora fluida, uti aqua, aer & hydrargyrum quaquaversum, uniformiter, & ex omni parte æqualiter urgent & premunt.*

Vid. all. l. p.
267. & Lib. I.
Dialog. l. 1.
VII.

§. 56.

§. 91.

§. 71. Per antliæ quoque phænomena putant probari gravitatem aeris posse: sed & superius illud de vesica campanæ circumligata phænomenon, omnia illa de aeris gravitate commenta vel solum refutat, & nos deinceps adhuc probaturi sumus, quod dictorum phænomenorum nullum, per gravitatem aeris, sed potius per ejus naturam elasticam, contingant; quo ipso evictum quoque erit, hæctenus nondum ulla solida, vel ratione, vel experientia, à patronis gravitatis stabilitam fuisse hanc, de qua quærimus, gravitatem.

De aliis phænomenis, quæ probant, aerem non esse gravem.

§. 72. Consideret vero lector cordatus vel solum illud campanæ urinatoriæ phænomenon, quo campana, nisi alligetur scabellum, pondere suo vix multum ultra aquas deprimitur: & hoc dubio caret omnino, quod si diffingatur campana, vel solæ ejus partes,

tes, longe minus ponderosæ, quam ipsa campana, ad fundum maris defluant, quod idem & cum tota campana, si inversa in aquam immittatur, ut nihil aeris in ea remaneat, contingit. Jam *grave, gravi additum, illud haud dubie reddit gravius*: quod si ergo & aer gravis est, & sola campana, absque aere, in fundum maris descendit, longe citius & præcipitantiùs hoc debet fieri, si aer adhuc accedat: at tantum abest, ut hoc confirmet experientia, ut potius omnium consensu ille ipse aer in causa sit, cur per se descensura campana, non descendat: unde *vel cæco appareat, aerem non esse gravem*. Quod si experimento minus raro hoc velis experiri, sume vitrum vulgari sensu vacuum, orificium ejus vesica obliga, demitte in aquam, non descendet in fundum: confringe, & videbis, quodlibet ejus descendere frustulum.

§. 73. Solennis cantilena responsoria est: *aqua premit in altum*; propositio audax, precaria, imo aperte falsa! Respondeo enim: eadem aqua premit quoque deorsum, cur itaque sursum magis premit, quam deorsum? Imo si deorsum magis premit, quare non campanam absque aere, in mediis quoque sustinet aquis? At premit in aerem, dicis, bene est: ergo & superior, ultra campanam constituta aqua premet in eundem aerem, sicque hæc aqua, adjuvata pondere campanæ, & aeris interius conclusi, multoties superabit inferius prementem aquam, unde necesse est, ut in fundum maris defluat. Velles hic forte regerere, quod corpus campanæ, non admittat communicationem aquæ superioris cum aere intra campanam concluso. Sed qua fronte hoc facies, si memineris, te supra in responsione §. 66. sumsisse tibi, quod aer in baroscopii partem superiorem, aere maxime vacuum nitatur, nihil obstante tubi vitreo corpore, & quidem, quod per se liquet, absque ulla penetratione? Et sic κατ' ἀνθρώπων evincitur, quod & hæc fictio difficultatem haud tollat.

*Quod falsum sit corpora fluida quaquaversum
urgere atque premere.*

§. 74. Cæterum in talibus controversiis cum nihil familia-

Gg

rius

rius sit hisce philosophis mechanicis, quam ad pressionem aliquam, simul & eodem respectu, sursum deorsumque tendentem, veluti ad sacram aliquam anchoram, confugere, & ego supra asseruerim, hanc, quam sibi postulant, propositionem esse aperte falsam, liceat mihi hoc loco evidentem eam falsitatem demonstrare. Primo dico, esse eam contra rectam rationem tam enormiter, ut æque minus possit concipi ac *συνεχόμενον* quodvis: nam nemo, ne quidem ipsi illi, qui id asserunt, dicere potest, quidnam cogitet, quando dicit, fluidum aliquod tendere sursum, & eo ipso quoque tendere deorsum: & ipsi hi philosophi, in Aristotele deprehensam hanc propositionem riderent atque subfannarent. Sed durum necessitatis est telum: absque hac propositione si essent, *mille phenomenonis* suās theses viderent refutatas, omnique auxilio destitutas.

§. 75. Dein est contra ipsam illam, quam defendunt, gravitatem: quæ enim potest esse gravitas, quæ sursum fertur? si dicerent, dari aliquam fluidorum expansionem versus subtiliora, concinnius loquerentur, nondum tamen vere. At illi, etiam ubi nullum vel distantius datur corpus subtile, sicubi opus est, hanc inferius superius, imo & lateraliter, conceptam pressionem in auxilium vocant. Tertio, si etiam absque ullo conceptu talis asseratur pressio, experientia eam vel millies refutabit, nisi forte intellectu gaudeant omnia fluida, ut sciant, quando superius, quando inferius se movere debeant. Nam si v.g. aqua in campana corpus urinatoris circumfluens premit sursum, si monetam urinator in eandem aquam immittit, fundum petit illa, nec potest in altum premi, cum tamen campana, corpus ducentarum & sexaginta librarum, eleveatur; cumque vulgo absurdissimam reddant rationem, quare *natantium corpora a gravitate aque nullis afficiantur molestiis*, nempe quia non solum superius premuntur, sed & inferius: dico primo, hoc mihi videri adhuc absurdius dictum, ac si quis assereret, centenarium plumbi fuisse pulsionis pectori superpositum, & ne hoc ægre ferret, alium centenarium ejusdem materiæ dorso fuisse submissum; dein scire percuperem, an ille narans, qui hactenus ab inferiore aqua fuit in altum pressus, si subito infra hanc

aquam.

Sincl. all. I.
Lib. II. Dial.
V.

aquam sese abdat, ut modo sursum premens aqua dorsum ejus aluat, an ab inferius premente aqua ideo, quia superior huic renititur, dolorem sit percepturus, an vero tam *cauta & industria* futura sit aqua, ut statim modum suum mutet, deorsumque dirigat, quem modo sursum moliebatur?

Quid seduxerit hosce philosophos, ut talem sibi conceperint motum contrarium?

§. 76. Non tamen destituuntur argumentis hi philosophi, quibus suam stabiliant assertionem, quæ omnino refutare cum prolixum sit, & si *πρώτος ψῦδος* eorum fuerit detectum, per se quilibet eorum fucum intelligere queat, generaliter dico: ipsos *non observasse satis naturam motus elastici*, quippe qui semper eo tendit, ubi liberius est spatium. Sic si barometrum mercurio refertum, & pro more conversum, immittatur in aquam, mercurius suo pondere delabitur in aquam, & aqua in tubum ascendit: sic ergo omnia fluida versus aliud fluidum certo modulo expanduntur: unde *aqua versus aerem semper tenuior est, quam in fundo*. Hinc quo altius campana demergitur, eo plus aquæ in ejus cavitatem ascendit. Nam aqua in fundo maris spissior est, quam versus superficiem (non compressior, quod mechanici volunt) unde dum in campana aer datur, efficacius versus eundem expanditur, quam si superiore loco constituitur campana, quippe ubi aqua in se jam magis est expansa, expandique adeo tam valide versus aerem nequit: at sic putant mechanici aquam sursum premere, motumque esse gravitatis, qui tamen est elasticitatis.

Sinclair, all. I.
Lib. II. Dial.
V. p. m. 223.

§. 77. Eadem quoque est ratio experimentorum à Sturmio in Collegio curioso allegatorum: ubi in diversis *tubulis*, aquæ stagnanti immisiss, aqua ascendit ultra superficiem aquæ stagnantis, quia aer in tubulis, à consortio externi aeris separatus, & cum vitro non conjunctus, facilius cedit elasticæ expansioni aquæ: unde quo artior est canaliculus, eo minus in se habet aeris, *minus autem aeris minus aquæ resistit*, unde aqua altius assurgit: porro quo altius eminet

Part. I. Tenc.
VIII. Phæn. I.

net tubulus, eo plus impotentis aeris adest, quo brevius, eo citius ob-
jicitur motus aquæ aeri potentiori externo: hinc in illis magis adscen-
dit, in his minus &c. & sic iterum patet, aquam in altum haud premi,
sed elastice adscendere, & expandi. Idem modus est, si aqua vel in
saccharo, vel *charta bibula*, vel similibus assurgit; nam pori horum
corporum debiliorem pari ratione in sese continent aerem, & in-
epta credulitas mechanicorum est, qua sibi persuadent, dari in his
quoque, veluti in experimento Sturmiano, similes *tubulos*.

*Quod natura mechanisimi repugnet, aerem aquam in
altum premere, tanto magis corpus aqua
gravius.*

§. 78. In recensitis autem experimentis excusatius poterant
falli philosophi, angusto mechanisimi modulo augustam naturæ la-
titudinem emetientes: nam in hisce singulis vel grave levius, ut in
phænomeno campanæ urinariæ, vel simile sibi simile ab altero
adjutum, uti in Sturmianis in altum exporrigere sumitur. Hinc
vero eos persuasio incessit etiam in tubulo, aqua plena, & aperto
aeri exposito, eodem modo in altum premi aquam, cum tamen
per supra demonstratam aquæ in aerem, tanto magis in vacuum
expansionem, in tubulo suspendatur aqua. Et cum reliqui philo-
sophi infirmam rationem potiore ducentes, nullâ, huic commen-
to annuissent, illi audaciores facti, etiam hydrargyrum, in tubulo
barometri, suspendi ab aere, asseruerunt, ignavorum etiam in hoc,
credere quam judicare præoptantium, applausu excepti.

§. 79. Sed interim à priori demonstrabo, quod corpora leviora non
possint in altum premere graviora. Nam nullum corpus, siue id solidum
sit siue fluidum, in altum potest premi à fluido, quin eidem *innatet*: si
enim in altum protruditur à fluido, necessario in ejus superficie hæret:
at quicquid in superficie corporis fluidi hæret, eidem innatat, unde a-
liter in altum promoveri corpus aliquod à fluido nequit, quam ut ei-
dem innatet. Corpus v. gravius innatare leviori, nondum hactenus,
quantum ego quidem memini, quisquam tam perfrictæ frontis fuit,
ut assereret: unde si tubulus vitreus hydrargyro plenus, loco mer-
curii

curii stagnantis, cui in parandis barometris solet immitti, in aquam inferatur, aqua etsi millies, plus minus, & gravior, & spissior aere sit, adeoque sustentando mercurio omni consideratione aptior, tamen haud impedire potest, quominus paulatim desuper in vasculum ruat. Præjudicium præjudicio suffulciunt, qui dicunt, aquam tamen suspendi ab aere, etsi leviore, tum in eodem experimento, tum & in phænomeno nubium: in his enim omnibus non ratio mechanica subest, sed physica, suo loco explicanda. Hoc etiam meridiana luce clarius est phænomenon: Si barometri vasculum inferius, in quo stagnat mercurius, hermetice sigilletur, ut vix aliquot granorum aer delapsuro cylindro mercurii resistat, nihilominus mercurius in alto adhuc libretur absque ulla mutatione, quod nostra hypothesis omnino sic fieri debet: at ἀνύχαιον figmentum est credere, quod *aliquot grana aeris, quartam libræ partem*, (tantum enim pendet plus minus cylindrus mercurialis) gravitate sua possint in altum premere.

Vid. Sincl. all.
I. Lib. I. Dial.
II, §. 11.

*Inviētissimum aliud phænomenon, quo probatur, fluida
in suo loco nec gravia esse nec levia.*

§. 80. Ex dictis aliud colligitur argumentum adversus neotericorum placitum, quo putant etiam fluidum in fluido gravitare, ut possint asserere etiam aerem in aere esse gravem. Inviētissimum hoc dico argumentum: expectas forte subtile, artificiosum, hydrostaticum, mechanicum, ego nihil aliud allego, quam vulgare illud, quod quilibet nostrum in aere ambulans, & in aqua urinatores percipiunt, scil. quod nullum nec ab his, ne vel minimum quidem, sentiat pondus. Huic inviēto argumento ut aliquas obducatur officinas (Georg. Sinclar. lib. III. Dial. II. §. III.) primo dicit, nos ideo non sentire gravitatem aeris, etsi uni nostræ manui pondus aeris *ducentarum librarum* incumbat, quia gravitati & oneri ferendo ab ipsis incunabulis *adfecti sumus*, qui vere ridiculus fucus est, cum nato pusioni ad minimum mille librarum pondus, secundum hanc hypothesein incumbat, quod pondus suffocando cuilibet pusioni par esse, impudentissimum sit oportet, qui negarit.

Vid. ib. §. 1.

p. m. 285.

§. 81. Dein difficultatem dissimulat, dum ibidem ait: *parum aut nihil hic esse difficultatis*; cum quanto pondere aer, qui est superne, premit dorsum manus, tanto pondere is, qui est inferne, premit sursum. Respondeo, eodem modo procedunt, suæque instrumenta applicant, *qui furibus confessionem facinoris extorquent*, & sentiunt utique dolorem, cū inferne & superne simul prematur manus aut digitus: hoc, fateor, sequi ex allegata ratione, quod palma inferne & superne æqualiter pressa non possit *gravitare*, seu deorsum vel latum capillum cedere, minime vero, quod ideo *dolorem* sentire haud possit, quem ob id ipsum, quod inferne simul & superne prematur, omnium cordatiorum consensu, haud dubie sensura est maximum, & eo majorem, quo firmior est resistentia. At obtusa præjudicio tantopere est horum philosophorum mens, ut subinde confundant gravitationem, à pressione ortam, & dolorem, cumque demonstrare deberent, hunc ab inferius renitente & sursum premente corpore tolli, id solum probando, quod gravitatio tollatur, putant se quoque demonstrare, quod propter dictum renisum dolor quoque cessare debeat, qua assertionem nihil magis rectè adversari rationi potest.

p. 286.

§. 82. Pergit Sinclarus fucum facere, dum ait: *Si itaque ulla sit ratio & fundamentum illius questionis proponendæ, cur non, puta, aeris pondus manum deprimat, pari ratione proponenda etiam est hæc, cur non aeris pondere manus sustollatur, vel cur non in orientem vel occidentem protrudatur?* Respondeo, de hoc *inter suos* quarat Sinclarus: quod si enim cordatioribus eandem proponet quæstionem, prompte respondebunt; quia falsum est, id quod mechanici physici supponunt, fluida nempe corpora quaquaversum premere.

§. 83. Facit porro Sinclarus quod poetæstri solent, qui ubi ita confuderunt fabulam, ut quæ exitum habitura sit, non videant, Deum ἀπὸ μηχανῆς accersunt, qui vitio poetæ præsentia sua medeatur. Falsissimam quippe amplexus est thesin, ex qua cum indubia conficiatur conclusio, quod aqua urinatores atque pisces, aer vero homines vasto pondere suo opprimere debeat, divinam providentiam homines, nulla, nisi præ hæc hypothescos, molestia oppress.

pressos salvaturam adducit, eoque ipso phænomenon, hypothesein suam uno ictu evertens, lectoris menti atque cogitationi eripere annititur, dum ait: *Sed divinam imprimis stupeamus providentiam, quod licet ingentes aeris moles nobis perpetuo incumbant, multaq; vi & pondere omnes nostri corporis partes premant, & graviter urgeant, & quod multo magis admiratione dignum, tametsi gravissima aquarum moles in mari piscibus incumbant, nihilominus ne vel granum alicujus ponderis sentiat.* p. m. 287.

§. 84. Denuo suam demonstrationem superius jam nostro calculo notatam repetit, ostendendo, quod manus infra supraque æqualiter pressa æque minus deprimi possit, atque lanx, in qua centum librarum pondus insidet, quamdiu in lance opposita est tantundem ponderis. Scilicet, etiamsi vetum esset commentum illius pressiois supra infraque æqualis, hinc tamen plus non sequitur, quam quod manus non possit gravitare, non vero quod pressio-nem idcirco non debeat sentire. In eodem §. sibi met ipsi de massa plumbi, inniti haud valente, quin sentiat, format dubium, quod, etsi vulgare, cum solvere non possit, impudentia lectorem turbare intendit, dum ait: *vulgaris quidem est ratio, quam parvi pretii deputo, respondetque id ideo sic evenire, quod plumbi massa non ex æquo & uniformiter urgeat & premat, sicut aeris moles:* quæ absurdissima sane est responsio. Nam si cæteris paribus ex æquo aliquid premitur, debet & supra, & infra, & ad latera, quin imo in quovis puncto, premi, unde sequitur, quod si ex æquo aliquid prematur, plus debeat adesse ponderis, quam si tantum inferius atque superius: ergo si Sinclari ratio vera est, sequitur, quod *minus* ponderis sensum imprimat, plus ejusdem eundem iterum debeat, id quod absonum, & rationi atque experientiæ contrarium est.

§. 85. Quinimo etsi refutatione vix egeat tam pinguis & crassa ratiocinatio, quilibet vel hinc intelligere potest, quod hoc effugium sit nullum, si cogitet, quod si quis manum v.g. *elevet*, saltem ducentarum librarum pondus elevare debeat, in quo nihil adjuvatur ipsius conatus ab inferiore aere, quippe qui in æquilibrio est, & nullum nisi affluxus motum præstat; jam vero ne quidem rusticus adeo crassa cute & mente laborare potest, quin, si unciam

unam

unam solum elevet, eam sentiat, & Sinclarus tamen noster nobis persuadere intendit, quod *ducentarum librarum pondus elevare possimus, sine ulla ejus perceptione*. Ridebunt has nugas posterius, quas nostrum permulti, auctoritate capti, venerantur, & admirantur.

§. 86. Falsitatem suæ hypotheseos adhuc aliquo sophismate palliare annititur noster, dum ait: *sentio aeris gravitatem, quando inæquabilis & non uniformis est ejus pressura, ergo nequo ejus sentire gravitatem, quando æqualiter & uniformiter premit*: ubi, *ne vitium in forma sit*, propositio debet esse exclusiva, hunc in modum: tunc solum, quando inæquabilis & non uniformis est pressura aeris, ejus gravitatem sentio, sic demum recte infertur conclusio supra posita. Sed sic major est petitio principii, vel saltem propositio precaria, ex qua nihil potest concludi; nam & ego, & qui meam foveant sententiam, negamus, soli pressuræ inæquali competere sensationem, & noster cum omnibus fratribus suis mechanicis in æternum hanc à nobis negatam propositionem haud probabit; quam etiam ne quidem probare intendit, sed impudenter sibi sumit.

An aer sit, vulgari sensu, elasticus.

§. 87. Cæterum nostri mechanici, ubi deprehendunt, nimis absurdum esse, statuere gravitatem aeris, vel ubi miram illam fluidorum gravitatem, qua corpora quaquaversum premere dicuntur, demonstrare nituntur, secundum placida Cartesii aeri attribuunt particulas *ramosas*, & ut quoque aeris fluiditati quodammodo consulari, Boyleus cum aliis, *spirales* excogitarunt, unde putant, hæc particulas ramosas, compressas & restitutas absolvere illum, quem tot experimentis cognoscunt, aeris elaterem. Hæc hypothesis tam absurda est, quam prior illa, de gravitate. Nam omnis *potentia elateris* in duritie materiæ & magnitudine diametri sita est: nihil autem majores aere possidet vires elasticas, unde debent particule elasticæ aeris illis, qui æqualem aeri vim præstare & exerere nequeunt, & duriores esse & majores: jam vero ferreæ particule elasticæ, magnitudine grani papaveris non possunt quocunque artificio applicatæ & com-

compressæ, tam firmiter apprimere vitrum aliquod, quam vel prima suctione ad antliam affixa deprehenditur campana, ergo minores illi longe, utpote invisibiles, elateres aerei, & fluidæ substantiæ, si non omnino sunt commentitiæ, non poterunt ullatenus præstare miranda illa aeris phænomena.

Vid. supr. cap.
II. §. 33.

§. 88. Nec est, quod putes alterum elaterem alteri insistere, & sic multiplicari vires. Nam si inferior aliquis elater subtrahitur, inferior ramus elateris superioris in locum subtracti restituitur, superiore ramo manente intacto, unde cum multiplicatis elateribus non multiplicantur vires. Huc accedit, quod si antliæ campanæ illinatur subtilior pasta, & aer exhauriatur nullum in pasta vestigium prementis elateris observatur, unde recte concluditur, quod etiam si pluries exugatur aer, tamen hæc non per plures elateres continuetur actio restitutionis, quia hæc non posset absq; pressione fieri, & pressionis vestigia in subtilissime illita pasta deberent deprehendi. Nam cisi fingantur ipsi elateres esse invisibiles, quia forte perfecte sunt perspicui, tamen eorum vestigia saltem microscopio perfectiore debent sentiri in pasta, quippe quæ perfecte perspicua non est: nisi forte millies minores sunt illi elateres, quam quælibet atomus, utpote quæ nudis percipitur oculis, & microscopia dantur, quæ millies corporum augment magnitudinem.

§. 89. Porro nec *fluidus* esse posset aer, si tam intricatis constaret particulis, sive ramosis, sive spiritalibus sive utrisque. Nam si solæ assumantur spirulæ, nullum adest unionis principium, cum spirula spirulæ non possit implicari; sin spirulis addantur ramosæ, vel solæ concipiantur ramosæ, constituent, secundum mechanico-
rum persuasionem, corpus solidum: adeoque secundum hanc de aeris natura ideam, vel aer non erit corpus physice unitum, sed aggregatum saltem, vel non fluidum, utrumque vero experientię repugnat. Quod si quibuscunque sictionibus mechanicis adhuc aliqua aeri concilietur fluiditas, saltem non fluidior aqua posset esse aer. Nam sive illi rotundas, sive oblongas, sive anguillares affingas particulas, hæc omnes minus intricatæ, magisque adeo ad fluiditatem aptæ sunt, quam vel ramosæ vel spirales.

§. 90. Attribuantur demum aeri vel *spirulæ* vel particulæ
Hh ramo.

ramosæ, nemo tamen hinc intelligere poterit acris phænomena, nisi frigide & oscitanter vel ipse ratiocinetur, vel ratiocinantes alios eodem modo audiat. Ex multis unum eligam phænomenon, quod per antliam pneumaticam hodie est notissimum, quo, exhausto ex campana aere, firmari statim illa observatur. Nam etsi non indubitatum penitus sit, quod causa & principium firmationis illius sit externum, tamen probabilius hoc ipsum est, quam contrarium. Jam si fingantur exteriores incumbentes vel spirulæ vel particulæ ramosæ, nemo dicere poterit, quare substracto interiore campanæ aere, hi ramuli vel spirulæ exteriores explicentur: clara autem esset ratio, si exteriores illi commentitii elateres interioribus immediate institissent. Hoc ipsum vero non ita sese habere, sic probo: vel exteriores contingunt interiores, sic vitrum debent pertransire, (nam ut nugandi occasio præcindatur, adhibeamus ad experimentum vitrum crassius) quod si transeunt campanam, non possunt eandem firmare, non solum quia transeunt, sed & quia campanam replent: si non contingunt se invicem elateres, nulla causa est, quare substractis interioribus ullatenus moveantur exteriores: si enim vitrum non permeant, quiescunt in eo, & per consequens mutari nullatenus possunt ab eo, quod intra campanam contingit. Et sic apparet, quod *aer atmosphaericus nec singulariter gravis sit, nec sensu mathematico-mechanico, elasticus.*

*Quæ causa, & qui sit modus phænomenorum
antliæ pneumaticæ.*

§. 54.

§. 91. Naturam atque essentiam aeris atmosphaerici supra explicuimus, illam & veram esse, prout à nobis d. l. fuit supposita, probemus, nunc ostendendum est, quod hinc antliæ phænomena per se, *absque novis fictionibus*, possint intelligi. Sequenti vero capite probabimus, quod omnia corpora in poris suis foveant fluidam aliquam substantiam aereo-ætheream, quam recepto à chymicis vocabulo, mercurium, quatenus intra corporis poros hospitatur, vocabimus, quatenus vero extra corpus protuberat, atmosphaerulam corporis dicemus. Hic mercurius est vinculum unionis

Vid Cap. VI.
§. 21. & 22.

nis salis atque sulphuris corporum, quatenus utriusque particulae radiantes suos in bullulam mercurialem extendunt radios, eoque ipso hæ bullulae mercuriales ita unitæ sunt cum corpore, ut ab eo separari nequeant. Talibus bullulis mercurialibus constat quoque vitrum campanæ, vel aliud quodcunque corpus, loco ejus adhibitum. Quodsi ergo campanæ aer subtrahitur, proximæ interiores bullulae mercuriales expanduntur ab æthere suo, quippe qui in omne spatium vacuum, naturali expansionis nisu, fertur: sic æther succedentium bullularum mercurialium, pari ratione, expanditur in has, primo expansas, bullulas, sequentium æther pari ratione expanditur in anteriores bullulas. Hæ bullulae cum inseparabiliter sint cum corpore conjunctæ, hoc ipso expansionis nisu, qui pariter quoque *in orbe* antliæ concipiendus est, ita sibi invicem obviam nisu respondent, ut superiores obnitentes inferioribus, laterales lateralibus, campanam ad orbem affigant. Probabile est, hunc succedentium bullularum nisu usque in ipsum aerem exteriorem propagari; nec hoc tamen absolute est necesse: cum ipsæ hæ bullulae mercuriales sufficienter præstare id omne possint, quicquid horum phaenomenorum admiramur.

Quod hac hypothese omnes illæ difficultates, quæ communem affligunt hypothesein, tollantur.

§. 92. Hac ergo hypothese liberamur ab omnibus vulgaris hypotheseos difficultatibus, nullisque novis premimur. Disparent enim ea omnia, quæ hæctenus à nobis contra gravitatem, & mechanicos illos fictos elateres fuere adducta, utpote experimentum de vesica suilla, experimentum de mercurio baroscopii lanci subiecto, §. 64. porro de hemisphaeriis cupreis & marmoribus politis, item de campana urinatoria, de diversis tubulis, itemque saccharo & charta bibula, adhuc de fluidis in loco suo nullum gravitatis sensum corpori animali imprimentibus, & tandem omnes illæ difficultates, quæ contra mathematico-mechanicas illas particulas elasticas fuerunt adductæ. Nam in hisce singulis secundum nostram hypothesein nulla requiritur vel aeris gravitas, nulla particulae ramosæ aut spirales: §. 65. seqq. §. 69. §. 72. §. 77. §. 80. seqq. §. 87. 88. 89. 90.

sed unica expansio bullularum, cum corpore suo unitarum, & vacuo proximarum, adeoque in illud tendentium, in hisce singulis experimentis causam modumque quam apertissime insinuat.

Modus experimenti Torricelliani.

§. 93. Etsi autem demonstrationes horum phænomenorum per se cuilibet, nostram hypothesein recte intelligenti, satis possint esse obviæ, quia tamen intelligimus, lectorem in aliquibus circumstantiis minoris momenti desistere à via veritatis posse, statutum nobis est, paucis ea phænomena, quæ aliquam, vel minimam, difficultatem objicere lectori possint, explanare. Itaque experimentum §. 64. secundum nostram hypothesein nullam planissime difficultatem habet: experimentum vero §. 65. cum non adeo sit liquidum, ita demonstramus: Spatium tubuli ultra mercurii cylindrum est vacuum, in hoc ergo exporriguntur particule bullularum mercurialium argenti vivi, atque sic quadantenus cedunt versus spatium vacuum, in has cedentes inclinantur proximæ, in has iterum proximæ, & hæc inclinatio atque expansio continuatur retro usque in externum mercurio stagnanti superincumbentem aerem. Hic ergo aer externus si bullulis constet nobilissimis, habet particulas radiantes magis compressas, unde datæ in mercurio libertati fortius inferuntur, coque ipso validius mercurium versus superius spatium vacuum propellunt.

Quod ex communi errore ita dictum barometrum seu baroscopium, nentiquam gravitatem aeris indicet, sed bullularum aerearum nobilitatem & ignobilitatem.

§. 94. Ex dictis ergo patescit, quod baroscopium nullatenus gravitatem aeris atmosphærici indicet, sed bullularum modo diversitatem, quod ipsum quoque omnes docent circumstantiæ. Nam cum haud dubie gravior solito aer est, cælo puta pluvioso. Mercurius non ascendit, sed descendit: descendit vero ideo, quod bullulæ aeræ vaporosis interceptæ non possint tam fortiter

motum

motum expansionis suæ, utpote ad bullulas vaporosas allisum, explicare, quam si serenus sit aer: imo & interdum cælo pluvio satis adscendit mercurius, si nempe bullulæ vaporosæ adhuc hæreant in alto aere, nondum in superficiem terræ nostræ delapsæ: Sæpe & sereno cælo descendit valdopere mercurius, si nempe & sereni aeris bullulæ sint ignobiliores. Neque enim *serenitas* aeris necessario nobiliores indicat bullulas: sed solum *uniformes* & homogeneas, sicut minus perspicua fluida elementorum suorum heterogeneitatem innuunt: unde & ignobiliores bullulæ homogeneæ & nobiliores homogeneæ serenitatem aeris pariunt, & adeo barometrum *plane non* aeris indicat gravitatem, quippe quæ nulla est, *du-bie* vero serenitatem & pluviositatem, *certo* vero monstrat nobilitatem bullularum aerearum, si adscendat, sicut & plerumque earundem innuit ignobilitatem, si descendat, id quod tamen potest fallere, si aer sit vaporosus.

§. 95. Duo vero sunt, in quibus egregie mechanicis sua vi detur triumphare hypothesis, quorum *alterum* est, quod barometrum in altum montem deportatum subsedisse mercurium monstret; sed secundum nostram hypothesis dicimus sublimiorem aërem, ideo quod sublimior est, plus in sese fovere ætheris, unde ejus bullulæ magis sunt expansæ, quam bullulæ terræ propiores, atque adeo minor est differentia inter bullulas mercuriales & aeris sublimioris, major inter easdem & bullulas terræ propiores: ubi autem major est differentia, ibi fortior nixus, & per consequens nixus aeris inferioris versus bullulas mercuriales fortior est, quam nixus aeris sublimioris versus easdem, unde patet nullam hinc probari aeris gravitatem posse.

§. 96. *Alterum*, in quo sibi valde placent mechanici, experimentum est, si barometrum statuatur in campana Antliæ aere evacuato, deprehenditur in vasculum inferius descendere mercurius: quod putant ideo fieri, quia aer in altum premens mercurium, ex campana evacuetur. Sed, quod hinc nihil pro aeris gravitate probari possit, inde apparet, quod secundum nostram hypothesis longe facilius atque concinnius hoc ipsum intelligi phenomenon possit. Nam dum aer evacuat ex campana, superficiales

Traité de baromètres &c.
p. 9. & seqq.
Vid. supra
§. 51.

Vid. Senf.
Veri & Falsi.
Lib. III. Cap.
VII.

Vid. § 93.

bullulæ mercurii in vasculo stagnantis retro vertuntur, dum æthereæ earundem particulæ plus libertatis in evacuata campana nascæ, nisum, quem versus vacuum ultra cylindrum mercurii direxerant, retro versus vacuum campanæ dirigunt, adeoque mercurium non amplius versus illud vacuum tenent suspensum, sed æquali nisu versus hoc & illud vacuum disponuntur: imo, etsi etiam aliquid majoris renisus versus vacuum barometri adhuc restet, hoc ipsum tamen gravitate sua mercurius vincit, atque sic paulatim delabitur.

Modus experimenti marmorum politorum.

§. 65.

§. 97. Quam penitus prosternatur illa de gravitate aeris hypothesis, experimento Pauli de Lamiria supra demonstravimus: idem experimentum cum marmorum hoc experimento institutum, denuo illam eandem hypothesisin refutat. Nostri hypothesis adversus singula hæc curiosissima experimenta ne verbulo quidem purganda venit. Nam id ipsum phænomenon hoc modo deducimus: notabile hic est, quod marmora & debeant esse polita & sebo illini: hæc etenim duo ideo sunt necessaria, quod bullulæ aeræ inter marmora debeant extrudi, quam extrusionem tum sebum promoveret, tum politura. Si enim non excluderentur bullulæ, particulæ radiantes ex utroque marmore emicarent in bullulas aeris intermediæ, hæc à radiis æthereis turgescerent unionem marmorum prohiberent. Aere vero excluso, particulæ radiantes superficiales bullularum marmoris *mercurialium*, in se invicem per modum unionis inclinantur, nitunturque in sese eo validius, quo fortius distrahuntur: quodsi enim vel tantillulum à se invicem dimoveantur, prolongatur radius in centrum alterius bullulæ innitens, cumque in centro hujus quiesceret, nunc retractus per dimensionem novum acquirit sibi motus momentum: unde motu *perpendiculari* vix maxima vi divelluntur, motu vero *horizontali* persfacile.

Vid. supra
§. 97.
Vid. supra C.
III. §. 31.
iterum secundum C.
III. §. 31.

§. 98. Quodsi autem, ut dictum est, centrum bullulæ una cum retracto marmore retrahitur & ipsum, sequitur, quod ex opposito radians particula vel debeat suum adducere centrum, vel reliquos circum-

circumquaque prolongare radios: quodcunque autem horum fiat, *Vid. supra C. III. §. 43.* sequitur, quod vicinæ bullulæ mercuriales debeant expandi, adeoque successus expansionis hujus ad exteriora usque propagari. Nam si centrum adducitur proximæ bullulæ radii in hoc centrum nitentes debent prolongari; hisce prolongatis, vel reliqui etiam prolongantur, juxta alleg. §. 43. Sic bullula tumescit, suamque profert peripheriam, ut proximæ etiam bullulæ radii debeant præferri; vel centrum debet adduci, quo factò ex opposito constitutæ bullulæ radii pariter persequuntur centrum fugiens, idemque adeo, quod priori casu fiebat, contingit: eadem quoque est hoc respectu ratio primæ bullulæ. Sic ergo apparet, quomodo expansio bullularum mercurialium ad exteriora usque marmorum profluat, unde mirum non est in evacuata campana marmora dilabi: cum nifus eorum, versus superficiem conjunctionis tendens, invertatur. Eodem quoque modo judicandum, mutatis mutandis, de hemisphæriis cupreis est.

*Modus experimenti campana urinatoria, &
cognatorum.*

§. 99. Mirandum phænomenon est campanæ urinatoriæ, quod nostra hypothesi ita contingit: particulæ radiantes minus liberratis in aqua, utpote duplici bullula constante, habent, quam in aere, cujus simplex est bullula, unde aquæ bullulæ versus aerem magis sunt semper expansæ, quam versus fundum. Dum ergo conclusus in campana aer est, aqua inferior particulis suis radiantibus versus hunc aerem expanditur, caque ipsa expansione obnitiatur aeri, & sic campanam certo virtutis gradu in aqua suspensam tenet, tanto magis, quo fortior est ille aeris nifus: unde quo profundius per pondus scabelli demergitur campana, tanto magis comprimitur aer in ea contentus, & ideo plus spatii campanæ occupat aer, quando illa adhuc versatur in superiore maris parte, quam ubi inferius descendit: ipsa enim aqua hic est spissior minusque per se expansa, adeoque fortius expanditur versus aerem, quam in parte superiore. De experimentis aliis cognatis tubulorum, aliorumque vid. supra §. 77.

De

*De alijs experimentis secundum nostram hypothesin
resolvendis.*

§. 100. Plura adhuc sunt antiæ experimenta, quæ vero facile ad exemplar hæcenus à nobis demonstratorum ab intelligente lectore possunt concipi. Unum adhuc deducam ex suis principiis phænomenon, non quidem antiæ, sed vulgare, mechanicis tamen philosophis valde molestum, hinc callide contemptum; nempe si liquore aliquo repleatur vitrum angustioris orificii, & inversum paululum reclinetur, adscendit per aquam aer, superiusque replet spatium: in quo phænomeno *tria* occurrunt notatu dignissima. Primo refutat hoc experimentum mechanicorum hypothesin de pressione aeris. Si enim premeret aer, tota substantia premeret, & sic nulla ejus pars posset separari: premeret enim potius aquam ita in altum, ut nullum superius fieret vacuum, quam ut pars aliqua aeris separata in vacuum adscenderet. Secundo egregie nostram confirmat hypothesin, quippe secundum quam omnes hujus phænomeni circumstantiæ sequentem in modum intelliguntur. Aliquid aquæ, præcipue si inclinetur vitrum, demittitur, hinc ultra aquam oritur spatium aliquod vacuum: in hoc inclinantur proximæ bullulæ aquæ per radios æthereos, eodem modo, quo fieri solet in barometro; sic ergo expanduntur bullulæ totius aquæ, & mercuriales quidem, quibus cohæret aqua, usque in ipsum aerem externum atmosphæricum, cujus summæ bullulæ adeo etiam simili modo expanduntur, ut centrum particulæ radiantis versus radium prolongatum referatur, secundum Cap. III. §. 39. & cum propter vicinum aerem reliqui radii non possint æqualiter expandi, sic porro proximas bullulas plane derelinquunt bullularum posteriores radii, & quia cum aqua uniri non potest aer, hic per aquam ad summum usque vacuum adscendit: adscendit autem, quia bullulæ mercuriales aquæ semper magis magisque succedunt expansæ.

De igne.

Vid. supra §.
58.

§. 101. Ignem quoque inter prima referimus corpora, &
quam.

Vid. Vareu.
Geogr. Gen.
Lib. I. Cap.
X, Prop. V.

quamvis ejus tanta non sit copia, quanta aeris atmosphærici, plus tamen ejus in natura revera datur, quam primo intuitu videri possit. Nam ingens ejus non solum quantitas in Ætna Vesuvio & Hecle, sed & aliis quamplurimis vulgo ignotis montibus ignivomis datur: præterea multus passim in ipsa terra datur ignis, quod sylvarum, interdum exardescentes, testantur. Ignem si latius accipimus, cum dicimus bullulam acream plures particulas radiantes continentem, etsi nulla facultate vel calendi vel urendi præditam, & hoc sensu ignes etiam, quos dicunt lambentes, ignes sunt: strictius vero sumentes hoc vocabulum, ignem vocamus eandem bullulam, tot vero particulis radiantibus imprægnatam, ut corpori animali sensum caloris imprimere queat: hoc sensu calorem, pro substantia acceptum ab igne haud distinguimus: strictissime denique pro iisdem bullulis, quæ vero tot foveant particulas, ut non solum calefaciendis, sed & consumendis corporibus sint pares: & hic significatus proprie hujus loci est. Hoc significatu ignis bullulæ sunt nobilissimæ: nam ignobiliores tot capere non possunt particulas radiantes, quot ad ignem constituendum requiruntur, quoniam vel rumpuntur, antequam iisdem satis mactentur, vel ita grandescunt, ut unionem cum atmosphæricis corporum haud subeant. In igne ergo prædominari particulas radiantes, hinc concluditur, quia luctet: hæ particulæ debent in perpetuo esse motu, quia quantacunque insint copia, nisi continuo moverentur, non possent lumen præstare, uti suo loco probabimus: unde & hoc ad naturam ignis pertinet, ut ejus bullulæ, quod oculis etiam observare licet, perpetuo rumpantur: hoc enim nisi fieret, cessaret motus, & adeo cessaret quoque lumen. Imo nec homogeneas foveant bullulæ igneæ particulas, sed unam majorem & nobiliorem, & plures minores & ignobiliores. Quia enim ignis bullula est nobilior, & quæ adeo fortiter contrahitur versus centrum, requiritur, ut & nobiliore fovecunderetur particula, quæ multum diducere testudinem bullularum queat, ut sic, inter radios hujus particulæ, plurimæ minores hospitari possint: quod si enim tam nobilis bullula ignobiliore solum imprægnetur particula, aer fieret, non ignis.

De calore.

§. 102. Calor itaque sumptus non pro corpore solido calido, nec pro fluido crassiore, quippe bullulis mercurialibus prædito, nec pro accidente, sed pro bullulis aereis mediocriter æthere pol-
 lentibus, non essentialiter, sed *gradualiter* tantum ab igne differt; ubi notandum, quod si corpora solida calefiant, id ipsum non in solidis, qua talibus, fiat, sed proxime in *mercurio* corporum, utpote fluido, ex quo mercurio ignito propagantur quidem particulae radiantes in salinas atque sulphureas aliasque, hæ tamen in statu soliditatis haud possunt calefieri, multo minus igniri: aqueæ vero bullulae, qua tales, calefieri possunt, non vero in ignem mutari. De hoc calore substantiali secundario dicimus, quod gradualiter differat ab igne: primario vero id ipsum valet de aere atque mercurio calefactis: hic enim ut ignis fiat, nihil aliud requiritur, quam ut plures recipiat particulas, illius vero aquei caloris præterea adhuc una debet rumpi bullula: quoniam omnia fluida, præter aerem, mercurium & ignem, duplici ad minimum constant bullula.

De Frigore.

§. 103. Ipsum quoque & summum quidem frigus ab igne non differt, nisi gradualiter: unde est, quod vulgaris docet experientia, olim jam quoque à Plutarcho observata, *hyeme* nempe ignem plus habere virium, quam aliis temporibus. Nam hyemis tempore regnant ordinario in aere bullulae nobiliores, quæ unica particula radiante suffultæ, in intermediis vero inter radios spatiis vacuæ, frigus constituunt: dicta spatia intermedia, si mediocri æthere pol-
 leant, calor gignitur, sin penitus ad rupturam usque eodem turgeant, ignis. Ita datur aliquis aer, qui nec frige fieri, nec calefieri, nec in ignem per se mutari potest, nempe cujus bullulae ignobiliore solum imprægnatae sunt æthere, & talis est plerumque, qui cælo pluvio & obscuro nobis incumbit: tales itaque bullulae nulla particula nobiliore prægnantes, nec absente & deficiente æthere vim frigoris præstare, nec eodem præfente vere calefieri possunt, quoniam spatia inter radios vacua sunt tam exilia, ut subire eadem particulae ignobiliore haud possint. Hæc ratio est, quare talis tempestas ægrotis
 tam

De Oracul.
 defect. Cap.
 VI. p. m. 433.

tam sit funesta, præcipue pituitosis & melancholicis: hæc quoque est causa, quare frigori expositi melius valeant iis, qui in hypocauftis vivunt, præcipue uliginosis: sic quoque intelligitur, *quare summum frigus, summaque caliditas aeris non accurate sequantur solis propinquitatem & remotionem*, nec ita penitus tamen ab iisdem quoque separari possint, ut unquam summum frigus in æstatem, vel summa caliditas in hyemem inciderint: quia & ad hanc requiritur multitudo particularum, quanta in hyemem non cadit, & ad illud defectus particularum, quantus non cadit in æstatem. Nec solus tamen defectus est, qui frigus generat, sed duplex adhuc debet adesse positio, altera bullulæ nobilioris, altera particulæ radiantis nobilioris: ad calorem vero & ignem tres requiruntur positiones: (1) Bullulæ nobilioris. (2) particulæ nobilioris, (3) copia particularum ignobiliorum inter spatia radiorum nobilioris hospitantium.

Vid. Tab. I.
Fig. 1. & IX.

De effectibus caloris atque frigoris.

§. 104. Dicti conceptus nostri hinc veri esse judicantur, si utriusque phaenomena, effectus maxime, absque ulla fictione in subsidium vocanda, id quod rarissime deprehendes in physica mathematico-mechanica, intelligi possint. Caloris quidem effectus non nisi gradualiter ab igne differunt, unde paulo post de iis sumus acturi: frigoris vero generalissimus est effectus, fluiditatem vel plane tollere, vel saltem impedire, quod ita contingit: quodcumque fluidum aer frigidus attingat, apparet ex utriusque conceptu, quod mercurius illius primum afficiatur, inter hunc enim & frigus immediata intercedit unio; sic ergo aliter fieri non potest, quin particulæ radiantes ignobiliores bullularum mercurialium secedant in vacua inter radios bullulæ frigidæ spatia, quo ipso bullulæ mercuriales sunt minores, & bullulæ fluidi, v. g. aquei, ad se invicem accedunt. Hoc & in solidis ita contingit corporibus, unde hæc minus occupant spatium, si frigore urgeantur, majus contra, si calore; quod eleganter demonstravit autor du Traité des barometres duobus *inarmoribus*, quorum alterum in aquam ferventem immissum expansum quadantenus fuit deprehensum, alterum in nivem conjectum condensatum.

§. 105. Dum ergo fluidorum bullulæ mercuriales dicto modo fiunt minores, fit, ut ex unione aliarum bullularum dimissæ veluti substantia aerea, in fluido adscendant, id quod in omni congelatione ipsis licet observare oculis: bullulæ hæc aeræ mercuriales adscendentes, sub finem congelationis, non possunt satis ex fluido evolveri, unde hærentes in eo, & in altum contententes præstant mirabile illud phænomenon, quo *aqua congelata deprehenditur majus occupasse spatium*, quam cum adhuc esset fluida: quod dum observant mechanici, crassa Minerva concludunt, id ideo contingere, quod particulæ frigoris, quas cubicæ figuræ existimant, aquam fuerint ingressæ: cum tamen plane falsum sit, aliquid ex aere frigido subingredi fluidum, sed contra in omni congelatione potius ex fluido emergunt particulæ in bullulas frigoris.

§. 106. In bullulas ergo mercuriales cujuscunque corporis, sive solidi, sive fluidi, æthereis suis particulis privatas secedunt particulæ ipsius corporis, & in fluido una cum mercurio emergunt atque abscedunt, unde hujus bullulæ repugnante sibi æthere liberatæ naturali motu versus centrum suum constringuntur, atque immediate in se invicem irradiant, si corpus sit fluidum: eaque ipsa constrictione, & immediata irradiatione, corpus, si fluidum sit, congelatur; si solidum, arctius tamen in sese redit. Unde intelligi potest, quare ingenti frigore scandulæ tectorum sonitum edant: clavi namque, quibus affixæ trabibus sunt scandulæ, retrahuntur, dum ipsa scandula frigore in se recedit, tantopere vero clavus ferreus in se redire non potest, unde etiam clavi lignei hunc sonitum haud causantur. Quod vero simili modo nec oleum nec spiritus congelantur, causâ, quod bullulæ frigoris cum bullulis spiritus uni-
 Vid. supra
 C. V. §. 31.

§. 107. Animalia & vegetabilia quoque dum destruit frigus corpora, nullo alio id contingit modo, quam quod frigus mercurium corporum destruat, cumque unio corporum hoc mercurio constet, ea post destructum mercurium dissolvitur: sanguini autem, & partibus fluidis nostri corporis dum eripiuntur particulæ radiantes, eo ipso crassiorem quandam consistentiam sibi humores acquirunt.

*Tria curiosa phenomena circa calorem & frigus
demonstrantur.*

§. 108. Si aqua bulliens immittatur in vas quoddam ter-
reum, beneque obthuratum demittatur in puteum profundum, cu-
jus aqua sit satis frigida, sic brevi tempore omnis aqua mutatur in
glaciem, id quod hoc modo contingit: aquæ hujus bullientis bul-
lulæ valde sunt æthere refertæ, & quoniam hæ à duplici aquæ bul-
lula validissime urgentur ad exitum, primo in bullulas mercuriales
vasis terrei plurimum abundantioris ætheris deponunt, cumque in
bullulis mercurialibus aquæ fontanæ pauciores dentur particulæ, hæ
ex aqua in fictile progressæ particulæ secedunt porro in bullulas mer-
curiales aquæ, quæ sic novis particulis auctæ, plus semper exhibent
vacui, unde cum impetu secedunt ex aqua calida particulæ radiantes,
quo factò collabuntur bullulæ aquæ calidæ, & ipse ille collapsus *im-*
petus aliquam virtutem bullulis addit, quo ipso peregrinum mer-
curium inter sese datum expellunt, sicque mediocri frigoris aquæ fon-
tanæ idem præstat, quod alias summum.

§. 109. Constituatur vitrum aqua plenum, in vas plenum ni-
vis, subdatur vasi ignis, sic congelascet aqua. Nam bullulæ mer-
curiales nivis à calore expanduntur, ut particulæ bullularum mer-
curialium aquæ secedant in bullulas nivis, dumque mediocriter ex-
panduntur, semper plus, atq; plus illarum particularum recipiunt, ut
sic adeo illæ bullulæ eodem modo congelentur, uti vulgo à frigore.
Idem quoque contingit, si cuicumque vasi indatur nix cum sale,
& profusæ in mensa vel scamno aquæ vas dictum imponatur, egre-
gieque materia rudicula moveatur, sic aqua congelatur: id quod
eodem modo contingit, nam nix motu hoc funditur, adeoque utri-
usque bullulæ mercuriales expanduntur, ut particulæ radiantes ex
aqueis per poros vasis transeant in bullulas nivis atque salis, quem
transitum motus rudiculæ mechanice promovet.

Quod caloris natura non consistat in motu.

§. 110. Noxia, medicinæ maxime, doctrina est, qua vulgo

statuunt, naturam caloris motu absolvi, & eo magis dolendum, quod in idem præjudicium & Periparetici, & Cartesiani, & Gassendistæ consentiant. Offendiculo ipsis videtur fuisse, quod post quosdam motus v. g. ebullitiones alcali & acidi, item limationes, aliasque reciprocationes viderunt gigni calorem, imo demum ignem, sicut duæ incudes dextre percussæ, ignitæque redditæ, id testantur: unde *παχυλῶς* concluderunt, motum esse adæquatam caloris causam, imo naturam & essentiam. Et si autem in permultis aliis caloribus satis vehementibus, v. gr. ferri igniti, atque carbonis, nullum, qui proportionem responderet, viderent motum: etsi audirent ventum à septentrionibus impetuosisimè flantem, nec calorem, sed frigus gignentem, maluerunt tamen & visui & auditui repugnare, quam semel electam hypothesin deserere.

Vid. ejus com-
pend. Erotema-
tis. Sect. III.
c. VI. n. XI.

§. III. Occurrere quidem hisce dubiis voluit Joh. Christ. Sturmius, dicendo, illam agitationem totius, quæ *ad certam* dirigatur *plagam*, efficere frigus, agitationem vero partium, & quidem variam ac perturbatam in omnes plagas, efficere calorem. Resp. Si de nullis aliis, quam ebullitionis & venti cogites phænomenis, satis recte se videtur habere hypothesi: at si videas phænomenon vitri caustici, ubi motus totius corporis, nempe radiorum in certam dirigatur plagam, nempe focum, ad quem simul ac accesserint radii, ignis adest: idem si ignem afflatu excites, iterum in certam plagam dirigatur motus, nec ideo tamen frigus exoritur, sed calor: porro, si ferra reciprocatur, totum corpus, quod movetur, incalescit, nec apparet, qui partes ejus corporis varie atque perturbate moveantur, cum partes ferræ duriores sint, quam ut varie & perturbate moveri queant; nec dubium est, quin partes egregie ultro citroque moveantur, si in vitro medicinali per aliquod tempus concutiatur aqua, nec unquam tamen deprehensum est, quod calefactum fuerit vitrum.

§. III. Et, si etiam nescio quis internus partium ferri conciperetur motus, sola tamen limatio hujus conceptus docet falsitatem: hac enim experimur, non calefieri limam, sed corpus limatum, quod si ferri partes internæ quomodocunque in motum cieri possent, lima deberet calefieri: nam partes hujus magis à se invi-

cem

cem sunt sejuncta, ut permeari à motu facilius possint, quam partes corporis limati: hoc vero maxime calescit: & contingere quoque aliter secundum nostram hypothesein haud potest. Ut enim calor gignatur, bullulæ abundantiores aeræ attritu debent removeri, hæ ipsæ vero, uti per applicationem limæ promptissime removentur à corpore limato, sic è contrario inter crenas limæ ita latent, ut vel vehementissimo attritu loco suo depelli nequeant. Et cum nullum videatur particularum motus interni extantius dari posse exemplum, quam ebullitionis, notandum, dari persæpe ebullitionem maximam, quam nullus sequitur calor, v. g. si confundatur aqua fortis cum oleo tartari per deliquium: contra, si eadem aqua fortis affundatur vitro plumbi, vix ebullitio aliqua sentitur, & calor nihilominus insequitur, satis sensibilis. Ex quibus omnibus satis clarum est, quod præjudicium illud commune de calore tam falsum sit, quam est commune.

De generatione ignis.

§. 113. Ignis varie quidem generatur, luculentissime tamen per vitrum causticum & collisionem duorum corporum durorum; illius generationis modus hic est: particulæ radiantes à sole in nostrum directi aerem, per vitrum vel speculum causticum colliguntur in unum aeris spatium, cujus bullulæ hac ipsa copiosa receptione particularum mutantur in ignem. In collisione vero duorum corporum durorum abundantiores bullulæ non solum removentur, sed & subita illa collisione ex poris bullularum exprimuntur particulæ, & in proximam aliquam bullulam insinuantur, quo ipso talis bullula in ignem abit: quodsi eadem collisione separaretur aliquod frustulum corporis collisi, ignitum illud decidit, sique ipsi de ulteriore prospiciatur nutrimento, in flammam potest erumpere.

§. 114. Gignitur & alio modo ignis, quam immediate ex aere, sed difficilius, quia bullulæ alius fluidi exteriores antea debent rumpi: ita tamen semper hæc fit generatio, ut aliqua ætheris copiosa cum aere eluceat conjunctio: sic ex spiritu rectificatissimo nitri vel vitrioli cum subtilissimo spiritu therebintinæ confuso oritur ignis. Imo, & ex eodem nitri spiritu, sume vero rectificato, & spiritu

Vid. supra §.
101.

ritu vini pariter rectificatissimo memini tantam esse ebullitionem ortam, ut vasculum, cui inerat, ita incallescere, ut manibus meis teneri nequiverit, totaque mixtura per modum ignis absque sensibili vero flamma penitus conflagraverit. Ex ipsa etiam aqua fieri posse ignem, docet experimentum foeni madidi in ignem erumpentis: aerem enim ad ignem necessarium suppeditant bullulae aquae, particulae radiantes ex foeno transpirant: ut adeo nullum sit fluidum, quod si debita proportione ingeri queant particulae radiantes, non mutetur in ignem.

De conservatione ignis.

§. 115. Unico maxime momento absolvitur actus ardendi, si nempe *sal particularum* semper adsit, & quantum quidem eorum ad rumpendas bullulas requiritur, modus autem ardendi sequens est: generatur quomodocunque ignis: hujus copiosae particulae expandunt ad summum usque gradum bullulas ignis, in has utpote, ubi datur spatium liberius, exporriguntur radii proximi aeris, & si à circumstante alio aere valide illius circumcirca proferendo motui resistitur, accedunt ad ignem bullulae, tum ipsius aeris atmosphaerici, tum nutrimenti ignis, magis expanduntur, & demum rumpuntur, ruptae bullulae excutiunt suum aetherem, qui in proximas bullulas transit. Ex dictis patet, quod ignis semper debeat esse in motu, quia perpetuo debent expandi bullulae, unde fit, ut accedant bullulae tum aeris atmosphaerici, tum nutrimenti, in specie sic dicti.

§. 116. Nutrimentum itaque tum ex aere atmosphaerico tum ex corpore sulphureo, ligno, oleo, sulphure, spiritu vini, sebo, cera aliisque, sibi sumit ignis, & spissus maxime aer atmosphaericus, sibi invicem *resistens*, aptus imprimis ad conservationem ignis est. Nisi enim aer sibi invicem obsteret, ut proxima ad ignem bullulae aequaliter expandi haud possent, non accederent ad ignem, sed expanderentur, ita ut nulla adsit accedendi ratio, quippe quae tum demum sese exerit, cum aequaliter expandi nequeunt. Et sic clare intelligitur, *quare libero aere* debet frui ignis, & quod, ubicunque liberum illud aeris commercium deest, ignis vel aegre con-

serve.

Vid. Cap. II.
§. 43.

Vid. Cap. III.
§. 43.

servetur, vel plane extinguitur: nempe ad ignem si libere commere aer haud possit, attenuatur proximus circa ignem, sic illa tollitur necessaria ad appropinquationem aeris resistit, hac vel imminuta vel sublata æqualiter expandi possunt, si non omnes, saltem aliquæ aeris atmospherici bullulæ, & ideo secundum allegatum Cap. III. Sum ad ignem non traducuntur, unde nutrimento necessario privatur ignis: falsum itaque est, quod vulgo tradunt, à fuligine suffocari ignem.

§. 117. Hanc rationem etiam aliæ confirmant circumstantiæ. Sic notum ex itinerariis est, quod ex fodinis Peruvianis, Porosi dictis, eruatur tam nobile argentum, quod igne fundi renuit, nisi ventus flet à septentrionibus: ab his enim accedunt fortiores & nobiliores bullulæ, quæ & validius sibi invicem resistunt, ut copiosius ad ignem bullulæ, nutrices ignis, urgeantur. Sic pariter lampas, qua vitrum conflatur, & aurifabrorum etiam aliis usibus inservit, id ipsum docet; fistula namque afflatur ad ignem aer, & quamvis minuatur flamma, immane tamen quantum augetur virtus ignis: quia bullulæ aeræ, quæ mechanica (physice pura) ratione ad ignem haud accederent, vi afflatus ad eundem propelluntur, quod ipsum quoque in culinis ventilabro, in officinis folle præstant.

§. 118. Ignis vero in atmosphaera nostra nunquam destituitur aere, sed quodcumque extinguitur vel imminuitur, defectus ætheris seu particularum radiantium in causa est: unde etiam ex ipso aere dum nutritur, vel si ob defectum liberi aeris commercii extinguitur, id non ideo contingit, quod bullulis aeris destituantur, sed quod ex paucioribus bullulis ruptis non satis ætheris evolvatur. Hic aer quidem ignem gignit, sive nobilis sit, sive ignobilis, dummodo non plane infimi sit gradus; id tamen observandum, quod nobiliores bullulæ plures concipiant particulas, antequam rumpantur, ignemque adeo reddant longe vehementiorem, quam ignobiliores, quippe quæ paucioribus intra se conceptis bullulis rumpuntur; quo copiosiores vero bullulis insunt particulae radiantes, eo vehementior ignis est: unde & experimenti modo de fodinis Porosi adducti plenius apparet ratio: vide quoque experimentum supra §. 103. ex Plurarcho allegatum.

Vld. supra
§. 101.

§. 119. Quia vero ex aere atmospharico, quantum satis est, particularum radiantium hauriri nequit, ideo ignis plerumque adhuc corporis alicujus sulphurei accessum requirit; id ipsum enim est corpus sulphureum, quod intra plures bullulas plurimas recondit particulas: unde quia sulphur ipsum veluti coagulatus quidem ignis est, felicius quam alia corpora omnia, etiam absque liberi aeris commercio, ardet. Sic v.g. indatur frustulum cereæ in vasculum ab igne tutum, obtegatur maxima pars apertura, paucò tempore extinguetur. Eximatur hæc & loco ejus immittatur filum sulphureum, quomodocunque adaptatum, ut erigatur, obtegatur eodem modo apertura vasis, constanter ardebit, neque extinguetur: imo penitus contegatur apertura, sic nihilominus adhuc aliquandiu ardebit.

De ignis nutrimento mediato & immediato.

§. 120. Notum est de cætero, quod ignis immediate nutriatur à lignis, spiritu ardente & sulphure; non vero nisi mediate ab oleo, cera, pinguedinibus; plane non, à cæteris corporibus, cujus rei ea est ratio; quod nutrimentum ignis debeat esse corpus, quod constet corpusculis, quæ sic satis igneis æqualia sint: hoc si desideretur, corpus aliquod vel nutriendo igni erit ineptum, vel non nisi mediatum nutrimentum suppeditabit; quia nempe ab igne æqualia illa corpuscula debent reddi: nam ardere nihil potest, nisi sit unitum; uniri autem quod debet, æqualibus constet corpusculis, necessum est. Lignum ergo immediate ardet ob sulphur suum, cujus mercurius (vid. Cap. VI. §. 74.) est igneus, sulphur ob eandem rationem, spiritus ardens propter æqualitatem corpusculorum: oleum, cera & pinguedines non ardent, nisi mediate, ideo, quod eorum corpuscula igneis sunt inæqualia, cæterum mercurio destituuntur hæc corpora, (nam omnia viscida eo carent) non vero nisi parum differt magnitudo corpusculorum horum corporum ab igne, unde mediatum saltem igni præbent nutrimentum: reliqua vero, utpote salia, metalla, aqua & alia non viscida, mercurio gaudent, cujus corpuscula sunt adeo igni inæqualia, ut nunquam uniri cum eo possint.

Quid

Quid sit fuligo.

§. 121. Sicut aqua ab igne ad ebullitionem usque concalcata, antequam ruptis suis bullulis, in ignem mutari possit, ascendit, & in chaos aereum exsolvitur; ita & olei multæ bullulæ nobiliores, à conceptis particulis igneis non ruptæ, elewantur, & fuliginem constituunt. Sic apparet, quare fuligo multum contineat sallem volatilem: nam sal volatilis, ut infra demonstrabimus, triplici constat bullula, & particulis ignis, unde si unica bullula olei rumpatur, non potest non hinc fieri sal volatilis. Apparet hinc etiam, quod sal volatilis non sit in ligno, sed quod per ignem ex oleo ligni generetur. Apparet porro, quare carbo & ferrum ignitum vehementius urant igne, quia nempe carent fuligine: item, quare omnis ignis inferius sit vehementior quam superius, propter eandem rationem: item, quare pulvis pyrius non accendatur à flamma, sed à carbone: nam fuligo flammam reddens impuriorem, prohibet ejusdem cum pulvere unionem.

Vid. C. VI.
§. 64.
Vid. Tab. I.
Fig. XIX.

S E C T I O V.

De

Usu doctrinæ de primis corporibus adversus atheismum.

§. 122.

CORPORIS naturam minime extensione absolvi supra demonstratum est: ex hac vero vulgari doctrina aliquod suis sophismatibus glaucoma paraverunt athei. Sic Spinoza, dum vulgarem assumit corporis definitionem, recte concludit, quod ubicunque sit extensio, ibi etiam dari debeat corpus: jam vero negari non potest, quod, ubicunque sumatur hic mundus esse finitus, ibi adhuc detur extensio, cumque hæc præjudicio vulgari constitutatur naturam corporis, inficiari nemo potest, quod, ubicunque con-

C. III. §. 32.
it. hoc Cap.
V. §. 19.

Kk 2

cipia.

cipiatur finis corporis, ibi adhuc debeat dari corpus, & quod sic in infinitum cogitationes continuando, semper deprehendatur adesse corpus, adeo ut ob hanc rationem *corpus* non possit non esse *infinitum*. Cum autem infinitas sit prædicatum Dei, facile à præjudicata hac corporis definitione eo inclinari intellectus potest, ut corpus, adeoque & mundum, pro Deo habeat, qui Spinosistarum error est.

Quod DEUS non sit corpus.

§. 123. Huc accedit, quod etiam extensio (activa puta) non tam repugnet Divinis perfectionibus, quam vera corporis natura, elasticitatem puta. Etsi enim ego nolim dicere DEUM esse extensum, tamen si quis hoc asserat, nondum mihi, & multis quoque, ut puto, aliis, satis validæ suppetunt rationes, quibus contrarium ingenue me posse evincere confidam, adeoque mihi saltem, pluribusque aliis, à communi circa corporis definitionem præjudicio eripitur argumentum, quo liquidissime probari potest, ex vera nempe definitione corporis, quod DEUS non possit esse ipsum hujus universi corpus.

§. 124. Probatio vero nostra ita se habet: corpus est substantia elastica; substantia elastica non est libera, sed agit necessario; Deus autem non agit necessario, E. Deus non est substantia elastica, seu corpus. Sic aer tenuior necessario superadscendit crassiore, hic vero ultra illum suis viribus elevari nequit. Quod si putes, DEUM debere esse corpus ab omnibus imperfectionibus purum; respondeo: Sic vero DEUM non fore corpus, cum *essentialis corpori sit imperfectio*, nempe finitas.

Quod finitas corpori sit essentialis.

§. 125. Sed & hoc ipsum, quod corpori essentialis sit finitas, sic probō: Corpus est substantia elastica, id est, ex æthere & aere composita: aeris motus tendit à peripheria ad centrum, ætheris à centro ad peripheriam, corpus est, quod utroque motu, si non actu, saltem potentia, gaudet. At DEUS neutro motu potest

test moveri, non à centro ad peripheriam, quia sic non esset omnipræsens: moveretur enim eò, ubi non erat; nec à peripheria ad centrum, quia sic peripheriam dereliqueret, adeoque spatium aliquod, in quo DEUS non sit, vel saltem ubi non fuerit, daretur. Si denique dicas, DEUM concipi debere ut corpus infinite extensum, quòd nunquam vel à centro, vel ad centrum moveatur; respondéo: Sic, nostra hypothefi, non posset dici corpus, sed modo materia, seu ens substantiale infinite extensum.

Alia adhuc demonstratio pro existentia DEI, secundum nostram hypothefin.

§. 126. Ex ipsa quoque corporis natura concludi potest, dari DEUM. Nam etsi fingantur elementa à se & per se ab æterno existisse, tamen *in corpus coire absque Deo haud potuerunt*. Aeræ namque bullulæ recipere quidem æthereas possunt particulas, si jam iisdem polleant: at vero si iisdem nondum sint imprægnatæ, nulla possibilitas mechanica elucet, qua intromittere easdem, etiam ad ingressum dispositas, potuerint. Nam moventur bullulæ ad centrum suum, adeoque eo, quo existunt, momento in idem ^{Vid. infra} coeunt, ^{Cap. VI §. 52.} atque sic in terram mutantur, quæ terra, quatenus talis, nullas in sese recipere particulas potest. Fuerit itaque substantia aliqua his prior, quæ sua virtute bullulas tamdiu distinuerit, donec debita particula radiantibus fuerint ingressæ, necesse est.

De mundi per ignem consumptione, secundum nostram hypothefin.

§. 127. Favet præterea veræ religioni nostra de igne hypothefis, dum probamus, ex aere ignem fieri, per additionem ætheris: sic enim facilius, quam secundum cæteras hypothefes, intelligitur, quomodo mundus igne sit periturus. Nam si DEUS omnem fixarum ætherem colligat in atmosphæras planetarum, eo ipso totus planeta in ignem mutatur, adeoque & fixa consumitur, & planeta. Etsi enim quædam corpora difficilius obediant igni, v. g. terræ atque lapides, adeo ut quædam vulgari enchirisi ne
Kk 3
quidem

quidem liquari possint; observamus tamen, quod id ideo contingat, quia satis fortis haud est ignis. Sic enim lapides, qui in fornacibus nostris liquari haud possunt, liquantur in officinis, ubi vitrum paratur: & terra illa, qua constant, crucibula quæ vocant, artificum, in vehementissimo etiam igne nullam fusionem subiens, *si majoris cujusdam vitri caustici, per specula, vis augeatur, funditur atque liquatur.* Quodsi ergo hic ignis artificialis tantis pollet viribus, ut tam rebellia fusioni subjiciat corpora, quid non futurum credamus, si totus ille oceanus æthereus in terram nostram demittatur? Fundetur nempe non solum omne corpus, sed & rumpentur omnes bullulæ, donec penitus cessent, ad quod, fateor, speciatim adhuc omnipotentia Dei concurret: solus supererit æther ultimus in destructione hujus universi, sicut in destructione ejusdem primus, eadem Dei omnipotentia in nihilum redigendus.

S E C T I O VI.

De

Usu doctrinæ primorum corporum adversus superstitionem.

De

P E S T E.

§. 128.

Plum quidem est, DEU Magnoscere facinorum nostrorum se-
verum vindicem; quia vero facile contingit, ut naturalia
mala naturalibus remediis depellenda, si immediate à Deo
immissa credantur, ita devastent humanum genus, ut nemo iis
vel audeat resistere, adeoque animus noster, saltem quod ad prudentiæ attinet regulas, corrumpatur hac falsâ persuasione, eo
vid. supra
Cap. I. §. 118, ipso talis persuasio superstitionis nota haud caret. Talem passim homi-

homines de peste sovent opinionem quam cum videant, tantas tamque subitas edere strages, ipsum DEUM destinato consilio immittere pestem, existimant.

§. 129. Recta vero, tum de aere, tum de igne, hypothesis ostendit, naturalissimam esse generationem pestis, & adeo naturalibus remediis ejus obsisti posse furori. Ignis enim est pestis, igneque furore enecat animalia, unde & eodem modo extinguitur, quo ignis. Febris porro pestis est, ejusque natura in igne & febre consistit: est ergo pestis *febris ignea*. Nam febres epidemicæ & pestem præcedunt & comitantur, & ipsa pestis in easdem, quando remittit, mutatur. Unde etsi nullum sit dubium, quin causa febrium dictarum sit in aere; nemo tamen forte æquali perspicuitate, qua nos possumus ex nostris, earum febrium naturam ex suis valebit cognoscere principiis.

Demonstratio naturæ pestis ex nostra hypothesis.

§. 130. Nam aer atmosphæricus jam ex nobilibus constituitur bullulis, jam ex aliis. Nobiliores illæ bullulæ sunt, quas causam tum febrium in genere, tum pestis existimo: illæ ipsæ vero haud dubie frequentiores sunt ex febribus & peste, unde pro adæquata causa pestis haberi non possunt. Plures enim tales & pluries attrahuntur ex aere nobiliores bullulæ, quam pestis generatur, cum saliva vero & humoribus corporis nostri, nisi aliud quiddam accedat, mechanica ratione misceri haud possunt. Minores enim sunt dictæ bullulæ, ob nobilitatem aeris, quam omnes reliquæ: nostrorum contra humorum bullulæ, quia tam forti ad centrum motu haud gaudent, majores sunt. Harum particulae radiantes suis in centra bullularum nobiliorum ingressæ radiis, abarcent illas à sui unionem, sicque adeo, quæ unitæ cum humoribus nostris maximum dare possent damnum, nobiliores bullulæ, extra unionem constitutæ, ne minimum quidem dant turbæ: sicque *materia pestis sepiissime à nobis innoxie hauritur.*

Vid. supra
§. 31.

§. 131. Etsi vero etiam interdum dictæ bullulæ ita expandantur, ut æqualem cum nostris sortiantur magnitudinem, ut uniri possent videantur, anima tamen nostra peculiari sensu, ipsi proprio, præ-

prædita percipit præsentiam inimicarum œconomix animali bullularum, easque omni nisu ab unione cum humoribus nostris abarceat. Quod si vero quomodocunque accidat, ut animali æthere imprægnentur dictæ bullulæ, anima ætherem animale[m] percipiens veluti decipitur, ut unionem bullularum pestilentialium admittat: & hæc est *vera ratio contagii*, & ob ipsum, recte magistratus à suis finibus abarceat infectos: etsi enim aerem arcere haud possint, id tamen assequuntur, ut bullulas æthere humano infectas, vereque pestilenciales, prohibeant à nostra atmosphæra. Hæc quoque est ratio, quod bruta peculiarem habeant pestem, suæ modo speciei sustentam, hominesque non facile invadentem.

§. 132. Quod si ergo dictæ bullulæ nobiliores mediante æthere animali cum nostris uniantur humoribus, cum humores nostri inde à chylo usque ad sanguinem, subinde addito æthere seu spiritibus animalibus perficiantur, & nostræ bullulæ ejus sint naturæ, ut ad certum usque gradum caloris expansæ rumpantur, id quidem ita fieri cum bullulis pestilentialibus, quæ ob nobilitatem suam tam facile rumpi haud possunt, nequit, unde spiritibus magis magisque impletæ demum degenerant in ignem, quem vegara natura per excitatos *carbunculos* à nobilioribus partibus prohibet.

§. 133. Bullulæ autem aeræ nobiliores quæcunque gradualiter differunt, unde quædam à mediocri rumpuntur æthere, quædam non nisi à copiosiore: quod si ergo eo usque incalescant, ut aliquem destructoriæ efficacix sibi acquirant gradum, *febres epidemice, catarrhales* primum, dein *exanthematicæ*, tandem *petechiales* generantur; sin tam capaces dictarum particularum sint, ut in verum ignem mutentur, ipsa pestis gignitur.

§. 134. Singulare est, quod curiosi observarunt, quod nempe, si solis maculæ sint frequentiores, pestis immineat terris. Hoc ego sic meis cum hypothesibus concilio: maculæ illæ sunt nobiliores bullulæ aeræ à regredientibus particulis solaribus ad solem usque advectæ, quæ si rumpantur à copia particularum solarium, per modum *facularum* emicant: hæ ergo bullulæ cum sint valentiores, radiationem particularum ætherearum quadantenus suffocant, unde dictæ bullulæ debiliore lumine distinguuntur à reliquis, adeoque

Vid. Zahn.
Ot. Artif.
Syntagm.
IV. C. III. §.
11. p. m. 195.

MAC-

macularum instar apparent. Quodsi ergo quædam harum bullularum explodantur à sole in terras, & simul accidat, ut per *strages bellicas* humano æthere imprægnentur, non possunt gignere pestem. Cæterum simul quoque observavit allegatus auctor, quod magnam macularum copiam ingens insequi soleat frigus: at ipsas nobilissimas bullulas esse materiam frigoris, jam supra probavimus, §. 103. unde & hinc hypothese nostræ aliqua accedit probatio.

§. 135. Sic frigoris atque pestis eadem est materia, nempe bullulæ nobiliores, & salva nihilominus hac hypothese mea concedere possum, quod tantum absit, ut maximum quoque frigus pestem inducat, ut jam inductam etiam extinguat. Nam supra jam diximus, non solas ad pestem sufficere hæc nobiliores bullulas, quippe cum humoribus nostris nullo modo uniendas, sed insuper requiri ingressum ætheris animalis: ergo frigus sibi relictum causa adæquata pestis non est. Sed & *extinguit* pestem, dum bullulæ pestilenciales ab æthere animali turgidæ, & hoc ipso ad unionem cum humoribus nostris aptæ, à frigore contrahuntur, ut ad unionem dictam fiant ineptiores. Secundum §. 31.

§. 136. Contrahitur pestis metu, maxime terrore, arcetur ab animo hilari atque forti. Nam terrore contrahitur sanguis, ut eo facilius cum minoribus bullulis pestilentialibus unionem ineat, sicut ab animo hilari & forti expansus sanguis illas à sese longioribus radiis prohibet. Unde si quis credat pestem divinitus immitti, non potest non hac ipsa persuasione falsa magis exhorrescere, adeoque faciliorem funesto huic malo concedere aditum: sed & ita prosternitur animus, ut medicamentis diffidat, adeoque falsa hac sibi persuasione necem acceleret. Vid. supra §. 31.

§. 137. Confirmat hanc quoque nostram sententiam ipsa pestis cura: nam experientia docet, quod omnium optime cedat ægris regimen alexipharmacum, si vires consent; contra, quod venesectiones & purgationes paucioribus prosint. Nam naturæ conatus eò tendit, ut dictæ bullulæ nobiliores à spiritibus nostris rumpanitur, & per sudorem ejiciantur: sed hoc opus, hic labor est, quod *mediocris calor non runpat bullulas, major spiritus & vires absumat*, ut hæ cessent, antequam omnes bullulæ & ruptæ fuerint, & ejectæ.

SECTIO VII.

De

*Ufu hujus doctrinæ in prudentia circa
sanitatem.*

*Caloris vulgaris doctrina noxias, & agris exitiales,
suppeditat conclusiones.*

§. 138.

§. 110.

Supra refutavimus communem illam, quâ caloris natura in motu ponitur, doctrinam, nunc & noxiam ægrotis medicisque eandem esse ostendam. Quod si enim recte argumentarentur medici, quod saluberrimo consilio hac in materia negligunt, multa ex hoc præjudicio contraria experientiæ, suisque ægrotis exitialia, elicerent cælestia, quorum aliqua saltem breviter attingam. Nempe enim, si caloris natura consistit in motu, sequitur, quod illi cachectici, qui defectu caloris naturalis laborant, aromatibus, spiritibus volatilibus, vinoque & spiritu vini recte tractentur; sed experientia probat contrarium: sequitur porro, quod hypochondriaci & pituitosi similibus medicamentis debeant alleviari, cujus iterum contrarium experientia comprobatur; sequitur, quod camphora, utpote subtilissima & humoribus exagitandis aptissima, non debeant pro inflammationibus mitigandis adhiberi: at proficuum maxime medicamentum in inflammationibus esse camphoram omnes medici experiuntur.

§. 139. At nostra de calore hypothesis longe alias, & cum experientia melius conspirantes, suppeditat conclusiones, scilicet, quod omnia calida, & quæ sanguinem exagitant, particulas æthereas volatiliores magis ejiciant, adeoque morbosum frigus adaugeant: unde & frigidis morbis extinguuntur, qui spiritus vini nimis indulgent potui: æthere opus esse, nostra nos docet hypothesis, interdum

dum & aere, nec æthere omni, sed animali, qui aliter introduci in sanguinem nequit, quam iis medicamentis, quæ spiritus ad viscera adducunt, quorum vero adhuc in catalogo medicamentorum desideratur classis: de hypochondriacis eadem quoque valent: camphora quo volatilior est cæteris medicamentis, eo certius secundum nos abundantior in inflammationibus ætherem secum educit: nec ullo modo periculum est, quod calorem adaugeat.

De moderandis agrorum, ratione frigoris & caloris, corporibus, secundum diversa temperamenta.

§. 140. Vulgaris de calore & frigore hypothesis, omnibus ægris eadem imperat, saltem, si theoriam suam sequi vellet, imperare deberet, medicamenta, ea nempe, quæ sanguinis vel promoveant circulationem, vel sufflaminant: sed nostra, quæ motum sanguinis ut effectum caloris considerat, docet, quod diversis temperamentis diversa adhibenda sint remedia. Sic, si febris laborent cholericus & sanguineus, illi salina proderunt, huic sudorifera; sed & noxia salina huic erunt, & sudorifera illi: quia sanguis sanguinei jam nobilioribus viget bullulis, & cholericus bullulæ nimis à sudoriferis rumpuntur.

§. 141. Sic peræque ferme frigidis laborant morbis melancholici juxta & phlegmatici, sed & illi non adjuvantur horum medicamentis atque diætâ, nec hi illorum medicinas ferunt. Melancholici enim bullulis abundant nobilioribus, carent vero æthere nobiliore, unde his spiritus acidi, etsi dulces redditi, non conferunt, sed nocent; profunt vero vinum, spiritus vini, herbæ, scorbutivæ diætæ, spiritus & sales volatiles, quippe quæ singula nobiliorem in sese foveant ætherem, adeoque frigidas melancholici temperamenti bullulas excalefacere possunt.

§. 142. Phlegmaticis vero hæc omnia nocent, rumpunt enim eorum debiliores bullulas, magisque adeo ad morbos disponunt. *His non per extrema, sed per gradus succurritur*: quod si enim nobiliores his inferas bullulas, consumunt eorum nimis debiles particulas radiantes; si harum feracia propinare velis medicamen-

ta, rumpunt debiles eorum bullulas, utroque modo insigniter debilitantur: quodsi demum utrasque simul ingerere velis, ob dissimilitudinem & inæqualitatem radiorum, secundum §. 31. hujus capituli, non uniuntur: unde id unicum hic restat, ut pedetentim hic fiant omnia, ac veluti per gradus, in quibus singulis amica conspiratio experientiæ cum hisce ratiocinationibus deprehenditur.



CAPUT VI.

De

Principiis secundis elasticis, Mercurio, phlegmate, sale & sulphure.

SECTIO I.

Opinio Aristotelis.

§. 1.



Mercurii & vox & veritas debetur chymicis, unde nec, quid Aristoteles de mercurio senserit, nec adeo, quid vel Gassendus vel Cartesius de eo statuerint, nisi quod ultimus mercurium chymicorum crasso significatione pro argento vivo habeat, dici potest. De phlegmate vero, seu aqua, quid sentiat Aristoteles, quidque nos in ejus sententia desideremus, jam supra dictum est.

Vid Princ.

P. IV.

§. LXIII.

C.V. §. 1. & 7.

De sale.

§. 2. De sale sibi persuadet Aristoteles, quod multum terræ, aliquid etiam, et si exiguum, aquæ habeat: terram ei attribuit, quia

quia ab igne, uti terra, concrefcit; aquam, quia in igne crepat: fumi enim fibi, ex quatuor vulgo notis elementis constitui omnia corpora, adeoque & falcm. Sed neutrum horum de fale aſſertorum mihi videtur eſſe verum. Nam dum ait: concrefcit ab igne, ergo ex terra conſtat, & præmiſſa falſa eſt, & conſuſio, ſeu materia atque forma. Æque enim minus, quod evaporata humiditate apparent ſales, concreſcere ab igne poſſunt dici, ac ſi quis, evocato humore ſolvente, metalla dicat ab igne concreſcere. Sed & datâ præmiſſâ, non ſequitur conſuſio. Unum enim eſt phænomenon, ſal concrefcit ab igne: ex hoc, niſi ſuppoſita cauſa ſit unica, nihil poſſe concludi in Senſu V. & F. oſtendi. Quod autem ſuppoſita hæc cauſa non ſit unica, & hinc apparebit, quod nos infra aliam edocēbimus, & quod allegata ab Ariſtotele aliunde deprehenditur eſſe falſa. Nam omnis ſal ſolvitur in aqua, terra vero in eadem haud ſolvitur, unde ſi multum terræ haberet ſal, totum in aqua ſolvi haud poſſet.

Meteor. Lib.
IV. c. VII.
Vid. Probl.
ſcō. XI. n. 26

Lib. III. Cap.
VII. §. 4. &
ſeqq.

§. 3. Quod ad aquam attinet, ſeu humiditatem, quam ideo in fale ſupponit, & ut elementorum tetradi ſuus conſtet honos, & ut, quare ſal crepiter, demonſtrare poſſit, quia nempe aqua calore ignis in ſpiritum (ſeu aerem) convertatur, & ſic ſal rumpatur, ideoque crepitem moveat, id quidem non penitus negaverim, ſic tamen male probatur: crepabit enim ſal, etſi loco aquæ aer intra eum ſit conſuſus; præterea hæc quidem aqua nec ineſt omni ſali, nec eſſentialis ejus pars eſſe videtur.

De Oleo.

§. 4. Etſi eſſentialis ſit differentia inter oleum & ſulphur, quia tamen communi perſuaſione ejusdem putantur eſſe naturæ, & Ariſtoteles de ſulphure nihil habet, examinemus paucis, id quod de oleo ſtatuit. Dicit nempe, quod oleum ſit aeris & aquæ particeps, hinc enim propter aquam humectare, propter aerem vero aquæ ſupernatare. Quod de olei aere dicit, veritati equidem non adeo repugnat, male tamen ex unico phænomeno, quo aquæ ſupernatare deprehenditur, illud concludit. Nam quodlibet corpus levius, non ſolus aer fluido graviore innatat, v. g. metalla, præter aurum, omnia

Meteor. Lib.
IV. c. VII.
Vid. de Ge-
nerat. Anim.
Lib. II. C. II.

mercurio. Quod vero de aqua dicit, cujus & particeps facit oleum, absurda est assertio, quoniam in vulgus notum est, quod oleum non misceatur cum aqua. Quod si aquæ vocabulum sumat, uti videtur, in sensu abstracto, pro humido, conceptus non est physicus, sed metaphysicus, adeoque explicandis rerum naturalium phænomenis ineptus.

De Chymicorum principiis.

§. 5. Quoniam ergo de mercurio & sulphure tacet Aristoteles, & primi chymici quadantenus saltem erant Aristotelici, videamus, quæ de his principiis eorum mens fuerit & *axiōna*. Generaliter in eo conveniunt omnes, quod sua principia *vera* & *sola* principia naturæ esse existiment, in quo magnopere hallucinantur. Nam ne quidem sunt principia prima corporalia, nedum absolute prima, sed secunda, facta nempe ex iis, quæ præcedente capite à nobis fuerunt demonstrata: hinc quia corporalia sunt, ideo sunt composita, & adeo à simplicioribus dependentia; quia secunda, ideo supponunt prima: unde clarum est, quod sola hæc quidem, etsi nullo laborarent defectu, principia physica esse haud possent.

§. 6. Conveniunt etiam sic satis in eo, quod tria statuunt hujusmodi principia, *salem, sulphur & mercurium*, etsi Rogerius Baco non nisi *duo* statuatur, sulphur & mercurium, & per hunc ipsum mercurium argentum vivum videatur intelligere. Sed de hac qualicunque convenientia verum est, quod ait Conring: *nullam ab iis dari definitionem nominalem, & hinc eos non nisi verbis convenire*, id quod maxime de mercurio & sulphure valet. Hic ipse vero Conringius hisce tribus, æquali jure, addi adhuc duo posse, existimat, *phlegma & caput mortuum*, quoniam & hæc duo chymica resolutione habeantur, nec ad tria priora referri possint. Ex communibus sane principiis hoc ipsum Conringio negari nequit, infra vero à nobis demonstrabitur, terram pertinere ad salem, sicut lapides ad sulphur: phlegma vero manifeste à Chymicis sub voce mercurii fuit comprehensum, ut adeo possis, si velis latius accipere vocem mercurii pro omni fluido principio secundo elastico, numerum hunc ternarium conservare.

§. 7. Sed

Vid. ejus medulla Alchym cap II. De Hermet. Medic. Cap. XXII. alleg l. p.m. 306.

§. 7. Sed tamen & hoc modo *verba* potius conservarentur quam res ipsæ: phlegma enim & mercurius quam maxime differunt: spiritus & oleum ad sulphur essent referenda, quæ non minus similitudinis habent cum phlegmate, quam cum sulphure. Et si enim phlegma non ardeat, tamen etiam sulphur non est fluidum, uti spiritus & oleum. Porro spiritus acidus ad salem esset referendus, qui tamen non plus videtur de sale participare, quam de phlegmate: adhuc insolitum est salem atque sulphur fluidum statuere. Unde quidem pudori nobis sit, hanc doctrinam cum Conringio dicere *totam inanem & ineptiarum plenam*, nec tamen contradicendi studio abrepti asseramus, esse eam omnibus numeris absolutam, sed id agamus, ut corrigatur. Ego infra, quid mihi videatur, exponam, conferant alii suum quoque symbolum, sic multis collationibus, ultro citroque institutis, elucescet veritas.

§. 19. & seqq.

SECTION II.

Cartesii sententia.

§. 8.

DE aqua sic ratiocinatur Cartesius, quod aqua componatur ex partibus *longis, levibus & lubricis, anguillarum parvularum instar, quas interflunt materia subtilissima: quæ si interfluat parcius, aquam verti in glaciem: adeo ut eandem differentiam inter aquam & glaciem possimus imaginari, quam inter cumulum parvarum anguillarum, seu viventium, seu mortuarum innatantium piscatoriæ scaphæ, foraminibus undique pertusæ, quibus aqua fluvialis, quæ moventur, admittitur, & cumulum earundem anguillarum, quæ fixæ & gelu rigide in ripa jacent.* Sed ad hanc mechanicam aquæ ideam respondeo: (1) Quod microscopiis deberent perspicui posse illæ anguillulæ, id quod retorqueri ad nostras particulas atque bullulas haud potest: quoniam eas non sumimus, prout mechanici suas, esse solidas, sed fluidas, saltem plicatiles, cedentes,

omnia

Meteor. Cap.
I. § III.

omnia extra sese spatia porosque replentes, ut adeo alia quam plana superficies apparere oculis haud queat, sicut & apparet revera.

§. 9. Deinde non apparet, quid egressa materia subtilissima tam firmiter sibi invicem parvulas agglutinet anguillulas, ut glaciem possint constituere. Nam quod ait Cartesius, *nullo alio opus esse glutine, quam particularum suarum quiete*, id vero manifeste falsum est. Nam corpus mere quiescens, nulla alia ratione, quam per pondus suum alteri firmiter potest adhærere, & quantillum pondus tam exiguae anguillulae, omnium microscopiorum excellentiam parvitate sua eludentis, potest esse? Sed de hoc Cartesii præjudicio alibi, ubi de duritie & soliditate corporum agendi locus erit, distinctius videbimus. Cum vero (3) illae anguillulae nulla alia de causa, quam ad demonstrandam aquae fluiditatem, sint effictae, & eadem quoque fluiditas in spiritu vini rectificatissimo datur, patet, quod pariter is quoque debeat à frigore congelari: Dubio quidem huic voluit quoque occurrere, revera vero illud haud tollit. Dicit enim spiritus vini partes esse subtiliores, quam ut cessare ab isto motu possint. Sed respondeo, sic ergo necessario aqua congelatur ob crassitiam suam: sed & oleum & aqua fortis crassiora haud dubie sunt aquae communi, saltem æque crassa, & neutra tamen congelatur, id quod secundum hanc hypothesein fieri omnino deberet.

§. 10. Imo, 4to, si vera hæc esset hypothesis, aqua deberet esse levior glacie, cujus tamen observatur contrarium. Nam cum, secundum Cartesium, nulla alia sit levitatis causa, quam intersuens inter corpora materia coelestis, motu suo à centro, id est, terra nostra, recedendi prædita, eoque ipso nisi aliquas terræ partes depressens, aliquas elevans: cum porro dicta materia coelestis, tum globulis secundi elementi, tum materia primi, tum etiam particulis terrestribus, constet, dubium nullum est, quin hæc materia coelestis, quippe quæ hic nihil aliud est, quam aer atmosphæricus, facilius permeat aquam, minus glaciem, quam cum permeare nequeat, deprimere deberet, maxime cum idem auctor noster expresse dicat, quod in ipsa aqua, ut & in omnibus aliis liquidis cor-

all. l. §. 8.

Princ. P. IV.
§. XXII.

Vid. all. l.
§. XXV.

all. l. & §o.

corporibus, propter suarum particularum motum, insit levitas respectu corporum durorum.

§. 10. Salem ita distinguit ab aqua, ut putet, quasdam distantiarum particularum longarum & lubricarum esse paulo crassiores, quæ cum non ita flexiles sint, salis omnia genera componant. Sed sic quidem demonstratur natura alicujus corporis solidi, minime vero salis. Equidem salis quoque phænomena peculiari integro capite III. connectere cum hac hypothese allaborat, ita vero commentis & fictionibus, in propositionibus fundamentalibus concipiendis, indulget, ut mirum neutiquam esset, seu phænomena per modum conclusionum sequerentur: sed & in deducendis non satis videtur esse cautus. Laboriosum & superfluum foret, integrum illud cap. III. refutare, itaque generaliter objicio Cartesio, quod ad habendas conclusiones, quas optet, principia sibi pro lubitu cudat, recteque secundum naturam probabilitatis, multo minus demonstrationis, haud probat.

Meteor. C. II.
§. VIII

§. 11. Hoc ipsum vero unico exemplo §. III. demonstrare liceat, cui fere reliqui innituntur, ubi sibi met ipsi hoc movet dubium, quare partes illæ solidiores (salis) inter alias minus solidas mixtæ remaneant, cum ob majorem gravitatem subsidere debere videantur. Hoc vero ideo contingere putat, quia partes salis utramque extremitatem habeant æqualiter crassam, sintque omnino rectæ instar teli vel baculi: cæteras enim putat secundum extremitatem crassiorem subsedisse in fundum, eas vero, quæ sint curvæ, aliis corporibus adhæsisse, ut adeo illæ solæ, in mari puta, remanserint, quæ æqualiter crassæ & rectæ fuerint. Sed hoc commentum de figura salium unde probabit? Forte ex crystallisatione. Sed quis dixerit crystallisationem nobis exhibere *figuras elementares*? cum indubium sit, quod non exhibeat quantitatem elementarem. Nam à quantitate composita ad simplicem non valet consequentia: cubus enim potest componi ex quadratis, quadratum ex cubis: unde nisi dicas crystallisationem quoque quantitatem elementarem imitari, de figura elementorum ex ea nihil potest concludi.

§. 12. Sed demus etiam hanc fictionem Cartesio, dummodo recte cohæreant reliqua. Si ergo partes salis sint æqualiter crassæ &

Mm

rectæ

rectæ, num ideo non subsident ad fundum? Hoc forte efficit hæc figura, ut lentius subsident, ut vero constanter in medio hæreant, qui facere hæc queat figura, ego quidem non video. Sed hoc idem forte quoque, quomodo fieri queat, non vidit Cartesius: unde singulari providentia partibus aquæ anguillaribus provinciam dedit circumvolvendi se annulorum instar his particulis salinis, coque ipso etiam ad celeriores motum aptos reddidit: Pudenda temeritate hoc fingit Cartesius, nec, si partes illæ anguillares aquæ veri essent pisciculi minuti, tam apte possent particulis salinis circumvolvi, quin quas jam prehenderant seu incluserant, jam iterum dimittant, ut ad fundum delabantur: *audacibus hisce figmentis omnis genuina eruditio evertitur, & contentui osorum eruditionis exponitur.*

vid. l. all.
§. III.

§. 13. Hosce annulos credit efficere, ut materia subtilissima facilius movere aquam salinam possit, quam dulcem, unde putat fieri, ut gelu difficilius constringatur §. V. Cum autem sic non possent non ab accedente calore partes aquæ salæ, utpote facilius motæ, elevari, & contra partes aquæ dulcis sibi invicem magis implicatæ difficilius attolli, sequitur, quod sal, vel salsa saltem aqua, facilius in destillatione ascendant, quam dulcis, id quod contra experientiam est. Noster vero nihilominus demonstrat, quod partes salis non facile in vapores solutæ attollantur. Nec mirum: ubi enim est infinita *figendi licentia*, quam is cum mechanicis sibi sumit, ibi quodlibet demonstratur ex quolibet.

secundum
§. III. all. l.

§. 14. Ideo vero hoc ipsum contingere putat, quia sint majores & ponderosiores. Sed falsum, gravitatem & pondus accurate sublimationis difficultati respondere. Nam aqua gravior est oleo, & facilius tamen destillatur: mercurius gravior est argento, & facilius tamen sublimatur quam argentum. Sed & addit, quia longæ sunt & rectæ, non diu in aere librari possunt, sive ulterius ascendituræ sive descendituræ, quin altera earum extremitas deorsum pendat, atque ita terræ ad perpendicularum immineat. Admitto hoc, & ex inde cum Cartesio concludo, ergo partes salinæ hoc situ facilius aerem secant, quam ullo alio, ibid. atqui partes aquæ ob rationem contrariam aerem non tam facile secant, ergo partes aquæ tam facile destilla-

§. VI.

destillatione elevari haud possunt, quam salinæ, quæ conclusio iterum experientiæ repugnat. Porro si ad perpendicularum directæ facilius, quod habet Cartesius, secant acrem, sequitur, quod, cæteris paribus, quantum ad hunc situm pari facilitate & adscendant & descendant, unde sequitur frustra hoc loco, ubi demonstrari debet, quare sal fixior sit, quam aqua, à Carresio hanc subtilitatem fuisse adductam. Sed ipse tamen audacter promittit, se demonstraturum, quod ita in aere suspensæ partes salinæ *potius sint descensuræ, quam adscensuræ*; quod ubi aggreditur, non sine nota singularis vel impudentiæ, vel stupiditatis, statum controversiæ penitus immutans probat, quod hoc sui remissius in eas agat vis, quæ sursum impellere posset, quam si transversæ jacerent: de hoc enim jam non est quæstio, sed de eo, an in situ perpendiculari potius sint adscensuræ quam descensuræ, quod ipsum, etsi promissum, ne verbulo quidem probat. Ex hisce paucis elucet, quod operæ pretium non sit, reliquas illius capitis nugas mechanicas refutare.

§. 15. De *sulphure* putat, quod constet mollissimis ramulis, qui terrestribus aliis particulis adhæreant; nec addit plura, ideo quia varia experimenta, quæ ad certam ejus cognitionem requiruntur, facere hactenus haud licuisset. Itaque & ego nihil addo, quam, quod sit sterilis conceptus, ex quo, sine Cartesio, familiari illa, quodlibet ad conclusionem necessarium fingendi licentia, ne unicum quidem sulphuris phenomenon intelligi possit.

Princ. P. IV.
§. LXII. &
LXIII.

S E C T I O III.

De

Gassendi doctrina, circa principia secunda elastica.

§. 16.

DE aqua docet Gassendus Epicurum supponere, esse in aqua, uti & in corporibus concretis reliquis, corpusculorum va-

Mm 2

riorum

Vid. Animadv in X.
Libr. Diog.
Laert. T. I. p.
m. 572.

riorum mixturam, sicque in ipsa, donec est fluxa, non deesse orbicularia, quæ fluiditatis illius sint causa. Ex hisce suppositis docet, dum aqua durefcit in gelu, id ideo contingere, quod orbicularia, quæ in ipsa esse contingit, corpuscula ab ea extrudantur: nam corpuscula frigoris plana subingredi in aquam, & orbicularia expellere. Mihi vero nulla hic videtur adesse ratio sat liquida, quæ doceat, quare corpora plana potius expellant orbicularia, quam hæc ab ingressu arceant illa: imo, quantum ad ingressum, facilius videtur fieri posse, ut orbicularia corpora subingrediantur aliqua spatia, quam plana.

§. 17. Cæterum hæc hypothesis per corpuscula orbicularia, potius naturam fluiditatis in genere exponit, quam aquæ, unde & permulta aquæ propria, hinc, citra fctiones, non possunt explicari. Neque enim apparet, qui secundum hanc hypothesin aqua minus fluida sit acre, cum aer constet particulis lanuginosis, aqua orbicularibus, hæc enim ad fluiditatem longe videntur esse aptiora illis: Item non, qui aqua sensum solidius afficiat, quam aer, cætera ut taceam.

§. 18. Gassendus porro in doctrina de natura *salis* non multum à Cartesio dissidet, quippe cuius corpuscula purat esse cubica: unde quæ proximo capite contra illam Cartesii doctrinam generaliter dicta sunt, eadem & adversus hanc valent. Quod vero de *sulphure* habet ibidem, quod ei semina ignis sint alligata, id vero obscurius quidem, quam par erat, verius tamen eo, quod habet Cartesius, dictum esse, sequens sectio edocebit.

S E C T I O IV.

Nostre de mercurio, aqua, sale & sulphure opinio.

§. 19.

OMnia principia corporalia sub quatuor hisce ideis comprehendimus, tum prima, antecedente jam capite pertractata,

ta, tum secunda, quæ vulgo dicuntur chymica: eoque nitimur fundamento, quod natura videatur quatuor gradibus componere omnia corpora, bullula nempe vel una solum, vel duobus, vel tribus, vel quatuor. Corpora fluidissima illa & invisibilia unica bullula constantia, generali vocabulo, *mercurium*; fluida visibilia, duabus bullulis constantia, *aquam*; corpora solida, tribus bullulis compacta, *salem*; eadem corpora, quatuor bullulis æreis prædita, *sulphur* vocamus. Id vero obnixè contendere nolumus, quod nulla dentur corpora quæ pluribus composita sint bullulis, id unice asserentes, quod nobis hæcenus nullæ appareant rationes, quæ plures suadeant statuere.

Vid. Tab. II.

§. 20. Cæterum varia hoc loco cum enumerari possent principia corporalia secunda, maluimus abstractione uti, & quatuor generibus omnia comprehendere, quam recensere singula: quo ipso non incurrimus in vitium supra passim de Aristotele, abstractionibus ontologicis in physica abutente, notatum: physice enim explicantur abstractiones nostræ, earumque species rectè indicantur, & physice describuntur & demonstrantur.

De his vid. Tab. I.

De Mercurio.

§. 21. Mercurium itaque vocamus omne corpus fluidissimum invisibile, quod ideo una solum bullula constare asserimus. Nam si invisibile maxime est, maxime est subtile: subtilius vero esse non potest, quam si una solum constet bullula: in hac proinde constat natura & essentia mercurii. Una vero illa bullula quatuor admittit conjunctiones cum æthere, seu particulis radiantibus. Vel enim bullula nobilior conjuncta est (1) cum particula una nobiliori, (plures enim tales non ferunt bullulæ) vel (2) cum pluribus ignobilioribus, vel (3) cum nobiliore & ignobilioribus, vel (4) una bullula ignobilior cum pluribus ignobilioribus particulis. Prima conjunctio facit *frigus*; secunda *aerem vaporosum*, qualis est nubium; tertia *ignem*, ad quem etiam refero aerem calidum; quarta demum *aerem nebulosum*. Hoc autem significato latius accipitur vox mercurii: strictius enim mercurius sumptus denotat talem aerem, inter particulas salinas atque sulphureas corporum,

maxime solidorum, interceptum. Sic fere mercurius metallorum primi generis, mercurius mineralium secundi, mercurius mineralium tertii, vegetabilium quarti est : & hic significatus hujus loci est : Ceterum etsi adhuc duæ dentur combinationes, nempe aeris ignobilioris cum sola particula nobiliori, & ejusdem cum hac & pluribus ignobilioribus, hæ tamen duæ combinationes extra intellectum vere existere haud possunt, quia unica bullula ignobilior particulam radiantem nobiliorem ferre nequit, sed ab eadem rumpitur.

De poris & atmosphæulis corporum.

§. 22. Nam particula corporum salinæ & sulphureæ conjungi per se immediate haud possunt, cum pluribus content bullulis, quarum cum non accurate sibi invicem respondeant, pori & radii breviores sint, mercurius inter utraque corpora interceptus, utriusque radios admittendo, conjunctionem eorum causatur, dum salini corporis radii exporriguntur in bullulam mercurialem, sulphurei in eandem, contrarioque sic nisu conjunguntur: nec ulla verosimilior hujus connexionis proferri ratio potest, unde existentia hujus mercurii probetur. Hic ipse mercurius est, qui cum ab ingressu radiorum salis atque sulphuris, vel & salis atque salis, sulphuris & sulphuris, comprimatur, alio cedit, eoque ipso poros corporum efficit, quæ vera & pororum ratio est; hi vero corporum pori non confundendi cum poris elementaribus bullularum, de quibus vide alibi. Hi pori cum mercurio sint pleni, ubi desinit corpus, eundem mercurium *libero aeri atmosphærico* exponunt, qui cum hoc modo circumquaque corpus ambiat, *atmosphæram* quasi quandam constituit. Cum vero mercurius corporum sit quadruplex, & atmosphæra omnium quatuor generum particulis, si non omni tempore, saltem interdum polleat, similia autem uniantur cum similibus, sequitur, quod etsi brevissima & exigua per se sit corporum atmosphæra, tamen accessu similis aeris augeri valdopere queat.

Quod mercurius sit medium conjunctionis corporum.

§. 23. Quod vero hic mercurius conjunctionem corporum

vere

secundum
§. 21.
Vid. C. V.
§. 31. seqq.

vere præster, hinc pater, quod educto quomocunque hoc mercurio, corpus non amplius cohæreat. Sic si hic mercurius per ignem è corporibus exturbetur, partes ejus in cineres, hoc est, corpuscula sibi invicem haud cohærentia, dissolvuntur. Pariter si metalla solvantur, manifeste per bullulas, sicut solet aer, adscendit hic mercurius; unde & particulæ dein amplius haud conjunguntur, & ne quidem in validissimo confluent igne, nisi additis salibus quibusdam mercurius ille restituatur.

Quod mercurius sit verus aer.

§. 24. Cæterum quod hic mercurius sit verus aer, apparet ex illo, quod Stahlus in specimine Becheriano allegavit, experimento, nempe si barometrum in campanam statuatur, simulque in eandem statuatur vitrum cum aquæ fortis, cui frustum cupri injectum sit, aliqua quantitate, & aer inde extrahatur, notato, ad quem mercurius in tubulo subsidat, gradu; sic contingit, ut ebullitio illa, quam aqua fortis cum cupro sub ejus dissolutione format, sensim tantum expansionis aeræ iterum suppeditet, ut mercurius in tubo denuo altius altiusque adscendat, & durabilem etiam hunc suum progressum atque situm conserve. Hoc ipsum vero aliunde, quam à mercurio, è cupro, virtute aquæ fortis, exoluto, fieri haud potest: unde apparet, id quod in solutionibus metallorum adscendit, esse vere elasticum, id vero, quod elasticum est, κατ' ἀνθρώπων αἰρεum est. Hic quoque mercurius, quando aqua per frigus mutatur in glaciem, est, qui per bullulas in congelatione omni adscendit, & hoc ipso glaciæ particulas didit, ut corpus congeliatum, cæteris paribus, sit *major* corpore adhuc fluido.

De sympathia & antipathia.

§. 25. Atmosphæulæ corporum, de quibus §. 22. diximus, & quid sint, & quomodo ampliuntur, sympathiæ ac antipathiæ quoque videntur esse causæ. Quod si enim atmosphæula unius corporis animalis sit quam simillima atmosphæula alterius corporis, uniuntur invicem, & ex hac unione oritur motus sympathiæ, dum anima unitum per atmosphæulam corpus veluti suum, suo modo,

do, amplectitur: contra si duæ atmosphæulæ confluant quidem, ita tamen, ut altera alteram suo, per mixtionem, privet æthere, tum anima sentiens hanc privationem, concipit inimicam ideam, adeoque proximiorē hujus atmosphæulæ mixtionem averſatur. at vero alterius anima sentiens suæ atmosphæulæ aliquid accedere, desiderio mixtionis ulterioris afficitur; unde fieri solet interdum, ut duorum hominum *alter alterum plurimum amet, alter alterum maxime oderit.*

§. 26. Admirabilis plane sympathia est, quando v.g. mater ad distantiam aliquor milliarium, angustia sensu, filii mortem percipit; quam dum explicatum eo, cordatum lectorem monuerim, nolit paradoxo absterri, potiusque, quid verum sit, expendere, quam quid paradoxum. Præsupponendum itaque est, quod atmosphæulæ corporum sint diversissimæ, ideo quia bullulæ, quibus constant, sunt valde diversæ. Etsi enim supra §. 21. quatuor earum modo summa assumserimus genera, *nulle tamen gradibus differre possunt.* Multæ ergo haud dubie humanorum corporum tales sunt atmosphæulæ, quæ cum plurimis aliis conjungi haud possint: hæ si sui similes semel offenderint, etsi forte nihilo arctius conjungantur, quam aliæ, tamen ideo ex conjunctione non facile dimoventur, quia cum aliis plurimis haud conjunguntur: nullæ vero majore cognatione probabiliter gaudere possunt, quam parentum & liberorum, maxime horum & matris: unde utrisque ex atmosphæra communi similes apponuntur bullulæ, hæ quoque dum sibi invicem sunt similes, secum ununtur invicem, cæteris exclusis. Sic ergo apparet, quomodo matris filiique atmosphæulæ per intermediæ bullulas similes uniri possint: manebunt autem hæ unitæ, etsi millies divellantur, quia cum aliis uniri nequeunt: manebunt porro unitæ, etsi longius à se invicem discedant filius & mater, dummodo earum sufficiens copia in atmosphæra communi dari concipiantur, quæ datum per digressionem subinde intrent spatium. Hæ vero intermediæ bullulæ etsi neutrius corporis sint partes, medium tamen aliquod erunt, quo altera anima possit sentire motus alterius: adeo ut si altera verſetur in angustis, vitæque periculo, altera idem hoc medio sentire queat. Sicut enim cæcus mediante baculo, etsi non sit

sit pars corporis sui, optime sentit præsentiam aquæ, terræ, arenæ, graminis, ita anima mediantibus hisce bullulis statum alterius percipit.

§. 27. Simile quid contingit, eademque, uti existimo, ratione, quando chorda instrumenti musici pulsa eodem quoque modo alterius instrumenti tensam sonare facit; item, sit venia exemplo, quando feces alvinæ recens depositæ, si concrementur, quod notum experimentum est, inflammationem intestini recti ejus hominis, qui deposuit eas, causantur. Item illud quoque simile experimentum est, quod habent de unguento armario, & multa alia,

Vide infra
Lib. III. Cap.
IV. §. 52.

De virgula mercuriali.

§. 28. Virgulæ mercurialis curiositas multis de causis mihi suspecta est, mechanicaque potius pressione ratione, quam ulla physica, procedere videtur. Ipse enim facere possum, ut & mihi succedat experimentum, si virgulam inæquali digitorum applicatione premam: quodsi minus facio, sed æqualiter pressam teneo, virgula nihil movetur. Quodsi nihilominus verum ejus experimentum sit, eadem forte ratione modoque procedit, ita ut atmosphæra virgulæ jungatur cum atmosphæra metalli, elasticeque illa in hanc subsidat, sicut aer externus in campanam antiæ. Hac experimenti certitudine sumta, dici posset, quod manus eorum, quibus experimentum haud respondet, talem habeat atmosphæram, quæ cum virgula uniatur, ut adeo hujus atmosphæra cum metallo haud uniri, adeoque nec in idem elastice ferri queat.

De phlegmate, sive aqua.

§. 29. Phlegma, sive aquam, voco corpus omne fluidum, binis bullulis compactum, & huc refero omnia acida fluida, phlegma in specie, spiritum ardentem, & aquam: ita quidem, ut quicquid sit acidum, maxime vero spiritus acidus, ex *binis* constet *bullulis nobilioribus* & unica *particula radiante nobiliori*, nullis ignobilioribus: quicquid vero iisdem bullulis conflatum est, particulas vero in sese fovet *non nisi ignobiliores*, id quidem phlegma in specie

Vid. Tab. I.
Fig. II. VI.
X. XIV.

cic constituere existimo : quicquid porro iisdem gaudeat bullulis, *particula vero nobiliori una, pluribus ignobilioribus*, id spiritum absolvere ardentem puto : quicquid demum & binis constat *bullulis ignobilioribus & pluribus particulis* pariter *ignobilioribus*, meo iudicio aqua est. Restant hic etiam duæ adhuc conjunctiones, nempe aeris ignobilioris cum æthere nobiliore solo, & ignobiliore simul. Sed hic ultimus concursus utriusque ætheris, cum sit valde expansivus, duas bullulas ignobiliores rumpit, ut adeo huius combinationis corpusculum haud detur. Combinatio vero duarum bullularum aeris ignobilioris cum æthere nobiliore, *acetum* facit, quod non nisi gradu differt à *spiritu acido*.

Quod experientia hanc confirmet hypothesin.

§. 30. Si, quicquid ex hac hypothesi firmo sequitur nexu, experientiâ confirmari probavero, probabile omni intelligenti erit, hanc hypothesin esse veram. Sic quia singula hæc fluida binis constant bullulis, sequitur, quod debeant & crassiora esse, & sensibilia fluidis mercurialibus, & hoc ipsum quoque experientia ostendit, dum & spiritus omnis, & aqua, & phlegma longe crassiora sunt, & palpabilia omni aere, fluida tamen adhuc. Id porro ex positis sequitur ideis, quod si acidum imprægnari particulis radiantibus ignobilioribus queat, in spiritum ardentem mutetur : hoc etsi non adeo confirmet experientia, ratio tamen etiam apparet sat manifesta, quare hæc particule ignobiliores haud etiam ingeri tam facile possint. Nam multe requiruntur, paucae non sufficiunt : ubi vero copiose insunt hæc particule, ibi bullulae, sive una sit, sive duæ, multum sunt expansæ, acidi vero bullulae sunt minores, hæc cum maioribus haud conjunguntur. Si non conjunguntur, æther quoque non potest misceri, seu ex uno corpore transferri in aliud, unde claret, quod *acidum non possit mutari in spiritum ardentem*. Et quamvis fortasse spiritus ardentis bullulae coniungi cum bullulis acidi possint, tamen tantum particularum haud continent, ut & spiritum acidum in spiritum ardentem mutare queant, & se quoque ipsas in statu spiritus ardentis conservare : unde dulcescit quidem spiritus acidus

acidus cum ardente conjunctus , non vero in spiritum abit ardentem.

§. 31. Sequitur porro, quod spiritus ardens, privatus copia particularum radiantium ignobiliorum, debent degenerare in acidum, id quod multoties ita quidem contingere experientia docet. Nam id ipsum fit, quando vel *cerevisia* vel *vinum* abit in *acetum*, item in fermentatione hoc idem contingit, dum observamus omne corpus fermentatum suo tempore satis spirituosum continuato fermentationis actu *totum abire demum in acidum*. Videtur etiam sequi, spiritum ardentem abire & mutari in phlegma posse, si nempe particula radiante nobiliore privetur: sed hoc fieri nunquam posse, facile intelligitur, si perpendas, expelli è bullulis nullo artificio posse particulam nobiliorem, quin antea omnes nobiliores emigrent. Nam excedunt particulae radiantes per poros bullularum, quæ si tantopere ampliuntur, ut majores particulae pertransire eos possint, multo facilius permeabunt minores.

De spiritus acidi natura, per experientiam confirmata.

Vid. Tab. II.
Fig. II.

§. 32. Supra posita de acido hypothesis has insinuat conclusiones: (1) Quod tale corpusculum cum igneis corpusculis non facile uniatur: nam minores sunt bullulae acidi, ignis vero bullulae majores, quæ uniri invicem haud possunt: (2) Acida ea debent esse corpora, quæ aliorum in sese recipiant ætherem, inter spatia nempe inter radios vacua, adeoque eorundem possint imminuere mercurium, hinc corpora destruere, quale in solutionibus metallorum observamus: (3) Si linguae admoventur tales bullulae acidæ, clarum est, quod particulae radiantes salivæ in vacua earum spatia sint abitura; unde in se ipsam subsidere paululum salivam credibile est, quod dum sentit anima, vix aliter quam per modum illius saporis, qui acidus dicitur, sentire potest: 4. Si alii cuicunque parti animalis mediocriter tale acidum admoveatur, propter eandem rationem dictam partem refrigerabit, v.g. si inflammationi adhibeatur acetum. 5. Si acidum fluidum conjungatur cum alio quocunque corpore mino-

Vid. supra.
§. 24.

Vid. infr. Lib.
III. C. V. §. 36

ribus constante bullulis, quam sunt pori illius acidi bullulæ, sequitur, minores illas bullulas subintraturas esse hos poros, & spatia in radios acidi vacua repleturas, eoque ipso id effecturas esse, ut acidarum bullularum nulla amplius vis sentiat, vel saltem non nisi valde diminuta: & hoc contingit, si liquor acidus saturetur, vel sale communi, vel alcalico, vel volatili, vel terra absorbente, vel metallo, vel aliter. Et hæc omnia, uti ratio ex dictis hypothesibus infert, ita experientia comprobatur.

§. 33. Generatur acidum promptissime ex spiritu ardente, si ejus particulæ radiantes ignobiliores evocentur, id quod felicissime succedit, si spiritus cum aqua est mixtus, uti in cerevisia & vino: difficilior idem ex sale acquiritur, calore siquidem una rumpenda est bullula, ut restantes duæ aliæ spiritum consiciant acidum. Difficillime vero omnium hic spiritus acquireretur ex sulphure, quippe cujus rumpendæ duæ sunt bullulæ, nisi beneficio accensionis illa superaretur difficultas.

De Phlegmate.

§. 34. Phlegma differt ab aqua, quod hujus bullulæ sint ignobiliores, illius nobiliores. Datur autem phlegma maxime in mineralibus, nempe salibus & metallis, nec ideo his solis. Nam & ipsa marina aqua, excepta ea, quæ à fluviis & pluvia infunditur, non aqua est, sed phlegma proprie, unde & natura sua plus aptitudinis habet ad salem, quam aqua.

§. 35. Cæterum cum hæ phlegmatis bullulæ non nisi ignobiliores in se foveant particulas, quarum radii ad vicinarum usque centrum pertingere haud possunt, etsi in eas immicarent, corpus redderent solidum, glaciem puta, *mercurio* quodam eos conjungi palam est, quem putamus esse *frigoris*: sicut & is, qui aquam conjungit, aeris atmosphærici est.

De spiritu ardente.

§. 36. Spiritus ardens ab igne haud differt, nisi quod hic duplici gaudeat bullula, cum ignis non habeat nisi simplicem, unde in plurimis ignis naturam æmulatur, quam tamen nondum plene affe-

affequitur: urit enim fere ut ignis, avolat in auras mediocri calore adjutus, ferme ut ignis, pabulum ignis est aptissimum. Cæterum cum hujus spiritus spatia inter radios parum sint vacua, apparet, quod ad imbibitionem aliorum corporum, quam vulgo solutionem vocant, qualis est spirituum acidorum, metalla imbibentium, parum sit aptus: unde quicquid vulgo solvere putatur, potius extrahit: nam solutio, etiam vulgaris, perspicuitatem non debet tollere, quam sublatam videmus in omnibus vulgo sic dictis solutionibus spiritus vini. Dulcificatio autem spirituum acidorum, quæ per spiritum vini solet institui, etsi perspicua maneat, tñ. non est solutio, sed mixtio.

Vid. Tab. I.
Fig. X.

§. 37. Facilius vero, quam reliqua fluida spissiora, duabus bullulis constantia, sublimatur spiritus ardens, quia non pluribus gravatur bullulis, quam reliqua, & pluribus tamen particulis radiantibus turget: non acidum particulis caret ignobilioribus, phlegma & aqua nobilioribus destituuntur: huc accedit, quod & cum calore & igne misceatur idem spiritus, adeoq; cum eo adscendentem simul elevetur.

Vid. Tab. I.
Fig. I.

Vid. supra C.
V. §. 31. &
seqq.

De aqua in specie.

§. 38. Aqua nascitur ex aere, hac fere conditione, ut frigus & calor in medio suo foveant bullulam in aquam mutandam: sic fenestræ concipiunt aquam, si exterius sit frigus, interius calor: sic si vas metallicum, vel terreum, aqua frigida repletum, deferatur in hypocaustum calefactum, idem contingit: in cælo quoque, dum generatur pluvia, superius frigus, inferius calor, requiritur, nec facile est, ex vulgaribus hypothesibus rationem caloris sub instantem pluviam deprehensi demonstrare, ego sic modum hujus generationis concipio, exemploque sudationis fenestrarum demonstro. Est intrus in hypocausto varius aer, primi, secundi, tertii, quarti generis, foris vero est aer solum primi generis, vitrum fenestræ inter utrumque aerem est interpositum: inter aerem calidum est aer secundi & quarti generis, hic si alluat ad vitrum, facile accedit, ut aliquem suæ bullulæ porum obvertat alicui vitri poro, & huic arcte applicetur, quo ipso meatus datur ex hac bullula in bullulam proximam aeris frigidi exterioris: frigus autem, cum habeat spatia inter radios vacua, æther ignobilior bullulæ calidæ, naturali expansionis

Vid. supra
§. 21.

Vid. Tab. I.
Fig. I.

Vid. supra
Cap. II. §. 49.

sionis nisu, fertur per meatum in bullulam frigidam, sic & reliquus calidæ bullulæ æther eadem ratione succedit; hoc dum ita fit, bullula calida æthere paulatim evacuata subsidet, minorque fit atque minor, ea vero quæ à tergo huic, paulatim decrescenti, contigua est, à calore ampliata, poros sibi acquirit majores, dum subinde augefcunt, & proximæ vitro bullulæ decrefcunt, cum deveniunt demum in statum, ut dictæ bullulæ intrare per poros calidarum, retro positarum, bullularum queant: cumque in his bullulis non detur nisi æther ignobilior, parum valide resistens, expanditur ab intus latente adhuc, etsi pauco, æthere bullula subingressa, hac ipsa expansione ejus ampliantur pori, & æther inter recens ingressam & continentem bullulam interceptus premitur, ut nullibi minus resistentiæ offendar, quam in centro contentæ bullulæ, sic demum omnis in hanc secedit, & interiores bullulæ convexum applicatur exterioris bullulæ concavo, & sic in aquam abit, fenestris adhærentem: idem mutatis mutandis contingit etiam in cæteris supra memoratis mutationibus.

Vid. Tab. I.
fig. I. & XIV.

Vid. Tab. I.
fig. X.

§. 39. Sed obiter rem consideranti videri posset, quod si eodem modo calida vel potius ignea in ære hypocausti versans bullula in aliam eodem modo subintret, quod sic quoque spiritus generari queat. Sed cum ignea bullula semper in centro suo habeat particulam radiantem nobiliorem, & hæc eo usque subsidere bullulam, ut alterius subingredi poros queat, haud patiatur, facile patet, quod sic generari spiritus haud possit.

Vid. supra
§. 24.

§. 40. Aquæ particulare phænomenon est, quod in *glaciem* mutatur, quod sic contingit: bullula frigoris conjuncta cum bullula aquea eodem modo, uti §. 38. dictum est, in se recipit ætherem ignobiliorem, unde aquea bullula ad centrum suum undique contracta in glaciem abit. Interim id quod hic bullulis aqueis contingit, id idem fit quoque mercurio inter has bullulas intercepto, qui dum contractis bullulis aqueis tam copiosus locum inter eas haud amplius invenit, unde adscendit.

§. 41. Hoc ipsum, quod propter particulam radiantem nec spiritui, nec sali volatili, nec oleo, contingere queat, facile ei apparebit, qui earum supra à nobis datas recte adhuc callet ideas, at idem

at idem verò merito mirabitur, quare hydrargyrus non congelietur frigoribus, cum bullulis constet nobilioribus fortius ad centrum nitentibus: Sed considerandum est, quod ob id ipsum, quia bullulæ hæc sunt nobiliores, ita compressa earum sit substantia, ut pori, per quos egredi debebant particulæ radiantes, minores sint, quam ut egredi dictæ particulæ possint: unde cessat ratio congelationis.

§. 42. *Aqua etiam salsa* difficiliter congeliat; nam cum sal solvitur in aqua, particulæ salinæ subintrant bullulas aqueas, unde etsi frigore emigrent particulæ radiantes ignobiliores, conrescere tamen nondum à frigore possunt bullulæ aqueæ, quippe à salibus disrentæ: huc accedit, quod dictæ particulæ ob præsentiam corporum salinorum impeditius per poros emergant. Cæterum veluti aliud agendo de oleo dicam, quod, dum congelationis aliquem videtur recipere gradum, id ideo contingat, quia quatuor circumdatum bullulis quadantenus resistantiam radiantis nobilissimæ vincit.

§. 43. Uti vero aer mutatur in aquam, sic aqua vicissim *converti in verum aerem potest*, id quod à posteriori probari omnium optime per æolipilas potest. Est autem æolipila vas rotundum ex ære aut ferro, mole & specie instar utris vitrei, sed multo angustiore orificio præditum. Hoc vas ad summum usque propemodum aqua repletur, & igni admovetur, ut ejus calore partes aquæ inclusæ rarefiant. Hoc peracto vapores tanto impetu & celeritate per angustum orificium erumpere videbis, ac si potentia aliqua extraordinaria intrinsecus expellerentur. Quos autem vapores dicit Sinclarus, verus aer sunt, quoniam experti sunt alii, quod hic aer ex æolipila erumpens ignem, quem vapor extinguit, accendat. Quo & spectat, quod refert omnino contra propriam hypothesein experimentum Boyleus, quod nempe aerem ex æolipila erumpentem vesica exceperit, & in antliæ campanam immiserit, deprehenderitque, quod ambiente aere exucto, inclusa substantia ex æolipila excepta, tam seipsam, quam vesicam suam in molem, priori multo extensiores, expanderit: & hoc magnum est καὶ ἀντιπερὶ ἄλλοι argumentum, quod aer hic sit verus, quia est elasticus.

Vid. Sinclar.
in Arte Grav.
& Levit. p. m.
344.
Vid Hoffmanni Disp.
De Potentia
Ventis in
Corpus
Hum. p. 7.
In Nov. Ex-
perim. Physico-
mech.
exp. XXII. p.
m. 143.

Imo

Imo ligatam sic vesicam *per noctem* extra vas permanere permisit, experturus scilicet, an mora & nocturnum frigus inclusam substantiam in aquam relabi cogerent: sed eam proximo mane æque ferme ac antea tumidam invenit: quod ultimum etiam καὶ ἀλλήθως probat, quod vapor quidem is haud fuerit, alias frigore fuisset in aquam denuo coagulatus.

§. 44. Sed & à priori id ipsum ex mea apparet-hypothesi: aer enim ab aqua non differt, nisi quod duplici hæc constet bullula, illa simplici: unde si calore ita expandatur bullula aerea, u exterior ejus bullula *rumpatur*, remanens unica cum particulis suis radiantibus aer erit. Non vero ideo id dico, quod quicquid aeris in altum elevatur, eo ipso mutatum in aerem sit: sed si hæc exterioris bullulæ ruptio nondum fuit facta, in aquam redit, quicquid adscendit.

Vid. Tab. I.
Fig. III.

De Sale.

§. 45. Per salem in genere intelligo corpus tribus constans bullulis: & ad hunc refero salem acidum, salem alcalicum, saccharum, terram absorbentem, tartarum & salem volatilem. Per salem vero acidum intelligo omnem salem, in cujus centro particula nobilior radiat, qualis est nitrum, sal commune, & cætera salia non alcalica. Fundamentum diversitatis idem subest, ut in phlegmate; nempe vel bullulæ nobiliores continent nobiliorem particulam, sic sal est *acidus*; vel ignobiliores plures, sic sal est *alcalicus*; vel nobiliorem & ignobiliores simul, quod est *saccharum*: vel bullulæ ignobiliores, in se fovent particulas ignobiliores, quæ est *terra*; vel nobiliorem, qui est *tartarus*; vel nobiliorem cum ignobilioribus inter radios, & sic *sal est volatilis*.

§. 46. Salem itaque, quem acidum vocamus, & tartaro contradistinguimus, tribus bullulis & una particula radiante constare supponimus, & hypothesin nostram ita probamus: quia, si absque separatione spiritus & olei concremetur herba aliqua aromatica, multum sal suppeditat ejus cinis; sin per fermentationem fuerit separatus spiritus, parum ejus exhibet: cum ergo in centro spiritus radiet particula nobilior, & is bullulas cum sale non possit habere

habere communes, credibile est, particulas radiantes in spiritum assumptas, causari absentiam salis. Nam fermentatio duplicem producit spiritum, acidum & ardentem, quorum uterque particula gaudet nobiliori, cumque sal haud dubie magis in illo lateat quam in hoc, sequitur, spiritum acidum per fermentationem excitatum, sale privasse herbam: at ille spiritus particula radiante nobiliore est præditus, quod supra probavimus: unde credibile est, eandem particulam radiantem nobiliorem dari quoque in sale. Accedit, quod & salis exigua licet pelluciditas eandem arguat; porro, quod salis vis corrosiva ætherem absorbens, aliter quam per particulam radiantem nobiliorem commodius haud possit intelligi.

§. 47. Et si vero sal sic supponatur non nisi particula radiante nobiliore prægnans, tamen hinc, non velim, concludat lector, me omnes inter radios particulæ nobilioris negare ignobiliores: nam nitrum, dum ardet, eo ipso satis indicat, quod aliquod instar sulphuris habeat, hujus autem spatia, inter radios vacua, particulis ignobilioribus repleti, infra demonstrabo;

Mercurius salis.

§. 48. Tribus autem eundem constare bullulis, hinc hauriamur, quia cum duæ spiritus acidi bullulæ non nisi fluiditatem causari possint, tres ad minimum requiruntur ad soliditatem salis; & sic patet, quod non pauciores ejus possint esse bullulæ, sed nec facile tamen plures, quia soliditas mediocris est, nec tanta, quanta vitri. Et hæc est constitutio ipsorum corpusculorum salinorum, quæ ut omnia corpora mediante aliquo *mercurio* cohærent, qui qualis hic sit, indagari proficuum scientiæ physicæ est: putamus vero esse cum *aqucum*, cujus ratio est, tum quia sal omnis ex aqua solet parari, tum quia in destillatione, semper aliquid humiditatis ascendit.

§. 49. Sal omnis *generatur* commodissime in terra vel aqua, dum sol ita utrique suos immittit radios, ut intra terram vel aquam conceptæ particulæ variis bullulis ingerantur, usque dum forte fortuna inhæreant, ut tribus bullulis circumdentur. Sicut autem virtus & bullularum & particularum est multum diversa, ita & natura salium: unde & fieri potest, ut sal ex bullulis constet, nobi-

lrioribus quidem, infimi tamen gradus, quæ non multum differant à bullulis ignobilioribus: pariter & res sese habet cum particulis radiantibus: hinc & si particula radians sit debilior, & bullulæ valde nobiles, non abnuo penitus fieri posse, ut vel duæ solum bullulæ ad naturam salis sufficiant: ut adeo hypothesis supra posita de sale maxime communi, nitro & similibus sit intelligenda.

§. 50. *Effectus salis* sunt varii: videamus eorum aliquos, ut per hos de reliquis quoque judicari queat. Talis est, quod arte chymica ex eo parari possit spiritus acidus, quem ita exinde fieri autumo: nempe argilla, vel terra, vel arena miscetur cum salibus, ut salis mercurium aquosum imbibat, quæ ipsa aqua impedit, quominus salina corpuscula possint elevari. Nam in bullulas aqueas inter illa interceptas innituntur salinorum corpusculorum radii: unde si ab accedente igne expandantur dictæ bullulæ aqueæ, radii corpusculorum salinorum, utpote plus spatii nactæ, eo validius in expansas bullulas salinas feruntur, ut sic quo fortius illæ expanduntur, eò validius hæc invicem cohæreant. At postquam imbibita fuit hæc aqua à terra & ab igne in altum elevata, ignis immediate in corpuscula salina agendo, eadem expandit, exterioremque eorundem rumpens bullulam, reliquas duas attollit, & spiritum acidum generat.

§. 51. *Effectus salis* est, præservare corpora à putredine, quod hac ratione fieri puto, quia putredo species fermentationis est, & aqua ad fermentationem ita est necessaria, ut absque ea fieri omnino nequeat; aqua vero dum imbibit salern, & cum quidem nobilioribus bullulis, non facile rumpendis, constantem, eo ipso ad fermentationem inepta evadit. Etsi enim in fermentationibus nunquam desint sales, vel tamen debent constare ignobilioribus bullulis, quolibet constant sales vegetabilium, vel mediocri copia adjici, ut particulæ radiantes possint eos ingredi, bullulasque eorum rumpere, & hoc ipso fermentationis actum promovere. Quodsi enim hæc bullularum ruptio non possit attingi, etiam fermentatio non potest contingere.

Vid. supra
C. V. §. 47.

Vid. Tab. L
Fig. VII.

De sale alcali.

§. 52. Sal alcali pariter ex tribus constat bullulis, ob rationes modo

mōdo de sale acido dictas, & mutatis mutandis, huc applicandas. Particulis vero constat non nisi ignobilioribus: quia sale acidolonge est durior & compactior; quo ipso minor resistentia in centro, fortiorque & solidior nīsus bullularum versus centrum datur. Sed & acida satis probant existentiam harum particularum: cum enim illa soleant particulis radiantibus ignobilioribus saturari, & alcalibus eorum tollatur aciditas, manifestum hinc est, quod tales particulae copiose debeant dari in alcalibus. Etli enim fortasse putes, ipsa corpuscula alcalica subintrare spatia inter radios corpusculorum spiritus acidi, notum tamen est, quod eadem quoque spatia subeant corpuscula salis acidi, nec tantopere tamen illius infringant aciditatem, prout corpuscula alcalica, unde praeter corporeitatem salis adhuc esse aliquid debet, quod aciditatem tollat, & nihil videtur hic aliud agnosci posse, quam dictae particulae ignobiliores.

§. 53. *Generatur* sal alcali per ignem, dum salis acidi rumpuntur bullulae, ut particula radians nobilior emigret, cumque rumpentes particulae sint ignobiliores, & a coeuntibus postruptionem bullulis iterum comprehendantur, eo ipso corpuscula alcalica sic enascuntur. Expellitur autem hoc modo aqua illa inter salis acidi corpuscula intercepta, locumque ejus subit *igneus mercurius*, quem & gustu licet percipere, antequam alcali per deliquium fluat: & adeo ipsi sali alcalico essentialis quoque hic est mercurius.

§. 54. Dum autem alcali per deliquium fluit, curiosum est, scire, quomodo id quidem contingat? Nos putamus mercurium hunc igneum paulatim emigrare, & in ejus locum succedere aeris atmosphaerici bullulam; cum vero ignis bullula semper plus occupet spatii, quam bullula aerea, haec in ejus locum subingressa expandi debet, ut spatium ab ignea bullula derelictum repleat: si vero dum expanditur, eodem modo, uti supra ostendimus, ampliatos Vid. §. 38. hujus bullulae poros ingreditur bullula minor aeris frigidiusculi, ibique expansa constituit aquam: cumque hujus aquae bullulae poris etiam minora sint corpuscula alcalica pariter elastice ingrediuntur bullulam aqueam, & sic generatur alcali per deliquium: haec aqua per distillationem subtracta redit alcali siccum.

§. 55. Quo vero magis igne urgetur hic sal, eo validius com-

pingitur : nam si mercurius igneus dilatetur , egrediuntur ex centro corpusculorum alcalicorum particula ignobiliores, quamdiu patent pori : quo plures vero egrediuntur, eo compactiora fiunt corpuscula salina, & eo validius exporriguntur tenelluli radii in mercurium igneum, ut adeo hos ipso quoque durius evadat corpus.

Vid. Tab. I.
Fig. XI.

De saccharo.

§. 56. Saccharum cum reliquis quoque salibus numero bulularum convenire putamus , ob rationes, quas communes habet cum iis ; distinguitur vero ab iis omnibus, quod una gaudeat particula radiante nobiliore , pluribus ignobilioribus : id quod ex sapore sic satis probari posse putamus. Cum enim sapor ejus dulcis nec ad salis acidi nec alcalici saporem referri possit, patet, quod nec ex meris particulis ignobilioribus constare possit, nec ex unica nobiliore ; quia vero tertium quoddam particularum genus haud datur, sequitur, quod sacchari corpuscula utriusque ætheris debeant gaudere mixtura.

§. 57. Sacchari *mercurius* non tam videtur esse igneus, quam simpliciter *calidus*. Cæterum facile *liquatur*, quia pluribus præditum est particulis radiantibus, quam reliqui sales : *non* tamen *ardet*, quia ejus corpuscula minora sunt, quam ut unionem cum igne inire queant. Quod si igne urgeantur, ut bullula illæ plures ita à particula radiante nobiliore dirigantur, ut sibi invicem respondeant, *pellucidum* hoc ipso fit saccharum. Si adhuc porro igne rumpantur bullula, ut quartam sibi acquirant, vel pluribus imprægnentur particulis, ut utroque casu majora fiant ejus corpuscula, in corpuscula sulphureis æmula abeunt, & sic demum *ardere incipiunt*. Quod si ita expandantur igne, ut per ampliatis poros particula minores elabantur, & exterior bullula rumpatur, sic quoque in *spiritum* abeunt *acidum*.

De Terra.

Vid. Tab. I.
Fig. XV.

§. 58. Terram quoque maxime absorbentem in salium censum refero , & ad alcalia pertinere puto, quippe à quibus nulla alia ratione discrepat, nisi quod ejus bullula sunt ignobiliores, & ejus
mercu.

mercurius non sit igneus, sed solum *aereus*. Hoc inde apparet, quod cum acidis eodem modo effervescent, uti salia alcalica. Corpuscula vero ejus majora sunt, quam cæterorum salium, quia *bullulæ* ejus *debiliores* non tam valide possunt contrariæ actioni particularum resistere, unde ab his aliquanto magis expansæ id efficiunt, ut terræ corpuscula sint majora. Et hæc est ratio, *quare non*, ut reliqua salia, *solvantur in aqua*, cum ob magnitudinem suam non possint intrare poros bullularum aquearum. Et quoniam suo loco demonstratum est, quod bullulæ ignobiliiores etiam minore nisu deorsum serantur, terra quoque *levior* est reliquis hætenus pertractatis salibus.

De Tartaro.

Vid. Tab. I.
Fig. XVII.

§. 59. Tartarus tribus bullulis ignobilioribus & unica particula radiante nobiliore constare sumitur, ut adeo à sale non differat nisi bullularum ignobilitate. Quod vero ejus bullulæ sint ignobiliiores, id patet ex aliqua tartari proprietate, qua, *nisi in aqua calida*, non solvi observatur: quia namque solutio vulgaris nihil est aliud, quam corpusculorum salinorum imbibitio, & tartarus ignobiliiores habere bullulas sumitur, à centrali particula hujus bullulæ magis expanduntur, quam aliæ, unde hujus salis corpuscula majora sunt reliquis, & adeo, ut subire poros bullularum aquearum possint, hæc debent à calore expandi, quo calore evolante, subsident bullulæ aqueæ, tartareaque corpuscula per poros iterum expriment. Cæterum tartari *mercurius* videtur esse nullus alius, quam *aquæus*, id quod ex phlegmate in destillatione adscendente apparet.

§. 60. Nostra hypothesi tartarus videtur nullo prope negotio converti in sal volatile, & oleum, posse. Sed sciendum, quod utrumque debeat fieri per veram solutionem. Vera autem solutio non datur nisi in fermentatione, quippe in qua transeuntes particulæ æthereæ salium intrant centra, eaque vere solvunt: ignis autem radiis suis inire centra salium potest, cum salibus vero haud uniri, unde nec misceri abundantes particulæ æthereæ possunt, & in salina transferri: hinc mirum non est, quod chymica arte *sal tartari vix possit mutari in sal volatile*. Facilius tamen *oleum* ignis ope in

Vide Tab. II.
Fig.

sal volatile abit : nam sic nihil aliud requiritur , quam ut exterior olei bullula rumpatur. Sic v.g. ex fecibus vini exiccatis destillari potest sal volatile satis copiosum.

§. 61. Tartarus, secus quam cætera salia , *oleum* suppeditat , imo & , si recte tractetur , *sal volatile* : nec putandum essentialiter vel utrumque inesse vel alterutrum. Nam si inesset oleum formaliter tale, non posset non in solutione aquæ evolvi : cum vero tartarus etiam optime solutione in aqua facta depuratus , nihilominus largam olei copiam fundat, manifestum hinc est, quod non possit formaliter inesse : accedit, quod & aliter fieri vix possit , si oleum inesset actu, quin solutio ejus in aqua *laesecet*.

§. 62. Quod ergo ex tartaro habetur oleum, per distillationem *gignitur*. Nam, quia ejus bullulæ sunt ignobiliores, ejusdem particula radians ab igne adjuta facile ita expandit illas, ut ignis per retortam atque tartarum in altum connitens per poros aliquarum bullularum intret, coque ipso eam particularum atque bullularum constructionem inferat, quæ oleo propria est : nempe quatuor ignobiliores bullulas, cum una particula nobiliore & pluribus ignobilioribus : Etsi intima sit nobilior , ad tartarum tamen etiam non nisi exteriorum bullularum ignobilitas videtur requiri. Quod si forte putes, alio etiam modo ex dictis causis fieri posse oleum , illud evinces , quod sic modus meus non sit nisi possibilis, at quod ego hic contendo , nempe probabilitatem constitutionis tartareæ, inde non evertes. Sed si hoc modo ingeritur corpusculum igneum , quid sit cum particula nobiliore tartari ? *℥.* per ampliatis poros tartari ab igneo se expandente advena corpusculo expellitur.

§. 63. Interim mirandum est , quod, cum omnia salia acida suppeditent spiritum acidum , eundem non quoque hauriri ex tartaro : sed ratio quidem dari potest , quare hinc non possit acquiri spiritus valde acidus : nempe cum omnis aciditatis causa sit in vacuitate spatiorum inter radios particulæ datorum , & nobiliores bullulæ angustiores habeant poros , quam ignobiliores , sequitur quod tartareorum corpusculorum, & eorum quidem acidorum, vacuitas non possit esse tanta, quanta est reliquorum salium, hinc nec tanta eorum aciditas. Sed & plane nullum, aut exiguum, deprehenditur

Vide supra
Cap. V.
§. 111.
it. 111.
Vide & infra
hujus Cap.
§. 80.

henditur in hac destillatione acidum, cum tamen sal ipse sit acidus: respondeo, phlegma ejus acidum saturari à particulis radiantibus per ampliatos ignobiliorum bullularum poros copiose intrantibus: puncto autem saturationis attracto, quæ aliæ intrant particule, per nimis ampliatos poros iterum elabuntur.

De sale volatili.

§. 64. Salem volatilem puto tribus constitui bullulis, ut omnia salia, sed ignobilioribus, quarum in centro radiet particula nobilissima inter radios suos plures ignobiliores fovens. Quod vero ignobiliores ejus sint bullulæ, hinc intelligitur, quoniam tres bullulæ nobiliores nisu suo totius substantiæ ita deprimerentur, ut actio particularum radiantium, qualitercunq; collectarum, non posset prevalere, sicut ex saccharo pater. Accedit, quod, volatiliter suam facile amittere salia hæc, doceat experientia, relicto aliquo sale fixo: quod ipsum ita contingit, ut particule radiantes ex ruptis bullulis emigrent, & hinc sal aliquod fixum relinquant, unde apparet, has bullulas ita à particulis esse expansas, ut ulterius expandi citra ruptionem haud possint.

Vid. Tab. I.
Fig. XIX.

§. 65. Quod vero unam in se foveant particulam radiantem nobiliorem cum pluribus ignobilioribus, hoc est, quantacunque possunt, ætheris copia sint refertæ, id ex volatilitate apparet: tres namque bullulæ, etsi ignobiliores, in auras efferri sine maxima ætheris copia haud possent. Cæterum cum ad summum gradum expansæ sint salis volatilis bullulæ, ut earum radii ætherici satis libere ex poris suis emicare in proximas bullulas possint, nullo proprio videntur opus habere *mercurio*.

§. 66. Gignitur vero sal volatilis ex tartaro & oleo, dum ille copiosis particulis radiantibus ad volatilitatem usque impletur: hujus vero per ingressum particularum ignobiliorum exterior rum-pitur bullula. Etsi vero utrumque per ignem fieri possit, nihilominus longe sit commodius per fermentationem, quippe quæ veram solutionem omnium optime præstat. Unde patet, *nullum* haberi ex *mineralibus* volatilem posse salem: quia eorum bullulæ nobiliores, quantacunque particularum copia imprægnentur, semper actioni

earum prævalent, adeoque volatiles fieri haud possunt. Cum vero *ex animalium partibus* præcipue cornibus maxima semper copia falis volatilis acquiratur, & ratio patet, & hoc ipso intelligitur, animalium elementa in ignobilioribus bullulis nobilissimisque particulis consistere.

De Sulphure in genere.

Vid. Tab. I.
Fig. IV. VIII.
XII. XVI.
XVIII. XX.
nempe §. 19.

§. 67. Sulphur quatuor constare bullulis, supra assertum, nunc id nobis probandum est. Sic vero probo : ignis violentia bullulas non potest componere, nisi per accidens, si nempe aliæ ruptæ aliis applicentur : cum vero non prius rumpantur bullulæ, quam cum æthere sunt plenissimæ, hæ vero semper superius adscendant, quam aliæ, sequitur, quod in libero aere, cum ruptæ bullulæ sint cæteris altiores, apponi per ignem sibi invicem nequeant bullulæ ; cum itaque experientia doceat, fieri hoc modo ex sulphure quidem sal posse, non vero ex sale! sulphur, clarum est, quod sulphur, quippe quod per ruptionem unius bullulæ in sal abit, pluribus constet, quam sal, bullulis : cumque probatum sit, salem tribus constare, sulphur, si non plures, saltem quatuor habere debet.

§. 68. Ad sulphur vero refero, *vitrum, sulphur fixum, sulphur inflammabile, gummi, resnam & oleum*. Nam quatuor illæ bullulæ vel nobiliores sunt vel ignobiliores : illæ vel continent particulam radiantem nobiliorem, sic vitrum est; vel plures ignobiliores, sic sulphur fixum; vel unam nobiliorem & plures ignobiliores simul, sic sulphur inflammabile : hæ pariter, nempe ignobiliores bullulæ, vel foveant in sese plures particulas ignobiliores, sic gummi est; vel unam nobiliorem, sic resina, vel hanc & illas simul, sic oleum est.

De Vitro.

Vid. Tab. I.
Fig. IV.

§. 69. Vitrum ad sulphura refero, quia ex sulphureis corporibus, quale est antimonium, plumbum, cuprum &c. paratur, & ita quidem, ut calcinatione non omne exhaustur sulphur, sed nimum, id est, particulæ radiantes ignobiliores. Si enim omne exhaustul sulphur, v.g. in calcinatione antimonii, non sit vitrum, sed *regulus* :

gulus: unde satis constat, vitra pertinere ad sulphura; hoc ipso vero probato simul constat, quod quatuor constet vitrum bullulis. Sed illud nondum claret, quare in centro suo habeat particulam nobiliorem; illud vero hinc patet, quod fundi potest. Nam particula etiam plures ignobiliores, si resistentiæ quatuor bullularum, etsi igne adiutæ, obniti deberent, fusionem tamen præstare haud possent, sicut exemplo salis alcali, terræ, sulphuris fixi, & aliorum patet.

§. 70. Dum vero ex arena & lapidibus paratur vitrum, & illa sulphurei nihil videntur habere, dubitari etiam posset, an vitrum vere sit sulphur. Sed vero illud quidem concedo, quod lapides non sint sulphur inflammabile, inde vero hand sequitur, quod non sulphur fixum contineant. Lapidès scilicet ipsos jam vere vitra esse puto, sed plus quam vitra, eisque nihil, præter *pelluciditatem*, deesse existimo, quam per ignem acquirunt. Particula namque radians nobilior etsi in lapidibus detur, nondum tamen pellucidos eos efficere valet, quia bullulæ eam absque debito situ, quo ita dispositæ sint illæ, ut poris pori respondeant, circumdant: dum vero ignis in fluorem redigit lapides, particulamque radiantem nobiliorem adjuvat, ita sibi, rupta exteriori bullula, bullulas hæc disponit fluidas reliquas, ut rectè per poros radiare queat, quo ipso lapides redduntur pellucidi, & in vitrum abeunt. Crystallus vero, hyacinthus & alii pellucidi lapides, ideo sunt pellucidi, quia sic jam à natura dispositos habent poros, uti ad pelluciditatem constituti esse debent.

§. 71. *Mercurium* videtur vitrum habere *igneum*, quippe quod ex igne factum illum nancisci facillime potuit. Hoc ipsum docet quoque vitri fragilitas quadantenus, dum si mercurius esset aeris frigidi, ductile, uti metalla, deberet esse vitrum, quod cum non sit, patet, quod mercurius vitri debeat vel vapor esse, vel aer, vel ignis. Jam vero, si ejus pelluciditas consideretur, tanta, quanta in corpus solidum cadere possit, deprehonditur, unde in mercurio ejus nihil ad pelluciditatem debet esse obstaculi; at vero nullus mercurius ad proferendam luminis actionem aptior est igneo: unde mercurius vitri est igneus.

De Sulphure fixo.

Vid. Tab. I.
Fig. VIII.
Vid. Lib. III.
c. XIII, §. 5.

§. 72. Sulphur fixum habetur ex mineralibus & metallis, & quidem ignis violentia. Hæc nempe unam bullulam ex quinque illis mineralium rumpens, reliquasque aperiens, id efficit, ut quatuor tantum remaneant bullulæ, & æther ignobilior in centro bullularum. Nam quia aperiuntur bullulæ, particula radians nobilior avolat, ut sic & quatuor modo remaneant bullulæ, & particulæ ignobiliores intra easdem plures.

§. 73. Hujus sulphuris bullulæ cum sint nobiliores, & particula radians nobilior sit egressa, corpus contrahitur, & longe fit minus, quam erat antea: unde cum igne uniri haud potest, hinc non accenditur, ut aliud sulphur, cum accensio absque unione fieri nequeat. Et nihilominus sulphur est: cum enim nec ipsum sit minerale, nec sal, nec phlegma, nec mercurius, nihil aliud relinquitur, quam ut sit sulphur. Nam quod dixit Paracelsus, *quicquid ardeat, sulphur esse*, id sive definitio sit, sive propositio, falsum est, cum & spiritus ardeat, & nitrum, nec tamen vel ille vel hoc sulphur sit: porro etiam sulphur hoc nostrum fixum non ardēt, nec ideo sulphuris censu eximitur.

De Sulphure inflammabili.

Vid. Tab. I.
Fig. XII.

§. 74. Differt hoc sulphur à præcedenti, quod in centro suo foveat particulam radiantem nobiliorem, cum particulis ignobilioribus, inter radios illius interceptis. Hæc differentia probatur per inflammabilitatem: majores enim bullulæ debent esse, quæ cum igne uniri possint; majores vero fieri nequeunt, quam si utroque æthere sint expansæ. Verum autem sulphur, quod bullulis constat nobilioribus, non accenditur, nisi antea sit ab igne *in fluorem* redactum: sic enim demum eo usque ampliantur bullulæ, ut cum igne uniri queant.

§. 75. *Mercurium* videtur habere *igneum*, quippe per ignem genitum: quodlibet enim corpus ex eo fluide sibi acquirit mercurium, in quo proxime ac immediate versatur. Flamma ejus est cærulea, id est, obscura. Quia enim bullulæ nobiliores actioni ætheris valide resi-

resistunt, ideo ignis fit obscurior. Equidem spiritus quoque ardens cæruleam præbet flammam, ob eandem rationem ex contraria causa, dum ejus bullulæ, utpote solum duplices, citius rumpuntur, quam flamma debitum vigorem sibi possit acquirere.

§. 76. Peculiare hoc fere sulphuri est, ut ardeat, etiam in loco sic satis concluso, quia in solo sulphure sunt omnia ignis requisita, nempe copiosæ bullulæ nobiliores, cum particula radiante nobiliore, multisque ignobilioribus, unde igni fere sufficit, absque auxilio aeris: at in reliquis, v.g. spiritu ardente, vel oleo & pinguedinibus, resinisque, vel æther deficit, vel aer, qui defectus ex commercio aeris atmosphærici suppleri debet: hinc si illud aeris commercium non sit liberum, ignis ob defectum hujus supplementi extinguitur.

§. 77. Nascitur sulphur in gremio terræ ex igne, dum hic ibi conceptus non statim potest ob resistantiam terræ evolvi, & in auras attolli: unde dum ex illa emergere conatur, variis bullulis nobilioribus ingeritur, quæ se igni successive ita applicant, ut ignem demum plene figant, eoque ipso sulphur constituent: unde ex montibus ignivomis semper maxima sulphuris copia eructatur. Hic vero, quia nimia ignis est copia, sulphur ab igne generatum iterum accenditur, atque consumitur: ubi vero paucior est ignis copia, ibi demum vera & apta ad generandum sulphur officina est.

De gummi.

§. 77. Gummi quoque sulphur est, & in eo à reliquis speciebus discrepat, quod solis particulis ignobilioribus polleat: hoc vero exinde intelligitur, quoniam cum aqua miscetur: si enim nobilior in eo radiaret particula, intraret ea suis radiis aquea corpuscula, & ad horum centra perveniret, antequam hæc suis radiis immeare corpuscula gummea possent, sic nulla fieret unio, adeoque nec mixtio. Etsi vero vulgo solvere gummata dicatur aqua, ea tamen non est solutio, sed mixtio. Nam si solveretur gummi in aqua, sicut sal, consistentiam suam retineret aqua, ideo quia bullulæ aqueas gummi intraret, adeoque elasticam cohesionem bullula-

Vid. Tab. I.
Fig. XVI.

supra C. V.
§. 33.

rum aquearum haud immutaret : ea vero omnino maxime immutata cernitur in mixtione gummi cum aqua : unde potius credendum, quod misceantur utriusque bullulæ, & aquearum copiosior æther transeat in gummeas.

§. 78. Essentiale gummatibus est *conglutinare* corpora, quod nulli alii sulphuri æque competit : ea vero in genere conglutinant, quæ quomodocunque per conjunctionem substantiæ dissipabilis, v.g. ignis aut aquæ, expanduntur, unde etsi aëra sulphura quædam in oleo solvantur, tamen quia oleum non facile abit in auras, etiam non æque præstant conglutinationem. *Modus* autem ejus hic est : expanditur ab aqua gummi per mixtionem, sic fit fluidum : hoc gummi illinitur duobus corporibus conglutinandis, & hæc arte comprimuntur : hoc ipso vero atmosphæulæ conglutinandorum corporum suos radios æthereos per ampliatos gummi poros utrinque immittunt, aqua interim exhalat, itaque discessu aquæ etiam illi pori vacant, per quos aquei radii cum gummi miscebantur, & hos quoque derelictos poros ingrediuntur radii atmosphæulæ conglutinandorum corporum, quo ipso firmissime cohærent.

De resinis.

Vid. Tab. I.
Fig. XVIII.

§. 78. Sicut in gummatum centro hospitantur particulæ plures ignobiliores ; sic in centro resinarum habitat particula nobilissima : quod hinc probo, quia non solvitur ab aqua, nec per mixtionem cum eadem concrevit, sed solum cum oleo : cum autem natura mixtionis supra demonstrata doceat, quod æquales esse debeant corporis uniti radii, & oleum mox demonstraturus sim constare pariter ex nobilissima particula, eo ipso quoque intelligitur, quod resinæ eadem debeant pollere. Resinæ autem æque ac gummata *mercurio aeris atmosphærici* videntur contineri.

supra C. V. §.
31. seqq.

§. 79. Oleum facile fundunt resinæ, quippe à quo non discrepant nisi particularum ignobiliorum absentia : unde si per ignem hæ ingerantur, pars aliqua resinæ in oleum abit. Hinc vero putandum non est, quod tota resina in oleum debeat abire : nam aliquæ bullulæ debiliores non ferunt ingressum copiosi ætheris, & hinc iterum vel in resinam vel gummi redeunt, cujus miscela *colophonium*

nium dicitur, unde ex eo pariter destillari oleum potest. Interim si *fortiores* sint bullulæ, ut earum tres ingressum copiosi ætheris sustineant, etiam aliquid resinæ in sal volatile, quod in succino videmus, abire solet. Cum vero & particularum nobiliorum variet magnitudo, mirum non est, quod & olei subtilitas hic se exerat varia, & quod illud, quod ultima vice prodit, & quod balsamum vocare solent, sit omnium crassissimum. Nam majores particulæ majora inter radios suos habent spacia, unde copiosius in hæc spacia intrant particulæ radiantes igneæ, & eæ quidem ignobiliores, sic ergo prius levitatem, qua ascendunt, sibi acquirunt bullulæ tali nobiliore æthere foetæ, quam reliquæ, quæ successu tamen temporis eo quoque pertingunt, ut elevari in alembicum possint.

De oleo.

§. 80. Nec gummi, nec resina, nec oleum, imo nec sal vid. Tab. I.
volatile, nec tartarus, nec terra, nec acetum, nec aqua, Fig. XX.
deprehenduntur in metallis & mineralibus, sed aquæ loco phlegma, loco aceti spiritus acidus, terræ sal alcali, tartari sal, salis volatilis saccharum, si id reliquæ permittant circumstantiæ, loco olei sulphur, loco gummi sulphur fixum, resinæ vitrum: nam his omnibus essentialis est bullularum ignobilitas. Unde mirari nemo debet, quod in oleo quatuor sibi invicem impositas concipiamus bullulas, & corpus tamen sit fluidum: nam debiliores illæ quidem sunt bullulæ, & interius copiosæ particulæ, una nempe nobilior, cum plurimis inter radios illius constitutis ignobilioribus. Hæc ergo ætheris copia facile æquat motum contrarium quatuor debiliū bullularum, ut corpus possit esse fluidum. Quod vero bullulæ olei sint *ignobiliores*, id exinde patescit, quod ex metallis, quorum bullulæ haud dubie sunt nobiliores, nullum acquiritur, ex mineralibus, quorum paulo ignobiliores sunt bullulæ, vel nullum, vel suspectum, vel saltem operosum & paucum paratur: facile vero habetur ex animalibus & vegetabilibus, quorum ignobiliores cæteris sunt bullulæ.

§. 81. Quod vero oleum etiam *quatuor* talibus conflatum sit bullulis, id exinde judico, quoniam, si pauciores essent, non pos-

sent copix ætheris resistere, adeoque non oleum hinc constituere-
tur, sed sal volatile : si adhuc pauciores fingantur, tanta ætheris
copia tam debilibus bullulis haud posset contineri, sed potius ex ru-
ptis illis elaberetur. Quod denique tanta in oleo insit *ætheris*
copia, id exinde claret, quoniam ignis nutrimento inservit: suo
enim loco probavimus, ignem ex alimento suo maxime conquire-
re ætherem, & eum quidem tum nobiliorem, tum ignobiliorem:
unde recte concluditur, quod magna in oleo debeat esse ætheris
copia, (cave, ne male convertas propositionem, concludendo, quod
ubi sit ætheris copia, ibi locum debeat habere inflammabilitas: hæc
enim ex alia impediri potest causa.) Huc accedit, quod & suppo-
sitis quatuor bullulis, fluiditas locum habere haud posset, nisi ma-
xima intra eandem ætheris conclusa sit copia: major autem esse non
potest, quam si particula radians nobilior cum alii ignobilioribus,
spatia inter radios occupantibus, supponatur. *Mercurius* in de-
stillatis oleis videtur esse *igneus*, in expressis *aereus*, unde illa multo
sunt pellucidiora, quam hæc.

§. 82. *Generatur* oleum variis modis, v.g. ex resina, per
immissionem ætheris ignobilioris: quamvis & hic modus forte sit
rarior: frequentissimus vero est, si variis ruptis bullulis particulæ
radiantes ita implicentur, ut oleum evadant. Hoc ipsum vero,
quia ob fortitudinem bullularum non æque facile fieri in metallis
& mineralibus potest, ideo ibi etiam non facile occurrunt olea, ut
adeo à priori demonstrari error Libavii & aliorum chymicorum pos-
sit, qui in parando ex metallis oleo defudant.

§. 83. *Quare* oleum *non ardeat*, uti spiritus vini, supra
jam expositum: quare vero aquæ *supernatet* atque spiritui, id
ejus efficit levitas, hujus vero causa est copia ætheris & ignobili-
tas aeris: nam si una careret bullula, sal foret volatile, adeoque
post volatilia primum fixum est oleum. Quia vero gradus nobili-
tatis & ignobilitatis bullularum atque particularum sunt diversi, si
bullulæ olei paulo sint nobiliores solito, facile contingit, ut oleum
præcipue in leviori fluido duas fluidi etsi nobiliores bullulas vincat,
adeoque ad fundum descendat.

§. 84. *Oleum cum aqua non miscetur*, quia radii longiores
olei

supra Cap. V.
§. 112.

Vid. supra
C. V. §. 118.

olei ad centrum bullulæ aquæ pertingunt, antequam radii hujus in bullulas olei possint pervenire, unde nulla hic locum habet unio, & hinc neque mixtio: solvere vero neutrum potest alterum, quia utriusque pori sunt minores, quam ut alterius bullulas admittere possint, neque vero alterum potest alterum extrahere, quia corpuscula olei majora sunt, quam ut inter radios aqueorum possint locari, radii vero corpusculorum aqueorum, plus resistentiæ in oleosa quam propria bullula offendentes, in illam haut enitentur: unde quia aqua cum oleo nec *solutionem* nec *mixtionem*, nec *extractionem* admittit, sequitur, quod plane inter se absque aliorum subsidio uniri haud possint.

§. 85. Oleum vero cum spiritu rectificatissimo unitur per modum extractionis, dum ejus corpuscula ad bullulam inter duos radios accedunt, suisque radiis in hanc tendunt, unde concussio valde promovet hanc unionem: cum sulphure vero atque resinis per modum solutionis vulgaris unitur, dum, sicut corpuscula salina intrant per poros in bullulam aqueam, sic resinosa & sulphurea in oleosam. Cæterum longe plura erant, quæ non solum de oleo, sed & universum de singulis hisce principiis elasticis secundis dici poterant, nisi pensitasset, quod prolixior horum tractatio ad chymiam eruditam, oppositam vulgari experimentalis, & à nobis etiam cum Deo & die *in lucem publicam edendam*, pertineant, & quod plura hoc loco tractanda non videbantur, quam quæ ad illustrationem thesauri nostrarum spectabant.

SECTIO V.

De

*Usu veræ horum principiorum doctrinæ
adversus superstitionem.*

De oraculis veterum.

§. 86.

Medicis notum est sulphur quoddam narcoticum, quod sensus stupefacit, & spiritus ineptos ad munia mentis facit quale est

est in opio, hyoscyamo, papavere & aliis: Sicut vero illud ita dictum sulphur valde subtile & invisibile est, ita mihi mercurius potius esse videtur quam sulphur, quod tamen per me sulphuris nomen retineat. Hoc sulphur narcoticum sine dubio ad spiritus nostros se habet, uti oleum ad spiritum ardentem, cum quo per modum extractionis jungitur. Sicut vero inter radios ita interjacet, quod suo loco demonstratum vide, ut utrumque radium tangat, ita irradiationem ejus ita tollit, ut perspicuitatem si ipsum corpus extractum sit opacum, sicut sunt corpuscula resinosa, penitus tollat; ita si spiritibus nostris tale sulphur adhæreat, experientia docet, quod inepti fiant ad mentis actiones, unde talis homo nec sentit, nec cogitat. Alibi vero demonstravimus, quod anima nostra habeat peculiarem sensum, quo absque ordinariis sensoriis per signaturas rerum varia percipiat, & hinc facultate divinandi pølleat. Notandum vero est, quod tunc maxime sese exerat vis animæ divinatoria, si mentis actiones cessant, unde in *moribundis, dormientibus & stultis* maxime viget: habet se enim hæc facultas veluti lumen minus, quod obfuscatur à majore, & sicut interdiu luna haud splendet, sole præsentem & vigente, sic neque vis divinatoria illa, quamdiu mentis vigor sese exerit.

§. 86. Ex dictis sequitur, quod narcotica illa medicamenta, eo ipso, dum ad tempus stupefaciunt mentem, possint ad vaticinationem excitare, præcipue si cadant in mentem debiliorem, cum fortiore anima conjunctam. Sane Plinius expresse, & veluti rem in vulgus notam, paucis meminit, *quod haliacabi radicem bibant, qui sunt vaticinandi callentes.* Insomnia enim varia immittere narcotica medicamenta, quilibet qui vel opio velit uti, experiri potest. At sunt alia quoque narcotica vehementiora, v.g. hyoscyamus, Bella Donna, Datura, & alia, quæ sicut propter vehementiam suam in usum medicum haud trahuntur, ita vehementius mentem perturbando, efficacius hoc vaticinandi donum præstare poterunt.

§. 87. Etsi ergo non negem lusum suum quoque colluisse diabolium, tamen hinc puto satis patere naturalem quandam oraculorum causam, dummodo id supponas, sæpe etiam deceptam fuisse

Vide supra.
Cap. IV.
§. 45. & 46.

Histor. Nat.
Lib. XXI.
Cap. XXXI.

fuisse Pythiam, superstitionem vero populi reverentiam ad omnes ejus errores atque novos excutiisse, & ambiguas illas sententias, in plures sensus torqueri aptas, admodum fuisse aberrationibus & lapsibus oraculorum.

§. 88. Apparet id maxime ex Delphici oraculi historia quam vel in Diodor. Sicul. vel Schotti Physica curiosa leges. Liceat eam Schotti recensere verbis: *cum in eo loco, ubi templum postea extructum est, terra pateret profunda voragine, & circumpa-
scerent caprae; factum, ut una ex grege frequenter ad hiatum illum accederet, & quotiescunque introspectisset, toties rever-
sa miris & inusitatis gestiret saltibus, vocemque sonaret insue-
tam. Quae pastor miratus cum accederet, & ipse hiatum spe-
ctaturus, mox eodem impetu hausto, simili modo exilire & fun-
dere vaticinia incipit. Fama increbrescit & pervulgatur. fit con-
cursus ingens ad hiatum: & quotquot demittunt sese, statim
fatidico halitu afflati furibundisque similes evadunt &c.*

Diodor. Sic.
Lib. XVI.
Append. ad
Lib. I, Cap. III.

§. 89. Probabile non est, diabolum ira luisse capram & pas-
storem, & deinceps tot millia hominum, quippe cui Deus, beni-
gnus Pater hominum, tantam petulantiam non temere permittit;
sed illud, quod ex voragine exhalabat, forte sulphur tale vitrioli-
co-narcoticum fuit, quod spiritus ita menti corrumpebat, ut ad ra-
tiocinandum iisdem uti haud posset, sic fatidica anima & divinatoria vis, praecipue pastoris atque mulieris, hominum ut plurimum
anima magis valentium quam mente, excitabatur, ut somniando
vera pronuntiaret. Nimis enim austere & fastuose philosophari
mihi videntur, qui *somniis* omnem praefagiendi gloriam abjudi-
cant: id non perpendentes forte, quod sicut, quantum ad men-
tem, in uno homine plus valet iudicium, quam in alio, ita haec fa-
cultas divinatoria in hoc sese excellentius exerat quam in illo, & in
iis qui iudicio valent, raro tam vivida sit, quam in aliis.

S E C T I O VI.

De

*Ufu principiorum secundorum elastico-
rum adversus atheismum.**De palingenesia plantarum.*

§. 90.

NE ludibrio impiorum exponatur sacra resurrectionis corporum doctrina, cautos nos esse jubet hujus capitis doctrina, in allegando palingenesiæ plantarum exemplo. Nam hoc certum est, quod vera exemplaria plantarum regeneratarum sint oppido rara, adeo ut curiosi quoque viri indubium aliquod per omnem sæpe vitam videre haud potuerint: & quamvis ratio recta facile aliis exemplis regeneratarum v. g. insectorum, edoceatur, fieri posse, ut regeneretur aliquod corpus animale, tamen vegetabilium matrix terra est, & plantæ, quæ etiam in aqua excreſcunt, radices tamen ordinario non nisi in terra agunt: dein id, quod de sale dicunt, valde suspectum est, quia experientia docet, semina post tres aut quatuor, plus minus, annos amittere virtutem seminalem, etsi in loco aptissimo conserventur: unde claret, quod *virtus illa seminalis non consistat in sale*, utpote fixiore, quam ut exhalare possit, sed vel in spiritu, vel alia re exhalationi apta.

§. 91. Illud vero videtur plurimorum errorem invitasse & conservasse, quod salia crystallisationi relicta, dum crystallisantur, radiosè soleant excurrere, sicut aqua fenestrarum, quando congelatur, eodem modo tales lineas radiantes repræsentat, varioque occurſu aliorum corpusculorum nunc huc continuat cursum nunc illuc: unde cum ipse ille radiosus excurſus, à particulis radiantibus dependens, jam sic satis speciem foliorum præ se ferat, quod maxime in fenestrarum congelatione apparet, si denuo occurſus variorum corpusculorum accedat, quilibet intelligit, interdum, etsi rarius, eatum posse aliquam plantæ suæ æmulam referre faciem: maxime si consideremus, quid fiat in productione *arboris Diæne* seu philo-

philosophicæ, quæ etsi sæpius succedat, quam regeneratio plantarum, tamen sæpe quoque omnem spem artificis sui destituit: nec causa est, quod non recte operatus sit, sed quod casus se non recte adjungit, quod idem forte quoque de palingenesia plantarum ex sale suo verum est: & ipsa illa, de qua conqueruntur artifices, difficulas operationis, *casum* potius videtur arguere, quam *artem*.

§. 92. Et recte si ponas calculum, sive vera sit, sive falsa, hæc palingenesiæ historia, inde nihil vel deceder, vel accedet doctrinæ de resurrectione corporum: à plantis enim ad hominem non valet consequentia; & si valeret, resurrectio hinc conclusa exigua foret, atq; nullius momenti: si possibilitatem inde is probatum, dico, ratione Dei cum omnia sint possibilia, etiam absque ulla probatione certum est, quod resurrectio corporum nostrorum DEO sit possibilis: sin possibilitatem naturalem inde velis concludere, jam dictum, quod consequentia non valeat: & fac, etiam valere eam, inde nondum vera erit corporum resurrectio: quia id quod naturaliter est possibile, tamen, si Deus nolit, haud fiet, alias etiam brutorum resurgerent corpora: & si Deus velit, fiet, sive naturaliter sit possibile, sive minus: pertinet ergo totum hoc argumentum, etsi quam verissimæ sit palingenesiæ recensio, *ad fucum oratorium*,

SECTIO VII.

De

Usu in prudentia circa sanitatem.

§. 93.

Hic prolixissima sese exerit occasio convertendi hanc de principis secundis elasticis doctrinam, in usum prudentiæ circa sanitatem, sed aliqua saltem exempli loco delibabo.

De medicamentis lapideis.

§. 94. Sic notum est, quod lapides etiam suis porrexerint ægris veteres medici, quod recentiores nostri, salis atque sulphuris illis theoriis nimium fidentes, ut errorem veterum traducunt,

Qq 2

argu-

arguteque probant, quod duriores sint lapides, quam ut concoqui in ventriculo possint. Sed doctrina nostra de corporum atmosphæru-
lis docet, quod si experientia lapidum utilitatem confirmet, quod propter dictam ratiunculam eorum usus minime sit reprobandus; Nam & *aves* naturali instinctu *devorant lapides*, quos æque minus ac homines concoquunt, cum manifesta tamen euphoria, quandoquidem his destituti, brevi post agrotare, & post usum eorundem melius habere incipiunt. Affaniæ vero atque nugæ sunt, quod quidam existimant, mechanica quadam ratione hos lapillos veluti attrerere & permolere devorata grana: nam illi ipsi lapides devorari glabri & rotundiores deprehenduntur, qui ipsa hac figura sua ad imaginativam illam attritionem sunt inepti; convenientius rationi atque experientiæ est, credere, atmosphærules lapidum, ex acre nobiliore constitutas, calorem ventriculi augere, atque hocipso suam præstare euphoriam.

De Amuletis & aliis.

§. 95. Amuletorum quoque usus, etsi multum vanæ persuasionis habeat, non ideo tamen penitus est rejiciendus: nam si eorum cogites atmosphærules, facile intelliges, ea sanguinis per arterias atque venas exterius positas alterare atmosphærulem posse, ut hinc aliquis medicus in illum transferatur effectus, id quod de fuceino v. g. collo appenso concipi de facili potest. Sic notum est medicis, quod *argenti vivi decoctio*, sine ponderis imminutione aquæ satis sensibilem virtutem communicet: quod idem quoque sentiendum est de pilulis ex *regulo antimonii* confectis, sine imminutione sui satis efficaciter in corpus nostrum operantibus, quæ omnia aliunde quam ab atmosphæruleis eorum profecta vix possunt intelligi.

De usu & noxa horum principiorum, ratione temperamentorum.

De Cholericis.

§. 96. Ex supra positis ideis patet, quod cholericis, nisi quid obstat, convenient *spiritus acidi, salique acida*, sed ut felicius sum turgescens eorum humoribus uniri queant, spiritu vini resisti-

stificatissimo dulciores redditi, vel alcalibus saturati: noceant salia volatilia, olea, resinae: medio modo se habeant spiritus ardentes, saccharum & sulphur. Alcalica vero & sulphura fixa possent quidem prodesse, sed ob parvitatem corpusculorum suorum non facile uniuntur cum humoribus cholericis.

De Melancholicis.

§. 97. Melancholicis contra prosunt *salia volatilia*, & *olea aromatica*, uno verbo, celebria hoc ævo salia volatilia oleosa, dummodo aliis medicamentis ita temperentur, ut propter magnitudinem corpusculorum suorum ne defugiant unionem cum humoribus contractis melancholicorum. Nocent vero spiritus acidi etsi dulces, saliaque acida; medio modo se habent spiritus ardens, saccharum & sulphur. Alcalica vero & terræ absorbentes tunc prosunt, cum acidum in ventriculo atque humoribus prævalet.

De Phlegmaticis.

§. 98. Phlegmaticis, quod & de sanguineis valet, magis prosunt alimenta quam medicamenta: his tamen si habeant opus, loco spiritus acidi utantur aceto; loco salis alcalici, terra absorbente; loco salis acidi, tartaro; loco sulphuris, oleo & resina.

De Sanguineis.

§. 99. Sanguinei rarius egent medicamentis, si vero medicamentis habeant opus, videndum, an æther deficiat, an aer: si hic, prosunt spiritus acidi & salia; si ille, salia volatilia, atque olea; sin utroque indigeant, utantur spiritu ardente, saccharo & sulphure. In singulis vero his temperamentis, si constet, aliquo medicamento utendum, & post usum aliquot dierum inde nullam nec noxam percipias nec utilitatem, indicio est medicamentum cum humoribus haud uniri: si enim uniretur, & conveniens morbo esset, non posset non prodesse; sin eidem haud quadraret, nocere: unde in *eodem medicamenti genere* permanendum, variandum tamen prudenter est, donec medicamentum debita corpusculorum suorum quantitate ad unionem aptum assequaris.



CAPUT VII.

De

MOTU.

SECTION I.

De

Aristotelis doctrina.

§. 1.



Phys. I. VIII.
c. I.

Ristoteles motum, quam physice debebat, per causam modumque, describere, more suo metaphysice, id est, scopo suo inconvenienter, definit sequentem in modum : *φαινεν δὴ τὴν κίνησιν εἶναι ἐντελέχειαν τῆς κινήτῃς ἢ κινήτης.* *Dicimus ergo, motum esse actum mobilis, quatenus est mobile,* quod æque ineptum est, ac si dicerem, vitam esse actum corporis viventis, quatenus vivit : id quod recte consideranti vere idem est, ac si dicerem, vitam esse vitam, & motum esse motum. Nam mobile est, quod potest moveri, seu quod habet potentiam, vel aptitudinem ad motum : actus mobilis est, quando præter aptitudinem ad motum adest ipsa ratio actualis : cum vero mobile etiam possit quiescere, & actus quietis nihil aliud esset, quam vera quies, ne per actum mobilis, quatenus hoc consideratur ut quiescens, ullatenus intelligi ipsa quies possit, additur, quod sit actus mobilis, quatenus est mobile, id est, quod motus sit, quando id, quod moveri potest, vere movetur & non quiescit : in hanc ineptam motus descriptionem vere quadrat illud Terentii, *ne intelligendo facis, ut nihil intelligas.*

§. 2. Si

§. 2. Si clare descripsisset motum Aristoteles, scivisset, quomplex ille sit; at metaphysica illa & obscura descriptio id effecit, ut jam *sex*, jam *quatuor*, jam *tres*, statueret motus species, jam *has*, jam *illas*. Nam in Categoriis *sex* nominat, γίνισιν, φθοράν, αὐξησιν, μείωσιν, ἀλλοίωσιν, καὶ τὴν κατὰ τόπον μεταβολήν: id est, *generationem*, *corruptionem*, *augmentum*, *decrementum*, *alterationem*, & *loci mutationem*. At alibi nominat φθοράν, ἀλλοίωσιν, φθίσιν καὶ αὐξησιν, id est, *lationem*, *mutationem*, *corruptionem* & *augmentationem*. Alibi non nisi *trium* facit mentionem, φθοράς, αὐξήσεως, καὶ φθίσεως, id est, *lationis*, *augmentationis*, & *corruptionis*: quam ipsam distinctionem, alibi ita effert, ut dicat, *aliam esse τὴν τι τῆ ποσῆς, καὶ τὴν τῆ ποιῆς, καὶ τὴν κατὰ τόπον*: id est, *aliam esse quantitatis*, *aliam qualitatis*, *aliam loci motionem*.

Lib. I. de Anima Cap. III.

Phys. Lib. IV. Cap. IV.

Phys. Lib. V. Cap. I. & Lib. VII. Cap. II.

§. 3. Desidero hic, quod vere physicas species, nempe vitalem & elasticum, & hunc vel physice vel mathematice elasticum plane omitat: dein, quod motum localem reliquis motus speciebus opponat, cum absque *mutatione loci vel spatii nullus ullo modo concipi motus queat*. Nam nisi *ποχυλῶς*, motum concipias, & id corporis, quod vere quiescit, moveri dicas, nullus excogitari motus potest, quia nō sit localis vel spatialis. In alteratione enim, v.g. quando color caeruleus mutatur in rubrum, etsi totum corpus non moveatur, tamen fieri hæc alteratio minime potest, nisi vel intrat aliquid in illud, vel inde exeat: sic pariter generatio atque corruptio fieri non possunt, quin elementares substantiæ & accedant & discedant; unde iterum patet motus localis necessitas: de augmentatione atque diminutione res adhuc clarior est: unde manifestum est, vitiose opponi motum localem aliis motus speciebus, cum omnis motus sit localis: quod ipsum quoque alibi, oblitus sui, expresse dicit sequentibus: πρὸς δὲ ταῖς, ἀνευ τόπου καὶ κινή, καὶ χρόνου ἀδυνατὸν κινήσιν εἶναι, id est, *fieri vero non potest, ut contingat motus absque loco, vacuo & tempore*.

Phys. Lib. III. Cap. I.

§. 4. De causa motus prima atheismo suo inservit, dum jam Deum nominat, jam ipsum cælum, mox manifestius, quid sentiat, expromit, dicens εἰδέν γὰρ ὅτι φέρον αἰθιόν. Hæc enim qui cohæreant, nemo melius intelligit, quam qui sciverit, ἀκρί-

De Cælo Lib. II. Cap. III.

Phys. Lib. VIII. C. I.

pot.

Vid. supra
Cap. II. §. 12.
Aristot. I. all.
pollere Aristoteli Deum atque naturam, unde & solennis, utur a-
thea, auctoris sui sensu, Peripateticorum thesis est, quod *motus sit*
æternus,

S E C T I O II.

De

Cartesii circa motum doctrina.

§. 5.

Princ. P. II.
§. XXV.

Cartesius anathemate Papali in scriptorem aliquem Copernica-
num effuso perterritus, totam motus doctrinam ita concin-
navit, ut asserere posset, terram & moveri, & non moveri, in-
genuitati & studio auræ Sorbonniæ simul inserviturus : unde ait,
motum esse translationem unius partis materie, sive unius cor-
poris, ex vicinia eorum corporum, quæ illud immediate contin-
gunt, & tanquam quiescentia spectantur, in viciniam aliorum.
Dum autem motum sumit, considerari debere solum respectu cor-
porum, corpus motum immediate contingentium, manifeste qui-
dem petit conclusionem, hoc est, parat sibi definitionem, unde
concludere possit, terram circa solem ferri, nec tamen moveri, id-
co, quod in cælo suo quiescat : quem quoque in finem contendit, *u-*
num corpus unum modo habere motum.

Princ. P. III.
§. XXIX. &
seqq.
§. XXXI.

Princ. P. II.
§. XXV.

§. 6. Cum vero Cartesius motum pure passive consideret, &
de causa movente, ex hypothese sua, ne quidem velit cogitare : &
ideo contendat, *motum non esse in movente, sed in mobili,* appa-
ret, quod translatio illa passiva semper sit *reciproca*, nempe lapidis
in altum projecti recessio à terra, & hujus à lapide ; & ne nimis æ-
gre faciat communi usui, putat, motum ita considerari debere, ut
corpus alterum, quod secundum omnes alios philosophos hoc in-
tuitu quiescere diceretur, Cartesio vero saltem spectatur ut quie-
scens, non dicat moveri, sed alterum potius, quod ab hoc recedit.
Scilicet nisi à consideratione motus penitus exclusisset causam mo-

WCO-

ventem, poterat dicere illud moveri, cui in hac corporum translatione causa movens virtutem suam impertit.

§. 7. Præterea singularis adhuc difficultas vexat Cartesium propria sua culpa, quippe qui temere, placendi studio, dixerat, stimulante Mersenno, *non dari vacuum*, nec recte pensitârât illud ex Aristotele §. 3. allegatum axioma, quod absque vacuo non possit fieri motus. Hoc vero absurdum hypotheseos suæ quamvis intelligeret, quia tamen majore flagrabat placendi, quam veritatem eruendi studio, utcunque glaucoma lectori objicere annisus est. Itaq; dicit, nullum corpus, propter illam assertam plenitudinem, moveri posse, nisi per circuitum: sic enim nullum vacuum, nullam rarefactionem, aut condensationem, requiri, ut pars una circuli moveatur versus aliam, modo eodem tempore pars illa alia moveatur versus aliam, & hæc alia versus primam.

§. 8. Pessimum illud placendi studium bonum Cartesium ita seduxit, ut totam hanc doctrinam de motu meris nugis deturpaverit. Ego generaliter dico, hanc malè cohærentem ejus doctrinam, præter modo nominatum affectum, niti quadam recte concludendi ignorantia, quæ nescit, cum plurimis quidem aliis, ex *definitione nominali non posse concludi realiter*. Nominaliter enim Cartesius, & arbitrarie, motum definit, id quod ipsi denegari penitus haud potest, sed ex tali definitione non alias debebat necesse conclusiones, quam *pure nominales*, v.g. non ita debebat argumentari, ergo unum corpus non habet nisi unum motum, sed ita: non potest, secundum hunc nostrum de motu conceptum, dici habere, nisi unicum motum. Item non: ergo terra non movetur, sed: non potest dici moveri.

§. 9. Porro, ne *nominalis* quidem, si recte perpendas, est hæc Cartesiana motus definitio, sed vitiose *arbitraria*, unde nec conclusiones inde deductæ verè nominales sunt, sed pure nugatoriz, nempe secundum Cartesianum vocabulorum abusum tales. Tandem hoc etiam vitio laborat dicta definitio, quod loco differentiz adhibitum fuerit accidens, quod fundamentum quidem dividendi, non vero pars definitionis, esse potest. Nam motus datur & immediatus, & mediatas, ut ipse Cartesius negare nequit. Ex his vero satis apparet, quam nulla sit hæc Cartesiana definitio.

R r

Adver.

Vid. Princ. P.
II. §. XXXI.
conf. cum definitione
§. XXV.

*Adversus modum motus Cartesianum.*l. all. §.
XXXIII.

§. 10. Quod attinet ad modum motus, quem docet ita; ut dicat, corpus ex loco, quem ingreditur, expellere aliud aliquod corpus, hoc rursus aliud & aliud, usque ad ultimum, quod in locum à primo derelictum, eodem temporis momento, quo derelictus est, ingrediatur; dico supponi hic aliquid, quod fieri nulla ratione potest: nempe enim *eodem temporis momento*, quo corpus aliquem locum derelinquit, alterum ingredi in illud haud potest. Nam in hoc est nervus conclusionis, an eodem temporis momento alterum illud corpus ingredi illum locum possit? sed non potest: nam si accurate loquendo eodem temporis momento ingrederetur locum illum, hoc posterius corpus deberet penetrare prius, alias fieri non posset, ut eodem temporis momento illum ingrederetur.

§. 11. Quod si vocem momenti cum latitudine accipias, ut denotet tempus aliquod pluribus partibus constans, respondeo, sic *non evitari vacuum*: sit enim, quantilla velis, pars temporis, quæ inter motum prioris & posterioris corporis intercedit, necessario vacuum dabitur hoc temporis momento, quod inter motum prioris atque posterioris corporis intercedit, adeoque aut vacuum statuendum est, aut confitenda erit & admittenda conclusio experientiz contraria, quod nihil moveri queat.

l. all. §.
XXXIII.

§. 12. Cum porro, ut hoc motus sui figmentum quomodo-
docunque defendat Cartesius, fingendum ipsi sit, motum ita augeri & imminui, ut si amplius spatium transeat materia, *remissior* sit motus; sin angustius idem sit, proportionate *crescat*: quod qui fiat, nemo intelligit, sed id solum animadvertitur, quod Cartesius propter negatum vacuum, hoc ita debeat statuere. Neque vero hoc, ad salvandum illud figmentum, sufficit, sed adhuc incomprehensibilis aliqua materiz particularum in infinitum vel indefinitum concipienda *divisio* est, qua aliquæ materiz partes ita à se invicem removeantur, ut omnes angulos, à reliquis materiz partibus relictos, accurate compleant. Ipse vero concedit, incomprehensibilem esse hanc divisionem, sed sequi tamen eam ex natura materiz,

riæ, (præjudicio, puta, de vacuo) & esse de genere eorum, quæ à mente nostra, utpote finita, capi non possunt. Ubi jure exclamaveris, *ô quantum mutatus ab illo Heſtore, qui primus dixerat*, se infiniti ideam veram & positivam habere, his ipsis verbis: *nec putare debeo, me non percipere infinitum per veram ideam*: quam paulo post quoque vocat maxime claram & distinctam.

§. XXXV.
Meditat.
p. m. 18.

De causa motus.

§. 13. Causam motus statuit DEUM, & ita quidem, ut certam ejus quantitatem sub initium una cum materia creârit, quam dein constanter conservet. Hic vero quid sibi voluerit Cartesius haud dubie ignoravit, cum nemo intelligat, quî accidens possit esse quantum, absque substantia: quod enim quantum est, extensum est; & quod extensum est, illud habet partes; quod autem partes habet, substantia est, non accidens: unde quodcumque de accidente prædicatur quantitas, illud vel fit improprie, vel secundario de accidente dicitur, quod primario substantiæ competit.

l. all. §.
XXXVI.

§. 14. Sic motus aliqua quidem concipi quantitas potest, ratione lineæ in ære conceptæ, quam pertransit motus, sed revera hæc quantitas in ære est, non in motu: vel ratione virtutis, quam habet ad impulsus, sed vere, hæc quantitas in causa impellente est, non in ipso motu. Quod vero Cartesius putet, motum aliquem impressum, qualem putat hunc esse Divinum, ita posse transferri in corpus aliquod, ut revera absque ulla causa movente continetur, adeoque accidens aliquod, seu modus rei, à sua resive substantia plane derelictum, solum evagetur, illa est persuasio aniculâ, quam philosopho, dignior, & tam absurda, ut magnus Cartesii admirator Sturmius eam calculo suo approbare nequiverit.

Vid. Comp.
Phys. P. Gen.
Sect. III. Cap.
XV. §. 11.

De objectionibus Henrici Mori adversus hanc Cartesii doctrinam.

§. 15. Et quamvis alias meo mori repugnet, aliorum exscribere

scribere meditationes, tamen quia solidissimæ sunt Henrici Mori adversus hanc Cartesii doctrinam objectiones, paucis & meis potius, brevitatis ergo, quam illius & verbis & exemplis, eas huc annexam. Sunt autem singulæ deductiones ad absurdum, quarum prima huc redit: quod, secundum Cartesii hanc definitionem, *unum corpus ad aliud corpus quiescens propius accedere possit, vel ab eo recedere longius, absque omni motu locali.* Scilicet sequitur hoc utique, quia ipse cum motum pro vero habet, qui est translatio ex vicinia corporum immediate corpus motum contingentium; & hinc etiam non nisi unum unius rei agnoscit motum: jam ergo, si quis navi vehatur, in eaque quietus sedeat, ut nullum plane moveat membrum, ad unum litus accedit, ab altero recedit, nec tamen, si vera esset Cartesii definitio, moveri, posset dici.

Princ. P. II.
§. XXIX.

§. 16. Dein, cum ipse Cartesius fateatur, translationem esse reciprocā, adeoque etiam illud corpus, quod ut quiescens spectatur, moveri, & hanc esse propriam naturam motus, ut nempe utrumque corpus, etiam quiescens, moveri dicatur, hoc inde absurdum sequi, ostendit Morus, quod *turris æque moveatur, ac ventorum flamina, quæ leniter eam prætereunt*: ubi & præterea erudite monet, quod Cartesiana motus descriptio, non motus sit, sed situs, adeoque hæc duo turpiter confuderit Cartesius.

Vid. Enchirid. Metaph.
Cap. VII. §.
3. 4. 5. 6. 7.

§. 17. Quod si, ut priorem §. 15. objectionem evitent Cartesiani, dicant, corpus moveri non respectu navis, sed respectu litoris, aliud inde absurdum demonstrat Morus, quod nempe hinc sequatur, *corpus localiter moveri, non ubi est, sed ubi non est, nec respectu locorum* (internos ego intelligo locos) *quæ successive relinquit, sed eorum, quæ nunquam ne attingit quidem.* Emphatice demum hac occasione invehitur in Cartesii sectatores, his quidem verbis: *Edne igitur stuporis ac vecordiae discipulos suos perduxit Cartesii auctoritas, ut omnibus animi facultatibus, imo vero propriis oculis, nuncium mallent mittere, quam istiusmodi præceptoris vestigia deserere, qui tot absurda & incredibilia aut ignarus & oscitans, ut cæcus muscas, inter philosophandum devoravit, aut quod pejus est, etiam data opera admisit, ne*

non

non talia philosophiæ principia statueret, quæ necessitatem existendi materiæ assererent, cum ea tamen soli conveniat DEO.

S E C T I O III.

Gassendi de motu sententia.

§. 18.

Gassendus de motu Epicuri probat descriptionem, quâ dicebat, esse μεταβασι ἀπὸ τόπου ἐς τόπον, seu transitum è loco in locum: motumque adeo nullum alium statuit, quam localem, & recte quidem, si sub loco comprehendat sparium. Et si dissentiat Aristoteles, causam vero omnis motus mobilitatem seu pondus atomorum esse, & vim motricem, quæ in unaquaque re concreta sit, non distinctam esse re ipsa ab illarum pondere, sive impetu; sed impetu tamen accipiente modum à concatenatione mutua, ob quam fiat, ut, quoniam atomi liberiores sunt in concrectione spirituosâ, quam in ulla alia, ideo residere vis motrix censeatur in spiritibus maxime. Sed quoniam supra demonstratum est, doctrinam de atomis totam esse consistam, nulloque solido subniti fundamento, operæ pretium haud, est hanc motus hoc loco refutare causam.

*Vid. Animad-
vers. Tom. I.
p. m. 236.*

Ibid. p. 165.

§. 19. Motus, qui ab alio fit, quatuor species ex Emperico videtur approbare, *pulsionem, tractionem, elationem, depressiorem*, de quibus monendum, quod ad duas species commodius redigantur, *pulsionem & tractionem*, adeo ut elatio & depressio sint species *pulsionis*, & præterea hæc distinctio non magni adeo videatur esse momenti.

*Vid. l. all. p.
243.*

§. 20. *Pulsionis* species est motus impressus, de quo idem fere sentit cum Cartesio Gassendus, ita quidem, ut ex cohesionem moventis atque mobilis efficiatur quasi unum corpus, sive mobile integrum, & unum integrumque esse moventis ac mobilis motum, adeo ut motio, quæ est in mobili, donec moventi, aliquousque comitanti, id conjunctum manet, sit quoddam quasi *tyrocinium*, quo mobile addiscat quasi coeptam cum movente viam pergere, sursum, deorsum, trans-

versim, oblique, in orbem, segniter, perneciter &c. prout movens deduxerit, priusquam ab illo separetur. Hinc putat omnem motum semel impressum à natura esse indelebilem, & quodocunque cessat motus, id aliunde non fieri, quam ob resistentiam aeris, vel aliud quodcunque corpus obstandans : unde & putat, cælestia corpora, quia nihil retardans aut accelerans, nihil resistens habeant, suum motum perpetuo ac indefinenter tueri. Sic ergo apparet, quod nullam causam motum continuantem statuatur, & secundum ipsum vis motrix quærenda sit, non quæ motum perseverantem faciat, sed quæ fecerit perseveraturum.

Ibid. p. m.
252. & 253.

§. 21. Sed horum omnium nihil comprehendo, nec credo, ipsum, quid sibi velit, Gassendum scivisse. Nam illud *quasi* unum corpus, revera unum corpus non est, quia, quæ quasi talia sunt, revera non sunt talia. Sed fac, etiam revera manum projicientis unum cum lapide, sicut cum suis unguibus, constituere corpus, plus inde non sequetur, quam quod lapis moveatur, quamdiu movetur manus; & sicut ideo non pergunt ulterius ungues projicientis, quia unum cum manu constituunt corpus, sic nec ideo motum continuat lapis: imo cum omne unum sit unitum, si lapis unum corpus cum manu projicientis faceret, manifestum est, quod ex manu emigrare haud possit, adeoque nec projici. Et quocunque demum verborum lenocinio id ajas, hoc sane in confesso est, quod lapis non moveatur ut manus: hæc enim movetur per nervos, quæ ejus ubique pervadunt partes, lapis vero non item: unde quamdiu lapis cum manu est conjunctus, poterit una cum manu moveri; simul ac vero à manu separatus est, nulla amplius ex hac causa datur motus ratio. Porro quod de illo lapidis tyrocinio habet, illud tam jejenum est, ut Gassendi esse mihi haud persuaderem, si alibi, quam ejus in libro, occurreret.

§. 22. Incomprehensibilis porro subtilitas est, quam habet de directione motus, quâ putat, ex impetu ad contactum facto, & in aliquantula illa cohæsiōe, ejusque mora, tensionem quandam partium creari versus regionem oppositam; conformarique adeo, quasi tendines, sive fibras, quarum potentissima sit, quæ per gravitatis centrum trajecta, effecta fuerit veluti axis:

Ibid. p. 252.
& 253.

Unde

Unde concludit porro, quocunque projectum tendat, fibras omnes sequi axis directionem, seu parallelas effici; adeo ut, si centrum pluries commutaverit, toties axis, totiesque fibræ centrum illius consequantur.

S E C T I O IV.

Nostre de motu opinio.

§. 23.

MOTUS doctrina semper maximi fuit habita ab omnium sectarum philosophis, nec immerito: est enim motus veluti vita totius naturæ. Motus vero valde sunt diversi: sic alius est motus *ætheris*, alius motus *aeris*, alius motus *spiritus*: ut adeo motum in genere descripturi dispicere debeamus, quid singulis hisce speciebus commune sit. Illud vero commune est, quod in omni motu sit causa movens & res mota, unde utrumque simul considerandum, nec mobile absque respectu ad causam moventem definiendum. Nam ex vitio quodam mathematicorum factum est, ut *motus* in physicis non consideraretur, nisi *passive*: quoniam mathematici non solent considerare causas, quod sæpe monet celeberrimus Newton, sed effectus solum mensurare atque numerare; & cum Cartesius æque ac Gassendus fuerint mathematici, hætenus invaluit mos, ut motus non consideraretur, nisi *passive*.

§. 24. Commune porro est, recensitis motibus omnibus, ut à causa movente transferatur aliquid è vicinia aliorum corporum, vel partium corporis in viciniam aliorum, aliarumve partium. Sic enim motus illa translatio melius concipitur per viciniam, quam per locum: quoniam vicinia generalior conceptus est, & loco, & spatio: unde sic definitio motum, quod sit *translatio entis creati, è vicinia unius in viciniam alterius*.

§. 25. Dico, translatio entis creati, ut comprehendam non solum motum corporum, sed & spirituum, & excludam motum entis increati, seu Summi Numinis, utpote rationi nostræ incomprehen-

prehensibilem. Potuisssem vero etiam secundum meam hypothesin dicere, motum esse translationem materiæ, quia sic quoque comprehendisssem corpus æque ac spiritum, quippe quorum utrumque materia est. Viciniam dico, non locum, ut & hic possit intelligi spatium; elementa enim non moventur in loco, sed in spatio, unde falsa est superius §. 18. adducta Epicuri de motu definitio, si loci vocabulum stricte sumat. Viciniam unius entis nomino, non unius corporis, ut partes quoque tum elementi, tum spiritus, tum corporis comprehendam: elementa enim moventur è vicinia partium suarum, in viciniam aliarum, v.g. aer à peripheria sua ad centrum, æther modo contrario.

§. 26. Quodsi de duobus entibus, quorum alterum transferatur è vicinia alterius, quæras, utrum moveatur? Respondeo, illud, cui causa movens sese applicat; quodnam vero illud sit, vel sensus docebit, vel ratio. Sic quando liber è mensa tollitur, liber movetur, non mensa. Pariter si aliquod ens movetur à seipso, veluti æther, aer & spiritus, partes hujus moventur, non totum. Si duo corpora ad se invicem allidantur, ut utrumque resiliat, utrumque movetur, quia duæ adsunt causæ moventes, altera, quæ primum corpus movet, altera hoc ipsum corpus motum est, quippe quod movet alterum: imo tres, quatuor & plures sibi invicem succedere causæ possunt, & totidem motus passivi concurrere.

Divisio motus in essentialem & accidentalem.

§. 27. Movetur autem aliquid vel à seipso ratione partium suarum, vel ab alio. A seipsis moventur sola principia prima, particula radians, bullula aerea, & spiritus, cætera omnia vel ab his, vel ab aliis corporibus. Corpora enim, etsi maxime sint simplicia, veluti aer atmosphæricus atque ignis, nunquam moventur à semet ipsis, sed semper, vel ab elemento prædominante, vel à spiritu: sic levia ab æthere, gravia moventur ab aere, corpus animale atque vegetabile à spiritu. Cum vero elementa sibi invicem obnitantur, si neutrum prævaleat alteri, quiescere corpus dicitur, veluti corpusculum aereum in aere, aqueum in aqua, unde & patet, quid sit quies. Motus ergo, qui à seipso est, primorum principiorum proprius, cum

fit primum principium omnis essentiae rerum, *essentialis* dicatur; huic oppositus, qui fit ab alio, *accidentalis*.

*De præjudicio quorundam, quod Deus sit motus
immediata causa.*

§. 28. Ex dictis itaque patet, Deum esse motuum essentialium causam immediatam, accidentalium vero non nisi mediatam, cumque vitium in illis nullum unquam sit vel morale vel physicum, sed omne in his, accidentalibus pura, dignum DEO est, illorum causam esse immediatam, at minime dignum Eodem est, si horum causa dicatur esse immediata. Joh. Christoph. Sturmius vero tum in *Phys. Hypothes.* usu *Metaphysico*, tum in *Compend. Phys. Cap. IV. §. 45. & seqq.* cum Malebranchio & aliis haud erubescunt Deum omnis motus, etiam ejus, quando globus globum provolvit, quin ejus, quo homicida furque manum moveret, qua ille insontem necat, hic aliena rapit, causam dicere immediatam. Fluxit hic, isque sat nocivus error ex duplici præjudicio, altero antiquo, altero recentiore. Illud commune erat multorum philosophorum, falsus nempe ille de materia conceptus, quo putabant, esse eam substantiam pure passivam, unde quæ exinde facta erant corpora, nobiliorem virtutem habere haud posse, videbantur, hinc necessario, cum nihil aliud relinqueretur, Deo adscribendus erat motus omnis. Similem enim in modum argumentabantur iidem veteres, ex communi præjudicio, dum ideo vel spiritum aliquem mundi, qui cum mundo, veluti anima nostra cum corpore, sit unitus, statuebant, vel formam aliquam communem universi, qualis Aristoteli natura erat: qui ipsi tamen nullum alium quoque agnoscebant Deum.

§. 29. Alterum præjudicium, quod recentius diximus, Cartesianum est, cujus philosophiam dictus Malebranchius atque Sturmius impense amabant. Cartesius enim passim, pro tenui sua logices veræ cognitione, incongrue dixerat, motum creati & conservari, & ex uno corpore in aliud transferri, quasi corporea, ad transferendum apta

Princ. hyp. P.
II. §. 36.

substantia sit motus. Sturmius vero monente Hamelio intellexerat, motum non esse rem aliquam, sed rei modum, modum scilicet existendi, sive statum quandam corporis, quo ex uno loco in alium com-

SS

migret:

Vid. Comp.
pend. Phys.
P. Gen. Sect.
III. Cap. XV.
§. II.
Vid. idem
Comp. I. all.
p. 48. n. II. it.
n. V. & VI.
Princ. P. II.
§. 36.

migrer: unde, etsi ægre, concludebat, illam Cartesii, de motus translatione, doctrinam nullo niti fundamento. Cum vero cætera Cartesii præjudicia ita placuissent Sturmio, ut à se impetrare minime posset, ut ea valere juberet, maluit, invito sensu interno & externo, hanc, quod Deus immediata omnis motus sit causa, amplecti. Accedit, quod ad hanc opinionem eligendam ipse Cartesius Sturmio videtur fuisse auctor, dum ita declarat motus creationem & conservationem, ut dicat: *unde sequitur, quam maxime rationi esse consentaneum, ut putemus, ex hoc solo, quod Deus diversimode moverit partes materiæ, cum primum illas creavit, jamque totam istam materiam conservet, eodem plane modo, eademque ratione, qua prius creavit, eum etiam tantundem motus in ipsa semper conservare.*

§. 30. At manifeste falsam eam esse, aliquatenus jam ex eo patet, quod originem suam, prout demonstravimus, duobus præjudiciis debet: dein clare hinc idem intelligitur, quod si omnis vis morrix in sola Dei voluntate residet, nihil opus sit organis corporeis; neque enim si Deus movet, organis opus habet. Quod vero Sturmio hujus objectionis diluendæ causa dicit, Deum ideo organa motus dedisse, ut hinc occasionem in singula momenta haberemus, in organorum originem serio inquirendi, Dominumque quærendi, & palpiando quasi inveniendi; hæc sane est ratio valde frigida: nam sic frustranea, & omni usu destituta voluisset cognosci Deus, qui mille aliis operibus utilissimis gloriosius longe cognoscitur: imo per hæc motus organa potius tota fuit occasio atheis fingendi aliquam naturam per se, absque Deo, mobilem: hi si viderent, absque organis moveri cuncta, necessario de alia, quam mechanica motus causa, cogitare debuissent.

§. 31. Ne vero paradoxa falsitas nimis stringat oculos, evitat fere semper hanc locutionem, quod Deus immediate moveat, & loco ejus fere dicit, motum fieri infinita Dei voluntate. Sed prescius rem pervidentibus apparet, quod lapis v. g. infinita Dei voluntate, ita ut præter Deum nulla alia causa efficienter concurrat, moveri haud possit, nisi Deus ipse eum moveat; lapis enim non intelligit voluntatem Dei, adeoque etiam ejus nuda voluntate moveri nequit.

§. 32. Ut

§. 32. Ut etiam objectionem de homicidarum furumque & similibus pravis actionibus, diluere quadantenus videatur, fingit: (1) etsi anima nullam plane actionem exteriorem edat, sed omnis à Deo peragatur, volitionem tamen & cogitationem veras esse actiones, l. all. §. VI. menti nequaquam denegandas. Hoc si mireris, quid fiat, ut nobiliores actiones, quales sunt volitio atque cogitatio, ab anima possint edi, ignobiliores vero, quales sunt ambulatio, pulsio, attractio, ab eadem dependere nequeant, sed ex infinita Dei potentia immediate debeant proficisci, sciendum, quod id ideo sit factum, ut adhuc aliquid ad palliandam suam hypothesein necessarium effingere possit, legem puta, quandam Dei arbitriariam, quam sibi constituerit Deus, hac conditione innixam, ut quoties de aliquo motu vel cogitet anima, vel corpus allidatur corpori, Deus utroque disponatur ad motum præstandum. Hoc vero figmentum legis arbitrarie ideo excogitavit, ut dicere possit, causam homicidii non esse in Deo movente, sed in homicida volente. l. all. n. VII.

§. 33. Ut ulterius fucum obducatur nãvis hypotheseos suæ, hac utitur similitudine: Sicut populus Siciliæ non peccat, quando Siciliæ Proregi obedit, etiam ea præcipienti, quæ voluntati ipsius Regis repugnant; ita Deus, si secundum voluntatem hominũ agit. Sed quicquid sit, hoc saltem negare nequit Sturmius, quod Deus hæc faciendo contra voluntatem suam agat: promovet enim actionem quæ ipsi displicet, quam sola motus omissione poterat impedire: at miserum omne est, quod contra suam voluntatem agit: agit enim coacte: quis autem de Deo concipiat; vel coactionem vel miseriam? Demum quod de Siciliæ Prorege habet, si recte quadrare debet, ita supponendum est, non solum populum Siciliæ obedire Proregi, sed & ipsum in illa obedientia, Regi exosa, nihil per se præstare posse, sed omnem vim obediendi recipere à Rege; sic clarum est, causam illius obedientiæ recidere in Regem, non in populum.

§. 34. Nostra vero hypothesei, harum actionum omnium nulla apparet in Deo esse culpa: dedit enim primis rerum omnium principiis motum: hac vi morrice & bene possunt uti homines & male: si bene, bene est; sin male, omnis ipsorum culpa est. Quod si enim fortasse existimes, quia Deus motum, quo abutuntur, conservat,

Sf 2

ideo

ideo quædam in Deum videri redundare culpam, cogitandum atque perpendendum est, Deum nolle immediato concursu impedire actiones malas, & quare hoc nolit, nostrum non esse inquirere; hoc præsupposito, sequitur, quod vim motricem actionibus pravis non possit subtrahere, quia, hoc si faceret, bonis etiam actionibus principium agendi denegaret, id quod Naturæ Divinæ penitus facere repugnat: unde falsum est, quod confidenter affirmat Sturmius, scrupulum de pravis actionibus, non magis urgere suam, quam communem de concursu sententiam.

De motu mechanico & ideali.

§. 35. Cum omnis itaque motus vel ab elementis dependeat, vel à spiritu, uterque vero multum à se invicem differat, motus hinc duplex est, alius mechanicus, alius idealis: ille namque, ab elementis qui oritur, mechanicus est; qui à spiritu, idealis. Mechanismus vero hic intelligo maxime physicum, secundario mathematicum: ad motum quippe omnem duo requiruntur, vis ipsa motrix, & aptitudo materiæ atque organorum ad motum: illa, si est ab elementis, mechanismum parit physicum; hæc vero organorum aptitudo, mathematicum. Motus vero physico-mechanicus, si à corpore procedit, speciatim elasticus dici potest, quia corporis natura, uti supra probavi, in elasticitate consistit.

§. 36. Hinc ergo patet, quam insufficiens sit vulgaris doctrina, quæ, præter mathematico-mechanicum, nullum alium vel novit, vel docet motum: & sicut celebria hoc ævo ingenia satis perscrutati sunt naturam illius motus mechanici, ut quicquid illo explicari queat, jam satis in aprico sit, sic jam eo cõnniti debent doctorum studia, ut tam accurate quoque eruant naturam motus elastici atque idealis, quippe ex quibus longe sublimiora naturæ arcana patefcunt, quam ex illo, utpote hisce duobus longe inferiore. Sicut vero mathematici philosophi hætenus in eo peccârunt, quod nullum, quam in mathesi familiarem sibi, quæsierint motum, ita contra alii non minus errant, qui omnem motum à spiritu, per quem intelligunt substantiam activam, seu agendi facultate pollentem, derivant: quid enim faciunt aliud hi homines, quam quod dicant, mo-

motum dependere à substantia movente, cujus se fatentur ignorare naturam ? quo nihil jejunius dici potest.

De motu naturali atque violento.

§. 37. Corpora vel moventur secundum naturam elementi prædominantis, ætherea nempe sursum, aërea deorsum, vel contra : illorum motus naturalis est, horum violentus. Sic si ignis deorsum movetur, lapis sursum, uterque motus violentus est. Sic corpora naturaliter moveri possunt, atque violenter, quaritur, an & spiritus utroque modo moveatur? Respondeo, non nisi naturaliter: etsi enim à causa externa, nempe objectis moveri possit tum mens, tum anima, hic ipse tamen motus quam maxime naturalis est, cum uterque spiritus aliter quam externis objectis excitatus haud moveatur, & adeo ad naturam ipsius motus pertineat objecti præsentia. Objectum vero etsi modificet, motum tamen non efficit: sicut & aer modificat levium adscensum, non vero efficit, utut hoc sibi vulgo persuadeant mechanici. Etsi vero etiam affectus videantur cogere animum, & speciatim mentem, revera tamen haud cogunt, sed ejus modo directionem respuunt, vel ad summum in errores conjiciunt, at & error proprius mentis motus est, non alterius. Etsi demum in ipsa magia animus alterius vel angatur, vel huc aut illuc flectatur; anxietas dolor est, non motus violentus, & animus proprie loquendo non inclinatur, sed suo proprio motu huc dependet aut illuc.

De gravium descensu.

§. 38. Ad naturalem itaque motum pertinet levium adscensus, & cum de causa & modo gravitatis alibi jam actum à nobis sit, hoc loco de gravium descensu & levium adscensu, qua tali, dicendum restat. Physica vero disquisitione omnino dignissimum est, quod primus docuit Galilæus Galilæi in Systemate mundano, quod corpus, quod decem, quod centum, & quod mille libras pendat, eodem tempore descendat, cum cuilibet abque experimento videatur, quod res gravior citius debeat decidere leviori. Scilicet revera etiam in vacuo citius decideret corpus gravius leviori: quia vero hic

L.I. Cap. III.
§. 18. 19.

p. 228. &
seqq.

operiendus aer est corpori cadenti, & difficilius cedat aer majori corpori, quam minori, sequitur, quod, quanto plus habet majus corpus propensionis ad delapsum, tanto plus offendat resistentiæ in aere quam corpus minus, ut adeo causæ ad delapsus celeritatem concurrentes æquales sint, & in majore globulo & in minore.

Ibid. p. 127.

§. 39. Idem ostendit, quod descensus gravium sit in duplicata ratione temporis, seu quod prima temporis parte globulus decedens transeat unam partem spatii, secunda tres, tertia quinque, quarta septem, quinta novem, sexta undecim partes ejusdem: quod phaenomenon ita mihi videtur contingere. Per primam spatii partem delabitur corpus proprio pondere, nulla alia causa adjutum: cum vero spatium, quod dereliquit corpus cadens, sic ad aliquod temporis momentum fiat omni corpore vacuum, particulæ vero radiantes in perpetuo sint nisu eo dirigendi radios suos, ubicunque datur aliquod vacuum, sequitur, quod velocissime expandant bullulas, quibus inclusæ tenentur versus lapidem vel aliud corpus cadens, quod ubi assequuntur, impellunt, & sic delapsum promovent: non vero proximæ solum bullulæ hoc impetu feruntur in corpus cadens, sed & aer post has bullulas constitutas propter eandem rationem insequitur has quoque bullulas, & has alius à tergo constitutus, ita ut quo majus spatium perlabitur corpus, eo *pluries multiplicetur* bullularum ab æthere expansarum impetus: cum vero superiorum bullularum impetus propagetur per singulas inferiores usque ad corpus descendens, liquidissima apparet ratio, quare acceleratio crescat de momento in momentum.

Galilæus l.
all. p. m. 224.

De motu pendulorum.

§ 40. Affinis descensui gravium est motus pendulorum seu perpendiculorum: nam motus in descensu auctus causa est, quod globulus ex altera parte in altum evchatur: quia enim ex antecedentibus intelligitur, qua ratione ex alto cadentium motus acceleretur, apparet, quod eadem causa in pendulis quoque plene locum inveniat. Cum vero hic non prout in descensu gravium terra sistat accrescentem motum, necessario in oppositam partem evibratur globulus. Quoniam etiam, quando lineam perpendicularem attingit globulus, & ulterius propellitur, sua aliquatenus gravitate impulsui resistit, ideo ad descensum semper aliquanto minor est descensu.

§. 41.

Vid. Sturm.
Colleg. cur.
rent. XIV.
Ph. IX.

§. 41. Curiosiffimum vero horum phænomenorum, & quod Id. ibid. Ph. XII. physicam sibi expofcit demoustrationem, est, quod unius ejusdemq; penduli fingulæ ofcillationes majores minoribus, & hæ illis fint tempore æquales. Hoc vero satis poteft ex eo intelligi, quod §. 39. demonftravimus: nempe ofcillationes majores habere multam motus accelerationem, fecundum §. 39. minores vero eo minorem habere eandem: ficut ergo cæteris paribus ad majus pervadendum spatium longiore tempore opus est, ad minus minore, ita clarum est, fi ea proportionem, qua spatium decrefcit, decrefcant quoque celeritas motus, quod maxima & minima ofcillatio, eodem tempore fuitum itum reditumque fit absoluta.

§. 42. In eo autem fingulare quid ac diverfum à descenfu gravium habet motus pendulorum, quod gravia per rectam, vel à recta non adeo diverfam descendant lineam, pendula vero per circularem. Hinc enim à priori comprehenditur, quod acceleratio motus major fit in descenfu gravium, quam in motu pendulorum, quia aer propter datum vacuum, motum aliquem gravitatis sibi acquirit, qui ordinario rectam magis perfequitur lineam, quam curvam; unde brevius pendulum, propter arcum motus fui rectæ lineæ propinquiorem, velocius itque reditque, quam longius; hinc & longioris penduli vibrationes citius quiescunt, quam brevioris. Et si enim longius sibi eo ipso, quo est longius, per rationes §. 39. alatas deberet plus impetus acquirere, quam brevius, quippe cujus linea descensus brevior est, qui illius, quia tamen illius linea magis difcedit à recta, aer vero recta semper descendit, fit, ut insequens aer dimidium saltem stringat globulum, cum forte duæ tertiæ stringant globulum brevioris, unde hujus motus & velocior est, & diutius durat.

Sturm. in Phys. Hypothet. Cap. XX.

§. 43. Ex his principiis facile quoque modus atque ratio reliquorum phænomenorum poteft indagari. Sic absque fingulari negotio intelliges, quod cæteris paribus globulus lævior citius quiescat graviores: si enim æqualis est utriusque moles, æqualis utriusque obviat resistentia aeris, at gravior tamen citius defluit levioe, unde vehementius insequitur aer, ergo & motum suum diutius continuat: quæ enim §. allegato secus se habere videntur, intelligenda sunt de

Vid. Sturm. Phys. Hypothet. cap. XX. Phæn. V. & seqq. Vid. supra §. 38.

cor.

corporibus ejusdem materiæ, quæ in hoc phænomeno eadem esse non potest, quia mole supponuntur æquales. Quodsi diversa sit moles, eadem gravitas, quia major globulus plus sibi resistentis aeris habet, iterum patet, quod majoris motus citius sit desiturus. Quod denique minus mole pendulum citius suas vibrationes absolvat, quam majus, quod tamen non plus debet habere ponderis quam minus, in causa est, quoniam minus eodem modo impellitur, & minus tamen habet aeris resistentis sibi obvium, unde & hujus diutius durat motus. Cætera ad eundem modum facile judicantur.

De motu projectorum.

§. 44. Ad motum violentum pertinet motus projectorum: qui quomodo contingat, videndum. Etsi vero & Cartesius & Gassendus nescio quam sibi concipiant motus impressionem, ea tamen locutio, quod motus imprimatur, magis popularis est, quam philosophica: nullaque recte meditante apparebit ratio, quare, quia v. g. manus per unum duosve pedes lapidem movit aut globulum, is ideo, post cessantem manus motum, debeat per centum adhuc pedes proferri aut provolvi, ideo quia fuit à manu sub initium motus: cumque plurimi alii, v. g. Morus, Stairius &c. has gerras inanitatis solidissime convicerint, nolo iisdem refutandis impræsentiarum immorari, sed quo, magis philosophico, modo projectorum procedat motus, demonstrabo. Id solum hoc loco adjiciam, quod hoc maxime præjudicio nitatur illorum confidentia, qui sibi persuadent vel à se vel ab aliis posse confici *perpetuum* aliquod *mobile*, quod nominali definitione est machina, quæ semel mota, nulla concurrente causa physica motum tamdiu continuet, quamdiu materia machinæ immutata perduret. Tantum enim abest, ut perpetuum ejus modi mobile possit dari, ut remoto præjudicio motus impressi Cartesiano, ex cognita vera hujus motus ratione à priori liqueat, quod ex proxime sequentibus patefecit, quod ne quidem momentaneum aliquod tale mobile per se parari queat: unde patet, quod ex hypothese mathematica, qualis est illa de motus impressione, vitiose elicuerint conclusionem physicam.

vid. Lib. I. C.
I. §. 30.

§. 45. Ita-

§. 45. Itaque ut rationem motus projectorum demonstrem, non est, quod novi quiddam mihi hic sumam; eadem quippe ratione, qua gravia descendere §. 39. ostendi, projecta quoque moveri probabilissimum est. Scilicet velocius per aerem profertur à manu corpus projiciendum: in spatium vero à corpore vacuum relictum impetuose ab æthere expanduntur bullulæ aeræ, hæ dum in corpus irruunt, illud protrudunt; hoc dum ulterius pergit, iterumque spatium relinquit vacuum, novo impetu in corpus invehuntur bullulæ; hæ irruentes hoc modo, expanduntur, in quas utpote expansas compressiores à tergo constitutæ bullulæ pariter cum impetu feruntur, & anteriores in corpus projectum propellunt. Quia vero quoties lapidem impetunt, toties aliquantum resultant, fit, ut impetus prima projectione vehementior paulatim imminuatur: hæc imminutio si ad eum deveniat gradum, ut nifus gravitatis corporis præpolleat vehementiæ irruentium bullularum, fit, ut corpus non amplius harum sequatur impetum, sed motu gravitatis decidat.

§. 46. Hanc vero nostram hypothesein atque deductionem noli confundere cum Peripatetica quomodocunque explicata, unde nec nos feriunt, quas Sturmius adversus eandem collegit objectiones. Quia vero aliquæ earundem nostram quoque hypothesein premere videntur, ostendendum, quod nobis plane non obstant. Prima atque secunda recursui aeris post lapidem, quem nos haud statuimus, est opposita. Tertia de rota, seu turbine circumactio, post impressionem motus diu adhuc uno in loco motum conservante, nostram quoque aliquo modo petit hypothesein: hic enim, quia rota non cedit loco, etiam elasticus aeris successus non potest contingere, & hinc rota, modo supra exposito, non potest moveri. Respondeo, nec illo modo debet moveri, quia is est modus projectorum, alius autem salva nostra thesi modus potest esse circumactorum, dummodo eadem adhuc sit causa. Sed est eadem: nempe particulæ radiantes aeris atmosphærici, uti in suas bullulas immicant invicem, ita ubi terminantur apside rotæ in atmosphæru- lam apsidis, huiusque in globulos parvulos suos radiolos extendunt. Dum itaque rota circumagitur, proferuntur bullulæ atmosphæru- læ apsidis, sic, necessario ex centris bullularum emoveantur radii aeris atmosphærici, & antequam dicti radii plene emergant, elongantur :

Vid. Sturm.
Phys. Hy-
poth. C. XVI.
in Hypothef.
secund.
Ibid. p. 753.
§. VII. & VIII.

simul ac vero emoti sunt elongati radii, naturali expansionis nisu in proximam bullulam atmosphæulæ apsidis, fixam cum ligno, nec mobilem, innituntur, hoc dum simul & semel à multis millibus radiorum fit, mirum non est, si totidem veluti spiculis circumversatur rota. Pari modo judicari quoque debet de turbine, fuso, aliisque circumactis.

§. 47. Quarta objectio de globulo ligneo majori segnius moto, quam minor ejusdem ponderis contra Peripateticorum recursum aeris directa est, adeoque nos non ferit. Quod quinto loco habet argumentum à majori ad minus, quod quia ventus non possit provolvere lapidem, id longe minus adhuc insensibiliter motus possit idem, nos pariter haud tangit: neque enim de simplici aeris motu loquimur, sed de motu elastico: quid vero elasticus aeris motus queat, præter antiæ phænomena, vel sola bombardarum explosio, & vasorum in destillationibus chymicis ruptorum phænomenon docet.

§. 48. Quod denique addit de pendulis in exhausto antiæ recipiente æque diurnos & continuos motus præstantibus, si non diurniores, id secundum nostram quoque sic omnino contingere hypothesin debet, quoniam etsi aeræ bullulæ in illo recipiente seu campana, sint à particulis radiantibus valde expansæ, ut tanto impetu in globum penduli haud irruant, tamen hic ipse per æque vibrabitur, uti extra campanam, quoniam quanto minus habet impulsus, tanto habet quoque minus in adicensu resistentiæ.

De motu refracto, atque reflexo.

§. 49. Huc referri quoque debet motus reflexus atque refractus: etsi enim non omnis talis motus est projectionis, sapius tamen illius est. Reflexus vero consideratione dignissimus, quippe cujus natura, recte cognita, ad multa alia in physicis pandit aditum. Ejus autem natura ex noto in physicis axiomate potest cognosci, quod hujus tenoris est; *corpora violenter pressa, si satis habeant virium, eo cedere, ubi minus est resistentiæ.* Cum ergo durum corpus magis resistat quam fluidus aer, mirum non est, pilam & simile corpus in terram vel parietem projectum resilire atque reflecti. Nam vires recipit vel à propria gravitate, vel ab impressione proj-

cientis, modo haftenus explicato: unde & si debilior si impressio, minor est reflexio.

§. 50. Id tamen scire curiosum est, quare ita reflectantur corpora, ut angulus reflexionis æqualis sit angulo incidentiæ; quod ita demonstro: aer elastice irruit è longinquo in pilam, prout §. 44. edocuimus, unde etsi proximus pilæ aer atmosphæricus in objecto pilæ corpore sisti queat, remotior tamen propter expansionem bul-lularum in hunc quoque elastice illabens, eum protrudit, prottru-sus in aerem infra pilam constitutum incumbit, eumque compri-mit, hic compressus circumquaque virtute suarum particularum radiantium enititur, & sic undiquaque pilam premit, illa vero nullibi minus resistentiæ habet, quam in linea, quæ lineæ incidentiæ accurate responderet, ergo pila eo ab elastice se restituro aere propellitur.

§. 51. Quod vero illa præcise linea, quæ æqualem cum li-nea incidentiæ angulum facit, sit linea reflexionis, patet, si perpen-das, quod aer hic eodem modo moveatur, ut in aliis projectis: unde si pila A. projiciatur secundum lineas B. C. ut cum impetu fera-tur in planum D. E. aer, qui inter lineas B. C. fertur, magna vi arietat in aerem H. H. I. infra pilam constitutum: unde hic com-primitur, quia plano D. E. allisus non potest cedere, uti aer ha-tenus inter B. & C. propulsus: compressus ille aer virtute particu-larum radiantium restituitur, & sic in pilam ex opposita parte irruit: urget autem æqualiter pilam aer H. H. & aer I. tum & aer, qui ad dextram, tum & qui ad sinistram constitutus est. At aer qui ad dextram est, resistit conatui ejus, qui ad sinistram est, & vice versa: unde pila nec ad sinistram promoveri potest, nec ad dextram: aer vero anterior I. conatui suo obsistentem habet aerem per B. & C. motum. Unde solus aer H. H. nihil habet, quod ejus nisu relu-cteretur, profert itaque pilam per lineas K. L. quæ cum planitie D E. faciunt angulum æqualem angulo linearum incidentiæ.

§. 52. Quia vero si perpendiculariter dejicitur pila, ubique sunt lineæ aeris insequentis ejusdem longitudinis, æqualis ubique pressio, æqualis aeris inferioris renisus, aerque sub pila anterior poste-riori, dexter sinistro, & vice versa, æqualiter renititur, neque ad dex-tram, neque ad sinistram, neque anterioris neque posterioris reflecti po-test pila, sed cum renisus & anterioris & posterioris, & sinistri &

dextra aeris, singuli conspirent in eam motus lineam, unde venit pila; non potest non eadem qua venit via, in altum reflecti. Hinc quoque patet, si terra, cui injicitur pila, non sit exacte plana, etiam his legibus haud resiliat, sed alio modo: sic enim vel aeris insequentis alique lineæ abbreviantur, alix prolongantur, vel resistentia sese exerit, ubi nulla esse debebat.

§. 53. Luminis vero reflexi alia causa, idem modus est: quoniam id maxime radiantibus particulis constat, ac ex sole vel igne immittitur: hoc si in opacum aliquod corpus impellatur, radiis suis ad idem alliditur, ita quidem, ut violentia impulsus ad centrum suum reprimantur inferiores particularum radii: quia vero hi ipsi radii perpetuo, eoque naturali nisu exterius feruntur, ideo sic quoque renituntur in altum; dumque per alios insequentes redire nequeunt, & quominus recta adscendant, laterales radii insequentis particulæ prohibent, iterum patet, quod nullus hic quoque liberior ad regressum locus sit, quam linea, quæ æqualem cum linea incidentiæ generat angulum, de quo suo loco pluribus.

Lib. II. C. III.
§. 42. seqq.

De refractione.

§. 54. Quando corpora ex medio fluidiori in spissius & contra moventur, ita quidem, ut illud medium pertranseant, haud uniformiter procedunt, sed refringuntur, & quidem, si ex medio tenuiori moventur in spissius, ad perpendicularum, accedendo sin ex spissiori in tenuius, v.g. ex aqua in aerem, à perpendicularo recedendo, id quod ita demonstro: concipiatur lapis exacte rotundus, hic dum incidit oblique ex aere in aquam, plus spatii aerei dextrorsum infra se habet, quam sinistrorsum, unde cum allapsui ejus aqua magis resistat, quam aer, insequens autem aer premat lapidem, cedit hic, ubi minor est resistentia, nempe dextrorsum (singimus enim lapidem à sinistris ad dextram projici) atq; adeo ubi aquam pertransit, introrsum ad perpendicularum vergit. Quod autem si ex aqua moveatur in aerem recedat à perpendicularo, superius concepto, nullam aliam subesse causam crediderim, quam quod, dum lapis æqualiter à tergo premitur, antèrius inæqualiter huic pressioni resistitur, unde dum minus resistit tenuius medium quam spissius, plus corporis moti transfertur in medium lenius quam spissius, sic linea motus immutatur, & à perpendicularo recedit. In quantum vero hæc omnia de lumine valeant, suo loco explicabimus.

De motu naturali atque voluntario.

§. 55. Est adhuc singularis differentia motus in animalibus, maxime clara in homine, cujus quædam actiones, v. g. locomotiva, & externorum membrorum motus, sunt in ipsius potestate & arbitrio, quædam minus, uti formatio foetus in mulieribus, in utroque sexu motus cordis, & pulsus arteriarum, intestinorum peristalticus & alii: hos vocant naturales, illos voluntarios; sed horum motuum natura melius explicatur, ubi de natura animalium agendi erit occasio: quo etiam ulteriorem eorundem pertractationem reservamus.

Vid. Lib. III.
Cap. ultim.
§. 21. seqq.

SECTIO V.

De

Uso veræ de motu doctrinæ, adversus atheismum.

§. 56.

Noxia veræ pietati doctrina est, quæ motum non nisi passive, hoc est, in mobili, non in movente considerat: Nam cum in tota natura nihil sit, quod attentionem aliquam mereatur, præter motum, Deus aliunde, quam per motum, cognosci haud potest: unde si in physicis causa motus non consideretur, à Deo abducitur animus, & ad sibi persuadendam aliquam materiæ necessariam existentiam disponitur: id quod à Cartesio fuisse intentum, non improbabile est, cum ille usque adeo etiam moneat lectorem suum, ne de causa motus cogitet: & alibi etiam à considerandis *finibus creaturarum*, eadem fortassis intentione, desleat. Et si enim passim Deum dicat auctorem motus, tamen id portius, ut Sorbonnæ placeret, quam ex connexionione doctrinæ suæ dixisse videtur.

Vid. supra
§. 6.

§. 57. Non minus noxia doctrina est, quæ statuit, motum ita imprimi, ut in æternum durare queat, nisi ab obstantibus corporibus sistatur: sic enim, cum natura tota tota fere motus sit, si ni-

hil

hil aliud ad eum motum requiratur, præter impressionem, facile eo devenire potest in philosophia nondum satis exercitatus, ut puter, omnem hunc Majestatis Divinæ indicem motum ab aliqua, per gravitatem forte præstita, impressione dependere. Et quamvis Cartesius cogitationem atque volitionem ad motus impressos haud referat, facile tamen cuivis est, exemplo Cartesii, quo cordis structuram mechanice explicavit, etiam cogitationem atque volitionem mechanice exponere, sic omnes motus erunt mechanice impressi, & cum illa impressio etiam à gravitate possit fieri, v.g. quando gravia in terram decidunt, omnes motus, quos animadvertimus, poterunt esse absque Deo: sic aliquis ex hoc præjudicio, vel bene ratiocinando, poterit fieri atheus: quod eodem modo misero quoque Spinosæ contigit.

§. 58. Periculosa doctrina est, quam præjudiciis Cartesianis confusi amplexi sunt Malebranche, Sturmius, & alii de Deo, ut motuum omnium immediata causa: nam, ut non dicam, sic hominem, utpote sola voluntatis Divinæ determinatione ad peccatum concurrentem, fieri solum causam *moralem* peccati, Deum vero *physicam* ejusdem constitui causam; id solum monebo, cum nemo, plane sit stupidus, prohibere à se possit illam, ubivis obviam, cognitionem permultarum, sat manifestarum, motus causarum naturalium, verendum est, ne aliqui eo abripiantur errore, quo veteres plerique omnes laborabant philosophi, Deum nempe atque naturam unam esse eandemque causam.

SECTIO VI.

De

Usu adversus superstitionem.

§. 59.

Est ipsa quoque Dei providentia respectu piorum hominum, & vindicta Ejusdem, ratione malorum, aliquis motus, sed præter-naturalis cum naturalibus haud confundendus. Sæpius evenit,

evenitur, hac confusione quis superstitione implicetur : dum vindictam Divinam vel providentiam id putat, quod non erat nisi vel fatum, vel fortuna, vel casus : hi enim motus sunt naturales, qui si pro Divinis habeantur, ad odium, peccandi continuationem, fastum, & similia vitia, seducere possunt.

§. 60. Fatum est, si causæ naturales, certum aliquod genus hominum præ aliis afficiunt, v. g. quidam morbi maxime mulieres, alii pueros, alii senes, alii cholericos, alii melancholicos, alii alios: hæ causæ si singulari vehementia operentur, proni valde sunt homines ad arcessendam hinc aliquam Divinæ vel providentiæ vel vindictæ persuasionem : v. g. si quis bonitate temperamenti decrepitam assequatur senectutem, alius mature extinguatur, alius lenta morte, diu ægrotando, obeat, alius maximis doloribus vitam finiat, alius orbus liberis vivat. Si quis horum alteri vel bene fecerit vel male, hic præcipiti iudicio putat, hanc esse vel vindictam vel providentiam Divinam : hinc aliorum malis turpiter gaudet atque triumphat, suis ad desperationem adigitur. Hoc ne fiat, naturales hi motus ab immediate Divinis probe probeque sunt distinguendi.

§. 61. Fortunam voco connexionem causarum plurium, minoris momenti, concursu atque conjunctione sua singularem aliquem effectum, ratione hujus vel illius hominis, producentium. Sic sæpe aliquis rei familiaris inopia laborat, ob genium loci, cum sua indole non recte satis conspirantem, ob aliquam uxoris suæ maculam, ob inimici cujusdam sui potentiam, ob liberorum suorum pravam vitam, aliasque connexas causas : hæ sæpe tam pertinaciter affligunt bonum de cætero patrem familias, ut quocunque se vertat, malis suis mederi haud queat. Hic si credat superstitione, Deum Ipsum obniti immediate suis conatibus, animum projicit, insuperabilia mala credit, quæ tamen mutatione loci facile poterant vinci.

§. 62. Casum fortuitum dico, si insigne aliquod malum semel accidat alicui homini, absque tam constante connexionem, qualis in fortuna est, v. g. si ædium suarum incendio fiat pauper, vel à delapso forte fortuna saxo opprimatur, vel alio hujusmodi casu pereat. Hic infelix si aliquem forte hominem antea offenderit, protinus

nus exclamat offensus, hanc quidem esse divinam vindictam, adeoque malis etiam forte conatibus suis Deum favere superstitiose existimat, unde in iisdem ulterius prosequendis perseverat. Hæc omnia cum humanitati atque amorì Christiano repugnent, probe eo coniti debemus, ut motus naturales à Divinis rectè discernamus.

SECTIO VII.

De

Ufu hujus doctrinæ in prudentia circa sanitatem.

De distinguendis in corpore nostro motibus mechanicis, & idealibus.

§. 63.

OMnes motus corporis, evacuationes materiæ respicientes, putare mechanicos, prudentibus medicis explosa est opinio: neque enim plures tales motus mechanici sunt, nedum omnes. Quisquis suæ bonæ valetudinis est studiosus, utrosque à se invicem discernere discat. Nam paucioribus mechanicis indulgendum, pluribus vero idealibus: hi quippe ab anima sunt, illi ab elementis, vel structura corporis: & sicut elementa pariter atque structura nullo penitus gaudent intellectu; ita si corpori sint molesti, non nisi per accidens sunt salubres: anima vero gaudet quidem intellectu, sed passivo, & ab objectis determinato, unde ejus motus plerumque corpori nostro sunt proficui, *non tamen semper.*

§. 64. Hinc sequentia hoc loco vitanda præjudicia sunt: (1) Ne omnes hujusmodi motus, sanitatem respicientes, putemus esse mechanicos; (2) ne plures credamus mechanicos, sed utique pauciores; (3) ne omnes ideales esse nobis persuaderi ab aliis patiamur; (4) ne plures tamen omnino ideales esse negemus; (5) ne omnibus mechanicis absolute resistendum esse putemus; (6) ne omnibus pro-

miscue

miscue idealibus indulgendum esse censeamus. (7) ne vel paucioribus mechanicis, vel pluribus idealibus, obnitendum esse, existimemus.

§. 65. Cardo vero huius prudentiæ in eo vertitur, ut sciamus, (1) quo criterio à se invicem distinguendi hi duplices sint motus; (2) quando hi motus sint salutare, quando minus; (3) quomodo restringi motus inutiles atque frustranei possint. Quod ad primum atinet, dico, satis secure hac niteris regula: si per dolorem aliqua *excernitur materia*, qua impedita peius habeant ægri, motus est idealis, non temere prohibendus: sin dolor vexet absque materiæ excretionem sensibili, nondum quidem secure satis concludes, motum esse pure mechanicum, cum & insensibilis possit esse excretio, cæteris tamen accedentibus circumstantiis, id ipsum probabile erit. Sic sæpe dolor in ventriculo gravativus purus est ejusmodi motus mechanicus, minus vomitusarque ructus, quippe qui jam habet aliquid motus idealis: mortuus enim ventriculus, etsi omnibus suis fibris motricibus adhuc instructus, nec vomit, nec cructat.

§. 66. De secundo supra indicato momento, sic habet: Si causa generatæ materiæ peccantis sit *externa*, remota hac, rectius cura committitur his moribus idealibus naturæ, quam medicamentis, si quidem à causa externâ nullum viscus internum fuerit labe factatum, v.g. si quis à frigore tussi laboret, vel coryza: quod si tamen natura in expellendo sit segnior, medicamento potest stimulari; sin causa sit quomodocunque *interna*, vix rarius naturæ evacuationes, etsi promte succedentes, morbum tollunt, etsi mitigent symptomata: v.g. etsi in febribus intermittentibus promte succedat sudor, febris tamen hinc non tollitur, sed mitigatur, unde absurdum est, vel sudorem promovere, si sponte satis copiose succedat, vel motus febriles tollere, vel expectare, donec sponte naturæ cesset febris: causa tollenda est, hac sublata, & symptomata cessant, & motus ideales incommodi: sed plerique medici nihil aliud norunt, quum motus vel ciere vel tollere, quo ipso hic semper frustra & incassum operantur.

§. 67. Quamdiu vero causam morbi tollere ignoras, vel non-

Uu

dum


dum sustulisti, satius semper est motibus idealibus non resistere: quippe qui proportionate succedentes saltem augmentum morbi prohibent. Quia vero semper aliquid materiæ inutilis in corpore, etiam maxime sano, generatur, & ordinario per sudorem, urinam, sputum, fecum alvinarum, aliasque excretiones, expurgatur, & anima recipiendæ consuetudini sit valde idonea, quando causa morbi sic jam remota est, ut non nisi parum amplius excernatur, v. g. si in febribus exigui redeant paroxysmi; credibile est, eam, quæ tam parce excernitur, esse ordinariam potius, quam morbi, materiam, per errorem animæ (præjudicium enim est hanc in motibus suis nunquam errare) ad loca hæcenus consueta, quibus evacuata fuit morbi materia, translata: unde ut ad naturalia loca, excretionibus destinata, dirigatur ista materia, demum sisti possunt debiliores hi motus erronei.

§. 68. Ut porro scias, an hi motus sint salutare, an non, judicandum quoque de proportionem materiæ excretæ est: si enim plus generatur, quam excernitur, natura quidem sibi relinquenda non est, v. g. si hydropis materiam per solam diaphoresin amolitur. Ulterius consideranda quoque loca sunt, quibus natura excretionem tentat: hi interdum tam inepti, interdum tam periculosi sunt, ut indulgere iisdem haud debeas continuationem, v. g. si menstrua per hæmorrhagiam narium velit expurgare, sanguinem abundantior per hæmoptysin. Si tamen videas commodiorem excretionem non esse in tua potestate, & periculum sit, ne turbando naturam, excretionem plane impedias, & malum adeo augeas; utcunque tolerandi sunt etiam incommodiores excretiones.

§. 69. Quodsi consultum videatur, restinguere hos motus, *triplici* id modo potest peragi, vel alius motus ideam imprimendo, vel ideas motus per horrorem delendo: vel instrumentum motus, nempe spiritus animales impediendo: primum fit excretiones alio dirigendo, per venæsectionem, purgationem & regimen diaphoreticum &c. secundum per partes corporum demortuorum, suspensorum, capite multatorum &c. his enim partibus adhuc insunt ideæ horrores: sic prodest cranium humanum, usnea & similia

contra

contra epilepsiam. Tertium duplici fit modo, vel spiritus à sanguinea massa repellendo, quod faciunt narcorica, vel contrahendo nimis radiantes, quod faciunt adstringentia. Probe tamen hic quæ observandæ sunt regulæ §. 64. septima maxime.



CAPUT VIII.

De

SPATIO.

SECTIO I.

Opinio Aristotelis.

§. I.



Ostquam Aristoteles sibi videtur exinde, quod locus Phys. Lib. IV. Cap. II. circumdet locatum, probasse, quod locus sit terminus, terminus autem vel loci vel locati sit, nempe extrema superficies, & inter utrumque adhuc concipi

quoddam διάστημα seu intervallum, possit, terminus Ibid. cap. IV.

autem locati vel ejus sit materia vel forma, concludit, spatium horum quatuor omnino debere esse aliquod, nempe vel formam, vel materiam, (locati puta) vel superficiem continentis locatum, vel intervallum inter locatum & superficiem continentis, & ubi probavit, quod nec materia locati esse queat, nec forma, nec intervallum, eodem capite infert, quod locus sit τὸ πᾶρας τῷ περιέχοντι σῆμα, id est, superficies seu terminus continentis, seu circumdantis corporis sub initium vero ejusdem capituli ait, locum esse πρῶτον περιέχον ἐκείνο ἢ τῆς ἰσῆς, id est, primum continens illud, cuius est locus. f. 30,

Uu 2

§. 2.

I. all. C. II.

§. 2. Utriusque definitionis idem videtur esse sensus, unde patet, quod sic à denominatione loci excludatur spatium, & locus esse non possit, quin sit corpus: item, quod locus sic non describatur alius, quam proprius, quodque adeo hæc definitio non bene cohæreat cum illa divisione, quâ sub initium statim locum dividit in proprium atque communem: porro quod sic ipsum corpus non sit locus alterius, sed extrema solum corporis, qua locatum respicit, superficies. Sed vero frustra hanc superficiem requirere Aristoteles videtur, & redolet hæc inanis subtilitas ingenium magistri sui, qui totam physicam abstractionibus suis metaphysicis corrumpit. Nam si superficiem physice sumit, corpus est, sin mathematicæ, inanitas, & terminus in physicis nihil significans est: ergo physice debet sumere, sic itaque corpus est locus, nec præcise superficies, etsi locatum superficiem recipiat.

Phyf. Lib.
IV. C. V.

§. 3. Cum vero & loci sit locus, & ut ipse ait: *ἡ μὲν γὰρ ἐν τῷ ὕδατι, τὸτο δὲ ἐν τῷ αἰθέρι, ἡ δ' ἐν τῷ αἰθέρι, ὃ δ' αἰθέρι ἐν τῷ ἄνω, ὃ δ' ἄνω ἐν τῷ αἰθέρι*, id est, *terra sit in aqua, hæc in ære, hic in æthere, æther in cælo, cælum vero in nullo alio*, negare nequit Aristoteles, si cælum annihilaretur, restitutum adhuc esse aliquod spatium, quod Peripatetici locum internum vocant: hic locus internus Aristotelicam definitionem haud admittit, & corporibus tamen, atque secundum mentem Aristotelis cælo idem præstat, quod locus, unde præter rem huic spatio nomen loci denegasse videtur Stagira. Huc accedit, quod in Deo sint vere omnia, & Deus tamen superficies corporis ambientis non possit esse.

Cap. VI. VII.
VIII. & IX.

§. 4. Videtur autem suo, quod commune cum reliquis philosophis habebat, præiudicio inserviisse Aristoteles, quo putabar, se à priori, quod dicunt, comprehendere, quod non possit dari vacuum: si enim vacuum sit, extensum esset; si extensum, corpus; si corpus non esset vacuum: ideo namque sic descripsit locum, ut nullam omnino haberet rationem vacui spatii. Interim Leucippo atque Democrito vacuum asserentibus operose respondet, inanibusque ubique rationibus probare conatur, non dari vacuum.

SECTIO II.

De

Gassendi circa spatium sententia.

§. 5.

Gassendus cum Epicuro ipsum spatium vacuum pro loco habet, illudque, si corpore sit repletum, vocari locum posse admittit, unde locum concipit per spatium corpore vacuum, idque adeo, quod Peripatetici locum internum vocant, principaliter spatium esse putat : & sic pleraque omnia evitat, quæ Aristoteli proxime à nobis fuerunt opposita.

Vid. Gassend.
Animadv. p.
m. 317.

§. 6. Sicut vero hic, & adversus Aristotelem, & adversus Cartesium triumphat Gassendus cum suo Epicuro, ita quoque ratio vacui adversus eosdem solidissimis nititur rationibus. Firmo stat talo, quicquid ogganniar uterque, illud de existentia vacui ex Empirico ratiocinium *εἰ ἔστι κίνησις, ἔστι κενόν, ἀλλὰ μὴν ἔστι κίνησις, ἔστιν ἀεὶ κενόν, si est motus, est vacuum, est autem motus, ergo est vacuum.* Nam quod vel Aristoteles decubo, vel alii, de piscibus in aqua motis, habent, petitio principii est, ob ipsum enim horum motum debet dari vacuum. Id quoque, quod Gassendus de bombardâ pneumatica infert, omni exceptione majus est, dum ait, comprimitur in dictâ bombardâ aer, ergo *si tot essent particule aeris, quot sunt particule loci*, unum corpus subingrederetur aliud, quod est absurdum: unde falsum est id, ex quo hoc concluditur, nempe non dari vacuum.

Lib. IV. Phys.
c. VIII.
all. l. p. m. 98.

§. 7. Id solum in hisce desiderio doctrinis, quod vacuum statuant externum, id est, extra elementa constitutum, cum paulo post probaturi firmus, *nullum* dari aliud, *nisi internum*, nempe in bullulis aereis: cohæret tamen satis recte hic error, cum præjudicio communi omnium physicorum mechanicorum, quo naturæ principia putantur esse quam solidissima; sic enim quilibet facile intelligit, quod vel vacuum debebant statuere nullum, vel externum, quorum tam

men utrumque infra demonstraturi sumus esse erroneum. Hinc autem jam apparet, quod vacuum *diffeminatum*, quod statuit cum Epicuro Gassendus, nec plane falsum sit, nec penitus verum: datur enim omnino tale vacuum per corpora dispersum seu diffeminatum, non vero *extra elementa*, sed intra eadem.

§. 8. Desidero ulterius, quod vacuum statuatur cum Epicuro Gassendus, hoc sensu, ac si sit omni substantia vacuum: unde quæ duæ species diffeminato adduntur, separatum atque congregatum, hoc sensu nullatenus possunt admitti. Congregatum enim *κατὰ φύσιν* non dari, omnes consentiunt, quod vero supra mercurium in tubo barometri id detur, ipse Gassendus ob plurimas rationes non audet asserere: congestæ ibi rationes ostendunt, quod nec possit dari in campana antiæ, nec alibi: unde clarum est, quod nec natura possit dari nec arte: quæritur tamen, annon saltem possit concipi? Hanc affirmat quæstionem Gassendus: ego affirmare nolim, si quidem debeat concipi, ut omni substantia vacuum, adeoque & absque Deo & veluti prius Deo: scio enim talem abstractionem esse contra naturam intellectus mei, hinc contra præstitutas à Deo rationocinandi carceres: adeoque etsi forte sic possim concipere, video tamen, me id quidem hoc modo non debere concipere. De carceribus illis vide tres regulas in sensu Veri & Falsi.

Vid. An-
teadv. p. l. p.
m. 225.

Lib. I. Cap. V.
§. 46. seqq.

§. 9. Propter hanc eandem rationem inanis quoque conceptus est *vacui separati*, quod extra mundum dari, dicunt: etsi enim utique detur, ut spatium omni corpore vacuum, tamen nec dari potest, nec concipi debet, ut spatium omni substantia vacuum, propter lumine naturæ quoque notam Dei omnipræsentiam. Nam veteres Atomistæ quidem, qui, quotquot ego novi, omnes erant athei, tale spatium non solum poterant, sed & debebant statuere, quia alias mundum debuissent pronunciare infinitum, quod ob alias rationes ipsis haud videbatur consultum: hoc itaque non observantes philosophi nostri Christiani, nimio veteris philosophiæ studio, etiam atheismo conspurcatis retinent theses.

§. 10. Separatum itaque & congregatum, seu coacervatum, spatium vacuum nec datur hoc sensu, quod sit omni re vacuum, nec recte sic vel solum concipitur, quia ideo nobis à Deo dati sunt

men.

mentis oculi, ut contemplemur naturam à Deo factam, non ut in statum antemundanum intueamur: hoc si quis nihilominus petulanter faciat, mirari non debet, si poenæ loco stultitiâ cogitandi à Deo castigetur, quod quidem obtigit Gassendo, qui dum cogitationes suas in hoc, ne cogitandum quidem, inane extendit, inanes inde reportavit ideas. Quærit enim, *an substantia sit, an accidens, hoc inane?* & cum neutrum esse videretur, insufficientiæ accusat communi hætenus omnium eruditorum calculo approbatam entium divisionem, in substantiam & accidens, putatque tertium inter utrumque esse, hoc suum vacuum. Ego ita respondeo ad questionem: mihi religioni esse, de re cogitare, quæ Deo sit prior: hunc enim scio omnium entium esse causam: hoc per fictionem mentis sublato, scio omnia simul etiam in mente mea deleri debere entia, adeoque inepte quæri, quænam species entis sit illud ipsum, quod ne concipi quidem debet.

Vid. Animadv. P. I.
p. 318.

SECTION III.

De

Cartesii conceptu Spatii.

§. II.

Cartesius ex falsa definitione communi corporis, qua dicitur substantia extensa, non penitus male argumentatur, dum ait: *non etiam in re differunt spatium, sive locus internus, & substantia corpora in eo contenta, sed tantum in modo, quo à nobis concipi solent.* Revera enim extensio in longum latum & profundum, quæ spatium constituit, eadem plane est cum illa, quæ constituit corpus. Sed in hoc differentia est, quod ipsam in corpore, ut singularem, consideremus, & putemus, semper mutari, quoties mutatur corpus; in spatio vero unitatem tantum genericam ipsi tribuamus &c. Item, *Et quidem facile agnoscemus, eandem esse extensionem, quæ naturam corporis, & naturam spatii constituit, nec magis hæc duo à se mutuo*

Princ. P. II.
§. X.

§. XL

tuo differre, quam natura generis aut speciei differt à natura individui &c. Hac autem in thesi insigniter vapulat Cartesius, seque tyronibus logices dat turpiter, & mirum est, quare non ad evitandos hos errores universalissima veritatum computatrice, pro ut sibi persuadent multi, Algebra sit usus.

§. 12. Plures autem hic admittit sat crassos errores, quorum primus, omnium facillime ob communitatem condonandus, est *falsa illa corporis definitio*, quod sit substantia extensa, & dum deprehendebat, quod spatium quoque competeret definitio corporis, satis hinc patere poterat ipsi, quod ea definitio sit falsa: dum porro dicit, quod spatium à corpore non nisi modo concipiendi differat, facile, si pressius paulo meditatus fuisset, falsitatem huius asserti hinc potuisset perspicere, quod multa competant prædicata corpori, quæ spatium non competunt; sic v.g. corpus omne est mobile, spatium est immobile: corpus vel grave est vel leve, spatium neutrum est. Et ipse sibi, in hac thesi, paulo post contradicit, dum ait, differre spatium à corpore, ut genus aut species ab individuo: neque enim ullo modo dici potest, quod genus aut species non nisi *modo concipiendi* differant ab individuo.

§. 13. Absurdum porro est, quod dicit, extensionem corporis esse *singularem*, cum secundum commune ipsi cum reliquis philosophis præjudicium, sit *differentia* corporis; differentiam autem ad universalia pertinere, & hæc singularibus opponi, tyrones logices norunt. Et, si spatii extensio esset generica, sequeretur, quod corporis extensio sit specifica, adeoque quod corpus sit species spatii, non vero, quod corpus & spatium sint idem, & non nisi modo concipiendi differant. Cum vero corpus à spatium suo possit separari, species vero à suo genere minime, claret, quod corpus nec sit species spatii.

§. 14. Porro, si extensio spatii est generica, corporis singularis, vel loquitur de spatium & corpore, ut universalibus, vel ut de singularibus; priore modo, extensio utriusque est generica, quia universalis idea quodlibet sive essentialis sive accidentale est universale, & adeo falsum est, quod extensio corporis sit singularis: posteriore modo utriusque extensio est singularis, & falsum adeo est, quod

quod extensio spatii sit generica : nec potest corpus considerare ut singulare , spatium ut universale , quia extensio est definitio corporis, definiuntur autem in physicis universalia, non singularia. Tandem, si *extensio* ad naturam corporis & spatii pertinet, eorum vel *genus est, vel differentia*; si genus, plus quiddam est corpus quam substantia extensa, adeoque falsa est definitio, ex qua concludit Cartesius: sin est utriusque differentia, duæ species sub uno genere comprehensæ sunt corpus & spatium, adeoque iterum falsum est, & quod differant, ut genus aut species & individuum, & quod modo solum concipiendi differant. Cum ergo tam crassa Minerva ratiocinantem hic videas Cartesium, intelligere hinc potes, quid in subtilioribus controversiis de eo sperandum sit.

§. 15. Cæterum, quod vix à philosopho mechanico expectasses, etiam spatium vacuum dari negat; hoc vero utut nulla alia de causa negarit, quam quod, cum primum statuisset vacuum ex Merfeno intellexisset, Parisienses existimasse, vacuum non esse *ad palatum seculi*, sicut refert auctor *des reflexions sur la philosophie*, vult nihilominus videri ex philosophica aliqua ratione id negare, unde ait: *ex hoc solo, quod corpus sit extensum in longum, latum & profundum, recte concludamus, illud esse substantiam*; quia omnino repugnat, ut *nihili sit aliqua extensio, idem etiam de spatio, quod vacuum supponitur, est concludendum: quod nempe cum in eo sit extensio, necessario etiam in ipso sit substantia*. Quod insigne est sophisma: sic enim concludere debebat: quod vacuum cum sit extensum, necessario etiam sit substantia, & minime sic, uti concludit, quod in ipso debeat esse substantia; hæc enim si vere sequeretur conclusio, manifestum esset, quod dari vacuum non possit: etsi autem spatium sit substantia, poterat nihilominus esse vacuum. Et hæc est sola ratio vel fucus potius, quo, vacuum non posse dari, probare satagit

§. 16. Sophistam porro agit, dum conclusiones ex negato vacuo sequentes, & quibus ab adversario fuisset ad absurdum redactus, pro singularibus *sapientiæ effatis* venditat, qualis est, quam §. XIX. habet, *quod non plus sit materiæ aut substantiæ in vase, cum plumbo vel auro, vel alio quantumvis gravi & duro corpore*

pore est plenum, quam cum aerem tantum continet : item alia adhuc magis absurda, de qua agit §. XXI. quod nempe *mundus sit infinitus* : ubicunque enim statuatur finis, spatium est, adeoque, secundum Cartesii præjudicium, corpus, & sic infinitum dabitur corpus. Etsi autem ipse Cartesius non dicat, mundum esse infinitum, ne Sorbonnæ displiceret, sed indefinitum, illa ipsa tamen indefinitas vera infinitas est.

S E C T I O IV.

De

Spatio nostra opinio.

§. 16.

Spatium, generalius accepta voce, dico substantiam, in qua existunt eæ substantiæ, quæ creatæ sunt : nam esse in spatio, creaturarum est proprium, & *ad DEUM minime spectat ullum spatium*. Spatium autem voco totum id, in quo est alterum. Etsi enim *superficies* corporis ambientis primo & immediate tangatur à locato ; tamen ideo sola illa superficies non dicendus locus est, cum non solum in eo simus, quod nos proxime circumdat, corpore, sed & in remotiore : Sic globus noster terraqueus non solum in aere est, sed & in cælo : unde non video, quare cum Aristotele, solum id, quod proxime ambit, quatenus ambit, pro loco sumere debeamus : sed videtur utique & rationi & usui convenientius, totum id, quod alterum includit, pro ejus spatio habere.

§. 17. Ne autem ullatenus sit dubia nostra definitio, profiteamur, id nobis dici existere in alio, quod vel ab eo, in quo est, saltem ad summitatem usque suam, ambitur, etsi non circumdetur circumquaque : adeo ut nihil possit esse spatium alterius, quin aliquatenus saltem id ambiat : sic cerevisia est in cantharo, etiamsi aperto : cantharus in hypocauisto, non vero in mensa, sed super ea : quodsi aliquid alterius solum ambiat aliquam partem, etiam pars illa solum in alio est, non totum. Sic etiam spatium vel commune est,

est, vel proprium, quandoquidem & loci locus est, adeoque locatum in alio est, vel ut in loco proprio vel communi.

§. 18. Sic ergo spatium vel *corporale* est, vel *non-corporale*; hoc generale nomen spatii retinet, illud vero locus dicitur. Omne autem spatium debet esse substantia; & cum hæc duplex sit, vel corpus vel spiritus, hinc spatium duplex est, uti jam dictum, nempe corporale vel non-corporale: per non-corporale vero nullum aliud intelligimus, quam spiritum, quoniam & corpus potest esse in spiritu. Etsi autem & spatium aliquod videatur dari, quod immobile dixit Morus, & Gassendus nec substantiam illud esse sibi persuasit, nec accidens, sed tertium quiddam, in quo omnes absolute substantiæ concipiuntur esse, tamen illud sibi concipere nefas esse, jam supra probavimus.

Vid. §. 8.

§. 19. Cum ergo nullum sit dubium, quin & spiritus circumdare possit corpus, & spiritus vel finitus sit vel infinitus, ille vero non omnia circumdet corpora, sed solum aliqua, Infinitus autem omnia necessario comprehendat, patet, quod spatium dividi possit in *universale* & *particulare*, illudque possit esse DEUS. Hinc & ipsa Sacra dicit pagina, quod in Deo *simus, moveamur & vivamus*, & Caballistæ forte hoc sensu summum Numen **דקדק** dixerunt: Vid. Henric. Mori Enchirid. Metaphys. Cap. 8. §. 8. ut adeo locus alius sit in alio, & omnia demum loca in Deo, ut spatio universaliissimo. Et sane, ipse ille Aratus, cujus immediate citata ab Apostolo sequuntur verba: *τὸ γὰρ καὶ γινῶσκον ἱερὸν*, dixerat in antecedentibus, *ἐκ διὸς ἀρχαίμεθα*, & mox tradit, quod & compita & hominum cœtus & mare & pontus essent Jovis pleni (vid. Voss. de Idololatr. L. I. c. II.) & hunc Jovem ipse Apostolus testatur esse DEUM, dum ait v. 29. *γινῶσκον ὅτι ὑπάρχοντες τῷ θεῷ*: ut adeo Apostolus illam istius opinionem suæ conformem hoc ipso dicat, Neutiquam vero eo sensu DEUM dicimus spatium, ac si spatium & DEUS sint unum & idem, sed ut spatium generali sumatur significatu, sicut DEUM dicimus Ens, Substantiam, Causam, Patrem hominum: Si tamen quem offendat paradoxus, etsi forte verus termini usus, salvis nostris thesibus omnibus ab eo abstinere possumus.

AG. XVII.
v. 28.

§. 20. Corporale spatium, seu *locus*, respectu locati vel

Xx 2

suus

suus est, vel *alienus*; ille absque motu & nisu est, hic vero vel nisum causatur, vel motum, & hunc quidem vel sursum, vel deorsum. Sic aer in aere in suo loco est, aqua in aqua pariter, quia ibi est absque motu atque nisu: at vero aer in aqua in alieno loco est, quia sursum movetur, aqua in aere pariter, quia deorsum fertur; breviter, omnia & gravia & levia in alieno loco sunt, quia non elastice cohererent cum suo loco, cum quo si elastice conjungerentur, nec gravia essent nec levia.

§. 21. Spatium porro vel *vacuum* est, vel *plenum*: & illud quidem est vacuum in sensu agente, id est, quod non quidem omni destituitur substantia, cum DEUS ubique sit præsens, & quamvis à nullo spatio ambiatur, illud tamen spatium vere vacuum non est, quod Deitate quasi repletum est: interim cum philosophis id spatium dicimus vacuum, quod nullo corpore est plenum. Et tale quidem vacuum omnino dari, ex nostra hypothese clarissimum est. Nam bullulæ aeræ à particulis radiantibus expansæ quidem sunt, non vero repletæ: unde spatiola illa in bullulis, intra radios particularum data, omnino hoc sensu sunt vacua: & possent recepta denominatione vacuum dici *disseminatum* vel *dispersum*, non vero hoc sensu quo acceperunt *Leucippus*, *Democritus*, & alii, quippe quorum vacuum disseminatum externum est, nostrum vero internum. Hoc vacuum nisi esset, nullus daretur corporis vel motus vel connexio, quod abunde jam in antecedentibus capitibus fuit demonstratum.

§. 22. Huic vacuo aliud potest opponi, quod separatum dicunt: cum enim, præter DEUM nihil sit infinitum, adeoque nec mundus, extra hunc necessario debet dari spatium omni corpore, etsi non omni substantia vacuum, quod separatum commodissime appellatur, quoniam à nobis quam maxime distat. Tertiam vero, quam addunt vacui speciem, quod vacuum dicunt congregatum, cum in confesso sit, quod natura non detur, nullaque hætenus arte ejus existentia produci potuerit, merito illud reliquis duabus speciebus addere dubitamus.

S E C T I O V.

De

Usu adversus atheismum.

§. 23.

Falsus de spatio conceptus eò redegit Cartesium, ut mundum statueret esse infinitum seu indefinitum, quod facile eo abducere animum potest, ut sibi persuadeat, prout Spinosæ, ipsum mundum esse DEUM. Et quoniam hic illius errorem mathematicæ demonstrare confidit, videamus, quid huic demonstrationi sublit fundamenti. Scilicet *omnem substantiam esse necessario infinitam* asserit, & sic forte probat, *quia substantia non est, nisi unica*: quæ assertio ex ipsius definitione substantiæ sequitur: *Quodsi autem substantia non sit infinita, sed finita, deberet terminari alia substantia ejusdem naturæ*, quæ assertio ex ipsius definitione secunda est deprompta: *cum ergo duæ non possint esse substantiæ, sequitur, quod una non possit terminari, unde non potest non esse infinita*: & ut nemo de soliditate ulla-tenus dubitet, addit illud solenne mathematicis Q. E. D. Mihi sane hac; & plerisque suis aliis demonstrationibus, grande nomen mathematicorum mentientibus, idem facere videtur Spinosæ, cum pugilibus circumforancis, qui multoties repetito itu redituque, & vultu ad Herculeas iras composito arma tollunt, & in se invicem magno strepitu irruunt, ut putes, ad generum Cereris, quod ait ille, sine cæde & vulnere neutiquam descensuros hos heroes: quorum tamen arma, si propius adspicias, lignea sunt, quæ præter strepitum nihil edunt irato vultu dominorum suorum dignum.

§. 24. Nam quantus, quæso, strepitus est, profiteri, se mathematica palpabilitate evicturum, quod substantia corporea, adeoque & mundus sit infinitus, & hunc in finem definitiones præmittere, axiomata subungere, hinc necesse propositiones: has *μαθηματικά* per definitiones, axiomata & propositiones ita probare, ut

vix Marpesia cautes tam solido videatur subniti fundamento, quam demonstrationes illæ. At propius accede, exactius contemplare, videbis ligneas esse hæc deductiones, imo plane stramineas. Nam definitiones sibi præparavit tales, qualibus ad demonstrandos errores suos opus habebat: neque enim in æternum duas illas definitiones, secundam atque tertiam, probabit, his enim veluti columnis insistit tota demonstratio hujus inter nos controversæ assertionis, quod substantia in se & sua natura sit infinita, imo & iisdem innititur maxima pars atheismi sui: unde & hæc & aliæ, quas habet in Epist. XXIX. nos nullo modo morari possunt, quin etiam existimemus, quod assertio de infinitate mundi sit præjudicium Cartesiano ex sinistro conceptu corporis atque spatii ortum.

Quod mundus non possit esse infinitus.


§. 25. Etsi autem ex dictis patet, Spinosam plane non probare, quod mathematicè probatum à se putabat, quod substantia sit infinita, hinc tamen nondum sequitur, quod mundus seu corpus non sit infinitum, itaque verius, puto, etsi non mathematicè, demonstrabo, quam Spinoza, quod mundus seu corpus non possit esse infinitum. Nam quod infinitum ratione magnitudinis seu immensum est, (de hoc enim nobis sermo est, non de infinito æternitatis,) illud debet una cum cogitatione meditantis semper moveri, alias cogitatio assequeretur metam ejus, de cujus infinitate meditatur: jam vero corpus non semper à centro movetur ad peripheriam, & adeo ibi, ubi quiescit, finitum est. Quod vero corpus non semper moveatur ad peripheriam, hinc patet, quod ejus partes inter centrum atque peripheriam interceptæ, utpote nostris sensibus præsentibus non moveantur, ergo ejus quoque partes periphericæ moveri non possunt. Nam si hæc moverentur, partes dictæ interceptæ illis motis deberent succedere, quia corpus est elasticum, expansisque partibus anterioribus semper succedunt posteriores. Sic itaque clarissimum est, quod corpus mundanum non possit esse infinitum: quia id quod quiescit ibi, ubi quiescit, necessario finitur.

§. 26. *Solius itaque Dei* prerogativa est infinitas, cujus *essentiam semper in motu* concipere, nihil habet, quod Divinitate indignum sit, adeoque sic veluti per nebulam conspicitur aliqua Divinae infinitatis imago. Dum ergo Cartesius atque Spinoza mundum statuunt infinitum, eo ipso aliquod DEI attributum mundo attribuunt, eumque imperitis loco DEI obrudunt. Cæterum quia in doctrina de spatio nihil magnopere occurrit, quod usui nobis vel adversus superstitionem, vel in prudentia circa sanitatem esse possit, nolo invita natura rei aliquam ex instituto eorum suscipere tractationem.

LIBRI PRIMI FINIS.



LIBER



A & Ω.

LIBER SECUNDUS.

De

PRINCIPIIS SPECIALI- BUS CAELI.

CAPUT I.

De

Natura Cæli in genere.

Præfatio in duos sequentes libros.

§. I.



Actenus celeberrimorum philosophorum, Aristote-
lis, Cartesii atque Gassendi hypothèses, per singula
capita, meis doctrinis præmissi, ut eo ipso proba-
rem, me non temere ab iisdem dissensisse. Nunc
vero quoniam ostendi, eorum principia non esse
veritati conformia, operam viderer perdere, si ea-
dem prolixitate, qua hæcenus ea refutavi, nunc quoque conclusio-
nes refellærem, cum hæc simul cadant cum illis. Itaque una sectione
singula

singulas , à meis dissonas, horum philosophorum opiniones recensbo potius, quam refutabo. Et quia pariter triplici hætenus usu adversus superstitionem, adversus atheismum, & in prudentia circa sanitatem , edocere volui, physicam non medicis solum, quod hætenus fere sibi persuaserunt, sed omnibus omnino eruditis esse perutilem, & multis in casibus unice necessariam, id ipsum vero quoque hætenus prolixius fuit insinuaturn, brevius hæc quoque imposterum capita percurram.

SECTIO I.

De Aristotelis, Cartesii atque Gassendi opinionibus de cælo.

§. 2.

Aristoteles cum asserat, quod cælum sit ἀφθαρτον καὶ ἀγίνωλον, Lib. II. C. I.
seu incorruptibile & ingenerabile, & potius αἰδιον seu æternum, de Cælo.
rogandus minime est, ex quibus elementis putet factum à Deo fuisse cælum? responderet enim secundum suum haud dubie præjudicium, quod, quia æternum sit, ideo ex nullis elementis fuerit compositum. Etsi enim alibi dicat, hoc omni naturali atque sensibili materia constare, tamen id asserit de cælo in alio significato, de Cælo Lib. I. C. IX. T. 97.
pro complexu omnium corporum sumpto, adeoque haud quaquam de cælo stricte & proprie accepto. Ibidem enim tripliciter accipi cælum docet, (1) quod maxime cælum ab ipso vocatur, corpus naturale, quod in extrema est circumlacione universi, (2) σῶμα συνεχές, seu corpus continuum extremæ circumlacioni ipsius universi, in quo luna & sol & quedam astrorum sunt, (3) σῶμα περιεχόμενον, seu corpus ab extrema circumlacione contentum, & per hoc ipsa videtur intelligere astra; de cælo autem hoc sensu sumto ait, quod ex omni naturali atque sensibili corpore constat.

§. 3. De motu vero cæli, cum naturam elasticitatis una cum aliis ignoraret philosophis, mira sibi commenta excogitavit. Putabat enim, cælum & astra à peculiaribus moveri substantiis, Y y quas,

all. I. C. VII.
nempe Cap.
VIII.

De mundo
Cap. II.
Ibid. Cap. VI.

quas, nescio annon ex male intellecto cap. VII. lib. XII. Metaphys. alii intelligentias dixerunt. Primum itaque cælum (per quod videtur intelligere cælum in primo significato, de quo modo diximus, sumtum) debere moveri ab aliqua substantia & actu, quam alibi vocat ἀρχὴν καὶ τὸ πρῶτον τῶν ὄντων, principium & primum entium; & illud est, quod Deum vocat alibi. Hinc enim cælum dicit esse hujus universi supremum & Θεὸς οἰκητήριον, id est Dei domicitium & alibi ait, quod τὸν ἀνωτάτω καὶ πρῶτῃ ἐδραν ἔλαχεν, id est, summam & primam mundi sedem sortitus sit, & hinc quoque vocetur Summus; & in eodem capite ait: quod sit in loco stabili immotoque collocatus, & omnia moveat & circumagat, pro arbitratu, ut adeo dubium fere sit nullum, quin dicta suprema movens cœli substantia, sit id, quod Deum vocat Aristoteles.

Metaph. Lib.
XII. C. VIII.

§. 4. Quod attinet ad planetarum motus, hos pariter sibi persuadet, aliunde esse non posse, quam à per se immobili & æterna substantia, ita quidem, ut quot sint planetæ, tot etiam tales sint substantiæ moventes. Imo cum in eodem capite sphaeras statuat septem & quadraginta, valde in eam inclinat sententiam, quod rationabiliter totidem quoque substantiæ atque principia sint statuenda. Et sic moveri cælum credit Aristoteles. Alibi etiam contendit, quod cælum sit æternum, & unum; non tamen, quod sit fluidum.

Cartesii de calo sententia.

Princ. P. III.
§. XXIV.

Ib. §. XXVII.
Vide supra
Lib. I. C. VII.
§. 10. & seqq.

Vid. Princ.
P. III.
§. XXXIV.

§. 5. Cartesius vero cælos esse fluidos probat, & moveri circulariter, suoque motu contenta omnia corpora secum abripere, ut adeo & terra & reliqui planetæ quiescant, ea in cæli regione, in qua versantur; unde concludit, & conjuncto quidem illo, quod supra refutavimus, de motu, præjudicio, quod nec terra nec ullus planeta moveatur: cælorum tamen hos motus non semper esse perfecte circulares, sed planetas, jam in latitudinem, jam in longitudinem declinare.

§. 6. Interim generationem totius cæli, & quomodo id fecerit Deus, explicare aggreditur, per iniquissimas quasdam suppositiones & principia mere precaria, verius figmenta, quæ & majori,

jori, quam par est, numero, & mole sibi coherrentia sumit, quod jam supra ex instituto probatum fuit. Lib. I. C. III.
§. 6. seqq.

Quid de cælo sentiant Epicurus & Gassendus.

§. 7. Secundum Epicurum cælum est igneum, & siderum. veluti pabulum, quæ pariter sibi igneæ naturæ esse, concepit: moveri autem tum universum cælum & cum ipso sidera, tum & hæc sigillatim, dum igneæ suæ naturæ pabulum, cælum nempe, prosequantur: Quantum ad cætera, nempe quam figuram habeat cælum, quanta sint sidera, sol nempe, luna & alia, de hisce singulis, cum eorum omnium modus possit esse varius, quem *τρόπον πλῆσιν* vocat, nihil determinat, sed contrarias etiam approbat sententias, quam modestiam esse Epicuri contendit Gassendus: sed videtur potius aliquod ejus subesse vitium ratiocinandi, quo per familiare illud, *ἰνδύχται*, fieri potest, possibilitatem cum probabilitate confundit, & uno eodemque loco utramque habet: unde etsi hæc opiniones de rebus tanto intervallo distitis à nobis, omnes tales sint, ut in eas omnino jurare nemo possit, felicior tamen mentis acies magnam earum assequitur differentiam, dum aliquas tantum possibiles, aliquas plusquam possibiles, improbables tamen, aliquas vero etiam probabiles, & inter has quasdam summe probabiles apprehendit: ut adeo hebetioris ingenii & ignavi animi esse videatur, tam differentis certitudinis opiniones susque deque habere.

Vid. Animadv. Gassendi in Lib. X. Diog. Laert. P. I. p. 400. & 417.

S E C T I O II.

Nostra de natura cæli sententia.

§. 8.

DOCTRINA de natura cæli, ad philosophos spectat, doctrina de motu ejusdem, ad mathematicos: unde & doctrina de vero mundi systemate, quoniam agit de eo, quisnam sit siderum ordo, & ordo pertinet ad numerum, numerus ad mathesin, ad physicam haud spectat, etsi & Carresius & Gassendus in physicis dictum caput pertractarint. Interim ut lector nostras eo melius

Yy 2 com-

comprehendat demonstrationes, profiteamur hoc loco, nos approbare systema Copernicano-Cartesianum, quo sol est hujus universi centrum, quem proxime ambit Mercurius, hinc Venus, dein Terra nostra, porro Mars, post hunc Jupiter, & demum Saturnus concipitur: & hæc ad nostrum cælum pertinent. Tot autem cælos esse putamus, quot sunt fixæ: quamlibet enim fixam in suo cælo, id esse, quod in nostro sol est: unde & circa easdem fixas ferri planetas existimamus, quod non Cartesius solum hoc nostro ævo, sed & jam olim Heraclides, Pythagoras, Orpheus aliique existimârunt. Hæc omnia, si quis probata desideret, vel Gassendi Animadversiones, vel l'Abregé de la philosophie de Gassendi, vel ipsum Copernicum atque Cartesium evolvat, vel &, si placet, Laconicas harum rerum demonstrationes videat in nostris Institut. Eruditionis p. 128.

Epistol.
LXXXVIII.
p. m. 289.

§. 9. Hos limites philosophiæ absq; matheseos probe probeque intellexit divinus Seneca, quando sic ait: *Præterea utraque fines suos habet. Sapiens enim causas naturalium, & querit & novit, quorum numeros mensurasque geometras persequitur, & supputat. Qua ratione constant cælestia, quæ illis sit vis, quæve natura sapiens scit: cursus & recursus & observationes, per quas descendunt, & allevantur, ac speciem interdum stantium præbent, cum cælestibus stare non liceat, colligit mathematicus. Quæ causa in speculo imagines exprimat, scit sapiens: illud tibi geometer potest dicere, quantum abesse debeat corpus ab imagine, & qualis forma speculi, quales imagines reddat, &c.*

De distinctione mundi, siderum & cæli.

§. 10. Cum sidera cælo opponantur, nominali definitione cælum nihil potest esse aliud, quam spatium, quod inter diversa sidera unius systematis intercipitur: cælum vero una cum sideribus consideratum, vel systema planetarium dicitur, vel latius sumpta hac voce, iterum cælum: omnia vero systemata simul sumpta, mundus sunt: nos hoc loco vocabulum cæli strictius accipimus, planetisque & mundo opponimus. Hinc simul apparet, quod aliud sit systema planetarium, aliud systema mundi: nam ad hoc quoque fixæ per-

pertinent: & quantum ad harum ordinem atque situm, nos in magna adhuc versari caligine fatendum est. Dumquæ de iis novimus, parum absint à puris possibilitatibus.

De natura cæli.

§. 11. Jam id quoque scire, cujusnam naturæ sit illud inter solem & planetas intervallum, juvat: putamus autem, esse illud corpus fluidum, æthereum maxime, à fixa qualibet ad suos planetas circumquaque protensum, ut in eo rite moveantur planetæ. Fluidum illud plerorumque recentiorum pronunciamus: hi cum veterum duros atque crystallinos cælos, ideo rejicerent, quod non viderent, quæ planetæ, quæ cometæ meatu suo tam solidum corpus perrumpere possent, eorum rationibus sic satis possumus acquiescere.

§. 12. Æthereum maxime dicimus hoc corpus. Nam atmosphæræ planetarum, etsi vulgi sensu habeantur pro cælo, cæli tamen pars nulla sunt stricto & accurato hujus vocabuli significatu: ideo quoniam pars planetarum sunt, & cum iis simul moventur, planetas vero cælo opponimus. Cælum itaque cum proprie denotet spatium, quod ultra atmosphæras planetarum datur, nulla alia materia potest esse repletum, quam materia solarium: nam & noctu tali materia plenum est cælum, etsi nulli per illud in planetam evibrentur radii: ut adeo illa ipsa materia, quatenus illud spatium replet, una cum spatio cælum sit.

§. 13. Quæritur autem non immerito, cujusnam naturæ sint dicti radii? Putamus nihil ob stare, quominus cum multis antiquis philosophis eos dicamus esse igneos, cælumque adeo, quod æthereum maxime dicimus, posse etiam, latiore significato, vocari igneum. Nam cum suo loco probaverimus, quod calor ab igne non essentialiter, sed gradualiter saltem, sit distinctus, ad probandam nostram thesin, nihil aliud requiritur, quam ut calefacere dictos radios, evincamus; at quotus quisque hoc non vel absque ulla probatione, solo sensu convictus concedat? Ignei quapropter sunt radii solares, & cum eorum æther, seu particula radians, in atmosphæras delata, varia copia ingeratur bullulis æreis, sit, ut hæc propter æ-

theris prædominium varium sibi ascendendo acquirant locum, & eorum aliqua etiam ultra aerem atmosphæricum attollantur, aliæ quidem aliis altius, pro diversitate copiarum particularum, quæ extra atmosphæram delata cælum constituunt. Sola quapropter subtilitate cælum differt ab atmosphæris, ibique incipit, ubi ejus connectio cum atmosphæris tam laxa est, ut motum conversæ atmosphæræ haud sequatur.

§. 14. Nec obstat, quod nives præaltorum montium haud liquecant, prout hic terrarum, cum tamen cælo sint propinquiores. Nam utut cælo sint propinquiores, tamen haud sunt in cælo, nec à cælesti corpore ullatenus attinguntur: radii namque à terra repercussi ita sunt dispersi, ut aeri frigido resistere minus possint: quod hic in terræ superficie præstant, quoniam magis sunt collecti, adeoque copiosiores: unde firmum manet, quod & cælum sit igneum, & radii solares pariter: sic tamen, ut latius accipiat vox ignis, ita ut & valorem sub se comprehendat, adeoque cælum igneum nihil aliud sit, quam cælum calidum: & sicut hypocæustum potest esse calidum, etsi non lucidum, sic pariter quoque cælum. Cætera definitionis verba per se patent.

De cæli cum planetis cohesione & motu.

§. 15. Cum autem corpuscula radiorum varia ætheris copia polleant, varium etiam cæli occupant locum, ita ut maxime æthereæ in ipsum assurgant solem, minus talia proximo loco consistant, reliqua remotiore hinc loco constituentur, sequitur, quod cælum diversæ sit crasseos. Sed & atmosphærarum planetarium diversæ est crasis, prout earum bullulæ aeræ vel nobiliores sunt vel ignobiliores: illæ enim plus ætheris capiunt, quam hæ, unde & subtiliorem seu magis expansam efficiunt atmosphæræ summiratem. Supra autem in principiis demonstratum fuit, quod inæquales bullulæ non uniantur, & quæ minus expansæ sint, ferantur in magis expansas, & si magis expansæ sint, inferius constitutæ ferantur inferius, seu descendant, sin superius, adscendant. Hinc ergo clarum est, quod si Saturnus à Deo creatus constitutus fuerit eo in loco, ubi nunc est Mercurius, adscensus fuisset in locum suum: sin Mercurius ab eodem

dem fuerit in locum Saturni coniectus, quod descensurus in locum suum fuisset. Nam λέγω δ' αὖτις μὲν, τὴν ἀπὸ τοῦ μέσου φεραν, κάτω δὲ τὴν πρὸς τὸ μέσον, dico sursum ferri, quod à medio fertur, deorsum quod ad medium.

Aristot. de
cælo lib. I.
Cap. II.

§. 16. Sic ergo omnes planetæ feruntur versus suas fixas, aliæ altius consistent, quorum atmosphæræ extremitas est crassior, aliæ profundius immerguntur, quorum atmosphærica extremitas est subtilior. Sic ergo Mercurii extremitas atmosphærica talis maxime est, unde & proximus soli accessit, Saturni eadem extremitas crassior est, unde remotius constitit: intermedii planetæ medio modo se habere videntur. Sic ergo patet ratio ordinis, quo in systemate nostro constituti observantur planetæ.

An magnetice cohereant planetæ?

§. 17. Ex dictis patet, quod, etsi ingeniosissimus Keplerus contendat, magneticam esse planetarum cohesionem, ea tamen sit potius elastica, quàm magnetica. Equidem experimentum ejus, quo super aqua per magnetes diversæ virtutis suberi inclusos repræsentat omnem motum corporum cælestium, satis est plausibile, si tamen propius adspicias, rei probandæ omnino impar: nam magnetes peripherici non moventur circa magnetem centralem, prout planetæ circa solem, sed modo circa proprium centrum. Scilicet magnetes suos habet polos, ex quibus emergit materia aeræ, qualis ex solaribus pols nulla attollitur: unde si conversus in experimento nostro sit magnes centralis, polum eundem obverteret magnetibus periphericis, quem hi illi opponunt: cum vero iidem poli uniri, sicut per experientiam patet, nequeant, necessario peripherici magnetes circa proprium centrum debent converti: ut non dicam, quod, si magnetice cohererent planetæ cum sole, debeant confundi, singulique ad solem immediata conjunctione applicari.

Vid. Kirch.
Art. Magnet.
Lib. III. Sect.
II. p. m. 486.

De motu planetarum.

§. 18. Etsi vero cum cælo elastice conjuncta sint sidera, ut eorum atmosphæræ unum cum cælo constituent fluidum, peculiariter tamen adhuc afficiuntur illæ à radiis solaribus: hi nempe solis

lis vigore per totam atmosphæram ad solidum usque planetæ corpus evibrati, magis expansi & subtiliores sunt, quam ea atmosphæ-
ræ loca, per quæ adiguntur : unde hæc in illos elastice feruntur, adeoque sicut atmosphære extremitas conjuncta est cum cælo, ita ejusdem medietas eodem modo, nempe elastice cohæret cum radiis solaribus : ex quo manifestum est, quod planetæ per suas atmosphæras conjuncti sint mediantibus radiis cum sole.

§. 19. Nunc porro nos hæcenus observationes docuerunt, quod mensis unitus plus minus spatium, circa proprium centrum sol moveatur, qui dum ex dictis cum planetis cohæret elastice, non potest non eo suo circa propriam axin motu, planetas quoque circa se movere, nisi forte & infirma connexio solis cum planetis, & horum repugnans gravitas, cum impediunt motum.

*Quod planetæ in cælo ne quidem tantam, quantum
in aere pluma habet, habeant gravitatem.*

§. 20. Sed sicut illam cohæsionis infirmitatem ambabus largior, ita planetas vel minimam habere gravitatem, penitus nego. Supra enim jam ostendi, quod illa Aristotelis assertio, quod corpora in suo loco nec gravia sint, nec levia, si recte intelligatur, sit firmissima, & quod objectiones Sturmii aliorumque Aristotelem plane non feriant. Nunc & illam solidissimam conclusionem ejusdem philosophi addo, hujus omnino philosophici tenoris : τὸ δὲ κύκλῳ σώμα φερόμενον ἀδύνατον ἔχει βάρος ἢ κενότητα, id est, ut corpus circulariter motum ullum vel pondus habeat, vel gravitatem, fieri nequit. Neque enim putandum est, tam stupidum fuisse Aristotelem, ut non de celebri illo experimento Cartesiano lapide in funda circulariter acto cogitaret : sed ille haud dubie intelligit motum circularem, non violentum, qualis est lapidis in funda, sed naturalem, qualis est planetarum, de quo verissimum est, quod dicit, taliter circumacta corpora non posse habere gravitatem. Nam gravitas & levitas sunt prædicata quarundam, non omnium planetæ partium, ipsius vero planetæ, minime. Nec absurdum est, aliquid con-

Lib. I. C. V. §.
50.

Vid. de cælo
Lib. I. C. III.
c. 18.

convenire partibus, quod toto non conveniat: nam cornu nigrum est, ejus vero partes sunt albidæ, animalis unguis & pili haud sentiunt, ipse tamen homo sentit.

§. 21. Quod autem soli radii ætherei hanc habeant utique vim movendi corpora, id probat vel solum experimentum, quod una cum Kircherò Romæ fuisse Gasp. Schottus. Nempe columnæ virgæ aviculam, quam regulum vocant, deplumatam affixit, & fulcris superpositæ carbonēs vivos admovit, deprehenditque, quod sponte ea fuerit versa, donec avicula fuerit affata. Causa modusque hujus experimenti, vix potuit esse alius, quam quod radii ignei cum atmosphæra virgæ columnæ elastice conjuncti, eam circa axin suam moverint. Cum itaque paucorum carbonum radii & virgæ & reguli, gravibus utique corporibus, movendis sufficiant, & totus planeta ex rationibus dictis ne plumam quidem reguli sua gravitate adæquet, sol autem infinitis modis carbonum superet virtutem, clarissimum hinc est, quod sol solis suis radiis planetarum corpora efficacissime movere queat. Idem quoque comprobant plantæ heliotropiæ.

Vid. Phys. curios. Append. ad Lib. XII. cap. VIII. p. m. 1348.

§. 22. Quod vero per atmosphæram corporis ipsum moveri queat corpus, præter allegata experimenta probat phænomenon magnetis, qui eodem polo admodum, etsi haud contingat, repellit magnetem: item phænomenon arboris pudicæ, de qua dicit Scaliger: appropinquante homine aut animali ramos constringit, recedentibus pandit; quod aliter quam per contactum utriusque atmosphærae arboris atque appropinquantis hominis fieri vix potest.

De subtil. ex. ere. CLXXXI. §. 28.

§. 23. Sic ergo patet, quod nec infirmitas radiorum, nec gravitas planetarum, hunc motum elasticum circa solem impedire queat, id vero fortasse fieri debere videbitur, ut quo tempore circa proprium centrum sol movetur, eodem plane etiam conjuncti cum sole planetæ circa eundem rapiantur. Sed pensitandum hoc loco est, quod, etsi nulla sit in planeta resistentia ad motum, ratione gravitatis, aliqua tamen sit ratione quietis, seu conjunctionis cum cælo: unde si radii, ut in rota, essent solidi, vel majore longe rapiditate circumducendi à sole forent planetæ, vel conatus solis impe-

diretur. Nunc cum fluidi sint radii, & æqualis à sole fiat in omnes planetas impressio, æquali moventur velocitate, aut fere æquali: quia vero propinquiore soli minores, remotiores vero majores describunt circulos, æquali tempore solem circumvolvi nequeunt planetæ: unde quo majores sunt, quos describunt, circuli, eo longiore tempore ad absolvendam suam periodum habent opus.

De motu lunarum.

§. 24. Sicut vero circa solem moventur planetæ, ita circa quosdam planetas lunæ: hæ lunæ cum ambiant planetas, & intellectione haud gaudeant, qua veluti ad nutum & voluntatem Summi Numinis planetas circumeant, manifestum est, quod non moveantur idealiter, sed mechanice, sive mechanismus subsit physicus sive mathematicus: utroque vero modo requiritur contactus: fieri enim non potest, ut ullus mechanismus vires aliquas exerat absque contactu ejus, in quod vires exerendæ sunt: unde luna quævis planetam suum debet quomodocunque contingere: cum vero aliter quam per conjunctionem atmosphærarum contingere haud possit, earum realem conjunctionem puto agnoscendam, etsi quædam mathematicorum supputationes huic conjunctioni minus faveant.

§. 25. Scilicet notum est, quod vulgo ad altitudinem solum quindecim plus minus milliarium Germanicorum protendit aërem existiment, lunam vero à terra triginta diametris terræ distare, quæ distantia multoties illam atmosphærae altitudinem superat, ut adeo secundum hunc computum conjungi nullatenus posse videatur atmosphæra terrena cum lunari. Quia vero ratio mea adducta est omnino clarissima, & incertis hypothesibus nituntur illæ computationes mathematicæ, hic potius errorem fuisse admissum crediderim; ita ut vel altitudo atmosphærae major sit, vel minor distantia lunæ à terra. Adhuc enim semel hoc ratiocinium perpensum omni exceptione majus esse videtur: luna circa planetam vel idealiter movetur vel mechanice: non idealiter, alias luna deberet esse substantia intelligens: ergo mechanice; si autem mechanice, necessario per contactum ejus, in quod vel circa quod mechanice agit: nisi forte causa sit externa, lunam circa planetam impellens: at
nulla

nulla talis causa potest excogitari, ergo per contactum ipsius corporis, circa quod movetur, peragitur mechanicus ille motus.

§. 26. Sic itaque videntur lunæ moveri circa planetas: lunarum extremitas atmosphærica tam crassa est, ut nullum sibi similem in toto cœlo inveniat locum, cum autem assequatur in aliqua atmosphæræ planetaris profunditate, unde in hanc immergitur, & cum ea conjungitur veluti planetaris atmosphæra cum cœlo. Et si autem solares radii pervadant etiam atmosphæram lunarem, hi tamen modi debilius eandem afficiunt, quam conjuncta planetaris atmosphæra: unde propter hanc fortiorem cohæsiõnem, vel planeta sequeretur motum lunæ, vel motum illius. Quia vero omnes lunæ minores sunt suis planetis, & majus corpus pluribus punctis attingit corpus minus, quàm hoc illud, & per consequens majus corpus fortiorem motum imprimit minori, quam hoc illi, sequitur quod minus corpus debeat abripi cum motu majoris, & adeo luna cum planeta. Et hæc quoque est ratio, quare lunæ solum moveantur localiter, & non, veluti planetæ circa proprium centrum; hujus enim motus causam esse radios solares, infra suo loco demonstrabitur.

§. 27. Sic ergo ex simplicissimis principiis elasticis naturam cœli, & motus maxime ejusdem, & systematis, longe melius datur cognoscere, quam ex fictis Cartesii Vorticibus. Principia enim elateris, hæcenus melius ac quondam cogniti, jure meo mihi supponere videor & hic & alibi. Quid enim, cum Cartesius & Gassendus illa propter seculi sui fata ignorarint, nos temporibus nostris ingrati, illorum sterilibus mathematico-mechanicis potius, quam hisce fecundissimis, veritatisque longe proximioribus principiis utamur?

SECTIO III.

De

*Usu veræ de Cælo doctrinæ, adversus
superstitionem & atheismum.*

De origine ethnicismi.

§. 28.

Metaphyf.
Lib. XII
Cap. VIII.

CUM motum cælorum elasticum haud intelligerent philosophi, aliter sibi persuadere non poterant, quam regi à spiritibus seu, ut Aristoteles loquitur, *αἰθέρις* quibusdam *εὐραῖς*, æternis substantiis, astra, hinc vero nata est prima gentilium superstitione, ut toti sibi conciperent Deos, quot intelligerent dari planetas: unde, hodiernum planetas gentilium Deorum nominibus compellamus. Et quoniam deinde valdopere augebant numerum Deorum, eorumque choro etiam heroas infererent, Plato in Symposio & alibi maxime annisus est, hosce inferiores Deos, atque ex mortalium genere ortos, ab illis æternis atque immortalibus Diis secernere: cumque illi & mortalitatis & immortalitatis pariter viderentur participes, immortales autem Di cum mortalibus hominibus non possent conjungi, inferiores illos Deos statuebat esse *medium aliquod uniendo* naturas immortales cum mortalibus.

De eo, quid mechanica physica applausum conciliarit.

§. 29. Cum sic immani superstitione implicarentur mortales, multi viri sapientes hanc corruptionem dolebant: cumque efficacius ex animis hominum deleri errorem, de pluralitate Deorum, haud posse intelligerent, quam si mechanice & facta & mota ostenderent astra, qui primi hoc muneris suscipiebant, serio fortasse persuasi de Summi Numinis existentia, bona intentione plura mechanice deducebant, quam ipsi vel fieri vel facta esse credebant, probe memores ad rectitudinem rebus incurvatis recuperandam juvare deflexionem in partem contrariam.

§. 30. Quo-

§. 30. Quoniam vero vesana venerationis & imitatio antiquitatis id plerumque habet mali, ut plausibiles priorum errores, vel simulatas prudenter doctrinas, securius, & κατὰ πίδα, sequatur, factum est, ut mechanicorum philosophorum posterius non amplius intelligerent, quàm prudentiâ majores mechanicis deductionibus tantopere indulserint: hinc Democritus, Epicurus, & alii ea ad demonstrandam stellarum genesin adhibuerunt principia, quibus non solum illæ intelligentiæ atque Dii ethnicorum & à constitutione & conservacione illarum excluderentur, sed & secundum quæ omnino de nullo Deo, adeoque nec Summo Numine, cogitandum sit: quamvis enim ipsi vix suis persuaderentur rationibus, majorum tamen auctoritate suffulta, & eorum, quibus popularium suorum superstitionis abominationi erat, applausu, adjuncta etiam debilis persuasio in firmam fidem desinebat.

§. 31. Nunquam enim, credo, alio quam atro calculo exceptæ fuissent illæ nugæ, nisi primum sapientiores odio plebejæ superstitionis mitius de mechanicorum illis demonstrationibus, utur atheismi sic satis suspectis, sensissent: nec crediderim vel hodie fore aliquem vere eruditum, qui antiquorum recoctas à Cartesio atque Gassendo nugas suo calculo approbârit, nisi audierit jam olim fuisse tam subtiles viros, qui mundum fortuito factum fuisse probarent, & quarum solidissimas rationes tyrannis Aristotelica suffocârit.

SECTIO IV.

De

*Usu hujus doctrinæ in prudentia circa
sanitatem.*

De influxu stellarum.

§. 32.

Vera de natura cæli doctrina edocere, quid de influxu stellarum habendum sit, potest. Est autem dictus influxus immissio

Zz 3

virtutis

virtutis alicujus in hac sublunaria , qua hæc contra naturam suam immutantur : hinc cum immissio luminis quatenus talis naturam rerum sublunarium haud immutet , etiam ad influxum haud est referenda. Non autem hujus loci est , an stellæ singularem quandam vim atque virtutem communicent macrocosmo , v. g. metallis , herbis , oceano , disquirere : sed de microcosmo potissimum quaeritur. In homine autem vel corpus mutari potest , vel intellectus vel voluntas : hoc ultimum si fiat , influxus dicitur moralis , sin aliquod priorum , physicus : & quod aliquæ saltem stellæ influant in corpus & intellectum hominis nullum fere est dubium , quaeritur tamen , an detur influxus aliquis moralis ?

§. 33. Equidem nullam video rationem , quæ id fieri nullo modo posse evincat : sed nulla quoque succurrit , quæ vel minimum probabile reddat , stellas moraliter in animos hominum influere , unde & ab hoc ipso asserendo merito abstineo : sed quod attinet ad influxum physicum , is quidem valde est probabilis , non tamen de stellis absolute omnibus , sed maxime de sole & luna , quorum corporum primum suis radiis æthereis , secundum , immediato contactu atmosphæræ suæ , nostram insigniter alterare possunt ; & quoniam ex atmosphæra nos spiritum ducimus , hinc quoque sanguinem & spiritus nostros , & sic quoque intellectum & corpus quodammodo ex eadem haurimus.

§. 34. Hanc physici influxus potentiam tantum soli atque lunæ tribuimus. Nam quoniam lumen majus obfuscet minus , virtus quoque solis atque lunæ efficacissime atmosphæram nostram asufficientium obtundet , etiam si è longinquo accedat aliqua , vim reliquarum stellarum , sive planetarum sive fixarum : præcipue si hanc addas considerationem , quod alteratio non possit fieri absque unionem , & corpora cum aliis cognatoribus unira , nunquam unionem suam deserant , ut recipiant minus cognata : unde bullulæ atmosphæræ nostræ , cum corpusculis solaribus & lunaribus unitæ , nunquam hæc excutient , ut particulas planetarias , vel fixarum admittant : quod autem corpuscula solaris & lunaria nostræ atmosphæræ sint magis cognata , quam reliquarum stellarum corpuscula , id exinde patet , quoniam ex talibus corpusculis fere facta est atmosphæra hæc nostra.

§. 35. Ita.

§. 35. Itaque si voles medicina uti, consultum erit considerare solstitium & æquinoctium, lunæque phases: præcipue insignes omnes evacuationes melius æquinoctiorum tempore instituuntur, quam solstitiorum: nam animales bullulæ atque particulæ non sunt nobilissimæ, nec vero ignobilissimæ, sed mediocres, tales autem æquinoctiorum maxime tempore regnant in aere atmosphærico nostro, insignis autem evacuatio insigni eget restitutione: quam natura sibi non solum ex cibis parat, sed & ex aere maxime. Sic & semper satius cælo sereno uti purgatione & venæsectione, quia si quare ex atmosphæra indiget natura nostra, semper magis opus habet æthere quam aere.

§. 36. Luna non immerito humorum vocatur domina: nam experientia docet, quod magnam habeat cum humoribus nostris cognationem, quod vel solo exemplo fluxus menstrui muliebris patet, de quo experientia comprobat, quod habet vulgaris versiculus:

Luna vetus vetulas, juvenes nova luna repurgat.

Est enim hoc interdum fallat, tamen longe frequentius adstipulatur experientia huic assertioni, quam eidem repugnat. Videntur autem radii lunares atmosphæram nostram pervadentes, plus habere cognationis cum humoribus nostris, quam solares, præcipue solstitiales, à mediocritate æquinoctiali, quæ omni anni tempore & lunaribus inesse videtur, nimis remoti: unde non de nihilo est consilium vulgare, quo præcipiunt, decrescente luna evacuandum, si generatim imminutos impofterum velis humores tuos, si adauctos, crescente eadem id ipsum faciendum.

§. 37. Cæteras Astrologorum næcias haud curabis omnino, minime in medicationibus: nam stultitia hominum causas mali sui semper exterius quærentium commentorum Astrologicorum videtur fuisse causa: præcipue si & ipsius fortunæ quoque faber perhibetur iste siderum positus: de quo argumento vide, si placet, prolixè atque sobrie differentem Gassendum in Animadvers. Lib. I. p. m. 478. seqq.

CAPUT



CAPUT II.

De

Natura fixarum.

SECTIO I.

De

*Aristotelis, Gassendi atque Cartesii circa
fixas sententia.*

§. I.

De Mundo
C. II.



E natura fixarum, præter ea, quæ ad Astronomiam spectant, pauca physica habet Aristoteles. De cælo autem & sideribus, per quæ fixas maxime intelligere videtur, ait: *ἔραν δὲ καὶ ἀστρον ἑστῖαν μὲν αἰθέρα καλεῖμεν*, id est, cæli & siderum essentiam ætherem vocamus: & paucis interjectis, etiam quid si bi per ætherem velit, explicat, dum eum vocat, *στοιχεῖον ἑτερον τῶν τεσσάρων ἀκίνητον τε καὶ θεῖον*, id est, Elementum aliud à quatuor notis, interitus expers atque divinum. Quod principium dum toties divinum dicit, junctis iis, quæ Cap. I. §. 3. adduximus, suspici- nem mihi mover, quod nullum alium, quam quem Democritus, cujus scripta sedulo evolverat Aristoteles, agnoverit DEUM, celestem nempe hunc æthera, quem ideo quoque loco allegato dicit, *αὐτὸ θεῖον κυκλοφορεμένην*, semper circulariter moveri.

§. 2. Epicurus, cujus hic legit vestigia Gassendus, contentus con-

consuetudo suo ὑπερχομένῳ, seu possibili, nihil rejicit eorum, quæ alii de natura fixarum sentiunt philosophi, placet ipsi tamen maxime de sole opinio Diogenis, qui, ut Plutarchus autor est, putabat, solem esse πικνωμα κισσηροειδὲς ταῖς κατὰ γήτιν ὑπὸ πυρὸς ἀνημμένων, seu glebulentum quoddam spissamentum pumicis instar, & intra excelsos meatus ignitum : cumque supra jam dictum sit, quod cæli naturam igneam putarit Epicurus, ejusdem quoque esse fixas, credidit, utpote quæ ex cæli materia sibi pabulum quaererent.

§. 3. Hoc ipsum tamen quoque non adeo mordicus tenuit Epicurus : majore vero contentione defendit contra Aristotelem, & alios philosophos, suam illam sententiam, μηδὲ τὸν ἥλιον εἰμψυχον, μηδὲ τὴν σελήνην εἶναι, id est, quod neque sol neque luna sint corpora animata, sive, quod ipse intelligeret, ex hac persuasione, quam detrusum ibat, substitutionem πολυθεΐτητι, imo & ex mente Epicuri θεΐτητι, ortam esse, sive quod eam Leucippo atque Democrito perplacuisse sententiam, nosset.

§. 4. Cartesius fixarum generationem per continuo erasam à globulis secundi elementi materiam, eandemque per interstitia globulorum ad centra vorticum pervenientem, & ipse concipere, & aliis persuadere annititur. Sed (1) vortices ficti sunt. (2) Materia illa, quoniam secundum §. LXX. P. III. habet conatum recedendi à centro, ex uno vortice elapsa nunquam potest pervenire ad centrum alterius, ideo quoniam si alterius vorticis peripheriam intravit, circulariter movetur, & quicquid movetur circulariter, id à centro motus sui recedere conatur, quo ipso etiam conatu materia ex uno vortice in alium pervenire effingitur : hic vero ipse conatus necessario impedit hanc materiam, quominus alium vorticem intrare possit. (3) Causa erasæ materiæ, nempe attritus globulorum secundi elementi, durat etiamnum, sique adeo hinc natæ essent fixæ, vel novæ etiamnum generari, vel antiquæ crescere deberent, id quod experientia haud confirmat ; nam quæ novæ apparent, aliquo temporis intervallo certissime iterum evanescent : unde vel non fuerunt recens genitæ, vel saltem non sunt tales, quales aliæ, quippe omni ævo constantissimæ. (4) Tantum DEI beneficium, quantum nobis sunt stellæ fixæ, vili loco habetur.

Sic enim ex abundantia solum erasæ illius materiæ, quam non amplius admittebant, repleta jam globulorum interstitia, deducitur, ut nisi abundasset materia, ne quidem factæ fuissent fixæ.

SECTIO II.

Nostra de fixis opinio.

§. 5.

Fixas nos putemus esse corpora maxime ætherea, rotunda, per se lucida, ætherem suum per omne spatium planetarum extendentia, à principio quodam interno circa proprium centrum mota, eoque ipso motu planetas in motum circula- rem elatice cientia. Dico autem corpora maxime ætherea, ne dicam ignea: etsi enim non adeo repugnarem, si quis ignea dixerit, nostro tamen de igne, & stricto quidem conceptu, quem supra exposuimus, ignea vocari nequeunt, quoniam ad ignem ostendimus requiri tantam bullularum aerearum expansionem, ut rumpantur, quam ruptionem in fixis non adeo licet concipere: quamvis & vulgari conceptu fere ad ignem requiratur alimentum, & adeo vel hoc signifi-
tu non adeo commode ignea pronuncietur fixarum substantia.

170. f. C. V.
§. 101.

§. 6. Maxime autem ætheream illam substantiam ita concipimus, ut corpuscula ejus consent ex bullula una, & ea quidem tot particulis radiantibus prægnante, quot earum alibi igni attribuimus, hoc saltem cum discrimine, quod totidem quoque particulæ non valeant bullulam aeream ob nobilitatem suam rumpere: in hac ipsa enim ruptione differentiam ignis à fixarum substantia ponimus. Hoc ipsum tamen eo usque etiam nolumus extensum, quod nihil veri ignis in substantia fixarum occurrat, faculas enim solares pro veris habemus ignibus: sed id eo solum valere volumus, quod quia fixæ maxima pars non est hoc sensu ignea, rectius maxime æthereum quam igneum vocetur corpus.

§. 7. Quamvis autem & lux & calor in atmosphæris, & radiosa emanatio intelligi ex sola natura particularum radiantium,
absque

absque unione cum bullulis, possint; tamen sola illa corporalitas, quam in fixis deprehendimus, dum eas observamus esse substantias unitas & coherentes, suadet iis quoque bullulas attribuire, quippe sine quibus, vera physica ratione nec corporalitas potest concipi, nec cohesio & unio. Quod vero paucus hic aer sit, & copiosus æther, id inde claret, quia fixarum natura valde accedit ad igneam: de igne vero jam supra probatum est, quod multo æthere constet.

De maculis & faculis solaribus.

§. 8. Illa itaque æthereæ fixarum corpuscula in atmosphæram nostram delata, facile alias adhuc bullulas induunt, naturamque adeo quasi quandam spiritus chymici sibi acquirunt: cumque omne corpus satis largiter imbutum æthere supra ostensum sit leve fieri & ascendere, fixarum quoque radii in planetas evibrati, hac eadem ratione regrediuntur versus suam fixam. Jam si aliquod ejusmodi æthereum corpusculum duplicem indutum bullula regrediatur v.g. in solem, dupliciter bullulæ aliquam causatur obscuritatem, & si plura talia corpuscula sibi invicem, utpote inter se facilius, quam cum reliquo corpore fixæ, unienda, accedant, maculam unam pluresque, quales primum anno 1611. Christoph. Scheunerus observavit, & Zahnus, præter alios multos, in Oculo Artific. descripsit.

Vid. & I. I.
Cap. V. 134.

Lib. I. C. III.
§. 42.

Syntagm. IV.
C. III. p. m.
194.

§. 9. Nam figura harum macularum irregularis est & mutabilis, quia subinde aliquæ ejusmodi bullulæ accedunt, aliquæ rumpuntur: color est obscurior, propter duplices bullulas: durant per aliquot dies, quia etsi rumpantur aliquæ, bullulæ hujusmodi novæ subinde accedunt: earum ingentem copiam pestis in planetis sequitur, quoniam copia macularum, uti ex modo dictis apparet, indicio est, dari multas bullulas nobiliores in planeris, & illæ ipsæ nobiliores bullulæ sunt causa pestis, de quo supra egimus; mutantur maculæ in faculas, non vice versa: quia faculæ sunt nihil aliud, quam maculæ, à copia intus enitentis ætheris ruptæ: hinc enim faculæ sunt multo majores maculis, quia nempe ob dictam rationem sunt magis expansæ: & sic maculæ mutantur in faculas, quando in eo sunt, ut rumpantur, imo & actu rumpuntur, faculæ vero non facile in maculas abeunt, propter copiam ætheris fixæ, qui semper

Lib. I. Cap. V.
sect. VI. §.
126. & seqq.

natura sua magis expansioni facularum favet, quam contractioni macularum.

De fixarum rotunditate.

§. 10. Rotundas esse fixas, sensus quadantenus docet, demonstrationes mathematicæ confirmant, nos earundem rotunditatem physice sic probamus: Quicquid nobis constat de solis natura, id de fixis quoque conijcimus; sol autem in centro planetarum suorum est constitutus, & æqualiter planetas suos illustrat, hoc idem ita se habere in fixis credibile est: unde cum singulæ particulæ radiantes, uti supra probavimus, natura sua habeant nisum accedendi ad centrum fixæ manifestum est, quod nisus hic non cessabit, nisi in figura rotunda: quoniam in omni alius figuræ superficie dabitur spatium centro proximius, quam alia spatia: regrediens ergo ex planetis corpusculum æthereum, & cum fixa elasticè conjungendum, quam potest proxime ad fixæ centrum accedet, & quamvis altiore loco sit constitutum, demissio tamen petet, atque sic efficiet, ut si vel maxime quadratæ vel alius figuræ fuerit fixa, à solis tamen accedentibus particulis æthereis fiat rotunda. Sit v. g. quaditum C. B. E. D. fixa aliqua, ad quam accesserit particula radians C. nisum accedendi ad centrum A prædita. Quoniam ergo punctum C æque distat à centro A, quam omnia puncta lineæ curvæ C. F. E non poterit prius particula aliqua in C consistere, quam spatium inter curvam C. F. E, & rectam C. G. E. particulis radiantibus fuerit repletum: nam omnia puncta hujus spatii intermediarii minus à centro distant, quam C. Hoc idem si fiat inter curvam C. B. & B. D. & D. E. figura generabitur rotunda.

De luce fixarum.

§. 11. Fixas dicimus per se lucida corpora, id est, quæ lumen suum non habeant, uti planetæ, ab alia stella communicatum. Lux autem nihil est aliud, quam actus radiandi, adeo ut quælibet particula ætherea luceret, nisi aeræ bullulæ ipsius impedirent motum: unde lux infert motum particularum radiantium, hinc ignis lucet, quoniam ejus particulæ semper sunt in motu: expanditur enim una,

rum-

rumpitur altera bullula, sic ignis semper in motu est, & ejus particulæ radiantes pariter: ipsa vero atmosphæra nostra, etsi satis multas in se foveat particulas radiantes, quoniam tamen earum motus à contrario motu bullularum aerearum suffocatur, ut motus particularum radians in dicta atmosphæra quiescat, ipsa quoque per se penitus obscura est, & tenebricosa. Fixæ veræ in se habent, quodcunque illud sit, principium movens ejus corpuscula à centro ad peripheriam planetarum, & vigore hujus principii alliduntur corpuscula fixarum ætherea ad corpuscula atmosphærarum planetarium, & atmosphærarum bullulas, & harum quoque particulas afficiunt radiantes, ut in motum ciccantur, radientque, & hoc ipso lumen nobis præstent diemque.

§. 12. Hoc ipsum principium id præstat, ut assentire Aristoteli, fixarum eandem cum cælo naturam statuenti, haud queam. Etsi enim cælum, ratione corpusculorum suorum, non differat à fixis, fixæ tamen etiam ex meris illis haud constant corpusculis, sed & præterea adhuc habent aliqua m, quæ circa centrum suum & radiose versus planetas moveantur, substantiam: unde multo minus elementaris putanda est fixarum substantia, sed omnino corporea; quod autem corporeum est, illud elementare quidem esse haud potest.

*De principio morvente fixas circa propria
centra.*

§. 13. Maculæ solares cum dierum XXVII. & IX. plus minus horarum spatio ad pristinum redeant locum, conclusum hinc fuit, quod sol circa proprium centrum totidem diebus moveatur, & quod de sole sic per tubum opticum observamus, id quoque de fixis per analogiam similiter nobis, neque citra rationem, persuademus: & cum illud ipsum principium haud dubie quoque radiosam emanationem præstet, quæsitum fuit haud præter rem, quale illud quidem esse possit? R. Si hoc seculum faveret hypothesibus principiorum spiritualium, nullam video rationem, quare non motum fixarum, veluti Aristoteles quondam motum cæli atque planetarum, per quasdam intelligentias, sive Spiritus, fieri dicam.

De Cælo L. I.
Cap. II.

§. 14. Non vero necesse est, ut substantiale ejusmodi principium hoc maxime seculo, principiorum substantialium inimico, supponamus: possumus hunc motum pariter, uti & ætheris & aeris contrarium motum concipere, præcipue cum motui illi duplici à centro ad peripheriam, & contra, naturaliter adhuc opponatur motus aliquis circa centrum, qui fixarum est proprius, & quem Aristoteles etiam ὡς περ αἰπ' αὐτῆς ἀληθείας ἀναγκασθὲς recensitis duobus motibus, nomine motus simplicis, addit. Nam nihil simplicius elemento est, nihil quoq; simplicius moribus elementaribus. Dicimus itaque, hos in natura motus dependere immediate à Deo, motum essentialem ætheris, eundemque, sed contrarium aeris, & demum principii cælorum fixæ seu solis motum: dignitas utique & sideris & operationis, & finis requirit, ut à Deo potius immediate, quam ab ullis principiis elementaribus, hicce dependeat motus.

De distinctione fixarum atque planetarum respectu finis.

§. 15. Fixas non ideo creatas à Deo fuisse, ut nostros hominum oblectent oculos, vel ex eo solo, præter alias rationes satis liquidas, abunde apparet, quod, fortuito casu inventionis telescopiorum, permultæ demum detectæ fuerunt fixæ, quæ citra hunc casum & nunquam ab ullo hominum fuissent observatæ, & tot retro seculis à nemine fuerunt conspectæ: unde cum firmum sit illud antiquum πολυθρύλητον, quod Deus & natura nihil faciant frustra, aliquis verus rectæ rationis examen sustinens fixarum usus elucere debet, & quidem vel ratione Dei, de quo difficillima erit dispectio, vel ratione aliarum creaturarum, & earum quidem vel spiritualium vel corporearum: at spiritus nulla stella, cui inhabitent, opus habent, & in planetis æque versari possunt, ac in fixis. Corporeæ vero substantiæ vel fluidæ sunt, vel solidæ: at illæ, quales sint, non apparet, & entium possibilem ignobilior sunt species, solidæ vero vel internæ in ipsa fixa habitantes sunt, vel externæ: illæ cum nullo alio exemplo comprobata habeant existentiam, (neque enim tales unquam in sole fuerunt observatæ) mere possibile sunt, adcoque suppetentibus

bus probabilibus, haud asserendæ : externæ vero aliæ si statuerentur, quam planetæ, possibilitas nullo exemplo fundata præferretur temere possibilitati exemplo stabilitæ, solis nempe nostri, qui est fixa inserviens motui atque directioni planetarum.

§. 16. Sic ergo his ipsis plus non probatum est, quam fixas posse esse totidem in suis cælis soles, id est, stellas, quæ circum se moveant atque dirigant certos planetas, nondum vero, quod vel certo, vel probabiliter tales sint : id tamen apparet, quod inter tres hæc possibilitates, (1) quod fixæ possint esse habitacula animalium, quæ Cusano atque Bruno placuit sententia; (2) quod possint esse objecta ipsius considerationis & veluti oblectationis Divinæ, quam posse quadantenus assumi sententiam, Hugenus all. I. existimat; (3) quod possint esse totidem soles, quæ Hugenio, nobisque, & multis aliis, probatur opinio, hæc tertia possibilitas à ratione recta debeat præ duabus prioribus ob dictam modo rationem eligi.

Vid. Hugeni.
Cosmoth.
p. m. 6.

p. m. 31.

§. 17. Sed uti infirmum quiddam, & vix meditatione nostra dignum, omnis mera possibilitas est, nisi ad minimum aliquid probabilitatis acquirat, ulterius nobis considerantibus & probabilis fiet hæc ipsa opinio per phænomenon cometarum. Hos infra docebo esse planetas, à proximis fixis in nostrum cælum ingressos: & quoniam, hætenus quidem, nulla alia datur hypothesis, uti suo loco apparebit, in quam æque facile atque native conspirent omnia cometarum phænomena, quam hæc, adversus omnes eos, qui meliorem de phænomenis cometarum non poterunt proferre hypothesin, quam nostram, qua sumitur esse cometa nihil aliud, quam proximæ cujusdam fixæ quidam planeta, valebit illatio, quod fixæ sint totidem cælorum suorum soles.

De novis Stellis.

§. 18. Hæc ipsa assertio nostra tanto evadit probabilior, si ex hac supposita aliud quoddam phænomenon cæleste, quod omnibus hætenus & physicis & mathematicis crucem fixit, facile possit intelligi. Est illud phænomenon novarum stellarum. Talis enim v. g. Tychoni fuit observata, quam in prolegomenis Histor. Eccles. admirandam stellam vocat, quæ circa finem anni 1572 apparere cæpit, atque per 16. menses duravit, antequam conspici plane

p. m. XCIX.

plane destitit. Hæc novas stellas puto esse certas fixas, quas in immenso hujus universi spatio objecti plures planetæ ita nobis occultant, uti luna sola aliquam sæpe partem solis nostri interpositione sua nobis è conspectu eripit, adeo ut singularis aliqua planetarum illorum circa varias fixas volutorum dispositio requiratur, quæ hætenus occultatam aliquandiu videre possimus stellam, quæ etsi mundo sit coæva, nova tamen putatur, quia hætenus ob interpositos illos planetas visui nostro non fuit obvia. Et quamvis hæc à Tychone observata stella non amplius dein fuerit visa, inde tamen nondum cum Sturmio licet concludere, quod vere fuerit nova, h. e. noviter exorta, & post aliquod tempus iterum destructa: nam pro varia dispositione atque motu planetarum occultantium, potuit etiam per multa secula occultari, dum si alius ex linea vitæ digreditur planeta, alius, & plures forsitan interdum simul, in eandem intrant. Nam quod vere novæ stellæ non sint, vel ex iis solum evincitur, quæ in collo ceti & pectore cygni, pluries & apparuerunt & disparuerunt.

§. 19. Cæterum quæ remotior antiquitas de natura harum stellarum fixarum sibi persuasit, fere illepidius excogitata videntur, ut non immerito suspiceris, non satis cordate & candide eorum opinioniones nobis fuisse relatas. Thales enim Milesius secundum Plutarchum putavit, esse eas corpora terrestria accensa. Anaxagoras, veritus, ne tandem incendio pereant & consumantur, correcturus opinionem Thaletis, eas pronunciavit esse lapides, igne candentes. Xenophanes, ne gravitate delabantur, metuens, nubes inflammatas esse credidit. Alii, quos inter & Epicurus erat, materiam igni & inflammationi parum aptam judicante has nubes, glebulenta quædam spissamenta, & intra exesos meatus ignita, de quibus vide hujus cap. §. 2. easdem esse crediderunt. Hæc omnia talia sunt, ut somniantibus digniora esse videantur, quam philosophantibus.

Compend. E-
rorem. p. m.
407.

Placid. Phil.
Lib. II, c. XII.

Id. ib. c. XX.

Ibid.

SECTIO III.

De

Usu veræ de Fixis doctrinæ adversus superstitionem & atheismum.

§. 20.

Fixarum generationem talem nobis exhibuit Cartesius, ad quam nullo diviniore, quam motus principio, opus sit, nec coquidem tali, quod virtutem suam continuare debeat, sed solo unico impulsu motum omnino perennem causari queat. Hoc quidem ipse principium Deum vocat, quod seu fiste fecerit seu serio, illud certum est, quod si aliquis atheus hominibus omnia divinæ existentiae argumenta creptum eat, comodiore ad suam intentionem, quam hac hypothesi, uti quidem haud possit. Nam materiam per se existere serio contender, motum ab ipsa materiæ gravitate accedere recte concludet, sic per se generabuntur & fixæ & planetæ.

De circulo causali & magno anno Platonico.

§. 21. Cæterum cum & fixæ suæ gaudeant, etsi tardo perquam motu, cujus causa nondum est cognita, Plato eum animæ mundi, quam & ipse, & Aristoteles etiam, Deum vocant, acceptum refert, & antiqua superstitione Ægyptiaca, ibi fata nostra scribi, existimat, unde omnia, quæ hic fiant, ex dispositione illarum stellarum dependere, quæ cum aliquot mille annorum circuitu (v.g. 12954. 15000. 36000. 24000. 49000. imo 460000. tot enim passim videas supponi) in pristinum redeant locum, omni in hoc terrarum orbe veluti illius dispositionis effecta restitui. Hanc sententiam quidem Plato in Timæo suo passim aperte satis indigitat, nullibi tamen, quantum mihi constat, tam clare exponit eam, quam Plutarchus in libro de Fato hunc fere in modum: cum eadem redierit causa, nos si ipsi facti eadem similiter faciemus: & pari modo etiam omnes

Vid. Alexand.
ab Alex. Genial, Diet.
Lib. III.
Cap. XXIV.
Item Abregé
de la Philosophie
de Gassendi Tom.
II. p. m. 77.

Bbb

homi-

homines: ea vero quæ deinceps futura, secundum deinceps futuram causam generabuntur & efficientur. Et in hac ipsa revolutione Plutarchus ponit naturam fati.

§. 22. Quamvis autem antiqua satis sit hæc superstitio subnata, ex duplici ignorantia, altera motus fixarum, altera, & ea quidem primaria, propriæ in varia, qua utimur fortunâ, culpæ, hodiernum tamen adhuc multorum animis insita viget, ut amore sui occæcati, malint inde à fixis arcessere infortunii sui causam, quam sibimetipsis eam ingenuo attribuere. Etsi autem nemo forte Christianorum huncce Platonicum annum, utpote Christianæ religioni adversissimum, calculo suo approbarit, videndum tamen pariter est, ne fati, nescio, quam vim cœlestem, agnoscendo, ipsum Platonis errorem anonymum revocemus.

Nac. Quæst.
L.III. XXX.

§. 23. Certe fatum ethnicorum hac maxime nitebatur superstitione: unde & Stoici eundem illum annum magnum statuebant, de quo ait Seneca: *Antiquus ordo revocabitur: omne ex integro animal generabitur, dabiturque terris homo inscius scelerum, & melioribus auspiciis natus.* Hinc etsi sano sensu aliquod naturæ fatum statui possit, tamen non astris illud, minime omnium fixis, debet suam efficaciam: stultosque & impios reddit homines persuasio de fato astrologico: dum eo ipso avertuntur homines, ne, uti decebat, veram malorum suorum causam in semetipsis quærant, & pravis suis affectibus eo minus resistunt, quo certius sunt persuasi, quod ii ipsi ab astris regantur.

SECTION IV.


De

*Ufu cognitæ fixarum naturæ in sanitatis prudentia.**An fixa peculiare herbis imprimant virtutes.*

§. 24.

Multi, quos inter & Theophrastus ille Paracelsus est, dum veram fixarum naturam, qua totidem soles esse deprehenduntur, ignorant, nec tamen frustra easdem à Deo creatas esse sibi persuadere possunt, in eam devenerunt opinionem, quod sicut metalla virtutes suas debeant planetis, ita vegetabilia suas à fixis habeant; unde multum referre existimant, si aliquo vegetabili velis uti, qua hora, quaque siderum constitutione illud quidem decerpas. Equidem error ipsorum forte fortuna, ratione numeri, sibi aliquam veri speciem foeneratur, dum uti sex sunt planetæ, ita & sex dantur metalla; atque uti innumeri pene sunt fixæ, ita & infinitus fere vegetabilium numerus. Sed vera fixarum cognitio, conjuncta cum experientia, docet, quod fixa cælo prospiciat suo, non alieno, quodque in usum suorum planetarum à Deo conditus sit; & minime in usum alieni atque peregrini planetæ vegetabilium.

§. 25. Hinc vero nemo concludat, quod quocunque tempore, & quacunque hora, vel colligatur herba, vel effodiatur radix, perinde sit. Nam etsi fixæ alienæ non influant in vegetabilia, nostra tamen fixa, sol nempe, omnis herbarum virtutis partem largitur dimidiam: unde si prudentes atque experti medici herbam ante solis ortum decerpendam præcipiunt, id quidem præceptum negligendum haud quaquam est: si vere vel autumno effodienda radix jubeatur, observandum id quidem omnino est, hora tamen & dies negligenda utique sunt. Pari se modo res habet, cum venæ sectione & purgatione, in quibus instituendis caute, si possis, respicies & lunæ phases & anni tempora, susque vero deque habebis reliquorum siderum positum.



CAPUT III.

De

Natura Planetarum.

S E C T I O I.

De

Aristotelis, Gassendi, atque Cartesii,

de

Natura Planetarum, placitis.

§. I.



Aristoteles de Planetarum natura parum habet, quod ad physicam pertinet: pleraque ejus sunt mathematica, & ea quidem pleraque erronea. Nam septem planetas statuit, cum sex solum sint primarii, & si secundarios quoque eo referre velis, sedecim ex observatione recentiorum numerentur, nempe sex primarii & decem lunæ: dein & falso eodẽ collocat ordine, primo Saturnum, dein Jovem, post Martem, hinc Mercurium, porro Venerem, tandem Solem, atque ultimo Lunam. Motus eorundem, uti supra jam dictum, à peculiaribus substantiis dirigi putat, orbibusque seu sphaeris eodẽ inhaerere.

§. 2. *Cartesius* suo præjudicio de vorticibus inserviens, putat ex fixis factos fuisse planetas, & quidem per maculas fixarum. Pingit enim maculas esse corpora mollissima & rarissima, ideoque facile frangere impetum ramentorum primi elementi, quæ in ipsas impingunt,

Vid. de Mundo
Cap. II.

pingunt, & illa sibi adjungere: sed successu tamen temporis perpoliri atque densari à solis substantia interiorum macularum superficiem: unde non facile putat easdem posse dissolvi, & fieri adeo posse, ut super totam superficiem alicujus sideris sese extendat macula.

Princ. P. III.
§. CII.

§. 3. Maculas autem putat fieri ex particulis striatis, per quas intelligit materiam primi elementi minutias, sibi invicem, ob figuras valde angulosas, & ad motum ineptas, adhærentes, & figuræ respectu latitudinis & profunditatis triangularis, quam dum inter globulos secundi elementi versantur, induunt, quantum ad longitudinem vero cochlearum in modum intortas esse, quam figuram mechanice assumant, dum inter globulos vorticis moventur à polis versus centrum, & ipse interea vortex circa suum movetur axem. Has itaque particulas striatas per polos ad fixam ferri contendit, & maculas constituere, quales in sole observamus.

all. I. §.
LXXXVIII.

I. all. §. XC.
& XCI.

§. 4. Ita vero interdum augeri harum macularum numerum, ut totam aliquam fixam contegant, quod si fiat, imminui virtutem fixæ, quo minus efficaciter satis à se propellere globulos secundi elementi, eaque ipsa propulsione veluti figere & sibi unire queat, unde fieri, ut à vicino aliquo vortice abripiatur hujus fixæ vortex. Destructo toto vortice transferri sidus maculis obsessum in alium vorticem, cum nempe, qui ex vicinis sit potentior, & ibi vel cometam constituere, vel planetam. Scilicet si sidus nostrum sit valde solidum, tum illud non adeo subsidere in vorticem, sed una cum materia vorticis agitatum transire in alium vorticem, & fieri adeo cometam, sin minus habeat soliditatis, ut infra terminum illum descendat in vorticem, sic una cum vortice circa illam fixam rotari, fierique planetam.

all. I. §.
CXVI. &
CXVIII.

all. I. §. CIX.

§. 5. Quapropter sic sibi demum omnem in nostro cælo planetarum generationem concipit, ut putet spatium nostri cæli, initio in quatuordecim (nam Cartesius duas saltem circa Saturnum Lunas suo tempore cognoverat) pluresve vortices fuisse divisum, eosque ita fuisse dispositos, ut sidera, quæ in centris suis habebant, multis paulatim maculis tegerentur, & deinde isti vortices, uni ab aliis destruerentur, ita quidem, ut quoniam Sol, Jupiter & Satur-

1. all. §.
CXLVI.

nus cæteris essent majores, hinc diutius fuisse eorum vortices conservatos, & reliqua sidera circa hos rotata, unde rationem reddit existentiz, & motus lunarum, circa Saturnum atque Jovem, horumque demum quoque vortices destructos demisisse sua sidera maculis loricata in vorticem solis: & si aliqui adhuc fuerint destructi vortices eorum, fixas mutatas fuisse in cometas.

Lib. I. C. III.
§. 5. seqq.

§. 6. Et hæc est Cartesii de natura Planetarum opinio: de qua id moneo, substat eam principiis à nobis jam supra passim refutatis: confundi perpetuo puram possibilitatem cum probabilitate in hypothesibus: quarum aliquas etiam tales ponit, de quibus cum ratione dubitari potest, an sint possibiles, v.g. in omni motu circulari esse conatum recedendi à centro, cum in multis statui possit conatus accedendi ad centrum, in plerisque vero neuter obtineat: cumque hunc conatum de materia cælorum probare deberet, frigide hinc probat, quod globuli hinc inde ab aliis globulis circumpositis non aliter quam lapis à funda retineantur: quis vero non intelligit, hanc probationem non posse applicari ad globulos soli proximos: dein principium peti, neque enim retineri possunt nisi jam supposito isto, de quo quærimus conatu: pergit Cartesius dicendo, quod hi globuli etiam premantur à materia primi elementi: sed & hæc materia, nullo alio modo, quam per suppositum à centro recedendi conatum, premere potest, unde hujus ficti conatus peræque exigitur probatio, quam ille tamen haud exhibet. Talis quoque est, quam passim supponit, cohærere sibi invicem per solam angulosam figuram minutias materiæ subtilissimæ, & hinc lapidem atque ferrea corpora componi.

vid. all. I. §.
LXIX.

§. 8. In ipsa quoque harum hypothesium applicatione non deest, quod jure desideres: fingit enim passim materiam primi elementi per polos in centrum vorticis ingredi, quod sane fieri non potest, per hujus materiæ conatum recedendi à centro motus. Nam simul ac vorticem alienum intravit, à centro motus recedit versus eclipticam, adeoque ad centrum peregrini vorticis nunquam per fictum hunc naturalem suum conatum accedere potest. Sic nulla ratione mechanica fieri potest, quod & palmarium in hisce demonstrationibus momentum est, ut fixæ globulos vorticis sui propel-

lant,

lant, eoque ipso sibi unitos conservent, efficiantque, ut vortex ab aliis vorticibus non possit destrui: quin potius contrarium fieri possit, ut nempe eo citius talis vortex, qui præter externos impetus etiam ab interno principio aliorum vorticum incursum exponatur, destruat, intelliget, qui rectius attendet.

§. 9. *Epicurus*, de cælestibus corporibus nihil præter possibilia admittens, de planetarum natura nihil affirmavit, hinc & Gassendus quæcunque de planetis habet, fere sunt mathematica, utpote, de magnitudine, ortu, occasu, motu & similibus, physicum nihil deprehendi.

S E C T I O II.

De

Natura planetarum nostra opinio.

§. 10.

Planetæ autem nobis videntur esse corpora solida, aerea, rotunda, à radiis solis circa suum axin, à motu vero ejusdem circa eundem volutata. Solida sunt, quoniam in plerisque, recentiorum solertia, maculæ sunt observatæ, & ubi observatæ nondum fuerunt, v.g. in Saturno atque Marte, manifeste nimia vel distantia, vel propinquitas, in causâ est: hæ maculæ probabiliter montes sunt, quales etiam de la Hire in Venere observâsse dicitur. Solida vero cum à nobis dicuntur, non ideo negatur, quod eorum aliquæ partes v.g. atmosphæræ, (his enim nullum planetam carere existimo) forte & maria, atque alia, sint fluida. Omnis enim naturæ virtus atque excellentia in fluido est posita, & aliquo jam mortis gradu laborat, quicquid est solidum.

§. 11. Hoc ipso autem apparet, quod aerea corpora sint planetæ: cum, absque eminentia motus ad centrum, soliditas concipi haud possit; aeris autem elementum est, quod illo gaudet motu: unde sicut duo elementa sunt æther atque aer, sic duo hujus universi corpora, fixæ atque planetæ, quorum illæ prædominans habent

habent elementum ætheris, hi aeris. Sicut autem infra demonstrabimus de terra nostra, quæ consensu recentiorum satis unanimi, quoque planeta est, quod aerea bullulæ ex polis ejus efferantur, & versus eclipticam regrediantur, ita hoc ipsum quoque de reliquis planetis credibile est.

§. 12. Luce quapropter etiam propria non gaudent planetæ: quia namque omnia corpora lucida ætheris abundantia polle-re debent, planetæ veto aerea sunt corpora, æthere quidem non penitus destituta, oppresso vero à nimia aeris copia, pater, quod planetæ quidem per se lucere nequeant.

Cap. II. § 15.
& seqq.

§. 13. Soliditas vero planetarum id efficit, ut animalium plures in iis versari species possint, quam si toti essent fluidi. Nam supra probavimus, fixas esse propter planetas, & terra nostra, non est dubium, quin absque sole neque moveri, neque fructus ullos proferre, aut animalia sustentare valeat: unde cum hodie indubium sit, solem reliquos etiam planetas eodem modo, uti terram nostram, afficere, clarum hinc est, quod in reliquis etiam planetis, & planetæ animalia & versari possint, & conservari. Et, si porro omnes ingenii nervos intendas, ut invenias aliquam rationem, quare planetæ à DEO possint fuisse facti, nullamque aliam invenias, quam quod debeant esse vegetabilium animaliumque habitaculum, hanc, eo ipso, quod unica est, valde judicabis probabilem esse.

Lib. I. C. VI.
§. 21. seqq.

§. 14. Atmosphæras in planetis dari, passim hætenus assertum, nunc etiam ex eo ipso, quod sunt corpora solida, probari potest. Scilicet nulla est unio corporum, nisi in fluido & per fluidum, unde solida, quatenus talia, uniri nequeunt: neque enim curandæ sunt vulgares mechanicorum implicationes, utpote nullum vere solidum corpus constituere aptæ, quod suo loco capite de tactu probabitur. Supra vero demonstravimus, quod in omnibus solidis, detur aliquis mercurius, & quod mercurius absque atmosphæra esse haud possit: unde clarum est, dari in planetis atmosphæras.

§. 15. Etsi autem forte aliqua sint rationes, quæ suadeant dicere, quod in planetis non sint nubes, illæ tamen & omni exceptione

ceptione haud sunt maiores, & inde, si nempe sumatur, nullas in iis dari nubes, nondum probabitur, nullas quoque iisdem circumfundi atmosphæras: quoniam atmosphæra non est proprium, nubibus obscurari. Nam nec in Ægypto pluviis, adeoque nec nubibus probabiliter, atmosphæra unquam laborant, quod Diodor. Lib. I. p. m. 7. Sicul. testatur his verbis: τῆς χώρας αὐτῶν ὅσης ἀνέμβεται κατὰ τὸ πλεῖστον, id est, dum eorum regio maximam partem caret pluviis, unde & à diluvio salvatos in Ægypto fuisse homines, idem auctor existimat. Et à priori etiam demonstrari potest, quod, si planetarum atmosphæra ex nullis nisi nobilioribus bullulis constare sumantur, nullas etiam nubes parere possint.

Vid. Lib. I.
C. VI. §. 18.
it.

Lib. III. Cap.
IX. §. 13. 14.

§. 16. Hæ planetarum atmosphæra inferius versus ipsius superficiem solidam crassiores sunt, quo altius assurgunt, eò subtiliores, ita ut summa demum subtilitate in substantiam cæli desinant, ibi nempe, ubi substantia cæli æqualiter est expansa. Nam quo pauciores insunt in bullulis aereis particulæ radiantes, eo gravior est bullula, unde descendit; quo plures, eo levior, unde in altum assurgit; & hac lege disponuntur, certo & immutabili ordine, & atmosphærarum bullulæ, & ipsius cæli: unde summa cujusque atmosphærae extremitas ejusdem expansionis est cum substantia cæli.

Vid. supra
C. I. §. 15.

§. 17. Rotundos esse planetas, mathematici seorsim probant, non tamen exacte sphericos eosdem existimant celebriores eorum, v. g. Isaac Newton & alii. Nos physice sic eorum sphericam demonstramus figuram: Est in planetis centrum aliquod gravitatis, ad quod moventur omnes bullulæ, sive simplices, sive compositæ: unde ubicunque datur spatium proximius accedendi ad centrum planetæ, experientia docet, quod omnia fluida eo tendant, quod ipsum, si ubique fiat, ut nullum tale proximius relinquatur spatium, sed, si quod detur, statim à fluidis planetæ partibus repleatur, sequitur quod dictæ partes fluidæ æqualiter distent à centro, atque adeo, quod sint rotundæ: sic ergo atmosphæra rotunda est, & Oceanus pariter, si quis in aliis planetis datur: Quantum vero ad partium solidarum figuram, in subsidium vocandæ sunt mathematicorum demonstrationes, quos ab ipsis petet, qui de rotunditate dubitat,

Phil. Nat.
Princ. Mathematic. Lib.
III. Prop.
XVIII.

§. 18. Ex nostra vero demonstratione sequitur, quod figura planetarum sit exacte sphaerica, quam tamen potius ellipticam putamus. Nam si quiescerent atmosphaera planetarum, non possent non exacte esse sphaerica: cum autem infra de terra simus probaturi, quod vera ejus atmosphaera non quiescat, sed semper in motu sit, progrediendo nempe à polo septentrionali versus australem, patebit suo loco, quod propter hunc motum exacte sphaerica terrae figura destruat: & cum quod de terra videmus, probabiliter etiam de reliquis planetis credamus, patet, quod eorum haud refragemur opinioni, qui planetas potius *σφαίροειδεις*, quam exacte sphaericos statuunt.

§. 19. Planetas porro dicimus à radiis solaribus circa suum axem volvi, qui est eorum motus diurnus: ubi inter recentiores fere dubio caret, quod circa suum axin moveantur; quod vero ejus motus causa sint radii solares, id non æque est in confesso, cumque praesentiam hujus causae nemo neget, sed de viribus atque aptitudine ad movendum maxime dubitetur, probandum hoc loco est, & quod radii solares movere planetas possint, & quod moveant, circa axim. Ad prius quod attinet, prolixè satis jam deduximus probationem illius supra, unde solum restat posterius.

Lib. II. C. I.
§. 19. & seqq.

Quomodo planeta moveantur circa proprium axem.

§. 20. Hoc ut recte intelligas, cogita, quod sol circa suum centrum moveatur, quodque radiis suis cum corporibus planetarum sit conjunctus, quod porro eodem tempore, quo circa proprium centrum movetur sol, rapere circa sese non possit planetas, utpote qui per longe majus spatium meare, & pernecitate inexputabili abripi deberent. Nam etsi planetae non resistent motui ratione gravitatis, tamen etiam per se non moventur, nec ad infirmam quamvis impressionem velocissime progrediuntur: eo quapropter tempore, quo sol circa proprium centrum volutetur, planetae haud possunt circa solem volvi. Hoc autem si fieri non potest, necesse est, ut radii puncta attactus, quibus quasi affiguntur planetis, mutant, quo ipso veluti totidem stimulis planetam circa proprium centrum pellunt: invadunt

vadunt enim planetam radii qui accedunt ad eum, quique cum eo jam sunt conjuncti, ii dum puncta attactus mutant, pariter invadunt, & sic multiplici invasione, infirma quidem, sufficiente tamen, uti supra probavimus, circa proprium axem movent.

Quomodo localiter moveantur iidem.

§. 21. Fieri autem haud potest, quin, antequam radii puncta attactus mutant, paululum tendantur, & antequam locum attactus derelinquant, aliquam etiam ad localem motum impressionem largiantur. Atque adeo sicut motus circa centrum maxime impressionem suam recipit, ab attactus mutatione, nova videlicet radiorum insitione, sic motus localis dependet à radiorum tensiva separatione à puncto attactus. Quod vero eodem tempore, quo sol circa suum axem movetur, planetæ non moventur circa solem, ratio est in proportionem virium moventis, radii nempe, ad celeritatem, qua movendi erant planetæ, si eodem tempore circumducendi erant: nempe cum tam validi non essent radii, ut tam velociter secum abducere planetas possent, relinquere eos debebant, cumque novi subinde planetis accederent, movebantur quidem hi, sed pro amplitudine spatii, quod emetiri debebant, jam longiore jam brevior tempore circa solem.

§. 22. Quæ hætenus dicta sunt de planetis primariis potissimum intellecta volo: secundarii planetæ lunæ sunt, & hæ ex mathematicorum observatione non moventur circa suum axem, de quarum motus physica ratione paulo ante, nempe Cap. I. §. 24. & seqq. egimus. Reliqua vero omnia, quæcunque de primariis planetis asseruimus, de hisce secundariis quoque valent. Sicut pariter, quæ de luna nostra manifestius observantur, utpote phasæ atque eclipses, ratio docet, quod pariter & in primariis planetis dari debeant, & telescopiorum curiosa applicatio idem de proximioribus planetis hætenus docuit.

S E C T I O III.

De

*Ufu hujus doctrinæ adversus atheismum
atque superstitionem.*

§. 23.

Multos prævideo hic desideraturos, quod de generatione fixarum atque planetarum, quod sapienter fecisse Cartesium, putabunt, nihil quicquam dixerim, & utraque solum, quid sint, non quomodo facta sint, demonstrârim. Sed respondeo, me omnino, quâ facta fuerint ostendisse: nempe sicut Divinus Moses ait, *dixit Deus, & factum est.** Sed parum hoc philosophice dici regeant: ego vero, nihil magis philosophice dici posse, persuasus sum. Philosophi enim veri hoc maxime est, dare & attribuerè Deo, quæ Dei sunt, ingeniiq; nervos in cognitionem divinorum operum intendere omnes: de quo nostro instituto nemo salva veritate calumniabitur, quod omnia per omnipotentiam Dei demonstramus: nos vero jure Cartesianam philosophiam accusamus, quod præclarissima Dei opera, quales sunt stellæ, pura mechanica necessitate confluisse temere, & forsitan quoque impie, asserat. Ego sane nihil erubesco ea dicere Divina, quæ nemo hætenus, ne Cartesius quidem, naturalia esse absque frequentibus, suo loco à me notatis, paralogismis probare potuit.

§. 24. Quod si lector à studio partium alienus hæc nostra cum Cartesianis recte conferet, nos in argumentis vere physicis longe plura probare atq; demonstrare, quam mechanicos, deprehendet. Nam vere per totam hanc physicam nihil absq; demonstratione sumimus, quâ quod nemo demonstrare potest, aut debet, nempe primorum principiorum naturam: ad hæc vero cum maxime pertineant duo illa elementa, ætheris & aeris, & illius veluti fons atq; receptaculum sint fixæ, hujus planetæ, eo ipso utraq; ad principia pertinent, & quomodo naturaliter facta

facta sint; demonstrari haud debent: illud enim fit naturaliter, quod ex principiis naturæ sit: unde & ipsa scriptura sacra Deum fecisse & terram & illa luminaria cæli in primo Geneseos capite adstruit, cuius contrarium Christianus Philosophus, nempe quod necessitate quadam mechanica coiverint, docere haud debet. Præter hæc prima ergo principia nihil absque demonstratione sumimus: at Cartesius atque mechanici centum alia ad suas demonstrationes absolvendas, fingunt, & adeo quod divinæ gloriæ relinquere debebant, perperam viribus mechanicis attribuunt, & sic argumenta Existentiæ Divinæ si non mortalibus penitus eripiunt, saltem imminuunt: non reprehendendi, si absque nugis, quod intendunt, probare possent.

§. 25. Sicut vero planetæ hoc modo nimis putantur naturales, minusque Divini ortus, quam revera sunt, ita contra Astrologiæ affectu, nescio quod *ἄνθρωπος*, non quidem ratione ortus, sed causæ potius, & effectus, planetis attribuunt, & ubi ob fixarum distantiam de earum influxu se vident triumphatos, planetarum provincias, utpote in cælo nostro longe propius nos ambientes, adhuc defendere allaborant. Hinc maleficos putant Saturnum atque Martem, beneficos Jovem atque Venerem, mediæ naturæ Solem, Lunam atque Mercurium; quæque mala atque bona speciatim quilibet inferat, apud suos videri potest auctores: quæ superstitione felices nebulones eo audaciores, & bonos infortunio oppressos, segnes atque animo dejectos reddit. Originem traxit ex vana Platonis, Aristotelis aliorumque de planetis persuasionem, qua putabant regi eosdem à divinis quibusdam naturis, quas intelligentias dixerunt. In Christiano autem orbe hætenus ex ignoratione causarum viguit hæc stulta opinio, obstericant ambitione. Nam dum affectus nostri plerumque malæ nostræ fortunæ fabri sunt, ad quædam etiam efficienda hebetior, quam nobis persuademus, intellectus acies est, paucis datum est, veram hanc invita philautia deprehendere infeliciores successus causam: plurimi omnia in sese quam rectissime constituta esse, Jovem jurarent lapidem, extraneamque causam suis obsistere conatibus præfracte putant: quam eo libentius ex astris accersunt, quo licentius iis affingere licet, quicquid animo fuerit collibitum.

§. 26. Sed quamvis planetæ propiores nobis sint, quam stellæ fixæ, ut eo facilius sua in nos immittere effluvia queant: quamvis etiam, quod Gassendus facit, nolim contendere, quod propter distantiam suâ in nos cælitus derivare impressiones nequeant, quippe qui non facile aliquid absolute impossibile naturæ, pronuncio; tamen ipsâ planetarum natura, rectius cognita, edocet, quod si, quocunque modo hic terrarum aliquid efficiant planetæ per contactum id fieri debeat, nec aliter possit: contactus autem alius, quam radiorum, ne exputari quidem potest; ergo si quid præstat planeta, per radios id efficiat, necesse est. Radii vero planetarum à sole sunt: Sol radios, quos uni planetæ immittit, alii non impertit: unde radii ex uno planeta in alterum reflexi per accidens eum videntur afficere, & non ex consilio Dei aut naturæ: unde probabile non est, tam debiles radios, per accidens ad nos pervenientes, tam nobiles edere effectus, ut fertilitatis & sterilitatis agrorum, valetudinis animalium, belli que & pacis causæ sint: etsi haud negem, fieri posse, ut aliquid rerum sublunarium debiliter, pro distantia sua, comparatione ad lunam instituta, immutent: ita tamen, ut hoc ipsum exigui valde momenti sit, cum luna longe propior, magno suo jubare, vix alicujus momenti effectus luminis sui immissione edat: ubi tamen notandum, quod id, quod fieri posse concedo, non ideo probabile esse asseram.

De superstitione numeri septenarii, & magia superstitiosa,

Roberti Fluddij, Corn. Agrippæ, & auctoris Claviculae Salomonis, itemque Arbatel de Magia veterum, & Semiphoras & Shemhamphoras Salomonis Regis, aliorumque.

§. 28. Singularem vero hoc loco virgulam censoriam jure meritoque sibi postulat superstitio numeri septenarii, qua superstitionæ magiæ affectu Robertus Fluddius, Corn. Agrippa, & alii in numeri,

numeri, se valde dant turpiter. Præcipue auctor Claviculæ Salomonis ita ineptit, ut septem statuat arcana summa, septem media, & septem minora: septem spiritus olympicos, Arathron, Bethor, Phaleg, Och, Hagith, Ophiel, Phul, qui præfecti sint CXCVI. regionibus, ex quibus Arathron septies septem seu XLIX. Bethor sexies septem seu XLII. Phaleg quinquies septem seu XXXV. Och quater septem seu XXVIII. Hagith ter septem seu XXI. Ophiel bis septem seu XIV. & Phul septem gubernent: quos spiritus ut quis rite in sua pellicere servitia possit, septem suppeditat præcepta, quæ recensere piget.

§. 29. In libro Arbatel iidem spiritus recensentur, & septies septem Aphorismis tota magia hæc superstitiosa comprehenditur. In libro Semiphoras, septem recensentur Semiphoras: item septem altitudines planetarum, & septem Angeli, septem angeli superiores, qui singuli ibidem recensentur, & cum septem planetis, & qui hic nominantur, & qui supra, subinde conferuntur: quæ singula tam sunt stulta, ut, nisi speciosis quibusdam sententiis pietatem mentirentur atque sublimitatem, ne quidem refutatione digna viderentur. Nam etsi patroni talium, forte interdum vere quiddam non tralatitium perpetrent, id tamen haud quaquam ulla alia, quam imaginationis suæ, hisce nugis roborata, ope fortasse præstant.

§. 30. Interim quilibet veritatis studiosus certissimus esse potest, quod hi libri nugas & inanitates doceant, si consideret, quod inter magnifica illa, quæ ab hisce nugatoribus promittuntur, etiam hoc sit, quod spirituum horum subsidio occulta naturæ pervestigari possint, & nihilominus hæ omnes doctrinæ illi veterum de septem planetis præjudicio ita innituntur, ut hoc destructo fundamento, quicquid reliquum est, corruat. Cumque multis veterum præjudiciis, saltem colore aliquo, subvenire possint eorum recentiores affectæ, infelix hoc præjudicium nullum admittit. Nam nullo sensu, secundum recentiores observationes omni exceptione majores, dici potest, quod sint septem planetæ. Quodsi enim solos primarios intelligas, sex sunt, non septem

septem, siue terram planetam credas, siue centrum cæli putes: si solos secundarios intellectos velis, nempe lunas, decem sunt, non septem, si & primarios & secundarios, sedecim sunt in universum: si sex planetas cum suo centro sumas, luna exesse debet, & terra connumerari, secus atque in hisce libris fieri assoler.

§. 31. Si putes, corrigi sic debere magiam, non penitus rejici, expungendamque lunam, & terram substituendam, respondeo, sic tamen omnem magiam veterum hisce principiis superstructam inanitatis convinci: nam si vera fuisset ipsorum ars, debuissent ejus ope scivisse, quod præter nostram lunam in cælo adhuc dentur, novem aliæ. Cæterum & aliis adhuc manifestis hoc ævo erroribus scatent hi libri, v. g. quod subinde quatuor supponant elementa, quæ cordationum arbitrio pridem explosa sententia est.

§. 32. Quantum ad prudentiam circa sanitatem, nihil hic peculiare, & diversum ab eo, quod supra de fixis diximus, occurrit.



CAPUT



CAPVT IV.

De

Natura Cometarum.

SECTIO I.

*Opinio Aristotelis, Gassendi, atque
Cartesii de Cometis.*

§. 1.



Aristoteles antiquo illo de motu cæli, circa terram, præjudicio innisus, sic sibi Cometarum genesin imaginatur: Scilicet supponit summitatem atmosphæræ esse calidam & siccam exhalationem, hanc, nec non & inferiorem aerem continuum, à cæli circa terram conversione circumrotari: hinc fieri, ut sæpe, si *ἔνκαρ* sit illa exhalatio, igniatur à motu circulari: quod si hæc exhalatio sit spissa satis, ut lente nutriat ignem, & hic adeo non statim, consumpta materia, extingatur, (quod stellæ disparentis seu cadentis est) ut interea inferius adscendere alia *ἀναθυμίασις ἔνκαρ*, seu bene temperata exhalatio, queat, Cometam ex hac accensa exhalatione fieri, qui figuram exhalationis repræsentet, unde cometem, vel barbatum fieri, vel comatum, vel caudatum.

Meteoror.
Lib. I. C. VII

§. 2. Cum vero sic Aristoteles sumat cometem in summitate atmosphæræ versari, & Tycho pridem solidissimis rationibus probarit, eos saltem supra lunam constitutos esse, non, quod in altiore regione eos cursum suum peragere, hac ipsa assertionem negat, sed id

D d d

solum

solum adversus Peripateticos evicerit, longè altiore eos, quam quidem Aristoteles credidit, occupare locum, vel sola hæc demonstratio sufficit ad probandam hypotheseos Aristotelicæ vanitatem. Accedit, quod hac hypothesi Stagiritæ fere nullum aliud, quam luminis cometæ phænomenon explicetur, non motus, non incrementum, & decrementum, non tempus durationis, non facies stellæ, imo nec coma, cauda & barba. Hanc Aristotelis opinionem pluribus à Seneca refutatam vide Nat. Quæst. Lib. VII. Cap. XXII. & XXIII.

Vid. Animadvers.
Gassendi in
Lib. X. Diog.
Laert. Tom.
I. p. m. 592.

§. 3. Epicurus, in hoc quoque argumento, suo illo ἐνδέχεται, seu fieri potest, utitur: unde nec Aristotelis improbat sententiam, nec eorum, qui astra mundo cœva putant cometas, opinionem rejicit: hinc & Gassendus varias quidem variorum opiniones recenset, & erudite, uti solet, refutat; ipse tamen, ad imitationem Epicuri, nulli se addicit opinioni.

Lib. II. Cap.
III. §. 4.

§. 4. De causâ atque modo generationis cometarum, quid sentiat Cartesius, supra jam fuit indicatum, atque refutatum: unde cum nullibi fere licentius fingat, quicquid in mentem venit, Cartesius, quam in materia cometarum, recensendis illis atque norandis fictionibus, bona, ut spero, lectoris pace, supersedebo, ideo, quod supra jam ipsam illam, quam de natura cometarum sibi formavit, ideam nullius momenti esse, probavi: destructis vero fundamentis, frustraneum videtur esse, ædificium operosis ictibus arictare.

SECTIO II.

De

Cometis nostra sententia.

§. 5.

Sæpius magis ex usu veritatis est, nondum patuisse hominibus, quam iis innotuisse, qui eam imperfectius, etsi recte, cognitam propalant. Hoc ipsum docet exemplum doctrinæ cometarum.

tarum. Mea enim opinione, credo & veritatis consensu, cometæ sunt astra mundo cœva. Hoc idem jam olim, ex mente Chaldaeorum, docuit Diogenes, de quibus, ait Stobæus, quod statuerint, cometas esse planetas, qui non, nisi quando humiles fiunt, appareant, ac ab iis, qui stellas esse nesciant, cometæ vocentur. Eisdem Chaldaeos prædixisse cometas, solisque & lunæ eclipses, auctor est Diodor. Sicul. his verbis: *ἔστι δὲ ὅτι κομήτων ἀστέρων ἐπιτολάς, ἐστὶ δὲ ἡλίῳ τε καὶ σελήνῃς ἐκλείψεις*, scil. *προλέγεισι*, quod idem & Apollonius Myndius testatur, nempe cometas in numero stellarum errantium poni à Chaldaeis, tenerique cursus eorum: Quamvis autem Epigenes contrarium asserat, Chaldaeos nempe nihil de cometis habere comprehensi, sed videri illos accendi turbine quodam aeris concitati & intorti; vere tamen sibi invicem contradicere necessario putandi non sunt, cum alterius assertio de communi Chaldaeorum opinione intelligi possit, alterius de singulari.

Vid. Gassendi
Animadv. verf.
Tom. I. p. m.
592.
Lib. II. c. XI.
p. m. 82.
Vid. Seneca
Nat. Quæst.
Lib. VII.
Cap. III.
Id. ibid.

§. 6. Hæc de cometis opinio placet quoque Senecæ, hinc ita infit: *Ego nostris non assentior. Non enim existimo, cometen subitaneum ignem, sed inter æterna opera naturæ*; ipse tamen fatetur, sibi nondum omnia de cometarum natura constare, de futuris autem seculis ita vaticinatur: *Veniet tempus, quo ista, quæ nunc latent, in lucem dies extrahat, & longioris ævi diligentia*. Et sequenti capite: *Erit, qui demonstret aliquando, in quibus cometæ partibus errent, cur tam seducti à cæteris cant, quanti qualesque sint. Contenti finis inventis; aliquid veritati & posteris conferant*. Etsi ergo generaliter sic concepta de cometis hypothesis sit verissima, relicta tamen quædam circa cometarum circumstantias dubia, eam ita ex animis eruditorum per tot secula aboleverunt, ut vix à paucis nostri ævi ulterius exculta, olim jam sat feliciter excogitata, fuerit hypothesis.

Cap. XXV.

§. 7. Sunt hi, Petitus, Cassinus, Bernoullius aliique, qui generaliter nobiscum consentiunt, esse cometas corpora mundo cœva, quorum tamen, ratione reliquorum, opinio cum nostra per omnia haud congruit. Nos enim cometas putamus esse planetas, qui circa proximas cælo nostro fixas tanto orbe volutentur, ut cælum nostrum certo tempore attingentes, à radiis solis nostri, veluti plane-

tæ ejus-

ta ejusdem ordinarii, illustrentur. Ex hac hypothefi confidimus, mirabilia quæque eorundem phænomena, nullo prope negotio, & absque ulla quidem hypothefi subsidaria, ex communibus nempe de cætero principiis, deducta dare.

§. 8. Sicut autem nobis ipsis nondum contigit observasse cometam, ita in rebus, tanto à nobis intervallo remotis, nequaquam ita nostræ inhærebimus opinioni, ut nullis experientiæ phænomenis inde nos dimoveri patiamur. Nam in re, cujus citra aliquam nostram culpam sufficienti destituimur experientia, absque dedecore poterimus mutare sententiam: certo nihilominus persuasi sumus, quod cometæ sint ipsi mundo cœva corpora, valdeque nobis probabile est hætenus, esse eosdem planetas proximarum fixarum, & à dissentientibus adductæ rationes nondum nobis hanc hypothefin infirmare videntur.

De cometarum cauda, barba & coma.

§. 9. Principale phænomenon, quodque etiam Petito, aliisque negotium facessivit, cometæ, quo torve superbit, syrma est: de quo docet experientia, quod, si cometæ soli nostro sint oppositi, criniti sint, sin alio quocunque adspectu gaudeant, barbati vel caudati; quod quomodo fiat, sic nostra docet hypothefis. Sit A. fixa, sive sol cometæ, qui radiis suis R.R. S.S. T.T. U.U. excurrat per cælum suum, & solis nostri B radiis. X.X. Y.Y. Z.Z. a.a. obviam detur, sic necessario in punctis attractus, v.g. R.R. & U.U. nova dabitur radiatio, circumcirca versus A & B. aliquousque prolata, donec motus radiativus sensim evanescat, qui facile supponitur perire, antequam ad terram nostram perveniat, si nullus adsit cometa: nam terra nostra sic satis à regione Saturni distat, & forte, si qui essent in Marte aut Jove homines, cometæ viderent, qui nobis nunquam apparent.

Vid. Tab. II.
Fig. 29.

Vid. Fig.
eand.

§. 10. Quodsi vero in regione Saturni versetur cometa, radiatio in R.R. & U.U. occurssu utriusque radii excitata, ad cometam Galliditur, & hic novum sortitur vigorem, unde singulæ particulæ inter R.R. & G. itemque inter U.U. & G. constitutæ, aucta vi sua, radiationem circumquaque proferunt: sic ea quoque, quæ
inter

inter R R. & cometem G. est, ad oculum L. pervenit, & ea, quæ inter U U. & eundem excitata est, oculum N. fierit, neque contra; nam corpus cometæ obstat, quo minus vel radiatio R R. ad N. vel radiatio U U. ad L. penetrare queat: quodsi ergo cometa sumatur procedere ex E. in F. oculus N. videbit caudam P P. & oculus L. barbam O O. Omnis enim visio inde incipit, unde lumen venit: venit autem hoc loco ex R R. & U U. non autem solum à punctis R. & U. sed & aliis, hinc ad cometam usque, lumen oritur, unde tota illa cæli longitudo ab R R. ad G, & U U. ad idem, videtur.

§. 11. Neque vero vel caudam P P. vel barbam O O. videt oculus M. quia lumen fortius obfuscatur, imo & tollitur, minus. Scilicet directiores radii Y Y. & Z Z. sunt, qui efficiunt oculum M. qui quoniam sunt fortiores, ideo radii, qui à coma & cauda cometæ perveniunt ad oculum M. non sentiuntur. Coma vero Q. hoc modo constituitur: obviæ feruntur radii S S. T T. radii Y Y. Z Z. hi dum repelluntur ab illis, novam eamque fortiozem radiationem constituunt, eoque ipso comam oculo offerunt, qualis &, propter eandem rationem, quodammodo in cauda atque barba apparet. Nam oculus L. dum non videt caudam P P. sed barbam O O. videt tamen comam à cauda P P. formatam, unde est, quod Gassendus observavit, *quod nempe ambitus capitis cometæ inferne, hoc est, versus solem atque horizontem, conspectus telescopia satis exquisitè rotundus fuerit; at superne, hoc est, qua ipsi cauda hærebatur, dirigebaturque versus occasum, inæquabilis ac velut crispatus.*

Vid. Fig.
cand.

Animadv.
Lib. I. p. m.
596.

§. 12. Et sic etiam apparet, quare ut plurimum cometarum caudæ prope caput compressiores, deinceps vero, quo longiores, eo latiores sint. Scilicet bullulæ atmosphæricæ cometæ H H. H H. minores sunt quam bullulæ cæli, huius quoque bullulæ inde à cometa versus R R. fiunt majores: intra bullulas vero radiant particulæ, unde & radiationis ambitus inde à cometa versus R. R. crescit. Et si autem spatium intra lineas D C. & F E. comprehensum sit cælum commune fixæ A. & solis B. bullulæ tamen, in quibus radiant particulæ oculum nostrum afficientes, cæli nostri sunt, non fixæ: huius quippe bullulæ nullam cum atmosphæra nostra communicationem

Vid. Fig.
cand.

habere possunt : ex qua communicatione etiam intelligitur, quare aliquæ caudæ longiores sint, aliæ breviores ? nempe virtus solis nostri non in infinitum pergit, sistitur alicubi, quo non pervenit, illud etiam exhibere oculis nostris nequit : ad eos vero cometas tam vide & prolixè non allabitur suis radiis, qui sunt à nostro cælo remotiores. Illud etiam sic satis constat, quare ignei fere coloris sit tum caput cometæ, tum cauda : multitudo enim ætheris, & hinc nata varia reflexio in causa est : unde etiam mirandum haud est, colore à planetis penitus differre cometem : nam triplex in cometa concurrir particula radians, primo immissa à fixa, dein reflexa à cometa, tertio à sole nostro allabens.

Vid. Sturm.
de Nat. Co-
mer, Cap. II.
phæn. XXII
& XXIII,

§. 13. Quodsi hæ circumstantiæ in aliis paululum variatæ sunt deprehensæ, ut cauda v.g. fuerit incurvata circa extrema, fluctuativè aut radios expuerit, vel subito facta fuerit brevior, mox longior &c. aliquid oculorum lufui, aliquid nostræ, aliquid cometæ atmosphæræ, itemque diversitati distantæ tribuendum, ex quibus omnibus variis modis dependere possunt dictæ varietates.

§. 14. Nec est, quod putes, parvum ejusmodi cometulam sisti pariter debere à duabus candelis corpus aliquod opacum utriusque illustrantibus. Nam magna est differentia, si hæc talia fiant in cælo, & in aere atmosphærico, qui cum ubique æqualis sit, & atmosphæriculas corporum sibi sic satis assimilet, æqualiter illustratur, non inæqualiter, uti cælum & atmosphæræ cometæ. Quid multis? Ego spondeo, me præstiturum hoc experimentum, si tu mihi prius unica candela accensa, citra artificium mechanicorum, sola candelæ præsentia, repræsentaveris faciem stellæ.

*Quare jam versus polos, jam versus Eclipticam
appareant.*

§. 15. Docent observationes, quod cometæ jam versus polos appareant, jam versus Eclipticam. Scilicet prout fixa, cujus cometa est planeta, vel hic constituta est vel illic: unus tamen idemque cometæ semper eodem loco cælum nostrum ingreditur: unde & plures simul apparere possunt, prout anno 1529. quatuor simul appa-

apparuerunt, & octo aut novem solo anno 1618. quod refert Boyle
Pensées diverses sur les comètes p. m. 99.

De diversa duratione.

§. 16. Cometarum omni ævo vix tres reperiri, qui in sextum
usque mensem duraverint, auctor est Sturmius; plerique aliquot solum
septimanas perdurant, aliqui non nisi unum, duo, pluresve dies
conspiciuntur, & ex nostra quidem hypothesi id non est mirum.
Nos enim, quod de suo cometa observavit Petitus, *extrorsum in-*
curvatam esse cometæ semitam, quasi circa canis majoris (aut
aliud astrum) inflexam statuimus, unde per circuli aliquod seg-
mentum in cælum nostrum intrat: hoc prout majus est minusve,
ita cometa nobis diutius breviusque est conspicuus. Ex eadem
quoque ratione deprehensum fuit, quod vix multo plus, quam di-
midium cæli, unquam aliquis percurrit cometa.

De Natur.
Comet. p. m.
115.

Sturm. all. I.
Cap. IV.
§. 170.

De motu eorum diverso.

§. 17. Sicut vero planetæ nostri & motu proprio moventur,
& communi, sic pariter cometæ. Et proprius quidem eorundem
morus, quamvis sibi semper constet, alius tamen versus hanc, alius
versus aliam plagam movetur, v. g. versus orientem aut occidentem,
qui motus ideo in diversis diversus est, prout hic illo, alius alio mo-
tu circa fixam suam movetur. Eadem ratio est, quod alii cometæ
tardius moventur, alii velocius, prout à natura alius circa fixam
suam tardius, alius rapidius movetur. Imo qua ratione aliàs no-
tum est, quod planeta jam directus sit, jam retrogradus, eadem &
unus idemque cometa jam citius provehitur, jam lentius.

§. 18. Quod vero cometa sub initium minor est, & respec-
tu corporis & luminis, sicut & pariter sub finem, id ex eo facile in-
telligitur, quod utroque termino à nobis est remotior, proximus
vero sub medium tempus, unde & tunc maxime apparet splendi-
dus. Etsi vero aliquæ observationes perhibeant, cometam statim
apparuisse satis illustrem, id inde videtur contigisse, quod non simul
ac cælum ingressus est nostrum, ob aerem nubilum, fuerit obser-
vatus.

Vid. Tab. II.
Fig. 29.

De

De recurſu cometarum.

Nat. Quæſt.
Lib. VII. C.
XVII.

§. 19. Statas vero periodos obſervare cometam debere, ex diſtis colligitur, adeoque certo tempore recurrere. Jam olim vero fuiſſe, qui hunc recurſum ſtatuerent, ſupra de Chaldæis probatum fuit, quod etiam haud obſcure ſubindicat Seneca, quando ait: *Nec eſt, quod putemus, eundem viſum eſſe ſub Claudio, quem ſub Auguſto vidimus: nec hunc, qui ſub Nerone Cæſare apparuit, & cometis detraxit infamiam, illi ſimilem fuiſſe, qui poſt necem Divi Julii, ludis Veneris genetricis, circa undecimam horam diei emerſit.*

§. 20. Recurſum hunc, recentiſſimi quoque ſcriptores, Petitus, Bernoullius, alique tam firmiter ſibi perſuadent, ut etiam proxime quinque nempe abhinc annis, anno puta MDCCXIX. ad diem 27. Maji ſtyl. vet. in 1. gr. 12. min. libræ eum, qui anno MDCLXXXI. eſſuſit, rediturum prædixerit Bernoullius; unde ſi eventus ita ſit reſponſurus, nemo abſque pertinaciæ nota amplius negare poterit, eſſe cometas ordinaria cæli, & mundo cœva, corpora. Quodſi vero ſecus accidat, nondum hoc ipſo reſutata erit noſtra hypotheſis, ſed calculus & ingenium denuo erunt exercenda: quod enim Chaldæi quondam potuerunt, illud noſtros quoque poſſe, quis temere eat inſicias?

De eorum, qui admittere nolunt, cœvos mundo eſſe cometas, rationibus.

De Nat. Co-
mer. Cap. V.
ſ. V.

§. 21. Tria maxime urget phænomena Sturmius, quibus perſuadeatur, verioſorem eſſe Hevelii ſententiam, quam Petiti: hæc allegavit cap. II. ſuntque XII. XIII. & XIV. Primum phænomenon hujus tenoris eſt, quod faciem prorſus aliam per teleſcopia ſpectati exhibeant, quam vel fixæ, vel planeticæ ordinariæ. Nam nuperriſimum, quem anno LXXI obſervaverat ipſe, prunam retuliſſe candentem, aut maſſam interminatam triſti ac fumido quaſi lumine, in medio paulo magis, ad extrema minus colluſtratam potius, quam ſtellæ diſcum rotundum ac vivida luce coruſcantem. Reſpondeo

spondeo autem, hanc objectionem ex hypothesi nostra facile dilui: nam quod facies cometæ alia sit, quam fixæ, id hinc est, quod cometa non est fixa, sed planeta: quod vero aliam quodammodo faciem habeat, quam aliquis nostrorum planetarum, id ideo contingit, quod duplici collustratur lumine; difficiliusque responderetur, si faciem haberet plane eandem: quod referat prunam candentem fumidumque lumen, id ex occurſu utriusque radii est, & copia ætheris: quod in medio paulo magis, ad extrema minus sit collustratus, in causa forsitan est, quod medium sit pars ejus solida, extrema vero sint cometæ atmosphæra.

§. 22. Phænomenon vero XIII. id refert, quod observatum sit, cometas fuisse successu temporis in plures nucleos resolutos, hos dein faciem stellarum seorsim induisse. Sed primo respondeo, hoc observari non in omnibus cometis, & esse hoc phænomenon difficile non nostræ solum hypothesi, sed & Hevelianæ, & quibuscunque aliis: fieri enim potest, ut nostra hypothesis sit verissima, & nihilominus propter ignorationem vel unius solum circumstantiæ, qualis posset esse, si forte fallacia sensus subsit, vel quod Petitus putavit, fixæ spectarentur, difficultas hæc non possit tolli. Si mihi ipsi daretur, cometam contemplari, animadverterem, annon forte illæ ipsæ minores stellæ, in quas major cometæ nucleus resolvitur, sint ejus lunæ. Quoniam in suo cælo id est, quod in nostro Saturnus, & hic pluribus stipatus lunis est, plusquam possibile videtur, tales quoque lunas circa planetam extremum proximi cæli circumvolvi: has, propter distantiam, in unum primo corpus videri cum cometa coagmentatas: propius vero si accedat ille, tum demum paulatim distinctius atque distinctius eas conspici: quod si aliquæ iterum evanuisse deprehensæ sunt, factum id forte fuit, quoniam motu suo infra cometam se abdiderunt. An vero hæc nostra conjectura vera sit, annon, vel nobismetipsis impostero, applicato tubo, vel aliis, eodem modo apparebit, si vivendo aliquem attigerimus cometam.

§. 23. Tertio phænomeno, XIV. nempe, refert, quod in quibusdam cometis observatum sit, quod sub finem, quando à terra discedunt, majores per telescopium, ratione diametri suæ, fuerint

Ecc

obser-

observati. Hoc phænomenon æque difficile est illi hypothefi, quæ non cœva mundo statuit corpora cometas, quam ei, quæ statuit: & cum in quibusdam solum cometis & hoc, & quod proximo referebatur phænomeno, quod ipse fatetur Sturmius, observetur, haud dubie utrumque aliquid cometæ accidentale est, non essentialē: unde male ratiocinatur Sturmius, dum propter accidentalem aliquam difficultatem putat Petiti hypothefin esse rejiciendam. Nam sicut propter accidentale aliquod phænomenon hypothefis non debet eligi, ita propter idem quoque non debet rejici: nec melius Heliana hypothefi, quæ Sturmio arridet, explicari potest, quare hoc ipsum in quibusdam cometis sic observetur: multum quippe tanta in distantia lunarum motus, & nubium forte præsentia, illudere visui possunt. Aliter judicandum foret, si tale phænomenon hypothefi nostræ directe contradiceret. Pariter habendum de altero rariore cometæ phænomeno, quo ejus interdum incurvari cauda deprehenditur, de quo vide ibid. cap. V. phæn. IX.

§. 24. Addit adhuc argumentum, quod sibi non minimum ad rejiciendam hypothefin, de cometarum perpetuitate, pondus addidisse fatetur, nempe, quod dum elliptica linea moveri (quæ de motu cometarum sententia nobis quoque hætenus arridet) cometas asserat Petitus, & cometa intra duos vel tres menses magnam suæ ellipseos partem emensus sit, intra paucos annos totam absolvere debeat, cum tamē Petitus illis periodum 46. annorum attribuat. Sed respondeo, de periodo nondum possumus esse satis certi: quanta vero sit ellipsis, nemo scire hætenus potest: accedit, quod & fieri possit, ut cometa, quamdiu in nostro est cælo, citius moveatur, quam ubi in suum rediit. Sicut enim sui cujusque fixæ radii movent suos planetas, uti supra probatum est, ita alieni etiam possunt propellere: & si forte observationes hanc possibilitatem refutent, aliæ adhuc possunt esse causæ, quæ cometæ in nostro cælo cursum promoveant, telescopiave illudant ratione longitudinis lineæ, cui fallaciæ obnoxium esse telescopium tanto credibilius est, quod in hisce phænomenis singulis duæ luminis, quo videmus, concurrant causæ, duæ nempe fixæ, unum eundemque planetam illu-

illustrantes, quæ in tota alias natura nullibi concurrunt. Huc accedit, quod variis simul fixis illustrari cometa possit, & aliquæ ejus anomalix hinc etiam oriri.

§. 25. Ex dictis autem sic patet, nullum adversus sententiã, de perpetuitate cometarum, dari phænomenon contradicens: hætenus enim allata omnia non sunt contradicentia, sed difficilia solum, & quidem non nostræ hypothesei solum difficilia, sed & aliis. In Sensu autem Veri & Falsi probavimus, quod unicum quidem phænomenon contradicens evertat hypothesein, quod vero id ipsum vel Lib. III. C. I. §. 11. seqq. plura difficilia præstare nequeant.

De annulo, ansisque Saturni.

§. 26. Aliquod nihilominus rem candide perpendenti & eloquenti, videbitur contradicens phænomenon nostram affligere hypothesein: quia si veræ sunt, quas supra allegavimus, causæ, quæ cometæ vel comam, vel caudam, vel barbam conciliant, sequitur, quod Saturnus quoque noster debeat esse cometa perpetuus. Respondeo, si hoc nomine compellare Saturnum velis, non adeo repugnarim, dummodo memineris, quod, sicut aliquot modis differt à reliquis cometis Saturnus, ita quoque aliquot circumstantiæ, quantum attinet ad comam, caudam atque barbam, secus sese habere, ac in cometis stricte sic dictis, debeant. Differt autem motu, dum Saturnus centrum motus sui in cælo nostro habet, cometa in alio: porro, quod cometa propius ad nos accedat, quam Saturnus. Nemo itaque miretur Saturnum cauda & barba destitui, tam prope enim ad nos non accedit, ut tanto firmate superbire possit: veram autem barbæ & caudæ causam in accessu & regressu positam esse, supra probavimus. Nemo §. 9. miretur, quod prunæ ad instar ejus lumen haud coruscet, quoniam & ipsa crasis cometæ, uti in Marte nostro, illum colorem generare potest, & propior ad nos accessus suum quoque conferre. Ansæ ejus & annulus instar aliquod comæ habent; mutationes earum haud dubie à mutato dependent situ: qui situs duplex est, alter ratione nostri,

alteratione luminis à proximis fixis allabentis. Nam accuratiores observationes impotterum docebunt, an ab una solum fixa, an vero à pluribus affluat lumen.

§. 27. Sic ergo patet, quod non solum de Saturno mota obiectio nostræ hypothesei haud contradicat, sed & eandem egregie confirmet: præcipue cum in *solo* Saturno hoc observetur, & hactenus nulla verosimilior ratio adduci potuerit, quidnam hæ Saturni ansæ, & hic ejusdem annulus esse possint: quod enim vulgo credunt verum aliquod corpus esse, quod sic ambiat Saturnum hoc plus quam *durare* haud esse, deprehenditur.

SECTION III.

De

Usu hujus doctrinæ, adversus superstitionem maxime.

§. 28.

QUO major est ignorantia, eo pertinacior semper est superstitio: unde cum diu satis, quid vere sint cometæ, ignorant, multi etiamnum id ipsum nesciant, mirum non est, quod superstitiosas de iis hactenus foverint persuasiones & eruditorum permulti, & omnes fere indocti. Oratores maxime, Poëtæ, & quotquot affectibus movendis dant operam, cometarum ostento alios territare gavisi, communem valdopere auxerunt superstitutionem. Elegans expressio, sed cui stulta superstitio subest, illud Poëtæ est:

Regnorum everfor, rubuit letale cometes.

Sicut enim Saturnus noster regna non evertit, etsi idem in cælo sit nostro, quod cometa est in alio, sic id ipsum æque minus à cometa metuendum est.

§. 29. Equidem ut dicamus, quod res est, superstitiosa persuasio

sio de cometis, atq; eclipsibus plus nocet Principibus, quam populo; his enim maxime eorumque regimini minari extrema putantur, populo sæpe utilem gulæ libidinique indulgendi metum incurtiunt: unde nec adimenda adeo populo videtur, sed maxime Principibus. Horum enim cum imminere exitio credantur, facile fieri potest, ut si eo tempore, quo cælo exurgit cometa, ægrotet, metu perculsus Princeps morte extinguatur: imo cum absque consiliis Principes æque minus regnare possint, ac milites sine armis pugnare, ingenii autem venam nihil magis aridam reddat, quam superstitio, & nulla superstitio specialius Principes respiciat, quam vana persuasio de his ostentis, paret, quod nullius animo funestior sit quam Principis. Patet porro, quod cum nulla re efficacius regatur populus, quam superstitio, male etiam agant, qui plebi illam omnem superstitio- nem excutere satagunt. Sane enim, si plebs illa nautarum, quæ cum Christophoro Columbo novum quærebat mundum, omni super- stitione caruisset, nec America unquam fuisset inventa, nec di- ctus Columbus, honestus & generi humano vir perutilis, supervi- sisset.

§. 30. Equidem, qui portendere aliquid cometas contem- dunt, duum sunt generum: alii enim putant, portendere ut signa, alii ut causas: at vero à priori patet ex nostra hypothese, quod neutro modo præſagire quicquam possint: illud enim quod futu- rum aliquem eventum, cumque insolitum, prænunciare debet, non potest esse ordinarium & regulare: si enim tale esset, prædiceret ali- quid, quod ordinarium foret, & per consequens, non insolitum. Pa- tet vero pariter & à posteriori inanitas hujus persuasionis: nostra hoc docent tempora. Fingamus enim, cometam, qui anno 1681. illuxit, significasse bellum Turcicum, quod quia pridem conquievit, pridem hæc significatio cessavit: ex quo vero pax cum Turcis facta est, nullus comparuit cometa, & atrocissima tamen bella in occidente & septen- trionibus gesta, talibus cum cladibus, quibus majores vix ulla un- quam vidit ætas. Contra Baylius in Pensées diverses sur les co- mètes §. 35. ostendit, illos duos cometas anni 1665. nihil magni mali post se traxisse, & tempora, quæ præcesserant cometem anni 1652. longe fuisse sequentibus funestiora.

§. 31. Cavendum autem unicuique intelligenti est, ne talia portenta interpretetur, veluti aniculæ sua insomnia. Hæc namq; significatus iis attribuunt plane vulgares & sapius occurrentes, v. g. mortes non solum amicorum & cognatorum, sed etiam de facie solum notorum: dein patientia incredibili eventum vel in annum usq; expectant, & sic vere affirmare possunt, eventus semper suis respondere insomniis. Hæc nisi velis imitari, vix rationem poteris reddere ullam multitudinis atque frequentię cometarum. Septem namque numerantur ab anno 1298. ad annum usque 1314. vigintifex ab anno 1500. usque ad annum 1543: quindecim vel sedecim ab anno 1556 usque ad annum 1597: sapius singulis annis succedentibus, iisque pluribus, apparuerunt cometæ: quatuor simul visi anno 1529. octo aut novem anno 1618. Quod si quando cum eventibus aliquam sortiti connexionem cometæ sunt, casu id quidem contingit: sicut casu evenit, ut in illo Nasonis versiculo:

FILIVS ante Diem patrlos InqVirsIt In annos.

contineretur annus, quo Carolus patrem Philippum II. Hispaniæ Regem insidiis persecutus dicitur: & nullo modo credibile est prophetico spiritu id prædixisse Ovidium.

S E C T I O IV.

De

Usu hujus doctrina in Sanitatis prudentia.

§. 32.

Meteor. Lib.
I. Cap. VII.

CÆterum non ideo omnem cometis effectum & influxum in hæc inferiora denego: quem tamen etiam non præfracte statuo. Cum vero aliqua ratio appareat satis luculenta, quâ deprehendimus, verum esse posse, quod allegat Aristoteles, quod, quando crebri & multi appareant cometæ, *ξηροὶ καὶ πνευματώδεις γίνονται οἱ ἐνιαυτοὶ ἐπιδέλωτες*, manifeste sicci atque ventosi fiant anni, operæ pretium esse, hinc judicamus, si nobis contingat videre aliquem cometam, observare, an id vere comprobet experientia. Ratio



Solutio
apparent.




Fig. xxix.

Polus Arct.



Polus Antart.

Solutio
vera.



Extractio.





Fig. z9.



tio vero, qua illud deprehendimus, satis est facilis ex nostra hypothesi: scilicet, cum radii secundarii alias in regionem Saturni à sole nostro explosi, ad nos maximam partem haud redeant, allisi vero ad cometam à fixa cometæ ad nos copiosius solito reflectantur, & cuilibet fere notum sit, quâ copiosiores radii solares & siccitatem causentur, & ventos cieant; eo ipso patet, quod facile fieri queat, ut observationi Aristotelicæ aliquod subsit fundamentum; hoc ipso vero aliquis etiam hinc eam percipere utilitatem potest, ut si siccioris forte temperamenti sit, eo maxime anno, quo cælum nostrum illustant cometæ, sibi, ne tabe aliove simili corripiatur morbo, caveat: sed humidior potius & diætâ & aere per totum illud tempus utatur.

LIBRI SECUNDI FINIS.



LIBER



A & Ω.

LIBER TERTIUS.

*De
Principiis specialibus terræ, & re-
rum, quas ea continet.*

CAPVT I.

*De
TERRA.*

SECTIO I.

*Quid Aristoteles, Cartesius atque Gassen-
dus de terra habeant.*

§. 1.



Utrumque de terra habet Aristoteles, mathematica
potius sunt quam physica. Libro enim II. cap.
XIV. de Cælo. duo maxime de terra probat: (1)
Quod sit in centro huius universi constituta; (2) quod
sit rotunda: quorum utrumque male atque sophi-
stice probat, aliorumque melius sentientium saniores opiniones ina-

niter

niter laceffit. Sic enim frustra Thaletem refutare, & ad absurdum deducere annitur, quod dixerat, ἡ γὰρ ὕδατος κλῆδα, seu *in aqua iacere*, terram. Thales enim verosimiliter per aquam intellexit generaliter fluidum, recteque adeo asserit, terram in fluido jacere: tam absurdus enim vix esse potuit, ut, cum aqua sit pars terræ, terram putet in aqua versari: at Aristoteles quacunque arrepta occasione ostentandi suum ultra aliorum emmens ingenium, Thaletem absurditatis convincere studet, quem Thales forte, si præfenti & superstiti movisset hoc dubium, stupiditatis accusasset. Sic & laudabilem eorum opinionem, qui putabant moveri terram, sive circa proprium centrum, sive circa aliud, ex hoc precario principio refellere annitur, quod sic motus futurus sit violentus, terram enim per se non moveri: violentum vero motum non posse esse naturalem, hinc nec æternum, mundi vero ordinem esse æternum: relinqui ergo, ut cum motus nec violentus esse possit, nec naturalis, ut plane sit nullus. Sic ergo Stagirita sumit, quod talis motus non possit esse naturalis, id vero nullibi probat: ut non dicam de atheo illo præiudicio, quod mundi ordo sit æternus.

tit. 96.

§. 2. Et si vero hodie ferme careat dubio, quod terra non sit posita in medio, ille tamen hanc medietatem etiam necessaria quadam demonstratione evincere confidit: ita vero hoc ipsum probat: καὶ γὰρ τὰ κῆφα, καὶ τὸ πῦρ εἰς τὸ ἐναντίον φερόμενα τοῖς βαρεσι, πρὸς τὸ ἥλατον φέρεται τῷ εὐερίχοντος τόπῳ τὸ μέσον, id est, *quia levia, & ignis, quippe que motum habent gravibus contrarium, ad summam loci, qui medium continet, feruntur*: unde putat Stagirita sequi, quod gravia ferantur ad medium, & non quidem terræ, sed huius universi: nec dubitari de hac consequentia potest, dummodo id certum sit & indubitatum, quod levia ferantur ad summam ejus loci, qui contineat medium universi: sic enim huic summæ nihil aliud poterit opponi, quam centrum, ad quod sic necessario feruntur gravia. At ille hanc & multas maximi momenti probationes, veluti Alexandro M. reservandas, alto corde graviter premit.

Ibid. tit. 99.

§. 3. Rotunditatem terræ, seu figuram sphericam ibidem sic probat: primo sibi sumit, gravia natura sua ferri ad medium: dein

tit. 104. seqq.

Fff

fin.

fingit terram, cum fieret primum, mixturam quandam fuisse, cujus partes à se invicem fuerint sejunctæ, cumque æqualem ad centrum accedendi nisum habuerint, factum, ut æqualiter accesserint, adeoque sphaericam formaverint figuram. Cum vero Aristoteles mundum crederet æternum, vix supponere hic, salva thesium suarum connectione, potuit, terram fuisse factam: unde obscurissima expressione hoc ipsum involvit, dum dicit: *ἐν δυνάμει ἢ ἐν τῷ τὰ μίγματα τὰ ἀσχηρῆματα ἐφύετο ὁμοίως πάντοθεν πρὸς τὸ μέσον*, id est: *in potentia existente mixture, sejuncta (corpora) ferebantur similiter ubique ad medium*. Sed & præterea, nisi illa ἀσχηρῆματα sumantur esse fluida, sphaerica figura non sequitur ex solo illo accedendi ad centrum nisu: nam elementum terræ sibi invicem adhæret, adeoque cæterorum incumbentium corpusculorum pressuram sustinet, unde si fluxus corpusculorum ab una effusus plaga fuerit, potuit, etsi dato & concessio nisu ad centrum, quadratæ vel alius figuræ corpus formari.

Cartesii Sententia.

Princ. P.III.
§. XI.

Lib. I. Cap.
VII. § V.

l. all. §. XIX.

§. 4. Planetarum numero terram infert Cartesius, & recte quidem, & ratione motus ejusdem inservit præjudicio suo, de natura motus: de quo vid. sup. quam ipsam quoque motus definitionem sibi concinnasse nulla alia de causa videtur, quam ut probare possit, terram, etsi feratur circa solem, tamen non moveri, ideo, quia feratur in magno cæli vortice, & in eo quiescat: imo etsi quoque circa proprium moveatur centrum, quia & circa hoc minore vortice circumducatur, adeoque ipsa terra, quatenus est solida, non moveatur ratione hujus minoris vorticis, unde gloriatur: *quod omnem motum verius quam Tycho, & curiosius quam Copernicus, sit terræ detractus*.

§. 5. Terræ naturam ut penitus exponat: eam fingit olim fuisse solem quandam, seu fixam, quæ vastum circa se habuerit vorticem, in cujus ipsa constiterit centro: sicque adeo eam ex pura primi elementi materia fuisse constaram. Hanc vero putat, sibi invicem adhæsisse, ut hinc particulæ striatæ, hinc maculæ factæ fuerint, has denique densiores fuisse subinde redditas, ut eis tota terra constet

testa fuerit atque obtenebrata : & hoc ipso quoque imminutam fuisse vim vorticis, ut ideo à majore solis vortice fuerit abrepta, in eumque delapsa. Quæ omnia cum ex iis constent principiis, quæ supra in capitibus de cælo, planetis, & fixis fuerunt refutata, super-
vid. Priac. P. IV. §. II.
 vacaneum foret, eas denuo huc repetere rationes.

§. 6. Hinc vero regiones terræ attribuit valde diversas, unam, primam nempe & intimam, quæ pristina adhuc illa materia subtilissima, qua pollebat, cum sol esset, est referta, eam tamen aliquanto impuriorem solari existimat : & hanc quidē terræ centro attribuit regionem, quia corpus terræ soli sic satis est vicinum. Nam si centralis illa regio tertii elementi materia esset plena, gravior & solidior facta fuisset terra, ut ulterius, pro more projectorum, à sole recessisset. Mediam porro regionem putat constare ex macularum materia, unde esse hanc solidam, opacam atque inertem : & per hanc videtur intelligere faxeam illam terræ partem. Tertiam denique eam statuit, ex qua omnia corpora, quæ hic circa nos reperiuntur, oriantur, quam putat constare ex materia tertii elementi, & secundi, seu cælesti, & utraque quidem satis copiosa. Substat autem hæc regionum divisio modo enarratæ terræ genesi, quam qui intelligit nullam esse, ille simul & hanc vanam esse, comprehendet.

Epicuri atque Gassendi, de terra sententia.

§. 7. Epicurus de terra crassa satis ratiocinatur Minerva nimis sensui indulgens, parum rationi velificans. Sic enim terram non putat esse sphericam, sed faciei potius planæ, qualis est vel forma tympani, quæ Leucippi quondam erat opinio, vel disci, quæ Democriti, quos in Physicis maxime secutum fuisse Epicurum, constat. Et quamvis terram in medio mundi constituerit, in eadem tamen haud putavit, tale esse gravitatis centrum, ut omnia ad id conniterentur corpora, unde nec antipodas dari statuit. Jejunum vero perquam & hoc est, quod putet, terram, ne deorsum labatur, contineri à supposito acre.

§. 8. In hisce singulis recte ab Epicuro dissentit Gassendus, pro-
 batq; solidissimis, hodie vero sat notis rationibus, terram esse sphericam
Animadv. P. I. p. m. 347. seqq.

figuræ, nempe vel ex hoc solo, quod tendentibus ab austro in boream novæ novæque cæli partes ita retlegantur ad boream, ut solus fiat semper elatior, dum interim ad austrum totidem cæli partes occultentur. Item, quod degentibus versus ortum sol oriatur citius, citiusque ad meridianum perveniat, quam degentibus ad occidentum. Veram quoque allegat rationem quare terra non delabatur, nempe quod terra secundum se totam neque gravis sit neque levis, ut deprimatur aut avolet, etsi ejus partes graves sint vel leves, prout vel ad centrum descendunt, vel ab eodem recedunt.

SECTIO II.

Nostra de natura terræ opinio.

§. 9.

Terram putamus esse planetam, qui in centro suo mercurium, seu auram tertii gradus foveat, inde per partes terræ alterutras vel septentrionales vel meridionales undique evagantem, & per oppositas, prout sol vel infra vel supra æquatorem constitutus est, ad oceanum hujus auræ centralem redeuntem. Planetam dum dicimus, eo ipso illa omnia, quæ supra de planetarum natura affirmavimus, de terra quoque dicta volumus & intellecta. Quod autem planeta sit terra nostra, & non centrum vel universi, vel nostri saltem cæli, jam passim ita recepta à cordatioribus est opinio, ut vix adhuc repetere aliorum solidissimas demonstrationes, opus esse, videatur. Interim ne plane silentio transmittamus id ipsum, breviter supra datam de planeta definitionem terræ nostræ competere ostendemus.

§. 10. Planeta ergo est corpus solidum; terræ soliditas est indubia; est corpus aereum; & terra cum atherea non sit, non potest non esse aerea: est rotundum corpus planeta; terram vero rotundam esse seu sphericam, eâdem, quam supra de planetis dedimus, demonstratione patet: planeta & circa suam axin movetur, & circa solem; terra quod eadem ratione moveatur, patet

Lib. II. C. III.
§. 10. seqq.

II. 1. §. 17.

tet ex illis, omni exceptione majoribus, argumentis, quæ à Copernico, aliisque, hætenus fuerunt allata: quod vero duplex iste motus à radiis solis & motu ejusdem dependeat, illud ex iisdem patet rationibus, quibus id supra de planetis in genere probavimus. §. 20. 21. 22.

§. 11. Per mercurium, quem in centro terræ statuo, intelligo auram quandam, seu substantiam ex bullulis aereis fortissimis atque nobilissimis, quæ in se quoque radiantem aliquam foveant particulam, constantem, ejusdemque adeo fere cum aere atmosphærico naturæ. Notandum vero in usum sequentium doctrinarum hoc loco est, quod hæ bullulæ, ideo quia sunt omnium nobilissimæ, sint omnium *minimæ* atque subtilissimæ, unde cum atmosphæris plerorumque corporum haud conjungi, nec cum aere atmosphærico, vel aqua, facile uniri possunt, poros vero corporum plerorumque ita transire queunt, ut vel subtilissimas quasque alias particulas hoc ipso superent. Est vero hæc aura veluti *fons* quidam *elementaris*, ex quo per radios solares bullulæ variæ magnitudinis præparentur, prout ad diversâ corpora diversâ eorum magnitudo est necessaria.

§. 12. Mercurium tertii gradus voco hanc auram. Nam qualis est hæc aura, talis est atmosphæra: at nisi atmosphæra hujus bullulæ tales essent, ut & plus expandi possent, quam Veneris, & minus quam Martis bullulæ, hoc loco consistere terra nostra haud posuisset. Ideo autem ejus bullulæ ulterius expandi haud possunt, quoniam ab immixtis particulis radiantibus rumpuntur. Certus itaque gradus est, ad quem expandi usque bullulæ possunt, adeo ut primus hujusmodi gradus sit in Mercurio, secundus in Venere, tertius in Terra, quartus in Marte, quintus in Jove, sextus demum in Saturno.

De circulatione hujus auri centralis.

§. 13. Hanc auram dicimus per partes terræ septentrionales evagari, & per meridionales sive australes ad centrum redire: quo ipso generaliter sumimus, circulari aliquam auram per terram: de qua generali circulatione consentientes nobiscum habemus plerisque omnes recentiorum celebriorum philosophorum. Quoniam

Tab. II. Fig. XXIX.

vero infirmo nititur fundamento, quicquid auctoritati infisit, probemus ante omnia generalem aliquam ejusmodi, per terræ viscera, circulationem, hæcenus haud attendentes, quibus modis & circumstantiis feratur.

§. 14. Hunc ergo in finem elegans est observatio Athanas. Kircheri, qui in Arte Magnet. refert, quod in præruptis montium lateribus, ac præcipitibus litorum crepidinibus saxosæ compagis venæ, fibræque, subinde quadam ex parte in ordine ad polos sint directæ, quod idem quoque Cabéum in Philosophia sua Magnetica observasse, refert. Hæ nempe venæ fibræque nihil aliud videntur esse, quam viæ, per quas dicta aura circuletur.

Vid. quoque
Gassend.
Animadv. in
Lacty. P. I.
p. m. 201.

§. 15. Probatur quoque liquido satis dicta circulatio per phænomenon aliquod magneticum, quod hujus est tenoris: tangatur acus ferrea communis, qua factores utuntur, quocunque placuerit magnetis polo altera extremitate, ad hanc admoveatur certa distantia polus repellens, alter videlicet, quo acus non fuit tacta, si prius hæc super convexitatem alicujus corporis non magnetici fuerit constituta, eo nempe fine, ut libere ultro citroque moveri queat: tum ad alteram acus extremitatem ponatur aliquod obstaculum, v. g. digitus, eo nempe modo, ut repelli acus à polo nequeat: teneatur jam, quamdiu volueris, quietissime & digitus & magnes, postea subtracto digito alacriter videbis repelli acum: sin prius subtrahatur magnes, post quoque digitus, ne minimum quidem movebitur acus. Concludo hinc progredi aliquam ex polo repellente substantiam versus acum, alias moveri acus non posset: si enim absque motu locali extaret solum illa substantia, circumfluere acum, & postquam iterum quievisset, movere acum haud posset: unde subinde hic aliquid debet promanare, quod in acum feratur. Tertia quidem aliqua videtur excogitari posse causa, elasticus nempe motus substantiæ magneticæ in atmosphæram acus: sed vero quæcunque illa esse fingatur, tamen brevi tempore quiescere, & post quietem effectus repulsionis sequi haud posset. Ex dictis ergo sequitur, quod nulla verosimilior excogitari causa possit, quam aura per magnetem perpetuo circulans. Si putes, hinc non sequi circulationem, sed modo profluxum; respondeo profluere istam abs-

que

que circulatione substantiam, equidem possibile est, probabile vero nequaquam: nam quicquid in natura perpetuo fluit, illud circulator, veluti sanguis, aqua fluminum &c. Sic ergo circulator aura per magnetem, an etiam per terram? Respondeo, paulo post probabimus, eandem esse auram, quæ per terram circulator, cum ea, *infra §. 28.* quæ per magnetem.

§. 16. Sic ergo id quod generale est in hypothese, probavimus, nempe circulari quandam per viscera terræ auram. Cum vero hæc multis possit modis per eandem commeari, non solum modo Cartesiano & nostro, supra indicato, sed & pluribus aliis; nunc porro probandum, quod ita circuletur, ut per partes septentrionales egrediatur, & per australes redeat. Et quidem quod per partes septentrionales evagetur hæc aura, illud verosimile reddit non solum phænomenon §. 14. ex Gassendo atque Kircherò adductum, sed & plura alia. Huc enim pertinet illa metallariorum observatio, qua præcipiunt, si fodinæ cujusdam quoddam recrementum, quod vocant *das Geschiebe* / versus septentriones appareat, quærendam ipsam fodinam esse versus meridiem; nam cum illa aura centralis metallorum propria sit materia, si supponatur moveri versus septentriones, ratio apparet, quæ fluxu atque motu suo recrementum illud versus septentriones potuerit dirigere. Ipsi quidem metallarii, hunc motum ignorantes, sibi persuadent, quod diluvium à meridie versus septentriones perrexerit, eoque adeo dicta recrementa deduxerit: quod quoniam incertum est, & præterea haud credibile, quod diluvium ipsa terræ interiora adeo perverterit, verosimilius est hanc, quam nos allegamus, esse veram illius phænomeni causam.

§. 17. Frigus quoque dum à septentrionibus ad nos vehi observatur, circulationis hujus aliqua pars innuitur. Imo & qui recte adverterit, cum aura à septentrionibus ad nos accedente majorem adscensionis mercurii observabit connexionem, quam cum serenitate aeris. Et ex his quidem, & similibus experimentis, satis potest constare, egredi aliquam è centro terræ versus partem ejus septentrionalem substantiam, nondum vero ex dictis constat, quod per partem australem ad centrum redeat. Hoc ipsum vero, ut & antece-

antecedens, nullis melius probari phænomenis, quam magneticis, potest: de quibus paulo post ex instituto agemus.

§. 18. Quod vero alio tempore, nempe quando sol est in parte zodiaci septentrionali, hæc aura per partes infra æquatorem australes evagetur, & per septentrionales redeat, illud satis, meo iudicio, probat frigus hybernium, æque vehemens in partibus australibus quam in septentrionalibus. Nam cum manifestum sit, quod ad æquata frigoris causa non sit longinquitas, sicut nec propinquitas solis, sed positiva utriusque necessario sit concipienda, & ea quidem, aliquo tempore post summam longinquitatem aut propinquitatem solis sese exerens; nulla alia æque probabilis excogitari potest, quam hujus auræ affluxus: quod supra quoque Lib. I. abunde probatum est. Quodsi ergo australis illa aura ea sit, quæ à septentrionibus veniat, cum per eclipticam meare haud potuerit, quin radiantibus particulis plurimis fuerit imprægnata, tantum frigus in australi regione causari vix posset, quantum à verticalibus solis radiis intacta hæc nostra aurâ septentrionalis: unde cum æquale in partibus australibus sit frigus, æqualis etiam roboris bullulas id causari verosimile est.

*De mutationis caloris atque frigoris, itemque hujus
circulationis causa modoque.*

§. 19. Hoc ut eo appareat liquidius, paucis subjiciamus nostram de mutationis caloris atque frigoris causa opinionem: qua ipsa simul quoque apparebit hujus auræ circulantis causa modusque. Nempe quando sol versatur supra æquatorem, radiis suis repellit hanc evagantem hæcenus auram versus terræ centrum, unde venerat: cum vero in capacitate centrali versari & contineri omnis illa haud possit aura, necessario versus partes polares querit exitum, nec præcise circa polos solum, sed circumquaque usque ad æquatorem. Elapsa autem per meatus v.g. australes, propter continuum impulsu, per eosdem haud potest relabi: & cum nihilominus extra suum locum hæc aura fuerit propulsa, sponte sua relabitur, à radiis quoque solaribus non minimum adjuta, supra æquatorem

rem in terram, propius, longinquius, prout fors tulerit, ita ut quædam ejus ellipsis ad polos usque perveniat. Quamvis enim proprio descendat pondere hæc aura, exiguum tamen pondus est, quod ab aere atmosphærico communi, quamdiu illius exigua adest quantitas, facile sustinetur, ita ut non, qua data via brevissima, irrucere in terram possit.

§. 20. Et hæc quidem necessario sic contingunt apud australes, cum sol in parte zodiaci septentrionali versatur: idem penitus eadem necessitate apud nos septentrionales contingit, quando sol partem zodiaci australem permeat, ut adeo sic satis appareat, quæ causa, quique modus hujus sit circulationis. Frigoris vero atque caloris causa adæquata, modusque sequens est: Dum sol v.g. versatur in tropico capricorni removet auram centralem frigoris causam versus partes septentrionales, unde frigus in his, calor in australibus, dominatur.

§. 21. Sicut autem centralis hujus auræ bullulæ ob exiguitatem suam, cum nulla alia atmosphæra præterquam magnetica uniri possunt, sed inter se aliunde hauri turbatæ, semper quam arctissime conjunguntur, fit, ut dato ubicunque motui immincant, eoque cursum suum dirigant. Hinc vero fit, ut contraria obtineat circulatio, quamdiu coluros solstiorum nondum supergressus sol est, alia nempe recens excitata à solis præsentia cis coluros, alia pristino fluxu adhuc continuata trans coluros. Hæc quamdiu durat hemisphærium septentrionale, nondum omni aura centrali refertum, nec australe omni destitutum est: unde etsi frigus obtineat in septentrionali, calor in australi, nec ibi tamen summum potest esse frigus, quia nondum omnis eò com meat aura centralis, nec hic summus potest esse calor, quoniam multum auræ centralis adhuc trans coluros ad hemisphærium australe allabitur. Cum vero sol ultra solstitium perrexerit, & illam ultra coluros adhuc ex oceano centrali allabentem auram retrorsit, tunc in hemisphærio septentrionali omnis adest causa frigoris, in australi vero abest; quibus cognitis vel Sirium accusare, vel dierum augmentum, frustraneum est.

§. 22. Nondum vero omnis causa frigoris atque caloris claret, quoniam & sæpius contrarium evenit, ut eo tempore, quo

Ggg

maxi-

maximum debet esse frigus, non nisi mediocre sit, parique modo se res habeat etiam cum calore. Sed, ut non dicam, fieri posse, ut interdum meatus illi terræ interiores obstruantur, id puto, ut plurimum hinc fieri, quoniam eo tempore, cum v. g. sol versatur in partibus australibus, aut septentrionalibus, cælum obducitur nubibus, ut tam fortiter afficere terram, ejusque auram repellere, haud possit: cujus rei ex itinerariis peti potest illustratio. Etsi autem in hisce dictis subinde supponamus, auram centralem ex una parte terræ (meridionali v. g.) expelli à radiis solaribus in oppositam (septentrionalem puta) tamen concedimus etiam ex illo hemisphærio, cui sol est proximus, quosdam illius auræ radios adversus solem exprimi.

De oceano centrali aereo.

§. 23. Oceanum statuimus in centro aereum: quoniam phænomena magnetica docent, undique ad æquatorem usque emanare hanc auram, & non à polis tantum, quod voluit Cartesius, accedere: nihil autem apparet, quod circum circa ingerere hanc auram per alterum hemisphærium possit, nec unde advenire tanta hujusce auræ copia queat, nisi à centro. Hinc vero si accedit, probabile est, non exiguam ejus quantitatem condidisse Deum, quoniam si ejus aliquid in usum creaturarum absumeretur, in aliquo meatuum daretur vacuum: in hoc vacuum expanderetur proxima aura, hæc expansa hæreret in meatibus, cessaretque, saltem per hunc meatum circulatio. Contra si dato hoc centrali oceano, id eveniat, hinc statim suppletur id, quod decessit: & quamvis hinc quoque redundet aliqua in oceanum centralem expansio, ea tamen in tanta capacitate in infinitas bullulas æqualiter distributa, vix potest alicujus esse momenti: adeoque non est, quod existimas, expansas hæc bullulas ingressum in poros meatuum haud esse habituras.

De usu hujus auræ centralis.

§. 24. Multum vero quotidie harum bullularum in exteriori terra absumitur. Nam etsi minimæ illæ bullulæ, quatenus tales, cum nulla substantia, quam cum ferro & magnete uniantur, radiis

tamen

tamen solaribus expositi, varie expanduntur, ut minimæ earum modo in unione permaneant, cæteræ substantiis variis admotæ, iis exponantur, quarum similis, respectu suarum atmosphærarum, est expansio. Hinc vero haud concludas, brevi tempore absumptum iri centralem hanc substantiam. Nam quando pereunt substantiæ, iterum exolvuntur nobilissimæ illæ bullulæ. Utut autem magis sint expansæ, quam ut proxime uniri cum substantia centrali possint, mediante tamen aere nostro atmosphærico cum eodem uniuntur: in hunc enim proxime secedunt, cum hoc ad polos provolvuntur, ibi à frigore in pristinam parvitatem contrahuntur, sic demum uniri cum substantia centrali queant. Et sic apparet dari præter circulationem localem, etiam quandam essentialem, qua centralis hæc aura abit in nutrimentum corporum, & hinc ad oceanum centralem redit.

§. 25. Exerit se maxime hujus auræ usus in respiratione animalium: ejus namque circulatione, solisque radiofa in terram emanatione, fit, ut aer atmosphæricus bullulis variæ magnitudinis subinde sit plenus: cum atmosphæcula sanguinis autem uniri nullæ aliz possunt, quam quæ sunt ejusdem magnitudinis: unde etsi magna multitudo bullularum una respiratione in pulmones adducatur, non tamen nisi pauciores cum atmosphæcula sanguinis uniuntur, cæteræ expiratione iterum amendantur: ex quo intelligitur ratio, quare non omnis aer ad respirationem sit aptus. Sic narrant, Drebbelium se una cum quibusdam aliis, in navi undique occlusa, demisisse in fundum maris, ubi cum suis respirarit sub initium sat hilariter, paulo post respirationis angustiiis eos fuisse oppressos, donec ille spiritu quodam, chymice destillato, repletet aerem, quo facto, spirasse eosdem liberius, mox deinceps vero eisdem angustiiis fuisse vexatos. Nec putandum est, quod Drebbelius cum suis jam omnem, qui intra navem conclusus erat, consumserit aerem, sed illæ solum bullulæ, quæ alendo cujusvis sanguini pares erant, absumptæ fuerant, hinc reliquæ uniri cum sanguine haud poterant.

vid. Lib. I.
Cap. V. §. 31.

De variis terræ involucris, seu crustis.

§. 26. Ipsa vero illa aura centralis quatuor involucris, seu

Ggg 2

cru-

crustis tegitur, quorum primum est *minerale*, secundum *terreum*, tertium *aqueum*, quartum *aereum*. Quantum ad primum illud, quod immediate centralem auram ambit, lapideum est, & naturæ quidem, uti videtur, magneticæ, cujus summitati per modum excre-scentiarum adhærent lapides metallorum feraces, & proxime omni-um minera ferri. Sic itaque terra lapis est, lapisque à maxima sui parte rectius diceretur, quam terra. Exiguum namque est, quous-que penetrare hætenus in terram potuerunt metallarii, D nempe, plus minus, orgyas; quicquid ad oceanum usque centralem reli-quum est, lapis est.

Terra magnes est.

Vid. Gual-
elm. Gilberti
de Magnete
lib. VI. c. I. &
seqq.
Lib. III. Sect.
1. §. 1.

§. 27. Terram quapropter magnetem esse existimo, nihil ve-ritus rationes, quibus Athanasius Kircherus Gilbertum, eandem no-biscum, etsi rationibus disparibus, opinionem defendentem, lacessit. Nam quod Kircherus de Arte Magnetica computavit, debere terram, si magnes sit, ferri 307363146848000000000000. libras attrahe-re, & hinc oratorio fucō, *ve fabris ferrariis, ve equis & mulis, cataphractis & culinariis Gilberti instrumentis* inclamat, nihil est, cum notum sit, quam ad exiguam distantiam magnes ferrum afficiat, & ad longe minorem attrahat. Notum præterea est, quam facile impediatur hæc vis, cum ferrum rubiginosum longe difficilius juxta & debilius adhæreat magneti, quam politū: imo & lima quam-vis nulla rubigine obducta, qua parte crenata est, non nisi debiliter adjungatur magneti: adeo ut vel propter solam distantiam dirarum Kircheri ominationum satis securi esse queant fabri ferrarii, equi, muli, cataphractæ, & culinaria Gilberti instrumenta. Et sit, quanta-cunque placuerit Kircherō, vis magnetica terræ attrahendi ferrum, non ideo ad majorem operabitur distantiam, quod docet experien-tia: nec ideo etiam in debita propinquitate impedit, quominus particula aliqua magnetica ferrum sibi adjungat, cum experientia doceat, quod minor magnes etiam avellere, admotus ad majorem, possit ferrum, tantum abest, ut jam attractum non possit conser-varc.

De natura magnetis.

§. 28. In eo autem maxime magnes à natura reliquorum corporum differt, quod præcise ex tali aura, quod ad magnitudinem bullularum attinet, qualis est centralis, constituatur ejus atmosphæra : hinc enim fit, ut aura circulans, cum ejus atmosphæra confluat, motu unionis, non expansionis aut contractionis, & pressa ab alia insequente, magnetem persuat. Et quamvis singularem quoque pororum atque meatuum, pro transmittendis particulis striatis, sibi fingat Cartesius constitutionem, ut, quomodo in cymbula constitutus magnes, sinistre semper, more suo, revertatur ad polum septentrionalem, demonstret; hoc tamen figmento non est opus, dummodo ejus loco recte pensites, id, quod supra jam tetigimus, nempe, quod centralis hæc aura cum nullo alio conjungatur corpore, & in perpetuo fluxu sit, adeoque magnetem, sive artollatur, sive deprimatur, sive huc vertatur, sive illuc, semper sequatur, nec commeatus ejus intercludi ab ullo interposito corpore possit, ideo quia ejus bullulæ omnium sunt minimæ, & corporum pori atque meatus majores sunt, quam ut denegare transitum huic auræ possint. Sic enim quilibet intelligit, si ita constitutus fuerit magnes, ut flexuoso ductu se insinuare in illum aura circulans debeat, cum recta via ad oceanum centralem tendat, fore, ut magnetem, ctsi debilius, ad rectæ viæ ductum disponat, adeoque retro vertat.

§. 28. Tria autem maxime sunt, quæ de magnete admiramur: (1) *Conversio ad polos*; (2) *declinatio à septentrionibus in ortum & occasum*; (3) *attractio* tum alius magnetis, tum ferri; quæ tamen singula ex supra posita hypothesi facile intelliguntur. Et primo quidem videamus de conversione ad polos, de qua notabile est, quod refert Sturmius in compendio Phys. p. m. 46. *quod polos nempe, quos in terra habuit, extra eandem protrahit habeat contrarios.* Sit y. g. A B C D. terra, E. oceanus centralis, F. FF. &c. lineæ auræ circulantis interiores septentrionales: fF. fF. &c. eadem lineæ australes, G G G. &c. lineæ exteriores: a. b. magnes, cujus b est polum meridionalis, seu australis, a septentrionalis. Jam ergo concipiatur magnes a b recipere circumstantem auram per b, emittere per a,

supra §. 11.

ibid.

forte ex Gilberto de Magnete L. III. c. II. p. m. 120 Vid. Tab. II. Fig. XXIX.

sicpolus b respiciet austrum , & septentrionem : jam fingatur protractus in superficiem terræ , ubi regreditur aura G G, manifestum est, quod, sicut in terra per b intraverat, ita etiam extra terram ibidem ingrediatur ; sic autem polus b, qui in terra convertebatur ad austrum, extra eandem convertetur ad septentrionem.

vid. cand.
Fig.

§. 29. Convertetur autem ad polos, quoniam linea regredi-
entis auræ centralis externa eo dirigit, & ad polos quidem terræ, non
cæli ; quoniam iterum patet, quod dicta aura ad polos cæli dirigere
magnetem haud possit. Eadem regressus linea disponet magnetem
ad elevationem poli.

§. 30. Sic ergo necessario polus australis magnetis respiciet
polum septentrionalem terræ , & eodem modo, polus idem austra-
lis , si magnes ad magnetem admoveatur , convertetur versus hu-
jus polum septentrionalem. Nam substantia centralis per unum
ingrediens polum per oppositum egreditur , unde si cursum suum
continuaré debet, polus quo exit illa, debet apponi ad polum, quo
init. Quod si contrario situ collocentur magnetes, similibus nempe
polis ad se invicem, aura egrediens allicietur ad alterius pariter egre-
dientem, ingrediens ad ingredientem, adeoque hoc allisu id necessa-
rio contingit, quod & docet experientia, nempe ut se invicem refugi-
ant. Hoc qui experiri velit, vel magnetem admoveat ad acum versio-
riam, vel acus communis tangat alteram extremitatem polo magne-
tis septentrionali , alteram polo ejusdem australi , & acum supra
sphericum aliquod corpus constituat, ut ultro citroque verti absque
singulari impedimento possit, jamque polum magnetis australem
admoveat ad acus polum septentrionalem, sic idem observabit, quod
magnetes suberî inclusi, & super aquam librati, exhibent.

§. 31. Nec putandum, quod polus magnetis sit certa qua-
dam pars magnetis, cui dicta vis attrahendi vel repellendi inhæreat :
sed ubicunque ingreditur & egreditur hæc aura, ibi duo ejus poli
sunt, adeo ut minima quoque pars magnetis ex quacunque magne-
tis parte separata , cum, si quantuluscunque ei meatus insit, per al-
teram ejus extremitatem ingredi, per alteram egredi debeat, eosdem
habeat polos, quos major habeat, etsi totum hoc corpusculum ex

majoris

majoris magnetis alterius poli loco fuerit effractus. Nam continuo fluxu magnetem pertransit hæc aura, & per consequens eam extrimitatem qua semel intravit, non facile deserit, etsi variis modis ejus immutetur situs. juxta §. 28.

De declinatione magnetis.

§. 32. Dum ad polos converti dicitur magnes, sciendum, quod alicubi saltem eo dirigatur accurate, v. g. inter Angliam & Hibetniam, referente Sturmio, item in insula Corvi, quæ una est Azorum, ut & in insula Trinitatis, in promontorio acuum vocato, prope promontorium, dictum Bonæ Spei: in freto Herculeo, in freto Scyllæo, in Bosphoro Thracio, in insula Melite, Viennæ in Austria &c. In aliis contra locis valdopere versus ortum aut occasum declinareprehenditur, imo & in locis, ubi declinat, aliquo temporis decursu multum variareprehenditur. Sic Sturmius observavit, quod anno 1703. sex gradus & amplius declinârit in occasum, qui ante paucos annos gradus modo quinque declinareprehensus fuerat, olim autem octo gradibus in ortum, & Schoneri temporibus tredecim gradibus in eundem deviaverat. Quin & hoc addit Gassendus all. l. quod in eodem sæpe meridiano, inque variis gradibus latitudinis declinatio & nulla sit & utroque versa. Nam cum nulla sit declinatio in memorata insula Corvi, cujus latitudo est quadraginta circiter graduum; citra tamen, in latitudine graduum viginti, declinatio est in ortum graduum duodecim; & ultra, qua latitudo est quadraginta sex, declinatio est in occasum graduum octo; & postea etiam graduum viginti quatuor, ubi latitudo est graduum quinquaginta quinque. Sic in eadem insula Elba declinatio est observata versus ortum, ad unum quidem promontorium graduum quinque, ad aliud octo, ad aliud viginti.

§. 32. Tanta ergo, prout apparet, est declinationis hujus variatio, ut ea necessario falsâ sit hypothesis, ex qua nulla sequitur, sicut ex Cartesiana, ea vero omnino sit suspecta, ex qua exigua sequatur & rara. Ex nostra vero hypothese sequitur omnino multiplex & varia declinatio: sequitur, quod ubi aura centralis juxta coluros regreditur, ibi satis directo ad polos constitui debeat magnes, nec tamen

Vid. Gassend.
Animadv.
Tom. I. p. m.
201.

tamen constanter : sequitur, quod alibi, ut plurimum in ortum vel occasum declinare debeat, nec tamen semper & ubique : facile namque linea auræ regredientis potest inflecti, & magnæ alio atque alio converti. Et quamvis aliorum hic niti observationibus debeamus, & easne quidem opratis circumstantiis tentatas habere possimus ; tamen omnes genuinas observationes cum hac nostra hypothese conspiraturas speramus.

De attractione magnetis.

§. 33. Magnes vulgari locutione attrahere ferrum, aliumque magnetem, dicitur, & haud desunt, qui vere attractionem aliquam fieri, sibi persuadent, quem in finem nescio quas catenulas, uncinulosque, aut brachiola, chelasve fingunt. Nos vero attractionem quidem cum vulgo vocamus, ejus tamen loco pulsionem, cum plurimis eruditorum, concipimus. Notandum autem hic statim est, quod ferri atmosphæra ab atmosphæra magnetica in eo differat, quod illius bullulæ paulo majores sint, quam bullulæ auræ circulantis, & magnetis bullulæ eadem paulo minores. Nam regredientis auræ bullulæ paululum expanduntur à sole & lumine, atmosphæra vero magnetica formata fuit ab aura solis radiis nondum exposita, & cujus adeo bullulæ minores, quam auræ regredientis sunt.

§. 34. Hinc vero plurimæ curiositates magneticæ ad oculum patefcunt. Sic enim apparet, *quomodo magnes ferri virtutes augeat, ferrumque magnetis.* Hæc enim virtus magnetis ferri-que viger, si utrumque valide movetur ad alterum, id vero fit, quando aura centralis utrumque alacriter permeat. Nam ex dictis patet, quod aura regrediens nec efficaciter satis cum ferro, nec cum magnete uniatur, ideo quod illius bullulæ majores sunt, hujus minores, unde alterum ita temperat alterum, ut hinc fiat mixtura bullularum ejusdem expansionis cum aura regrediente, quæ ideo copiosius per utrumque circulatur. Unde illud quoque, quod Gilbertus de Magnete Lib. II. c. XIV. annotavit, melius quam ex illius sententia intelligitur, quod nempe *suprema potestas alliciens in polo sit, infirmior vero & magis languida in partibus æquatori adjacentibus.* Scilicet juxta polos aura circulans nondum tam alterata vel

ta vel à sole, vel aere atmosphærico est, quam juxta æquatorem: unde plura illius corpuscula ibi ingrediuntur magnetem.

§. 35. Patet hinc porro, *quare aura circulans per nullum aliud circuletur corpus*, videlicet quoniam omnium reliquorum corporum atmosphæricæ bullulæ majores sunt, quam ut unionem cum hac aura admittant. Patet quoque, *quare magnes per asserem in marmor*, & nullum fere non corpus, quod crassius Sphæra activitatis magneticæ non est, *operetur*, & velocissime quidem absque ulla mora, adeoque ea quoque penetret corpora, quæ ætheri non sunt æque pervia: nam ejus bullulæ omnium sunt minimæ, pori autem corporum respondent quantitati bullularum mercurialium, quæ cum sint majores, quam magneticæ, pori quoque sunt majores, quos adeo absque mora transire possunt tanto minores bullulæ auræ circulantis.

§. 36. Observavi etiam, quod *acus virgo*, seu magnete nondum tacta, nondum habeat naturam magnetis, seu duplices polos, ab utroque enim magnetis polo attrahitur, à neutro repellitur. Ratio est, quoniam ejus bullulæ sunt majores, quibus cum haud unitur aura circulans, adeoque per ferrum non æque ut per magnetem transit. Attrahitur tamen etiam hæc acus nondum tacta, sed longe debilius, quam postquam magneti vel adhæsit, vel affricta fuit. Nempe *duplex* causa est, quæ acum jam tactam magneti applicat, motus seu unio elastica atmosphæricularum, qualis etiam in aliis corporibus datur, v. g. succino & stramine; & aura circulans: hæc per ferrum intactum non circulatur, ergo simplex causa, unio nempe elastica, operatur sola, adeoque debilius.

§. 37. Hæc ipsa acus virgo, librata nempe super convexitatem lævioris cujusdam corporis, quam circumstantiam in hisce phænomenis semper subintelligo, debilius afficitur à magnete, quam ubi tacta fuerit: Nempe agunt quidem in se invicem atmosphæricula magnetica atque ferrea, quia vero hujus paulo majores sunt bullulæ, magneticæ bullulæ pauciores solum elastice feruntur in illas: at vero magnete si tangatur acus, sive per breve temporis momentum magneti adhærendo, sive eandem illi affricando, aliquanto magis expanduntur magneticæ bullulæ, coque ipso firmitus & co-

H h h

piusius

piosius uniuntur cum ferreis : unde si imprægnatæ acui admoveas magnetem , statim apparebit , quod jam efficacius ultro citroque regatur acus.

§. 38. Acus autem virgo etsi ab utroque magnetis polo attrahatur , & à neutro repellatur , multum tamen discriminis in illa ipsa attractione ratione duorum magnetis polorum deprehenditur : alter enim jam hanc *efficacius* commoveret altero , quem deprehendi eum esse , circa quem erigitur limatura Martis , eum vero , circa quem depresso adhæret eadem , esse illum debiliorem : quo accedit , quod si acus tangatur illo magnetis polo , qui in virginem jam alacrius agit , tum acum fore valde sensibilem & poli attrahentis & repellentis , cuius si facias contrarium , stupidior sensus utriusque erit. Quæritur itaque , quis ille vividior polus sit , septentrionalis an meridionalis ; item , an ille sit , per quem aura centralis ingreditur , an is , per quem egreditur ? Et respondeo ; cum jam notum sit , polum , qui in terra ad austrum convertitur , extra eandem ad septentrionem vergere , unus idemque polus & septentrionalis haberi potest , & meridionalis : satius itaque , erit polos distinguere per egressum & ingressum auræ. Dico itaq ; vividuum illum polum , & ad quem erigitur limatura , esse *polum egressus* , & contrarium *ingressus*.

§. 39. Hanc autem assertionem confirmant omnes hic concurrentes circumstantiæ. Neque enim apparet , quæ erigi limatura martis ad eum polum , quem aura aliqua ingrediatur , nec quæ deprimi ad contrarium possit : cum vel atmosphærula utriusque id præstare debeat , vel aura circulans : non illa , elasticus quippe hic foret motus , qui natura sua ad invicem admovet corpora , non removet : ergo hæc id debet præstare , unde vel ingrediens vel egrediens , non illa , quippe quæ limaturam ad magnetem admoveret , ergo hæc. Neque tamen solus ille auræ egressus omnem effectum præstat : sic enim non posset uniri cum magnete limatura , unde unionem quidem præstat utriusque atmosphærulæ nîsus elasticus , erectionem vero , elapsus seu egressus auræ circulantis , quippe quæ egressu suo particulas ferri aliquatenus ab unione didit , aliasque aliis hoc ipso postponit. Apparet autem hoc modo , quod hoc in polo non conspiret motus elasticus , cum motu auræ circulantis , cuius
amica

amica conspiratio cum detur in polo opposito, ratio apparet, quare ibidem sic depressa ad magnetem observetur limatura, ut aliæ ejus particulæ aliis arcte satis incumbant.

§. 40. Confirmat porro nostram assertionem hæc quoque circumstantia, quod *egressus polus vividius & alacrius tum in acum virginem, tum & tactam agat.* Nam ingredientis auræ bullulæ magis sunt à sole expansæ, quam egredientes: hinc illarum multæ eandem expansionem cum ferreis habent, quibuscum absque singulari nisu uniuntur: & intra magnetem delatæ nimiam expansionem exuunt, mediocremque induunt, qua & in exitu copiosius & firmitus cum bullulis atmosphæraulæ ferreæ uniuntur.

§. 41. Ex eadem ratione intelligi aliud phænomenon satis curiosum potest, quo observatur, quod *si quo polo tangatur acus, sive septentrionali, sive australi, ab illo eodem polo attrahatur acus, & à contrario repellatur.* Nempe atmosphæraulæ ferri per affriccionem exterius adhærent bullulæ, quæ per polum, cui affricantur, commeant, & cum intuitu expansionis sint diversæ, ægrius sibi invicem aduniuntur: unde si polus contrarius admoveatur, longiores radii particularum e bullulis suis emicantes, bullulas, quibus alliduntur, repellunt: hinc fit, ut strenuo manus ductu præcipue promoveatur dicta repulsio; item, quod si diutius in propinquo teneatur polus repellens, imminuatur vis repellens, & aliquandiu plane nulla sit, nec attrahens, nec repellens, donec tandem, loco hujus, illa subeat: item, quod si altero polo tacta jam tangatur altera, subinde constanti tenore procedat experimentum, quod tamen si sæpius varies, eo magis inclinet acus, ut à polo egressus attrahatur, & ab altero pariter, quamvis debilius: bullulæ enim tum ingredientis auræ, tum egredientis, in atmosphæraulæ ferri confusæ, cum utroque polo uniuntur, egredientis tamen auræ bullulæ fortius, quia magis distant à ferreis, adeoque vegetiori motu elastico se invicem arripiunt. Hinc demum dilucide apparet, quare polus ille ipse repellens propius admotam acum attrahat: nempe si polus magnetis, ejusque atmosphæraulæ, infra illas bullulas polares, à recenti affricu, in superficie atmosphæraulæ ferreæ hærentes, abdatur, tum utraque atmosphæraulæ cum altera elasticam init unionem.

Hhh 2

§. 42. Sed

§. 42. Sed sunt, qui omnino addubitant, *an sit aliquis polus repellens*, & annon, quæ videtur esse repulsio, sit alterius poli attractio? Et non quidem plane de nihilo esse eorum dubium, experientia docebit. Nam si magnetem ad acum virginem, quæ à neutro polo repellitur, applicatum, ab uno polo paulatim convertas ad alium, acus statim pelli videbitur, quæ manifeste non est repulsio, sed attractio. Nihilominus vero, si acui tactæ obvertas angulum magnetis à polo attrahente remotissimum, pellet hic quoque acum, cum tamen & remotior sit ille angulus, quam ut eo usque satis efficaciter dirigere virtutem suam polus attrahens possit, & si hujus virtus acum moveret, accedere potius, quam recedere deberet acus: unde satis constat, repulsionem quam in hisce observamus experimentis, non esse semper attractionem. Accedit, quod & inferius à polo repellente deprimatur acus.

§. 43. Hæc ipsa repulsio in causâ quoque est, quod si altero magnetis polo tetigeris alteram acus extremitatem. & altero polo alteram, jamque ita admoveas magnetem, ut polus eam extremitatem acus respiciat, quam ipse haud tetigit, etsi quam quietissime teneatur magnes, acus tamen penitus movebitur in gyrum, ita ut ejus extremitas eum respiciat polum, cui fuit affricta. Nam uterque polus, sicut ex dictis patet, hic repellit, unde necessario acus extremitatibus suis ad polum, cujus aura fuit imprægnata, accedere debet.

De conversione ferri ad polos.

§. 44. Etsi vero ferreæ atmosphæræ bullulæ majores sînt magneticis, valde tamen accedunt ad magnitudinem auræ regredientis bullularum, unde per has sibi unitas pergit aura regrediens, adeoque ferrum non permeat, sed ejus modo atmosphærulem, quo ipso & illa & ferrum ad lineam auræ regredientis disponitur, & sic ut magnes polos respicit. Nec necesse est, ut acûs utraque extremitas magnete tangatur, una quippe recte tacta jam dirigit ferrum ad polos: etsi id quidem haud negem, promptius id ipsum accidere, si utraque extremitas contrario polo fuerit tacta. Quoniam vero non nisi majores auræ circulantis bullulæ cum bullulis ferreis
uniri

uniri queunt, si magnete tangatur ferrum, hujus majores bullulæ, per illius minores, ad eam reducuntur mediocritatem, qua conjungi aptius cum aura regrediente possunt.

§. 45. Quod vero aura centralis non per ipsos ferri poros commeat, hinc potest intelligi, quod si talis daretur commeatio in terra, per ea, quæ §. 28. diximus, ferrum necessario esset magnes. Semel quippe permeans aura non posset cursum immutare suum. Accedit, quod acus tacta altera superficie extremitatis cujuscunque, si admoveretur ad acum altera superficie (ad eundem nempe magnetis polum) affricatam, deberet, uti magnes contrariis polis applicatus, attrahi, cujus tamen contrarium experientia docet.

De duorum magnetum attractione.

§. 46. Ex eo quoque elucet diversitas magnetis atque ferri, quod magnes ferrum trahat, quacunq; sui parte ad eundem adhibitum, magnes vero magnetem non nisi contrariis polis, non vero (nisi debilius super aqua) vel armatus non armatum, vel non armatus non armatum, sed sensibilius tantum armatus armatum. Cum vero nec nudum ferrum, nondum puta magneticum ullo modo redditum, ferrum trahat, patet quod dicta duorum magnetum attractio unice uniceque adscribenda sit auræ ingredienti & egredienti. Si enim atmosphærule magnetica in causa esset, similis polus similem attrahere deberet, quod cum non fiat, id saltem hinc apparet, quod si atmosphærule magneticæ aliquid conferrent, longe utique debilius concurrant, quam aura circulans, quippe quæ in polis similibus super aqua ita penitus effectum unionis seu attractionis impedit, ut vel, quam proxime fieri possit, uniti, sibi tamen nullatenus adhæreant invicem.

§. 47. Maxima vero est differentia *magnetum armatorum, & non armatorum*: illi namque sibi invicem tam fortiter adhærent, quam ferrum magneti, horum nulla nisi super aqua sentitur attractio: unde apparet, quod aura regrediens expansior respectu plurimarum bullularum sit, quam ut copiose satis cum magneticis confluere, & permeare satis efficaciter magnetem possit: accedentes quapropter ferreæ atmosphærule majores bullulæ id efficiunt,

ut exporrigantur radii corpusculorum magneticorum, in vacua spatia bullularum ferrearum, eoque ipso suas quoque expandant bullulas, reddantque unioni cum regredientis auræ bullulis aptas. Cum ergo ante applicationem ferri, non nisi pauciores bullulæ tam essent contractæ, ut unioni cum corpusculis magneticis quadrarent, paucioresque hinc etiam per magnetem transmigrarent, & ideo nulla in manu detentorum, utut contrariis sibi invicem polis applicatorum, sentiretur attractio; nunc, à ferro accedente temperatis bullulis, contrarium evenit, ut nempe dicto modo applicati, se invicem quam fortissime afficiant, unde &, quamvis ferrum magnetem etiam haud attingat, si tam prope solum admoveatur, ut atmosphæra magnetica misceri possit cum ferrea, pari modo sequitur attractio contrariorum polorum.

§. 48. Dum vero magnetica bullulæ uniuntur dicto modo cum ferreis, hæ paulatim minimas particulas radiantes per ampliatos poros in bullulas magneticas immittunt, quo ipso illæ aliquatenus subsident, hæ vero expanduntur, ita ut utriusque mixtura accurate ratione quantitatis bullularum suarum, respondeat auræ circulanti; unde duo sequuntur: (1) Quod in ea ipsa communicatione particularum radiantium consistat virtus illa, quam magnes à ferro accipit, dum hac ipsa conjunctione magnetis atmosphæra homogenea magis auræ circulanti efficitur. (2) Quod si ferrum diutius adhæserit magneti, natura atmosphærae ejus paululum immutetur, ita ut ejus bullulæ, ob rationes modo dictas, fiant minores. Hinc primum contingit, ut bullularum magneticarum particulæ radiantes tam pertinaciter haud entantur in bullulas ferreae atmosphærae, ut suas bullulas à conjunctione reliquarum separare, &, (quod cum ferro recenti contingit) in atmosphæram ferream transferre possint: unde quando armatura magnetis affricatur ad quemcunque magnetem, vel armatum vel nudum, inde nullam magneticam virtutem, quam aliud ferrum promissime arripit, contrahit: quo & pertinet, quod *polus unus magnetis ferreus, contrario alii affrictus, suam virtutem haud immutat.*

§. 49. Porro hinc fit, ut *armatura magnetis magneti conjuncta,*

juncta, vel propius solum adnota, limaturam ferriv. g. attrahat, remota vero ab eodem, et si quam quietissime, limaturam protinus dimittat. Nam aura circulans cum magnetica atmosphæ-
rula confluit, quæ si permista est armaturæ atmosphæ-
rulæ, cum hac etiam conjungitur aura circulans, & sic, quicquid elastice cum arma-
turæ atmosphæ-
rula conjungitur, veluti aliud ferrum, illud quoque à circulante aura afficitur. Cum vero nullæ bullulæ magneticæ, per superius dicta, possint cum armatura (etsi cum alio ferro) ita conjungi, ut ex unione sua pristina dimoveantur, sequitur, quod si è vicinia magnetis remota fuerit armatura, nulla amplius per hujus atmosphæ-
rulam circuletur aura centralis: unde & extra unionem cum magnete, non solum magnetica non est hæc armatura, sed ne quidem reddi talis potest.

§. 50. Hæc autem attractionis & repulsionis virtus, variis gradibus differt. Sic super aqua attrahi & repelli ea quoque deprehenduntur, quorum neutrum sentire manus poterat. Sic fortior magnes id movet, quod debilior in motum circæ haud poterat: sic acus ferrea, super rudiorē & asperiorē convexitatem constituta, non movetur à magnete, quæ, si super leviori convexo ponatur, promptè vertitur. Unde & mirandum haud est, rotulæ ferreæ gyrationem in magnete æque bene procedere, ac in terra. Sicut enim hic motus gravitatis non potest impedire illam gyrationem, ita nec ibi ille motus elasticus, quem attractionem vocant. Est enim motus alius alio fortior, & hic haud dubie illum vincit, unde & motus impressus pariter superat motum attractionis, quam vocant.

De atmosphæra Terræ, seu involucro aereo.

§. 51. Hactenus ergo de natura involucris mineralis, seu lapidei, diximus: sequitur, ut jam agamus quoque de aereo, seu atmosphæra terræ. Equidem de natura hujus aeris atmosphærici in libro I. abunde diximus, ut huic loco nihil fuerit relictum, quam ut de origine ejus adhuc pauca adjiciamus. Oritur nempe dicta atmosphæ-
ra ex aura centrali, quæ sub initium creationis variis constitit bullulis, nobilioribus, & ignobilioribus, magis minusve. Explosæ vero ex terra variæ hæc bullulæ partim subingredi poros primi involucris haud potuerunt, cæ nempe, quæ erant ignobiliores, adeoque radiis solaribus

Cap. V. §. 59.
seqq.

ribus objectæ expandebantur tantopere, ut & extra unionem reliquarum constituerentur, & ob magnitudinem suam iisdem meatibus, quibus reliquæ regrediebantur, referri haud possent.

§. 52. Sicut vero illæ ipsæ bullulæ ignobiliores varii erant gradus, ita omnes quidem tantopere expandebantur, ut regredi ad oceanum illum centalem haud possent, varia tamen & hæc erat expansio: unde cum uniri eæ bullulæ haud possint, quæ magnitudine insigniter differunt, maximæ earum & minimæ ad se invicem quiescere haud possunt, sed prominentibus radiis tamdiu propelluntur, donec minimæ cum paulo majoribus, & maximæ cum paulo minoribus, uniantur, & sic hujus atmosphæræ bullulæ paulatim ratione magnitudinis crescant atque decrescant. Ex hæcenus dictis nondum sequitur, quod minimæ necessario vel sumæ sint, vel imæ: cum vero illæ sint nobiliores majoribus, & nobiliores omnes graviores, sequitur jam, quod minimæ sint imæ, maximæ summæ. Sed minimæ tamen illæ adhuc sunt longe majores, quam ut uniri cum aura regrediente possint.

§. 53. Sic ergo quædam atmosphæræ hujus nostræ bullulæ tantæ sunt, ut nunquam uniri cum aura regrediente possint, eæ nempe, quæ sunt maximæ: quædam ancipitis naturæ, has puta, quæ sunt minimæ. Cum enim & auræ centralis bullulæ diversos habent suæ nobilitatis gradus, aliquæ earum maximæ, cum minimis atmosphæræ tantam habent similitudinem, ut jam cum atmosphæra sint unitæ, jam cum aura centrali, prout à sole magis minusve sunt expansæ: ut adeo alio tempore ad oceanum centalem deferantur, alio tempore, imprimis æstivo, in atmosphæra hæcant nostra, unde & major est dicta atmosphæra, & bullulis numerosior, tempore æstatis, quam hyemis.

§. 54. Vulgo quidem atmosphæræ *naturam in exhalationibus* ponunt salinis sulphureis, aqueis spirituosus & aliis: verissimum quoque est, quod ejusmodi halitibus, æstivo maxime tempore, & diurno, scatcat atmosphæra, quæ tamen ad naturam atque essentiam atmosphæræ æque minus spectant, ac variæ impuritates, quæ hinc inde in fluvios confluunt, ad naturam aquæ vel fluminis. Ex his ipsis vero exhalationibus dissolutis penitus, & à solari virtute in
accre-

aeream naturam redactis, verum fieri posse aerem, & hinc atmosphæaræ quantitatem augeri, non abnuo. Illud vero contendō, vere & constanter uniri cum aere atmosphærico nullas posse vel particulas salinas, vel sulphureas, vel aqueas, vel alias; nisi à sole redigantur in naturam aeream, hoc est, nisi plures, sibi invicem incumbentes, uri suo loco probavimus, bullulæ separentur, ut una modo earum supersit. Sicut vero sic augeri numerus bullularum atmosphæricarum, ita & imminui pariter potest: si nempe simplices illæ bullulæ aeræ aliis includantur, & sic in spissiora, ac denique solida in corpora mutantur.

De involucro terreo.

§. 55. De involucro terræ aqueo, cum proximo capite sim acturus, nunc videndum breviter de involucro terreo est. De natura terræ jam in principiis dictum. Terreum involucrum ex particulis constat terreis, quæ successive ex vegetabilibus & animalibus subnasci, in eademque iterum absumi, videntur. Ubi notandum, quod duplices dentur terræ, *metallicæ* atque *vegetabiles*, ad quas etiam refero, si quæ probari potest, terras animales: nam ex destructione tum vegetabilium, tum animalium, eadem subnascitur terra, ea scilicet, cui vegetabilia crescunt: ex destructione autem metallorum nascuntur terræ disparis qualitatis à terra communi: quales sunt terræ sigillatæ, boli, cretæ, &c. Hæ manifeste in se sovent particulas metallicas, adstringentesque sunt & sudoriferæ, nutriendis vegetabilibus atque animalibus ineptæ: & quæ etiam mutari quadantenus in sua metalla, artis virtute, possunt.

§. 56. Sicut ergo ex omni sale terra potest fieri, ita dubium nullum est, quin maxima pars terræ vegetabilis & facta sit ex salibus, & etiamnum fiat, quod & de terris metallicis verum esse existimo. Cum vero terra vegetabilis inserviat generationi atque nutritioni vegetabilium, probabile haudquaquam est, omne hoc involucrum terreum paulatim sponte naturæ ex salibus fuisse factum. Ut enim non dicam, haud apparere, quæ immediate ex salibus fieri terra potuerit. hoc saltem pensandum exhibeo, quod ex hoc sumto sequatur, terram per aliquot centum annos stetit sterilem herba-

barum atque stipitum, & hinc etiam animalium: id quod majestate Divina indignum esse, quilibet intelligit: unde id etiam rationis virtute intelligitur, quod divinus prodidit Moses, terram fuisse immediate una cum aqua à Deo productam.

§. 57. Quod si vero & ab initio tantam terræ molem creavit Deus, & subinde eadem ex corruptis vegetabilium animaliumque corporibus augetur, sequitur, quod cum ætate mundi in immensum crescere debeat illa moles. Sed respondeo, prohiberi immensum illud incrementum à mutatione quadam circulatoria terræ in vegetabilia, horumque in terram. Etsi enim experimentum Helmontianum, infra allegatum, probet, salicem aliquot librarum ex pura aqua crevisse, & ex terra vel minime vel parum; hinc tamen haud sequitur, quod reliqua etiam vegetabilia æque parum terræ participant: nam de iis vegetabilibus, quæ multum in se fovent salem, non æque responsurum esse experimentum, persuasum habeo.

Lib. III. Cap.
XV. §. 24.

! all. §. 30.

§. 58. Hæc circulatoria mutatio ut recte intelligatur, sciendum, quod infra probaturus sum, plantarum salem ex terra, sulphur ex ære, lignum ex aqua esse: notandum porro, & ex principiis huc repetendum est, quod terra haud aliter differat à sale, quam particularum radiantium copia, quarum vix una atque altera, eaque ignobilior in illa superest: unde frequenti radiorum solarium allapsu fieri potest, ut una item atque altera terræ particula denuo excitetur in salem, eumque ut plurimum nitrosum, pro diversitate vero terræ etiam vitriolicum & alium: qui sal in aqua solutus transvehitur in nutrimentum plantarum. Plantæ vero quomodocunque, vel putredine, vel igne destructæ, tum ex ligno suo, tum & sale, quam consumserunt, iterum reddunt terræ quantitatem.

§. 59. Sed & alia adhuc est terræ, pro nutriendis plantis, utilitas: dum ita *dividit* aquam, ut introduci in exiguos radicum meatus possit. Nempe bullulæ aquæ, dum sibi invicem sunt conjunctæ, elastica sua cohæsione, huic in radicum meatus introductioni repugnant: terræ autem particulæ, maxime mortuæ, sunt omnium minimæ, unde omnium optime didere possunt, & à se invicem separare bullulas aquas, & intromitti in poros radicum possunt:

sint : unde intelligitur , *quare mera aqua nullas nutriat plantas*, nec ullas terra absque aqua ; item , quare quibusdam , in tectis v. g. nascentibus , pauca terra sufficere possit.

S E C T I O III.

De

Ufu hujus doctrinæ adversus superstitionem atque atheismum.

§. 60.

UT antiquas omnes , quibus ob mirabiles suas virtutes , terra habebatur Dea , superstitiones mittam , & recentiores , cognitas ab omnibus , si non hominibus , saltem recte credentibus , quibus v. g. Muhammedes dicitur in altum una cum sandapila , veluti resurrectionis indicio , magnetis virtute sublatus ; illud solum , quod de magnete dictum fuit , in generalem usum adversus superstitionem convertam , ut magnetis exemplo discamus , *quanta sit natura insensibilis majestas*. Nam cum de magnetesciamus tot phænomena , totque phænomenorum circumstantias , exuamus tandem indignum istud sapientibus præjudicium , ut quicquid , quomodo fiat , nesciamus , vel immediate à Deo , vel à diabolo fieri inepte nobis persuadeamus . Hoc si quondam rite pensitassent eruditi tot magni Viri , quorum apologiam Naudæus scripsit , non fuissent magiæ suspecti .

§. 61. Cogitemus , quod multi magiæ etiamnum passim rei pronuntientur , qui iisdem rationibus damnantur , quibus , si magnetis virtus adhuc esset incognita , incusari diabolici commercii is posset , qui prehensio manibus magnete , & sub tabula occultato , super eandem constitutam acum versoriam , verbis jam huc vocaret , jam illuc , jam stare juberet , jam pergere . Nonne plausibilis eodem modo illius esset dissertatio , qui sequentem in modum peroraret : Quid enim ? Num naturaliter poterit fieri , ut experts omnis sensus metallum audiat vocem loquentis , intelligat , auscultet , huc præcipientem

huc sequatur, illuc jubenti contrario motu obediatur, consistere justum uno stet loco firmiter, nec nisi motum redaspiceretur?

Adversus atheismum.

§. 62. Ipsa hæc terra, quam pedibus calcamus, involucrum nempe terreum, ita probat existentiam Dei, ut quicquid aliud fingas, unde hæc terra orta sit, absurdum sit futurum, id quod generali demonstratione probari potest. Vel enim sumitur causa quædam mechanica, quæ subito tantam terræ produxerit copiam, vel quæ pedetentim, tractu temporis, eandem genuerit. Si prius asseratur, brevi post debet illa cessasse causa, alias longe major terræ nunc daretur copia, quam experientia docet: cum vero talis causa debuerit esse satis potens & vegeta, quippe quæ tam exiguo tempore tantam pepererit molem, non apparet, quæ tam subito cessare tam potens causa potuerit. Sive enim cum Epicuro, & aliis de eius grege, dicas motum aliquem vertiginosum, atomos varie implicantes sibi invicem, non apparet, quare non adhuc hodie tales atomi sibi invicem implicentur, ut subinde adhuc crescat terræ copia; vel cum Cartesio ex abralis globulis secundi elementi hanc terræ massam provenisse dicas, etiamnum abradi possunt dicti globuli, etsi perfecte jam rotundi, ut adeo, si non æquali, uti sub initium, copia, saltem sensibilibiter adhuc satis terra debeat augeri. Cum vero hoc ipsum haud doceat experientia, patet, quod vix commode fingi aliqua possit causa mechanica, quæ subito hanc terræ ediderit molem.

§. 63. Quod si fingas pedetentim tractu temporis eam genitam fuisse terræ massam, ut demum hoc nostro tempore ad eam, quæ nunc conspicitur, excreverit molem, sequitur, quod sub initium mundi per centum saltem annos tam exigua fuerit terræ copia, ut vix vilior herba in ea suas agere radices potuerit, non arbor, non plurimæ plantæ paulo profundius radices suas proferentes: quodque per multos annos, quibus jam constitit hoc universum, nulla herba nec gramen exstiterint, & hinc nullum animal. Cum vero quæcunque fingatur esse hujus universi causa, sapiens saltem fuerit, necesse sit, quod vel sola animalium inspectio abunde docet, indignum sub-

substantia sapiente fuerit, fecisse aliquid, cujus per multos annos nullus fuerit usus, præcipue cum non appareat, quid illud ens sapiens impedire potuerit, quo minus inceptum absolveret opus. Quod si vero & hoc negetur, asseraturque nullo plane consilio coivisse hoc universum, quod durum sane, & dicere plus quam rusticum fuerit, sequitur, quod per accidens creata fuerit terra seu humus, quod qui pressius paulo pensitârit, absurdissimum esse deprehenderet. Humi namque nascuntur gramina, herbæ, stirpes atque arbores, sine hisce vivere & sustentari nullum animal potest, & sine humo forte ne pisces quidem, propter animalia vero manifestissime factum est, quicquid in hoc universo luceat atque movetur: unde id conficitur absurdum, quod per accidens factum illud sit, sine quo vivere non possunt ea, quorum in gratiam totus hujus universi ornatus est conditus.

SECTIO IV.

De

Usu hujus doctrinæ in prudentia circa sanitatem.

De

Habitaculis secundum plagas mundi, pro scopo sanitatis, constituendis.

§. 64.

Temperamenta an mutari possint cum euphoria, hoc loco non disputabo, id tamen dicam, Medici hoc opus esse, non alius. Proximum est conservare recte & prudenter temperamenta, & convenienti pabulo enutrire. Cibus atque potus tale pabulum supeditant, sed & aer, unde multum refert, cui quis plagæ mundi sit expositus, hinc enim vento advehitur aer. Ex supra vero dictis manifestum est, quod alius aer à septentrionibus, alius ab austro, alius ab oriente admoveatur, alius ab occidente, nempe bullulæ nobiliores

absque sufficiente æthere à septentrionibus, particulæ radiantes nobiliores à meridie, nobiliores bullulæ cum nobilioribus particulis ab oriente, ignobiliores utræque ab occidente.

§. 65. Nempe, quod à septentrionibus accedant bullulæ nobilissimæ, illud exinde clarum est, quoniam sunt bullulæ auræ circulantis, quæ omnes supra probatæ sunt esse nobilissimæ, quod eadem vero bullulæ paucioribus & ignobilioribus particulis radiantibus sint imprægnatæ, illud ex via solis patet, vel si ita mavis, ex motu inclinationis terræ, quo hæc terræ pars à sole semper manet remotior. Ex eadem quoque ratione intelligitur, quod à meridie advehantur particulæ radiantes nobiliores: hæ enim maxime per directos solis radios descendunt, cujus particulas nobis adspirat auster; bullulas vero nobiliores à polo meridionali admovendas iidem solis radii, quo minus copiosius advehantur, prohibent.

§. 66: Quod porro ab oriente ad nos adducantur particulæ nobiliores, una cum nobilioribus bullulis, id exinde patet, quoniam bullulæ auræ circulantis undique ad nos perveniunt, ubi non prohibentur. Tantum vero abest, ut sol à nobis eos arceat, ut eos, & lateraliter maxime accedentes, motu potius suo, ad nos propellat. Cum vero & hoc solis posito directos ejusdem radios perfleret Eurus, dubium nullum est, quin & particulas nobiliores ad nos deferat. Utræque ignobiliores asseruntur affluere ab occidente: & de bullulis quidem sufficienter demonstravero, si lector intelligat, commode ad nos pervenire haud posse bullulas auræ circulantis, reliquæ enim omnes sunt ignobiliores: sicut autem radii solis prohibent has bullulas à meridie accessuras, sic ejusdem motus arceat ab occasu redituras. Sed quantum ad particulas radiantes, primo intuitu videntur nobilissimæ pari ratione à zephyro advehi, qua supra dictæ sunt, ab austro ad nos deferri, nam & ille solis directos perfleret radios. Pensitandum autem est, quod nullus ventus motui solis reluctetur præter zephyrum, unde statim apparet ratio diversitatis: nempe quantum zephyrus ad radios directos annititur, tantum motus solis renititur, directionumque adeo radorum particulæ suo manent in loco; ut non dicam, quod infra

fra probabo, zephyrum non habere ortum trans radium solis directum, sed cis eundem.

§. 67. Suo vero jam dictum loco est, quod melancholicum temperamentum iisdem constet elementis, quæ à septentrionibus adspirant; cholericum iisdem, quæ auster nobis exhibet; sanguineum; talibus, qualibus nos macerat eurus & phlegmaticum talibus, qualia zephyrus ad nos refert. Omnia vero temperamenta, quæ mutari non possunt, optime habent, si similibus & paribus gaudeant corpusculis: unde apparet, quod melancholici versus septentrionem habitare debeant, cholericici versus meridiem, sanguineorum habitaculum eorum excipere debeat, phlegmaticorum zephyrum.



CAPUT II.

De

*Natura Oceani, seu de Involucro
terræ aqueo.*

SECTIO I.

Aristotelis Cartesii atque Gassendi, opinio.

§. I.



Ristoteles postquam varias antiquorum, de generatione maris, opiniones recensuit, refutavitque omnes, eo tandem devenit, ut eorum approbet opinionem, qui mundo coævum statuebant mare, atque cum ipsi valde arrideret eorum opinio, qui το πᾶν putabant esse αἰδιον, seu mundum æternum, hypothetice hinc concludit, quod si quidem æternus mundus est, & mare

*Meteorol.
Lib. II, C. I.
& II.
I, all. Cap. III.*

& mare sit æternum. Et ille ipse, ad quem provocat consensus, quod mare mundo sit coævum, subolet doctrinam Mosis, qui primus instinctu Divino docuit, quod Oceanus non fuerit generatus ab elementis, sed creatus à Deo. Sanissimam hanc sententiam ad suum errorem detorquet Stagirita, quo putabat mundum esse æternum, & ex illa veritate, & hoc errore concludit, quod mare quoque sit æternum. Sic autem ait: τὸτο μὲν ἂν εἰκάσι πάντες ὁμολογεῖν, ὅτι γίνεται, ἔπειτα καὶ πᾶς ὁ κόσμος ἅμα γὰρ αὐτῆς πειθῶσι τὴν γένεσιν. id est, hoc quidem fateri omnes videntur, quod, si quidem mundus sit, etiam factum sit mare: simul enim utraque perhibent facta. Hinc vero concludit Aristoteles, ὡς ἔπειτα αἰδίων τὸ πᾶν, καὶ περὶ τῆς θαλάττης ὕψως ὑπολαμβάνειν, id est, ut adeo si quidem hoc universum sit æternum, id ipsum quoque de mundo statuendum sit.

§. 2. Et si vero sic statuatur mare æternum, æternam tamen ejus falsedinem esse negat. Hoc autem modo eam generatam esse perhibet: Duplicem nempe à solis radiis elevari exhalationem, ait, alteram siccā, alteram humidā, utramque deferri per modum pluvie in mare, illam vero, cum arida sit, & veluti exusta, mare reddere falsum. Eleganter hanc opinionem Aristotelis refutat Gassendus. Instar omnium vel sola hæc poterit esse ratio, quod sic etiam fluvii & lacus debeant esse falsi: de fluxu maris atque refluxu nullibi ex professo agit. Cæterum cum Libertus Fromondus Meteorol. lib. V. Art. VII. cum aliis dicat, quod Aristoteles radio ignorationis cause, ne quidem ejus facere sustinuerit mentionem, nescio, annon viderit illum locum lib. de Mundo: πολλὰ δ' ἀμώπως λέγονται, καὶ κωμάτων ἀρσεις συμπεριλαμβάνειν ἀπὸ τῆς σελήνης, κατὰ τινὰς ὥρας μιν ἐκκαίρειν. Multi quoque æstus, & fluctuum elationes, cum luna subinde perordice, statim quibusdam temporibus, moveri perhibentur.

Gassendi sententia.

§. 3. Gassendus de maris origine tacet, de causa vero falsedinis marinæ existimat, quod aliunde haud sit, quam à montibus salinis, qui in mari, vel etiamnum existant, vel olim fuerint. Et quamvis immensa illa aquæ copia vix videatur à tam paucis sale

(fre-

I. all Cap III.

all. l. p. m.
767. A & B.
Animadv.
P. l. p. m.
569.

all. l. Cap. IV.

(frequentiorem enim eum in fundo maris non asserit, quam in superficie terræ) sufficienter imprægnari posse, tamen id considerare jubet, quod cum multa aqua quotidie solis ardore auferatur, nihil plane salis è mari attolli in aerem possit. Sed utut speciosa satis hæc sit opinio, mihi tamen haud satisfacit, vel propter solam hanc rationem, quod sal marinus sic esset sal in aqua solutus, quicquid adeo sola destillatione sufficienter ab eadem separari deberet, quod tamen aliter fieri experientia docet. Huc accedit, quod & illud falsum sit, quod sibi sumit Gassendus, quod in fundo maris tantum datur salis, quantum in superficie terræ; nam nitrum, quod ubique terrarum non modo datur, sed & ablatum restituitur, à terra particulis radiantibus imprægnata oritur, quod in mari nec datur, nec dari potest, quoniam dictæ particulæ ab aere debent deferri, qui omnium consensu ad fundum maris haud pertingit.

§. 4. De æstu vero maris varias recenset Gassendus sententias, & postquam sibi maxime probari Galilæi sententiam, qui phænomena æstus marini à motu terræ deducere allaborârat, ostendisset, plurimis tamen obnoxiam difficultatibus etiam hanc esse fatetur: unde concludit demum, quod hætenus hac in materia nihil determinari queat. Hic vero ille quondam in disputationibus cum Cartesio tam placidus Gassendus, humani quiddam se passum ostendit, dum usque adeo Cartesianæ hypotheseos prærogativam dissimulat. Etsi enim nec ista nobis penitus probetur, longe tamen nitidior, & phænomenis æstus sufficientior est, quam vel Galilæi, vel ulla alia.

Animadv.
P. I. p. m.
562, & seqq.

Vid. Bernier
Philosophie
de Gassendi
Tom. V.
Chap. IV.
p. 70.

Cartesiana opinio.

§. 5. Cartesius ergo omnium optime rem tetigit, dum supponit, materiam cælestem inter aerem atque lunam fluere, cumque ejus fluxui resistat luna, premi aerem, hinc aquam, quæ pressa versus littora cedat: moveri autem insimul & terram hac ipsâ pressione è suo loco, & hinc eleganter rationem reddit, hætenus à nemine datam, quare singulis viginti quatuor horarum spatiis, bis recurrat fluxus atque refluxus. Sed hæc mihi solum cæteris præripere palmam videtur opinio, nondum vero penitus esse vera. Fig-

Kkk

mentum

mentum enim Cartesianum est, quod habet de interfluente materia cælesti: itemque de pressione lunæ, qua utpote circulariter motus, conando à sui motus centro recedere premat inferiorem aërem. Nam & falsum est, quod corpora circulariter mota à centro motus sui conentur recedere, quod supra lib. I. cap. §. probavimus, & si verum esset tam à centro terræ; quam à centro solis deberet recedere conari luna, adeoque hoc posito nullam posset causari pressionem.

§. 6. De maris origine nihil, quod sciam, habet. Cæterum de falsedine maris idem videtur sensisse cum Aristotele, quandoquidem Meteoror. cap. III. §. VIII. ejus phænomeni, quod mare magis deprehendatur falsum versus æquatorem quam versus polos, hanc reddit rationem, quod æstus solis sub æquatore sit vehementior, & vapores non semper eodem relabantur, unde venerint. Sed cum clarius hic mentem haud exprimat suam, etiam ejus vestigiis inhærere, quoad id ipsum haud licet.

SECTIO II.

De

Natura Oceani nostra opinio.

§. 7.

Maria vero cum sint partes oceani, ea sigillatim haud considerabimus, sed totum potius oceanum, qualis sit, edoceamus. Est nempe confluxus aquarum maximus, inter terram & aerem atmosphæricum interceptus, radiis solaribus diu noctuque obnoxius. De origine maris nolo ingenium sollicitare meum, cum ex Sacris literis constet, quod à Deo sit factum, cumque tot præclara ingenia in excogitando ejus origine frustra desudarint, de quibus vide Aristot. Meteorol. De falsedine vero ejusdem quid nobis videatur, hoc maxime loco exponendum est.

Salsedo maris.

§. 8. Sicut vero ipse Deus condidit Oceanum, ita simul quoque

que forsitan ejus creavit falsedinem : sed etsi eam non creârit, sed mare fecerit confluxum immensi phlegmatis, hoc est, corpusculorum duplici bullula *nobiliore*, variisque ignobilioribus particulis constantium; intelligi potest, quomodo falsedo maris à solis radiis fuerit sub æquatore in zona torrida necessario generata. Notum enim est, quod Oceani superficies sit convexa, unde sequitur, quod sol radiis suis ita in eum incidat, ut circumcirca ad radium rectum refringantur radii laterales certa quadam profunditate, nec determinabili facile, nec determinanda necessario, ibidemque magnum quendam constituent *focum*, qui bullulas phlegmatis marini, mercurialis quodam frigoris corpusculo conjuncti, primum expandit, dein rumpit. Et hanc aperturam facile ingreditur bullula mercurialis frigoris: post quem ingressum, dum particula ejus radians nobilissima suam expandit bullulam, ignobiliores particulas ex duplici phlegmatis bullula exprimit, quo facto necessario duæ illæ bullulæ à resistentibus motui suo particulis liberatæ intro moventur & nisu bullulæ mercurialis advenæ ita conatum particulæ radiantis centralis retundunt, ut circumcirca prope satis ad centrum ejus accedant, hoc ipso poros suos claudant, & solidum corpusculum salinum constituent, quod utpote exiguum, per porum alicujus vicini corpusculi phlegmatis marini, utpote expansi valde, porosque suos ampliati, ingreditur: & talium corpusculorum sale imprægnatorum conditio, falsedo maris est.

§. 9. Nihil autem in hac quidem deductione sumimus, quam quod vel luculentissima experientia, vel invictis ratiociniis passim constat: id quoque, quod de foco dicimus, etsi non vulgaris sit doctrina, à nemine tamen rectius circumstantias pensiculante negari potest. Notandum vero, quod sicut vitra caustica docent, omnis radorum focus in aqua collectus sit longe debilior quam in aere, usque adeo, ut vel optimo vitro, vel speculo caustico, spiritum vini rectificatissimum in medio & fundo haud possis accendere; sic pariter & magnus ille in Oceano, ut dictum, factus focus oppido debilis est & languidus; unde nec ebullitionem, quæ in cõctione observatur, excitat, nec ab urinatoribus percipitur, sufficit tamen ad illam, quam supra ad salis confectionem requisivimus, expansionem

præstandam. Quod vero hoc marinum phlegma quodam mercuriali frigoris corpusculo conjungatur, id supra jam suo loco probavimus.

Lib. I. c. VI.
§ 39.

Quare major salsedo sub æquatore sit.

§. 10. Hinc vero etiam intelligitur, quare salsedo major sit sub æquatore, quam sub polis: ibi enim est officina, ubi sal conficitur: huc vero illinc propellendus est, tum æstu maris, tum raptu ejusdem ab ortu in occasum. Huic causæ accedunt quædam aliæ: nempe pluviarum & nivium in septentrionalibus locis frequentia, quibus magis solvuntur sales, & minus percipiuntur, item magnorum atque multorum fluviorum in mare exoneratio. Reliqua, quæ habet Varenius, attendi haud merentur.

Geogr. General. lib. I. c.
XIII. Prop.
10.

Quare destillatione non fundat aquam dulcem phlegma marinum.

§. 11. Mirantur, quæ fiat, quod super æquore pluvia dulcis decidat, & destillatione, artificiali veluti pluvia, non pariter acquiratur. Sed norandum, quod sicut sal per poros bullularum ingreditur, sic ex iisdem calore expansis, ampliatisque earum poris, iterum elabatur: unde hujus phlegmatis bullulæ nobiliores in causa sunt, ut destillatione attollantur, antequam eo usque à calore sunt expansæ, ut per poros earum excidere corpuscula salina queant. Quodsi vero à sole attollantur altius, magisque atque magis expandantur, facilius sic elabi posse dicta corpuscula quilibet perspicit. Verius autem fortasse dixero, ne attolli quidem multas bullulas vere marinas, sed eas solum, quæ ab aqua fluviali & pluviali mari fuerunt communicata.

Quomodo salsedinem deponat aqua marina, per arenas percolata.

§. 12. Sicut autem hoc modo ex ampliatis poris excidere sal potest, sic etiam vi potest exprimi ex poris vel mediocriter solum,

lum, vel plane non ampliatis. Et hoc fit, quando aqua marina per arenas aut terram transiens dulcescit: exigua enim illæ arenarum & terræ minutia ita dividunt aquam, ut in singula fere resolvatur corpuscula: dein hæc etiam per arenas coacta ita comprimuntur, ut fortum salinum qua data via per poros excuriant: cujus modi ulterior consideratio forsitan suppeditare aliquod posset artificium, quo in solatium navigantium edulcari aqua possit.

Quare vehementius agitata aqua marina scintillas emittat.

§. 13. Cognata huic ratio est ejus phænomeni, quo mari navigantes observârunt, interdum, si maxime agitetur mare, & calor æstusque solis adspiret, scintillas emicare quasdam. Salis enim corpusculum in bullula phlegmatis marini latens agitatione maris concutitur, & ultro citroque jactata particulas radiantes minores excutit, quæ excussæ in aerem emicant, atque aërearum, particularum radijs allisæ radiationis motum gignunt, cujus effectus ad oculos usque navigantium pertingit. Cum autem illa ipsa radiatio particulæ elisæ non adeo sit fortis, suffocatur sæpe motus, ut navigantium haud possit aspicere oculos: unde cum aer calidus multis particulis radiantibus sit plenus, & adeo radiationi illius particulæ ejectæ minus resistat, evenit, ut tempestate calida maxime sentiatur dicta scintillatio.

Quare flumina & stagna, lacusque, & maria ab Oceano sejuncta, non eodem modo concipiant salern.

§. 14. Tandem cuilibet facile apparet, quod modus generationis salis marini non possit applicari ad flumina & stagna lacusque, imo maria ab oceano sejuncta. Primo enim non sunt convexa hæc omnia, sicut oceanus, ut radii possint colligi, & focus aliquis constitui: dein etsi etiam quacunque alia de causa colligantur eodem modo radii, minus profunda sunt hæc omnia, quam ut in aquis constitui focus possit. Imo si vel maxime constituatur, bullulæ aquæ dulcis ignobiliiores sunt, quam ut ad centrum retun-

dere virtutem particulæ nobilioris possint : unde multis modis hic impeditur salis generatio.

De fontibus.

Geogr. Gen.
P. Ab. l. I. c.
XVI. Prop.
V. n. 6.

Animadv. P.
l. p. m. 556.

l all. c. XIII.
Prop. I.

Lib. I. Meteoror. c. XIII.

Princ. P. IV.
§. LXV. &
scqq.

Vid. Lib. I. c.
VI. §. 38.

§. 15. Fontium originem ex mari derivari, plausibilis multorum, nec penitus falsa, opinio est. Fontes enim, qui prope mare sunt, vel falsi vel falsiusculi, quorum varios recenset Varenius, facile concedo ex mari oriri posse: eos vero, qui sunt in montibus, omni maris altitudine altioribus, hinc ortum ducere posse, nemo faciliori, & magis nativa, hypothese instructus sibi persuadebit. Quod vero montes sint mari altiores, hinc satis solide probat Gassendus, quod mare altissimum profundissimumve, ne unius quidem milliarii obtineat perpendicularum, sint vero montes, Atlas v. g. & Caucasus aliique uno milliari longe altiores; sed & pluribus id ipsum probavit Varenius, & vel ex sola aquæ fluiditatis natura abunde potest intelligi.

§. 15. Propius mihi videntur in hoc argumento à vero abesse, Aristoteles & Cartesius, quorum ille, ex aeris vaporosi in cavernis montium concretionem & destillationem, fontes oriri, credit: hic vero, ex aquarum subterranearum evaporatione eos derivavit, neutrius tamen omnino placet opinio. Hinc nobis vera fontium plerorumque, eorum videlicet, qui vel in montibus, vel ad radices montium, imo & sæpe in planitie aperiuntur, causa videtur esse eadem, quæ est *sudantium fenestrarum*. Sudant enim fenestræ, si caloris magna quædam diversitas est intra hypocæustum & extra: de modo supra dictum. Eorum enim, de quibus hic loquor, fontium, rupes semper causa est, quæ subinde deprehenditur frigidior, quam terra incumbens: permeat vero aer hanc terram, qui rupi alluens eodem modo in aquam mutatur, sicut aer hypocæusti calidus ad vas stanneum, vel ferreum frigidum allabens. Hæc aqua sensim destillat ad inferiora montium, interdumque in medio monte, frequentius ad radices ejusdem, sæpe quoque in ipsa terræ planitie, erumpens.

Probatur hypothesis de fontibus.

§. 16. Hinc autem maxime confirmatur hæc hypothesis, quod

quod oppositæ duæ de pluvia & aqua marina phænomenis contradicentibus urgeantur, hæc nullis. Nam exigua est aqua pluvia, quæ in montem, unde scaturit fons, incidit, maximamque partem de monte decurrit, ut non nisi pars exigua terram ejus subintraret, perduraretque etiam siccitatis, per aliquot hebdomadas durantis, tempore, quo non credibile restitare amplius aquam pluviam in terra montis. Accedit, quod, notante Varenio, pluvia non ultra decem pedum profunditatem humectet terram: fontes vero è majori profunditate scaturiant: quousque nempe in terram è montibus subsidet aqua, donec circumquaque pressa, vel à rupe ipsa impedita, è profundo terræ in planitiem usque ejus apprimatur. Hypothesi vero de aqua marina contradicentia phænomena supra jam tacta: ut adeo per modum syllogismi disjunctivi exinde concludatur hypotheseos nostræ veritas.

Sens. Veri & Falsi Lib. III. c. 1. §. II.

L. all. c. XVI. Prop. V. n. 1.

§. 14.

§. 17. Confirmat eandem id, quod observavit Gassendus, *quod fontes nempe non scaturiant in ipsis montium verticibus (quicquid sive credi sive objici soleat) sed in ipsa declivitate, aut ad radices montium.* Hæc enim observatio ita omnino se habere debet, secundum nostram hypothesein, colligi namque è pluribus guttulis debet aqua, antequam fontem constituere possit: contra si aqua marina apprimeretur ad montes, nulla ratio foret, quare non in minus altis montibus ad verticem usque apprimeretur: cumque ex modo dictis eluceat, quod saltem fontes in ipsis montibus erumpentes non possint ex aqua pluvia vel nivibus oriri, patet iterum ex hoc quoque phænomeno hypotheseos nostræ veritas.

Animadv. P. I. p. m. § 57. 2.

§. 18. Accedit, quod plerique omnes fontes sint in montibus, vel manifeste satis ex montibus, & longe pauciores in ipsa terræ planitie: at sive ex mari petatur origo fontium, sive ex aqua pluvia & nivosa, frequentius extra montes, quam in iisdem, dari deberent fontes. Ex nostra vero hypothesei & in montibus & extra eosdem, conformiter experientiae, dari fontes possunt: eos tamen, qui è terræ superficie ebulliunt, omnes putarim ex montibus descendere: cum alias non appareat, qui tanta vi erumpere possint. Id quoque per se ex hypothesei nostra intelligitur, quod non ubique dari possint fontes, cum non ubique dentur eminentiora saxa &

rupes:

rupes: contra cum & aquæ marinæ & pluviæ æqualiter pateat terra, ubivis terrarum, æquali copia, deberent emergere fontes.

§. 19. Id solum nostræ videtur contrariari hypothefi, quod fontes per æstatem, diuturnis potissimum siccitatibus, exareant: cum tamen diversitas caloris atque frigoris sit eadem, & hoc ipso si non adæquata, saltem socia causa fontium videantur esse pluviæ.

Lib. I. c. VI.
§. 18.

Respondco, hoc dubium solvet modus supra explicatus, quo ex aere fit aqua; qui cum alibi dictis, de natura tempestatis serenæ, optime cohæret. Nempe sereni aeris bullulæ sunt nobiliores, quarumque adeo pori sunt angustiores, ut frigidi aeris bullulæ eas quidem ingredi, & hoc ipso in aquam mutari, haud possint: ideoque pauciores tantum hac tempestate aeris calidioris rupem alluentis subeunt bullulas, adeoque parcius ad conceptaculum fontis defluunt. Sed & ex communissimis hoc dubium solvi principiis potest: nam & vulgo agnoscunt alium aerem humidiorum altero, & in aprico est, quod ex sicciore aere non tantum aquæ possit fieri, quam ex humidiorum. Quod vero alio tempore, circa ver maxime atque autumnum, copiosiore aqua scaturiant fontes, non tum solennes pluviæ efficiunt, sed bullulæ eo tempore ignobiliores, in aere versantes, vel constitutio ejusdem humidior.

De fluviiis.

§. 20. Explicata quapropter fontium origine, planum est, unde oriantur fluvii. Scilicet fontes constituunt rivos, hi parvos fluvios, hi demum magnos, si plures nempe in unum concurrunt, Sed & nives & pluviæ, non quidem ad generationem fluviorum faciunt, sed ad copiam eorundem. Cum vero fluvii, paucis exceptis, in mare se effundant omnes, quærent, quare ideo non augeatur mare? Et facile cuivis apparet, quod cum tanta sit maris latitudo, omnique momento major aliqua pars ejus solis obijciatur radiis, quod tantum quolibet die à sole elevatur, quantum ingreditur: nec necesse est, ut omne id in nubes abeat & pluviæ, quoniam & in verum aerem mutari potest, quod suo loco probavimus. Non ideo id dico, quod immediate ex mari omnis ea aqua attolli debeat, sed multum ejus à terra absorptum ex hac denique ele-

C. VI. §. 43.

De

De aestu maris, seu fluxu & refluxu, itemque motu ejusdem ab ortu in occasum.

§. 21. Et aer & aqua moventur omni mane ad occasum, omni meridie versus polos, vesperi quadantenus ad ortum : illud probat historia ventorum ordinariorum; hoc, nempe de aqua, nostri instituti est probare. Docet autem communis experientia, quod detur *raptus* quidam maris *ab ortu in occasum*, qui adeo favet navigantibus, ut omni die 24. plus minus emetiri milliaria Germanica queant. Hic autem motus in zona maxime torrida observatur, & à motu solis, vel verius, terræ est. Dum enim sol movetur ab ortu in occasum, vel dum terra motu contrario se exponit radiis solaribus, aer atmosphæricus non potest non expandi: cumque supra fuerit probatum, quod luna attingat atmosphæra sua nostram, huic ipsi quoque lunæ atmosphærae idem contingit à sole, quod nostræ. Sicut vero lunæ atmosphæra nostram non penitus occupat, sed circa æquatorem ei potissimum imminet, ita alibi, quam ubi luna constitit, absque singulari impedimento expanditur, longeque altius assurgit, quam noctu.

Vid. Hent.
Mor. Ezech.
Metaph.
Schol. ad.
Cap. XIV.

Lib II. c. 5.
§. 24.

De motu maris ab ortu in occasum, itemque aquationis.

§. 22. Dico autem, absque singulari impedimento, non ideo absque nullo. Datur enim & aliud, minus quidem, sed amplum magis atque universalius, nempe superioris aeris in inferiorem elastica subsidencia. Nam cum inferior aer, propter radiorum solarium reflexionem, duplicibus impleatur radiis, non possunt non ejus hinc magis ampliari bullulæ, adeoque superioris aeris bullulæ, eas puta, quas radius reflexus non attingit, modo sæpius explicato, elastice in inferiores niti, quo ipso harum paululum resistitur expansioni ulteriori. Sic & ille ipse inferior aer renisu suo aliquantum premit aquas, & si verum est, quod mare ordinario moveatur ab ortu in occasum, illum ipsum motum efficit, dum pressa sic aqua, aliam ante se protrudit, cujus protrusionis motus, cum

fæpius repetatur, facile potest universalem quendam circa totam terram causari motum. Illa eadem quidem causa etiam retro pel-
lere aquam potest, debiliore tamen longe motu. Et hinc est, credo,
quod Edmundus Halleus propria in mari experientia observavit, il-
lud nempe circa Quineam etiam ab occasu moveri in ortum.
Cessante vero hac solis efficacia, & aeris pressione, non potest non
à septentrionibus versus æquatorem redundare idem, unde & hac
via facilius navigatur quam contraria, propter hunc, quem æqua-
tionis vocant, maris motum.

Conspiratio lune cum æstu marino.

§. 23. In locis autem sub zona torrida, cum ibi verticalis
luna sit, aer atmosphæricus noster à radiis solaribus intumescens,
inter aquam marinam atque lunæ atmosphæram interclusus, utrin-
que veluti premit, hic mare, illic atmosphæram lunarem: aqua
dum sic premitur, cedit versus septentrionem austrumque, ante-
rioresque ante sese promovet undas, quæ provolutæ ad litora usque
fluxum, refluentes vero, post cessantem impulsus, refluxum causan-
tur. Provolyuntur autem eo undæ, quia aer ibidem non nisi late-
ralibus solis radiis obnoxius minus expansus minus aquæ intumescenti
resistit. Unde patet illa lunæ cum æstu marino conspiratio, qua (1)
sicut luna quotidie uni loco 4^{ta} unius horæ tardius oritur, ita præ-
cise etiam tot minutis, quinquaginta plus minus fluxus redit tardius.
(2) Quotiescunque luna versatur in meridiano, toties fluxus, quoties
in horizonte toties refluxus est. (3) Quanta sit huius æstus cum no-
viluniis & pleniluniis convenientia, mox deinceps dicetur: adeo ut
non male hunc dicat Libert. Fromond. tam compertum videri æstus
effici & gubernari à lunari sidere, quam calorem ab ignibus effundi,
aut lumen à sole.

Meteorol. L.
V. art. IX.

Quare 24. horis bis recurrat æstus.

§. 24. Dum sic vero elastica sua expansione aer pellit aquam,
eo ipso totam simul afficit terram, eamque ex loco suo paulatim
pellit versus aerem oppositum. Nam etsi eo ipso terra, utpote ex
loco suo pulsa gravitatem sibi acquirit aliquam, ut adeo debilis
aeris

aeris impulsus vix videatur tantæ moli promovendæ sufficere; tamen pensandum est, quod ad primum motus momentum, quo profertur corpus omni gravitate destitutum, quod supra demonstratum est, aptus sit levissimus quisque motus: cogitandum porro, quod quo magis augentur motus momenta, eo plus sibi gravitatis acquirat terra, adeoque, quod ad secundum quoque & tertium motus momentum non requiratur singularis quædam vis motrix, quodque adeo, si hæc momenta sint pauciora, non nisi mediocris debeat esse vis movens. Nulla vero vis movens potentior est elastica, quod non solum cuniculi & terræ motus, sed & infinita alia experientia probant: vis autem, quæ hic movet, elastica, & hinc plus satis ad præstandum effectum apta, est. Imo etsi longe esset debilior, si vel unum illud cogites, quod quædam experimenta docent, quibus apparet, quod etiam exigua vis motrix, vel minimum saltem motus momentum præstare apta, stupendam molem promoveat, dummodo, per minimos gradus subinde possit adscendere, nec per vices relabatur.

§. 25. Sic movet illud aurigarum instrumentum, quo currus attollunt, aliudque eodem modo contingens passim notum est experimentum, quo vesicæ alligant onus centum & plurium librarum, solaque inflatione, nulla alia causâ concurrente, elevant. Nulla his alia ratio subest, quam quod per minima motus momenta ulterius atque ulterius subinde adscenditur. At idem contingit in atmosphæra nostra, paulatim à sole nostro expansa, quæ, quod moveat terram, etsi gravem, æque minus mirum est, ac, quod inflatio attollit centenarium.

§. 25. Terra autem è loco suo sic mota, una cum aqua premitur versus aerem, utpote cum aqua haud unitum, & sic ex opposita quoque terræ parte, eodem loco, ubi in altero hemisphærio æstus marinus est, aqua æquali virtute premitur, ut & hic pressioni cedat, & versus litora protuberet. Sicut pila inflata, vel vesica à manu versus tabulam, vel quodcunque aliud oppositum corpus pressa, non solum cedit manui, sed &, cui apprimitur, corpori; sic & res se habet cum aqua oceani, quæ hic ab aere expanso contra aerem oppositum veluti pressa, utrinque violentiæ pressiois, pro more fluido-

rum, sese subtrahit, eoque, ubi minus resistentiæ offendit, versus polos nempe, se subducit: nec putandum, quod molle & fluidum corpus, quale est aer, resistentiæ ineptus, talem præstare pressionem haud queat; nam & duæ inflatæ vesicæ se invicem premere possunt. Sed aer mollior est aqua, unde non poterit premere aquam, ais. Respondeo, hoc non sequitur, quod mollius & fluidius corpus non possit premere corpus spissius; hoc solum sequitur, quod si sibi invicem apprimantur, illud quod fluidius est, cæteris paribus, magis debeat cedere, quam spissius. Jam fac, aerem atmosphæricum etiam efficacius premi ab aqua, quam hanc ab aere, sufficit, si aqua prematur, sive minus aquâ, sive magis perinde est.

§. 26. Cave autem, ne hinc fallaris, dum vides, quam facile per aera motis cedat aer: premi autem aquam ab aere haud posse, nisi aer illi resistat, putes. Nam primo cogitandum est, quod aer quidem transeuntibus facile cedat corporibus, minoribus autem facilius, quam majoribus: unde si quis perfictionem mentis concipiat, habere corpus unius milliarii Germanici latum, cum ægrius pertransiturum esse aerem, dubio fere caret: sic pariter terræ aliquot centum milliarium latitudine aeri obversæ cedere absque insigni resistentia non poterit aer. Accedit, quod etiam aer à terra in altum contra naturam gravitatis movendus sit: cum autem vulgo notæ sint horrendæ illæ vires, quas aer extra suum locum constitutus exerit, nemo dubitabit, eundem aerem gravitate sua posse quoque aquas propellere: minus autem versus polos à retropulsâ terrâ afficitur aer incumbens, quam in regione æquatōris, unde & ibi magis è loco suo movetur aer, quam versus polos, adeoq; ibi etiam magis premit, aquamque in zona torrida protrudit versus polos. Unum itaque semper æstum causatur aeris elasticitas, alterum, eumque oppositum, ejusdem gravitas: *unde necesse est, ut XXIV. horarum spatium bis ubique, ubi se exerit, recurrat æstus.*

De tempore fluxus atque refluxus.

§. 27. Ex dictis autem patescit, quod sol & luna ad hoc phænomenon concurrant, unde sicut sol duodecim horis alterum terræ hemisphærium collustrat, & luna totidem supra horizontem commora-

moratur, ſex vero horis ad meridianum accedit, totidem recedit; ita quamdiu accedit, tamdiu aqua in litoribus accreſcit; quamdiu recedit, tamdiu eadem decreſcit, id eſt, *fluxus ſex horis durat, refluxus totidem*. Equidem tempus fluxus atque refluxus magis ſequitur lunam quam ſolem, nec illam tamen, nec hunc, præciſe: eo enim præciſe momento, quo ſub æquatore à ſole & luna afficitur aqua, effectus in ſeptentrionalia litora redundare nequit, ſed aliqua opus eſt mora, quæ & ipſa tamen exactam deberet habere connexionem, ſi directo è zona torrida verſus polos protrudi aqua poſſet. Nunc cum illa per vias tendere obliquas debeat, varique occurrant litorum anfractus, inſularum obſtacula, aquarum murui occuſus, ventique, & alia, quilibet conſicit, temporis talem hinc naſcituram anomaliam eſſe, qualem experientia docet. Sicut autem hæc omnia ad loca à litoribus remota verſus eclipticam & æquatorem applicari nequeunt, ita & talis anomalia circa eadem dari nequit: quod ipſum ſic quoque confirmat experientia: unde hic quidem cum luna nova eſt vel plena, hora ſexta, tam matutina, quam vespertina, aquæ oceani ſunt altiffimæ, hora autem duodecima ſunt maxime depreſſæ, quod annotavit Cartefius.

Princ. P. IV.
ſ. LVI.

De duratione ejusdem.

§. 28. Eſti autem ſic ratio pateſcat, quare hic fluxus utplurimum ſex horis duret, refluxus totidem; id tamen ſolummodo conſtans eſt, quod fluxus atque refluxus XII horarum ſpatio abſolvantur, uterque autem interdum plus minusque ſex horis conſicit. Nam in mari Aquitanico fluxus ſeptem conſumit horas, refluxus quinque: quod contrario ſe habet modo in Canada, quippe ubi fluxus quinq., refluxus ſeptem horis abſolvitur: idem fluxus quatuor ſolum horis protuberat in Quinea Africa, refluxus vero octo horis remittit: quæ & ad portum Maccon, in litore Chinæ afluat aqua horis novem, deſluit iribus, imo paucioribus, ſi venti orientales ſpirent. Cauſa huius anomalix generalis & remotior eadem eſt, quæ §. præcedente jam fuit indicata, ſpecialior vero atque propinquior eſt, quod alicubi via proxima propellatur ad litora aqua, alicubi vero per varios anfractus atque ambages,

Abregé de la
Phil. de Gaſſ.
Tom. V. p.m.
63.

Var. Geogr.
Gen. P. Abſ.
lib I. c. XIII.
Prop. XIX.

& veluti per *reflexionem* quandam. Sic cuilibet facile apparet, quod à linea æquinoctiali in mare Aquitanicum directo propelli aqua haud possit, unde eo forte à variis reflectitur insulis: at quando refluit, via id contingit brevissima, unde patet ratio fluxus atque refluxus in dicto mari atque in portu Maccou, (Macao.) Sed fieri quoque potest, ut antequam ad meridianum accedat luna, litora jam ita sint aquis plena, ut aqua secundiore fluxu alio promanet, ulteriusque adeo non accumuletur, unde intelligitur, quæ aqua possit paucis horis affluere, pluribus refruere, quæ ratio manifesta satis est in Quinea Africæ, ac in Canada forsân quoque obtinet: etsi autem hæc aqua post quartam vel quintam horam non accrescat amplius tamen citius etiam quam luna prætervecta meridianum est, decrescere haud potest, & ubi decrescit, citius quam sex horis decrescere haud potest: unde sequitur, quod si aqua quinque solum horis fuerit aucta, diminui septem debeat; si quatuor affluxit, octo debeat refruere.

De diversis marini æstus gradibus.

§. 29. Lunæ cum æstu concursus supra §. 23. ex eo etiam phænomeno, quo is *tempore novilunii & plenilunii semper turgidior deprehenditur, quam sub phasibus quadrarum*, probavimus, modum vero ex hypothese nostra nondum exposuimus, quem ut recte intelligamus, repetendum ex superioribus est, quod utraque atmosphæra tum lunæ tum terræ expandatur, eoque ipso æstus efficiatur: unde id consequitur, quod quibuscunque phasibus major evadat utriusque atmosphære junctim considerata expansio, iisdem quoque æstuosior debeat esse affluxus ad litora: semper autem utraque atmosphæra expanditur, at non semper, quâ expansa est, utraque conjungitur. Illud enim maxime expansum est, quod radiis solaribus est illustratum: unde in quadris cum dimidia solum pars illustratæ atmosphære lunaris obvertatur terræ, manifestum est, minus aeris expansi confluat, quam in plenilunio: at cum in novilunio pars lunæ illustrata plane extra vertatur, minus aeris expansi videtur conjungi quam in quadris, quippe ubi pars illustrata dimidia cum nostra coit atmosphæra: sed si recte calculum ponas, apparet, quod

quod plus expansi aeris conjungatur in noviluniis quam in quadris. Nam radii reflexi directi semper eo versus reflectuntur, unde veniunt: hinc in novilunio à terra versus faciem lunæ terræ obversam reflectuntur, in plenilunio eodem modo à luna versus terram: at in quadris, sive in terram incidant sive in lunam, oblique incidunt, & hinc à terra & luna in reflexione avertuntur, ut non nisi pauciores in alteram atmosphæram agant: unde & hujus admirabilis phænomeni ratio sat manifesta est.

§. 30. Difficilior subesse ratio alii cuidam phænomeno videtur, quo observarunt, *quod vehementior æstus sit æquinoctiorum, quam solstitiorum tempore*, quæ tamen nostram hypothésin consideranti sic satis in oculos incurrit. Nam id in confessio est, quod minor expansio minorem causetur fluxum, major majorem: jam vero multum expandi ulterius ille aer non potest, qui jam valde est expansus, unde liquida est ratio, quare in solstitio æstivo remissior debeat esse æstus: iterum & hoc clarum est, quod ubi principium expandens est debilius, ibi magna adeo expansio fieri haud possit: unde elucet, quare in solstitio hyberno debilior sit æstus. At æquinoctiorum tempore aer non nisi mediocriter est expansus, hinc multum adhuc potest expandi: & sol non nimis remotus, unde efficaciter satis in aerem potest operari: ergo tempore æquinoctiorum vehementius æstuabit oceanus, quam alio.

§. 31. Jam quilibet per se intelligit, quod si hæc duæ vehementioris æstus causæ, phasis lunæ videlicet, cum æquinoctio, conjungantur, necessario *maximus per totum annum futurus sit æstus*, quod eodem modo, uti ratio docet, sic experientia confirmat. Cæterum noli mirari, quare solstitii æstivi tempore ulterius expandi nequeat aer, sed cogita, quod bullulæ aeræ, jam satis expansæ, rumpantur demum, quo ipso paululum collabitur atmosphæra, minusque in aquam innititur: quia vero sub æquinoctio non nisi mediocriter expansæ sunt dictæ bullulæ, non facile eo usque expanduntur, ut rumpantur, hinc subinde, quo propius pars quædam terræ ad solem accedit, eo magis atmosphæra expanditur.

Quare

*Quare in aliis aquarum magnis confluxionibus non
deprehendatur æstus.*

§. 32. Sicut autem ex dictis patet, quod ad æstum non sola sufficiat aquæ pressio, sed & locus aliquis liberior dari debeat, quò pressa cedat aqua; ita quilibet intelligit, quod aqua, quæ hoc modo æstuarè debet, eam debeat habere extensionem, in qua dicta inæqualitas expansæ atmosphæræ locum inveniat: quod cum alibi, quam in oceano, fieri nequeat, patet, *quod in stagnis & lacubus*, quanti quanti sint, dari æstus haud possit. Nam tota eorum superficies æqualiter ab expanso aere afficitur: unde, quia mare Caspium cum oceano non est conjunctum, mirum non est, si nullus ibi observetur æstus. Aliter se res habet cum maribus cum oceano connexis; etsi enim in his quoque locum non habeat causa æstus, effectus tamen in eadem ex oceano redundat, nisi quid obstat.

§. 33. Ad hoc autem, ut redundare in maria dictus effectus queat, debitum requiritur situs & spatium ad profluxum necessarium, quæ duo si desint, fieri potest, ut ita retundatur provolutæ aquæ impetus, ut quædam maria haud intret, sed ab iisdem alio avertatur: unde intelligimus, quare in mari *Mediterraneo & Balthico* æstus nullus sit. Nobis enim procedit æstus à meridie ad septentrionem, unde minus directe urget maria ad orientem vel occidentem sita, hæc jam causa sufficit, ut æstus fiat remissior: jam si & hoc accedat, quod aditus ad illa maria non pateat alius, quam per angustum aliquod fretum, facile sit, ut aqua freti angustis allisa resiliat, æstusque adeo in illud mare haud transferatur: utraque autem causa tum in mari Mediterraneo tum & Balthico satis manifesta est.

SECTIO

S E C T I O III.

De

*Ufu adversus superstitionem &
atheismum.*

S. 34.

Sicut supra ex copia terræ probavimus, existere Deum, sic idem Lib. II. Cap. I.
§. 62.
probari ex oceano potest, eadem quoque pene ratione, mutatis solum mutandis. Nam si mechanica quædam causâ, vel & alia finita tantam aquæ molem produxit, non apparet ratio, quare vel ipsa causâ cessarit, vel ab operando destiterit: quod si causâ illa tam remissa agat, ut etsi aquæ copia etiamnum augeatur, tamen incrementum ejus haud sentiat, per mille & plures annos steterit hæc terra, necesse est, antequam balænae aliaque animalia marina in mari vivere potuerunt. Jam infra evincemus, animalia non esse puras machinas, nec formari mechanice, sed proxime quidem à substantia quadam intelligente, quæ à causâ seipsâ inferiore, mechanica nempe, citra absurditatem non potest dici facta, sed necessario causæ primæ & infinitæ, Dei nempe, effectus est. Unde cum experientia doceat, Deum voluisse creari animalia marina, & nulla excogitari ratio queat, quare illa longo tempore post vel cætera animalia, vel terram creatam ea facere voluerit, credibilis est, Eum simul cum terra creasse dicta animalia, quæ cum vivere absque mari haud possint, elucet hinc pariter, quod & Oceanum fecerit ipse: in reliquis vide demonstrationem modo allegatam de terra.

De transitu Israhitarum per mare rubrum.

§. 35. Optima quæque hoc habent plerumque, ut & in abusum trahi queant: vera physica insigne est remedium adversus superstitionem & atheismum, sed abusui nihilominus, cujus ne sanctissimæ quidem res exortes sunt, obnoxia. Quod hoc loco notandum est, de doctrina æstus marini, quæ ruditer solum concepta,

M m m

facile

facile posset animo injicere scrupulum , de miraculo transitus Israelitarum per mare rubrum, cum si tempore refluxus intrassent Israelitæ, & sex illis horis evasisent, tempore autem fluxus securus cum exercitu fuisset Pharaon, universa illi historia absque miraculo contingere potuisset. Sed si quis tamen penitus cognoverit naturam æstus marini, is statim intelliget æstus naturæ repugnare, ut aqua veluti murus, hic & illic, à dextris nempe atque sinistris, consistat, quod cum expressis à Divino scriptore tradatur verbis, nemo vel suspicari poterit, quod miraculo caruerit celeberrimus ille Israelitarum transitus. Huc accedit quod Euro ad dividendas aquas usus fuisse dicatur Deus, unde B. Spinoza colligit naturaliter absque miraculo hæc omnia contigisse: at male concludit Spinoza; curus enim tempore fluxus aquas copiosius advexisset, tempore refluxus, decursum earundem impedivisset: at si austri facta fuisset mentio, intelligi posset, quomodo is ad refluxum aliquid potuisset adferre adjumenti.

Exod. XIV.
v. 21.
Tr. Theol.
Pol. c. VI.
p. m. 76.

SECTIO IV.

De

Usu in prudentia circa sanitatem.

De natura scorbuti.

§. 36.

Familiaris hoc tempore morbus scorbutus est, iis maxime in regionibus, quæ mari sunt propiores, de cujus tamen natura nondum satis constat inter medicos. Naturam vero ejus nobis sic satis insinuat superius tradita cognitio phlegmatis marini: hoc enim ex nobilioribus bullulis æreis constare, suo loco probavimus: unde & aer atmosphæricus mari incumbens ex similibus bullulis probabiliter est conditus: hic vero aer vento aquilone ad regiones mari conterminas propellitur, quem ubi pulmonibus concipiunt homines, scorbuto infestantur. Hinc vero concludendum haud est, quod

Supra §. 8.

quod alibi quam in regionibus mari finitimis scorbutus dari haud queat. Nam vel ex singulari terræ cujusdam *constitutione, metallica* v. g. emergere copiosius in regionem aliquam possunt dictæ bullulæ, vel *vento septentrionali* advehi, vel ex *visu* hauriri, vel à *male curatis febribus* relinqui.

De Scorbuto ex male curatis febribus.

§. 37. Hoc ultimum, quod asserui, præcipua dignum attentione existimo: & ut recte atque cum fructu lectoris percipiatur, brevi deductione modi illud mactabo. Nempe nobiliores omnes, & *plusquam animales, bullulæ*, à provida natura variis è corpore nostro exturbantur modis, & hoc nisi fiat, vel tumores oriuntur, vel inflammationes internæ viscerum, maxime pulmonum, quas frequenter satis mors solet insequi. Quod si vero nostra natura sit vegeta, duobus præcipue modis easdem ejicit, prout eadem vel plures sunt, vel pauciores: illud enim si sit, febre utitur; sin hoc, affectibus cutaneis, quos inter & scorbutus vel maxime venit recensendus: Sic enim utroque modo salutariter præcaver inflammationes internas, pluraque alia funesta mala. Dictæ namque inflammationes in corpore animali citra nobiliores bullulas oriri vix possunt, quoniam ignobiliores ita repleti æthere, ut abire in caloris insigniorem gradum, sive ignem, possint, haud queunt: rumpuntur enim ob ignobilitatem suam, ante quam sat multas concipere particulas radiantes possunt.

§. 38. Semel autem in sanguinem translata hæ bullulæ id habent mali, ut ex mechanica particularum, quas continent, radiorum longitudine, *alias sui similes* ex respirato aere subinde adfiscant, quas animales nostræ bullulæ, utpote magis expansæ, extantioribus radiis suis, à se prohibent. Patet ergo, quod natura in exturbandis hisce per febrem bullulis occupata, vel cortice Peruviano, vel aliis adstringentibus, aut naturæ quendam horrorem incipientibus medicamentis, qualia sunt permulta ex animalibus desumpta, coercenda, & ab utilissimo suo instituto depellenda minime sit. Hoc si melius, quam solet, fieret, cessaret, credo, maximam partem ea in nostris regionibus *scorbuti frequentia*.

Vid. Lib. I.
Cap. V. §. 31.
& Tab. II.
Fig. XXII. &
XXIII.

§. 39. Ego enim sum persuasissimus, quod in singulis celebrioribus urbibus, ubi plures, lucri studio, medicationibus incumbunt, dimidia morborum chronicorum pars, quin duæ forsan tertiæ, ab usu sinistro mercurii, & suffocatis febribus oriantur: ipsaque historia docet, quod eo tempore, quo nondum increbuerat usus corticis Peruviani, & internus mercurii, præter alios morbos chronicos, etiam ipse scorbutus tam fuerit infrequens, ut hodiernum nec Græcum habeat nomen nec Latinum, sed Barbarum etiamnum obtineat.

§. 40. Hisce meis meditationibus insistens, hætenus scabiem pluries tractavi insolitis medicamentis, iis puta, quibus febres curo, & feliciter successit negotium, ut sic quoque solo medicamentorum internorum usu evanuerit salubriter scabies. Ex quibus fingulis id sequitur, quod prudentiæ sit, non solum ab ejusmodi medicamentis, tam promte febres profligantibus, sibi cavere, sed & si febrem insequatur quodcunque malum scorbuticum, caute & tacite suspicari, quod prægressa febris non fuerit curata, sed male restincta atque suffocata: & si redeat forte febris, gaudere sibi potius quam tristari.


De prudentia circa curationem scorbuti.

§. 41. Ex eadem nostra de scorbutico idea sequitur & alia prudentiæ regula, curationem ejusdem respiciens, nempe quod nulla medicamenta mineralia atque metallica, qualia sunt maxime mercurius & sulphur, in usum, ne externum quidem, venire debeant. Hæc enim cum pariter nobilioribus consent bullulis, uniuntur cum bullulis scorbuticis, jam ad peripheriam corporis promotis, easque maximo cum periculo intra corpus reducant.

§. 38.

§. 42. Cum etiam supra memoratum sit, quod semel in sanguinem translatae minerales hæc bullulae, alias sui similes ex inspirato aere subinde adfiscant, pater, quod in curandis tum febribus tum affectibus cutaneis, non tam respiciendum sit ad materiam aliquam præsentem, quam peccantem vocant, quam ad id, ut novus similis materiæ prohibeatur accessus. Hoc omnium optime vero assequeris, si cures, ut humorum tuorum bullulae subinde in
info-

insolita sint expansione : sic enim fieri non poterit , ut peregrinæ illæ bullulæ nobiliores , quæ vel ex victu vel ex aere accedunt, cum humoribus uniantur. Talem vero expansionem præstat regimen moderate sudoriferum , sed *continuum, non interruptum* : unde toto hoc curationis decursu , liberum aeris commercium est evitandum : nimia vero diaphoresis bullulas rumpit, viresque frangit.



CAPUT III.

De

*Notabilioribus corporum terrestrium
accidentibus, & in specie*

de

VISIONE.

SECTIO I.

De eo

Quid Aristoteles, Cartesius atque Gassendus, de Visione sentiant.

Opinio Aristotelis.

§. I.



DE Visione ita differit Aristoteles , ut nihil fere dicat aliud, quam quod omnes illi, qui visionem per receptionem fieri contendunt , uno ore, absque ulla etiam meditatione pressiore , affirmant, nempe oculum moveri ab objecto. Etsi enim more suo, abstractis terminis, profundissimas præ se ferat meditationes,

tationes, eos tamen, si ad perspicuitatis incudem revoces, deprehendes, sub gravi velamine vulgarissima quæque occultari.

§. 2. Colorem corporis, ut extremum ejusdem considerat: hunc colorem dicit esse *κινητικὸν τὸ κατ' ἐνέργειαν διαφανὲς*, id est, *motivum actu perspicui*; per actum autem perspicuum intelligit aerem illustratum: hoc actu perspicuum opponit potentia perspicuo, quæ noctu aer est. Cum ergo color sit extremum corporis, & huic aer incumbat, & idem aer alluat oculum nostrum, manifestum est, quod color corporis moveat aerem, & per aerem oculum nostrum: sed & perinde claret, quod & oculus moveat aerem, & aer corporis, seu objecti, extremitatem, adeoque colorem: cum vero prius solum inserviret scopo Aristotelis, illud asservit, posterius neglexit.

§. 3. Interim & de lumine hac occasione *ἀπειβάς* sibi speculanti videtur, dum illam ipsam *ἐνέργειαν τὴ διαφανῆς*, quam & paulo post *ἐπ' ἐλέγχων* vocat, seu actum perspicui, lumen dicit esse, sed ἢ *διαφανῆς*, hoc est, quatenus est perspicuum: hoc enim credidit, nisi adderetur, fore, qui sibi persuaderent, quod per lumen tenebras intellexerit, cum *διαφανῆς δύναμις*, seu perspicuum potentia sint ipsæ tenebræ. Hæc omnia quam jejune dicantur, quam nihil explicent, & intellectum tamen sic satis fatigent, quilibet cordatus per se intelligit.

Epicuri atque Gassendi opinio.

§. 4. Sicut autem Aristoteles nimia videtur uti subtilitate, verius inanitate conceptuum, sic contra Epicurus; *pingui nimis* ratiocinatur *Minerva*, dum visionem per incursum, nescio quorum simulacrorum sive imaginum, in oculos fieri contendit, ita quidem, ut partim ab extimis corporum superficiebus deripiantur, partim spontanea eruptione, & in aere concretionem, gignantur, adeo ut totus aer iis sit plenus: esse autem eas tam subriles, ut una aliqua hujusmodi imago *multis myriadum myriadibus* ipsa unius acari, particulæ ejus crassitudine sit tenuior: erumpere porro tenuissimas tales veluti pelliculas aut membranas exuviasque à corporibus, dum atomi, propter motum sibi congenitum semper abducere

Gassend. Animadv. Tom. I. p. m. 135.
Id. ibid. p. 129.

Ibid. p. 132.

ducere sese atque excedere moliantur, quod &, si rariore quodam spatio, ac potissimum aere ambiantur, faciant, quæ cum propter æquivelocitatem suam ita transferantur, ut quæ ex cavitatibus prodeant, nunquam assequantur eas, quæ ex tumoribus superficiæ avolent, necessario sic imaginem corporis una transferri. Quod si longam emetiantur viam, etiam varie mutilari easdem, atque confundi, existimat, unde fieri, ut turris prope quadrata, procul rotunda conspiciatur. Adjicit demum, velocissimam esse illam trajectionem imaginum, ut nempe imaginum in speculis, aqua & similibus (quas vere à corporibus insipientium egressas credit) demonstrare queat rationem.

§. 5. Hisce Epicuri nugis quamvis non subscribat Gassendus, Ibid. p. 131. tamen probabiliter iisdem haud abjudicat, & longe quidem majorem eis attribuit, quam vulgari sententiæ, id est, Peripateticæ. Nullam vero iis plane probabilitatem subesse, ac ex præjudicio planitatis profectas esse, intelliget, qui rectius quam Gassendus, quid vere sit probabile, quid possibile tantum, dijudicarit, idemque, vix concedi possibilitatem hisce Epicuri phantasmatibus posse, perspiciet.

Vid. Sens.
Ver. & Fals.
Lib. IV. c. I.
§. 7.
Ibid. lib. III.
C. I. §. 1. &
2. & §. 3a.

§. 6. Nam utut tenuissima fingantur illa simulacra, tamen si acri libero & vento exponatur corpus aliquod durius, v. g. ferrum, non posset non, centrum annorum spatio, si non totum, saltem magna ejusdem pars deprehendi consumta, id quod tamen citra rubiginem, & motum, à nemine unquam fuit observatum. Nugas autem nugis cumulant, qui dicunt, alia simulacra aliunde decerpta his iterum adhærere, ut adeo id, quod quotidie secedit, iterum refarciatur. Nam sic eremita, cujus decerpta simulacra aliis quam arborum simulacris restitui haud possunt, aliquot annorum decursu ligneam vel foliaceam sibi acquireret cutem.

Gassend. Lall.
p. 131.

Cartesii principia optica.

§. 7. Utrosque hosce philosophos antecellit doctrina Cartesii, in hoc quippe argumento longe acutior, cui nihilominus, ob infra exponendas rationes, assensum nostrum nondum possumus impertiri: & quoniam hujus philosophi doctrina hodie fere recentiorum communis est, pluribus & hic rationes dissensus nostri edisseremus.

Dioptr. c. V. remus. Statuit nempe Cartesius, oculum nostrum esse *cubiculum* §. 1. & 2. *obscurum*, idque experimento cum oculo animalis mortui instituto probat, in cuius tunica retina ipsis his oculis conspici potest obiecti imago inversa : unde infert in oculo nostro pariter radios luminis ad tunicam usque retinam pergere, ibique similitudinem obiecti exprimere. Negat vero hanc similitudinem facere, ut videamus, sed motus potius illos, quos expressa imago in retina excitat, & ad cerebrum usque transfert, eam in nobis præstare sensationem.

Ibid. c. VI. §. 1.

Quod oculus vivus non sit cubiculum obscurum.

§. 8. Sed uti recentior opinio est, oculum esse cubiculum obscurum, ita valde dubia, & si propius adspexeris, plane *falsa* est. At ais: Cartesius vero allegato experimento id evidentissime demonstrat. Sed respondeo: *a mortuo oculo ad vivum non valet consequentia*. Quamvis enim Cartesius dicat: *dubitare non possumus, quin similis quedam (imago) exprimatur in membrana interiore oculi viventis - - atque etiam, quin longe melius ibidem depingatur, quam spiritibus referti humores magis pelluceant, & figuram huic operi debitam exactiorem habeant*; ego tamen pridem observavi, Cartesium, ubi aliquod assertum suum probare nequit, solenni hac formula: *dubitari non debet, vel dubium nullum est*, sopire alacritatem lectoris sui, sicque probationem subdole defugere. De hoc enim dubitare omnino possumus, cum experientia doceat, vitam obiecti, *agentis quandam virtutem, posse eludere*. Sic v.g. ceream in linguam hominis demortui facile desiges, atque per dimidium horæ atque amplius ibidem conservabis accensam, quod propter salivæ fluxum atque respirationem haud ita succedet in lingua hominis vivi, etsi æque minus repugnet atque mortuus. Pari ergo modo, spiritus ex oculo vivente continuo effluentes, ingressum radiorum luminis prohibere possunt: cumque etiam quilibet oculus sit *speculum*, speculum autem radios reflectat, dubitari omnino potest, an dicti radii oculum subingrediantur.

all. l. c. V. §. 11.

§. 8. Fac autem, probari etiam posse (quod nemo unquam proba-

probaverit) quod dicta imago pariter in vivi quoque oculi retina depingatur, *nondum tamen sequitur*, quod oculus sit cubiculum obscurum. Quid enim? an si pluvia in tectum incidat, ibique herbas producat, ideo tectum vel hortus erit, vel pratum? Quodsi audacter ajas, illud tamen haud asseres, eum qui struxit aedes, ideo imposuisse tectum, ut hortum aliquem vel pratum constitueret: unde apparet, quod si quomodocunque ita vocaretur hoc tectum, non tamen nisi *per accidens*, nequiquam vero per se, hortus esset aut pratum. Sic ergo etiam oculus, si esset cubiculum obscurum, non tamen id forte esset nisi per accidens, ita ut à Deo & natura nunquam fuerit intentum: visio autem est actio naturalis, unde oculi, quatenus est cubiculum obscurum per accidens, nulla in ejus modo exponendo, habenda est ratio.

§. 9. Quod autem oculus sit modo cubiculum obscurum per accidens, illud satis docet ejus *structura*. Si enim natura intendisset, constituendo oculum, aliquod obscurum parare cubiculum, longe melius hunc assecuta finem esset, si bulbum oculi fecisset osseum, locumque illum, quem humor replet vitreus, reliquisset vacuum, nervumque opticum in concavitate illius ossis explicuisset, sicut acusticum in labyrintho & cochlea. Nam sic beneficio solius humoris crystallini exta, ut in piscibus prominentis, oculus omnia ea praestitisset, quae camera obscura debebat, absque humore vel vitreo, vel aqueo. Ne autem putes oculum esse quidem cubiculum obscurum, sed propter dictos humores perfectius vulgari, respondeo, tantum abesse, ut dicti humores perfectioni cubiuli obscuri aliquid addant, ut potius fini ejusdem contrarientur. Nam cum focus debeat constitui paulo ante retinam, is vero per convergentiam radiorum debeat confieri, convergantque radii, qui ex tenuiore medio moventur in spissius, humor autem vitreus tenuior sit crystallino, & hinc radii moveantur ex spissiore medio in tenuius, & sic divergant, patet, quod intentioni cubiuli obscuri repugnet humor vitreus. Aqueus vero manifeste est frustraneus, cum focus in retina haud constituatur melior, siue radii primum transeant per humorem aqueum, atque deinceps per crystallinum, siue hunc statim subeant.

Nnn

Quod

Quod visio plane non fiat in oculo.

Vid. Tab. III.
Fig. XXX.

§. 10. Tantum vero abest, ut visio hoc modo, quo vulgo contendunt, fiat, ut liquido satis probari possit, visionem plane non fieri in oculo; hoc autem sic probo: Si objecta inciderent lumine suo in oculum, vel ita repræsentarentur, uti incidunt, vel modo contrario: jam vero nec ita repræsentantur, uti incidunt, nec modo contrario, ergo plane in oculum lumine suo haud incidunt. Subsumptionis veritas ex sequentibus elucet experimentis. Constituatur vitrum aliquod lenticulare A. B. ita ut objectum aliquod C D, notabiliter intra focum E. sit constitutum: constituatur jam & oculus intra focum anteriorem F in G. sic objectum apparebit rectum: applicetur jam idem oculus supra distantiam foci quaecunque, v.g. in H. I. K. semper objectum eodem modo apparebit rectum, *numquam inversum.*

Fig. XXXI.

§. 11. Jam vel sumuntur radii axi A. B. parallele incidentes, v.g. C D & E F. repræsentare objectum oculo, vel axin secantes C F & D E. Si illi convenient in foco G. & si oculus sit in H, objectum ingreditur in oculum rectum, sistetur in retina κατ' ἀνθρῶ-πιν inversum, sin oculus sit in A, objectum ingreditur inversum, pingetur in retina rectum. Quodsi sumas axin secantes radios C F. & E D. causari repræsentationem, pergent secundum lineas D I. & F K. & sic ubicunque constitutus sit oculus, nonnisi pauciores radii attingent eum, adeoque obscurum apparebit objectum, quod quoniam experientia est contrarium, pariter non habet locum. Ceterum quoniam dicti radii C F & E D. decussantur in L. & in oculo denovo, rectum pingitur in oculo objectum.

§. 12. Jam assūme, quodcunque horum placuerit, vel quod repræsentatio similis sit imagini in retina, vel quod contraria, utroque modo experientia tua reclamabit hypothesi. Si enim similis est, oculus in H, objectum videbit inversum, quod tamen apparet rectum: sin repræsentatio fingatur esse contraria imagini in retina, oculus in A, objectum videbit inversum, quod tamen videt rectum. Quodsi per radios axin secantes elabi tentes, sic quoque conatus erit frustraneus; nam secundum §um præcedentem objectum sic pin-
gitur

gitur in retina rectum; ergo debet videri inversum: nam quod rectum in retinam incidit, eodem modo inversum debet apparere, quo vulgo asserunt, quod inversum incidit, id apparere rectum.

§. 13. Quodsi vulgaris hypotheseos assertor illam recentiorum hypothesin opticam, quod *ex omni puncto in omne punctum infiniti propagentur radii*, veritati harum demonstrationum nostrarum opponat, veritatis assertor patienter audiet arque videbit ejus assertiones, deductiones, demonstrationes, usque dum ineluctabili firmitate probabit, quod objectum non possit non semper apparere rectum, tum vero objectum removeat ultra focum in L. oculum in J vel K. sic, quod hactenus observatum non fuit, *objectum apparebit inversum*. Quæcunque hic ex hypothesi cubiculi obscuri proferantur rationes, experientia haud satisficient; nos vero infra ex nostra retorsionis hypothesi, clare omnes horum phaenomenorum demonstrabimus circumstantias. Sic ergo id patet, quod supra assertum fuit, objecta nec, uti incidere in oculum creduntur, representari, nec modo contrario: unde sequitur, quod falsum sit, objecta in retina veluti in cubiculo quodam obscuro depingi.

Tab. III.
Fig. XXX.

§. 10.

De vanis Cartesii effugiis.

§. 14. Hæc etsi tam clara sint, ut ulterius haud videatur opus esse, pluribus doctrinam Cartesii refellere, & præterea phaenomena situs, distantia, atque magnitudinis, tam clare hanc hypothesin falsam esse, declarent, ut nulla singulari intellectus acie, sed animo saltem, à studio partium libero, ad id intelligendum, opus sit; quia tamen Cartesius subtiliter satis, ad eludenda hæc phaenomena, argutatur, paucis ejus relegendus fucus est. Duo vero generaliter noto, unum, quod in conciliandis hisce, cum sua hypothesi, phaenomenis, subinde confundat *sensionem* cum *ratiocinio*, cumque, quomodo hæc ita sentiantur, demonstrare debeat, quomodo hæc ita ab anima *concludantur*, quam tamen conclusionem nemo in semet ipso experitur, ostendit: alterum est, quod ex iis fere demonstret principiis, quæ locum habere possunt, siue oculus sit cubiculum obscurum, siue non.

§. 15. Primo itaque difficultatem de inversione, quare nem-

Nnn 2

pe cum

all. I. §. IX.
& X.

pe cum objecta inversa incidunt in retinam, non appareant inversa, similitudine aliqua solvit, verius lacescit: nempe sicut cæcus decussatis duobus baculis, dextra manu ea sentiat, quæ ad sinistram sunt, & viceversa, ita animam dicit, sentire radios uti ex objecto veniunt, sive in oculo sursum sive deorsum sive, dextrorsum sive sinistrorsum, sint positi.

§. 10.

§. 16. Sed variis modis claudicat hæc responsio. Primo enim, si ea dexteritate pollet anima, ut situm quomodocunque in retina representatum, ita videat, uti se habet revera, quæ sit, quod baculum in aqua non videat rectum, sed curvum, & cur in camera obscura, cur per vitrum lenticulare, alia, quam superius, data objecti distantia, quæ recta sunt, inversa videret? Dein, si ista potest sentire anima radios, uti ex objecto veniunt, opus non erat, ut oculus fingeretur esse cubiculum obscurum, cum absque hac structura anima sentire radios possit, ubicunque oblatus: imo ego, si hæc vera sint, nullam video rationem, quare non aperto ore, exceptis in linguam radiis luminis, anima gustare figuram objecti possit.

Vid supra
§. 14.

§. 16. Quod ad similitudinem ipsam attinet, *diffimilis* in palmaria est circumstantia. Nempe quilibet experitur, si clausis oculis cæci personam in hoc experimento agat, quod, ut in dijudicando eo, quod dextrum vel sinistrum est, ne aberret, attentione circumstantiarum opus habeat, aliasque facile possit fieri, ut si subito jubeatur dextrum objectum tangere, dextra manu sinistrum tangat. Hæc attentio si non applicetur ad visionem, similitudo vagatur extra oculos: sin applicetur, Cartesius sensationem confundit cum ratiocinio: aliud autem est sentire, aliud ratiocinari: nemo cum sentit, quatenus sentit, ratiocinatur: nemo judicat objectum esse rectum, cum nemo, ne quidem dum sentit, cogitet, quod possit esse inversum.

all. I §. XI.

§. 17. Distantiæ etiam visio, minoris nempe, in qua non fallitur oculus, crucem figit opinioni Cartesii, cum non appareat, quæ distantiam videre possit anima, si visio in oculi tunica retina, veluti cubiculi obscuri pariete contingit, Cartesius vero sic amovere hanc crucem satagit, ut animam vel ex mutatis quibusdam cerebri partibus, quarum mutatio à contractione pupillæ, qua mediante remota

remota videamus, oriatur, vel ex intervallo & magnitudine angulorum, quos radii in oculum ingressi forment, istam distantiam concludere dicat, adeoque denuo istud vitium *confusæ ratiocinationis atque sensationis* de quo supra dictum, admittat. Est quidem aliqua etiam distantia, quæ judicatur & concluditur, & quam quoque allegat Cartesius, remotior nempe, ad quam judicandum non sufficit oculus: de ea vero, quippe quam novimus, nos non videre, sed judicare, hic non est sermo, sed de minore, in qua videnda nunquam fallitur oculus, de hac, inquam, uti supra indicatum, quæstio est, quomodo possit videri, si visio in retina fiat.

§. XIV.

§. XV.

§. 18. Hinc etiam, quod objectorum tantam videmus magnitudinem, quanta depingi in retina nullatenus potest, vexatum se sentit Cartesius, huic objectioni ut fucum aliquem faciat, *rejectas ante imagines* repetit, dicendo: *magnitudinem videlicet æstimamus ex cognitione seu opinione, quam de distantia habemus, cum magnitudine imaginum, in oculi fundo formatarum, comparata.* Quæ quomodocunque infucentur, certum est subesse denuo vitium *confusæ sensationis cum ratiocinatione.*

Vid. Dioptr.
Cap. VI. §. I.
& XI.
Ibid. §. XVI.

§. 19. De figura demum, quam videmus, ait: quod eam per cognitionem seu opinionem, quam de situ diversarum partium corporis habemus, dignoscamus, non per similitudinem imaginum, quæ in oculo pinguntur; has enim plerumque rhombo vel ellipsi constare, cum quadrata & circulos nobis exhibent. Sed *ἀνθρώπινος* anima vix poterit ex ellipsi concludere circulum, nec ex rhombo quadratum, unde nec videbit. Quid multis? Piget toties ingeminare vitium confusæ sensationis atque ratiocinationis.

Duabus adhuc rationibus probatur, quod visio non fiat in oculo.

§. 20. Caterum etsi hæc aliquo veritatis colore fuerint imbuta, aliis tamen, majoris momenti, dubiis ne quidem invenisse colorem, videtur. Quam notum enim est apud opticos, tam contrarium est hypothesi vulgari placitum, quo statuunt objecta *pyramidaliter* ingredi in oculum. Etsi enim negari haud possit, quod visio fiat per pyramidem, demonstrari tamen saltem κατ' ἀνθρώπου potest,

Tab. III. Fig.
XXXII.

potest, quod, etsi illa quoque hypothesis vocetur in subsidium, quæ dicunt lumen dispergi in sphaeram, dicta pyramis non possit moveri ab objecto in oculum. Sit v.g. punctum A, quod uno eodemque momento videatur ab oculis B & C. Jam secundum hypothesis mechanicorum punctum A supponatur esse particula solida, sitque initium radii A B. sic patet, quod dum movetur versus B, non possit simul moveri versus C, quod tamen, ut uterque oculus punctum A. videat, est necessarium. Soliditas ergo ætheris, ex hypothesis Cartesii asserenda, obstat, quo minus dictum punctum uno eodemque tempore dextrorsum moveri possit, & sinistrorsum, quod fieri necessario debet, si secundum nostram hypothesis, æther concipiatur per particulas radiantes.

Tab. III. Fig.
XXXIII.

§. 21. Hinc vero vel ex nostra hypothesis nondum patet, quæ lumen pyramidaliter profluat ex objecto in oculum: etsi enim de-ter illud opticorum recentiorum, *lumen radiare in sphaeram*, hæc ipsa tamen radiatione non constitueretur pyramis vel conus, sed potius cylindrus. Nam *puncta*, quæ hinc concipi debent, *physica* sunt, non *mathematica*, hæc enim non sunt entia realia, sed rationis tantum: unde si objectum majus est oculo, tot puncta physica non possunt sibi in oculo, quot sunt in objecto, cum unum punctum physicum non possit alteri inferi, sed juxta illud debeat constitui; ergo in oculo non possunt plura puncta physica constitui, quam sunt in parte objecti, quæ ejusdem magnitudinis est cum oculo. Sit v.g. objectum A oculus B: fingantur in oculi superficie quatuor puncta physica, in superficie objecti viginti: manifestum est, quod, etsi quodlibet fingatur, quomodocunque ex se sphaeram effundere, tamen ex his viginti punctis non plura poterunt in oculi superficiem desigi, quam quatuor per radios quatuor, vel plures, si ita placet, quo ipso alia figura non poterit constitui, quam cylindrus G H I K. Ex quo patescit, quod omnium minime secundum principia solida, imo nec secundum principia veritatis fieri possit, ut lumen pyramidaliter in oculum influat, & cum ratio dicat, quod visio per pyramidem seu conum necessario fieri debeat, relinquatur id solum, ut pyramis moveatur ab oculo versus objectum.

§. 22. Illud etiam vel solum suffecerit, ad convincendum quemlibet ingenuum atque cordatum veritatis amatorem, quod visio non fiat in oculo, quo observamus, quod *duobus oculis unum modo, nec duplex, videamus objectum.* Si enim visio fieret in oculo depingeretur imago in utriusque oculi retina, & duplex adeo duobus oculis videretur. Multorum Eruditorum in solvendo hoc nodo hætenus strenue desudavit diligentia, nec infelicitèr semper, cum speciosa multa hoc in argumento prostant ingenii commenta: quæ tamen omnia si ingenuo candore ad rectæ rationis, & regularum probabilitatis, trutinam examines, soliditate debita destituuntur, nodusque adeo hic ab iis, qui statuunt visionem fieri eo modo, quo representatio in cubiculo obscuro, nondum meo iudicio cæ solutus, hincque adeo apparet, quod visio non fiat in oculo.

SECTIO II.

De

Nostra de Visione sententia.

§. 23.

UT nostra, de modo visionis, rectè pateat opinio, ante omnia, quid lumen sit, videndum: ut quid lumen sit, appareat, in quo pellucidi consistat natura, indagandum est. Repetendum vero huc ex principiis est, quod omnia corpora naturalia consistant bullulis, quarum in medio hospitentur particule radiantes, magis minusque activæ, prout plus minusve resistentiæ à bullulis aereis eorum motui opponitur. In quibus ergo corporibus maxime activæ sunt hæ particule, ea sunt maxime pellucida, in quibus vero plane quiescunt, nec ullo luminis motu excitari in radiationem queunt, illa corpora sunt opaca. Sunt ergo omnia fluida, quippe, quæ vel satis nobili, vel copioso, æthere ita sunt imprægnata, ut motus ætheris facile vincat contrarium nîsum aeris; hæc, inquam, omnia, cæteris paribus, sunt pellucida. Sed & solida quedam corpora, quæ

ex

ex pluribus constant bullulis, possunt esse pellucida, si plures illæ bullulæ ita sibi invicem fuerint applicatæ, ut pori bullularum, per quos emicant particularum radii, respondeant poris: quam pororum dispositionem ignis fusione sua quam felicissime præstat, dum per immisissas particulas radiantes ita distinct bullulas, & per radios particularum disponit poros, ut post refrigerationem eundem ordinem servant: & sic generatur vitrum, sua pelluciditate insignè artefactum.






De natura radiorum.

§. 24. Ad naturam vero luminis recte explicandam, novis rebus novi quidam termini technici erunt imponendi. Nempe etsi haud facile definiverim, quot radiis gaudeant particulæ radiantes, fingam tamen, quamlibet earum octodecim radiis pollere, quorum octo solum habeant horizontalem, quales sunt in hac figura, b, c, d, e, f, g, h, i, hos vocabimus *horizontales*, quorum centro insistant perpendiculariter duo alii superiores atque inferiores: horum alium vocabimus *perpendicularem superiorem*, alium *inferiorem*, hosce singulos oblique circumdant quatuor alii, quorum alios dicemus *obliquos superiores*, alios *obliquos inferiores*: perpendiculares autem & obliquos commode hic delineare haud potuimus, sed solos horizontales.

Tab. III. Fig.
XXXV.
De hoc num.
vide infra C.
IX. §. 35. 36.
37.

§. 25. Jam quando conjunguntur hæ particulæ radiantes, & in bullulis maxime, suo loco jam probatum fuit, quod duæ particulæ mutuo suum aliquem radium in alterius bullulam prætendendo conjungantur; id hoc quoque loco repetentes, deprehendemus, quod inter octodecim illos unius bullulæ radios, sex sint, qui conjunctionibus inserviant, quales hic sunt b, d, f, h. & duo perpendiculares, qui hic non comparent: duodecim vero, qui luminis maxime sunt dicati, nempe octo obliqui, & quatuor ex horizontalibus, videlicet, c, e, g, i, illos itaque vocare liceat *conjunctivos*, hos *luminosos*. Sicut autem hæc elementa semper concepimus tanquam fluxa, ita jure postulabimus, si duæ particulæ radiantes per duos radios conjunctivos cocant, vicinos duos utriusque particulæ radios

Fig. XXXV.



radios luminosos, v. g. particulæ a duos radios c & e, & particulæ L itidem duos radios m & n confluere in o & p.

§. 26. Si jam per sex radios conjunctivos sex conjungantur particulæ radiantes, & cujuslibet conjunctivi duo proximi confluant, patet, quod sic singuli octodecim radii justo ordine sint connexi, & radorum laminolorum fere *infinita* contextantur *fila*, quæ tamen singula vel una solum particula radiante commota in radiationem circumquaque ciantur. Ex hac ergo conjunctione atque ex hoc confluxu constituuntur radii.

De Lumine.

§. 27. Commorio centralis horum radorum, id est, quæ inde à centro prodeat, lumen est. Ut ergo lumen sese exerat, particula radians in centro debet tangi, ut sic extra ferantur ejus radii. Nihil autem eum tangere in centro suo potest, præterquam particula actu radians, unde quæritur de prima causa hujus motus, seu quid primo moveat particulam radiantem in centro? Respondeo, quod varia quidem possit esse hæc causa, præcipua vero & maxime illustris sit sol, cum reliquis fixis, post hunc ignis.

§. 28. Et sol quidem hoc modo causatur lumen: Dum ipse, veluti oceanus quidam æthereus, suas versus atmosphæram nostram effundit particulas radiantes a, nescio, qua causa radiose impulsas, hæc tangendo superficiales atmosphære particulas in suo centro, eas in radiationem cient, hæc pernecitate inexplicabili alias: ut sic uno velut ictu tota illustretur atmosphæra. Ne vero lumen hoc modo genitum subito, veluti fulgur, iterum evanescat, successus particularum radiantium, ex sole aliave fixa propulsarum, efficit: idem quoque præstat ignis.

§. 29. Hic vero successus aliter fieri nequit, quam ut particula in bullulis æris atmosphærici superioribus hospites, cedant in inferiores bullulas, per harum poros, quæ si nimis repleantur hospitibus particulis, per sic ampliatos poros, propelluntur aliquæ versus magis inferiores, usque dum ad superficiem usque terræ perveniat hic propulsus: ibi cum descensus ulterior propter collapsas terræ bullulas, & conniventes adeo earum poros, haud detur, bul-

lulæ hæ infimæ copioso replentur æthere, vix unquam tamen solari, sed semper ex atmosphæra superiore advena.

§. 30. Advena hic æther calorem gignit & ignem, in descensu vero suo *lateraliter* lumen, quo ipso non negatur, quin & antea producat lumen: ubi enim ignis est, ibi & lumen, non vice versa: unde id sequitur, quod lumen per radios, calor vero & ignis per *copiam* ætheris constituitur, quodque adeo, si vitra convexa opponantur radiis solis, lumen foco oppositum semper sit laterale.

Vid. supra
Lib. I. C. V.
§. 115.

§. 31. Paulo aliter ignis lumen gignit. Nam rumpuntur subinde bullulæ, quæ copiosis particulis imprægnatæ ignem constituunt, atque sic exilientes particulæ, actu radiantes, aeris alluentis proximas in centro suo tangunt particulas, quæ radiatione sua parieter commovent proximas, atque sic idem cum sole præstant, debilius tamen. Erumpentes hæ particulæ in proximo quidem aere generant calorem, in remotiore minus: ejus enim ab igne, quantumcunque tanta effundi nequit copia, quanta à sole: unde & per vitra convexa projicitur focus lucidus, non vero calidus.

De Phosphoro.

§. 32. Phosphorus lumen eodem fere modo parit, quo ignis: est enim sulphur, quod ad olei naturam usque adeo accedit, ut saltem ejus bullulæ sint *paulo nobiliores*, quæ maxima copia particularum radiantium ita sunt expansæ, ut eorum pori tantopere dilatati sint, ut si liberi aeris concedatur commercium, particulæ radiantes intus conclusæ facile per poros emergant, & aeris bullulas radiis suis patentes, & per poros earundem centra particularum radiantium tangentes, lumen eodem modo excitent, quo ignis.

Vid. supra.

§. 33. Phænomena experientiae hanc nostram confirmant hypothefin. Ex urina conficitur, quoniam nobilitas particularum debet esse media inter animale & minerale: nam si esset mineralis, fieret sulphur inflammabile, quod tot non admitteret particulas radiantes, si esset pure animalis, fieret oleum, cujus rumperentur bullulæ, antequam tot particulas radiantes conciperet. Urina vero cum salina sit, elementis corporis animalis abundat nobilissi-

bilissimis : unde & salia mineralia assumpta per urinam rejiciuntur, quo ipso pellere eandem à medicis dicuntur. Paucus acquiritur phosphorus, quoniam bullulæ plusquam animales pauciores sunt. Nullum lumen spargit, nisi in aere libero. Nam etsi satis pateant pori bullularum, in aere tamen occluso emergere nequeunt particulæ radiantes, quia non habent, quo intrent. In aere autem libero emergere dictæ possunt particulæ, & in vacuo adhuc splendidius ; unde frustra sunt, qui putant aerem accendere phosphorum. In eo autem consistit ratio luminis, quod non corpuscula phosphori discedant, sed solæ particulæ radiantes. Sic enim integra camphoræ corpuscula in auras abeunt, nec lumen causantur : nam corpuscula non possunt movere centra particularum, sed particulæ. In aere libero evanescit phosphorus : nam si particulæ radiantes abierint, bullulæ collabuntur, & phosphori naturam exuunt. Cætera phænomena per se patent.

De lapide Bononiensi.

§. 34. Aliter autem lumen spargit lapis Bononiensis, qui ex igne eam videtur sortitus atmosphæram, quæ constet ex bullulis, quarum pori ignis violentia fuerint solito magis ampliati, ut adeo in tenebris quidem conniveant, facile vero etiam expandantur, ut particulas radiantes admittant, nisi fuerint nimix, alias ex nimium ampliatis poris cito elabuntur. Unde (1) hic lapis non calet, sicut phosphorus, pori enim ampliores non satis radiorum continent ; (2) à nulla re felicius lumen accipit hic lapis, quam à sole : hic enim sufficientes particulas per aerem propellit ; (3) à nimio tamen solis splendore etiam impeditur coruscatio lapidis : quia ab eo nimis ampliantur pori, conceptæq; particulæ iterum effunduntur. (4) In superficie hæret lumen hujus lapidis. (5) Melius admittit lumen frigidus quam calidus : quia calor nimis ampliat poros, ut contineri particulæ haud possint &c.

§. 35. Modus lucendi is esse videtur. Si lapis fuerit lumini expositus, conniventes bullularum pori cito ampliantur, ut plures intrare particulæ radiantes possint, & quamdiu à consortio externi ætheris confortantur conceptæ particulæ, bullulæ motu suo contrario non possunt inquilinas particulas expellere : at si in tenebris æ-

Vid. supra §.
28. 29.

theris abruptatur commercium, dictæ bullæ, utpote nobiliores, quod gravitas lapidis indicat, motu contractivo expellunt paulatim per poros conceptas particulas, quo ipso exterius propulsæ impellunt ætherem aeris, adeoque sic lumen causantur: eodem modo sicut carbonēs accensi lumen fundunt.

De ligno putrido, & aliis noctu lucentibus.

§. 36. Et hæc, si forte adhuc cicindelas addideris, fere sunt, quæ per modum primarii cujusdam luminis lucent; nam lignum putridum & similia per modum luminis secundarii seu reflexi præstare mihi videntur, quicquid præstant. Nam si radius particulae porum bullæ offendit quantumcunque apertum, intrat bullam, & vis ejus radiativa in vacuum bullæ absorbetur. Quod si pori sint quomocunque occlusi, propter subsidentiam bullæ ad centrum suum, particulae radiantes reflectuntur in propria centra, eoque ipso novum lumen *extra projiciunt*.

§. 37. Talis autem subsidentia bullæ ad proprium centrum, à duplici maxime causa dependet, vel à defectu particularum radiantium, vel à nobilitate singulari bullularum: prior manifestus satis est in ligno putrido, putridis piscium squamis, & similibus inertibus materiis, posterior vero in adamante tunica carnea animalium quorundam, v.g. felium, & similibus. In hisce singulis particulae radiantes non moventur à vivida quadam & activa causa, sed quia radii earum intrare hæc corpora haud possunt, ideo *in propria centra reflectuntur*.

Cartes. Di-
optr. C. I.
§. VIII.

*An infiniti radii ex singulis punctis corporis luminosi
ad singula illius, quod illuminant, diffun-
dantur?*

§. 38. Et hætenus quidem de causa luminis actum est, videndum nunc quoque de illius effectu seu illustratione. Ea ergo, quæ
§. 25. & 26. supra dicta sunt, si perpendas, facile deprehendes, quod ex singulis luminosi corporis punctis infiniti fere exeant radii. Nam si uni bullæ octodecim attribuas radios, eamque in sex circum circa irradiare alias

alias bullulas singas, habebis in tantillo spatio jam centum & octo radios, & si quamlibet earum iterum in sex alias virtutem radiationis suæ effundere concipias, & quamlibet earum denuo in sex alias, & sic per omnem atmosphæram propagetur eodem modo radiatio, parebit, quod si non infiniti, saltem fere innumerabiles, ex uno puncto spargantur radii: adeoque sic prima pars assertionis Cartesianæ firmo satis nitatur talo, quâ dicitur, quod *infiniti radii ex singulis corporis luminosi punctis diffundantur.*

§. 39. Facile sic intelligitur, quod radii in motu suo se invicem non impédiant, dummodo semper motu suo, impulsui contrario, supponantur radiare, ita ut posteriores radii vel plane non, vel longe debilius anterioribus moveantur. Sint v.g. particule radiantes Q, A, L, superficiales corporis luminosi, his motis movebuntur quoque K & M, non secundum radios posteriores, sed solum, vel maxime, secundum anteriores, unde anteriores radii particularum A & L in motu suo radiativo nullatenus impediuntur. Sic ergo lumen & primum & secundarium *movetur in spheram*, & in eo non solum ratione thescoo consentimus cum recentioribus, sed &, quod illi nude asseruerant, *physice* probamus.

§. 40. At quod adjiciunt: *quod dicti radii etiam ad singula illius corporis, quod illuminant, diffundantur puncta*, hypothesis mathematica est, ex qua secure deduci conclusiones mathematicæ possunt, non autem physicæ, cum physice aperte satis falsa sit dicta hypothesis. Nam puncta, de quibus hic sermo est, haud dubie sunt physica, & radii dicta puncta occupant, unde in unum punctum non nisi unus radius potest incidere, adeoque non duo, nedum infiniti. Quodsi putes, supponi, quod non omnino certum sit, nempe unum radium præcise unum occupare punctum physicum, respondeo: occupent per me etiam plures, dummodo unus ponatur juxta alterum, manifestum est, quod ex singulis punctis corporis vel luminosi, vel illuminosi, non possit incidere aliquis radius in singula puncta corporis alterius. Sit enim corpus, unde veniunt radii, quadratum in centum puncta physica divisum, & singula puncta non capiant nisi tres radios: incident jam in aliud

Fig. XXXV.

quadratum ejusdem magnitudinis, sic patet, quod locum habere possint: at si in unum tale ejusdem magnitudinis punctum centum radii debeant immitti, cum non nisi tres capiat, patet, quod unum tale punctum tot debeat capere radios, quot triginta, plus minus, ejusdem magnitudinis capere vix possunt, id quod absurdum est, adeoque haud admittendum.

De luminis propagatione.

§. 41. Cæterum ex hac de lumine hypothesi patet quoque mira velocitas propagati luminis. Observatum enim est, quod sicut sonus intra minutum secundum, vel pulsationem arteriæ, percurrit 180. jugera sex pedum, ita lumen sexcentis mille vicibus propagetur celerius. Quamvis autem numerus hujus celeritatis demonstrari nequeat, id tamen facile patescit, quod lumen omnibus corporibus moveatur celerius: summa enim subtilitas summam parit mobilitatem, cum crassa omnia corpora motui magis resistent, quam subtilia. Nihil autem magis resistit motui, quam gravitas, cumque supra demonstratum sit, quod motus levitatis ætheris, & gravitatis aeris, se non exerant in conjunctione, elementa in corporibus nec levia sunt, nec gravia, adeoque nec æther: cumque adeo radii particularum & omnium sint subtilissimi, & minime graves, patet, quod omnibus corporibus moveantur celerius. Promovet eandem quoque celeritatem tensio radiorum: nam & tensæ chordæ una extremitate tactæ celerrime tremorem in partem promoveant oppositam.

Vid. supra.

De ejusdem reflexione, & refractione.

§. 42. Quodsi lumen incidat in corpus opacum, ea radii particula radians, quæ est ultima, radiis suis immittitur in corpus opacum: hoc cum poros habeat angustiores, & particulas radian-tes à bullulis suis ligatas, particula radii huic, vel bullulæ, vel particulæ, allisâ, cum radiare antèius haud possit, ob resistantiam, reflectitur versus suum centrum, id est, motus radiativus retro vertitur in centrum: ex hoc vero cum emanet virtus radiativa, qui-
escere

escere in eo minime potest, unde per eos denuo emergit radios, quibus minimum, vel nihil, resistentiæ est oppositum: illi autem radii præcise ii sunt, qui cum angulo incidentiæ eundem constituunt angulum. Sit v.g. particula radians D, impellatur per C d, sic corpori opaco A B insister radiis inferioribus, hic in corpus opacum depressis, & latitantibus: quorum radiatio cum non possit pergere versus d, refertur necessario versus a. b. c. speciatim vero motus vel procedet versus a, vel b. vel c: non versus a, hinc enim venerat: non versus b, eo namque moveri nequit, quin simul occurrat radio a & particulis ex C venientibus: adde, quod & radius b sit conjunctivus, in quem motus luminosus transire nequit, ergo necessario perget secundum radium c e, quæ linea eundem facit cum A B angulum, quem cum eadem faciebat C a.

Tab. III. Fig.
XXXIV.

§. 43. Lumen si medium pervadit diaphanum, vel recta transit linea, vel obliqua: quacunque autem ratione transeat, si diaphanum ejusdem sit consistentiæ, absque refractione pergit: si medium diaphanum sit diversum, si perpendiculariter incidit, adhuc absque refractione transit; sin oblique, tum vel *ad perpendicularum* accedit, vel *ab eodem* recedit: prius, si è medio tenuiore in spissius urgetur; posterius, si è spissiore vindicatur in tenuius. Hoc quomodo fiat, ut recte demonstrari queat, notandum est, quid vocem *radium directionis*, & *radium attactus*. Scilicet radium directionis voco, secundum quem dirigitur particula versus medium diaphanum; radium vero attactus cum dico, quo primum tangit diaphanum. Sic v.g. A B est superficies vitri, C D sunt duæ particulæ radiantes connexæ, quarum radius a & b radius directionis est, c vero radius attactus, quippe quo particula D tangit superficiem vitri A B.

Tab IV. Fig.
XXXV.

Quare non refringatur radius perpendiculariter incidens.

§. 44. Ut itaque intelligamus, quare radius, recta incidens in medium spissius, non refringatur, sciendum, quod id ideo fiat, quia radius directionis coincidit cum radio attactus, adeoque vires directionis.

directionis sustinentur à puncto attractus, ut particula non magis suffulciatur ad dextram, quam ad sinistram, rectaque adeo via per medium diaphanum urgeatur, v. g. si particulæ C, E, moveantur secundum lineam *c f*.

Fig. XXXVI.

De refractione ad perpendicularum, & à perpendicularulo.

Tab. IV. Fig. XXXIIX.

§. 45. Hæc ipsa vero linea directionis à linea attractus differt, si oblique incidat lumen: illa enim v. g. *a. b.* est, hæc *d. e.* Sic itaque urgetur particula E secundum directionis lineam *a. b.* versus *e.* Cum autem in puncto attractus *c* remora injiciatur progressui particulæ E, & ea sit mollis & flexibilis, subsidet versus medium spissius A B. eaque ipsa subsidentia centrum transfert in K. Hoc ipso autem radius *b* retro vertitur in *f*, radius *a* vero promovetur in *g*, adeoque linea directionis jam est *g. f*, quæ pergit per f. F. h. & sic à directione priore *a. b. e.* jam accedit ad perpendicularum d. E. c. i. Et si vero haud negem, transire per vitrum, aliaque pellucida particulas radiantes sat cito, ea tamen velocitate, qua lumen propagari, experientia docet, permeare istud putandæ minime sunt: unde ut lumen diffundatur in *b*, non necesse est, ut particula E transcat in locum particulæ F, sed particulæ E radius *b* depressus in superficiem A B. ibique offendens particulæ F radium *f*, illi adjunctus motum luminis in *b* & ultra propagat. Neque est, quod quaras, quæ tam opportuno ibi detur radius *f*, ut adjungi radio *b* possit: nam huic dubio satisfacit elementorum, atque adeo & particularum radiantium exilitas: qua supposita nullum fere punctum excogitari physicum potest, ubi non detur ejusmodi radius.

§. 46. Sic ergo ex medio tenuiore in spissius movetur lumen cum refractione *ad perpendicularum*, refringitur vero idem *à perpendicularulo*, si contrario motu ex spissiore pergat in tenuius. Hoc ut, quomodo fiat, intelligatur, fingamus ejusdem figuræ lineam A B. esse superficiem aeris ad aquam inferiorem alluentis, & luminis directionem venire ex i moverique versus l. Jam ergo repetendum ex superioribus est, quod omne corpus pressum, co

cedat,

cedat, ubi minus est resistentiæ. Cum ergo particula G , in superficie $A B$ punctum translata, radii, qui directionis lineæ $c. l.$ perpendiculares sunt, $m. n.$, æqualem impressionem à vi directionis recipiant, radius autem m in aere, radius n in aqua versetur, sequitur, quod radius m magis cedat quam radius n , adeoque radius m cedat in o , quo ipso radius q cedit in b , & directionis radius r in s , adeo ut particula G jam per lineam $s. z$ tendendo, à perpendiculo $x. g.$ $G. t.$ magis deflectat, quam si perrexisset per $r. l.$

Vid. Tab. IV.
Fig. XXXIX.

De refractione per medium convexum.

§. 47. Magis conspicuus est hic luminis motus in vitris convexis. Sit enim vitrum lenticulare $A B$, in quod feratur particula radians C secundum lineam directionis $a. b. c.$, prematur particula ab insequentibus aliis, secundum hanc lineam, subsidebit necessario dextrorsum, secundum ea quæ proxime sunt dicta: sic ergo per vitrum pergit in e secundum lineam $b. e.$ Hic autem cum centrum particulae alteram vitri superficiem convexam attigerit, alteraque sui medietate in vitro adhuc lateat, altera extra idem promineat, cum sinistrorsum convexitas simul emerfuræ medietati plus resistat, quam dextrorsum, seu, radii duo g & h lineæ directionis perpendiculares, ita emineant ex vitri convexitate, ut alter, h nempe, jam versetur in aere, cum g adhuc est in vitro, movetur particula eodem modo, uti proximo §o eam ex spissiori medio in tenuius vindicari demonstravimus: unde patet, quod ita per rectura sit, ut à perpendiculo $e. f$ divergat, & per lineam $e. d$ plus minus suum progressum continuet.

Vid. Tab. IV.
Fig. XXXVII.

§. 45.

§. 48. Sicut autem quidam solum radii axi *παράλλως* incidunt in vitrum convexum, reliqui ab axe magis recedunt, ita manifestum est, priores in corpore debita distantia infra vitrum convexum constituto, in focus colligi, reliquos seorsim in idem defigi, id quod sole lucente ad oculum patet. Posteriores hi sunt, qui representationes camerae, quam vocant, obscuræ, efficiunt, non priores. Nam si sole lucente, per vitrum lenticulare, conjicias radios lucidos in parietem, fenestris oppositum, videbis ibi seorsim sisti focus, seorsimque imaginem fenestrarum.

Ppp

§. 49. Illud

Vid. infra
§. 107.
Tab. IV.
Fig. XL.

§. 49. Illud autem disquisitione dignissimum puto, quare dicta imago non repræsentetur distincte satis, nisi vitrum aliquo usque ultra focum removeatur à pariete. Sit enim vitrum A B, lineæ C. D. E. tres notent diversas parietis à vitro distantias. Radii ergo in C. incidentes ita reflectentur necessario, ut in vitrum redeant, quod idem quoque facient radii incidentes in D. Radius enim H. in C. incidens reflectetur in I. & radius L in K, & omnes interiores radii tanto magis reflectentur in vitrum. Atqui in E. incidunt, illi in reflexione omnes præteribunt vitrum: nam radius H. reflectetur in F, & radius L in G.






§. 50. Sic itaque patet ratio, quare radii qui in focum non congregantur, nunc demum, postquam vitrum ea in distantia est, qua hic A B. distat ab E, repræsententur in pariete. Debilior enim horum radiorum lux est, quia non uniuntur, ut illi, qui in focum colliguntur, unde illorum vis debilior est, horum fortior: hinc fit ut horum in C & D, reflexio illorum per vitrum prohibeat transitum: cum vero in E. reflexi non amplius attingant vitrum, liber sic conceditur debilioribus per vitrum meatus. Quod vero, si augeatur distantia, iterum evanescat repræsentata imago, ejus rationem putarim in debilitate dictorum radiorum quærendam esse.

De refractione luminis per medium concavum.

Tab. IV.
Fig. XLI.

§. 51. Sicut autem in refractione per vitra convexa, radius in ingressu movetur ad perpendicularum, in egressu autem ab eodem discedit, sic idem pariter contingit, si vitrum pervadat concavum: effectu verò quam maxime dispari: nempe non colliguntur hic radii in focum, sed quam maxime disperguntur. Sit enim A B C D. vitrum concavum, in quod incidat particula E, prematur secundum lineam a. b. sic ad dextram eodem modo subsidebit, uti supra in vitris convexis, adeoque ad perpendicularum c. d. accedet. Nam radius directionis a. b. transfertur in k, pergitque adeo per k. e, quæ linea perpendicularo c. d. propinquior est pristina directionis linea a. b. l. Contra in egressu dextra parte iisdem de causis, quas supra de convexis dedimus, citius erumpet, quam sinistra, adeoque à perpendicularo c. f.

magis



magis recedet, dum per e.g. pergit; unde claret, quod divaricentur radii.

Quod visio neque per meram radiorum emissionem, neque per meram eorundem receptionem fiat.

§. 52. Et hactenus quidem de lumine, quo uti animam in videndo clarum est, id modo quaeritur, *an lumen recipiendo, an radios ad objectum usque emittendo videat*? Etsi autem quondam fuerint Philosophi, Hipparchus, & plurimi ex mathematicis, qui emissis, ad objectum usque, ex oculo radiis, visionem fieri autumaverint; sola ramen stellarum fixarum visio, præter alia argumenta sat clara, convincere unumquemque potest, quod ad tot milliarum millia pertingere radii ex oculo emissi haud queant. Quæ autem postmodum invaluit, & etiamnum in honore est, hypothesis, de visione per *receptionem* radiorum, peræque falsa nobis esse videtur.

Nemes. de
Nat. hom.
Cap. VII. ac
Plut. de Pla-
cic. philos.
L. IV. c. XIII.

§. 53. Nam omni exceptione majora sunt illa duo experimenta, quibus supra probavimus, *visionem plane non fieri in oculo*: æqualis roboris etiam illud est, quod *duobus oculis non nisi simplex videamus objectum*: adde, quod nemo eorum, qui hypothesein nudæ receptionis radiorum defendunt, demonstrare citra paralogismum possit, quomodo secundum illam hypothesein objecta non *inversa*, sed recta, quomodo porro debitam *distantiam* atque *magnitudinem* videre possimus. Nam quod hoc in argumento tentavit Cartesius, illud & nihil esse, & confusione *senfionis* atque *ratiocinationis* laborare, suo loco probavi.

§. 14. & seqq.

§. 54. Plura deinceps dabo, ubi ex instituto per experimenta, quæ nulla nisi retorsionis hypothesei explicari possunt, probabo visionem fieri per radiorum retorsionem. Hæc vero forsân dubia jam olim moverunt Platonem, ut neque emissionis hypothesei, neque receptionis suum adjiceret calculum, sed visionem per *συναύγμιαν*, seu *corradiationem*, fieri statueret: ubi quidem ex verbis Plutarchi clarum est, quod per *συναύγμιαν* intellexerit utriusque luminis emissi atque recepti quandam conjunctionem. Specialius vero neque Plutarchus, neque Nemesius, Platonis hanc sententiam exponunt.

De Placit.
phil. Lib. IV.
Cap. XIII.

Et quamvis ipsum Platonem, pro more meo, impatientius evoluerim, neque ipsum tamen *συμμετρίαν* mihi occurrit vocabulum, neque distinctior de visione doctrina, præter id, quod Dialog. VI. de Republ. circa finem aliud acturus & probaturus de visione haber. Itaque quamvis has meas de modo videndi meditationes lubentissime divini senis manibus essem sacrificaturus, quia tamen de ejus in hoc argumento mente distinctius informari haud potui, ejus neque auctoritate utar, neque *συμμετρίαν* vocabulo, sed meo unius periculo dicam, verum visionis modum *retorsione radiorum* absolvi.

Quid sit radiorum retorsio.

§. 55. Dicta radiorum retorsio in eo consistit: emanant ex oculo ad exiguum usque distantiam radii, occurrit hæc accedens ab objecto lumen, commovent radii lumen, & ad objectum usque ejus tensionem *retorquent*, sic sistitur in objecto motus, & hoc ipso anima objectum videt. Hunc modum per pyramidem exterius accedentem ad oculum instituit. Erud. explicui, quam, si quis ita velit, etiamnum retinere possum: sed quoniam dicta pyramidalis incidentia ex simpliciore hac, modo data, hypothesi demonstrari potest, nemo mihi vitio poterit vertere, quod malim demonstrare, quam sumere.

Quod ex oculo emanent radii.

§. 56. Probandum vero hic mihi quam maxime est, quod ex oculo emanent radii: hoc ut recte intelligatur, dico, me per radios intelligere materiam ætheream, nec actu lucidam, nec igneam, ex nervo optico in retinam, & hinc per humores oculi extra eundem emanantem. Consistit ergo hæc materia ex puris particulis radiantibus, quæ nullis inclusæ sunt bullulis: unde nec noctu nec interdiu sunt visibiles, quod ipsum quoque cum illo contingit æthere, qui ex fornacibus in hypocausta absque ullo lumine transit. Nam particule radiantes, *bullulis haud incluse*, semper radiis gaudent longioribus, quam incluse, unde hæc illarum centra nunquam possunt attingere, adeoque nec hoc respectu ad radiationem disponere: ipsæ vero radiorum visivorum particule sibi invicem radiatio-

diationem imprimere haud poffunt , quoniam lentius ex oculo emergunt, tantumque expansæ funt , quantum expandi poffunt: unde & quando cum aereis particulis radiantibus conjunguntur, hasque retorquent, tam lenis eft hujus retorfionis motus, ut hinc radiationem haud fortiantur dictæ particulæ.

§. 57. Quod autem vere tales ex oculo nostro emanent radii, hinc patet, quod fupra probatum fuit, visionem planè non fieri in oculo ; feu lumen objecti non pertransire oculum. Hoc enim fi fit, vel plane non vifuri objectum effemus, vel id fieri radiis faltem aliquo usque emiffis debet : alias enim objecti & oculi nullus effer attractus: cujus autem rei nullus eft attractus, ejus quoque nulla eft fensio, feu perceptio. §. 10.

§. 58. Docet id porro nervus opticus : Hic enim cum nec motui inferviat, nec nutritioni, relinquitur, ut destinatus fit fenfui. Illud vero & communi medicorum confensu conftat , & præterea hinc patet, quod non ut motorii definat in partem movendam, fed in tunicam retinam , pariter ut acuftici in membranam, auris internæ refudini fubtenfam. Jam cum vifio in oculo non fiat, ille ufus, quem vulgo, auctore Cartefio, eidem attribuunt, manifefto nullus eft: unde alius effe non poteft, quam ut per humores oculi , vifus gratia, fuos profundat fpiritus.

§. 59. Idem quoque patet ex humoribus oculi. Si enim radii ingrederentur in oculum , fecundum vulgarem hypothefin, uti in cameram obfcuram, nullus humor præter cryftallinum effer neceffarius , fi quidem Deus & natura viæ breviffimæ femper ftudiofiffima, voluiffet oculum facere offeum. At vero neceffarius ad emissionem eft humor vitreus , quoniam fine eo, fpiritus ex nervo optico emanantes , *non potuiffent ita colligi*, ut humorem intraffent cryftallinum. Nam convexitas humoris vitrei verfus retinam facit, ut ad perpendicularum refringantur fpiritus, adeoque fic conveniant in egreffu, ut fubire humorem cryftallinum poffint. Quod fi loco cryftallini foramen uveæ repleret alius confiftentia, tenuioris puta, humor, cuilibet harum rerum gnaro patet, quod fpiritus non tam commode poffent pervenire ad humorem aqueum, fed quod lateraliter ad uveam alliderentur.

§. 60. Cum porro vitreus versus crystallinum sit concavus, paulo extra vertuntur egredientes ex illo radii, ut circumcirca crystallinum queant ingredi, qui cum & convexus sit, & vitreo spissior, ita per hunc pergunt, ut intro vertantur; & in crystallino colligantur omnes. Hinc vero cum egrediantur per aqueum, qui & concavus est, & maxime tenuis, ob utramque rationem ita ex oculo per aqueum emergunt, ut ad utrumque latus, *cautionis ergo*, quantum fieri potest, enitantur.

§. 61. Nolo ad eorum, quorum oculi in tenebris lumen emittunt, nec ad canum, felum, aliorumque noctivagorum animalium provocare exempla, illud dicam, quod quilibet nostrum percipere ipse potest: Si quam firmissime claudas oculos, varios videbis colores, cosque haud secus, ac si, aperto obtutu, solis exceperis radios, in objectis, postquam aperueris oculos, videbis. Hinc dico nullus color sive verus, sive apparens, est absque lumine, nullum lumen absque æthere: ergo in clausis firmissime oculis lumen datur & æther, quoniam ibi datur color. Quod autem hic color non sit à lumine externo, ea manifestat circumstantia, quod dicti colores, non statim postquam clauderis oculos apparent, sed aliquanto post, quo ipso intelligitur, quod colligiprius aliquid ad generationem eorum necessarium debeat, quo demum collecto, nascuntur colores: hoc vero quid aliud æqua probabilitate potest esse, quam affluentes in humores per nervum opticum spiritus?

§. 62. Hoc idem comprobatur demum observatio Borelli, quam & alibi denuo pluribus repetit circumstantiis, cujus aliquam partem ipsis auctoris verbis huc liceat adjicere: *Mulieres*, inquit, *quasdam esse, legimus, quarum visus recens natis animalibus noxam infert, ut & serpentes, quorum adspæctus* (Basiliscum intelligit vide Obs. LXVII.) *lethalis est. Asseritur etiam, quod, si lupo prior hominem viderit, raucum illum efficiat, aliæque non pauca de oculorum efficacibus radiis occurrunt, ut de morbis oculorum & ichero, qui adspæctu communicantur. Hæc autem esse posse, sequens observatio (admiranda omnino) satis superque comprobatur, quæ etiam probari potest, visionem partim emissionem fieri. D. le Faucheur, vir insignis pietatis & probi-*
tatis,

Cent. III.
Obs. I.
Ibid. Obs.
LXVII.

*tatis, & Ecclesie Carentoniensis pastor, sanctioris ætatis tribu-
num (Dn. Chauvinum intelligit, uti ex obs. LXVII. patet) sepiissime
vidit Lutetie, cuius oculorum acies tanta est, ut conspici illa sua
paulatim perforaret, adeo ut ea sæpe mutare & renovare cogatur:
idemque audiri à sene mihi cognito, & non dubito idem multis
contingere, si observaretur.*

§. 63. Recte hinc infert Borellus, quod *visio partim emissio-
ne fiat*. Nam hic effectus aliunde esse non potest, quam vel ab hu-
moribus oculi aqueo aut lachrymali, vel à radiis visivis: credibile
autem nullatenus est, quod humores sive aqueus sive lachrymalis id
effecerint, quoniam alter tunicam corneam haud transit, alter si tam
acris fuisset, *ophthalmiam* vehementissimam concitasset, quæ cum
non parum momenti habeat hac in recensione, non neglecta & si-
lentio transmissa ab auctore nostro fuisset. Quin imo manifestum
est, quod hic quidem effectus à nullo fuerit humore, ideo quia nul-
lus humor vitrum transit: debet autem aliquid fuisse, quod vitrum
pertransierit, alias perspicilla non *perforasset*, sed *corrupisset*, uti
spiritus salis interdum primum, cui inditur, vitrum ita solet cor-
rumpere, ut friabile evadat, perforare autem minime. Nam quic-
quid perforat, vicinas foraminum partes relinquit intactas; si enim
tangeret, pariter corrumpere: hinc debet radiosè irruere, alias o-
mnes tangeret: imo etsi radiosè invadat vitrum, si non tale sit, ut
absque impedimento transiret, *colligeretur ob resistantiam* in su-
perficie, adeoque omnes partes simul corroderet, & adeo non
perforaret: unde sole meridiano clarius est, quod radii ex oculo
emissi fuerint, qui perforarint perspicilla.

§. 64. Hosce radios dico *ad exiguam usque distantiam e-
manare*, nec eam definitio, cum pro diversa oculi acie, major esse
possit minorque. Ex modo allata autem Borelli observatione pa-
tet, quod in D. Chauvino ultra distantiam perspicilli emanarint;
quoniam enim perforarunt in alteram ejus superficiem emergere
debuerunt. In hac autem sola emissionem radiorum non consistit
visio, sed accedere debet lumen objecti, unde in tenebris omnino
talibus, etsi quam proxime aliquid ad oculum admoveatur, nemo
videt quicquam. Quando vero quædam animalia, ut vespertilio
& no-

& noctua, noctu videre dicuntur, non hinc credendum est, quod homine copiosiores ex oculo emittant radios: neque enim plus nobis vident, & in ea tenebrarum spissitudine, qua nos plane nihil videmus, persuasus sum dictas aves æque parum ac nos perspicere: noctu enim videre ideo dicuntur, quod interdium plane nihil vident, quod ideo contingere puto, quoniam debiliores sunt eorum radii, quam ut fortius lumen retorquere possint, unde ob defectum retorsionis plane cæcutiunt: retorquent autem debilius illud, quod vesperi & noctu viget, lumen, unde alio tempore videre nequeunt,

Quod pyramis optica non ab objecto ad oculum accedat, sed ab emissis formetur radiis.

§. 65. Pyramidaliter autem incidere objecta omnes unanimi consensu asserunt optici, nec ullus tamen eorum demonstrare causam modumve pyramidalis illius incidentiæ potest, sed velut à posteriore, cum objectum oculo majus absque pyramidalis incidentia totum, secundum eorum hypothesein, videri nequeat, eam concludunt, & per modum hypotheseos mathematicæ assumunt. At si cogites, quod sic dux exercitus à mille militibus visus, mille distinctas lumine suo diffundere pyramides luminosas debeat, absque ulla sua vel conscientia vel intentione, & quod nihilominus centum præsentibus centum modo distribuatur pyramides, tribus tres, aliquid ratione sublimius subesse videretur. Cum autem hypothesis de retorsione radiorum, & causam & modum hujus pyramidis visivæ doceat, eo ipso valdopere ejus verisimilitudo (quis enim hoc in argumento absque temeritate majus quiddam promiserit?) augeatur.

§. 66. Cum vero radii emanantes ex oculo in humore crystallino, vel extra eundem potius collecti, dispergantur per humorem aqueum, & sic ex oculo emergentes accedens lumen objecti versus idem retorqueant, patet eo ipso, quod motu suo vel conum, vel pyramidem, mechanica quadam necessitate, efficiant. Fluctuet enim inter objectum A B. & oculum C. aer atmosphæricus illuminatus per lineas D. E. F. significatus, alluat hic aer ad radios ex oculo emissos G. H. concipiatur hic per bullulas, agat jam vis radiativa oculi, sic

Tab. V. Fig.
XLII.

sic dictæ bullulæ cum inclusis suis particulis secundum directionem radiorum oculi G. H. retorquebuntur secundum lineas, per puncta expressas I. K. L. M. N. & adeo versus objectum B. A. pyramidaliter movebuntur. Jam si mille milites unum adspiciunt ducem, clarum est, quod quilibet eorum propriam sibi formet pyramidem.

De modo retorsionis.

§. 67. Quod, uti definitio retorsionis habet, *lumen ab ob-
jecto accedat ad oculum*, de eo consentientes, habeo recentiores omnes, utpote qui non accedere solum, sed & ingredi lumen in oculum, existimant. Ejus vero, de qua porro loquitur definitio, commotionis, quæ radii ex oculo emanantes lumen, ab objecto ad oculum accedens, versus idem retorquent, modus demonstrandus est. Scilicet supra jam diximus, quod radii ex oculo emanantes sint *catenula* veluti quædam particularum ætherearum, longioribus radiis suis bullulas aereas ingredientium, ibique inclusas particulas æthereas in centro tangentium: hæ particule autem æthereæ aeris, si sint lucidæ, id est, si tensionem ab objecto egredientem à virtute corporis luminosi acquisiverint, contrarius conatus à virtute radiorum oculi nostri facit modum retorsionis.

§. 68. Ubi nota, quod etsi in tenebris idem modus retorsionis locum habeat, effectus tamen ejus, nempe visio, ob defectum luminis haud possit insequi, cujus penitus ratio paulo post, ubi modum visionis exposuerimus, patebit. Ad retorsionem vero, quod idem modus visionis paulo post manifestabit, non necessario requiritur motus sensibilior localis, sed sufficit *tensio*: imo etsi etiam repellantur aliquantum ab accedente lumine radii nostri, conatus tamen resistendi ad retorsionem sufficit. Tres itaque retorsionis veluti gradus sunt, (1) cum motu locali luminis versus objectum; (2) cum motu locali radiorum oculi versus oculum; (3) pura tensio, ut neutrius motus localis subsequatur: primus gradus distinctissimam præstat visionem, tertius confusorem, secundus confusissimam, sub initium adspectus maxime.

§. 69. Hinc vero varia circa visionem intelligi possunt: nempe, *quare nemo solem, vel corpus alias valde luminosum, distin-*

supra §. 64.

Hæc satis contemplari possit? Nempe quoniam vis luminis tanta est, ut radios oculi animalis subinde retorqueat, & retorqueri adeo ab his haud queat: item, *quare si prope nimis ad objectum applices oculum, non solum is doleat, sed confusius videat*, nempe quia lux ab objecto reflexa, quo propius ad objectum adhibetur oculus, eo potentius ejus radiis resistit. Nam omnis virtus, quæ est inter objectum & corpus luminosum, post reflexionem intercipitur inter objectum, unde quo minor est oculi ab objecto distantia, eo sensibilius oculus à lumine afficitur. Intelligitur hinc quoque, *cur objectum non debeat esse nimis remotum*: nam vis retorsionis dispergitur, si nimia sit distantia. Patet pariter, *quare quedam animalia, vespertilioes, noctuæ & alia plane haud vident interdum*, de quo jam supra dictum: alia multa alia dabimus occasione.

De modo, quo anima videt figuram.

supra §. 55.

§. 70. Reliquis definitionis nostræ verbis asserimus, quod sistatur motus in objecto, & hoc ipso anima objectum videat; quæ omnia, si priora probata sint, nulla amplius probatione indigent. De modo saltem, quo anima videt, quid nobis videatur, dicamus. Nempe anima, quando videt, figuram maxime videt, atque colores. Quantum ad figuram, cum illa sit quantitatis terminatio, manifestum est, quod si objecti partes omnes æqualiter terminentur, superficies hinc fiat plana, sin inæqualiter, vel convexa, vel concava, vel mixta: jam si inter oculum atque objectum sint radii luminosi, quos animam mediantibus radiis oculi retorqueat versus objectum, & anima veluti tactu polleat subtilissimæ, patet, quod in convexa figura plus resistentiæ sit perceptura, quam in concava, adeoque in mixta diversam: nec hoc dico, concludere sic animam figuram objecti (hunc enim concludendi actumensione interna deberemus percipere) sed sentire: nam radii luminis retorsi, eadem figura qua præditum est objectum, in objectum desinunt.

§. 71.

§. 71. Colores quomodo videat anima, nondum sat commode possum exponere: infra enim ostendam copiam diversam luminis diversos gignere colores. Interim id intelligi hoc loco potest,

potest, quod prout vividius magis vel minus à luminis actione afficiuntur radii, ex oculo nostro emanantes, sic animam, diversos illos gradus percipiendo, colores sentire: ut adeo coloris perceptio sit ab actione luminis, figuræ vero, à retorsione: & hinc *color citius sentiat, quam figura*: quod & experientia confirmat, color enim ex longinquo etiam, ubi distincta percipi figura haud potest, sentitur.

Experimentum, quo dilucide apparet, quod visio per retorsionem radiorum fiat.

§. 72. Etsi autem dicta hactenus satis & probent nostram, & evertant communem, de visione, hypothesein, infra etiam, ubi de speciebus visionis sermo incidet, multis experientiis eandem simus stabilituri, rarius etiam ea felicitas hypothesei contingat, ut ex unico sat firmiter ejus soliditas phænomeno evinci possit, satis tamen persuasi sumus, nostram hypothesein unico experimento satis probari, contrariam prosterni: est autem sequens: Accipe lentem vitream utrinque convexam, sole debilius lucente, procede versus parietem fenestris oppositum, applica tuam lentem debita distantia, ut appareat focus lucidus, occulta partem lentis, occultabitur & pars foci, & quidem, ante punctum unctionis, superior pars lentis occultata, occultabit & superiorem foci; at post idem, superior pars lentis occultata occultabit inferiorem foci, scilicet ob radiorum decussationem: cujus diversitatis ab altera, quæ proximo hoc §. 73. sequitur, ea est ex hypothesei nostra ratio, quod radii fucum constituentes non transcunt per bullulam N. sicut radii alteram hanc repræsentationem causantes: nam radii, qui focum faciunt, axi paralleli sunt, qui alteram repræsentationem, axin secant.

Vid. Fig.
XLIV.

§. 73. Jam remove adhuc paulisper lentem à pariete, sic pulchre repræsentabuntur fenestræ, & focus (latius enim utor hac voce) adhuc seorsim apparebit, jam occulta partem dimidiam, vel duas tertiis & plus, si placet, lentis, observabis cum admiratione, quod nulla pars fenestrarum dispareat, sed obscurius solum in pariete, de cætero absque ulla alia mutatione, sistantur. Jam cogita, si

Qq 2

repræ-

repræsentatio in pariete esset à lumine per vitrum in parietem incidente, annon necessario occultata parte lentis, quæ illud lumen pyramidaliter, uti opticus vulgo videtur, incidens transmittit, disparere pars repræsentationis debeat? Sit enim A B. objectum, à quo radii lucidi, secundum vulgarem hypothesein, eo modo, quo hic comparent, incidant per lentem C D. & repræsentent figuram F. E. opponatur jam radiis incidentibus corpus opacum G, manifestum erit, quod radii, qui per spatium H, profluxerant in parietem, non possint pertransire, adeoque etiam in pariete ea pars objecti, unde venerant, non apparere.




Tab. V. Fig.
XLIII.

Jahn. Oc.
Artif. Fund.
II. synt. I. c.
III. Ax. 13.

§. 74. Sed regeres ideo dixisse opticos, *quodlibet objecti punctum radiare in spheram*, & hinc radiare objectum totum in totam lentis oppositæ superficiem: item quodlibet ejus punctum in totam eandem superficiem & singula ejusdem superficiæ puncta. Ego vero respondeo: hæc est hypothesis mathematica, ab hypothesisi vero mathematica ad veritatem physicam, non valere consequentiam, axioma verissimum esse, etsi apud alios forte inauditum. Hujus autem veritatem ex ipsa mathematicorum, passim notissima, assertionem probo, qua dicunt, se ex falsa quoque hypothesisi vera demonstrare posse: etsi ipsi non satis videantur intelligere, quo sensu hæc propositio, cum absque limitatione considerata contradictionem, quam vocant in adjecto, contineat, cum recta ratione conciliari queat. Nempe sensus hujus propositionis non potest esse alius, quam quod ex hypothesisi physice falsa mathematicæ veritates possint concludi: nam manifestum, & ipsis mathematicis satis perspectum est, quod eadem veritates ex hypothesisi mathematicæ falsa concludi haud possint. Quod si ergo hypothesisi mathematica physice falsa esse potest, salvis veritatibus mathematicis, patet, quod ex hypothesisi mathematica nunquam valeat consequentia ad veritatem physicam. Quod autem hæc hypothesisi falsa sit, inde liquet, quod tota applicari ad repræsentationem foci quoque possit, cujus tamen altera pars occultatur in dicto experimento.

Vlt. §. 72.
§ 40.

§. 75. Cum autem supra falsitatem & incomprehensibilitatem illius fictionis demonstraverimus, & mirabile hoc phænomenon ex nostra demonstrari queat hypothesisi, & ex communi de receptione radio-



radiatorum citra hanc, naturæ contrariam, fictionem nequaquam, sequitur firmitate demonstrativæ comparari, quod nostra hypothesis sit vera. Sit enim objectum A B. à quo radii lucidi C D E cadant in parietem F G. hi reflectantur ad oculum H per radios I K. retorqueat autem oculus versus parietem F G. hinc redeant per lentem L M. & secundum leges refractionis conveniant in bullula centrali N. N. manifestum est, quod hoc motu bullulæ omnes moveantur posteriores, v.g. N. O. & N. P. Jam opponatur corpus opacum Q, ut radii ab objecto A B venientes ibi transire nequeant, dico, dummodo alii superius transeant lentem, v.g. N. L. claret, quod si unus hic radius retorqueatur in N ab hac bullula commota posteriores omnes moveantur ad objectum A B usque, & retorsione cessante, ibi ubi cessat, contingat visio, etsi imago videatur esse in pariete F. G.

Tab. V. Fig.
XLIV.

Alia adhuc probationes.

§. 76. Huic, si ita placet, adde, quod supra probatum dedimus, *visionem non fieri in oculo*: nam si extra oculum sit, & certum præterea sit, affluere aliquod ex objectis lumen, id saltem clarum est, quod visio per *συμύναν* seu corradiationem, fieri debeat: nisi enim accedat aliquod animæ instrumentum, quo objectum extra oculum sentiat, non apparet, quæ ullatenus sentiri objectum possit. Adde quod nulla alia hypothesi explicari æque possit illud, quod *duobus oculis non nisi unum videamus objectum*: præcipue si aliquas adjungas circumstantias, quibus interdum etiam duobus oculis duplex apparet objectum: nempe si oculum dextrum sinistrorsum versus objectum dirigas, sinistram dextrorsum: quod idem quoque absque hac oculi directione contingit, si per vitrum lenticulare certa distantia aliquod adspicias objectum: vitrum enim si majus sit, utrumque objectum repræsentabitur rectum, sin minus, inversum: non quod & majus & minus utramque repræsentationem hand præster; sed quod majus illam commodius sistat, minus hanc.

Vid. supra
§. 22.

§. 77. Omnes autem hujus phænomeni circumstantiæ ex nostra, de retorsione radiatorum, hypothesi clarissimæ sunt. Nam

Q99 3

quando

Tab. VI. Fig.
XLV.

Tab. VI. Fig.
XLVI.

quando *duabus oculis non nisi unum videmus obiectum*, ratio est, quod pyramis retorsionis ab utroque oculo, versus obiectum directā, eandem habeat basin. Sit enim obiectum A B, receptum ab hoc lumen retorqueat oculus per pyramidem A. B. C. oculus vero D per pyramidem A. B. D utriusque pyramidis ergo communis basis est, A B E. Contra quod oculis contortis duo videamus obiecta loco unius, id ita procedit secundum retorsionem. Sit A B obiectum, utriusque oculi axis D & C dirigatur in E, sic commota bullula seu particula radiante E, omnes aliæ, quæ sunt inter obiectum & E, movebuntur pariter, & sic anima nostra sentiet obiectum: at quoniam axis oculi F definit in A, & alterius axis in B, adeoque pyramis oculi G definit in tria puncta K. M. N. ibi repræsentabitur obiectum, cum vero pyramis oculi F in eadem puncta non desinat, sed in alia tria L. I. M. hic denuo obiectum apparebit. Hinc &, si dexter oculus claudatur, disparebit obiectum sinistrum; sin sinister, dextrum.

Tab. VI. Fig.
XLVII.

§. 78. *Quare autem per vitrum lenticulare adspēctum obiectum duplex illud alia distantia rectum, alia inversum sistat*, sic docet retorsionis hypothesi: Sit vitrum lenticulare A B, in quod per oculum F retorqueatur pyramis F. A. B, cui respondeat refracta pyramis A. B. E per utramque transeat axis retorsionis E. I. F. Pariter concipiatur quoque duplex pyramis G. A. B. & A. B. H. ex oculo G procedens. Duæ ergo pyramides refractæ concurrunt in N, constituuntque communem pyramidem N. C. A. B. D. & post punctum concursus N relinquitur spatium N. H. E. Cum itaque notum sit, quod visio secundum axin fiat, patet, quod si obiectum constituatur inter C. D. utraque pyramis moveat lumen, quod inter C D fluctuat, sed diversa directione: nam pyramidis A. B. E directio procedit secundum axin E. I. F & directio pyramidis A. B. H. secundum axin G. I. H. unde duplex erit centrum obiecti, semel in una, iterumque in altera axi, & si satis spatii ad seorsim consistendum adsit, duplex repræsentabitur, rectum tamen. Nam obiecti C. D. pars superior C. in utraque pyramide refracta A. B. H. & A. B. E manet superior, & inferior D. in utraque pariter manet inferior.

§. 79. Quodsi

§. 79. Quodsi vero objectum removeatur in K concursus utriusque pyramidis in N efficiet, ut omne lumen, quod inter N & objectum K est, commoveatur, unde per hanc commotionem videbit uterque oculus objectum quilibet secundum suum axin, unde centrum objecti semel erit in O semel in P: cum autem suprema pars pyramidis A. B. E stringat inferiorem partem objecti, hæc inferior pars in imaginatione erit superior: & superior sic fiet inferior, adeoque objectum retorsione oculi G repræsentabitur, uti apparet in L. cumque contra pyramidis A. B. H. pars inferior tangat superiorem objecti K, hæc superior fiet eodem modo inferior, adeoque retorsione oculi F objectum repræsentabitur, uti apparet in M. Jam si claudatur oculus dexter F, disparebit objectum sinistrum M; sin claudas sinistrum G, evanescet objectum dextrum L.

Tab. VI. Fig.
XLVII.

§. 80. Possem adicere adhuc tria phænomena superius tacta, §. 38. quæ cum sola nostra hypothesi sufficienter possint explicari, hæc quoque ejus soliditatem demonstrant: ea vero hæc sunt: (1) Quod objecta appareant recta, non inversa; (2) quod distantiam videamus; (3) debitam magnitudinem; sed tam facile hæc intelliguntur ex nostra hypothese, ut vix operæ sit pretium, eorum modum docere: nam *recta* apparent, quia recta sunt, & quoniam extra videntur, & non in oculo: *distantiam* videmus, quia retorsio radiorum per distantiam procedit, & adeo eam mediantibus radiis anima sentit: *magnitudinem* videmus debitam seu veram, quia visio fit in objecto, ubi nulla mutatio magnitudinis est, prout in oculo. Sed tam luculenta est hujus retorsionis veritas, ut argumentorum multitudine obruamur: qualia plura deinceps, etiamsi hoc nomine à nobis haud commendata, ubi de speciebus visionis agemus, & alibi occurrent.

De coloribus.

§. 81. Cum ergo sic pateat & *natura luminis*, quo mediante, & *modus retorsionis*, quo videmus, præter mathematicas quasdam considerationes, nihil superest, quod ad intelligenda visionis phænomena requiratur. Et quamvis ita nativa sit hæc hypothesis, ut, nullo prope negotio, applicari ad quævis phænomena optica

optica queat, potiora tamen nosmetipsi paucis dabimus illustrata : multa jam fuerunt tacta in antecedentibus, quæ denuo **repetere** supervacaneum foret. Sunt vero ea vel generalia vel specialia : inter generalia eminet phænomenon de coloribus, quorum natura lumini valde est cognata. Scilicet lumen in se quidem non est coloratum, mixtum vero cum tenebris, sive umbris lumen, per modum coloris à nobis percipitur : unde noscendum, quid umbra sit? Vulgo privatio luminis dicitur : illa vero privatio duobus maxime contingit modis.

§. 82. Vel enim umbra privatio luminis est absolute, vel respectu oculi nostri : absolute, quando à puncto quodam nullum reflectitur lumen, respectu vero oculi, quando quidem reflectitur, non vero ad oculum, sed alio : equidem & quando nullum reflectitur lumen, duplici id quidem contingit modo, vel quia nullum incidit, vel quia, etsi incidit, ob certam corporis dispositionem non reflectitur : sed nulla disquisitione physica opus est, ad cognoscendum, quid fiat, quod nullum lumen incidat : unde duo reliqua potius expendemus momenta, quid fiat, quod cum inciderit, nullum reflectatur, vel alio avertatur. Prius vero natura luminis edocet : lumen enim alio modo non potest reflecti, quam quo fuit immissum : sic vero emittitur atque continuatur lumen, ut particula radians alterius tangat radiis suis centrum, quo ipso & hæc radiis suis vicinam tangit, & hoc modo lumen propagat.

§. 83. Corpora vero nulla sunt, quæ non suas habeant atmosphæras, hæc autem sunt partes extantiores mercurii corporum, adeoque fluidæ & aeræ quidem subtilitatis : dictæ atmosphære constant ex bullulis in sese particulas radiantes foventibus, hæc radiis quidem suis ex poris bullularum emicant, omnes vero ac singulæ tam longis haud gaudent radiis, ut centra accedentium particularum luminis possint attingere : unde quæ in hæc feruntur bullulas luminis particulae motum suum haud referunt ad oculum : quod quum non fit, eo ipso lumen desinit in umbram. Sed & alio modo generari umbra potest, oculi nempe nostri respectu : scilicet ita sæpe dispositæ sunt atmosphæricæ bullulæ quædam, ut etsi radiantes particulae in accedentis luminis particulas referant motum,
cum

eum tamen alio magis dirigant, ubi si constitutus non est oculus, radii haud reflectuntur ad oculum, adeoque perinde est oculo, ac si omnino reflectantur nulli, unde & sic generabitur umbra.

§. 84. Sicut autem in dictis corporum atmosphæculis non omnes bullulæ iisdem pollent particulis, sed aliæ nobilioribus gaudent, aliæ ignobilioribus, nec ex omnibus objecti punctis reflectetur lumen, nec ex nullis: idem fiet etiam ratione situs: nec omnes ita erunt dispositæ, ut luminis motum ab oculo avertant, nec omnes ita, ut eum ad eundem advertant: unde in superficie corporum miscebitur lumen & umbra, quæ mixtio facit colores: unde quidam colores sunt veri & constantes, quidam emphatici & inconstantes, nunc hoc, nunc alio modo, se visui offerentes: illi nempe, qui ex umbra primi generis nascuntur; veri sunt, qui ex umbra posteriores generis fiunt, emphatici sunt.

§. 85. Habent autem *omnes colores aliquid emphatici*, quantum pro diverso objecti colorati situ diversimode allabitur lumen, & hinc diversimode quoque reflectitur; quidam vero ita plane nihil veri habent, ut, pro diverso lucis lapsu, non gradum coloris mutant, sed ipsum colorem: v. g. prisma, pavonum caudæ & alia: unde manifeste decipiuntur mechanici à specie perperam concludentes ad genus, omnem nempe colorem oriri ex diversa reflexione, cum alius hinc non oriatur, quam emphaticus: verus autem, prout ex modo dictis apparet, longe aliam agnoscat causam, talem nempe, qualis in omni situ objecti obtinet atque permanet.

Color niger & albus.

§. 86. Sed mitto emphaticos, qui eo ipso dum falsi sunt, parum momenti habent ad sapientiam: veri autem colores duas habent extremitates, dum ob rationem dictam vel omnes radii reflectuntur ad oculum, vel nulli, unde duo sunt veluti *principales colores*, niger & albus: hic enim oritur, si omnes reflectantur radii, ille, si nulli. Unde & paries cameræ obscuræ albus esse debet, quo melius reflectantur, & eo facilius à retorsione visiva retro vertantur radii: & vitrum lenticulare ideo omnia nigra, cujuscunque sint materiæ, citius accendit, quam alba: hæc enim reflectunt ætherem

R r r

luminis,

luminis, unde tam commode quam in nigris generari nequit ignis. Ferunt etiam, vestes nigras plus concipere coloris, quam quæ alio colore sunt imbutæ.

§. 87. Niger itaque color est color tenebrarum: & sicut ex tenebris nulli ad oculos nostros reflectuntur radii, ita pariter ex corpore perfecte nigro: unde & perfecte nigra corpora nos haud videre existimo, sed vicina: illud enim, unde nulli ad oculos nostros perveniunt radii, nos videre haud posse, satis clarum est. Sed tam perfecte nigra vix dantur ulla corpora, semper aliquos etsi pauciores reflectunt radios: sicut & nulla sunt tam alba, quin aliquos vel non reflectant, vel alio desectant: unde &, dum colorem statuimus nigrum vel album, nec illum mere tenebricosum, nec hunc pure luminosum putamus, sed semper aliquid vel lucis vel umbræ admixtum credimus.

§. 88. Ceteri quapropter colores inter nigrum atque album interjacent; si enim plures quam in nigro reflectantur radii color evadit *puniceus*; si adhuc plures, *ruber*; si porro plures, *ceruleus*; si ulterius plures, *viridis*; si tam multi reflectantur, ut pauciores solum in umbras abeant, color hinc redit *flavus*; si paucissimi omnium radii in umbram desinant, *albus* erit color. Habent vero & hi suos gradus, qui ex numero radiorum plurium pauciorumve, qui in umbras vertuntur, oriuntur. His si insistas principiis, posses omnem artem tinctoriam, & pictoriam, quatenus circa colores versatur, in formam scientiæ redigere: sed has quidem artes nullum magnopere vinculum cum eruditione habentes, operæ pretium haud esset, enixius excolere.

De visione distincta & clara.

§. 89. Generale quoque visionis phænomenon est, quod alias res clare videmus atque distincte, alias obscure & confuse, prout vel propiores sunt visui, vel ab eodem remotiores: unde retorsionis vigor major minorve hujus diversitatis videtur esse causa. Nam si objectum nimis est à nobis dissitum, retorsionis ille vigor decrescit, pro eo ac ipsa distantia incrementum capit, unde nascitur confusio & obscuritas. Sed & paucitas luminis nimiusque ejusdem

dem impetus visionem reddunt minus claram atque distinctam, dum paucum lumen, etsi cum vigore retorsum, non omnia objecti puncta afficere, adeoque nec claritatem atque distinctionem præstare potest: nimius vero impetus luminis retorsionis vim minuit, adeoque & ipse visionis claritatem atque distinctionem impedit: hoc ipsum quoque contingit, si nimius sit retorsionis impetus, quippe quæ sensum resistentiæ luminis animæ adimit, & sic quoque confusionem atque obscuritatem visionis parit; v. g. si nimis propinqua intueamur.

§. 90. Sic variarum circa visionis claritatem atque distinctionem patent causæ circumstantiarum: ut enim non dicam de longe *distantibus*, & à *senibus* visis, quippe ubi sat manifeste retorsionis deficit vigor: nec de his, quæ in *diluculo*, perque *nebulam*, *fumum*, aut *pulverem* in aere libratum, cæloque nubibus obfuso videmus, ubi manifeste satis paucitas luminis in causa est: nec vero de eo, quod ipsum *solem* obscurius atque confusus nudo contueamur oculo, idemque, etsi remissius, nobis accidat, si *forum* vitri lenticularis, vel quodcunque aliud corpus, copiosos spargens cum impetu radios, adspiciamus. nam & hic vigor emissorum radiorum retorsionis nostræ vim obtundit; phænomenon myopum atque presbytarum paucissimis modo attingam.

De myopibus & presbytis.

§. 91. Scilicet myopes mihi videntur esse, quorum ex oculis radii ita erumpunt, ut respectu axeos angulum constituent majorem: sic enim non solum disperguntur valde ad latera, sed etiam vis impulsus in laterales radios absumpta, ad directos languidior est, unde & hinc retorsio luminis debilius contingit: ergo myopum visus ad longinqua languet, ad propinqua satis valet. Medelam huic vitio affert vitrum paululum concavum, prope ad oculum admotum; sic enim à concavitate vitri radii, lateraliter digressuri, colliguntur, ad perpendicularum refringuntur, & in egressu linea fere recta, id est, axi parallela obviam feruntur lumini objecti, illudque conjunctis viribus versus objectum retorquent: unde & si quid contuentur *convolvere*, id est, palpebras contrahere solent myopes, eo ipso divergentiam radiorum ad latera, seu recessionem

Tab. VI.
Fig. XLIX.

ab axi prohibentes : quod ipsum quoque assequuntur quadante-
nus, si per angustum foramen aliquid adspiciant. Sit v.g. oculus A,
qui radios luminis retorqueat versus objectum B. manifestum est,
quod quinque radii attingant objectum B, cum tres tantum asse-
quantur objectum C, ergo objectum B. clarius atque distinctius vi-
debitur, quam objectum C.

Tab. VI.
Fig. XLIX.

§. 92. Ad intelligendum vero presbytarum vitium, sciendum
est, quænam sublit causa, quod quilibet etiam sanus objecta nimis
propinqua non nisi obscure & confuse videat. Scilicet quarta illa
causa sub finem §. 89. allegata id efficit, ut in objectum tanta vi at-
que impetu adigantur radii visivi, ut, quam habere ad distinctam
visionem debebat anima, perceptio resistentiæ luminis impediatur,
adeoque objectum non nisi obscure atque confuse conspiciatur. Hoc
ipsum est, quod & presbytarum parit vitium: eorum quippe radii
visivi cum axi sic satis *παράλλως* procedant ex oculo, tam effica-
cem faciunt retorsionem, ut eadem perceptio distincta resistentiæ
luminis tollatur: unde cum distantia objecti hanc nimiam mode-
retur retorsionem, fit, ut longius dissita distinctius videantur, quam
propinquiora. Sit v.g. oculus A, in objectum ergo B. septem adi-
gentur radii, cum ad objectum C. non nisi quinque pertingant; quæ
itaque nimia est vis retorsionis in B, moderata erit in C.


De visione distantia.

§. 93. Quomodo veram videamus distantiam, jam supra di-
ctum est. De falsa itaque videamus. Scilicet objecta nimis remota,
ad milliare unum & plura, videntur semper nobis esse propiora, quam
revera sunt: in causa est, quod retorsio non possit continuari ad
objectum usque: unde paulatim in aere desinit: cum vero anima
adsucta sit ea in distantia, ubi sistuntur alias retorsionis radii, ob-
jectum sibi concipere, in hac quoque distantia, ubi radii, etsi ob-
jectum haud attingentes, desinunt, objecti præsentiam collocat: cæ-
tera falsæ distantia ad mesopicam & catoptricam visionem perti-
nent phenomena.


De visione magnitudinis.

§. 94. Cum objectum majus semper pluribus radiis visivis
scn-

Fig. XLV.



Tab. VI.



p. 501.
Fig. XLVI.




Fig. XLVII.




Fig. XLVIII.




Fig. XLIX.




Fig. L.



sentiatur, quam minus, & objectum remotius subinde paucioribus sentiatur, quam propinquius, anima paucioribus radiis objectum, quamvis sit majus, sentiens, sibi more consueto illud imaginatur, uti solet minora objecta. Sit enim oculus A, radii ab oculo emissi B, radii retorsi luminis C. D. E. F. G. H. I. K. objectum sit N, manifestum est, quod in hac distantia non nisi duo radii retorsionis, nempe G & H. assequantur objectum, tres vero, nempe F. G. H. si sit in M. quatuor, nempe E. F. G. H. si sit in L. unde anima sibi concipiet objectum minus in N. quam in L. Hinc ergo patet, quod objecti magnitudo decreseat cum distantia, quæ cum paulatim minuatur, non sentitur adeo manifeste, nisi in majore distantia: nihilominus si objectum aliquod perquam prope ad oculum positum hinc remouetur, etiam in parva distantia sensibile satis est magnitudinis incrementum atque decrementum.

Tab. VI.
Fig. L.

De visione figuræ.

§. 95. Adhuc generale visionis phænomenon est, quod figura interdum percipitur vera, interdum non. De vera quidem supra satis actum: videamus hic de falsa. Notum scilicet est, quod magnitudines rectangulæ à majori distantia visæ appareant circulares, cujus phænomeni hæc est ratio, quod luminis radii directi magis resistent retorsioni, quam laterales, adeoque, si objecti ea sit distantia, de qua §. 93. egimus, ut retorqueri ad objectum usque lumen haud possit, sed retorsio in libero aere desinat, citius consistent radii directi, longius pergent laterales, quo ipso partem circuli formabunt, adeoque sphericam sistent figuram: Quod vero laterales bullulæ minus retorsioni resistent, quam directæ, id hinc patet, quia partem motus in vicinum aerem transferunt. Sit v. g. objectum A B. oculus C. radii luminis reflexi D. E. F. quod si ergo oculus C. radiis suis emissis G. agat in radium luminis E. & hic radius supponatur ex duplici constare particula, patet, quod utriusque particulæ vis radiativa emisso ex oculo radio L. H. resistat: contra si radius D. vel F. itidem constet duplici particula, propter obliquitatem radii M. I. & N. K. non nisi una particula resister radiis M. I. & N. K. unde si motus retorsionis feratur in E. alius desinet ob majorem

supra §. 70.

Tab. VII.
Fig. LI.

jorem luminis resistentiam, v. g. in H. radii vero D. & F. ob minorem resistentiam paulo longius ferentur, v. g. in I. & K, adcoque superficiem repræsentabunt sphaericam.

§. 96. Contrarium vero quadantenus evenit, si corpora sphaerica, è magna distantia visa, apparent plana. Nam cælestia v. g. corpora sub ea magnitudine, qua conspiciuntur à nobis, vere sunt plana, vel si qua eorum sit convexitas, distingui saltem visu nostro haud potest: unde cum objecta tam remota paucioribus solum assequamur radiis, vide supra §. 94. aliter quam plana nobis apparere haud possunt.

De visione motus.

§. 97. Omni quoque visione motum videmus: at interdum motum in objecto concipimus, qui in nobis est, & quietem in objecto, quando nihilominus & illud & videns pari celeritate movetur, quod maxime in cælestibus usu venit phaenomenis, quando planetæ vel directi sunt, vel retrogradi, vel stationarii. Scilicet sentit anima nostra motum, quando radii retorsionis mutantur, corpore videntis locum haud mutante: mutantur autem triplici potissimum modo, dum vel breviores fiunt vel longiores, vel axis mutatur: quodsi longiores fiunt, sentit objectum *recedere*; sin breviores, *accedere*: sin axin mutari, *preterire*: quodsi nihil horum fiat, sentit objectum quiescere. Jam, si nos locum immediatum nostrum haud mutantes, in alio corpore moveamur, potest accidere, ut priora tria eveniant, etsi objectum quiescat; & quartum sese exerat, etsi objectum moveatur: unde si quod sentit, absque consideratione circumstantiarum, ita statim se habere judicat anima, decipitur, ut moveri id putet, quod revera quiescit; & quiescere, quod movetur.

§. 98. Multa alia sunt hoc loco tractanda visionis phaenomena, sed hæc fere potissima sunt, & intellectu difficiliora, quarum nostris hætenus datis deductionibus excitabitur lector, ut facile quæ cætera fiant, pervideat. Nunc vero & progrediendum ad specialiora est. Sunt autem in universum tres species visionis, quatenus linea retorsionis in objectum desinens vel recta est, vel refracta, vel reflexa:

reflexa : prima species visionis dicitur *optica*, secunda *mesoptica*, tertia *catoptrica*: & de optica quidem phænomenis hæcenus vidimus, consideremus jam & reliqua duo genera.

De phænomenis visionis mesoptica.

§. 99. Visionis mesopticæ fundamentum atque principium est, quod *radii in retorsione refracti, attingentes objectum, illud imaginationi ita sistant, ac si absque refractione pergeret radius refractus*: anima enim iudicat non secundum mechanicam refractionem, quæ sit in vitro, sed secundum *directionem retorsionis*: interim mediante radio videt anima, & quicquid radius non attingit, illud etiam non videt. Sic per quodlibet vitrum lenticulare, quomodocunque applicatum, objectum apparet majus: & quidem si objectum non multum distet à vitro, oculus quacunque distantia remotus, solito quidem grandius, non tamen sub una distantia oculi grandius videbit, quam sub altera: at si objectum longius à vitro constituatur, objectum obscurius apparebit, *si oculus non multum à vitro distet*, simulque minus, qui oculus si *recedat subinde*, clarius apparebit objectum atque majus: quod si oculus subinde *magis recedat*, tandem eo deveniret, ut varii in objecto miscerentur colores, & si *longius adhuc* se recipiat, invertatur objectum, & primum magnum appareat & confusum, *ulterius si regrediari*, minus & distinctum: recessio vero oculi à vitro requiritur satis longa, si propius post vitrum ponatur objectum, at eadem sufficit longe brevior, si longius distet à vitro objectum.

§. 100. Singulas hæc circumstantias sic demonstro: sit vitrum BC, objectum constituatur in A, oculus in D, retorqueantur per vitrum radii, patet quod *axi.O* propiores attingant solum objectum, cum exigua refractione, unde objectum apparebit majus: at sive ex E sive F. retorqueantur radii iidem, eodemque fere modo, refracti assequuntur vitrum, unde non poterit apparere majus. At deberet tamen obscurius, quam solet, apparere objectum, cum non nisi pauciores radii refracti id assequantur: sed puto reflexionem in causa esse, quæ concurrens cum radiis refractis lumen auger.

Tab. VII.
Fig. LII.

De hoc vide
& supra § 9.
& 10.

Tab. VII.
Fig. LII.

§. 101. Ut vero & cætera fiant liquida, sit oculus in D, retorqueat lumen versus vitrum B C, per pyramidem B. C. D, sic pyramis refracta erit B C R, cujus focus seu punctum decussationis est in R: constituatur objectum in H, patet, quod non nisi pauciores, & axi propiores, radii ferient objectum H, unde & comparate minus apparebit, & obscurius. Sed removeatur jam oculus versus E, sic pyramis refracta fiet minor, ejusque apex retrahetur, pro eo ac oculus à vitro removebitur: quo autem minor fiet pyramis refracta, eo plures radii attingent objectum, quod ideo majus subinde repræsentabitur. Quodsi ergo, referendo se, oculus perveniet in E, pyramis refracta decussabitur in S, sic extremi ejus radii S. B & S. C. objectum assequentur, & sic hac in distantia omnium erit maximum objectum, magnitudo quippe ejus repræsentabitur secundum lineas imaginationis M. B. & M. C.

§. 102. At vero si etiamnum reducatur oculus versus F, retrahetur ulterius punctum decussationis S, versus objectum H, ita quidem, ut hoc ultra pyramidem refractam emineat, hinc confundetur repræsentatio, & ubi in ipsum objectum definit punctum decussationis, ob varias radiorum commixtiones, varii orientur *colores*. Si demum in F. usque retractus fuerit oculus, ut pyramis refracta sit G. B. C. extremi hujus pyramidis radii post-decussationem ita ferient objectum H, ut superior tangat partem subjecti inferiorem, inferior superiorem, unde imaginatio repræsentabit objectum, secundum lineas imaginationis N. T. & N. T. & hinc objectum sistetur inversum, & magnum, tantum quidem sæpe, ut non nisi pars ejus per vitrum conspici queat. Quodsi vero vel objectum removeatur, vel oculus, ut punctum decussationis longius ab objecto distet, pauciores radii decussatæ pyramidis allabentur ad objectum, unde minus apparebit: interim cum & obscurius simul ex eadem ratione videri debeat, experientia tamen docet contrarium: cujus circumstantiæ ea manifeste satis ratio est, quod omnis motus bullularum, seu particularum radiantium, pyramidis refractæ G. A. C. fuerit puncto decussationis communicatus, ut adeo eadem numero bullulæ, ejusdem anguli, ante & post decussationem, longe vividius moveantur post decussationem, quam ante eandem, quæ
causa

Fig. LII.

causa clarioris visionis est. Quod autem vividius post eam moveantur, ratio est, quia ex angusto moventur in liberius spatium, cum ante decussationem ex liberiori moverentur in angustius.

§. 103. *Quod vero ut objectum, non procul à vitro positum, videre inversum possis, longius recedere debeas, & contra, ut non procul à vitro constituto oculo objectum inversum videas, illud multum intra vitrum removeere debeas, ejus ratio omnis in natura refractionis per vitrum convexum est, de qua supra fuit actum, ubi patefecit, quod lineæ axi magis παραλλήλως incidentes acutiore angulo refringantur, reliqui obtusiore: unde hoc respectu pyramides visivæ, quales B. C. D. & B. C. E. & B. C. F. semper contrariæ quodammodo sunt pyramidibus refractis: ita quidem, ut si brevis pyramis visiva, longa sit pyramis refracta; si longa sit visiva, brevis hæc evadat. Sic pyramis B. C. D. brevis, pyramis vero refracta B. C. K. hoc loco longissima: item visiva B. C. F. longissima, refracta B. C. G. brevissima est.* Fig. LII.

§. 104. Ex eodem & alia liquent his affinia, v. g. *quod remotiora semper conspiciantur inversa.* Nam si objectum ultra K. distet, manifestum est, quod radii superiores semper attackuri sint partes objecti inferiores, & vice versa: item, quod eadem remotiora per vitrum lenticulare adspecta, si oculus multum distet à vitro, minora, contrario casu, majora videantur. Nam si oculus magis distet à vitro lineæ imaginationis minorem constituent angulum, unde & representatio minor erit. Sic v. g. si oculus sit in F lineæ imaginationis sunt N B & N C: si in E eadem lineæ imaginationis sunt M B & M C. si demum in D eadem erunt L B & L C. *Quod vero eadem objecta, etsi distantia satis, conspiciantur recta, si oculus proxime ad vitrum adhibeatur, ea ratio est: quoniam si retorsionis radii non nisi directiores sunt, & à perpendiculari incidentia parum differentes, unde parum refringuntur, adeoque absque decussatione procedunt.* Sit enim oculus in O, nec major, quam O, patet, quod radii omnes, quos retorquere per vitrum B C potest, vel perpendiculariter incident, vel à perpendiculo non multum declinantes, unde exigua cum refractione vitrum B C pertranseunt,

Tab. VII. Fig.
LII.

ita procedent, ut illud momentum, quo ad se invicem accedent, vix sit sensibile: unde ante objectum haud decussabuntur, atque adeo nec objectum poterunt sistere inversum.

De Cubiculo obscuro.

§. 105. Visionem quoque per cameram ad mesopicam refero: neque enim, quod vulgo solent, mihi persuadeo imaginem in pariete repræsentari, sed per imaginationem ibidem sisti, uti infra speculum, quæ tamen revera in objecto est, & minime ibi, ubi cernitur. Modus mihi videtur esse talis: incidit lumen in parietem cubiculi obscuri, à pariete reflectitur ad oculum, oculus reflexum lumen retorquet versus parietem, hinc per lentem, postquam certa distantia colligitur in focus, & decussatis radiis hinc pergit ad objectum: ita ut oculus directus in parietem videat objectum, sicut intentus in speculum idem cernit: unde & inversum videt & coloratum, & cæteris paribus valde distinctum.

§. 106. Seorsim cernitur focus, cujus radii cum radiis repræsentati imaginis nihil habent commune, id quod vel ex hoc solo patescit, quod repræsentatio imaginis inversa sit, ea etiam in distantia, ubi focus nondum est inversus: unde dicta inversio non procedit ex decussatis in foco radiis, sed ex alibi axin secantibus. Ratio itaque nulla potest esse alia, quam, si sumas, focus esse effectum luminis primarii, radiis, axi parallelis, incidentis, repræsentationem vero cameræ, esse effectum ejusdem luminis, sed axin secantis. Sit v.g. corpus lucidum A. F. quod in vitrum lenticulare H. G. emittat radios A. D. H. & F. E. G. axi B. C. parallelos, manifestum est, secundum doctrinam refractionis, quod focus constituent in L. At vero projiciat idem corpus lucidum, radios A. C. G. & F. C. H. axin in C. secantes, patet secundum eandem doctrinam, quod post refractionem procedent secundum lineas H. I. & G. K. & hæc adeo lineæ sint, quæ constituent imaginem in cubiculo obscuro.

§. 107. Modus, quo dicta imago solet conspici, jam supra fuit expositus: demonstratum quoque ibidem fuit, quæ ratio subsit, quare dicta imago, non nisi sub certa vitri à pariete distantia clare satis atque distincte appareat: ut adeo hoc loco solum restent adhuc ali-

Tab. VII. Fig.
LIII.

Vide supra
§. 49. 50.



Fig. LII.




Fig: LIII.





Fig. LIV



aliquæ circumstantiæ explicandæ: nempe de magnitudine imaginis, quare ea, si obiectum sit remotius, minor, sin proximius, major appareat. Nempe repetendum huc est, id quod supra de visione magnitudinis, demonstravimus, quod nempe majus sibi obiectum concipiat anima, quod pluribus assequitur in retorsione radii: cum ergo pateat, quod oculus D. radiis quomodocunque in parietem E incidentibus, per vitrum F. G. retorsis, & in puncto A collectis, pluribus assequatur obiectum in C. quam in B. eo ipso satis manifesta est ratio phænomeni. Nam in pariete E obiecti C magnitudinem videt per lineas omnes; obiecti vero B magnitudinem solum per lineas a b c d e f g h.

§. 94.

Tab. VII. Fig.
LIV.

De phænomenis visionis catoptricæ.

Quare omnia corpora polita sint specula.

§. 108. Visio catoptrica est visio per speculum, sive id sit planum, sive concavum, sive convexum. *Speculum* vero voco omne corpus, quod si adspiciatur, non tam sui quam alterius, à quo legibus reflexionis ita accepit radios, ut eosdem ad oculum intuentis reflectat, imaginem repræsentat. Sic & aqua & glacies, imo & ipse oculus noster speculum est; adeo ut, quicquid politum est, eo ipso quoque sit speculum: unde non immerito quæsieris, *qui fiat, quod omnia corpora polita sint specula?* Hujus rei ea mihi videtur esse ratio, quod, uti supra demonstravimus, visionis modus in eo consistat, quod anima inæqualitates per retorsionem sentiat, & hoc ipso figuram, item numerum radiorum, & hoc ipso colorem: jam vero color simul videtur cum figura, unde ubi cessat ratio videndi figuram, figurati quoque non poterit videri color. Cum ergo in politis nulla sit inæqualitas, nulla ibi ab anima poterit percipi figura, hinc nullus color, & adeo motus retorsionis non cessabit & terminabitur in corpore polito, sed hinc, lege reflexionis, transiet ad aliud corpus inæquale. Quoniam ergo corpus inæquale est, ubi elatio & depressio se invicem excipiunt, manifestum est, quod radii ad elationem pertinentes breviores ab anima deprehendantur, quam qui in depressionem desinunt; & per hanc ipsam inæqualitatem

§. 70.

§. 81.

sentiet animâ mediante retorsione figuram, simulque colorem. Et si autem in speculis quoque concavis atque convexis dicta inæqualitas videatur habere locum, tamen unius ab altero radio, ratione longitudinis, distinctio tam est exigua, ut ab anima non percipiat.

De modo visionis catoptrica.

Tab. VIII.
Fig. LV.

§. 109. Fit visio catoptrica hoc modo: Emanant ex oculo radii, lumen sibi obvium retorquent versus speculum, hinc reflectitur retrorsum lumen versus objectum, illudque videt linea reflexa, sicut videret recta: unde tantum apparet illud esse post speculum positum, quantum ante idem est constitutum. Sit enim oculus A B. qui radiis suis usque in C D. emissis repellat lumen per puncta notatum usque ad speculum E F. unde reflectetur lumen, secundum lineas F. G. H. & E. I. K. versus objectum K. H. quod secundum imaginationem retorsionis videbit in L. M. Quo proximius autem speculû est oculo & distantius objectum, eo plus apparebit latitudinis. Sit enim speculum in C D. sic objectum N O. æqualiter distans à speculo C D. sicut objectum H K. à speculo E F. videbitur: unde in eadem distantia multo plus spatii, nempe N O. conspicitur, per speculum in C. D. quam in E F. constitutum, lineis reflexis C. K. N. & D. H. O.

§. 110. Quantum vero ad distantiam imaginariam objecti trans speculum, convenit ea cum vera distantia cis idem, si speculum sit planum: at minor est imago representata, & longe proximior, si speculum sit convexum; quod contrario se habet modo, si speculum sit concavum. Hoc omne ita contingere videtur, quoniam anima secundum lineas retorsionis ibi sibi representat objectum, ubi dictæ lineæ concurrerent.

De Speculo convexo atque concavo.

Tab. VIII.
Fig. LVI.

§. III. Ut autem modus hujus utriusque visionis catoptrica imaginationi obijciatur, sit speculum convexum G C. oculus A, in quem ab objecti B. D. reflexi radii E F. incidant, convenientes in puncto H. Jam observari velim, hic non, uti in speculo plano, lineas

neas incidentiæ D.L. & B.M. convenire cum lineis imaginariis retorsionis : unde anima secundum lineas imaginarias concursus H M. & H L. percipit distantiam in H. secundum imaginarias vero retorsionis L. O. R. & M. N. J. magnitudinem objecti : quæ lineæ cum in H non amplius divaricentur, quam pro repræsentando objecto N. O. illud ipsum hoc loco exiguæ magnitudinis sistitur pro objecto B. D.

§. 112. A speculo concavo reflexa imago diversimode repræsentatur, jam major, jam minor, jam æqualis objecto : jam in ipso puncto reflexionis, jam ultra speculum, jam inter speculum & oculum, pro diversa dispositione speculi, oculi & objecti. Rationes fere subsunt tantum mathematicæ, quibus explicandis, ob instituti nostri rationem, supersedere liceat : illud solum notatum velim, quod quantum ad figuram rectam atque inversam, perinde sit, quo loco constituatur oculus, at si objectum sit inter decussationem radiorum & vitrum, constanter rectum, sin extra eandem positum sit, semper inversum sistatur imaginationi.

De visione singulari, quæ nec vere optica, nec mesoptica, nec catoptrica est, sed visio retorsionis dici debet.

§. 113. Quæ hætenus de visione dicta sunt, etsi partim principia supponant mathematica, partim mathematice concludendi modo pervestiganda sint, physicam tamen retorsionem, ut recte intelligantur, sibi expetunt, & si quædam restant, sola ratione mathematica constantia, ea mathematicis, in quorum castra transire nolumus, relinquimus. Sicut autem in doctrina de visione sunt quædam pure mathematica, sic restat adhuc visionis aliqua species, quæ est *pure physica*, quippe quæ nec optica est, nec mesoptica, nec catoptrica, sed à physico modo videndi *visio retorsionis*, dici debet. Exerit se illa, si vitrum lenticulare secundo lumine adspicias, sic enim v. g. fenestræ aliqua ante vitrum convexum distantia repræsentabuntur minores & inversæ. Modus hujus visionis sequens mihi esse videtur : Procurrunt radii a a, b b, c c, ab objecto A B. ad vitrum convexum C D. concurrunt una retorsio oculi, per radios d c,

Tab. VIII.
Fig. LVII.

eb. fa. fracti vero radii a a. bb. cc. in superficie vitri cD. per resistantiam dicti vitri aliquantum retro vertunt motum suum, versus objectum AB. quo ipso radiis ex oculo emissis d c. eb. fa. occurrunt, quorum utrinque sibi obviam datorum, atque se invicem repellentium motus, pro diversa radiorum ex oculo emanantium virtute, jam propius à vitro, jam remotius ab eodem sistitur, & ubi hoc fit, ibi sentit anima diversam resistantiam inæqualitatum objecti, coque ipso ibi objectum sibi concipit. Cum vero radius *a* in objecto sit superior, in occurfu retorsionis vero *a b c.* inferior, & contra radius *c* in objecto sit inferior, in dicto autem occurfu superior, sequitur, quod facies objecti repræsentari inversa debeat: sicut & inversa ibi sistitur.

Vid. supra
§. 93.

§. 114. Non succedit hoc phænomenon in speculis convexis, quoniam ab iis omnes radii reflectuntur, nulli refringuntur, adeoque repercussio, quam hic supponimus, quæque individua comes refractionis est, ibi locum non habet. Nam particule radiantes luminis, quoniam per specula non transeunt, ideo nec radii in convexitatem emissi subsident, sed simul ac unico radiato particula radians attingit vitrum, resilit altera, & ad æqualem incidentiæ angulum reflectitur.

Vid. supra
§. 42.

§. 115. Quod autem hæc visio vere sit visio retorsionis, & ex nulla alia hypothesi æque probabiliter explicari queat, illa manifestat circumstantia notatu quam dignissima, quod *myopes remotius à vitro videant imaginem, presbytæ propius.* Nam quoniam vis emissiva radiorum in myopibus maximam partem absumitur in radios laterales, radii retorsi d c. e b. fa. obnitentes radiis a a. bb. c c. magis repelluntur, quam radii presbytæ, quippe qui ad latera non adeo divergentes omnem suam virtutem remeantibus radiis a a. bb. cc. opponunt, eosque magis versus vitrum recedere cogunt: unde his repræsentatur imago proximius à vitro, myopibus remotius.

Vid. supra
§. 91. & 92.

Tab. VIII.
Fig. LVII.

§. 116. *Quatuor* itaque imposterum *modi visionis* erunt constituendi, *optica, mesoptica, catoptrica & retorsionis*: qui singuli per vitrum convexum possunt repræsentari. Sit enim oculus in E, intueatur ob-

Tab. VIII.
Fig. LVII.

Fig. LV.




Fig. LVI.





Fig. LVII.



objectum A B. per radios *g. h. i.* sic visio erit optica. Idem oculus intueatur vitrum convexum C D. sic ipsi repræsentabitur infra vitrum objectum A B. in H. per visionem catoptricam, & idem in I. per visionem retorsionis. Quodsi oculus sit in F. & intueatur parietem K L. videbit objectum A B. in G. inversum, per visionem mesoptricam.

S E C T I O III.

De usu

Doctrinæ de Visione adversus atheismum.

De visu natura intelligibilis, nobis denegato.

§. 117.

Supra probavimus dari præter naturam sensibilem, aliam, non minore majestate conspicuam naturam, intelligibilem. Dubium autem nullum est, quin longe illustrior futura fuisset omnis cognitio, si visu aliquo naturæ intelligibilis gauderemus: Natura enim sensibilis, quatenus talis, mortua est, effœta, incers, si eam compares ad alacritatem, vigorem & virtutem naturæ intelligibilis, quatenus talis: unde patet, quod optima pars naturæ à nobis nullo sensu possit percipi: & sicut per visum ea intelligimus, quæ sic factis sunt subtilia, figuram corporum, coloresque & motum eorundem; sic si nobis indulta fuisset visionis aliqua facultas, pariter sentiendi figuras atque motus elementorum, non video, quid nobis magnopere ad plenariam cognitionem corporum possit deesse.

§. 118. Hanc cum nemo non sibi exoptet, patet *quod à nobismetipsis haud sinus facti*: sicut enim, si hoc esset, à nobismetipsis haberemus sensus nostros, dedissemus nobis præter vulgares quinque, procul omni dubio, sextum quoque hunc naturæ intelligibilis sensum: quod cum factum non esse doceat experientia, patet, quod vel impediti & prohibiti fuimus, cum jam essemus, vel limitate creati, cum nondum essemus: at non fuimus prohibiti, cum jam essemus: nam postquam facti sumus, novimus nos nobis

Lib. I. Cap. I.
§. 95.

bis ne hilum quidem dare posse : ergo limitate creati sumus. Itaque substantia aliqua nos limitate creavit, vel ipsa limitata, vel non limitata : si ipsa limitata est, alia eam limitavit necesse est : cumque limitare hoc loco nihil sit aliud, quam dare quasdam potentias, quasdam denegare, sequitur quod substantia limitans semper sit perfectior limitata : & hinc, quod aliqua substantia sit omnium perfectissima, quæ nulla alia est, quam *DEUS*. Quod si vero substantia, quæ nobis visum naturæ intelligibilis denegavit, illimitata sit, eo ipso *DEUS* est.

SECTIO IV.

De usu

hujus doctrinæ adversus superstitionem.

De visionibus enthusiasticis.

§. 119.

Vid. §. 95.

SI recte perpendamus, quam multa requirantur ad visionem, recte concludemus, quod visio variis modis falsam possit repræsentare imaginem. Et cum supra demonstraverimus, animam mediante retorsione per radium luminis sentire figuram objecti, meminerimus, quod ubi debilius est dictus radius, v.g. noctu, splendente obscurius luna, facillime nobis offerri possit imago rei pure phantasticæ : unde nullo tempore magis cavendum, ne visio nobis imponat, quam ubi obscurius lumen est : sicut nunquam magis cavendum, ne labamur, quam ubi putridæ innitimur scipioni.

§. 120. Cumque etiam interdum ex variis lineis, ope phantasiæ, compingamus imaginem rei animo obversantis, amputatis cogitatione lineis, quæ abundant, adjectis, quæ desunt, palam est, quod hoc longe facilius fieri de nocte possit : unde sibi caveant melancholici & tristioris indolis homines, ne quæ noctu vident simulacra & spectra, etsi æque vigilent ac interdum, vera esse pertinaciter credant. Dum enim radius noctu debilius est, vel retorquetur plus

plus justo, & cavitates repræsentat loco eminentiarum: vel unde debebat ad oculum profluere, non profluit, atque adeo falsos sistit colores, vel unde non debebat, reflectitur, adeoque ubi nihil præter aerem est, corpus solidum refert, aliisque pluribus modis contingere error potest, etsi nullus affectus errori velificetur: quod tanto accidit facilius, si metus, gaudium, desiderium & alij affectus, mentem perturbent.

§. 121. Unde piis etiam hominibus sæpe evenit, ut crediderint, sibi angelum, imo & ipsum comparuisse DEUM, cui fallaciæ si se jungat pertinacia, in enthusiasmum prolabuntur miseri, qui ut plurimum & ipsam phantasiam corrumpit, ut toties, quoties affectu agitantur, ipsis simulacra suæ imaginationi respondentia appareant.

§. 122. Nam si verum est, quod Aristotelem asseruisse re-
ferunt, quod aliqui suas ipsorum imagines in aere veluti speculo,
propter oculorum aliquod vitium, videant: quid facilius evenire
potest, quam ut noctu vel in aere quocunque obscuriore, ob aeris
variā dispositionem, ita varietur dicta imago, ut propria esse haud
agnoscatur: quid pertinaciorem insigere superstitionem animo
potest, quam si ejusmodi homo angelum suum tutelarem vel diabolum,
vel nescio quid aliud, se videre sibi persuadeat?

Scholæ. Phys.
Curios. p. m.
224.

SECTIO V.

De usu

*doctrinae de visione in prudentia circa
sanitatem.*

De myopibus, & præbytis.

§. 123.

Vitia oculorum vel mechanica sunt, vel physica: ad illa tollenda juvat nosse structuram oculi, his medendis magis

Ttt

COB.

Vid. supra
§. 91. 92.

conducit cognitio veri modi videndi, retorsionis nempe. Videamus exempli loco vitium myopum atque presbytarum. Genuina cognitio myopiæ docebit, quod præcaveri potius hoc malum, quam semel illatum tolli possit. Generatur enim quocunque modo, quo magis ad latera coguntur radii ex oculo emissi: coguntur autem eo, (1) si corpora nimis lucida adspiciantur, sol, ignis, specula à sole vel igne collustrata & similia: sic enim radii ex oculo nostro emanantes retro dantur, quo ipso ad latera sibi quærunt vias, quæ semel dilatata non facile iterum constringuntur.

§. 124. Coguntur porro ad latera spiritus, si objecta adspiciantur nimis propinqua: nam & sic lumen nimis fortiter perstringit radios ex oculo emissos, cosque retropulsos ad latera divergere cogit: unde librorum heluones plerumque sunt myopes: & evitatis hisce duobus, præcaveri myopia potest. Quod si vero jam fuerit contracta, mechanicum vitrorum, parum concavorum, auxilium optimum affert solamen, sed vitium tamen quodammodo auget: dum & per vitrum elabentes radii non omnes statim pertranseunt, sed multi reflectuntur. Nihilominus datur aliquis myopiæ gradus, quo quotquot ad latus deflecti possunt radii, jam declinârunt: huc si pertigerit malum, nihil amplius damni ab usu vitrorum est metuendum.

§. 125. Cum vero in omni radioſa emanatione, radii directi fortiores sint lateralibus, patet, quod plures nascantur presbyta, quam myopes: nam vividus meatus radiorum directorum ita ampliat vias directas, ut laterales desuetudine mancant angustiores, & cum senectute demum plane occludantur. Interim paucioribus lineis tam confertim per vias directas ruunt spiritus, ut ad remota objecta totidem lineis, mediante lumine, appellant, quot solent optimi oculi: at vero in propinquiora (1) tam impetuosè irruunt, ut animæ turbetur perceptio, (2) lineis tam raris, ut propinquiora nihilo videant distinctius quam remotiora, imo propter impetuosam emissionem, ne quidem tam distincte quam quædam remota.

§. 126. Huic malo ut medearis, vel contraria consuetudine

ne intuen- di propinqua, per laterales vias removendi sunt spiritus, vel per vitra parum convexa arctius cogendi : sic enim distinctius representabunt animæ juxta & majus, quod pluribus ferient radii. Non vero apparet, quod medicum auxilium magnopere & his, & myopibus, prodesse possit. Quæ enim medicina poterit claudere laterales meatus, quæ non & claudat directos; quæ ampliare laterales, quin ampliet etiam directos? Unde & hic & illic omnis spes in vitris erit ponenda & adusufactione.



CAPUT IV.

DE

SONO.

SECTIO I.

Quid Aristoteles, Cartesius atque Gassendus, de sono statuant.

§. 1.



Aristoteles putat dari aliquem in auribus aerem, qui semper moveatur, nam ait : ἀν- γὰρ ἐκείναι τινὰ κίνησιν κινεῖται ὁ αἶρ, ὃ ἐν τοῖς ὠτί, id est, *semper motu quodam movetur aer, qui est in auribus.*

De Anima lib. II. c. VIII. c. 84.

cum hoc aere statuit conjunctum esse aerem externum, quod non solum docet ratio concludendi, sed & illa probabiliter verba, quibus ait : ἀκοὴ δὲ συμφυὴς αἵρει, id est, *auditus cum aere conjunctus est*; unde asserit, aer si moveatur externus, aerem simul moveri internum, auris nempe, ψεφῆτι. κὸν γὰρ τὸ κινητικὸν ἐνὸς αἵρ, συνεχὲς μέχρις ἀκοῆς, id est, *sonationem esse motuum unius aeris continuitate, usque ad auditum.*

Ibid. tit. 8.

Ibid. c. 82.

Ttt 2

§. 2. Illud

§. 2. Illud autem hic desidero, quod aerem cum æthere confudit Aristoteles : nam sonus, ut infra demonstrabimus, est potius effectus ætheris moti, quam aeris. Ut enim cætera taceam, antlia pneumatica nobis phænomenon aliquod, huic hypothese Aristotelicæ contradicens, exhibet, dum ostendit, horologium in ea constitutum, post primam aeris exuctionem, ita tamen sonare, ut distincte satis audiat ab adstantibus. Scilicet dubium nullum est, quod post exuctionem primam aer non possit penetrare ullatenus campanam : unde si sonus esset commotio aeris, hæc ipsa non posset transferri ad aures adstantium : cum aliter quam per campanam huc pertingere ejus undulatio haud possit.

§. 3. Hoc ipsum & alia ex communi experientia petita, quamvis pluribus effugiis obnoxia, docent. Sic v.g. ventus maxima commotio aeris vel nullum, vel non nisi mediocre edit sonum. Duo corpora dura sibi invicem allisa acute satis sonant, cum tamen, quæ concurrir, aeris commotio sit valde exigua. Si auris digito vel cera obturetur, ut credibile nullatenus sit, subsistere adhuc conjunctionem aeris externi atque interni, non ideo omnis sonus rerum externarum, v.g. tympani, currus & aliarum, penitus interceptitur. Et, quod palmarium ad refutandam communem hypothesein phænomenon existimo, si ostium pulsetur, æqualem pulsationis vigorem percipies, sive intus sis sive foris ; at si sonus esset commotio aeris, major debebat percipi pulsationis vigor, ibi, ubi contingit pulsatio : aer enim pulsatione commotus, vel plane non potest, vel non æque commode perfluere ostium.

§. 4. Gassendus ex Epicuro agnoscit sonum esse rem corpoream in aurem incurrentem : sicut & pariter corporeas imagines, hic saltem, putavit incurrere in oculos. Sed uti hæc in sua generalitate non quidem falsa sunt, sic eo ipso quod clarius haud edisserantur, nullius magnopere sunt usus : unde & licet in hoc argumento satis prolixè versetur Gassendus, magis tamen soni naturam miratur, quam explicat : hinc & frequentius utitur similitudinibus quam demonstrationibus : quo pertinet, quod dicat, ex ore emitti vocem, sicut ex ore fullonis aquam : hinc vocem dissilire

Animadv. in
Lib. X. Diog.
Laert. p. m.
148. 149.

lire in voculas innumeras, sicut ab illo exsufflata aqua in guttulas infinitas.

§. 5. Sapienter equidem Gassendus ibidem videtur argue-
re, fieri sonum per motum ætheris, dum ait : *neque enim tota
æris massa commovetur, sed quod in ea solum tenuissimum
est, figurationisque præsertim capax* ; sed quia paulo post ite-
rum dilabitur ad similitudines, mentemque suam clarius haud ex-
ponit, quid per tenuissimum illud velit intellectum, non adeo li-
quet : id vero constat, quod aliud quiddam quam atomorum
aliquod genus, per connexionem doctrinæ suæ, intellexisse haud
potuerit.

§. 5. Cartesius in tractatu de Homine parum, vel nihil re- P.I. §. XXXV.
ipsa, dissentit à Peripateticis ; ait enim : *in interiore aurium
cavitate quedam filamenta sic esse disposita, ut à parvis illis
concussionibus, quibus aer externus pelliculam quandam, val-
de tenuem, in introitu cavitatum expansam, impellit, omnia
simul, & eodem modo, moveri possint, & a nullo alio objecto
affici, præterquam ab aere interno, qui sub hac pellicula est.*
Has parvas concussioniones, horum nervorum interventu ad cere-
brum usque pervenientes, animæ occasionem dare concipiendi so-
norum ideam.

§. 6. Unam ejusmodi concussionem non nisi obscurum mur-
mur præbere putat : quodsi vero plures se invicem sequantur, tum §. XXXVI.
sonum componi, qui animæ suavior videatur vel asperior, prout
illæ concussionēs magis æquales aut magis inæquales inter se erunt,
& acutior, vel gravior, in quantum se mutuo subsequenter citius
vel tardius. Hæc autem hypothesis de aeris commotione, soni
causa, cum superius fuerit à nobis refutata, rationes illas huc repe- §. 2. & 3.
tere, supervacaneum foret.

SECTIO II.

Nostre de sono , atque auditu , sententia.

§. 7.

Sicut autem universale ferme eruditorum vitium est, quod subinde deprehendantur nimis, quam par est, hære in generalibus, ad specialiora vel plane non, vel non nisi fugitivo pede progredientes; ita hoc vel maxime in doctrina de sono atque auditu observamus, de quo omnes nimis generaliter dixerunt, quod sit motus aeris. Hoc enim assertum etiamsi esset verum, vitio tamen obscuræ generalitatis laboraret, cum sic specialiorum phænomenorum nulla, quæ animo, distinctæ atque claræ cognitionis avido, satisfacere possit, appareat ratio: minime omnium luculentissimæ differentię soni atque toni: alia quamplurima ut taceam. Segniores autem atque negligetiores fuerunt philosophi in excutienda natura soni atque auditus, quam luminis atque visionis: unde, etsi forte ipsi naturæ soni non subsit major cognitionis difficultas, quam luminis, nobis tamen, ab aliorum opera minus hoc in argumento adjutis, *tongce operosior fuit indagatio soni atque auditus, quam luminis atque visionis.

De aura , quam vocant congenitam , per tympanum auris emittente.

§. 8. Curiosius vero, quam vulgo factum est, pernosceda nobis auræ, quam congenitam vocant, naturæ, si recte, quid sit sonus, & quomodo fiat auditus, intelligere velimus. Scilicet non stagnat illa solum intra tympanum, quod vulgo sibi persuadent, sed localiter ex aure enititur. Probamus hoc ex phænomeno, cuius alia causa, quam emanans aliqua aura, haud potest excogitari: nempe si auris meatus digito vel alia quacunque re obturetur, vel

vascu-

Vid. Sens.
Veri & Falsi
Lib. III. Cap.
VII.

vasculum aliquod etiam quierissime auri externæ admoveatur, murmur aliquod instar bullientis aquæ observatur: hoc vasculum si hoc in situ ultro citroque moveatur, sibilus quidam, ex gravi in acutum desinens, cum motus reciprocatōne, sese exirit.

§. 9. Nulla hujus phænomeni alia potest esse ratio, quam, quod aura quædam ex aure vel emanet, vel in aurem ingreditur, quæ vasculo digitove vel impedita, vel solito citius promota, ad tympanum regurgitet, eoque ipso hunc sonitum causetur. Nam subinde durat hic sibilus, etsi diu perquam admodum teneas vasculum, volam manus aut aliud quiddam, nec ullatenus ad remissionem propendat, etsi quam quietissime teneatur vasculum vel manus. Quod si ipsum aerem externum putes, admodum manu aut vasculo, propelli versus meatum, & hinc ad tympanum usque urgeri, obstat, quod sonitus subinde perduret, & eadem quidem quantitate, etsi vasculum manusve ne latum quidem pilum vel accedat propius, vel longius recedat: unde nihil aliud relinquitur, quam ut commea-
re aliqua aura ex aure, vel in eandem debeat.

§. 10. At non ingreditur dicta aura in aurem: nam si meatum auditorium vel digito vel cera quam arctissime obtures, ut palam sit & indubium, quod nullus aer possit ingredi, etsi quoque digitum vel ceram, continuo tenore, quam quietissime teneas, ut nulla suspicio sit, aerem versus tympanum agitari, sonitus nihilominus perstat eodem modo, continuaque agitatione murmurat: id quod intrusus per meatum aer, vel quomodocunque ingressus non faceret, nisi sub initium, postea vero quiescente digito, quiesceret pariter & ille.

§. 11. Hoc vero cum non fiat, aliter judicari nequit, quam, quod egressum tentans quædam aura allidatur digito, meatum obturanti, hinc repercutiatur versus tympanum, hinc per concham in recessus interiores, atque continuatis hisce allisionis atque repercussionis vicibus sonitum aquæ bullientis sibilumque referat: ut adeo hinc clarum satis, quod quædam ex aure enitatur aura.

Quod tympanum sit perforatum.

§. 12. Eo ipso vero, dum emanare ex aure auram congenitam

tam statuimus, patet, quod ei opinioni, quæ tympanum agnoscit perforatum, quamque primus docuit Excellent. Dominus Rivius noster, nos addicamus, quod etsi ab aliis negetur, tam aperte tamen inditus in cavitatem auris mercurius pluribus foraminulis absque ulla ruprione perfluere observatur, ut absque pertinaciæ nota, perforatio asserta negari haud possit. Sicut autem perfluit mercurius, ita pariter subinde per eodem meatus enituntur bullulæ aeræ, & totidem lineis illo elapsu suo tendunt bullulas aeris externi, ut per has, tanquam totidem nervos, aut fila, sentire obvium ex objectis motum possit anima.

Vide Schell-
hammer. de
Auditu P. II.
Cap. VI. §. V.

§. 13. Et ne ullo modo suspicioni, quod rupta violenter fuerit dicta membrana, relinquatur locus, allegat laudatus Auctor experimentum, quod passim faciunt nonnulli, qui fumum tabaci ore haustum per meatum auditorium reddunt, qui alio modo quam per ductum Eustachianum adscendere in concham, & hinc per membranam tympani emergere, ne quidem potest concipi. Unde dubium homini intelligenti superesse nullum potest, quin tympani membrana sit perforata: & hinc probabile perquam fit, quod quædam ex aure emanet aura.

§. 14. Idem quodammodo probat aliud phænomenon, quo observamus, muscas eo tempore, quo aura calidior mutari solet in frigidiorē, maxime, si in loco versetur frigidiorē, obsidere aures nostras. Nam & alias, si subito frigidior tempestas ingruat, subtilissimo sensu quærunt loca calidiorē quadam exhalatione ipsis grata, v.g. folia lauri, oleum tartari per deliquium & reliqua: unde vero maxime simile est, muscas sentire calidiorē hanc ex aure nostrā enitentem auram, & ideo refugio suo nobis creare molestias.

Quod aura hac non sit congenita.

§. 15. Hinc vero etiam manifestum, quod aura conchæ internæ non possit esse congenita. Nam quoniam subinde satis copiose ex aure elabitur, patet, quod brevi temporis spatio absumeretur, nisi subinde restitueretur; quod autem absumitur atque restituitur, illud non potest esse congenitum. Neque vero est, quod
ejus

ejus natales aliunde arcessimus, quam ex aere inspirato, qui copiose satis per ductum Eustachianum elevari in concham potest.

§. 16. Etsi autem alii hanc intelligentes originem, malint eam auram, quæ in labyrintho & cochlea concipitur, statuere congenitam, ego tamen id nolim asserere congenitum, cujus nescio originem: præcipue cum nondum satis certo constet, an duo illa foramina, quæ ad dictos interiores recessus ducunt, tam accurate sint occlusa, ut nullum inter auram conchæ & horum recessuum, detur commercium. Sed undecunque sit hæc aura, *selectior* tamen esse videtur, quæ ex bullulis constet maxime *homogeneis* particulisque subtilissime radiantibus, ut cuilibet etiam debilissimo impulsui obediant: id nempe exinde concludo, quod natura utrumque foramen, peculiari membranula contextit, ut, quoniam aura conchæ est valde heterogenea, & perpetuo in motu, ne turbet aciniciat puriorem illam labyrinthi atque cochleæ auram.

De seriebus acusticis.

§. 17. Bullulæ autem istæ ex tympano erumpentes, cum sint sibi invicem æquales, uniuntur, coque ipso *series* quasdam constituunt, quas vocabimus *acusticas*. Nam cum confertim, & non absque tensione quadam, eluctentur, dictæ bullulæ per tympanum, in sphaeram emergunt, ut undecunque allabatur sonus, aliquid huius sphaeræ afficiatur. Dicta vero tensio non est opus mentis nostræ, sed mechanicus effectus bullularum auræ acusticæ per tympanum enitens.

Lib.I.Cap.V.
§.31.

Vid. Tab.IX.
Fig. LIX.

§. 18. Etsi autem structura quoque auris externæ multum faciat ad colligendum sonum; citra hæc tamen series acusticas multi adhuc soni aurem præterlaberentur. Sit v.g. auris A.B. ex cujus meatu erumpant quatuor bullulæ *a. b. c. d.* quæ sua eruptione pariant series acusticas *e. f. g.* Sit pariter campana C D. cuius una bullula mercurialis, v.g. F. proferat, mediantibus particulis suis, motum suum radiosum, per tres lineas II. FF. HH. manifestum est, quod, si absque seriebus acusticis esset, non nisi unus radius FF. possit aurem attingere: cum vero series acusticæ protendantur per lineas EE, & KK. moventur dictæ lineæ per radios II. & HH. in

Uuu

M, & N.

M. & N. Sic & bullula mercurialis P. ne recto quidem suo radio EE. assequeretur meatum auris A B. nisi obviam daretur seriebus e. quod idem quoque eodem modo patet de bullulis G & L.

Tab. IX.
Fig. LII X.

§. 19. Dicta modo tensio ad sensum generandum necessaria est, ideo quoniam sensio debet per radiantes fieri particulas, quæ per dictam tensionem longius promicant, dum ab enitentibus bullulis in centrīs suis stimulantur, unde etsi bullula bullulam moveat, fieri quidem posset attactus auris, non vero sensus: anima enim sentit per particulas, non per bullulas. Sic v. g. radius I I. aut H H. non posset menti sensum inferre per radios EE. & K K. nisi ex horum ultimis bullulis promicarent radii particularum, qui ab allisu radiorum I I. & H H. afficiantur.

§. 20. Sunt ergo series acusticæ *medium*, quo mens percipit sonum, neque id tamen unicum, quin potius quicquid generaliter afficere auram congenitam debito modo potest, sonum gignit: unde & per os sonum percipimus, ubi dictæ series non deprehenduntur, dum aer oris commodus per ductum Eustachianum movet aerem conchæ: hinc surdastri ore patulo vocem hauriunt, ut eo melius audiant. Quin & cum particulæ radiantes per omnem corporum mercurium facile cieri in motum possint, etiam per substantiam carnis atque officium transire hic motus in concham potest.

§. 21. Etsi autem dicta ratione *ad objecta usque* protendantur dictæ series acusticæ, *ita ut cum objectis suis, inde ex auris meatu, per hæc series, unitum sit animal quodvis* auditu polens; mens tamen non percipit sonum in objecto, etsi maxime propinquo, sed in aure: neque enim, ut supra dictum, effectus mentis est tensio serierum, sed auræ per tympanum erumpentis, unde ut mens afficiatur, motus ab objecto in aurem usque profereendus est. Et hæc est ratio, quare si lignatorem v. g. è longinquo prospicias, sonus audiatur, non quando ascia lignum ferit, sed quando retracta versatur in aere.

Quomodo fiat auditus, & quid sit sonus?

§. 22. Fit ergo auditus, dum mens cum particulis radiantibus serierum acusticarum unita sentit motum particularum radiantium atque bullularum, atmosphæulæ & Mercurii objectorum. Medium, quo mens hunc sentit motum, dicta modo tensio est, cognata quodammodo cum retorsione, quæ modum visionis, quod suo loco probavimus, constituit. Nam & retorsio tensio est, sed particularum radiantium allabentium, adeoque in motu constituto-
 rum necessariò, tensio vero hæc earundem particularum est, at non necessario motarum, sed vel quiete se habentium. Supra C. III. §. 76. seqq.

§. 23. Dico, mentem cum particulis radiantibus esse conjunctam, quod absurdum videbitur communis hypotheseos patronis, qui naturam corporis in extensione ponunt, sed eorum præjudicium suo loco abunde refutatum est. Quoniam vero spiritus quo-
 que, quos vocant animales, particulæ radiantes sunt, bona connectione mens dicitur, & cum particulis serierum acusticarum unita, & per easdem sentire. Sentitur itaque sonus, non, quod vulgo volunt, per commotionem aeris, sed per hæc particulas radiantes serierum acusticarum commotas. Lib I. C. V.

§. 24. Quod autem per particulas has radiantes sentiat, illud ex *penetratione velocissima* soni apparet: auditur enim sonus per ostium, per parietem, ita ut parum differentię vel nihil percipiatur, sive intus verferis, sive foris, ubi pulsatio fieri supponitur. Quod si ergo sonus esset commotio aeris, nemo intelligit, quomodo pertransire parietem possit vel ostium, ut parum vel nihil imminuatur. Imo cum per vitrum aer penetrare nequeat, sed solus æther, observatum fuit, quod, si horologium intra campanam antilix constituitur, semelque exhauriatur aer circa id temporis, quo sonare debet horologium, tam clare percipitur sonare intra campanam, ac si extra eandem sit posita: unde firmissime colligitur, quod sonus debeat esse commotio substantię, quæ penetrare vitrum possit, ea vero non aer est, sed æther: alia permulta ut raceam.

§. 25. Equidem qui contra me vulgo contendunt, sonum esse commotionem aeris, valde urgent idem experimentum, aliis

tamen circumstantiis factum : si nempe aliquoties exhauriatur aer, tum, ubi sonat horologium, motus quidem mallei oculis percipitur, sonus vero auribus nullus, unde colligunt sonum esse commotionem aeris, cum nulla alia possit esse ratio, quare jam cesset sonus, quam quoniam aer exhaustus est. Sed ego respondeo, aliam longe subesse rationem. Nempe series acusticæ ab aure nostra pertingunt ad campanam usque, quodsi vero intrus malleus horologii æs pulset, particulæ radiantes motæ inde ab ære debent profluere per campanam, ut series acusticas, ad campanam protensas, attingant : at antequam has attingant, movere debent atmosphærulam vitri campanæ, vel saltem mercurium ejus, ut hujus particulæ motæ transferant motum conceptum in extremitates serierum acusticarum. Jam vero propter exhaustum aliquoties aerem, particulæ radiantes atmosphærulæ interioris campanæ, aut mercurii ejus, enituntur in capacius vacuum bullularum aeris, qui inter horologium atque campanam intercipitur, adeoque ubi motus ab ære horologii promanans his, efficaciter in vacuum enitentibus, particulis fit obviis, obtunditur, antequam permeare campanam, atque extremitates serierum acusticarum ferire possit. Quodsi vero nonnisi semel exhaustus fuerit aer, debilius quoque vacuum irradiant particulæ, adeoque id propter nondum valent obviis ab horologio motum obtundere. Nostra quapropter hypothesi utrumque phænomenon intelligitur; communi, non nisi posterius.

§. 26. Afferimus porro, quod motus atmosphærulæ aut mercurii objectorum percipiat, non aeris communis : quoniam aer communis non facile moveri eo modo potest, quo aer objectorum, per collisionem, aut oscillationem motus tremuli. Nam usque adeo exiguus aeris motus est, quem vel ingens satis morus causatur, ut vel manus per aerem traducta majorem excitet, sonum tamen efficiat nullum. Nempe non quilibet motus aeris, etiam ejus, qui atmosphærulas & mercurios corporum constituit, sonum gignit, sed is solum, quando vel particulæ oscillatorio motu in se invicem irradiant, qui motus tonum efficit, vel bullulæ interius versus centrum particularum à causâ externa promoventur. Neutrum

vero

vero fit, quando ac communis motu signiori à corpore quodam dividitur: totum quippe corpusculum aereum cedit, non sola bullula, quod fit in collisione duorum corporum durorum.

De differentia soni atque toni.

§. 27. Duplex autem motus est, qui auditu percipitur, ita omnino diversus, ut à nemine facile confundatur, *sonus nempe atque tonus*: & sic sonus in specie accipitur pro omni motu, qui auditu percipitur, nec tonus est. Tonus nempe est, quando particulae radiantes motu oscillatorio in se invicem irradiant: sonus vero quando una particula alteram absque oscillatione usque ad organum auditus per radios impulsit propellit: ex tono atque sono composita est *vox articulata*. Avium cantus tonus merus est, plerumque aliorum animalium brutorum vox non nisi sonus est: unde ad articulationem vocis requiritur mixtio soni atque toni.

§. 28. Motus autem oscillatorius, quem tonum constituere asserimus, est motus, quo atmosphæra vel mercurius corporis, particularum suarum radiis in corpuscula atmosphære communis, per poros, immicat & remicat, eoque ipso particulas radiantes communis atmosphære impellit, ut motus ad aurem usque continetur, eodem modo, uti sanguis in arteriis ad cor usque promicat. Quod vero talis motus tonum efficiat ex instrumentis omnibus, quæ tonum generant, itemque fidibus, campanis & reliquis, probatur, quæ omnia dum resonant, contremiscunt, tremulus autem motus, est motus oscillatorius.

§. 29. Illud adhuc necessarium esse ad tonum videtur, ut particula radians tremulo suo motu in centrum alterius immicat, illud tamen non nisi lenius afficiat, ut aliquantisper in anteriorem irradiet, nec illius tamen, nec hujus, centrum loco pellatur ullatenus. Adeoque motus, qui per modum toni aurem afficit, ex centro particulae radiantis est; qui aurem per modum soni in specie ad aurem defertur, non à centro venit, sed ab extremitate radii per centrum transit. Quod si enim duo collidantur corpora, in puncto collisionis bullula aerea movetur intro versus centrum particulae radiantis, & hoc ipso radios particulae repellit versus centrum, ut per

hoc motus transeat in radios oppositos, & ex his per aerem pergat ad aurem usque.

De ratione structurae auris internæ.

§. 30. Utriusque vero, toni nempe atque soni, motus, cum per particulas radiantes fiat, valde est debilis & perceptio tamen satis clara, cujus claritatis ratio in structura auris internæ est posita. Nam aer ille, qui in cochlea hospitatur atque labyrintho, cum, ut animæ sensationi eo melius inserviat, deberet esse homogœneus atque purissimus, secernendus erat ab aere heterogœneo atque impuro, per ductum Eustachianum accedente: hunc in finem natura concham internam, post tympanum constitutam, ita struxit, ut hæc, quippe in quam ductus Eustachianus pertingit, esset recepraculum aeris impuriore, qui ne permisceretur cum puriore illo aere recessuum in osse petroso exsculptorum, hos recessus ita intra dictum os conclusit natura, ut non nisi per duo exigua foramina, quæ fenestram ovalem atque rotundam vocant, pateat ex illis in concham aditus. Hæc vero foramina ita nihilominus, alterum stapede, alterum peculiari membrana occlusit, ut aer saltem, ultro citroque commeare omnino nequeat.

§. 31. Jam ergo etsi motus particularum radiantium sit opido debilis, si tamen per obliquum auris meatum, per tympanum, transit in concham, indeque ex adverso reflexus ad fenestram rotundam allidatur, per cujus membranam ultro citroque micant particulae radiantes purioris & impuriore auræ, hæc fenestra in tubum quandam cochlearum ducit, quem ideo vocant cochleam. In principio hujus ductus cochleari omnium bullularum particulae, ab una exteriori particula, per membranam fenestram irradianter, in motum cientur, ut quaquaversum, secundum regulas reflexionis, promicent, & post aliquot reflexiones in reflexionem orthophonam geminentur, & sic duplici vigore membranam, per hanc spiritus, per hos animam, seu mentem, afficiant. Hoc dum in pluribus cochleari ductus punctis contingit, augetur debilis sub initium motus, ut fortem satis sensum menti imprimat.

§. 32. Caterum cum cochlea in duas partes sit divisâ, quarum

Vid. Schellham. de Auditu P III. C. III. Thes. XXIII. Item Kirch. Phonurg. L. I. Cap. III. Exp. V.

rum altera definit in fenestram ovalem, per tenuem laminam ab altera disjuncta, patet, quod dum particulæ dicto modo in una ejus parte radiant, motum suum quoque transferant in alteram, quæ cum claudatur stapede, & stapes junctus sit incudi, incus malleo, malleus membranæ tympani, per hanc vero portio quædam nervosa, quam chordam dicunt, decurrat, patet, inquam, quod motus particularum radiantium stapedi allisus per incudem atque malleum propagetur usque in membranam dictam, ubi pariter, ut in recessibus interioribus, anima ab hoc motu per chordam afficitur. Interim haud nego, accidentali usu posse hæc quoque officula valere ad movendum tympanum, cujus motus videtur esse voluntarius, ab unoquoque facile percipiendus, ideo datus, ut si qua bullula, ex concha in meatum auditorium, per tympani poros, emergens, in his hæreat, voluntaria concussione tympani promoveri queat.

Quare sint septem toni musici?

§. 33. Cæterum ut ad tonum revertar, cum septem sint, difficillimum mihi semper visum est, eorum rationem exponere, ita quidem ut appareat, quare septem sint, nec plures, nec pauciores? An quod septem illi toni tres faciant tertias, & tres illæ tertiæ connexionem aliquam habeant cum tribus semicirculis labyrinthi, totidem enim, & non plures, ad quos interdum per quatuor, interdum per quinque foramina, patet aditus, ibi dantur. Cum quoque secunda tertia gignat quintam, & hæc peculiarem quandam consonantiæ dulcedinem habere dicatur, hic pariter secundus circulus id peculiare habet, ut solus cum alio, tertio nempe, in unum idemque desinat foramen. Et sicut sunt, qui illam decantatam quintæ voluptatem haud sese percipere fatentur, quartamque æque deprehendunt gratam, sic pariter tres illi semicirculi, qui labyrinthum constituunt, interdum in quatuor modo foramina abeunt, ita ut primus coeat cum secundo, secundus cum tertio. Sed hæc omnia non nisi per transennam hæctenus video, lætioresque lucem cum tempore spero affulsuram.

*Vid. Schell-
hamm, de
Auditu P. I.
Cap. IV. §. V.*

De consonantiis abque dissonantiis.

§. 34. Consonantiarum vero atque dissonantiarum facilius videtur esse ratio: nam dissonantiarum omnium foedissima est secunda, cum qua pari passu ambulat septima atque nona: ideo vero tam auri ingrata accidit, quoniam anima per secundas consuevit adscensum atque descensum toni concipere, quibus in unum confusis, anima seu mens angitur, dum mox descensum concipit, mox adscensum, adeoque haud habet, ubi conquiescat. Cum vero octavus tonus æquipolleat primo, septima atque nona pariter secundæ, nullibi magis angitur anima, quam si à septima atque nona percellatur.

§. 35. Octava autem consonantiarum est jucundissima, quoniam ab unisono non nisi gravitate toni differt; tertia post hanc grata satis est, quoniam est primus gradus distincti toni, quam distinctionem in secunda mens concipere nequibat; post hanc majorem gradum jucunditatis habet quinta, quoniam est duplex tertia: quarta vero ideo minus arridet menti, quoniam inter duas pergratas tertiam & quintam interjacet, adeoque mens, quando quartam audit, tertiam vel quintam expectat, quæ si non sequatur, menti vanitas expectationis suæ molesta est. Sexta non nisi gravitate toni à tertia differt, unde paulo injucundior est tertia, gravior tamen quarta.

§. 36. Et hæc de consonantiis atque dissonantiis fateor metaphysice potius deducta esse, quam physice; quod non fecissem, si de modo, §. 28. supposito, mihi constitisset distinctius: etsi enim sic satis elegantem connexionem generalem inter circumstantias toni & illos tres semicirculos labyrinthi videam, quia tamen mihi nondum recte satis de modo constar, quo anima in dictis semicirculis à tono afficitur, nolo præmatura assertione lectoris animum præoccupare: interim laudatus §. 28. fundamentum generale ulterius meditaturis satis sternit.

De tono acuto atque gravi.

§. 37. Quando vero per secundas adscendimus vel descendimus,

dimus, tonus acutior fit graviorve, cujus variationis ea mihi videtur esse ratio, quod anima seu mens nostra per commotas illas in recessibus internis particulas sentit resistantiam primarum bullularum, unde dictus motus ad aurem transvehitur. Cum enim una bullula sit altera nobilior aut ignobilior, magisque vel minus compressa, dubium nullum est, quin & magis minusve resistat, & anima illam diversam resistantiam per particulas radiantes percipiendo diversam toni ideam formet. Hinc metalla cæteris paribus acutius sonant quam ligna, quia eorum bullulæ sunt nobiliores: fides nervique magis tensi acutiorem tonum edunt, quia bullulæ mercuriales fidium sunt magis compressæ. Sic si tibiam vehementius infles, ut magis comprimantur bullulæ, acutior quoque percipitur sonus.

De tremore.

§. 38. Sicut vero supra probavimus, quod ad tonum requi- §. 22. 23. 24.
ratur motus tremulus; ita facile apparet, quare aliqua corpora, etsi bullulis nobilioribus prædita, tamen æque non edant tonum sicut alia, nempe si vel crassa nimis sunt, ut tremere haud possint, vel sulphurea: quod ut recte intelligatur, exponendum est in quo ratio tremoris corporum consistat. Scilicet sit bullula A, bullula mercurialis alicujus corporis, tonum edentis, collisione cum corpore duro comprimatur in figuram interius punctis notatam, sic promicabit radius a b in centrum bullulæ B, quod sic significatur per C: sit autem bullula B. bullula aeris atmospherici: dum itaque radius a. b. dicto modo promicat, repellit bullulam B in locum, quem occupat bullula punctis notata, sic radius hujus bullulæ c. c. recipitur ex centro bullulæ A. cum vero omnis particula radians vehementissime feratur in vacuum, & interea bullula punctis notata, & compressa se restituerit, in bullulam linea notatam, eoque ipso vacuum internum capacius fuerit redditum, maximo impetu radius e e fertur in bullulam A, quæ cum sit mercurialis, adeoque cum corpore arte unita, & idem motus in singulis bullulis mercurialibus contingat, totum corpus nisi crassius sit & gravius, vel repellitur aliquantisper, vel inflectitur. Cum vero hoc ipso allapsu

Tab. IX. Fig.
LIX.

Xxx

bullulæ

bullulæ B in bullulam A, radius *a. b.* allidatur centro bullulæ, hæc ipsa denuo resilit, & radium suum *c. e.* ex bullula A iterum recipit, quo ipso dictus radius iterum in vacuum bullulæ A irrui, & hoc dum ultro citroque contingit, corpus tremit.

§. 39. Quodsi vero *tantum* sit corpus, ut non moveri, vel tam crassum, ut non inflecti queat, tremor non succedit, adeoque nec tonus: & hæc est ratio, quare instrumenta musica plerumque sunt cava, itemque tympana, campanæ & quæcunque intensum edere consueverunt sonitum. Non autem crassities atque gravitas solæ sunt, quæ tremorem impediunt, sed & obstitans quodlibet corpus, quod aere atmosphæricæ *crassius* est, eundem tollit: unde fuscina protinus tremorem amittit, si aquæ immittatur, multo magis, si crassiori vel solido corpori opponatur: non item si igni, quoniam ignis aere non est crassior. *Tertia* quædam occurrit causa tremorem sufflaminans, nempe si inanitas bullularum particulis radiantibus ignobilioribus sit repleta: quia enim secundum Sum 38. ad tremorem necessarium est vacuum bullularum, quippe in quod radii particularum irruunt, & sic tremorem excitant, apparet, quod si repleta sint spatia inter radios vacua, corpus, etsi reliqua adsint requisita, contremiscere haud possit. Possunt etiam pori bullularum à corpusculis aqueis esse obfessi, ut libere immicare nequeant particule aeris atmosphærici, in bullulas mercuriales corporis sonori; & hæc est *quarta* ratio, ob quam tremor impeditus procedit.

Quare aliqua corpora haud resonent.

§. 40. Ex hisce quatuor causis judicari potest, quare aliqua corpora haud satis recte resonent. Sic v. g. argentea sonat patina, argenteus globus minime, propter rationem primam. Corpora sulphurea, uti ligna fere plurima, ex metallis aurum atque plumbum, nullum edunt tonum, ob rationem tertio loco allatam. Ligna vero, quæ aliquem tonum gignunt, duriora sunt, & minus sulphurea, uti buxus & similia. Hæc ipsa vero ligna quamdiu madida sunt, ad tonum ineptiora deprehenduntur, ob rationem quartam: unde &

ob

ob eandem rationem, quo vetustius est instrumentum musicum, eo melius.

De voce articulata.

§. 41. Vox sæpe cum tono coincidit, quando nempe articulata haud est, ut in ovibus & permultis aliis animalibus: at nostra hominum vox articulata, & composita ex tono atque sono est; nam in principio arteriæ pulmonalis compressione epiglottidis gignitur motus tremulus, qui tonum ad aurem profert, in faucibus autem & ore motu linguæ, subsidio labiorum atque dentium, gignitur sonus, qui tono commixtus vocem generat articulatam, unde primo enascuntur literæ, hinc syllabæ, ex his voces seu vocabula, ex vocabulis phrasæ, ex phrasibus sermo.

§. 42. Etsi autem in voce nostra articulata concurrant sonus atque tonus: tamen in nostra potestate & arbitrio est, exprimere tonum absque sono, & vice versa, vel & utrumque conjungere. Sic quando canimus melodiam absque textu non nisi tonum modulatur; quando vero consonantes absque vocalibus pronunciamus v.g. r. s. t. g. & similes, sonum absque tono formamus, has ipsas si cum vocalibus efferamus, primum vocis initium damus. Etsi autem in voce articulata concurrat sonus cum tono, tamen in cantu prævalet tonus, in loquela sonus: unde qui canunt, minus articulate loquuntur: nam dum ore patulo voces pronunciant, minus distincte aer ori alliditur, vel inter linguam atque dentes, vel utrumque labium notanter satis coarctatur.

De differentia luminis & soni.

§. 43. Ex dictis autem cum elucescat, tonum pariter atque sonum consistere in motu particularum radiantium, & supra quod suo probatum fuerit loco, quod lumen sit earundem particularum motus, non præter rem quaeritur, qui sonus à lumine differat? In eo autem manifeste satis differt sonus à lumine, quod in sono & tono motus sit subitaneus, mox interruptus, neutrquam continuus: luminis vero motus contrarie omni hoc respectu se habeat.

Nam nisi motus luminis esset continuus & æquabilis, anima non posset sentire inæqualitates objecti, adeoque nec figuram: quia vero in sono anima non aliquid constans, quale figura est, sed motum sentire debet, dicta æquabilitas ad sentiendum sonum non est necessaria.

§. 44. Soni itaque motus cum per intervalla contingat, uti motus arteriarum, & luminis motus absque intervallis, imo ad lumen ne quidem necessarius sit motus, sed sola tensio sufficiat, patet aliqua ratio diversæ velocitatis: nam mathematici passim docent, quod luminis propagatio *sexcentis mille vicibus* soni propagatione celerior sit: unde quando tormentum exploditur, longe citius videtur ignis, quam fragor auditur. Sonus enim per vices pergit & singulis vicibus quiescit, unde & vulgo per modum undulationis concipitur, quam tamen nos admittere haud possumus, cum hactenus in medio fluidi nullam possumus concipere undulationem, sed eam omnem in superficie ejusdem contingere putamus.

De reflexione soni, toni & vocis.

§. 45. Cum nihilominus sonus sit motus particularum radiantium, patet, quod reflecti, ad modum luminis, possit: cum etiam series acusticæ in sphaeram protuberent, claret, quod sæpius feriantur à sono reflexo, quam à sono simplici: unde in fornibus, cellis & aliis locis angustioribus, fortius auditur sonus, quam in longe patentibus, & aere libero. Nam quodcumque alliduntur particulæ radiantes duriori alicui corpori, reflectuntur, & series acusticas, quas antea haud attingebant, per radios reflexos assequuntur: quo autem pluribus radiis series acusticæ feriuntur, eo fortior hoc ipso ab anima seu potius mente percipitur sonus.

§. 46. Hinc & singulare illud phænomenon, quod Varenius narrat, quod in summitate montis Carpathi sclopetum explosum, non nisi exiguum ediderit sonum, in medio vero ejusdem immanem fragorem excitâr, potest intelligi. Nam series acusticæ in summitate montis Carpathi non poterant affici ab ulla reflexione: in medio vero ejusdem, lineæ sonoræ ad circumstantes alios montes procur-

procurrebant, hinc reflectebantur, & sic in immensum augebant sonum, dum quamplurimis lineis feriebat series acusticas: unde & in campo patentissimo, etsi ab aliis corporibus reflecti sonus haud queat, ab ipsa tamen terra reflectitur: quæ reflexio, cum in monte Carparho ob summitem ejusdem fieri non posset, mirum non est, quod tam exiguus ibi perciperetur sonus.

De Echus ratione.

§. 47. Ex his ipsis reflexionis soni principiis ratio quoque dari potest echus: sicut enim in majoribus fornibus jam quædam echo percipitur, ideo quod radii soni reflexi denuo feriant series acusticas: ita longe distinctius id contingit, si objectum sit remotius, & ita quidem constitutum, ut secundum reflexionis leges, repercussus ab objecto sonus reditu suo satis efficaciter, & quidem cum temporis intervallo, movere series acusticas possit. Nam sonus simul acceditur, recta primum via series movet acusticas, profluit ulterius eadem recta viâ ad objectum aliquod remotius, hinc reflectitur diversimode, prout objectum vel planum est vel convexum vel concavum: quod si fors ita ferat, ut in reflexione denuo series acusticas sensibilibus satis afficiat, denuo auditur sonus: & talis soni repetitio vocatur echo.

§. 48. Rarius ita posita sunt objecta, ut sonus aliquoties in eundem locum reflectatur, & tunc echo est polyphona, iisdemque modis procedit, uti echo simplex. Sic in vico Lutetiæ vicino *le pont Charanton* dicto, perhibetur esse echo, quæ sonum tredecies & pluries reddat. Schottus vero recenset, quod prope Mediolanum in *villa Simonette* detur echo, quæ vocem quater & vigesies reddat, imo & interdum trigesies. Singulari enim artificio ibi structi dicuntur duo parietes paralleli, triginta tribus passibus à se distantes, quorum alter habet fenestram, unde vox proclamatur ad parietem oppositum, quo facto toties ad hanc fenestram, non aliò, redit.

§. 49. Non vero hac solum ratione differt una echo ab alia: sed etiam longitudine soni, quem reddit: sic alia non nisi unam syllabam reddit, alia plures. De echo Altorfina annotavit Sturmius,

Magia Phonocampt.
p. m. 122.
Vide &
Kirch. Phonurgia Lib. I.
S. IV. Cap. II.

Compend.
Phyl. p. m.
213. a. XVII.

quod ad distantiam CL. passuum distincte reddat hæc tres syllabas, *Omnia* : ad passus CCC hæc septem : *echo responde mihi* : ad passus CCCCXXX. has novem : *echo responde mihi cito* : ad passus D. has undecim : *echo responde mihi citissime*. Scilicet ad longiorem sonum pronuntiandum longius requiritur tempus, longior vero distantia longius gignit intervallum, inter sonum primum & echus resonantiam : unde tanto plures voces reddi possunt, quanto major est distantia. Cum vero Mersennus in Harmonia Universalis Gallica lib. III. fol. 214. allegante Kircherus in Phonurgia observaret, quod echo quædam noctu XIV. syllabas repetierit, interdiu vero non nisi septem, hujus rei ratio ex proxime sequente §. 50. desumenda est.

De sono impedito.

§. 50. Sicut autem in omni sono datur aliqua particularum radiantium commotio, siue ea sit oscillatoria, siue pulsoria, ita si dicta commotio impediatur, sonus imminuitur, vel plane tollitur. Nulla autem talis commotio fieri potest, si vel corpora alia non sint satis dura atque solida, vel si talia non sint, singulari vehementia impressionis non resarciatur defectus soliditatis. Nam molliora corpora si à mollioribus percutiantur, cedunt bullulæ, quæ premuntur, adeoque particularum radiantium radii non afficiuntur : quod si vero vehementia motus tanta sit, ut bullulam citius moveat, quam ea cedere possit, molliora quoque corpora sonum edunt. Sic aqua aquæ allita exiguum, aer aeri oppositus nullum spargit sonum : at aer ventus commotione, subitaque vehementia, irruens in corpora solida, aliquem sonum concitat, gladius etiam per quietum aerem subito vibratus sibilum auribus offert.

§. 51. Dicunt etiam interdiu minus sonora esse instrumenta musica quam noctu, etiamsi & de die omnia se habeant tam quæta, quam noctu, quod eo usque extendunt, ut vel ab accensa candela noctu imminui tonum credant. Hoc si verum est, ea haud dubie subest causa, quod de die, vel candela accensa præsentem, particulæ radiantes à lumine afficiuntur, adeoque pro tono & voce aut sono excitandis tam facile moveri haud possint, quam si lumen penitus absit, motuique sonoro haud obsit; unde

Vid Kirch.
Phonurgia
Lib. I. Cap. I.
Prop. III. §. II.

de & sonum diversis diei horis, anni tempestatibus, imo & climatibus diversum putant. Vid. Kirch. *ibid.* *Consect.* II.

§. 52. Sensibilius deprehenditur impedimentum, si aer, per quem transire sonus debet, vel nivofus sit vel pluviosus, vel ventus sono in adversum tendat: corpuscula namque nivosa & pluviosa per aerem dispersa, obstant quodammodo particulis ab objecto ad aurem radiantibus, dum per poros bullularum subingrediuntur, & particulas radiantes gravant, ut ægrius radient quam antea. Ventus vero non semper impedit sonum, sed tum solum, quando ei adversatur, quo ipso particularum motui resistit: repellit enim bullulas, & radiantibus particulis easdem opponit, motumque earundem hoc modo infringit.

§. 53. Eadem quoque ratio subest, si quis coram magno cœtu verba facere instituit, difficiliusque vocem sibi succedere persentiscit. Nam expiratione plurium hominum frequenti ita corpusculis aqueis inficitur aer, ut ab aere pluvioso hoc respectu parum differat. Et hæc quidem sufficere posse putarim ad explicanda cuncta soni phænomena: quod etsi in singulis facere haud possim, de difficilioribus tamen, & maxime mirabilibus aliqua dabo exempla, quibus clucescat, quod reliqua, utpote longe faciliora, facilius quocumque ex hac nostra hypothese intelligi queant.

De tonitru & fragore bombardarum.

§. 54. Horrendus utriusque fragor est, & nihil tamen colliditur, quam vel ignis cum aere, vel aer subito expansus cum aere atmosphærico: unde falluntur, qui remotioribus causis inhærentes proximas negligunt, putantque, quod collisio duri corporis ad durum sit ad omnem sonum necessaria. Nam nostra hypothese solum dari debet pulsio quædam particularum, in bullulis aeris atmosphærici hospitantium, ut detur sonus: dari autem illa variis modis potest, ut plurimum per collisionem duorum corporum durorum, motu mediocri: vel collisione unius duri alteriusque molliis aut fluidi, motu tamen subito & vehementiore: vel collisione duorum corporum mollium, vehementi pariter motu. Motus autem ideo in fluidis debet esse solito vehementior, quoniam fluidorum arque mol-

mollium corporum bullulæ cedunt motui, adeoque tam facile non possunt ab eo ita affici, ut particulæ radiantes promicent. Quia vero bullulæ cum cedunt, cedunt ob resistantiam lentius, manifestum est, quod si motus aliquot vicibus citius insequatur bullulas, quam eas possunt cedere, eas tantopere sit compressurus, ut *quaque-
versum* particulæ vel excuriantur, vel radiis saltem promicent.

§. 55. Scilicet id habet incommodi collisio duorum corporum durorum, ut etsi levi motu succedat sonus, ille tamen nunquam singulari fragore aurem possit concutere, quia ex altera parte exilire debebant particulæ, oppositum est corpus, cui alterum alliditur: in tonitru vero & bombardarum explosione, hoc incommodum manifeste cessat, ut dummodo sufficiens vehementia motus accedat, nulla collisione, ex nostris principiis, major possit cieri sonus, quam si allisio non fiat ad corpus aliquod, sed ad ipsum, per quem ad nos derivatur sonus, aerem. Nam quo plures moventur series acusticæ, eo sensibilior est sonus, sicut ex refractione soni patet: plures autem affici haud possunt, quam si particularum radiantium motui sonoro nullum obstat corpus præter illud, quod motum imprimit: in omni autem motu, quo corpus non alliditur ipsi aeri atmosphærico, sed alii corpori vel solido vel fluido, obstat corpus illud, cui motus imprimitur: unde exacte conspirat experientia cum hypothese, dum illa docet immanem esse tonitru atque explosionum bombardarum fragorem.

*De pulsatione ostii, muri, & parietis, intus atque
extus peraque percepta.*

§. 56. Mirabilius eruditis, quam vulgo, est phænomenon, quo observamus, si ostium, paries aut murus, pulsetur intus atque extus, sic sonum percipi, ut vel nulla sit, vel exigua perquam, differentia. Nam uti omnibus sonum per motum aeris fieri statuentibus os masculine obrurat hoc phænomenon, ita nostræ hypothese nullum penitus faceffit negotium. Nam particulæ radiantes, quas in sono moveri supponimus, ægrius quidem moventur in bullulis mercurialibus solido corpore circumvallatis, sed moventur tamen: unde cum
diætæ

dictæ bullulæ per totum ostium, murum aut parietem succutuntur, mirum non est & intus & extus peræque percipi sonum, ita ut exigua solum videatur esse differentia, qua sonus ibi, ubi sit pulsatio, paulo auditur fortius. In omni enim pulsu concutuntur omnes particulæ mercuriales, id quod vel tactu explorare licet. Si enim incudem percutias malleo, & incudi pulverem quemcunque injeceris, subsultabit pulvis, etsi credibile haud sit ictu mallei ipsum moveri ferrum. Item si fuscinam, ictu & allisu in sonum concitatam, pedi scamni inversi imponas manubrio, motus quidam tremulus per torum scamni pedem sentitur. Fortius tamen paulo ibi conquassantur, ubi immediate moventur.

Quomodo duorum instrumentorum chordæ æqualiter tensæ; simul resonent, etsi altera solum tangatur.

§. 57. Sed videndum quoque de phænomenis mirabilibus toni est. Agmen jure suo ducit, minus quidem rarum, sed perquam mirabile, quo duorum instrumentorum musicorum chordæ æqualiter tensæ, simul resonare observantur, etsi altera solum pulsatur chorda. Ut autem cesset admiratio, considerandum, quid fiat, cum chorda tenditur: Scilicet chordæ, uti omnibus corporibus inest aliquis mercurius, cujus corpuscula sunt aerea, particulis radiantibus imprægnata, quæ, uti ad nauseam hætenus repetitum, per irradiationem particularum conjunguntur. Dum ergo chorda tenditur, bullulæ ejus mercuriales comprimuntur, cumque his particulæ intus hospitantes, quæ ubi minus comprimuntur, ibi longius solito suos exerunt radiolos, quo ipso omnia illa corpora mercurialia à se invicem aliquantum removentur, paulo post vero contra bullularum repetentes pristinæ quieti restituantur: cum vero particulæ radiantes æqualiter semper protendant radios suos, fit, ut longius quoque emicent in aerem externum communem, eaque ipsa emicatione pristina corpuscula dicti aeris à sui unionem proscribant, aliaque adfiscant, puta, similiter sibi expansa; hinc autem facile ferries quædam nectitur, cum corpuscula varii generis per aerem vagentur.

Y y

§. 58. Hoc

§. 58. Hoc idem facile contingit, eodem modo in chorda alterius instrumenti, æqualiter tensa, & in chordis aliter tensis fieri nequaquam potest, quia cum ipsis alia aeris communis atmosphaerici corpuscula uniuntur: hinc ergo sequitur, quod ex utriusque instrumenti chordis æqualiter tensis necantur quædam series corpusculorum aëreorum, eodem modo, prout supra ex aere tales series, quas acusticas vocavimus, continuari asseruimus: hæ autem series facile connectuntur propter similitudinem, si quidem instrumenta non sint nimis remota; unde si motus tremulus, tona adæquata causa, exciteretur in altera, profuerit in æqualiter tensam, & in nullam aliam, ibique eundem excitabit sonum.

Vid. supra
§. 27.

De ventricosa ampulla vitrea ruptura, sono vocis effecta.

§. 59. Majori adhuc admiratione animos afficit, aliud quoddam phænomenon, quod ingenue fateor me nondum vidisse factum, quo Amstelodamensis quidam artifex tono quodam ventricosam ampullam vitream, quoties voluit, rupit: in quod phænomenon ingenui nervos intendit eruditissimus Daniel Georgius Morhofius. Dicitur autem artifex primo explorasse tonum vitreae ampullæ, post voce paululum ultra octavam elata fregisse vitream illam ampullam. Etsi ergo mihi non satis constet de veris circumstantiis hujus phænomeni, dicam nihilominus, quid hætenus mihi de eo videatur.

Vid. Kirch.
Phonurg. L.
II. Sect. I. C.
IV. Prop. V.
Exp. III.

Vid. infra C.
VII. §. 37.

§. 60. Scilicet fragilitatis causa est brevis irradiatio corpusculorum, unde si emoveantur ex vacuo bullularum radii particularum, tunc cessat, & frangitur corpus: vitrum vero ex lapide factum fragilitatem lapidis retinet. Tonus autem vitri indicat conditionem mercurii sui, quo vitrum cohæret: unde si ejus toni octava acutior sumatur, & in vitrum urgeatur, bullulæ, quæ gignunt hunc tonum, & longe magis comprimuntur, quam bullulæ vitri, & cum hisce tamen uniuntur ob magnitudinem haud adeo inæqualem. Cum ergo hætenus bullularum mercurialium vitri particulae irradiassent in aerem atmosphaericum, æqualibus bullulis constantem, nunc

Lib. I. Cap. V.
§. 11.

nunc afflatu vocis acutæ & removetur hic aer, & acutæ vocis paulo minora, unibilia tamen adhuc cum mercurialibus, afflatuque in unione adjuncta, corpuscula conjunguntur cum mercurialibus vitri, & cum hæc radiis particularum suarum ad centra corpusculorum vocis ita allidantur, ut ad propria centra paulisper accedere debeant radii nimis exporrecti, & juxta doctrinam æquationis, ex altera parte, ad idem illud centrum se recipere debeant, hæc ipsa parte vicinæ deserunt corpuscula mercurialia, & sic principium unionis tollitur, & ampulla frangitur. Contrario modo procedit infractio vitri, si ab inæquali colore rumpatur.

De fuscina, corpori duro allisæ, phænomenis.

§. 61. Non minus mirabilia sunt phænomena fuscinae, duro corpori allisæ, & hinc in tremulum motum actæ, coque ipso motu tonum spargentis: de quibus phænomenis tam parum agunt auctores, ut nesciam, an vilitate objecti in contemtum inclinati, an difficultate rei in stuporem dati tractationem ejus omiserint. Primo itaque fuscina solum chalybea huic experimento apta deprehenditur, minus ferrea: ratio hujus circumstantiæ in tremore posita est, quippe quem omnia corpora duriora facilius concipiunt, quam molliora. Nam dura corpora à mollioribus mercurio differunt, quem illa habent strictiorem, hæc vero laxiorem. Tremor porro, etsi fuscinae unum modo cornu allidatur corpori duro, alteri tamen simul eodem tempore communicatur, imo & idem tremor per totum manubrium sentitur: ratio est, quoniam particulae radiantes velocissime suum proferunt motum per totius fuscinae ipsiusque manubrii mercurium.

§. 62. Illud vero, tertio, maxime curiosum est scire, quæ fiat, quod sonus fuscinae non adeo audiatur, si ea in libero teneatur aere, sin eadem manubrio applicetur tabulae, vel cuicunque *majori* ligno, tum vero distincte satis percipiatur? Hoc ut recte intelligas, repetenda primo ea sunt, quæ in capite de visione distincta diximus, §. 17. & seqq. item ea, quæ in hoc ipso capite de distincta auditione demonstravimus, quod nempe in utraque pluralitas radiorum pariat hanc distinctionem: repetendum ulterius est, quod iisdem §is proba-

ib. §. 28.

vimus:

Yyy 2

ib. §. 21.

vimus : quod series acusticæ ad objecta usque protendantur. Jam dico : quando manubrium fuscinæ trementis applicatur tabulæ, tremor per manubrium transfertur in mercurium tabulæ, ut uno ictu omnes particulæ radiantes per totum mercurium tabulæ dispersæ contremiscant, cum quo mercurio cum series acusticæ sint unitæ, numerosiores radij harum serierum afficiuntur, quam si tremor in aerem liberum explodatur.

§. 56.

§. 63. Quod autem vere talis tremor incutiat mercurio tabulæ, id ex alio experimento supra jam allegato apparet, quod nempe si tremens manubrium applicetur pedi scamni, per totum pedem idem percipitur tremor, qui sentitur in manubrio. Quod porro multiplicatio radiorum series acusticas afficientium, ad æquata causa claritatis toni sit, alio quodam experimento didici, quo idem manubrium fuscinæ tremens admovi particulæ ligni, v. g. asserculo quatuor transversos digitos plus minus longo & lato, sic exiguus admotum tonus sese exeruit, hunc eundem asserculum ubi mensæ applicui, eadem claritas soni auribus oblata est, quam cum ipsi mensæ manubrium imponerem, percepi. Hinc vero manifeste satis elucet, quod non sit qualitas ligni, quæ claritatem hujus toni parit, sed quantitas.

§. 64. Cæterum si duriori cuidam corpori, v. g. terreo, lapideo, metallico, imponatur dictum manubrium, sonus cæteris paribus paulo obtusior est, quam si ligno applicetur, cujus forte ratio in eo posita est, quod manubria fuscinarum plerumque sunt ossæ, habentque adeo atmosphæram animalem, quæ cum minerali non tam facile coit, quam cum vegetabili, adeoque nec tantopere ejus bullulas mercuriales in tremorem agere potest : huic meæ hypothese subsidiariæ aliud favet experimentum, quo deprehendi, quod si fuscinæ non manubrium, sed extremitatem ejus ferream, ubi duo ejus cornua cocunt, applicarem, v. g. stanno aut argento, longe clarior erat tonus, quam si eisdem metallis imponebam manubrium : & nihilominus si eodem modo applicabam ligno, utrobique eadem erat soni claritas.

De tarantularum saltatione ad tonum musicum;

Ut &

musica in animam effectu.

§. 65. Ne meæ ablandiri hypothesi videar, ejus applicationem adhuc ad aliud quoddam mirabile phænomenon tentabo, nempe effectum toni in certas quasdam Apuliæ araneas, quas *tarantulas* vocant, quæ si debito afficiantur tono, in saltationem, jucundo spectaculo, cieri dicuntur. Hoc phænomenon ut, quomodo fiat, intelligamus, de effectu musicæ in animam videndum; ubi generaliter prius notandum est, quod anima moveatur seu afficiatur à spiritibus; quod spiritus sint particulæ radiantes; quod particulæ homogeneæ conjungantur cum homogeneis, minus cum heterogeneis: unde omnis motus particularum radiantium homogenearum afficit spiritus, hinc & animam, usque adeo, ut & lucis mirabilis sit effectus, quandoquidem omnes in tenebris tristiores sumus, quam quando in luce versamur, tristioresque pariter hyemis, quam æstatis, tempore. Luce vero particulæ radiantes longe moventur debilius, quam tono, cujus tremulus morus, cum spiritus offendit homogeneos, eodem illos movet motu, sicut ipse movetur: saltat vero omnis tremor, unde & spiritus sic commoti saltant, & anima spirituum ideas sequi consuevit, hoc ipso ad saltandum sollicitatur. Hanc sollicitationem omnes sentimus, si musica sit conveniens, sed ratio nostra sæpe saltationem dissuadet, unde cogitatione prohibemus hos animæ nostræ conatus.

§. 66. Ratione carent bruta, adeoque si debilius solum ad aliquem excitentur motum, cum nihil in ipsis sit, quod cum prohibeat, facilius eundem sequuntur, quam homo: unde tarantulæ saltant, etsi forte ad saltandum non magis excitentur, quam homo. Sed sicut idæ, quæ à spirituum motu animæ imprimuntur, non causæ motus sunt, sed signa solum, ita anima ad spirituum impressiones exprimit motum aliquem ex *sibi consuetis*, qui hisce impressionibus sit quam simillimus: Sic aves, quia nunquam saltant, sed canunt, ad musicam non saltant, sed canunt: & cum canes etiam saltare non soleant, & ad cantum

proximius accedat ululatio, ululant: homo cum & soleat cantare & saltare, ad utrumque à musica stimulat: cætera animalia, quæ nec canunt, nec saltant, ad musicam, tanquam motum sibi insolitum, attonita stupent.

§. 67. Sed ais: non omnes homines ad saltandum, vel canendum, à musica sollicitantur. Respondeo, sed nec omnes tarantulæ ab unaquaque musica in saltationem illiciuntur: & ego credo, quanvis id non observatum meminerim, quod aliqua sit musica, quæ nullas penitus excitet tarantulas, si nempe sit tristis & iners, quæ saltationis nullam possit gignere ideam: unde musica tristis hominem potius ad ejulandum impellit, quam ad canendum atque saltandum, si ipsi alias familiaris sit ejulatio; si non, stupet ad talem musicam, uti animal ἀμεσιχὸν ad musicam in genere. Sic aliquid ferociæ habet quædam musica, quæ ubi animam, cui ferocia consuecta est, offendit, ad feroces actiones exstimulat. Hinc cum Alexander M. esset indolis ambitioso-voluptuosa, ejus musicus Timotheus ipsum mox in ferociam, iterum in hilaritatem, concitasse, prout ipsi collibitum fuit, dicitur.

§. 57.

§. 68. Pergis: sed nec omnes homines voluptuosi una eademque musica ad gaudium excitantur. Ita est: nam nec omnes tarantulæ à musica saltatoria concientur ad saltandum, Itaque alia adhuc causa considerata, quæ eadem est, cum causa chordas similiter tensas feriente, non alias, de qua supra dictum est. Scilicet diversa aeris corpuscula, & hinc diversas particulas radiantes, afficiunt: quodsi ergo tonus non sit conveniens, spiritus haud moventur, hinc nec omnia.

De virtute musica, quâ ἑλεσι à tarantulis saltant.

§. 69. Exdictis itaque claret, quod tarantulæ habeant spiritus, qui cum quibusdam tonis musicis ita sunt uniti, ut una chorda cum alia similiter tensa, undesi morfu tales spiritus inferantur in sanguinem, cum hoc transferantur ad musculos, & in his offendant orificiola nervorum, quoniam cum spiritibus nostris majorem habent cognationem atque similitudinem, quam cum sanguine nostro,

stro, cum illis uniuntur, adeoque orificiola nervorum tegunt, coque ipso sumam illam debilitarem causantur, qua ægri affliguntur: impedimento enim sunt, quo minus animales spiritus ordinario motu influere in sanguinem queant. Jam si accedat instrumentum musicum, & sæpe tangatur chorda, quæ cum spiritu à tarantula concepta connexionem habeat, ad tonum, & cum tono, movetur hic spiritus, & ex orificiolo nervi it in sanguinem reditque in nervum: hocidem cum fiat, quando mens animæ saltationem imperat, (nam & tunc spiritus ex nervo in sanguinem itq; reditque) anima errore quodam saltationis ideam concipit. Cum autem saltatione concalescat corpus, expandatur sanguis, aperiuntur pori, venenum à tarantula illatum, aperta via expellitur: & sic musicâ sanitati restituntur ægri.

Quare acuta semper voce polleant mulieres, viri vero cum pubertate adfiscant gravem.

§. 70. Hactenus ex hypothesi nostra explicuimus difficiliora phænomena circa sonum atque tonum, nunc cum & aliquod de voce, sit eligendum nullum deprehendo difficilius, quam quod mulieres semper acuta polleant voce, viri vero cum pubertate adfiscant gravem. Ut ergo huius quoque phænomeni operiatur ratio, repetendum huc primo est, id quod supra de tono acuto atque gravi præmisimus: tum vero cogitandum, quod ex aliis phænomenis appareat, quod materia seminalis misceatur salivæ. Nam Medicis Practicis notum est, quod vitia seminis immediate transferantur in salivam: unde si gonorrhæa degenerat in luem veneream, primo omnium apparet vitium vel in faucibus, vel saltem in aliis locis, quæ saliva probabiliter humectat. Hinc vero tertio pensitandum, quod aer omnium optime arceatur à corpore humido: nam qui restabant pori, per quos, aut in quos commeari aer posset, ii ab humido occluduntur: unde & in phænomenis antiæ hac intentione affunditur aqua.

§. 37.

§. 71. Cum ergo & vox & vocis gravitas atque acumen à compressione epiglottidis ad laryngem dependeant, & epiglottis illa, quo magis est humida, co exactius claudat laryngem, patet, quod in viris

viris puberibus, tam exacte non possit claudi, uti in pueris & mulieribus. Nam etsi saliva non adeo careant puberes, videtur tamen humectatio epiglottidis atque laryngis, ei præprimis saliva parti deberi, quæ à semine est: unde hæc saliva nec puerorum unquam, nec mulierum epiglottidi atque laryngi subtrahitur, utique vero hoc contingit in viris puberibus, dum dicta materia ad partes genitales secedit. Sic vero aridior virorum epiglottis, quam puerorum est, atque mulierum: hinc tam exacte ad laryngem, in formanda voce, epiglottidem comprimere haud possunt viri, quam pueri & mulieres, unde illorum vox gravis est, horum acuta. Et hæc quoque sufficiant ad probandum, quod hypothesis nostra cum difficillimis par sit phænomenis, etiam faciliora phænomena longe facilius conficiat.

S E C T I O III.

De

Uso hujus doctrinæ adversus atheismum.

De muris Hierichuntinis tono musico dirutis.

§. 72.

Superficialis eruditio tantum abest, ut boni quiddam gignat, ut quilibet possit esse persuasissimus, præstare ei ruditatem. Accidit plerumque superficialiter eruditus idem, quod novitiis gladiatoribus, qui cum antea ruditate naturali evibrarent ictus, plus proficiebant, quam nunc, ubi per unum alterumve mensem regulis artis adfueri, nec natura pugnant, nec arte. Parimodo, qui primis labris degustarunt disciplinas, ab earum principiis nondum satis instructi, artis nondum recte satis subactæ conatus exerendo, & se confundunt & alios.

§. 59.

§. 73. Posset hoc idem ei forte contingere, qui crudam aliquam cognitionem ex iis, quæ supra de ventricosæ ampullæ vitreæ ruptura diximus, hausserit. Nam si hoc phænomenon ruditer ad divi-

num

num illud miraculum murorum Hierichuntis, tono & voce Israelitarum dirutorum, applicaret, videri posset, quod rupti atque diruti eodem modo fuissent, quo ventricosa illa armpulla vitrea rupturam contraxit. Quisquis vero solida cognitione instructus est, nunquam hæc sibi persuaderi patietur, etsi quidam Rabini, imo & sancti Patres ecclesiæ, Augustinus, Hieronymus atque Ambrosius, & ex recentioribus Merfennus, etiam phænomeno ruptæ ampullæ ventricosæ nondum instructi, idem senserint atque docuerint.

§. 74. Nam frivolum est, putare, commotionem aeris à voce atque tono Israelitarum citati, tantam esse potuisse, quæ muros diruerit, etiamsi vel terrei fuerint, vel lignei, imo straminei. Si vero quis putet, singulari quodam tono, mercurio murorum cognato, ruptos fuisse muros, ut in allegato experimento, vitrum, ille minus absurde ratiocinari putandus quidem est, sed falso tamen. Nam phænomenon primo non tam facile succedit, vel in fragili materia, quale vitrum est: dein etsi in omne vitro tale quid possit effici, hinc nondum argumentari liceret ad aliam materiam: nam alia materia alium habet mercurium, & alius mercurius non tam facile talis est, ut cum tono uniatur, quodsi non fiat, nihil tono in illam licebit. Quodsi etiam vel maxime materia murorum talis fuerit, ut tonus aliquam in eos exerere efficaciam poruerit, non tamen plus præstare in lapides potuisset, quam in vitrum, unde secuta fuisset murorum ruptura, non casus. Divino quapropter miraculo factum est, quod muri Hierichuntini tono & voce Israelitarum fuerint diruti. Quamvis autem eos, qui naturaliter id contigisse asseruerint, id propter atheos haud pronuntiârim, tamen cum Scriptura S. casum dictorum murorum miraculose factum recenseat, ad impias cogitationes se-

ducere posset persuasio naturalitatis.

SECTIO IV.

De

Ufuhujus doctrinæ adverf. fuperftitionem.

De

Liberis Hamelenfium tono fiftulæ evocatis perhibitis.

§. 75.

ETSI vero ex his dictis cluceat, quod magna fit vis mufica in corpus animale, non ideo tamen infinita ea eft putanda. Potest, uti fupra dictum, mufica ftimulare animam ad actiones tono fimiles, fi talibus adfuea alias fit anima: ad actiones vero, quæ cum motu toni nullam habeant fimilitudinem, vel quibus adfuea non eft anima, quod extimulare poffit, nemo intelligens fibi perfuadere poterit. Cum ergo, in fabula liberorum Hamelenfium, magus quidam dicatur, tono fiftulæ advocaffe mures totius urbis, eosdemque poft fe ad fluvium ufque pertraxiffe, quem tam præfracte fecuti fint iidem, ut, etiam fi fluvium tranferit ipfe, illi nihilominus fiftulæ cænantis magi veftigia non dereliquerint; res eft, quam nec diabolus præftare potuiffet, nedum magus.

§. 76. Nam etfi forte mufica poffit animal ad eundem excitare, non ideo alliciet ad fequendum cum, quem naturaliter refugit: illa enim actio, quam præftare mufica potest, debet effe actio animæ confuea, non vero eidem adverfa & contraria, talis autem eft tranfitus per fluvium. Nam natura omnibus animalibus, quæ natu haud pollent, naturalem quendam impreffit horrorem aquæ copiofæ, ut, etfi etiam vi impellantur, non facile in fluvium aut stagnum fe fe immittant. Nullum ergo cum extet exemplum, quo mufica aliquod animal ad actionem, fibi alias adverfam atque horridam, impulerit, & nullum præterea extet documentum in annalibus hujus tanti miraculi, merito de veritate facti ambigimus.

§. 77.

§. 77. Penuriam documentorum hinc licet concludere, quod Athanaſius Kircherus, qui præſens Hamelæ in veritatem hujus hiſtoriz inquſivit, nihil allegat, præter picturam in tabellula quadam, in templo reſoſita, expreſſam, & temporis computationem, ab exitu liberorum ſuorum, Hamelenſibus familiarem. Quantum autem ad picturam, poteſt morali quondam intentione fuiſſe expreſſa, uti Herculis in bivio conſtituti fabula: quantum ad dictum temporis computum, quoniam res eſt antiquiſſima, poteſt vel deductionem coloniz, vel quodcunque aliud denotare. Ipſa illa fabula FridERICI Barbaroſſæ, cujus cervici inſultâſſe Romanus Papa dicitur, ex ſimili pictura emblematica, quod paſſim notum eſt, traxit originem.

Phonurg. lib.
II. Sect. III.
Cap. III.

SECTION V.

De uſu

in prudentia circa ſanitatẽ.

De craſi corporum ex ſono quadantenus cognoscenda.

§. 78.

UT ſolidum jaciatur medicinæ, adeoque etiam prudentiæ circa ſanitatẽ, fundamentum, id unice neceſſarium, ut certo aliquo experimento diſcamus explorare craſin corporum, ſeu mixturam elementorum, quæ corpora conſtituunt: & cum virtus medicamentorum maxime videatur in mercurio corporum reſidere, & ille ipſe mercurius concutiat, quando corpus tonum edit, forſan tonus, ſi diligentius impoſterum ejus natura perquiratur, aliquod hujusmodi fundamentum ſuppeditare poſſet, vel ſaltem aliquod, ad dictam cognitionem, adferre adjumentum.

De curatione morborum per muſicam.

§. 79. Cæterum & alia ratione cognitio toni nobis prodeſ-

Zzz 2

ſe va-

se valet, dum nos certos reddit, proficuum esse musicam ad sanitatem corporis conservandum. Nam proficuum semper est sanitati nostræ, ut spiritus largiter ad sanguinem redundant, cumque particulis radiantibus locupletent, impedit vero hanc locupletationem animus intentus atque cogitabundus, quippe quo spiritus detinentur in cerebro, & cogitationibus impenduntur; huic contra fini velificatur omnis spirituum commotio, unde prodest labor, profunt exercitia, imo & ob eandem rationem quibusdam mediocri ira salutaris est. Cum vero & labor & exercitia id habeant, ut spiritus magis promoveant ad musculos quam ad viscera, in quibus vel maxime spiritu animali dutescere debent humores; & ira præterea imperuoscè nimium eosdem ad membra præcipitet, singulari modo prodest musica, dum (1) cogitandi atque meditandi intentionem jucunde eripit; (2) spiritus mediocriter commovet; (3) non ad musculos solum, sed & viscera, eosdem deducit.

Vid. supra.
§. 65.

§. 80. Primum nulla indiget probatione, secundum vero atque tertium ex iis, quæ supra, de musicæ in animam effectu, dicta sunt, facile intelliguntur: illud solum adjiciam, quod si toni motu oscillatorio moveantur in nervis spiritus, singulari beneficio ad viscera benignius demittantur, quo ipso humores, sine profusione spiritum, quæ in labore & exercitiis evitari haud potest, spiritibus largius imprægnantur, vitalemque sibi vigorem acquirunt. Et hinc musica naturaliter potest melancholiam Saulis discussisse. Nam, nostro conceptu, melancholia ex defectu affluxus spirituum oritur, dum cogitando ita absumentur, ut sanguinem suo æthere ditare satis nequeant: musica ergo & causam tollit, nempe intentionem cogitandi, & morbum, nempe sanguinem crassum atque inertem suavis concussionibus, quibus in cum ex nervis defluunt spiritus, vigori pristino restituit.

De aurium tinnitu.

§. 81. Maximum vero usum exerceat hæc de auditu doctrinæ, in vitiis auditus, dum vere primam atque procatarteticam, quam vocant, causam, quam Medicina, quatenus talis, docere non potest, insinuat. Sit exempli loco tinnitus aurium, affectus vulgaris, sed mole-

molestus atque pertinax : quem ex supra datis positionibus facile con-
jicimus, oriri ex eo, quod aura illa, quæ per membranam tym-
pani continuo egreditur, crassior est, quam ut transire dictam mem-
branam queat, unde poris inhæret, membranamque feriendo so-
num & sibilum creat : eodem enim fere modo, si quis auris mea-
tum digito obturet, similis auditur strepitus.

§. 82. Hinc vero patet, quod medicamenta volatilia atque
ætherea seu spirituosæ, etsi exterius applicata symptoma allevent,
morbi tamen causam augeant, adeoque adhibenda omnino haud
sint : quin potius, sicut plerumque pituita cum tinnitu aurium,
quem nihilominus à pituita tanquam causâ continente, seu proxi-
ma, proficisci haud putamus, solet in corpore regnare, & pituita,
quod medicis practicus est satis notum, incassum lacessitur medica-
mentis volatilibus atque spirituosis ; sic pariter tinnitus aurium iis-
dem medicamentis, eademque methodo, quibus triumphatur pitui-
ta, tollitur.

CAPUT V.

De

S A P O R E.

S E C T I O I.

*Opiniones Aristotelis, Cartesii atque
Gassendi.*

§. I.



E Sapore agit Aristoteles libro de Sensu & Sensibili, di-
citque ibidem καὶ ἐστὶ τὸ τοῦ χυμοῦ, τὸ γινόμενον ὑπὸ
τῆ ἐξημένης ξηρῆς καὶ ἐν τῷ ὑγρῷ τῆς γύσεως τῆς
κατὰ δύναμιν, ἀλλοιωτικὸν εἰς ὑγρῶν, hoc est, *id ve-*
ro sapor est, passio in humido gustus potentiâ,
facta à dicto sicco, alterans in ædum.

Cap. IV. Vid.
& de Animæ
Lib. II. C. X.

Πρῶτος.

Ἀγισ-

Ἀριστοτελικῶς concepta definitio est, hiantem intellectum, velut ille corvos, deludens, & inanium abstractionum araneis exatians. Describit autem ea potius generationem saporis, sicut in corporibus mutatur, quam saporem ipsum, prout is in lingua percipitur.

§. 2. Ut de sensu definitionis plenius constet, sciendum, quod Aristoteles dicto loco id primo agat, ut evincat, falsam esse eam antiquorum opinionem, qua aquam quandam *πανσπερμίαν*, seu principium universi esse, credebant. Cum vero aqua sit insipida, non apparere urget, qui ex ea diversi saporis progigni possint. Imo cum ex una eademque aqua nascantur fructus austeri, dulces, amari, aliisque saporis, liquere exinde, quod non ex sola aqua nasci possint saporis. Et cum experientia doceat, quod calor, ad hanc saporum mutationes, multum conferat, elucescere exinde, quod nec solus calor sit causa saporum. Item cum saporis omnes crassitiem quandam habeant, aqua autem sic satis subtilis sit, saltem subtilior oleo, aliquid accedere debere existimat, quod aquæ crassitiem, saporibus familiarem, conciliet: ad id vero ut pariatur aqua, aptissimam eam pronunciat, pati autem à contrario, contrarium esse siccum, unde eo ipso, dum à siccio pariatur humidum, gigni saporis. Quæ in definitione porro habentur de actu & potentia, solennes sunt Aristotelicis definitionibus flosculi & ornatus, aliarum materiarum occasione à nobis explicati.

§. 3. Omnes autem saporis ibidem, ex dulci atque amaro oriri, autumat, sicut colores ex albo & nigro: pinguem itaque saporem ad dulcem refert, salum ad amarum, acrem vero, & austerrum, & acerbum, & acidum, medio habet loco: & sic porro comparisonem instituit inter saporis atque colores: ultimo laudabiliter refutat Democritum & mechanicos, quod omnia sensibilia faciant tangibilia, dum à diversitate figurarum pendere saporum diversitatem existimant, eosque hoc ipso *ἀτοπώτατόν τι ποιῆν* (aliquid valde absurdum facere) graviter pronunciat.

Opinio Cartesii.

§. 4. Grave tamen hoc Aristotelis pronunciatum nihil ter-
ruit recentiorum mechanicorum corypheum Cartesium, quomi-
nus

nus sensibilia audacter fecerit tangibilia, & hinc etiam gustus obiectum. Agit de eo in Tractatu de Homine, putatque saporis rationem unice in terrestrium particularum figura esse sitam, & gustu percipi, dum secundum has figuras, per poros, se in linguam insinuant, vel eam quomodocunque afficiunt. Sic salium particulas, actione salivæ ab invicem separatas & agitatas, punctim, & sine inflexione ingredi poros, qui in linguæ tunica sunt, asserit: particulas vero aquarum acidarum oblique subire hos poros, partes linguæ tenuiores præscindendo vel incidendo, & cedendo crassioribus: aquæ dulcis particulas circumfluere, & supra linguam labi, nullas ejus partes incidendo, nec alte in ejus poros penetrando: & denique spiritus vini particulas, cum valde parvæ sint, omnium altissime penetrare, & ibi celerrime moveri.

§. 5. Et plura quidem non determinat Cartesius, ejus vero vestigiis inhærens Willisius audacius figurarum provincias, pro excitandis saporibus, dispensat, dum *dulcium glabras & sphericas; acidorum, tetraedricas & acuminatas rigidasque; acrium speculiformes; amarorum, quasi furcatis; saliorum, polyedricas laterumque aciebus aculeatas; austerorum, instar pectinis esse contendit.* Scilicet in hisce singulis, (1) confunditur causa instrumentalis cum principali, dum illi effectus, qui non nisi à principali, dirigente instrumentalem, expectari poterat, tribuitur: sicut multa plaustra gladiatorum non transfodiunt hostes, vel vulnerant, nisi adsint milites, qui in pectora adigant. (2) Causæ principalis vices iis deferuntur substantiis, quæ eas tueri plane nequeunt. Sic saliva quiete in ore detenta nec separare salium particulas potest, nec agitare, multo minus punctim in poros linguæ imprimere. (3) Etsi indulgentissime his philosophis concedas quæcunque sua figmenta, effectus tamen non magis ab una præstatur figura quam ab altera. Sic si salium supra ex Cartesio recensitas particulas attribuas aquis acidis, & harum particulas illis, non magis sequitur sapor salis ex illis, nec acidus ex his, quam acidus ex illis, & salis ex his. (4) Generalia confundunt cum specialibus. Sic v.g. ex Willisi illis particulis quasi furcatis, non aliud intelligitur, quam ingratum quid, non vero ingratum amarum: unde si pluri-

P. III. §.
XXXII.

De Anima
Brut. C. XII.

phurium ingratorum saporum particulas mutuo attribuas pluribus, illud ipsum ingratum ex singulis sequitur. Sic si amaras instar pectinis esse pronuncies, & austeras quasi furcatas, imo etfi instar erinacei, vel calcaris, vel limæ aut ferræ, nihil allegare poterit talium patronus, unde magis illius, quam hujus figuræ esse, intelligantur.

Quid de saporibus sentiant Epicurus atque Gassendus.

§. 6. Gassendi vero cum Cartesio hic mollis consensus est, dum uterque, vitæ instituto, mechanicis faverent, in rerum naturalium indagatione, conceptibus. Equidem in Epicuri epistolis, à Laetio conservatis, nihil extat de sapore aut gustu, ad mentem vero Epicuri Gassendus ita saporum naturam declarat: *In ipsa re, quæ sapida dicitur, nihil esse aliud videtur, quam corpuscula ejusce configurationis, ut in linguam, palatumve subeuntia, ejus contexturæ ita applicantur, ipsumque ita moveant, ut inde sit sensio, quæ gustatio dicitur.* Cum itaque eodem modo sibi naturam saporum concipiat Gassendus, uti Cartesius, eadem quoque objectiones, proximo §o adductæ, adversus ipsum valent.

Anamad. in
lib. X. Diog.
Laert. lib. I.
p. 156.

S E C T I O II.

Nostra de Sapore sententia.

§. 7.

UT vero, quid sapor & gustus sit, recte appareat, ante omnia sciendum, quod lingua nostra, præter reliqua, quibus constat vasa, permulta etiam in se contineat vasa, salivæ secretioni dicata, & hinc *salivalia* dicta, quorum existentia non ita pridem fuit à quorundam celeberrimorum medicorum solertia detecta, Stenone pura, Warthono, Nuckio atque Rivino nostro: à quibus auctoribus nomina sua sortita ea vasa sunt.

§.8. Dein,

§. 8. Dein, notandum, quod in ipsa lingua promicent quædam extremitates nervosæ, quas *papillulas pyramidales* vocant. Saliva vero est fluidum maxime turgidum, hinc facile, si motus accedat, spumescit: undedubium fere nullum est, quin copiosæ illæ papillulæ pyramidales in spumidum illum humorem, quo lingua perpetuo madescit, immicent, & à motibus, in dicto humore contingentibus, afficiantur: cumque satis notum sit, quod mens nostra per nervos sentiat, patet, quod à dictis motibus quoque non possit non percelli; hoc vero dum fit, sapere dicitur objectum, & anima gustare, seu gustu affici.

§. 9. Est ergo sapor certa quorundam corporum conditio, qua cum saliva linguæ elastico motu conjungi possunt, & hoc ipso papillulas pyramidales, quæ in bullulas salivales eriguntur, movere, perque has mentem afficere, ut saporem corporum percipiat & distinguat. Saporem itaque dum dicimus certam corporum dispositionem, quâ ad elasticam cum saliva conjunctionem apta sunt, id significatum volumus, quod sapida corpora talibus debeant constare corpusculis, quæ vel sint tam parva, ut intrare per poros in corpuscula salivalia, vel tam magna, ut uniri cum iisdem possint, id est, tanta plus minus, quanta sunt corpuscula salivæ: suo quippe loco probatum est, quod corpuscula imparis valde magnitudinis elastico illo, ad omnem physicam unionem requisito, mutuo complexu, conjungi nequeant: unde cum majora sint aeris atmospherici corpuscula, nullum linguæ nostræ saporem afferunt: cum minores minerales pulveres atque cineres, v.g. antimonium diaphoreticum, vitrum ejusdem atque crocus, pariterque mercurius crudus, nullo sapore & hi percipi possunt.

Vid. Lib. I.
Cap. V. §. 37.

§. 10. Motum elasticum requirimus ad gustum, id est, talem motum, quo vel ex sapido corpore in bullulas salivæ, aliqua sive corpuscula sive elementa immittantur, vel ex iisdem aliqua in corporis sapidi bullulas emittantur. Eriguntur enim papillulæ pyramidales, per poros, in dictas bullulas, adeoque si internus talis cieatur motus, non possunt non, ab ultro citroque commean-
tibus particulis, aut corpusculis, affici. Non ergo ea solum corpuscula, quæ plane uniri cum saliva nequeunt, haud sapiunt,

Aaaa

sed

sed & ea, quæ cum uniantur, nihil utroque citroque referunt vel corpusculorum, vel particularum radiantium ignobiliorum, sed unice radios unitivos bullulis salivæ inferunt, quo ipso papillulas, quæ in bullulas eriguntur, afficere quidem, sed solo tactus sensu, possunt. Et hæc est ratio, quare aqua fere nullo alio, quam tactus sensu percipiatur à lingua. Nam etsi pergrata aliquibus linguis sit aqua, illa grata tamen perceptio, uti paulo post demonstrabimus, æque potest esse à tactu, ac à sapore, aut gustu: sicut aura quoque frigidior calefcenti corpori, etiam in manibus pedibusque, grata est. Quod superest, omnem quoque saporem aquæ haud denego.

§. 11. Id quoque ex eo, quod elasticum talem motum requirimus, patet, quod sapor sit proprietas fluidorum corporum, sive actu sive potentia talium, quatenus talium. Sal enim, vulgari saltem conceptu, in aqua putatur solvi, & sic potentia fluidum corpus est: ligna vero quæ sapiunt, non sapiunt, quatenus solida sunt, sed quatenus corpuscula, actu vel potentia, fluida in sese continent. Mirum itaque non est, quod vegetabilia omnium maxime sint sapida; plus enim fluidi continent, si salia mineralia exceperis; quam reliqua omnia: unde & propter eandem rationem cineres, caput mortuum, lignum putridum, quatenus talia sunt, nullo sapore possent.

An sapor omnis sit ex sale.

§. 12. Hinc quoque elucescit, quid de vulgari opinione, quæ dicunt, omnem saporem esse ex sale, sit habendum? Scilicet universalitas ejus aperte falsa est, si salis vocabulum strictè accipiat, ut fluidis actu talibus opponatur, qua stricta significatione nos illud, suo loco, adhibuimus: sed etiam si chymica quoque latitudine accipias, pro omni, quod nec sulphur est, nec mercurius, nondum veritati consona est universalitas. Ut enim non dicam de spiritu vini rectificatissimo, cui vulgo saporem concedunt, olea certe destillata, nec, ulla chymica vocabuli salis latitudine, referri ad salia possunt, & nihilominus, quantacunque puritate destillentur olea, v.g. annisi, juniperi, caryophyllorum aromaticorum, eximium semper retinebunt saporem: ut non quoque dicam de essentiis chymicis

micis spiritu vini rectificatissimo, quem vocant, confectis : hæ quippe & amarum & aromaticum foveat saporem, & notum nihilominus & palam est, quod dictus vini spiritus salia neque solvat neque extrahat. Nec est, quod regeras, igni subiecta hæc omnia aliquid salis suppeditare: nam ego respondeo, ignem atque fermentationem generate salia, non separare: at aqua vere salia separat, qua tamen nunquam aliquid salis ex oleo, debita puritate destillato, elicies: & cum tantus sit sapor amarus aloes, myrrhæ & aliorum, quacunque etiam tortura ignis nihil elicies, quod *proportionate* gradui saporis respondeat.

De saliva ad gustum necessitate.

§. 13. Majorem vero attentionem, quam vulgo fieri assolet, merentur phænomena, passim obvia, quibus observamus, quod, si saliva, parcius debito, linguam humectet, quod in febribus contingit, vel nimis sit viscida, gustus vel plane pereat, vel sensibilibiter imminuatur, vel alio modo vitietur. Id vero ex nostra hypothese omnino debet fieri. Nam motus ille elasticus, qui gustum facit, alibi, quam in saliva, fieri nequit, ut adeo saliva gustus instrumentum, etsi non immediatum, jure quodam suo sit habenda: unde si desit instrumentum, vel vitiose sit constitutum, mirum non est, si anima non possit objectum gustu percipere, vel saltem non eo modo, quo solet, si instrumentum recte se habeat. At philosophi mechanici, sicut ideo arripuerunt, quod oscitanter chymici de salium ad saporem concursu pronuntiaverant, quod mechanicis meditationibus salium faveret natura, ita creberrimam hanc experientiam, quoniam ægre facit mechanicorum thesibus, secundum quas saliva ingressum minimulorum spiculorum in linguam potius impedire, quam promovere deberet, consulto neglexerunt: ne forte aliquis interrogaret, quare si lingua sit arida, non sensibilibus afficeretur à parvulis aciebus, quam si crassa saliva sit obrita. Cætera definitionis nostræ verba sua luce radiant.

De saporum divisione.

§. 14. Sed videndum nunc etiam de saporum differentia est.

de qua ut recte constet, vulgare quoddam præjudicium, mechanicis speculationibus valde amicum, evitandum, quo confuse autumant, quod quicquid in lingua percipiatur, sapor sit, non cogitantes, quod lingua etiam tactu sit prædita, eoque acutiore, quam quo cætera pollent membra. Hinc vulgo statuuntur aliqui saporibus, qui si recte rem æstimes, sapores non sunt, sed tactus objecta: v.g. sapor pinguis, item calidus, qualem spiritus vini exhibet, & frigidus, qui in nitro, glacie & similibus, deprehenditur. E quidem & Aristoteles gustum refert ad tactum, & per similes papillulas pyramidales, quales in lingua sunt; tactus quoque objecta percipiuntur, non tamen ideo confundendus gustus cum tactu est: aliter enim papillulæ pyramidales tactu afficiuntur, aliter gustu.

De differentia gustus atque tactus.

§. 15. Nempe dictæ papillulæ in tactu moventur immediate ab objecto, & quidem in extremitatibus suis: at in gustu moventur proxime à bullulis salivalibus, paulo infra extremitates, in poris nempe bullularum, per quas in has eriguntur. Nam quando contingit elasticus complexus corpusculi sapidi atque salivalis, bullulæ vel expanduntur vel connivent, & sic quoque bullularum pori vel angustantur vel ampliantur, quo ipso, magis minusque, erectæ in bullulas, stringuntur papillulæ: quæ omnia in tactu contingere nequaquam possunt: quo loco tamen probe notandum, quod nihilominus tactus, quo extremitates papillarum in gustu afficiuntur, ad modificationem gustus concurrat.

§. 16. Sed & à posteriori liquet dictos sapores non esse sapores, quoniam eodem modo & labia afficiunt, imo & digitos præcipue deliciores. Sic v.g. pinguis, in labiis eundem præstant sensum ac in lingua, pariter & spiritus vini & glacies: quæ & eodem, etsi remissione modo, digitos deliciores feriunt: nemo autem digitis gustare potest. Adhuc ipse aer, quem respiramus, si temperatus est, & lente inspiratur, nullum in lingua sui sensum excitat, unde recte ab omnibus philosophis sapore carere dicitur: at si sit frigidus, percipitur utrique, præcipue ad radicem linguæ: quis autem sine absurditate dixerit, objectum temperatum sapore carere, frigidum id ipsum

ipsum eodem pollere? Objectum vero tactus id sibi habet proprium, ut temperatum (si nempe sit fluidum satis subtile, uti aer,) non sentiatur, sed modo, si calidius sit vel frigidius membro sentiente: contra corpus sapidum, sicut cerevisiæ nostræ edocemur exemplo, nunquam melius sapit, quam si sit temperatum.

De sapore, qui acris dicitur.

§. 17. Hæ considerationes id efficiunt, ut adhuc dubitem, an sapor acris verus sapor sit; & si est, annon forte, maxima saltem sensus sui parte, ad tactum sit referendus. Nam arilli cynosbati, eodem sensu afficiunt linguam, ac delicatorem alibi cutem, & radix ari, cum cæteris acribus, eundem fere imprimit sensum. Quid multis? acria fere sic agere in linguam videntur, sicut vulgo sapida in genere eam afficere perhibentur; nempe enim radios in corpuscula salivalia immittendo, & extremitates papillarum per modum tactus movendo videntur solum agere.

De speciebus saporis.

§. 18. Cum ergo, ut verus sit sapor, id requiratur, ut papillulæ linguæ in bullulis salivæ moveantur, id non nisi duplici contingere modo potest; (1) Si tota corpuscula corporis sapidi per poros intrent in bullulas salivales, quod alia non possunt facere, quam ea, quæ vulgo in aqua dicuntur solvi, uno verbo, *salia*. (2) Si corpuscula majora sint, quam ut intrare dicto modo possint, cæterum, ita tamen uniantur cum corpusculis salivalibus, ut vel aliquas particulas radiantem ignobiliores in ea *immittant*, vel aliquas inde *recipiant*; prius si sit, posses, si generales denominationes ames, vocare saponem *aromaticum*; sin posterius contingat, dicere *acidum*, adeoque generaliter tres asserere saporum species, *salsum*, *aromaticum*, & *acidum*.

§. 19. Generali huic fundamento si porro insistas, deprehendes, quod salia omnia sint hoc respectu triplicia, vel enim unam modo in sese sovent particulam nobiliorem, vel plures ignobiliores, vel nobiliorem cum pluribus ignobilioribus: ultimo hoc modo sapor *dulcis* percipitur, primo modo sapor est *salsus*, se-

Vid. supra
Lib. I. Cap.
VI. §. 45.

cundo *alcalicus* : quo loco ea repetenda sunt, quæ supra de sale suo dicta sunt loco. Nullum hic in dividendi fundamento desideratur membrum; nam plures particulas nobiliores non posse in una bullula hospitari, suo loco demonstravi. Neque vero id asseruerim, quod salia nullas plane foveant particulas radiantes ignobiliores, quod itidem supra quoque monui.

§. 20. Cætera corpuscula, quæ subintrare bullulas salivales haud possunt, & cum his solum uniuntur, eodem triplici discrimine differunt, nempe ut vel solam aliquam nobiliorem particulam contineant, vel plures tantum ignobiliores, vel nobiliores atque ignobiliores simul. Probe vero notandum, quod papillulæ ab hisce corpusculis duplici fere modo moveantur: nempe (1) Si particula radians nobilior radium immittat in bullulam salivalem, & hujus particulæ moveantur versus obviam papillulam. Sit enim A. bullula salivalis, quæ in se foveat plures particulas ignobiliores, & in quam erigatur papillula *a*; sit porro B. corpusculum sapidum, quod radio *b. c.* irradiet in bullulam salivalem A. ejusque particulas radiantes, sua irradiatione, propellat versus papillulam. (2) Si particulæ ignobiliores ex corpusculo sapido transeant; in bullulam (scu corpusculum) salivalem, vel vice versa. Si enim transeant in bullulam, manifestum est, quod papillulam moveant; sin emigrent ex bullula in corpusculum sapidum, contrahitur bullula, adeoque & poros ejus, per quem papillula intrat, stricturaque pori afficitur papillula.

Tab. IX.
Fig. LX.

§. 21. Alius itaque motus est, quando corpusculum sapidum particulam solum nobiliorem continet; alius, si non nisi ignobiliores foveat; alius, si & nobiliorem & ignobiliores. Ut vero vel ex bullula salivali transeant particulæ in corpusculum sapidum, vel ex hoc in illam, ratio in vacui magnitudine est posita, unde variis aliis de causis, jam ex bullula salivali in corpusculum, jam ex hoc in illam, fieri transitus potest. Quod si ergo corpusculum sapidum sit posterioris generis, ut non possit permeare poros bullulæ salivæ; & corpusculum particulam solum foveat nobiliorem, puto saporem esse *acrem*, quatenus is quidem verus sapor est: sin non nisi ignobilioribus turgcat, sapor videtur esse *amarus*, sin & nobiliore & igno-

& ignobilioribus polleat, saporem existimo *aromaticum*. Quodsi in aliis corpusculis lapidis hæc eadem triplex differentia occurrat, & motus tamen particularum contrario se habeat modo, nempe ut ex corpusculo salivali fiat in sapidum, puto, quod uno modo nobilior particula gignat saporem *acidum*, plures ignobiliores *adstringentem*, nobilior cum ignobilioribus *sypticum*.

De differentia saporis grati & ingrati.

§. 22. Dictorum saporum aliqui grati sunt, aliqui ingrati, cum tanta inconstantia, ut nullus sapor sit omnibus hominibus ingratus, nullus omnibus gratus. Sic dulcis infantibus gratus est, ingrati fere sunt reliqui: at multis adulatorum dulcis quoque ingratus est. Ut ratio hujus diversitatis patefcat, sciendum, quod gratum illud, quod sapor parit, cum appetitu sit conjunctum, ingratum, cum fastidio: appetitus autem atque fastidium sunt actus animæ, quæ quid actionibus vitalibus sit utile, quid inutile, omnium optime novit, unde in ipsis corporibus lapidis nihil est, quod veluti mechanica ratione vellicando aut secando, alioque simili modo, id quod gratum est in saporibus, vel ingratum, pariat, sed in animæ nostræ ideis situm est, quicquid per modum grati aut ingrati sentimus.

§. 23. Dolendum vero est, quod sola fere animalia bruta has ideas conservaverint illibatas, hominum vero appetitus, atque averfatio, ita sint corrupta, ut vix rarius deprehendantur homines, qui, quid sibi vere sit proficuum, norint, cum id tamen exacte satis sciunt omnes bestię. Sed nulla alia videtur hujus diversitatis esse ratio, quam quod bruta se invicem non invitant ad ea edenda, quæ ipsorum natura averfatur, unde purum & incorruptum sibi conservant, *palatus*, ut cum Plinio loquar, *intellectum*. Homines Lib. II. c. 37. vero, præcipue divites, non solum in vestitu alios imitantur, sed & in esu atque potu, non sine insigni & pudenda stultitia, genium suum affligunt, ut vel aliis placeant, vel, nescio quid politici præferant. Sic cerevisiæ amarulentæ invita natura adfuescimus, esui carnis putridæ, aceto, aromatibus, salibus, olivis & aliis, numero pene infinitis.

§. 24. Non leve quoque momentum adfert variatio ciborum,

rum, & mixtura, qua, cum & vere proficua corpori & nociva in unum sunt confusa, ita pervertitur animæ sensus, ut quid appetat, quidve aversetur, nesciat: cum è contrario bruta non fruuntur nisi simpliciore cibo potuque, quo ipso naturalis cibi potusque convenientium, sensus confirmatur, atque cum ætate augetur: unde & quamvis aeris injuriis magis pateant bruta, longe tamen paucissimis affliguntur morbis; homines, maxime divites, innumeris.

§. 25. Omnium vero purissimus palatus intellectus est in infantibus, unde & fere omnem sensibiliorem averfantur saporem, præter dulcem: & sano quidem naturæ instinctu. Ipsi enim humores quoque nostri dulces sunt, & quando summum gradum perfectionis suæ attingunt, dulcescunt. Dulcis enim sapor omnium plurimas possidet radiantes particulas, quibus humores nostri perficiuntur: at sapes acidi, styptici & adstringentes eas ipsas deprædantur particulas, quod ob dictam rationem animæ ingratum accidit: quare vero reliqui etiam sint ingrati, cum tamen dictas particulas largiantur, mox deinceps dicam.

De saporum corporum, eorumque salforum, phænomenis.

§. 26. Salforum à nobis percipitur gustus, dum corpuscula salis per poros corpusculorum salivalium ingrediuntur, ibique per modum tactus, vel mediate vel immediate, tangunt papillulas, sed & ipsa corpuscula salivalia expandunt, ut pori eorum ampliuntur, & comprehensæ in iis papillulæ laxius stringantur. Cæterum salforum mira in eo natura est, quod & sitim excitent & sedent: nitri enim in febrili calore ad exstinguendam sitim nota vis est. Sed & experientia docet, sitim à duabus maxime causis trahere originem, primò à siccitate glandularum, dein à calore. Salsa quapropter, maxime vero nitrum, sedant sitim, si à calore est: nam & acida idem faciunt, & salsa ab acidis haud differunt, nisi duplici bullula: adeoque quando corpuscula salivalia sunt ingressa, ex papillulis etiam spiritus, materiam nempe caloris, in sese derivant: quodsi calor imminuatur, imminuitur causa siccitatis, hinc & sitis. At quoniam

niam natura, seu anima nostra, subigere salia commodius haud potest, quam si in minima didita fuerint corpuscula, id vero præstant fluida, si indita sint in ventriculum, subactionis ergo, potum desiderat: unde sitim sedant, in bullulis lymphæ gastricæ; excitant, quando extra eandem sunt constituta, neque ob plenitudinem, aliasve causas, intrare possunt.

§. 27. Dulcia vero, etsi quoque ad salium familiam spectent, tamen sitim neque sedant, neque excitant. Neque vero debent: non sedare, nam ingressa in corpuscula salivalia absumere particulas ex papillulis advenas, quibusque particulis jamjam plena ipsa sunt, haud possunt, adeoque nec calorem, hinc nec sitim infinuere: non excitare; nam quando anima fluidum desiderat, ut in minima corpuscula diffuant, & subigi in parvitate sua possint, illa ipsa subactio nihil aliud est, quam particularum radiantium, seu spirituum animalium immissio, id est, edulcoratio: cum itaque dulcia edulcorari haud debeant, etiam sitim ciere haud possunt.

§. 28. Pituitam vero & creare, & expectorare observantur. Ubi id notandum, atque ex medicina mutuandum est, quod pituita generetur in corpore animali ab imparitate, & heterogeneitate corpusculorum salivalium atque lymphalium, cum corpusculis suis mercurialibus: si nempe quædam fiant vel majora vel minora, quam ut uniri cum mercurialibus possint: sic enim inter sese immediate absque mercurio uniuntur, simulque à consortio reliquorum salivæ atque lymphæ corpusculorum desciscunt. Dulcia ergo, cum plena sint particulis radiantibus nobiliore, & ignobilioribus, facile tantum ampliant corpuscula salivæ atque lymphæ, ut mercurio suo deperdito majora fiant reliquis corpusculis, & hoc ipso in pituitam degenerent: specialior explicatio ad medicinam spectat.

§. 29. Sed & pituitam in pulmonibus hærentem expediunt dulcia, quod de viscida valet maxime, hoc est ea, cujus corpuscula minora sunt, neque tamen adhuc tam parva, ut extra omnem cum humoribus nostris unionem constituentur, etsi mercurium suum amiserint. Dulcia quapropter à corpusculis salivæ atque lymphæ imbibita faciunt, ut ista corpuscula paulo fiant majora, & hoc

Bb bb

ipso

ipſo à conjunctione cum pituita viſcida liberentur : quo facto pituita expectoratione aliove modo à natura expurgatur.

§. 30. Sed & facile bileſcunt dulcia, id quod de melle magis & ſimilibus valet, quam de ſaccharo. Conſtat autem bilis maxime corpusculis amaris, & ſale volatili. Bileſcunt dulcia ideo, quod corpuscula eorum tam ſunt exigua, ut bullulas ſalivales ſubintrare poſſint: quodſi vero ſpiritibus imprægnentur, augeſcunt, ut amplius per dictos poros remeare nequeant, unde ſaporem dulcem amittunt: & ſi ejuſmodi corpusculorum bullulæ eſſent nobiliores, mutarentur in aromata, cum vero ſint ignobiliores cæteris, in ſalem abeunt volatilem ea, quæ gaudent particula nobiliore, cætera in amara deſinunt corpuscula. Nam etſi dulcibus attribuerimus particulam nobiliorem, cum pluribus ignobilioribus: aliqua tamen dulcibus quoque corpuscula ſunt admixta, particula nobiliore haud facta. Sic itaque dum dulcia partim in ſalem volatilem abeunt, partim in corpuscula amara, bileſcunt.

§. 31. Cum autem tam exilia pronunciaverimus dulcium corpuscula, dubium eſt, quomodo aliqua vere fluida (non ſoluta) poſſint eſſe dulcia: cum fluida omnia ſic ſatis ſint expanſa, adeoque majora. Nam ut de melle non dicam, oleum ſaltem aniſi, etiam puriſſime deſtillatum, inſignem habet dulcedinem: Sed reſpondeo, quamvis non negem, eſſe hæc corpuscula, mellis puta atque olei, majora ſalinis, vel ſaccharinis, penſitandum, quod fluiditas eorum multum conferat ad ea facilius, etiamſi paulo ſinꝝ majora, per poros bullularum transmittenda: præcipue cum particula nobilior, quæ in illis radiat, ſingulari niſu bullulam in longum flexibilem per porum adigat. Sed reſeres cum ratione, quod ſic etiam anomala & ſtipſica debeant eſſe dulcia; reſpondeo, niſi eorum corpuscula ſint majora, quam fluida dulcia, quod facile ita ſe habere poteſt.

Vid. ſupra. §.
21.

§. 32. Alcalico ſapore prædita facile bileſcunt, eodem modo prout dulcia, ſaltem excepto ſale volatili. Ob hanc quoque rationem hicce ſapor nobis accidit ingratus. Nam amara difficilius cæteris ſaporibus edulcantur, dulces autem debent eſſe noſtri humores: hinc & ipſa natura, cum neceſſario remiſcenda bilis cum chyllo eſſet, extra ventriculum eam remiſcuit. Ventriculi enim alterum oriſi-

oriſcium, quod pylorum vocant, non prius aperitur, quam oninia in ventriculum ingeſta dulci ſapore imprægnata fuerint. Nam acria & amara & acida cum aromaticis ideam veluti conſtrictionis imperant, dulciter vero alluentes pylorum ad apertionem ſolicitant: unde nulli humores ex ventriculo dimittuntur, niſi prius fuerint edulcati. At amara difficulter edulcantur, quia nobilior particula debet introduci, quæ difficilius non poteſt non per poros immeare, propterea quod major eſt ignobilioribus. Cæterum & alcalica & acida pituitam poſſunt reddere limpidam, cum hoc diſcrimine, quod quam pituitam limpiditati reſtituunt acida, eam in craſſent alcalica, & vice verſa. Ratio hoc loco haud exponenda eſt, in gratiam vero curioſorum dicam, quod pituitæ corpusculorum minorum ſuum mercurium reſtituant acida, corpusculorum vero majorum pituitæ alcalica, dum utraque proprium mercurium in pituitam demittunt, & corpusculis ſuis unionem cum eadem ineunt.

*De ſaporibus ſecundi generis, quos aromaticos
diximus.*

§. 33. Aromatico ſapore in ſpecie ſic dicto prædita id habent peculiare, quod ventriculum valde excaleſciant: copioſo namque pollent æthere, qui educendus ex parte eſt per fermentationem, ut bullulæ aromaticæ ſubſidant, & dulcem hoc ipſo ſaporem induant: at ſic particulæ radiantes fermentatione elicitæ reaffunduntur humoribus ventriculi & adeo eum calefaciūt. In ipſum ſanguinem delata hæc corpuscula tot ſpiritus animales in ſeſe recipiunt, antequam rumpantur, quot antea ſoverunt particulas radiantes, adeoque & ſanguinem caleſciant, & turgelcentiam humorum efficiunt: quod vero plures capiant particulas & ſpiritus, in cauſa eſt pororum anguſtia atque ſtrictura, qui ob hanc ipſam, erſi particulis infarciuntur bullulæ, non tam facile adeo ampliantur, ut ſemel conceptæ (quod in aliis accidere poteſt) iterum elabantur. De cætero gratus ſic ſatis eſt ſapor aromaticus, quoniam dulcem in ſeſe continet, & ut dulceſcat, non additione opus eſt, ſed ſubtractione, & ea

*Vid. Inſa C.
XVI. §. 37.*

quidem talis elementi (ætheris nempe) quo anima valde gaudet & delectatur.

§. 34. Amarum sapor difficilis digestionis ob jam dictam rationem est, præcipue si temperamentum sit cholicum: hujus enim particulæ radiantes nobiliores cæteris, adeoque & majores, difficulter immeare per poros possunt: proficuum tamen in multis calorem excitare observantur, & hepati prodesse. Nam ii, quibus maxime profunt, caloris effectum, melancholici sunt, quorum etiam nobilissimæ particulæ ignobiliores sunt particulis cholicorum: hinc facilius longe in his succedit ingressus: ingressa vero particula radiante corpusculum amarum in aromaticum mutatur, aut dulce. Hepati vero prodest, ex quadam ratione, non facile citra prolixam digestionem medicam hic explicanda: illud breviter dici, per modum observationis, potest, quod *hepatis ea profunt* omnia, quæ particulis radiantibus scatent ignobilioribus: sicut ea, quæ referta nobilioribus sunt, eidem nocent. Interim amarum sapor aliquibus gratus est, aliquibus vero ingratus, pro diversitate temperamenti, prout id nempe vel melancholicum est vel cholicum: unde & infans alii aliis citius adsuescunt cerevisiæ amaricanti. Multi vero & hæc & similia edunt bibuntque, aliorum magis imitatione, quam vero naturæ instinctu.

vid. §. 28.

§. 35. Acris sapor id maxime præstat, ut pituitam corporis nostri incidere dicatur, quæ phrasis hujus mechanizantis seculi est: ego de effectu persuasus, modum longe aliter concipio. Scilicet repetendum hic est id, quod supra de vera pituitæ causa dixi: nempe quod nimia corpusculorum salivalium aut lymphalium expansio propriique mercurii amissio sit vera pituitæ causa. Acris ergo, cum in centro suo foveant particulam nobiliorem, cum nullis vel paucioribus ignobilioribus, ab acidis haud differunt, nisi quadam exigua forte magnitudinis differentia, adeoque & mercurium habent ab acidorum mercurio non valde diversum: & sicut illa pituita, quæ acidis redditur limpida, minorum semper est corpusculorum, neque tamen eorum omnium ejusdem magnitudinis acris eam pituitam domant, quæ non omnium minimis constat corpusculis.

De Saporibus tertii generis, quos acidos diximus.

§. 36. Acidus in specie sic dictus sapor conspicuus inter omnes est, quod calorem nimium tollit: hoc quâ fiat facile apparet: nempe particulæ radiantes in corpusculis calidis copiosiores, adeoque compressæ atque coarctatæ à sua bullula, in vacua spaciola corpusculorum acidorum secedunt, eoque ipso calor eorundem tollitur: cum quoque & corpuscula styptica & adstringentia ex aliquibus humoribus, v. g. saliva, particulas ignobiliores in se derivant, hæc etiam quadantenus refrigerant. Sed & bilem absument & alcalica destruunt, de quorum posteriore vide, quæ supra suo dicta sunt loco: bilem vero ideo absument, quod salis volatilis particulas ignobiliores, in se recipiant. Pituitam quomodo limpiditati suæ restituant, supra dictum est.

Vid. Lib. I.
Cap. VI.

§. 32.

§. 37. Cæterum sapor acidus ideo ingratus permultis est, quod absumat elementum ætheris, naturæ ad digestionem ventriculi necessarium: unde nisi natura laboret abundantia caloris in ventriculo, nunquam appetit saporem acidum. Acidus tamen sapor longe pluribus est gratus, quam stypticus & adstringens: nam acidus saltem interdum naturæ intentioni inservit, in ventriculo absumentum calidum superfluum, quod in bilem mutare poterat humores: at corpuscula styptica & adstringentia, cum in se æthere jam satis sint plena, & nihilominus tamen in sese alliciant spiritus animales, nec intra se tamen eosdem abdant, sed *in ingressu pororum* detineant, adeoque immissionem spirituum in fermentata in ventriculo corpuscula impediunt, eo ipso naturæ plerorumque hominum sunt ingrata.

§. 38. Stypticus sapor paulum differt ab adstringente, & plusquam adstringens esseprehenditur: cujus ratio in eo videtur esse posita, quod styptica habeant particulam nobiliorē, quæ desituuntur adstringentia: quæ irradiando in bullulam salivalem, hoc quicquid est diversitatis, causatur: utraque tamen, & styptica & adstringentia, humorum corporis animalis fluxum remorantur: quod hinc accidit, quoniam omnis humorum motus spiritibus peragitur, & spiritus in styptica & adstringentia dicto modo imminet, dirigitur eo-

rum motus in hæc, & ab humoribus avertitur, unde est adstrictio. Equidem eodem motu spiritus quoque diriguntur in acida, sed ea implent paulo post, & dulces reddunt, quo facto cessat innisus: quod pariter cum stypticis & adstringentibus haud contingit: unde & diu durat adstrictio.

De saporibus gradu differentibus, atque compositis.

§. 39. Reliqui saporès vel gradu solum ab hisce differunt, vel compositi sunt. Sic v. g. *austerus* non nisi accidentaliter à styptico differt, cum sit stypticus fructuum immaturorum: item sapor sacchari, quod vocant, Saturni, differt à sapore alio styptico, v. g. aluminis, quod ille plures foveat particulas radiantes, hic pauciores: quæ gradualis differentia facile per omnia saporum genera intelligitur. De tartaro id modo brevibus ostendam, quare, cum sal sit, ejus sapor non deprehendatur falsus, sed acidus? Nempe *tartarus*, quod supra probavi, bullulis constat ignobilioribus, adeoque magis expansis à particula radiante: hinc ejus corpuscula majora sunt, quam ut intrare bullulas, seu corpuscula salivalia, possint, & cum adeo iisdem solum immincant, ex dictis patet, quod per modum saporis acidi sentiri debeant, & non per modum falsi.

§. 40. Componuntur autem saporès variis modis, tum arte, tum natura. Sic notissima conjunctio est, dulcis & amari, quorum corpora vocantur *γλυκύπικρα*: componitur etiam facile acidus cum dulci, imo omnes absolute inter sese. Sed non tantum conjunguntur inter sese saporès, sed & cum aliis sensibus, tactu v. g. & odore, Sic sal volatile saporem habet veluti aromaticum, cum forti odore, pariterque multa aromata, v. g. caryophylli arom. cinnamomum, costus &c. quin & ipse sapor acris semper aliquid tactus simul offert linguæ. Potest vero etiam contingere, ut denuo conjungantur jam composita. Sic v. g. acris, utut in se jam sit compositus, qualis in aro est atque pimpinella alba, nihilominus in armoracia compositus adhuc cum odore est: quem odorem hic considero, quoniam non facile tale objectum offertur linguæ, quin simul offeratur naribus, duplicique adeo ratione simul percipiat.

Sed

Vid. supra L.
I. C. VI.
§. 59. & seqq.

Vid. supra
§. 17.

Sed *augustinus* si sceteris, soli illi sapes vere sunt compositi, qui diversis constant saporum speciebus: interim hæc perpenderit juvat; ne quis propter circumstantias tactus atque odoratus, *novas* commiscatur saporum/species.

§. 41. Interim sapes vere compositi nullo melius instrumento dignoscuntur, quam divinitus dato, nempe lingua. Nam quamvis chymia à se invicem corpuscula separaret, non tamen ideo sapida præcise separat, sed unius corpusculi sapidi diversa elementa. Sic etsi commiscueris amara cum dulcibus, ea tamen chymice non separabis. Sic talia destillationi subiecta reddunt spiritum acidum; à quo tamen haud erant composita, quod ei apparebit, qui supra Lib. I. C. VI. datas ideas de sale & spiritu acido recte perpenderit: nam poterit §. 32. & 45. sal generari absque concursu spiritus acidi, ex spiritu ardente, quod probabiliter fit in fermentatione: potest etiam fieri ex terra, si nempe ei, quomodocunque ingeratur particula nobilior, & sic forte generatur in terra nitrum. Sic tartarus, quamvis ipse sit acidus, destillatione tamen haud exhibet, ut cætera salia, spiritum acidum, sed potius volatilem. Cæterum cum de mixtis hic ago saporibus, superficialiter atque externe mixtos intelligo, non intime conjunctos. Nam, quando spiritus acidus miscetur cum alcalico quodam corpore, sapor hinc redundat simplex, falsus nempe, non compositus.

SECTIO III.

De usu hujus doctr. in prudentia circa sanitatem.

§. 42.

U Sus adversus atheismum atque superstitionem hic nullus apparet vere peculiaris, quamvis accidere facile queat, ut pro diversitate circumstantiarum etiam hinc aliquis possit confici; tanto autem uberior est usus hujus doctrinæ, in prudentia circa sanitatem: de quo omnia persequi, opus foret prolixitate lectori tediousum. Suffecerit itaque generalia terigisse. Norandum qua-

quapropter est, quod saporum discrimen nobis *nequaquam ad discernendam corporum crasin*, neque vero propter alia viscera datum sit, sed propter solum ventriculum & operationes naturæ, quæ in eo peraguntur: unde in lingua, maxime ad radicem ejusdem, quasi excubat gustus, nihil intromissurus, quod *chylificationi* negotium facessat.

§. 43. Et si ergo non negligenda sint ea fundamenta, quæ ad discernendam corporum crasin gustus suppeditat, ei tamen soli nec fidendum, nec inhærendum. Nam *corpusculorum* potius docet differentias, quam elementorum, & eorum potius *magnitudinem* internumque vacuum, quam mixtionem: nihil de numero, nihil de bullularum nobilitate, directo decernit. Sic v. g. acidus sapor id quidem insinuat, quod corpuscula sint paulo majora quam salina, & quod multum intra sese habeant vacui: non ideo quod bullulis consent nobilioribus vel ignobilioribus, nam & acetum & spiritus aliquis mineralis phlegmaticus eandem aciditatem in lingua excitant: nec quod bullulæ sint duæ vel tres; nam & tartarus, qui tribus constat bullulis, est acidus, & acetum destillarum, quod duobus tantum, pariter. De aliis saporibus idem judicandum est.

§. 44. Sed & hoc maximum, si quicquam aliud, in prudentia circa sanitatem usum præstiterit, si pensites, quod saporum discrimen nobis propter solum ventriculum à Deo sit datum. Hinc enim primo intelligis, quod, quamdiu corpus est sanum, exactissime observandum sit *gustus dictamen*. Vix enim apparet, qui penetrare in corpus possit morbus, nisi per os & poros intraverit. Ea præcipue, quæ gustui absque vitio imaginationis sunt adversa, enixe rejicies, siue sint medicamenta siue alimenta: ea vero, quæ gustui sunt grata, accipies; si mediocriter grata sint, quacunque quantitate; quæ eximie grata, parcius assumes: vel si copiosius, non diu continuabis. Nam in horrore aduersorum nihil te poterit fallere, quandoquidem nunquam, nisi quis ægrotet, quoad reliqua viscera, ingrata sunt capienda: at in delectatione gratorum seducere voluptas poterit: quæ tum maxime stimulat, si sapor aliquis sit acutus, non æque, si sit obtusus.

§. 45. Dein vero, si ventriculus ægrotet, etiamnum ratione capi-

capiendorum medicamentorum, gustus præscripto parendum : & nihil adeo, vel ciborum vel medicamentorum , quacunque ratione suadeantur, assumendum est, quod gustui sit ingratum vel horridum. Sed id tamen hoc loco curatius cognoscendum est, an vere sit ingratum, non vitio imaginationis: tale namque si subsit, respuendum masculine est gustus illud dictamen, & quicquid proficuum judicatur, non detrectandum est. Unde & si verus sit appetitus, non curandæ sunt rationes in contrarium probabiles: *verius enim natura novit, quid corpori prosit, quam ratio.* Quodsi vero, id quod appetis, res sit, quæ rationibus valde probabilibus dissuadeatur, consultum erit, non uno impetu satisfacere appetitui, sed per vices ingerere, ut tempore mutari queat, si forte obsuturum observetur. Neque vero idcirco ab incepto desistendum necessario est, etsi forte unus atque alter medicorum, non probabile, sed omnino demonstrative certum pronunciaverit damnum ex medicamento, vel alimento, secuturum. Nam medici, qui vere sciant, quid sit demonstrative & probabiliter verum, oppido rari sunt.

§. 46. Si demum, in aliis visceribus, quam in ventriculo hæreat morbus: tum, invocato Dei nomine atque auxilio, permittere salutem tuam medici experientiæ atque rationi debes, atque palatus tui intellectui repudium renunciare. Nam sic ea sæpe palatui ingrata fuit, quæ aliis visceribus, v. g. hepati, sunt proficua, v. g. amara, alcalica & alia. Quoniam vero id saltem palatus aversatio demonstrat, quod, quicquid assumendum est, ventriculo exhibiturum negotium sit, id agendum, ut talia medicamenta non nisi parcius, & per vices præbeantur: si enim in ventriculo non recte succedat chylicatio, vitium novum ad reliqua redundat viscera.

§. 47. Illud tamen adhuc de gustus aversatione erit observandum, quod, si medicamentum vel alimentum primum palatui ingratum, vere morbum imminuat, natura etiam minus illud atque minus aversetur, ita quidem, ut post aliquod tempus etiam appetitu quodam feratur in illud, quamdiu nempe prodest. Sicut vero hæc talia sunt alterantia, sic non nisi per aliquod tempus cor-

Cccc

pori

pori profunt, quo sufficienter alterato, si continentur, etiam nocere possunt. Ante vero quam hoc fiat, cessat ille, de quo dixi, ex salubritatis sensu ortus appetitus, & loco ejus succedit primum satietas, dein averfatio plena: hoc simul ac deprehenderis, proficuum hactenus medicamentum vel alimentum erit amovendum. Quodsi contra aliquandiu continuaveris medicamenti vel alimenti ingrati usum, & indies nihilominus crescat averfatio, citra imaginationis vitium, indicio erit, quod illud & ventriculo sit grave, & reliquis nihil profit visceribus.



CAPUT VI.

De

O D O R E.

SECTIO I.

De odore quid sentiant Aristoteles, Cartesius atque Gassendus.

§. I.



Iris inanitatibus abstractionum lectorem suum fatigat Aristoteles, ut plurimi commentatorum nesciant, quid sibi in doctrina de odore velit. Ego quid mihi de ejus sententia videatur, hic breviter exponam. Scilicet si substantialibus principiis naturam odoris maluisset explicare, quam transcendentalibus abstractionibus, dixisset, quod atmosphæulæ corporum, adeoque aliquid corpore sapido subtilius, aere vero atmosphærico crassius, odorem faciunt: cum

cum vero more suo id concipere & proponere vellet, dixit: *Sicut sapidum nascitur, dum siccum agit in humidum, illudque inspissat, ut degustari possit, sic odorabile fieri, quatenus illud ipsum ingestum siccum iterum expurgetur, & eluatur.* Ne autem quis existimet, illam ipsam, quæ sapidum corpus fecit, siccitatem iterum debere tolli, adeoque saporem perdi, cum & odora sint sapida, hoc dicit nec fieri in ipsa aqua, nec in ipso aere, sed in genere quodam utriusque, nempe perspicuo: quod cum sit abstractum utriusque genus, & nullibi seorsim existat, eo ipso significat, illam ipsam eluitionem & expurgationem siccitatis, etiam vere non fieri, sed ita solum concipi.

§. 2. Hinc dicit: *ἐστὶ δὲ ὁσφραντὸν, ἔχ' ἢ διαφανὲς, ἀλλ' ἢ πλουτικὸν καὶ ῥυπτικὸν ἰγχύμῃς ξηρότητι*; id est: *est autem odorabile, non quatenus perspicuum, sed quatenus purgativum atque abstersum sapidæ siccitatis*: & paulo post, odorem dicit esse sapidi naturam, id est, genus proximum, seu id, quod fuit sapidum, antequam sapidum fieret, his verbis: *ὡς εἴ τις θείῃ καὶ τὸν αἶρα, καὶ τὸ ὕδωρ ἀμφοῖν ὕγρα, εἴη ἀν' ἢ ἐν ὑγρῷ τῷ ἰγχύμῃς ξηρῷ φύσει ὁσμή, καὶ ὁσφραντὸν τὸ τριῶτον*, id est; *si quis ergo asserat, & aquam & aerem esse humida, odor foret natura sapidi in humido siccī, & odorabile, eodem modo foret concipiendum.* Sic ergo apparet, quod & synthetice dicat odorem ex inspissatione veluti perspicui, quod genus eorum est, quæ sunt odora, nempe aeris & aquæ, & analytice, si per mentis operationem dematur illud siccum, quod per saporem accessit. Hinc & ibidem respiciens denuo ad synthefin ait: *δηλον ὅρα, ὅτι ὅπρι' ἐν τῷ ὕδατι χυμὸς, τὰτ' ἐν τῷ αἶρα καὶ ὕδατι ἢ ὁσμή*, id est, *apparet itaque, quod id, quod in aqua est sapor* (nempe inspissatio aquæ) *illud in aere & aqua* (conjungit hæc, & eorum videtur intelligere abstractum commune, nempe perspicuum) *est odor*: nempe pariter inspissatio veluti quædam.

§. 3. Odores dividit in gratos atque ingratos, utrosque iterum in tales per se, qui non appetitum simul excitant; & tales per accidens, qui sunt rerum ad cibum potumque pertinentium: hos dicit communes brutis, illos vero proprios hominis: ideo vero proprios esse hominis, quoniam homo habeat *πλῆστοι καὶ ὑγρότατα*

τον ἐγκέφαλον, plurimum cerebri, & id quidem humidissimum, quod & antea frigidum pronunciaverat, odores autem, cum sint calidi, temperare sic frigiditatem ejus & siccitatem.

§. 4. Hic autem conceptus odoris non est physicus, sed transcendentalis, hoc est, qualis extra disciplinas eorumque principia, sola mentis abstractione considerari potest. Cum autem transcendentalitas conceptuum nullum habeat usum, quam ut de ipsis disciplinarum principiis, & de Ipso Summo Numine meditari atque disputare possimus, objecta autem disciplinarum, ex ipsis earundem principiis explicanda sint, à priore parer, quod & hic odoris, & plerique alii, Aristotelis conceptus physici, in physica sint ἀλλότριοι. Cæterum quod in divisione sumit, cerebrum hominis esse & plurimum, & frigidissimum, & humidissimum, tria sunt asserta, quæ recentiorum accuratior sedulitas singula deprehendit falsa.

Gassendi ex Epicuro opinio.

§. 5. Gassendus ex Epicuro de odore potius observationes suppeditat, quam ratiocinia, & odorem subinde cum sono & imagine comparat. Hinc dicit advenire odorem ex intervallo, sicut solet sonus & imago: sed non tam longe cum ferri, quam sonum & imaginem, imo & longe lægnius; moleculas etiam odoris majores esse, quam ut æque penetrare corpora densa queant, ac sonus solet: cum etiam, ex qua parte veniat sonus, dignosci possit, odorem nesciri accessum originem atque principium. Cæterum quasdam dictarum molecularum perturbate atque discrepante, quasdam placide, leniterve, & accommodate se habere, hinc vero dependere discrimen odoris grati atque ingrati. Quod vero alii odores aliis sint grati, aliis ingrati, in causa esse diversam organi texturam, quæ cum dictis moleculis jam conveniat, ut suaviter ab iis demulceatur, jam ab iisdem discrepet, ut asperius ab ipsis afficiatur.

§. 6. Sed hæc omnia odorem quidem comparant, non vero ejus exponunt naturam, nec rationem aliquam docent, quare quasdam corpora sint odorata, quasdam minus. Nec est, quod putes, satis explicari naturam odoris, dum certæ statuantur moleculæ,
ita

Vid. Animadv. Tom.
L p. 154-159.

ita comparatæ, ut nares afficere queant: hæ namque molecule sunt corpora, quæ per certam aliquam, & eam quidem ignoratam ab Epicuro atque Gassendo, figuram, specificam naturam induunt: nihil ergo aliud dicitur de odore, quam quod sit qualitas quædam ignota certorum corporum, quod idem pene etiam norunt rustici. Ideæ vero, quas de odore grato atque ingrato suppeditat, iterum nimis sunt generales: sunt enim ideæ grati atque ingrati, non vero odoris grati atque ingrati.

Cartesii sententia.

§. 7. Cartesii de odoratu atque odore sententia pene eodem recurrit. Scilicet respiratione putat particulas odoríferas per poros ossis, quod spongiosum dicitur, penetrare, si non in ipsas cerebri cavitates, saltem usque ad spatium illud, quod inter duos cerebrum involventes membranas est, ibique impingere in extremitates filamentorum nerveorum, quo ipso animæ præbeatur occasio, ut odorum varios sensus habeat. Hos vero poros ita esse dispositos, ut nullis particulis, quæ crassiores sint odoriferis, præbeant transitum. Particulas vero odoríferas esse præcise eas, quæ aliquanto plus vel minus crassæ sint cæteris. Quod si enim æquales sint cæteris, odore eas non percipi. Jam si dictus excessus, quo nempe reliquas vel excedunt, vel ab iis exceduntur, sit moderatus, odorem gigni gratum; sin nimius, ut vel nimia aut non satis magna vi agant, ingratum.

De Homine
P. III. §.
XXXIV.

§. 8. Nam ut non dicam, dubium valde esse, an odores usque ad spatium illud, quod inter duas cerebrum involventes membranas est, penetrant, in eo differt deductio Cartesiana à Gassendistica, quod hæc in figura, illa in quantitate ponat odoris naturam, sed nec figuram tamen etiam excludat, quin & quantitatem atque figuram æque minus determinat Cartesius atque Gassendus, nisi quod dicat, aliis particulis æreis esse eam vel majorem aut minorem, vel ratione figuræ talem, ut subire dictos poros haud possit: quod ipsum nihilo plus intellectui offert, quam quod particulæ odoriferæ aliam habeant magnitudinem atque figuram, quam particulæ aeris non odo-

riferæ; hinc ergo positive nihil aliud concipi potest, quam quod particulæ odoriferæ sint corpuscula.

§. 9. Quod porro de odoribus gratis atque ingratis habet, oscitanter videtur in chartam coniecisse. Nam mediocris magnitudo aut figura ipsi dicitur odorem causari gratum, major vero & minor majori etiam atque minori vi agere, & odorem causari ingratum: ubi primo precarium est, quod major minorve magnitudo etiam majore aut minore vi agat, cum sæpe subtilitas plus efficiat magnitudine; dein nemo intelligit, quid fiat, ut, cum eæ particulæ terrestres, quæ natant in aere, & respiratione attrahuntur, cum sint minores particulis gratis, & majores ingratis quibusdam, adeoque non possint non subire illos supra laudatos spongiosi ossis poros, & in nervorum extremitates impingere, nullum tamen neque gratum neque ingratum gignant odorem. Precarium quoque valde est, quod paulo crassiores gratum efficiant odorem, paulo minores ingratum, & majoribus illis majores, etiam ingratum progignant. Nam sint particulæ inodoræ velut 4. grati odoris particulæ erunt veluti 5, ingrati veluti 6. & 3. Jam dico, natura vel excessu delectatur, vel mediocritate: si mediocritate, numerus 4. æque distat ab extremis, quam numerus 5. Nam ille duobus gradibus differt à senario, unico gradu à ternario: numerus 5. pariter unico gradu differt à senario, duobus à ternario: ergo numerus 4. æque mediocris est, ac numerus 5. Quod si natura delectatur excessu, numerus senarius magis excedit quaternarium quam quinarium.

S E C T I O II.

Nostre de odore opinio.

De iis, quæ falso ad odores referuntur.

§. 10.

Vid. præced.
C.V. §. 15. 16.

Naturam itaque odoris juxta nostra principia explicaturis primo omnium monendum est, quod, sicut supra demon-
stravi-

stravimus, tactus quasdam perceptiones confundi cum saporibus, ita vulgo quoque saporibus quidam confundantur cum odoribus. Quoniam enim capax satis ex naribus in fauces patet meatus, facile contingit, ut halitus cujusdam corporis respiratione attrahatur per nares in fauces, ibique eam præstet sensationem: quam alias in lingua & faucibus percipimus: & quoniam tamen per nares ingressus est halitus, olfacere nos putemus, id quod gustu percipimus. Sic v.g. amara, præcipue in motu constituta, v.g. aloen tritam, olfacere nobis videmur, cum tamen verius eam gustemus: hoc tam manifestum est, ut etiam in ipsis faucibus horum percipiamus gustum.

§. 11. Et forte omnis odor, qui saporis similis est, v.g. amarus, austerus, acidus, dulcis, verius sapor est quam odor, vel saltem cum sapore ita conjunctus & veluti commixtus est, ut difficulter à nobis distinguatur: unde, cum saporibus dicata sint nomina, odoribus minus, saporum nominibus compellamus odores. Vere enim quidem aliquid percipitur in ipsis naribus, ubi gustum agnosco nullum, sed hoc ipsum videtur à nobis cum eo, quod in faucibus contingit, confundi, & hinc odor dulcis vel alius saporis similis pronunciari. Sunt enim eximie dulcia, sed satis fixa, ut nulla dimittere ἀποσπαρμάτια possint, hæc etiam nullo dulci odore nares ferire putantur, v.g. saccharum.

§. 12. Vidit hoc jam, aliquo modo, discrimen Aristoteles, qui dubios hosce odores à reliquis distinguit, dum illos vocat per accidens, hos per se tales: & sicut illos concedit brutis, ita hos uni homini vindicat: quam observationem miror, quod vulgo tam neglexerint. Nam fundamento videtur niti satis solido. Verus enim odor, qualis est, cum ambram, lilium convallium & hujusmodi alia olfacimus, nullam habet cum sapore similitudinem; unde id saltem sequitur, quod ab eo, qui hanc habet similitudinem, probe sit discernendus. Etsi autem, dum illos odores per accidens percipimus, aliquem motum in ipsa narium membrana perentiscamus, perpendendum tamen est, quod illa membrana etiam tactu sit prædita, adeoque id ipsum simplex possit esse, absque odore, tactus. Nam aliàs quidem naturæ mori haud repugnat, idem ob-

De Sens. &
Sens. Cap. V.

jectura

jectum diversis percipiendum dare sensoriis, id tamen utique repugnat, ut diversis sensoriis *codem modo* percipiatur. Sic visu percipitur cubus, percipitur & tactu: sed perceptio visus simul & semel fit, perceptio tactus successive: illa colores simul concipit, hæc minus: imo si recte rem consideres, cubica figura potius per tactum concluditur, quam ut à tactu percipiatur: tactu enim latera numeramus, & hinc figuram concludimus.

Quid sit odor proprie talis?

§. 13. Est itaque odor proprie talis proprietas eorum corporum, quæ mercurio & atmosphæra gaudent tali, ut ejus corpuscula respiratione in nares promota, particularum suarum radiis attingant centra spirituum, in dictarum narium membrana hospitantium. Proprietatem corporum vocamus, neque enim odoratum describimus, sed odorem. Inhærere porro odorem proxime *mercurio & atmosphære* asserimus: quo ipso corpus solidum, quâ tale, odore destitui innuimus. Nam percipitur à corpore distanti, quietissime se habente, absque corporis, per multos annos, vel minima sui imminutione. Exemplo nobis sint ligna odora, v. g. Sassafras: hoc lignum ad minimum ad distantiam unius spithamæ à nariibus odoratur, ita etiam, ut nulla opus sit frictione: etiamsi enim per sex, septem, & plures annos, quietissime jacuerit, simulac tamen versus nares movetur, odorem spargere deprehenditur: imo, si primo probe fuerit siccatum, & lanci subiectum, post hosce annos eodem adhuc pollere pondere deprehendetur.

§. 14. Hinc vero liquet, quod id, unde proxime odor est, non sit ipsum lignum, sed ejus atmosphæra. Si enim esset ipsum lignum, ad eam distantiam non posset percipi, quin aliqua ejus ἀποπαρµάτια subinde abscedant in auras: quod si hoc fieret, cum absque ulla frictione percipiatur odor, sequitur, quod omni momento aliquæ tales particulæ solidæ debeant magno satis numero abscedere: unde si hoc continuaretur per singula septem & plurium annorum momenta, non posset non vel septimo annæ minor longe esse odor, quam primo: vel si lignum supponatur ex meris particulis odoriferis constare, ejus pondus sensibilibiter deprehendi imminutum. At
neu-

neutrum horum docet experientia : unde non ipsum corpus solidum est, quod odoramur : sed fluida ejus atmosphæra, ad spithamam usque à corpore suo sese efferens.

§. 15. Haud quidem negamus, dari etiam permulta corpora, quorum cum tempore & minuitur odor, & pondus, v. g. rosæ & camphora: aliunde vero discimus, nihilominus odorem eorum non à soliditate substantiæ suæ, sed à fluidis dependere, vel atmosphæra vel mercurio. Nempe observandum, quod lignum rhodium eundem habeat odorem cum rosis, nisi forte ita discrepantem, uti unus rosæ odor ab odore alterius differt: de ligno etiam rhodio idem observatur, quod paulo ante de ligno Sassafras recensuimus : unde ligni rhodii odor haud dubie est à corpusculis fluidis atmosphærae suæ. Quod si ergo rosæ odor esset à corpusculis solidis, cum solida haud dubie sensum alium imprimant, quam fluida, & anima diversitatem impressionis sentiat, sequitur, quod rosæ odor non possit esse talis, qualis est ligni rhodii: at est talis, & ligni rhodii odor manifeste est ab atmosphæra fluida; ergo etiam rosarum odor ab atmosphæra est, non à corpusculis solidis, quâ talibus. Quod autem rosarum odor non tam sit constans quam ligni rhodii, causa est, quod corpuscula earum non tam arcte compacta, quam corpuscula ligni, unde facillime in auras evanescent, & respiratione in nares promotæ parvulis suis atmosphæris afficiunt spiritus, quibus anima odorem percipit.

Quod respiratio, & quare, ad omnem odoratum sit necessaria.

§. 16. Antiquissima thesis est, ipsi jam Aristoteli probata, quod odor absque respiratione fieri non possit, & rationes in contrarium à Casserio allatas solide, hoc est more suo, retudit Excellentissimus Dn. Bohnius noster, contrariumque experimento Lovveriano ita probavit, ut dubium nemini superesse queat, necessariam ad odorem esse respirationem. Ideo vero necessaria est respiratio, quia hic nullus datur humor, sicut in gustu saliva, in quo contingat elasticus aliquis cum corpusculo odoro motus, adeoque, etsi ex corpuscu-

De Anima L.
II. C. IX.

Vid. Circul.
Anat. Pro-
gymn. XXV.
p. 186. &
seqq.

lo odore emicarent radii, & in nares quoque deferrentur, tamen sponte sua non invaderent spiritus, ex membrana narium prominentes, nisi respiratione in eos mechanice impellerentur: eoque ipso mens moveretur ad concipiendam odoris ideam.

§. 17. Corpuscula odora dicimus respiratione in nares promoveri, non attrahi. Etsi enim inspiratione maxime fiat odoratus, tamen expirationem penitus excludere nolimus, quoniam & hæc per nares contingit, adeoque odoratum etiam quodammodo promoveret. Neque enim in superioribus modo narium specubus atque anfractibus olfacimus, sed etiam in inferiore parte eorundum: unde sola quidem inspiratio corpuscula odora ad superiores illas partes protrudit, exspiratio tamen inferioribus quoque eadem admoveat.

De ipsa odoratus ratione, quam vocant, formali.

§. 18. Ipsam vero odoratus rationem formalem in eo ponimus, ut odoriferorum corpusculorum radii attingant centra spirituum animalium, qui nihil aliud sunt, quam particulae radiantes: unde cum aer tam prominentes particulas radiantes in sese haud foveat, etiam spirituum centra à dictis particulis non possunt attingi, & per consequens nec contingere odoratus. In eo itaque inodororum corpusculorum natura est posita, ut breviores sint promicantes ex iisdem radii, quam ut attingere dictorum spirituum centra possint: sicut odororum natura hæc est, ut ex corpusculis eorum radii sufficiente longitudine emicare possint, quo dicta centra assequantur.

§. 19. Inodora quapropter sunt ea omnia, de quibus credibile est, quod vel non habeant in sese nisi particulas ignobiliores; vel si nobiliores, radios tamen non multum ultra suas bullulas protendant. Illa de causa aer & aqua inodora sunt: hac de causa mineralia, & alia pluribus bullulis constantia, ut sulphura fixa, corallia, & permulta alia. Potest autem quoque fieri, ut corpus inodorum reddatur odoratum, si quocunque modo vel ipsius atmosphaerula augeatur: vel ejus

par-

particula nobilior in actionem cieatur. Sic ligna, quæ diuturnitate temporis, & loci, ubi fuerunt asservati, inconvenientia, odorem ex parte amiserunt, eam protinus recipiunt, si vel saliva humectentur, vel aqua. Credibile enim est, quod humor, qui hæcenus replebat poros, postquam excessit, locum suum ipsi atmosphærulæ occupandum reliquerit: unde ex peripheria retracta fuit atmosphærula in dictos, ab humore derelictos, poros: itaque si naribus admoveatur lignum, atmosphærula contractior nares debito modo ferire nequit. At si humectetur lignum, humor amissus poris restituitur, & atmosphærula iterum, ut antea circumquaque in auram assurgit, & sic naribus admota, quo antea non poterat, pertingit.

§. 20. Sed & alia ratione fieri potest, ut corpora reddantur magis minusve odora. Sic omne frigus odorem imminuit, v.g. cere: atmosphærulas enim contrahit, & minores reddit. Sic ignis sulphur, antea inodorum, jam reddit valde odorum, quoniam particulas radiantes corpusculorum ad radiandum incitat, ut sic quæ antea spirituum centra attingere nequibant, nunc assequantur. Sic cera Hispanica odorifera, qua literas obfirmamus, fricata, odorem spargit, quem antea continebat. Nam atmosphærulæ ejus corpuscula videntur nimis particulis ignobilioribus turgida, quo ipso proferunt cælum bullulæ, usque ad extremitates nobilioris: unde si cum respiratione offerantur spiritibus, attingere horum centra suæ particulæ radiis haud potest bullula: at si frictione excutiantur particulæ ignobiliores, reducitur bullula, & radii particulæ longius effertur, ut assequi dicta centra possint.

§. 21. Ultimum hoc phænomenon etiam alio contingere modo potest, si nempe frictione quædam corpuscula decidantur, & cum respiratione in nares adducantur. Hæc scilicet erit vera ratio, si forte aliunde constet, quod dicta cera breviorē habeat atmosphærulam, ut per se nunquam nares recte satis assequi valeat. Nam experientia docet, quod aliqua corpora eminentiam debitam radiorum, ad odorem requisitam, habeant, atmosphærulam vero tam brevem, ut pertingere satis intra nares haud possit: quod inde apparet, quoniam, quando tota offeruntur naribus, nullum exhibent odorem, at quando in partes satis exiguas comminuuntur, vel con-

tundendo ea, vel limando, vel solvendo, odorem præbent satis acutum: hoc modo & lapides & metalla odore non penitus destituuntur. Sic enim corpuscula cum aere feruntur ad nares, & brevi sua atmosphæra, radiis tamen æthereis sufficienter porrectis, prædita afficiunt spiritus: nam minimi corpusculi atmosphæra tanta est, (aut saltem non multo minor) quanta est totius corporis.

Quod odor non sit effectus solius particule radiantis.

§. 22. Etsi vero hunc effectum in spiritus nostros, quem odorem vocamus, particularum attractui ad centrum spirituum attribuamus, necessaria tamen quoque est bullula, in qua hospitetur particula, ut adeo sola hæc, etsi forte quoque tum respiratione attrahatur, odorem præstare nequeat. Nam primo hoc docet experientia, quod lumen atque calorem nemo odore percipiat: item quod canis exactissimo odoratu præditus selem, vel quodcunque aliud corpus, in quod fertur, non olfaciat. Dein etiam à priori hoc potest demonstrari, quoniam particule radiantes non libere pervagantur aerem, sed ubique radiis suis in vacua bullularum irradiant, adeoque si vel maxime deferrentur in nares, singulis tamen radiis præferrent bullulam, cujus interna particula prominens per bullulam attingeret membranam, & adeo minime illa particula, quæ extra bullulas aeris atmosphærici vagari sumitur.

De odoris suavitatis & graveolentia.

§. 23. Et in hoc quidem odoris & odoratus natura consistit. Dividi odores possent varie: sed nullus magnopere apparet hujusce divisionis usus. Est tamen divisio utilissima odoris in gratum & ingratum, ex hujus enim accurata cognitione multa possunt intelligi, ad sanitatem nostram perquam proficua. Sicut ergo ad omnem odorem requiritur, ut olidi corpusculi porrecti radii centrum particule radiantis, quæ spiritus animalis vocatur, attingant; ita quilibet per se æstimare potest, quod vel mediocriter afficiatur illud centrum vel impetuosius, & hinc illius odor suavis sit, hujus

jus insuavis. Clarius autem & verius ita se res ista habet : particula radians nobilior centrum spiritus animalis attingens, vel ita illud attingit, ut hic iterum retro radiando centrum particulæ corpusculi olidi attingat, vel ut centrum spiritus animalis attingatur quidem, non vero iterum assequatur centrum particulæ corpusculi; prius si fit, *odor suavis* est; sin posterius, *insuavis* est.

§. 24. Quod autem animæ suavis sit huiusmodi odor, aperta satis est ratio. Talis namque particula homogenea est spiritibus nostris, cum utriusque radii eandem habeant longitudinem, adeoque tota particula eandem quantitatem, & hinc quoque eandem naturam. Etsi enim alias à similitudine radiorum ad similitudinem particulæ non valeat consequentia; cum particulæ in centro inæqualiter stimulata inæquales promittant radios; hic tamen tale quid contingere haud potest, quoniam non per elasticum motum olfacimus, sed per merum impulsu mechanicum, ubi particulæ odora vel plane non sunt in connexionem cum aliis, vel in nexu admodum leni, si nempe tota sentiatur atmosphæra: unde homogeneitas particularum odorarum manifesta est. Homogeneæ tales particulæ cum maxime inserviant muniis mentis & animæ, utpote nobiliores, gaudet anima præsentia corporis, ex quo spiritus suis muniis obeundis aptos foenerari potest.

§. 25. Notandum vero hic breviter est, quod nos, ex rationibus hic non explicandis, existimemus, quod particulæ radiantes nobiliores inserviant primo munitis mentis, nempe cogitationi atque ratiocinationi; dein ubi paululum cogitando fuerint detrita, inserviant etiam animæ ad perficiendos humores corporis sui, qui sive salibus consent, sive sulphuribus, particulis indigent nobilioribus: at vero si dictæ particulæ nimia vi radiativa vigeant, satis quidem valent ad munia mentis obeunda, humoribus vero præparandis quando adhibentur ab anima, rumpunt bullulas, vel saltem corpuscula reddunt majora, quam ut uniri recte satis cum humoribus queant, unde generatur pituita. Cum ergo odor ingratus tales, nimium radiativas atque nobiles, particulas animæ, per communicationem mentis (immediate enim easdem sentire anima haud potest)

offerat, horret particulas suis operationibus inimicas, & in hoc consistit ratio graveolentiæ.

§. 25. Hæc autem ita vere se habere, etiam experientia confirmat: Hæc enim docet, quod maxime forteant putredinosa & concremata, & hæc quidem maxime, si antequam concremarentur, nullo singulari odore erant prædita: sic luna, crines, ligna permulta fortent accensa, cum integra vel nullum, vel exiguum, proderent odorem. Nempe, antea corpusculorum suorum radii minores erant, quam ut centra spirituum assequi valerent, nunc vero cum ab igne fuerint animata particula nobiliores, latius diffundunt radios suos, eoque ipso fiunt odora: & foetidum quidem ideo spargunt odorem, quoniam bullulis continentur ignobilioribus, quæ actioni particularum minus resistunt, porosque habent minus strictos, adeoque emicationi radiatorum magis faventes. Unde non omnia corpora concremata adversum spirant odorem: sicut exemplum fabarum, quæ Cassiæ vulgo dicuntur, id manifestat.

§. 26. Dubium vero est, quomodo bene odorata & fragrantia, concremata eundem odorem suavem spargant, quem antea offerebant naribus, cum tamen, utpote eadem ratione, qua inodora, multo magis graveolere deberent. Nec diffiteor consequentiam: sed fallacia subest experientiæ. Nam talia corpora usta vere satis graveolentiæ naribus exhibent, dummodo caute distinguas inter corpuscula odorata integra, ab igne in auras disiecta, & vere concremata: hæc semper sunt foetida. Accipe v.g. Schacharillam, succinum, ceram &c. accende, primo spargetur jucundus odor, qui est ab avolantibus corpusculis integris odoratis; perge concremando, sic paulatim sequetur deterior atque tetrus odor. Schacharilla præcipua commoditate id docet, quoniam melius accendi potest, quam reliqua: sic enim primo prodit fragrantia, sequitur deinceps, quando candens ejus pruna fumum emittit, odor satis adversus.

§. 27. Corporum quoque putredinosorum nota est graveolentia. Nam dum putrescunt corpora, particulae radiantes avolant: vix autem ita penitus exolvi possunt, quin bullulis induta, adeoque sub corpusculorum forma emigrent. Ea vero maxime corpuscula

scula in auras avolant, quæ nobiliore aliqua particula radiante sunt foeta, quoniam hæc omnium potentissima est ad elevandum suum corpusculum: sic vero hoc ipsum, ubi vindicatur in libertatem, longius exporrigit suos radiolos, quam ubi adhuc in consortio corporis sui hæreret, & undique à resistantia aliorum corpusculorum reprimerentur radii ejus: unde ad nares delatum eminentioribus radiis vehementius in centrum spiritus animalis impingitur, eoque ipso tetrum illum offert odorem.

De alia adhuc odorum divisione, in odore corpusculorum atque corporum.

§. 28. Aliud adhuc deprehendo dividendorum odorum fundamentum, hætenus subinde insinuaturn, quo observamus objectum odoratus immediatum sæpius esse corpuscula, à corpore suo decisa, & per aerem volitantia, sæpius esse ipsas corporum atmosphæras, illorum odorem, odorem corpusculorum, horum vero, odorem corporum vocabimus. Sic itineraria docent, quod cinamomum, & mala aurantia ad quinquaginta usque milliaria odorentur navigantes: quorum odor necessario ab effluviis esse debet: at exemplum, à nobis supra de ligno Sassafras allatum, ostendit, quod illius odor non possit esse ab egressis à corpore corpusculis. Unde erroneus est eorum conceptus, qui putant, odorem omnem à corporum dependere effluviis.

Quare mulieres hysterica suaves refugiant odores.

§. 29. Ex sic conceptis odorum ideis reliqua, quæcunque de odoribus occurrere possunt, facile intelliguntur: potiora tamen, & ubi applicatio difficilior est, ipsi persequamur. Ex horum numero est mirum illud phænomenon, quo mulieres, passioni hystericae quæ sunt obnoxie, male à suavis, bene à tetris observantur habere odoribus. Scilicet supra demonstravimus, quod anima
bonis

bonis odoribus exhilaretur propter homogeneitatem particularum, quas suaves odores offerunt : unde cum dicta passio hysterica sit motus naturæ excretorius , quo natura in pituitam è corpore , & utero maxime, expurgandam fertur , sentiens tam convenientes sibi spiritus, alacrius adversus materiam peccantem insurgit, quo ipso pejus habet ægra : cum vero graveolentia sentiat anima suis operationibus ineptos advehere spiritus , horrore veluti percellitur , & à vigore expulsionis desistit, quo ipso motus cessant, & melius habere ægra videtur.

§. 30. Sicut vero unius odoratus sensibilior & acutior est odoratu alterius, sic & anima , *nullo quinque notorum sensuum*, sed peculiari sibi modo sentiens, sensibilior in una foemina est, quam in altera : hinc fieri potest, ut aliquæ mulieres neque pejus habeant à suavis, neque melius à tetris odoribus; illæ videlicet, quorum anima minus est sensibilis. Huc accedit, quod etiam non omnium animæ, siue naturæ, æquo vigore excretiones moliantur.

Quare odor nimis propinquus sit ingratus, cum idem remotior sit gratior.

§. 31. Tale quoque phænomenon est, quo odor nimis propinquus deprehenditur ingratus, qui ipse tamen paulo remotior gratiam adsciscit. Nempe odor propinquus confertim ex fragrant corpore crumpit, & adeo non modo unum & alterum corpusculum cum inspiratione defertur ad nares, sed unum hoc modo insequitur alterum, adeoque posterius eminentia radiorum suorum percellit anterius, quo ipso hoc enixius radiat, adeoque vehementius, quam pro corpusculo odorato, centrum spiritus invadit, & hoc ipso tetrum efficit odorem. Hæc ratio cum cesset, si corpus odorum magis distet, mirum non est, quod contrarius deprehendatur odor.

§. 32. Hæc eadem quoque subest ratio, si alio phænomeno observamus, quod recentia corpora tetrum spirent odorem, v. g. castoreum; vetustiora, gratum: item quod corpora, quibusdam odoribus largius infecta, odore sint ingrato, cum parcius iisdem tincta suavissimo deprehendantur prædita, v. g. linteolum essentia moschi

ſchi madefactum. Nam in recentibus ſingularis eſt effluvi-
orum aſ-
ſluentia, unde, ſi unum corpusculum odoratum pellit alterum, quod
ultimum eſt, inſolito vigore in centrum ſpiritus animalis irradiat, quo
ipſo anima ingratum odorem percipit: eadem quoque eſt ratio odo-
ribus largius inſectorum.

Quare homo magis delectetur odore ſuavi, quam brutum.

§. 34. Cæterum non videtur de nihilo eſſe, quod ſupra ex *vid. §. 12.*
Ariſtotele retulimus, odoribus ſuavibus ſolum delectari hominem,
non iridem bruta. Etſi enim illud aſſerere nolim, quod bruta non
percipiant ſuaves odores, quandoquidem terroſos percipiunt & aver-
ſantur, illud tamen videtur probabile, quod ſuavibus haud delecten-
tur perinde, ut homo. Neque enim obſervamus, canes & plera-
que alia bruta nares admove-
re liliis roſiſque, iisdemve odorando
incumbere, ſicut ſolent dominorum ſemitis. Et quamvis apes flo-
res, ſeſe thymum atque valerianam avidè perſequantur, hinc ta-
men nondum conſtat, quod delectatione odoris id faciant, cum &
alias valeriana potius ſœteat, quam gratum odorem ſpiret. Poſſunt
enim quacun-
que alia de cauſa appetere hæc vegetabilia, vel propter
cibum, ſicut manifeſte hoc apparet de apibus; vel propter aliquem
ipſius naturæ impetum, ſicut mulieres pica laborantes ea appetunt,
quæ nec guſtui grata ſunt, nec odoratui.

§. 35. Et quoquo modo ſe res habeat, illud ſaltem conſtare
videtur, quod odoribus ſuavibus magis delectetur homo quam bru-
tum: cujus phænomeni ea mihi videtur eſſe ratio, quod talis odor
index particularum radiantium nobiliorum ſit, & iis maxime ad ra-
tiocinandum ſit opus, quandoquidem ex aliis perſuaſus rationibus
ſum, quod aliis non peragatur ratiocinationis negotium. Dum ergo
natura præ brutis appetit odores, id appetit, quo ad ratiocinandum
opus eſt: qua ratiocinandi facultate cum deſtituantur bruta, mirum
non eſt, quod nihil morentur ſuaves odores.

De canum ſagacitate.

§. 36. Clarum quapropter eſt, quod iis odoribus non dele-
ctentur bruta, quibus delectantur homines, at annon alii fortaſſe ipſis
Ecce ſint

sint grati, qui nobis vel ingrati, vel indifferentes sunt, dubitare suadet canum sagacitas. Posset enim videri, quod canes tam avide perquirant vestigia ferarum, vel dominorum suorum. Sed probabilius videtur, quod hæc canum solertia ab idearum connexion sit, quam ab odoris delectatione. Scilicet, idea odoris, quam & in vestigiis feræ & domini percipiunt, subinde connexa est cum idea cibi, quem à domino accipiunt, vel ex feris ipsis capiunt: etsi enim canes venatici soleant abstinere ab esu ferarum, tamen id non natura faciunt, sed adsuefactione. Sicut ergo amasius solet amore capi, si cultrum videat, qualem amasia ejus solet gestare, non quod in cultro sit quiddam amabile, sed propter connexionem idearum; ita canis percepta idea atmosphærulæ vel ferarum vel domini, non ducitur gratia odoris, sed cibi. Si enim odore delectaretur, calceos domini, cum domi est, singulariter amaret, iisdemque immineret.

§. 37. Sed unde tamen est tanta hujus sagacitatis subtilitas? Verissimam puto eorum rationem, qui dicunt, canes & animalia sagacia quæcunque, non tot odorum ideis confundi, quam vel homines, vel alia bruta. Quod vero non æque confundantur, ratio videtur esse in singulari, & forte imperceptibili narium structura, qua nulla alia, nisi animalia corpuscula, ad odoratum admittantur, nullaque adeo vegetabilia. Hanc singularem structuram invisibilem suadet singularis structura ossium turbinatorum jam pridem ab anatomicis observata. Quo etiam referenda est Aristotelis quædam non illepidam meditatio, qua putat hominem male odorari, dum nihil odoraret, sine molesto aut jucundo, quo ipso indicetur, quod sensorium ipsius non sit satis accuratum: nam & qui debilitate visus laborent, non aliter distinguere colores, quam per terribile & non terribile.

Vid. Arist. de
Anima.
Lib. II. c. IX.
sub finem.

Lib. II. de
Anima
Cap. IX.

S E C T I O III.

De usu doctrinæ de Odore in prudentia circa sanitatem.

De recto odoratorum usu.

§. 38.

Supra jam demonstravimus naturæ gratia odoratus nos mactantis intentionem: huic intentioni porro insistendum, ut recte versemur circa odorata. Observandum quapropter est, quod pauciora generavit natura odora, quam inodora: & quod tota Idumæa vix uno anno tor gignat odores, quot vel unum modo celebriorum emporiorum asservat. Sequenda autem natura est, & deferendæ sunt commerciorum delitiæ. Natura nobis dedit voluptatem odoratus, cum nondum congesti ab hominibus essent odores, sed per agros dispersi, ut studiosius ea perquireremus alimenta, quæ particulas nobiliores ad ratiocinandum necessarias, copiosius fovent: quos odores ita dispensaverat natura, ut nemo eorum nimia copia posset obrui.

§. 39. In his autem, quibus jam affluimus, commerciorum delitiis, sapida & odora non amplius operâ quærentium constant, sed opibus: unde felices adhuc pauperes sunt, qui commerciorum delitiis abuti nequeunt: in periculo autem vitæ versantur divites, qui odorum voluptatibus abrepti sibi quotidie, quod vitæ terminum ipsis citiorem statuatur, coëmunt: & quo feliciores se cæteris existimant, eo ipso longe sunt miseres. Testatur hoc divitum morbi, calculus, podagra, febres, plethora: testatur hoc brevis vitæ, & afflictior de cætero etiam valetudo.

§. 40. Sed & à priori demonstrari nostra potest assertio: Humores corporis nostri, quando summam sibi acquisiverunt perfectionem, perfecte sunt dulces: dulcia vero corpuscula unicam in se se fovent nobiliorem particulam radiantem, ignobiliores plures: ergo quales debent esse humores, tales debent esse cibi, jam vero humores pauciores habent particulas nobiliores: ergo etiam paucioribus

ribus cibus & potibus, qui talibus constant, urendum: odorata vero etsi non numero plures habeant nobiliores quam ignobiliores, tamen respectu nostri omnino plures habent, quam debebant, si copiosius ingerantur.

§. 41. Nemo itaque, cui valetudo sua curæ cordique est, pluribus odoratis, vino v. g. aromatibus & similibus uratur, quam credibile est, quod solertia sua conquirere possit, si homines destituerentur pecuniis atque commerciis, cibosque per agros conquirent: hic enim est status, quem natura respexit, dum odoratum indulgit. Nemo credat pauperibus solum nata esse *insipida & inodora*: nam ignobiliores particulæ multis finibus vitæ animalis aptiores sunt, quam nobiliores, v. g. quando particulæ terrestres sanguinis, nostra opinione, in hepate sunt in salem mutandæ, hinc per urinam excernendæ: sine qua mutatione in salem, valetudo nullatenus potest sancta esse atque salva.

§. 42. Et hæc est ratio morborum chronicorum, quorum vitium intelligentiores medici, & antiquiores & recentiores, recte ponunt in hepate: & hi morbi ob nullam aliam rationem ditioribus frequentius obveniunt, quam pauperibus, & bestias omnium rarissime affligunt, quam, quod divites instructas odoratis mentas habent, quibus remissius luxuriant pauperes, plane destituuntur bestiæ: unde vere dici potest, quod in esu atque potu, si imitatione magis, quam ratione, duci velint homines, *non debeant imitari homines*, sed bruta: & stulta est quarundam linguarum arrogantia, quibus modestior latina est, dum propriis vocabulis contemptum notant brutorum esum atque potum, qui contemptus longe verius in hominum luxuriam esset conjiciendus.

De usu odoratorum speciali, intuitu temperamentorum.

§. 43. Et hæc quidem generaliter circa odorata observare par est. Longe magis autem nociva sunt odorata hiis, quam illis. Magis ea ferunt melancholici, mediocriter sanguinei & phlegmatici, omnium minime cholericis, maxime si ventriculo, uti solent, valcant.

valeant. Ventriculus enim fortis ex inodoris quoque cibis atque potibus nobiliores particulas eruit, quod non æque facit debilior, adeoque non tam indiget odoratorum subsidio: quodsi odoratis nihilominus vescatur, abundat caput particulis nobilioribus, unde primo dolet, mox natura dolore excitata abundantiam horum spirituum ad sanguinem, solenni sibi motu deturbat, hinc humorum quædam corpuscula, quæ à deturbatis spiritibus feriuntur, magis expanduntur reliquis, & sic fiunt heterogenea: hæc secessum faciunt à reliquis, & sibi invicem adhærentes pituitam, bilem, aliosque vitiosos humores, constituunt.

§. 44. Natura ubi peccantem hanc sentit materiam, protinus adversus eam insurgit, tussēs, coryzas, diarrhoeas, vel ubi exitus non æque callide invenit, spasmos, concitando, quibus veluti excutere materiam molestam aggreditur: sæpe tumoribus, sæpe sudoribus, aliisque motibus, excussioni materiæ molestæ intenta, utitur. Quodsi nihilominus plus pravæ materiæ accrescit, quam ipsa ejicere valet, obstructions oriuntur, hinc morbi chronici, hinc mors. Frustra hauries hic medicinas, nisi diætam mutaveris, qua recte mutata, vel exigua medicamenta, ad stuporem usque, sunt profutura. Recta illa diætæ mutatio in eo consistit, *ut per aliquod tempus*, v. g. tres pluresve menses, *nihil edas atque bibas, nisi quod odore & sapore præditum est perquam exiguo.*





CAPVT VII.

*De Tactu,**itemque**Corporum soliditate & fluiditate.*

S E C T I O I.

*De his quid sentiant**Aristoteles, Cartesius, & Gassendus.*

§. 1.

De Histor.
Animal
Lib. I. C. XV.
De Part. A-
nim.
L. II. C. VIII.



Actum è sensibus omnibus exquisitissimum homini, dein gustum, pronunciat Aristoteles, eundemque primum alibi dicit, de ejus vero natura maxime in Lib. II. de Anima disputat. Illud autem ibidem potissimum agit, ut inquirat, an peculiaris sensus sit tactus? cum & reliqui sensus tangendo contingant. Hunc in finem de objecto tactus quærit, & respondet, *ὅτι ἐστὶν ἐκδηλον*, non est manifestum. Equidem sub finem hujus capituli, inter tangibiles differentias, calidum, frigidum, humidum & siccum, nominat, sed tamen in tactu neque calidum neque frigidum esse, expressis proficitur verbis, sicut & album & nigrum, neutrum eorum sit actu, potentia vero utrumque.

Cap. XI.

§. 2. De sensorio autem imprimis est sollicitus, an caro sit sensorium, an aliquid intimius? Neque enim inde probari, carnem esse sensorium, quod simulac tangatur objectum, sensus contingat,

tingat, nam & si quis tenuem membranam circumdederit carni, simulac tanget aliquod corpus, percipi tactum, etiam si membrana non sentiat. Eo quapropter inclinatur, ut carnem non habeat pro sensorio, sed pro medio, sicut aer est in sono & visu: & hic aer si circumcirca nobis esset admotus, nobis videremur & sonum & colorem uno quodam corpore percipere, sicut id, quod tactu sentimus. Quod igitur hic sit verum tactus sensorium, non adeo exprimit, id solum contendens, quod non sit caro, sed aliquid intimum (*ἰνρόν*).

De Part.
Anim.
Lib II. C. X.

§. 3. Sicut autem hoc *intimum* relinquit satis dubium, ita alio modo quaestionem expedire tentat, dum perscrutat, an uno eodemque modo singuli fiant sensus, an alii aliter: postremum cum ipsi placeat, ita distinctionem tactus invenire conatur, ut observet, alios sensus immediate fieri, uti tactus atque gustus; alios mediate, ut reliqui: mox tamen memor priorum, hoc quoque fundamentum destruit, cum & tactus & gustus æque minus immediate fiant, atque sonus, visus & olfactus. Aliud itaque dividendi fundamentum perquirens, ait, quod gustus & tactus in eo differant à reliquis sensibus, quod in visu, auditu atque gustatu medium nobis faciat aliquid, nempe aer vel lumen in sensorium agit, in tactu vero atque gustu medium nihil agat, sed simul patiatur cum sensorio, dum & lingua & caro simul afficiuntur. Sic vero gustum quidem ad tactum refert, quem tamen organo seu sensorio distinguit, quod reliqua caro non percipiat gustum; dicit enim: *ἐν μὲν ἂν ἡ ἀλλή σὰξ ἡ δ' αὖτε τοῦ γεύματος, ἰδοὺκεν ἂν ἡ αὐτὴ καὶ μὴ εἶναι αἰσθῆσις, ἡ γινώσκῃ καὶ ἡ ἀσφῆ. τὴν δὲ δύο, διὰ το μὴ ἀνιέρεσθαι, id est, si ergo alia caro sentiret saporem, posset videri unus idemque sensus esse gustatus atque tactus: jam vero duo sunt, quoniam (ratione sensorii) se non habent reciproce.*

De Sens. &
Sens. cap IV.

De Anima.
Lib. II. c. XI.

De soliditate & fluiditate.

§. 4. Hæc habet de tactu. De soliditate autem & fluiditate nec hic agit nec alibi, utramque enim numero elementarium qualitatatum habet, dum dicit: *ἡ θύμια δὲ ὑγρὰ σώμα, ὕδαρ, ξηρὰ δὲ γῆ, i. e. ponimus vero humidi (seu fluidi) corpus aquam, sicci* (seu

Vid Gassend.
Animadv.
T. I. p. m.
176.
Meteorol.
Lib. IV. C. V.

- (seu solidi) *terram* : nisi forte referre huc velis id, quod de duro habet & molli, dicendo : ἐστὶ δὲ σκληρὸν μὲν, τὸ μὴ ὑπέκχειν εἰς αὐτὸ κατὰ τὸ ἐπίπεδον, id est, *durum est, quod non cedit in seipsum, secundum superficiem* : μαλακὸν δὲ τὸ ὑπέκχειν τῷ μὴ ἀνιπεριεῖσθαι, id est, *molle autem, quod cedit, ita quidem, ut non circumflet*.
- e. v. & seqq. Cæterum id maxime agit dicto loco, ut quomodo concresecant corpora, & humida seu fluida fiant, demonstret; nempe concresecere corpora, aut calore aut frigore, dicit enim : ξηραίνειν δὲ πάντα ἢ θερμαίνοντα ἢ ψυχόμενα, id est, *exiccantur autem omnia, aut quando calefiunt, aut quando frigesunt*. Humectationis autem duplicem ponit modum, unum, quando frige factus in aquam cogitur spiritus, (respirationem videtur indigitare) alterum, quando aliquid liquefit.
- ibid. c. VI.

§. 5. Desideramus in hisce singulis, quod nullibi appareat vere physica explicatio, vel tactus, vel soliditatis atque fluiditatis. Debebat enim determinari, quodnam sit tactus objectum, quodque proprium sensorium, de utroque autem dubium relinquit lectorem. Soliditas & fluiditas falso habentur ab ipso pro qualitatibus elementaribus, cum utriusque natura ex veris elementis possit explicari, atque demonstrari: definitiones duritiei & molitiei non primariæ sunt, sed secundariæ, ostendentes, non quid vere sit utraque, id est, quæ utriusque causa substantialis, & quis modus phænomenorum sit, sed solum quomodo utriusque phænomena à sensu percipiantur.

Cartesii sententia.

- De Homine
P. III. §.
XXVII.
- §. 6. Cum tactus natura maximam partem sit vere mechanica, satis sobrie de eo philosophatur Cartesius, quando ait, inde à cerebro per totum corpus dispersa esse quædam filamenta, quæ prout diversimode moveantur ab objectis, sic diversam hinc animæ enasci perceptionem. Et quidem, si tanta vi trahantur ista filamenta, ut rumpantur, vel à parte, cui adhærent, separentur, dolorem percipi; sin solum trahantur, & nec à parte sua separentur, titillationem.
- ibid. §. XXIX.

§. 7. Quodsi plura ejusmodi filamenta simul æqualiter trahantur

hantur, animam sentire æqualem & lævem esse superficiem corporis, sin inæqualiter inæqualem & asperam. Quod si singulæ seorsim nonnihil concutiantur tantum, ut id continuo sit à calore, quem cor cæteris partibus communicat, animam nullum inde sensum habituram, putat. At si augeatur vel diminuatur hic motus à causâ quadam extraordinaria in his filamentis, auctio caloris, diminutio frigoris sensum, in anima excitatura putatur: & si aliis modis moveantur, alias etiam qualitates ad tactum in genere spectantes, ut humiditatis, gravitatis, siccitatis & similibus, perceptum iri, statuit.

§. 8. Hæc omnia vera satis sunt, quatenus ad illud principium, unde omnia deducit Cartesius, nempe mechanismum mathematicum, pertinent. Cum vero tactus etiam, in percipiendis calore & frigore, à motu quodam physico, qui ex mechanismo illo mathematico haud potest intelligi, afficiatur, in hoc explicando neutiquam id dicit, quod ullatenus probabile sit. Nemo enim percipit, quomodo à calore corporis nostri ordinario singula filamenta seorsim concutiantur tantum, cum filamenta agnoscenda sint tam copiosa, ut per minima quævis puncta sint disseminata: hinc cum corpuscula sanguinis non seorsim deferantur in musculos, non possunt non simul plura movere filamenta.

§. 9. Hæc eadem quoque causâ effecit, ut in doctrina de duritie & fluiditate, quæ proprietates sunt tantum physicæ, neutiquam mechanicæ, pariter fuerit hallucinatus. Has autem ita explicat: Sumit sibi id, quod omni sensui repugnat, fluidorum nempe minimas particulas motibus à se mutuo diversis agitari, durorum vero particulas juxta se mutuo quiescere: & ut dubium hoc solidissimum, quomodo nuda quies possit aliquam parere soliditatem, cohesionem, atque duritiem, audacia retundat, *neque profecto*, ait, *ullum glutinum possumus excogitare, quod particulas durorum corporum firmitus inter se conjungat, quam ipsarum quies.*

Princ. P. II.
§. LIV.

Ibid. §. LV.

§. 10. Et quamvis nulla ratione hoc ipsum probare possit, gravi tamen vultu dilemmaticam præ se fert demonstrationem, vere tamen nugatoriam. Dicit: *Quid enim esse posset glutinum istud? Non substantia, quia cum particule istæ sint substan-*

tie, nulla ratio est, cur per aliam substantiam potius, quam per seipsas jungerentur: non etiam est modus ullus diversus à quiete; nullus enim magis adversari potest motui, per quem istæ particule separentur, quam ipsarum quies. Atque præter substantias, & earum modos, nullum aliud genus rerum agnoscimus. Si faciem dilemmaticam videas hujus demonstrationis, videretur esse quantivis pretii; si propius accedas, phantasma est.

§. 11. Quæ enim quæso futilitas est, dicere, quod glutinum istud non possit esse substantia, ideo quia particule istæ conjungenda sint substantiæ; quasi vero duæ substantiæ non possint conjungi per tertiam, v.g. duo lapides per calcem. Quod vero attinet ad id, quod porro de modo argutatur, ibi, ut cætera taceam, sibi sumit, quod aperte falsum est, nempe quod nullus modus magis adversari possit motui, per quem istæ particule separentur, quam ipsarum quies: dico enim, implicatio istarum particularum magis adversatur isti motui, quam simplex earum quies. Quod autem hic asserimus de implicatione, illud quoque verum est de irradiatione elastica, quam nos statuimus.

§. 12. Quam addit de fluidorum motu, demonstratio, æque falsa est, non tamen æque paucis refutanda: aliunde autem lector, quem affectus in neutram inclinat partem, facile inanitatem hujus assertionis intelliget, si cogitet, quod nemo unquam, vel nudo oculo vel armato, particularum fluidi hunc internum motum viderit. Nam etsi minutæ elementorum tantillulæ esse possint, ut nec oculo armato possint discerni, motus tamen deberet perspicui, cum una particula mota semper plures moveat, atque si, uti ait Cartesius, singulæ fluidi particule moveantur, non possit non totum fluidum subinde moveri, qui motus vix, ac ne vix quidem, oculum armatum posset fugere. Cogitet porro, quod ista agitatio particularum non possit non sibi invicem occurrere, adeoque paucio tempore privari motu, sicut omnia mota, quæ sibi invicem occurrunt: at per multos annos conservari fluida bene obturata possunt, ita ut nullum extet exemplum, quo unquam soliditatem induerint. Et demum, qui poterit, si quis velit esse Cartesianus, sibi concipere particulas motibus à se mutuo div-

versis

versis agitari, ut nullum, ne minimo quidem temporis momento, patefcat vacuum?

Gassendi opinio.

§. 13. Gassendus de tactus generali ratione nihil habet, quod annotari mereatur, de qualitatibus vero tactilibus ex mente Epicuri ait, quod aliquæ videantur pendere ex ipsis principiis, sive atomis, quatenus inane interceptiunt, quo pacto creari posse videntur raritas & densitas, quæque ex illis consequantur, perspicuitas, opacitas. Cæteras autem videri pendere ex principiis, quatenus sint suis illis tribus proprietatibus præditæ, & nonnullas quidem juxta singulas; ut cujusque rei magnitudo seu quantitas, quæque consequuntur, ut subtilitas & hebetudo; itemque figura, & quæ consequantur, lævor & asperitas, & rursus vis motrix, ac tum univærsæ facultas, & qui ipsum in plerisque juvat, perficitque habitus, tum speciatim, quæ gravitas levitasque appellatur.

Animadv. L. I. p. 158.

§. 14. Nonnullis vero proprietates tactiles ex dictis atomorum proprietatibus pendere juxta compositas, sive acceptas simul plures, cujusmodi sint, quæ primariæ vulgo habeantur, calor, frigus, humiditas, siccitas; & quæ ex ipsis deduci soleant, durities, molli-
ties, flexilitas, ductilitas cæteræque consimiles.

De fluiditate & soliditate.

§. 15. Sicut vero hæc generaliter nullo magnopere vitio, si atomorum figmentum concedas, laborant, ita apertius se prodit insufficientia horum principiorum in doctrina de fluiditate & soliditate, quam firmitatem vocat. Non autem aliunde fluiditatem oriri putat, quam ex eo, quod atomi, seu particulæ, ex quibus corpus fluidum constat, spatiola intercepta habeant, & sic inter se dissociatæ sint, ut sint invicem mobiles circum superficiæculas, quibus se contingunt. Hoc ipsum primo per acervum granorum frumenti, dein ex sabulo & quolibet pulvere probat, contenditque motum horum, quo petunt declivia, non alium esse, quam motum fluiditatis aquæ: nec ullam intercedere differentiam, quam quod granula, seu corpuscula, ex quibus acervus, seu majoris moles, &

Ibid. p. 177.

cumulus aquæ contextitur, sint incomparabiliter minora, tenuioraque, & incomparabiliter angustioribus intercepta spatiolis, quam concipi corpuscula valeant cujuslibet pulveris, quem deterere artificio liceat. Huc accedere, quod acervus tritici, eadem ratione, quomodolibet dividi, effundi, & accommodari ad figuram vasis recipientis possit, prout aqua.

§. 16. Huic suæ hypothesei inserviens, credit, quod non alia ratione differat aqua, quæ est intra lebetem igni superpositum, & fumus ex ea adscendens, quam quod aqua sit corpus densius, & fumus (vaporem intelligit) idemmet sit corpus, sed rarius. Quod autem aqua videatur esse quippiam continuum, secus ac acervus tritici, sabuli, cineris, id inde evenire, quod quo grana minutiora sint, eo spatiola magis intercipientur, quæ insensibilia sint, corpusque ex ipsis constans, videatur minus interruptum, seu, quod est idem, magis continuum: quod ut clarius constet, jubet cum acervo lapidum conferre acervum nucum; cum hoc acervum tritici; cum hoc acervum sabuli; cum hoc acervum cineris, & animadvertere, quod, quo minora sint corpuscula, eo totum magis videatur esse continuum: hinc etiam duplicem in metallo considerat fluiditatem, alteram, si in pulverem reducitur minutissimum; alteram, si eliquatur.

§. 17. De firmitate vero seu soliditate credit, eam non aliunde esse, quam, quod atomi seu particule, ex quibus corpus firmum constat, ita se contingant premantque ad invicem, ut singule aut nullo modo, aut ægerime dissociari, ac secundum superficieculas, quibus se contingunt, ob non intercepta aliunde spatiola, emoveri valeant. Triplici aurem modo conjungi hæc particulas statuit: primo, dum hamulis uncinulisve suis se invicem irretiant & continent: secundo, dum introducantur extraneæ atomi, quæ partes aliquin mobiles contineant, v.g. si frigorificæ atomi introducantur in aquam: tertio, dum atomi introductæ in corpus aliquod, corporique hætenus fluiditatem conciliantes, iterum excluduntur, v.g. si metallum liquefactum iterum frigesit.

§. 18. Sed (1) quantum ad doctrinam de fluiditate, dico, non conspirare cum phænomenis hanc hypothesein: nam toto cælo differunt pulvis & corpus fluidum; fluidum namque quo minus est fluidum,

fluidum, eo difficilius petit declivia, ſic v.g. molle corpus, quale ſyrupus eſt, lentius per declivia decurrit quam aqua: at nuces v.g. aut ſi ita mavis, grana papaveris, promptius per declivia elabuntur, quam cinis aut pulvis antimonii diaphoretici: porro igne expanduntur omnia fluida: at multi pulveres eidem haud auſcultant: item, inter fluida manifeſte conjunctio eſt, inter pulverem nulla: item, inter particulas pulveris aer eſt, & quidem atmophæricus, inter fluidum vel nullus vel exiguus, ſaltem, quicumque ſit, atmophæricus non eſt: nam aer ex aqua aſcendit, ſi per tubulum inſeretur; jam vero ſi aer atmophæricus eſſet in aqua, conjungeretur cum ea inflatus aer, & per conſequens non ſtatim aſcenderet: futile eſt, quod dicunt, aerem premi ab aqua in altum, nam quare non potius prematur deorſum, nemo dicere poteſt: & quare non propria ſua corpuſcula ſurſum premit aqua, & continuo in motu eſſe deprehenditur?

§. 19. (2) Quantum ad doctrinam de ſoliditate, dico: Si hamulis, uncinuliſve, irretitæ ſunt ſolidorum particulæ, non poterunt igne liqueſcieri, quod eſt contra vulgarem omnium experientiam: Nam diſti uncinuli in curvatura ſua ante liquationem vel ſe invicem accurate attingunt, vel non: ſi prius eſt, hoc eſt, ſi proximo contactu ſibi invicem implicentur, ignis quæcunque intrent particulæ, non poterunt uncinulos à ſe invicem dimovere, quin rumpantur, adeoque corpus quoque non liqueſcieri; liquefactum enim omne, majus occupat ſpatium; quos neque rumpi fingere poteris, cum poſtquam refrixerit v.g. metallum, priſtinam ſoliditatem reſumar: Quodſi uncinulos in curvaturis ſuis ſe non proxime contingere ſumas, poterit ſic quidem ab igne expandi metallum ſeu liquari, ſed corpus ipſum nunquam poterit eſſe vere ſolidum, ſed ſi per partes prehendas, una pars motu alteri contrario duci, ſicut globus aliquis ex rete ferreo compoſitus.

§. 20. Introductio frigoriſicarum atomorum figmentum mali exempli eſt, nulla experientia vere probandum. Mali autem exempli ideo eſt, quoniam nugator aliquis eodem modo & plantificas & lapidificas fingere atomos, & in cerebro ſuo gignere, quicquid collibitum fuerit, poſſet. Nam quod ea, quæ gelu penitus

concreverunt, majus occupant spatium, causam habet verius physicam, suo loco explicatam. De tertia firmitatis superius allegata causa, non repugno.

SECTION II.

De

1 ACTU,

Nostra opinio.

§. 21.

Cum corpora quoque, quod & de reliquis sensibus suo modo verum est, non omnia sint tangibilia, sed quædam solum, videndum, in quonam illud positum sit, ut corpus aliquod tactu sentiri possit, vel minus. Cum vero semper in omni sensu duo sint probe distinguenda, passio sentientis & qualitas objecti, qua sentitur, v.g. visio & lumen, auditus & sonus, olfactus & odor, gustus & sapor, quod ad tactum attinet, distinctis destituimur vocabulis, adeoque & passionem sentientis & qualitatem objecti, uno eodemque tactus vocabulo exprimimus.

§. 22. Eum itaque ratione objecti concipientes, dicimus esse proprietatem corporum, quæ dura satis superficie, & magnitudine, tangunt papillulas pyramidales, poris respondentes, unde pro diversitate attractus, diversum ab anima judicatur adesse corpus. Duram satis requirimus corporum tangibilem superficiem, id est, non nimis fluidam atque plicatilem: nam id, quod in corporibus est fluiditas, in elementis est plicatilitas: propter hanc tactu sentiri non possunt elementa, propter illam, aer. Nam tactus fieri non potest, quin papillæ nerveæ, aliquo modo repellantur; quod si substantia tangenda in sese cedit, antequam dictas papillas repellat, tactu percipi haud potest.

§. 23. Sed & magnitudinem debitam habeant, oportet, quæ tangenda sunt. Possunt enim aliqua corpuscula satis esse dura, at vero tam exigua atque minutula, ut inter papillas ita locari possint,

sint, ut nullam tangerent, sed inter singulas demittantur in cutem, quæ etsi dolorem sentire queat, tamen tam subtili sensu haud pollet, ut has minutias percipere queat. Sic pulvis crassior satis afficit tactum, & subtilissimus, quem impalpabilem vocant, non æque.

§. 24. Dicitur papillæ pyramidales sunt fasciculi filamentorum nervorum, quæ pyramidali figura erectæ porisque obversæ sunt, & ex mente recentiorum sunt proprium tactus organum. Quod hæ papillæ pyramidales existant, *avrovisia* anatomica docet; quod vero tactus sint organum, hinc vulgo, & satis solide, probant, quod nulli alii usui inservire queant, singularemque cum tactus differentiis habeant connexionem. Nam ubi sensus tactus est subtilior, ibi deprehenduntur, v. g. in digitorum summitatibus, plures; ubi stupidiior, ibi pauciores.

§. 25. Cæterum tales quoque papillas in lingua erectas supra asseruimus: & cum lingua pariter sentiat tactiles qualitates, ut reliquum corpus, dubium est, an eadem papillæ sint, quæ in lingua sensum tactus animæ offerunt, cum his, quæ sensum gustus excitant. Nihil hic determinari posse putarim, possunt enim diverso quodam mechanismo distinguere sensum tactus & gustus, possunt etiam eadem papillulæ in bullulis salivalibus sentire motum elasticum corporis sapidum, extra easdem vero simplicem tactus sensum repræsentare. C. V. §. 8.

De tactu physico & mechanico.

§. 26. Dicitur papillæ vel à physico quodam, seu elastico, motu moventur, vel à mechanico. Sicut enim in bullulis salivæ percipitur motus transeuntis ætheris per modum saporis, ita in bullulis atmosphæraulæ humorum, per corporis poros emergentis, percipitur transitus particularum ex atmosphæra in atmosphæraulam, per modum caloris & frigoris; & sic hæ duæ qualitates etiam percipiuntur in lingua: et quoniam alio referri nequit hæ perceptio, quam ad tactum, tactus quidem est, sed valde diversus ab eo, quo soliditatem & fluiditatem, asperitatem atque lævitatem, & similia, sentimus. Hæc autem tactu quodam mechanico nobis innotescunt, dum ipsæ papillulæ ab objecto, motu quodam allisionis, moventur, & ita quidem,

dem, ut corpora sint ea, quæ papillulas movent: quod secus accidit in perceptione caloris atque frigoris, quippe ubi dictæ papillæ moventur ab accedentibus atque discedentibus particulis, adeoque non potest non aliis animæ ab hoc motu imprimi sensus.

De continuitate atque contiguitate.

§. 27. Tactu mechanico proxime percipitur soliditas corporum atque fluiditas. De quibus ut rectius quam vulgo constet, ante omnia dispiciendū nobis est, quid vere sit continuitas corporis, & quid differat à contiguitate. Scilicet in eo ipso peccatur vulgo, quod & soliditatem & fluiditatem solum per corpusculorum certam contiguitatem concipiant, cum tamen vera subsit continuitas: quæ vero, quoniam rudi illo, hodie à physicis recepto mechanismo mathematico, intelligi nequit, ut plurimum cum contiguitate confunditur.

§. 28. Scilicet contiguitas est solum contactus externus u-
 Vid. L. I. C. V. §. 33. nius corporis ad aliud, absque irradiatione elastica, continuitas vero est duorum conjunctio cum irradiatione elastica: sub corpore autem & corpuscula comprehendo. Quamvis autem sibi varie implicantur diversa corpora uncinulis, hamulis, aliisque amplexibus, tamen sunt atque manent sic conjuncta contigua, nullamque hac implicatione continuitatem induunt: exterius enim unita sunt, ad continuitatem vero requiritur unio interna, quâ radii ætheris unius corpusculi innitantur in vacuum alterius. Duplici autem modo,
 Lib. I. C. VI. §. 22. quod suo loco probavimus, corpora sunt continua, vel immediate, vel mediate, mediante nempe mercurio; solida nempe mediate continua sunt, fluida quædam immediate.

*De soliditate & fluiditate, itemque duritie & molli-
 tie.*

§. 29. Sicut autem continuitas physica magis est, quam contiguitas, sic contiguitas mechanica magis est, quam physica: & quamvis utraque aliquam possit parere soliditatem, fluiditas tamen nunquam vere ex contiguitate deduci potest: unde & soliditatem & fluiditatem juvat hoc loco physice potius, quam mechanice, hoc est quatenus species continuitatis sunt, non contiguitatis,

tis, concipere. Possunt autem omnes res physice dupliciter describi, (1) sensualiter, seu eo modo, quo in sensus incurrunt; (2) causaliter, id est, ita ut à causis suis dependent: unde sensualiter concipi soliditas atque fluiditas possunt, quod illa sit, quando corpusculorum gravitas non vincit nexum elasticum continuitatis; fluiditas, quando eundem superat. Nam hæc est ratio, quare corpus solidum, ex parte in libero versari aere possit, v.g. quando filum ferreum protenditur, ut corpuscula ejus haud decendant: quæ si fluida fiant, omnino statim, à conjunctione elastica exoluta, ima petunt: exemplo sit bacillus cereus, in aerem liberum protensus, cujus partes, etsi sint graves, elastico nexu tam firmiter cohærent, ut non decendant, quæ tamen protinus delabuntur, si admoto igne pars aliqua bacilli fundatur.

§. 30. Sed realiter magis & causaliter soliditas est, si corpuscula intra suas bullulas parum vel nihil habent vacui; fluiditas, si contrariò se habeant modo. Ea enim, quæ vacuo ampliori paulo pollent, pressa in sese recedere possunt, quod fluidorum proprium est; quæ eodem vacuo destituuntur, non possunt, unde summe solida nulli cedunt pressioni, id est, durissima sunt. Nam omnia solida aliquam habent duritiem, sicut fluida molliem: & in hac vacui intra corpuscula præsentia vel amplitudine vere consistit natura molliciei, sicut in ejusdem absentia & exiguitate natura duritiei.

§. 31. Sed durities atque mollietates & de corporibus dicuntur & de corpusculis, soliditas autem atque fluiditas, striete accepta, quatenus sunt species continuitatis, de corpusculis non dicuntur, sed de corporibus, adeoque solida sunt, quæ constant corpusculis, tam parum vacui intra sese habentibus, ut immediate radiis particularum suarum in se mutuo irradiare nequeant, sed mediante mercurio quodam conjungi debeant: fluida vero sunt, quæ habent corpuscula amplo satis vacuo prædita.

§. 32. Hoc itaque sensu soliditas & fluiditas ne quidem de corpusculis dici possunt, tanto minus de elementis; cum vero alibi processum naturæ ex fluido in solidum, contra communem hoc ævo florentem mechanicam philosophiam, ursumus, eoq; ipso elementis quoque aliquam fluiditatem attribuimus, metaphysice accipimus

Vid. Lib. I. c.
L. 9. 13.

Gg gg

utrius-

utriusque vocabulum, per solidum intelligentes, id quod rigidum est; per fluidum, id quod plicatile, & non rigidum; magisque illa assertione refutare intendimus, quam docere. Hæc autem, ut ita dicam, plicatilitas & rigiditas, sicut & continuïtas elementorum, in quo consistat, demonstrari à nobis nec potest, nec debet, cum rigiditas elementorum non detur, plicatilitas vero & continuïtas, cum sint ipsorum primorum principiorum naturæ, physice, id est, per principia, explicari nequeunt: adeoque solæ remanent explicationes metaphysicæ, quæ tamen parum docent: has si nihilominus velis, continuïtas elementorum extensio est; plicatilitas vero, quæ partes elementorum cedunt in seipsas, vel ex se ipsis emergunt, veluti cum bullulæ aeræ moventur ad centrum suum, & particulæ radiantæ à centro ad peripheriam.

§. 33. Proprius vero soliditatis atque fluiditatis significatus docet, quomodo unum corpus possit altero esse solidius. Nam sicut durities maxime consistit in absentia vacui intra corpuscula, sic soliditas major minorve in eo videtur esse posita, quod radii particularum in bullulas mercuriales magis minusve irradiant: major autem est vis irradiationis, quo magis *distat* radius à centro corpusculi mercurialis: nam in centro allisi sistitur motus radii: unde brevis radii & amplitudo vacui in corpusculo mercuriali facit maiorem soliditatem, quam ubi & ille longior, & hæc minor est.

§. 34. Sic vero etiam apparet, quomodo solidum corpus mutari in fluidum possit: nempe cum solida corpuscula intra sese parum habeant vacui, id ideo sic se habet, quoniam particulæ radiantæ interius abditiæ vel pauciores sunt, vel debiliores: unde si quomodocunque augeantur numero dictæ particulæ, expandent bullulas, quæ hoc ipso majus concipient vacuum. Augeri vero variis modis possunt, tum solutione vera, tum liquefactione, de quarum illa supra fuit actum, de hac paulo post videbimus.

De asperitate atque levitate.

§. 36. Solida corpora vel aspera sunt, vel ævia; utriusque causa pure mechanica est, non physica, de quibus, utpote objectis, in-

rentioni suæ mechanice convenientibus, ita egit Cartesius, ut omnino ejus in hisce duobus sententiæ accedamus. supra §. 6. & 7.

De fragilitate, flexilitate, & ductilitate.

§. 37. Fluida neque frangi, neque flecti neque duci, dicuntur: unde & fragilitas, & flexilitas & ductilitas prædicata solidorum sunt. Omnia autem humana fragilia sunt, & nullum datur omnino corpus, quod non sit fragile: fragilia tamen usitate ea dicuntur, quæ citius franguntur reliquis, quippe quæ, antequam rumpantur, vel flecti se, vel duci patiuntur. Fragilitatis hujus causam naturæ soliditatis docet. Nam solida corpuscula intermedio suo mercurio irradiant, profundius breviusve, pro natura corpusculorum atque mercurii: quæ itaque brevius irradiant, fragilia sunt. Nam dum tenditur corpus, v.g. vitrum, ejus corpusculorum radii ex vacuo mercuriali emoveantur, in quod cum brevissimis radiorum extremitatibus irradiant, vel levi fluxione ex sede mercuriali extrahuntur, quo ipso tollitur unio, corpusque dicitur frangi, vel rumpi. supra §. 31. & 33.

§. 38. Contrarium evenit, si profundius in vacuum mercuriale descendant dicti radioli. Nam si flectatur tale corpus, emoveantur quidem quadantenus à sede sua radii, non tamen penitus extrahuntur, unde nec dissiluit corpus, sed, si remittat flexio, commoti in vacuum mercuriale resiliunt radii: unde & viridia corpora magis sunt flexibilia aridis. Illorum enim mercurius adhuc multis pollet particulis, quæ bullulas ejus magis expandunt, quo ipso profundius irradiare in eas corpuscula possunt: at si exarescat lignum, particule minores ex bullulis mercurialibus exhalant, quo ipso mercurius in se subsidet, & ligno arida illa, quam conspiciamus, facies induitur: minores autem illæ bullulæ mercuriales modo jam dicto id efficiunt, ut citius rumpatur vel frangatur lignum.

§. 39. Maximus gradus flexilitatis ductilitas vocatur: nam & omnia flexilia, quodammodo sunt ductilia: maxime autem conspicua in metallis, præprimis in auro, est. Ideo autem metalla maxime sunt ductilia, quoniam eorum mercurius suo jam loco sumptus est, esse igneus: ignea vero corpuscula magis expansa sunt reliquis, unde & capacius vacuum, cui altius emitti corpusculorum

radii possunt, habent. Aurum vero omnium maxime ductile ideo videtur, quoniam qualia sunt alicujus corporis corpuscula, talis quodque est mercurius: at corpuscula auri ex nobilissimis constant elementis, ergo & mercurii. Jam vero si mercurii bullulae sunt nobilissimae, omnium plures capere particulas, adeoque omnium maxime expandi possunt: & si ipsa corpuscula auri itidem ex nobilissimis elementis sint conflata, particulas radiantes habebunt nobilissimas, id est omnium maxime expansivas, longissimosque radios in bullulas mercuriales protendentes, quo ipso maximam habent flexilitatem, summamque ductilitatem.

vid. Infra C.
XIII. §. 11.
22. 23.

De liquefactione.

§. 40. Solida quaedam corpora liquefactione naturam fluidorum induunt: at non omnia solida liquefactioni obediunt, sed aliqua solum: & horum aliqua, non nisi difficillime, v. g. lapides. Metalla omnium facillime liquefiunt, ob mercurium igneum, quo constant, & cum quidem nobilioribus bullulis constantem: nam lapides, cum nullum habeant mercurium, non facile admittunt ignem, nisi paulatim à maxima ignis copia, & appensione mechanica, eorum corpuscula expandantur: reliqua, quae plane non liquefaciunt, uti ligna, mercurium habent ex ignobilioribus bullulis constantem, qui igni cedit in nutrimentum, dum bullulae ejus rumpuntur, eoque ipso unio destruitur, & corpus adeo non liquatur, sed in cineres mutatur.

§. 41. Modus autem liquefactionis physiceus est sequens: ignis unitur cum mercurio metalli, eique plures particulas transmittit: & eas quidem minores, quae permeare bullularum poros queant: cumque & corpusculum mercuriale unum, cum altero sit connexum, commigrant advenae particulae ex una bullula mercuriali in aliam, adeo, ut, quamdiu anteriores adhuc aliquid habeant vacui, in posterioribus non remaneant particulae, sed semper ad anteriores pergant: hic vero profluxus quam diu continuatur, tandem non adeo expanduntur bullulae mercuriales: quod si vero tam confertim se invicem consequantur, ut posteriores plures sequantur, quam anteriores procedant,

ita iis implentur bullulæ mercuriales, ut demum expandantur insolentius: quo facto, cum ampletur vacuum earundem, expanduntur pariter radii corpusculorum in illud, quo ipso corpuscula grandescunt, & ob augmentum vacuum mollescent, speciemque fluiditatis præ se ferunt.

§. 42. Ex dictis colligi potest, quod, si ille profluxus particularum radiantium subinde continetur, nulla sequi liquatio possit: id vero contingit, si in altera superficie igni opposita, quam citissime expediantur. Hinc mirandum non est, cum stannum, & plumbum, alias prompte satis liquefiant, ignem tamen etiam fortio-rem ferat vas plumbeum stanneumve, si aqua sit repletum. Nam ea aquæ natura est, ut particulis constet ignobilioribus, id est, quæ brevissimis præditæ sint radiis, adeoque si vel paulum expandantur, ex unione cum aliis emoveantur. Quod si ergo particula ex igne per mercurium stanni plumbive pergens aqueum corpusculum ingreditur, illudque cum paucioribus aliis vel paululum expandat, exurgit corpusculum conjunctionis expers, & in vaporem elevatur: succedit aliud, quod & eodem modo satis cito alii cedit locum. Sic vero colligi non possunt particulæ ex igne accedentes, adeoque nec mercurium metalli expandere, hinc vero nec liquefacere: quo diutius vero hic particularum continuatur fluxus, eo promptius succedit, minusque particularum in bullulis mercurialibus colligitur, adeo ut ad extremum multum quoque de calore remittant: unde culinarium experimentum est, quo colligunt pisces sufficienter fuisse elixatos, si vasi, cui incocti fuerunt, imposita manus nullam à calore sentiat læsionem.

§. 43. Alia autem, & contraria quidem, ratio unctuosorum est: hæc enim particulas in se sovent nobiliores, quæ valide expandere bullulam ampliareque possunt, unde & visciditatem vel tenacitatem sortiuntur singularem, & difficilius ab igne in altum attolluntur: hinc unctuosæ vasi stanneo vel plumbeo indita haud impediunt, quo minus valido igne liquefcat: cum ejus corpuscula diutius longe fundo vasis incumbant, quam aquæ. Quod si vero putes, aeris saltem corpuscula facilius attolli in auras, ac corpuscula aquæ, id quidem penitus non nego, sed *atmosphæram* plumbi vel stanni,

Vid. supra L.
I. C. VI.
§. 19. & 29.
38.

Vid. L. I. C. V.
§. 33.

ut liquefiat, *ignescere* debere, dico; nam atmosphæra similis est mercurio, qui cum particulas supponatur habere nobiliores, similibus particulis imprægnata ex acre corpuscula ei adherent, atmosphæramque constituunt. Hæc autem sicut affuso aliquo liquido *amovetur*, sic in auras non prius attollitur, quam in ignem fuit mutata, ita vero jam sufficit ad liquationem metalli, etiam ex hac parte, promovendam.

De Humectatione.

§. 44. Ad soliditatem æque ac fluiditatem pertinet doctrina de humectatione, quæ logica definitione est mixtio fluidi visibilis cum solido. Hinc etsi aer atmosphæricus cum quibusdam saltem misceatur solidis, ea tamen, cum invisibilis sit, humectare haud dicitur: item argentum vivum ideo humectat metalla, quoniam cum iis conjungitur: non item ligna, quippe quibuscum haud unitur.

§. 45. Sed physica causali definitione humectatio est, quando fluidi corpuscula cum corpusculis atmosphærae corporis solidi unionem propter erectorum radiorum æqualitatem fortiuntur. Apparet hoc maxime ex phænomenis argenti vivi: hoc ligno nulli adhæret, si recens adhibetur, at si coctioni aliquoties fuerit subiectum, aliquæ ejus partes facile lignis adhærent. Nempe enim minora sunt mercurii corpuscula, quam aquæ, corpuscula autem atmosphærica lignorum & vegetabilium majora sunt, corpusculis atmosphæricis metallorum: unde corpuscula aquæ uniuntur cum atmosphæralis ligni, minus autem corpuscula mercurii: hæc ipsa tamen unionem facile cum metallicis ineunt. At si mercurius igne fuerit aliquoties excoctus, corpuscula ejus aliqua, ignobilioribus bullulis constantia, magis ab ingestio æthere expanduntur, ut particulae ejus radios æquales aqueis exporrigant, quibus ipsis cum atmosphæralis vegetabilium conjunguntur.

SECTIO III.

De

Usu hujus doctrinæ advers. superstitionem.

De

Invulnerabilitate.

§. 46.

PAssim jactantur varia inter milites, venatores & alios, de certo quodam artificio, quo verbis signisque variis, putantur corpora animalia fieri invulnerabilia: de quibus quid sentiendum sit, natura soliditatis recte cognita docere quodammodo potest. Et primo quidem mihi nondum satis de historica constat veritate: hæc verò si demonstrari possit, nolim ideo, quod non videam, quomodo hoc naturaliter possit contingere, viribus naturæ penitus derogare, aut quia viribus naturæ derogem, arrogare diabolo, cum firmiter sim persuasus, quod ultra naturam non assurgat diaboli potentia. Interim, cum id, quod naturaliter fieri potest, etiam fieri possit à diabolo, nemo certus esse potest, quod ideo invulnerabilitas non sit aliquis diaboli effectus, etsi viribus naturæ præstetur.

§. 47. Improbabile vero est, invulnerabilitatem naturæ viribus præstari. Nam signa illa & verba ex principiis physicis hactenus notis, nullum alium præstare effectum queunt, quam ut *imaginationem* corroborent. Imaginatio vero etsi in animam sese effundat, eamque alterare variis modis, & ad insolitos effectus excitare possit; tamen animæ omnis virtus in sanguinem & musculos movendos sese exerere videtur: cohesio vero partium seu soliditas à mercurio, mechanica ratione, dependere, adeoque, ratione dependentiæ saltem, non esse animæ effectus. Anima enim elementa non regit, quippe quæ insita vi operantur. Supra vero probavimus, quod soliditas sit ab irradiatione particularum murua, atque adeo ab elemento ætheris, cujus radiatio mirum in modum augeri de-

bcret.

§. 29.

beret, si corpus aliquod ab instrumento, a quo alias, absque mora norabili, penetratur, vulnerari haud possit: & hoc augmentum haud apparet, quî præstari ab imaginatione queat.

§. 48. Tanto autem minus naturaliter procedere hæc invulnerabilitas videtur, si perpendamus phænomenon aliquod in vulgus quoque notum, quo candēlam sebaceam sclopeto per asserem trajiciunt: hinc enim apparet, quantus sit sclopeti impetus, quod materiam satis fragilem, qualis sebum est, per corpus satis durum, quale asser, urget: ut adeo non vulgaris, sed eximia omnino virtus esse debeat, quæ ita induret carnem animalium, ut globulus plumbeus, sebo longe durior, eam percurrere haud possit.

§. 49. Cum etiam dissolutioris vitæ homines fere sint, qui invulnerabilitatem expetunt, & scopis non semper satis justis eam destinant, probabile est, quod nec mechanica ratione, nec beneficio spiritus nostri, sed alius extra nos constituti dæmonis, & ejus quidem mali, ope efficiatur, quicquid dicta ratione contingit. Nam quamvis, uti dictum est, ipse dæmon malus nihil possit facere, quin naturæ utatur viribus, tamen illæ ipsæ vires, si ab eo applicantur, effectus jure meritoque diabolicus, & neutiquam naturalis, pronunciandus est.

SECTIO IV.

De

*Usu doctrinæ de Tactu, ratione prudentiæ
circa sanitatem.*

De

Humectantibus & siccantibus medicamentis.

§. 50.

Sæpe corpus nostrum humoribus abundat, & siccantibus eget medicamentis; sæpe nimis siccum videtur idem, & humectantibus tractandum. Et siccantia quidem sunt, quæ quomodocumque per insensibilem transpirationem, sudorem, diuresin, purgationemve humo-

res è corpore proſcribunt, non vero contra, quæ humores ingerunt, humectantia ſunt. Neque enim omnis humectat potus, neque ſolus: cum & cibi quidam & medicamenta ſolida id ipſum præſtare obſerventur: unde non injuria quæſiveris, in quonam conſiſtat vera humectantium ratio?

§. 51. Scilicet ut aliquid, ſive cibus potuſve, ſive medicamentum, humectet corpus animale, requiritur, ut accedat humidum tale, quod corpusculis gaudeat ejus magnitudinis, ut cum mercurio fibrarum carnearum uniri quodammodo poſſint. Cum autem ille mercurius differat ſecundum temperamenta, etiam humectantia, reſpectu eorum ſunt diverſa. Sic phlegmaticos ipſa cereviſia humectat; ſanguineos, vinum; papaveracea & ſimilia narcotica, ſorte melancholicos: ſed mucilaginofa & pingua cholecticis hoc reſpectu videntur propria. Nam ipſa illa tenacitas, quæ in hiſce talibus deprehenditur, magnitudinem bullularum, & prominentiam radiorum arguit: nam dum longiores radii in capacius illud vacuum irradiant, dicta tenacitas & mucilaginofitas exurgit. Cholerici vero, cum grandiora habeant ſanguinis corpuscula, & mercurius fibrarum ſanguinis proles ſit, ea fluida, quæ conjungi cum hocce debent mercurio, majoribus conſtent corpusculis, necesse eſt. Ad eundem quoque cenſum & olea, cum gelatinis, maxime cornu cervi, ſpectant; nam & hæc ob eandem rationem grandioribus corpusculis gaudent.

os) o (so

Hhhh

CA-



CAPUT VIII.

De

Meteoris, & primo quidem de Vento.

SECTIO I.

*Aristotelis, Cartesii atque Gassendi
opiniones.*

§. 1.

Meteor. L. I.
C. XIII.
Probl. Sect.
XXVI.
Meteorol. L.
II. C. IV.



Aristoteles veterum quidem illam opinionem, quod ventus sit motus aeris, refutat, alibi tamen solem vocat αἰτίον ὡς ἐπιτοπελὺ τῶν πνευμάτων, *auctorem ut plurimum ventorum*, & ubi ex professo, quod ajunt, de ventis agit, ἐστὶ γὰρ δύο εἶδη τῆς ἀναθυμιάσεως, ὡς φασμεν· ἡ μὲν ὑγρὰ, ἡ δὲ ξηρὰ, id est, *duo exhalationum, quas dicimus, sunt species, humida & sicca*, atque paulo post illam vocat vaporosam, hanc fumidam, atque addit: ἡ δὲ ξηρὰ πνευμάτων ἀρχὴ καὶ φύσις πάντων, id est, *sicca autem ventorum principium atque natura est omnium*. Sicut autem sicca exhalatio ventos, sic humida pluvias efficere dicitur.

§. 2. Sicca hæc exhalatio, quid aliud esse possit, quam aer, vel ex aere atmosphærico vi solis elatus, vel ex aqua factus, ego quidem non video: unde nec satis intelligo, quo jure Hippocratem aliosque veteres carpat Stagirita, quod ventum dixerant esse κίνησιν αἵματος, seu *aeris commotionem*, nisi forte verum sit, quod iis imputat, quod dixerint eundem aerem esse, qui fluens & motus vocetur ven-

Meteor. L. I.
C. XIII.

ventus, & consistens, nubes & aqua, & quod adeo ventus & nubes non differant nisi motu, quæ tamen mihi non videtur illa sapientum veterum fuisse opinio. Cæterum Aristoteles, quod & reliqui pene faciunt omnes, ventum confundit cum tempestate, maleque asserit, quod humida exhalatio non generet ventum, sed nubem tantum, quod usque adeo falsum esse deprehendit Cartesius, ut asseritionem peripateticam inverterit, asserueritque vaporosam exhalationem ventorum esse causam.

Cartesii sententia.

§. 3. Hic ergo ventum dicit esse aeris sensibilem agitationem, aerem vero hic dicit, omnia corpora subtilia, tactum visumque effugientia, adeo ut & rarefacta aqua, & in vaporem subtilissimum transmutata, ipsi aeris nomine veniat: unde & eodem fere modo, uti in æolipylis artificialiter generatur, sic eundem & à natura gigni existimat: duobus tamen maxime momentis, illam generationem ab hac differre; (1) quod in natura non solum à superficie aquæ attollantur humores, sed etiam à terra, nive & nubi-
(2) quod vapores arctius quidem in æolipyla possint detineri, quam in aere, ubi tamen objectus vel aliorum vaporum, vel nubium vel montium, vel denique ventorum ex aliis locis venientium, fere tantundem præsent.

*Meteoror.
Cap. V. §. 1.*

§. III.

§. 4. Hoc ergo modo dum ventos effici putat, videtur multum dissidere ab Aristotele, revera tamen parum dissidet: nam quos hic Cartesius dicit vapores, eos Stagiritæ nomine exhalationis siccæ intelligit: unde & hujus exhalationes siccæ, & illius vapores revera aer sunt, saltem multum veri aeris continent: quod maxime docet æolipyla, cujus aer ita in se verum aerem probat, quod alio loco & occasione inculcavimus, ut & elasticus in antlia pneumatica deprehendatur, & ignem, non uti vapores extinguat, sed potius accendat. Fallitur quapropter Cartesius, quod vapores hos, per quos sibi generationem ventorum concipit, putet esse solum aquam rarefactam: aquam enim vere in aerem mutari, & suo loco diximus, & paulo post pluribus asseremus: etsi id nolumus affirmare, quod omnis aqua, simul ac attollitur, in aerem mutetur.

*Lib. I. C. IV.
§. 38. seqq.*

*Vid. Lib. I.
Cap. VI. §. 38.*

Gassendi quæ mens sit & sententia.

Vid. Seneca
Lib. V. Nat.
Quæst. c. 2.

Animadv.
T. I. p. m. 519.

§. 5. Gassendus de ventis Democriti, cum Epicuri sententia desideretur, opinionem sequitur, quæ in eo posita est, quod ventus sequatur, cum in angusto inani multa sint corpuscula, quæ ille atomos vocat: & contra quietus & placidus aeris status sit, cum in multo inani pauca sunt corpuscula: quod eo interpretatur Gassendus, quod hæc intelligenda sint, non de atomis, quæ jam coaluerint in moleculas, seu concretiones visibiles, sed de atomis vel solutis vel aliis satis mobilibus, tum &, non de vacuo separato coacervatove, sed de disseminato seu disperso. Calorificas itaque atomos ex sole prodeuntes, cum primum incurrunt in aerem crassum, ac non jam ampla, sed angusta offendunt spatia, ideo jam confluentes corpusculis aerea discutere, protrudere, eaque ratione ventum concitare. Hoc idem est dicere, ac solem expandendo atque movendo aerem, ventum concitare.

S E C T I O II.

*Quæ nostra de vento sit sententia.**De differentia venti & tempestatis.*

§. 8.

U T ergo communem illum, de confusione venti & tempestatis, evitemus errorem, notandum, quod cum dissentiant philosophi, an aer, an vapor gignat ventum, conciliari à pressiore meditatione possint, si dicamus, expansionem aeris atmosphærici facere ventum regularem; exhalationes vero vaporosas, quatenus aquæ pars aliqua in verum mutatur aerem, aerisque adeo augescit copia, concitare tempestates: quo loco autem mitius paulo accipiendum tempestatis vocabulum est, ut omnem ventum non regularem, etiam lenius spirantem denotet. Ventus itaque est ab aere atmosphærico expanso quidem, sed novis corpusculis haud macta.

maſtato : tempeſtas vero non ab aere atmofphærico expaſo , ſed ſublatis in altum corpusculis aqueis , & in aerem mutatis , ita ut nova acceſſione augeatur aer.

§. 9. Eſt ergo ventus commotio aeris atmofphærici orta à varia ejus expaſione & contraſtione , elatiſcis , motui ſolis præcipue debitis : tempeſtas vero eſt quoque commotio aeris atmofphærici , ſed orta à novi aeris , ex vaporibus facti , acceſſione , qua illa propellitur , & eo ipſo concitatur tempeſtas. Elatiſtica dicitur illa expaſio atque contraſtio , quæ ventum parit , ſignificatione nobis conſueta , hoc eſt ea , qua illam ex particularum radiantium , hanc à bullularum , naturali motu dependere exiſtimamus.

§. 10. Suo autem jam loco & diximus & probavimus , quod verus ex aqua fieri aer poſſit : dum aqua nulla re alia diſſerre ab aere atmofphærico deprehenſa eſt , quam quod illa duplici conſtet bullula , hic unica : unde ſi expanditur aqua , fieri poteſt , ut ſi corpusculum aqueum particulis ſit probe turgidum , rumpatur exterior bullula , Lib. I. Cap. VI.
& dum ſola remanet interior , corpusculum aqueum hoc modo §. 19.
mutetur in aereum : ex his conſtat illa aeris nova acceſſio , quam tempeſtatem cauſari paulo ante diximus.

Quare mane potiſſimum ab oriente , vèſperi ab occidente flent venti.

§. 11. Ventorum regularium quatuor potiſſimum deprehenduntur differentiæ , dum experimur , quod mane plerumque ab oriente ſpirent , vèſperi ab occidente , interdium à ſeptentrionibus , noctu à meridie , quarum primæ duæ facile pateſcant , ſi cogites , quod ſol , dum nobis exoritur , aliis populis ſit meridianus , ibique radiis directoribus , qui copioſiores , quam obliqui in aerem demittunt particulas , aerem quam maxime expandat , expaſumque in orbem diſſundat , eoque ipſo & anteriorem , & poſteriorem , & utrumque lateralem aerem propellat. Anterior dum ſic protruditur aer ad nos appellit , eoque ipſo ventum illum regularem , qui ut plurimum horis percipitur matutinis , cauſatur. Sit enim terra Tab. IX.
A. A. A. ſol B. qui radiis ſuis expandet aerem C C , hic expaſione ſua Fig. LXL.

Hh hh 3

non

non poterit non vicinum aerem propellere versus D. & E. Fingamus autem nos habitare in D, sic mane sentiemus ventum spirare à C, adeoque ab oriente.

§. 12. Sed fingamus etiam solem prætergressum D. jam versari in F, ut meridiano allapsu maxime expandat aerem G G, ut protrudatur vicinus versus D & E, sic nobis in D habitantibus, flabit ventus ab occidente G. & populis in E habitantibus ab oriente G, horum enim respectu, quod facile apparet, G oriens est. Sed hic quidem ventus longe lenior est orientali, quoniam sol cum orientali vento ad nos accedit, cum occidentali vero recedit: unde illo respectu aerem subinde ad nos, locali quoque motu suo, nec sola aeris expansione, propellit, hic vero, sola expansione, ad nos dictum aerem promovet. Accedit quod dum solex G, cedat versus E, pergatque in H, expansus in G aer collabatur, quo facto etiam necessario utrinque in contractum aerem G subsidet aer, qui est inter D & G itemque inter E & G. quia vero hæc subsidencia fit paulatim, imminuit motum ab expanso aere G versus D procedentem, non vero tollit.

Tab. IX.
Fig. LXL

§. 13. Longe etiam humidior est ventus occidentalis, quam orientalis, cujus etiam satis clara est ratio. Nam ventus occidentalis est adspiratio aeris, quem sol pergendo à D. versus G, jam pertransiit, adeoque multos è terra in aerem elevavit vapores, qui cum vento occidentali ad nos advehuntur. Contra vero ventus orientalis est adspiratio aeris, quem sol nondum proxime pertransiit, sed cujus vapores nocturno frigore concrefcentes in terram sunt delapsi, quo ipso hic aer, qui orientali vento ad nos appellit, ab omnibus vaporibus, aut saltem plerisque, purus est,

Quare borealis ut plurimum de die, australis noctu sentiatur.

§. 14. Sed vero, ut etiam liquefcat, quare interdiu plerumque boreas, noctu auster sentiantur, fingamus solem moveri per A A. sic maxime expandetur aer lineæ A A. respondens, dumque sol progreditur, aer ab eo expansus recumbit, in cujus locum succedit

cedit aer ex K in D, & hinc usque ad A A, quo ipso nobis Europæis à septentrionibus spirat ventus. Succedit autem aer non solum ab A versus M. sed & ab L versus M. imo & majori adhuc angulo, unde est id, quod Plinius Lib. II. Cap. 47. observavit, quod nempe aquilo ex summo, adeoque tanquam ex cælo versus terram spirat.

§. 15. Quodsi sol alterum terræ hemisphærium collustrat, eodem modo ex polis versus lineam A A. ex altera terræ facie succedit aer, quem veluti per undulationem quandam sequitur subinde alius: sicut autem in altero isto à sole illustrato hemisphærio motus procedit ab L in M. sic quando dicta successio pertingit ad nostrum nocte obscuratum hemisphærium motus ille successione procedit ab M in A. & ab M in L. quo ipso non solum percipimus Europæi noctu spirare austrum seu ventum à meridie, sed & quatenus motum ab M in L. sentimus, id observamus, quod Plinius all. I. de austro refert, quod nempe infernus ex imo maris spirat.

§. 16. Cæterum hic ventus australis calidus est atque humidus, cæteris quoque lentior & debilior. Nam lentior est & debilior, quoniam solus inter omnes principio impellente destituitur, meraque successione constat: nam in vento orientali & occidentali principium impellens sol est, in vento boreali successioni aeris accedit motus elasticus, qui in austro locum habere nequit, cum aer ejus sit uniformis. Calidus videtur atque humidus, quoniam ex imo spirat, vaporesque ex terra exhalantes calidos secum adducit.

Quare mense Martio venti sint sicciores.

§. 17. Etsi autem venti duo, aquilo & eurus, longe sint sicciores, quam auster atque zephyrus, nullo tamen tempore sicciores & hi, & omnes venti sunt, quam vere mense circiter Martio; cujus rei ratio mihi in eo sita esse videtur, quod in hemisphærio terræ hyberno hætenus & nives deciderunt, & aquæ, ex ignobilibus valde bullulis constitutæ, quæ tempore hyberno si à solis calore elevantur, propter distantiam, & debilitatem radiorum, vaporum constitutionem retinent, hoc est neutra ex duabus, quibus constant, bullulis rumpitur: at vere appropinquante, illæ ipsæ debiliores bullulæ non amplius ferunt vim radiorum solis, sed si qui elevan-

elevantur & attolluntur, eorum bullula exterior rumpitur, adeoque corpusculum aqueum sic mutatur in acreum, unde est illius temporis siccitas atmosphæræ. Quodsi quædam corpuscula nivosa, aut aquea, sint nobiliora, quam ut rumpi queant, ob frigus nocturnum illius temporis formam vaporum haud retinent, sed in aquam aut pruinam condensantur, ut adeo ventus orientalis & septentrionalis horum purus ad nos convectatur.

Lib. I. C. III.

§. 42.

§. 18. Sicut autem omnes nobiliores bullulæ, quod suo loco probavimus, graviore sunt cæteris, ita corpuscula hisce constantia, neque hyberno attolluntur tempore, neque fere verno; æstate vero omnino: unde etsi hujus tempore etiam ignobiliora corpuscula in aerem rumpantur, nobiliora tamen in vapores solum, quibus aer redditur humidus, mutantur. Hinc ergo patet, quod hyems sit humida, quoniam corpuscula aquea & nivosa à sole elevantur ea tantum, quæ bullulis constant ignobilioribus, & harum neutra à debilibus radiis potest rumpi, unde manent vapores, atque in aerem haud abeunt. Æstas est humida, quoniam etsi ignobiliora corpuscula in aerem mutantur, tamen nobiliora quoque, quæ mutari in aerem tam facile haud possunt, attolluntur: hi ergo vapores manent, aeremque noctu atque interdiu humectant. Solum itaque ver nobiliora non elevat, & ignobiliora rumpit atque in aerem vindicat.

§. 19. Quid vero videtur de autumno, nonne ob parem solis distantiam, ventos peræque siccis, uti ver, exhibebit, quam tamen conclusionem experientia haud comprobat? Non sola distantia solis causa est vernæ siccitatis, sed & ignobilitas corpusculorum: hæc vero à præcedente æstate in aerem satiscientia in summitatem atmosphæræ sublatæ sunt, ut tam propere hinc non descendant. Horum in locum surrogata sunt corpuscula mediæ nobilitatis, quæ nec tam sunt ignobilia, ut possint rumpi, nec tam nobilia, quin possint attolli.

De tempestate.

§. 20. Et hætenus quidem de vento. Nunc & videamus de tempestate. Etsi autem plerique etiam aliquos habeant vapores, qui

qui in aerem mutantur, & alterare ventos regulares possint, quamdiu tamen illæ alterationes aeris sunt exiguæ, à potiori motus aeris venti potius dicuntur, quam tempestates. Hæ ergo sunt maxime, si notabilior quantitas vaporum subito fatiscat in aerem, quæratque sibi depulso pristino aere locum. Sic enim pristinus hic aer eo cedit, ubi minor est resistentia, vel saltem quo fert impulsus: comprimitur sic necessario, dumque se restituere annititur, anteriorem propellit, quidum pariter in anteriorem fertur, quidam veluti fluvius aereus atmosphæram pererrat.

§. 21. Sicut autem sol vapores & attollit & in aerem dirumpit, ita sæpius tempestates una feruntur cum ventis regularibus, & ideo etiam confusæ hætenus cum iisdem fuere. Fieri autem propter varias quoque potest causas, ut ab hac regularitate deflectant, vel quia reflectuntur à montibus, vel aliis vaporibus, vel cum fluxu atque refluxu simul feruntur. Hinc & nullibi regulariores & venti & tempestates sunt, quam in mari pacifico, quod vocant, ubi nec à montibus, nec à vaporibus terrestribus, quippe qui marinis semper sunt copiosiores, nec à fluxu atque refluxu mutari adeo possunt.

§. 22. Quod autem tempestates magnarum adeo sint virium, ea videtur subesse ratio, quod ex uno corpusculo vaporoso duo semper fiant corpuscula aerea, duplex adeo spatium aeris occupantia. Nam dum rumpitur corpusculum vaporosum, ejus bullula exterior ita aperitur, ut interior, particularum suarum nisu, erumpat, seorsimque adeo corpusculum aereum constituat: rupta vero exterior bullula, particulas quasdam, libere vagantes, amplexa, alterum corpusculum aereum componit. Sic multiplicatæ bullulæ aeræ & à radiis solaribus magis magisque expansæ, eadem violentia sibi viam faciunt, sicut pulveris pyrii corpuscula in cuniculis solent: etsi enim major sit pulveris pyrii expansio, quam corpusculorum vaporosorum, copiosiora tamen hæc sunt corpuscula, quam illa.

De ventis in mari, circa æquatorem, constantibus.

§. 23. Et ea quidem videtur esse ventorum atque tempe-

Vid. Cleric.
Phyf. Lib III.
Cap. V. § 25.

statum caufa. Cæterum fingularem adhuc & ſibi propriam cauſam habere videntur venti circa æquatorem, ad trigefimum uſque gradum latitudinis ſeptentrionalis atque meridionalis, quorum tanta deprædicatur conſtantia, ut nullibi æque conſtanter vel maria perſent, vel terras. Et ſex quidem maxime problemata, h. l. à phyſicis perquiri ſolent: (1) Quare venti ex orientali cardine perpetuo ſpirent in maribus Atlantico, Æthiopico atque Pacifico? (2) Quare præciſe inter trigefimum gradum latitudinis ſeptentrionalis & auſtralis ita ſpirent? (3) Quare libonotus, ſeu auſter, litora Guineenſia conſtanter perſſet? (4) Quare in ſeptentrionalibus partibus Indici Oceani, venti, qui per ſex meſes idem ſunt, ac in aliis maribus, convertantur in contrariam partem, & ex oppoſito cardine ſpirent, per ſex alios meſes? (5) Quare in conſtantibus ventis, qui ad ſeptentrionem æquatoris flant, ſemper à ſubſolano ad ſeptentrionem inclinent; contra vero qui ad auſtrum æquatoris ſpirant, à ſubſolano ad auſtrum inclinent? (6) Quare in Sinenſi oceano venti multo magis à ſubſolano in ſeptentrionem declinent, quam alibi?

De cauſa horum ventorum conſtantium.

§. 24. Hæc ergo ſex problemata ut recte ſolvantur, notandum, quod triginta illi gradus cis & ultra æquatorem maxime omnium urgeantur à radiis ſolaribus, adeoque aer aquæ oceani incumbens maxime expandatur: porro, quod illi ipſi triginta gradus, dum terra, motu diurno, circa axin movetur, velocius longe moveantur, quam reliquæ terræ partes, polis viciniore, & hi quoque eo velocius, quo æquatori ſunt propiores: de quo nemo dubitare poteſt, cum hoc ipſum ex natura ſphæræ dependeat. Hæ duæ circumſtantiæ ſi conjungantur, apparebit cauſa ventorum conſtantium. Nam radii ſolares expandent bullulas aeris, mari proxime incumbentes, quæ radiis particularum ſuarum in bullulas oceani ſuperficiales irradiantes, conjunctæ cum aqua oceani ſunt. Hinc dum circa axin movetur terra, partes terræ æquatori propiores citius moventur, quam ut eodem tempore ſecum convertere aerem atmophæricum, ſibi incumbentem, poſſint: unde dum converſam ſequi

sequi aquam haud potest aer, emouentur hujus radii ex bullulis marinis, eoque ipso extra unionem, cum dictis bullulis constituuntur. Cumque à radiis solaribus sint valde expansæ aeris bullulæ, & sic non solum ab iisdem leviores redditæ, sed & sublimioribus bullulis inæquales, (quippe in quas non æque definit angulus luminis, sed vel incidens solum, vel reflexus radius) liberantur penitus hæc corpuscula aeris à vicinorum corpusculorum unionem, & in sublime eleuantur. Hoc vero dum fit, vicini aeris corpuscula in horum locum succedunt, eoque ipso constans ille ventus generatur.

Quare venti ex orientali cardine perpetuo spirent?

§. 25. Ex hac ergo hypothese confidimus, probabilitate non exigua, solvere sex illa problemata. Et primo quidem facilis patescit ratio, quare venti ex orientali cardine perpetuo spirent? Nempe cum terra moveatur ex occasu in ortum, aer atmosphæricus circa æquatorem haud potest æquali velocitate transferri ex occasu versus ortum; dum ergo remanet, ipsi terræ occurrit, adeoque ex ortu tendere in occasum percipitur.

Quare præcise inter trigessimum gradum latitudinis septentrionalis & australis ita spirent?

§. 26. Conjuncta vero utraque causa tum radiorum solis, tum & motus terræ efficit, ut præcise inter trigessimum gradum latitudinis septentrionalis & australis spirent hi venti. Nam terra cum lentius moveatur circa polos, aer atmosphæricus aquæ oceani incumbens simul cum terra sic rapitur circa axin, ut motum aeris nullibi prævertat terra, neque adeo aer motus unionem elasticam cum aqua oceani deserat: circa trigessimum vero gradum tanta est terræ motæ velocitas, ut terra prævertat aerem, adeoque aer succedens sensum venti causetur.

Quare libonotus litora Guineensis constanter perflet?

§. 27. Considerandum vero est hoc loco, quod ab aqua pau-

pauciores reflectantur radii , quam à terra : ab hac enim , quotquot incidunt , fere reflectuntur , neque tam facile , ut aquam , ita & terram transeunt . Hinc vero sequitur , quod aer atmosphæricus terræ incumbens , multo magis à radiis solaribus expandatur , quam idem aer super oceano , si scilicet radios ejusdem vigoris , atque copiar , & terra excipiat , & oceanus . Cum autem crassior aer semper feratur versus tenuiorem , patet ratio , quare libonotus litora , Guineensia constanter perflet . Nam ex dictis elucet , quod , tenuior aer in terra Guineæ sit , quam in mari : unde crassior maris aer elastice movebitur versus tenuiorem terræ , quo ipso libonotus spirare percipietur .

§. 28. Idem etiam accidit in aliis maribus terræ proximis , v. g. in sinu Mexicano , in mari Brasílico & alibi , quodsi in aliquibus maribus contrarium deprehendatur , nempe ut è terra versus mare spiret ventus , ratio forsitan vel in montibus , vel in ipsa terræ indole quærenda erit .

De ventis refflabris in mari Indico.

§. 29. Eadem quoque ratio subesse illi ventorum refflabrorum maris Indici phænomeno videtur . Nempe in septentrionalibus partibus Indici oceani , venti , qui per sex menses iidem sunt , ac in aliis maribus , convertuntur in contrariam partem , & ex opposito cardine spirant per sex alios menses . Scilicet mensibus Aprili , Majo , Junio , Julio , Augusto , Septembri , feruntur hi ventus versus Indiam , reliquo tempore versus Africam : alio situ feruntur versus majores Insulas propter eandem rationem , quod in mari Sinensi locum habet . Unde dicti venti refflabri non observantur in iis oceani partibus , quæ vel a litoribus multum distant , & ubi non dantur nisi minores insulæ , quæ multum admittere venti haud possunt . Quodsi hic vel illic observetur ventus secus , ac secundum dicta deberet , spirans , non ideo statim ad falsitatem hypotheseos concludendum , sed reputandum est , quod difficilia quædam phænomena obstare etiam veræ hypothese possint , cum circumstantiæ quædam , secundum quas conciliari illa phænomena difficilia , cum vera hypothese debeant , nos , præcipue in rebus tam dissitis , latere possint .

Quare

Quare hi venti ſemper inclinentur ad æquatorem.

§. 30. Paucioribus difficultatibus obnoxia eſt ratio quinti problematis, quo quæritur, quare venti, qui ad ſeptentrionem æquatoris flant, ſemper à ſubſolano ad ſeptentrionem inclinent; contra vero, qui ad austrum æquatoris ſpirant, à ſubſolano ad austrum? Nempe enim motus terræ nullibi eſt velocior, quam in æquatore, & per ſingulos illos triginta, cis atque trans æquatorem, gradus, omnia terræ loca magis interdum à ſole ſunt remota, quam quæ ſub æquatore ſunt, & præterea bis per annum æquatori ſol verticalis eſt; unde bullulæ aeris ſub æquatore copioſius expanduntur, citiusque ex unione ſua cum aqua oceani, motu telluris velociſſimo, excutiantur, quo factò, non poteſt non aer & cis & trans æquatorem oblique ſuccedere, adeoque ad ſeptentrionem æquatoris inclinare à ſubſolano ad boream, ad austrum vero æquatoris ab eodem ſubſolano ad austrum. Nam quo minus recta à borea & aſtro verſus æquatorem moveatur hic ventus, prohibet motus ſolis, qui illum recta perrecturum ſubinde ad latus reclinat.

Quare hi venti in Sinenſi oceano multo magis à ſubſolano in ſeptentrionem declinent, quam alibi.

§. 31. Eadem ratione liquet etiam, quare ad boream magis dirigantur hi venti, in oceano Sinenſi; ſunt enim in dicto oceano Philippinæ, Marianæ aliæque permultæ inſulæ, & ſicut modo dictum eſt, per ſe deberet ventus hic recta ex ſeptentrione dirigi verſus æquatorem, ſolis vero motus eundem ad latus reclinat: unde cum aer cum terra arctius ſit conjunctus, quam cum aqua, ſequitur quod inſularum aer non ſimul moveatur cum aere oceani, ſed cum inſula: hinc vero porro intelligitur, quod radii ſolares, quorum motus concipiendus eſt pergere ex oriente in occidentem, qui, uti præcedente ſo dictum eſt, debebant reclinare ventum, ut ex ſeptentrione inclinet in ortum, jam propter reſiſtentem aerem inſularum, hoc non niſi debilius præſtare poſſint, unde hi venti magis verſus boream ſunt directi, quam alii.

De tempestatibus in zona hac furentibus.

§. 32. Hi autem, de quibus hucusque egimus, venti, etsi peculiarem quandam atque sibi propriam habeant causam, dantur tamen hic quoque loci venti procellosi seu tempestates, cum hisce constantibus ventis haut confundendæ quidem, respectu causæ vero nihil discrepantes ab aliis tempestatibus. Sic circa Caribas insulas celebres sunt hujusmodi venti procellosi, quos *Ourgans* vocant, quorum vehementia hinc forte capit incrementum, quod vapores, quocunque modo ad æquatorem delati, ibi à copiosissimis fortissimisque radiis subito, & quantum fieri potest, expansi, occupare locum pristino longe majorem debeant, & hoc modo pristinum aerem ex loco suo maxima cum vehementia deturbare.

De malacia maris, in diversis ad æquatorem locis.

§. 33. Etsi vero hi venti constantes, in plerisque juxta æquatorem locis, sint perpetui, alicubi tamen, maxime inter quartum & decimum gradum latitudinis ad septentrionem æquatoris, atque inter meridianos promontorii viridis, & insulæ ejusdem promontorii, omnium maxime ad orientem porrecta, tractus maris est, ubi æterna est malacia, quæ non turbatur nisi fulgure, tonitru & pluvia, tam crebra, ut propterea ei loco *Pluvii* nomen inditum sit. Hæc autem malacia à ventis videtur esse ibidem perpetuo contrariis: nam spirat ventus aliquis ad Africana, spirat pariter alius ad Americana litora: in medio horum locus hic est, de quo loquimur: cujus aer cum utrinque ad contraria tendat litora, non potest non quietus in medio perstare, & nec huc verti nec illuc, nisi interdum aliquis eorum ventorum inde à medio quieto initium motus sui repetat: sic enim interdum per breve tempus regnat ibi ventus, mox contrarius.

§. 34. Ventus hic contrarius non potest non in medium compellere bullulas nobilissimas cum ignobilissimis: hæc non possunt non à verticali sole quam maxime expandi, hinc earum pori reddi quam maxime ampli, bullulæ vero nobilissimæ intermixtæ à vento contrario in has tantopere expansas bullulas adigi, quarum ampliatis
poris

poris si occurrunt, ingrediuntur has bullulas, atque primum vapores, dein nubes hinc pluvias generant. Cum autem ubi multæ & spissæ nubes sunt cum malacia, ibi facile generetur tonitru, mirum haud est, si sæpius dicta maris malacia tonitru turbetur. Quod autem hæc vera sit huius malaciæ causa, etiam exinde patescit, quod ubi venti reflabri sunt, antequam contrarius ventus pristinum insequatur, alicubi, per breve tempus, malacia observetur.

Cler. I. aff.
§ 21.

De tempestatibus nubigenis, Ecnephia, typhone atque præstere.

§. 35. In terræ superficie generantur & venti & procellæ hætenus recensitæ : sed & in nubibus interdum generati ventos procellosos, in superficie vel terræ vel maris, immane quantum furentes, notissimum est, unde tres vulgo ex Aristotele & Plinio harum tempestatum recensent species, ecnephiam, typhonem atque præsterem. Ego vero puto, quod hi venti eodem modo generentur, uti tonitrua, nempe ex nubium vicinarum in unam quandam nubem coniectis radiis, ita quidem, ut in medio nubis corpuscula vaporosa mutantur in aerem, & tantisper à partibus nubis periphericis coerceantur, donec ea sit generati aeris multitudo, ut coerceri amplius haud possit, sed cum impetu in terram decidat, ubique à commercio aeris superficialis magis expansus, spatium atque viam, violento progressu, sibi quærat.

Arist. Meteor.
ror. Lib. III.
Cap. I.
Plin. Lib. II.
Cap. 48.

Vid. infra
Cap. XI. §. 7.
seqq.

§. 36. Talis est famosissimus ille ecnephas, circa Promontorium Bonæ Spei observari solitus. Hic fit, dum nubes, sublimi in aere, vix oculum bovis magnitudine æquans librari conspicitur, cælo etiam de cætero existente serenissimo: exigua hæc nubes paulatim demittitur atque grandescit, donec fere montem attingit, tum subito cooritur ecnephas, incredibili impetu naves adoriens. Quamvis autem sereno cælo oriatur hæc tempesta, quam nos à vicinarum nubium reflexis radiis gigni asseruimus, probabile tamen est, quod montium altissimorum cacumina vices nubium suppleant, atque ad illam nubem ecnephiæ huiusce genetricem radios reflectant. Exiguitas nubis sublimitatis indicium est, unde & ubi demittitur, major apparet.

Quo

Quo magis autem demittitur, eo plures radios recipit, à monte reflexos, unde & rumpitur demum, conceptumque ecnephiam enititur.

§. 37. Neque est, quod mireris, demitti nubem, quæ plures concipit particulas radiantes: cum gravia demittantur, particulae autem radiantes levitatem potius pariant, quam gravitatem. Nam quod
 Cap. IX. §. 13. proxime demonstrabitur, vapores in aere continentur, ob parvitatem corpusculorum suorum, quæ similes sunt corpusculis aereis, alias, utpote corpuscula aquosa, proprio pondere, delaberentur. Quod si ergo expandantur corpuscula vaporosa, eam sibi acquirunt magnitudinem, quæ uniri amplius cum corpusculis aereis haud possint, unde extra unionem constituta eadem, propria gravitate deinceps decidunt.

§. 38. Uti autem talis ecnephias essentialiter ab aliis tempestatibus, sive procellis, differt, ita quas eidem opposuit species Aristoteles, typhon puta, atque præster, non nisi accidentaliter ab eodem discrepant. Typhon enim ecnephias est in vorticem actus, quem & alias turbinem vocant. Vorticalis autem ille motus videtur à *recto* ecnephiae *delapsu*, cui aer indigena resistit, pendere. Hic enim aer primum non nisi parum ecnephiae admittit, ac subinde plus plusque: cui cum aer indigena undique æqualiter resistat, generabitur motus, secundum figuram rotundam, subinde incrementem. Præster autem idem ille videtur esse ecnephias, qui si crebro & reciproco impetu corpora terrestria, in quæ irruit, atterat, eaque corpora, vel saltem aer, iisdem contiguus, exhalationibus sulphureis sit plenus, ignem, quod & alias corpora, sibi invicem repetitis reciprocationibus attrita, facile admittunt, gignit.

De procellis subterraneis, seu terræ motibus.

§. 39. Sicut ergo ex dictis patet, quod quidam venti generentur in superficie terræ, quidam super terram in nubibus, ita cuilibet facile in mentem venerit, querere, annon & in terra dentur, vel dari interdum possint venti? Et nobis quidem terræ motus nihil aliud videntur esse, quam procellæ subterraneæ. Nam fluxus aeris ventus est, ventus violenter irruens procella est, quorum utrumque in terræ motu manifeste satisprehenditur. Requiritur autem ad terræ motum

motum caverna subterranea, ad quam paulatim accedat ignis subterraneus, qui aerem cavernæ expandat, quo ipso cavernæ parietes è sede sua emoveantur, donec aer egressum inveniat.

§. 40. Quod autem hæc vera terræ motuum causa sit, probant circumstantiæ, inter quas & hæc est, quod ubi terræ motus frequentius accidunt, vel montes dentur ignivomi, vel thermæ, vel alia ignis subterranei indicia, uti docet Sicilia, Italia, Moluccæ atque Flandriæ insulæ, Constantinopolis, Basilea, aliaque loca, in quibus singulis haud obscura ignis subterranei indicia demonstrari possunt: ut non dicam, persæpe una cum terræ motu erumpere, conspicuumque fieri, ignem.

§. 41. Cavernam requiri puto, diversam nempe à caverna ignis subterranei. Nam caverna ignis necessario frui aliquo aeris commercio debet, alias ignis haud posset conservari: unde quomodocunque in dicta caverna expandatur aer, egredi potest, quâ est ingressus, quo ipso terræ motum parere nequit. Caverna vero hæc aerea undique etiam debet esse ita occlusa, ut nulli pateat aeri exitus, alias enim paulatim discederet expansus aer, & nunquam eo deveniret, ut rumpere cavernam possit.

§. 42. Ergo laxea maxime caverna huic motui videtur quam convenientissima; nam sola fere hæc omnium optime continere aerem potest: quodsi vero sit terrea, tanto debet esse profundior. Hoc certum esse videtur, quod tanto vehementior sit terræ motus, quanto caverna vel est profundior, vel parietibus constat compactioribus atque crassioribus. Remittit enim terræ motus, quamprimum aer erumpit, quodsi erupturo fortius resistit caverna, tanto enixiore opera sibi viam facit.

§. 43. Pro diversa hac parietum cavernæ resistantia, diversi sunt gradus terræ motuum, quos alii aliter distinguunt; contenti vero esse possumus divisione Aristotelis, in *pulsus* atque *tremorem*: per illum intelligendo eum terræ motum, quo partes terræ à se invicem notabiliter disjiciuntur; per hunc vero motum, quo emoveantur quidem atque attolluntur, ob viam vero egressus statim inventam, iterum in eas, à quibus se junctæ fuerant, subsident. Cæteræ, quæ à Fromondo afferuntur species, v.g. epiclintes, brastes, chasmatias, rhectes, ostes, palmarias, mycetias, speciosa verba sunt, quibus frustra operatur memoria.

Meteor. L.
IV. c. ult. arg.
II.

Kkkk

SECTIO

S E C T I O III.

De

Usu doctrinæ de Vento adversus superstitionem & atheismum.

§. 44.

Cum ergo immensarum virium deprehendantur esse tempestates, maxime subterraneæ, obmutescat hic omnis philosophia mathematico-mechanica, quæ vel ex motu impresso, vel figura, vel gravitate mirabilia phænomena naturæ omnia exponere satagit: Nulla enim gravitas, nullus motus impressus, vel quicquid ille rudis mechanismus suppeditare possit, tam immensi roboris effectus edere potest. Ætheris Divina vis est, à Deo immediate profecta, quæ tanto imperu frangit, quicquid datur obviam: unde ipsa S. S. ventum ad DEUM refert, dicendo, quod DEUS eum deducat ex thesauris suis. Nam duo illa elementa, æther atque aer, vere thesaurus, uti omnium corporum, ita & ventorum sunt.

Pf. 135. v. 7.

De Finnis & Lapponibus, qui ventos mercatoribus vendidisse perhibentur.

§. 45. Cæterum quod nihil inconstantius vento sit, pervulgatus usus proverbio dicitur, unde forte Finni atque Lappones mercatores, quibus ventos vendiderunt, fefellerunt: nam etsi tres illi nodi magica arte consecrati, quorum primus solutus ventos placidos, secundus vehementiores, tertius vehementissimos præbere promittebatur, nulla arte vel magica vel diabolica ventos vel excitavit vel consopiverint; sola inconstantia ventorum, cum casu fortuito conjuncta, efficere poterat, ut aliqua auctoritas illis nodis eorumque nundinatoribus conciliaretur.

Olaus M. L.
III. C. XVI.

§. 46. Quodsi autem invita natura sua moti fuerint venti, quod & sagas vulgo posse, creditur, facile apparet, quod etsi magis

giæ naturalis per imaginationem maxima vis ſit, hic tamen, quoniam venti non ab aliqua anima, quæ imaginatione moveri queat, proficiſcuntur, ea locum omnino haud inveniāt, ſed probabiliter perquam credatur, quod talis effectus à cacodæmonis ope fuerit profectus, quo & referendum, quod de pileo ventoso Erici Regis Sveciæ, quo ille, undecunque collibuiffet, ventos adſpirantes evocâ-
Fromond.
Meteor. I IV.
c. II, art. III.

SECTIO IV.

De uſu doctrina de Vento in prudentia circa ſanitatē.

De venti in ſanitatē influxu, ratione temperamentorum.

§. 47.

EX quatuor temperamentis cum ſanguineum atque phlegmaticum & conſerventur & curentur ſimilibus, cholericum atque melancholicum contrariis & conſervanda ſunt & curanda, id quod ex rationibus alibi dictis apparet. Quatuor autem venti cardinales quatuor reſpondent temperamentis, curus ſanguineo, zephyrus phlegmatico, boreas melancholico, auſter cholerico: unde etſi curus & facile unionem ſubeat cum humoribus ſanguineorum, iisdemque etiam proſit, quo eodem modo & zephyrus ſe habet, ratione phlegmaticorum; tamen boreas nec melancholicis, nec auſter cholericis eſt proſiciuus, etſi ille cum humoribus melancholicorum, & hic cum humoribus cholericorum, æqua facilitate uniantur, ac curus atque zephyrus cum ſuorum temperamentorum ſanguine & humoribus.

§. 48. In eo itaque felices ſunt ſanguinei atque phlegmatici, quod quem ventum admittunt eorum humores, eodem quoque recreantur atque belle habent, qua læderentur maxime, cum neque admittunt: contra vero tanto afflictiſſior melancholicorum atque cho-

Kkkk 2

lericorum

lericorum fors est, quod, quo vento maxime læduntur, cum promtissime admittant, unde & hi magis à ventis sibi cavere debent, quam alii, cholerici maxime ab austro, melancholici à borea. Sicut autem hæc duo temperamenta promte satis læduntur à vento sibi inimico, ita non æque facile auxilium sentiunt & utilitatem à contrario: nam cholerici non admittunt corpuscula boreæ, quoniam minora sunt, quam ut uniri cum turgidis cholicorum humoribus possint: melancholici contra non admittunt corpuscula austri, quoniam hæc turgidiora sunt, quam ut cum strictis & parvis melancholici sanguinis corpusculis unionem subire possint.

*De mixtura venti omnium maxime noxia, austri
atque boreæ.*

§. 49. Admittitur vero aer, qui cum vento advehitur maxime per pulmones, quorum in statu naturali constitutorum ea est structura, ut non nisi corpuscula aeris, crassi sanguinis homogenea, admittant: nam alia si admitterent heterogenea, ea quidem inter sese, haud vero cum humoribus conjungi possent: unde nasceretur pituita. Hoc vero omnium maxime contingit, si in sanguinem melancholicum recipere bullulæ ignobiliores, quas auster advehit; vel in cholicum bullulæ nobiliores, quas boreas defert: unde ex borea non admittit pulmo melancholici corpuscula, nisi maxime expansa; nec ex austro pulmo cholicici alia, quam valde parva, hoc est, quorum bullulæ nobiliores sunt.

§. 50. Quodsi vero auster misceatur cum borea, facile accidit, ut minima corpuscula borealia intrent per poros turgidorum corpusculorum australium, ibique propter vacuum expansam indigenas particulas expellant, quo ipso bullula corpusculi australis paulo sit minor, bullula vero corpusculi borealis paulo major, adeo ut vapor, ex conjunctione utriusque constitutus, mediam sibi acquirit magnitudinem, qua ipsa & cum sanguine cholerico, & cum melancholico conjungitur hic vapor. Cum vero ex heterogeneis constet bullulis, utraque bullula iisdem spiritibus imprægnata inæqualiter turgescit, unde ubi diversa constituunt hæc duæ bullulæ sanguinis nostri corpuscula, uniri haud possunt, sed seorsim uniuntur & pituitam constituunt.

§. 51. Hæc

§. 51. Hæc pituita cum corpori segnitiem, capitigravitatem, variasque alias obstructions inferat, jam intelligitur ratio observationis Hippocrateæ, dum ait: *Status temporum austrini corpora exolvunt & humectant gravem auditum, & capitis gravitatem, & vertigines afferunt oculis, & corporibus difficilem motionem inducunt, & alvos humectant.* Et pituita quidem generatur, si bullulæ australes, seu ignobiliores, à humoribus nostris secedant: sin boreales secessum faciant, humor hinc generatur tenuis & acris; unde ait idem Hippocrates: *Sin aquilonia temperas fuerit, tussis movet, fauces exasperat, alvos indurat, urinam suppressit* (scil. propter spasmos, quos humor acris excitat) *horrores excitat, laterum & pectoris dolores.*

Lib. III. aph. 17.

Ibid. aph. 5.

§. 52. Hinc & pater ratio vulgaris alius observationis, quâ dici solet, si austrum subito insequatur boreas, varios affligere catarrhos, rheumatismos, tussis, arthritides. Nam non æque facile hoc accidit, si boream insequatur auster, quam si austrum insequatur boreas, quoniam hujus corpuscula minora venti motu tantocius impelluntur in corpuscula australia expansa, per ampliatis horum poros. Neque solus auster vel solus boreas præstiterit, id quod mixtura utriusque efficit, cum hæc unionem cum humoribus nostris præster. Et rheumatismi quidem ac arthritides fiunt, si pauca sit materia; sin copiosa, satis exonerari à natura per tussis atque coryzas videtur: quæ si non statim succedant, febres insequuntur catarrhales.

§. 53. Etsi ergo nec austri nec boreæ corpuscula cum sanguine sanguineorum atque phlegmaticorum uniantur, mixtura tamen facile etiam utriusque temperamenti humoribus adhæret: & cum omne temperamentum homogeneis elementis gaudeat, hac vero mixtura in unamquamque complexionem heterogenea elementa necessario inferantur, prudentiæ erit, hanc mixturam omni studio atque diligentia cavere.



CAPUT IX.

De

Nube, pluvia, nive & grandine.

SECTIO I.

*Aristotelis, Cartesii atque Gassendi
opiniones.*

§. 1.

Meteorol. L.
I C. IX.

Aristoteles de his meteoris ita differit, ut non sit, quod magnopere desiderare possis. Dicit enim, quod humidum, & à radiis solis, & alia superiore caliditate, evaporans, feratur sursum. Cum autem dicta caliditas, quæ sursum exexit, in superiori loco iterum dispercat, vaporem, & propter derelictionem caloris, & propter locum, frigidum factum, abire in aquam, & decidere in terram.




§. 2. Distinguit autem nubem à vapore, putatque exhalationem, quæ fiat ex aqua, vaporem esse, si autem conversio fiat ex aere in aquam, nubem esse: quæ distinctio nullo videtur subniti fundamento: cum & vapor ex aqua possit fieri & ex aere, sed via contraria, quatenus vel attenuatur aqua, vel incrassatur aer, & præterea omnis nubes, antequam in pluviam abeat, vapor sit.

§. 3. Tria vero, aquam, nivem, atque grandinem putat, ex refrigeratione fieri, ὅταν γὰρ παγῇ τὸ νέφος χιών ἐστὶ, id est, cum enim congelata est nubes, nix est. De grandine pluribus disputat, tandem ad αἰὶνῶσις αἰῶν caloris, frigus circumdantis, recurrit, putatque, quod

Tab. IX.



Fig. LXII.



quod tale frigus aliquando cito ex nube aquam faciat, aliquando vero grandinem. Et in hisce quidem præter morem suum Aristoteles, causas substantiales, & vere physicas, allegat, non entelechias & potentias, quod alias subinde facit: scilicet hæ causæ substantiales planæ satis sunt, illas vero, ubi ad antelechias atque potentias provocat, ignorasse videtur.

Epicuri atque Gassendi sententia.

§. 4. Epicurus de nube familiari illo suo, *ὀδὴν*, non dicit, Gassend. P. I. p. m. 513. quid eam esse, putet, sed quid esse possit: unde tres allegat causas, & subdit, quod longe adhuc possint esse plures. Prima est, quod nubes possint concrescere ex aere: secunda, quod nubes possint esse ex atomis, quæ coeant in tenues, invisasque moleculas, ex quibus aggestis nubes cooriantur: tertia quod possint esse ex effluxibus, seu halitibus, è terra & aqua emergentibus. Sufficiat ergo his regressisse, quod tales possibilitates parum vel nihil doceant, adeoque in physicis, nisi apud scepticos, locum haud inveniant.

§. 5. De pluvia, duorum saltem meminit modorum, compressionis atque transmutationis, quorum primum ita explicat Lucretius, ut in nubis veluti fungositatem quædam contineantur pluvie corpuscula, quodsi vero vel à ventis vel frigiditate regionis comprimantur nubes, ex ista compressione guttulas exsilire, & deorsum cadere: quæ tam illepidam cogitatio Epicuri est, ut ipse Gassendus malit ita sibi (retento saltem Epicuri vocabulo, ne nihil penitus attulisse videatur) Ibid. p. 516. concipere istam compressionem, ut fiat ex jugi appulsu sive compulso mutuo, plurium pluriumque particularum, seu guttularum insensibilium, quæ tandem evadant in grandiusculas, & ob majorem aliquam sui gravitatem deciduas. Posterior autem modus, transmutatio nempe, videtur sic quidem intelligi posse, quasi non revera, seu, ut loquuntur, formaliter aqua in nube contineatur; sed quod natura aeris primum, ac deinde nubis, ea sit, ut abscedente calore, & succedente frigore, in aquæ naturam vertatur.

§. 6. De grandinis generatione duo pariter modi placent Epicuro, quorum alter est, quod validior congelatio stillicidia nubium concrescere faciat: alter, quod tota quidem nubes geletur, sed non Animadv. I. all. p. 574. unifor-

632 *L.III.Cap.IX.Sect.1. De Nube, Pluvia, Nive & Grandine,*
uniformiter tamen, quippe quasi fiat grumorum compactiorum texture quædam, quos inter quodpiam interveniat, quasi tenerius coagululum, quo facillime exoluto, tota compages diffingatur, & in globulos, seu frustula, abeat.

§. 7. De nive tres modos recenset Epicurus, & ubi recensuit, plures adhuc agnoscit. Sic autem ait: nivem fieri contingit, aut diffusa tenui ex nubibus aqua, ea ratione, ut spumescat (prementibus nempe nubibus idoneis, ventis vero diffiantibus) ac in ipso postea motu congelascant, ob vehementiorem quandam, in locis nubium inferioribus, frigiditatis conditionem: aut facta quadam æquabili in nubibus congelatione, ad quam dum corpuscula aquea mutuo compressa, convicinaque appellantur, fiat aggeneratio, talem obtinens laxitatem, qualem præ se ferunt nivis flocculi; cum & eadem, magis sese compellentia, creent grandinem; cujusmodi duæ res in aere maxime fiunt. Potest & hæc nivis confertim cadentis velut ejaculatio fieri per detritionem ex nubibus, quæ prius congelaciaverint. Ex hisce tribus modis primum maxime approbat Gassendus. Cæterum cum hisce possibilitatibus ludat potius Epicurus, quam philosophetur, patet, quam necessarium sit, ut, ne tota physica degeneret in somnia, puræ possibilitates à probabilitatibus discernantur, hisque retentis, ad nugæ referantur illæ.

Animadv. l.
all. p. 575.

Cartesii de hisce meteoris opinio.

§. 8. In horum phænomenorum natura exponenda satis prolixus est Cartesius. Consentit cum cæteris philosophis, quod nubes fiant ex vaporibus, vapores ex aere: modum vero, quo ex aere fiat vapor, convenienter suis principiis ita edocet: Memor, p. IV. §. XLV. quod in principiis dixerat, aerem esse congeriem particularum tertii elementi, notare præcipit, quod, si particulæ hæ sibi invicem satis propinquæ sint, ut una aliam attingat, illæ jungantur, & in diversos exiguos cumulos coeant, qui sint totidem guttæ aquæ, vel flocculi glaciæ; unde fiat, ut tunc hi vapores aere puro minus pellucidi evadant. Disjunctive autem hoc loco dicit, guttæ aquæ vel flocculi glaciæ, quoniam supremas nubes ex his, inferiores ex illis componi existimat.

Meteor. c. V.
§. 1.

l. all. §. VIII.

§. 9. De-

§. 9. Docet dein quoque modum, quo tum illæ guttæ, tum & glaciei flocculi formentur: nempe existimat, materiam illam suam subtilem circa exiguas vaporum partes fusam, non quidem satis virium habere ad efficiendum, ut se extendentes, atque in gyrum vertentes, unæ alias loco pellant, sed satis tamen adhuc retinere ad illas complicandas, & omnes, quæ se mutuo attingunt, jungendas atque in sphærulam glomerandas, & sic formari aquæ guttas. Glaciei vero particulas fieri, dum frigus adeo intensum, ut vaporum partes à materia subtili, iis immixta, flecti nequeant.

l. all. §. II. & IV.

§. 10. Nubes quoque alias super alias constitutas observat, superiores autem solis particulis glaciei constare contendit: interim nubium superficies à ventis perpoliri docet, non item circumferentias, sed & has nihilominus interdum, vi ventorum, pariter lævigari, & rotundas fieri. Quæ omnia ideo hic tradit, ut postea, ubi de tonitru & parheliis incredibilia & improbabilia asserturus est, habeat, ad quod, tanquam jam supra demonstratum, provocet.

l. all. §. VIII. IX. X. XI.

ibid. §. XIII.

§. 11. Nubes ita detineri in aere, sibi persuadet, quoniam particule glaciei vel aquæ, quibus constant, valde sint exiguæ, & consequenter multum superficiæ, pro ratione suæ materiæ habentes, sæpe magis impediuntur ab aeris resistentia, ne descendant, quam à pondere suo impellantur: id quod verum quidem esse, atque accidere posse cum substantiis, aere non multum gravioribus, agnosco, quod vero idem quoque fieri possit cum substantia millies graviori quam aer, qualis aqua est, præcipue si in guttas concrevit, id vero est, quod ego mihi persuadere haud possum. Ipse quoque Cartesius huic rationi diffidere videtur, ideo duas adhuc velut in subsidium allegat causas, quæ mihi tamen æque minus satisfaciunt, ventos puta atque vapores adscendentes, nisi enim alia ratio, quam infra edocebimus, subsit, hæc quoque nubes vix ac ne vix quidem in aere suspenderent.

Vid. supra §. 8.

§. 18.

§. 12. Has glaciei particulas, si vel calore vel vento jungantur, concrefcere in flocculos, & in forma nivis decidere statuit: quod si per aerem decendant calidiorem, solvi eas, & converti in *pluviam*. Interdum etiam accidere, ut ita solutis, aut propemodum solutis, ventus frigidus superveniat, qui eas constrindendo in *grandinem*

t. all. §. III.

convertat. Hisce varia subjungit de nive atque grandine, præcipue figuras tum grandinis, tum nivis, exponere satagit : sed in hisce singulis possibilis magis docet, quam probabilis : de quibus mox deinceps ex nostris principiis, multo probabiliores, ut putamus, allaturi sumus cogitationes.

S E C T I O II.

De

*Nube, pluvia, nive atque grandine,
quid nobis videatur.*

De

V A P O R E.

§. 13.

Nubes congeries vaporis est, vapor inter aerem & aquam medius. Differt enim ab aere bullularum duplicitate, ab aqua vero expansione : unde omnis aqua valde expansa vapor est, & aqua prompte satis vi caloris mutatur in vaporem, vapor ulterius expansus abit in aerem, quando vel exterior bullula rumpitur, vel interior, per hujus ampliatos poros iterum elabitur, vapor vero iterum à frigore contractus in aquam redit. Ex dictis patet, quod vapor accidentaliter solum differt ab aqua, nempe magnitudine, & essentialiter ab aere, duplici dum gaudet bullula ; unde vapor verius ad aquam pertinet quam ad aerem. Ergo quibus modis generatur aqua, iisdem & vapor, de quo suo loco actum est ; nempe generaliter per immissionem unius bullulæ in aliam unam bullulam : hæc autem immitti variis potest modis.

Lib. I. C. VI.
§. 18.

§. 14. Modus maxime frequens est per conjunctionem aeris calidi atque frigidi. Si enim illius bullulæ sunt ignobiliores, hujus nobiliores, ingredientur hæc per poros illarum in illas. Hinc vero putandum non est, quod ad hunc ingressum sola frigoris corpuscula sint apta : nam hæc paulo post adhuc majora sunt, quam alia, quæ

quæ in sese non fervent, nisi ignobiliores quasdam particulas, cum frigida illa nobilioribus turgcant. Possunt itaque generatim omnes bullulæ nobiliores, præterquam igneorum corpusculorum, alias bullulas, potissimum vero ignobiliores, quippe ad expansionem atque pororum ampliationem aptissimas, ingredi, sic primo vaporem, dein aquam constituere.

An omnis nubium vapor sit ab exhalationibus.

§. 15. Unde cum duæ sint aeris regiones, *inferior* calida, quæ eo usque ad superiora ascendit, quousque reflexi solis radii pertingunt, & superior frigida, quæ inde à fine radiorum reflexorum ad finem usque ipsius atmosphæræ concipienda est, patet, quod exhalationes aquæ, ex aqua in vapores muratæ, in illa suprema aeris frigidioræ regione prompte iterum coeant in aquam, & per modum pluriæ decidunt. Cum veroutad tantam altitudinem assurgant dictæ exhalationes, multus requiratur calor, credibile est, quod multa talia exhalationis corpuscula ita expandantur, ut rumpantur, (nam nisi ætherem contineant nobiliorem, eousque haud attolli, & si continent, absque ruptione vix persistere possunt,) adeoque dum utraque bullula seorsim constituitur, in duo mutantur corpuscula aerea; putarim, quod hæ exhalationes non sint adæquata vaporum causa, & forte ne quidem præcipua.

§. 16. Sicut autem talis vapor sit ex aqua, sic & alius veluti magis à priori ex aere fieri potest, nempe mediante illa aura centrali, ex terra, per polos, circulante. Nam hujus corpuscula, quod suo loco probavimus, constant ex bullulis nobilioribus, & adeo minimis, & superiora illa aeris atmosphærici corpuscula ex bullulis ignobilioribus, adeoque maximis, & quæ poros habeant valde ampliatos: unde circulatione sua ferentur dictæ bullulæ nobiliores in regionem illarum bullularum ignobiliorum, & quotquot illarum in sese habebunt particulam radiantem, paulo vegetiorem, illæ à particula sua actæ, ducentur, per poros ampliatos harum bullularum, in centrum earundem, ibique propter vacuum exterius expandentur, & bullulæ, quam ingressæ sunt, concavitati applicabuntur, sicque adeo vapor generabitur: & hanc ego vaporis generationem puto illa alia, quæ

Vid Lib. III.
C. I. §. 13.

Lib. I. C. VI.
§. 21.

mediante exhalatione ex aqua fit, longe in natura frequentiore; interim uterque hic vapor aquosus vocari potest, ne cum illo aëreo, de quo supra dictum est, confundatur.

Quid sit nubes?

§. 17. Ab hisce vaporibus non differt nubes, nisi quod pauciora talia corpuscula vapor sint, non vero nubes, estque adeo hæc vaporum congeries. Jam vero intelligi potest, quare *nubes suspendatur in atmospheræ summitate*? Nempe ibi constituuntur vapores, ubi corpuscula aeris atmosphærici tam sunt magna, ut intrare in ea possit aura circulans, & quoniam in superficie terræ ordinario illa corpuscula aeris sunt minora, (nam nobiliores bullulæ sunt quoque graviores atque descendunt) ideo etsi & huc feratur aura circulans, tamen inire illa corpuscula minora sibi haud potest: quæ nihilominus interdum subit, si quando aer noster spissus est & vaporosus, quæ si quis è longinquo intueretur, haberet is quoque haud dubie faciem nubis.

Lib. I. C. V.
§. 31.

§. 18. Item, quæ vapores illi, cum sint corpuscula aquea, & aqua non multum leviora, *contineri in aere possint*, quo minus decidunt. Scilicet repetendum hic est, quod suo loco de unione probavimus, ea nempe uniri corpuscula, quæ æquales per poros bullularum suarum exporrigunt radios: unde cum corpuscula nubis vaporosa sint magis, quam aqua, expansa, similia quodammodo sunt corpusculis aeris, cumque his, etsi non arcte satis, uniuntur: hæc unio in causa est, quod in aere libero suspendantur, nec, nisi cum contrahuntur, unionem aeris deserant atque delabantur.

§. 19. Singulare etiam observatur nubium cum ventis commercium, ita quidem, ut post immutationem venti, ut plurimum quoque variet califacies, ratione nubium: Hujus phænomeni nulla alia videtur esse ratio, nisi quod venti varia in atmosphæram inducant corpuscula, quorum & nobiliores sint bullulæ & ignobiliores. *Auster præcipue ut plurimum parit nubila*: nam adducit ad nos bullulas ignobiliores, poris valde, ob expansionem solis verticalis, apertis: unde si forte non patuli satis ad intromittendam auram circumstantem fuerunt aeris superioris indigenæ pori, advena hic ex meridie aer satis ad ingressum patentes habet. Quin etsi ipsa aura circula-

culans forte non advexerit parvas satis bullulas, boreas adducet satis parvas, atque ad ingressum aptas. Imo si & forte in poris ignobiliorum bullularum hæserint nobiliores, neque tamen ingredi citra aliquem impulsu potuerint, hunc quoque à recto cardine spirans ventus præstabit.

De variis nubium coloribus.

§. 20. Nubes etiam varios sortiuntur colores, unde sunt me- ^{supra C. II.}
teora emphatica, aurora, iris, parhelus, paraseline, halo & alia. ^{§. 81.} Er-
autem suo loco probatum fuerit, quod colores sint mixtura
lucis & umbræ, variis tamen modis misceri umbra cum lumine po-
test. Sic v. g. miscetur umbra cum lumine in omni *refractione* in
puncto refractionis, dum anima imaginatione sua persequitur lineam ^{Tab. IV.}
rectam, v. g. a. b. c. in fig. XXXVIII. quæ quoniam motus luminis ^{FLXXXVIII.}
procedit secundum refractam f. F. h. umbra est, & dicta refracta lu-
men, cujus utriusque mixtura circa f. contingit. Miscetur umbra
porro cum luce, in omni radiorum *decussatione*, dum transeun-
tes radii aliquorum, qui ad oculum perveniunt, actionem sufflami-
nant: unde si per vitrum convexum adspicias objectum aliquod,
ut focus objectum attingat, elegantissimi colores apparent cum con-
fusione objecti, qui quidem deinceps, cum objectum ulterius remo-
tum distinctius apparet, maximam partem, non tamen penitus, dis-
parent. Miscetur quoque lumen cum umbra, si aliqui ex oculo e-
missi radii *in actione retorsionis inturbantur* atque impediuntur:
unde non solum, si quis solem adspexit, & fortissima radiorum
solarium actione, radii ex oculis emissi fuerunt in meatibus suis re-
pulsæ, in quos quidam statim, postquam averfus à sole fuit oculus
redeunt, aliqui vero non item, & hi sunt, qui umbram faciunt, mix-
tique cum illis, objectum ad tempus aliquod, donec nempe omnes in
dictos meatus sese receperint, variis coloribus circumfusum repræ-
sentant. Hoc idem quoque iis obtingit, qui ita *ægritant*, ut spiri-
tuum per oculum *emissio* non usque quaque procedat: sic propter
hanc ipsam rationem, qui caractæ incipiente laborant, item, qui
deliquium animi passuri sunt, vel in ipso aere vel in objectis varios
vident colores: quod si penitus intercipiatur radiorum emissio, etiam

in ipsa meridie tenebras vident, quem affectum medici hinc scotomiam dicunt.

§. 21. Potest & pluribus forte adhuc modis misceri umbra cum luce. Sic v.g. etiam *externæ* quasi adhibita umbra colores, si non gignit, saltem adauget: hinc si per vitrum convexum, intra focus, lumen in objectum conjicias, & lumen solis vel ignis, quod in vitrum incidit, non sit forte vegetum nimis, ut umbra in objecto spissa satis esse queat, margo luminis in objectum coniecti erit colorata, tanto magis, quanto umbra est spissior. Sic & si quis per plumam pennæ anserinæ candelam ardentem, non quidem directo, sed ad latus adspiciat, itidem varios colores videbit, qui quo speciali modo gignantur, nondum mihi satis liquet; de quo etiam phænomeno contentius dispicere mihi nondum licuit.

§. 22. Ex dictis ergo patet, quod de nubium coloribus, aurora, & aliis, nihil speciali ratione determinari possit, cum variis modis misceri umbra cum lumine, coloresque adeo gignere possit: unde & quod Cartesius de iride, ejusque maxime coloribus, eodem modo, uti in globo vitreo, aqua repleto genitis, habet, probabilitate quidem hand destituitur, omni tamen exceptione haud est minus; valet enim utique dicta hypothesis de iride communissima, quam *roraulem* paulo post vocabimus, minime vero de rariori vaporosa, de qua, relicta illa, hoc loco dicere animus est.

De Iride.

§. 23. Sicut autem Cartesius iridis colores cum coloribus per bullam vitream aqua repletam representatis, comparavit, ita puto me aliquanto verius, cum alio phænomeno eosdem esse collatum. Est autem sequens: Accipe vitrum lenticulare C. D. converte ejus peripheriam, omni indumento vacuam, adversus solem A, ita ut quam minimam possit, conjiciat umbram B. E. sic paululum adhuc inclinato ad horizontem vitro observabis, in objecto albo, pariete vel charta arcum F. H. G. iridi quam simillimam, simulque ex parte opposita, arcum I. K. L. quorum uterque multo fiet amplior, si cum vitro C. D. longius ab objecto albo recedas, v.g. M. N. O. & P. Q. R.

§. 24.

De Meteor.
C. VIII. §. 1.
& seqq.
Confer. Plut.
de Plac. Ph.
Lib. III. C. V.

Tab. IX. Fig.
LXXI.

§. 24. Etsi autem similia in se in physicis, & philosophia generatim, sicut in sensu Veri atque Falsi demonstravimus, nihil probent, tamen, si phænomena duo sibi perquam sint similia, quorum unus novimus causas modosque, alterius quæramus, ibidem quoque asseruimus, quod hinc utique concludatur aliquid, & id quidem non infimi roboris. Unde omnibus aliis relictis, hic primum inquirere in causam atque modum huius phænomeni cum vitrolenticulari facti debemus. Quapropter dico radios S.S. T.T. U.U. ingredi vitrum C.D. secundum convexitatem V.X.Y. atque ex altera vitri facie refringi in focum Z, & post decussationem profluere secundum lineas S.K.O. & F.I.M. ac tandem H.L.N. Hoc idem, si vitrum recte fuerit soli oppositum, cum aliis lineis, hic non expressis, ex altera vitri facie, contrario modo, contingit, ita nempe, ut ex una facie intrent radii, ex altera vero in focum emergant: qui ex una facie elabuntur, constituunt arcum F.H.G. qui ex altera, repræsentant arcum I.K.L. Quod si vitrum magis ab objecto albo removeris, major subinde fiet arcus, veluti M.N.O.P.Q.R.

Lib. III. C. L.
§. 47. seqq.

§. 50.

Tab. IX. Fig.
LXII.

§. 25. Hæc asserta ita probō: Radii S.S. T.T. U.U. ingrediuntur vitrum C.D. secundum ejus convexitatem V.X.Y. Nam, si ipsa vitri peripheria, a.b.c. oblinatur cera, nihilominus procedit repræsentatio, quæ & procedit adhuc, etiamsi oblitio aliquantum proferatur: ubi tamen arcum V.X.Y. plus minus attigerit, evanescit repræsentatio iridis. Dicti radii ex altera vitri facie ingrediuntur, ex altera refringuntur in focum Z. Nam si ex altera facie obtegas, vel cera oblinas, partem vitri V.X.Y. evanescet repræsentatio, quod non fiet, si ex altera vitri facie idem eodem instituas loco. Nihilominus eadem quoque; disparebit iridis species, si focum Z ex opposita facie contegas. Dico ex opposita; nam si in eadē facie vitri, qua ingressi sunt radii, hoc tentes, non poteris hoc ipso dictam repræsentationē tollere. Duos itaque; hic deprehendes focos, alterum ex hac vitri facie, alterum ex opposita. Quod post decussationē profuant dicti radii secundū lin. G.K.O. & F.I.M. ac H.K.N. id quidē per se clarū est, sicut & quæ proxime sequuntur. Quod vero, si ex una facie elabuntur, constituent arcum F.H.G. qui ex altera, arcum I.K.L. id exinde patescit, quoniam si focum ex una facie vitri obtegas, evanescit arcus F.H.G. si ex altera, arcus I.K.L. quod item

Tab. IX. Fig.
LXII.

quo-

quoque sit, si ex una facie ducatur digitus à V per X in Y. sic enim disparebit arcus à G. per H. in F, ob decussationem radiorum; quod si ex altera facie idem facias, evanescet eodem modo, alter quoque arcus I. K. L.

Vide supra
§. 20.

§. 26. Et hic quidem est modus luminis; quantum vero ad ipsum modum visionis hujus arcus, dico: anima retorquet lumen inter chartam & oculum in chartam, ibique assequitur v.g. radios F, H, G. eosque ulterius retorquet usque ad focum Z, ubi & propter decussationem & propter refractionem, jam miscetur umbra cum luce, quoniam vero ipse focus nimis est lucidus, tollitur hac ipsa nimia luce generatio colorum: nam & ipse arcus coloratus si in objectum nimis lucidum conjiciatur, vel penitus disparet, vel multum saltem devigore colorum remittit: procedit ergo retorsio ad alteram usque refractionem, quæ contingit in V, X, Y. ibique dum iterum in aerem desinunt radii, anima in objecto, in quod proxime desinit retorsio, sibi repræsentat convexitatem, per lineam curvam coloratam. Nam & in camera obscura & speculo, in eo objecto, in quod proxime desinunt radii retorsi, sibi anima objectum, unde accedit lumen, sistit.

*Quod causa hunc arcum constituentes omnes possint
dari in nube.*

§. 27. Ad talem itaque areum his coloribus depingendum, requiritur corpus pellucidum convexum; quis ergo neget esse quasdam nubes pellucas, cum per spissas etiam nubes transpareat dies, & quis inficietur, posse (plus enim hic non requiritur) etiam aliquas, etsi pauciores, esse convexas? Debet tale corpus peripheria sua opponi radiis solaribus; quod manifeste satis contingit in iride cælesti, quoniam sol semper in opposito cæli cardine versatur. Debet denique dari aliquod corpus, in quod projici refracti radii possint, quod hoc loco haud dubie nubes posteriores constituunt. Ergo hoc modo produci in cælo iris potest,

De

De duplici, iride rorante & vaporosa.

§. 28. Hæc dum sic demonstro, nullatenus ingeniosam Cartesii demonstrationem destructum eo: sed id modo contendo, duplicem dari iridem, rorantem atque vaporosam; illam ita solide demonstravit Cartesius, ut haud magnopere sit, quod adjici queat, cumque aliorum meditationes exscribere, meo mori repugnet, quilibet ejus mentem omnium optime vel ex ipso Cartesio, vel Sturmii elegantissima dissertatione *de iridis admirandis*, poterit cognoscere: hoc quoque dico, rorantem illam iridem esse omnium frequentissimam. Cum vero ab auctoribus fide dignissimis, ea tradantur, de rariis visis iridibus, quæ ex Cartesiana hac hypothese intelligi omnino nequeunt, & calores pluribus modis generari possint, in eo hæcenus à Cartesio, & aliis recentioribus, erratum fuisse, existimo, quod non nisi unam iridis causam modumque agnovērunt.

§. 29. Ipse, quamvis id haud asseram, quod iris non nisi duobus in cælo apparere modis possit, hicce tamen, quem paulo ante explicui, modus, sic satis satisfacit omnibus mirabilibus circa iridem phænomenis, quæ ex Cartesiana hypothese explicari nequeunt: hanc itaque rariorem iridem, cujus modo demonstravi modum, cum in nube convexa, absque aquæ stillicidio, contingat, vaporosam vocabimus, & phænomena illa rariora, passim observata, secundum dictum modum demonstrare aggrediamur.

De iride inversa in altum erectis cornibus.

§. 30. Sic non solum Cardanus Venetiis se observasse duas irides inversas, erectis nempe in altum cornibus, sed & idem phænomenon observatum perhibent, Cartesius, du Hamel, Rohault & alii: & quamvis tum Cartesius tum Rohaultius id ex hypothese iridis rorantis deducere allaborent, ea tamen fingunt, quæ à nemine unquam fuerunt observata, ea licentia, quâ concessâ, omnia licet demonstrare ex omnibus. Quod si iris sumatur, fuisse vaporosâ, & nubes paulo inclinatio, ut alter arcus v. g. F, H, G, evanuerit & alter apparuerit v. g. I, K, L, quod quilibet pro lubitu in experimento

Sturm. Irid.
Admirand.
Cap. I.
Ph. XXIX.

Tab. IX.
Fig. LXII.

M m m m

rimento

rimento fondamentali imitari potest, etiam absque operosa demonstratione claret, quomodo talis apparere iris potuerit.

De iride, cujus crura inæqualiter ab oculo distant.

Exercitat.
LXXX. n. 10.
Meteor.
Lib. VI. C. I.
Art. I.

§. 31. Cum ut plurimum sol, iridis centrum, atque oculus, in eadem sint linea, quidam tamen, Scaliger, Fromondus, & alii observârunt magnam crurum iridis ab oculo distantiae inæqualitatem. Tales quoque irides vaporosæ, ex convexitate nubis resultantes, fuisse, non rorantes, putarim. Illæ enim cum depingantur in nube, mirum non est, quomodo oculus alteri cruri possit esse propinquior, ab altero vero remotior.

De iridibus concentricis.

Meteor.
Lib VI. C. I.
Art. IX.

§. 32. Id quoque quod de iridibus concentricis ex Vitellone atque Thimone narrat Fromondus, quarum nempe una alteram undique exambierit, pari intervallo, & spatiosiori gyro, eodemque colorum situ, ex nulla alia quam nostra, de iride vaporosa, hypothese intelligi potest. Nam & in fundamentali experimento tale quid iisdem circumstantiis se se exierit, tum si concentricitarem, tum spatiosiore gyrum, tum & eundem colorum situm spectes. Nempe sicut radii arcum F, H, G. vel I, K, L. constituentes erant illi, qui per V, X, Y. ingressi fuerant, ita aliqui etiam per *a, b, c.* ingressum sortiuntur, & hi sunt, qui exteriorem illum arcum ipatiosiore formant. Nam sive hanc sive illam vitri superiorem faciem obscures, non ideo tollitur repræsentatio arcus: at si summitatem *a, b, c.* cera illinas, protinus ille disparet. Quamvis autem arcus ille spatiosior fere solum compareat, quando interior totus circulus repræsentatur, tamen, quod familiare hic perquam est, facile in tam raro phænomeno alterum dimidium potuit fuisse occultatum.

De pluribus iridibus.

§. 33. Iris hæc vaporosa cum veluti imago in cubiculo obscuro sistatur, plures ejusmodi irides apparere possunt, si nempe plures adsint nubes convexæ recte soli oppositæ, unde non est, quod prætracte ægemus id, quod testatur Scaliger de duabus iridibus, à se visis, in
diversis

diversis nubibus, alteram ex adverso, alteram ex obliquo ad latus. Quin & si conjungatur iris rorans cum iride vaporosa, cum & illa & hæc duplices esse possint, tres, quatuor, & plures simul dari posse irides, quilibet haud difficulter intelligit.

§. 34. Quin etiam illud, quod in Actis Anglicanis, in-lati. p. m. 166. num translatis, de iride, alteram fere ad angulos rectos interfecante, habetur, facile comprehenditur, si altera rorans, altera vaporosa esse supponatur, hæc enim pro vario situ varie arcum suum depingit, sicut is intelligit, qui experimentum fundamentale imitari voluerit. Quid multis? nullum videtur tam mirabile occurrere circa iridem phænomenon posse, quod non vel per hypothesin iridis rorantis, vel vaporosæ expediti possit.

Quare solus angulus 42. 52. graduum, in experimento Cartesiano, repræsentent colores.

§. 35. Cum ergo de iride rorante Cartesium sequar, illud saltem miratus sum, quare non in experimento Cartesii solum, sed & in aliis, repræsentatio colorum deprehendatur sequi angulum 42. & 52. graduum, cumque causa subesse physica debeat, pridem dubitavi, an inveniri omnino possit. Tandem vero cum cogitarem, quod angulus 45. graduum sit octava pars circuli, & quod Lib. III. c. 171. particulæ radiantes octo habeant radios horizontales, parum aberat, §. 24. 25. 26. quin quos olim, numerum certum, pro incerto, supponendo, particulis radiantibus attribueram radios, divinatione me affecutum, & hoc colorum experimento probari, putârim.

§. 36. Aberant scilicet adhuc tres gradus, cum angulus ille colorum non sit 45, sed 42. modo, graduum. Sed quoniam refractionis imminuit angulum, nondum à me impetrare possum, quin credam, dictam causam ex his circumstantiis esse probabilem. Concipiatur enim particula A perpendiculariter, intuitu radiorum hic Tab. III. horizontaliter depictorum constituta, manifestum est, quod ex radiis g. h. i. b. c. d. e. f. nullus attingere oculum possit præter g. hic vero Fig. XXXV. est, qui cum plano terræ constituit angulum 45. graduum: qui
M m m m 2 radius,

radius, si frangatur, ut perpendiculo accedat propius, poterit efficere solum angulum 42. graduum.

Vid. Fig.
XXXV. &
Lib. III. c. III.
§. 24.

§. 37. Sed quid sibi tamen vult altera illa observatio, de coloribus ex angulo 52. graduum? A priori demonstrari potest, quod nullus ex his depictis horizontalibus radiis possit constituere angulum 52. graduum: unde suspicor aliquem ex radiis obliquis inferioribus, qui inter perpendicularem & horizontales eriguntur, esse, qui hos colores gignat. Cæterum nondum mihi omnia satis circa hæc liquent: unde cum tempore spero, plura in hoc argumento, & ea quidem distinctius, me cogniturum esse.

*De reliquis nubium phasmatibus, trabe, corona,
parhelio, &c.*

§. 38. Reliqua nubium phasmata fere mihi ex convexitate nubis raræ, continuæ atque pellucidæ, centro sui, seu axe soli obversæ dependere, videntur. Et maxima sane probabilitate hoc asserere liceret, si vel ipse unquam parhelium vidissem, ut observare potuissem, quod omnes, quos de hoc evolvi argumento, neglexerunt, an si parhelii adspiciantur, clauso uno oculo, unus vel duo eorum dispareant, annon? Prius enim si fiat, dubitari amplius haud posset, quin videamus parhelium per nubem convexam, valde pellucidam.

§. 39. Sicut ergo vitrum & aqua sunt corpora homogenea, ita vapor & nubes sunt corpora heterogenea, intermixtum enim corpusculis aqueis habent aerem: unde id efficitur, ut in periphæria longe sint magis perspicua, quam circa centrum, adeoque in periphæria representent circulum album, qui si satis habeat admixtæ umbræ, varios, per modum iridis, induere colores potest. Ista vero umbra efficitur, si in debita distantia sit oculus à corpore pellucido convexo, nempe si sit ultra focum constitutus: unde si talis distantia sit, & una nubes convexa, corona sive halo gignitur, variis coloribus depicta: in alia vero distantia, sive infra focum, sive nimis ultra eundem, circulus albus apparet, qui si propter variationem ad horizontem inclinationem non totus appareat, *trabs* est,

est, sin totus, *fovea*. Corona illa seu halo vel circa solem datur, vel circa lunam.

§. 40. Quodsi dicta distantia multum recedat ultra focum, duplex apparebit objectum, sol nempe, unde apparebit parhelius, vel si luna sit, paraseline. Nubes autem illa diverso situ potest esse locata, ut vel ejus peripheria respondeat oculo nostro, vel centrum plus minus: si centrum, non videbimus nisi duos soles, quorum neuter sit verus: nam & per vitrum convexum ita possumus adspicere objectum, ut duplex appareat, quorum sinistrum dispareat, clauso dextro oculo, dextrum, clauso sinistro. Quodsi peripheria oculo ita respondeat, ut sit eodem paulo depressior, triplex sol apparebit vel luna, unus verus, ultra peripheriam oculo objectus, duo parhelii vel paraselinæ, in opposita nubis convexæ extremitate, v.g. A sol verus, B. C. duo parhelii. Sin rarius accidat, ut adhuc altera nubes convexa, sublimior, & minor intercedat inter solem, & convexam oculo proximam, poterunt quatuor, quinque & sex soles repræsentari: nempe tres in extremitate nubis A. B. C. duo in extremitate nubis D. F. E. G. nempe D. E. Oculi si lateraliter sit constitutus, disparebit parhelius C. vel B. & sic modo quatuor soles conspiciuntur, quales in Actis Anglicanis relati sunt. Nubes vero D. F. E. G. si ita sit constituta, ut oculus tres seorsim soles videat per eam, sicut alios tres videt per nubem A. B. C. sex quoque poterunt apparere. De cætero interior circulus, qui & in figura Cartesii, & ea, quæ exstat in Actis Anglicanis, comparet, non tertiam nubem indicat, sed corona est, à nube sublimiore repræsentata.

§. 41. Et ita quidem probabiliter se habent hæc phænomena, si experientia imposteriorum docebit, quod clauso uno oculo, evanescat aliquis parhelius, vel paraseline. Quodsi experientia contrarium doceat, tamen multiplicatio hæc aliunde, quam à refractione, esse haud poterit: unde tunc tot erunt concipiendæ nubes diaphanæ, quotprehenduntur parhelii vel paraselinæ. Simile enim quid licet experiri, si adsit patina aqua plena, cujus fundo injicias nummum aliquem, aut aliquid aliud relucens & splendidum, in ipsa vero aqua, sibi invicem horizontaliter quomodocunque subordinates duos vel plures orbes vitreos, ita quidem, ut lumen à nummo ac-

ceptum junctim referant ad oculum, sic enim præter verum, duos pluresve conspicias imaginarios.

Animadv. P.
l. p. m. 588.

§. 42. De *virgis* placet opinio Gassendi, qui putat eos non secus gigni in aere medio, crassiusculis vaporibus pleno, quam quomodo gignuntur quoque, dum radii per fenestras, foramina, rimas, in ædificium ac præsertim pulverulentum immittuntur. Nam si totus aer illustraretur, uniusmodi esset coloris; at quia umbræ intermiserentur, quæ spacia interoccupent; ideo solæ partes radiis illustratæ, exporrectæque, in longum apparent. Scilicet requiritur nubes diaphana quidem, non tamen æquabilis, ut lumen aliquas possit penetrare partes, aliquas minus.

De Pluvia.

§. 43. Hactenus de nube, quæ, uti vapor, duplex est, aquosa & aerea: hæc immediate non mutatur in pluviam, sed illa, & hunc quidem in modum, ut paulatim abscedant particulæ radiantes, copiosæ ignobiliores, vaporum expandentes, ejusque corpuscula magnitudine ferme aeri æqualia reddentes: abscedunt autem in vicinum aerem, quippe ubi minus est resistentiæ: sic aeris corpuscula crescunt, vaporis decrescunt, & adeo extra unionem cum aere constituuntur, unde suo pte pondere, per modum pluviae, decidunt. Hæc tamen eadem nubes, si, quantum particularum abscedit, subinde à sole restituatur, diu etiam conservari in aere potest: quin &, si vel bullulæ hujus vaporis paulo sint ignobiliores, vel copiosius infarciantur particulæ radiantes à sole, etiam usque eo expandi tale corpusculum vaporis potest, ut exterior ejus bullula rumpatur, interior exolvatur, adeoque vapor redeat in aerem. Quod si forte aliunde probari queat, quod quædam nubes vapore consent aereo, hæc etiam accedente sole non possunt non in aerem perspicuum iterum resolveri.

De nubium cataracta.

§. 44. Nubes autem dura contrahitur in pluviam, non tota in eandem abit, sed maxime solum ratione partium inferiorum: cum superiores, utpote solis radiis expositæ, dum earum exteriorum-

rumpitur bullula, paulatim iterum abeant in aerem: quodsi aer frigidior inferiores nubis alluat partes, brevior quam aliàs temporispatio, secedunt in aerem frigidum particulæ radiantæ, adeoque copioſius junctæ corpuscula pluviola, cum impetu atque confertim decidendo, *imbrem* conſtituunt, cui ſi accedat ventus, *nimbus* eſt; ſin aer vel ventus frigidior & inferiores & superiores nubis partes ita perſtringat, ut & ſolis in nubem ſuperiorem enervetur operatio, tota nubes uno iſtu à commercio aeris diſſolvi, in aquam ſubito mutari, & per modum cataclætæ decidere poteſt.

De Nive ac Grandine.

§. 45. Id vero non niſi rarius contingit. Ut plurimum quippe ventus inferiorem modo nubis partem particulis radiantibus privat, & hoc ipſo in aquam mutat. Quodſi is ventus tam ſit frigidus, ut particulis radiantibus non mediocriter, ſed copioſius depeculetur atque ſpoliet nubem, vapor immediate mutatur in *nivem*. Hicidem ventus ſi ſolum ſuperiorem nobis ſuperficiem particulis pauperet, nix ibi generata per nubem aquoſam decidens, & in tranſitu particulas vaporoſas ſibi djungens, *grandinem* conſtituit.

§. 47. Nivis variam eſſe figuram, plerumque tamen ſtellulas ſex radiis diſtinctas repræſentare, obſervavit Cartefius, cujus rationem mechanicam ille quidem allegato loco demonſtrare anniſus eſt ratione tamen verorum principiorum, extra oleas vagans, oleum perdidit atque operam. Nos ſupra jam edocuimus, quomodo particulæ radiantæ, octodecim radiis pollentes, non tamen niſi *ſex conjunctivos* habeant: & hi ſex conjunctivi ſunt, qui corpuscula nivis ſex radiis prædita ſiſtunt. Nam conjunguntur corpuscula minima, adeoque & nivola, per radios conjunctivos, quorum cum ſex ſint, non poſſunt habere illa corpuscula, plures quam ſex radios, hoc eſt, ſex continuationes minimorum corpusculorum ſibi invicem connexorum.

§. 48. Quod vero radii ejusmodi per continuationem minimorum corpusculorum poſſint fieri, docent eadem Cartefii obſervationes, quibus ſcapum illum duas niveas rotulas conjungentem, qui nihil aliud videtur fuiſſe, quam continuatio corpusculorum niveorum,

De Meteor.
C. VI. §. VII.
& ſeqq.

Lib. III. C. III
§. 25.

Meteor. C. VI §. XI. rum, secundum unum radium perpendicularem; animadvertit, inquam, scapum illum, seu columnam crystallinam, *rofs* (corpuscula minima vaporosa congelata puta) aut *stellulis* interdum æqualibus, interdum inæqualibus, in utraque extremitate fuisse exornatas.

De corpusculis, seu laminis nivis, quatuor, sex & duodecim radiorum.

§. 49. Sicut autem de particularum radiis nunquam cumulo contenderim, ita hætenus saltem numerus octo horizontalium, §. 35. & 36. tum ex colorum apparentium angulo, de quo paulo ante dictum est, tum ex glomis seu globulis niveis, qui sex distinguuntur radiis, probabilis factus est. §. 47. Cartesius vero, qui & hos radios, & alios plures à se deprehensos, vento, plusquam opifice provincia instructo, fabricatos retulit, vel ex propria experientia, qua eos tam accurate Meteor. C. VI §. IX. confer sexangulares, lateribus tam rectis, & angulis tam æqualibus, ut nihil simile humana industria efficere possit, observaverat, futilitatem & §. VIII. demonstrationis suæ agnoscere potuisset.

§. 50. Ventus inconstans & turbulenta aeris commotio nihil tam affabre concinnare potest, quin autem quocunque modo §. 1. §. IX. formatum tollat, nihil ob stare videtur: unde quando Cartesius loco glomorum etiam laminas observavit, id hinc facile contingere potuit, quoniam conjunctiones perpendiculares à vento fuerunt ablatae. Sic vero cum non nisi quatuor, ex octo illis horizontalibus, radii conjunctivi jungendis istis nivalibus radiis apti remaneant, videndum, quomodo illæ nivis lamellæ, sex veluti crenis aut radiis, imo octo, & duodecim, pollere possint?

§. 51. Nempe nihil prohibet, quo minus particularum radiantium horizontales radii in aliis octo sint, in aliis duodecim: ergo in his sex, in illis *quatuor* series minimorum corpusculorum necti possint, si ventus perpendiculares, & axi respondentes nexus abstulerit. Apparet ergo, quomodo ejusmodi aliquæ lamellæ sex habeant radios, aliquæ quatuor: & quamvis Cartesius nullas quatuor radiis constantes retulerit, non dubito tamen, quin aliorum industria tales

les sit deprehensura : nondum vero apparet , qui duodecim crenas
sive radios habere eadem possint : itemque quī octo. Suppono
autem duas horizontaliter conjunctas ejusmodi lamellas, quarum
utrarumque conjunctiones perpendiculares seu polares non fuerint
continuatæ, sed se invicem radiis, perpendiculis dictis, appre-
henderint : sic aliæ particulæ , quæ non nisi quatuor conjunctivis
horizontalibus erant præditæ, octo; aliæ, quæ conjunctivis sex polle-
bant, duodecim radiorum lamellas composuerunt.

Vid. hic Lib.
III. Cap. III.
§. 25.
& Tab. III.
Fig. XXXV.

§. 52. Hæc autem hypothesis subsidiaria, de duabus lamel-
lis conjunctis, quod recte subsidiaria, & non fictio sit, apparet ex e-
legantissima illa Cartesii, de duabus lamellis scapo quodam connec-
xis, observatione. Cum enim binæ dicantur uno fuisse axe conjun-
ctæ, apparet, quod dictus scapus ex perpendicularibus radiis coaluerit.
Dicit, se notasse, quod *breviores facti fuerint axes, sive columnæ*
(scapos intelligit) *& gradatim adhuc breviores, donec tandem*
stellule omnino jungerentur, caderentque duplices, duodecim
insignes radiis, satis longis, & accurate dimensis, in aliis æqua-
libus, alternatim inæqualibus : ubi notatu dignissimum est,
quod alternatim etiam inæquales observaverit, adeoque sex lon-
giores, & sex breviores: quæ differentia manifestissime conjunctio-
nem corporum duorum indicat. Cum vero nihilominus, ut duo-
decim radii repræsententur, singularis adhuc requiratur casus, quo
ita jungantur, ut ne radii radiis incumbant, mirum non est,
quod in multis stellarum millibus, quas uno die observavit Car.
tesius, non nisi paucissimas, quæ duodecim, & quatuor, aut
quinque, alias, quæ tantummodo octo radios ha-
bebant, observare potuerit.

I. all. §. XI. &
XII.

I. all. §. XII.

S E C T I O I I I .

De

Usu harum doctrinarum, adversus atheismum, superstitionem, atque inprudentialia circa sanitatem.

An iris ante diluvium fuerit?

§. 54.

NOtum est, quod Gen. 9. Deus dicit: *Cum obduxero nubibus celum, apparebit arcus meus in nubibus, & recordabor fœderis mei vobiscum, & cum omni anima vivente, quæ carnem vegetat, & non erunt ultra aquæ diluvii, ad delendam universam carnem.* Hinc ergo apparet, quod iris à Deo constituta fuerit signum diluvii, non amplius redituri, & hinc videtur sequi, quod ante diluvium haud fuerit. Sed primo notamus, accurate haud sequi, quod ante diluvium haud exstiterit iris; illud enim solum exinde conficitur, quod ante diluvium non fuerit signum, quale fuit post diluvium. Signa sane sunt arbitraria, & non necessario naturalia: unde si arbitrarium signum dicas iridem, potuit ea extitisse ante diluvium: sicut verbi gratia Rhenus potest esse signum compositæ controversiæ de terminis Romani imperii regniq; Galliæ, etsi ille semper fuerit, ante quam etiam de illis disceptari cœptum est.

§. 55. Dein, id quod etiam Conimbricenses annotârunt, potest iris etiam pro naturali signo nunquam redituri diluvii haberi, ita quidem, ut hoc sensu ante diluvium haud fuerit data. Nam cum apparere haud possit, siue iris rorans sit, siue vaporosa, si totum cælum nubibus sit obtectum, & ante diluvium probabiliter plus aquæ, vel saltem plures bullulæ aeræ ad constituendam aquam dispositæ fuerint in natura, sequitur, quod quando plu-

pluviosum fuerit cælum, propter quantitatem materiæ ad aquam aptæ, totum potuerit esse pluviosum, ut in eo iris nulla fuerit generata.

De pluviis per magos & sagas excitatis.

§. 56. Nescio etiam, annon mera superstitio, imo vana persuasio sit, si quidam magicis artibus, vel se, vel alios, excitasse pluvias, existimant. Nam pluvix, pariter ut venti, ex causis mere mechanicis dependent, quæ non videntur magiæ naturali subditæ, adeo ut diabolica magia esse debeat, quæ pro lubitu concitare pluvias possit. Sed si quidem sub vernum modo, & autumnale, tempus artem exerceant magi, cum nihil sit vento & tempestate inconstantius, casu evenire potest, quod arte effectum putatur. Quod si vero decies viderem, serenitate per aliquot dies constante, subito murmure venefici vel sagæ concitatas pluvias, arte quidem crediderim eas productas, sed mala, & diabolica, cum hæctenus non videam, quomodo naturaliter, ad lubitum hominis, possint progigni. Sed hoc tamen quoque pronunciatum non nisi pro verosimili haberi velim, cum meminerim præstigiatores ea sæpius oculis meis exhibuisse, quæ primo intuitu æque minus, quomodo fierent, intelligebam, cum deinceps tamen, absque prohibita ulla arte, ea produci viderem: at homo scire potest, homo quid possit, minime vero, quid possit natura.

De præsagiis tempestatum, maxime pluviarum, & prudentia regulis circa illa.

§. 57. Pluvias præsagire & bruta in statu naturali, & homines in præternaturali, tam notum est, quam quod notissimum: sed modus illius cum causâ, adhuc satis est incognitus. De nullo vero animali certius est hoc præsagium, quam de gallo gallinæ, qui quod pluviam prænunciet, certissimum est, quod vero & serenitatem indicet, ego certo satis observare haud potui; nam & cætera animalia bruta, culices, hirundines, pavones, & alia, nubilum tempestatem præsagiunt, non serenam: eadem vero voce, quâ nubilum cælum prænunciat, etiam post mediam noctem ovare, itemque post


Supra §. 14.

coitum, solet : cumque alias sit animal salacissimum, & aliunde, mihi saltem, constet, quod salacitas sit à bullulis nobilioribus, hæ eadem quoque, uti ex antecedentibus patet, ad omnem non solum pluviam, sed & tempestatem modo, nubilosam requirantur, probabile perquam est, gallinaceum de bullulis nobilioribus, salacitas suæ materia, perceptis, cantu jubilaré, alisque tripudiare atque plaudere, quando eas, tum post mediam noctem, tum instante pluvia, præsentit.

§. 58. Cætera animalia fere averfari easdem videntur, quam averfationem, vel clangore, uti anseres, pavones, passerés, bubones; vel aquis se immergendo, ut intraturas per poros cutis bullulas veluti eluant, quod faciunt anates, hirundines, mergi, aliæque aves; vel rostris plumas pectinando, veluti inimicas bullulas poris insidentes ablaturæ, uti ciconiæ, grues & aliæ, significant. Apes dum eo tempore in alvearibus suis commorantur, non tam videntur has bullulas timere, quam pluviam.

§. 59. Hanc naturam tempestatum præfagam, etiam induunt quidam homines, non recte satis valentes, quod sequente modo, evenire putârim : Admittitur aer tum per poros bronchiorum pulmonis, tum & per poros cutis in sanguinem; hosce poros, secundum cujusque hominis temperamentum, ita struxit natura, ut in statu naturali non majores admittant ex aere bullulas, quam temperamentum requirit. Sic ergo non quidem majores admittuntur, utique vero minores : hi quoque ut prohibeantur, atmosphærulæ bronchiorum partiumque cutanearum, efficiunt : nam & atmosphærulæ illæ constituuntur ex bullulis temperamento convenientibus, & aeris externi bullulæ, ingressuræ sanguinem, prius conjungi cum his atmosphærulis debent : quæ ergo sunt multo minores, cum iisdem conjungi nequeunt, adeoque sic & majores & minores ab ingressu in sanguinem prohibentur : quod si nihilominus quædam, quocunque modo, veluti per violentiam in sanguinem urgentur, cum eo propter eandem corpusculorum disparitatem haud uniuntur, & primo quoque tempore à provida natura amandantur,

§. 60. Jam si corpus labefactatum à morbo, facile evenit, ut vel dicti pori sint debito ampliores, vel atmosphæra bronchiorum, aut partium cutanearum corpusculis constet, justo majoribus, aut minoribus, ut adeo corpuscula, quæ secundum temperamentum, non debebant, transmittantur in sanguinem: quo facto, si nondum plenaria est cachexia, ejusdem, heterogeneæ bullulæ scorsim constituuntur, & à provida natura ad locum, per quem hætenus exonerare materiam, sibi molestam, consuevit, fecernuntur, quod dum sentiunt hi homines, tempestatem veluti gallinacei prænunciant. Et hinc apparet, quare in catarrhis, & morbis pectoris, tam manifestam sæpe opem ferant leniter adstringentia v. g. terra sigillata, bolus Armena, veronica & alia: scilicet quoniam poros nimis laxos, per quos materia peccans hætenus ingreditur, debito tono roborant, ut ingredi amplius illa quidem haud possit. Cumque alias non incongrua suspicio sit, quod adstringentia illa solum fluxum materiæ inhibeant, adeoque non morbum, sed symptoma tollant, prudentiæ erit ex dictis colligere, quod illa quidem suspicio perutilis, cæterum hoc loco nos non usque adeo terrere debeat.





CAPVT. X.

De

Nebula, rore & pruina.

S E C T I O I.

De

*Aristotelis, Cartesii atque Gassendi
circa hæc opinionibus.*

§. 1.

Libr. de Mun-
do Cap. IV.
item.
Meteorol.
Lib. I. Cap. X.



Ristoteles *nebulam* dicit ἀναθυμίασιν ἀτμίᾳ, seu, *exhalationem vaporosam*, ἀγρον ὑδατος, seu, *quam haud gignat*, cæterum aere crassiore, nube vero rariorem. Gigni eam putat vel ex nubis primordiis, vel ejusdem reliquiis. *Rorem* dicit esse ὑγρον ἐξ ἀσθλίας κατὰ σύστασιν seu *humidum ex serenitate per concretionem factum*, minutim delabens: *pruinam* vero, *rorem concretum*. Hæc singula, nisi quod sint nimis metaphysice dicta, hinc parum clara, magisque nominaliter, quam realiter, exposita, nullo alio, quod sciam, laborant vitio.

Meteor.
Cap. V. §. VI.

Cap. præc. IX.
§. 8. & seqq.

I. all. Cap. VI.
§. XVII.

§. 2. Cartesius nebulas à nubibus non nisi loco distinguit, dum ait: vapores vel in nebulas coguntur, si nempe aer in terræ vicinia admodum frigidus est; vel in nubes, si non nisi altior satis frigidus sit iis condensandis: unde denuo, quod superiore capite jam de pluvia retulimus, huc referre piget. Nebulas vero, si descendant, existimat in rorem abire, si ex aquæ guttis componantur: & in pruinam, si ex vaporibus jam gelatis, seu potius, qui gelantur, cum terram

terram contingunt. Quæ quidem non tam manifeste falsa sunt : cæterum nos infra demonstrabimus , nebulam essentialiter differre à nube , & rorem atque pruina nullam necessariam connexionem habere cum nebula.

§. 3. Gassendus de nebula , à nube essentialiter haud distincta , fere idem sentit cum Cartesio , dum ait : *cum nubes pluvie grava fiat ex copioso vapore , qui confertim , & magna vi , prodit , emergitque ex ipsis terræ visceribus ; nebula videtur duntaxat progigni ex vapore , qui superficie tenuis , lentoque calore , ex humore eductus , & lente attollitur , & aliunde cohibetur , à circumstante frigiditate ; adeo ut concreseat quidem , & visibilis efficiatur ; sed non efferatur tamen , neque avolet sursum , ac terræ potius & aquæ cohæreat.*

Animadv.
T. I. p. m.
§ 15. col. I.

§. 4. De rore vero & pruina tam sane disserit ex Epicuro Gassendus , ut ejus omnino opinioni accedamus. Scilicet ex duobus Epicuri modis prior est , quem nostro calculo probamus , & quatenus quidem à Gassendo exponitur , dum ait : *Inter ea corpuscula , quæ sunt per aerem respersa , plurima esse aquea , sed ita rara & tenuia , ut serenitatem non turbent : quod quidem per æstatem potissimum patet , cum vapores calorem solis ex aquis educti , ita attenuantur , rarescuntque per aerem , ut cælum nihilominus serenissimum appareat. Scilicet hujuscemodi videntur esse corpuscula , quæ aquea semper cum remaneant , coactione sola egere videntur , ut id quod sunt , esse appareant ; potestque frigiditas noctis ad hoc abunde suppetere , dum toto aere concrescunt guttæ insensibiles , quæ in aridam quidem terram decedentes , combibantur ; decedentes autem in herbarum aut arborum folia , aliasve res non bibulas , colligantur illic in grandiores guttas.*

Animadv.
T. I. p. m.
§ 77.

SECTIO II.

De

Nostra circa hæc sententia.

De

Duplici vapore, nubo & nebuloso.

§. 4.

§. 13.

IN superiore capite de vapore egimus nubo seu nubium parente, duplici bullula constante, nunc de alio videndum, quem nebulosum dicimus. Confusio utriusque vaporis, seduxit omnes philosophos, præter Aristotelem, ut nubem cum nebula confunderent, soloque loco differre existimarent: cum tamen, si realem definitionem respicias, natura atque essentia sint inter se distincta. Equidem si putes, physicam posse in solo conceptu nominali acquiescere, recte Gassendus atque Cartesius utramque non nisi sublimitate distinguunt: sed cum cordationum iudicio omnis definitio nominalis sit propter realem, inconcinni quiddam habere deprehenditur definitio hæc nominalis nebulae & nubis, dum res duas, natura atque essentia distinctissimas, uno nomine confundit,

Vld. Senf.
Ver. & Fals.
Lib. I C. IX.
§. 15. seqq.

§. 5. Vapor itaque nominaliter consideratus omnis, obscurus aer est: obscurus autem aer ex duplici causa est, vel quoniam particularum radiantium actio à duplici imminuitur bullula, vel quia à simplici, sed nobiliore, ille vapor nubilus s. aquosus, hic nebulosus seu acreus est: hic recte ab Aristotele exhalatio sicca & ἀγρὸς ὕδατος dicitur, illa vero exhalatio humida, & ἑγρὸς ὕδατος est. Critericum est, quod vapor nebulosus haud humectet, vapor autem nubilus utique: Dantur autem & nebulae, quæ humectant, & nubes, quæ non humectant, si nebulae nubisque voces nominaliter sumas. Sic enim, etsi rarius interdum obscurus talis aer terræ incumbit, quem si pervadas, humectari te ab eo sentias: cum alio tempore obscurus pariter aer, terræ imminens, pervadentibus nullatenus adhæreat.

Vld. & C. IX.
§. 16.

§. 6. Et

§. 6. Et reali quidem consideratione, talis aer humectans, etsi terram feciat, nubes est, non nebula, nebula vero nominali acceptione dici potest: sicut & ejusmodi aer obscurior, in summitate atmosphære constitutus, sæpe secundum veritatem nebula potius est, quam nubes, utpote simplici bullula aerea constans, & *ἀγνοῦν ὕδατος*: quamvis sic argumentari nolim, quod qua nubes pluviæ haud gignunt, nebulae sint, secundum rei veritatem: fieri enim potest, ut etiam ex vapore nubilo, cujus bullulae duplices à radorum solarium efficacia rumpantur, nulla generetur pluvia. De vapore nebuloso supra egi. Est ergo in summitate atmosphære interdum nebula, sed plerumque nubes: simplex enim bullula raro tam nobilis est, ut in altum attolli à particulis, quin vincatur ejus ad centrum conatus, possit: sed incumbit etiam terræ interdum nubes, interdum nebula, plerumque tamen hæc, cum duplicium bullularum corpuscula ab aura centrali, sublimius evagante, gignantur.

Lib. I. C. VI.

§. 21.

Vide & Tab.

I. Fig. V.

Vid. C. IX.

proxime anteced. §. 15.

De rore.

§. 7. - Etsi autem vaporem nubilum s. aquosum maxime ab hac aura centrali in sublimioris aeris expansis bullulis ingesta deducam, non vero ab exhalationibus aqueis: nihilominus exhalationes eas non nego penitus, sed roris materiam constituere existimo. Aqua enim cum solis calore attollitur, minimam sui partem ex bullulis constat nobilioribus, sed fere ex ignobilioribus, unde rumpuntur hæc, ubi paulo altius elevantur, & in aerem fatiscunt, cæteræ vero interdum in aere sublimiore librantur, nocturno vero frigore coguntur, ut cum aeris illius majoribus corpusculis conjungi nequeant, sed paulatim decidant, roremque constituent.

§. 8. Unde roris quidem aqua differt, ab alia communi, quod phlegma sit, id est, bullulis constet nobilioribus, particulis vero ignobilioribus: sed & multa ejus corpuscula particulas continent nobiliores, hinc & promissa fermentatione in destillatione spiritum fundit. Turgent vero particulis roris corpuscula, sive nobilioribus sive ignobilioribus, unde vel paululum a sole adjuta, iterum in sublime evehuntur.

vid. Tab. I.

Fig. VI.

De melle..

§. 9. Aliqua autem roris corpuscula spirituosâ, ita nocturno frigore possunt cogi, ut delabentia ingrediantur corpuscula atmosphærica florum, quæ simplici bullula constantia, si intra sese admittant spirituosâ hæc roris corpuscula, constituent corpus tribus bullulis constans, & una particula radiante nobiliore, pluribusque ignobilioribus, quod nullum potest esse aliud quam corpusculum dulce, quale est saccharum. Neque enim omnia roris corpuscula decidentia tam nobilibus constant bullulis, ut subingredi corpuscula florum atmosphærica possint, unde hæc sunt, quæ saccharum illud solvunt, adeoque melliginem seu mel constituunt: saccharum enim à melle haud aliter differt, quam quod mel sit saccharum cum aqua commixtum: unde & mel & saccharum spiritum in destillatione exhibent acidum, non æque ardentem. Ut enim ex saccharo vel melle fiat spiritus, exterior bullula debet à vi ignis rumpi: ante vero quam rumpatur, quam maxime debet expandi, qua expansione, ita ampliantur bullularum pori, ut particulae ignobiliores, quæ ad constitutionem spiritus ardentis quam maxime requiruntur, elaborantur: unde generari ex hisce quidem spiritus potest acidus, non æque ardens.

Vid. Tab. I.
Fig. XI.

Tab. I.
Fig. XI & II.

§. 10. Etsi vero ille ipse ros, qui allabitur florum atmosphæculis, & mel constituit, sit spiritui ardenti valde analogus, sæpe etiam est subacidus, & quanto minoribus constat corpusculis, tanto promptius corpusculis florum atmosphæricis immergitur, sed sic non mel dulce constituit, sed acre potius atque corrosivum floribus fructibusque infestum, hortulanis atque agricolis visu abominabile.

§. 11. Hæ ipsa roris spirituositas id efficit, ut tam facile in auras advencat ros, si vel mediocri solum calore adjuvetur, unde fugitivus herbarum atque graminum hospes est, qui simulac sol plena facie collustrat terras, cælestia regna repetit: unde &, si quando in calidiora quocunque modo terræ loca defluit, minime ibidem commoratur, sed statim resurgit. Hinc ejus absentia metallarum absconditorum metallorum probabile signum est: exhalatio enim metallica calida est, & sæpe tam efficax, ut nec candelam accensam eo in

in loco, ubi maxime fervet, ferat, quæ adeo vel rorem penitus non admittit, vel allapsum è vestigio in auras reducit.

De pruina.

§. 12. Sicut autem nocturnum quidem frigus, si mediocre sit, rorem cogit, sic si vehementius idem instet, loco roris pruina exhibet: præcipue si corpuscula aeris nobilioris superficiem terræ magis stringant, quàm superius provehantur, quàm ipsam tamen terræ superficiem tam stricte acceptam nolin, quin & montium juga comprehendat. Nihilominus putare minime debemus, quod omnis ros à frigore coactus sub forma pruinae adhæreat herbis & graminibus, aliisque rebus, sed cum ros particulis radiantibus differat, ut vel major ejus copia, vel insignior nobilitas sit, credere par est, quod ab æquali frigore, non uno eodemque tempore concresecat, sed quædam hujusmodi corpuscula sub forma roris superficialibus terræ corporibus adhæreant, quædam sub forma pruinae; illa quidem, quæ vel particulis gaudent copiosioribus, vel nobilioribus, hæc, quæ contrario se habent modo: illa vero cum his mixta pariter congelantur in pruina. Cum ergo cum illis roridis elastice cohæreret atmosphæra corporum, quibus inhærebant, & cum iisdem itidem elastice conjungeretur pruina, hæc quoque per rorem, tanquam tertium proportionatum, unitur cum atmosphæralis dictorum corporum; unde iisdem non per modum nivis incumbit, sed elastica connexionem adhæret.

Quare, nebula si ascendit, pluvia, vel calum saltem nubilosum, sequatur.

§. 13. Ex dictis ergo patet, quod nebula non sit causa roris vel pruinae, quod plerique omnes tamen tradunt auctores: illa ipsa vero interdum causa est pluviae, vel cæli nubilosi, nempe si nebula ascendat. Hoc axioma verissimum est, si intelligatur de nebula proprie dicta, hoc est ea, quæ constat bullula simplici, non duplici, seu vapore nebuloso, non nubilo. Nam nebula (nominaliter ita dicta, quoniam superficiem terræ incumbit) si deiciatur ab accedente solis calore, indicio est, quod constervapore nubilo, seu duplici bullu-

la constante, sin attollatur ab eodem, apparet, quod vapore constet nebuloso, seu simplicis bullulæ, h. e. acreo.

§. 14. Nam vapor sive nebulosus sit, sive nubilus à sole expanditur: nebulosus, quoniam aer est, attollitur, si plures, quam hactenus habuit, recipiat particulas: qui idem aer nebulosus etiam eadem proportionem, qua expansus fuit, iterum, si in frigidiorē superiorem aerem devehatur, imminuitur, donec tam exigua reddantur ejus corpuscula, ut inferioris magis expansi aeris poros ingredi, & sic duplici bullula indui, atque hoc ipsum in vaporem nubilum mutari, modoque supra demonstrato in pluviam abire possint. Nebulæ vero idem vapor si nubilus sit, seu aqueus, ab expandente sole non æqualiter grandescit, cum duplex bullula non æque facile expandatur, ut simplex: unde cum aeris corpuscula valde augentur, hujus vaporis corpuscula extra unionem constituta decidunt, adeoque nec superius vel nubem condere possunt, vel pluviam.

S E C T I O III.

De

Prudentia circa sanitatem ex hac doctrina comparanda.

§. 15.

NOn itaque de nihilo est, quod nebulam, vulgari traditione, reformidamus. Si enim sit nebula proprie dicta, quæ simplici constet bullula, eaque nobiliore, potest cum respiratione attracta nostris humoribus inferre labem, si cum iisdem unita, & à spiritibus nostris imprægnata, in ignem mutetur, & sic febrem, magis minusque periculosa, & pro ratione circumstantiarum, pestilentem gignat. Cum vero talis aer, nisi cum salivæ conjungatur corpusculis, haud facile adhærescere humoribus nostris queat, non improbanda eorum cautio est, qui vel esu potuque, & spiritibus hinc in humores translatis, vel trochiscis aromaticis sublingualibus, vel aliis medicinis spirituosiss, ita expandere suos humores intendunt, ne aeris nebulosi corpuscula uniri cum iisdem possint.

§. 16. Ne.

vid Lib. I.
Cap. V. §. 201.

§. 16. Neque etiam contemnenda eorum solertia est, qui in parandis medicinis rorem pluviae, pluviam aquae fontanae, praeferrunt. Et ros enim & pluvia, etsi non corpusculis gaudeant tam magnis, quam sunt spiritus ardentis corpuscula, revera tamen majoribus pollent, quam aqua fluvialis aut fontana. Unde vel ipsae lotrices norunt, aqua pluvia melius expurgari mundarique linteamina, quam fluviali; fluviali, quae multum pluviae continet, adhuc melius, quam fontana. Ignorant vero rationem. Nempe enim linteamina vel pinguedine animali, vel sudore sunt polluta: animalia autem corpuscula omnia ceteris sunt magis expansa: unde & aquae pluvialis corpuscula cum his facilius uniuntur, quam aquae fontanae corpuscula, qua ipsa unione exterguntur sordes: unde & plantae maxime odoriferae, utpote & ipsae, hoc ipso, dum sunt odorae, majoribus corpusculis atmosphæricis praeditae, magis recreantur à corpusculis aquae pluviae & roris, quam aquae fontanae.

§. 17. Unde & si aqua ad extractionem, aliamve preparationem vegetabilis, maxime spirituosae, adhibenda est, aqua pluvialis semper praefertur aquae fontanae: quod si vero nec ista videatur satis turgida, nulla poterit esse aptior rore, vel aqua destillata. Sicut autem in omni aëthere aliquod principium levitatis est, in aëre gravitatis, sic & levior ros est, quam aqua pluvialis, haec levior fluviali, haec levior fontana. Et pro diversis hisce levitatis gradibus in parandis medicinis jam fontanam jam fluviatilem, jam pluvia-

lem aquam jam rorem adhibere par est.

Lib. I. C. III.
§. 42.

☉) ○ (☉

Oooo 3

CA-



CAPUT XI.

De

Tonitru & fulgure.

SECTIO I.

Quid de tonitru & fulgure sentiant; Aristoteles, Gassendus atque Cartesius.

§. I.

Mercorol.
Lib. II. C. IX.

Aristoteles de tonitru non plane satis suam exponit mentem, ita tamen ejus sibi rationem concipere videtur. Duplicem nempe statuit exhalationem, siccam atque humidam, in nube vero sumit dari utramque: nubem in superiore sui parte spissiore esse contendit, cum deficiens in suprema aeris regione calor non possit non superiorem nubis partem & spissiore reddere & frigidiorē: & hanc superiorem nubis spissitudinem in causa esse, quod fulmina & procellæ (καὶ οἱ κεραυνοὶ, καὶ οἱ ἐκρηπταὶ) deorsum ferantur, etiamsi alias omne calidum, quale est tonitru, sursum tendat. Nam si coeat nubes, inclusamque siccam exhalationem, tonitru materiam, comprimat, fieri, ut si quā excerni debeat ista, ad oppositum spissitudinis, ubi nempe minus est resistentiæ, hoc est, deorsum excernatur, eadem ratione, sicut nucleus ex comprimētibz digitis exiliens, sæpe contra naturam gravitatis, sursum fertur: hanc vero exhalationem erumpentem vi ferri, vicinis nubibus

bibus allidi, eoque ipso sonum, quem tonitru vocamus, excitare.

§. 2. Et sic quidem fieri tonitru. Fulgur autem generari credit, dum spiritus extrusus levi atque debili flamma accenditur, & hanc esse fulgur (*ἀστραπή*) procedere autem tonitru, fulgur sequi, sed hoc tamen videri prius illo, cum visus anticipet auditum (*ὁ δὲ τὸ τὴν ὄψιν προτερεῖν τῆς ἀκοῆς*). De his brevibus sic videtur: demonstrari hic nonnulla non illepide, ea tamen, in quibus cardo rei vertitur, absque demonstratione sumi, veluti quod nubes coeant; hoc enim nisi fiat, nemo potest concipere, quomodo siccam exhalationem exprimant: at quæ causâ modusve coeuntium nubium sit, non apparet. Pariter quod de fulgure palmarium est, sibi absque ulla demonstratione sumit, inflammari nempe exhalationem siccam: nam fulguris ratio clara est, posita inflammatione, seu accensione, hujus vero ratio vel maxime debebat demonstrari.

§. 3. Epicurus pro more suo recensendis modis possibilibus, quibus gigni tonitru possit, contentus, primo per spiritus intra nubem volutionem, dein per disructionem, distractionemque nubium, tertio per affriccionem & allisionem earundem, & aliis adhuc pluribus modis, tonitru concipi posse, existimat, ex quibus eum eligit Gassendus, quo tonitru putatur esse ictus, quo aer, ab igne fulmineo, rapidissime validissimeque è suo glomere erumpente, ita circumquaque movetur, ut ad aures pertingens ipsas vehementer impetu percellat, sonique ingentis speciem faciat, ac tanto magis, quanto propius fulmen erumpere contingit. Hæc vero opinio non adeo videtur discrepare ab Aristotelica, nisi quod Gassendus putet, eodem modo circa tonitru contingere phænomena, quo solent in ictibus bombardarum.

Gassend. Animadv. L. I. p. m. 536.

l. all. p. 535: & 536.

§. 4. Verum enim vero abludit à probabilitate hæc opinio: est enim similitudo in eo ipso, in quo convenire vel maxime debebat, dissimillima. Nam illa ipsa halinitri arietatio perniciosissima, feriens referiensque aerem, concipi nequit, nisi halinitrum uno simul impetu atque ictu expandatur. Adjuvari quidem hæc possit opinio, à communi recentiorum præjudicio, ex quibusdam experimentis sine stre consideratis orto, quo putant dari atque librari in aere nitrum.

trum, quod mihi quidem nullatenus fit verisimile. Interim sit ira, libretur & evehatur nitrum, quò usque velint, ad ipsas etiam nubes, ita tamen omnino expandi debet paulatim, ut nec majora nec graviora aeris sint ejus corpuscula: hoc in statu adhuc magis erit expansum, quam ipse nitri spiritus, sique adeo accendatur quomodo-cunque, poterit quidem ignem, haud vero majorem excitare sonitum, quam edit ignis à spiritus nitri atque terebinthinæ conjunctione compositus: at ille vel exiguus est, vel plane nullus. Et præterea, quæ vis caloris poterit esse tanta, ut spiritum nitri eliciat, elicitedumque eo usque in altum deducat, si cogites, quanta vi ignis opus sit, ut vel ad retortæ, quam vocant, cælum propellatur dictus, vel alius salium, acidus spiritus?

Meteor. Cap.
VII. §. V.

§. 5. Cartesius tonitru fieri putat, cum plures nubes ex nive compositæ, tabulatorum instar, unæ aliis superstratæ sunt, & aer calidior, qui nivem quadantenus fundat, circa superiorem feratur, ut magno impetu in interiores delabatur. Ex Alpibus apportavit hanc hypothesein noster, ubi se observasse refert, quod vi solis calefacta nive, & ponderoso. i. reddita, minimus aeris motus subito magnas illius moles devolverit, quæ in vallibus resonantes, satis bene tonitruui sonitum imitatæ sint. Neque vero est, quod experimenti causa aliquis Alpes reperat, cum similes moles etiam ex tectis nostris, etsi non tanto cum fragore, devolvantur.

§. 6. Sed unico nihilominus phænomeno, domi considerato, tota hæc peregrinationis decore conspicua hypothesis subverti potest. Nempe observamus, quod sicca permulta contingant tonitrua: secundum hanc vero Cartesii hypothesein ad singula tonitrua vel nix deberet effundi, vel pluvia. Neque enim absque impudentia tam spissa nubes potest supponi, quæ decidentem superiorem sustineat, neque onus decidentis tam exiguum, ut à vaporoso corpore sustineri possit: quid enim fieret de causa tanti sonitus atque fragoris? Præterea vero ex alia quoque ratione improbabilis valde est hæc opinio, cum qualis qualis fingatur esse nubes superior, inferior saltem est corpus spongiosum, tenue, aereo-aquosum, ad reddendum tantum sonitum, tantumque fragorem, natura sua ineptissimum,

S E C T I O II.

De

Tonitru atque fulgure nostra opinio.

§. 7.

Nubem, eamque satis spissam, ad omne requiri tonitru, nemo facile, qui experientiam paulo curatius consuluerit, negaverit, credo. Eo ipso autem, dum spissa exigitur nubes, apparet, quod vapor ejus debeat esse nubilus, non nebulosus: hic enim non nisi dilutiorem potest generare nubem. Tonitru ita cum fulgure contingit, quando plures nubes ita forte sunt constitutæ, ut radios, à sole acceptos, in unum aliquod nubis punctum reflectant. Sic enim illud punctum primo exteriore bullula rupta, mutatur in aerem, & hic aer, à continuante radiorum accessu, in ignem: hujus ignis calor proximos nubis vapores, rumpendo exteriorem bullulam, interiorumque copioso æthere implendo, pariter in aerem mutat: hic aer undique circumstat generatum hoc modo ignem, & in eum elastice innititur, quo ipso nisu ignis aliquandiu cohibetur, ne erumpat. Cum vero subinde novis radiis, tum ex sole libere accedentibus, tum & ex aere atmosphærico elastice allabentibus augeatur ignis semel conceptus, ut nisu nubis suæ expansioni contrarium vincat, erumpit ignis, ætheremque atmosphæricum commovendo tonitru, corpusculaque sulphurea, in aere se librantia, accendendo, *fulgur* gignit.

Vid. supra
Lib. I. C. V.
§. 101.

§. 8. Forte sic constitutas nubes dico, ut insinuem plures debere esse nubes, quæ tonitru procreat. Nam si una veluti nube contentum sit omne cælum, nunquam generatur tonitru: neque vero semper, si plures in cælo appareant nubes, sed tum solum, si nubes eum fortiantur situm, ut reflectere suos in unam quandam mediam nubem queant: unde nec tam frequens est tonitru, quam frequens

P p p p

est

est nubium pluralitas: ubi dum sumo, à nubibus reflecti quosdam solis radios, nemo, credo, mirabitur, qui vere perfectam reflexionis naturam habebit.

§. 9. In unum aliquod mediæ nubis punctum reflecti à vicinis nubibus debere radios assero: ubi monendum, quod non tam regula, quam casu constet hæc reflexio. Cum enim absque refractione illud nubis dictæ punctum attingere nequeant radii reflexi, refractione autem pro diversa nubis spissitudine variet, nulla certa determinari regula potest, qua constitutæ illæ vicinæ nubes esse debeant, sed illa radiorum congregatio *casu* relinquenda est.

§. 10. Punctum hoc nubis medium in aerem primo mutari, statuimus: ubi notandum, quod punctum hic intelligamus physicum, non mathematicum illud punctum intellectuale: ad quod cum reflectantur copiosi radii solares, non potest non valdopere expandi hujus puncti vapor, ejusque demum exterior bullula rumpi, hinc in aerem mutari, qui aer, si radiorum ille accessus continuat, eodem modo in ignem abit, sicut aer quilibet, in quem vitro, vel speculo caustico refringuntur aut reflectuntur radii. Simulac vero vel aer vel ignis hoc modo fuit generatus, particulæ radiantes in reliquo nubis vaporosæ corpore hospitantes, ad dictum aerem elastico nisu confluunt, & hoc ipso id efficitur, ut nubis partes extriorem fiant spissiores: unde si in cælo tam spissa apparet nubes, cum circumstantibus aliis tenuioribus, indicio est, inchoatam jam esse in hac nube aeris ignisque generationem, adeoque tonitru imminere terris.

*Quare non hyeme tam facile audiat tonitru,
quam tempore æstatis?*

§. 11. Apparet vero ex dictis, quod magna requiratur particularum radiantium copia, tum ad generationem aeris, tum ignis: unde etsi sol eadem copia omni tempore easdem emittat, hyeme tamen cum maxime distet, cum non tam copiosas appellere particulas possit, quam æstate, in aprico est: unde & hyeme non tam frequens est tonitru, quam æstate. Cum vero multiplex reflexio re-

farcit.

sarcire defectum copiarum radiorum possit, interdum, etsi rarius, etiam hyemis tempore summa cæli templa tonitru possunt concuti, sed fere per aliquot solum, tres vel quatuor exempli causa, vices continuante. Nam tonitrus continuati non eadem causa est, quæ generati: nubium nempe singularis positus *generat* tonitru, at ætheris per aerem atmosphæricum dispersi, & elastice ad nubem tonitrus *allabentis* copia tonitru *conservat*. Causa itaque generati tonitrus etiam hyeme potest dari, non vero causa conservati: unde etsi hyeme à singulari nubium positu gigni possit, ob defectum tamen ætheris per aerem dispersi conservari idem haud potest.

Quod noctu non possit generari tonitru.

§. 12. Apparet itidem ex dictis, quod noctu non possit generari tonitru. Nam solis requiritur ad reflexionem radiorum præsentia: nec mirari adeo debemus, quare nihilominus noctu audiatur tonitru: nam per globum terraqueum semper alicubi dies est, adeoque quando noctu ad nos accedit tonitru, alibi de die genitum à vento adducitur: interim generari à præsentem sole sub quacunque ejus altitudine potest.

Quare calor singularis, respirationi non satis commodus, præcedat tonitru.

§. 13. Aerem sic factum porro dicimus mutari in ignem, quod non mirum videbitur ei, qui, quod supra de igne, ejusque generatione & natura, probavimus, adhuc recordatur: nempe enim ex quovis aere satis nobili, si debita particularum radiantium copia imprægnetur, ignis fieri potest. Hinc vero patet, quod ad nubem tonitrus non sufficiat quilibet vapor, sed is maxime requiratur, cujus interior bullula sit satis nobilis: rupta enim exteriore, interior mutatur in ignem, quæ si satis haud sit nobilis, ut capere debitam particularum copiam absq; ruptione possit, in ignem non mutari, adeoque nec in tonitru potest, sed forte in procellam, qualis ecnephas est, abit: unde non omnis nubes, etsi etiam vicinarum nubium debitus adsit positus, ad tonitru apta est.

Lib. I. C. V.

§. 112. &

113.

§. 14. Difficilius itaque cæteris generatur nubes tonitrualis : nam cum vapor nubis duplici debeat constare bullula, adeoque nobilior quædam auræ circulantis, in expansas superioris aeris bullulas, per poros earundem, debeat adigi, paulo majorem per dictos poros sponte haud transituram adjuvat ventos, hinc & in vulgus notum est, quod ventus cogat nubes. At vero generari tonitru haud potest, si vel lenior ventus recte ad debitam reflexionem dispositas nubes inturbet : unde quo minus adjuvari à vento hæc bullulæ possunt, eo minores, & hinc nobiliores esse debent : tam nobiles autem bullulæ, si inferius, à largiore æthere duplicium solis radiorum imprægnantur, calorem illum tonitru præcedentem, respirationi minus commodum, pariunt;

Lib. I. C. VI. §. 43. §. 15. Generatus itaque hoc modo in nube ignis, vicinum vaporem à nobis asseritur mutare in aerem. Sicut enim suo loco probavimus, quod aqua beneficio caloris sufficientis in verum mutari aerem possit, sic illud ipsum quoque multo magis vapor ignis præstabit. Cum enim vapor & ipse adhuc plures in sese foveat particulas radiantes, quam aqua, vel paucioribus, ab igne in corpusculum vaporis transmissis, rumpetur eorum bullula exterior, ut interior bullula sub forma aeris exolvatur. Hunc aerem simulac generatus fuit, medium dicimus circumstare undique ignem, eumque hoc ipso nisu elastico cohibere. Sicut enim vulgo notum est, aerem ferri in ignem, & hinc ventum nunquam ab incendiis abesse; sic & ex nostris claret principiis, quod hoc ita fieri debeat ideo, quoniam particulæ radiantes eo connituntur semper, ubi plus libertatis minusque resistentiæ à bullulis est : in igneis vero corpusculis, cum bullularum motus à particularum dominio retundatur, eo ipso plus libertatis minusque resistentiæ est.

De nutrimento ignis tonitrualis.

§. 16. Ignis in nube tonitruali conceptus duplici modo nutritur atque augetur (1) si nubium situs permaneat idem, eo modo nutritur atque augetur, quo primum fuit genitus, nempe per reflexos à vicinis nubibus radios. (2) Si nubium positus fuit turbatus, elastice confluentes per totam atmosphæram particulæ radiantes ignem

ignem in nube tonitruali conceptum conservant. Et si enim hic apud nos ignis semel excitatus conservari simplici ætheris ex aere affluxu nequeat, longe tamen alia ratio est atmospheræ superioris atque inferioris: illius enim corpuscula sunt ignifere æqualiter expansa, unde conjunguntur cum igne, adeoque particulas suas ignobiliores eidem longe promptius communicant, quam nostri aeris bullulæ, quæ sunt & nobiliores superioribus, quippe graviore, hinc & minores, adeoque tam promptè cum igne uniri haud possunt, unde & hic alio nutrimento præter aerem opus est: quod vero noster quoque ignis nutriatur ex aere, hinc patet, quod absque libero aeris commercio nullus perdurare ignis potest.

De vigore aeris post tonitru.

§. 17. Hic ipse tamen aer, qui modo igni suum submisserat ætherem, protinus alio à vicino aere submissio imprægnatur; particula namque radiantes naturali suo motu eo commeant, ubi plus expansionis est: neque vero aut supra solum, aut ad latera, sed infra quoque concipienda talis submissio atque successus ætheris est; à quo demum totus aer atmosphæricus calore abundantiore privatur, & vigor aliquis frigidulus aeris succedit: unde & recte, etiamsi nulum apud nos tonitru auditum fuerit, si intensiorem calorem subito frigidior aeris conditio insequitur, conjicimus alibi extitisse tonitru.

Quare tonitru insequatur pluvia.

§. 18. Hic vero particularum radiantium successus usque eo demum auget ignem, ut & aer & vapor nubis eum amplius elastico suo renisu continere nequeant, hinc erumpit. Id tamen efficit elasticus ille renisu, ut quamprimum elapsus abundantior ignis est, nubes iterum cocat, & quod reliquum ignis est, custodiat. Et cum elastico illo ætheris successu ipsa nubes quoque æthere suo priveretur, hinc spissescat, & ad aquam propius accedat, in eruptione quoque nubes divisa in relapsu sibi allidatur, hæc alliso corpuscula vaporosa sibi invicem applicat, ut graviora facta sub forma
Pppp 3 pluviae

pluviz demittantur : & hinc est, quod quando semel atque iterum intonuit cælum, pluvia semel sequatur : & quod si multum depluit tonitru cesset : consumitur enim nubes tonitrualis aqua pluvia delapsa.

De mirabilibus tonitru effectibus.

§. 19. Sicut autem, ut modo dictum est, nubes tonitrualis singulare quiddam habet præ aliis nubibus, ita & ignis : corpuscula quippe ejus sunt multo nobiliora nostri ignis corpusculis : ad quod si recte attendas, manifesta satis erunt mirabilia illa tonitrus phænomena, v.g. quod oculis illæsis conflet argentum, gladium incolumi vagina, dolia exhausti vino, imo &, quod Seneca refert, quî fracto dolio vinum steterit integrum & compactum : item quî vario & irregulari progressu quercus dirumpat, turres maxime petat, aliaque mirabilia faciat.

Data unione, omnia fere fieri ex omnibus.

§. 20. Hoc vero ut recte intelligamus, notandum, omnia fieri fere ex omnibus, dummodo debita dari unio queat. Hinc enim ex eodem chylo in animalibus, v.g. equo, præter avenam & foenum vix aliud quiddam comedente, fiunt carnes, membranz, tendines, ossa varia, magis minusque dura &c. quoniam & ipsa anima equi, & organa corporis, varias uniones particularum radiantium bullularumque præstare possunt, quæ simplici coitu elastico fieri nequaquam possent : & ipsæ quoque plantæ variæ diversæ gignunt corpora, lignum, folia, flores, fructus, quæ nudo mechanismo tam diversæ generari haud possent.

§. 21. Et cum, uti supra dictum est, non uniantur nisi æqualia, aut fere æqualia, cum æqualibus, ignis noster turgidioribus corpusculis constans non unitur nisi cum turgidioribus atmospherulis vegetabilium, minime vero cum contractioribus metallorum atque lapidum : unde *noster* ignis respectu metallorum atque lapidum ignis *lambens* est, ratione vero vegetabilium ignis *urens*. Pari itaque ratione etiam cælestis ille ignis tonitrualis, corpusculis con-

stans

stans longe minoribus, cum atmosphæulis & mercurio (nam cum ipso corpore solido, quatenus tali, nullus ignis uniri potest) vegetabilium uniri prorsus nequit, cujus tamen unionem strictiora corpuscula metallorum atque lapidum atmosphærica atque mercurialia admittunt: unde pari ratione, vegetabilium intuitu, ignis lambens est, respectu autem mineralium ignis urens: à vegetabilibus vero cum non distent multum animalia, id quod de illis assertum est, de his quoque intelligendum venit.

§. 22. Et sic patet, qui tonitru seu ignis tonitrualis illæsis Plut. Lib. IV.
Symp. Qu. 2. loculis confiet argentum, gladium incolumi vagina: id quippe non magis mirum est, quam qui illæsis catenis vel aliis instrumentis ferreis ignis noster consumat lignum: scilicet ratione loculorum atque vaginæ ignis tonitrualis lambens est, respectu vero argenti aut gladii urens. Cum vero & pertransire loculos atque vaginam debeat ille ignis, & queratur merito, quid illud fieri possit, patet, quod talis ignis nostro aere sit multo subtilior, ejusque parva adeo corpuscula poros dictorum corporum facile pervadere possint.

Quæ dolia tonitru exhausterit vino.

§. 23. Et cum experti nōrint vinum habere plusquam vegetabilem naturam, quippe cujus uvarum acini sæpe aurei sunt deprehensi, patet aliqua ratio, quare etiam vinis infestius deprehendatur tonitru, quam reliquis liquoribus, ita quidem, ut certum aliquod fulmen, quod clarum Plinii tempore vocabant, dolia dicatur vino exhaustisse, intactis operimentis. Nempe ignis fulminis, vini corpusculis conjunctus, horum in sese absorpsit ætherem; hinc vini corpuscula fuerunt magnitudine imminuta, & non ideo statim à fulmine sejuncta, sed elastico innisu ætheris vini in ignem fulminis, conjuncta manserunt: dictus vero ignis cum violenter deiciatur, superiora repetens conjuncta secum & minora facta vini corpuscula in hoc casu abripit, dolium vero per modum ignis lambentis transit, & hoc ipso modo mirabile istud phænomenon probabiliter procedit.

Plin. Hist.
Mundi Lib.
II. c. 51.

Quæ,

*Qui, fracto dolio, vinum potuerit stare integrum
atque compactum.*

Lib. II. Nat.
Qu. C. 53.

§. 24. Rarissimum phænomenon est, quod refert Seneca, & nisi singularis appareret connexio, dubitarem, an omnino sit verum, fracto nempe à fulmine dolio, vinum stetisse integrum. Contra naturam consueti tonitrus dispositum fuisse hoc fulmen, statim ex circumstantiis paulo meditantī elucet: nam, quod alias intactum relinquit, dolium hic fregit, vinumque insolito effectū coagulavit. Hoc probabiliter sic conjicio fuisse factum, quod nempe insolito modo generatus fuerit ignis iis corpusculis præditus, ut eorum magnitudo responderit magnitudini corpusculorum atmosphæricorum dolii, vel forte particularum vitriolicarum aut aliarum salinarum (si nempe non combustum fuerit, sed disiectum dolium) & hoc adeo respectu fuerit ignis urens, superaverit vero magnitudinem corpusculorum vini, adeoque, horum ratione, fuerit ignis lambens: in cuius majora corpuscula, veluti in mercurium quendam, innisæ sunt particulæ radiantes corpusculorum vini, absque locali ex suis corpusculis, in ignea hæc tonitrus sive fulminis corpuscula transitu, ut hoc ipso nisi velut pituitosum aut viscidum aliquod corpus constituerint.

*Qui vario atque irregulari progressu, quercus maxime,
disrumpat tonitru.*

§. 25. Eadem hæc recte observata distinctio, inter ignem lambentem atque urentem, nobis insinuare potest causam atque modum alius valde mirabilis phænomeni, quo videmus, vario atque irregulari progressu, quercus maxime disjici, interdum quidem, cum nota combustionis, interdum etiam absque eadem. Sicut enim ipse ignis tonitrualis, sive fulmen, ratione corpusculorum suorum, ab igne nostro multum distat, sic & eadem ratione quoque multum *inter sese* differt, adeo ut, etsi sua corpuscula ordinario sint minora corpusculis ignis nostri, aliqua tamen minorum illorum minora sint aliis, aliqua majora. Hinc vero evenit, ut interdum

interdum per modum ignis lambentis ſeſe habeat dictum fulmen, reſpectu quarundam partium alicujus corporis, reſpectu aliarum vero, per modum ignis urentis. Et hoc eſt, quod lignis maxime contingit, qui mineralia in ſe ſovent ſalia, quercui imprimis, quæ quod vitriolo polleat, fere caret dubio. Quodſi ergo fulmen in vicinia huiusmodi arboris, quercus v. g. demittatur, lignum quercus non niſi lambendo aſſicit, *vitriolum* vero ejus urendo atque ſolvendo, unde clare intelliguntur omnes huius phænomeni circumſtantiz.

§. 26. Vario atque irregulari motu progreſſum eſſe fulmen, notæ combustionis oſtendunt: unde, quod nulla mechanica ratione hoc fiat, maniſeſtum eſt: fieret enim vel gravitate, vel impreſſione; at neutrius motus, etiamſi, maniſeſte falſa hypothefi, reflectionem ſumas, hiſce, quas experientia docet, legibus, ſurſum ferri atque deorſum poteſt. At cum vitriolum exiguis corpusculis per quercum ſit diſperſum, ſumamus à fulmine unum ejuſmodi corpusculum, pernicioſiſſima ſucceſſione expandi poſt aliud, lignum, ob diſparitatem corpusculorum atmophæraulæ ſuæ, à nonnullo fulmine penitus relinqui intactum, ab alio ligno magis cognato aduri, patebit ſic, quod uno vitriolico corpusculo expanſo, diſjiciatur aliqua pars quercus, hac ipſa diſſectione aliud quoddam vitrioli corpusculum denudetur, pariterque expanſum circumſtans robur diſſingat, & ſic porro aliud corpusculum vitriolicum fulmini exponatur, donec vel nullum amplius ſuperſit, vel ſaltem diſſectione haud aperia-
tur. Horum corpusculorum cum non poſſint non quædam eſſe ſurſum diſpoſita, quædam deorſum, nonnulla etiam forte ad latus, patet, quod nullus tam irregularis motus poſſit cogitari, qui non hac ipſa diſpoſitione poſſit dari.

*Quæ turres maxime petat tonitru, altaria, templa, nullasque
non anguſtiſſimas ades.*

§. 27. Dictum fulmen cum verſus inferiora ex nube protrudatur, non ſemper attingit hæc inferiora, alias omne tonitru daret damnum: imo & ſæpe hæc inferiora quidem attingat, non tamen

mineralia, sibi que paria, offendens corpora, lambit, non accendit: unde duplici modo in tuto versantur pauperum tuguria, duplici modo expositæ periculo sunt regum turres. Hæ enim cum reliquis ædificiis sint *altiores*, & lapidibus, *materia minerali*, consistunt, attinguntur sæpe à tonitru, seu fulmine, quod alias ædes haud assequitur, percelluntur ob materiam mineralem, præcipue si pulvere pyrio sint repletæ: ob quam posteriorem causam etiam sanctissimis rebus, templis & altaribus, si forte eo dirigatur fulmen, haud parcit: pauperum vero tuguria si interdum ferit, lapidea tamen ob eandem rationem potius infumicula, quam ipsas domus, percutit.

Quomodo homines occidat fulmen, nulla læsionis notâ.

§. 28. Mineralibus itaque cum infestum maxime sit fulmen, & vegetabilibus, quæ mineralia in sese sovent salia, reliquas arbores resinosas, maxime pinum atque abietem, non æque tangit: multo minus animalia. Cum vero animalia quædam, præcipue homines, salibus non penitus careant mineralibus, idem ipsis potest à fulmine contingere, quod quercubus. Scilicet si tonitru attingat ejusmodi animal, salia ejus, uti modo de quercu demonstravi, potest accendere atque expandere, reliquum corpus lambere: unde ejusmodi expansio suffocat animal, dum circulationem sanguinis suspendit. Non vero discutere animal, æque ut quercum, potest, dum partes animales molles cedunt violentiæ, & corpus animale perspirabile atque porosum est, per cuius poros & ipsum fulmen, & quod fulmine expansum est, elabitur.

§. 29. Effectum itaque cum alium ab expansione præstare hoc modo nequeat, mirum non est, nullam læsionis notam in fulmine tactis observari. Sicut autem alius animalis viscidiores sunt humores, alius magis fluxiles, porique corporis in aliis sunt magis patuli, in aliis strictiores, ita pariter intelligimus, quomodo fulmine tactorum corpora interdum deprehensa fuerint maxime tumida & turgida. Suspicio nempe eorum id contigisse corporibus, quorum vel viscidiores erant humores, vel strictiores pori, ut elabi expansa salia haud potuerint.

tuerint. Interim cum & in quercubus interdum quædam combustionis nota appareat, interdum nulla, prout fulmen ratione magnitudinis corpusculorum fuorum magis minusve accedit ad magnitudinem corpusculorum atmosphæricorum ligni quercus, pari modo hoc idem quoque, minore tamen, per duas rationes §o 28. adductas, effectû in animalibus accidit, unde interdum in visceribus fulmine tactorum exigua quædam macula in visceribus apparuit, quæ probabiliter combustionis notæ in quercubus respondet.

De fragore tonitrus.

§. 30. Ignem per nubem tonitrualem erumpentem gignere immanem illum fragorem, qui, proprie & striete accipiendo vocem, tonitru vocatur. Hoc ut recte percipiatur, repetenda ea sunt, quæ supra de sono diximus: ubi maxime consideratione dignum est, perpendere, quomodo hic aliqua accedat soni causâ, quæ in collisione solidissimorum corporum desideratur. Quod vero interdum fulgur videatur esse absque tonitru, & hæc quidem duo revera à se invicem separari posse, quondam existimaverimus, nunc tamen rectius perpenſis circumſtantiis, putamus, fulgur nunquam esse sine tonitru, sed cum longius feratur acies visus, quam auditus vigor, tonitru distans à nobis posse oculis nostris repræsentare fulgur, auribus subtrahere fragorem.

Lib. III. C.
IV. §. 49. &
50.

De fulgure.

§. 31. Ignem erumpentem accendere corpuscula sulphurea, in aere se librantia, hinc patet, quod talia corpuscula non possint non & dari, & in summitatem aeris atmosphærici efferri. Nam quoniam spirituosâ corpuscula in vegetabilibus atque animalibus, fermentatis maxime, dantur permulta, spirituosâ quoque exhalationes debent in auras attolli permultæ, quo si delatæ fuerint, ob copiam ætheris concepti in superiorem ejus regionem evehuntur, & ab erumpente ex nube tonitruali igne accenduntur, & hinc lumen aliquod, quod fulgur vocamus, per aerem vibratur. Hæc vero corpuscula sulphurea id commune cum fumo habent, ut quoniam valde sunt expansa, hinc majora, locum suum circa superficiem terræ haud inveniant, sed in supremitate aeris demum consistant, unde si accen-

duntur, corpora hæc nostra haud attingunt ordinario : interdum tamen fieri potest, ut ad nos usque & corpora nostra pertingat sulphurea quædam series: unde hinc fit *fulmen*, quod *secundarium* dicere possis, accendendis nostris ædibus, ob corpuscula, quibus constat, animalia & vegetabilia, satis aptum.

§. 32. Fulguris diversus color est, pro diversitate illius sulphuris : sicut & noster ignis colore est diversus, si consideres colorem spiritus vini accensi, vel nitri cum antimonio commixti, eumque compares cum colore ignis culinaris. Si enim sulphur istud in aere libratum sit veluti minerale, color forsan hinc oritur ille *albidus*: sin vegetabile, color est, qualis ignis culinaris: unde & nonnullorum forte aliquo fundamento nititur observatio, qua dicunt, fulmen posterius accendere, prius frangere & occidere: hoc enim ideo contingit, quoniam vegetabilia sunt quæ accenduntur, adeoque cognatus ignis cognatam sibi materiam arripit: & scia per animalia & vegetabilia dispersa sunt, quæ ab illo fumine accenduntur, quæ dum uno expanduntur ictu, frangunt, disjiciunt, occidunt, modo supra explicato.

§. 25-29.

De lapide fulmineo.

§. 33. Fulminis admirabile robur, cum, unde sit, vulgo nesciretur, mechanice sibi illud conceperunt, qui physicam ejus constitutionem haud intellexerunt, unde antiqua satis opinio est, quod fulmen sit lapideum, motuque vel gravitatis, vel impresso, vel utroque, & in quercus, & alia terrena, furiat: unde jam suo tempore Plinius Parthorum Magis quæsitam tradit aliquam cerauniarum gemmæ speciem, quæ rara admodum sit, quoniam non alibi invenitur, quam in loco fulmine icto. Sed nihilominus Cassendi illa conjectura, qua putat, invaluisse maxime hanc de lapide fulmineo opinionem, ex quo tormenta bellica inventa, cladesque, fulmineis similes, adhibitis glandibus plumbeis, & lapideis globis, fuerint editæ, verisimilitudine, si de antiqua opinione, recenti experimento animis arctius ingesta, intelligatur, haud destituitur.

Nat. Hist.
Lib. XXXVII.
C. IX. n. 79.

Animadvers.
T. I. p. m. 535.

§. 34. Unde ab eo quidem præjudicio liberandus est animus, quo creditur, quercus nec disjici, nec occidi animalia, aut alios

alios ſimiles auguſti roboris effectus edi poſſe, niſi fulmen ſumatur eſſe lapideum: illud quoque à Gaſſendo, & alijs, erudite aſſeritur, poſſe exiguum quendam veluti terræ motum, cum fulguris tonitruumque ſpecie, eniti unum atque alterum lapidem, qui cælitus demiſſus putetur, uti oſtendunt varia exempla, quorum unum aliquod debitis circumſtantijs illuſtravit noſter. Interim, quod plane fieri nequeat, quin in combuſtione modo dicta ſulphuris, compingatur lapis aliquis, multæ ſunt rationes, quæ, quominus præſtacte aſſeram, prohibent. Generaliter, quoniam curioſior conſideratio cognitionis humanæ facile inſinuat, ſciri à nobis quædam, quæ fieri à natura poſſint, quæ vero à natura (non vero hoc intellectum de mechanismo volo) fieri non poſſunt, eorum ne unicum quidem extare certum & indubium exemplum. Hoc vero ipſo plus huic lapidi nequaquam aſſeritur, quam exiſtendi poſſibilitas, nondum probabilitas.

§. 35. Sed nec omni probabilitate, (dantur enim diverſi ejuſdem gradus) deſtitui dictum lapidem, exiſtimârim, ſi aliquæ recte ponderentur circumſtantiæ. Sic enim Boileus ſatis probabiliter adſtruxit lapides prætioſos ex fluoribus gigni, fluidum autem corpus in ſummitate aeris naſci poſſe, vel ſola pluvia abundiſſime docet: porro vel id ipſum, quod Gaſſendus allegat, quod prope Puteolos inveniatur pulvis, aqua marina lapideſcens, oſtendit, tam difficile non eſſe, gigni lapidem: cum etiam meminerim relatum à viro fide digniſſimo, in eſſodiendo fonte aliquo contigiſſe, ut liquorem invenerint, in imo fluidum, in ſuperficie vero terræ delatum lapideſcentem, & ſecundum hypotheſin noſtram, corpora ſolida, & maxime dura, non differant à fluidis, niſi vel bullularum numero, vel particularum vigore, aliquem probabilitatis gradum habet, cum tonitrualis ignis corpusculis conſtet minimis, poſſe eas ſulphuri, à conflagratione factæ, ita immitti, ut propter bullularum multitudinem corpus compingatur lapideum: quem tamen lapidem neque ſingulares, neque fulmini æquales effectus, præſtare poſſe, ex dictis elucet.

De gemmarum origine & virtutibus ſub initium, p. 46. 47 48. 49.
De vita Peireſc. Lib. 1. p. m. 47.

Lib. III. c. VII. §. 30. & ſeqq.

SECTIO III.

De

Usu adversus superstitionem atque atheismum, nec non ratione prudentiæ circa sanitatem.

§. 36.

CUm ergo suo loco à priori probaverimus existentiam Summi Numinis, ex natura verorum elementorum clarissimam, hoc jam loco nobis enascitur aliquod argumentum pariter solidissimum, à posteriore eandem evincendi, ab effectu nempe elementorum. Nullibi enim per totam rerum naturam effectus eorum apparet, fulmine mirabilior, splendidior, vegetior. Splendidissimus hic effectus ostendit, vires omni mechanismo majores. Mechanica enim principia dum figura absolvuntur atque motu, & hoc, vel gravitatis, vel impresso, vel solum phænomenon quercuum, à fulmine dissectarum, probat, quod hæc nullis viribus mechanicis contingant, ideo, quod hicce motus nec gravitatis esse potest, nec impressionis. Nam & gravitas & impressio nullum retrogradum gignere possunt motum, præterquam reflexionis: in quercubus vero, à tonitru tactis, motum illum retrogradum non ferri secundum leges reflexionis, manifestum plus vice simplice sensui est: unde & frustraneum foret, mathematicam hoc loco impendere operam, computando, quot vicibus in delapsu augeatur vel vis gravitatis, vel impressionis, ut his computationibus extorqueatur vis illa augusta fulminis.

§. 37. Mechanicæ quapropter cum non sint fulminis vires, nullæ aliæ possunt esse quam naturales, seu physicæ; cum omnis, quicunque deprehendatur, motus, vel mechanicus sit, vel physicus: nam omnem motum, qui viribus mechanismi sit superior, physicum voco. Physicus autem ille motus, cum mechanicus non sit, neces-

neccessario Divinus est: principia namque mechanica, eo ipso, dum sunt mechanica, talia sunt, ut à seipsis esse possint: posita enim quacunq; substantia finita, ponitur ejus figura & motus, saltem gravitatis: unde si qua principia mechanica non sunt, talia sunt, ut à seipsis esse non possint, hinc ab alio, & eo quidem, qui vires atque potentias habeat illimitatas, hoc est Deo.

Vid. Lib. I.
Cap. I.
§. 180.

Quod tonitru tacti non sint necessario impii.


§. 38. Sed & alia ratione nobis prodesse hæc doctrina ad vitandam superstitionem potest, ne putemus, fulmine tactos ab ipso Deo immediate puniri. Nam Deum immediate immittere fulmen, ethnica, & ea quidem plebeja, superstitio est, qua infelices occisi cognati non possunt non valdopere affligi, aliiq; non æquali vindicta excepti ad mirius, de criminibus suis, sentiendum, disponi. Dux autem ex dictis tragici hujus eventus patent naturales causæ: (1) casus aliquis, quo fulmen cum deferretur in locum, in quo versabatur occisus; (2) quod illius sanguis salibus quibusdam metallicis esset infectus, quæ ignis fulminis fortuito impetu arripuit, miserumque hoc modo suffocavit. Utraque hæc causa non magis ad impietatem pertinet, quam ad vitæ sanctimoniam, hoc est, ad neutram quocunque nexu potest referri.

§. 39. Etsi autem quam naturalissimæ sunt horrendi hujus spectaculi causæ, non hinc ideo concludendum, quod superstitionis cujusdam suspecti sint, qui tempore tonitrus, precibus ad Deum fufis, peccata sua deprecantur. Versamur enim tonitrus tempore in majore vitæ periculo, quam alias, cum annon ad nos deferri fulminis possit ictus, nesciamus: unde sicut in omni probabiliore vitæ periculo, absque superstitionis nota, nos devote ad mortem præparamus, sic & idem hoc tempore facere, homine pio atque Christiano nullatenus indignum est.

§. 40. Hinc vero etiam aliud quiddam patescit, nempe quod peregrinantium ea cautio, qua tempore tonitrus, etsi pluvia quam maxime incommodentur, malunt tamen penitus madeficti, quam arboris cujusdam, maxime quercus, regmine frui, non sit de nihilo. Nam non solum fulminea arboris disjectio damnum aliquod

quod corpori dare posset, sed etiam ille ipse ignis tonitrualis ab arboris salibus, veluti tertio quodam proportionato, ita alterari, ut animalis quoque corporis vel salem possit arripere, vel sulphur.

§. 41. Sed & hic patescit, non inanis omnino esse aliorum metus, qui tempore tonitrus vel prospicere per fenestras, vel iisdem propius accedere refugiunt. Nam etsi ignem illum fulmineum tecta quoque & muros penetrare posse, non abnuerim, minus tamen impedit fenestras pervadit. Nam quod ignis ille fulmineus possit quodammodo reflecti, hinc patescit, quod plerorumque corporum respectu lambens est; lambere autem non potest, nisi detineatur; si autem detinetur in tectis v. g. & muris, non potest ad interiora usque ædium promoveri: sed & corpora, quæ lambit, debent quodammodo esse cognata: nam & lambendi actus veluti initium quoddam unionis est. Sunt ergo corpora, quæ accendit fulmen; sunt, quæ lambit; sunt demum, quæ pervadit: in compagibus ædium vero plura occurrere corpora, quam in fenestris, quis non intelligit? unde ibi facilius occurrere possunt corpora, quæ lambiat fulmen, quam hic: quo ipso ædium compages, non quidem soliditate sua, sed miscela avertere facilius fulmen possunt, quam fenestræ.





CAPUT XII.

De

Ignibus lambentibus, cadentibus, atque Phosphoris naturalibus.

SECTIO I.

Quid hoc de argumento sentiant Aristoteles, Cartesius atque Gassendus.

§. 1.



Aristoteles flammarum accensarum, discurrentium sy- Meteorol.
derum, trarum, & caprarum, aliorumque simili- Lib. I, C. IV.
um, unam eandemque statuit causam, & modò τῷ
μᾶλλον καὶ ἧττον, sive, secundum magis & minus,
differre putat. Supponit autem duplicem exhalationem, τὴν μὲν αἰτμωδὴν, τὴν δὲ πνευματωδὴν,

seu, aliam magis vaporosam, aliam magis spirituosam: illam dicit superius efferri, hanc inferius consistere: illam veluti fomitem, qui facile accendatur (ὕψικαυμα) se habere, unde si ultima sphaera, quæ circa terram est, moveatur, exuri hanc exhalationem spirituosam veluti fumum, cum flamma nihil sit aliud, quam spiritus siccus ardor: non autem totam illam exhalationem simul exuri, sed partem modo ejusdem, maxime dispositam. Hinc si longitudinem habeat æque ac latitudinem fomes ille succensus, videri flammam accensam, veluti in area, ardente stipula; sin secundum longitudinem solum, gigni trabes, capras, & sidera discurrentia,

Rrrr

§. 2. Cum

§. 2. Cum autem hic Aristoteles, cum philosophis pene omnibus, & antiquioribus & recentioribus, sumat, in atmosphæra, & ultra eandem, affriccione corporum fluidissimorum, & calorem gigni, & ignem, sicut hic terrarum affriccione corporum solidorum, hoc communi præjudicio uti noluisse philosophi, si naturam particularum radiantium scivissent, ex qua, sine fomite & igne, hæc omnia longe concinnius intelliguntur. Falsissimum autem esse illud commune præjudicium, etsi olim à me ipso, torrente communis sententiæ abrepto, assertum, vel hinc patet, quod ratio caloris & ignis generati in forti appressione consistat, quæ nisi adhibeatur in affriccione, nec caloris nec ignis effectus sequitur: at talis fortior appressio locum non habet in corporibus fluidis, sibi invicem facile cadentibus: quod ipsum & à posteriori patet, quandoquidem nemo hic terrarum allidendo, affricandove, quacunque ratione, aerem aquæ, generare vel calorem, vel ignem, potest: cum tamen & aer hic nobis spissior sit supremo, & aqua longe densior, quacunque exhalatione.

§. 3. Cartesius nihilominus, etsi quam clarissima hæc demonstratio, in exponenda sua sententia, idem præjudicium sumit, dicendo, ignes lambentes, stellas trajicientes, ignesque fatuos generari, si exhalationes quædam solo ventorum flatu cogantur atque incenduntur, præsertim si duo, aut plures, venti contrarii simul concurrant. Et denique etsi nulli venti, nec nubes, adsint, si tantum exhalatio subtilis atque penetrans, quæ nempe salis naturam participet, alterius pinguis & sulphureæ poros ingrediatur, hoc ipsum sufficere posse, ad tenues quasdam flammæ, tam in sublimi, quam infimo, aere excitandas. Sed hæc omnia quam non sufficiant, variis modis probari, si nostri instituti magis sit Cartesium refutare, quam cordatam nostri dissensus, electæque propriæ hypotheseos intentionem docere, quæ abunde ex demonstratione antecedentis paragraphi elucescit.

§. 4. Gassendus, quatuor ex Epicuro refert stellarum cadentium (sub quo nomine omnia huc pertinentia meteora comprehendit) generationis modos, (1) quod scintillulæ quædam à stellis, vento agitatae, emittantur; (2) quod exhalationes sursum attollantur, sibi, invicem adha-

Meteor.
Cap. VII.
§. XV.

Animadv.
P. I. p. m.
607. 608.

adhærentes ita augeantur, ut se amplius sursum continere haud valeant, hinc prolabi, & prolabendo veluti diffili, & diffilando fulgere, eodem modo, quo aqua maris, alias non apparens, lucet tamen, dum agitur aut profunditur; & similiter crines, dum notu pectuntur; pili, dum fricantur; saccharum, dum deteritur. (3) Quod exhalatio pinguis, seu aggeries ignificarum atomorum, quæ ob superioris loci, atque adeo frigoris, circumobstentiam, majorem in parte sui superiore, citius accendatur, ignisque deinceps continenter depascens insequatur seriem, seu dispositionem, quam exhalatio habuerit, adeo proinde, ut non tam stella sive flamma cadat, quam cadere ex eo appareat, quod continuo tractu inferior creetur. (4) Quod exhalatio tenui nebula contineatur, intra eam volvatur, hinc incalescat, accendatur, erumpat, nutrimentumque suum deorsum sequatur.

§. 5. Sed quatuor illæ Epicuri hypotheses, nullius momenti sunt, si singulæ quatuor statuantur: sunt enim meræ possibilitates, quarum, vel levi opera, adhuc quater quatuor possint exco- gitari, de quo Epicuri errore, ex ignorance naturæ probabilitatis orto, alibi dilucidius egi. Cum ergo, ut probabilis fiat hypothesis, una quædam, charactere probabilitatis conspicua, eligenda sit, vel saltem probari debeat, quod una sola illo charactere haud gaudeat, non immerito Gassendus secundam elegit, quæ etiam, nostro judicio, reliquis præferenda est, quam tamen his circumstantiis nostram facere haud potuimus, tum quod quædam earum nobis haud viderentur veræ, nempe, dum sumit, propter solum augmentum eas quidem exhalationes demitti, tum quod quædam sola si-

militudine rei, æque parum cognitæ, nempe lucentis
aquæ, crinium, sacchari, nite-
rentur.

SECTIO II.

Nostra de his opinio.

§. 6.

OMnia reliqua meteora, quæ vulgo ignita dicuntur, ad tria hæc redigi possunt genera: (1) ignes lambentes, (2) ignes cadentes, & (3) phosphoros naturales. Veri autem ignes utrique sunt, & lambentes & cadentes, quorum hi, vulgi crasso errore, stellæ vocantur: ignis autem omnis urit cum splendore quædam saltem corpora: unde quamvis aliqua, & nostra maxime, non comburant, aut adurant, corpora ignes dicti, quorum etiam respectu lambentes vocantur, non tamen alia vere urendo, vel consumant, vel saltem corrumpant, ideoquæ veri ignis census excludi haud possunt.

De igne lambente.

§. 7. Ignis ergo lambens, etsi vulgari conceptu nominali, pro igne habeatur debiliore & ignobiliore, nominalis tamen hæc conceptio ideo corrigenda est, quoniam & fortissimus ille ignis fulminis, interdum lambens esse deprehenditur: unde ignis lambentis natura, non in debilitate ponenda est, sed in magnitudine corpusculorum suorum, ratione atmospherulæ eorum corporum, quibus allabitur tam disparium, ut uniri cum istis, & hac ipsa unione mercurium eorum destruere, corpus ejus tum in nutrimentum sui, tum & in cinerem atque solem resolvere, nequeat. Scilicet notandum, vel potius repetendum hoc loco est, quod nullus ignis, utpote corpus fluidum conjungi immediate cum corpore possit solido, sed mediante solidorum mercurio, aut atmospherulæ, cum iisdem destructoriam illam nionem subeat: dictus enim mercurius atque atmospherula corpusculis constant pariter fluidis, uti ignis.

§. 8. Sicut autem alibi probatum fuit, quod nimis inæqualia uniri nequeant corpuscula, ita id ipsum de hac etiam unione notandum est: dico, nimis inæqualia: nam exigua inæqualitas unionem

nem haud tollit, dummodo non sit tanta, ut alterius corpusculi radius unitivus assequatur centrum particulæ radiantis alterius talis corpusculi, quod suo radio conjunctivo non possit alterius attingere vacuum, nedum centrum: sic enim manifestum est, quod nulla possit dari unio. Quo loco non negligendum, quod in antecedente capite jam fuit notatum, nempe vocem ignis lambentis vel latius sumi, ut omnem notet ignem, qui non sit urens, adeoque & *transcurrentem*, vel strictius, ut huic opponatur.

Vid. supra
L.I.C.V. § 33

Vid. infra
§. 16.

§. 9. Pro hac vocabuli diversitate paulo aliter nobis determinanda veniunt causa, modusque ignis lambentis. Nempe utroque significato constat corpusculis majoribus aut minoribus, quam sunt dicta corpuscula atmosphærica: utroque enim modo non vere unitur hic ignis cum atmosphærule corporum, etsi cum, stricte sumendo vocem, lambit, aliquem conatum unionis præ se ferat: qui conatus exinde videtur oriri, si alterius corpusculi minor radius alterius alicui poro imminet: protendit enim propter obvium apicem suum aliquo usque, & sic unionis aliquem conatum ostendit: quod si ne huc quidem pertingat dictus radius, transiens ignis, ne quidem unionis aliquem conatum exerit.

§. 10. Majora autem atque minora sunt illa ignis lambentis corpuscula, propter bullularum suarum vel ignobilitatem insolitam, vel nobilitatem. Ad ignem quippe omnem, sive lambens sit, sive urens, requiritur singularis particularum radiantium copia, quæ ignobiliorem bullulam, propter minorem hujus resistantiam, magis expandit, quam nobiliorem. Id interim efficit hæc distinctio, ut ignis lambens *duplex* sit nobilior atque ignobilior; is nempe nobilior est, cujus corpuscula sunt minora; ignobilior, cujus corpuscula sunt majora. Nobiliores autem ignes lambentes hactenus novè nullos, præterquam fulminis: ignobiliores autem plures sunt.

De Castore & Polluce, itemque Helena.

§. 11. Ignobiliores tales ignes lambentes sunt, quos, si unus sit, Helenam, si duplex, Castorem vocabant atque Pollucem. Longe enim facilius generantur ignobiliores hi ignes, quam nobiliores,

quoniam ignobiliores bullulæ patulos magis poros habent, ut, si vel debiliior accedat motus, facile tam copiose per pororum amplitudinem ingerantur particulæ radiantes, ut ignem constituent. Hinc ergo sicut motu reciproco appressionis facile incalescit fere quodlibet corpus durius; sic si fluctus marini reciprocatis ictibus feriant atmosphæulas picis navalis, incalescunt eæ primum, dein continuata tempestate, sat conceptis particulis radiantibus etiam ignescunt.

§. 12. Ea ipsa vero pororum amplitudo, quæ ad facilem huius ignis generationem facit, etiam in causa est, quod perdurare is quidem haud possit. Nam si paulo magis replcantur dictæ bullulæ, eo usque ampliantur pori, ut conceptæ particulæ sponte iterum excidant, adeoque ad ruptionem nunquam perveniant; unde si hic ignis lambendo quasdam particulas radiantes allicuit, ex nimium dilatis poris iterum excidunt, quo ipso dictus ignis extinguitur.

§. 13. Quod autem nautis dicti ignes tempestatis finem portendant, ita contingit; nisi strenue reciprocentur allapsus atque relapsus fluctuum, dicti ignes haud pariuntur: tam strenue vero si id fiat, ad summum pertigit tempestas, unde accidit, quod habet Poeta Lucanus:

- - - *Summisque negatum
stare diu.*

Ergo non tam finem procellæ seu tempestatis significant hi ignes, sed summum potius ejusdem gradum: hinc nec sequitur semper remissio procellæ, sed tantum ut plurimum. Quod cum observarint ipsi quoque nautæ, veramque causam nesciverint, quæsiwerunt eam in numero, putaruntque, si unus tantum comparat, cum continuationem; sin duo malis adhæreant, eos remissionem tempestatis prænunciare, quæ quidem observatio cum experientia haud conspirat.

*De ignibus, qui equorum jubis, puerorumque
capillis adherent.*

§. 14. Adhuc debiliior videtur esse appressio, qua equorum jubis puerorumque capillis adhæreere ignes lambentes deprehenduntur. Nam si contra ventum modo currant vel equi vel pueri, dictum sese exerit phenomenon. Sed causa satis appareret, si consideres,

deres, quod hoc ipsum non accidat, nisi equis junioribus & pueris, & iis etiam non omnibus, sed his fere, qui temperamenti sunt sanguinei; nam & bestiis tribuere aliquod temperamentum nihil fere, præter usum, verat. Horum quippe temperamentum jam in se satis est igneum: omnia autem juniora animalia, cujuscunque sint temperamenti, fere ignobilioribus bullulis laborant, copiosioribus particulis radiantibus gaudent: utrumque enim ad incrementum est necessarium: ignobilitas bullularum, ut eo facilius possint expandi, copia particularum, ut possint expandere.

§. 15. Sane Romanorum ille Servius Tullius, cujus in capillis quondam emicuit celeberrimus quidam ignis lambens, anili credulitate atque superstitione ipsum ad regium thronum evehens, cum & senex fuerit occisus, diutius victurus, si per manus Tarquinii licuisset, & vix unquam ægrotasse memoretur, hoc ipso non nulla penitus probabilitate complexionis sanguineæ fuisse putari potest. De Julo quoque Æneæ filio idem phænomenon recenset Poëta sc. *Æneid. L. II.*

*Ecce levis summo de vertice visus Iuli
Fundere lumen apex, taßuque innoxia molli
Lambere flamma comas, & circumtempora pasci.*

cujus vero indolis aut temperamenti fuerit, non adeo constat, nisi quod heroum filii sæpius sint complexionis sanguineæ, quam alius.

*Quod scintillula, quæ ex palpatis quibusdam canibus
atque felibus emicant, non sint ignes lam-
bentes.*

§. 16. Ad hosce ignes lambentes haud refero illam scintillationem, quæ in fortiter adverso crine palpatis canibus atque felibus deprehenditur. Hæc quippe potius mera videtur esse radiatio corpusculorum atmosphaericorum animalis palpati forti palpatione excitata, dum per se jamjam æthere turgida illa corpuscula atmosphaerica motu strictiore citata radiant: hoc ipsum quod adversis magis succedat crinibus, quam secundis, causa est, quod crines contegunt dicta corpuscula, ut palpationis motus ea immediate afficere haud

haud possit : quod vero in omnibus hoc pari in successu non eveniat, ratio est, quod non omnium corpuscula ita æthere turgent, ut palpationis motu ad radiandum disponi possint, quæ eadem quoque subest ratio, quod juniora maxime debeant esse ea animalia : quod denique de canibus atque felibus hoc phænomenon modo innotuerit, ratio videtur esse, quod reliqua animalia nobis non sint æque familiaria, ut tam sæpe nobiscum versentur in tenebris: quibuscum si toties instituantur experimenta, in aliquibus eorum hoc idem forte continget pariter. Scintillatio autem ipsa indicat, quod ignium lambentium numero haberi nequeat : si enim vel maxime non conjungerentur hæ scintillulæ vel cum crinibus, vel cum manu palpantis, deberent tamen, si corpus essent igneum, conjungi inter se, flammamque potius constituere, quam scintillarum specie oculis offerri.

De ignibus cadentibus.

§. 17. Ad ignes cadentes refero, tum quos *stellas vocantes cadentes*, tum quos *dracones volantes*: imo sola figura atque quantitate differre dixerim, *stellas cadentes, discurrentes capras saltantes, stipulas ardentes, torres, clypeos, faces, dracones*. Hæc omnia *excrementa* dixerim aeris superioris. Excrementa vero sunt corporis fluidi corpuscula heterogenea, sibi invicem homogenea, majora vel minora, quam corpuscula fluidi. Tale excrementum, ex eadem causa subsidens, est terra in aqua pluvia purissima, & per chartam bibulam transcolata, per aliquot hebdomadas consistente, subsidens, feces vini atque cerevisiæ, itemque pituita corporis animalis.

§. 18. Pro ignibus itaque cadentibus non necesse est sumere exhalationes sulphureas, sed corpuscula solum cæteris vel *ignobiliora* vel *nobiliora*, adeoque cæteris magis minusve expansa, sui similibus adjuncta, ob disparem à cæteris acquisitam magnitudinem extra unionem constituta, adeoque per modum excrementi delabentia. Sive autem majora sint, sive minora, copioso magis æthere referta sunt, quam ille aer, quem delabendo pervadunt, quemque, dum demittuntur, exportectis particularum radiolis, *ad radiandum*

dis-

disponunt, fulgoremque adeo cum, quo conspiciuntur, gignunt. Cum autem *minora* hæc si sint corpuscula, in delapsu demum, cum æquali aere conjungantur, *majora* ex patentioribus poris ætherem aliquem excutiant, utroque modo causa radiationis atque fulgoris cessat, disparentque adeo dicti ignes.

§. 19. *Copia* excrementi differre puto *stellas cadentes* atque *dracones volantes*, ita quidem, ut minor ejus copia stellam cadentem, major draconem volantem faciat. Et raro quidem assequuntur tales ignes nostras ædes: sed utut etiam assequantur, accendere haud possunt, quia plenus atque perfectus haud sunt ignis, & ne lambens quidem: lumen enim, quod spargunt, non est à copia particularum, sed à delapsus motu. Ad draconem volantem refero pariter *globos ignitos*, cælitus delapsos, quos ideo sub figura globorum demitti puto, quoniam aeris omnimodo quies figuram globosam haud turbat: quæ tamen, si ventus fiat, in formam draconis volantis facile diducitur, maxime si fecunda accedat imaginatio, caput caudamque ei excremento aeris assingens. Hic ipse ventus facile adhuc etiam quancunque figuram hujus materie moli, majori minorive, conciliaverit, ut adeo frustraneæ sint denominationes antiquæ capræ saltantis, stipulæ ardentis, torris, clypei, facis: cum semel à vento productæ figuræ non æque sub eadem figura recurrant, & à casu diversorum ventorum, sibi invicem quomodocunque contrariantium, tales figuræ queant conspici, quæ antea vix unquam fuerint visæ.

De Phosphoris naturalibus.

§. 19. De phosphoro, ejusque modo lucendi, suo dictum Lib. III. C. III. loco est. Sicut autem arte gignitur phosphorus, sic & à natura e- §. 12. 33.
um produci posse, quis temere negaverit? Talis phosphorus naturalis videtur esse ignis, quem dicunt, fatuus, qui pro diversa materie quantitate, conjuncta vel disjuncta, varia compareret facie. Sic in Æthiopia campi ignibus fatuis, veluti cælum stellis, lucre dicuntur: & in Holsatia, ut mihi amicus Holsatus retulit, ignes

in campis magnitudine atque figura rotæ ab incolis conspiciuntur.

§. 20. Circumstantiæ favent huic hypothefi. Apparent enim circa paludes, cloacas, cæmeteria, patibula, loca, ubi clades aliqua occiforum contigit, & illæ etiam rotæ, de quibus modo dictum, prout referebat amicus, apparent in campis valde pinguibus, & quo equi mortui fuerunt projecti: quin & in Hispania, Africa & circa torridam longe dicuntur esse frequentiores, quam in nostra Germania atque Belgio: quæ singula sunt loca pinguedine sua ab aliis distincta: pinguedo autem animalis quædam est, singularis quidem, bullulis paulo nobilioribus constans, unde phosphorus artificialis conficitur, quâ eadem & natura hunc suum phosphorum probabiliter parat.

§. 21. Assurgit in auras, quoniam pluribus particulis radiantibus imprægnatus in se satis levis est, dum autem & communicatus à sole æther ex terra assurgit, phosphorum simul attollit, & in aere conservat: id quod non noctu solum contingit, sed & interdiu: sola tamen nocte videtur. Hæ ipsæ exhalationes ætheris ex terra cum huic phosphoro non semper rectâ suffulciantur, sed ut plurimum obliquæ ac clinentur, propellitur subinde, & valde quidem irregulariter, mox huc mox illuc, sursum deorsum, cò tamen cedit ut plurimum, quò ipse motus exhalationum dirigitur: unde duo patent de fatuis hisce ignibus observata, nempe quomodo sibilando possit allici, & quare, si ipsum veluti lucernam sequaris, ad lacus, stagna, fluvios, aliasque aquas deducat.

§. 22. Nempe illæ ipsæ exhalationes eo feruntur, ubi minus est resistentiæ: jam vero cum calor in terram interdiu demissus, successuque radiorum inferius depressus, ibique veluti irretitus lentius assurgat, intempesta adhuc nocte, aliqua ejus corpuscula adscendunt: at idem in aquam delatus non diu ibidem moratur, sed postquam immissio, cælitus facta, cessavit, confertim emergit, nocteq; intempesta vel penitus vel maxime saltem ex parte, sursum efferri desinit: tunc vero adhuc durant terrestres exhalationes, quæ cum in puro aere minus sit resistentiæ, quam in aere exhalationibus pleno, feruntur versus aquam, & secum illos ignes ducunt, quos si quis sequatur, in
vitz

vitz periculum potest conjici. Sed & cum sibi invicem obstant exhalationes, fieri potest, ut si quacunque à causa aliquo ducatur quædam exhalatio, proxima hanc sequatur, & cum ea ignis fatuus: tale quid præstat sibilatio, ea maxime, quæ aere fiat adducto: unde est erronea vulgi observatio, quæ sibi persuadet sibilando allici ignem fatuum, veluti canem.

§. 23. Hanc vero nostram de igne fatuo opinionem dubiam reddere videtur quædam Roberti Fluddii observatio, qui, teste Fromondo aff. Lib. II. p. 15. firmat, se quondam ignem fatuum noctu secutum, & etiam affecutum esse, & materiam deprehendisse non igneam, sed viscosam & lubricam compactam in modum spermatis ranarum, distinguentibus nigris maculis subalbidam, quæ vice speculi redderet stellarum lumen. Ita sane describit Fluddius hoc, quod affecutus est, ut omnia exacte ranarum spermati competant: unde vix temperare mihi possum, quin credam, casu virgulto adhæsisse sperma ranarum, quod dum Fluddius ignem fatuum persecutus est, apprehendit, & pro igne dicto habuit. Nam ita penitus persequentes fugere hic ignis solet, ut vix attingi possit. Quod tamen præfracte etiam haud asseruerim, cum calor ad phosphor non sit necessarius: id saltem haud comprehendo, quid in phosphoro nigræ istæ sibi velint maculæ.

SECTIO III.

De

Usu pro sanitate hinc conficiendo.

§. 24.


EX dictis patet, quod naturaliter prorsus contingat, ut ignes fatui suos seducant sectatores. Nam casu feruntur, unde quoquo versus progrediuntur, fierique adeo potest, ut & per saltus, salebras, voragines, pergant: imo & naturali quadam, uti dictum est, ratione ad fluvios, stagna, paludes, & nullas non aquas viciniore rapiuntur, quos si per errorem sequatur homo, non potest non sæpe, imo debet quoque ut plurimum, in vitæ

Ssss 2

peri-

periculum adduci. Nullum ergo hinc duci argumentum potest, quod ignis fatuus sit spectrum. Neque vero idem exinde concludi debet, quod fugientes sequatur, sequitur enim eadem ratione, qua persequentes fugit, successione aeris-puta : neque quod metu fere exanimentur ii, quos persequitur, sua enim id culpa contingit, quod ignem hunc credant spectrum : neque quod onus, nescio quod, tergis insidens, percipiant : metu enim illo immani, qua diabolus se persequi existimant, congelascit quodammodo sanguis, unde est perceptio oneris. Ea itaque esto prudentiæ regula : nemo noctu sequatur lucernam, cum possit ignis esse fatuus. Sed & nemo insequentem ignem metuat, cum si lucerna sit, animalis socialis commercium indicat, si ignis fatuus, non possit ad corpus usque nostrum accedere ; et si accedat, saltem haud nocere.

§. 25. Aliis quoque similibus ignibus opinionem diabolitatis abjudicemus : maxime si ea opinio Christiano amoris sit contraria, qualis est, quæ vulgo obrinet de dracone volante, qua putantur ii, quorum domibus decidendo imminet, commercium habere cum diabolo : diabolus enim astutior est, quam ut suos affectas tanto splendore imprudenter prodat : & credibile non est, eum modo tam conspicuo conversari cum suis, eoque ipso magistratus inquisitioni exponere, sub quâ, accedentibus theologis, facile ad deiscendum sollicitantur, qui absque hoc eventu fidelia ejus permansissent mancipia.





CAPUT XIII.

De METALLIS.

SECTIO I.

*Aristotelis, Cartesii atque Gassendi de Metallis
sententia.*

S. I.



Aristoteles ex duplici exhalatione vaporosa & fumo-
sa seu sicca, sicut alia permulta, ita metalla quoque
deducit, atq; fossilia. Siccam enim exhalationē igni-
entem facere fossilibilia omnia, exhalationem vero
vaporosam metalla producere, cum sint vel fusilia,
vel ductilia. Exhalationem vaporosam autem ef-

Meteorol. L.
III. sub finem

ficere hæc omnia, si includatur, & maxime in lapidibus propter siccita-
tem in unum coarctari & concrefcere, velut ros & pruina, si exolva-
tur: hæc autem in lapidibus, antequam exsolvantur, gigni. Quapro-
pter hæc esse velut aquam, esse autem quoque velut non aquam:
nam potentia fuisse materiam aquæ: jam vero non amplius esse a-
quam, neque ex aqua factam certa ratione, sicut hi humores: neq; e-
nim sic fit æs atque aurum, sed antequam gignantur per concre-
tam exhalationem, singula ad eos pertinere: hinc & igne consumi
singula, & terra constare, habere enim siccam quoq; exhalationem;
solum vero aurum igne haud dissipari. Abstracte autem hoc
loco sumit Aristoteles aquam pro fluido humido, & nulla

SSSS 3 alia

alia videtur niti ratione, quod exhalatio vaporosa metalla faciat, quam quia in fusione & ductilitate sua aliquid quasi humidi præ se ferant: unde & singulis his, quod perpetuum ipsius vitium est, parum docet.

Princ. P. IV.
§. LVIII. -
LXIII.
Lib. I. C. VI.

§. 2. Cartesius primo demonstrat generationem argenti vivi, salis atque sulphuris, de quibus nos jam supra egimus, atque sic dein chymicos sequitur, statuitque acres succos, per interiorem terram fluentes, quasdam ejus particulas ab aliis disjungere, quæ dein materia oleaginea involutæ, atque vestitæ, facile ab argento vivo calore rarefacto sursum rapiantur, & pro diversis suis magnitudinibus ac figuris diversa metalla constituent. Hujus deductionis principia cum supra jam à nobis fuerint refutata, hæ conclusiones pariter admitti nequeunt.

Abregé de la
Philos. de
Gassendi T. V.
Lib. III. c. IV.

§. 3. Gassendus de metallorum natura in Animadversionibus neque agit generatim, neque speciatim: unde ex Compendio Bernierii huc trahamus ejus de his sententiam. Ibi nempe varias origine metallorum refert opiniones, pluribus tamen recenset opinionem Chymicorum, qui metalla ex sulphure atque argento vivo compingi, asserunt, quorum recentiores sal quoddam vitriolicum addunt, ut adeo metalla consent sale, sulphure, & mercurio. Descendit hic porro ad specialia, ac ex quo sulphure & mercurio aurum, argentum atque reliqua metalla putentur facta, narrat, quæ quoniam & notissima vulgo sunt, & eorum generalia nobis non satis arident, frustra pluribus adjicerentur.

Lib. I. C. VI.
§. 45. 67.

§. 4. Hanc chymicorum sententiam approbat Gassendus, dum reliquis præferendam docet. Sed ea, quæ nos superius de sale & sulphure probavimus, ostendunt, falsa atque sulphura multitudine bullularum differre, adeoque sulphur in sese comprehendere salem, potentiâ quidem, non actu: unde nisi constet, seorsim existere salem atque sulphur in corpore, veluti hoc videmus in plantis, dici nequit, quod, quoniam potentia inest sal atque sulphur in metallis, ideo hæc eorum sint principia, aut, quoniam de denominationibus minus gloriosa pugna est, si id asserant chymici, eadem ratione & plura debent asserere principia, nempe spiritum quoque & phlegma, & aerem & terram, nam in hæc singula mutari potest metallum,

lum , dum ignis ejus vel particulas radiantes expellit , vel bullulas rumpit. Sic dicas , fermonem effe de eo , quod immediate habeatur ex metallis , rectius fenerunt antiquiffimi chymici , qui falis nulla mentione faéta , ex folo fulphure & mercurio , (per quem vero haud intellexiffe videntur argentum vivum , fed acreum illud , per quod conjunguntur metalla , & quod in folutione metalli , per aquas fortes emergit) confiare metalla contendunt.

S E C T I O II.

Noftra de metallis atque mineralibus fententia.

§. 5.

Mineralium vox duplici potiffimum fenfu accipitur , vel ut opponatur metallis , veluti antimonium ; vel ut iisdem fubordinetur , quo fenfu minerale dicimus nominaliter , id omne , quod ex mineris eruitur , & nonnullius pretii effe deprehenditur : fic lapides quoque mineralia funt , & ipfa metalla. Reali vero & caulali definitione , hoc fenfu , minerale eft , quicquid quinque confiare bullulis , adeoque plusquam fulphureum effe , deprehenditur , adeo ut præter lapides minerales huc quoque fpectent omnes alii. Inde vero probatur hæc hypothefis , quod mineralia cæteris paribus omnium funt duriffima ; durities autem vix commodius , quam per nifum corporis ad centrum fuum , concipi poteft : bullulæ vero funt , quæ iftum nifum præftant , unde quo major ifte eft , eo plures probabiliter fibi invicem incumbunt : mineralia autem & falibus & fulphuribus , & reliquis quoque corporibus , funt duriora.

*Sal, fulphur atque argentum vivum non funt
mineralia.*

§. 6. Inconcinna autem eft definitio nominalis , quæ ab externo

terno accidente mineralia denominat, ab eo nempe, quod ex mineris petuntur: unde & mercurium, & sal atque sulphur, in numero mineralium ponit. Sed hæc definitio res confundit diversissimas, & toto genere discrepantes, quod à posteriori intelligitur, dum & aqua & aer ex mineris hauriuntur, nec ideo tamen mineralia sunt: & ne putes, de solidis tantum prædicari mineralia, dico terram quoque, eamque vulgarem, ex mineris effodi, nec ideo tamen minerale est. Sal sane, sulphur atque mercurius, cum sint κατ' ἀρχαίον principia mineralium, quæ possunt esse ipsa mineralia? aut dicendumne est, quod corpus aliquod sit sui ipsius principium?

§. 7. Falsum vero etiam ex connexionem nostrorum principiorum esse deprehenditur, quod sal, sulphur & mercurius sint mineralia: sal enim tribus, sulphur quatuor, & mineralia quinque constant bullulis. Mercurius autem, per quem argentum vivum, non vero illud unionis principium, de quo suo actum est loco, intelligimus, nobis nihil est aliud, quam oleum aliquod minerale, seu sulphur minerale fluidum, unde in metallis datur, sicut oleum in vegetabilibus; & frustra ideo deprehenditur esse chymicorum sedulitas, aliud ab argento vivo *metallorum oleum* querentium: præterea ob eandem rationem sulphur & mercurius facile in unum coeunt, gignuntque cinnabarim: imo ideo pariter sulphur æque ac mercurius scabiem repellunt, & hinc æque fere periculosa deprehenduntur.

Vid. Tab. I.
Fig. XX.

§. 8. Sicut autem commune illud oleum probavimus constare quatuor bullulis ignobilioribus, vegetabilibus puta, aut animalibus, quarum in centro vigeat particula radians nobilissima, à pluribus ignobilioribus in actione sua adjuta, quæ vigore suo ita resistent bullularum nisi, ut hæc subinde magis à centro arceantur, & hinc totum corpusculum non solidum fiat, sed fluidum; ita pariter inter nobiliores illas metallorum bullulas mercuriales seu argenti vivi sunt ignobilissimæ, etsi in se adhuc multo nobiliores sint, quam vegetabilium atque animalium; diduntur nempe à fortioribus quoque particulis, siue nobiliorem spectes, siue ignobiliores: unde evadit corpus, velut oleum, fluidum, sulphur nempe fluidum metallicum, sicut oleum est sulphur fluidum vegetabile aut animale.

Mine-

*Mineralia in genere dividuntur in metalla, mineralia
in specie, & lapides.*

§. 9. Mineralia sic in genere concepta sub sese comprehendent mineralia in specie, & lapides: fundamentum dividendi est mercurius, quem habent illa, quo hi vero destituuntur: unde in composita est lapidum à mineralibus diversa natura, quod immediate illorum corpuscula particulis suis in se invicem irradiant, mineralium vero corpuscula in intermedium mercurium suos radios prætendant. Mercurius autem ille vel particula pollet nobiliore, vel ignobiliore, prout ipsa corpuscula mineralia vel illa turgent vel hac: unde porro est fundamentum dividendi in metalla & mineralia specialissime sic dicta. Nempe *metalla* conjunguntur *mercurio* particulam *nobiliorem* fovente, *mineralia contrario*: unde & ipsa metallorum corpuscula in se habent particulam nobiliorem, mineralia non nisi ignobiliores.

Vid. Tab. I.
Fig. I. V. IX.
XIII.

§. 10. Ex dictis patet, quod *metalla* sint mineralia corpusculis particulam nobiliorem foventibus constantia, & mercurio particulam pariter nobiliorem continente unita: *mineralia* specialissime talia, sint mineralia corpusculis, quæ ignobiliores solum fovent particulas, constantia, & mercurio particulas pariter ignobiliores continente unita. Dum vero dicimus, metalla esse mineralia, nihil aliud notatum volumus, quam id, quod §. 5to probavimus, constare nempe ea quinque bullulis. Corpuscula dum iisdem attribuimus particulam nobiliorem foventia, ea nobis ratio est, quoniam metalla ductilitate, per definitionem logicam, distinguuntur à reliquis corporibus singulis, cujus ductilitatis, definitione causali, debent exponi principia substantialia, quorum è numero excludi dictæ particulæ nobiliores haud possunt.

§. 11. Nam ductilitas in conceptu suo infert corpusculorum, quadantenus à se invicem dimotorum, cohaesionem: & cum omnis cohaesio, sive unio, sit ab irradiatione mutua, hæc cohaesio, qua ad ductilitatem usque cohaerent metalla, debet à tali fieri irradiatione, qua radii particularum sint quam longissimi: at longiores

Vid. Supra C.
VII. §. 39.

T t t

nulli

nulli sunt, quam nobiliorum particularum, ergo propter ductilitatem, supponendæ necessario sunt particulae nobiliores: si enim breviores essent radii, quales sunt particularum ignobiliorum, exigua dimotione extra corpusculorum vacuum constituerentur apices radiorum, sic cessaret unio, & corpus frangeretur, veluti vitrum.

§. 12. Propter eandem ductilitatem adhuc mercurium, inter corpuscula interceptum, exigimus. Nam cum quinque bullulae sibi invicem incumbant, quacunque virtute ad centrum cogantur, corpuscula tamen constituunt tanta, ut non multum exporrigi ultra eadem etiam nobiliorum particularum radii possint, unde tanta sequi ductilitas haud posset, nisi in intermedium mercurium dirigerentur exigui apices radiorum, quem, cum unica constet bullula, vel exigua illa radiorum eminentia satis alte penetrant, ut, si totum corpus quacunque ratione diducatur, dum quodlibet totius corporis corpusculum à se removetur, quantillum hoc sit spatium, tamen computatis singulis, facile illud spatium habeatur, per quod diduci metallum posse, experientia docet.

§. 13. Cum vero sic à se invicem paulisper dimoveantur corpuscula, ut convexitas eorum se invicem haud attingat, interponuntur, successu elastico, vicina corpuscula lateralia. Nam quoniam illa ipsa diductione vacuum aliquod, etsi exiguum, aperitur inter utramque convexitatem, & omnia corpuscula à motu ætheris sui rapiantur in omne vacuum, lateralia sic necessario corpuscula inter duo, secundum longitudinem diducta, paulatim intercedunt, quæ diductio si ita continetur, tandem diductorum illorum radii extra corpuscula, quibus hactenus irradiarunt, constitui possunt, quo facto lateralia ita accedunt, ut radii diducturorum in illorum mercurium ingrediantur: & hæc est ratio, quare tantopere duci quædam metalla possint, ut nec ipsa illorum corpusculorum sola diductio, absque hac lateralium intercessione, sufficere videatur.

De mineralibus.

§. 13. Et in hoc quidem posita natura metallorum est: mineralia iisdem quidem affinia, cæterum nobilitate multum diversa, habent.

habentque se ad metalla, sicut lapides vulgares ad pretiosos, imo à lapidibus vulgaribus non differunt, nisi mercurio. Et hinc judicanda est ratio, quare, cum omnia ignobilia alias sint valde frequentia, mineralia tamen non usque quaque sint obvia: nempe non penitus sunt ignobilia mineralia, cum nobilibus consent bullulis: sed ignobiliores tamen particulas sovent, ob quas videntur æque esse vulgares, ut lapides. Verum enim vero *mercurius* est, qui nimiam eorum prohibet frequentiam: pleraque enim corpuscula ignobilioribus particulis foeta immediate sibi invicem adhærent, lapidesque constituunt: nam mercurius ille ignobilioribus particulis refertus, cum minor sit alio, copiose ingreditur corpuscula mercurialia nobiliore particula prægnantia, eoque ipso primo aquas minerales, hinc salia, hinc sulphura, hinc metalla constituit.

§. 14. Species mineralium tres sunt, secundum tres infra demonstrandos metallorum ordines, *antimonium*, *marcasita*, & *bismuthum*, ita ut antimonium respondeat primo ordini, nempe auro & argento, marcasita secundo, videlicet cupro & ferro, bismuthum tertio, plumbo puta & stanno, adeo ut *antimonium* constet bullulis nobilissimis, particulis ignobilioribus cum mercurio minerali, hoc est, qui constet bullula nobiliore & particulis ignobilioribus: *marcasita* bullulis aliquantum ignobilioribus particulis radiantibus iisdem, quales in antimonio sunt, mercurio minerali, ratione bullulæ suæ, ejusdem nobilitatis cum corpusculis marcasitæ, ratione vero particularum mercurio antimonio simili; & *bismuthum* denique constet bullulis nobiliorum ignobilissimis, particulis ignobilioribus, & mercurio minerali, more consueti ad corpuscula sua se habenti.

§. 15. Cætera, quæ vulgo mineralia dicuntur, vel ad principia pertinent, uti sal, sulphur & mercurius, vel ex his composita sunt, uti *cinnabaris* ex sulphure & mercurio: vel gradu differunt à dictis tribus, vel ex iisdem composita sunt, quo forte pertinent, *Zincum*, *Wolffram*, & alia. In eo ergo vera mineralia à suis differunt principiis, quod hæc quatuor habeant bullulas, illa quinque, & ideo externe deprehendantur longe duriora: à lapidibus vero externe differunt, quod facile fundantur, lapides non item: à metal-

lis, quod non ducantur sicut metalla, à reliquis congeneribus gradu & puritate.

De generatione metallorum, atque mineralium.

Basil. Valent.
Im legten
Testament.
Lib. I. C. II.

§. 16. Metalla vero & cætera mineralia in eo differunt à reliquis corporibus vegetabilibus, atque animalibus, quod corpora eorum non sunt organica, adeoque non secundum ullas ideas formantur, sed nudis legibus mechanismi physici coalescunt, unde nugæ chymistarum sunt, quando multa de, nescio quo, *semine metallorum* fabulantur. Semen enim corporibus organicis proprium est, & ad mineralia nullo modo referri debet: unde alio modo, quam ex semine, concipienda eorum generatio est.

vid. Lib. III.
C. I. §. 11. 12.

§. 17. Mihi quidem hæc sequenti modo contingere videtur: Aura illa centralis ex oceano centrali per terram circulans, in terræ mineris, varia offendit corpuscula aerea, majora, minora, nobiliora, ignobiliora, quorum aliqua possunt esse tam expansa, ut illorum aliqua, valde parva, accedente successionis pressione, ista intrent, quo ipso fiunt primo *aque minerales*: hæ corpusculis constant multo minoribus, quam aliæ aquæ, unde in aere, intra terram concluso, facile occurrunt ea corpuscula, quæ per poros suos admittant hæc aquea, ut sic generetur *vitriolum* illud, metallis familiare. Hæc quoque vitriolica corpuscula, si deferantur in locum aere, patulis poris prædito, refertum, hunc intrando corpuscula sulphurea constituunt; hæc vero eodem modo alium aerem intrantia metalla efficiunt aut mineralia. Hujus corpuscula tanta sunt, ut nullum habeant aerem, quem intrare possint, unde ei, qui occurrat, radios quidem immittunt, ipsa vero inire tota nequeunt, quod dum à pluribus circumquaque corpusculis ita fit, constituitur minerale corpus, cum suo *mercurio*, quo differt à lapidibus.

§. 18. Sicut autem non omne corpusculum auræ centralis ad conficiendam aquam mineralem aptum est, ita nec omnis illa aqua ad constituendum salem vitriolicum, neque omne vitriolum ad componendum sulphur, neque omne sulphur ad condendum minerale: hinc multæ sunt aquæ, quæ nunquam fieri salia queunt,
muka

multa salia, quæ nunquam in sulphur, multa sulphura, quæ nunquam in mineralia abire possunt: unde & *vitriolum*, quod arte *ex ferro aut cupro* paratur, longe deprehenditur excellentius quocunque vulgari. Hinc etiam puto fieri, ut pleraque omnia metalla atque mineralia sulphuri sint immersa: sulphura semper vitriolici quiddam habeant: vitriolum aquis mineralibus sit sociatum. Et si enim agricola non omnem pinguedinem ad saxa adhaerescens sulphur esse concedat, tamen etiam contrarium haud probat.

De ortu & caus. subterr. Lib. V. p. m. 66.

§. 19. Ex dictis patet, quo sensu chymicorum illa assertio, quod *metalla ex sulphure atque mercurio consent*, admitti possit. Scilicet non ex actu talibus, sicut cinnabaris ex sulphure constat & argento vivo, sed potentia. Nam omnia mineralia potentia in se sovent sulphur, & hoc proxime omnia continent: si quidem argentum vivum, ex quo proxime constant plumbum atque stannum, pro sulphure fluido habeas; sed & remote, sale, aquam & aerem. Unde si perpendas antiquissimorum chymicorum sententiam, metalla *ex sulphure* atque *mercurio* compingi statuentium, nullamque salis mentionem facientium, facilius ea quidem cum veritate conciliari poterit, quam opinio recentiorum, tria principia, sale, mercurium atque sulphur statuentium. Nam si veterum illam opinionem, de eo, ex quo proxime constant metalla, interpreteris, sana est. Si enim mercurius sit sulphur fluidum, omnia metalla proxime sulphure confieri, verum est: nempe aurum, argentum, cuprum atq; ferrum, sulphure fluido, stannum & plumbum vero ex sulphure fluido, mercurio constant. Huic acceptioni mercurii, etsi ob stare videatur illud vulgare: quicquid ardet, sulphur est, tamen si recte intelligas, cum ea minime pugnat, dummodo non habeatur pro definitione, sed pro *propositione*.

De Metallorum divisione.

§. 20. Cæterum cum & metalla & mineralia, stricte sic dicta, omnia sint dura corpora, & argentum vivum neque ratione duritiei, neque ductilitatis cum aliis conveniat metallis; & præterea satis pateat inanitas rationis eorum, qui primi metalla in formam artis redigere aggressi sunt, dum ab illo Hermetico, *quod est superius, est*

sicut id, quod est inferius, seducti, metalla contenderunt respondere planetis, quorum cum illo tempore non nisi septem innotuissent, ut septem quoque haberent *metalla*, argentum vivum civitate metallica donaverunt: cum, inquam, hæc ratio valde sit inanis, pater, quod *argentum vivum* ex numero metallorum sit *expungendum*. Equidem id haud asseruerim, harmoniam esse inter metalla & planetas plane nullam, id vero hodiernis observationibus constat, vel sex tantum esse planetas, vel sedecim, sex nempe primarii, decem secundarii, seu lunæ: inde quoquo modo hæc considerentur, septem nequeunt esse planetæ.

§. 21. Sex horum metallorum duo semper permulta communia, sibi que, respectu aliorum, propria habent. Sic v. g. aurum & argentum in igne perdurant, & testæ probatoriæ examen sola sustinent: omnium maxime sunt ductilia: candentia sola cæruleum spargunt colorem: sola nullam rubiginem contrahunt. Pariter cuprum atque ferrum in eo conveniunt, quod vitriolico sale polleant, durissima sint, rubigine facillime corrumpantur, imo ferrum mutetur in cuprum. Denique plumbum atque stannum colore maxime conveniunt, mercurio pollent, seu argento vivo: funduntur facillime absque incandescencia, qualis in omnibus reliquis metallis fusionem præit. Hinc ergo apparet, *tres esse metallorum ordines*, quorum primus est auri atque argenti; secundus, cupri & ferri; tertius, plumbi & stanni: & sicut se habet argentum ad aurum, sic se habet ferrum ad cuprum, stannum ad plumbum.

§. 22. Fundamentum horum trium ordinum, sunt tres diversi gradus bullularum aerearum, ita quidem, ut auri atque argenti bullulæ sint omnium nobilissimæ, cupri & ferri bullulæ his quidem ignobiliores, sed nobiliores tamen adhuc, quam sunt bullulæ stanni atque plumbi, sed hujus tamen etiam bullulæ adhuc sint multo nobiliores, quam bullulæ vegetabilium atque animalium: unde *aurum* est metallum, quod constat bullulis, omnium nobilissimis, particulaque radiante nobilissima, cum pluribus particulis ignobilioribus inter radios illius nobilissimæ hospitantibus, id est, quod ratione particularum cum igne, spiritu ardente, saccharo & sulphure inflammabili convenit: *argentum* corpuscula ex iisdem bullulis compacta, particu-

ticulam vero nobilissimam tantum continentia, absq; particulis ignobilioribus, habet, adeoq; quantum ad ætheream constitutionem, convenit cum aere frigido, spiritu acido, sale & vitro. *Cuprum* ratione æthereæ constitutionis fere cum auro, *ferrum* respectu ejusdem sic satis cum argento convenit, bullularum nobilitate utrumque discrepat à metallis primi ordinis, dum multo ignobiliores habet bullulas. *Plumbum* æthereæ suæ constitutione auro, *stannum* argento responderet, bullulis vero à metallis primi atque secundi ordinis differt, quod omnium metallicarum habeat ignobilissimas. Mercurio conjunguntur singula suis corpusculis respondente.

Vide supra
§. 9.

De auro.

§. 23. Ex his itaque conceptibus fluere debent omnia ea, quæ hætenus de metallis experientia docuit. Videamus itaque primum de auro. Aurum (1) sustinet examen testæ probatoriæ, sicut & argentum, quoniam utrumque bullulis constat nobilissimis, quæ rumpi ab ignis violentia nequeunt: ideo enim in *scorias* consumuntur reliqua metalla, quoniam eorum bullulæ tantum vigoris non habent, ut igni possint resistere, quin rumpantur, & hoc ipso in *scorias* mutantur. Porro (2) maxime ductile est aurum, sicut & argentum, quoniam habent particulas omnium nobilissimas, longissimeque adeo in mercurium similem expansas, de quo paulo ante distinctius egimus. Item (3) cæruleo colore, quando candet, quod & pari modo de argento valet, coruscat, quod à nobilitate bullularum est: nam & sulphur eodem colore ardens conspicuum est, pix vero, oleum atque resina magis rubicundo, quoniam & horum bullulæ ignobiliores sunt bullulis sulphuris. Modus in eo consistere videtur, quod bullulæ nobiliores magis resistent actioni particulæ radiantis, lumen atque colorem gignentis, unde non nisi *obscurior* illum colorem cæruleum præstant.

§. 9.

§. 24. Aurum (4) facile miscetur cum argento atque cupro, cum reliquis non item: ea nempe miscentur, quæ sunt magis homogenea, quia mixtio species unionis est: aurum vero à cupro differt gradu nobilitatis, non copia ætheris, ab argento copia ætheris, non gradu nobilitatis, à reliquis & copia ætheris & gradu nobilitatis: unde cum illis facile, cum his non item miscetur. Auri (5)

quo-

quoque singulare deprehenditur pondus : habet se enim certa ejus portio ad æquales portiones reliquorum metallorum ut 100. ad $60\frac{1}{2}$, ratione plumbi, ad $54\frac{2}{3}$ ratione argenti, ad $47\frac{1}{2}$ ratione cupri, ad $42\frac{1}{2}$, ratione ferri, & demum ad $38\frac{1}{2}$ ratione stanni.

§. 25. Gravitas autem tum metallorum in genere, tum & auri in specie, præter communes gravitatis causas, quæ hic sunt quinque bullulæ, videtur maxime ab eorum dependere mercurio, & atmosphæra. Hæc cum bullulis constet nobilissimis, & illa oceani centralis aura iisdem fere, multæ hujus bullulæ conjunguntur cum atmosphæris metallorum, & cum haud unitæ sint cum aere atmosphærico, vel exigua sua in atmosphæram metallicam irradiatione, propriaque gravitate metalli, gravitatem augent. Ea vero metalla, quæ vulgari stylo sulphurea dicuntur, verius autem particulas foveant & nobiliores & ignobiliores, qualia sunt aurum atque plumbum, expansam magis habent atmosphæram, adeoque dicta aura circulans etiam contentius in eas fertur, quam in atmosphæras reliquorum metallorum, quorum corpuscula mercurialia & atmosphærica sunt minora, & in quæ adeo dicta aura etiam quadantenus expanditur, minus tamen enixe, quam in aurum & plumbum : hac eadem quoque de causa, cuprum gravius est ferro.

L. III. C. IV.
§. 35.

§. 26. Aurum quare (6) minus sit sonorum, supra suo loco exposui. Solvitur (7) aurum in aqua peculiari, *regia* dicta, cum singula reliqua metalla, etiam argentum, solvantur in aqua, quam *fortem* dicunt : & hæc fortis non solvit aurum, neque aqua regia aliud metallum, præter aurum. Ratio satis profunde videtur in naturæ penetralibus abdita : & forte ex communibus principiis vel omni libertate fingendi concessa, nulla genuina deductio poterit dari. Huc vero arcessenda ea sunt, quæ suo loco de solutione diximus, & præterea cogitandum, quod, ut corpuscula solvendi transferantur in vacuum corpusculorum solventis, necesse sit, ut mercurius solvendi non uniatur cum aqua solvente : hoc enim si fiat, mercurius haud per aquam abscedit, hinc nec metallicum corpusculum sequi & in vacuum solventis intrare potest. Unitur autem unum corpusculum cum alio, si utriusque aliquis radius intret in

Lib. I. C. V.
§. 35. °

in vacuum alterius ; contra si unus tantum intret , alterius vero radius assequi portum hujus haud possit , nulla contingit unio.

Vid. Lib. I.
Cap. V.
§. 11.

§. 27. Omnis itaque aqua , quæ solvere aliquod possit minerale , iis constet corpusculis , quorum centrum à radiis mercurii ejus corporis , quod solvi debet , attingatur , antequam radii aquæ solventis inutuo inirent in vacuum solvendi : seu brevius , aquæ corpuscula non debent uniri cum corpusculis mercurialibus solvendi ; ita quidem , ut vel majora sint aquæ corpuscula , vel minora , corpusculis mercurialibus solvendi. Itaque aqua fortis majora videtur habere corpuscula , quam sunt mercurialia argenti , minora vero , quam corpuscula cupri , ferri , stanni , plumbi , unde hæc singula in ea solvuntur : aurum vero mercurium habere , cujus corpuscula sint æqualia corpusculis aquæ fortis , quare hæc solum haud solvit aurum. Unde ut inæqualitatem sortiantur hæc duo corpuscula , sale ammoniacum injiciunt in aquam fortem , & hoc ipso in aquam regiam , id est , aurum solvere aptam , mutant. Sal enim ille aliqua ex parte replet corpuscula aquæ fortis , ut radius mercurii auri non ad totum usque centrum penetrare possit , adeoque mercurius ab unione cum corpusculis aquæ solventis excludatur , & hoc ipso solutio , modo alibi explicato , procedat. Cum itaque majora aquæ fortis corpuscula , ratione internæ suæ capacitatis ita replantur à sale ammoniaco , vel & alio , ut minoribus æquiparentur , æqualia fiunt minoribus corpusculis mercurialibus argenti , & cum his uniuntur , unde aqua regia solvere argentum haud valet.

Lib. I. C. V.
§. 16.

§. 28. Aurum (8) maxime nascitur in calidioribus regionibus , & in mineris , quæ solem habent vel orientalem vel meridionalem. Nam in his maxime regionibus sunt , & ab his plagis accedunt particule omnium nobilissimæ , quæ ad aurum requiruntur. Et quamvis alii argutentur , in regionem metallorum usque haud penetrare solis radios , hinc neque metalla ex eo aliquid fœnerari , tamen frustra eorum est subtilitas. Concedo enim quidem , quod radii eo usque haud perveniant , nihilominus tamen particule radiantibus eo usque & possunt , & debent propelli , etsi neque radiationem sibi præstent , neque calorem. Radiationem enim non possunt præstare , quoniam per corpora diriguntur opaca , sicut v. g.

Uuuu

eadem

eandem particulæ radiantes ex fornace calefacto, per fidelias terreas & opacas, absque radiatione & lumine propelluntur in hypocauftum, ubi præsentia earum calore percipitur. Cum vero calor sit effectus plurimarum particularum, non sequitur, quod ubi non sentitur calor, ibi non sint particulæ radiantes; sed id solum sequitur, quod non permultæ ibi dentur. Sic ergo eo usque possunt propelli particulæ radiantes, & nullum datur argumentum in contrarium. Sed & debent aliquæ eo propelli, cum experientia doceat, calorem penetrare lapides, quantumvis crassos, id quod fieri haud posset, nisi particulæ radiantes eodem permearent: etsi autem calor à mediocri igne, post ingentem saxi crassitiem, non amplius sentiatur, tamen, ut jam supra dictum, inde concludi haud debet, quod particulæ radiantes eo non perveniant: tam subtiles enim sunt, ut non possint non tam laxos poros, quales sunt lapidum, pertransire.

De argento.

§. 29. De aliquibus argenti phænomenis, v. g. quod testis probatoriæ sustinet examen, quod maxime sit ductile, quod exruleo colore, quando candet, coruscet, jam supra dictum. Quod vero argentum duplo fere auro levius est, illud facile quoque, quomodo fiat, ex supra dictis patescit. Nam quoniam ejus corpuscula mercurialia & atmosphærica sunt longe minora, quam eadem auri corpuscula, aura circulans longe minus elasticitatis suæ in illa exerit, quam in hæc, unde & sunt tanto leviora. Quod vero argentum sit perquam sonorum, ejus rei ratio supra generaliter de metallis data est: superat vero argentum reliqua hoc respectu metalla, quoniam ratio soni in resistentia bullularum est posita: nullæ vero magis resistere possunt, quam quæ sunt nobilissimæ, quales sunt auri & argenti, si quidem eorum resistendi conatus non obtundatur a copia particularum radiantium, quod in auro accidit. Propter eandem rationem plumbum minus sonorum est, quam stannum, cumque sic etiam cuprum debeat minus sonorum esse, quam ferrum, & nihilominus experientia contrarium doceat, ejus rei rationem paulo post enodabimus.

§. 30. Argentum quod, & quare, facile misceatur cum cu-
pro

pro & auro, jam supra dictum: nam ad mixtionem non requiritur plenaria corpusculorum æqualitas, aliqua, dummodo non sit nimia, inæqualitas etiam locum invenit. Argentum & in calidioribus, ubi aurum, & in frigidioribus quoque regionibus invenitur. Nam bullæ nobiliores in hisce pariter regionibus dantur ac in illis, particula vero radiantes non tam copiosæ requiruntur ad argentum, quam ad aurum: unde & argenti calor albus est, auri fulvus: nam & salia, quo plures hauriunt ex igne particulas, eò magis ex albo colore in obscuriores procedunt, viridem, cæruleum, fulvum & nigrum: ratio hujus mutationis in eo videtur esse posita, quod particula ignobiliores, (his namque differt aurum ab argento) inter radios nobilioris particula constituta, & radiis hujus applicata, radiationem paululum sufflaminant: est enim radiatio radiorum motus, qui ab incumbentibus, seu potius irradiantibus particulis ignobilioribus gravati, actionem suam segnius exerunt. Leve posset hic suboriri dubium, quare non propter eandem rationem ignis quoque, spiritus ardens, atque saccharum itidem obscuro colore laborent? sed sciendum, quod actioni particula nobilioris non solum resistent dicto modo particula ignobiliores, sed & maxime bullæ, quarum cum una modo resistat actioni particula nobilioris in igne, duæ in spiritu ardente, tres in saccharo, quinque autem in metallis, patet, quod ab auro ad ignem, spiritum & saccharum, non valeat consequentia.

§. 24.

Tab. I.
Fig. IX. X. XI.

*De metallorum transmutatione generatim, & speciatim,
de argenti in aurum mutatione.*

§. 31. Ex data superius de argento hypothese, sequitur manifeste satis, quod possit mutari in aurum: differt enim solis particulis radiantibus, & iis quidem ignobilioribus, ab auro: unde si hæ debita copia possint ingeri, sequitur, argentum mutatum iri in aurum: eademque ratione sequitur, ferrum mutatum iri in cuprum, stannum in plumbum. Et de stanni quidem in plumbum mutatione nihil constat, forte quia nemo adeo tentavit, cum nullum hujus mutationis sit emolumentum, neque operæ pretium. De mu-

Uuuu 2

tatione

Tom. V.
L. III. C. IV.
P. 339.

tatione autem ferri in cuprum plurima extant experimenta: quorum unum aliquod satis certum extat in Bernierii Abregé de la Philosophie de Gassendi: aliud de fonte in Hungaria, prope civitatem Smolniz, passim notissimum & infinitis experimentis comprobatum est. Etsi enim sint, qui putent, ipsum fontem cupreis corpusculis esse imprægnatum, quæ injecto ferro adhæreant, absque ulla ejus mutatione, ego tamen contrarium docere autopsyia possum. Possideo enim frustum aliquod laminæ ferreæ, quam peregrinator aliquis, homo non sublesta fidei, sub pileo, cauturus sibi ab Hungarorum acinacibus, gestaverat, quam totam injecit huic fonti, & totam in cuprum mutatum extraxit, quod quilibet vel visu experiri potest, si frustulum ejus aliquod frangat.

§. 32. Cum ergo de hisce experimentis pertinacius dubitare, à recte excultra ratione alienum sit, multo minus eidem conveniens foret, de impossibilitate mutationis metallorum insulse contendere, cum alibi à nobis à priori demonstratum sit, quod, quid impossibile naturæ sit, homo scire nequeat. Etsi ergo nunquam ullius metalli in aliud mutatio contigerit, tamen possibilitas mutationis promissime erit concedenda, neque curandæ quorundam Peripateticorum nugæ sunt, quibus contendunt, *species non mutari*, maxime postquam experientia docuit tot mutationes, non solum ferri in cuprum, sed & ligni, aliarumque rerum in lapides, quibus plena sunt curiosorum musæa.

§. 33. Concessa ergo possibilitate, nondum sequitur probabilitas, nedum certitudo, concessa autem probabilitate & certitudine alicujus rei, sequitur omnino ejus possibilitas, quæ nisi ex principiis physicis demonstrari queat, suspitione falsitatis haud caret ea principia. Nostra quapropter principia hanc possibilitatem, uti supra jam dictum est, ratione mutationis argenti in aurum, ferri in cuprum, & stanni in plumbum, nullo prope negotio demonstrant, & mutationem vero omnium metallorum in aurum difficiliorem ostendunt. Nam quoniam ignobiliorum metallorum & bullulæ & particulæ ignobiliores sunt, nobilitas autem atq; ignobilitas elementorum, ut opus naturæ in manu artificis non sit posita, non apparet, quomodo ignobiliora illa, secundi atq; tertii ordinis, metalla, in nobiliora, aurum nempe vel argentum, mutati queant.

*Imperfectorum metallorum in perfecta mutatio
non est improbabilis.*

§. 34. Interim ea exstant documenta, quibus mutatio imperfectorum metallorum in perfecta asseritur, ut cum probabilitatis gradum, quem alias habent res historicæ, omnino abjudicare huic mutationi nequeamus. Collecta sunt testimonia omni exceptione majora in Miscellaneis naturæ curiosorum. Quindecim ibi allegantur experimenta, cum tot circumstantiis enarrata, coram Principibus atque Imperatoribus facta, ut qua ratione aliis rebus historicis adhiberetur fides, eadem quoque huic experimento debeat haberi. Primum non magni momenti est, at secundum est experimentum Cornelio Martini, in Academia Julia contra hanc mutationem disputanti, à nobili, coram ipso & plurimis studiosis plumbum in aurum murante, oppositum, & relatum à Zvvölfero.

Decadis. I.
Annol. Obf.
XVII.

Mantif. pag.
fol. 38.

§. 35. Tertium est Helmontii, qui à peregrino, unius vesperi amico, accepit $\frac{1}{4}$ unius grani lapidis Chrysopœi, cum quo uncias octo argenti vivi mutavit in aurum purissimum. Quartum est ex Harfdörfero, qui refert an. 1648. S. Cæs. Majest. Ferdinando III. Pragæ granum unum fuisse transmissum, cum quo libr. III. argenti vivi in aurum fuere conversæ, ex quo etiam auro ab eodem Imperatore numisma cûsum, & auctor in Baronis fastigium à Cæsare evehctus fuit, & Dns de Caos vocatus. Quintum est de simili casu ex Dno de Moncorys; sicut & sextum. Septimum eidem Moncorys debetur, qui refert, mercatorem quendam Lubecensem Regi Sueciæ Gustavo Adolpho dedisse massam auri centum librarum, ex qua Rex cudere jussit ducatus, ipsum vero eandem ex plumbo parâsse. Octavum est de Georgio Friderico de Greiffenclau, Electore Moguntino, qui aureos ex mercurio, in aurum converso, cudendos curavit.

De vita æternâ p. m. 697.
& alibi.
In spec. Hist.
hist. 80.

§. 36. Nonum est de supra laudato Dno de Caos, qui præter factam projectionem in præsentia Imperatoris, aliam fecit coram Vicario summo Moguntino, & coram ipso quoque Eminentissimo Archiepiscopo. Decimum est de Electore Moguntino, qui affirma-

U u u 3

vit,

vit, se vidisse, cum pondere unius grani pulveris tres marcas auri ex libris duabus mercurii factas, & cum crucibulo extractæ viderentur nimis rubræ, quod adjectione drachmarum trium vel quatuor argenti omnia in aurum fuerint conversa. Undecimum est de Dno Helvetio, qui ab ignoto acceperat frustum pulveris, æquans magnitudinem seminis raparum, cum quo sex drachmas plumbi mutavit in aurum. Duodecimum est de Rudolpho II. Imperatore, qui Ipse calluisse chrysopoeiam dicitur. Decimum tertium est de milite Germano, qui in cœnobio Franciscanorum Würtzburgi, in quadam cellula, tempore direptionis, oculatratum invenit pulverem, qui plumbum convertit in argentum. Decimum quartum de nobili Bohemo est, qui in pyxide asservavit pulverem, qui plumbum convertit in aurum. Ultimum experimentum est de projectione auri coram Electore Moguntino facta. Circumstantiæ in historiis hisce occurrunt in allegatis Miscellaneis tales, quæ omnino, ad fidem historicam gignendam, apæ atque sufficientes deprehenduntur.

§. 37. Cum ergo ex relatis patefeat, quod aurum non ex argento solum, sed etiam ex reliquis metallis, quamvis ignobilissimis, v.g. plumbo & mercurio, possit confici, quæritur, quomodo id fieri posse credibile sit? Notandum vero est, quod quinque bullulæ metallicæ non possint esse æqualis nobilitatis; nam quoniam unæ debent per poros aliarum intrare, sequitur, quod in omni metallo, adeoque & auro, interiores bullulæ sint nobiliores exterioribus, adeoque ea nobilitas bullularum, quæ de auro dicta hæctenus fuit, intelligenda potissimum sit de ejus bullulis interioribus: unde fieri potest, ut plumbi interiores v.g. bullulæ ejusdem nobilitatis sint cum exterioribus auri & argenti.

§. 38. Jam si lapis iste philosophorum ex auro, quæ probatissima est sententia, paretur, & hoc quidem, quod ex chymicorum ænigmaticis expressionibus probabile est, modo, ut aurum tot imprægnetur particulis radiantibus, ut exterior ejus, vel quarta quoque & tertia, bullulæ rumpantur, remanebit corpus vel spirituosum, vel salinum, vel sulphureum pluribus longe particulis radiantibus factum, quam ipsummet aurum; quod si inferri in corpuscula aliorum metallorum possit, rumperet eorum bullulas exteriores, relictis & sibi cir-

Circumpositis interioribus, quæ hoc ipso spiritum illum, vel sal vel sulphur ex auro factum, debito bullularum numero iterum maſcent, adeoque hoc ipso in aurum, quod antea fuerunt, denuo abeant.

§. 39. Illa vero sibi liquoris spirituoſa, seu ſalis & sulphuris ſolida corpuscula cum intrare per poros corpusculorum debeant, ſolent, qui projectionem inſtituunt, conſtanti experientia primo liquare metallum, ut pori ejus, quos tincturæ aut lapidis philoſophici corpuscula tranſire debent, ampliuntur: ideoque ut plurimum projectionem cum plumbo & mercurio inſtituere, quoniam hujus bullulæ exteriores omnium ſunt ignobiliffimæ, & rumpi adeo ſiſſimo poſſunt negotio: & dubitari adeo poteſt, an cum ferro & cupro unquam vera hujusmodi mutatio ſucceſſerit. Interim quoquo modo ſe res habeat, ex dictis apparet, quod hac ratione, nullum ex ignobilioribus metallis, in aurum mutatis, capi emolumentum poſſit: cum tantum auri, multo antea labore ac impenſis deſtruendum ſit, quantum ex eo deinceps conſieri poteſt.

§. 40. Huicmæ opinionioni quamvis reclamant chymicorum libri, tamen valde probabile eſt, illas omnes projectiones, ſupra enarratas, fuiſſe hujus farinæ. Cum vero, ut ex argento fiat aurum, non neceſſarium ſit novas introducere bullulas, ſed copiam modo particularum radiantium augere, ex argento poſſe fieri aurum cum emolumento, non nego: imo & ſi quis ex viliori materia, quam auro, nôrit parere illam philoſophorum vel tincturam vel lapidem, idem quoque emolumentum ambabus largior. Quamvis autem ſiſſimum eſſe videatur, ingerere in corpuscula argenti particulas ignobiliores, tamen & experientia & preſſior meditatio facile edocent contrarium.

§. 41. Nam corpus, unde tranſmitti debent particulæ radiantes in argentum, vel quinque conſtat bullulis, ut metalla, vel paucioribus: ſi paucioribus, vel nobiliores ſunt ex, vel ignobiliores: ſi ignobiliores, plus libertatis in hiſce eſt, quam in argenteis corpusculis, unde non tranſcunt; ſi nobiliores ſunt & pauciores, facile adhuc evenit, ut tantum libertatis in iſtis ſit, quam in argenteis, unde nec
hic

hic transeunt. Quod si fingas, tale corpus permultis particulis radiantibus refertum, dico, sic pauciores istæ bullulæ perquam expandentur, & rumpetur eorum aliqua, vel facile occurrent alia corpora, in quorum corpusculis plus sit spatii: unde transibunt per ampliatos poros particulæ, adeoque naturale tale corpus non facile dabitur: accedit, quod talis corporis corpuscula etiam uniri cum corpusculis argenti nequeant, quia necessario iisdem sunt multo majora. Quod si quinque bullulis constare sumas tale corpus, iterum nullæ transibunt particulæ, nisi vel plures insint quam in argento, vel bullulæ sint nobiliores argenteis: at dubium valde est, an detur tale corpus nobilioribus bullulis, & si detur, minora erunt corpuscula, adeoque uniri non poterunt: si ejusdem nobilitatis sint bullulæ, & plures insint particulæ, vel aurum erit, sic tot transire ex eo, quot ad faciendum ex argento aurum requiruntur, haud poterunt: nam sic plures essent in argento particulæ, quam in auro, adeoque ex auro in argentum regrederentur; vel auro corpus nobilius, at tale per naturam hætenus haud fuit datum. Ex dictis ergo patescit, quod imprægnare argentum tot particulis radiantibus, quot ad constituendum aurum requiruntur, non tam facile sit: quam primo intuitu poterat videri.

De Cupro.

§. 23. seqq.

§. 42. Cuprum imperfectorum, uti dicunt, metallorum primum, communes quasdam proprietates habet, quarum rationes facile patefcent ex proprietatibus oppositis, supra de perfectis metallis expositis. Sicut autem oppositarum illarum proprietatum rationes unice uniceque in nobilitate bullularum erant positæ, sic ignobiliorum metallorum contrariæ in contraria illarum bullularum dispositione, ignobilitate nempe, fundantur, ut adeo fere specialiore deductione supersedere liceat: illud solum dicam, quare rubiginem contrahant omnia metalla ignobiliora?

§. 43. Sed primo nominaliter considerandum est, quid sit rubigo; nempe corruptio quasdam metalli ex aqua, quomodocumque metallis adhærente, atque iterum siccata: nempe nulla rubigo
abs.

absq; humiditate est, neque vero humiditas, nisi exiccetur, rubiginem per se præstare valet, unde si v.g. ferrum circumquaque aqua tectum sit, rubigine haud unquam laborabit. Scilicet corpuscula mercurialia seu atmosphærica ignobiliorum metallorum majora sunt, quam eadem corpuscula nobiliorum: unde hæc non conjunguntur cum corpusculis aqueis, at utique illa: ergo accedente motu aeris vel cujuscunque calor, corpuscula aquea nullis compedibus in metallis nobilioribus alligata elevantur tota, at ex ignobilioribus non idem, quoniam in his elastice coherant cum mercurialibus: unde accedente calore, aliave ratione elastica, elevantur particularæ radiantes superius, inferius succedunt apices particularum corpusculorum metallicorum solidorum, magisque & magis evacuat, corpusculis aqueis, per poros imminet, & è consortio reliquorum corpusculorum solidorum disjunguntur, donec tandem elevetur totum corpusculum aqueum, atque immicans hætenus metallicum, sub specie rubiginis in superficie metalli relinquatur.

§. 44. Cuprum & ferrum leviora sunt, quam aurum atque argentum, quoniam eorum bullulæ sunt ignobiliores, graviora tamen sunt, quam stannum, quia utriusque bullulæ nobiliores sunt, quam stanni: plumbi autem peculiaris ratio est, supra de auro exposta. Quod vero cuprum gravius est ferro, eadem ratio subest, quæ de auri atque plumbi gravitate modo allegata est, sulphurea nempe ejusdem constitutio. Ex cupro aurum potest colligi atq; argentum, quoniam cum utroque potest misceri: sic enim natura in terra idem facit, quod ars supra terram. Singularis quoque est cupri soliditas & fusionis difficultas, quæ locum habere haud possent, nisi vel bullulæ cupri nobiliores sint, quam auri & argenti, vel particularæ radiantes ignobiliores: sed cum igne conburi in scorias possit cuprum, ejus bullulæ debent ignobiliores esse, quam auri & argenti, nihil ergo relinquitur, quam ut particularæ ejus sint paulo ignobiliores, ex censu tamen nobilium. Sic enim bullularum virtus exsuperabit magis virtutem particularum, constituetque adeo corpus solidius: quod idem hinc quoque difficilioris erit fusionis: nam quoniam particularæ radiantes nobiliores sumuntur esse paulo debiliores, eo majore igne opus erit, ad vincendam bullularum re-

§. 25.

§. 24.

X x x x

listen-

sistentiam : accedit, quod & ideo mercurius cupri minoribus consistet corpusculis, non tam facile cum igne unibilibus.

De Ferro.

§. 42. §. 45. Ferrum quare rubiginem contrahat, jam paulo ante demonstravi : quare ferrum levius sit nobilioribus primi ordinis metallis, itidem ex antecedentibus constat ; quæritur autem, quare levius sit cupro ? Levius autem propter eandem rationem est, propter quam argentum levius est auro, stannum plumbo, de qua supra quoque actum. Solidius quoque & difficilioris fusionis dum apprehenditur ferrum, ratio satis patet : habet enim pauciores particulas, quam cuprum, & eas quidem non nobiliores, bullulas vero ejusdem nobilitatis, unde non potest non & solidius esse, & difficilius fundi.

§. 40. & 42. §. 46. Quando in cuprum mutatur quacunque enchirisi, particulae radiantes plures debent in corpuscula ferri traduci, sic necessario abibit in cuprum : ne vero quis hoc nimis facile existimet, videat quæ supra de hac difficultate ratione mutationis argenti in aurum attulimus. Color & cupro & ferro fere obscurior est, quam reliquorum metallorum, id quod, quomodo fiat, ex eadem nostra hypothese facile clarescit. Nam debilior particula radians, saltem respectu, quam in singulis aliis metallis est, unde minus quoque radiat, adeoque non nisi obscuriorem illum colorem, qualis est cupri atque ferri, præstat. Quod vero cupri color adhuc sit obscurior, quam ferri, copiosiores particulae radiantes, nobilioris particulae radiis insistentes, ejusdemque actionem sufflamantes, in causa sunt, eadem ratione, qua idem de auro atque argento supra fuit expositum.

De Plumbo.

§. 25. §. 47. Plumbi pleraque phaenomena ex hætenus dictis patescunt : gravitas ejus ex eadem causa dependet cum gravitate auri : quod colore & consistentia, itemque fusionis facilitate valde conveniat cum stanno, cumque eodem facile misceatur, ratio est in bullularum convenientia, respectu nobilitatis : sic enim corpuscula sibi invicem sic satis sunt æqualia, unde misceantur : inter nobilio-

liores metallicas sunt ignobilissima, & particulas tamen habent, pro-
ut videtur, cupri & ferri particulis vix multum ignobiliores, unde
accedente igne, expansoque mercurio, facile ipsa illa solida quoque
corpuscula expanduntur, adeoque liquantur: eadem ætheris & bul-
lularum constitutio gignit quoque consistentiam minus duram at-
que solidam: nam particulæ ignobilioribus corpusculis subiade
adeo repugnant, ut pertinacius ad centrum subsidere nequeant bul-
lulæ. Quantum ad colorem, plus luminis habet, quam color me-
tallorum secundi ordinis, quoniam debiliores bullulæ plumbi atque
stanni, minus resistere actioni particulæ radiantis possunt. Quod
vero plumbum obscurius est stanno, ejus rei eadem ratio est, quæ
supra de auro ratione argenti fuit allegata.

§. 36.

§. 48. Singulare & veluti proprium plumbo phænomenon
est, quod in testam probatoriam descendat, secumque metalla igno-
bilia, maxime cuprum, deducat. Scilicet denuo repetendum,
quod alia occasione jam dictum est, ignem non uniri cum corpore
solido, nisi mediante mercurio: mercurius autem plumbi omnium
maxime expansus, adeoque mole maximus est, mercurius vero
auri & argenti omnium minime expansus, adeoque mole minimus
est: unde si accedat ignis, & hic quidem expandetur & ille: ille
tamen, quam maxime, hic non nisi parum: unde secundum leges
elasticitatis sequitur, quod hujus (primi ordinis puta) mercurii par-
ticulæ, nitentur elastice in corpuscula ignea: illius vero, plumbi
nempe, particulæ non nitentur in corpuscula ignea, sed hæc potius
in illa: unde plumbum, quippe in cujus corpuscula feruntur par-
ticulæ radiantes ignis, deprimetur in testam, aurum vero & argentum,
quippe cujus corpuscula mercurialia ob capacius vacuum feruntur
in ignea, non deprimuntur pari modo, sed nisu suo veluti elata in
superficie testæ hærebunt: cætera metalla partim ob ignobilitatem
corpusculorum suorum comburentur in scorias, partim ob æquali-
tatem corpusculorum demittentur simul cum plumbo in testam.

De Stanno.

§. 49. Stannum in plerisque convenit cum plumbo, quo-
niam ejusdem ordinis cum eo est, de cujus convenientiæ specialissi-

X x x 2

mis

mis causis modo dictum est. Omnium vero metallorum est levissimum, id quod ipsi veluti proprium est : ratio autem per se satis liquida. Cum enim gravitatis metallorum duæ sint causæ, quarum altera est ipse bullarum ad centrum terræ nisus, altera auræ circulantis in atmosphæras metallorum elastica expansio, de qua paulo ante dixi, utriusque hic concurrit defectus : bullæ enim inter metallicas sunt omnium ignobilissimæ, & atmosphæra paucis particulis pollet, unde elastica illa auræ circulantis expansio longe minor est ac in plumbo, hinc ergo haud mirum, quod omnium sit levissimum.

§. 50. Miscetur stannum cum plumbo, quoniam ejusdem cum eo est ordinis : sed in vehementia tamen ignis testæ probatoriæ iterum deserit plumbum : nam si æquali igne expanduntur corpuscula plumbi atque stanni, plumbum ob plures particulas radiantes semper magis expandetur, quam stannum, quæ expansio quamdiu mediocris est, sub mediocri disparitate adhuc cohærent utraque corpuscula. At vero si igne vehementissimo urgeantur, tantopere expanduntur plumbeæ bullæ, ut, ob nimiam disparitatem, in unione permanere cum stanneis haud possint. Cætera cum stanni, tum aliorum metallorum phænomena, ad metallurgiam maxime spectantia, lubens prætereo, reservaturus ea peculiari tractatui, quem de chymia, hisce hætenus expositis principiis superstruenda, cum Deo & die sum conscripturus.

SECTIO III.

De

*Ufu hujus doctr. adversus superstitionem,
& in prudentia circa sanitatem.*

De

*Παρασκευαίς, guttis Apollinis, floribus iridis, id est, num-
mis, calitus demissis.*

§. 51.

EX hæcenus dictis de metallorum generatione patet, quod probabile nequaquam sit fieri posse metallum in aere, atque depluere: nam generatio ignobiliorum longe facilior est generatione nobiliorum, unde si pluere auro vel argento posset, longe sæpius plueret stano atq; plumbo: jam vero hoc experientia haud docet, ergo & illud valde est improbable nolo dicere impossibile est, quoniam hoc dicere barbarum est, & ἀφίλοσοφον. Adhuc si auro pluere posset vel argento, parvis plueret moleculis, corpusculis puta, non conflato statim metallo: ad hoc enim, ut conflatur, fusionis igne opus est: nam & in mineris terræ parvis gignitur moleculis, cum aurum, quod statim suum est, rarum sit & curiosorum musæis dignum: & præterea ignis fusioris locum interdum habere in terra potest, in nubibus non item. Adhuc si conflatum ibi generetur metallum, non ideo signaretur, & nemo ex quibuscunque principiis, absque nugis, indicare aliquam causam, metalla signantem, potest. Tandem si etiam signatum cælo delaberetur metallum, nemo perspicit, quomodo singularibus præ alio possit pollere viribus.

§. 52. Cum itaque tot modis improbabilis sit hic delapsus, nugis accensenda sunt ea, quæ passim in Paracelso, Thurneifero & aliis, occurrunt de, nescio quibus, nummis calitus demissis, qui putantur à sole generari, dum iridem radiis suis collustrat, ab eodem-

Vide hic vel
Jul. Reichel-
ti dissertat. de
amuletis, p.
m. 33.
vel Jac. Wol-
fii Scrut. A-
muletor. p.
m. 664.
vel Gaffarell.
Curios. in-
aud p.m. 411

que variis literis, figuris & imaginibus signari, & hinc singularibus pollere viribus. Nummi, qui pro his venduntur, verius sunt nummi à Vandalis in Sicilia cusi. Reddere ejusmodi superstitioni audaces solet homines, ut vel in prava, vel majora suis viribus, facinora ruant, & hinc propriæ ruinæ sibi fabri fiant.

De Metempsychosi Pythagorea.

§. 53. Nihil vero magis fovisse ethnicam superstitionem videtur, quam mysticus Ægyptiacorum sacerdotum modus loquendi, de transmutatione metallorum, quem & hodicnum retinent omnes Alchymistæ: cumque subinde metalla comparent cum vegetabilibus atque animalibus, passim de *semine, anima*, & similibus, ad vegetabilia & animalia pertinentibus, verba faciunt: & sulphur quidem suum frequentissime animam vocant. Cum ergo sulphur istud ex uno metallico corpore in aliud debeat transferri, eo ipso anima stylo chymicorum ex uno corpore migrat in aliud.

De Ortu &
Progr. chym.
p.m. 36.

§. 54. Lepida quapropter meditatio est, quam habet Olaus Borrichius, qui postquam ex Diodor. Sicul. Lib. II. Cap. VI. probavit, Pythagoram ex Ægypto illam de metempsychosi hypothesin attulisse, conjicit, quod acutiores sacerdotum metempsychosin illam ad nobiliorum metallorum animas, in viliora plumbi ferrique corpora introducendas, ista docendo reflexerint: quod sane vel inde probabile est, quoniam aliàs, cum hujus transmigrationis nulla sufficientia occurrant phænomena, non apparet, quæ philosophus tam intelligens, tamque prudens, potuerit: tam absurdam hypothesin comminisci. Unde, ne acutum alias atque perspicax ingenium Pythagoræ nobis injiciat suspicionem secretioris cujusdam philosophiæ, unde hæc illius opinio profu- xerit, juvat hunc istius probabiliter cognovisse originem.

De medicamentis metallicis & mineralibus.

§. 55. Augent quoque hæc considerationes prudentiam circa
sani-

sanitatem, si pensitemus, tria illa vulgo nota regna, nobilitate elementorum differre, ita quidem, ut vegetabilia sint omnium ignobilissima, animalia in medio consistant, mineralia vero nobilissima sint: cum vero diversi gradus sint vegetabilium elementorum, animaliumque & mineralium, sequitur, quod aliqua animalia nobilioribus elementis prædita, ut homines, mineralia possint assumere & metalla, sed ita tamen, ut caute satis circa hæc versemur; cogitemusque, nisi id jubeat necessitas, mineralibus medicamentis non temere utendum. Observamus enim aliunde, quod natura bullulas nimis nobiles ipsa studiose, febrilibus ideo excitatis motibus, aversetur, cum illæ ipsæ nobiliores, & plusquam animales, bullulæ ignem gignant, adeoque inflammationem in corpore animali pariant: unde etsi nobiliora alio respectu sint vitriola veneris & martis, sæpe tamen consultius erit adhibere vitriolum vulgare, rite præparatum, maxime ejusdem spiritum.

§. 59. Exuendum hoc loco maxime est illud chymicorum commune præjudicium, quo putant se separare semper purum ab impuro, nihilque ignis ope acquiri, quam quod in corporibus antea extitit. Nam quando vitriola, quando sulphura sibi e metallis parant, non separant, sed faciunt; rupta enim per ignem extrema bullula, sulphur; rupta hujus extrema, vitriolum; hujus pariter extrema bullula rupta, spiritum acidum acquirunt. Semper ergo à natura animali magis abeunt sulphura, vitriola, & spiritus, chymice è metallis parata, non ideo puriora, aut naturæ nostræ magis convenientia: potentiora tamen sunt, & usu externo plus præstant, quam vulgaria.

§. 60. Rectus autem mineralium medicamentorum usus in eo consistere videtur, ut iis utamur, quando ex aere, vel quocunque alio modo, hausimus bullulas plusquam animales. Nam quoniam cognata corpuscula & homogenea conjunguntur cum cognatis & homogeneis, quæ ubi desint, etiam cum minus cognatis coeunt, illa concepta plusquam animalia corpora, sæpe tam pertinaciter uniuntur cum humoribus nostris, ut ne febrili quidem calore expediri queant; unde tunc profunt mineralia & metallica corpuscula, quippe quæ hisce peregrinis, in massa sanguinea conceptis

ceptis magis cognata atque homogenea sunt, quam ipsi humores nostri, unde accedente febrili calore expanduntur humores nostri, expanduntur simul concepta miasmata, nec non propinata medicamenta mineralia: magis autem cum expandantur humores nostri quam vel corpuscula miasmatum aut mineralium, miasmata autem atque mineralia æqualiter, ita tamen ut paulo magis expandantur miasmata, quam mineralia, sit, ut inter se elastice conjungantur miasmata atque mineralia, atque secessionem utraque faciant à corpusculis humorum nostrorum, & hinc è corpore per sudorem aut urinam, aliove modo, eliminentur.

§. 61. Hoc ipsum est, quod medici faciunt, ignari ut plurimum, quid fiat, dum in febribus utuntur cinnabari, antimonio, vitriolo martis, spiritibus acidis & similibus: & quod vel solis hisce profligari pleræque febres possint, norunt, quibus

de meliore luto finxit præcordia Titan.

Simile quid contingit in testa probatoria, ubi stannum medio-cri igne unitur cum plumbo: eodem modo uniuntur miasmata illa plusquam animalia cum humoribus nostris: accedente vero ignis vehementia secernitur etiam stannum à plumbo: sic accedente febrili æstu separantur multa ejusmodi miasmata sponte naturæ, absque ullo medicamentorum auxilio; sed si cuprum forte sit cum argento & auro commixtum, sola ignis vehementia ea quidem satis haud separabit, sed plumbum tamen ab auro & argento secernet, cuprum vero cognatius est plumbo, quam nobilioribus metallis, unde conjungetur cuprum cum plumbo, adeoque hoc modo puram satis secessionem ab auro atque argento faciet. Pari modo miasma aliquod solo calore ab humoribus nostris disjungi nequit, medicamentis vero idem in corpore, quod plumbum in testa, facientibus, feliciter extricabitur. Longe plura huc spectantia dici possent, sed hæc quidem impræsentiarum sufficiant.

CAPUT XIV.
De
LAPIDIBUS.
SECTIO I.
De

*Aristotelis, Cartesii atque Gassendi
sententiis.*

§. 1.



Aristoteles quid de lapidum generatione sentiat, jam ex antecedente capite elucet: ubi fossilia ex sicca, seu fumosa, exhalatione fieri, contendit: huic quoque hypothefi infervit, dum in problematibus quaeritur, cur aquis calidis potius, quam frigidis, lapides concrefcant atque coagmententur? responderetque: *utrum quod lapis defectu humoris confistit, caloreque potius, quam frigore, humor deficit, & lapidefcit calore.* Etſi autem longe aliter, & veluti *μυχμικωτέρως* generatio lapidum explicetur in libro de Plantis, tamen probabile eſt, iſtum librum alius, quam Aristotelis, eſſe auctoris.

§. 2. Cartesius de lapidibus ſpecialiſſime explicandis nihil habet, fidus vero ejus interpres Jacobus Rohaultius, ex argilliscos putat confieri, quod eo probat argumento, quod occurrant lapides in lapidicinis, in quibus aliquot ante annis indagantibus ſolum argilla ſc obrulit, Sed videtur Rohaultius, familiari permultis mathematicis

§. 1.

Sect. XXIV.
Qu. II.

Lib. II. C. II.
P. m. 1099.

Tr. Phyſ.
P. III. C. VII.
§. XIV.

tis

tidis vitio, alibi à nobis notato, à particulari concludere ad universale. Idem enim est hoc ratiocinium, ac si quis observasset, id quod antea hordeum fuerat, post deinceps fieri panem, ac inde concluderet, panem itaque omnem fieri ex hordeo. Neque enim nego, ex argilla posse fieri lapidem, sed neque negari potest etiam ex ligno, imo & animali, quin & terra posse fieri eundem.

Tom. V.

Lib. III. C. I.

§. 3. Gassendus in Animadversionibus suis de lapidibus parum habet quod ad rem faciat, in Compendio vero Bernierii contenditur, lapides semini cuidam suam debere originem, & ea quidem de causa, quod constans figura in lapidibus se prodatur: Crystallus enim hexaedrica semper conspicuos esse figura. Sed vero confundere hic quidem Gassendus videtur minerale regnum cum ideali, vegetabili puta atque animali. Nam primo non omnes lapides constantem sortiuntur figuram, etsi crystalli ea non penitus destituantur: multi enim & longe plures sunt lapides nulla figuræ constantia conspicui. Præterea figuræ constantia non sufficit ad probandam naturam idealem, sive seminalem, ad hanc enim præter figuræ constantiam, quæ à mechanica etiam potest esse causa, requiruntur organa, id est, membra certo cuidam fini destinata, qualia sunt in animalibus genitalia, præterea ventriculus, cerebrum, cor & alia: in plantis radices, flores, capsulæ seminales, ipsæque semina: unde hæc quoque Gassendi meditatio talis est, ut fidem ei adhibere homo, genuino veri salisque sensu instructus, haud queat.

S E C T I O II.

Nostra de Lapidibus opinio.

§. 4.

U T nostram itaque, de lapidum natura, proferamus sententiam, brevissimis dicimus, lapides esse mineralia, hoc est, corpora quinque bullulis constantia, quorum corpuscula absque interveniente mercurio immediate sunt connexa. Hinc ergo patet, scit,

scit, quare peculiaris lapidibus sit durities; quoniam videlicet *immediate* connectuntur, & corpuscula, quinque bullulis constantia, non possunt non mole sic satis esse magna, hinc apices particularem, ex iisdem emicantium, non nisi parum eminere, & sic centra corpusculorum nunquam attingere, adeoque perpetuo atque fortissimo nisu corpuscula adunire, ideo tam fortiter coherent. Nam nisu particularum fere immensus est, qui nunquam cessat, nisi centrum alterius particulæ fuerit affectus: quod cum lapidum particulæ nunquam possint assequi, perpetuo, & eo quidem fortissimo, nisu, corpuscula connectunt.

§. 5. Hinc vero etiam malleo non sunt ductiles lapides: nam quoniam apices particularum parum modo corpusculis mutuo imminet, facile fit, ut, si quomodocunque dimoveantur corpuscula, à se invicem separentur, unde vel fragiles sunt lapides, vel durissimi, ut nulla virtute animali à se invicem seungi corpuscula eorum possint, id quod cum adamante contingit: ejus enim corpuscula cum omnium nobilissimis polleant particulis, tam obnixè sibi invicem irradiant, ut nulla vi animali separari, adeoque nec malleo duci possint. Ex eadem quoque causa dependet lapidum liquationis difficultas. Nam cum supra demonstratum fuerit, quod in li. L. III. C. VII.
§. 41. liquatione atque fusione metallorum ignis primum conjungatur cum mercurio metalli, & hoc mediante ipsa corpuscula solida demum expandat, patet, quod ea corpora, quæ mercurio destituuntur, non possint non vel plane non liquari, vel non nisi difficulter admodum.

§. 6. Scilicet duo sunt possibiles modi, quibus fundi talia possint corpora: nempe si vel quædam ignis corpuscula tam sint nobilia, ut magnitudine sua non excedant adeo corpuscula lapidea, conjungique per consequens cum iisdem queant; vel tanta sit ignis copia, ut ejus corpuscula sibi invicem incumbant, non abscedere statim possint, adeoque suis radiis *mechanica* veluti *pressione* ingrediantur poros corpusculorum lapidis, suæque multitudine eam demum acquirant vim, quæ fundendo lapidi par sit: utra vero ex duabus hisce causis, an utraque concurrat ad lapidum fusionem, haud equidem definiarim: illud sic satis constat, quod si ignis tonitrua-

lis, seu fulmen, fundat lapides, prior potius subsit causa, quam posterior.

§. 7. Lapidēs sic liquati priorem characterem exuunt, & in *vitra* abeunt: nam tanto igne circumfusi facile ita expanduntur corpuscula, ut eorum bullula exterior rumpatur, quo facto corpusculum quatuor bullularum adhuc magis expanditur, ejusque pori ampliantur, ut minimum aliquod corpusculum subire dictos poros possit, & sic corpusculum lapideum convertatur in vitrum.

Tab. I.
Fig. IV.

De lignis petrefactis.

§. 8. Etsi autem lapides eodem fere generentur modo cum metallis, tamen & quinque illæ bullulæ alia quoque ratione sibi invicem possunt superimponi. Nempe extant in musæis curiosorum ligna petrefacta, tam perspicue ligni vestigia monstrantia, ut nemo, nisi qui possibilitatem probabilitati præferre velit, dubitare, quin, ligna fuerint, possit, usque adeo, ut qui non tetigerit, sed solo adspectu æstimaturus sit, ea semper ligna, non lapides, sit crediturus: quin & ipse possideo frustum tale ligni, quod partim ligneum est, partim lapideum, fereque adeo lapis ligneus est: unde apparet, non omnes lapides in visceribus terræ gigni, sed ubicunque datur facultas pluribus bullulis sibi invicem superimponendis, ibi minerale quoddam corpus gigni potest.

§. 9. Puto autem hanc ita contingere petrefactionem, dum putrescit in terra lignum, particulæ radiantēs ex oleo & resina ligni secedunt: cum ergo, uti suo loco demonstratum est, bullulæ olei & resinæ, ex quibus lignum maxima sui parte componitur, sint ignobiliores, & adeo pori earundem ampliores, facile fiet, ut nobiliora quædam auræ circulantis corpuscula intrent per eos poros dicta corpora resinosa atque oleosa, eoque ipso constituatur corpusculum quinque bullulis præditum, seu minerale: hoc autem corpusculum omnium debet esse minimum, hoc est tale, ut bullula constet nobiliore, sed particulis non nisi ignobilioribus: & hoc est, quod suo loco vaporem diximus: nam nisi esset omnium parvissimum, non posset intrare corpus quatuor bullulis compressum. Sed olei quoque particulæ debent excessisse, quod petrefactione contin-

Lib. I. C. VI.
§.

Tab. I.
Fig. V.

contingit : unde ligna petrefacta semper habent formam putrefactorum, qua ipsa putrefactione etiam mercurius, quâ alias pollent vegetabilia, abit in auras, & sic ex ligno fit corpus quinque bullulis, quæ particulas foveant, non nisi ignobiliores, nulloque mercurio connexæ sint, constans, hoc est lapideum.

De guttis aqua casu petrefactis.

§. 10. Passim notum & in thermis Carolinis, & aliis fontibus, est, solo etiam casu petrescere guttas aqueas: quod alio modo non videtur contingere, quam quod terra aquarum delapsu violenter imprimatur per poros aquæ: nam salia proprio nisu ingrediuntur corpuscula aquea, cum vigore particularum radiantium polleant, ibi vero earundem particularum vigore vacuo undique circumfusi aliquam adipiscuntur fluiditatem, quæ causa est, quod talis aqua non abeat in lapidem, sed modo fiat spissior: quod si vero sal quicumque, ignis vehementia, fuerit in terram mutatus, non amplius vulgari stylo, solvitur in aqua, id est, corpuscula aquea vigore particularum suarum non potest subire, cum talis terra particularum pauper sit: quæ tamen si subiret corpuscula, à priori patet, quod lapidem sit compositura. Nam corpusculum inde factum quinque constaret bullulis; duabus, quæ aquæ, tribus, quæ salis mortui, sive terræ, sunt. Juvat itaque casus hunc ingressum, ut corpuscula illa terrea veluti mechanice imprimantur in corpuscula aquea, quo si pervenerint, paululum quidem expanduntur, ita tamen modo, ut soliditati atque duritiei lapideæ pusilla hæc expansio nihil officiat. Tanto autem facilius imprimi in aquam terreum tale corpusculum potest, si ipsa aqua calore expansa, ut in thermis, sit: unde & lapidea illa consistentia, non nisi postquam refrigerit aqua, apparet. Simile quid vide etiam in Gassendi vita Peirescii, de pulvere Puteolano admixta aqua marina lapidescente. p. m. 47.

De lapidum certa figura.

§. 11. Lapidem cum ad mineralia pertineant, nulla certa figura deberent esse conspicui: certa enim illa figura videtur principium aliquod ideale indicare: sed cum à mechanica quoque possit esse causa, supra jam dictum, quod inde ad naturam idealem non liceat concludere: organis nempe opus est, ad naturam idealem evincendam. Sed Supra §. 3.

Yyyy 3

organis

organis tamen illis ita similes sunt quædam lapidum figuræ, ut qui in botanicis sit exercitatus, si consideret lapides, quæ in mineris Monebachiensibus & aliis, reperiuntur, non possit non statim agnoscere *filicem*, *veronicam*, *ceterach* & alia. In lapide quodam calcario totæ veluti sylvæ comparent, tam affabre expressæ, ut inexpertus facile dubitârit, naturæ opus, an artificis, hoc sit. Qui plures ejusmodi lusus naturæ videre gestit, vel curiosorum adeat musæa, vel ante aliquot annos hic Lipsiæ edita *Memorabilia Saxonie subterraneæ*.

p. 20. & 30.

§. 12. De his itaque lapidibus, cum casui fortuito adscribi eorum figura omnino nequeat, quaeritur, quid sentiendum sit? An ad minerale regnum eorum figura sit referenda, an ad ideale, animale puta atque vegetabile? Cum autem ex supra dictis pateat, quod ad regnum ideale referri nequeant, id mihi videtur, esse ea id, quod inter animalia & plantas sunt *Zoophyta*; inter hominem & bruta, simiæ; id est, intermediæ naturæ, quæ singula aliquid nobilitatis ex ea habent natura, quam prætergressa sunt: natura enim nullibi facit saltum, sed ad omnia per gradus descendit: unde puto, hosce lapides nec puros putos esse lapides, nec veras quoque plantas.

§. 13. Cum ergo nulla pateat ratio, qua fieri hæc figuræ mechanice possint, dubium nullum est, quin principium hic aliquod ideale subsit, etsi inde minime sequatur, quod ideo idealia corpora sint hæc mineralia: nam ut corpus aliquod sit ideale, requiritur, ut principium ideale sit ejus pars essentialis, id quod si foret, non posset carere organis fini conservationis atque propagationis dicatis. Videtur autem principium aliquod ideale, quodcumque sit, externe agere in hos lapides, ibidemque dictas figuras designare. Modus videtur in eo consistere: quod, si in terra sales vegetabiles terream naturam induti intrent aquas, & eo modo, qui supra expositus est, ideis vegetabilium adhuc signati sint, principium ideale secundum dictas ideas agat, cumque ob defectum aptioris materiæ vegetabile producere nequeat, in lapide saltem externe figuram, ad quam exrendam ab ideis illis seminalibus satis disponitur, depingit. Ideas autem probabiliter in salibus esse expressas, & ex aliis elucet permultis, & ex eo, quod semina animalium sint valde salina. Quod si ima-

gines

gines animalium, v.g. piscium & avium, interdum comparent, eadem imitatione contigisse crediderim.

§. 14. Sunt tamen aliquæ etiam expressæ imagines rerum nec vegetabilium nec animalium, sed artificialium, ad quæ deductio nostra non potest applicari. Sic in *Miscellan. Nat. Cur.* extat historia de imagine B. Mariæ Virginis cum Filiolo in minera ferri expressa, quarum & plures recenset Kircherus in *Mundo subterraneo*, & faciem Viri capillamento induti in lapide expressam ostendunt *Memorabilia Saxon. subterr.* ubi & alia hisce gemina occurrunt. De quibus vel crediderim, quod casui & intuentium imaginationi debeantur dictæ imagines, vel si clare satis expressæ sunt, latere adhuc ea in natura animæ, & ejus nondum satis cognita recipiendi ideas potentia.

Ann. I. Dec. I.
Obs. CXIII.
p. 264.

p. 74.

An figura lapidum sint herbe petrefactæ.

§. 15. Sunt vero hodie plures, qui putant, se longe facilius hæc omnes difficultates expedire posse, si dicant, esse has figuras nihil aliud, quam herbas petrefactas. Quod vero herbe petrefactæ non sint, variis argumentis probat Dn. *Heinius*, Inspector minerarum Monebachicarum primarius: (1) Quia folia herbarum absque confusione recta apparent, atque parallela. (2) Quoniam aliquæ ejusmodi figuræ deprehenduntur inusitatæ magnitudinis atque parvitatis, v.g. filix tanto folio, quantum nullibi in natura extat. (3) Quoniam ex una solum parte his figuris signatus est lapis, ex altera minime: v.g. scapus alicujus herbe vel folii ex ea parte, qua apparet, elatus est, quodsi inferius investiges alteram ejus partem elatam, nihil invenies, quod tamen, si herba una cum scapo suo petrefacta sit, non posset non ita deprehendi. Quodsi putes impressam à petrefacta herba modo esse figuram, (4) notandum, quod sic depressa deberet esse figura, deprehenditur autem elata. Ex hisce singulis patet, quod probabilis nequaquam sit eorum opinio, qui petrefactas herbas genuisse has figuras existimant.

§. 16. Lapidem dividuntur in pretiosos & viles. Pretiosi habent particulam radiantem nobiliorem, viles ignobiliorem: unde illi singulari pollent duritie, cum particula radians nobilior fortius conjungat

jungat corpuscula. Inter omnes erminet *adamas*, cujus essentia consistit in duritie & radiorum reflexione singulari, quibus non solum lapides omnes, sed & omnia quoque corpora antecellit. Horum causa modusque in eo consistit, quod elementa adamantis sint omnium nobilissima; unde cum durities in duobus maxime videatur posita momentis, bullularum nempe ad centrum subsidentia, & corpusculorum ad se invicem adhesionem fortissima, (prior nempe id præstat, ut corpuscula non possint in se invicem deprimi, posterior id efficit, ut à se invicem haud possint recedere) *adamas* erit omnium durissimus, quippe cujus bullulæ sunt omnium nobilissimæ, non nisi unica particula radiante suffultæ: & particulæ ex uno corpusculo in aliud immediate irradiantes sunt nobilissimæ, fortissimam conjunctionem sic necessario præstaturæ. Ex eodem quoque fundamento dependet, singularis qua pollet reflexio luminis: nam omnis umbra hic necessario cessat, quoniam radii particularum luminis nullatenus possunt in vacuum bullularum illabi, cove illapsu aliquid luminis reflectendi perdere.

S E C T I O III.

De

*Ufu hujus doctrinæ adversus Atheismum,
itemque in prudentia circa sanitatem.*

S. 17.

EX hæcenus explicatis lapidum phænomenis, figura maxime, nullis mechanisismi vel liberrime concessis figmentis, probabiliter explicanda, eluget aliquis non negligendus adversus atheismum usus. Scilicet cum illi, qui omnia in natura usque adeo contendunt mechanice fieri, ut nullum corpus, imo ne elementa quidem excipiant, argumenta Dei existentia optima evertant, Deoque ex splendidissimis naturæ operibus nullam, præter *exiguam istam*
facta

factæ materiae gloriam relinquunt, convinci quidem erroris sui, dummodo non inepte possibilitatem cum probabilitate confundant, ex mille naturæ operibus possunt; unum tamen præ alio effugius minus deprehenditur obnoxium.

§. 18. Quodsi enim ex vegetabilibus aut animalibus agnoscendam urgeas naturam idealem, desperato mechanismi immediati auxilio, ad semen recurrunt, ibique depictam & expressam animalis aut vegetabilis naturam à calore deinceps expandi, fingunt. Opponi itaque, ut eo citius præcludantur effugia, hæc lapidum figura debet: quæ nulli semini absque imprudentia affingi atque accepta referri potest. Agnita natura ideali agnoscendus erit spiritus, in diversis corporibus diversus, & adeo ad certas figuras limitatus; agnito spiritu limitato agnoscendus erit spiritus limitans, hoc est, Deus.

§. 19. Patet etiam ex dictis, quid de veterum Medicorum præxi, lapides præscribentium, sit habendum. Nempe lapides quidem non possunt concoqui, ideo vero, quod recentiores permulti faciunt, non concludendum, quod non præstare usum medicum possint, cum ne quidem putârim vere sequi, quod id, quod concoqui nequit, usum præstare haud possit alimentare. De cætero probabile valde est, quod, si vel maxime nesciamus, usum aliquem ad conservationem corporis animalis conferant lapides, cum natura aves multas arenam devorare docuerit, quæ, antiquissimo & verissimo proverbio, nihil frustra facit. Neq; vero probabilis eorum opinio est, qui existimant, quod mechanicum præstent usum arenulæ ab avibus deglutitæ, dum nempe grana duritiæ sua commolant: nam observatur, quod dictæ arenulæ maximam partem rotundæ sint & glabræ, seliganturq; ab avibus eæ, quæ sic constitutæ sunt, præ aliis: eæ vero ad comminuenda grana minus videntur aptæ aliis, quæ tamen respuere docuit natura: unde probabile haud est, quod hujus comminutionis ergo devorentur. Cæterum tota contrarium sentientium contentio futili illo, cæsi communi, nititur impossibilitatis argumento.

§. 20. Variis autem modis prodesse possunt lapides, & forte (1) per accidens, dum natura, quicquid in ventriculum ingeritur, subactura, spiritibus, tanquā instrumentis suis, aggreditur, dumq; incassum laborat, hoc conatu plures spiritus in ventriculum demittit, quam alias so-

let, & sic à spiritibus calefit ventriculus per accidens : & hoc forte modo lapides profunt avibus : nam & quæ aves cibis utuntur concocti facilibus, v.g. philomela, parus & aliæ, arenis devorandis nil habent opus. (2) Dum acidum saturant, quod absorbentia alia saturare nequeunt : nam lapidum mineralium ob nobilissimas bullulas corpuscula sunt valde parva, hinc minores etiam acidi poros subire, illudque saturare possunt, quo pacto forte profunt melancholicis, subinde pertinaciori acido afflicti. (3) Dum corpuscula ejus minima sola conjungi facillime possunt, cum minimis corpusculis aeris, à sanguine nostro haustis, materiamque febrium & pestis constituentibus : sic enim ubi corpuscula illa lapidea nupserint illis febrilibus corpusculis, fatiscunt ex unione humorum, & è corpore feliciter amandantur.

§. 21. Sed hoc quoque in usum sanitatis notare hoc loco convenit, quomodo nempe & quare maxime in vasis urinariis generentur calculi : & quibus prudentiæ regulis præverti ista generatio debeat. Scilicet repetendum huc est id, quod supra de guttis aquæ, casu petrefactis, diximus : ubi demonstravimus, quod ad generationem lapidum minus aptus sit sal vegetus, sed requiratur iners, effectus, terræ propior, quam salis naturæ, hoc est particularum radiantium inops, & qui præterea bullulis constet nobilissimis : sic enim demum satis parva, ad subeundos aquæ poros, fore dicta corpuscula. Cum ergo in urina talis sal effectus atque iners contineatur, hic ipse magnam habet aptitudinem ad constituendum cum aqua urinæ lapidem : neque majorem tamen quam experientia docet.

§. 22. Nam si quis debita utatur diætâ, ut humorum corpuscula esse & permanere possint homogenea, minima talis effecti salis corpuscula, cum similibus concurrunt aquæ corpusculis, quorum adeo pori quoque sint angustiores, ut nisi alia ratio accedat, subire hæc corpuscula dictos poros non facile possint : quoniam proprio vigore, ut salia, vegeta virtute particularum, in ipsis radiantium, intrare nequeunt. Illa autem alia ratio accedens est percolatio illa in renibus, qua secernitur urina : hac enim imprimi possunt corpuscula salis inertis in corpuscula aquea, si & hæc satis sint ignobilia, id est,

am-

amplioribus poris prædita, & illa satis parva, id est, nobilioribus bullulis constantia. Promovet hanc impressionem illud naturæ institutum absque intentione sua, quo solet ad renes dirigere, ibique secernere, varia corpuscula fluida heterogenea, adeoque & bullulis ignobilioribus, quam pro temperamento, constantia.

§. 23. Patet hinc, quod, ne calculus gignatur, in cibo potuque ea evitanda sint, quæ bullulis constant maxime nobilibus, ut vinum, & maxime ignobilibus, ut caseus, caro porcellorum, castaneæ &c. Nam caseus ex lacte est, at fluiditate lactis amissa, eo jam deferri elastice potest, quo lac ipsum pervenire nequibat. Nam lac ex corpusculis constat valde heterogeneis, hinc & caseus: cum enim ex lacte omnes fiant corporis humores, ex humoribus partes solidæ, lac non potest non corpusculis diversæ nobilitatis constare, hinc & nobilioribus & ignobilioribus: harum ignobilium, si quæ sint maxime tales, in serum abeunt, hinc ad renes transferuntur: per quarum substantiam si percolantur, concurrentes cum corpusculis illis inertibus, inter salis atque terræ naturam intermediiis, hæc per amplos suos poros facile in se recipiunt, & eo ipso lapidem gignunt. Delicata autem pleraque cum ex variis sint commixta, atque adeo corpuscula foveant nobiliorum & ignobiliorum bullularum, generando calculo aptiora sunt cibis homogeneis, sapore modico delectantibus.





CAPUT XV.

De

PLANTIS.

SECTIO I.

De

*Aristotelis, Cartesii atque Gassendi
sententiis.*

§. I.

De Anima L.
I. Cap. ult.



Aristoteles plantis animam attribuit, dum ait: *Εἶνε δὲ καὶ ἐν τοῖς φυτοῖς ἀρχὴ ψυχῆς τις αἰσας*, id est, *videtur & principium in plantis anima quædam esse*: quæ tamen haud sentiat, etsi nullum sit principium sensitivum, quod non particeps illius animæ, quæ in plantis operatur, inveniatur: hinc & vitam omni-

ibid. Lib. II.
Cap. II.

bus vegetabilibus attribuit, dicendo: *διὸ καὶ τὰ φυόμενα πάντα δοκεῖ ζῆν*, id est, *ideo & omnia vegetabilia videntur vivere*. Quæ omnia cum veritate consentire putamus, sed modus, quo illa anima operatur in plantis, non satis ab Aristotele exponitur, de quo deinceps distinctius agendi locus erit.

Animadv. L.
l. p. 263. &
264.

§. 2. Etsi autem hæc veritas sua adeo radiet luce, ut vel cæcorum perfringere oculos valeat, Epicurus tamen amore electæ de atomis hypotheseos: & Gassendus amore Epicuri, contendunt, non dari in plantis animam. Et Epicurus quidem hinc suam probat opinio-

pinionem, quoniam animæ naturam in sentiendo ponit: sensu autem penitus destitui plantas existimat. Gassendus vero etymologico argumento, quo ψυχὴ Græcorum, & Hebræorum נִשְׁמָה & נְשָׁמָה à respirando dicantur, quæ respiratio plantis non comperat, sufficere ruinosa Epicuri hypothesin annititur. Nam & quod animæ essentia non accurate in sentiendo ponenda sit, & quod plantæ non penitus destituantur sensu, supra probavi. Lib. I. C. IV.
 Quantum ad etymologicum illud Gassendi argumentum, dico de hoc argumenti §. 30. 31. 32.
 genere, illud nihil probare de natura rei, imo nequidem de significatione vocabuli, sed solum de phantasia primorum impositorum, aliquam probabilitatem parere: unde ad probandam rei naturam incongrue adhibetur. Et cum ipsa S. S. de animalibus subinde prædicet נִשְׁמָה animam viventem, eo ipso non adjudicare plantis omnem animam, sed viventem solum, quæ usu linguæ pro sensitiva ponitur, seu animalibus propria videtur. Tom. V. L. IV
 Caterum in Compendio Bernierii contraria extat sententia, nempe quod & animam Cap. I.
 habeant & sensationem plantæ.

§. 3. Cartesius quamvis gloriatur, nulla naturæ phænomena fuisse à se prætermissa, de plantarum tamen phænomenis parum vel nihil habet, nisi quod putet, posse ea, pariter, eodemque modo (lusu nempe possibilitatum) uti magnetis & ignis proprietates, ex iisdem illis principiis deduci. Porro hunc colorem huic suo defectui obrendit, quod voluerit quidem sex philosophiæ suæ partes conscribere, quarum quintâ de animalibus atque plantis acturus fuisset; sed quia nondum omnia, de quibus in iis agere velit, sibi plane perspecta sint, nec sciat, an satis unquam otii habiturus sit, ad ipsas absolvendas, missa penitus plantarum natura, Princ. P. IV.
 quædam de animalium sensu subnectit. §. 199.

SECTIO II.

De

Natura plantarum nostra opinio.

Quod in plantis sit anima proprie dicta atque vita.

§. 4.

Etsi autem, si quis nugas puræ possibilitatis à probabilitate sciat distinguere, mechanismus ille mathematicus, qualis Cartesii est, ne in reliquis quidem corporibus explicandis procedat, facilius tamen ibi est fucum aliquem facere, quam in doctrina de plantarum atque animalium natura, & hæc fortassis vera fuit ratio, quare Cartesius quintam atque sextam partem Principiis suis haud addiderit. Nam usque adeo sensus ferit mechanismi in his objectis inconvenientia, ut ne quidem possibilitates fingendi concessa licentia, aliquid procudi possit, quod vel mediocriter vegeto judicio, atque sensu veri instructo, satisfacere queat.

§. 5. Etsi autem existentia animæ & vitæ longe clarior sit in animalibus, quam in plantis, tamen in his quoque ita patet utraque, ut nisi præjudicia atque affectus obstant, à nemine non agnoscatur.
 Lib. I. C. IV. §. 43. Quid autem sit anima, de qua hic loquimur, supra exposuimus, & quomodo ex organico corpore pateat præsentia spiritus, qui in plantis est anima, ibidem pluribus demonstratum est, quibus hic repetendis jure meritoque superfedemus. Cumque ibidem quoque probatum fuerit, quod figura plantæ & animalis non possit esse in semine delineata, nullaque alia hypothesis mechanica de plantarum phænomenis excogitata hætenus fuerit, & probabilissime nec possit excogitari, deficientibus mechanicis hypothesebus nulla alia potest succedere, quam vitalis, hoc est, quæ animam plantis atque vitam attribuit.

§. 6. Vitam vero voco animæ operationem in corpus organicum nutritioni & conservationi corporis dicatam. Cumque, ut ex allegato loco patescit, spiritus duplex sit, anima atque mens, & hæc

hæc tribus actionibus sese manifestet , memoriæ, ingenii atque iudicii, quarum nulla vel ullo vestigio deprehenditur in plantis, mente eas destitui, solaque gaudere anima, hinc elucer. Cæterum aliis adhuc argumentis patescit inanitas illius hypotheseos, quæ figuram plantarum in semine delineatam asserit. Nam si, quod ista hypothesis sumit, omnia à calore protruduntur, sequitur, quod in ipsis ramis arborum, v. g. salicis, delineata sit figura radicum : notum enim est, quod hujus ramus in terram insertus radices agat. Quod si inest, & secundum mechanicorum hypothesein nihil aliud requiritur, ut proferantur radices, quam calor, sequitur, quod in aere debeant protrudi radices, ut folia, id quod experientiæ repugnat.

§. 7. Si dicant resistentiam terræ foliorum figuram mutare in figuram radicum, respondeo : ergo aqua utpote corpus fluidum, & in qua media multa crescunt vegetabilium folia, non poterit idem præstare. At & hoc experientiæ repugnat. Nam ipse elapsa ætate expertus sum, quod basilici quidam caulis, cum aliis floribus in fasciculum collectus, quo solemus nares oblectari, & à me, ne statim emarcesceret, in aquam demissus, ibique per negligentiam per duos, & quod excurrit, hebdomadas relictus, in sola aqua totam veluti sylvam radicum egerit, usque adeo, ut multis ramis, foliis, & demum quoque sub festum Michaelis floribus tactatus fuerit, quem adhuc in fasciculo suo una cum ligneo scapo, cui solent alligari flores & herbæ odoratæ rosis & aliis, viderunt amici, mei & admirati sunt: unde dilucide apparet, quod figura radicum non dependeat à mechanica terræ resistentia, & adeo à nullo principio, quam secundum ideas agente, figura totius plantæ effingatur.

§. 8. Etsi autem cordati omnes, sensuque veri recte formato pollentes, non possint non principium aliquod ideale, vitale, secundum ideas & finem agens agnoscere, id tamen adhuc anceps est, an illa anima in terra sit, & ideæ solum in semine expressæ, secundum quas anima agat, quod aliquæ rationes suadent; an vero in ipso semine, & hinc in tota planta hospiterur, quod aliæ rationes insinuant; mihi hætenus posterius videtur, utut, si quis amplectatur prius, me sibi repugnantem haud habebit. Sunt itaque plantæ corpora, hætenus tractatis omnibus nobiliora, quippe quæ præter

ter corpuscula cæteris communia, aere & æthere constantia, habent animam, dicta corpuscula secundum ideas, à semine oblatas, disponens, ut hinc emergat corpus organicum, suo semini conveniens.

De plantarum speciebus.

§. 9. Differunt ergo plantæ pro seminibus diversitate: diversæ namque idæ diversis seminibus in prima creatione fuerunt impressæ. Tot autem species plantarum sunt, ut eas determinare omnes fere magis ad botanicam videatur spectare, quam ad physicam. Has species ut decernerent, hæcenus Clarissimi multi Viri variis instituerunt methodis, dum quidam eorum secundum diversitatem florum, quidam secundum differentiam capsularum seminalium, quidam secundum majorem in pluribus convenientiam eas distribuerunt. Flores sequuntur Tournefortius & Rivinus, Capsulas Hermannus, plurium convenientiam Rajus. Sunt autem definitiones logicæ, quæcunque ullo modo ex his conceptibus formantur: quæ duplici fine possunt adhiberi, vel ut cognoscantur & distinguantur plantæ, vel ut plantarum substantiæ: priori fini velificantur Tournefortii, Rivini atque Hermannii hypothesés, quarum nulla aprior est Riviniana, huic vero destinata recte Raji hypothesis. Nam ubi plura conveniunt accidentia, ibi fieri vix aliter potest, quin similis subsit substantia.

§. 10. Ad scopum physicum cum maxime faciat Raji, sicut Rivini sententia ad scopum Botanicum, illius breviter videamus divisiones. Dividit nempe omnes plantas in herbas & arbores: illarum XXV. constituit genera, harum XIII. Illa sunt: (1) plantæ submarinæ, (2) fungi, (3) musci, (4) herbæ capillares, (5) herbæ flore stamineo, (6) planipetalæ lacteïcentes, (7) flore discoïde, semine papposo, (8) corymbiferæ, (9) capitatæ, (10) flore perfectò simplici, semine nudo solitario, (11) umbelliferæ, (12) stellatæ, (13) asperifoliæ, (14) verticillatæ, (15) semine nudo polyspermæ, (16) pomiferæ, (17) bacciferæ, (18) multilocularæ, (19) vasculiferæ, flore monopetalæ, (20) tetrapetalæ filiquosæ & siliculosæ, (21) flore papilionaceo seu leguminosæ, (22) pentapetalæ vasculiferæ, (23) graminifoliæ floriferæ, (24) graminifoliæ flore stamineo, (25) herbæ anoma-

malæ.

malæ. Arbores autem dividit (1) in arundinaceas aut irinas & non tales: has (2) in arbores flore à fructu remoto, & arbores flore fructui contiguo: illos in coniferas, & non coniferas: has in pomiferas umbilicatas, bacciferas umbilicatas polypyrenas, bacciferas umbilicatas monoppyrenas, & arbores pruniferas, item in bacciferas non umbilicatas monoppyrenas, pomiferas non umbilicatas, bacciferas non umbilicatas polypyrenas, arbores fructu sicco non siliquosas, siliquosas flore non papilionaceo, siliquosas flore papilionaceo, & demum anomalas.

De plantarum partibus mechanicis & organicis.

§. 11. Et hæc quidem plantarum sunt species: partes autem earundem diversæ, aliæ mechanicæ, aliæ organicæ. Mechanicas dum dico partes, mechanismum maxime intelligo physicum, suntque vel aeræ, vel aquæ, vel salinæ vel sulphuræ. Ex his ab anima plantæ formantur partes organicæ, quæ sunt radix, fundus, caulis, folium, flos & fructus. Etsi autem non omnes plantæ habeant flores atque fructus, plurimæ tamen nulla harum partium destituntur. Partes mechanicæ sunt maxime medicæ: organicæ enim, quæ tales, vix aliquem in medicina præstant usum: etsi forte usui in magia esse possint. Unde quæritur, an salia plantarum sint diversarum virium, an omnes agant virtute alcalica? Sunt qui præjudicio præcipitantæ abrupti posterius asserunt, sed prius exactius cum veritate convenit. Nam experientia unumquemque facile convincet, quod sal absinthii, aliud quiddam præstet quam effectum alcalicum, & quod sal scordii idem haud afficiat: si quis vero non attendere velit, nisi ad effectus alcalicos, verum erit, quod hoc respectu idem præstent. Præterea cum aquæ plantarum differant omnium consensu, & sulphura atque olea, probabile non est, sola salia haud differre. Differunt autem hæc singula tum elementorum, maxime bullularum, nobilitate & particularum copia: unde corpuscula hinc consunt majora & minora, quæ proinde etiam cum aliquibus nostris humoribus uniuntur, cum aliquibus non: item pro diversa habitudine eorum corpusculorum ad corpuscula humorum nostrorum jam particulas radiantes eripiunt, jam imper-

riunt, & hinc corpuscula humorum nostrorum vel contrahunt, vel expandunt, vel & alio modo afficiunt, unde diversa plantarum virtus est.

§. 12. Quædam vero earundem non sola aqua, non solo sale aut sulphure agunt, sed, quod medici dicunt, tota substantia: & hæ sunt, quæ *specificæ* dicuntur: in his natura ita conjunxit corpuscula aerea, aquea, salina & sulphurea, ut aquea uni, sulphurea aut alia alteri *indicationi* satisficiant: unde tales plantæ pro scopo Medico non debent chymice tractari, alias medicamentum corrumpitur: tale quid observatur in cortice Peruviano, cujus neque sal neque oleum id effecerint, quod ipse cortex præstat.

De plantarum generatione.

§. 13. Generantur autem plantæ probabiliter hoc modo: Deus seminibus impressit ideas plantæ formandæ, has agnoscit anima, & sale, sulphure, aqua & aere seminis utitur, ad sic concinnanda corpuscula, ut figuram plantæ recipiant. Illas vero seminis *ideas* conjicio in numero atque situ particularum radiantium ignobiliorum consistere, quæ animæ id sunt, quod verba menti: hæc nempe ex impositione humana significant, illæ ex impositione Divina: unde non necesse est, cum mechanicis quandam figuram, plantæ conformem, in semine fingere.

§. 14. Non autem prius anima secundum hæc ideas agit, quam à seminis expansione mechanica ad actionem invitatur, adeo ut in illa expansione, dum semen humectatur, quædam etiam sit idea actionis: sicut & anima in animalibus non prius excitatur ad formandum corpus, quam facta seminum commixtione, alteriusque elastica expansione, neque musculus moveri, nisi affluxu spirituum, & actione eorundem in sanguinem expansiva, stimuletur atque incitetur. Omne autem semina saltem in cortice suo poros debet habere admittendis aquæ corpusculis pares: quem corticem ubi penetraverint, ipsum salem plantæ per modum solutionis imbibunt, & sic totum seminis corpus expandunt: neque enim terrea hic corpuscula à sale distinguo, sed salem voco omne corpus tribus bullulis constans, quæcunque sit interna constitutio particularum radiantium,

Vid. supra
Lib. I. C. IV.
§. 12.

tium, sicut sulphur quicquid quatuor bullulis compactum est, quæcumque sit eadem particularum conditio: nam quoniam ideæ plantarum debent esse variæ, illa ipsa quoque particularum collectio debet esse varia, ut subinde aliam atque aliam ideam exprimat.

§. 15. Sed aqua, quibus humectari semina debent, non hunc solum expansionis usum præstat, sed &, ut infra patebit, materia est, ex qua lignum plantarum ab anima conditur. Semina enim fere solum sulphureas atque salinas partes foveant, aqueas vero & aereas extrinsecus adsciscunt: unde si libero aere atque debita aquæ copia non fruuntur plantæ, non feliciter satis crescunt.

§. 16. Jam ubi semen hoc modo expansum est, anima radiculam exporrigit in terram, & quocunque situ semen fuerit in terram demissum, radicem tamen ad superiora haud profert. Hæc radícula gaudet atmosphæra ex talibus corpusculis condita, qualia ad hanc plantam requiruntur, unde ejusdem magnitudinis corpuscula terrea, (verius salina & sulphurea, sensu modo exposito) aquea, aerea huic atmosphærae elastice adhærent: ex quibus anima plantæ, sensu peculiari prædita, ea seligit, quibus opus habet. Quod si paulo majora sint quædam ex adhærescentibus hisce corpusculis, ut subire poros radiculae nequeant, ei conjuncta manent, & sic radicem gignunt: unde radix mechanice in plerisque plantis generari videtur, non idealiter secundum certam quandam figuram, sicuti partes supra terram conspiciuntur. Hinc & est, quod observant, plantas plures agere ex ea parte radices, ubi convenientior terra est: neque necesse est, hoc ipsum phænomenon ex sensu quodam animæ cum Gassendo deducere. Neque tamen negandum est, quasdam etiam plantarum radices idealiter, v.g. fatyria, orchides, formari.

Vide supra
Lib. I. C. IV.
§. 45.

§. 17. Sicut autem radícula fere nihil aliud est, nisi initium radicis futuræ, jam in semine constitutum atque formatum, sic ea corpuscula, in quibus expressæ sunt plantarum formandarum ideæ, foliis, quæ vocant, seminalibus videntur contineri, sive foliorum specie supra terram efferantur, sive nuda lorum figura in terra condantur: unde hæc folia seminalia nunquam imitantur figuram plantæ, sed eam, quam in semine habuerunt, fere retinent.

A a a a 2

Viden-

Videntur autem eadem ideæ in utroque folio delitescere : uno enim dejecto observavi plantam nihilominus feliciter satis surrexisse, at utroque decerpto, vel statim, vel post aliquod tempus perisse.

§. 18. Ex hac quoque observatione judicavi, quod corpuscula illa terrea, aquea, aerea, quæ proximo paragrapho radicalæ adhærescere dixi, non mechanice, nisi nempe quodam elastico, hinc ad superiores plantæ partes transferantur, sed idealiter ab anima eleventur. Nam si prius foret, nulla pateret ratio, quare utroque folio seminali dejecto, planta non crescat porro, etsi forte rudem atque monstrosam figuram exhibeat. Si enim cum aliis quibus Botanicorum putes, præstare hæc folia seminalia usum cotyledonum, atque succum plantæ nutritium custodire, hæc assertio non satis probabilis ex eo est, quod uno folio seminali dejecto nihil vigoris videatur plantæ decedere.

§. 19. Sed illæ tamen ideæ, quæ in uno folio seminali delitescunt, diversæ sunt, dum aliæ formationem foliorum, aliæ caulis, aliæ florum, aliæ fructuum atque seminum animæ insinuant : unde nisi satisfecerit omnibus hisce designatis ideis, anima non quiescit : unde crescit planta, usque dum fructus protulerit : quo facto cætera omnia præter fructum parum vel nihil incrementi sumunt : ideo quod illæ ideæ, secundum quas formabantur antecedentia, sint absumptæ : unde & pleræque plantæ, postquam fructum atque semen protulerunt, emarcescunt : quo & pertinet curiosum phænomenon aloes, quæ etsi, antequam floreat, per annos plures vigeat, simul ac tamen floruit, extinguitur.

De plantis perennantibus & minus talibus.

§. 20. Cum hac differentia idearum interdum conjuncta est constans quoque corpusculorum succi differentia, vel non : priori casu plantæ perennant, posteriori minus. Nam sint v. g. signatura folii tres particulæ radiantæ, inter nobiliorem particulam superius constitutæ, cum bullula nobiliore, succus autem nutritivus ex aliis, etsi æqualibus ratione magnitudinis, constitutus sit corpusculis, sic planta non poterit perennare, absumtis enim
corpu-

corpusculis feminalibus nullæ amplius supererunt ideæ , quæ animam in formando dirigant: at si signatura talis sit, ut admitti corpusculum in unionem cum atmosphæra radice nequeat, nisi tali eadem signatura præditum, tum perennant plantæ: ideo quoniam eadem ideæ in succo nutritio sunt, quæ antea in foliis erant feminalibus. Eæ quapropter plantæ perennant, quorum atmosphæra radice convenit cum corpusculis foliorum feminalium.

De Plantis sponte nascentibus.

§. 21. Probabile autem est, non omnes plantas ex semine, sed quasdam etiam sponte veluti pronasci. Nam ex quacunque terra, etiamsi ex imo petatur, aqua si rite madefiat, solique & aeri libero exponatur, quædam excreverunt plantæ, veluti gramen, chamomilla, plantago, trifolium &c. & ego accurate observavi, quod in vasis, quibus ante fenestras aliquas enutriveram plantas, singulis annis, etsi subinde, antequam floreret, extirparetur, chamomilla excreverit. Alii narrant se observasse, quod ex sale absinthii, in terram virginem projecto, excreverit absinthium. Ipse Halæ vidi, quod in loco, ubi subinde aliquid salis solet profundi, enata conspiceretur planta Kali vocata, cujus omnis succus usque adeo salinus est, ut quilibet cum gustu statim deprehendat. Huc accedit, quod suo loco demonstravimus, terram pleramque esse salem effœtum, & à sale non distingui, nisi particula radiante nobiliore, qua terra destituitur.

§. 22. Quod si ergo ideæ seminales in diversa constitutione atque numero particularum radiantium sitæ sunt, in tanta plantarum multitudine vix fieri potest, quin & ipsa corpuscula salina, & terrea salinis cognata (quamvis sulphurea non penitus excluderim, si nempe cum aqua, quod ad vegetationem necessarium esse videtur, conjungi possint) aliquam vilioris plantæ in se, quatenus talia, habeant ideam: cum quibus etsi nulla anima sit conjuncta, formatio etiam à nulla veluti communi mundi anima perpetretur, quia nihilominus multæ plantæ, quibus hætenus infuit talis anima, subinde percunt, & nos hætenus habitum animæ ad corpora tam accurate haud cognoscimus, fieri variis modis quædam veluti μεταψύχωσις potest,

qua anima quædam, cum ejusmodi corpusculis salinis atque terreis uniatur, atque ad dictamen idearum, casu in hisce corpusculis depictarum, plantam formet.

De plantarum nutritione.

§. 18.

§. 23. Ex cognita plantarum generatione facile quoque dilucescit, & supra quoque jam tacta fuit earundem nutritio. Scilicet radícula eam habet atmosphærulam, cum qua conjungi non possunt, nisi certæ magnitudinis corpuscula, quæ anima, uti supra probavimus, transvehit ad gemmam, quæ est initium plantæ, sicut radícula radice, eamque secundum ideas, in foliis seminalibus descriptas, in plantam effingit, eodemque modo, quo prius formavit, post deinceps quoque nutrit.

Chymista
Scept. p. m.
101.

§. 24. Etsi autem nullibi felicius crescant plantæ, quam in terra, putandum tamen minime est, quod multum terræ in nutrimentum plantarum absumatur. Refert Boileus aliquod experimentum Helmontii, fide, uti puto, dignum: Accipiebat nempe ille ducentas terræ libras, in fornace exiccatas, iisque fictili vasi immisissis, & aqua pluvia humectatis, truncum salicis, quinque libras ponderantem, implantabat: hanc terram prout opus erat, aqua pluvia vel stillatitia irrigabat; ac ne terra vicina in vas illaberetur, laminam ferream, stanno superinductam, atque foraminibus pertusam, adhibebat: elapsis quinque annis, arborem erutam ponderabat, ac (non computatis foliis, quatuor autumnorum spatio delapsis) ponderare eam centum sexaginta novem libras, tresque circiter uncias,prehendit: iterumque exiccata terra hujus arboris natali, prius ducentarum librarum pondus duabus circiter duntaxat uncis imminutum reperit: adeo ut centum sexaginta quatuor libræ radicum, ligni & corticum, quæ arborem constituebant, aquæ originem suam debere videantur.

§. 25. Ex hoc itaque experimento cum patefcatur, quam exigua pars terræ in nutrimentum salicis fuerit absumpta, simulque constet, quam salix in pura aqua vel plane non, vel minus saltem feliciter crescat, expendere subiit, *quare*, nihilominus terra tam ne-

cessa-

cessaria ad nutritionem plantæ observetur? Probabile itaque videtur, id maxime præstare terram, ut imbibendo aquam, ejus corpuscula à cohæsiōne elastica separet, eoque ipso in primas corporales minutias dividat, & sic aptam ad subeundos radicū poros reddat. Hinc & interdum in lapidibus crescunt vegetabilia, latere scilicet, & aliis lapidibus arenosis, aquæ imbibendæ aptis: dummodo enim apices radicū vel parum defigi in dicto lapide possint, aquæ divisa corpuscula peræque hauriunt, ut in terra: unde & *arena* terræ comixta, non solum plantarū incrementum haud prohibet, sed & promovet egregie.

§. 26. Et hæc eadem ratio subest, cum experientia docet, quod nimis largiter humectata terra plantas veluti suffocet, ut vel non hilariter satis crescant, vel pereant penitus. Nempe si nimia sit aqua, ut corpuscula ejus se invicem amplecti possint, manereque adeo in conjunctione elastica, non tam facile conjunguntur cum atmosphæra radicū, cum aquea corpuscula, utpote cognata sibi invicem, & æqualia, facilius mutuo conjungantur, quam cum aliis.

§. 27. Et si autem non asseruerim eodem modo iisdemque circumstantiis, ut in dicto Helmontiano experimento, sese exertura cum cæteris plantis instituta experimenta, id tamen credibile est, quod *maxima pars cujuslibet plantæ ex aqua crescat*: utpote quæ post aerem omnium facillime tractari, variisque figuris & formis indui potest: nam quod anima ad hæc talia facienda se applicare non possit, sciōlus eorum error est, qui naturam corporis in extensione ponunt, & hinc animam non posse extensam esse, hallucinantur. Cæterum & illud videtur probabile, quod corpuscula illa aquea, radicū apicibus elastice adhærentia, non ita nude in omnibus (forte enim in salice & similibus hoc ita nude contingit) plantis ab anima transfuntur in caulem, & cæteras plantæ partes sed antea variis subigantur modis, id est, corpuscula illa *aquea mutantur in salina sulphurea, spirituosam, oleosam* & similia, dum vel novis bullulis induuntur, vel particulis radiantibus imprægnantur: hæc aqua ita mutata constituit succum plantæ, animalium sanguini analogum: ex quo proxime lignum, folia, flores atque fructus plantæ conduntur.

§. 28. Quod autem corpuscula hæc aquea sic transmutentur ab anima, inde patescit, quod duæ plantæ non solum figura, sed & crassi diversissimæ in eadem terra radicatae, eadem aqua humectatae v.g. melissa & plantago, folia proferant crassi physica diversissima: illa enim odora valde sunt, particulasque radiantes largiter spirant, hæc contrario modo se habent: huic eidem terræ si adhuc inferatur citrus, hæc eadem terra, eademque aqua suppedi-
tabunt adhuc acidum pulpæcitri liquorem. Quod si putes, nondum sequi hanc corpusculorum aqueorum immutationem, cum ea possit esse radicum atmosphæra, ut ex similibus corpusculis jam constituitur, cui non nisi similia ex aquæ corpusculis possint adherere: respondeo, non probabile est, dari in aqua pluviali vel fluviali tot corpuscula acida, quot ad aliquot mala citria requiruntur: in destillatione quoque & evaporatione aquæ nulla deprehenduntur, quantacunque aquæ copia examen instituitur.

§. 29. Et quæ fieri posset, ut aqua abeat in lignum, nisi anima plantæ operaretur quomodocunque in corpuscula aquæ, iisque ligneam soliditatem conciliaret: nam sola exiccatione aquam mutari in lignum posse, *ἀπὸ τοῦ* foret dicere. Et ideo quoque in experimento
§. 7. supra allegato de basilico observavi, consumpta subinde aqua, aliæque affusa, *deponi terram satis copiosam*, ita ut nec à pulvere superius incidente (siebat enim experimentum in loco soli valde exposito, & qui à nemine nisi interdum à me ipso visitaretur) nec à decisis à planta corpusculis orta probabiliter putari posset. Gignebatur autem haud dubie, dum anima plantæ ex unius aquæ corpusculis transsumere particulas radiantes debebat in alias, ut corpuscula, ea spirituositate, quæ ad basilicum requiritur, prædita conderet. Notandum enim, quod planta hæc in sola aqua radicata non solum non minus solito esset fragrans, sed fere solito fragrantior. Noli vero putare, quod hæc terra, hoc, uti dixi, modo genita, fuerit terra quædam absorbens salina tribus bullulis composita, sed aquea fuit, hoc est, duabus constans bullulis: datur enim *terra aquea, salina, & sulphurea*.

§. 30. Et si ergo forte ex aqua sola omnis materia plantæ possit conservari; (nam aqua conjuncta cum aere gignet salem, hic in
cun-

eundem aerem inditus sulphur) tamen, cum natura via semper utatur brevissima, nullumque temere negligat operis compendium, credibile est, si sale opus habet, occurruntque corpuscula terræ, satis ad subeundos poros radicum parvā, quod ex iis potius suscitaret saltem, componatque sulphur, quam ut prolixiore opera hæc eadem ex aqua componat. Unde nulla planta carere aeris commercio potest, etsi aliqua sic satis careant aqua. Sane pinus, abies & similes resinosa arbores, resinas suas magis videntur ex terra & aere, quam ex aqua compositas habere: nam in magna quoque aeris siccitate, nihil magnopere vigoris sui perdunt: unde omnium felicissime in arenis crescunt, has quippe facilius penetrat aer quam terras.

§. 31. Propter hanc quoque causam soli diversitas multum ad plantarum hilaritatem atque vigorem facit: quod si enim omnia sua corpuscula ex aqua condere anima debeat, impeditius res procedit: unde illud basilicum in aqua crescens, etsi valde esset odoratum, perquam tamen erat pallidum, parumque viroris habebat. Corpuscula autem terrea, cum interdum huic, interdum alii soli, sæpe & metallo debeant originem, quædam hanc, quædam aliam terram sibi habent aptiorem. Sic kali amat crescere, ubi salis communis est copia, betula nitrosam, quercus vitriolicam terram amat. Vitis, etsi non auream terram necessario poscat, iis tamen nutritur corpusculis terreis, quæ cum aurea terra sic satis conveniunt: unde sicubi auream ejusmodi terram offendit, attollit, & in aurum resuscitat: hinc claviculi, folia, acini sæpe deprehensa fuerunt aurea: eodem quoque modo se habent forte, quæ de *arборе ferrifera* dicuntur: & pariter quæ de *herba ossifraga* narrat Simon Pauli.

§. 32. Cæterum an ad incrementum atque nutritionem plantarum ipse quoque stelle symbolum suum contribuant, de mum quoque videndum est. Equidem an ex mente Hermeticorum peculiaris stella cuilibet herbæ sit dicata, haud definiaverim: interim temeritatis foret, omnes absolute hortulanorum observationes negligere. Quamvis enim omnes ideo approbandas haud dicam; ipse tamen observavi aperte satis, quod variæ plantæ, quas neglectis hortulanorum præceptis transplantaveram, vel plane non, vel minus tamen feliciter floruerint. Porro, ut non dicam, quod de *arборе*

Bbb bb

tristi,

Schott. in
Append. ad
Lib. XII. Cap.
III. §. II. &
§. VIII. Quæ
dripart. Bo-
tan. I. L. 17.
p. 529.

tristi, herba mimosa, aliisque rarioribus, narrant, solus *flos Peruvianus*, *mirabilis* dictus, sympathiam suam cum nocturnis sideribus ostendit: imo heliotropia, & si rectè advertas, permultæ aliæ herbæ solem sequuntur, eoque ipso conjunctionem aliquam cum ejus radiis docent. Huc accedit, quod arbores horizontaliter sectæ, versus meridiem crassiores, quam versus septentrionem circulos videndos præbent.

§. 33. Cum ergo probabiliter satis in nutritione plantarum aliquid ex astris trahatur, quæritur hoc loco, quidnam sit illud, & quomodo in plantas operetur? Et sane cum ex cælestibus istis corporibus, præter lumen vix aliud quiddam ad nos dirigi queat, lumen autem in successu particularum radiantium sit positum, hæ ipsæ sunt id, quod cælitus communicatur plantis: & quoniam plantarum ideæ atque signaturæ dependent ab iis ipsis particulis, *conservari istas signaturas* atque *ideas ab influxu stellarum*, putarim, quo denegato vel inverso ideæ istæ vitiantur, vel excessu, vel defectu, & sic anima plantæ ad formationem & nutritionem corporis sui, vel plane non, vel segnius excitatur. Sic planta v.g. in plenilunio transposita plenos ideo fert flores, quia dum transponitur, enervatur quadantenus, id est, particulæ quædam ignobiliores per poros evanescent, eoque ipso ideæ formatrices turbantur; quæ vero remanent, cum similes sibi semper adfiscant, & luna tales ignobiliores copiosius spargat, quam sol, & luna plena magis, quam alia, tantopere hoc ipso augentur ideæ petalorum, *ut ex flore simplici, fiat plenus.*

SECTIO III.

*De usu hujus doctrinæ adversus atheismum
superstitionemque, nec non in prudentia
circa sanitatem.*

§. 34.

ET si revera ex quolibet ligno, etiam putrido, Dei existentia probari queat, vulgo tamen beneficio ignorantia communis logi-

ces, confusionis ratiocinii mathematici cum philosophico, possibilitatisque cum probabilitate, sic satis plausibiliter nugari datur adversus istam probationem à corporibus desumendam inanimatorum. At ubi animatorum corporum, quorum prima plantæ sunt, phænomena explicanda sunt, tum omnia ista modo enarrata beneficia haud sufficiunt, ut vel sui modo similitum aliquis applausum sibi conciliet. Unde Cartesius de plantis silet, Gassendus hæret, omnibus ultro citroque tentatis, demum nihilominus animam concedit : Malebranchius, Sturmius & alii, ipsum Deum immediate plantas producere, turpi paralogismo contendunt.

§. 35. Si ergo Deus non esset, mundus vel à legibus mechanisimi dependeret, vel à spiritu quodam mundi : at ex supra demonstratis claret, quod plantæ nequaquam soli mechanismo ortum debeant atque originem ; unde relinquitur spiritus aliquis mundi : hic vel à se est, vel ab alio : non vero potest esse à seipso, quoniam hoc inconcussum argumentum est, quod alibi ursumus, illud quod à se ipso est, sibi necessario dare omnes potentias, cum nulla potentia major sit potentia existendi, quippe quæ ex nihilo facit aliquid : at mundi iste spiritus, si haberet omnes potentias, ipse esset Deus : patet autem, quod non habeat, quoniam aliter, quam secundum dictamen idearum seminis, agere nequit. Limitatus quapropter est spiritus, cujus substantia limitans vel proxima vel prima erit Deus.

§. 35. Allegata Malebranchii, Sturmiique hypothesis animum necessario in eam illicit superstitionem, qua quondam Pythagoras, Empedocles aliique, Manichæi quoque, impliciti erant : quorum primus, ut habet Jamblichius, statuebat, *ἡμερον Φυτον καὶ ἑνιαυτον μήτε βλάπτει μήτε Φθίζειν*, id est, *plantam in hortis educatam atque frugiferam neque lædendam esse neque corrumpendam*, & Manichæi, pollere animal rationali plantas, putabant, quas decerpere esset homicidium patrare. Nam etiamsi Deus immediate plantam produceret atque enutrit et conservaretque, actioni alicui divinæ immediatæ repugnaret, quisquis decerneret.

§. 36. Patet hinc etiam insignis aliquis usus in prudentia circa sanitatem, dum sic facile pervidemus, in quo plantarum vires me-

dicæ possint esse positæ. Scilicet decantati gradus caliditatis, frigiditatis, humiditatis, siccitatis, vel nullius momenti atque fundamenti, vel ita explicandi sunt, ut cum eorum theoriis, à quibus & excogitati & propagati sunt, omnino dissideant. Malumus itaque, nulla harum qualitatum mentione facta, ita concipere vires plantarum, ut earum regnum in medicina omnino agnoscamus amplissimū, viresq; earum in sola crasi partium mechanicarum quæramus. Etsi enim in medicina vires quoque agnoscamus ideales, tamen in plantis vel nullas esse, vel saltem dubias, existimamus. Nam etsi radix *satyrii* videatur idealiter impotentia mederi, tamen probabilius adhuc est, quod mechanice prosit. Sic & adstringentia idealiter operari possent, si conciperentur animæ, sistendi humores ideam astrictione sua imprimere, sed eadem quoque virtus earum mechanica ratione, potest concipi.

Vid. supra
§. 13.

§. 37. Sola quapropter crasi profunt plantæ: crasin autem voco particularum in bullulis varium numerum, varianque conditionem, quin bullularum quoque numerum atque conditionem ad crasin refero. Nullibi vero uberius atque certius occurrit ista crasis quam in plantis. Dum enim illæ ipsæ ideæ, secundum quas formantur plantarum partes, in numero atq; conditione istarum particularum consistunt, omnes possibiles conjunctiones probabiliter in plantis concurrere debent, si earum species numerum: nam nisi subinde differrent corpuscula ratione particularum, non subinde alia formaretur planta.

§. 38. In corpore autem animali, si crasi humorum succurrendum est, aliter id fieri nequit, quam si plantas adhibeamus, quarum corpuscula cum sanis vitiatum humoris corpusculis ita convenient, ut uniri cum eo possint, & pro diversitate morbi jam plures foveant particulas, vel pauciores, prout vel æthere mactare humorem, vel eodem privare eum volumus, vel numerum corpusculorum augere. Sunt itaq; permultæ plantæ, quæ usum in sanitate habent nullum, ex nempe, quarum corpuscula cum nullo humore animali conjungi queunt, vel quia pauciores habent particulas, adeoque minora sunt, vel quia plures habent, adeoque majora sunt. Sunt quoque multæ plantæ, quæ damnum inferunt, quarum nempe corpuscula æqualia existunt

ali-

alicujus humoris corpusculis, adeoque uniri cum iisdem haud renuunt, sed deprædantur ætherem, cum largiri debeant; vel eundem augent, cum excessu jam peccaret.

§. 39. Sunt itaque corporis animalis diversi humores, quorum diversa sunt corpuscula: unde medicamenta debent ex vegetabilibus conquiri, quorum corpuscula eandem cum hisce humoribus habeant *magnitudinem*: sic alia erunt *lactea*, quæ cum lacte; alia *salivalia*, quæ cum saliva; alia *lymphæa*, quæ cum lymphâ; alia *biliaria*, quæ cum bile; alia *sanguinea*, quæ cum sanguine uniuntur. Tum vero singulorum tres debent perpendi crases, (1) *crasis eadem*, (2) *crasis excedens*, (3) *crasis deficiens*. Jam si medicamentum applicandum, primo videndum, ad quam priorum classem pertineat, tum an desideretur crases ejusdem, an excedentis, an deficientis.

§. 40. Neque putandum, antiquam divisionem facultatum plantarum, qua aliæ dicuntur stomachicæ, aliæ pectorales, aliæ hepaticæ &c. meliorem esse cum sic ipsi visceribus prospiciatur, quippe quæ viscera humores præparant. Nam viscera non sunt causæ efficientes humorum, sed officinæ, quæ non facile læduntur; & si lædantur, ab humoribus ut plurimum dependet læsio, hisque integritati suæ restitutis, restituitur quoque viscus: cæterum integritas viscerum haud sufficit ad sanitatem: anima enim humores in visceribus præparat secundum ideas corpusculorum, humores constituentium: quod si ergo ipsa illa corpuscula non sint recte constituta, anima quoque in operatione ac præparatione sua, secundum vitiosas humorum ideas, aberrat.

§. 41. Sicut autem, præter humores, in corpore quoque animali dantur spiritus, diversæ pariter crases, uti humores; ita peculiaris adhuc plantarum virtus *in mercurio* ipsarum residet, qui eodem modo comparandus est cum diversâ crasi spirituum nostrorum, eademque ratione applicandus. Cæterum immensi hoc opus laboris est, quem etiam hætenus factæ observationes, aliis principiis subinde alteratæ, nec pure relatæ, non satis feliciter allevant.



CAPUT XVI.

De

ANIMALIBUS.

SECTIO I.

De opinionibus

Aristotelis, Cartesii atque Gassendi.

§. 1.

De Part. Ani-
mal.
L. III, C. IV.

Nimalium naturam Aristoteles in sentiendo ponit, dum ait: τὸ μὲν γὰρ ζῷον αἰσθῆσαι ὕλησιν *animal sensu definitur*, alibique passim hoc idem asserit. Spiritum quidem seu animam & plantis attribuit & animalibus, quæ tamen nihil sit aliud, quam calor huius universi, dicendo: γίνεται δ' ἐν γῇ καὶ ὕδατι τὰ ζῷα καὶ τὰ φυτά, διὰ τὸ ἐν γῇ μὲν ὑπάρχειν ὕγρον, ἐν δ' ὕδατι πνεῦμα, ἐν δὲ τῷ πάντι θερμότητα ψυχικὴν ὡς τρέπον τινὰ πάντα ψυχῆς εἶναι πλήρη. i. e. *Generantur autem & in humido tum animalia, tum plantæ, quoniam in terra est humidum, in aqua spiritus, & in universo calor aliquis animæ: ut adeo omnia anima sint plena.*

De Generat.
Lib. I, C. ult.
Ibid. Lib. II,
Cap. IV.

§. 2. Non autem animalibus generationem solum compete-
re, sed, cum sentiant etiam, cognitionem aliquam: nam secundum
cum ἡ δ' αἰσθησις γνώσις τις; cæterum corpus animalium ex sæmina
esse, animam ex mare. Multa alia in diffusis illis, de Animalibus,
libris occurrunt: sed ea vel sunt historica, vel, si physica, per mo-
dum

dum conclusionum ex his deducta sunt. Cum vero nondum omnino certum sit, annon quædam saltem plantæ sentiant: sensio etiam nequaquam, si recte accipiat, & ideæ opponatur, cognitio quædam sit, non satis accurate animalium natura in sentiendo ponitur. Et precarium est, quod porro asserit, animalium corpus ex foemina, animam ex mare esse, illoque niti videtur præjudicio, quod mas nobilior sit foemina: nos infra probabimus & corpus & animam ex foemina, marem autem in semine suo expressas suppetitare ideas, secundum quas anima corpus format.

§. 22.

§. 3. Cartesius tum in tractatu de Homine, tum & de Formatione foetus, passim docet, quod animalia bruta pro meris habeat machinis, nullamque ulli animali, præterquam homini, concedat animam. Hinc &, solis mechanisimi mathematici legibus formari animalia, contendit. Et sane ille de formatione foetus libellus tam plenus ineptiarum est, ut non meminerim, plures nugas, tam paucis pagellis congestas, legisse. Maxima earum pars illam, hæctenus nondum satis cognitam, confusionem possibilitatis atque probabilitatis, ex Mathesi sinistra in Philosophiam traductam, causam atque fundamentum habet: & vix est aliquis in isto libello paragra-phus, qui non eo vitio laboret. Exempli loco alibi illud allegavi atque refutavi, quod iste mechanicus, (philosophus enim esse non potest, qui in prima philosophiæ elementa tam ruditer impingit) de formatione cordis habet.

Sens. Ver. &
Fals.
Lib. III. C. I.
§. 34.

§. 4. Aliud nunc quoque adjiciam de formatione valvularum cordis, de quibus, & venarum quidem valvulis, sequentem in modum mechanice argutatur: *Cum sanguis per duo hæc orificia (venæ cavæ & arteriæ venosæ) in cor decidit, & quia dilatetur, nititur egredi, alius sanguis in eadem hæc orificia succedens impedit, quominus per illa regrediatur, quapropter partes ejus circa sperma, ex quo cor componitur, recedunt, variaque in illo exigua foramina faciunt; dein parva filamenta parenchymatis cordis expellunt spermatis partes, quæ sunt circum foramina ista, illarumque locum occupantia, tali modo se in ordinem disponunt, ut valvulas istas, & fibras, quibus annectuntur, component.* Scilicet nihil probasset Cartesius, nisi possibi-

L. all. §. LXIX

sibilitatem demonstrasset, in omni enim demonstratione philosophica probabilitas ad minimum debet attingi. At & hic & alibi ne quidem possibilitas probata est. Ut enim non dicam precarium esse, quod sumitur, sanguinem in corde dilatari, itemque illa ultima demonstrationis verba: *tali modo se in ordinem disponunt*, ut &c. mere esse precaria, & nihil demonstrare; id solum perpendatur, quam absurde ad demonstrandam valvularum generationem, jam sumatur fieri circulatio sanguinis: cum absque dictis valvulis cor non possit depleri sanguine, adeoque nec alio repleti: quo totus hic mechanismus ne potest quidem contingere.

Animadv.
Tom. I.
p. m. 337.

§. 5. Stultius tamen adhuc possibilitatibus ineptit Epicurus, castigatus quidem à Gassendo, nimis tamen molliter. Is nempe, uti refert Lucretius, statuit, *quod in locis terræ opportunis primum creverint uteri, radicibus in terram defixi, in quibus formata fuerint animalia, quæ mole aucta, ubi rupissent uteros, lac per terram defluxisse, quo recens nata animalia fuissent sustentata. Nata autem mechanico casu fuisse omnia, quædam absque pedibus, quædam absque manibus, quædam absque ore, membrisque genitalibus: sed illa quidem, quæ ore caruerint, interiisse statim post ortum suum, quandoquidem nutriri haud potuerint: ea vero, quæ membris genitalibus fuerint destituta, perdurasse quidem aliquandiu, speciem vero suam propagare haud potuisse.* Hæc omnia tam stulte sunt excogitata, ut nulla refutatione indigeant. Gassendus nimis indulenter toleranda hæc dicit, dummodo non intelligantur de homine, & Deus vim illam genitalem terræ indidisse statuatur.

S E C T I O II.

Nostra de natura animalium sententia.

§. 6.

A Nimalia, definitione logica, sunt corpora organica, facultate locomotiva prædita: quæ vero sit causa organici illius corporis

potis atque facultatis locomotivæ, causali definitione explicandum est. Nempe etsi organicum istud animalium corpus multum differat à corpore plantarum, tamen eadem subest causa, anima nempe, intellectu passivo prædita, recipiendis ideis apta: at idæ, secundum quas anima agit, in semine animalium expressæ, ita differunt, ut anima in animalibus non solum paret membra conservationi atque propagationi, ut in plantis, apta, sed & motui de loco in locum destinata: unde ratione animæ non differunt animalia à plantis, sed ratione seminis, & idearum in semine expressarum, crediderimque ego quidem, si ex planta transferri anima in semen quodcunque animale possit, quod eadem promptitudine, qua plantam finxit, formatura quoque sit animal.

§. 7. Per gradus autem in omnibus suis operibus procedit natura: unde sunt plantæ, quæ aliquid veluti animalitatis, saltem respectu quarundam partium, habent, v.g. pisa, convolvuli, fabæ, fulcra sua motu sibi insito quærentia: sunt & animalia parum à plantis illis diversa, veluti insecta, nobiliora sunt ipsa bruta, insectis opposita: brutis quoque nobiliora animalia videntur esse tritones atque sirenes: omnium nobilissima, sunt homines. Videntur nempe *insecta* sola pollere sensu & locomotiva: *bruta* & his & memoria: *Tritones atque sirenes* sensu, locomotiva, memoria atque ingenio: *homines* vero sensu, locomotiva, memoria, ingenio, atque iudicio. Quodsi ergo velis, nova, sed rectiore divisione, animalia divides in *homines*, *tritones* (ad has refero sirenas quoque, imo simias) *bruta*, & *insecta*.

§. 8. Quodsi autem hæc magis contemplemur physice, magnum quoddam discrimen inter insecta deprehendimus atque cætera animalia. Scilicet in insectis non est, nisi unus spiritus, anima scilicet, quæ quoque in plantis est, in cæteris vero animalibus, tum brutis tum homine, necessario duplicem debemus agnoscere spiritum. Nam cum anima sit spiritus solo intellectu passivo præditus, bruta vero atque homines etiam polleant memoria, & memoria absque intellectu activo non possit concipi, sequitur, quod in aliis, præter insecta, animalibus, non solum detur anima, sed & spiritus intel.

§. 16. 17. 18.
19.

intellectu activo pollens. Cæterum probavimus hoc idem in præmio tractatus *de Sensu Veri & Falsi*, sed magis logice, quam physice.

Sæpè §. 6.

§. 9. Nunc vero physicæ huic probationi inhærentes evincamus, animam non posse pollere memoria, sic nullo negotio probabuntur reliqua. Scilicet, si quis genuino veri falsique sensu pollet, & neque confusione ratiocinationis mathematicæ cum philosophica, aut possibilitatis cum probabilitate laborat, ille persuasissimus erit, quod nugatoriæ sint eorum contentiones, qui plantas & animalia mechanice confieri, probare suscipiunt: unde concludet, formari ea ab anima. Hæc anima haud dubie non est nobilior in plantis, quam in animalibus, cum probabiliter, uti modo dictum, ejusdem sit naturæ, & si qua nobilitas asserenda est, animalibus propter nobiliores actiones potius competeret, quam plantis: unde si patet, quod nobilissimi animalis, hominis puta, anima destituatur memoria, eo ipso elucefcet quoque, quod reliquorum animalium atque plantarum anima eadem careat.

Lib. I. C. XV.
§. 43. it. 48.
49. 50.
Sens. Ver. &
Fals.
Lib. I. C. II.
§. 27.

§. 10. Quod autem hominis anima careat memoria, hinc patet, quod recordatione destituatur, quæ essentialis est memoriæ: quod vero ea destituatur, hinc manifestum est, quod proprias suas actiones non recordetur, earumque sibi sit conscia. Sic enim anima cor movet, movet intestina motu peristaltico, in mulieribus foetum format, & homo nisi sensu externo cognoscat, hæc omnia nescit: quæ nescire haud posset, si anima suarum actionum sibi esset conscia. De cætero probatum quoque suo loco est, quod animæ natura consistat in intellectu pure passivo, & quod memoria in actione consistat, alibi demonstratum est: unde sicubi memoria est, spiritus subest, & alius quidem quam anima.

Alia demonstratio.

§. 11. Etsi autem non necesse sit, rem semel recte probatam, probare denuo, prudentiæ tamen erit, duabus hisce probationibus adhuc tertiam superaddere. Nempe potest dupliciter spiritus hinc quoque probari, quod cogitationes, eo ipso momento, quo cogitamus, sentire haud possumus, utique autem volitiones: nam mens est,

est, quæ sentit, estq; eadem quoq; quæ cogitat, unde cum nemo possit simul stare & sorbere, seu generalius, simul agere & pati, patinempe eo ipso dum agit, mens quoque non potest & cogitare, & eo ipso, quo cogitat momento, etiam illam cogitationem sentire. Unde concludo, si principium volens idem esset cum sentiente, propter eandem rationem nemo posset simul velle, & eodem temporis articulo, quo vult, non successive, ut in cogitatione, volitionem suam sentire. At hoc utique possumus, ergo hac ratione id saltem patescit, quod duplex principium spirituale sit in homine.

§. 12. Per principium volens nullum aliud intelligo, quam animam; etsi enim in volitione essentiam ejus haud constituam, sed in intellectu passivo, *volitio* tamen ejus est proprium, quod ex essentia hoc modo fluit: dum anima recipit ideas à mente per spiritus animales impressas, anima determinatur ad agendum, quæ, eo dum actionem parat, velle dicitur: unde apparet, quod principium volens nullum aliud sit quam anima. Quod autem cogitationes, eo ipso momento, quo cogitamus, sentire haud possumus, illud & propria cujusque internaensione patescit, & alibi à nobis probatum est.

In sent. Ver.
& Falsi Lib. I.
Cap. III. §. 22.

§. 13. Nervus autem hujus probationis in eo consistit, quod nemo velle, & eodem principio volente, illam ipsam volitionem, dum vult, sentire possit: id quod, si quis crasso, corporali organico, conceptu comprehendat, non necessario verum esse, putabit: quoniam ipse & tangere semetipsum, & illum quoque tactum sentire queat. Huic vero responderim, quod ut vere quadret exemplum, debeat caput movere antè, & eo momento, quo ita nutat, debere caput quoque retro referri, id quod sicut simul fieri nequit, ita nec volitio atque perceptio volitionis ab una eademque substantia, simul fieri potest. Nam quod spiritus proprias suas actiones percipere haud possit, à priori patet: quoniam spiritus, saltem cogitando atque volendo, *tota sua substantia* agit: unde si proprias perciperet actiones, deberet in se ipsum agere: si vero tota substantia agit, non potest in seipsum agere: nam id, quod agit, tota substantia est, unde nihil restat, in quod agi possit, nisi agat in aliud. Quod vero tota agit substantia spiritus, hinc patet, quod nemo dicere possit, quia sui parte spiritus aut volitionem exerceat, aut cogitationem.

Ccc cc 2

Ani-

Animalia primaria & secundaria.

§. 14. Gaudent vero memoria omnia animalia, præter insecta: in his enim solis ego hæcenus nullum deprehendere potui memoriæ vestigium: neque enim beneficiis alliciuntur, neque nimis deterrentur, neque quicquam addiscunt. Hinc ergo cuilibet facile apparet, quod in animalibus detur duplex principium spirituale, sicut in insectis atque plantis simplex tantum, alterum nempe intellectu activo præditum, seu *mens*, alterum passivo, seu *anima*. Cum tam insigniter itaque differant reliqua animalia ab insectis, hæc jure meritoque ex censu animalium expungerentur: quoniam tamen sic usus invaluit, ut animalia vocentur, sint per me quoque animalia, dummodo scias esse *secundaria*.

nempe in dis-
sert. prom-
mial. ad sens.
Ver. & Ealsi.
§. 20. & seqq.

nempe supra
Lib. I. C. IV.
§. 49. seqq.
Vid. Cap. an-
teced. §. 13.

§. 15. Sunt itaque *animalia primaria*, corpora organica duplex principium spirituale habentia, quorum alterum in corde per venas atque arterias agens, actionibus vitalibus præest; alterum in cerebro, ministerio nervorum liquorisque contenti utens, cogitat, illiusque partim operationes dirigit. Quæcunque ad explicationem hujus definitionis pertinent, cum alibi jam prolixè satis fuerint sup-
peditata, huc repetere, esset actum agere. Illud solum monuerim, id quod de duplicibus, animæ veluti ipsi, tum à Deo, tum à mente impressis ibi extat ideis, ita jam debere corrigi, ut ideæ à Deo impressæ in anima statuatur nullæ, sed omnes concipiantur in semine & spiritibus corporis, sicut jam suo loco dictum est. Modus autem, quo in semine atque spiritu expressæ sunt istæ ideæ, concipiendus uti in plantis est.

§. 16. Quantum ad impressas à mente ideas, adjecerim iis, quæ in dicta Dissertat. præcæm. & supra Lib. I. dixi, quod mediantibus spiritibus fiat dicta impressio, & quod in his quoque signaturæ atque ideæ concipiendæ sint, eodem modo, ut reliquæ descriptæ. Illæ vero ideæ vel sunt ideæ motus, vel secretionis atque præparationis humorum: ideæ motus vel generales sunt, vel speciales: illæ non videntur peculiariter expressæ, sed solo *accessu* atq; *recessu*, animam ad extensionem atque retractionem membrorum determinare. Speciales vero, quales sunt in homine de risu, in canibus de latratu, in cæ-

in cæteris quadrupedibus, de voce sibi propria edenda, in avibus de cantu atque voce sibi propriis, has omnes ideas in spiritibus specialiter expressas puto: id quod à cane rabido atque tarantulis demorfi abunde docent.

Veterum de duplicitate principii spiritualis in animalibus consensus.

§. 17. Duplicitatem hanc principii spiritualis in homine jam suo tempore, etsi confuse, & veluti per transfennam vidit Aristoteles, dum ait: *ἵσως ἢ ἔδει ἥϊον καὶ ἐν τῇ ψυχῇ νομιστὶν εἶναι τι ὅτι τὸν λόγον ἰσχυρίζουσιν τὰ τε καὶ ἀντιπαύον :* id est: *forte etiam nihilominus existimandum est in anima (animo) dari adhuc quiddam præter rationem, quod contrariatur huic & repugnat.* Illud autem quiddam quoniam agit, non potest esse accidens, sed debet esse substantia: & quoniam repugnat rationi, dux debent esse substantiæ: nam quoniam anima tota substantia agit, sibi ipsi repugnare nequit.

Lib. I. Ethic.
cap. ult.

vid. supra
§. 13.

§. 18. Imo & præceptor ejus Plato de Deo dicit: *τὴν μὲν ἐν ψυχῇ, ψυχὴν δὲ ἐν σώματι συνιστᾷς, quod mentem in anima, animam autem in corpore constituerit:* quo ipso quidem idem nobiscum haud statuit, cæterum duplicem substantiam spirituales supponit: cumque alibi tria statuat elementa, *mentem, ideam atque materiam*, ne illa idea plane nihil significet, viderur ideam tropice dixisse illud principium, quod secundum ideas maxime agit, nempe *animam*, quam & in loco supra allegato *ψυχὴν* dicit. Fuerunt & alii, quod docet Nemesius, eandem duplicitem agnoscentes, ita enim ille: *τινὲς μὲν αὖ ἐστὶ καὶ πλωτῖν*, ἄλλοι δὲ εἶναι τὴν ψυχὴν, καὶ ἄλλοι τὸν τὴν δογματίζαντες, ἐκ τριῶν τὸν ἄνθρωπον συνιστᾶναι βέλονται, *σώματι καὶ ψυχῇ καὶ νῦς* οἷς ἡ κολᾷθησε καὶ ἀπολλωνάρι, i.e. *quidam, quorum è numero est quosq; Plotinus, aliam esse animam, aliam mentem docent, ex tribus constare hominem volunt, corpore, anima, & mente: quos etiam secutus est Apollinarius.* Imo ipsa scriptura sacra etiam secundum explicationem B. Lutheri nostri hominem in tres partes dividit, *animam, spiritum & corpus*: & hæc tria vocat emphatice τὸ ὁλόκληρον ἡμῶν, id est, *quicquid nobis contigit.* Illud enim ὁλόκληρον

in Timæo p.
m. 3.

ad Hebræos 4.
v. 12. 1 Thess.
ult. v. 23.
Luc. 1. 46. 47.
Eia. XXVI. 9.

vel omnia notat accidentia hominis, vel omnes substantias ejusdem, vel & accidentia & substantias simul : atqui non potest denotare omnia accidentia, desunt enim permulta tum naturalium tum spiritualium, adeoque nec omnia accidentia & omnes substantias simul, E. nihil aliud relinquitur, quam ut significet omnes hominis substantias.

Difficultates vulgares hoc de animalibus conceptu tolluntur.

§. 19. Ex hoc de animalibus conceptu patescunt multa vulgo perquam obscura. Sicut enim apparet, quid sit intellectus, quid voluntas? Nempe non unius animæ duæ facultates, sed duarum substantiarum duæ sunt facultates, intellectus nempe mentis, voluntas animæ: item patet hoc modo, quod voluntas in bestiis non sit alia, quam in homine, etsi in homine debeat regi secundum rationem : quodque adeo nulla voluntas sit rationalis, adeoque nulla differentia sit inter *appetitum sensitivum & voluntatem* : nec non, quomodo repugnantiam intellectus atque voluntatis sentiamus, quia nempe anima debet regi à mente, & adeo actiones quædam ejus à mente debent cohiberi, id quod dum fit, sentitur repugnantia intellectus atque voluntatis.

§. 20. Liquet etiam, quod Peripateticorum *anima sensibilibus* figmentum sit, cum sensio omni spiritui competat: de quo suo loco abunde dictum est: liquet ratio difficultatis, quare hodiernum disceptent philosophi, *an cor sit animæ sedes, an cerebrum*? Scilicet cor sedes animæ, cerebrum mentis est. Liquet modus *impressionis maternæ*; nempe mens dirigit animam, & hæc illius directionem sentit; sensibilius tamen afficitur ab ideis seminalibus, unde si qua directio mentis his est contraria, non obedit ordinario anima. At si in statu veluti præternaturali debiliores sunt idæ seminales, fortiores idæ impressæ, tum interdum secundum impressas agit in formando anima: illæ quoque impressæ idæ, quoniam à mente sunt, & mens fortior atque activior in homine est, quam in bruto, dictæ aberrationes sæpius in homine contingunt, quam in bruto.

§. 21.

De sens. Ver.
& Falsi. Dis-
sert. proöm.
§. 22. seqq.

§. 21. Quam improbabilis sit vulgaris opinio de motu musculorum, alia occasione demonstravi: nunc cum ita fieri constat: mens cogitat de membro movendo, hac ipsa cogitatione paululum movetur liquor ejus nervi, qui ad membri musciculum pertingit: anima per sanguinem inde à corde diffusa sentit motum liquoris, hinc concipit ideam motus illius musculi, movet ergo: moto musculo, movetur membrum. Membrum autem vel extenditur vel contrahitur, prout liquor motus vel cogitando retrahitur in nervo, vel propellitur: unde si quacunque de causa accidat, ut liquor sponte sua absque concursu mentis, vel recedat in nervo, vel aliquantillum effluat, oriuntur *convulsiones & spasmi*.

De generatione Animalium.

§. 22. Generantur animalia, dum foeminae marisque in utero commiscentur semina, ut hinc fiat liquor tertius, non alendo solum foetui aptus, sed & conjungendo ovulo cum sanguine materno tertium, quasi quoddam proportionatum constituens. Hoc ipso autem facto, & ab anima foeminae percepto, ovulum ex ovario opera animae demittitur per tubos, vel cornua in uterum, ibique ex ovulo cum sanguine matris, miscela utriusque seminis, conjuncto formatur foetus secundum ideas seminis proxime ovulum amplectentis, quod interdum masculinum est, interdum foemininum. Unde vero spiritus, *mens* nempe atque *anima*, accedant, difficillimum est determinare: forte jam in ovulo residet uterque spiritus, vel mens saltem: & anima, prima respiratione, ex anima mundi accedit. Hac enim omnia sic fieri posse, nemo negabit, nisi quis praedictio falsa definitionis corporis insanabiliter laboreat, hincque spiritum absque extensione concipiendum existimet.

§. 23. Semen itaque & mari & foeminae attribuo prolificum, id est, corporis sui ideis praeditum. Nullas enim esse rationes, quae contra semen mulierum allegantur, facile ei apparebit, qui genuina ratiocinandi dexteritate pollet. Non autem confundendum puto foeminarum *liquorem vaginalem* cum semine, quorum ille responderet virorum liquori *prostatico*, hoc vero semini vesicularum prolifico: nempe sicut liquor virorum prostaticus semini pro vehiculo est,

Vid. Regner.
de Graaf de
Mul. org.
Cap. XIII.

Vid. Ortolob.
Hist. Parr.
Dissertat.
XXXV. §. IV.

Vid. Bohn.
Circ. Anat.
Prog. I.
p. m. 17.

est, sic liquor foeminarum vaginalis, facilitandis congressus viis, inservit. Liquor etiam vaginalis ortu differt à vero semine, dum ille ex glandulis vaginæ secernitur, hæc vero ex foeminarum pro-
statis, quæ respondent virorum vesiculis: unde & non est, quod copia hujus excreti liquoris aliquem moretur: nam nego istud, quod ex pudendo foeminarum effluit, esse verum semen, sed liquorem solum vaginalem: & rectius putant alii, experientia constare, imprægnationem tunc ut plurimum & felicius contingere, si utrumque semen simul prorumpat, & in amplexus quasi mutuos ruat. Prostatis dixerunt majores nostri ex præconcepta opinione, quod in ovariis, quæ testiculos vocabant, conficeretur semen, nunc postquam testiculi ovariorum tulerunt nomen, prostaræ rectius glandulæ seminales vocarentur.

§. 24. Non itaque poterit foemina ex proprio semine foetum concipere, quoniam proprium semen haud potest ovulum cum utero vel sanguine materno conjungere. Sint enim corpuscula ovuli ut unum, corpuscula sanguinis materni, ut quatuor, corpuscula seminis utriusque ut duo & tres, patet, quod sive semen matris se habeat ut duo, sive ut tres, neutro modo conjungi unum & quatuor possint, at injecto semine virili numerus, qui deest, suppletur. Unde si valde heterogenea sint utriusque seminis corpuscula, ut non conjungantur elastice, nulla insequitur, etsi rite in uterum injecto semine, imprægnatio: hinc & curiosiores observarunt, quod cum ut plurimum post coitum refluat ex utero semen, si coitus fuerit foecundus, semen contineatur in utero. Hanc autem utriusque seminis miscelam puto ad primam modo foetus formationem esse necessariam, donec corpusculum ejus eam sibi acquisiverit firmitatem, ut alimentum sanguinis materni ferat. Patet hinc etiam, quare interdum certa quædam foemina non possit imprægnari à certo masculo, quæ tamen promte satis concipit foetum ex alio: scilicet contingit hoc ipsum, quod utriusque temperamentum nimis sit à se invicem dissitum, ut corpuscula ratione magnitudinis tam sint heterogenea, ut uniri elastice nequeant: vel & si tam sint homogenea, ut utrumque semen se habeat ut duo vel tres.

De sexus diversitate & hermaphroditis, aliisque monstris.

§. 25. Elucet sic etiam, quare interdum masculus nascatur, interdum femina. Nam præterquam quod primum alimentum foetui præbet hæc miscela, idæ etiam utriusque corporis in eadem expressæ sunt, foeminini in semine foemineo, masculini in masculo: cumque ipsæ hæc idæ, quas anima in formando sequitur, per omnia, exceptis partibus genitalibus, convenient, & ipsum quoque ovulum in se contineat liquorem, ex quo anima prima corporis stamina format, alterius autem seminis corpuscula magis convenient cum corpusculis hujus liquoris, adeoque unio inter duo femina & hunc liquorem, plerumque, & tantum non semper, ita fiat, ut unius seminis corpusculum immediate, alterum mediate, cum corpusculis hujus liquoris uniatur, sequitur anima in delineando corpore ejus seminis ideas, cum quo ovulum immediate conjunctum est: cumque non nisi raro contingere queat, ut utriusque seminis corpuscula immediate conjungantur cum corpusculis liquoris ovuli, raro etiam perquam nascuntur *hermaphroditi*.

§. 26. Si quando foetus à specie sua aberrat, plerumque eid male designatis ideis imputo: quodsi enim in semine, quod in formando sequitur anima, quædam idea haud fuerit expressa, anima illam quoque partem, cujus idea est, haud effingit: unde sæpe considerantur aliqui muscoli, v. g. abdominis: sæpe hepar, diaphragma & alia fatali defectu absuerunt, ut de externis partibus haud dicam. Cumque pleraque monstra duplici capite, duplicibus ex utraque parte manibus vel pedibus, non æque frequenter triplici nascentur, & anima convenientes utriusque seminis ideas non debeat exprimere nisi simpliciter, erronee eadem puto interdum utrasque designare. Quodsi autem duo perfecti foetus, singuli debitis præditi membris, interdum tergis, vel alio modo; conjuncti atque concreti deprehenduntur, id puto contingere, si duo ex ovario ovula, gemellos datura, simul atque semel in uterum demissa, nimis prope in utero collocata fuerint, ut sibi invicem admota vel statim,

vel adultiora adhæserint, & sic pro geminis unum foetum monstro-
se conjunctum effecerint.

§. 27. Reliqua monstra, quæ aliquod membrum à specie sua
plane alienum, vel alieno tamen loco constitutum habent, fere
imaginationi maternæ debentur. Nam cum anima matris sit, quæ
foetum former, non ipsa foetus anima, & anima in genere ab expressis
ideis fortius moveatur quam ab impressis, hoc est, ab iis ideis, quæ in
semine delineatæ sunt, enixius afficitur, quam ab iis, quas mens
imperat; ordinario, quicquid cogitando in animam mens agat,
non efficiet, ut ideis seminalibus contrarietur, vel aliquid ab iisdem
alieni effingat. Quia vero impressio ista mentis interdum est soli-
to vehementior, & attentio animæ ad ideas seminales remissior,
fieri potest, ut ad ideam cogitationis intensioris, terroris v. g. aut
stuporis, ab ideis seminalibus aberret anima, & membrum speciei
suz disforme, conforme autem mentis ideæ effingat: cujus aber-
rationis infinita fere prostant exempla.

§. 28. Cum autem nostra asserat hypothesis, quod ovulum
opera animæ maternæ demittatur in uterum, eo ipso sumimus, ani-
mam matris formare foetum, quod tum ex modo allegato impres-
sionum maternarum phænomeno, tum & ex passim nota chirur-
gorum experientia apparet, qua deprehenditur, si foemina præ-
gnans fractura laboreat, vix unquam succedere consolidationem
debitam, antequam foetus fuerit exclusus. Scilicet eadem anima
est, quæ & consolidationem præstat & formationem, quia vero o-
mnis spiritus tota agit substantia, non potest & consolidationem si-
mul præstare, & formationem: cumque fortius afficiatur ab ideis
seminalibus, quam ab ideis molestis, consolidationem innuentibus,
plenariam consolidationem differt usque ad absolutam formationem:
quod idem quoque observatur: si duo ulcera consolidanda sint,
quæ vix unquam, propter eandem rationem, simul coeunt. Sed
& alia phænomena hanc animæ maternæ operam probant: hinc enim
simul ac facta est imprægnatio, substantia uteri immutatur, inflatur
& intumescit, & gubæ hætenus flaccidæ & languentes tenduntur, &
ad ovarium, pro excipiendo ovulo deciduo exporriguntur, & la-
ciniis

Vid. Boha.
Circ. An.
Prog. I.
p. m. 23. 25.
21.

ciniis suis foliaceis musculosis, instar digitorum, testiculum complectuntur.

§. 29. In hisce ovulis vulgo sibi persuadent, jam expressam esse animalis figuram, & calore deinceps tantum expandi, adeo ut Schvvammerdammius & Malebranchius crediderint, quod in ovariiis Evæ totum genus humanum delituerit. Cum autem sic non solum omnes homines, inde ab Evæ ævo ad hoc usque tempus nati, in illo ovario delituisse debeant, sed & singulorum hominum non externa solum membra, sed & interna viscera, intestina, muscoli, membranæ, nervi, cartilagines, ossa, distincte ibidem debeant fuisse expressa, si vel unius hominis tam affabre delineatum corpusculum sumatur solum occupasse spatium minimi puncti physici, ego certissime sum persuasus, quod etsi Evæ utraque ovaria amphoram adæquarent, tamen tot minima puncta, quot ex eo tempore fuerunt homines; capere haud quamquam potuerint. Dein supra Lib. I. C. IV. jam ex Sodomix nefando phænomeno idem probavi. Cumque indubia prostant exempla, quod ex materna impressione membrum jam formatum, e.g. brachium, propter subito conspectum hominem, eodem brachio mutilatum, fuerit retextum, ut foetus prodierit eodem brachio orbus, non apparet, quâ hoc potuerit fieri, si in ovulo jam fuerit expressum illud membrum. At apparet ex nostra sententia possibilitas, si dicamus, formasse animam ex ovulo, tanquam materia, foetum secundum ideas seminis, & sic secundum easdem finxisse quoque hoc membrum: cum autem cogitationis maternæ contrariæ, & ex quidem fortiores, ideæ privationem membri animæ sisterent, retextuisse eam dictum membrum eodem modo, quo ante contexuerat. Et sane generatim asseri potest, quod hypothesis de embryone, jam in ovulo expresso, satisfacere nullatenus queat phænomenis impressionis maternæ.

De geminis & superfætatione.

§. 30. Quamvis autem eam in ovulo figuram effictam negemus, materiam tamen formandi foetus esse ovulum, multa ab aliis collecta experimenta egregie evincunt. Putamus autem continere dictum ovulum bullulas nobiliores, formandis ossibus, primo corporis

Vid. Bohn.
Circ. Anat.
Prog. I.
p.m. 12. & 13.

poris fundamento, necessarias. Vid. infra §. 40. 41. Ex ovulo autem deducendum est phenomenon geminorum, & superfœtationis. Siye enim duo ovula simul maturescant, siye anima largam satis seminis copiam, duobus fœtibus suffecturam, in utero percipiens, duo decerpit ovula, utroque modo ratio geminorum ex ovulis peti debet. Etsi autem vix unquam tanta possit esse seminis copia, quæ pluribus, quam duobus fœtibus vere sufficiat, ipsa tamen anima interdum veluti erronea, maximè si impressionis maternæ ideæ eidem pluralitati velificetur, plura ovula deturbat, & hinc plures efformare fœtus aggreditur, quo ipso id accidit, quod superfœtationem dicunt.

De mulier.
org. C. XVI.

§. 31. Afferit quoque hypothesis nostra, quod miscela seminis utriusque colligatur intra membranam anteriorem ovuli. Patet hoc per experimenta Graafii cum cuniculis instituta. Sicut enim semen vegetabile, alias ab aqua turgescit, sic ovulum hoc ab hac miscela: scilicet poris pervia est exterior ovuli membrana, ut non nisi minima hujus miscelæ corpuscula eam pertransire possint. Eo ipso vero dum turgescit exterior membrana, pori ejus ampliantur, ut majora dein ex sanguine matris advecta corpuscula eos permeare possint, quibus solis deinceps sustentatur fœtus, ut adeo utriusque seminis miscela promulsidis loco sit fœtui.

§. 32. Sicut autem sic minima solum corpuscula anteriorem ovuli membranam penetrant, sic eadem minima corpuscula vel circulatione sanguinis per uterum, vel per tubas, aut cornua brutorum, immediare ad ovulum in ovario adhuc constitutum deferuntur, hinc ovulum jam in ovario mutationem subit: optime autem nutritur fœtus, miscela utriusque seminis, interea, dum ovulum devolvatur ad uterum, ab utero absorpta (unde est, quod statim post conceptionem intumescit uterus) & ovulo dein paulatim reddita. Et hinc accidit, ut, etsi rarissime, fœtus etiam in tuba, imo & ipso ovario fuerit formatus.

De nutritione & conservatione animalium.

§. 33. Sic itaque concipitur, formatur, crescit atque nascitur fœtus: nunc postquam natus est, primum lacte materno, dein alio cibo

cibo potuque nutritur atque conservatur: quod quomodo fiat, è re medicorum maxime est scire. Difficillima atque ardua est hæc dispectio, ad quam etiam ea requiruntur experimenta, quæ nobis nondum contigit assequi omnia: unde hic non tam probare hæcenus conceptam nostram sententiam, quam recensere tantum intendentes, eam hoc loco vel maxime nobis arrogamus libertatem, ut, si quidem ita videatur, cum Deo & die copiosiore instructis experientia liceat unam atque alteram immutare circumstantiam.

§. 35. Duo quapropter cum sint, quibus nutritur atque conservatur corpus animale, sanguis atque spiritus, duo hic maxime processus sunt attendendi, *πνευματώσις & αἱματώσις*, seu spiritus atque sanguinis elaboratio. Et illa autem & hæc, quinque processibus, lactis, salivæ, lymphæ, bilis atque sanguinis elaboratione, spiritus autem quinque pariter processibus innominatis perficiuntur: unus processus communis est *πνευματώσεως & αἱματώσεως*, nempe chylificatio: absoluntur autem hi quinque processus cum communi, spatio novem dierum, adeo ut ex cibo potuque, quem hodie cepi, non fiat perfectus spiritus atque sanguis nisi nono die. Interim primo die ex cibis fit chylus atque lac, tertio die saliva, quinto die lympa, septimo die ex lympa bilis, nono die ex bile sanguis: Spirituum processus nominibus haud gaudent, iisdem vero diebus contingunt.

§. 36. Hisce quinque processibus duo adhuc addi possunt, nutritionis atque salificationis. Nam sanguis nono die factus, aquosior adhuc est, quam ut nutritionem præstare possit, unde per duas adhuc novem dierum periodos præparatur ad *nutritionem*. Trigésimo autem die fibris apponitur, & qui superest in mulieribus, fluxu menstruo excernitur. Sanguis à nutritione residuus in hepate mutatur in salem, qui solvitur in sero sanguinis & per urinam die quadragesimo, qui ipse est magnus ille dies criticus, quo si non solvitur morbus, in chronicum abit, excernitur.

De chylificatione, processu communi.

§. 37. Chylificatio itaq; processus *αἱματώσεως & πνευματώσεως* communis, ita mihi videtur fieri. Cibus atq; potus ingeruntur, & in ventriculo lympa gastrica, quæ salivæ est progenies, humectantur, extrahuntur,

tur, fermentantur, quæ ipsa fermentatione exsolvuntur corpuscula subtiliora, & per nervos superiores plexus stomachalis adscendunt ad caput, ibique in visceribus cerebri, corporibus striatis, & quæ vocant, natibus, testibus, glandula pineali & similibus, novem dierum spatio, in perfectum spiritum animale elaborantur. Cæterum corpuscula, spiritu indigena hoc modo privata, alium spiritum animale ex nervis inferioribus dicti plexus stomachalis advenam recipiunt, & sic aquosa in spirituosâ, salina in æque spirituosâ, sulphurea in oleosâ mutantur, ut adeo etsi nec oleum nec pinguedo fuerint assumpta, hinc fiat massa spirituosâ & oleosâ, quæ propter aquæ prædominium misceri penitus in ventriculo haud potest: unde si satis ab advenientibus spiritibus animalibus fuerit reddita dulcis, blandò suo alluvio, quadam quasi vi emolliendi pylorum aperit, atque in duodenum egreditur.

De γαλακτίσει, seu lactificatione, αιματώσεως processu primo proprio.

§. 38. Massa ergo hæc chyli in duodenum delata, nondum lac est, sed ibi demum in istud mutatur. Chylo namque supernatans oleum, mediante bile, quæ oleoso-aquæ naturæ est, ut ovi vitellus, cum liquore isto spirituosò-aqueo conjungitur, ex qua conjunctione naturali fluxu lac procedit. Nam & extra corpus animale, si per vitellum ovi, vel bilem v.g. bovis aut vaccæ misceatur quodcunque oleum cum aqua, lactis formam induit mixtura: & hoc idem fundamentum subest, cum vulgo maculas pingues, vitello vel bile antea humectatas, suffusa aqua felicissime eluunt: sic enim pinguedo, quæ maculam constituit, unitur primum cum vitello vel bile, & mediantibus hisce demum cum aqua.

De πνεύματι, secundo processu αιματώσεως proprio.

§. 39. Lac in duodeno sic confectum per ductum thoracicum adscendit in subclaviâ sinistram hinc in cor, hinc in pulmones, ibique primam salivalem impressionem accipit, dum serum lactis per pulmones, & sibi succenturiatos corporis poros educitur, & cremor

cremor ejus à spiritibus magis magisque penetratur. Circulatur XXXVI horis per corpus animale, tertio vero die XII plus minus horis ante primam assumptorum cibi potusque horam ad glandulas membranæ pituitariæ, buccales, sublinguales, labiales, ovulares, palatinas, œsophagales & stomachales deponitur, & hinc extractionis & fermentationis ergo, ad ventriculum redit.

De lymphæ & seminis elaboratione, tertio processu proprio.

§. 40. Saliva ad ventriculum redux, denuo ad cor egressa, ad ventriculum amplius redire haud debet, ne ibi mutetur in bilem, unde ab anima ad pancreas & glandulas intestinales deducitur, ibique per duos dies circulata, quinto die, ipsa primæ assumptionis horâ in articulos deponitur. Cum vero nobiliora corpuscula jam in articulis copiosiore æthere imprægnari deberent, ut in bilem abeant, possetque fieri, ut propter nobilitatem suam inflammarentur, ruptaque exteriore bulla ignem constituerent, & talibus nobilioribus corpusculis ad conservationem speciei opus sit, anima nobiliora hæc corpuscula, utpote reliquis minora, adeoque facile ex unione dissolvenda, deducit ad vasa spermatica, ex iisdemque semen constituit.

§. 41. Quod si vero animal nondum ea sit ætate, ut ad æmulum vigoris sui pervenerit, sed crescat adhuc, hæc ipsa corpuscula nobiliora in ossium incrementum absorbuntur: & tum demum propagationi speciei adhibentur, quando debitam staturam assecutum fuerit animal. Semen vero si non excernatur à vesiculis, videtur reabsorberi in massam sanguineam, ad caput deferri, ibique humectando cranio, asperæque arteriæ, nec non constituendæ barbæ in viris, in mulieribus vero prognerandis mammis, & in utroque sexu proferendis pilis impendi.

De χολῆς, seu bilis elaboratione, processu quarto proprio.

§. 42. Hæc itaque lymphæ ad articulos deferretur non unico illo

illo fine, ut eos irriget, sed & ut ibi spiritibus motus imprægnata, perfectior evadat, & in bilem hoc ipso abeat: in visceribus autem ipsi idem hoc à plexibus nervosis contingit: biduo quapropter in bilem abit, quæ septimo die duodecima hora, ante primam assumptionem, in hepate secernitur.

De quinto & ultimo processu,
αιματώγη.

§. 43. Sic bilis in duodenum delata denuo cum novo chylo conjungitur, duobusque adhuc diebus cum massa sanguinis circulata, nono die, duodecim post primam assumptionem horis, in verum sanguinem rubicundum mutatur.

Ipsa nutritio, & sanguinis in salem resolutio.

§. 44. Sanguis nono die perfectus, jam nutriendis partibus corporis animalis rubicundis, quales sunt muscoli & pleraque viscera, est aptus. Cum autem copiosius quam pro nutritione generetur sanguis, id quod restat in viris, in hepate muratur in salem, solvitur in sero sanguinis, atque sic per urinam & sudorem è corpore educitur. Fœminæ vero, ut semper, pro alendo foetu, paratam habeant sanguinis copiam, frigidiore hepate videntur præditæ, unde in ipsis non æque, ut in viris, sanguis à nutritione relictus in salem muratur. Ne vero dum uterum non fert fœmina, à nimia sanguinis copia variis prematur incommodis, quovis mense ut plurimum, congestam hujus sanguinis copiam per menses excernit in hominibus anima. Non autem sanguinem omnes corporis nostri partes enutrire existimo: quin & bilis & lymphæ & saliva vasa, per quæ circulantur, sustentare videntur.

§. 45. Interim sanguis fibris appositus, non nisi levi motu elastico adhærere iisdem videtur, fibrisque sua præsentia quendam impertiri vigorem, qui cum aliquo post tempore iterum pereat, quadragesimo die istum fibris appositum sanguinem, denuo cum sanguine misceri, salificationis ergo ad hepar reduci, ibique in salem mutari existimo. Ita vero contingere dicta salificatio videtur: sanguis

guis præcipue is, qui nutritioni ineptus, vel fibris nunquam fuit oppositus, vel iisdem vires suas largitus, effœtus ab iisdem rediit, terra est, quæ si vivida vel copiosa particula radiante denuo fœcundatur, in salem abit, eodem modo sicut ipsa terra, quam pedibus calcamus, in nitrum mutatur: tanto facilius autem contingit hoc in corpore animali, utpote organico, & anima intelligente instructo; mutatur autem pro diversa spirituum copia, jam in salem tartareum, jam in alcalicum, jam in volatilem, quorum primus corporis præternaturaliter constituti est.

De πνεύματι, seu spiritus in cerebro elaboratione.

§. 46. Spiritum vero æquæ ac humores & nutritionem esse necessarium, inde patescit, quod si cuidam membro denegetur debitus spirituum affluxus, aridura laborare incipiat illud. Patet autem ex processu communi, quod ascendere ex ventriculo statim ad cerebrum spiritum existimem, ibique per varios processus ad perfectionem suam deduci. Duplex vero substantia ascendit, altera corporalis, altera elementaris: illa nihil est aliud, quam mercurius cibi potusque, altera sunt ipsæ particulae radiantæ, ex cibo potuque fermentatione elicitæ: prior substantia est, quam Galenici dixerunt spiritum vitalem; posterior est, quam animale vocarunt. Preparatur autem spiritus vitalis in visceribus cerebri per quinque pariter processus, novem dierum spatio, & ex unoquoque processu cerebri derivatur spiritus ad unumquemque processum humorum, ut horum constituat animale mercurium atque atmospherulam.

§. 47. Et hoc modo spiritus iste vitalis ad nutritionem concurrat, spiritus vero dictus animalis nulla videtur opus præparatione habere, neque adjumenti quiddam nutritioni adferre, sed unice inservire sensui & motui. Quibus vero processibus spiritus ille vitalis absolvatur, per quæ cerebri viscera præparetur, quid incrementi singulis capiat processibus, de hisce singulis nondum satis mihi constat. Itaque hæc hætenus generaliter de nutritione animale indicasse sufficiat.

S E C T I O III.

De

*Usu in prudentia circa sanitatem, itemque
adversus atheismum.*

De

Diebus criticis.

§. 48.

QUINQUE isti humorum processus genuinum sunt dierum criticorum fundamentum: de quibus solidæ exstant observationes apud Hippocratem atque Galenum, nisi quod purent crises solum in morbis acutis habere locum, non item in chronicis, quod secus se habere, & crises non in illis tantum observari, sed & his, unumquemque & accuratior docebit observatio, & ex supra positis fundamentis recte concludens ratio: id vero tolerandum minime est, quod quidam recentiorum audacter statuunt, crises in Germania nostra non æque observari, ut in Græciâ: id enim certissimum est, & infinitis experimentis comprobatur, quod nisi inconvenientibus medicamentis turbentur naturæ motus, tam accurate tum in acutis tum chronicis morbis sese exerant, ut vel ad horam prædici possint, qua ipsa prædictione sæpe apud ægros magnam mei excitavi fiduciam.

§. 49. Causa modusque harum cresium in eo videtur esse positus, quod, si humor aliquis, v.g. saliva, lympa, bilis, est corruptus, & anima nostra meliore humore vasa sua explere nequit, cum utcumque in vas toleret: quod si vero meliorem sentiat adesse, pristinum, utpote operationibus suis ineptiorem, exturbet. Unde critici illi dies sunt, *primus, tertius, quintus, septimus, nonus*, & hi quidem sunt primæ periodi: secundæ vero isti: *undecimus, decimus quartus, decimus septimus, vigesimus, tertiæ, vigesimus primus,*

primus, vigesimus quartus, vigesimus septimus, trigesimus: quar. Vid. supra
ta, trigesimus primus, trigesimus quartus, trigesimus septimus, S. 36.
quadragessimus.

§. 50. Crises ergo *salvæ* fiunt tertio, undecimo, vigesimo primo, & trigesimo primo: crises *lymphæ*, quinto, decimo quarto, vigesimo quarto, trigesimo quarto: crises *bilis*, septimo, decimo septimo, vigesimo septimo, trigesimo septimo: crises *sanguinis*, nono, vigesimo, trigesimo, & quadragesimo: & hisce quidem diebus sui excernuntur humores, sæpe & spiritus, qui ad eosdem humores pertinent: unde si dictis diebus humores non excernuntur, indicio est, quod vitium magis sit in spiritibus, qui eorum loco ab anima excutiantur. Horas vero potius observat anima, quam dies, unde & veterum observationes, ratione quorundam dierum, v.g. quarti & quinti, jam ambigunt.

§. 51. Horæ sunt in quavis periodo CCXVI. & singulis LX horis fit aliqua crisis, exceptis chyli, & salivæ crisis, quarum illa contingit sex horis post pastum, hæc XXXVI. unde si mane die lunæ hora septima, aliquid comederis noxium vel biberis, crisis chyli fiet per vomitum, hora circiter meridiana, quæ si non contingat, per salivam excernetur die martis hora vespertina septima: hæc, si vel non fiat, vel non sufficiat, per lympham expurgabitur vitium die veneris hora matutina septima: hoc loco si non succedat crisis, die solis hora vespertina 7ma fiet: quo etiamnum si se non exerat, apparebit die mercurii hora matutina septima. Hoc die si non sufficienter vel plane non eliminata fuerit crisis, continuabitur adhuc per secundam periodum, lusumque suum ludet vel undecimo, vel decimo quarto, vel decimo septimo, vel vigesimo, eodemque modo etiam per reliquas perget periodos.

§. 52. Sicut autem imparibus diebus absolvuntur humores, sic paribus inchoantur, unde si humor novus animæ non sit conveniens, antequam admitrat, paribus diebus ejicit: & hinc est, quod parium dierum crises semper observatæ fuerint funestæ atque exitiales. Nam indicio est, quod & cibi & medicamenta post morbi insultum assumpta, non generaverint laudabilem humorem, unde fa-

cile est concludere, quod brevi tempore materiæ peccantis tanta futura sit copia, ut ei subigendæ vires haud sint suffecturæ.

§. 53. Probe autem observandum est id, quod supra jam monui, has crises dari non solum in morbis acutis, sed & chronicis, imo in ipso etiam statu naturali, etsi in hoc & illis non sint æque sensibiles, ut in acutis: Hinc enim sequitur, quod *observationes hæcenus factæ de viribus medicamentorum maximam partem sint falsæ*. Nam si ante diem criticum bonum forte sumptum fuit medicamentum, sequente die nocuisse videbitur: sin malum quoque medicamentum die critico adhibitum fuit, postero die profuisse videbitur: unde is demum, qui hoc fundamentum novit, recte, quæ sibi prosint & medicamenta & alimenta, scire potest.

§. 54. Hæc omnia sedula hæcenus & attenta observatione mihi constant: interim & fateor, multas adhuc forsân observari debere circumstantias, antequam omnia, quæ suppeditat experientia, rite ex his principiis dependere intelligantur. Sic horæ supra positi ita accipiendæ sunt, ut latitudo aliqua iis concedatur. Sic hæcenus jam observavi, quod, si somnus, vel negotium cum singulari attentione peragendum, incidat, natura excretionem ad aliquot horas differat. Item, quod etsi regulariter vitia chyli & lactis vel per vomitum per vel secessum, vitia salivæ per tussim, vitia lymphæ per coryzas & comotiones arthriticas, vitia bilis per diarrhoeas, vitia sanguinis per varias hæmorrhagias excutiantur, quod nihilominus etiam vitia bilis per salivam fuerint expurgata. Observavi denique, quod interdum v. g. potum vinum insecuta sit cephalalgia, quæ non nisi post prandium sedata deprehendebatur, & quod tempus excretionis inde à tempore prandii supputandum fuerit: quasi eâ ipsa cephalalgia retenta fuerit materia morbofa, ut commisceri cibis haud potuerit. Talia si ab aliis adhuc plura observentur, tum demum omnia recte cum experientia conspiratura puto.

*Existentia Dei, & immortalitas animæ
humanae.*

§. 55. Etsi ex quovis stramine pro existentia summi Numinis, si quis

si quis nostra recte calleat principia, tum logica, tum physica, liquidissima, & quibusvis argutiis Spinositicis, si miseræ confusiones possibilitatis atque probabilitatis, ut & ratiocinationis mathematicæ & philosophicæ istud nominis merentur, superior detur probatio, nullibi tamen impudens blatero mechanicus facilius in pudorem dari potest, quam si frons ejus argumento ex natura spiritus desumpto urgeatur, stuporq; laceffatur, concedantur ejus ignorantia liberrimæ fictiones, indulgeatur applicatio ratiocinationis mathematicæ ad objecta philosophica, confusio possibilitatis atq; probabilitatis, id forte hac indulgentia nostra præstabit, ut ex tot malis principiis inferat, non esse Deum; at, ut pari ratione demonstret, quomodo substantia extensa possit ideas recipere, secundum eas agere, vel & easdem variis modis componere & dividere, id vero est, de quo alterum frustra sollicitabit ingenium. Neque vero est, quod regerant, hunc esse morbum, quo omnes laborent philosophi, ut quædam vel secundum possibilitatem demonstrari nequeant: hoc enim in physica divina, qualis nostra est, sumi potest, neutiquam vero in physica mechanica. Nam hæc physica supponit principia, quæ secundum omnes circumstantias exputari ab intellectu humano possunt, unde omnium rerum physicarum demonstrare possibilitatē debet, quod si facere non potest, manifestum est & liquidum, quod mechanica principia non sint naturæ principia adæquata, seu quod non omnia naturæ principia sint mechanica: unde sequitur, quod præter mechanica dentur adhuc alia, quæ non possunt non esse divina, hoc est, quæ per se existere non possunt; cumque, quod nos hætenus probavimus, reliqua, quorum ideam habet intellectus humanus, omnia, præter Deum, ex his principiis sint facta, patet, quod nullum tale ens possit esse causa horum principiorum, unde & præter hæc principia, & præter illa entia ex his principiis facta, debet dari ens, omnium horum entium causa efficiens, quod est Deus.

§. 56. Ex eadem spiritus natura demonstrari quoque potest immortalitas spiritus nostri; quod ut recte fiat, probabo, (1) quod spiritus noster à nulla causa naturali possit corrumpi, sed quod à solo Deo possit destrui, (2) quod Deus spiritum piorum nolit destruere: non quod putem, spiritum impiorum perituum, sed quod ejus

immortalitas aliunde sit probanda. Ad prius quod attinet, illud ex natura spiritus patet, atque conceptu corruptionis seu destructionis: nam corruptio est motus contrarius statui naturali ejus, quod corrumpi debet; motus est accidens, unde debet esse substantia movens: hæc vel spiritus est vel corpus: non corpus; nam hoc in spiritum agere nequit nisi objective, & instrumentaliter, dum nempe corpus à spiritu cognoscitur, & spiritui pro exequendis quibusdam actionibus instrumento est: corpus vero neutro modo elastice vel naturaliter cum spiritu est conjunctum, unde si spiritus intelligat, se à corpore lædi, illud potest derelinquere, sicut id quidem in morte contingit. At nec spiritus potest spiritum perdere: nam omnis spiritus est substantia intelligens, intellectio autem non est actio, destruens id, quod intelligitur: & quamvis anima præter intellectum passivum, gaudeat quoque virtute agendi, nihil tamen agit nisi mediante corpore, unde non apparet, qui possit per corpus agere in spiritum. Sed fac etiam, animam quomodocunque in alium spiritum quasdam exercere actiones posse, non tamen poterit destruere. Nam nullum corpus simplex potest, nisi à Deo, qui fecit, destrui, nec materia, nec elementa nec spiritus: ea enim sola, quæ composita sunt, extra unionem suam possunt constitui, id quod perire, morive dicimus: at verò ipsa illa principia simplicia nulla naturali amplius ratione, vel in nihilum possunt redigi, vel natura illa, quam immediate à Deo habent, privari.

§. 57. Sic homo potest in principia sua resolvi, hæc, si adhuc sint composita, in simpliciora sejungi, donec in spiritum, particulas radiantes, & bullulas aereas omnia fuerint separata: hæc nulla alia porro ratione naturali, sua natura atque essentia possunt exui. Proprietas itaque corporum est perire posse, & *omnis substantia simplex iteritus naturaliter expers est*: nihil enim in omni corruptione seu interitu aliud contingit, quam, quod principia compositi satisfiant: corpora autem in seipsis habent principium destructorium, dum unius elementi motus subinde repugnat alteri, expansivus nempe contractivo, & contra, spiritus vero simplex intellectiois motus est, qui & nulli alii repugnat, & cui nullus alius contrariatur. Cum ergo sic pateat, quod nullus spiritus naturali-

rer possit destrui, quin nec materia prima, aut elementum, non ideo putandum, quod unumquodque horum in æternum sit duraturum, sed cogitandum, quod Deus, qui fecit hæc, eadem quoque, si velit, in nihilum redigere possit.

§. 58. Posterius itaque nunc etiam demonstrandum venit, nempe quod Deus spiritum hominum, saltem piorum, corrumpere aut destruere nolit. Hoc nempe pater ex amore DEI erga homines, quem sic probō: Solus homo ita creatus à Deo est, ut possit esse vere felix. Nam nullæ est felicitas, quæ non sentitur, ergo id statim consequitur, quod nullum corpus inanimatum possit esse felix: felicem vero cum voco, qui veris gaudet bonis, iisdemque, quamdiu naturaliter durat, perfrui ita potest, ut non necessario turbetur. Homo itaque solus tria habet vera bona; ratione corporis sanitatem seu vitam: ratione mentis seu intellectus, veritatem; & denique ratione voluntatis seu animæ, virtutem: omnia reliqua entia, quæ nos quidem certo cognoscimus, veritatis cognitione & virtute destituuntur: unde pater singularis Dei erga homines amor.

§. 59. Sanitas autem & vita, quam brutis quoque dedit Numen, ita est comparata, ut naturaliter, hoc est, secundum intentionem Dei, in ejus possessione turbentur bruta. Aut enim brutum anum alterius hominisve cibus naturalis est, aut unum cum altero ob cibum prædæve naturaliter concurrit, illudque vita privat aut sanitate: Deus enim potentias & instrumenta dedit, quibus se invicem, convenienter voluntati ejus, lædunt, quo ipso sequitur, quod Deus ea quidem haud amet, cum natura sua reddiderit infelicia. Homini autem dedit rationem, & intellectum, quibus & se tutum præstare ab incurso brutorum potest, & voluntatem Dei cognoscere, quæ potentias ita regere debet suas, ne aliis hominibus fiant molestæ, quod si facit, singula sua tria bona ita possidere potest, ut ne naturaliter, hoc est, DEO sic volente, turbetur. Solus itaque homo ita creatus à DEO est, ut possit esse vere felix, quo ipso & claret, quod solus à Deo ametur: fieri enim haud potest, ut Deus amet aliquid, quin bene eidem esse velit: cumque brutis bene esse noluerit, cætera corpora ne quidem ita creavit, ut
feliciter

felicitatem aliquam possint percipere, patet, nullam substantiam corpoream amari à Deo præter hominem.

§. 60. Cum ergo spiritus hominis & in se & ratione causarum naturalium sit incorruptibilis, aut plane nunquam destruetur, aut destruetur à DEO: non vero à DEO, quia DEUS hominem amat, & maxime spiritum ejus, ergo plane nunquam destruetur; hoc est, solus hominis spiritus erit immortalis: & quamvis indignum isto Dei amore seipsum reddere possit homo, eorum saltem, qui pii sunt, spiritus æternum conservabitur.

FINIS.



APPENDIX,

de

Monitis Dm. Censorum,

cum

Responsionibus Auctoris.

§. 1.



Notum his est, qui me norunt, quod per biennium fere hujus Physicæ quinque priora capita sustinuerint Dominorum Censorum hic Lipsiæ examen, ita quidem, ut quid desideraretur, frequentibus nostris precibus, scire haud licuerit, donec *Superiorum* mandato aliqua exhibuerunt Monita, quæ etsi mihi, unico excepto, nempe VII: talia visa fuerint, ut nullam promeruerint censuram;

suram; cautius tamen in aliquibus loquendum, & aliquas, ob variam legentium conditionem, limitationes adjiciendas, VIRORUM, auctoritate & sapientia mihi suspiciendorum, prudentia suasit, imperavitque: pleraque vero & Horum consummatissimo judicio innoxia fuerunt existimata.

§. 2. Etsi vero hac ratione maxima pars Monitorum frustranea fuerit visa, quoniam tamen Excellentissimi Domini Censores haud dubie nullis sublevis nisi sunt rationibus, & aliis ob eandem, vel similes, eadem oboriri possent dubia, horum in gratiam Minorum Censorum Monita adjiciam, unâ cum meis responsionibus, ut hisce perlectis, suspiciosi illi vel confirmetur in sua opinione, vel ab eadem, si plus intellectui indulgeant quam voluntati, desistantur. Ante omnia vero juvat duas generales præmittere responsiones, quarum est

I. De recepta doctrina.

§. 3. Cum toties accusentur doctrinæ meæ, quod sint adversæ doctrinæ receptæ, vel intelligunt doctrinam receptam Theologicam, sic lubentissime fero censuram, si probari possit; sin doctrinam intelligant philosophicam, fateor, me nescire, quænam philosophia, ex quo Aristotelica per cultiorem Europam exolevit, sit recepta. Hactenus sane puto nos libertate philosophandi frui; cumque novæ veritates in aliis regionibus atque provinciis etiam præmiis excipiantur, impune saltem, credo, apud nos gratis docentur.

§. 4. Nam si nihil dicendum, quod non jam sit dictum, in æternum ignorabuntur etiam bonæ veritates novæ, quibus & salus reipublicæ & gloria DEI promovetur. Et ipsi Domini Censores ab olim recepta doctrina Peripatetica multum desciverunt, dum Buddei, Clerici, aliorumque prælegunt juventuti studiosæ libros.

§. 5. Quodsi forte etiam aliquam recentiorum philosophiam ipsi vel receperint, vel recipere velint, illa tamen receptio me, puto, non obligabit, antequam auctoritate Principis stabiliatur. Et sic quoque extare aliquod philosophiæ receptæ systema deberet, quo ego, qui nullum horum unquam præceptorem habui, scire possem,

ff ff

quz

quæ sit illa philosophia recepta. At nemo eorum, qui jam philosophiam hic docent, quod sciam, systema aliquod philosophicum conscripsit. Quod utique deberent facere, & non mihi aliisque hanc spartam relinquere, si tantæ auctoritatis esset doctrina recepta, quantam ipsi deprædicant. Nam ego divinare non possum, quid ipsi statuunt: id vero omnium optime ipsi norunt. Duo in theoreticis veneror principia, revelationem atque rationem, cæterum doctrinam receptam, quæ vim legis obtinuerit, hætenus novi nullam.

II. *De eo, an Dominis Censoribus liceat, quod faciunt, absque rationibus rejicere theses meas.*

§. 6. Equidem inficiari haud possum, quod & hic & alibi multa doceam paradoxa, de quibus per DEUM & conscientiam meam testor, quod nullo novitatis studio ea tradam, sed quod ea & vera & utilia juventuti existimem, unde & subinde eorum per totum meum tractatum physicum usum adversus superstitionem, atheismum atque morbos corporis inculco. Hinc & id sedulo dedi operam, ut aullum tale paradoxum absque solida probatione, vel secundum regulas probabilitatis, vel demonstrationis, transmitterem.

§. 7. Cumque ante hos viginti, & quod excurrit, annos, ipse studiosus philosophiæ fuerim, eoque tempore haud adeo ægre tulerim, si mei præceptores mihi aliquid pro auctoritate vel affirmarent vel negarent, cum etiam Domini Professores partim me ipso sint juniores, & ego æque minus ac illi ætatem meam otiano transegerim; nolent, credo, si modesti Viri sunt, ut patiar, meas theses ab ipsis pro auctoritate, absque ullis adjectis rationibus, rejici.

§. 8. Manifeste quapropter nihil agunt, dum theses meas semper, ut puto hætenus, solide, sæpe etiam à priori, quod dicunt, demonstratas, nulla demonstrationis vel infirmitate, vel præjudicio ostensis, nude rejiciunt, quasi vero de soliditate reprobationis dubitari nequeat: quam tantam auctoritatem vel ideo sibi arrogare

haud

haud possunt, quod infra patescit, quod aliquoties contra expressissima mea verba, secus ac tam graves Viros decebat, theses mihi imputarint, de quibus ne per somnium quidem cogitavi.

§. 9. Familiares quidem ipsis rationes tres sunt: (1) Quod meæ theses sint paradoxæ seu contra receptas doctrinas; (2) quod sint obscuræ; (3) quod discentes confundant. Sed primam jam sub initium dilui: quod vero ad obscuritatem attinet, dico, me esse quam certissime persuasum, quod iis, qui meditationibus vel paulum adfueverunt, illa omnia sint quam clarissima, quod & meorum auditorum docent & assiduitas & profectus: quodsi vero quis nihil intelligat, nisi quod in decem libris repetitum legerit, ei puto hæc meas meditationes, utpote in aliorum libris haud obvias, omnino obscuras visum iri, sed talis obscuritas subjectiva est, non objectiva.

§. 10. Quantum ad tertium, dico nihil confundere auditores potest, quod verum & salutare est: unde antequam dicant Censores, quod meæ doctrinæ confundant auditores, probare debent, quod vel falsæ sint, vel animum corrumpant, quorum alterutrum si evincere possent, non tam studiose mihi favent, ut dissimulaturi sint. At præjudicia sunt, quæ discentes confundunt, etsi communi doctrina recepta sint. Nunc ad ipsa monita veniendum est.

Monita Dominorum Censorum.

I.

Auctor non caute satis dicit, Moysen in Genesi Ægyptiorum & Phœnicum terminos technicos, ex illorum sensu, adhibere. lit. a. c. 1. §. 4.

FFFF 2

II. Inde

Auctoris responsiones speciales.

Ad I. Nulla ratio hic est adjecta, divinatione itaque utendum. Non videntur negare veritatem theses, sed id solum præcipere, ut cautius exprimere eam debuissim. At puto, me caute satis hæc dixisse: cum quod in mentem venire poterat dubium, de inspiratione divina, pluribus removerim.

Monita.

II.

Inde coelum pro æthere , terram pro aere à sacro Autore poni,
cap. I. §. 11.

III.

Aquam itidem esse terminum technicum. §. 13.

IV.

Omnia è Chao facta, id est, naturam procedere à fluido ad solidum. §. 14.

V.

Prudenter vulgo dissimulandas esse multas veritates , quasdam etiam falsitates, vulgo per accidens valde utiles, fovendas esse §. 123
l. d. quo & doctrina de eo, quod in disciplinis arcanum est lit. c. §. 155.
seqq. tradita pertinet. Multa sane ab auditoribus Rudigeri ejusmodi

Responsiones.

Ad II. Sed quid inde sequitur mali aut scandalosi: & ingentes illæ difficultates, quas movit P. Simon, sic optime tolluntur. Ego sane scribendo hoc putavi, me gratiam initorum potius ab eruditis, quam laturum censuram esse. Cæterum probabilis est conjectura, quam nemini obtrudo.

Ad III. Iterum hoc significatu magna quædam difficultas de aquis supra coelestibus tollitur: & cum & aliæ circumstantiæ l. all. demonstratæ hanc acceptionem reddant probabilem, puto eam tolerari posse. Cæterum Edmund. Dickinson in Phys. Vet. & Vera cap. IV. §. XXVII. & cap. V. §. I. aquae vocabulum à Mose technice sumi, asseruit.

Ad IV. Est assertio philosophica, satis, ut puto, à me probata, nec religioni, nec bonis moribus, nec statui contraria, etsi doctrinæ communi: ut adeo haud injuria mirer, qui censuram subire potuerit tam innexia doctrina.

Ad V. Hæc meas theses adhuc puto verissimas, quamdiu conceditur dari prudentiam docendi; Dabitur autem prudentia docendi, si dantur homines, qui abui veritatibus possunt, v. g. veritatibus magiæ naturalis; ergo ne his ipsis, quibus propalantur tales veritates, noceant, prudentius dissimulantur. Dic v. g. si scirem artificium faciendi aurum, vel parandi spiritum vitrioli, qui in libero aere ignem concipere, & inextinguibilis esse, dicitur, recte credo, atque juste celarem hoc artificium promiscuam turbam. Pie, credo, Josua Schwarzius ille dissimulasset artificium pulveris, pyrit quo nunc

Monita.

modi arcana jactantur, quæ an sana omnino essent, ut censeri queat, bonorum virorum judicio saltem in hoc scripto exponere Autor potuisset.

VI.

Ignorantem Dei in multis integris populis dari, secure nimis asserit lit. c. §. 160.

VII.

Dictum Christi, Dominus opus habet, ad risum movendum accommodat.

VIII.

Spiritum æque ac materiam extensam lit. g. §. 4. 5. c. 2. & lit. h. §. 23. circa finem.

Fffff 3

IX.

Responsiones.

nunc magna pars generis humani perit. Vid cap. I. p. 155. Quod addunt de auditoribus meis, improbable scommata est: quæ enim possunt jactare, quod ego nunquam doceo? Quod autem bonorum virorum judicio in mea physica exponere omnes ejusmodi prudenter dissimulandas propositiones debuerim, inane postulatam est, cum constet, eam quoque à malis viris legi. Et qui sciunt, annon hoc ipsum fecerim? illæ enim propositiones paucæ sunt. Larvas itaque & hic oppugnant.

Ad VI. Qui vero secure nimis? Cum expresse testentur itineraria, quod Atigovantani, Brasileenses, Casri, Mariani & aliæ gentes, Deum ignorarent, & Arnaldus speciatim de Antillarum incolis dicat, *que tous les habitants de ces îles étoient dans une profonde ignorance de Dieu, n' en connoissant & n' en adoraient ni de vrai ni de faux.* Plura habet Baylius *Pensées diverses sur les comètes* Tom. 2. p. m. 472. Vide &, quæ alia veterum testimonia hanc in rem allegavi, in *Sensu Veri & Falsi* p. 32. §. 18.

Ad VII. Ego in eo loco non consideravi ut dictum Salvatoris, sed ut phrasin usu tritissimam. At sane hoc monitum est, quod ego rationabile esse agnosco, unde lubentissime expungam.

Ad VIII. Dni Censores si dicerent, spiritum esse extensum, id omnino assererent, quod ex eorum principiis non posset non esse quam falsissimum. Ipsi enim dicunt, quod corpus sit substantia extensa, unde non possunt declinare conclusionem, quod spiritus, si extensus est, sit corpus. Dum egove-

Monita.

IX.

Materia prima est communis corpori & spiritui, & opinio quæ hoc negat, athea est c. 2. §. 9. lit. g. & §. 10. 11. 12. miseret hic multorum beatorumque Theologorum, qui fulmine isto in athei-
smi barathrum dejecti suspirant.

X.

Materiæ primæ ut extensionem, ita intellectiōnem temere tribuit
lit. h. §. 32. in medio.

XI. Con-

Responsiones.

ro aliter corpus definitio, vulgareque definitionem falsam esse, probo, si dico, spiritus extensus est, id de spiritu assero, sine quo nihil cogitare possum, & non est, quod hinc aliquis concludat, E. spiritus est corpus. Tam solide vero, puto, me has probasse theses, ut gestirem scire, quibusnam rationibus censores mei illas probationes eludere confidant. De cætero orthodoxum Theologum atque profunde doctum novi, qui animam dicit extensam, & immortalitatem ejus ex beneplacito Dei, non ex animæ natura, deducendam asserit.

Ad IX. Thesis est philosophica, cujus etiam contrarium S. S. non probat. Materia enim primus conceptus entium finitorum est, & recte per extensionem concipitur, cum concipi absque ea omnino nullum Ens possit (NB. Deus non concipitur, quoniam infinitus est) ergo nec spiritus: sine quo autem aliquid non potest concipi, illud recte de eo ratio sibi relicta asserit. Contrariam opinionem atheam dixi, ratione auctoris sui, nempe Aristotelis, & dilucide loco suo probavi; rationem autem suam cum occultraverit Aristoteles, Theologos Peripateticos, illius rationis ignaros non ideo atheismi arguo: unde patet conclusionis in monito factæ *avvayvetai*.

Ad X. Quod de extensione dicunt, id verum est, quod de intellectu ad-
dunt, cavillatio est. Nunquam enim mihi in mentem venit primæ materiæ intellectiōnem attribuire in abstracto, sed eam dixi aliquoties admittere intellectiōnem, quando nempe Deus ex ea fecit spiritum. Sic materia prima rubrum colorem potest admittere, si nempe hinc fiat corpus rubrum, at quis ita dicentem, absque cavillatione, asserat tribuisse materiæ primæ rubrum colorem.

Monita.

XI.

Contra receptam doctrinam, inter temperamentum & indolem intellectus, nullam esse necessariam connexionem, dicit. l. l. §. 80.

XII.

Spiritus naturam in intellectu ponit, cum proluxa Cartesii confutatione, qui eam in cogitatione collocarat, cum utraque actio vel effectus, non ipsa spiritus essentia videatur. lit. n. §. 38. confer & 43.

XIII. Tres

Responsiones.

Ad XI. De recepta doctrina videatur supra §. 1. 2. & 3. Ceterum hanc thesin ego doctrinæ Christiani Thomasi Professor. Hallens. opposui, & miror, eam referri ad doctrinam receptam Philosophorum Lipsiensium. Ceterum innoxia doctrina & mea est & Thomasi, , quam refuto, quarum neutra meretur atum Dnn. Censorum calculum.

Ad XII. Verum est, quod spiritus naturam in intellectu posuerim, verum etiam est, quod Cartesii opinionem refutaverim; sed verum etiam est, quod nec mea nec Cartesii opinio bonis moribus, orthodoxæ fidei, atque statui vel tantillum officiat. Ceterum hic una fidelia deos dealbare parietes intendunt Censores, profunda aliqua excogitata ratione, qua & mea & Cartesii opinio uno impetu prosteratur. Dicunt enim, quod & intellectio & cogitatio sit actio vel effectus, non ipsa spiritus essentia, quo ipso non possunt non supponere, quod essentia non debeat esse actio vel effectus. At ipsi tamen omnes approbant definitionem hominis, quod sit animal rationale, ergo essentiam hominis ponunt in rationalitate. Quid vero est rationalitas? Ego dico, quod sit effectus vel actio (aut potentia) hominis, tanquam subiecti communis, & animæ tanquam subiecti proprii. Scilicet hoc poterant meditatione assequi, quod aliter quam ut genus & species non opponantur, actio & effectus atque essentia: essentia enim excogitari nulla alia potest, quam quæ sit actio vel effectus; illa enim est actio vel effectus (si differentiam respicias) quæ singulis, soli, semper & proxime convenit. Quodsi ulterius de actionis illius causa & modo quæras, tum his determinatis dari potest plenior atque perfectior definitio, quam causalem voco, sicut illam Logicam; hujus conceptus semper sunt accidentia, saltem non prædicabilia, in illa vero etiam substantia ejus & modus agendi exponitur. Sed ubi causalis locum habet, ibi substantiæ plures debent esse compositæ, sicut v. g. in omni corpore:

Monita.

XIII.

Tres hominis partes essentielles constituit, mentem, animam & corpus, l. p. §. 100 Mentem, dicit substantiam intelligentem activam,

Responsiones.

re: his enim cognitis habetur definitio causalis, v. g. si hominem definio, quod sit mens ratione prædita, cum anima & corpore organico conjuncta: Sic vero simplices substantiæ definiri nequeunt, sed sola definitione logica: unde cum & spiritus substantia simplex sit, sequitur quod definitione causali definiri haud possit, unde nullus suppetit color errori Censorum, Ejusmodi præjudicia, etiamsi forte ad receptam spectent doctrinam, vere obscura sunt, & discentes confundunt.

Ad XIII. Hanc divisionem me docuerunt Scriptura sacra & B. Lutherus noster, quorum asserta mihi pluris sunt, quam Censorum. Sic enim 1. Thessal. 5. v. 23, ait Apostolus: καὶ ὁλόκληρον ἡμῶν, τὸ πνεῦμα, καὶ ὁ ψυχὴ, καὶ τὸ σῶμα, ἀρίμπτως ἐν τῇ παρουσίᾳ τοῦ κυρίου ἡμῶν Ἰησοῦ χριστοῦ τηρεῖσθαι: ubi emphatice hæc tria, quæ ego hic agnosco, corpus, animam & spiritum seu mentem, vocat τὸ ὁλόκληρον ἡμῶν, id est, quicquid nobis contigit, sive darum est, scilicet à natura & Deo.

Hoc vero ne aliter explicandum putemus, audiamus D. Lutherum, qui Tom. Altenburg. p. 739 super Magnificat, ita ait: Die Schrift theilet den Menschen in 3 Theile, da S. Paulus 1. Thessal. ult. sagt: Gott der ein Gott des Friedens ist &c. -- paucis interjectis: Die Natur hat 3 Stück/ Geist/ Seele/ Leib. Et quamvis deinceps dicat, die Seele ist eben derselbe Geist/ intelligenda identitas generica, non specifica, alias contradicerent hæc verba prioribus, cum si anima & spiritus unum idemque essent, non possent dici esse tres hominis partes. Vide & ad Ebr. IV. v. 12. ubi de divisione animæ & spiritus, μισοῦ μὲν ψυχῆς τε καὶ πνεύματος, dicitur, quo ipso clarissime dux indigitantur substantiæ: idem quippe à se ipso non potest dividi, aut seungi. Nec ipse Aristoteles valde alienus est ab ea opinione, quæ tres hominis partes statuit, dum lib. I. Eth. cap. ult. ait: ἵσως δὲ ὁδὸν ἄλλον καὶ ἐν τῇ ψυχῇ, νομίζον ἵναί τι παρὰ τὸν λόγον ἰναυτιμίον τούτῳ καὶ ἀντιβαῖον, id est: forte etiam nihilo minus in anima (animo) putandum est, dari aliquid præter rationem contrarians, & renitens huic. Quicquid vero contrariatur & renititur, necessario substantia est, E. vel secundum ipsum Aristotelem, non incongruum est,

tres

Monita.

vam, animam substantiam intelligentem passivam. Imo brutis etiam præter animam mentem tribuit lit. o. §. 63. hanc etiam animum appellans §. 65.

XIV.

Mentes irrationales vocat dæmones seu spiritus completos, ab
Ggggg an-

Responsiones.

tres statuere in homine substantias, corpus, substantiam rationalem, & substantiam huic contrariantem.

Ita porro ait S. Augustinus lib. de fide & symbolo c. 10. *Tria sunt, quibus homo constat, spiritus, anima & corpus. Quæ rursus duo dicuntur: quia sæpe anima simul cum spiritu nominatur.*

Antiquissimi philosophi, Plato in Timæo p. m. 3. Plotinus, Apollinaris, vid. Nemes. de nat. hum. c. 1. & alii easdem tres hominis partes agnovērunt.

Ex recentioribus Gassendus *Animadvers. in lib. X. Diog. L. Tom. I. p. m. 289.* ejusdem sententiæ est, dum ait: *Quare hoc solum supposito* (probaverat antea hoc suppositum ex consensu Conimbricensium) *quod hæretica erroneaque non sit* (hæc opinio) *dico, nihil videri obflare, quominus anima humana admittatur constans ex substantia duplici &c.* Secundum hanc quoque opinionem intelligendum putat illud Apostoli ad Rom. 3. *Video etiam legem in membris meis repugnantem legi mentis meæ*, ubi & alia cominoda, ex hac hypothesi percipienda, pluribus docet.

Orthodoxa quapropter & à sapientibus viris recepta opinio est, quæ hominem dicit ex tribus constare partibus.

Quod porro habet monitum de brutorum mente, verum est, quod mentem attribuiam brutis, sed sola memoria constantem, uti expresse §. 65. l. c. dixi: quis vero nescit bruta gaudere memoria. Ut autem mentem dicerem, præmissa mea definitio exigebat, quâ omnem intellectum activum mentem dixeram.

Falsum autem est, quod mentem §. 65. animum dixi, quamvis hoc sit nullius momenti, apparet tamen, non satis exacte suum munus peregisse censores.

Ad XIV, Probabilis est opinio, unde & accurate satis secundum regulas probabilitatis existentiam dæmonum l. all. probavi. Nullibi autem novi opinio.

Monita.

angelis distinctas, quorum existentiam probat lit. o. §. 66. seqq. & ex Esaïæ etiam c. 34. v. 14. confirmare audet lit. o. §. 81.

XV.

Definitiones, quæ lit. o. §. 73. asseruntur, procul dubio multam receptam doctrinam turbabunt. Ibi enim docetur v. g. animam mundi esse animam purissimam, intellectu suo passivo directioni mentis purissimæ subjectam.

Angelum esse mentem ratione præditam, NB. cum anima conjunctam.

Hominem esse mentem ratione præditam, cum anima & corpore organico conjunctam.

Dæmonem esse mentem sola memoria præditam, cum anima conjunctam.

Brutum esse mentem sola memoria pollentem, cum anima & corpore.

Insecta esse animas cum corpore animali.

Plantas esse animas cum corpore vegetabili.

XVI. Pos.

Responsiones.

nionem hanc vel à sacris literis, vel à libris Symbolicis, rejici, quin imo vel à Theologis eam citio probati, v. g. Hent. Moro. qui in *Antidot. advers. atheismum* c. III. multa recenset exempla, & alleg. cap. §. 9. dæmones homines æreos vocat. Cæterum nihil potuerunt allegare, ubi ego in demonstratione existentis impegit, aliam promte fecissent, quam ubi differentias definitionum non debere esse actiones vel effectus, docent.

Quod autem vel ex Esaïæ c. 34. existentiam eorum probabilem feci, nihil, puto, me indignum me esse ausum: & jam adhuc addo ejusdem Prophetæ c. XIII. v. 21. Cæterum cum & hic & alibi, absque adjecta ulla ratione meas theses pro auctoritate rejiciant, rogo, ut expendatur, id quod supra §. 4. & seqq. hanc in rem disserui.

Ad XV. De doctrina recepta sub initium dixi: unde cum nulla alia afferatur ratio, etiam nulla alia afferenda est responsio. Illud saltem dixerim, haberi à me maximam partem pro probabilibus conjecturis, quas memor humanitatis nunquam enixe docere soleo.

Monita.

XVI.

Possessionis diabolicæ in energumenis nullum dari argumentum demonstrativum. l. p. §. 93.

XVII.

Mentem generaliter in omnibus hominibus post mortem statim exolvi à corpore & NB. æternæ vitæ reddi lit. p. §. 100. nulla eorum facta mentione, qui æternæ morti juxta S. S. tradentur.

XVIII.

Animam cum corpore perire, dicit, non autem statim ab eo solvi, sed aliquandiu circa corpus vagari; subtili corpore vestitam; eoque habitu spectra agere. p. §. 100.

XIX.

Corporis essentia in elasticitate ponitur, quæ quidem satis obscure designata, accidens magis vel effectus, quam ipsa corporis essentia videtur, lit. o. §. 75. ab initio.

Ggggg 2

XX. Spi-

Responsiones.

Ad XVI. Agnosco l. alleg. certissimam ex S. S. probationem possessionis diabolicæ, ut cum Censoribus loquar, sed nego, dari, ex ratione sibi relicta, argumentum demonstrativum, ubi tamen iterum concedo probabile: cum quod ab impossibilitate ducatur, non concludat vere ex impossibilitate naturæ, sed ex impossibilitate principiorum doctrinæ.

Ad XVII. Annon damnatorum vita est etiam vita æterna? Allostria artulifsem, si, uti exigunt Censores, de æterna morte fecissem verba.

Ad XVIII. Animam hic accipio sensu non vulgari, sed quatenus menti est opposita. Cæterum ipse parum confidenter hoc assero, dum probabiles solum all. l. has cogitationes dico: nec video, quid ex hac hypothese, à plurimis aliis etiam asserta, sequatur mali, quid autem boni hinc habeatur, & quòd multorum hominum vita hac hypothese conservari queat, in textu meo demonstravi.

Ad XIX. Quod de obscuritate dicunt, de eo vid. supra §. 9. Ego sane & auditores mei hæc & reliqua quam clarissime & concipimus & intelligimus. Dum vero illam denuo asserunt rationem, quod elasticitas non possit facere essentiam corporis, præjudicio quodam peripatetico supra jam à me ad mon. XII.

re-

Monita.

XX.

Spiritus universalis substantia perhibetur intellectu passivo NB. eoque practico prædita lit. o. §. 75. in fine, quod profecto non parum implicare, discentesque turbare poterit.

XXI.

Nec minus illa, quæ leguntur lit. p. §. 116. Anima, quæ præst motibus corporis, ratione destituitur, & solo intellectu passivo NB. secundum ideas agente pollet.

XXII.

Cinis non est corpus, sed aer in se collapsus lit. c. §. 24.

XXIII.

Quæ lit. r. §. 30. de bullulis & particulis nobilioribus, ignobilitio-

Responsiones.

refutato, insistant; at quam inanitas sit hæc exceptio, vel inde liquet, quod extensio, quam ipsi pro essentia corporis habent, pariter uti elasticitas, & accidens (prædicamentale, quale elasticitas est) sit, & effectus: dumque adeo præcipiunt definitiones logicas facere eo modo, quo nemo facere potest, & eo modo non facere, quo ipsi faciunt, hoc ipso vere foveant doctrinas, quæ discantibus summam afferunt incertitudinem.

Ad XX. De spiritu universali & hic & alibi tam dubie loquor, ut facile appareat lectori, me non multum tribuere illi opinioni de spiritu universali seu anima mundi. Hoc enim loco expresse dixi, me de spiritu mundi non determinare meam sententiam, supra vero mon. XV. descripsi, quidem, verum non absolute, sed hypothe. Quantum ad illud, NB. equidem quid sibi velint, nescio; forte contradictionem sibi sinxerunt in intellectu passivo, eoque practico: sed falluntur boni Viri, potest esse aliquid passivum simulque practicum, sicut v. g. equus, quando secundum ideas aratoris arat.

Ad XXI. De hoc monito idem est habendum, quod de anteceden te. Id solum moneam, quod per animam non intelligatur mens seu principium cogitans & ratiocinans, sed alterum illud, quod vitalibus actibus v. g. circulationi humorum, aliisque, præst. NB. illud adjectum, iterum forte imaginariam illam contradictionem notare videtur, sed adeant equos arantes, sic videbunt exemplum intellectus passivi secundum ideas agentis.

Ad XXII. Est hoc corollarium, quod ex principiis meis sequitur. Cæterum innoxia thesis est.

Ad XXIII. Hæc sunt prima physices meæ principia, quibus omnino carere

hic

Monita.

lrioribus nobilissimis, harumque in illas receptione, dicuntur, ita sunt comparata, ut cum summa obscuritate incertitudinem summam discitentibus afferant, & à recepta doctrina prorsus aliena sint.

XXIV.

Lit. r. §. 31. Spatia quæ inter radios bullulis intermixtos vacua relinquuntur, sola omnipræsentia divina repleti dicit. Quod vix aliter concipi potest, quam ut Deo extensio talis, qua ille *περιεκτικὸς* rebus creatis contineatur, & foedissimarum quoque rerum spatiolis intermixtus sit, quæ quidem cum ejus simplicissima essentia nunquam conciliabilis est. (Kromayer. System. art. II. antith. VI. p. 128.) tribuatur. Erit enim vel juxta auctoris philosophiam coextensus creaturis. Quicquid enim juxta lit. g. §. 5. est,

Ggggg 3

illud

Responsiones.

hic liber haud potest. Quibus viris hæc talia possint esse obscura, supra dixi §. 9. in responsionibus generalibus: quod à recepta doctrina prorsus aliena sint, non nego, sed & suo loco probavi, quod receptâ doctrinâ, sive Peripateticâ, sive Cartesianâ, sive Epicurea, sint longe veriora, cujus contrarium vellem à Dnis Censoribus videri demonstratum: unde quia vera sunt, ideo nec incertitudinem, nedum summam, discitentibus afferunt.

Ad XXIV. Hic quid sibi velint Domini Censores, nescio. Dico, spatia vacua Omnipræsentia Dei esse repleta, seu Deum esse repletive in omni vacuo (quod si enim non esset, non esset omnipræsens) quo ipso satis indico, quod non adsit circumscriptive seu *περικρίτικος*: unde vellem pingue illud ratiocinium audire, quo concludi ex mea assertionem possit, Deum rebus creatis contineri. Sed multo tamen adhuc crassius ratiocinantur, quando pergunt, sequi etiam, quod foedissimarum rerum spatiolis vacuis intermixtus sit. Ubi vero ego de mixtione dico? de qua de Deo asserenda nunquam ne cogitavi quidem. Interim idem ille Kromayer, quem contra me allegant in Theol. Pos. Polem. P. II. Loc. II. de Deo Aphor. VII. ait: *Deus est intra omnes creaturas non inclusus; & extra omnes creaturas, non exclusus.* Hinc recte puto concludendum, quod etiam sit in spatiis vacuis.

Quod de foedissimis rebus habent, huic geminum quid in eodem Kromayero ejusd.

Monita.

illud vel in loco est vel in spatio; & spatium autem & locus extensa sunt: unde quicquid est, in extenso est: porro quicquid in extenso est, ei est coextensum, & adeo extensum: neque enim aliter aliquid in loco est, vel in spatio, quam replendo illud: replere autem aliquod spatium vel locum non potest, nisi applicetur ad illum: si autem applicatur, applicati o illa aliter, quam in puncto physico, contingere haud potest: at omne punctum physicum est extensum, E. & quod illud attingit, extensum est, & per consequens Deus quatenus spatia, quæ inter radios bullulis intermixtos vacua relinquuntur, replet, est extensus.

XXV.

Hic illud quoque monendum, quod Autor in dissertatione editioni priori suæ philosophiæ de A. 1701. adjecta, in qua de lituris & interpolationibus Censurum suo opusculo illatis, queritur, thesin illam suam, *Deus est spatium*, quam Summe Reverendus Dn. D. Cyprianus in censura deleverat, adscribi iterum curaverit, conquere-
ra-

Responsiones.

ejusd. *aphor. §. 3.* deprehendo olim à Calvinianis adversus omnipræsentiam carnis Christi fuisse oppositum. Ita enim ille: *Dicuntur hoc inde sequi absurdum, Christum secundum carnem esse in omnibus cloacis, in omnibus cantharis, in omnibus spatibus, in omnibus laqueis furum.* Et sic respondet: *Quo ipso quid aliud isti nasuti faciunt, quam quod omnipræsentiam ipsius Dei negent, aut suspectam reddant? Deum autem citra ullam εὐχρησιν aut μίαν in creaturis esse, noverint.* Quibus verbis expresse dicit Kromeyerus, quod Deus etiam sit in cloacis &c. De extensione quod opponunt ad illud commodius infra ad monit. 27. respondebitur.

Sed & debere me extensionem Deo attribueri, proluxa verborum, quibus ego ad adstruendum spiritus finiti extensionem usus sum, mimesi demonstrare satagunt: cui prolixitati vel paucis verbis responderi potest, quod ab entibus finitis ad Ens Infinitum non valeat consequentia.

Ad XXV. Hoc monitum invira natura rei huc pettrahitur; pertinet enim ad philosophiam, quæ jam bis fuit censuræ subjecta atque impressa. Responsionem tamen, etsi possim, haud declinabo. Scilicet alibi quidem asserui, quod

Monita.

raturque tanquam de re indigna atque mira, quod illa rejecta fuerit; cum ipſa S. S. Aët. XVII. v. 28. perhibeat, *nos in Deo moveri*. Quam hujus loci interpretationem nimis crassam quæ asserta Theologis simplicitas admittere queat, nemo dixerit. Etiamſi enim eo loco ſpatium univerſale incorporale Autor dicat, vocem tamen incorporale novo ſuo ſignificatu ſupponit, & ſpatium illud tum materiale

Reſponſiones.

quod Deus ſit ſpatium omnium rerum, ſed per ſpatium intelligo, ſubſtantiam, non accidens: tanto autem confidentius hoc ipſum aſſerui cum Aët. XVII. v. 28. (quod dictum mutilate, & omiſſo genuino termino medio, hic adducunt Cenſores) ipſa S. S. dicat, *quod in Deo ſumus, moveamur, & vivamus*. Spatium ergo definio, quod ſit ſubſtantia, in qua exiſtunt ea, quæ creata ſunt: hanc definitionem, ſalva veritate, ſic converto: E. ſubſtantia, in qua exiſtunt ea, quæ creata ſunt, eſt ſpatium; hanc converſam loco majoris pono: jam S. S. ſubſumptionem præbet, *Deus eſt ſubſtantia, in qua exiſtunt ea, quæ creata ſunt*, hinc neceſſario concludendum; E. Deus eſt ſpatium. Quod addunt, me non poſſe non admittere, quod ſpatium ſit extenſum, illud ſi ſpatium ſit creatum, concedo, ſi increatum, nego: cum à finito ad infinitum hæud valeat conſequentia.

Cæterum aperto ſophiſmate contendunt, me Deum debere agnoſcere extenſum, cum eſſi Deum dicam ſpatium incorporale, tamen per ræ incorporale me non poſſe non intelligere materiale & extenſum, quod vel ex altero diſtinctionis membro addito liqueat, quod hujus eſt tenoris, *Incorporale ſpatium vel Deus eſt, vel Spiritus*: Spiritum enim eſſe ex materia productum, materiaque adeo conſtare & forma: ultimam vero conſuſionem lectori faciendam relinquunt, nempe quod hinc DEUS quoque ſit materialis & extenſus: nam hæc propoſitio niſi ſuppleatur, totum ratiocinium pro theſi ſua non concludit. Sed reſpondeo, hoc idem eſſe, ac ſi ita argumentarer: Animal vel homo eſt vel brutum, jam vero brutum eſt irrationale, E. & homo. Sic patet enim & Illi concludunt: Incorporale ſpatium vel Deus eſt vel ſpiritus; Spiritus eſt extenſus, E. & Deus.

Quod addunt, meam de ſpiritu doctrinam eſſe contra opinionem Scherzeri. ꝛ. Eſt, ſed contra philoſophicam, à qua, puto, diſſentire.

Quando

Monita.

teriale, tum extensum juxta suas hypothesas agnoscit; quod velex altero distinctionis membro addito liquet: *Incorporale spatium vel Deus est vel spiritus*: Spiritus enim è materia prima productus, adeoque contra Theologorum asserta (Vid. Scherz. System. Loc. III. §. 3. p. 96.) physice è materia & forma compositus, perhibet.

XXVI.

Imo in sua Metaphysica typis impressa p. 164. n. VI. Schol. I. expressis verbis dicit: *Substantiam sine accidentibus consideratam pari passu ambulare cum ente rationis* & p. 160. Ax. 4. Lit. 1. *Quic-*

Responsiones.

Quando autem superius dicunt, quod mea illa interpretatio dicitur Act. XVII. nimis sit crassa, quamque simplicitas Dei admittere nequeat; &c. Sed idem hætenus allegatus Kromayerus alleg. Aphor. VII. in scholio, ita uti ego accepi, sensum exponit, dum ait: *intelligendum ita esse, quod Deus ubilibet totum intra omnes creaturas non inclusive, extra omnes creaturas, non exclusive sit*: quæ sententia, credo, non derogabit simplicitati Dei. Cæterum beatus Geierus tam rigidus non est, ut Domini Censores, quippe qui in libro, *Allegengwart unsers allsehenden Gottes* dicto, allegat, nec reprobat, Judæorum appellationem, qua Deum *Makom*, seu locum vocant, nec Maximi ibidem citati appellationem, qua Deum *ἀνάκτορος τόπος*, it. *isias*, hoc est, omnium locum, it. domicilium dicit, periculosam existimat, quippe qua beatus Theologus putat ipsos omnipræsentiam Dei significasse, quod Ego quoque, nec aliud quicquam, per dictam denominationem intendi. Vid. Geierus all. I. in der 4. r. *Andacht* p. m. 449.

Ad XXVI. Hoc quoque monitum non est hujus loci: extrat enim in libro censuræ jam exposito. Sed ne responsionem defugere videar, dico, me utrumque omnino dixisse, & adhuc quoque id ipsum putare, esse verum. Hinc vero malevole inferunt, quod Deus sit non-Ens, quippe cujus nulla sint accidentia. At ego respondeo, creatio & conservatio Dei annon sunt actiones Dei? Nemo, credo, negabit. Porro; annon actio est accidens? & hoc verissimum puto. Ergo in Deo sunt accidentia quædam, scilicet transcendentaliter, non prædicamentaliter seu logice intelligenda; hæc tamen accidentia

Monita.

Quicquid perceptibile non est, illud non est ens. Quod si locum habet, nihil scilicet reliquum est, quam ut Deum etiam totidem verbis inter entia rationis referat, cum ille sit omnino substantia, cujus nulla accidentia sunt, aut percipiuntur. Et ne forte excipere queat Auctor, se illud saltem intelligere de substantiis extensis, prohibet illa dissertatio, in qua de iniquitate censuræ, quæ vocem extensa, tanquam limitationem, addiderat, conquertur.

XXVII.

Quinimo sub finem hujus tractatus lit. u. §. 121. sententiam suam, quod Deum pro substantia extensa habeat, prodit. *Extensionem certe divinis perfectionibus non omnino repugnare*, dicit: Et quamvis ibidem perhibeat, se nolle Deum dicere extensum, tamen si quis hoc asserat, satis validas rationes, quibus contrarium evinci

Hhh hh queat,

Responsiones.

cidentia si quis cum *Kromayero Art. II. Antiib. VIII. p. m. 136.* potius modos quam accidentia dicere velit, non repugno. Illud saltem liquet, quod accidentia transcendentaliter sumta non tollant simplicitatem Dei. Accidentia quapropter latius sumo, quando dico, quod substantia absque accidentibus considerata, pari passu ambulet cum ente rationis, ita nempe, ut transcendentalia haud excludantur: nam in transcendentali disciplina hanc thesin affirmavi. Aliud adhuc quoddam meum allegant assertum, unde atheam hanc conclusionem conficere nituntur, quod hujus tenoris est: *Quicquid perceptibile non est, illud non est ens*; quomodo autem hinc sequatur, Deum non esse Ens, haud ostendunt. Subsumere enim nemo sanus poterit, quod Deus non sit perceptibilis: percipitur enim modis infinitis, si ejus contueamur creaturas. Magna hinc vero apparet Dñi. Censorum malevolentia, quod atheismi me accusare audeant, temereque id asserant, quod probare nullatenus possunt, & quod haftenus non sine ingenti mea contumelia, sed quod gaudeo, omnium bonorum & intelligentium cum indignatione, propalarunt.

Ad XXVII. Extensionem de Deo non prædico, non quod metuam, ne hinc sequatur Deum esse corpus, neque enim hoc ipsum ex vera corporis definitione

Monita.

queat, non suppetere, ait: & sub finem §. 123, ubi adversarium induxerat objicientem, Deum concipi debere, ut corpus infinite extensum, quod nunquam à centro vel ad centrum moveatur, hoc saltem responder, quod sic è sua hypothefi non possit dici corpus (quippe cujus natura in elasticitate, motuque vel à centro, vel ad centrum, ponatur) sed materia, seu ens substantiale infinite extensum, quo sensu hanc thesin, quia tacet, admittere videtur, qui tamen conce-
ptus annon Dei perfectioni ac simplicitati repugnet, ipse viderit.

Alia adhuc in tractatu Dni. D. Rudigeri, vel corrigenda, vel prorsus delenda.

Cap. I. Sect. II. §. 98. Spiritus est etiam objectum physices: quia ad naturam sensibilem pertinet. Cap.

Responsiones.

finitione sequitur: neque vero, quod metum compositionem, quippe qui persuasus sum, compositionem, quam sibi in extensione fingunt, rationis esse compositionem, non vero realem: sed quoniam omnes conceptus physicos novi vel ad Deum non applicandos, vel tamen non nisi transcendentaliter, hoc est, generalissimo solum significato: seu quod idem est, ἀδυσπλόγητος dicta, ἀσπρόγητος esse intelligenda. Quodsi ergo vocem extensionis physice de Deo dicas, rem finitam de Ente Infinito male prædicabis, quodsi transcendentaliter eandem Deo attribuas, sicut solemus manus, pedes, iram, penitentiam, extensio hæc infinita transcendentali significato, nihil aliud erit, quam immensitas Dei, unde recte videor mihi. asserere, quod mihi non suppetant rationes sufficientes, quibus erroris convincam aliquem, qui hoc transcendentali significato extensionem de Deo prædicet: sed quoniam nihilominus locutio nova est, & nihil aliud dicit, quam quod alia usualis, nempe Immensitas, ideo in textu meo dixi, quod ego nolum illam: Extensionem infinitam de Deo prædicare. Quodsi ergo quis physicam extensionem de Deo dicat, æque absurde agit, ac si pedes manusque Deo proprie attribuat: sin transcendentaliter, & ἀσπρόγητος, æque ferme minus peccat, quam qui manus pedesque de Deo transcendentaliter & ἀσπρόγητος dicit, nisi quod hujus locutionem usus confirmat, illius non item. Unde apparet, quod & hic nodum in scirpō quæ-
rant Dni Censores.

Ad Cap. I. Sect. II. §. 98. Spiritus &c.

Divinare hic non possum, quid hac in propositione lateat pravi aut

hete-

Monita.

- Cap. II. Sect. I. §. 6. Quod extensio etiam competat spiritui.
 Ibid. §. 7. Quod nec S. S. nec ratio, nec Magistratus præcipiant,
 spiritum concipere absque extensione.
 Ibid. §. 9. Quod athea sit opinio, quæ negat spiritum, ex ma-
 teria prima fuisse factum.
 Ibid. §. 13. Nihil vereor dicere, si est materia prima, ea peræ-
 que principium est corporis atque spiritus.
 Sect. II. §. 23. Si agit spiritus in corpus, tangit; si tangit utriusque
 extensio est manifesta.
 Sect. III. integra à recepta in Academiis nostris, auctoritate publi-
 ca, doctrina discedit,

Hhh hh 2

Sect.

Responsiones.

- heterodoxi: in textu vero meo utrumque assertionis membrum probavi.
 Ad Cap. II. Sect. I. §. 6. &c.
 De hoc jam supra dictum est.
 Ad Ibid. §. 7. &c.
 Debebant itaque evincere contrarium, vel rationes liquidissimas, & ma-
 adductas, falsas esse demonstrare.
 Ad Ibid. §. 9.
 Miror, Dnos Censores non recordari supra jam, nempe n. IX. accusa-
 tam fuisse hanc thesin.
 Ad Ibid. §. 13.
 Hæc etiam thesis etsi non κατὰ τὸ πρῶτον, tamen κατὰ τὴν διάνοιαν jam su-
 pra n. IX. adfuit.
 Ad Sect. II. §. 23.
 Ratiocinor his verbis: unde quid desiderare Censores possint non video;
 nisi forte nolint, ut ratiociner.
 Ad Sect. III. Integra &c.
 Nullam novi doctrinam philosophicam auctoritate publica receptam: aut
 si quæ fuit olim, eam pridem ipsi Censores deseruerunt: neque enim ampli-
 us dialecticam Philippi explicant, & quod reliquum est temporis, explican-
 do Aristotelem terunt.

Ad

Monita.

Seçt. V. §. 45. Anima est materia.

Cap. III. Seçt. IV. Multa nova asseruntur, non satis probata.

Seçt. V. §. 58. Mechanici philosophi sive Christiani sive ethnici omnes sunt athei.

Cap. IV. Seçt. IV. §. 35. In plantis datur spiritus intelligens.

§. 43. seqq. Distinctio spiritus urgetur in mentem & animam.

§. 62. Spi-

Responsiones.

Ad Seçt. V. §. 45. &c.

Supra jam n. IX. adfuit (sensus hujus thesios, iterum proxime in hoc appendice, Sensus scilicet adfuit, verba non refuto.

Ad Cap. III, Seçt. IV. &c.

Scilicet à Dnis Censoribus: probantur autem ab aliis Viris, peræque doctis.

Ad Seçt. V. §. 58. &c.

Hic fervor affectus perturbavit Censores, ut expressissima mea non viderent verba: De ethnicis enim solis prædicatum affirmavi, de Christianis minime. Ita sonant verba: *Et mechanici quidem philosophi in duplici sunt differentia, quatenus vel Christiani sunt, vel ethnici: Hi omnes cum sint athei* &c. Quis latinæ linguæ peritus hæc de aliis accipiat quam ethnicis, maxime cum in proxime sequente §o 59. de Christianis mechanicis dicam, quod, si occurrat res mirabilis in natura, ad Deum recurrant vel diabolium, quis vero de atheo dicat, quod ad Deum recurrat. Talem virorum censorum sua subicere scripta, grave est.

Ad Cap. IV. Seçt. IV. §. 35. &c.

Hoc quoque frustra repetitur: cum jam supra §. 15. adfuerit.

Ad §. 43. &c.

Frustra & hoc repetitur: Vid. supra n. XIII. Cæterum libet adhuc responsionis loco addere duo dicta Biblica: Luc. I. v. 46. *μεγαλύτερον ἢ ψυχὴ μου τὸ πνεῦμα, καὶ ἡγαλλίας τὸ πνεῦμά μου.* It. Es. 26. v. 9. *נפש אדם רוח בקר בי אשחוד:*

Ad

Monita.

§. 62. Spiritus mundi asseritur.

§. 73. Definitiones Dei, Animæ, Mundi, Angeli, Dæmonis, Brutorum, Insectorum, valde obscuræ aut prorsus suspectæ proferuntur.

Sect. V. Reliquorum philosophorum fere omnium hypothesés arguuntur atheismi.

Sect. VI. Quæ de dæmonibus, diabolo, veneficis & sagis, item spectris, nec non de repetito mentis & animæ discrimine, dicuntur, probari prorsus nequeunt.

Hhhhh 3

Cap.

Responsiones.

Ad §. 62. &c.

De eo jam supra audivimus n. XV.

Ad §. 73. &c.

Hoc quoque monitum haud differt a n. XV. nisi quod definitio DEI hic quoque carpatur, quæ ibi tacite videbatur approbata, & hic asseratur, me animæ, mundi &c. definitionem dedisse obscuram & suspectam, cum tamen nec animæ nec mundi ibidem definitio extet, sed animæ mundi: quod de obscuritate & suspitione dicunt, secum habitent, & perquirant, annon forte causa obscuritatis in ipsorum intellectu, causa suspitionis in voluntate sit.

Ad Sect. V. &c.

Arguuntur, sed & rationes adjiciuntur, quæ refutandæ erant. Cæterum nemini insulto: generaliter lectorem meum præcipitiorum atque salebrarum, quas ego video, moneo.

Ad Sect. VI. &c.

De dæmonibus jam supra n. XIV. dictum. De diabolo dico, quod possit uti ministerio dæmonis, sicut homo bruti. De veneficis & sagis dico, quod sive per magiam naturalem sive diabolicam noceant hominibus, puniendi sint, mitius tamen, si per magiam naturalem absque commercio diaboli sua peragant. De mente & anima dico, id quod S. S. & beatus noster Lutherus, vid. n. XIII. dicunt, nempe quod sint duæ distinctæ substantiæ, adde duo dicta Luc. I. v. 45. & Ef. 26. v. 9. An ergo hæc talia sint, ut probari prorsus nequeant, judicent cordatiores.

Ad

Monita.

Cap. V. Sect. IV. §. 39.

Offendiculo sunt ea, quibus dicitur, quod spatia vacua inter radios omnipræsentia Dei sint repleta.

Responsiones.

Ad Cap. V. Sect. IV. §. 31.

Multa videntur damnare voluisse Censores, & pauca tamen, quæ speciem pravitatis haberent, invenisse: nam alias nullam video rationem, quare toties eadem repetant. Scilicet hoc quoque totidem verbis jam supra n. XXIV. adfuit.

* * * * *

CUm prælo jam commissa esset præfatio, telum contradiccionum suarum perrexuit Dn. Professor Lipsiensis, in alio programmato, quo memoriam beati M. Joh. Christiani Geieri, publica oratione, in auditorio Philosophorum celebrandam, intonat, novaque specimina, pristinis etiam clariora, sui ingenii, in assequenda aliorum, vel liquidissime exposita, mente infelicis, & hinc ad tractandas controversias, minime apti, edidit. Næ enim hæud injuria mireris, quæ fieri potuerit, ut, qui Manuscriptum meum per duos fere annos manibus suis calefecerit, in singulis tamen hoc loco allegatis meis locis, ne semel quidem me intellexerit, cum nihilominus tam perspicue sim locutus, ut vel absque ulla doctrina physica quilibet mediocriter attentus me nullo negotio capere queat.

Scilicet primus locus, quem allegat, de promptus est ex Lib. I. Cap. III. §. 39. ubi in §. proximo, nempe 38. dixerim, expressis hæc verbis: *quod aliquid me moverit* (nempe gravitatis & levitatis doctrinæ secundum omnes Philosophorum hypotheses difficultas) *ut adhuc alium* (nempe præter hætenus expositum motum expansivum & contractivum) *in utroque elemento agnoscam motum, nempe regressivum utriusque elementi ad chaos futurum*; quæ ul-

tima

tima verba, ut vel inter amicorum confabulationes ne præteriret lector, minusculis imprimenda curavi: tum ea verba, quæ incassum vellicat Dn. Professor §. 39. ita subdidi: *Gravitas atque levitas, quæ secundum omnes philosophorum, nostramque etiam, (scil. de motu expansivo & contractivo) hypotheses, eludit omnem concludendi vim atque efficaciam, me impulit, ut divinis principiis duplicem dictum (nempe aeris & ætheris regressivum ad chaos suum) accenserem motum.*

Hæc essitam clara sint verba, nihilominus Dn. Professor, id quod totidem verbis de motu regressivo utriusque elementi ad chaos suum dixi, de expansivo & contractivo interpretatur, dum sic ea recenset: *Gravitas & levitas, ajunt systematis illius novi auctores & propugnatores, quæ secundum omnes philosophorum, nostramque etiam, hypotheses, eludit omnem concludendi vim atque efficaciam, nos impulit, ut divinis principiis duplicem dictum, expansivum & contractivum, accenseremus motum &c.* ubi sane magna patientia opus est ad concoquendam hominis mihi inimicissimi tam inertem contradictionem. Cæterum cum me semper tanquam totam quandam societatem, & hic, & in priorè programmate, consideret, & hinc me hoc loco, novatores & propugnatores, promira sui styli indole, dicat, hunc sum, ubi ego de me in singulari locutus fueram, in plurali effert.

Sed non solum hoc respectu me non intellexit, sed & nescire se differentiam, inter *omnes & plerique* testatus est, cum ex allegatis meis verbis malam mihi imputat conclusionem sequentibus: Sed sufficitne, quia plerique physici gravitatem & levitatem inter qualitates occultas recensuerunt, . . . ergo nova principia corporum naturalium à novatoribus sunt somnianda atque fingenda &c. At vero allegata mea ab ipso Dn. Profess. verba loquuntur de *omnibus* philosophis, non de plerisque (nam de his utique subsumi conclusio haud potest) Cæterum si se ipsum nosset Dn. Professor, noller, credo, aliorum notare ratiocinia, sed illud commendatum sibi haberet:

Loripedem rectus derideat, athiopem albus; non contra-
Interim & ipsum illum, de quo hic loquor, & quem haud affecutus est Dn. Professor, utriusque elementi nisum regrediendi ad chaos
suum,

suum, propria manu exscripsit, dum totum meum §.42. suo programmati inseruit, & nihilominus denuo istum meum Sum, docta sua parenthesi, ipsissimis, quæ paulo post scribebat, verbis è diametro contrariâ, de motu expansivo atque contractivo interpretatur, dum initium ejus sic refert: *Ceterum & à priori patet aliqua hujus motus (scil. expansivi & contractivi) necessitas* reliqua poterunt in ipso meo textu videri, ubi sub finem hæc, quæ & ipse Dn. Professor addidit, habentur verba: *Sic ergo finaturæ suæ deberet constare integritas, nec bullula aerea nec particula radians poterat carere hoc ad suum chaos regrediendi nisu.*

Superfunt adhuc duo loca à Dn. Professore ex hac physica adducta, quæ etsi tam clare, adjecta videlicet parenthesi, haud ostendat se non intelligere, ex refutatione tamen ejus id ipsum tam clare apparet, quam quod clarissima. Primus locus est finis §i 39. & sic sonat: *Cum ergo omne corpus ex æthere & aere constet, patet, quod & principium levitatis & gravitatis in se habeat, unde jam adscendit, jam descendit: sic aqua mercurio remixta adscendit, & in aere descendit.* Quo ipso id volo, uti contextus lectorem docebit, quod falsa sit vulgaris mechanicorum opinio, quâ contendunt, omne corpus esse grave. Huic opinioni si contradicere recte voluisset Dn. Professor, probare debuisset, quod omnia corpora sint tantum gravia, adeoque nullum principium levitatis in se habeant: at ille aberrans à proprio scopo probat, familiaribus sibi experimentis, nempe potus Théë & Caffée, itemque cocturæ salis, porro cerevisiæ & évaporationis chymicorum, itemq; exhalationum ex terra provenientium, quin & vasorum aqua impletorum, quod *aqua jam adscendat, jam descendat*, & non dicam, non intelligit, quod hæc singula experimenta, etiam absque ulla mea explicatione, pro sententia mea milirent, sed ne quidem vider, & recordatur, ea ipsâ verba modo à se ipso ex meo textu adscripta, quibus dico, quod *aqua jam adscendat, jam descendat*, quin & utrumque de omni corpore assero. Hæc omnia talia sunt, ut si agrestes Dn. Professoris flosculos imitari vellem, vere somniata dicere possem.

Quæ addit de saxis ponderosissimis ad distantiam insignem incata-

catameniis volutis, plane allotria sunt, eodemque argumenti robore, id est, nullo poterat etiam allegare curiosum illud phænomenon puerorum petulantium lapides per plateas projicientium. Motus nempe lapidum in catameniis volutorum non est naturalis, de quo solo ego loquor, sed violentus, adeoque instantia Dn. Professoris aerem fodicat. Quæ porro habet, de libris decem cupri aut stanni, aquæ innatantibus, si nempe hinc vel navis fiat, vel ahenum, vel simile, à scopo pariter sunt quam alienissima: interim cum à me expectar, ut, quomodo ex meis principiis innatare possint, demonstrem, breviter ita habendum: Aer atmosphæricus cum aheni cuprei atmosphærule conjunctus est, & ita quidem, ut atmosphærule cupreæ, tanquam metallicæ, corpuscula minora & nobiliora corpusculis aeris atmosphærici sint, & adeo innitantur in aerem hunc, & sic metallum detineant, quo minus ad fundum feratur. Quod autem variata corporum superficies, secundum Dn. Professore, non in causa sit, quare metallum aquæ innatet, cognitione vulgari (ne ægre hoc ferat! Nam quod omnis cognitio experimentorum, qualiumcunque, ad cognitionem vulgarem pertineat, hinc patet, quoniam sensualis est & memorialis) hoc est experimentalis, probabo, si dixerò, concilietur vasi quæcunque superficies, ut cum Dn. Professore loquar, quadrata, rotunda, ovalis & quæcunque arrideat, dummodo intus relinquatur proportionata quantitas aeris, & materia vasis talis sit, ut ne aquam bibat, sic aquæ innatabit omne corpus; & si nullus, vel tamen haud proportionatus insit aer, defluet omne vas metallicum, cujuscunque figuræ sit, ad fundum.

31. Alter, quem adhuc allegat, locus est ejusdem libri & capitis paragraphus 40. hujus tenoris: *Impedit vero hunc motum unio elastica: unde quicquid unitum est, quatenus tale, semper nec grave nec leve est, recteque dicitur, nec aquam in aqua gravitare, nec aerem in aere, nec in genere ullum fluidum in suo simili, ut adeo ad id, ut aliquid vel gravitatis vel levitatis sortiatum motum, necesse sit, id extra unionem esse.* Quæ verba, quod iterum haud intellexerit, refutatio ipsius edocet.

Experimenta enim ab ipso allata singula thesin meam haud feriunt: cum enim debeant esse de corporibus in unione gravitantibus,

bus, familiari Dn. Professori inanitate, agunt de corporibus extra unionem constitutis. Inde jejune admodum huic, modo à se descripto, meo paragrapho contradicit, dum ait: *Sumamus loco exempli partes corporis unitas in unione, nonne simul gravitant cum toto unitæ?* Respondeo enim: ita, Dne Professor, gravitant simul cum toto unitæ: sic enim aqua in amphoris gravitat, & suis constat haud dubie partibus, quæ gravitatem augment: at non gravitata aqua in aqua: de hoc enim aperte loquitur thesis mea, unde nec urinatores nec pisces sentiunt ullam in profundo maris gravitatem. Nempe partes hæ non gravitant in toto, cum quo elasticæ sunt unitæ, sed una cum toto suo in aere, quippe quocum unitæ haud sunt.

Sed hanc distinctionem forte non intelligit Dn. Professor, itaque experimentis cum ipso agendum est. Nempe appendat ad femur suum decem librarum pondus, sic molestam in incessu sentiet gravitatem, at ipse facile tot libras carnis fovet in eodem, quarum nullum, quamdiu sanus est, sentit pondus: ratio nulla alia est, quam superius à me data, quod quicquid unitum sit, quatenus tale, semper nec grave sit nec leve.

Quæ porro addit, de *resolutis partibus*, de *remota parte quarumque solidioris corporis*, de *ablatis guttulis aquæ*, in *aere jam gravibus*, jam *levibus*, seu *minus gravibus*, tam sunt, ut mitissime dicam, à scopo aliena, ut nihil possit esse alienius. Ego enim loquor de corpore, quod versatur in loco suæ substantiæ simili, hoc est cum quo elasticæ sit unitum, at Dn. Professor neque videns neque intelligens, de quo hic agatur, instantias dat de corporibus in alieno loco versantibus, & cum eo planissime non unitis, hoc est de non acreis in aere motis.

Hinc ergo abunde constat, quod Dn. Professor in singulis hisce quatuor allegatis meis locis, me ita intellexerit, uti totam meam hancce physicam capit, nempe minime omnium. Unde jure meo mihi conqueri videor, quod ea attulerit argumenta, ex quibus & prolatis & refutatis parum utilitatis ad lectorem redundare queat, unde & lectoris patientia haud abusus, hoc programma haud totidem verbis adjeci, sicut prius. Ex primo namque illo, lector à studio

par-

partium alienus judicare poterit, quod argumenta, quæ ex hoc programma retuli, quæque viro erudito, & physices, in celeberrima per Europam Academia, Professore, poterant videri indigna, ejus nihilominus ingenii veri, legitimatque *virtutes* sint foetus.

Cæterum, si qui sint, qui putent me operam perdidisse in respondendo ad tam plane nullius momenti argumenta dicam, an experimenta? sciat, quod etsi Dn. Professoris ratiunculæ sint inanes, gravitas tamen ordinis, in quo vivit, me ad respondendum promoverit: ne vero amplius in publica comoda peccem, tempusq; melioribus meditationibus destinatum, hisce dubiis, quibus longe solidiora auditores mei mihi pridem moverunt, inculcandis, frustra consumam, statui impostero quietescere, & doctiores aliorum oppositiones expectare. Quod si tamen comperero esse, qui mallent, hoc quoque programma refutatum, id facile recipio lectori, quod, si experimenta exceperis, probaturus sim, quod in toto hoc programma nulla sit linea, ex qua non aliquod intellectus vitium manifesto cluceat.



INDEX RERUM.

Primus numerus librum, secundus caput, tertius paragrafum notat.

- A.**
A Bies Lib. III. c. XVI. §. 30
 Absentia toris quomodo index metallorum III. X. 11
 Absorbentia L. IV. 114
 Abstractio metaphysica mathematica & physica L. II. 31. seq.
 Academiarum fundatio L. I. 30
 Acetum L. VI. 29
 quomodo fiat ex vino & cerevisia ib. 31
 Acidus sapor III. V. 36
 Acidum quomodo generetur in fermentatione L. VI. 31
 Acini aurei, vitis, claviculi folia III. XV. 31
 Acinos aureos continens uva L. II. 35
 Acris sapor III. V. 35
 Acrimoniam mitigantia medicamenta L. IV. 54
 in actione posita spiritus essentia ad atheismum seducit ib. 75
 Acus virgo III. L. 36. seq.
 Acustica series III. IV. 17. seq.
 ad objecta usque proreunduntur ib. 21. seq.
 Adamas L. V. 25. it. III. XIV. 16
 Adstringens sapor III. V. 37. 38
 Aegris caloris vulgaris doctrina noxia L. V. 138
 Egyptii se alexandros praedicant L. I. 8
 Aequatio corporum aerea & aetherea L. V. 33
 ad aequatorem quare semper inolinentur venti constantes III. VIII. 30. 31
 circa aequatorem ventorum in mari constantium causa ib. 24
 Aer & aether L. III. 32. 35
 est bullula & aether particula radiansib. 37
 ad centrum terrae tendit sicut aether tota sua substantia ad centrum fixa ib. 42
 non est humidus L. V. 6
 secundum Aristotelem ib. 1
 Cartesium ib. 2
 Cassendum ib. 17
 atmosphaericus ib. 59
 & ignis certo respectum principia divina sunt I. II. 27
 quomodo contrahatur & expandatur L. V. 69
 compressus quomodo fiat gravior ib. 94
 quare maxime elasticus ib. 60
 magis potest expandi quam comprimi ib. quomodo comprimitur ib. 61
 nec gravis est nec levis ib. 62
 & gravis & levis esse videtur L. II. 22
 si tam stupendam habeat gravitatem, an ea ideo non sentiat, quia utrinque premit L. V. 81
 an vulgari sensu sit elasticus ib. 87
 nec gravis est, nec mechanice elasticus ibid. 96

INDEX RERUM.

- mittatur in aquam I. VI. 38
 Aerea & ætherea corporum æquatio, V. 33
 Aerem non esse gravem, experimenta quæ
 probant ib. 72
 in altum premere naturæ mechanis-
 mæ repugnat ib. 78
 versus aerem aqua est tenuior quam in
 fundo ib. 79
 Aerium gravitatis attribuunt effectum,
 quem ne argenti quidem vivi gravi-
 tas præstare posset ib. 64
 & aquæ provincias dant mechanici ib. 64 & 75
 quare mechanici spirales attribuant par-
 ticulas ib. 87
 sive attribuantur particule ramosæ sive
 spirales, non intelligi possunt acris
 phænomena ib. 96
 Aeris regio inferior III. IX. 15
 nebulosi noxa III. X. 15
 excrementa ignes cadentes III. XII. 17
 gravitatem, qualis vulgo supponitur,
 experimentum cum vesica campanæ
 alligata manifeste refutat I. V. 64
 vel solum campanæ urinariæ ex-
 perimentum refutat ib. 72
 fluiditatem clateres mechanici impedi-
 unt ib. 89
 libero commercio quare debeat frui
 ignis ib. 116
 serenitas bullulas uniformes & homoge-
 neas notat ib. 94
 gravitatem non indicat barometrum ib. 65
 ex aeris gravitate supposita sequitur quod
 aliquis 200. librarum pondus possit
 elevare, nec illud tamen sentire ib. 85
 contra aeris gravitatem Pauli de Lamiria
 experimentum ib. 65
 experimentum hæmisphæreorum
 cupreorum ib. 70
 absque aeris libero commercio quonque
 ardet sulphur ib. 119
 Æstus maris III. II. 23
 quare 24. horis bis recurrit ib. 24
 tempus III. II. 27
 duratio ib. 28
 gradus ib. 29
 quare in stagnis & lacubus non depre-
 hendatur ib. 32
 quare non in maribus Mediterraneo &
 Balthico ib. 33
 Æther & aer I. III. 32, 35
 est particula radians & aer bullula ib. 36.
 tota sua substantia ad centrum fixæ sicut
 aer ad centrum terræ tendit ib. 42
 quadantenus oculis videri potest ib. 36
 pro æthere sumitur cælum I. II. 11
 Ætherea & aerea corporum æquatio V. 33
 Ætites I. IV. 61
 Affectus non generantur à temperamen-
 to, bene tamen diligentia diversi gra-
 dus I. III. 81
 à corpore nullus potest esse præter dolo-
 rem atque volupratem ib. 82
 in anima radicantur, non in corpore I. II. 44
 Agitatio in certam plagam an gignat frigus
 I. V. 111
 Albertus M. I. I. 32
 Albus color III. III. 86
 Alkalici saporis phænomena III. V. 32
 Alkali I. VI. 52
 generatio ib. 53
 mercurius ibid.
 ad alkalica salia pertinet terra ibid. 58 &
 I. III. 51
 Amara quæ profunt hepati I. V. 34
 Amari saporis phænomena ibid.
 I. III. 3
 Amor

INDEX RERUM.

- Amor Dei erga homines III. XVI. [58](#)
 Amuleta I. VI. [95](#)
 Anaxagoras primus addidit mentem principis physicis I. I. [59](#)
 Anaximandrus ibid.
 Anaximenes ibid.
 aerem dixit Deum I. II. [10](#)
 Angelus I. IV. [66](#), & [73](#)
 Anima & mens qui differant ibid. [22](#)
 Aristoteli quid ibid. [9](#)
 unde III. XVI. [22](#)
 & elementis sanitas nostra constat I. IV. [104](#)
 ab Aristotele tribuitur homini, bruto & plantis ib. [1](#)
 sensitiva commentum scholasticorum ib.
 12. 13. it. III. XVI. [20](#)
 gaudent bruta I. IV. [18](#)
 plantis non abjudicanda, nec brutis ib. [18](#)
 it. [32. 33](#)
 est corporea secundum Epicurum ib. [26](#)
 est extensa, quod recte probat Epicurus, male refutat Nemesius atque Gassendus ib. [27](#)
 per multis antiquis philosophis credita ib. [29](#)
 non corporea ibid.
 est corpus
 quæ hominem format, formare quoque brutum potest & plantam ib. [48](#)
 sentit materiam peccantem quam mens haud sentit ib. [51](#)
 mundi neque statuitur neque negatur ib. [62](#)
 non habet memoriam ib. [63](#)
 debilius afficitur ab imaginatione quam à signatura ib. [86](#)
 an intelligat arte facta simulacra ib. [90](#)
 cum corpore perit ib. [100](#)
 haud debet ideas molesti dediscere ib. [113](#)
 interdum manifeste perverse agit ib. [116](#)
 matris formatæ foræ III. XVI. [28](#)
- Animæ materialitatis nugæ unde ortæ I. II. [3](#), seq.
 indux ibid.
 unio cum corpore ibid.
 non infunditur immediate a Deo ib. [43](#)
 44-45
 tradux non infert corporalitatem ib. [45](#)
 definitio Aristotelica I. IV. [3. 4. 5](#)
 essentiam in sentiendo ponit Epicurus ib. [30](#)
 divisiones Aristotelicæ ib. [11](#)
 omnia plena Aristoteles asseruit ib. [8](#)
 essentia ib. [48](#)
 rectius in intellectione ponitur, quam inensione ib. [30](#)
 animam statuit Lucretius ibid.
 existentia ib. [44](#)
 sensio ib. [45](#)
 ideæ variz ib. [49](#)
 Vis divinatoria I. IV. [46](#)
 in moribundis dormientibus & stultis maxime viger ib. [85](#)
 signaturæ id sunt, quod menti verba ib. [90](#)
 immortalitas III. XVI. [56](#), 1q.
 Non animæ unius duæ facultates sunt, intellectus & voluntas ib. [29](#)
 Præter animam alius adhuc datur spiritus in animalibus nobilioribus ib. [8](#), seq.
 Per animam Aristoteles intelligit calorem ib. [8. 9](#)
 Animam Aristoteles nullibi dividit in vegetativam sensitivam atque rationalem I. IV. [10](#)
 habent plantæ ib. [32. 33](#), it. III. XV. [5](#), 6.7
 substantiam activam, formam, naturam, Deum pro synonymis habet Aristoteles I. II. [12](#)
 In anima radicanter affectus, non in corpore ib. [44](#)
 in

INDEX RERUM.

in animam & mentem dividitur spiritus I.
IV. 43
musicæ effectus III. IV. 65. 14.
Animalia secundum Aristotelem III. XVI. 1. 2.
Cartesium ib. 3
Epicurum ib. 5
nos ib. 6
primaria secunda ib. 14. seq.
Animalium divisio ib. 7
generatio ib. 22. 2
nutritio ib. 33. seq.
& vegetabilium habitaculum sunt plan-
etæ III. III. 13
in animalibus nobilioribus præter animam
datur adhuc alius spiritus III. XVI.
8. seq.
Ex animalibus quare habeatur fal volatile
I. VI. 66
Annus Platonius II. II. 21
Annulus Saturni II. IV. 26
Anomaliz cometarum ib. 13
Antimonium III. XIII. 54
Antimonii regulus I. VI. 25
Antipathia ib. 25
Antispasmodica vis lumbricorum terre-
strium I. IV. 111
Antiz pneumaticæ phenomena I. V. 25
experimenta secundum nostram hypo-
thesin ib. 22. seq.
phenomena non possunt per elateres me-
chanicos explicari ib. 92. seq.
Apollinis guttæ III. XIII. 51
Appetitus sensitivus non differt essentiali-
ter à voluntate III. XVI. 19. it. IV. 18
Aqua terminus technicus I. I. 12. 14
Thaletis ib. 12. 18
non est maxime frigida I. V. 7
an premit in altum ib. 73
versus aerem tenuior est quam in fundo ib. 76

quomodo in tubulis, saccharo, charta
bibula &c. ascendat ib. 77
conglaciata quare majus occupet spati-
um ib. 105
occani immediate à Deo creata I. II. 26
mera quare non nutriet plantas III. I. 52
pluviz & toris antecellit fluviatilem &
fontanam III. X. 16. 17.
secundum Cartesium I. VI. 8. seq.
Gassendum ib. 16. seq.
quid sit ib. 19. it. 29. 38
fit ex aere ib. 38
falsa quare non facile congeliet ib. 42
converti in verum aerem potest ib. 43
quem habeat mercurium ib. 24. 40
Aquæ & aeri provincias dant mechanici
I. V. 64. & 75
petrefactæ guttæ III. XIV. 20
minerales III. XIII. 17
supracælestes I. I. 14
Aquæ quomodo concipiant fenestral. VI. 38
in aqua quare non solvatur terra ib. 58
cum aqua quare non miscetur oleum ib. 84
Aqua repletum vas stanneum vel plumbeum
cur haud liquefiat III. VII. 42
ex aqua crescunt plantæ III. XV. 24. 28
Arbor Dianæ I. VI. 91
ferrifera I. XIII. 31
Arcanum in disciplinis I. I. 153
Archytas Tarentinus ib. 20
Argentum III. XIII. 29
vivum I. VI. 95
sulphur & sal non sunt mineralia
III. XIII. 6
non est metallum ib. 20
quomodo conflet tonitru illæsis lo-
culis III. XI. 22
Argenti mutatio in aurum ib. 31
mutationis difficultas ib. 41
Argilla, vel arena, vel terra, quare in destil-
lario-

INDEX RERUM.

latione salis addenda sit **L. VI. 50**
 Argumenta existentiae Dei tollunt leges
 naturae Cartesii **L. III. 65**
 Argumentatur à baculo ad angulum Carte-
 sius **ib. 16**
 Argumentum magni momenti pro Dei exi-
 stentia tollit Cartesius, imo contra-
 rium suppeditat **L. IV. 76, 77**
 Arimanius, Oromazes & Mithra **L. I. 17**
 Aristoteles quid in physicis praestiterit **ib. 26**
 pro physicis metaphysica introdu-
 xit principia **ib. 27**
 platonizat **ib. 63**
 physicam primus pro scientia ha-
 buit **ib. 79**
 metaphysicæ physicæ parens **ib. 150**
 atheus **L. III. 11. 12. 13**
 principia habet solum intelligibili-
 lia neglectis sensibilibus **ib. 30**
 Aristoteles substantiam activam, formam, na-
 turam, Deum pro synonymis habet
ibid. 12
 rectius reliquis philosophis de nebula
 sentit **III. X. 5**
 omnia animæ plena asseruit **L. IV. 8**
 per Deum intelligit formam primam
 cælum moventem **L. I. 3**
 non posse dari vacuum, contendit **L. VIII. 4**
 Aristotelis philosophia superstitionis religio-
 ni omnium aprissima **L. II. 65**
 propter ignorantiam primorum
 philosophorum introducta **L. I.**
30 31.
 physica tuta est ab eruditorum insultibus,
 & vulgi odio **ib. 64**
 promiscue se habet ad veritatem &
 falsitatem **L. III. 61**
 philosophiam ex scholis proscribendam
 voluit B. Lutherus **ibid.**
 principia physica sunt omnium dissentien-

tium philosophorum principiis abstracta
ib. 62
 definitiones secundariæ sunt, non prima-
 riæ **L. V. 4**
 Armatus magnes & non armatus **III. L. 47**
 Aromatici saporis phaenomena **III. V. 33**
 Asperitas **III. VII. 36**
 Astrologorum nugæ **II. III. 25. 26**
 Astra mundo coeæ esse cometas qui sta-
 tuerint **II. IV. 5. 6. 7**
 Atheus Aristoteles **L. II. 11. 12. 13**
 Athei sunt omnes ethnici mechanici **L. III. 58**
 Athei celeberrimi quique ex superstitionis
 secta orti **L. I. 152**
 Atheismi suspecta propositio est partes prin-
 cipia corporis dicere **ib. 89**
 Atheismus quid **ib. 158**
 ad atheismum disponit mechanismus ma-
 thematicus **ib. 159. seq.**
 seducit posita in actione spiritus ef-
 fentia **L. IV. 75**
 adversus atheismum & superstitionem utili-
 tas physicæ a Cartesianis & Peripate-
 ticiis dissimulata **ib. 108**
 Atmosphæra terræ **III. I. 51**
 Atmosphæra nostræ bullulæ imæ sunt mi-
 nores, summæ majores **ib. 52**
 natura non consistit in exhalatio-
 nibus **ib. 54**
 in atmosphæra summitate qui suspendatur
 nubes **III. IX. 17. seq.**
 Atmosphæras suas habent planetae **L. III. 14**
 Atmosphæra corporum prout in loco suo
 est vel minus, sic gravitatem corpo-
 ris sui vel auget vel minuit **L. V. 56**
 Atmosphæricus aer **ib. 59**
 quomodo contrahatur & expandatur
ib. 60
 & ignis certo respectu sunt divina
 principia **L. II. 17**
 At.

INDEX RERUM.

Atmosphæra corporum I. VI. 22. seq.
ferri. III. I. 33
& mercurio corporum odor proxime in-
hæret. III. VI. 24. seq.
Atomi sibi varie occurrentes & multivariæ
earundem figuræ sunt refugium igno-
rantia. I. III. 24
duplicem habent motum secundum Epi-
curum, sursum & deorsum ib. 19
Atomus quid? ib. 26
Atomistæ statuunt omnem divisionem fieri
per vacuum. ibid.
Atomistarum secta unde? I. II. 3
Attractio magnetis, III. I. 33
magnetum muræ. ib. 46
Aves quare devorent lapides. I. VI. 24
Auditus quomodo fiat. III. IV. 22
Aura congenita tympani. ib. 8.
in motu est. ib. & seq.
non est congenita. ib. 15
labyrinthi & cochleæ selectior est & puri-
or aura conchæ. ib. 16
centralis terræ. III. I. 11. 12
quare per solum circuletur magnetis. ib. 35
Auræ circulatio. ib. 13. seq.
causa modusque. ib. 19. seq.
usus. ib. 24
Auris structuræ rationes Physicæ. III. IV.
30. seq.
Aurium tinnitus. ib. 81. seq.
in Auræ, non in objecto, percipitur sonus. ib.
21
Aurum. III. XIII. 22. seq.
an fieri ex ignobilioribus metallis cum
emolumento possit. ib. 39. 40
fulminans gravius auro, ex quo factum
I. V. 53.
Auri ductilitas. III. VII. 32
in Aurum mutatio argenti. III. XIII. 31
mutationis difficultas. ib. 41

Auster quomodo pariat nubila. III. IX. 19
Austri & boreæ mixtura noxia. III. VIII. 49.
seq.
Aureæ & boreæ se prædicant Ægyptii. I. I. 8
circa Axin quomodo moveantur planetæ.
II, III. 20

B.

Bæo de Verulamio quid ad physicam
contulerit. I. I. 36
Balthicum mare quare non æstuat, nec Me-
diterraneum. III. II. 33
Barometrum non indicat aeris gravitatem.
I. V. 24
in montem deportatum quare demittat
mercurium. ib. 25
ejus phænomena secundum nostram hy-
pothesin. ib. 24
Bilis elaboratio. III. XVI. 42
Bismuthum. III. XIII. 14
Blasphemus non patiuntur dæmones. I. IV.
69
Bombardarum fragor. III. IV. 54. seq.
Bononiensis lapis. III. III. 34. seq.
Boreæ & austri mixtura noxia. III. VIII. 49
Bruta. III. XVI. 7
it. I. IV. 73
quoque gaudent anima. ib. 18
solum habent memoriam. ib. 64
an habeant intellectum activum. ib. 63
naturæ intelligibilis sunt dæmones. ib. 83
peculiarem habent pestem. I. V. 131
& homines quomodo prælagiant pluviam.
III. IX. 57
palatus intellectu antecellunt hominibus.
III. V. 23. seq.
Bruti & hominis mens qui differant. I. IV.
64 65
Brutis non abjudicanda est anima, nec plan-
tis. ib. 18. it. 32. 33
Bruto

Kkkkk

INDEX RERUM.

Bruto quoque & plantæ animam tribuit Aristoteles. ib. 1
 Brutum & plantam eadem formare potest anima, quæ hominem ib. 48
 quare minus delectetur odore suavi quam homo. III. VI. 34. 35
 Bullula est aer, & particula radians æther. I. III. 36. 37
 Bullulæ aeræ. ibid. 36
 sunt aliqua inter radios inæqualitate prædictæ. ib. 37
 oculis quodammodo conspiciuntur. ib. quomodo solidescant. ib. 45. it. 51.
 aliquod instar fluiditatis habent. ib. 45
 porimajores sunt atque majores. ib. 49
 nobilitas & ignobilitas. ib. 50
 mille gradibus differre possunt. I. VI. 26
 nostræ atmosphæræ imæ sunt minores, summæ majores. III. I. 52
 se invicem involvunt, sicut nucis juglandis exterior cortex interiorem. I. V. 29
 ignobiliores non sunt capaces ætheris nobilissimi. ib. 30
 ignis perpetuo rumpuntur. ib. 110
 ex Bullula vel una, vel duabus, vel tribus, vel quatuor constant corpora. I. VI. 19
 inter Bullulas se invicem involventes subsistere haud possunt particulæ radiantes. I. V. 29

C.

CAdaver gravius vivo corpore. I. V. 53
 Cadentes stellæ, ignes aeris excrementa. III. XII. 17
 secundum Aristotelem. ib. 12
 Cartesium. ib. 3
 Cassendum. ib. 45
 discurrentes, ca præstantes, stipulæ ardentes, torres, clypei, faces, dracones sola figura differunt. ib. 17
 Cæruleus color. III. III. 88

Calor

I. V. 102

& frigus quare non accurate sequantur solis propinquitatem & remotiorem. ib. 103
 diversis temperamentis diversimode applicandus. ib. 139
 quare & solutionem promoveat & mixturem. ib. 45
 initium ignis. ib. 59
 gradualiter tantum ab igne differt. ib. 102
 quomodo congelationem interdum promoveat. ib. 109
 an ab agitatione partium varia & in omnes plagas directa oriatur. ib. 111
 & frigus quomodo sentiantur. III. VII. 26
 qui præcedit tonitru. III. XI. 13
 Calorem intelligit Aristoteles per animam. I. IV. 8. 2
 Caloris atque frigoris effectus. I. V. 104
 natura non consistit in motu. ib. 110
 vulgaris doctrina ægris noxia ib. 138
 frigoris mutationes. III. I. 19
 Campana urinatoria. I. V. 72. & 99
 Campanæ urinatoriæ experimentum. ib. 99
 Canis rabidi morsus. I. IV. 55
 sagacitas. III. VI. 36. 37
 Carbo quare vehementius urat igne. I. V. 121
 Carbunculi pestilenciales. ib. 132
 Carnes quare aversetur natura. I. IV. 108
 Cartesianismus unde. I. M. 3
 Cartesiana definitio motus ne quidem nominalis est. I. VII. 9
 Cartesianæ philosophiæ palladium materia subtilissima. I. III. 18
 Cartesianis corpus infinitum asserendum est. I. V. 122
 Cartesius logicam absque successu emendare aggressus. I. I. 38
 in adæquatione principiorum suorum glorietur. ib. 42
 Car-

INDEX RERUM.

Cartesius conclusionem petit. **L. I. § 3**
 Deo motus impressionem haud serio tribuit. **ib. 161**
 ignorantia logica ab Huetio accusatus. -- in forma syllogismi disjunctivi peccat. **L. III. 12**
 à baculo argumentatur ad angulum **ib. 16**
 salutaribus nititur clausulis. **ib. 18**
 imo Gassendus supponunt figuram indefinitam & motum indefinitum. **ib. 25**
 hæc suppositio puræ possibilitatis nugæ parit. **ibid.**
 gravia peræque omnia statuere debuisset. **ib. 41**
 figmentis utitur pro hypothesibus subsidiariis. **ib. 15. it. 56**
 similitudine utitur loco demonstrationum. **ib. 13. it. 16**
 it. **L. V. 11. 12. 13**
 precaria habet permulta. **ib. 9**
 ex. definitione nominali realiter concludit. **L. VII. 8**
 supponit aliquid, quod fieri nulla ratione potest. **ib. 10. 11**
 præjudicium de vacuo pro natura materiae habet. **ib. 13**
 deductionem ad absurdum pro effato sapientiae venditat. **L. IIX. 15**
 elegantem habet de fluxu maris & refluxu hypothesin. **III. II. 5**
 recte sentit de iride, non tamen adæquare. **III. IX. 28**
 confundit possibile cum probabili. **L. IV. 20**
 - cogitationem cumensione **ib. 16**
 non solum magni momenti argumentum pro Dei existentia eripit, sed & contrarium suppediat. **ib. 72**
 Cartesii nugæ de spatio. **L. III. 3**
 de indefinitudine mundi. **ibid.**

Cartesii præjudicia. **L. I. 38**
 logica plus nocet philosophiæ quam Peripatetica. **ib. 39**
 principia comparantur cum alphabeto Græco. **ib. 42**
 doctrina optica accuratior vulgari. **III. 7**
 vera effugia circa modum visionis. **ib. 14**
 tractatus de formatione fœtus. **L. IV. 19**
 naturæ leges. **L. III. 8. seq.**
 - ipsi haud sufficientiad sua demonstranda elementa. **ib. 16**
 - tollunt argumenta existentiae Dei. **ib. 65**
 Cartesio aliisque recentioribus valde familiares sunt fictiones in physicis **ib. 56**
 Castor & Pollux. **III. XII. 11. seq.**
 Casus fortuitus. **L. VII. 62**
 Caudæ Cometarum. **II. IV. 9. seq.**
 - compressiores circa caput. **ib. 12**
 Causa modusque auræ centralis terræ. **L. III. 19. seq.**
 sui ipsius non est mundus. **L. I. 170**
 absque effectu probatur dari. **L. I. 177**
 quæ à seipso est, purior est materia prima. **L. II. 32**
 Causæ corporum non sunt corpora. **ib. 19**
 & modi ad philosophos spectant, non ad mathematicos. **L. I. 44. 50**
 Causarum ordinis argumentum frivole à Cartesio rejectum. **ib. 164**
 Causas ut plurimum haud demonstrat experimenta, sed causæ effectus. **ib. 83**
 Catarrhales febres. **L. VI. 133**
 Caroptica visio. **III. III. 108**
 Centra metalli particulae radiantes non ingrediuntur in liquatione. **L. V. 41. seq.**
 ad Centrum terræ tendit aer, sicut æther coelestis

INDEX RERUM.

- ta sua substantia ad centrum fixæ **L. III. 42**
Cerevisia & vinum quomodo acefcant **L. VI 29**
Chaos. **L. I. 13**
 ad Chaos suum motus quidam regressivus
 elementorum. **I. III. 38**
Characteres in magia. **L. IV. 82**
Cholericum temperamentum. **L. VI. 96. it. I. III. 75**
 - - non necessario facit facientifus-
 scam. **ib. 72**
Chordæ æqualiter tenfæ simul resonantes.
III. IV. 57
Chronicorum morborum causæ. **III. VI. 41. 42**
 - - dicta optima. **ib. 44**
Chrysopepias modus. **III. XIII. 38**
 feq.
Chylificatio. **III. XVI. 37**
Chymica principia. **L. VI. 5. feq.**
Chymici quid in phyfica præstiterint. **L. I. 32. 33**
**Chymicorum veterum principia recentiori-
 bus meliora.** **III. XIII. 19**
Cinnabaris. **ib. 15**
**Circularis motus non poteft applicari ad or-
 dinem caufarum.** **L. I. 179**
Circulatio auræ centralis terræ. **III. I. 11.**
12. feq.
 - - quare per solum magnetem fiat.
ib. 35
**Claritas atque distinctio mathematica di-
 versa à philosophica.** **L. I. 48**
Clausulis fabularibus utitur Cartesius. **L. III. 18**
**Cochleæ & labyrinthi aura selectior est &
 purior aura conchæ.** **III. IV. 16**
supra-cœlestes aquæ. **L. I. 14**
Cogitatio secundum Cartesium. **L. IV. 15**
Cogitatio & volitio differunt. **L. IV. 17**
 confunditur à Cartesio cum sententia. **ib. 16**
**Cogitari absque extensione non poteft (pi-
 ritus.** **L. III. 7**
**Cogitationis primum principium ignoran-
 tia.** **L. II. 40**
Coitus prudentia. **L. IV. 102. it. 107**
Colophonium. **I. VI. 79**
Color verus, emphaticus. **III. III. 81.**
84. & 85
 niger, albus. **ib. 86**
 puniceus, ruber, cæruleus, viridis, flavus.
ib. 88
 igneus cometarum. **II. IV. 12**
Colorum nubium non una est causa. **III. IX. 22**
Cometæ quid sint. **II. IV. 7**
 quare jam versus polos, jam versus eclip-
 ticam appareant. **ib. 15**
 an mundo coævi **ib. 21. feq.**
 an funesta signa **ib. 28. feq.**
 an siccitatem immitrant? **ibid. 32**
Cometarum caudæ, barba & coma **ibid. 2.**
feq.
 caudæ compressiores circa caput. **ib. 12**
 igneus color **ibid.**
 anomaliz. **ib. 13**
 duratio. **ib. 16**
 motus. **ib. 17**
 recursus. **ib. 19**
**Cometas, qui statuerint esse astra mundo
 coæva.** **ib. 5. 6. 7**
Commotio aeris non est sonus. **III. IV. 13.**
it. 19
 particularum radiantium est sonus. **ib. 24**
**Compositio & gradualis differentia sapor-
 rum.** **III. V. 29. feq.**
Compressio aeris quomodo fiat. **L. V. 61**
Compressus aer, quomodo fiat gravior. **ib. 54**
Com-

INDEX RERUM.

- Comprimi minus potest aer, quam expandi. L. V. 60
- Concentricæ irides. III. IX. 12
- Conceptus is denegari non potest, sine quo spiritus non potest cogitari. L. II. 7
- Conchæ aura purior est aura labyrinthi & cochlez. III. IV. 16
- Conclusionem petit Cartesius L. L. 53
- Congelationem quomodo promoveat interdum calor. L. V. 102
- Conglaciare non potest hydrargyrum. L. VI. 41
- Conglaciatiōis aliquem gradum quare admittat oleum, quem non admittit spiritus ardens. ib. 42
- Conglaciata aqua quare majus occupet spatium. L. V. 105
- Conservatio ignis. ib. 114
- Consonantiarum & dissonantiarum ratio. III. IV. 34. seq.
- Consternationis nostræ effectus sunt multa, quæ putantur à dæmone viso illata mala. L. IV. 83
- Contagii vera ratio. L. V. 131
- Continuatio ubi est, ibi est initium. L. L. 173
- Continuitas & contiguitas. III. VII. 27
- Contractio & expansio aeris atmospherici, quomodo fiat. L. V. 60
- Convolutus. L. IV. 34
- Convulsiones. III. XVI. 21
- Cor mechanice non formatum. L. IV. 24
- Cordis formatio secundum Cartesium. ibid. 20. 21
- Corona. III. IX. 32
- Corpus organicum. L. IV. 35
- - probat existentiam spiritus. ibid.
- - probat principium secundum finem agens. ib. 32
- non est Deus. ibid. 7
- non est terre vera mortua. L. III. 51
- Corpus non potest esse infinitum. L. VIII. 2
- limatum quare calefiat & non lima. L. V. 112
- esse substantiam extensam, molliter consentiunt omnes philosophi. ib. 1
- infinitum Cartesianis asserendum ib. 122
- in Corpus elementa absque Deo haud potuerunt coire. ib. 126
- circa Corpus accurate loquendo mathesis non versatur, sed circa materiam. L. I. 88
- Corporis definitio communis falsa. L. II. 2. 3. 4. 5. 6
- - - falsa quas nugas in omni philosophia peperit. ib. 3. seq. ibid.
- unio cum anima L. III. 31. it. L. V. 19
- - Cartesiana & aliæ. ib. 1. seq.
- naturam in extensione qui ponunt asserere haud possunt, quod spiritus sit extensus L. IV. 8
- organici figura non potest esse mechanica. ib. 35. 32
- partes non possunt esse physica corporis principia. L. I. 89
- - principia dicere suspecta atheismi propositio est. ibid.
- ex Corporis luminosi singulis punctis infiniti quomodo diffundantur radii. III. III. 38
- ex Corporis materiæque potentiis minime potest deduci intellectio. L. V. 37
- Corpori finitas essentialis. ib. 123
- imperfectio essentialis. ib. 124
- Corpore vivo gravius est cadaver. ib. 53
- cum Corpore connexionem habet memoria, non iudicium. L. III. 84
- cum Corpore perit anima. L. IV. 100

INDEX RERUM.

- à Corpore nullus potest esse affectus præter
dolorem & voluptatem. l. III. 82
- in Corpore non radicanatur affectus, sed in a-
nima l. II. 44
- ex Corpore & mente composita substantia
dari nequit. l. IV. 73
- Corporeum esse spiritum merito suspecta re-
ligioni opinio est. ib. 8
- Corporum pori. l. VI. 22
- atmosphærolæ. ibid. seq.
- generatorum cœlestium modus male à
Cartesio traditur. II. III. 23
- æquatio aerea & ætheræ. l. V. 33
- mixtio. ibid.
- atmosphærola, prout in loco suo est vel
minus, sic gravitatem corporis sui vel
auget vel minuit. ib. 56
- crasis. ib. 28. seq.
- unio. ib. 31. seq.
- duæ species, planetæ & fixæ. l. III. 33
- causæ non sunt corpora. l. II. 19
- mercurio & atmosphærolæ odor proxime
inhæret. III. VI. 24. seq.
- à Corporum effluviis an sit omnis odor, ib.
28
- ad Corporum crasin cognoscendam quid
sonus præstare possit. III. IV. 78
- Corpora aliqua quare odore destituantur.
III. VI. 18. seq.
- fluida magis sunt efficacia quam solida.
l. II. 38
- Corpora omnia elastica. l. V. 22. seq.
- quatuor prima non sunt quatuor ele-
menta. ib. 2
- prima mechanica duo ib. 58
- idealiala ibid.
- mechanica? ignis vulgari ratione non
potest expandere. ib. 26
- constat ex bullula, vel una, vel duabus,
vel tribus, vel quatuor l. VI. 12
- Corpora natantium quare gravitatem aquæ
haud sentiant. ibid. 75
- quomodo conglutinet gummi ib. 78
- pellucida quæ sint & quomodo. III. III.
23
- occisorum sanguinem fundentia. l. IV.
102
- per Corpora crassa qui operetur magnes
III. I. 35
- ad Corpora prima pertinent semina l. V. 2.
- it. 58
- Corporales idem l. IV. 42
- fortiores mentalibus. ib. 50
- Corporalitas quid? l. V. 28. seq.
- Corporalitatem non infert animæ tradux,
l. II. 45
- Corpuscula majora, minora, l. III. 50
- aquea in nutritione plantarum mutantur
in salina, sulphurea, oleosa, spirituosâ.
III. XV. 27. 28
- Corpusculorum & corporum odor. III. VI.
28
- Corruptio morbi. l. IV. 114
- Corruptionem prima omnium disciplina-
rum subiit logica. l. I. 2
- Creaturarum omnium spatium universale
est Deus. l. VIII. 12
- de Creatione mundi periculose prædicatur
morus impressio. l. VII. 57
- Criterium vaporis nebulosi & acrei. III. IX. 5
- Crucibula liquata. l. V. 129
- Cuprum. III. XIII. 42
- Curatio scorbuti III. II. 42
- ad Curationem morborum quid faciat mu-
sica III. IV. 79. seq.
- Curæ morbo longe peiores l. IV. 117
- symptomata ib. 114

INDEX RERUM.

D.

Dæmon L. IV. 66. seq. it. 73.
 à Dæmone viso illata multa putantur mala, quæ confectionis nostræ effectus sunt ib. 83.
Dæmones metallici ib. 69.
 non sunt diaboli ib. 68.
 blasphemus jurantes, fistulatores & quovis scelestos non parituntur ib. 69.
 omnes perhibere diabolos noxia doctrina est ib. 81.
 naturæ intelligibilis bruta sunt ib. 83.
Dæmonum existentia ib. 71.
 ministerio uti potest diabolus ib. 83.
Declinatio magnetis III. 1. 32.
Deductionem ad absurdum pro effatio sapientiz venditat Cartesius L. VIII. 15.
Definitio corporis communis falsa L. II. 2. 3. 4. 5. 6.
 falsa quas nugas peperit in omni philosophia ib. 3.
Cartesiana & aliz I. III. 1 seq.
 vera ib. 3, it. 1. V. 19.
ex Definitione nominali realiter concludit Cartesius L. VII. 8.
Definitiones Aristotelicz secundariæ sunt, non primariæ L. V. 4.
 mathematicorum possibiles evitandæ in philosophia I. I. 45.
 pleræque omnes nominales ib. 46.
Democritus ætherem & animum dixit Deum L. II. 10.
Demonstrationum loco similitudine utitur Cartesius L. III. 13. it. 16.
 it. L. V. 12. 13.
 atheorum Spinosa inanis L. VIII. 23.
 24
Descensus gravium I. VII. 38.

in Destillatione salis quare terra vel argilla vel arena sit addenda L. VI. 50.
Deus L. IV. 73.
 non est corpus ib.
 non est causa immediata motus L. VII. 28. it. 58.
 non est spiritus mundi III. XV. 34.
 natura, anima, forma, substantia activa Aristoteli æquipollent L. II. 12.
 haud infundit immediate animam ib. 43.
 44. 45
 est spatium universale omnium creaturarum L. VIII. 19.
 quid fecerit, secundum mechanica principia non apparet L. I. 106.
Dei existentia ib. 169.
 maxime 180. seq. ibid. 122.
L. II. 39. III. 1. 62. seq. III. II. 34. III. III. 117. 118. III. XI. 36. 37. III. XIV. 18. III. XV. 34. III. XVI. 55.
 existentiz argumentum ab ordine causarum desumptum frivole à Cartesio rejectum L. I. 164.
 existentiam Cartesius sophismate probat ib. 165. sq.
 perfectiones ib. 140.
 existentiam argumento magni momenti firmatam non solum tollit Cartesius sed & contrarium substituit ib. 140.
 amor erga homines III. XVI. 58.
ex Dei impositione valent signaturæ L. IV. 112.
Deo materia prima non coæva L. II. 40.
 haud serio tribuit motus impressionem Cartesius L. I. 161.
a Deo non facile eduntur miracula ib. 136.
a Deo abducitur animus, si motus non consideretur L. VII. 36.
a Deo omnes possibilitates in creandis rebus simplicioribus observatæ L. IV. 111.
 a Deo

a Deo immediate producta est terra **L. VI. 26**
 non per se **facta III. 1. 56**
 absque Deo elementa in corpus coire haud
 potuerunt **L. V. 126**
 Deum dixit Anaximenes aerem, Empedo-
 cles quatuor elementa, Parmenides
 ætherem, Democritus ætherem & ani-
 mum **L. II. 10**
 substantiam activam, formam, animam,
 naturam pro synonymis habet Aristo-
 teles **ib. 12**
 ad conclusionem advocant mechanici
 Christiani **L. III. 59**
 sæpe *αὐτὸ μηχανικόν* accersunt mechanici,
 ubi confuderunt fabulam. **L. V. 83**
 per Deum Aristoteles intelligit formam pri-
 mam cælum moventem **II. 1. 3**
 Diabolus potest uti ministerio dæmonis
L. IV. 83
 Diabolos perhibere omnes dæmones, noxia
 doctrina est **ib. 81**
 de Diabolica magia caute pronunciandum
 est **III. 1. 61**
 Dixta optima morborum chronicorum
III. VI. 41. 42
 Dianæ arbor **L. VI. 91**
 Diarrhœa **L. IV. 116**
 Dierum criticorum fundamentum **III. XV.**
48
 Differentia gradualis & compositio saporum
III. V. 39. seq.
 soni à tono **III. IV. 27. it. 29**
 soni à lumine **ib. 43. 44**
 mathematicæ talia non ideo sunt physice
 talia **L. II. 18**
 Diligentia diversos gradus efficit tempera-
 mentum, non vero effectus **L. III. 81**
 ante Diluvium an fuerit iris **III. IX. 54. 55**
 Disciplinam arcanum **L. I. 153**

omnium prima corruptionem subit lo-
 gica **ib. 2.**
 Discrimen saporum quare natura datur
III. V. 42
 Dissonantiarum & consonantiarum ratio
III. IV. 34. seq.
 Distantiæ visio **III. III. 93**
 Distinctio & claritas mathematica diversa à
 philosophica **L. I. 48**
 Diversitas temperamentorum ratione colo-
 ris **L. V. 140. seq.**
 sexus unde? **L. IV. 52**
 Dividere in infinitum soli mathematici pos-
 sunt, non item & philosophi **L. 1. 45**
 Divina principia duplicia sunt, primaria &
 secundaria **L. II. 26**
 quodammodo sunt aer atmosphaericus
 & ignis **ib. 27**
 dicere, quæ divina non sunt, pestifera
 doctrina est **L. III. 64**
 Divinandi vis nec ad præterita se extendit,
 nec ad futura **L. IV. 47**
 Divinatoria vis animæ **ib. 46**
 in moribundis, stultis & dormienti-
 bus, maxime viget **ib. 85**
 Divisio mathematica & philosophica **L. I. 45.**
 Divisionem fieri per vacuum atomistæ sta-
 tuunt **L. III. 26**
 Divisio in infinitum, vid. dividere.
 Docentes an ad veritates omnes tradendas
 sint obligati **L. I. 121. seq.**
 Doctrina probabilioris in physicis per ne-
 cessaria **ib. 37**
 Dolia quomodo vino exhauserit tonitru
III. XI. 23
 Dolor & voluptas sunt affectus à corpore,
 nec datur alius **L. III. 82**
 Dracones volantes **III. XII. 19**
 Dualis Græcorum numeri ratio physica
L. I. 184
 Dua-

INDEX RERUM,

Dualitas infinita & monas Pythagoræ L. I. 18
 Ductilitas auri III. VII. 39
 metallorum III. XIII. 11. 12. 13
 Dulcia quomodo gignant & expectorent
 pituitam III. V. 28. 29
 Dulcium phaenomena ib. 27 seq.
 Duratio æstus maris III. II. 28
 cometarum II. IV. 16
 Durities III. VII. 30. 31
 Dyenteria I. IV. 116

E

versus **E**clipticam quare jam apparent
 cometæ, jam versus polos

L. IV. 15
Echo III. IV. 47. seq.
Ecnephias III. VIII. 35. seq.
Effectus solis
 tonitru mirabiles III. XI. 20. 24
 absque Effectu dari causa probatur L. I. 177
Elaboratio salivæ III. XVI. 39
 bilis ib. 42
 lymphæ ib. 40. 41
 seminis animalis ibid.
 spiritus vitalis in cerebro ib. 46. 47
Elastica omnia sunt corpora I. V. 22. seq.
Elasticum est, quicquid coheret ib. 24
Elasticus quare maxime sit aer ib. 62
 an sit vulgari sensu ib. 87
 mechanice aer non est, nec gravis ib. 96
 motus differt à motu gravitatis ib. 55
Elaeteris mechanici potentia in quo sit sita
ib. 87
Elaeteres mechanici non possunt id præstare,
 quod ipsis attribuitur ib. 87. 88
 impediunt fluiditatem aeris ib. 89
 per Elaeteres mechanici non possunt expli-
 cari antihæ phaenomena ib. 91
Eleatica secta L. I. 22

Elementa vera quodammodo affectus est
 Empedocles L. III. 55
 saltem duo sunt ib. 31. it. L. V. 27
 in corpus coire absque Deo haud
 potuerunt L. V. 26
 quatuor non sunt quatuor prima
 corpora ib. 2
 Ad elementa demonstranda non suffi-
 Catesio naturæ leges L. III. 16
 Elementi definitio nominalis L. V. 2
 Elementis cur duplex motus attribuendus
L. III. 39

& anima sanitas nostra constat L. IV.

104
Ex elementis non potest fieri semen L. I. 2
 Elementorum à principis distinctio ib. 26
 in motu posita natura est, non in figu-
 ra L. III. 6
 motus secundum totam substantiam
ib. 38
 & maxime 42
 materia ib. 46
 tonus ib. 47
 verorum cognitionem quod affectui
 sunt stoici ib. 54
 alterum nihil aliud est, quam ea
 ipsa, quæ ex sole emittitur sub-
 stantia ib. 52
 ex ipsa terra assurgit ib. 33
 duo maria planeta & fixa ibid.
 quidam motus regressivus ad chaos
 suum ib. 38
 Peripateticorum unum sit ex altero
L. V. 3
 definitiones Peripateticæ secundariæ
 sunt, non primariæ ib. 4
 Elevare quis potest 200 librarum pondus
 secundum hypothefin de gravitate ac-
 ri, nec tamen illud sentire ib. 85
 Elliptice moventur planetæ II. III. 12
L. II 11
 Emen-

- Emendationes septem physices** L. I. 15. & sequ. usque ad 56
per Emissionem meram haud sit visio neque per receptionem III. III. 52. seq.
Empedocles quatuor elementa dixit Deum L. II. 10
 vera quodammodo assecutus I. III.
physices conciliatricis primus auctor L. I. 23
Emphaticus color verus III. III. 81. 84
Energumeni L. IV. 93. seq.
 quas praesentes, callent solum loquuntur linguas ib. 98
Energumenus necessario non est, qui prava vel facit vel loquitur ib. 98
de Entre medio inter substantias & accidentia nugæ Gassendi L. I. 3
Enthusiastica visio III. III. 119. seq.
Epicuro familiare *ἡδυσίαι & τρέμος πλίσυτος* II. 1. 7
Epicurus secundum Ciceronem provincias dat atomis L. III. 19
 motum duplicem facit atomorum, fixum & deorsum ibid.
 recte probat animam esse extensam, male refutant Nemesius & Gassendus L. IV. 27
 essentiam animæ in sentiendo ponit ib. 30
 solidissime probat vacuum L. III. 28. it. I. IX. 4
Epidemicæ febres L. VI. 133
Error non est confundendus cum superstitione L. I. 120
Eruditi docentes an ad omnes veritates tradendas sint obligati ib. 121. seq.
Eruditi auscultare debent non eruditi ibid. 142. seq.
 aliter ac ineruditis vitanda superstitio est ib. 143. seq.
Eruditorum divina vocatio ibid.
Essentia animæ L. IV. 48
 in sentiendo ponitur ab Epicuro ib. 30
 spiritus in actione posita ad atheismum ducit ib. 75
Essentiales propositiones non possunt esse exclusivæ ib. 27
Ethnicismi origo II. 1. 28
Exanthematicæ febres L. VI. 133
Excrementum quid III. XII. 17
Excrementa aeris ignes cadentes ibid.
Exempla transmutationis metallorum III. XII. 35. seq.
 in Exhalationibus non consistit natura atmosphaeræ L. V. 54
Existencia materiæ primæ *καὶ ἀδύναμις* & *καὶ ἀλυσίμω* demonstrata L. II. 20. seq.
 Dei vid. Deus
Spiritus probat corpus organicum L. IV. 35
 animæ ib. 44
 spiritus secundum omnes possibilitates primas ib. 73
Existentiæ divinæ magni momenti argumentum non solum tollit, sed & contrarium substituit ib. 76. 77
Expandi magis potest aer, quam comprimere L. V. 60
Expansio & contractio aeris atmosphaerici quomodo fiat ibid.
Experientia recte uti non datur absque solida cognitione physica L. I. 111
Experientiæ soli inhaerens medicus non nisi latinitate ab intelligentiore circulatoro differt ib. 115
Experimenta à Verusamio primum inculcata ib. 36
 causas ut plurimum haud demonstrant, sed causæ effectus ib. 83
 Expe-

INDEX RERUM.

Experimenta antiz secundum nostram hypothesin **L. V. 92. seq.**
Experimentum contra gravitatem aeris
 Pauli de Lamiria **ib. 69**
 Torricellianum **L. V. 93**
 marmorum politorum **ib. 97**
 campanæ urinatoriæ **ib. 99**
 cum vesica campanæ alligata manifeste refutat gravitatem aeris, qualis vulgo supponitur **ib. 64**
 hemisphæriorum cupreorum adversus gravitatem aeris **ib. 70**
 campanæ urinatoriæ vel solum satis refutat gravitatem aeris **ib. 71**
 aquæ in tubulis altius ascendentes **ib. 77**
 cum nive atque sale **ib. 109**
 in experimentorum fabricem degeneravit physica **L. I. 57**
Extensio prior est passioe **L. II. 16**
 sola est accidens, quod omnia reliqua possit admittre accidentia **ib. 31**
 competit spiritui **L. II. 5, 6**
Extensione prior non est soliditas **ib. 34**
 absque Extensione spiritus concipi non potest. **ib. 5. seq.**
Extensionem animæ recte probat Epicurus, male refutat Nemesius atque Gassendus **L. IV. 27**
 in extensione naturam corporis qui ponunt spiritum esse extensum asserere non possunt **ib. 8**
**Extensum dicere spiritum opinio est, quæ nullas incommoditates patit, permul-
 tastollit** **ibid.**
 quid sit **L. II. 45**
Extractio **L. V. 43**

F.

FAbulas in physicam reducens ex Egypto Plato **L. I. 1, 2**

Faculæ solares **L. VI. 134. it. II. II. 8. 9**
 Facultates duæ, intellectus & voluntas, non unius animæ **III. X. VI. 29**
 ex Falsis principiis quomodo verum concludi possit **L. I. 31. seq.**
 ex Falso quomodo sequi possit verum **L. I. 43**
 Fatum **L. VII. 60. it. II. II. 21. 23**
 Febres epidemica, catarrhales, exanthematicæ, periclitantes **L. VI. 33**
 Febris ignea pestis **L. V. 126. seq.**
 Fenestrix quomodo Aquam capiunt **L. I. 38**
 Fermentatio **L. V. 46**
 ventri. ubi educit ideas seminales **L. IV. 56**
 in Fermentatione quomodo generetur acidum **L. VI. 31**
 ante Fermentationem quare mustum, si destilletur, non suppediet spiritum **L. V. 48**
 Fermentationis modus, **L. VI. 47**
 Ferrum **III. XIII. 45. 46**
 ignitum quare vehementius urat igne **ib. L. V. 121**
 a magnete qui imprægnetur **III. I. 34**
 a magnete ex duplici causa attractum **ib. 36**
 Ferri limatura quare ad alterum magnetis polum errigatur, ad alterum deprimatur **ib. 39**
 atmospherula **ib. 33**
 conversio ad polos **ib. 44**
 a Ferro adjutus magnes **ib. 34**
 Ferrifera arbor **L. XIII. 31**
 Fictiones: Cartesio aliisque recentioribus valde familiares in physicis, **L. III. 56**
 mechanicorum per communem intellectum imbecillitatem excusari nequeunt **ib. 120**
 Fictionibus frigidis & jejunis se dant rursus mechanici **ib. 20**
 Fides **L. IV. 88**
L. III. 12
Fig.

INDEX RERUM.

- Figmentis utitur pro hypothesibus (subsidiariis Cartesius [l. III. § 5. it. 56](#))
- Figura indefinita, ac motus indefinitus à Gassendo æque ac Cartesio supponitur [ib. 25](#)
- hæc suppositio puræ possibilitatis nugæ parit [ibid.](#)
- in Figura natura non est posita, sed in motu elementorum [ib. 6](#)
- Figura certa lapidum [III. XIV. 11](#)
- lapidum an sit a herbis petrefactis. [ib. 15. seq.](#)
- sola differunt stellæ cadentes, discurrentes, capræ saltantes, stipulæ ardentes, torres, clypei, faces, dracones [III. XII. 17](#)
- animalis non est delineata in oculo [III. XVI. 29](#)
- quomodo videatur [III. III. 70](#)
- Figuræ visio. [ib. 25](#)
- Filiî mortem mater ad distantiam percipiens [l. VI. 26](#)
- Finis physices. [l. I. 107. seq.](#)
- Finitas corpori essentialis [l. V. 123](#)
- Finni & Lappones ventos vendentes [III. VIII. 45. 46](#)
- Fixa & planeta duo maria elementorum [l. III. 33](#)
- Fixæ & planetæ duæ species corporum [ibid.](#)
- ad Fixæ centrum æther tota sua substantia sicut ad terræ centrum aer rendit. [ib. 42](#)
- Fixæ quid [III. §. 6. 7](#)
- sunt rotidem cælorum suorum soles [ib. 15. 16. 17](#)
- an herbis virtutes suas largiantur. [ib. 24. 25](#)
- Fixarum rotunditas [ib. 10](#)
- lux [ib. II.](#)
- principium movens [ib. 13.](#)
- de Fixis Aristotelæ [ib. I.](#)
- Epicurus [ib. 23.](#)
- Cartesius [ib. 4.](#)
- Flamma quare non accendat pulverem pyrium [l. IV. 121](#)
- Flavus color [III. III. 88](#)
- Flexibilitas [III. VII. 38](#)
- Flos Peruvianus [III. XV. 32](#)
- Flores plenos quomodo ferant in plenilunio transplantata [ib. 33](#)
- Flores iridis [III. XIII. § 1](#)
- Fluida corpora omnia magis efficacia sunt, quam solida [l. II. 38](#)
- quaquaversum premere falsum est [l. V. 74. seq.](#)
- in loco suo nec gravia sunt nec levia [ib. 80](#)
- leviora non premunt in altum graviora [ib. 52](#)
- non sursum premunt & deorsum [ibid.](#)
- ex Fluido in solidum naturæ progressus [l. II. 36](#)
- progressum statuerunt mechanici primi [l. 1. 24](#)
- Fluidis quibusdam quare supernat oleum, quibusdam minus [l. VI. 83](#)
- in Fluidum solidi mutatio [III. VII. 34](#)
- Fluiditas & soliditas secundum Aristotelem [ib. 4. 5](#)
- Cartesium [ib. 2. seq.](#)
- Gassendam [ib. 5](#)
- nos [ib. 29. seq.](#)
- Fluiditatis aliquod instar habent bullulæ aëres. [l. III. 4. 5](#)
- Fluiditatem aeris elateres mechanici impediunt, [l. V. 89.](#)
- Flumina & stagna, quare non sint uti mare, falsa. [III. II. 14](#)
- Fluvii [ib. 20](#)
- de fluxu & refluxu maris elegantem habet hypothesin Cartesius [ib. 5](#)
- Fœmina quæ fiat & masculus [III. XV. 25](#)
- Fœminarum semen probe distinguendum est à liquore vaginali [III. XVI. 23.](#)
- Fe-

INDEX RERUM.

- Fœminini & masculini feminis miscela quid
 efficiat ib. 24
 Fœnum madidum quomodo in ignem e-
 rumpat l. V. 114
 Fœtus formatio mechanica l. IV. 19. seq.
 Fœtum format matris anima III. XVI. 28
 Folia seminalia III. XV. 18. 19
 Follis phænomena I. V. 12.
 Fontes III. I. 15. seq.
 Formam Syllogismi disjunctivi negligit Car-
 tesium l. III. 12
 substantiam activam, animam, naturam,
 Deum, pro synonymis habet Aristote-
 les l. II. 12
 Formatio cordis secundum Cartesium l. IV. 20. 21
 haud mechanica ib. 24
 foetus mechanica Cartesii ib. 19. seq.
 Formatrices idæ ib. 49
 & grati idæ debiliores sunt, quam idæ
 molesti ib. 50
 Fortuna l. VII. 61
 adversa superstitionem auget l. I. 123
 Fovea III. IX. 39
 Fragilitas III. VII. 37. it. l. V. 32
 Fragor bombardarum III. IV. 54. seq.
 tonitrus III. XI. 30
 Frigus l. V. 103. it. l. VI. 21
 & calor quomodo sentiantur III. VII. 26
 quare non accurate sequantur solis pro-
 pinquitatem & remotionem l. V. 103
 quomodo scandulas rectorum crepare
 faciat ib. 106
 an oriatur ab agitatione in certam pla-
 gam ib. 111
 Frigoris & caloris effectus ib. 104
 mutationes III. I. 19
 Fulgur. III. XI. 7
 tonitrus ib. 31. 32
 de Fulgure Aristoteles ib. 2
 Fuligo l. V. 119
 Fulmen secundarium III. XI. 31
 Fulminans aurum gravius autro ex quo
 factum l. V. 33
 Fulmineus lapis III. XI. 33. seq.
 Fundatio academiarum l. I. 30
 Fascinæ chalybeæ phænomena ad sonum
 pertinentia III. IV. 61. seq.
 G.
 G Allus, & alia animalia, quomodo præ-
 nuncient pluvias III. IX. 57
 Gassendus quænam ex Epicuri principiis ad-
 mittat, quæ rejiciat l. III. 21
 æque ac Cartesius, figuram indefinitam
 & motum indefinitum supponit ib. 25
 & Nemesius male refutant animæ ex-
 tensionem, ab Epicuro recte proba-
 tam l. IV. 27
 recte ex Epicuro de rore sentit III. X. 4
 Gassendi nugæ de entre medio inter substan-
 tias & accidentia l. I. 3
 Gemini III. XVI. 30
 Generatio salis l. VI. 42
 alcali ib. 53
 animalium III. XVI. 22. 23
 metallorum III. XIII. 16
 ignis l. V. 113
 plantarum III. XV. 13. seq.
 de Genesi objectiones l. I. 5
 Glacies III. XVI. 30
 Globi igniti cælitus delapsi III. XII. 19
 Globulus ignitus quomodo pondere auge-
 ri videatur l. V. 55
 de Grandine Aristoteles III. IX. 3
 Gassendus ib. 6
 Cartesius ib. 12
 Gradus ætus maris III. II. 29
 temperamentorum I. III. 66
 Gradu differunt temperamenta, non mixtu-
 ra ib. 85
 inter

INDEX RERUM.

- inter Gradum trigefimum latitudinis feptentrionalis & australis, quare (pirent ven-
ti III. VIII. 26
- Græcum Latinumve nomen quare non ha-
 beat ſcorbutus III. II. 39
- Græcorum dualis numeri ratio phyfica I. I.
 184
- Grati idæz I. IV. 49
 & formæ idæz, debiliores ſunt idæz
 moleſti ib. 50
- Grave ut ſit aliquid vel leve extra uni nem-
 eſſe debet I. III. 40
- Graveolentia unde? III. V. 25. ſeq.
- Gravia quomodo moveantur I. V. 51
 peræque omnia ſtatuerre debuiffet Carte-
 ſius I. III. 41
- Gravior quomodo fiat aer compreſſus I. V.
 54
- Gravis & levis aer eſſe videtur, ſed neutrum
 eſt ib. 62
 non eſt aer, nec mechanicæ elæſticus. ib. 96
- Gravium deſcenſus I. VII. 38
- Gravitas I. V. 50
 aucta, & minuta ib. 53. 56.
 an poſſit demonſtrari ad oculum I. 83. 84
 & levis elementis eſſentialis I. III. 42
- Gravitatis motus diſſert a motu elæſt. co I. V.
 55
- Gravitati aeris eum tribuunt effectum,
 quem ne quidem argenti vivi gravitas
 præſtare poſſet ib. 64
- Gravitatem aeris non indicat barometrum
 ib. 94
- corporis ſui vel auget vel minuit atmo-
 ſphæra, prout in loco ſup. eſt, vel mi-
 nus ib. 56
- qualis vulgo ſupponitur, experimentum
 cum veſica, campanæ alligata, mani-
 feſte reſutat ib. 64
- vel ſolum experimentum campanæ ori-
 natoriz ſatis reſutat. ib. 72
- aque quare non ſentiant natantium cor-
 pora I. VI. 75
- tam ſtupendam ſi habeat aer, an ea ideo
 non ſentiantur, quia utrinque premit
 ib. 81
- contra gravitatem aeris Pauli de Lamiria ex-
 perimentum I. V. 65
- ex gravitate aeris ſuppoſita ſequitur, quod
 de gravitate melius ſentit Ariſtoteles
 quam Cartefius I. III. 42
- Gummi I. VI. 77
 quomodo conglutinet corpora ib. 78
- Guſtus atque tactus differentia III. V. 15
diſcrimen quando obſervandum ib. 44. 45
- ad Guſtum ſaliva neceſſaria ib. 19
- Guttæ Apollinis III. XII. 51
- aque petreſactæ III. XIV. 10
- H.
- Habitacula ſecundum plagas mundi conſti-
 tuenda III. 164. ſeq.
- Hælo III. IX. 39
- Hæmelenſium liberi III. V. 75
- Hekna III. XII. 11
- Hepati proſicut quæ III. V. 34
- Hermaphroditus I. IV. 33. II. III. XVI. 25
- Herbz ad virtutes ſuas accipiantur fixæ II.
 124. 25
- Hieroglyphica methodus idololatriam in-
 troduxit I. 129
- Hiſtoria phyſices ib. 1. ſeq.
- Hiſtoriz naturalis, & probabilis ignora-
 tio, duo veteris phyſices impedimenta
 ib. 18
- Homo I. IV. 72
 quare magis delectetur ſuavi odore, quam
 brutum III. VI. 34. 35
- Hominiſ tres partes eſſentiales a veteribus
 aſſertæ III. XV. 27. 28
- Homines & bruta quomodo partem agnam plu-
 viam III. IX. 57
- Ho.

INDEX RERUM.

Nomines qui occidat tonitruum nulla ratione
 nis nota deprehendenda III. XI. 28
 Hominibus antecellunt bruta intellectu pa-
 latus II. V. 23. seq.
 Horomazes, Arimantus & Mithra I. I. 17
 Huetius accusat Cartesium ignorantia logi-
 ces ib. 81
 Humectantia & siccantia medicamenta III.
VII. 51
 Humectatio ib. 44
 Humidus non est aer I. V. 6
 Humoribus semen remiscetur, & immedia-
 te salivæ I. IV. 55
 secundum humores medicamentorum vi-
 res debent concipi non secundum vi-
 scera III. XV. 32. 40
 Hybridæ I. IV. 54.
 Hydrargyrum quare non congelat I. VI. 41
 Hyeme plus virium habet ignis, quam alio
 tempore I. V. 103
 quomodo tonitruum possit contingere III.
XI. 11
 Hylarchicum principium Mortis I. II. 3
 Hypothesium subsidiarum loco figmen-
 tis utitur Cartesius ib.
 Hystericæ mulieres quare suaves fugiant o-
 dores III. VI. 30

I.

Idealis corpora prima I. V. 58
 Ideæ practicae I. IV. 48
 formatrices ib. 49
 mentales ibid.
 corporales ibid.
 grati ibid.
 molesti ibid.
 fortiores quam ideæ grati & formatri-
 ces ib. 50
 corporalis fortiores mentalibus ibid.

seminales per fermentationem ventriculi
 educuntur ib. 56
 in quo consistant III. XV. 12
 molesti in anima conservandæ I. IV. 13
 secundum ideas agere spiritum arguit ib. 37
 Idololatriam hieroglyphica methodus in-
 trodixit I. I. 129
 Idololatriæ origo ib. 126. seq.
 Ignis secundum Cartesium I. V. 10
 Gassendum ib. 58
 noster conceptus ib. 101
 generatio ib. 113
 conservatio ib. 114
 nutrimentum ib. 120
 bullulae perpetuo rumpuntur ib. 110
 virtus lucendi ibid.
 mechanica vulgari ratione, non potest
 expandere corpora ib. 26
 hyeme plus virium habet, quam alio
 tempore ib. 103
 quare libero debeat frui aeris com-
 mercio ib. 116
 initium, calor ib. 59
 quare non tam vehementer urat, quam
 carbo & ferrum ignitum ib. 121
 certo respectu principium divinum I.
II. 27
 fetus secundum Cartesium III. XII. 3
 phosphorus naturalis est ib. 19
seq.
 tonitrualis lambens & urens III. XI. 21
 nutrimentum ib. 16
 Ignes cadentes excrementa aeris III. XII. 17
 lambentes secundum Aristotelem ib.
1.2
 Cartesium ib. 13
 Epicurum & Gas-
 sendum ib. 4. 5
 quid sint ib. 7. seq.
 equorum iubeis capillisque
 pueris

INDEX RERUM.

- puerorum adherentes ib. 14. 15
 non sunt scintillæ ex pal-
 partis quibusdam animalibus emi-
 cantes ib. 6
 Ignem quomodo concipiat sænum madi-
 dum L.V. 114
 pariunt spiritus nitri & therebyn-
 tinæ confusi ibid.
 per ignem mundi consumitio ib. 125
 ab igne gradualiter tanquam differt calor ib.
102
 Ignobiliores bullulæ non sunt capaces a the-
 ris nobilissimi ib. 30
 Ignobilitas & nobilitas bullulæ aeræ I. III.
50
 particularum radiantium ib.
 Ignorantia primum cognitionis principium
I. II. 40
 Imaginatio debilius afficit animam , quam
 signatura I. IV. 86
 magica ibid.
 Immortalitas animæ III. XVI. 56. seq.
 Imperfectio corpori essentialis I. V. 124
 Impossibile ut aliquid pronuncietur, omnes
 naturæ vires callere oportet I. V. 94
 Impressiones matris ib. 50. it. III. XVI. 20.
 it. 27
 Indefinita figura, ac indefinitus motus, a Gal-
 lendo æque ac Cartesio supponuntur I.
III. 25
 hæc supposito puræ possibilitatis
 nugæ parte ibid.
 de Indefinitudine mundi nugæ Cartesii I.
II. 3
 cum Indole nullam habent connexionem
 temperamenta I. III. 80. seq.
 Indux animæ I. II. 3
 Ineruditis aliter ac eruditis vitanda super-
 stitio I. I. 140
 Influxus stellarum II. I. 24
 ventis insanitatem ratione tempera-
 mentorum III. VIII. 47
 in Infinitum numerus potest augeri non ve-
 ro minui I. I. 173. seq.
 processus non datur ibid.
 soli mathematici dividere possunt,
 non item & philosophi I. I. 45
 Infusio animæ haud fit immediate a Deo
L. II. 43. 44. 45
 Inodora & insipida sanitati proficua III.
VI. 41
 Insecta quid III. XVI. 7. it. I. IV. 65. 73
 & alia in ventriculo nata ib. 56
 Infectionum mirabilium rationes ib. 59
 Intelligentes ad magiam ineptiores sunt stu-
 pidis ib. 89
 Intellectio ex nullis materiæ corporisque
 potentiis potest deduci ib. 37
 arguit spiritum ibid.
 in Intellectione rectius ponitur essentia ani-
 mæ , quam inensione ib. 30
 Intelligibilia solum principia habet Aristo-
 teles, neglectis sensibilibus I. II. 30
 Intellectus secundum Cartesium ib. 25
 activus & passivus ib. 43
 ad res mathematicas aptissimus
 ineptus ad res physicas esse potest I. I. 69
 & voluntas non unius animæ
 facultates sunt III. XVI. 29
 Intellectu palatus antecellunt bruta homini-
 bus I. V. 23. seq.
 Interitus naturaliter expers substantia sim-
 plex III. XVI. 37
 Involutrum terræ III. I. 55. it. 27
 Involuntabilitas III. VII. 46. seq.
 Iris III. IX. 23. seq.
 duplex, rorans & vaporosa ib. 28
 inversa ib. 30
 cujus crura inæqualiter ab oculo distant
 ib. 31
 Iris

INDEX RERUM.

- Iris an fuerit ante diluvium *ib. 54. 55*
 Iridis flores *III. XIII. 51*
 de Iride recte sentit Cartesius, non tamen
 adæquate *III. IX. 28*
 Irides concentricæ *ib. 32*
 plures *ib. 33. 34*
 Israelitarum transitus per mare rubrum *III. 11. 35*
- L.**
- Labyrinthi & cochleæ aura selectior est &
 purior aura conchæ *III. IV. 16*
 Lactificatio *III. VII. 36*
 Lac in phthisi an profit *I. IV. 110*
 Lactis vis medicatrix *ibid.*
 Lacus & stagna quare non patiantur æstum
 maris *III. II. 32*
 Lavitas *III. VII. 36*
 Lambentes ignes secundum Aristotelem *III. XII. 1. 2*
 Cartesium *ib. 13*
Epicurum & Gassendum *ib. 4. 5*
 quid sint *ib. 7. seq.*
 equorum jubeis & puerorum
 capillis adherentes *ib. 14. 15.*
 non sunt scintillæ ex quibusdam
 animalibus palparis emicantes
ib. 16.
 Lampas, qua vitrum conficitur *I. V. 117*
 Lapidea medicamenta *I. VI. 94*
 Lapis Bononiensis *III. III. 34. seq.*
 fulmineus *III. XI. 33. seq.*
 ex Lapide vitrum *III. XIV. 7.*
 Lapides sulphur sunt *I. VI. 70*
 quare devorent aves *ibid.*
 viles, pretiosi *III. XII. 16*
 quomodo in medicina prosint *ib. 19. 20.*
 de Lapidibus Aristoteles *ib. 1*
 Cartesius *ib. 2*
- Gassendus *ib. 3*
 nostra sententia *ib. 4. seq.*
 Lapidum certa figura *ib. 11*
 figuræ an sint à herbis petrefactis
 metallorum & mineralium diffi-
 rentia *III. XIII. 9. 10*
 Lappones & Vinni ventos vendentes *III. VIII. 45. 46*
 Latinum vel Græcum nomen quare non ha-
 beat scorbutus *III. II. 39*
 Leges naturæ Cartesii *I. III. 8. seq.*
 ipsi hand sufficient ad sua demon-
 stranda elementa *ib. 16*
 Levia quomodo moveantur *I. V. 51*
 Leviora non possunt in altum premere gra-
 viora *ib. 79*
 Levis non est aer, nec gravis *ib. 62*
 Levitas *ib. 50*
 atque gravitas elementis essentielles de-
 monstrantur *I. III. 42*
 Libonotus Guinpenfis litora constantex per-
 flans *III. VIII. 27*
 Liberi Hamelensium *III. IV. 75*
 Lignum petrefactum *III. XIV. 4*
 putridum, & alia noctu lucentia *III. III. 36. 35*
 Lima quare non calefiat, sed corpus limatum
I. V. 112
 Linguas qui locuti sunt, quas nunquam
 didicerunt *I. IV. 97*
 solum eas loquuntur energumeni, quas
 præfentes callent *ib. 98*
 Liquatio *III. VII. 40. seq.*
 in Liquatione particulæ radiantes non ingre-
 diuntur centra metalli *I. V. 41. seq.*
 ad Liquationem metalli requiritur, ut ar-
 mosphæra ejus ignefcat *III. VII. 43*
 a Liquore vaginali probe distinguendum est
 semen feminarum *III. XVI. 23*
 Ma m m m *Lo-*

INDEX RERUM.

Lcoā sua recipiunt quatuor diverſi liquores
 conſuſi l. V. 52
 Locus quid l. II. X. 20
 ſecundum Ariſtotelem ib. l. I.
 in Loco concluſo quare etiam quadantenus
 ardeat ſulphur l. VI. 76
 abſque Loci aut ſpatii mutatione motus con-
 cipi non poteſt l. IV. 3
 Locuſ illuſis quomodo tonitru conſlet ar-
 gentum III. XI. 22
 Logica omnium diſciplinarum prima cor-
 ruptionem ſubiit l. l. 2
 Carteſii plus nocet philoſophiæ, quam
 Peripatetica ib. 39
 Logices ignorantie ab Huetio accuſatus
 Carteſius l. l. 81
 Logicam abſque ſucceſſu emendare ag-
 greſſus eſt Carteſius l. l. 38
 & doctrinam moralem non item excolue-
 runt protoplaſti, ſed ſolam phyſicam
 l. l. 2
 Lumbricorum terreſtrium viſ antiſpſmo-
 dica l. IV. III.
 Lumen quare fugiant ſpectra l. IV. 101
 non poteſt pyramidaliter incidere in ocu-
 lum III. III. 20. 21
 quomodo moveatur in ſphæram ib. 39
 Luminis natura ib. 27. ſeq.
 propagatio velociſſima ib. 41
 reflexio ib. 43
 refractio ibid. ſeq.
 radii ib. 24. ſeq.
 ad ſingula illius corporis, quod illumi-
 nar, hand diſfunditur puncta ib. 40
 à Lumine differentia ſoni III. IV. 43. 44
 Lunarum motus II. l. 24
 Lux fixarum II. II. 11
 Lucis & umbræ mixtura quot modis fiat III.
 IX. 20. 21
 Lymphæ elaboratio III. XVI. 40. 41

M.
 Maculæ & faculæ ſolares II. II. 89. l. VI.
 134. l. V. 143
 peſtis prænunciæ l. V. 135
 Magia naturalis l. IV. 85
 ad Magiam intelligentes ineptiores ſunt
 ſtupidis ib. 89
 in Magia characteres ibid.
 ſignaturæ ib. 90
 id ſunt animæ quod menti verba ibid.
 de Magia diabolica caute pronunciandum
 III. l. 61
 Magica imaginatio l. IV. 86
 verba quomodo operentur ib. 89
 Magice quoque quædam medicamenta
 profunt, non ſolum mechanicæ, ſed &
 phyſicæ ib. 88. it. 91
 Magnes docet naturæ inſenſibilis majesta-
 tem III. l. 60
 quare polos extra terram habeat contra-
 rios ib. 28
 à ferro adjutus ib. 34
 fortior in regionibus polo adjacentibus
 ibid.
 quæ per craſſa operetur corpora ib. 35
 armatus & non armatus ib. 47
 quare convertatur ad polos ib. 29
 Magnetis natura ib. 28
 poli ib. 30. 31
 declinatio ib. 32
 attractio ib. 33
 polus optimè diſtinguitur per ingreſſum
 & egreſſum ib. 38
 polus vividior ibid.
 polus repellens ib. 42
 ad magnetis alterum polum quare ferri li-
 matura erigatur, ad alterum deprimatur
 ib. 39
 per magnetem ſolum, quare circuletur au-
 ra centralis terræ ib. 35
 à Magne-

INDEX RERUM.

- à Magnete qui imprægnetur ferrum *ib.* [34](#)
 ferrum ex duplici causa attractum *ib.* [36](#)
 Magnetice an cælum cohercat *II. l. 17*
 Magnitudinis visio *III. III. 24*
 Malaciæ circa æquatorem causa *III. II. X. 33. 34*
 Marcasita *III. XIII. 14*
 Maris æstus *III. II. 23*
 quare [24.](#) horis bis recurrat *ib.* [24](#)
 tempus *ib.* [27](#)
 duratio *ib.* [28](#)
 gradus *ib.* [29](#)
 quare in stagnis & lacubus non deprehendatur *ib.* [32](#)
 quare non in maribus Mediterraneo & Balthico *ib.* [33](#)
 de Maris fluxu & refluxu elegantem hypothefin habet Cartesius *ib.* [5](#)
 in Mari ventorum circa æquatorem constantium causa *III. VIII. 24*
 constantes venti quare ex orientali spirent cardine *ib.* [25](#)
 Indico venti reflabri *ib.* [29](#)
 de Mari Aristotelis, Cartesii & Gassendi opiniones *III. II. l. seq.*
 Marmora polita quare certo solum modo facile divellantur *l. V. 87*
 Marmorum politorum experimenta *ib.* [97](#)
 Martis & Veneris vitriolum cur melius communi *III. XII. 8*
 Masculus qui fiat & fœmina *III. XVI. 25*
 Masculini & fœminini seminis miscela quid efficiat *ib.* [24](#)
 Mater filii mortem ad distantiam percipiens *l. VI. 26*
 Matris anima format fœtum *III. XVI. 28*
 Maternæ impressiones *l. IV. 50. III. XVI. 20. it. 27*
 Materia prima quid sit *III. 32*
- Materia prima quid secundum Aristotelem *ib.* [1. it. 14](#)
 non sunt corpuscula *ib.* [18. 19](#)
 an solida, an fluida *ib.* [33](#)
 Deo non coæva *ib.* [40](#)
 substantia est corpori & spiritui communis *ib.* [9](#)
 si est ens passivum, sequitur, quod sit extensa *ib.* [14](#)
 actu debet esse passiva *ib.* [16](#)
 essentialiter, non quantitate differt a secunda *ib.* [17](#)
 non potest esse à se ipsa *ib.* [39](#)
 posterior est causa, quæ a se ipsa est *ib.* [1](#)
 Forma & privatio Aristotelis *l. III. 2. seq.*
 elementorum *ib.* [46](#)
 subtilissima, Cartesianæ philosophiæ palladium *ib.* [18](#)
 ex Materia non factus ab Aristotele perhibetur spiritus, intentione suspecta *l. I. l. 9. it. 13*
 de Materia peccante stimulanda *l. IV. 117*
 Materiam peccantem sentit anima, quam mens non sentit *ib.* [51](#)
 pro Materiæ natura præjudicium de vacuo habet Cartesius. *l. VII. 13*
 Materiæ primæ existentia κατ' αὐθρησις & κατ' ἀλλοθρησις demonstrata. *l. II. 20. seq.*
 ex Materiæ corporisque potentis haud quam deduci potest intellectio. *l. IV. 37*
 Materialitas animæ, ex quo præjudicio asserita. *l. II. 3*
 Mathematica distinctio & claritas diversa à philosophica. *l. I. 48*
 & philosophica divisio. *ib.* [45](#)
 hypothefis, motus impressus. *l. I. 50*
 principia aliquem in physicis locum habent. *ib.* [90](#)
 Mmmmm [2](#) Mathe-

INDEX RERUM.

- Mathematica principia in physicis sunt secundaria.** ib. 91
 - non nisi generales in physicis conclusiones suppeditant. ib. 94. 95
Mathematicæ & philosophicæ rationationis differentia. l. l. 40. usq; ad 56
 methodi ad res philosophicas applicatæ noxa. ib. 52. seq.
Mathematicæ differentia non ideo sunt physice talia. l. ll. 18
Mathematici quare sensum repudiant. l. l. 41
 quare sensui intellectum præferant. ib. 43
 soli in infinitum dividere possunt, non item & philosophi. ib. 45
 à Methodo sua seducti sæpe in philosophicis à particulari concludunt ad universale. ib. 56
 non considerant causas & modos, sed philosophi. ib. 44. seq.
 versantur circa objectum, quod philosophorum objecto, utpote diviniore, vilius est. ib. 69
Mathematicorum definitiones possibiles vitandæ in philosophia. ib. 45
 pleræque omnes definitiones nominales sunt. ib. 46
 modi differunt à philosophorum modis. ib. 51
ad Mathematico-mechanica principia inveniendâ posteros invitavit Pythagoras. ib. 20
 inter Mathematicos rara cum laude vitat Newton, confusionem physices, & matheseos. ib. 50. & 94
Mathesis accurate loquendo non versatur circa corpus, sed circa materiam. ib. 88
Matheseos & physices differentia. ib. 86. seq.
 & philosophiæ distinctio, ratione objecti. ib. 41
ad Mathesin aptissimus intellectus, ineptus ad res physicas esse potest. ib. 69
Mechanica corpora prima duo. l. V. 56
 ignis vulgari ratione non potest expandere corpora. ibid.
 in physicis principia magis cathedræ, quam praxi quadrant. l. III. 23
 physica ideo excogitata, ut divinitas principiorum negari possit. ib. 20
 - - ægre agnoscit miracula. ib. 62
 - - quomodo applausum nacta. ll. l. 29
Minerva invita Cartesius spiritum statuit. l. IV. 14
 secundum Mechanica principia non apparet, quid Deus fecerit. l. l. 106
Mechanicæ physicæ
Mechanice elasticus non est aer nec gravis l. V. 96
 haud formatum cor. l. IV. 24
 & physice non solum quædam medicamenta profunt, sed & magicæ, ib. 88
 it. 91
Mechanici physici. ib. 14
 primi statuerunt progressum naturæ ex solido in fluidum. l. l. 24
 frigidis & jejunis sectionibus se dant turpiter. l. III. 20
 ethnici, omnes sunt athei. ib. 58
 Christiani Deum ad conclusiones advocant. ib. 59
 elateres non possunt præstare id quod ipsis attribuitur. l. V. 87. 88
 - - impediunt fluiditatem aeris. ib. 89
 elateris potentia in quo sit sita. ib. 87
 aeri & aquæ dant provincias. ib. 63.
 & 75
 quare spirales attribuant particulas aeri. ib. 87
 admittere debent, quod pondus trium plus

INDEX RERUM.

- plus minus granorum in altum premar
quantam libræ partem. **L. V. 79**
 sæpe ubi confuderunt fabulam Deum ἀπὸ
 μηχανῆς accerfunt. **ib. 83**
 Mechanicis antiquis spiritus non erat sub-
 stantia, sed abstractum omnis motus.
L. IV. 75
 Mechanicorum motus. **L. II. 20. seq.**
 μηχανικὸν ψιδῶ. **L. V. 76**
 fictiones per communem intellectus im-
 becillitatem excusari nequeunt. **L. III. 120**
 Mechanico-vitalis physica. **L. I. I**
 Mechanicus motus & idealis. **L. VII. 35. 63**
 & physicus tactus. **III. VII. 26**
 Mechanismus mathematicus non est adæ-
 quata phænomenorum physicorum
 causa. **L. I. 81**
 ad atheismum disponit. **ib. 159. seq.**
 à primis philosophis non serio assertus,
 sed superstitioni oppositus fuit. **II. L. 39. 30**
 Mechanismi naturæ repugnat aerem in al-
 tum premere. **L. V. 28**
 Mechanismo omnium physico, tum mathe-
 matico est contraria plantarum actio
 caulis & radicis. **L. IV. 39**
 Medicamenta animalia. **ib. 108. seq.**
 acrimoniam mitigantia. **ib. 114**
 metallica. **ib. 118. III. XIII. 55**
 lapidea. **L. VI. 24**
 quædam non solum mechanicæ & physice
 profunt, sed & magicæ. **L. IV. 88**
ib. 91
 Medicamentorum vires magicæ. **ibid. 91.**
 - - an indicent vegetabilium signa-
 turæ. **ib. 112.**
 - - debent secundum humores ani-
- males concipi; non solum secundum
 viscera. **III. XV. 39. 40**
 - - hætenus observatæ maximam par-
 tem sunt falsæ. **III. XVI. 53**
 Medice vivere, an sit pessime vivere. **L. I. 88**
 in Medicina quomodo profunt lapides. **III. XIX. 19. 20. seq.**
 Medicus sitim & ipsi quilibet potest esse op-
 titimus. **L. I. 186. seq.**
 experientiæ soli inhærens non nisi latini-
 tate ab intelligentiore circulatore dif-
 fert. **ib. 115.**
 Medium percepti soni. **III. IV. 20**
 conjunctionis corporum est **mercurius. I. VI. 22**
 Mel, quid? **III. X. 2**
 quare non fundat spiritum ardentem, sed
 acidum. **ibid.**
 Melancholici. **L. III. 76. I. VI. 27**
 Melancholicum temperamentum. **ib. 76**
 Mellago. **III. X. 10**
 Memoria connexionem habet cum corpore,
 non vero iudicium. **L. III. 84**
 Memoriam non habet anima. **L. IV. 63**
 solam habent bruta. **ib. 64**
 Mens, quid sit Aristoteli. **ibid. 2**
 & anima, qui differant. **ibid. 43**
 bruti atque hominis, qui differant. **ibid. 64. 65**
 haud sentit materiam peccantem, quam
 anima sentit. **ib. 51**
 & anima unde? **III. XVI. 22**
 Mentem principis physicis primus addidit
 Anaxagoras. **L. I. 19**
 in Mentem & animam dividitur spiritus. **L. IV. 43**
 Menti quod verba, id animæ signaturæ. **ib. 90**
 ex Mente & corpore composita substantia
 darinquit. **ib. 73**
 Mmm mm 3 **Mcu-**

INDEX RERUM.

Mentales idæz. I. IV. 49
 - debiliores corporalibus. ib. 50
Mercurius quid sit. I. VI. 19. 21
 medium conjunctionis corporum. ib. 22
 verus aer. ib. 24
 falsus. ibid. 53
 alcali. ib. 57
 sacchari. ib. 58
 terræ. ib. 78
 resinarum. ib. 78
 igneus olei destillati, expressi **acreus**. ib. 81
 tartari. I. III. 59
Mercurium quem habeat aqua. I. VI. 24. 40
 frigoris habet phlegma. ib. 29. it. 34
 nullum habet sal volatile. ib. 65
 igneam habet sulphur inflammabile. ib. 75
 - - habet vitrum. ibid. 71
Mercurio sale & sulphure, quo sensu consentient metalla. III. XIII. 13
 & atmospherulæ corporum odor proxime inhæret. III. VI. 25. seq.
Mercurialis virgula. I. VI. 38
Mesoptrica visio. III. III. 99
Metalla atque mineralia quid. III. XIII. 5.
 seq. 9. & 10. maxime.
 quo sensu sale, sulphure & mercurio consentent. ib. 13
 septem, quo errore statuta. ib. 20
 ignobiliora an in aurum converti cum emolumento possint. ib. 39
Metalli centra particulæ radiantes in liquatione non ingrediuntur. I. V. 41. seq.
Metallici Dæmones. I. IV. 67
Metallica medicamenta. ib. 118. III. XIII. 55
 ex Metallis quomodo acquiratur sal, sulphur & spiritus. ibid. 59
 cur frustra quærat oleum. I. VI. 83
 de Metallis Aristoteles, Cartesius atque Gassendus. III. XIII. 1. seq.
 in Metallis quare nec detur gummi nec resi-

na, nec oleum, nec sal volatile, nectaratus, nec terra, nec acetum, nec aqua. I. VI. 86
 ad Metallum liquationem requiritur, ut atmospherula ejus ignescat. III. VII. 43
Metallorum solutionis modus. I. V. 36. 37. 38
 scoria quid. III. XIII. 23
 oleum, ib. 7
mineralium & lapidum differentia. ib. 9. 10
 ductilitas. ibid. II. 12. 13
 semen, fabula chymistarum. ib. 16.
 generatio. ibid.
 tres ordines. ib. 21
 inter se differentia. ib. 22
 transmutatio. ib. 31. seq.
 modus. ib. 38
 exempla. ib. 35. seq.
Metaphysica abstractio. I. II. 31. seq.
 principia introduxit Aristoteles pro physiciis. I. I. 27
Metaphysicæ physicæ parens Aristoteles. ib. 150
 Metempsychosis Pythagorea III. XIII. 53. 54
Methodus hieroglyphica idololatram introduxit. I. I. 129
Methodi mathematicæ ad res philosophicas applicatæ noxa. ib. 52. seq.
Metu & terrore quomodo contrahatur pestis. I. V. 136
Minerales aquæ. III. XIII. 17
Mineralia & metalla quid. ib. seq. 9. & 10. maxime.
Mineralium tres species. ib. 13. 14
 metallorum & lapidum differentia. ib. 9. 10
 ex Mineralibus quare nullum habeatur sal volatile. I. VI. 66
 Mirabilis flos Peruvianus III. XV. 32
 Miracula quid sint. I. I. 134
 non facile edia Deo. ib. 136
 Miracu-

INDEX RERUM.

- Miracula non debent necessario vires naturæ superare *ib.* [134](#)
 Miraculorum superstitio *ib.* [133](#)
 ad Miraculum sufficit, si aliquid actionis sit immediate a Deo *ib.* [135](#)
 Mithra, Arimanius, & Oromazes *ib.* [17](#)
 Mixtio corporum [L. V. 33](#)
 Mixtionem & solutionem quare promoveat calor *ib.* [45](#)
 Mixtura lucis & umbræ quot modis fiat [III. 20. 21](#)
IX. 20. 21
 venti omnium maxime noxia [III. VIII. 42. seq.](#)
 non mixtura, sed gradu differunt temperamenta [L. III. 85](#)
 Mobile per se & perpetuum [L. VII. 44](#)
 Modus generatorum corporum celestium male a Cartesio traditur [II. III. 23](#)
 causaque auræ centralis terræ [III. 1. 12. seq.](#)
 chrysopeas [III. XIII. 38. seq.](#)
 fermentationis [L. VI. 47](#)
 Modi & causæ ad philosophos spectant, non ad mathematicos [L. I. 44](#)
 mathematicorum differunt a philosophorum modis *ibid.* [51](#)
 tres superstitionis *ib.* [125](#)
 vitandi superstitionem *ib.* [155](#)
 Molesti idæ [L. IV. 42](#)
 fortiores sunt quam idæ grati & formatrices *ib.* [50](#)
 Mollities [III. VII. 30](#) [31](#)
 Monas Pythagoræ & in definita dualitas [L. I. 18](#)
 Monstra [III. XVI. 26. 27](#)
 Moralem doctrinam & logicam non item excoluerunt protoplasti, sed physicam solam [L. I. 2](#)
 in Moralibus quidem haud procedit, quod quis non habet, alteri dare non potest, in physicis constans axioma est [ib. 182](#)
 Morbi corruptio [I. IV. 114](#)
 Morbo longe peiores curæ *ib.* [117](#)
 Morborum symptomata *ib.* [118](#)
 chronicorum causa [III. VI. 41. 42](#)
 ad Morborum curationem quid faciat musica [III. IV. 79. seq.](#)
 Mori (Henrici) objectiones adversus motus definitionem Cartesianam [L. VII. 15](#)
 principium hylarchicum [L. II. 3](#)
 Morsus rabidi canis [L. IV. 55](#)
 tarantulæ *ib.* [61](#)
 Moses veram calluit physicam naturam in Genesi plene delineat [I. 11. 40](#)
 Motus impressus hypothesis mathematica [L. I. 50](#)
 impressionem Cartesius Deo haud serio tribuit *ib.* [161](#)
 circularis an possit esse absque initio *ib.* [179](#)
 non potest applicari ad ordinem causarum *ibid.*
 mechanicorum [L. II. 20. seq.](#)
 in natura triplex [L. III. 34](#)
 haud procedit absque vacuo *ib.* [17](#)
 indefinitus & figura indefinita, à Gassendo æque ac Cartesio supposita puræ possibilitatis nugæ pariunt *ib.* [25](#)
 secundum temperamenta diversimode instituendus *ib.* [88](#)
 duplex attribuendus elementis *ib.* [39](#)
 quidam elementorum regressivus ad chaos suum *ib.* [38](#)
 elementorum secundum totam substantiam *ib.* [38.](#) & maxime [42](#)
 gravitatis & elastici differentia [L. V. 55](#)
 levium quomodo fiat *ib.* [51](#)
 naturæ impediendi modi [L. IV. 15. seq.](#)
 Aristotelica definitio [L. VII. 1](#)
 concipi non potest absque loci aut spatii mutatione *ib.* [3](#)
 Motus

INDEX RERUM.

- Motus æternus** ib. 4
 definitio Cartesiana ne quidem nominata
 lis est, sed arbitraria ib. 9
 modus secundum Cartesium ib. 10
 causa secundum eundem ib. 14
 secundum Epicurum atque Gassendum
 ib. 18. seq.
 quare a Cartesio atque Gassendo non nisi
 passive consideretur ib. 23
 quid sit ib. 24
 essentialis & accidentalis 26. 27
 Deus non est causa immediata ib. 28.
 it. 58
 mechanicus & idealis ib. 35. & 63
 omnis an sit a spiritu ib. 36
 naturalis & violentus ib. 37
 refractus & reflexus ib. 42
 naturalis & voluntarius ib. 55
 causa si non consideretur, abducitur a Deo
 animus ib. 56
 impressio de mundi creatione periculose
 præjudicatur ib. 57
 naturæ investigandi tres modi ib. 60
 pendulorum ib. 40
 projectorum ib. 44
 oscillatorius & tremulus toni III. IV. 28
 musculorum III. XVI. 21
 lunarium II. I. 24
 planetarum ib. 18
 localis II. III. 21
 oceani ab ortu in occasum III. II. 22
 æquationis ibid.
 terræ III. VIII. 32. seq.
 visio III. III. 27
 adversus Motus definitionem Cartesianam
 objectiones Henrici Mori I. VII. 15
 in Motu quod corpus moveatur ib. 26
 non consistit natura caloris I. V. 110
 elementorum posita natura est, non in
 figura I. III. 6
 Motum duplicem secundum Epicurum ha-
 bent atomi sursum & deorsum ib. 19
 Mulieres hysterice quare suaves fugiant
 odores III. VI. 30
 Mulierum & puerorum vox acuta III. IV.
70. seq.
 Mundus non est causa sui ipsius I. I. 170
 non est infinitus I. VIII. 25
 Mundi per ignem consumtio I. V. 125
 spiritus I. II. 42. I. IV. 62
 anima neque statuitur, neque negatur I.
IV. 62
 spiritus non est Deus III. XV. 14
 indefinitudo Cartesii inepta I. II. 3
 de Mundi creatione periculose prædicatur
 motus impressio I. VII. 57
 Mundo coævi an sint cometæ II. IV. 22. seq.
 coæva atraesse cometas, qui statuerint
 ib. 5. 6. 7
 Musculorum motus III. XVI. 21
 Musica quid faciat ad curationem morbo-
 rum III. IV. 79. seq.
 Musicæ in animam effectus ib. 65. seq.
 Mustum, quare ante fermentationem, si
 destilletur, non suppediret spiritum
I. V. 48
 Mutatio a. ris in aquam I. VI. 38
 argenti in aurum III. XIII. 31
 ejus difficultas ib. 41
 circulatoria terræ III. I. 57-58
 absque mutatione loci aut spatii, concipi
 non potest motus I. IV. 3
 Myopes III. III. 21. it. 123
 Mysterium Trinitatis rationi probabile III.
IV. 182

N.

- N**atantium corpora quare gravitatem
 aquæ haud sentiant I. VI. 75
 Natura quid sit I. II. 28
 Natura

INDEX RERUM.

Natura sensibilis & intelligibilis	<u>L. I. 95. it. III.</u>	de Nebula Aristoteles	<u>III. X. 1</u>
	<u>III. 112</u>	Cartesius	<u>ib. 2</u>
luminis	<u>ib. 27</u>	Gassendus	<u>ib. 3</u>
bona differt a temperamento bono	<u>L. IV. 104. 105</u>	rectius sentit Aristoteles reliquis philosophis	<u>ib. 5</u>
quare avorsetur carnes	<u>ib. 108</u>	Nebulæ à nube differentia realis & nominalis	<u>ib. 6</u>
sensibilis simulacrum naturæ intelligibilis	<u>ib. 66</u>	Nebulam adscendentem quæ sequatur pluvia	<u>ib. 14</u>
cœli	<u>II. I. 11</u>	Nebulosi ætis noxa	<u>ib. 15</u>
quare largita sit discrimen saporum	<u>III. V. 42</u>	Newton rara inter mathematicos cum laude evitat confusionem physices & mathematicos	<u>L. I. 50. it. 24</u>
notiora Aristotelis & notiora nobis	<u>L. I. 62</u>	præfagit vera physices principia	<u>L. III. 53</u>
magnetis	<u>III. I. 28</u>	Niger color	<u>III. III. 86</u>
elementorum in motu est posita, non in figura	<u>L. III. 6</u>	Nitri & terebynthinæ spiritus confusi	<u>L. V. 114</u>
in Natura triplex motus	<u>ib. 34. II. II. 14</u>	Nimbus	<u>III. IX. 44</u>
unitas & trinitas	<u>L. I. 184</u>	de Nive Aristoteles	<u>ib. 3</u>
non datur externum vacuum, sed internum	<u>L. VIII. 7</u>	Gassendus	<u>ib. 7</u>
Naturæ ex solido in fluidum progressus	<u>L. I. 11</u>	Cartesius	<u>ib. 12</u>
ex fluido in solidum progressus	<u>L. II. 36. seq.</u>	cum nive atque sale experimentum	<u>L. V. 109</u>
insensibilis majestatem docet magnes	<u>III. I. 60</u>	Nivis stellulæ quatuor, sex, & octodecim radiorum, demonstratæ	<u>III. IX. 49</u>
vires omnes callere oportet, impossibile ut aliquid pronuncietur	<u>L. IV. 24.</u>	Nobilitas & ignobilitas bullulæ aeræ	<u>I. III. 50</u>
motus impediendi modi	<u>ib. 115. seq.</u>	particularum radiantium	<u>ibid.</u>
restringendi tres modi	<u>L. VII. 69</u>	Noctambuli	<u>L. IV. 45.</u>
vires non debent superare necessario miracula	<u>L. I. 134</u>	Noctu non potest generari tonitru	<u>III. XI. 12</u>
Naturam, substantiam activam, formam, animam, Deum, pro synonymis habet Aristoteles	<u>I. II. 12</u>	Notiora nobis & notiora natura Aristotelis	<u>L. I. 62</u>
Moses in Genesi plene delineat	<u>ib. 40</u>	Nubēs planetæ	<u>II. III. 15</u>
ad naturam pertinent semina	<u>L. V. 2</u>	quid	<u>III. IX. 17</u>
Naturalis magia	<u>L. IV. 85</u>	qui suspendatur in atmosphæræ summitate	<u>ib. & seq.</u>
Navicula Fr. Lanzæ	<u>L. V. 57</u>	aquosa & aerea	<u>ib. 43</u>
Nebula	<u>L. VI. 21</u>	de Nube Aristoteles	<u>ib. 1. seq.</u>
		Gassendus	<u>ib. 4</u>
		Cartesius	<u>ib. 8</u>

N u n a n

à Nu-

INDEX RERUM.

a Nube differentia nebulæ realis & nominalis III. X. 6
 Nubium colorum non una est causa III. IX. 2
 Nubila quomodo pariat auster ib. 19
 Numerus in infinitum potest augeri, non vero minui I. I. 174
 Numeri dualis Græcorum ratio physica. ib. 184
 septenarii superstitio II. III. 28
 Nutrimentum ignis I. V. 120
 tonitrualis III. XI. 16
 Nutritio animalium III. XVI. 23. seq.
 plantarum III. XV. 23. seq.
 in Nutritione plantarum aqua corpuscula mutantur in salina, sulphurea, oleosa, spirituosâ ib. 27. 28

O.

O Bjectum physices I. L. 75. & 95
 in Objecto non percipitur sonus, sed in aura III. IV. 21
 ab Occidente vesperti, ab oriente mane quare spirent venti III. VIII. 11. seq.
 Occisorum corpora sanguinem fundentia I. IV. 102
 Oceanus æteus III. I. 13
 quid? III. II. 7
 Oceani falsedo ib. 8
 major falsedo sub æquatore ib. 10
 aqua quare dulcis destillari nequeat ib. 12
 aqua agitata scintillas emittens ib. 13
 motus ab ortu in occasum ib. 22
 æquationis ibid.
 aquam immediate creavit Deus I. II. 26
 Oculi vivus non est cubiculum obscurum III, III. 8, seq.

in Oculo plane visio non fit ib. 10. seq. 20. seq.
 ex Oculo radii emanant ib. 36
 Odor quid III. VI. 13. seq.
 proxime inhæret mercurio & atmosphærulæ corporum ibid.
 suavis & insuavis ib. 24. seq.
 omnis an sit a corporum effluviis ib. 28
 corpusculorum atque corporum ibid.
 nimis propinquorum quare ingratus, ib. 31
 recentium & aliorum ingratus ib. 32
 Odoratorum rectus usus ib. 38. seq.
 pro diversitate temperamenti usus ib. 43
 ad Odoratum quare necessaria sit respiratio ib. 16
 Odore quare destituantur aliqua corpora ib. 18. seq.
 suavi quare magis delectetur homo, quam brutum ib. 34. 35
 de Odore Aristoteles ib. 1. seq.
 Gassendus ib. 5. seq.
 Cartesius ib. 7. seq.
 ad Odores quæ falso referantur ib. 10. seq.
 Odores suaves quare fugiant mulieres hysterice ib. 30
 Oleum quid sit I. VI. 80
 quare congelationis aliquem gradum admittat, quem non admittit spiritus ardens ib. 42
 ex metallis cur frustra quærat ib. 83
 quare quibusdam fluidis supernaret, quibusdam minus. ibid.
 quare non misceatur cum aqua ib. 84
 quare non immediate ardeat I. V. 120
 metallorum III. XIII. 7
 Olei destillati mercurius igneus, expressi æreus I. VI. 81
 de Oleo quid sentiat Aristoteles ib. 4
 in

INDEX RERUM.

in Olea quomodo abeant resinæ [LVL. 79](#)
 Optica doctrina Cartesii longe accuratior
 vulgari [III. III. 7](#)
 Opus ventriculi [LIV. 56](#)
 Oracula [LVI. 86](#)
 Orchides [LIV. 62](#)
 Ordinis causarum argumentum frivole à
 Cartesio rejectum [I. I. 164](#)
 Ordines tres metallorum [III. XIII. 21](#)
 ad Ordinem causarum non potest applicari
 motus circularis [L. 179](#)
 Organici corporis figura non potest esse
 pure mechanica [LIV. 35. 39](#)
 Organicum corpus [ib. 35](#)
 Origo ethnicismi [II. I. 28](#)
 idololatriz [L. I. 126](#)
 ab Oriente quare mane, ab occidente vesperti
 spirent venti [III. VIII. 11. seq.](#)
 Oromazes [L. I. 17](#)
 Ossifraga herba [III. XV. 31](#)
 Ostii pulsatio [III. IV. 56](#)
 in Oculo non delineata est animalis figura
[III. XVI. 29](#)

P.

P Alatus intellectu antecedunt bruta homi-
 nibus [III. V. 23. seq.](#)
 Palingenesis plantarum [LVI. 90](#)
 Papillarum pyramidalium usus in gustu
[III. V. 10](#)
 Paradoxum cordatum hominem neque alli-
 cit neque repellit [LIV. 103](#)
 Parafeline [III. IX. 40](#)
 Παράληξις [III. XIII. 51. seq.](#)
 Parhelius [III. IX. 40](#)
 Parmenides [I. I. 22](#)
 ætherem dixit Deum [L. II. 10](#)
 Partes corporis non possunt esse physica cor-
 poris principia [L. 89](#)

Partes principia corporis dicere, suspecta a-
 theismi propositio est [ibid.](#)
 hominis essentielles à veteribus asser-
 te [III. XVI. 17. 18](#)
 Particula radians æther est, & bullula aer
[I. III. 36. 37](#)
 Particulæ radiantes non possunt subsistere
 inter bullulas se invicem involventes
[L. V. 29](#)
 in liquatione non ingrediun-
 tur centra metalli [ib. 41. seq.](#)
 quomodo transeant ex una
 bullula in aliam [ib. 33](#)
 quomodo & quando centra sua
 mutant [L. III. 43](#)
 Particularum radiantium radii [ib. 48](#)
 nobilitas & ignobilitas
[ib. 50](#)
 commotio & forus [III. 1V. 24](#)
 Particulas spirales cur attribuant aeri me-
 chanici [L. V. 87](#)
 five spirales five ramosas attribuant, non
 intelligi possunt aeris phenomena [ib. 96](#)
 Patrum ecclesiæ Platonismus [L. I. 29. 30](#)
 Passio posterior est extensione [L. II. 161](#)
 Passive solum quare à Cartesio & Gassendo
 consideretur motus [L. VII. 23](#)
 Pauli de Lamiria experimentum contra ae-
 ris gravitatem [L. V. 65](#)
 Pellucida quæ sint, & quomodo corpora
[III. III. 23](#)
 Pendulorum motus [L. VII. 40](#)
 Perfectiones Dei [L. I. 140](#)
 Peripatetica logica, minus nocet philoso-
 phiz quam Cartesiana [ib. 39](#)
 physica metaphysica est non physica
[ib. 64](#)
 Peripateticorum elementorum unum fit ex
 altero [L. V. 3](#)
 Per-

INDEX RERUM.

- Perpetuum mobile ib. **44**
 Peruvianus flos mirabilis III. XV. **32**
 Pestilentialia carbunculi **I. V. 132**
 Pestis ib. **126**. seq.
 febris ignea ib. **129**
 quomodo metu atque terrore contrahatur ib. **136**
 prænuñciæ maculæ & faculæ solares ib. **135**
 Pestem peculiarem habent bruta ib. **131**
 Petechiales febres **I. VI. 133**
 Perrefactum lignum **III. XIV. 4**
 Phænomena antiæ pneumaticæ non possunt per clares mechanicos explicari **I. V. 91**
 barometti secundum nostram hypothe-
 sin ib. **24**
 folks ib. **12**
 amari ib. **34**
 falforum ib. **26**. seq.
 fuscinae chalybeæ ad sonum pertinentia **III. IV. 61**. seq.
 tarantularum ib. **65**. seq.
 saporis alcalici **III. V. 32**
 aromatici ib. **33**
 dulcium ib. **27**. seq.
 Phænomenorum physicorum non est adæ-
 quata causa mechanismus mechanicus **I. I. 81**
 Philosophi versantur circa objectum divi-
 nius, quam mathematici ibid. **69**
 non dividunt in infinitum, sed soli ma-
 thematici ib. **45**
 versantur circa causas & modos, non ma-
 thematici ib. **44**. seq.
 Philosophia Aristotelica superstitionis re-
 ligioni omnium aptissima **I. II. 61**
 propter ignorantiam primorum pro-
 fessorum introducta **I. I. 30. 31**
 in Philosophia omni quas nugæ pepererit
 falsa corporis definitio **I. II. 3**. seq.
 mathematicorum definitiones possibiles
 evitandæ **I. I. 45**
 Philosophiæ Cartesianæ palladium est mate-
 ria subtilissima **I. III. 8**
 plus nocet Logica Cartesii quam peripa-
 retica **I. I. 39**
 atque matheseus distinctio ratione ob-
 jecti ib. **41**
 Philosophiam Aristotelis ex scholis proscri-
 bendam voluit B. Lutherus **I. III. 61**
 ad Philosophiam methodi mathematicæ ap-
 plicatæ noxa **II. I. 52**. seq.
 Philosophis terra pro altero hujus universi
 principio sumitur ib. **6**. & seq.
 a Philosophis primis mechanismus haud
 serio assertus, sed superstitioni opposi-
 tus fuit **II. I. 29. 30**
 Philosophica claritas & distinctio diversa
 à mathematica **I. I. 45**
 Philosophica atque mathematica divisio
 ibid.
 Philosophicæ atque mathematicæ ratio-
 nationis differentia ib. **40**. usque ad **56**
 Philosophorum modi differunt à mathe-
 maticorum modis ib. **51**
 Phlegma **I. VI. 29. 30. 34**
 mercurium frigoris habet ibid.
 Phlegmatici **I. III. 74. 1. 6. 98**
 Phosphorus **III. III. 32. 33**
 naturalis **III. XII. 19**. seq.
 Phthifico an profit lac **I. IV. 110**
 Physica & mechanica vel animans seu vi-
 talis **II. I. 1**
 mechanico-vitalis ibid.
 qua adhuc opus emendatione habeat
 ib. **57**
 in experimentorum fabricem degenera-
 vit ibid.
 Phy-

INDEX RERUM.

- Physica** quid sit. ib. **77**
 non est scientia, sed species probabilitatis ib. **78**
 a Platone probabilium numero fuit habitata ib. **79**
 Divina ib. **29**
 maxime opus habent medici ib. **109**. seq.
 superstitionis antidotus ib. **148**. seq.
 secretior ib. **149**
 Peripatetica Metaphysica est, non physica ib. **64**
 principia ex omnipotentia Dei deducenda sunt, conclusiones vero non item, cuius ipsius contrarium fit a mechanicis ib. **105**
 Aristotelis tuta est ab eruditorum & vulgi odio ib. **64**
 promiscue se habet ad veritatem & falsitatem **l. III. 61**
 principia sunt ab omnium dissentientium philosophorum principiis abstracta ibid.
 mechanica ideo excogitata, ut divinitas principiorum negari possit ib. **20**
 ægre agnoscit miracula ib. **62**
 abstractio **l. II. 31**. seq.
 principia suis principiatis differre qualitate debent ib. **19**
 a Physica quantitatis consideratio non exulat penitus **l. 1. 20**
 Physicæ septem emendationes ib. **15**. & seq. usque ad **56**
 Aristotelicæ *πρωτων ψηδου* ib. **27**. it. **64. 65**
 atque matheseos differentia ib. **86**. seq.
 objectum ib. **75**. it. **95**
 finis ib. **107**. seq.
 veteris duo impedimenta, ignoratio probabilitatis, & historiarum naturalis ib. **18**
 Physicæ utilitas adversus superstitionem & atheismum a Carresianis atque peripateticis dissimulata ib. **108**
 mechanicæ finis ib. **152**
 metaphysicæ parens Aristoteles ib. **150**
 conciliatrix primus auctor Empedocles ib. **23**
 Physicam primus pro scientia habuit Aristoteles ib. **79**
 solam protoplasii excoluerunt, non item logicam aut doctrinam moralem ib. **2**
 in physicam fabulas ex Ægypto reducens Plato ib. **25**
 ad physicam quid contulerit Baco de Verulamio ib. **36**
 ineptus esse potest intellectus ad res mathematicas aptissimus ib. **69**
 Physicæ historia ib. **1**. seq.
 & matheseos confusionem rara cum laude evitat inter mathematicos Newton ib. **50**. it. **94**
 vera principia præfagit idem. **l. III. 53**
 principia debent esse insensibilia **l. 1. 85**
 professorum ignorantia ib. **35**
 absque Physicis solida cognitione experientia recte uti non datur ib. **III**
 Physicæ & mechanicæ non solum quædam profunt medicamenta, sed & magicæ **l. IV. 88**. it. **91**
 Physicus & mathematicus tactus **III. VII. 26**
 Physici mechanici **l. IV. 14**
 Physicis principiis attribui debet certa figura certusque motus **l. III. 25**
 mentem primus addidit Anaxagoras **l. 1. 19**
 in Physicis quid præstiterit Socrates **l. 1. 24**
 Aristoteles ib. **26**
 chymici ib. **32. 33**
 doctrina probabilitatis perneccessaria ib. **37**
 in

INDEX RERUM.

- in *Physicis* constans axioma est, quod
quis non habet, alteri dare non potest,
non item procedit in moralibus *ib.* 182
fictiones Cartesio, aliisque recentioribus,
valde familiares *l.* III. 96
Pro *physicis* metaphysica principia intro-
duxit Aristoteles *l.* I. 27
Pinus *III.* XV. 30
Pisum *l.* IV. 34
Pituita quomodo gignant & expectorent
dulcia *III.* V. 28. 29
Plagæ mundi in constituendis habitaculis
observandæ *III.* l. 64. seq.
Planeta & *Fixa* duo elementorum maria
l. III. 33
Planetæ in cælo haud graves *II.* l. 10
Quid sint *II.* III. 10
sunt corpora aerea *ib.* 11
elliptice moventur *ib.* 12
sunt animalium & vegetabilium habi-
taculum *ib.* 13
habent suas atmosphæras *ib.* 54
nubes *ib.* 15
sunt rotundi, & figuræ ellipticæ *ib.*
17. 18
quomodo circa axin moveantur *ib.* 20
motus localis *ib.* 21
& fixæ, duæ species corporum *l.* III. 33
Planetarum motus *II.* l. 18
de *Planetis* Aristoteles *II.* III. 1
Cartesius *ib.* 2. seq.
Epicurus & Gassendus *ib.* 9
Plantæ *l.* IV. 23
animam habent *ib.* 32. 33. III
XV. f. 6. 7
figura in semine haud delineata *ib.*
habent principium intelligentis *ib.* 33
specificæ, sensu medico *III.* XV. 12
perennantes *ib.* 20
sponte nascentes *ib.* 21. seq.
crescunt ex aqua *ib.* 24. 28
cur terræ inferendæ *ib.* 25
quare ex terra arena mixta felicius cre-
scant *ibid.*
quoque & bruto animam attribuit Ari-
stoteles *l.* IV. 1
Plantam & brutum eadem formare po-
test anima, quæ hominem format
ibid. 48
Plantarum palingenesia *l.* VI. 90
virtus seminalis non consistit in sale *ibid.*
actio caulis atque radicis omni mecha-
nismo, tum physico tum mathematico,
est contraria *l.* IV. 39
radices non efficiuntur terræ resistentia
ib. 40
figura nec in seminis radícula, nec gem-
ma, nec coryledonibus est expressa
ib. 42
partes mechanicæ & organicæ *III.* XV.
11. 12
generatio *ib.* 13. seq.
semina ut crescant, quare aquis hume-
dari debeant *ib.* 14. 15
nutritio *ib.* 23. seq.
vites, in quo sint positæ *ib.* 36. seq.
ad *Plantarum* nutritionem & incrementum
an stellæ concurrant *ib.* 32. 33
in *Plantarum* nutritione aquea corpuscula
mutantur in salina, sulphurea, oleosa,
spirituosa *ib.* 27. 28
Plantas cur non nutriat mera aqua *III.* l. 52
de plantis Aristoteles *ib.* 1
Epicurus *ib.* 2
Cartesius *ib.* 3
contra opinio *ib.* 4
Plato fabulas in physicam ex *Ægypto* redu-
cens *l.* 1. 25
Platonis annus *II.* II. 21
Platonismus patrum Ecclesiæ *ib.* 29
Plato-

INDEX RERUM.

- Platonizat Aristoteles [L. I. 63](#)
in Plenilunio transplantata quomodo flores ferant plenos [III. XV. 33](#)
Plumbum [III. XIII. 47. seq.](#)
 ustum quare levius non uto [L. V. 53](#)
Pluvia [III. IX. 43](#)
 cur insequatur tonitru [III. XI. 18](#)
de Pluvia Aristoteles [III. IX. 1](#)
 Gassendus [ib. 5](#)
 Cartesius [ib. 12](#)
Pluviz per sagas excitatæ [ib. 56](#)
Pluviam quomodo præfagiant homines & bruta [ib. 57. seq.](#)
Polus magnetis vividior [III. I. 38](#)
 distinguitur per ingressum [ibid.](#)
 magnetis repellens [ib. 42](#)
Poli magnetis [III. I. 30. 31](#)
Polo propioribus in regionibus fortior magnes [ib. 34](#)
Polos extra terram quare habeat contrarios magnes [ib. 28](#)
ad Polos quare convertatur magnes [ib. 24](#)
versus Polos quare jam appareant cometæ, jam versus eclipticam [II. IV. 15](#)
ad Polum magnetis alterum quare limatura ferri erigatur, ad alterum deprimitur [ib. 39](#)
Pollux & Castor [III. XII. 11. seq.](#)
Pori corporum [L. VI. 22](#)
 bullulæ majores fiunt atque majores [L. III. 49](#)
ex Poris aquæ solventis quare soluta non iterum elabantur [L. V. 39](#)
Possibile cum probabili confundit Cartesius [L. IV. 20](#)
Possibilitates omnes a Deo in creandis rebus simplicioribus observatæ [ib. 71](#)
Possibilitatis puræ nugæ parit suppositio motus indefiniti & figuræ indefinitæ [L. III. 25](#)
Potentia elateris mechanici in quo sit sita [L. V. 82](#)
ex Potentiis nullis materiæ corporis esse deduci potest intellectio [L. IV. 37](#)
Potofi [L. V. 117](#)
Præcticæ ideæ [L. IV. 48](#)
Præcipitantiæ medicamenta [II. V. 114](#)
Præcipitatio [L. V. 35. 39](#)
Prædicata positiva universalis quare subinde duo sint [L. III. 34](#)
Præjudicia Cartesii [L. I. 38](#)
 de temperamentis [L. III. 77](#)
Præjudicium de vacuo pro natura materiæ habet Cartesius [L. VII. 13](#)
Præster [III. VIII. 38](#)
Precaria permixta habet Cartesius [L. V. 9](#)
Premere simul sursum & deorsum hypothesis est mathematica, non philosophica [L. I. 54](#)
 non possunt corpora fluida leviora, in altum graviora [L. V. 52](#)
 non possunt sursum & deorsum fluida aerem in altum naturæ mechanismi est contrarium [ib. 78](#)
Presbyta [III. III. 92. 123](#)
Primum ibi est, ubi est continuatio [L. I. 173](#)
Principia debent esse substantialia [ib. 80](#)
 physicæ debent esse insensibilia [ib. 85](#)
 corporis prima esse corpora, seu corpuscula, absurdum est [ib. 89](#)
 mathematica aliquem in physicis locum habent [ib. 90](#)
 in physicis sunt secundaria [ib. 91](#)
 in physicis non nisi generales conclusiones suppeditant [ib. 24. 25](#)
 physica ex omnipotentia Dei deducenda, conclusiones vero non item, cuius ipsius contrarium sit a mechanicis [ib. 105](#)
 metaphysica introduxit pro physicis Aristoteles [ib. 27](#)
 Prin-

INDEX RERUM.

- Principia Cartesii comparantur cum al-
 phabeto Græco ib. 42
 sensibilia & intelligibilia ib. 29. seq.
 singularium an possint esse universalia.
ibid. 71
 prima aliquo modo debent esse obscura.
ib. 104. seq. it. I. II. 40
 divina atque naturalia. ibid. 99. it. I.
II. 25. seq.
 - - certo respectu sunt aer atmosphæ-
 ricus & ignis. ibid. 27
 physica differre à suis principiariis qualitate
 debent. ibid. 19
 divina duplicia, primaria & secundaria.
ib. 20
 intelligibilia solum sunt Aristotelis, Car-
 tesii atque Gassendi. ib. 30
 sensibilia solum habent Chymici. ibid.
 magis sunt efficacia suis principiariis. ibid. 38
 Chymica. I. VI. 5. seq.
 Cartesiana & Gassendistica possunt esse à
 seipsis. I. III. 65. 66
 mechanica physices magis cathedræ quam
 praxi quadrant. ib. 23
 Divina dicere, quæ divina haud sint, pe-
 stifera doctrina est. ib. 64
 Principia veterum Chymicorum recentiori-
 bus meliora. III. XIII. 19
 ad Principia mathematico - mechanica in-
 venienda posteros invitavit Pythagoras.
I. I. 20
 Principiis physicis attribui debet certa figu-
 ra certusque motus. I. III. 25
 - - mentem primus addidit Anaxa-
 goras. I. I. 19
 à Principiis distinctio elementorum. ibid. 26
 ex Principiis falsis quomodo verum conclu-
 di possit. ib. 31. seq.
- Principium alterum hujus universi terra. ib. 6. seq.
 Principiorum divisio. I. II. 29
 inadæquatione gloriatur Cartesius. I. II. 42
 divinitas, ut negari possit, excogitata ideo
 physica mechanica est. I. III. 20
 Principium primum cognitionis ignorantia.
I. II. 40
 hylarchicum Mori. ib. 3
 movens fixarum. II. II. 13
 intelligens habent plantæ. I. IV. 33
 Probabile confundit Cartesius cum possibi-
 li. ibid. 20
 Probabilium numero à Platone physica fu-
 it habitata. I. I. 29
 Probabilitatis & historiæ naturalis ignora-
 tio duo impedimenta veteris physica.
ibid. 18
 species est physica, haud scientiæ. ib. 78
 doctrina in physicis pernecessaria. ib. 37
 Processus in infinitum haud datur. ib. 173
 Professio veritatis. ib. 121
 Professorum physices imperitia. ib. 35
 Projectorum motus. I. VII. 44
 Propagatio luminis velocissima. III. III. 41
 Propositiones essentialia non possunt esse
 exclusivæ. I. IV. 27
 Protoplasti physicam solam excoluerunt,
 non item & logicam aut moralem do-
 ctrinam. I. I. 2
 Πρώτην Φύσιν Spinosismi. ib. 46. it. 165
 - - Aristotelicæ physica, ib. 27. it. 64.
65
 - - mechanicorum. I. V. 76
 Prudentia coitus. I. IV. 102. 107
 circa sanitatem. ib. 185
 Pruina quid ? III. X. 12
 secundum Cartesium. ib. 2
Pu-

INDEX RERUM.

Pætorum & mulierum vox acuta. III. IV. 70. seq.

Pulmonis vulpis utilitas. I. IV. 109

Pulsatio ostii. III. IV. 56

Pulvis pyrius quare non accendatur à flamma. I. V. 121

Puniceus color. III. III. 88

à Putredine quomodo præservet sal. I. VI. 51

Putridum lignum & alia noctu luxentia. III. III. 36. 37

Pyramidaliter lumen non potest incidere in oculum. ib. 20. 21

Pyramis optica ab emissis formatur radiis. I. III. 66

Pythagoræ monas & indefinita dualitas. I. I. 18

Pythagoras invitavit posteros ad invenienda principia mathematico-mechanica. ib. 20

Pythagoreæ metempsychosis. III. XIII. 53. 54

Q.

Quæstionem, an sit, debere præcedere quæstionem quid sit, de definitione reali firmissimum axioma est. I. I. 166

Qualitas quid sit. ib. 97

Quantitas mutata non infert mutatam qualitatem. I. II. 19

Quantitatis consideratio non penitus exulat à physica. I. I. 90

Quercus quomodo vario & irregulari progressu disjiciat tonitru. III. XI. 25

Quod quis non habet, alteri dare non potest, constans axioma in physicis est, non item in moralibus. ib. 182

R.

Radians particula æther est, bullula ær. I. III. 36. 37

Radiantes particulae quomodo & quando centra sua mutant. ib. 43.

- - quomodo transeant ex una bullula in aliam. I. V. 33

Radiantium particularum radii. I. III. 48

- - nobilitas & ignobilitas. ib. 50

Radices plantarum non efficiuntur à tertæ resistentiæ. I. IV. 40

Radicula seminis. III. XV. 17

Radii particularum conici sunt aut pyramidales. I. III. 48

possunt se & extenuare & incrassare. ib.

luminis quomodo ex singulis corporis luminosi punctis diffundatur. ib. 38

emissi formant pyramidem opticam. ibid. 66

- - ad singula illius corporis, quod illuminant, haud diffunduntur puncta. III. III. 40

ex oculo emanant. ib. 56

Radium refractione à perpendiculari & ad perpendicularum. ib. 45. seq.

- - per medium convexum. ib. 47

retorsio. ib. 55

inter Rados bullulae aereae aliqua inaequalitate sunt prædictæ. I. III. 37

Ramosae spiralesve licet attribuantur aeri particulae, non possunt intelligi aeris phaenomena. I. V. 96

Ratiocinationis philosophicae atque mathematicae differentia. I. I. 40. usque ad 56

à Ratiocinatione sensio haud separari potest. I. IV. 13

in Rationalem, vegetativam & sensitivam Aristoteles nullibi dividit animam. I. IV. 10

per Receptionem non fit visio neque per emissionem. III. III. 52. seq.

Recursum cometarum. II. IV. 19

Reflexio luminis. III. III. 42

INDEX RERUM.

Reflexio soni	III. IV. 45. seq.	S.
de Refluxu maris elegantem hypothesin habet Cartesius	III. II. 5	
Refractio luminis	I. VII. 54	
radiorum per medium convexum	III. III. 43. seq. ib. 47	
Regio aeris inferior	III. IX. 15	
in Regionibus polo adjacentibus fortior est magnetis	III. I. 34	
Regna tria, animale, vegetabile, mineralis, quo ordine adeunda	I. IV. 12	
Regula prudentiae de temperamentis	I. III. 88	
Regulus antimonii	I. VI. 69 ib. 65.	
Remedium adversus spectra	I. IV. 101	
Requisita scientiae Aristotelica	I. I. 66	
Res sex non-naturales	ib. 185	
Resinae quomodo abeant in olea	I. VI. 78 ib. 79	
quomodo exhibeant sal volatile	ibid.	
Resinarum mercurius	ib. 78	
Respiratio quare ad odoratum sit necessaria	III. VI. 16	
Retorsio radiorum	III. III. 55	
Retorsionis visiva modus visio	ib. 67. seq. ib. 113	
Rorans Iris & vaporosa	III. IX. 28	
de Rore recte sensit Gassendus ex Epicuro	III. X. 4	
Roris absentia quomodo index metallorum	ib. 11	
& pluvia aqua antecellit fluviatilem & fontanam	ib. 16. 17	
Ros quid sit secundum Aristotelem	ib. 7	
Cartesium	ib. 1	
Gassendum	ib. 2	
	ib. 3	
Rotunditas fixarum	II. II. 10	
Rubescolor	III. III. 88	
Saccharum quomodo liqueatur, ardeat, non ardeat, pellucidum fiat, spiritum acidum fundat	I. VI. 56 ib. 57	
Sacchari mercurius	ibid.	
Sagacitas canis	III. VI. 36. 37	
per Sagas excitatae pluviae	III. IX. 56	
Sage	I. IV. 84	
Sal quid sit volatile quomodo a putredine praeservet volatile vel oleum formaliter in se non habet tartarus	I. VI. 45 ib. 64 ib. 51 ib. 61. 62	
volatile nullum habet mercurium	65	
quomodo generetur	ib. 66	
quare nullum habeatur ex mineralibus	ibid.	
quare habeatur ex animalibus	ibid.	
quomodo exhibeant resinae	ib. 79	
quod in coctione fundum petit sulphur atque argentum vivum non sunt mineralia	I. V. 34 III. XIII. 6	
sulphur & spiritus quomodo ex metallis acquiratur	ib. 59	
Sale, Sulphure & mercurio, quo sensu consentient metalla	ib. 13	
de Sale Aristoteles Cartesius	I. VI. 2 ib. 10	
in Sale non consistit virtus seminalis	ib. 90	
ex Sale terra	ib. 56	
omnis sapor	III. V. 12	
cum Sale & nive experimentum	I. V. 109	
Salia quare non agant nisi soluta	I. II. 38	
ad Salia alcalica pertinet terra	I. VI. 58. III. 51	
Salis mercurios	I. VI. 48	
	Salis	

INDEX RERUM.

Salis generatio	ib. 49	stypicus	ib. 38
effectus	ib. 50	de Sapore Aristoteles, Cartesius & Gassendus	ib. 1. seq.
alcalici deliquium	ib. 54	nostra opinio	7. seq.
in Salis destillatione quare terra, vel argilla, vel arena sit addenda	ib. 50	Saporis alcalici phenomena	ib. 32
Saliva ad gustum necessaria	III. V. 13	amari phenomena	ib. 34
Salivæ immediate & humoribus remiscetur semen	L. IV. 55	aromatici phenomena	ib. 33
elaboratio	III. XVI. 39	Saporum species	ib. 18. seq.
Salsa aqua quare non facile congeliet	L. VI. 42	gradualis differentia & compositio	ib. 39
Salsedo oceani	III. II. 8	discrimen quare a natura datum	ib. 42
major sub æquatore	ib. 10	Saturni annulus	II. IV. 26
Salforum phenomena	L. V. 26. seq.	Satyræ	L. IV. 62
Sanchuniatonis fragmentum	L. I. 6	Scholastici	L. I. 31
Sanguificatio	III. XVI. 43	Scientia quid vere sit?	ib. 74
Sanguinei	L. III. 71. l. VI. 99	omnis an procedat ex primis	ib. 67. seq.
Sanguineum temperamentum	L. III. 71 seq.	Scientiæ requisita Aristotelica	ib. 66
non differt à ceteris secundum sanguinis multitudinem, aut faciei colorem	ib. 78	Scorbuti ratio & causæ	III. II. 36. 37
Sanguinis in salem resolutio	III. XVI. 44. 45	in regionibus nostris frequentia causa	ib. 38
Sanguis atque spiritus quinque processibus perficiuntur	ib. 35	curatio	ib. 41
Sanitas nostra duobus constat elementis & anima	L. IV. 104	Scorbutus quare nec Græcum habeat nomen, nec Latinum	ib. 32
Sanitatis respectu sibi quilibet optime consulere potest	L. I. 188. seq.	Scoria metallorum quid	III. XIII. 23
Sanitati inodora & insipida proficua	III. VI. 41	Secretior physica	L. I. 149
in Sanitatem ratione temperamentorum venti influxus	III. VIII. 47. seq.	Secretum in disciplinis	ib. 153
circa Sanitatem prudentia	L. IV. 185	Secta superstitiosa qui atheos fecerit	ib. 152
Sapor omnis ex sale	III. V. 12	atomistarum unde	L. II. 3
non est omne id, quod in lingua percipitur	ib. 14	Secunda materia non quantitate, sed essentialiter differt a prima	ib. 17
gratus & ingratus	ib. 22. seq.	Semen non potest fieri ex elementis	L. I. 2
acris	ib. 35	remiscetur humoribus & immediate salivæ	L. IV. 55
acidus	ib. 36	fœminarum probe distinguendum a liquore vaginali	III. XII. 23
adstringens	ib. 37. 38	metallorum, fabula chymistarum	III. XIII. 16
		Semina plantarum ut crescant, quare aqua humectari debeant	III. XV. 14. 15
		pertinent ad prima corpora	L. V. 2. it. 58
		Ooo oo 2	Semi-

INDEX RERUM.

- Semina** pertinent ad naturam *ibid.* 2
in Semine haud delineata est plantæ figura
I. IV. 41. 42
Seminis radiculæ III. XV. 17
folia seminalia *ib.* 18. 19
animalis elaboratio *ib.* 40. 41
masculini atque foemini miscela quid
efficiat III. XVI. 24
Seminales idæz in quo consistant III. XV. 13
per fermentationem ventriculi educun-
tur *l.* IV. 56
Senectutem qui possint assequi, qui minus
ib. 106
Sensibilia & intelligibilia principia l. II. 29.
seq.
Sensibilibus neglectis intelligibilia solum
principia habet Aristoteles *ib.* 30
Sensio à ratiocinatione haud potest separa-
ri *l.* IV. 13
animæ *ib.* 45
in Sensione essentiam animæ ponit Epicurus
ib. 30
Sensionem cum cogitatione confundit Car-
tesius *ib.* 16
Sensitiva anima commentum Scholastico-
rum *ib.* 12. 13. it. III. XVI. 20
in Sensitivam, vegetativam & rationalem
Aristoteles nullibi animam dividit
I. IV. 10
Sensum quare repudient mathematici l. I. 43
Sensui quare intellectum præferant mathe-
matici *ib.* 43
Septenarii numeri superstitio *II, III. 28*
Serenitas aeris bullulas aniformes & homo-
geneas notas l. V. 94
Series acusticæ *III. IV. 17. seq.*
ad objecta usque protenduntur *ib.*
21
Sex res non-naturales *l.* I. 185
Sexus diversitas unde? *l.* IV. 52
Siccantia & humectantia medicamenta III.
VII. 52
Siccitatem an immitant cometæ III. IV.
28. *seq.*
Signa funesta an sint cometæ *ib.* 28. *seq.*
Signatura fortius afficit animam quam
imaginatio *l.* IV. 86
Signaturæ in magicis *ib.* 90
id sunt animæ, quod menti verba *ibid.*
valent ex impositione Dei *ib.* 112
vegetabilium an vires medicamentorum
indicerent *ibid.*
Simia *ib.* 64
Simile simili semper accedit l. V. 31
Similitudine vitur Cartesius loco demon-
strationis. *III. 13. it. 16* l. V. 11.
12. 13
Simonis P. objectiones de Genesi l. 5
Simplex substantia interitus naturaliter ex-
pers *III. XVI. 17*
Simulacra arretracta an intelligat anima
l. IV. 90
Singularium principia an possint esse univer-
salia l. I. 71
ad singularia an procedendum sit ab univer-
salibus *ib.* 60
Sirenes l. IV. 73. *it. III. XVI. 7*
Socrates quid in physicis præstiterit l. 24
Solida non esse hamulis uncialibus irritata
& connexa *III. VII. 19*
Solidescunt corpora l. III. 41. *it. 41*
ex Solido in fluidum naturæ progressus *l.* I.
11
in fluidum progressum naturæ sta-
tuerunt mechanici primi *ib.* 24
in Solidum ex fluido progressus naturæ l. II.
36. *seq.*
Soliditas non est prior extensione *ib.* 34.
Solida

INDEX RERUM.

- Soliditas & fluiditas secundum Aristotelem**
III. VII. 4. 5
 secundum Cartesium
 ib. 9. seq.
 secundum Gasendum
 ib. 5
 secundum nos ib. 29. seq.
- Soliditatem quid augeat** ib. 33
- Solis propinquitatem & remotiorem quare non sequantur frigus & calor** L. V. 103
- Soluta quare non ex poris aquæ solvantis iterum elabuntur** ib. 39
- Solutio vulgaris** ib. 35
 vera ib. 40
 alchymica ibid.
- Solutionis metallorum modus** ib. 36. 37. 38
- Solutionem & mixtionem quare promoveat calor** ib. 45
- Somnia** L. VI. 89
- in Somniis non presentimus futura** L. IV. 47
- Sonipercepti medium** III. IV. 20
 differentia à tono ib. 27. it. 29
 à lumine ib. 43. 44
 reflexio ib. 45. seq.
- de Sono Aristotelis opinio** ib. 1. seq.
 Gasendus ib. 4.
 Cartesius ib. 5. 6
- Sonus non est commotio aeris** ib. 23. it. 19
 seq.
 est commotio particularum radiantium ib. 24
 impeditus ib. 50. seq.
 non percipitur in objecto, sed in aura ib. 21
- Spasmi** III. XVI. 21
- Spatium quid sit** L. VIII. 16
 universale omnium creaturarum
 est Deus ib. 19
 majus quare occupet aqua congelata L. V. 105
- absque Spatii aut loci mutatione motus**
 concipi non potest I. IV. 3
 de Spatio nugæ Cartesii 1 II. 3
 Species duæ corporum planetæ & fixæ I. III. 33
 saporum III. V. 18. seq.
 Speculum III. III. 108
 convexum & concavum 112
 Spectra L. IV. 99. seq.
 remedium adversus ea ib. 101
 quare fugiant lumen ibid.
- in Sphæram quomodo moveatur lumen** III. III. 39
- Spinosa substantiam ita definit, ut petat conclusionem** L. I. 53
- Spinosa demonstrationum mathematicarum inanitas** L. VIII. 23. 24
- Spinosismi πῶτον ψινδης** L. I. 46. it. 165
- Spirales particulas quare attribuant aeri mechanici** L. V. 87
 ramosæve particulæ licet attribuantur aeri, non intelligi tamen possunt aeris phenomena ib. 96
- Spiritui competit extensio** L. II. 5. 6
 denegari haud potest is conceptus, sine quo non potest cogitari ib. 7
- Spiritum Cartesius invita Minerva mechanice statuit** L. IV. 14
 extensum esse non possunt asserere ii, qui in extensione naturam corporis ponunt ib. 8
 esse corporeum merito suspecta religioni opinio est. ibid.
 extensum dicere opinio est, quæ nullas incommoditates patit, per multas tollit ibid.
 arguit intellectio, sive agere secundum ideas ib. 37
- acidum quomodo fundat saccharum, liquetur, ardeat, non ardeat, pellucidum fiat** L. VI. 57
 quare non fundat tartarus ib. 63
 Ooooo 3

INDEX RERUM.

Spiritus quare non suppediter mustum, si destilleretur ante fermentationem [I.V. 48](#)
ardentem quare non fundat mel, sed acidum [III. X. 9](#)
Spiritus absque extensione non potest concipi [I.IV. 7. I.II. 5. seq.](#)
ex materia non factus perhibetur ab Aristotele, intentione suspecta [ib. 9. & 13](#)
mundi [ib. 42. I. IV. 62](#)
existentiam probat corpus organicum [ib. 35](#)
est substantia intelligens [ib. 38](#)
dividitur in mentem & animam [ib. 43](#)
secundum omnes primas possibilitates existentia [ib. 73](#)
essentia in actione posita ad atheismum seducit [ib. 75](#)
hypothesis Cartesiana [ib. 76](#)
Epicurea [ib. 78](#)
Aristotelica [ib. 79](#)
antiquis mechanicis non erat substantia, sed abstractum omnis motus [ib. 75](#)
an possit moveri violenter [I.VII. 37](#)
tota sua substantia agit [III. XVI. 34](#)
vitalis & animalis [ib. 46. 47](#)
in cerebro elaboratio [ibid.](#)
& sanguis quinque processibus perficiuntur [ib. 35](#)
alius adhuc datur in animalibus nobilioribus præter animam [ib. 8.](#)
seq.
mundi non est Deus [III. XV. 34](#)
chymicus ardens [I. VI. 36](#)
acidus [ib. 32](#)
quare non possit in spiritum ardentem mutari [ib. 30](#)
ardens quare non admittat congelationis gradum, quem admittit oleum [ib. 42](#)
quomodo fiat ex oleo [ib. V. 48](#)
nitri & terebinthinae confusi ignem pariunt [ib. 114](#)
a Spiritu an sit omnis motus [I. VII. 36](#)
Stragna & lacus quare non patiantur æstum maris [III. II. 32](#)
& flumina quare non sint uti mare salia [ib. 14](#)
Stannum [I. XIII. 49. seq.](#)
Stellæ an ad incrementum & nutritionem plantarum concurrant [III. XV. 32. 33](#)
cadentes secundum Aristotelem [III. XII. ib. 2](#)
Cartesium [ib. 3](#)
Gassendum [ib. 45](#)
discurrentes, capræ saltantes, stipulæ ardentes, torres, elypei, faces, dracones, sola figura differunt [ib. 17](#)
novæ [II. II. 18. 19](#)
Stellarum influxus [II. I. 24](#)
Stoici verorum elementorum cognitionem quadrantenus assecuti [I. III. 54](#)
Structuræ auris rationes physicae [III. IV. 30](#)
Stupidi aptiores sunt ad magiam intelligentibus [I. IV. 89](#)
Substantia intelligens est spiritus [ib. 38](#)
quæ ex sole emittitur, est elementorum alterum, alterum ex ipsa terra assurgit [I. III. 32. 33](#)
materiæ primæ est corpori & spiritui communis [I. II. 2](#)
Substantialia debent esse principia [I. I. 80](#)
Substantiam ita definit Spinosa, ut conclusionem petat [ib. 53](#)
activam, formam, animam, naturam, Deum pro synonymis habet Aristoteles [I. II. 12](#)
extensam esse corpus, mollior omnes

omnes

INDEX RERUM.

omnes consentiunt philosophi
 L. V. 1
 Subtilissima materia Cartesiana philosophiæ palladium
 L. III. 18
 Sulphur quid sit
 L. VI. 19. it. 67
 fixum & inflammabile
 ib. 72. 74
 an sit, quicquid ardet
 ib. 73
 quare non ardeat, nisi in fluorem redactum
 ib. 74
 inflammabile mercurium habet igneum
 ib. 75
 quare in loco etiam concluso quodantenus ardeat
 ib. 76
 narcoticum
 ib. 86
 sunt lapides
 ib. 70
 etiam absque commercio liberi aeris ardet
 L. V. 119
 sal & spiritus quomodo acquiratur ex metallis
 III. XIII. 59
 Sulphure, sale & mercurio quo sensu consentient metalla
 ib. 13
 de Sulphure Cartesius
 L. VI. 15
 Superfœtatio
 III. XVI. 30
 Superstitio
 L. I. 118
 seipsam reddit veridicam
 ib. 124
 seq.
 miraculorum
 ib. 133
 diversimode vitanda, aliter eruditatis, aliter ineruditatis
 ib. 143. seq.
 non confundenda cum errore
 ibid.
 120
 numeri septenarii
 II. III. 28
 Superstitionem vitandi modi
 L. I. 155
 auget fortuna adversa
 ib.
 123
 adversus Superstitionem & atheismum utilitas physica, à Peripateticis & Cartesianis dissimulata
 ib. 108
 Superstitioni mechanismus à primis philosophis est oppositus, non serio assertus
 ib. L. 29. 30

Superstitionis tres modi
 L. I. 125
 antidotus physica
 ib. 148
 Supponit Cartesius aliquid, quod fieri nulla ratione potest
 L. VII. 10. 11
 Syllogismi disjunctivi formam negligit Cartesius
 L. III. 12
 Sympathia
 I. VI. 25
 Symptomaticæ curæ
 L. IV. 114
 per *surduzeur* seu retorsionem fit visio
 III. III. 72. 76. seq.

T.

Tactus secundum Aristotelem, III. VII. 1. seq.
 Cartesium
 ib. 6
 Gassendum
 ib. 13. 14
 physicus & mechanicus
 ib. 26
 & gustus differentia
 III. V. 15
 Talisman
 L. IV. 61
 Tarantula
 ib. 55
 Tarantulæ morsus
 ibid.
 Tarantularum phænomena
 III. IV. 65. seq.
 Tartari mercurius
 I. III. 59
 sal quare difficulter mutetur in sal volatile
 ib. 60
 Tartarus
 L. VI. 59
 quare non solvatur nisi in aqua calida
 ibid.
 formaliter in sese non habet oleum, vel sal volatile
 ib. 61. 62
 quare non fundat spiritum acidum
 ib. 63
 quare acidus
 II. V. 39
 Technice summa, quid in dubio exprimant
 L. I. 10
 Technicus terminus aqua
 ib. 12. 14
 Temperamenta quatuor quid sint
 L. III. 70
 nullam habent cum indole connexionem
 ib. 80. seq.
 Tempe-

INDEX RERUM.

Temperamenta gradu differunt, non mixtura
 ra ib. 85
 quæ minime & maxime sint
 morboſa L. IV. 104
 ſecundum Temperamenta venæ ſectio L. III. 89
 motus diverſimode inſtituendus
ib. 88
 pro Temperamenti diverſitate odoratorum
 uſus III. VI. 43
 de Temperamentis præjudicia L. III. 77
 regulæ prudentiæ ib. 88
 a Temperamento bono differt bona natura
L. IV. 104. 105
 Temperamentorum ratione caloris diverſitas
L. V. 140. ſeq.
 gradus L. III. 66.
 ratione influxus venti
 in ſanitatē III. 47
 Temperamentum bonum aliud à natura
 bona L. IV. 104
 ſanguineum L. III. 71. ſeq.
 phlegmaticum ib. 74
 cholericum ib. 75
 melancholicum ib. 76
 ſanguineum non differt
 à cæteris ſecundum ſanguinis mul-
 titudinem aut faciei colorem ib. 78
 cholericum non neceſ-
 ſario facit faciem fulſcam ib. 79
 probe diſtinguendum à morbo
 ibid.
 efficit diverſos diligen-
 tiæ gradus, non vero affectus ib. 81.
 Tempeſtas III. VIII. 20. ſeq. it. 32
 a Tempeſtate venti differentia ib. 8. ſeq.
 Tempus æſtus maris III. II. 27

Terra L. VI. 58 L. III. 51
 pertinet ad ſalia alcalica ibid.
 quare non uniat L. V. 32
 vere mortua non eſt corpus L. III. 51
 immediate a Deo producta L. VI. 26
 technice ſumitur ab antiquis philoſo-
 phis, pro altero hujus univerſi
 principio L. I. 6. & ſeq.
 quid ſit III. I. 9
 magnes eſt ib. 27
 ex ſale ib. 56
 non per ſe facta, ſed à Deo producta
 ib.
 quare ad nutritionem plantæ ſit neceſſa-
 ria III. XV. 25. ſeq.
 aqua, ſalina, ſulphurea ib. 29
 quare non ſolvatur in aqua L. VI. 58
 vel arena, vel argilla, quare in diſtillatione
 ſalis addenda ib. 50
 aut ſal, quod in coctione aut mixtione ad
 fundum deſluit L. V. 34
 Ex Terra arena miſta quare feliciter cre-
 ſcant plantæ III. XV. 25
 Terræ mercurius L. VI. 58
 atmophæra III. I. 51
 involucrum ib. 55. it. 27
 duplices, metallicæ atque vegetabiles ib.
 centralis aura ib. 11. 12
 circulatoria mutatio ib. 52. 58
 cur inferendæ plantæ III. XV. 25
 motus III. VIII. 39. ſeq.
 ad Terræ centrum tendit aer, ſicut ad fixæ
 centrum æther tota ſua ſubſtantia L. 42
 à Terræ reſiſtentia haud efficiuntur radices
 plantarum L. IV. 40
 extra Terram quare polos contrarios habeat
 magnes III. 1. 28
 de Terra Ariſtoteles, Cartefius atque Gal-
 ſendus ib. 1. ſeq.
 Tha-

INDEX RERUM.

Thaletis aqua L. I. 12. 18. 20
 Therebyathina & nitri spiritus confusi
 ignem pariunt L. V. 114
 Tinnitus aurium III. IV. 81
 Tonitru III. XI. 7. seq.
 quomodo hyeme possit contingere ib. 11
 non potest generari ibid. 12
 cur insequatur pluvia ib. 18
 quomodo illæsis oculis conflet argen-
 tum ib. 22
 præcedit calor ib. 13
 quomodo vino exhauserit dolia ib. 23
 quomodo quercus vario & irregulari
 progressu disjiciat ib. 25
 quæ turres & augustissimas quasque petat
 ædes ib. 27
 quæ homines occidat nulla læsionis nota
 deprehendenda ib. 28
 tacti non necessario impii ib. 38. seq.
 de Tonitru Aristoteles ib. 1
 Epicurus & Gassendus ib. 3. 4
 Cartesius ib. 5. 6
 Tonitrualis ignis nutrimentum ib. 16
 lambens & utens ib. 21
 Tonitrus mirabiles effectus ib. 20. 24
 fulgur, ib. 3. 1. 32
 fragor ib. 30
 Tonitru acutus atque gravis III. IV. 17
 quid possit præstare ad erasum corporum
 cognoscendam ib. 78
 Toni musici quare septem ib. 13
 impediti causæ ib. 39. 40
 oscillatorius & tremulus motus ib. 28
 a Tono differentia soni ib. 27. it. 29
 Trabs III. IX. 39
 Tradux animæ non infert corporalitatem
I. II. 45
 Transmutatio metallorum III. XII. 3. 1.
 seq.
 ejus modus ib. 38

Tremor III. IV. 38. 39
 Trinitas naturalis atque Divina L. 1. 15.
 seq.
 & unitas in natura ib. 184
 Trinitatis S. S. mysterium rationi etiam pro-
 babile ib. 183. seq.
 Tritones L. IV. 73. III. XVI. 7
 Trutta L. IV. 62
 Tuxes & augustissimas quasque ædes quæ pe-
 tat tonitru III. XI. 17
 Tympanum perforatum III. IV. 12. 13
 Tympani aura congenita ib. 8
 aura in motu est ib. & seq.
 non est congenita ib. 15
 Typhon III. VIII. 38

U.

Vacuum I. VIII. 21. 22
 interspersum non datur L. III. 29
 solidissime probat Epicurus ib. 28. L.
II. X. 4
 dari non posse Aristoteles contendit I. II. X.
4
 in natura non datur externum, sed inter-
 num ib. 7
 separatum & congregatum ib. 10
 quare negat Cartesius ib. 15
 datur, quod nec dissimulatum est, nec
 congregatum, nec separatum L. V. 61
 per Vacuum omnem divisionem fieri statu-
 unt atomistæ L. III. 26
 absque Vacuo motus haud procedit ib. 17
 de Vacuo præjudicium pro natura materię
 habet Cartesius I. VII. 13
 Vapor L. VI. 21
 equosus duplex III. IX. 13. seq.
 nebulosus s. æcreus ib. 4. seq.
 hujus criterium ib. 5
 Vaporosa & rocanis ib. 28

Ppppp

Va

INDEX RERUM.

- Vas stanneum vel plumbeum cura aqua re-
 pletum haud liquefiat [III. VII. 42](#)
 cupreum, cui pisces fuerunt incocti, cur
 impositam manum haud adurat [ibid.](#)
 Vegetabilium & animalium habitaculum
 sunt planetæ [II. III. 13](#)
 in Vegetativam, sensitivam & rationalem
 Aristoteles nullibi dividit animam
[L. IV. 10](#)
 Velle & volitio [III. XVI. 12](#)
 Venæsectio secundum temperamenta [L. III. 89](#)
 Venefici [L. IV. 84](#)
 Venena quomodo tollant morborum sym-
 ptomata [ib. 118](#)
 Ventriculi opus [ib. 56](#)
 in Ventriculo nata insecta & alia [ibid.](#)
 Ventus quid [III. VIII. 9](#)
 quigignat nubes [III. IX. 19](#)
 Venti a tempestate differentia [III. VIII. 8. seq.](#)
 quare mane ab oriente, vesperi fient ab
 occidente [ib. ii. seq.](#)
 quare Mense Martio sicciores [ib. 17. seq.](#)
 constantes in mari quare ex orientali spi-
 rent cardine [ib. 25](#)
 quare inter trigessimum gradum latitu-
 dinis septentrionalis atque australis
 spirent [ib. 26](#)
 restabari in mari Indico [ib. 29](#)
 constantes quare semper inclinentur ad
 æquatorem [ib. 30. 31](#)
 in sanitatem ratione temperamentorum
 influxus [ib. 47. seq.](#)
 mixtura omnium maxime noxia [ib. 49. seq.](#)
 Ventorum in mari circa æquatorem constan-
 tium causa [ib. 24](#)
 Ventos vendentes Finni & Lappones [ib. 45. 46](#)
 Verba magica quomodo operentur [L. IV. 89](#)
 ad Veritates omnes tradendas an docen-
 tes sint obligati [L. I. 121. seq.](#)
 Verulanius quid in physicis præstiterit [ib. 35](#)
 primum inculcavit experimenta [ib. 36](#)
 Verum quomodo ex falso sequi possit [ib. 43](#)
 Vinum & cerevisia quomodo acefcant
[L. VI. 29](#)
 fracto per conitru dolio stetit integrum
 & compactum [III. XI. 24](#)
 Vires naturæ omnes callere oportet, ut ali-
 quid impossibile pronuncietur [L. IV. 94](#)
 medicamentorum an indicent vegetabi-
 lium signaturæ [ib. 112](#)
 naturæ non necessario debent superare mi-
 racula [L. I. 1. 134](#)
 plantarum in quo positæ sint. [III. XV. 36. seq.](#)
 medicamentorum secundum viscera non
 debent concipi, sed secundum humo-
 res [ib. 39. 40](#)
 Virgæ [III. IX. 42](#)
 Virgula mercurialis [L. VI. 38](#)
 Viridis color [III. III. 82](#)
 Virorum vox gravis [III. IV. 70](#)
 Virtus ignis lucendi [L. V. 110](#)
 feminalis non consistit in sale [L. VI. 90](#)
 Vis divinandæ nec ad præterita se ex tendit,
 nec ad futura [L. IV. 47](#)
 medicatrix læcis [ib. 10](#)
 secundum Viscera medicamentorum vires
 non debent concipi, sed secundum hu-
 mores [III. XV. 39. 40](#)
 Visio plane non fit in oculo [III. III. 10. seq.](#)
 neque per meram emissionem neque re-
 ceptionem fit [ib. 52. seq.](#)
 fit per eurythysiam seu retorsionem [ib. 72. seq.](#)
 distantia [ib. 93](#)
 mag-

INDEX RERUM.

magnitudinis	ib. 24	ve fit aut leve	I. III. 40
figuræ	ib. 95	Unitas & Trinitas in natura	I. I. 184
motus	ib. 27	Universalis an possint esse principia singularium	ib. 71
catoptrica	ib. 108	ab universalibus an procedendum ad singularia sit	ibid. 60
mesoptica	ib. 29	Vocatio divina eruditorum	ib. 143. seq.
retorionis	ib. 113	Volitio & velle	III. XVI. 12
enthusiastica	ib. 119. seq.	& cogitatio differunt	I. IV. 17
de Visione Aristoteles	ib. 1. 2. 3.	a Voluntate non differt essentialiter appetitus sensitivus	III. XVI. 19. it. I. IV. 18
Epicurus & Gassendus	ib. 4. seq.	Voluntas & intellectus non uniusanimæ duæ sunt facultates	III. XV. 29
Cartesius	ib. 8. seq.	Voluptas & dolor sunt affectus a corpore, nec alius datur	I. III. 82
nostra opinio	ib. 23. seq.	Vox articulata	III. IV. 41. 42
Visionis quatuor modi	ibid. 116	gravis virorum	ib. 70
circa Visionis modum vana effugia	ib. 14	Voce vitrum ruptum	ib. 59. seq.
Vitis claviculi, folia, acini aurei	III. XV. 31	Ufus odoratorum pro diversitate temperamenti	III. VI. 43
Vitriolum	ib. 17	papillarum pyramidalium in gustu	III. VI. 43
martis & veneris cur melius communi	ib. 18	Vulpis pulmonis utilitas	I. IV. 109
Vitrum	I. VI. 69	Uva aureos continens acinos	I. II. 35
mercurium habet igneum	ib. 71		
causticum	I. V. 113		
ex lapide	III. XIV. 7		
voce ruptum	III. IV. 59. seq.		
Umbra	III. III. 82. seq.		
Umbra & lucis mixtura quot modis fiat	III. IX. 20. 21		
Unci ulis hamulis ve solida non esse irrita & connexa	III. VII. 19		
Unio animæ cum corpore	I. II. 3		
corporum	I. V. 31. seq.		
non Unio	ibid.		
extra Unionem esse debet, ut aliquid gra-			

W.

Wolffram

[III. XIII. 15](#)

Z,

Zincum

[III. XIII. 15](#)

FINIS.

21817

1

Sphalmata typographica, absente auctore, non penitus evi-
tanda, sunt sequentia.

Pag. 1. §. 1. tam *plana* respiciunt, pro *plane*.

3. §. 7. 65. pro *85*.

7. §. 18. *qualitate* pro *dualitate*.

11. §. 32. in margine: nempe §. 9. pro §. 27.

NB. De hoc capite, quod quodocunque ejus aliquis paragraphus, per totum hunc librum, in margine allegatus, occurrit, fere numerus *duabus unitatibus minor* sit intelligendus v.g. p. 19. §. 54. in margine indicatus est §. 43. intelligendus vero erit §. 41.

Hoc ipsum quidem saepius in indice fuit correctum, quodsi tamen alicubi numerus non videbitur respondere, hac ipsa nota observata, duabus unitatibus minor erit querendus.

15. §. 44. quomodoèunque *constituta*, pro *constitutæ*.

16. §. 47. *indubia*, pro *in dubio*.

18. §. 51. *exteræ* pro *ceteræ*.

19. §. 53. *causæ & affectus*, pro *effectus*.

24. §. 69. *causa & modi*, pro *causæ*.

32. §. 85. per ignem *dicitur*, pro *elicitur*.

40. §. 100. ad hunc enim *sequior*, pro *se-
gnior*.

42. §. 106. hac asserta sequitur *modus*, pro *motus*.

43. Sic ergo Physica, pro *Si*.

46. §. 114. temerarium erat, pro *erit*.

47. §. 116. medicas veras in symptomaticis, pro *à* symptomaticis.

50. §. 124. evadit *superstitionum*, pro *super-
stitiosum*.

53. §. 129. inde vero vulgus, pro *rude* vero
&c. ib. *preffe* pro *expresse*.

55. §. 135. quod *alios*, pro *aliis*.

56. §. 138. vel maxime *errores*, pro *erra-
res*.

Pag. 65. §. 163. ex mala applicatione mathe-
maticæ, pro *methodi* mathematicæ.

68. §. 165. Deus est summe perfectum: ad-
de: *ens*.

69. §. 167. exemplo rationis: adde: *entium*.

79. §. 185. atque *pastum*, pro *potum*.

82. §. 2. illius passionem *subientem*, pro
subeuntem.

87. §. 11. nec clara foret, pro *res* clara.

88. §. 12. *essentia* pro *esse* entia.

89. §. 15. recipere *rationem*, pro *actionem*.

91. §. 19. horumque *secretarius* pro *fiscarius*.

99. §. 37. ex aere *trahit*, pro *trahunt*.

NB. Quæ Germanici ibi extant adscripta,
ad scopum quidem egregie faciunt, a
me vero non sunt adjecta.

100. §. 39. nisi vel ipsum sit *causa*, pro *causæ*.

101. §. 40. *videtur* conclusisse, pro *videntur*.

122. §. 37. *candela* vel *aliter*, pro *alia*.

ibid. ad oculum hæc bullulæ acree: adde
patent. §. 39. *aerea* pro *aere*.

125. §. 44. *cadet* centrum, pro *cedet*.

126. §. 46. *alimentorum*, pro *elementorum*.

127. §. 50. *minia*, pro *nimia*.

128. §. 51. *matera* *meria* pro *materia* *mera*.
ibid. *excitare*, pro *excitandi*.

129. §. 56. aut demonstrationes, pro *ad* de-
monstrationes.

144. §. 89. *ob* hi namque, pro *hi* namque *ob*.

146. §. 3. quo bene opinentur, pro *quod*.

152. §. 17. sub finem *in rem* deletur.

159. §. 32. post *in* secundum finem, deletur
semicolon & ponatur post *in* agens.

ib. §. 34. in margine: de subtilitate Exercit.
adde: CLXXXI. 28.

164. §. 42. *quia* idem pro *quin*.

ibid. *Aut* accedit, pro *Hinc* accedit.

) (

Pag. 164.

Pag. 164. §. 42. *veloculo pro ovulo.*

165. §. 45. nobis *in inficiis*. del. *to* *itu*.

168. §. 54. quicquid hinc *binc*. del. *to* hinc
posterius.

176. §. 72. *judicio desitutus*, pro *desitutus*.

184. §. 92. *Soetica*, pro *Goëtica*.

186. §. 95. *affectus* diaboli, pro *effectus*.

193. §. 109. post *to* pulmonibus proficuum,
insere: *me salem statuo*.

205. §. 13. globulos elementi, adde: *secun-*
di.

207. §. 17. in malo & coroneo. del. *to* &.

209. §. 23. num in aliis, pro *nam*.

213. §. 33. ostendunt *resistentia*, pro *resi-*
stentia.

ibid. ultra *connexum*, pro *convexum*.

214. §. 35. solutorum *solvendæ*, pro *solvendi*.

ibid. solvendi aliquis *radium*, pro *ra-*
dus.

218. §. 43. *opponantur* bullulis, pro *appo-*
nantur.

ibid. §. 44. *extrahentis recipit*, pro *reci-*
punt.

224. §. 56. *circumspecte meditandi*, pro *me-*
ditanti.

226. §. 59. atque sensibilis, pro atque *magis*
sensibilis.

227. §. 60. *coationi*, pro *coactioni*.

235. §. 75. *Modum* suum, pro *motum*.

237. §. 80. (Georg. Sinolar. deleatur paren-

thesis.

238. §. 83. *απὸ μηχανικῆς*, pro *μηχανῆς*.

242. §. 91. illam & veram, pro *ut* veram,

ibid. in margine: §. 54. pro 59.

247. §. 98. debeant *praferri*, pro *proferri*.

ibid. §. 99. De *experimentis*, pro *experimen-*
tis.

256. §. 115. *sal* particularum, pro *sat*.

261. §. 130. sunt *ex* febribus, pro & febr-

bus.

Pag. 265. §. 134. non possunt gignere, pro non
possunt *non* gignere.

273. §. 10. *sen* *phenomena*, pro *si*.

275. §. 15. Sine Cartesio, del. *comma*.

278. §. 21. Mercurius *mineralium* tertii, pro
animalium tertii.

ib. §. 22. respondeant, pori, del. *comma*.

283. §. 31. *debent* degenerare, pro *debeat*.

ib. §. 32. sint *abiura*, pro *abitura*.

286. §. 40. unde ascendit del. *to* unde.

291. §. 54. *haec* aqua, pro *hac*.

298. §. 75. ex eo *fluide*, pro *fluido*.

302. §. 81. cum *alii*, pro *alii*.

ib. in margine: §. 112. pro 116. ibid. §. 118.
pro 120.

310. §. 1. *quam* physice, pro *quem*.

ib. ratio actualis, pro *motio*.

311. §. 3. *quia* non sit, pro *qui* non sit.

321. §. 30. *tota* fuit, pro *data*.

325. §. 37. Sic corpora, pro *si*.

326. §. 38. *operiendus* aer, pro *aperiendus*.

327. §. 42. linea descensus brevior est, *qui* il-

lius, pro *quam* illius.

331. §. 51. unde *si* pila A. pro *si* pila.

ib. in margine: Fig. XX. pro 20.

332. §. 54. medium *lenius* quam *spissius*, pro
tenius.

334. §. 58. plane sit stupidus, pro *nisi* plane.

340. §. 3. *in* *to* *αέρος*, pro *αέρος*.

344. §. 3. primum *ensium*, pro *entium*.

ib. Dei *domicitium*, pro *domicilium*.

356. §. 9. philosophiae *absque* mathecos
pro *atque*.

ibid. *geometrat*, pro *geometris*.

357. §. 11. plerorumque recentiorum: adde:
consensu.

358. §. 14. ita ut & *valorem*, pro *calorem*.

369. §. 2. *πύκνωμα* pro *πύκνωμα*, ibid. *α-*
ντισμῶν pro *αντισμῶν*.

370. §. 5. fixas nos *putamus*, pro *putamus*.

Pag. 372.

Pag. 372. §. 10. sit v. g. *quadtum*, pro *quadratum*.

37. §. 18. Histor. *Eccles.* pro Histor. *Cælest.*

376. §. 19. parum aptam *judicante*, pro *judicantes*.

378. §. 22. errorem *anonymum*, pro *antiquum*.

384. §. 13. & *planeta animalia*, pro & *planeta & animalia*.

397. §. 10. oculum N. *ferit*, pro *seriet*.

ibid. §. 11. qui *efficiunt* oculum, pro *efficiunt*.

399. §. 5. quod refert *Rayle*, pro *Boile*.

419. §. 24. iis *exponantur*, pro *opponantur*.

436. §. 61. nec nisi motum *redauspicetur*, pro nec nisi *moventi jussu*, motum *redauspicetur*.

440. §. 1. id ipsum quoque *de mundo* pro *de mari*.

442. §. 5. circulariter *motus*, pro *mota*.

450. §. 23. non male *hunc* dicat, pro *hinc*.

453. §. 28. defluit *tribus*, pro *tribus*.

468. §. 16. ubicunque *oblatus*, pro *ablatos*.

472. §. 25. bullulam *pratendendo*, pro *prorendendo*.

473. particula *a* duos radios, pro particula *A*.

476. §. 37. tunica *carnea*, pro *cornea*.

481. §. 46. directoris lineæ *c. l.* pro *i. l.*

ibid. radius *g.* cedit in *b.* pro *g.* cedit in *b.*

ibid. a perpendicularo *x. g. l.* pro *x. g. l.*

490. §. 70. tactu polleat *subtilissima*, pro *subtilissimo*.

492. §. 74. in margine *Jabn.* pro *Zabn.*

498. §. 86. concipere colorum, pro *caloris*.

503. §. 99. tandem eo *deveniet*, pro *deveniet*.

504. §. 102. pyramidis refractæ *G. A. C.* pro *G. B. C.*

Pag. 505. §. 103. refracta *B. C. R.* pro *B. C. R.*

509. §. 111. retorsionis *L. O. R.* pro *L. O. R.*

510. §. 113. superficie vitri *c. D.* pro *C. D.*

521. §. 20. carnis atque officium, pro *ossium*.

ibid. §. 21. *objectui* suis, pro *objectis*.

539. §. 60. inæquali colore, pro calore.

540. §. 63. exiguus *admodum* sonus, pro *admodum*.

542. §. 68. hinc nec omnia, pro anima.

543. §. 70. operiatur ratio, pro *aperiatur*.

546. §. 75. magna sit vis *musica*, pro *musica*.

548. §. 81. de auditu *doctrina*, pro *doctrina*.

553. §. 9. Est ergo *sapor*, pro *sapor*.

556. §. 15. per *quas* in has eriguntur, pro per *quos*.

562. §. 31. *anomala* & *styptica*, pro *anomala*.

581. §. 25. primo *munitu* mentis, pro *munitis* mentis.

582. §. 25. Sic *luna*, crines, pro *lana*.

ibid. emicationi *radiatorum*, pro *radiorum*.

603. §. 17. vel *levi fluxione*, pro *flexione*.

ibid. §. 39. cui *altius* *emitti*, pro *immitti*.

611. §. 4. ita in se verum *aerem* probat: *del. to in*.

614. §. 12. *cedat* versus *E.* *pergatque* in *H.* pro *cedit* *pergitque*.

645. §. 40. *Decet* in margine: *Tab. IX. Fig. LXIII.*

656. §. 5. *critericum* est, pro *criterium*.

657. §. 7. *promissa* fermentatione, pro *promissa*.

665. §. 8. quæ tonitru *procreet*, pro *procreant*.

668. §. 14. adjuvat *ventos*, pro *ventus*.

675. §. 19. macula in *visceribus* apparuit, *del. to in visceribus*.

ib. §. 30. tonitru vocatur: adde: *diximus*.

682. §. 2. facile *cadentibus*, pro *cedentibus*.

684. §. 6. *non* tamen alia vere urendo, pro *cum* tamen.

Pag. 684. §. 6. atque solem resolvere, pro salem.
ib. aut atmospherule pro atmospheru-
la.

685. §. 9. propter obviam apicem suum ali-
quo usque, pro propter obvium vacuum,
apicem idum aliquo usque.

695. §. 4. Sic dicas, pro Sc.

701. §. 18. Etsi enim agricola, pro Agricola.

ibid. §. 19. cuprum atque ferrum sulphure
fluido, pro sulphure solido.

711. §. 40. non parere, pro parare.

717. §. 51. ignis fusioris, pro fusionis.

725. §. 10. vacuo undique circumfusi, pro cir-
cumfusa.

726. §. 11. Monebachiensibus pro Maneba-
chiensibus.

729. §. 18. absque imprudentia, pro impu-
dentia.

ib. §. 19. duritia sua, pro duritie.

737. §. 11. Idem haud efficiant, pro efficiant.

747. §. 35. Nam etiamsi Deus, pro Nam si
Deus.

748. §. 38. vel pauciores, pro jam pauciores.

756. §. 14. Neque nimis deterrentur, pro
minis.

759. §. 22. demittitur per tubos, pro tubas.

760. §. 23. sed liquorem solum vaginalem :
adde: esse dico.

Pag. 762. §. 28. quod idem quoque observatur:
deleantur duo puncta, & substituitur
comma.

769. §. 46. & nutritionem esse necessariam,
pro ad nutritionem.

773. §. 55. id vero est de quo aliterum, pro in
aeternum.

780. Ad. V. Dic v. g. si scirem, pro Sic.

790. Ad XXIV. Dicuntur hoc inde sequi, pro
dicunt.

796 ad 43. כקר כי אריות אריות ibid. כקר
בקרבר

798. ubi in §. proximo nempe dixerim, pro
dixeram.

799. In §. sed non solum: hæc verba : Sed
sufficitne, quia plerique physici - - usque
ad, si agenda: minusculis erant imprimen-
da, cum sint adversarii.

800. tam clare apparet quam quod christi-
ma, pro clarissime.

803. ad respondendum promoveri, pro per-
moverit.

In figura XXXI. refractionis non satis
accurate est expressa, qui tamen
defectus nostris demonstrationi-
bus, cum non sint mathematicæ,
sed physicæ, haud adeo obstat.
Vid. Præfat. §. 20.

